

नमो नमो निम्मल दंशणरुस

आगमसुत्ताणि



५

भगवई

पंचमं अंगसुत्तं

संसोहय-संपायग

निपुण निर्यामिक पू. मुनिराज श्री सुधर्म.सागरजु म. ना शिष्य य

मुनि दीपरत्नसागर

બાલ બ્રહ્મચારી શ્રી નેમિનાથજી નમઃ

નમો નમો નિમ્મલ દંતજલ

શ્રી આનંદ-સમા-લલિત-સુશીલ-સુધર્મસાગરગુરુઓ નમઃ

૪૫-આગમસુત્તાણિ

—: સં તો હ ય—સં પા ય ય :—

પૂજ્ય પુનિરાજ શ્રી સુધર્મસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૬૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવિ આગમ-કાર્ય ખાતે)

આગમ શ્રુત પ્રકાશન

■

મુદ્રક

નવપ્રભાત પ્રિન્ટીંગ પ્રેસ ધીકાંટરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

મિષ્ટભાષી જ્ઞાનીવર્ધા શ્રી સૌમ્યગુણાશ્રીજીની પ્રેરણાથી

સ મ્મ દ્ શુ લ્લ રા ળી શ મ છો ય શિ કા

શ્રીમતી નયનાબેન રમેશચંદ્ર શાહ - સપ્તિવાર [વડોદરા]

69959

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયાસહકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા.સમજ્ઞાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજ્ઞાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-પુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ.નયનાબેન, વડોદરા
- ૧૨ શ્રીમતી ત્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્રે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-એહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, ચે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીધરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ સેટ-યોજના શાહક - દાતા ●

૫. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્યોત્તંભભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુણ, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, થાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ ધુલિયાવાળા

- | | |
|------------------------------|-------------------------------|
| ૧ ક્રાંતિલાલ હઝરીલાલ ચોવટીયા | ૨ સંઘવી રતનલાલ ભગવાનદાસ રાઠોડ |
| ૩ મધુમતી રાજેબ રેદાસની | ૪ સરલાબેન રમેશચંદ વોરા |
| ૫ સુમનબાઈ બાલચંદજી ચોરડીયા | |

- ૬ અ.સૌ.હંસાબેન ઉત્તમલાલ સુખડીયાના વર્ષિતમ નિમિત્તે ઉત્તમલાલ રતીલાલ રાણપુરાવાળા તરફથી
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (અમવંચલી) નંદુરબાર
૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર
૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર શ્વે. મૂર્તિ સંધના આવિકાબહેનો નંદુરબાર
૪ સા. સમજ્ઞાશ્રીજીની પ્રેરણાથી - શાહ યુનિલાલજી શિવલાલજી, સોનગીર
૫ સુખડીયા ચત્રભુજ જગયોહનદાસ હ. વીરાભાઈ - ઘોરાજી
૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ
૭ સા. શ્રી સૌમ્યગુણાશ્રીજીની પ્રેરણાથી રમેશચંદ મનસુખલાલ શાહ, અમદાવાદ
૮ સા. શ્રી સૌમ્યગુણાશ્રીજીની પ્રેરણાથી શ્રીમતી જસુદબેન લક્ષ્મીચંદ મેતા, હ.ઈન્ડુભાઈ દામાણી, સુરત
૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોધાભાઈ પરિવાર હ. બાણુબેન, રામપુરા
૧૦ પૂ. આગમોદ્ધારકશ્રીના સમુદાયના દીર્ઘસંયમી વિદુષી સા. શ્રી સુતારાશ્રીજી અમનગરવાળાના ઉપદેશથી તથા તેમના પટ્ટશિષ્યાની પુનિત પ્રેરણાથી
૧૧ ભોગીલાલ ત્રીભોવનદાસ શાહ, હ. નમનાબેન, વડોદરા

૧૨ સંગીતા અજમેરીયા - મોરબી

● ૪૫ બામઅસેટ ચોજના-નામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા
૩. સા. શ્રી સમજ્ઞાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા
૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા
૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર
૬. માણેકબેન શાહ- વડોદરા
૭. શોભનાબેન શાહ - વડોદરા


[5]

-: અ-મા-રા- પ્ર-કા-શ-નો :-

- [૧] અભિનવ હેમ લઘુપ્રક્રિયા -૧- સસાહ વિવરણમ્
- [૨] અભિનવ હેમ લઘુપ્રક્રિયા -૨- સસાહ વિવરણમ્
- [૩] અભિનવ હેમ લઘુપ્રક્રિયા -૩- સસાહ વિવરણમ્
- [૪] અભિનવ હેમ લઘુપ્રક્રિયા -૪- સસાહ વિવરણમ્
- [૫] કૃદન્તમાલા
- [૬] ચૈત્યવન્દન પર્વમાલા
- [૭] ચૈત્યવન્દન સહગ્રહ - તીર્થજિનવિશેષ
- [૮] ચૈત્યવન્દન ચોવિંશી
- [૯] શત્રુઞ્ચ મક્તિ [આવૃત્તિ-દો]
- [૧૦] અભિનવ જૈન પદ્માહ - ૨૦૪૬
- [૧૧] અભિનવ ઉપદેશ પ્રાસાદ -૧- શ્રાવક કર્તવ્ય - ૧ થી ૧૧
- [૧૨] અભિનવ ઉપદેશ પ્રાસાદ -૨- શ્રાવક કર્તવ્ય - ૧૨ થી ૧૫
- [૧૩] અભિનવ ઉપદેશ પ્રાસાદ -૩- શ્રાવક કર્તવ્ય - ૧૬ થી ૩૬
- [૧૪] નવપદ-શ્રીપાલ- [શાશ્વતી ઓળીના વ્યાખ્યાન રૂપે]
- [૧૫] સમાધિમરણ [વિધિ-સૂત્ર-પદ્ય-આરાધના- મરણભેદ-સંગ્રહ]
- [૧૬] ચૈત્યવંદનમાળા [૭૭૮ ચૈત્યવંદનો નો સંગ્રહ]
- [૧૭] તત્ત્વાર્થ સૂત્ર પ્રબોધટીકા [અધ્યાય-૧]
- [૧૮] તત્ત્વાર્થ સૂત્રના આગમ આધાર સ્થાનો
- [૧૯] સિદ્ધાયલનો સાથી [આવૃત્તિ-બે]
- [૨૦] ચૈત્યપરિપાટી
- [૨૧] અમદાવાદ જિનમંદિર ઉપાશ્રય આદિ રિરેક્ટરી
- [૨૨] શત્રુઞ્ચ ભક્તિ [આવૃત્તિ-બે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચારિત્ર પદ એક કરોડ જાપ નોંધપોથી
- [૨૫] શ્રી બારવ્રત પુસ્તિકા તથા અન્ય નિયમો [આવૃત્તિ-ચાર]
- [૨૬] અભિનવ જૈન પંચાંગ- ૨૦૪૨; [સર્વ પ્રથમ, ૧૩ વિભાગોમાં]
- [૨૭] શ્રી જ્ઞાનપદ પૂજા
- [૨૮] અંતિમ આરાધના તથા સાધુ સાધ્વી કાળધર્મ વિધિ
- [૨૯] શ્રાવક અંતિમ આરાધના [આવૃત્તિ-ત્રણ]
- [૩૦] વીતરાગ સ્તુતિ સંચય [૧૧૫૧-ભાવવાહી સ્તુતિઓ]
- [૩૧] (પૂજ્ય આગમોદ્ધારકશ્રીના સમુદાયના) કાયમી સંપર્ક સ્થળો
- [૩૨] તત્ત્વાર્થાધિગમસૂત્ર અભિનવટીકા- અધ્યાય-૧
- [૩૩] તત્ત્વાર્થાધિગમસૂત્ર અભિનવટીકા - અધ્યાય-૨
- [૩૪] તત્ત્વાર્થાધિગમસૂત્ર અભિનવટીકા- અધ્યાય-૩

[6]

- [३५] तत्पार्थाधिगम सूत्र अभिनवटीका- अध्याय-४
 [३६] तत्पार्थाधिगम सूत्र अभिनवटीका- अध्याय-५
 [३७] तत्पार्थाधिगम सूत्र अभिनवटीका- अध्याय-५
 [३८] तत्पार्थाधिगम सूत्र अभिनवटीका- अध्याय-७
 [३९] तत्पार्थाधिगम सूत्र अभिनवटीका- अध्याय-८
 [४०] तत्पार्थाधिगम सूत्र अभिनवटीका- अध्याय-८
 [४१] तत्पार्थाधिगम सूत्र अभिनवटीका- अध्याय-१०



[४२] आयातो	[आगमसुत्ताणि-१]	पढमं अंगसुत्तं
[४३] सूयगडो	[आगमसुत्ताणि-२]	वीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपत्रत्ति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पढमं उवंगसुत्तं
[५४] रायपसेणियं	[आगमसुत्ताणि-१३]	वीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपत्रत्ति	[आगमसुत्ताणि-१६]	पंचमं उवंगसुत्तं
[५८] चंदपत्रत्ति	[आगमसुत्ताणि-१७]	छट्ठं उवंगसुत्तं
[५९] जंबूद्वीपपत्रत्ति	[आगमसुत्ताणि-१८]	सत्तमं उवंगसुत्तं
[६०] निरयाबलियाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२०]	नवमं उवंगसुत्तं
[६२] पुफियाणं	[आगमसुत्ताणि-२१]	दसमं उवंगसुत्तं
[६३] पुप्फवूलियाणं	[आगमसुत्ताणि-२२]	एक्करसमं उवंगसुत्तं
[६४] वणिहदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पढमं पईण्णमं
[६६] आउरपच्चक्खाण	[आगमसुत्ताणि-२५]	वीअं पईण्णमं
[६७] महापच्चक्खाण	[आगमसुत्ताणि-२६]	तइअं पईण्णमं
[६८] भत्त परिण्णा	[आगमसुत्ताणि-२७]	चउत्थं पईण्णमं

[7]

[૬૯] તંદુલવેયાલિયં	[આગમસુત્તાણિ-૨૮]	પંચમં પર્વણગં
[૭૦] સંધારાગં	[આગમસુત્તાણિ-૨૯]	છટ્ઠં પર્વણગં
[૭૧] મચ્છાચાર	[આગમસુત્તાણિ-૩૦-૧]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧]	અદ્ઠમં પર્વણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્વણગં-૨
[૭૭] નિસીહ	[આગમસુત્તાણિ-૩૪]	પદ્મં છેયસુતં
[૭૮] બુહત્ કપ્પો	[આગમસુત્તાણિ-૩૫]	વીઅં છેયસુતં
[૭૯] વવહાર	[આગમસુત્તાણિ-૩૬]	તદ્અં છેયસુતં
[૮૦] દસાસુયક્કથં	[આગમસુત્તાણિ-૩૭]	ચરત્થં છેયસુતં
[૮૧] જીયક્કપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પભાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદ્મં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસત્તં-૨
[૮૭] દત્તવેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩]	ચરત્થં મૂલસુતં
[૮૯] નંદીસૂયં	[આગમસુત્તાણિ-૪૪]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫]	વિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો ડ્રાફ્ટ આપીને જ સેટ મેળવી શકશો.

[8]

-: પરિસિદ્ધ-નિદંસણ :-

- ૧ પદ્મં પરિસિદ્ધં - “વિસયાણુક્કમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશ્ચિકા છે. જે માટે અમારું ભાવિ પ્રકાશન “૪૫-આગમ બૃહત્ વિસય કોસ” જેવું.
- ૨- લીયં પરિસિદ્ધં “વિસિદ્ધ સદાણુક્કમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્યં પરિસિદ્ધં- “વિસેસ નામાણુક્કમો”
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ... વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચડત્યં પરિસિદ્ધં - “ગાહાણુક્કમો”
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધં “સુતાણુક્કમો”
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેડ સૂત્રો અને ચંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફંડ (૩) ઋષભદેવ કેસરીભલ મેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - બૃહત્કવ્યો - પૂ. પુન્યવિજયજી મ. સંપાદિત, નિસીહ-પૂ. કનૈયાલાલજી સંપાદિત, વચહાર, પૂ. મુનિ ખાજેક સંપાદિત, જીયકવ્યો. પૂ. જીનવિજયજી સંપાદિત છે મહાનિસીહ ની વૃત્તિનથી. દસાસુવક્ષંધ ની ચૂર્ણિજ મળી છે. માટે તેનું ક્રમાંકન થઈ શકેલ નથી.

—: गंधाणुककम :—

सत-कमको	वगो/सत	उदेसक	सुत	गाढा	अणुककम	पिटंको
१	—	१०	१-८३	१-१८	१-१०४	३-३७
२	—	१०	८४-१२३	१९-२२	१०५-१५०	३७-५६
३	—	१०	१२४-१७०	२३-३०	१५१-२०६	५७-८७
४	—	१०	१७१-१७४	३१-३३	२०७-२१४	८७-८८
५	—	१०	१७५-२२७	३४-३६	२१५-२७१	८८-१०९
६	—	१०	२२८-२५८	३७-५२	२७२-३२६	१०९-१२४
७	—	१०	२५९-३०७	५३-५६	३२७-३८०	१२४-१४४
८	—	१०	३०८-३५९	५७-५९	३८१-४३७	१४४-१८२
९	—	३४	३६०-३९२	६०-६१	४३८-४७३	१८२-२१६
१०	—	३४	३९३-४०७	६२-६५	४७४-४९३	२१६-२२४
११	—	१२	४०८-४३५	६६-७१	४९४-५२८	२२५-२४९
१२	—	१०	४३६-४६८	७२-७३	५२९-५६६	२४९-२७५
१३	—	१०	४६९-४९८	७४-	५६७-५९५	२७५-२९२
१४	—	१०	४९९-५३८	७५-	५९६-६२६	२९२-३०६
१५	—	—	५३९-५६१	—	६३७-६५९	३०६-३३४
१६	—	१४	५६२-५९०	७६-	६६०-६९२	३३५-३४७
१७	—	१७	५९१-६१६	७७-	६९३-७२०	३४७-३५५
१८	—	१०	६१७-६४८	७८-८०	७२१-७५७	३५५-३७२
१९	—	१०	६४९-६६२	८१-८५	७५८-७७८	३७२-३७९
२०	—	१०	६६३-६८८	८६-	७७९-८०५	३७९-३९५
२१	८	१०	६८९-६९१	८७-	८०६-८२१	३९५-३९८
२२	६	—	६९२-	८८-	८२२-८२८	३९८-३९९
२३	४	—	६९३-	८९-	८२९-८३४	३९९-४००
२४	—	२४	६९४-७१६	९०-९२	८३५-८६०	४००-४३१
२५	—	१२	७१७-८१०	९३-१०७	८६१-९७४	४३१-४६७

२

सत-कर्मको	वर्णो/सत	उद्देशक	सुत	गाहा	अणुक्रम	पिट्ठको
२६	—	११	८११-८१८	१०८-	९७५-९९०	४६७-४७१
२७	—	११	८१९-	—	९९१-	४७१-
२८	—	११	८२०-८२२	—	९९२-९९४	४७१-४७२
२९	—	११	८२३-८२४	—	९९५-९९७	४७२-४७३
३०	—	११	८२५-८२९	—	९९८-१००२	४७३-४७७
३१	—	२८	८३०-८४२	—	१००३-१०१५	४७७-४७९
३२	—	२८	८४३-८४४	—	१०१६-१०१७	४८०-
३३	१२	११	८४५-८५०	—	१०१८-१०३२	४८०-४८२
३४	१२	११	८५१-८५५	—	१०३३-१०४३	४८२-४९०
३५	१२	११	८५६-८६०	—	१०४४-१०५७	४९०-४९४
३६	१२	११	८६१-	—	१०५८-१०६०	४९४-४९५
३७	—	—	८६२-	—	१०६१-	४९५-
३८	—	—	८६३-	—	१०६२-	४९५-
३९	—	—	८६४-	—	१०६३-	४९६-
४०	२१	—	८६५-८६६	—	१०६४-१०६७	४९६-४९९
४१	—	१९६	८६७-८६८	—	१०६८-१०७९	४९९-५०२
परिसेस	—	—	८६९-	१०९-११४	१०८१-१०८७	५०२-५०३

परिसिट्ठ-निदंसण

क्रम	परिसिट्ठ	पिट्ठको
१	दितपाणुक्रमो	८
२	विसिट्ठसद्विणुक्रमो	८
३	विसेस नामाणुक्रमो	८
४	गाहाणुक्रमो	८
५	सुताणुक्रमो	८

नमो नमो निम्न दंशणस्त
पंचम गणधर श्री सुभर्मास्वामिने नमः

५	भगवई
	अवरनाम - विवाह पन्नति

पंचमं अंगं

षष्ठमं संतं

—: प ढ मो—उ हे तो :—

(१) नमो अरिहंताणं नमो सिद्धाणं नमो आयरियाणं नमो उवज्झायाणं नमो
लोए सव्वसाहूणं ।१।-१

(२) नमो बंभीए लीयीए ।२।-२

(३) रायगिह चलण दुक्खे कंखपओसे य पगइ पुढवीओ
दजावंते नेरइए बाले गुरुए य चलणाओ

॥१॥-१

(४) नमो सुयस्स ।३।-३

(५) तेणं कालेणं तेणं समएणं रायगिहे नाम नयरे होत्था-वण्णाओ तस्स णं रायगिहस्स
नगरस्स बहिया उत्तरपुरत्थिमे दिसीमाणे गुणसिलए नामं चेइए होत्था सेणिएराया चिल्ला
देवी ।४।-४

(६) तेणं कालेणं तेणं समएणं समणे भगवं महावीरे आइगरे तित्थगरे सहसंबुद्धे
पुरिसुत्तमे पुरिससीहे पुरिसवरपोंडरीए पुरिसवरगंधहत्थी लोगुत्तमे लोगनाहे लोगपदीवे
लोगपज्जोगरे अभयदए चक्खुदए मग्गदए सरणदए धम्मदसए धम्मसारही धम्मवरचाउरंत-
चक्कवट्ठी-अप्पडिहयवरनाणदंसणधरे वियट्ठउमे जिणे जाणए बुद्धे बोहए भुते मोयए
सव्वण्णू सव्वदरिसी सिवमयलमरुयमणंतमक्खयमव्वाबाहं सिद्धिगतिनामधेयं ठाणं संपा-
विउकामे जाय [पुब्बाणु पुर्व्वि चरमाणे गामाणुगामं दूइअमाणे सुहंसुहेणं विहरणाणे जेणेव
रायगिहे नगरे जेणेव गुणसिलए वेइए तेणेव उवागच्छइ उयागच्छित्ता अहापडिरुवं ओग्गहं
ओगिण्हइ ओगिणिहत्ता संजेमेमं तवसा अप्पाणं भावेमाणे विहरइ ।५।-५

(७) परिज्जा निग्गया धम्भो कहिओ पडिगया परिसा ।६।-६

(८) तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूती
नामं अणगारे गोयमगोतेणं सत्तुसेहे समचउरंसंठाणसंठिए वज्जरिसभनारायसंधयणे का-
णगुल्लगनिघसपण्हगोरे उग्गतवे दित्ततवे तत्तवते महातवे ओराले धोरे धोरगुणे धोरतवस्सी
धोरबंभचेरवासी उच्छूढसरीरे संखित्तविउल तेयलेस्से चोइसपुब्बी चउनाणोवगए सव्वक्ख-
रसत्रियाती समणस्स भगवओ महावीरस्स अदूरसामंते उड्ढंजाणू अहोसिरे ज्ञामकोट्टोवगए
संजेमेणं तवसा अप्पाणं भावेमाणे विहरइ ।७।-७

(९) तते णं से भगवं गोयमे जायसइडे जायसंसए जायकोउहल्ले उप्पन्नसइडे उप्पन्न-

संसए उप्पन्नकोउहल्ले संजायसइडे संजायसंसए संजायकोउहल्ले समुप्पन्नसइडे समुप्पन्नसंसए समुप्पन्नकोउहल्ले उड्ढाए उड्ढेति उड्ढेत्ता जेणेव समणे भगवं महावीरे तेणेव उवागच्छइ उवा-
गच्छिता समणं भगवं महावीरं तिकवुत्तो आयाहिण-पयाहिणं कोइ कोत्ता बंदइ नमंसइ
बंदित्ता नमंसित्ता नद्यासत्रे नातिदूरे सुत्सूसमाणे नमंसमाणे अभिमुहे विनएणं पंजलिपुडे
पञ्जुवासमाणे एवं बयासी- से नूनं भंते चलमाणे चलिए उदीरिजमाणे उदीरिए वेदिजमाणे
वेदिए पहिजमाणे पहीणे छिजमाणे छिण्णे भिजमाणे भिण्णे दज्जमाणे दइडे भिजमाणे मए
निज्जरिजमाणे निज्जिण्णे, हंता गोयमा चलमाणे चलिए [उदीरिजमाणे उदीरिए वेदिजमाणे
वेदिए पहिजमाणे पहीणे छिजमाणे छिण्णे भिजमाणे भिण्णे दज्जमाणे दइडे भिजमाणे मए]
निज्जरिजमाणे निज्जिण्णे । ८१-८

(१०) एए णं भंते नव पदा किं एगट्ठा नाणाधोसा नाणावज्जणा उदाहु नाणट्ठा
नाणाधोसा नाणावज्जणा गोयमा चलमाणे चलिए उदीरिजमाणे उदीरिए वेदिजमाणे वेदिए
पहिजमाणे पहीणे-एए णं चत्तारि पदा एगट्ठा नाणाधोसा नाणावज्जणा उप्पन्नपक्खस्स
छिजमाणे छिण्णे भिजमाणे भिण्णे दज्जमाणे दइडे भिजमाणे मए निज्जरिजमाणे निज्जिण्णे-एए
णं पंच पदा नाणट्ठा नाणाधोसा नाणावज्जणा विगयपक्खस्स । ९१-९

(११) नेरइयाणं भंते केवइयं कालं ठिती पत्रत्ता गोयमा जहन्नेणं दस वाससहस्साइं
उक्कोसेणं तेत्तीसं सागरोयमाइं ठिती पत्रत्ता नेरइया णं भंते केवइकालस्स आणमंति वा
पाणमंति वा ऊससंति वा नीससंति वा जहा उस्सासपदे नेरइया णं भंते आहारुद्धी हंता गोयमा
आहारुद्धी जहा पत्रवणाए पढमए आहारुद्धेसए तथा भाणियव्वं-१९०१-१०

(१२) ठिइ उस्सासाहारे किं वाऽऽहारेति सव्वाओ वावि

कतिभागं सव्वाणि व कीस व भुज्जो परिणमंति

॥२१॥-२

(१३) नेरइयाणं भंते पुव्वाहारिया पोग्गला परिणया आहारिया आहारिजमाणे
पोग्गला परिणया अणाहारिया आहारिजिस्समाणे पोग्गला परिणया अणाहारिया अणा-
हारिजिस्समाणे पोग्गला परिणया गोयमा नेरइयाणं पुव्वाहारिया पोग्गला परिणय आहारिया
आहारिजमाणे पोग्गला परिणया परिणमंति य अणाहारिया आहारिजिस्समाणे पोग्गला नो
परिणया परिणमिस्संति अणाहारिया अणाहारिजिस्समाणे पोग्गला नो परिणया नो
परिणमिस्संति । १११-११

(१४) नेरइयाणं भंते पुव्वाहारिया पोग्गला चिया पुच्छा जहा परिणया तथा चियावी
एवं-उवचिया उदीरिया वेइया निज्जिण्णा । १२१-१२

(१५) परिणय चिया उवचिया उदीरिया वेइया य निज्जिण्णा

एक्केक्कम्मि पदम्मि चउव्विहा पोग्गला होंति

॥३१॥-३

(१६) नेरइया णं भंते कइविहा पोग्गला भिज्जंति गोयमा कम्मदव्ववगणमहिकिच्च
दुविहा पोग्गला भिज्जंति तं जहा-अणू चेव बादरा चेव, नेरइया णं भंते कइविहा पोग्गला
चिज्जंति गोयमा आहारदव्ववगणमहिकिच्च दुविहा पोग्गला चिज्जंति तं जहा-अणू चेव
बादरा चेव, एवं उवचिज्जंति नेरइया णं भंते कइविहे पोग्गले उदीरंति गोयमा कम्म-
दव्ववगणमहिकिच्च दुविहे पोग्गले उदीरंति तं जहा-अणू चेव बादरा चेव, सेसावि एवं चेव
भाणियव्वा-वेदंति निज्जरेति एवं-ओयइंसु ओयइंति ओयइंस्संति संकामंसु संकामंति

संकामिस्सन्ति निहत्तिं सु निहत्तेति निहत्तिस्सन्ति निकाएंसु निकायंति निकाइस्सन्ति सव्वेसुवि
कम्मदव्ववगण महिकिच्च १९३१-१३

(१७) भेदिया चिया उवचिया उदीरिया वेदिया य निज्जिण्णा

ओयट्ठण संकामण निहत्तण निकायणे तिविहकालो ॥४॥-४

(१८) नेरइया णं भंते जे पोगले तेयाकम्मत्ताए गेण्हंति ते किं तीतकालसमए गेण्हंति
पडुप्पन्नकालसमए गेण्हंति अण्णागयकालसमए गेण्हंति गोयमा नो तीयकालसमए गेण्हंति
पडुप्पन्नकालसमए गेण्हंति नो अण्णागयकालसमए गेण्हंति नेरइया णं भंते जे पोगले तेया-
कम्मत्ताए गहिए उदीरंति ते किं तीयकाल समयगहिए पोगले उदीरंति पडुप्पन्नकालसमए
धेप्पमाणे पोगले उदीरंति गहणसमयपुरक्खडे पोगले उदीरंति गोयमा तीयकालसमय-
गहिए पोगले उदीरंति नो पडुप्पन्नकालसमए धेप्पमाणे पोगले उदीरंति नो गहणसमयपु-
रक्खडे पोगले उदीरंति एवंवेदेति निज्जरेति १९४१-१४

(१९) नेरइया णं भंते जीवाओ किं चलियं कम्मं बंधंति अचलियं कम्मं बंधंति गोयमा
नो चलियं कम्मं बंधंति अचलियं कम्मं बंधंति नेरइयाणं भंते जीवाओ किं चलियं कम्मं
उदीरंति अचलियं कम्मं उदीरंति गोयमा नो चलियं कम्मं उदीरंति अचलियं कम्मं उदीरंति
एवं वेदेति ओयट्ठेति संकामेति निहत्तेति निकाएंति सव्वेसु अचलियं नो चलियं नेरइयाणं
भंते जीवाओ किं चलियं कम्मं निज्जरेति अचलियं कम्मं निज्जरेति गोयमा चलियं कम्मं
निज्जरेति नो अचलियं कम्मं निज्जरेति १९५१-१५

(२०) वंधोदयवेदोयइसंकमे तह निहत्तणनिकाए

अचलिय-कम्मं तु भवे चलियं जीयाउ निज्जरे ॥५॥-५

(२१) एवं ठिई आहारो य भाणियव्वो ठिती जहा- ठितिपदे तथा भाणियव्वो सव्व-
जीवाणं आहारो वि जहा पत्रवणाए पढमे आहारुदेसए तथा भाणियव्वो एत्तो आढत्तो-
नेरइया णं भंते आहारडी जाव दुक्खत्ताए भुज्जो-भुज्जो परिणमंति असुरकुमाराणं भंते केवइयं
कालं ठिई पत्रत्ता गोयमा जहन्नेणं दस वाससहस्साइं उक्कोसेणं सातिरेगं सागरोवमं
असुरकुमारा णं भंते केवइकालस्स आणमंति वा पाणमंति वा ऊससंति वा नीससंति वा
गोयमा जहन्नेणं सत्तण्हं धोवाणं उक्कोसेणं साइरेगस्स पक्खस्स आणमंति वा पाणमंति वा
ऊससंति वा नीससंति वा असुरकुमाराणं भंते आहारडी हंता आहारडी असुरकुमाराणं भंते
केवइकालस्स आहारट्ठे समुप्पज्जइ गोयमा असुरकुमाराणं दुविहे आहारे पत्रत्ते तं जहा-आ-
भोगनिव्वत्तिए य अनाभोगनिव्वत्तिए य तत्थ णं जे से अनाभोगनिव्वत्तिए से अणुसमयं
अविरहिए आहारट्ठे समुप्पज्जइ तत्थ णं जे से आभोगनिव्वत्तिए से जहन्नेणं घउत्थभत्तस्स
उक्कोसेणं साइरेगस्स वाससहस्सस्स आहारट्ठे समुप्पज्जइ असुरकुमारा णं भंते किमाहार-
माहारेति गोयमा दव्वओ अनंतएसियाइं दव्वाइं खेतकालभावपण्णवखागमेणं सेसं जहा
नेरइयाणं जाव ते णं तेसिं पोगला कीसत्ताए भुज्जो-भुज्जो परिणमंति गोयमा सोइंदियत्ताए
सुरुयत्ताए सुवण्णत्ताए इडुत्ताए इच्छियत्ताए भिज्जियत्ताए उडुत्ताए नो अहत्ताए सुहत्ताए
नो दुहत्ताए भुज्जो-भुज्जो परिणमंति असुरकुमाराणं पुव्वाहारिया पुगला परिणया असुर-
कुमाराभिलावेण जहा नेरइयाणं जाव नो अचलियं कम्मं निज्जरेति नागकुमाराणं भंते केवइयं

कालं ठिती पत्रत्ता गोयमा जहनेणं दस वाससहस्साइं उक्कोसेणं देसूणाइं दो पलिओवमाइं नागकुमारा णं भंते केवइकालस्स आणमंति वा गोयमा जहनेणं सत्तण्हं थोवाणं उक्कोसेणं मुहुत्तपुहुत्तस्स आणमंति वा नागकुमारा णं भंते आहारद्वी हंताआहारद्वी नागकुमारा णं भंते केवइकालस्स आहारद्वे समुप्पज्जइ गोयमा नागकुमाराइणं दुविहे आहारे पत्रत्ते तं जहा-आभोगनिव्वत्तिए य अणाभोगनिव्वत्तिए, य तत्थ णं जे से अणाभोगनिव्वत्तिए से अणुसमय-पविरहिए आहारद्वे समुप्पज्जइ तत्थ णं जे से आभोगनिव्वत्तिए से जहनेणं चउत्थभत्तस्स उक्कोसेणं दिवस-पुहुत्तस्स आहारद्वे समुप्पज्जइ सेसं जहा असुरकुमाराणं जाव नो अचलियं कम्मं निज्जरंति एवं सुवण्णकुमाराणवि जाव यणियकुमाराणं ति पुढविकाइयाणं भंते केवइयं कालं ठिई पत्रत्ता गोयमा जहनेणं अंतोमुहुत्तं उक्कोसेणं बावीसं वाससहस्साइं पुढविकाइया केवइकालस्स आणमंति वा गोयमा वेमात्ताए आणमंति वा पुढविकाइया णं आहारद्वी हंता आहारद्वी पुढविकाइयाणं केवइकालस्स आहारद्वे समुप्पज्जइ गोयमा अणुसमयं अविहरहिए अहारद्वि समुप्पज्जइ पुढविकाइया किमाहारमाहारेति गोयमा दव्वओ जहा नेरइयाणं जाव निव्वायाएणं छट्ठिसिं वाघायं पडुच्च सिय तिदिसिं सिय चउट्ठिसिं सिय पंचदिसिं वण्णओ कालनीलपीतलोहियहालिहसुक्किक्काणि गंधओ सुरभिगंध रसओ तित फासओ कक्खड-सेसं तहेव नाणत्तं कइभागं आहारेति कइभागं फासाएति गोयमा असंखिज्जइभागं आहारेति अनंतभागं फासाएति जाव ते णं तेसिं पोग्गला कीसत्ताए भुज्जो-भुज्जो परिणमंति गोयमा फासिदियवेमायत्ताए भुज्जो-भुज्जो परिणमंति सेसं जहा नेरइयाणं जाव नो अचलियं कम्मं निज्जरंति एवं जाव वणस्सइ काइयाणं नवरं ठिती वण्णयव्वा जा जस्स उस्सासो वेमायाए बेइंदियाणं ठिई भाणियव्वा ऊसासो वेमायाए बेइंदियाणं आहारे पुच्छ गोयमा आभोग-निव्वत्तिए य अणाभोगनिव्वत्तिए य तहेव तत्थ णं जे से आभोगनिव्वत्तिए से णं असं-खेज्जसमए अंतोमुहुत्तिए वेमायाए आहारद्वे समुप्पज्जइ सेसं तहेव जाव अनंतभागं आसाएति बेइंदिया णं भंते जे पोग्गले आहारत्ता गेण्हंति ते किं सव्वे आहारेति नो सव्वे आहारेति गोयमा बेइंदियाणं दुविहे आहारे पत्रत्ते तं जहा-लोमाहारे पक्खेवाहारे य जे पोग्गले लोमा-हारत्ताए गिण्हंति ते सव्वे अपरिसेसिए आहारेति जे पोग्गले पक्खेवाहारत्ताए गिण्हंति तेसिं णं पोग्गलाणं असंखिज्जइभागं आहारेति नेगाइं व णं भागसहस्साइं अणासाइज्जमाणाइं अफासिज्जमाणाइं विद्धंसमावज्जंति एएसिं णं भंते पोग्गलाणं अणासाइज्जमाणाणं अफा-साइज्जमाणाणं य कयरे-कयरे अप्पा वा बहुयावा तुळा वा विसेसाठिया वा गोयमा सव्वत्थोवा पोग्गला अणासाइज्जमाणा अफासाइज्जमाणा अनंतगुणा बेइंदिया णं भंते जे पोग्गला आहार-त्ताए गिण्हंति ते णं तेसिं पोग्गला कीसत्ताए भुज्जो-भुज्जो परिणमंति गोयमा जिब्बिदिय-फासिदियवेमायत्ताए भुज्जो-भुज्जो परिणमंति बेइंदियाणं भंते पुव्वाहारिया पुग्ला परिणया तहेव जाव चलियं कम्मं निज्जरंति तेइंदियचउरिंदियाणं नाणत्तं ठिईए जाव नेगाइं च णं भाग-सहस्साइं अणाधाइज्जमाणाइं अणासाइज्जमाणाइं अफासाइज्जमाणाइं विद्धंसमावज्जंति एएसिं णं भंते पोग्गलाणं अणाधाइज्जमाणाइं पुच्छ गोयमा सव्वत्थोवा पोग्गला अणाधाइज्जमाणा, अणासाइज्जमाणा अनंतगुणा अफासाइज्जमाणा अनंतगुणा तेइंदियाणं धाणिंदियजिब्बिदि-यफासिदियवेमायत्ताए भुज्जो-भुज्जो परिणमंति चउरिंदियाणं चक्खिदिय धाणिंदिय जिब्बि-

दियफासिदियवेमायत्ताए भुजो-भुजो परिणमंति पंचिदियतिरिक्खजोणियाणं ठिई भणिएणं ऊसासो वेमायाए आहारो अनाभोग निव्वत्तिए अणुसमयं अविरहिओ आभोगनिव्वत्तिओ जहन्नेणं अंतोमुहुत्तस्स उक्कोसेणं छट्ठभत्तस्स सेसं जहा चउरिंदियाणं एवं मणुस्साणवि नवरं आभोगनिव्वत्तिए जहण्णेणं अंतोमुहुत्तं उक्कोसणं अट्ठमभत्तस्सं सोईदियवेमायत्ताए भुजो-भुजो परिणमंति सेसं जहा चउरिंदियाणं वाणमंतराणं ठिईए नाणत्तं परिणमंति अवसेसं जहा नागकुमाराणं एवं जोइसियाणवि नवरं उस्सासो जहन्नेणं मुहुत्तपुहुत्तस्स उक्कोसेणवि मुहुत्त-पुहुत्तस्स आहारो जहण्णेणं दिवसपुहुत्तस्स उक्कोसेणवि दिवसपुहुत्तस्स सेसं तहेव, वेमाणियाणं ठिई भाणियव्वा ओहिया उसासो जहन्नेणं मुहुत्तपुहुत्तस्स उक्कोसेणं तेतीसाए पक्कवाणं आहारो आभोगनिव्वत्तिओ जहण्णेणं दिवसपुहुत्तस्स उक्कोसेणं तेती- साए वाससहस्साणं सेसं तहेव १९६१-१६

(२२) जीवा णं भंते किं आयारंभा परारंभा तदुभयारंभा अणारंभा गोयमा अत्येगइया जीवा आयारंभा वि परारंभा वि तदुभयारंभा वि नो अणारंभा अत्येगइया जीवा नो आयारंभा नो परारंभा नो तदुभयारंभा अणारंभा से केणट्ठेणं भंते एवं वुच्चइ-अत्येगइया जीवा आयारंभा वि [परारंभा वि तदुभयारंभा वि नो अणारंभा अत्येगइया जीवा नो आयारंभा नो परारंभा नो तदुभयारंभा अणारंभा] गोयमा जीवा दुविहा पत्रत्ता तं जहा-संसारसमावण्णया य असंसार समावण्णया य तत्थ जे ते असंसारसमावण्णया ते जहा-संसारसमावण्णया य असंसारसमावण्णया य तत्थ णं जे ते असंसारसमावण्णया ते णं सिद्धा सिद्धा णं नो आयारंभा जाव अणारंभा तत्थ णं जे ते संसारमावण्णया ते दुविहा पत्रत्ता तं जहा-पमत्तसंजया यं अप्पमत्त असंजया य तत्थ णं जे ते अप्पमत्तसंजया ते णं नो आयारंभा जाव अणारंभा तत्थ णं जे ते पमत्तसंजया ते सुहं जोगं पडुच्च नो आयारंभा जाव अणारंभा असुभं जोगं पडुच्च आयारंभा वि जाव नो अणारंभा तत्थ णं जे ते असंजया ते अविरत्तिं पडुच्च आयारंभा वि परारंभा वि तदुभयारंभा वि नो अणारंभा से तेणट्ठेणं गोयमा एवं वुच्चइ अत्येगइया जीवा आयारंभा वि परारंभा वि तदुभयारंभा वि नो अणारंभा अत्येगइया जीवा नो आयारंभा नो परारंभा नो तदुभयारंभा अणारंभा, नेइया णं भंते किं आयारंभा परारंभा तदुभयारंभा अणारंभा गोयमा नेइया आयारंभा वि परारंभा वि तदुभयारंभा वि नो अणारंभा से केणट्ठेणं गोयमा अविरत्तिं पडुच्च से तेणट्ठेणं गोयमा एवं वुच्चइ-नेइया आयारंभा वि जाव नो अणारंभा एवं जाव पंचिदियातिरिक्खजोणिया मणुस्सा जहा जीवा नवरं-सिद्धविरहिया भाणियव्वा वाणमंतरा जोइसिया वेमाणिया तहा नेइया, सल्लेसा जहा ओहिया कण्हलेसस्स नीललेसस्स काउले-सस्स जहा ओहिया जीवा नवरं-पमत्ताप्पमत्ता न भाणियव्वा तेउलेसस्स पण्हलेसस्स सुक्क-लेसस्स जहा ओहिया जीवा नवरं-सिद्धा न भाणियव्वा १९७१-१७

(२३) इहभविए भंते नाणे परभविए नाणे तदुभयभविए नाणे गोयमा इहभविए वि नाणे परभविए वि नाणे तदुभयभविए वि नाणे [इहभविए भंते] दंसणे [परभविए दंसणे तदुभयभविए दंसणे गोयमा इहभविए वि दंसणे परभविए वि दंसणे तदुभयभविए वि दंसणे] इहभविए भंते चरित्ते [परभविए चरित्ते तदुभयभविए चरित्ते गोयमा इहभविए चरित्ते नो परभविए चरित्ते नो तदुभयभविए चरित्ते] इहभविए भंते तवे [परभविए तवे तदुभयभविए

तये गोयमा इहमविए तये नो परमविए तयो नो तदुभयमविए तये] इहमविए भंते संजमे [परमविए संजमे तदुभयमविए संजमे गोयमा इहमविए संजमे नो परमविए संजमे नो तदुभयमविए संजमे] १९८१-१८

(२४) असंवुडे णं भंते अनगारे सिज्झइ बुज्झइ मुच्चइ परिनिव्वाइ सव्वदुक्खाणं अंतं करेइ गोयमा नो इण्हे समुहे से केण्हेणं भंते एवं वुच्चइ-असंवुडे णं अणगारे नो सिज्झइ जाव नो सव्वदुक्खाणं अंतं करेइ गोयमा असंवुडे अणगारे आउयवज्जाओ सत्त कम्मपगडीओ सिदिलबंधणवद्धाओ धणियबंधणवद्धओ पकरेइ हस्सकालटिइयाओ दीहकालटिइयाओ पकरेइ मंदाणुमावाओ तिच्चाणुमावाओ पकरेइ अप्पएसग्गाओ बहुप्पएसग्गाओ पकरेइ आउयं च णं कम्मं सिय बंधइ सिय नो बंधइ अस्सायावेयणिज्जं च णं कम्मं भुज्जो-भुज्जो उवचिणाइ अणाइयं च णं अणवदगं दीहमद्धं चाउरंतं संसारकंतारं अणुपरियट्ठइ से तेण्हेणं गोयमा असंवुडे अणगारे नो सिज्झइ जाव नो सव्वदुक्खाणं अंतं करेइ संवुडे णं भंते अणगारे सिज्झइ बुज्झइ मुच्चइ परिनिव्वाइ सव्वदुक्खाणं अंतं करेइ हंता सिज्झइ जाव सव्वदुक्खाणं अंतं करेइ से केण्हेणं भंते एवं वुच्चइ-संवुडे णं अणगारे सिज्झइ बुज्झइ मुच्चइ परिनिव्वाइ सव्वदुक्खाणं अंतं करेइ गोयमा संवुडे अणगारे आउयवज्जाओ सत्त कम्मपगडीओ धणिय-बंधणवद्धाओ सिदिलबंधणवद्धाओ पकरेइ दीहकालटिइयाओ हस्सकालटिइयाओ पकरेइ तिच्चाणुमावाओ मंदाणुमावाओ पकरेइ बहुप्पएसग्गाओ अप्पएसग्गाओ पकरेइ आउयं च णं कम्मं न बंधइ अस्सायावेयणिज्जं च णं कम्मं नो भुज्जो-भुज्जो उवचिणाइ अणादीयं च णं अणवदगं दीहमद्धं चाउरंतं संसारकंतारं वीईवयइ से तेण्हेणं गोयमा एवं वुच्चइ-संवुडे अणगारे सिज्झइ जाव सव्वदुक्खाणं अंतं करेइ १९९१-१९

(२५) जीवे णं भंते अस्संजए अविरए अण्णडिहयपच्चक्खायपावककमे इओ चुए पेच्चा देवे सिया गोयमा अत्येगइए देवे सिया अत्येगइए नो देवे सिया, से केण्हेणं [भंते एवं वुच्चइ-अस्संजए अविरए अण्णडिहयपच्चक्खाय पावककमे] इओ चुए पेच्चा अत्येगइए देवे सिया अत्येगइए नो देवे सिया गोयमा जे इमे जीवा गामागर-नगर-नियम-रायहाणि-खेड-कव्वड-मडंब दोणमुह-पट्ठणासम-सण्णिवेसेसु अकामत्तण्हाए अकामसुहाए अकामबंभचेरवासणं अकामसीतातव - दंस - मसग -अण्णगण-सेय-जल्ल-मल-पंक-परिदाहेणं अप्पतरं वा भुज्जतरं वा कालं अप्पाणं परिकिलेसंति परिकिलेसिता कालमासे कालं किच्चा अण्णयरेसु वाणमंतरेसु देवलोगेसु देवत्ताए उववत्तारो भवन्ति केरिसा णं भंते तेसिं वाणमंतराणं देवाणं देवलोगा पन्नता गोयमा से जहानामए इहं असोगवणे इ वा सत्तवण्णवणे इ वा चंपयवणे इ वा चूयवणे इ वा तिलगवणे इ वा लउयवणे इ वा नग्गोहवणे इ वा छत्तोहवणे इ वा असणवणे इ वा सण-वणे इ वा अयसिवणे इ वा कुसुंभवणे इ वा सिद्धत्यवणे इ वा बंधुजीववणे इ वा निच्चं कुसु-मिय-माइय - लवइय - धवइय - गुलुइय - गोच्छिय-जमलिय-जुवलिय-विणमिय-पणमिय-सुविभत्त पिंडमंजरि वडंसगधरे सिरीए अतीव-अतीव उवसोभेमाणे-उवसोभेमाणे चिद्धइ एवामेव तेसिं वाणमंतराणं देवाणं देवलोगा जहण्णेणं दसवाससहस्सट्ठितीएहिं उकोसेणं उवत्यडा संथडा फुडा अवगाढगाडा सिरीए अतीव-अतीव उवसोभेमाणा-उवसोभेमाणा चिद्धंति एरि-सगा णं गोयमा तेसिं वाणमंतराणं देवाणं देवलोगा पन्नता से तेण्हेणं गोयमा एवं वुच्चइ-जीवे

णं अस्संजए अविरए अण्डिहयपच्चक्खाय- पावकम्मे इओ चुए पेच्चा अत्येगइए देवे सिया सेवं भंते सेवं भंते ति भगवं गोयमे समणं भगवं महावीरं वंदंति नमंसति वंदिता नमंसिता संजमेणं तवसा अप्पाणं भावेमाणे विहरति ।२०।

● पद्यमे सते पदमो उद्देशो समस्तो ●

—: बी ओ — उ हे सो :-

(२६) रायगिहे नगरे समोसरणं परिसा निगया जाव एवं ययासी जीवे णं भंते सयंकडं दुक्खं वेदेइ गोयमा अत्येगइयं वेदेइ अत्येगइयं नो वेदेइ से केणट्टेणं भंते एवं वुच्चइ-अत्येगइयं वेदेइ अत्येगइयं नो वेदेइ गोयमा उदिण्णं वेदेइ नो अणुदिण्णं वेदेइ से तेणट्टेणं गोयमा एवं वुच्चइ-अत्येगइयं वेदेइ अत्येगइयं नो वेदेइ एवं-जाव वेमाणियाए, जीवा णं भंते सयंकडं दुक्खं वेदेति गोयमा अत्येगइयं वेदेति अत्येगइयं नो वेदेति से केणट्टेणं भंते एवं वुच्चइ-अत्येगइयं वेदेति अत्येगइयं नो वेदेति गोयमा उदिण्णं वेदेति नो अणुदिण्णं वेदेति से तेणट्टेणं गोयमा एवं वुच्चइ-अत्येगइयं वेदेति अत्येगइयं नो वेदेति एवं-जाव वेमाणिया जीवे णं भंते सयंकडं आउयं वेदेइ गोयमा अत्येगइयं वेदेइ अत्येगइयं नो वेदेइ जहा दुक्खेणं दो दंडगा तहा आउएण वि दो दंडगा-एणत्त-पोहत्तिया एणत्तेणं जाव वेमाणिया पुहुत्तेणवि तहेव ।२१।-२१

(२७) नेरइया णं भंते सव्वे समाहारा सव्वे समसरीरा सव्वे समुस्सासनीसासा गोयमा नो इणट्टे समट्टे से केणट्टेणं भंते एवं वुच्चइ-नेरइया नो सव्वे समाहारा नो सव्वे समसरीरा नो सव्वे समुस्सासनीसासा गोयमा नेरइया दुविहा पत्रत्ता तं जहा-महासरीरा य अप्सरीरा य तत्थ णं जे ते महासरीरा ते बहुतराए पोग्गले आहारेंति बहुतराए पोग्गले परिणामेति बहुतराए पोग्गले उस्संति बहुतराए पोग्गलेनीसंसति अभिक्खणं आहारेंति अभिक्खणं परिणारेंति अभिक्खणं उस्संसति अभिक्खणं नीसंसति तत्थ णं जे ते अप्सरीरा ते णं अप्पतराए पोग्गले आहारेंति अप्पतराए पोग्गले परिणामेति अप्पतराए पोग्गले उस्संसति अप्पतराए पोग्गले नीसंसति आहच्च आहारेंति आहच्च परिणामेति आहच्च उस्संसति आहच्च नीसंसति से तेणट्टेणं गोयमा एवं वुच्चइ-नेरइया नो सव्वे समाहारा नो सव्वे समसरीरा नो सव्वे समुस्सासनीसासा नेरइया णं भंते सव्वे समकम्मा गोयमा नो इणट्टे समट्टे से केणट्टेणं भंते एवं वुच्चइ-नेरइया नो सव्वे समकम्मा गोयमा नेरइया दुविहा पत्रत्ता तं जहा-पुच्चोववन्नगा य पच्चोववन्नगा य तत्थ णं जे ते पुच्चोववन्नगा ते णं अप्पकम्पतरागा तत्थ णं जेते पच्चोववन्नगा ते णं महाकम्पतरागा से तेणट्टेणं गोयमा एवं वुच्चइ-नेरइया नो सव्वे समकम्मा नेरइया णं भंते सव्वे समवण्णा गोयमा नो इणट्टे समट्टे से केणट्टेणं भंते एवं वुच्चइ-नेरइया नो सव्वे समवण्णा गोयमा नेरइया दुविहा पत्रत्ता तं जहा-पुच्चोववन्नगा य पच्चोववन्नगा य तत्थ णं जेते पुच्चोववन्नगा ते णं विसुद्धवण्णतरागा तत्थ णं जे ते पच्चोववन्नगा ते णं अविमुद्धवण्णतरागा से तेणट्टेणं गोयमा एवं वुच्चइ-नेरइया नो सव्वे समवण्णा नेरइया णं भंते सव्वे समलेस्सा गोयमा नो इणट्टे समट्टे से केणट्टेणं भंते एवं वुच्चइ-नेरइया नो सव्वे समलेस्सा गोयमा नेरइया दुविहा पत्रत्ता तं जहा-पुच्चोववन्नगा य पच्चोववन्नगा य तत्थ णं जे ते पुच्चोववन्नगा ते णं विसुद्धलेस्सतरागा तत्थ णं जे ते पच्चोववन्नगा ते णं अविमुद्धलेस्सतरागा से तेणट्टेणं गोयमा एवं वुच्चइ-नेरइया नो सव्वे समलेस्सा नेरइया णं भंते सव्वे समवेयणा गोयमा नो इणट्टे समट्टे से केणट्टेणं भंते एवं वुच्चइ-

नेरइया नो सव्वे समवेयणा गोयमा नेरइया दुविहा पन्नता तं जहा-सण्णिभूया य अस- ण्णिभूया य तत्थ णं जे ते सण्णिभूया ते णं महावेयणा तत्थ णं जे ते असण्णिभूया ते णं अप्प- वेयणतरागा से तेण्डेणं गोयमा एवं वुच्चइ-नेरइया नो सव्वे समवेयणा नेरइया णं भंते सव्वे समकिरिया गोयमा नो इण्डे समड्ढे से केण्डेणं भंते एवं वुच्चइ-नेरइया नो सव्वे समकिरिया गोयमा नेरइया तिविहा पन्नता तं जहा-सम्मदिट्ठी मिच्छदिट्ठी सम्मामिच्छदिट्ठी तत्थ णं जे ते सम्मदिट्ठी तेसि णं चत्तारि किरियाओ पन्नताओ तं जहा- आरंभिया पारिग्गहिया मायावत्तिया अप्पच्चक्खाण- किरिया तत्थ णं जे ते मिच्छदिट्ठी तेसि णं पंच किरियाओ कज्जंति तं जहा आरंभिया जाव मिच्छदंसणवत्तिया एवं सम्मामिच्छदिट्ठीणं पि से तेण्डेणं गोयमा एवं वुच्चइ-नेरइया नो सव्वे समकिरिया नेरइया णं भंते सव्वे समाउया सव्वे समोववन्नगा गोयमा नो इण्डे समड्ढे से केण्डेणं भंते एवं वुच्चइ-नेरइया नो सव्वे समाउया नो सव्वे समोववन्नगा गोयमा नेर- इया च- उदिव्हा पन्नता अत्थेगइया समाउया समोववन्नगा अत्थेगइया समाउया विसमोववन्नगा अत्थेगइया विसमाउया समोववन्नगा अत्थेगइया विसमाउया विसमोववन्नगा से तेण्डेणं गोयमा एवं वुच्चइ-नेरइया नो सव्वे समाउया नो सव्वे समोववन्नगा असुरकुमारा णं भंते सव्वे समाहारा सव्वे समसरीरा जहा नेरइया तहा भाणियव्वा नवरं-कम्म वण्ण-लेस्साओ परिवत्ते- यव्वाओ पुच्चोववन्ना महाकम्मतरा अविसुद्धवण्णतरा अविसुद्धलेसतरा पच्छेववन्ना पसत्था सेसं तहेय, एवं-जाव थणियकुमारा पुढविकाइयाणं आहार-कम्म-वण्ण-लेस्सा जहा नेरइयाणं, पुढविकाइया णं भंते सव्वे समवेदणा हंता गोयमा पुढविकाइया सव्वे समवेदणा से केण्डेणं भंते एवं वुच्चइ-पुढविकाइया सव्वे समवेदणा गोयमा पुढविकाइया सव्वे असणी असण्णि- भूतं अनिदाए वेदणं वेदंति से तेण्डेणं गोयमा एवं वुच्चइ-पुढविकाइया सव्वे समवेदणा पुढविकाइया णं भंते सव्वे समकिरिया हंता गोयमा पुढविकाइया सव्वे समकिरिया से केण्डेणं भंते एवं वुच्चइ-पुढविकाइया सव्वे समकिरिया गोयमा पुढविकाइया सव्वे मायीमिच्छदिट्ठी ताणं नेयत्तियाओ पंच किरियाओ कज्जंति तं जहा-आरंभिया जाव मिच्छदंसणवत्तिया से तेण- डेण गोयमा एवं वुच्चइ-पुढविकाइया सव्वे समकिरिया समाउया समोववन्नगा जहा नेरइया तहा भाणियव्वा जहा पुढविकाइया तहा जाव चउरिंदिया पंचिदियतिरिक्खजोणिया जहा नेरइया नाणत्तं किरियासु पंचिदियतिरिक्खजोणिया णं भंते सव्वे समकिरिया गोयमा नो इण्डे समड्ढे से केण्डेणं भंते एवं वुच्चइ-पंचिदियतिरिक्खजोणिया नो सव्वे समकिरिया गोयमा पंचिदियति- रिक्खजोणिया तिविहा प. सम्मदिट्ठी मिच्छदिट्ठी सम्मामिच्छदिट्ठी तत्थ णं जे ते सम्मदिट्ठी ते दुविहा प.-असंजया य संजया-संजया य तत्थ णं जे ते संजयासंजया तेसि णं तिण्णि णं तिण्णि किरियाओ कज्जंति तं जहा-आरंभिया पारिग्गहिया मायावत्तिया असंजयाणं चत्तारि मिच्छ- दिट्ठीणं पंच सम्मामिच्छदिट्ठीणं पंच मणुस्सा णं भंते सव्वे समाहारा सव्वे समसरीरा सव्वे समुस्सासनीसासा गोयमा नो इण्डे समड्ढे से केण्डेणं भंते एवं वुच्चइ-मणुस्सा नो सव्वे समा- हारा नो सव्वे समसरीरा नो सव्वे समुस्सासनीसासा गोयमा मणुस्सा दुविहा पन्नता तं जहा- महासरीरा य अप्पसरीरा य तत्थ णं जे ते महासरीरा ते बहुतराए पोग्गले आहारंति बहुतराए पोग्गले परिणामेति बहुतराए पोग्गले उस्ससंति बहुतराए पोग्गले नीससंति आहच्च आहारंति आहच्च परिणामेति आहच्च उस्सासंति आहच्च नीससंति तत्थ णं जे ते अप्पसरीरा ते णं अप्पतराए

योगले आहारोति अस्पतराए योगले परिणामेति अस्पतराए योगले उस्ससंति अस्पतराए योगले नीससंति अभिक्खणं आहारोति अभिक्खणं परिणामेति अभिक्खणं उस्ससंति अभिक्खणं नीससंति से तेण्डेणं गोयमा एवं बुद्धइ-मणुस्सा नो सव्वे समाहारा नो सव्वे समसरीरा नो सव्वे समुत्सासनीसासा मणुस्सा णं भंते सव्वे समकम्मा गोयमा नो इण्डे समट्टे से तेण्डेणं भंते एवं बुद्धइ-मणुस्सा नो सव्वे समकम्मा गोयमा मणुस्सा दुविहा पत्रत्ता तं जहा-पुब्बोववन्नगा य पच्छोववन्नगा य तत्थ णं जे ते पुब्बोववन्नगा ते णं अस्पकम्मतारागा तत्थ णं जे ते पच्छो-ववन्नगा ते णं महाकम्मतारागा से तेण्डेणं गोयमा एवं बुद्धइ-मणुस्सा नो सव्वे समकम्मा मणुस्सा णं भंते सव्वे समवण्णागोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समवण्णा गोयमा मणुस्सा दुविहा प-पुब्बोववन्नगा य पच्छोववन्नगा य तत्थ णं जे ते पुब्बोववन्नगा ते णं विसुद्धवण्णतरागा तत्थ णं जे ते पच्छोववन्नगा ते णं अविसुद्धवण्णतरागा से तेण्डेणं गोयमा एवं बुद्धइ-मणुस्सा नो सव्वे समवण्णा मणुस्सा णं भंते सव्वे समलेस्सा गोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समलेस्सा गोयमा मणुस्सा दुविहा पत्रत्ता तं जहा-पुब्बोववन्नगा य पच्छोववन्ना य तत्थ णं जे ते पुब्बोववन्नगा ते णं विसुद्धलेस्सतरागा तत्थ णं जे ते पच्छोववन्नगा ते णं अविसुद्धलेस्स-तरागा से तेण्डेणं गोयमा एवं बुद्धइ-मणुस्सा नो सव्वे समलेस्सा मणुस्सा णं भंते सव्वे समवेयणा गोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समवेयणा गोयमा मणुस्सा दुविहा पत्रत्ता तं जहा-सण्णिभूया य असण्णिभूया य तत्थ णं जे ते सण्णिभूया ते णं ते पच्छोववन्नगा ते णं अविसुद्धलेस्सतरागा से तेण्डेणं गोयमा एवं बुद्धइ-मणुस्सा नो सव्वे समलेस्सा मणुस्सा णं भंते सव्वे समवेयणा गोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समवेयणा गोयमा मणुस्सा दुविहा पत्रत्ता तं जहा-सण्णिभूया य असण्णिभूया य तत्थ णं जे ते सण्णिभूया ते णं महावेयणा तत्थ णं जे ते असण्णिभूया ते णं अस्पवेयणतरागा से तेण्डेणं गोयमा एवं बुद्धइ-मणुस्सा नो सव्वे समवेयणा, मणुस्सा णं भंते सव्वे समकिरिया गोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समकिरिया गोयमा मणुस्सा तिविहा पत्रत्ता तं जहा-सम्मदिट्ठी मिच्छदिट्ठी सम्मामिच्छदिट्ठी तत्थ णं जे ते सम्मदिट्ठी ते तिविहा प-संजया अस्संजया संजयासंजया तत्थ णं जे ते संजया ते दुविहा प-सरागसंजया य वीतरागसंजया य तत्थ णं जे ते वीतरागसंजया ते णं अकिरिया तत्थ णं जे ते सरागसंजया ते दुविहा प-पमत्तसंजया य अस्पमत्त संजया य तत्थ णं जे ते अस्पमत्तसंजया तेसि णं एगा मायावत्तिया किरिया कज्झं तत्थ णं जे ते पमत्तसंजया तेसि णं दो किरियाओ कज्झंति तं जहा-आरंभिया य मायावत्तिया य तत्थ णं जे ते संजयासंजया तेसि णं आइल्लओ तिण्णि किरियाओ कज्झंति तं जहा-आरंभिया पारिग्गहिया मायावत्तिया असंजयाणं दत्तारि किरियाओ कज्झंति-आरंभिया पारिग्गहिया मायावत्तिया अस्पघक्खाणकिरिया मिच्छदिट्ठीणं पंच-आरंभिया पारिग्गहिया मायावत्तिया अस्पघक्खाण-किरिया मिच्छादंसणवत्तिया सम्मामिच्छदिट्ठीणं पंच मणुस्सा णं भंते सव्वे समाउया सव्वेसमो-ववन्नगा गोयमा नो इण्डे समट्टे से केण्डेणं भंते एवं बुद्धइ-मणुस्सा नो सव्वे समाउया नो सव्वे समोववन्नगा गोयमा मणुस्सा चउव्विहा पत्रत्ता तं जहा-अत्येगइया समाउया समोववन्नगा अत्येगइया समाउया विसमोववन्नगा अत्येगइया विसमाउया समोववन्नगा अत्येगइया समा-

उया विसमोववन्नगा अत्येगइया विसमाउया समोववन्नगा अत्येगइया विसमाउया विसमो-
ववन्नगा से तेणट्टेणं गोयमा एवं वुद्धइ-मणु- स्सा नो सव्वे समाउया नो सव्वे सपोववन्नगा
वाणमंतर-जोतिस-वेमाणिया जहा असुरकुमारा नवरं-वेयणाए नाणत्तं मायिमिच्छदिट्ठीउ-
ववन्नगा य अप्पवेयतरा अमायिसम्मदिट्ठीउववन्नगा य महावेयणतरा भाणियव्वा जोतिसवे-
माणिया सलेस्सा णं भंते नेरइया सव्वे समा- हारगा ओहियाणं सलेस्साणं सुक्कलेस्साणं -
एतेसि णं तिण्हं एक्को गमो कण्हलेस्स-नीललेस्साणं पि एगो गमो नवरं-वेदणा मायिमिच्छ-
दिट्ठीउववन्नगा य अमायिसम्मदिट्ठीउववन्नगा य भाणियव्वा मणुस्सा किरियासु सरागवीय-
रागा पपत्तापमत्ता न भाणियव्वा काउलेस्साणं वि एसेव गमो नवरं-नेरइइ जहा ओहिए दंडए
तहा भाणियव्वा तेउलेस्सा पण्हलेस्सा जस्स अत्थि जहा ओहिओ दंडओ तथा भाणियलव्वा
नवरं-मणुस्सा सराग-वीयरागा न भाणियव्वा ॥२२॥ -२२

(२८) दुक्खाउए उदिण्णे आहारे कम्म-वण्ण-लेस्सा य

समवेयण-समकिरिया समाउए चेव बोधव्वा

॥६॥-६

(२९) कइ णं भंते लेस्साओ पत्रत्ताओ गोयमा छ लेस्साओ पत्रत्ताओ तं जहा-कण्ह-
लेस्सा नीललेस्सा काउलेस्सा तेउलेस्सा पण्हलेस्सा सुक्कलेस्सा लेस्साणं वीओ उदेसो भाणि-
यव्वो जाव इह्दी ॥२३॥-२३

(३०) जीवस्स णं भंते तितट्ठाए आदिइस्स कइविहे संसारसंचिट्ठणकाले पत्रत्ते
गोयमा घउज्जिहे संसारसंचिट्ठणकाले पन्नत्ते -नेरइयसंसारसंचिट्ठणकाले तिरिक्खजोणियसं-
सारसंचिट्ठणकाले मणुस्ससंसारसंचिट्ठणकाले देवसंसारसंचिट्ठणकाले, नेरइयसंसारसंचिट्ठण-
काले णं भंते कतिविहे पत्रत्ते गोयमा तिविहे प. -सुत्रकाले असुत्रकाले मिस्सकाले तिरिक्ख-
जोणियसंसार संचिट्ठणकाले णं भंते कतिविहे पत्रत्ते गोयमा दुविहे पत्रत्ते तं जहा-असुत्रकाले
य मिस्सकाले य [मणुस्ससंसारसंचिट्ठणकाले णं भंते कतिविहे पत्रत्ते गोयमा तिविहे पत्रत्ते तं
जहा-सुत्रकाले असुत्रकाले मिस्सकाले देवसंसारसंचिट्ठणकाले णं भंते कतिविहे पत्रत्ते गोयमा
तिविहे प. -सुत्रकाले असुत्रकाले मिस्सकाले] एतस्स णं भंते नेरइयसंसारसंचिट्ठणकालस्स-
सुत्रकालस्स असुत्रकालस्स मीसकालस्स य कयरे कयरेहिंतो अप्पे वा बहुए वा तुल्ले वा विसेसा-
हिए वा गोयमा सब्बत्थोवे असुत्रकाले मिस्सकाले अनंतगुणे सुत्रकाले अनंतगुणे तिरिक्ख-
जोणियाणं सब्बत्थोवे असुत्रकाले मिस्सकाले अनंतगुणे मणुस्सदेवाणं य सब्बत्थोवे असुत्र-
काले मिस्सकाले अनंतगुणे सुत्रकाले अनंतगुणे एयस्स णं भंते नेरइयसंसारसंचिट्ठणकालस्स
[तिरिक्खजोणियसंसारसंचिट्ठणकालस्स मणुस्ससंसारसंचिट्ठणकालस्स देवसंसारसंचिट्ठण-
कालस्स कयरे कयरेहिंतो अप्पे वा बहुए वा तुल्ले वा] विसेसाहिए वा गोयमा सब्बत्थोवे मणुस्स-
संसारसंचिट्ठणकाले नेरइयसंसारसंचिट्ठणकाले असंखेज्जगुणे देवसंसारसंचिट्ठणकाले
असंखेज्जगुणे तिरिक्ख- जोणियसंसारसंचिट्ठणकाले अनंतगुणे ॥२४॥-२४

(३१) जीवे णं भंते अंतकिरियं करेज्जा गोयमा अत्येगइए करेज्जा अत्येगइए नो
करेज्जा अंतकिरियापयं नेयव्वं ॥२५॥-२५

(३२) अहं भंते असंजयभविदव्वदेवाणं अविराहियसंजमाणं विराहियसंजमाणं
अविराहियसंजमासंजमाणं विराहियसंजमामाणं असण्णीणं तावसाणं कंदप्पियाणं चरग-

परिव्यायगाणं किब्बिसियाणं तेरिच्छियाणं आजीवियाणं अभिओगियाणं सल्लिगीणं दंसण-
वावण्णगाणं-एतेसि णं देवलोगेसु उववज्जमाणाणं कस्स कहिं उववाए पन्नत्ते, गोयमा असंज-
यभवदिव्वदेवाणं जहन्नेणं भवणवासीसु उक्कोसेणं उवरिमगेवेज्जएसु अविराहियसंजमाणं
जहण्णेणं सोहम्मे कप्पे उक्कोसेणं सव्वइसिद्धे विमाणे विराहियसंजमाणं जहन्नेणं भगण-
वासीसु उक्कोसेणं सोहम्मे कप्पे अविराहियसंजमासंजमाणं जहन्नेणं सोहम्मे कप्पे उक्कोसेणं
अच्चए कप्पे विराहियसंजमासंजमाणं जहन्नेणं भवणवासीसु उक्कोसेणं जोइसिएसु अस-
ण्णीणं जहन्नेणं भवणवासीसु उक्कोसेणं वाणमंतरेसु अवसेसा सव्वे जहन्नेणं भवणावासीसुं
उक्कोसेणं वोच्छामि तावसाणं जोतिसिएसु कंदप्पियाणं सोहम्मे कप्पे चरग-परिव्यायगाणं
वंपलोएकप्पे किब्बिसियाणं लंतगेकप्पे तेरिच्छियाणं सहस्सारेकप्पे आजीवियाणं अच्चएकप्पे
अभिओगियाणं अच्चएकप्पे सल्लिगीणं दंसणवावण्णगाणं उवरिमगेवेज्जएसु ॥२६॥-26

(३३) कतिविहे णं भंते असण्णिआउए पन्नत्ते गोयमा चउव्विहे असण्णिआउए पन्नत्ते
तं जह-नेरइयअसण्णिआउए तिरिक्खजोणियअसण्णिआउए मणुस्सअसण्णिआउए देव-
असण्णिआउए, असण्णी णं भंते जीवे किं नेरइयाउयं पकरेइं तिरिक्खजोणियाउयं पकरेइ
मणुस्साउयं पकरेइ देवाउयं पकरेइ हंता गोयमा नेरइयाउयं पि पकरेइ तिरिक्खजोणियाउयं
पि पकरेइ मणुस्साउयं पि पकरेइउ देवाउयं पि पकरेइ, नेरइयाउयं पकरेमाणे जहण्णेणं दस
वाससहस्साइ उक्कोसेणं पलिओवमस्स असंखेज्जइभागं पकरेइ तिरिक्खजोणियाउयं पकरे-
माणे जहण्णेणं अंतोमुहुत्तं उक्कोसेणं पलिओवमस्स असंखेज्जइभागं पकरेइ मणुस्साउयं [पक-
रेमाणे जहण्णेणं अंतोमुहुत्तं उक्कोसेणं पलिओवमस्स असंखेज्जइभागं पकरेइ देवाउयं पक-
रेमाणे जहण्णेणं दस वाससहस्साइ उक्कोसेणं पलिओवमस्स असंखेज्जइभागं पकरेइ] एयस्स
णं भंते नेरइयअसण्णिआउयस्स तिरिक्खजोणियाअसण्णिआउयस्स मणुस्सअसण्णिआउ-
यस्स देवअसण्णिआउयस्स कयरे कयरेहिंतो अप्पे वा बहुए वा तुल्ले वा विसेसाहिए वा गोयमा
सव्वत्थोवे देवअसण्णिआउए मणुस्सअसण्णिआउए असंखेज्जगुणे तिरिक्खजोणियअस-
ण्णिआउए असंखेज्जगुणे नेरइयअसण्णिआउए असंखेज्जगुणे सेवं भंते सेवं भंते ॥२७॥-27

● पद्यं सतं बीओ उद्देशो सप्तो ●

—: त इ ओ — उ हे सो —:

(३४) जीवाणं भंते कंखामोहणिज्जे कम्मे कडे हंता कडे से भंते किं देसेणं देसे कडे
देसेणं सव्वे कडे सव्वेणं देसे कडे सव्वेणं सव्वे कडे गोयमा नो देसेणं कडे नो देसेणं सव्वे कडे
नो सव्वेणं देसे कडे सव्वेणं सव्वे कडे नेरइयाणं भंते कंखामोहणिज्जे कम्मे कडे हंता [कडे से
भंते किं देसेणं देसे कडे देसेणं सव्वे कडे सव्वेणं देसे कडे सव्वेणं सव्वे कडे गोयमा नो देसेणं
देसे कडे नो देसेणं सव्वे कडे नो सव्वेणं देसे कडे] सव्वेणं सव्वे कडे एवं जाव वेमाणियाणं
दंडओ भाणियव्वो ॥२८॥-28

(३५) जीवा णं भंते कंखामोहणिज्जं कम्मं करिंसुं हंता करिंसुं तं भंते किं देसेणं देसं
करिंसुं देसेणं सव्वं करिंसुं सव्वेणं देसं करिंसुं सव्वेणं सव्वं करिंसुं गोयमा नो देसेणं देसं करिंसुं
नो देसेणं सव्वं करिंसुं नो सव्वेणं देसं करिंसुं सव्वेणं सव्वं करिंसुं एएणं अभिलावेणं दंडओ
भाणियव्वो जाव वेमाणियाणं एवं करेति एत्थं वि दंडओ जाव वेमाणियाणं एवं करिस्संति

एत्थं वि दंडओ जाव वेमाणियाणं एवं चिए चिणिसु चिणंति चिणिसंति उविए उवचिणिसु उवचिणंति उवचिणिसंति उदीरंसु उदीरेति उदीरिसंति वेदंसु वेदेति वेदिसंति निज्जरेंसु निज्जरेति निज्जरिसंति । ३२१-२९

(३६) कड-चिय-उवचिय उदीरिया वेदिया य निज्जिण्णा

आदितिए चउभेदा तियभेदा पच्छिमा तिण्णि

॥७॥-७

(३७) जीवा णं भंते कंखामोहणिज्जं कम्मं वेदेति हंता वेदेति कहण्णं भंते जीया कंखामोहणिज्जं कम्मं वेदेति गोयमा तेहिं तेहिं कारणेहिं संकिया कंखिया वित्तिणिंछिया भेदसमावत्ता कलुससमावत्ता-एवं खलु जीवा कंखामोहणिज्जं कम्मं वेदेति । ३२१-३०

(३८) से नूणं भंते तमेव सच्चं नीसकं जं जिणेहिं पवेइयं हंता गोयमा तमेव सच्चं नीसकं जं जिणेहिं पवेइयं । ३२१-३१

(३९) से नूणं भंते एवं मणं धारेमाणे एवं पकरेमाणे एवं विट्ठेमाणे एवं संवरे माणे आणाए आराहए भवति हंता गोयमा एवं मणं धारेमाणे एवं पकरेमाणे एवं विट्ठेमाणे एवं संवरे माणे आणाए आराहए भवति । ३२।

(४०) से नूणं भंते अत्थितं अत्थिते परिणमइ नत्थितं नत्थिते परिणमइ हंता गोयमा [अत्थितं अत्थिते परिणमइ नत्थितं नत्थिते] परिणमइ जं णं भंते अत्थितं अत्थिते परिणमइ नत्थितं नत्थिते परिणमइ तं किं पयोगसा वीससा गोयमा पयोगसा वि तं अत्थितं अत्थिते परिणमइ नत्थितं नत्थिते परिणमइ वीससा वि तं अत्थितं अत्थिते परिणमइ नत्थितं नत्थिते परिणमइ जहा ते भंते अत्थिते परिणमइ तथा ते नत्थितं नत्थिते परिणमइ जहा ते नत्थितं नत्थिते परिणमइ तथा ते अत्थितं अत्थिते परिणमइ हंता गोयमा जहा मे अत्थितं अत्थिते परिणमइ तथा मे नत्थितं नत्थिते परिणमइ जहा मे नत्थितं नत्थिते परिणमइ तथा मे अत्थितं अत्थिते परिणमइ, से नूणं भंते अत्थितं अत्थिते गमणिज्जं नत्थितं नत्थिते गमणिज्जं हंता गोयमा अत्थितं अत्थिते गमणिज्जं नत्थितं नत्थिते गमणिज्जं जं णं भंते अत्थितं अत्थिते गमणिज्जं नत्थितं नत्थिते गमिज्जं तं किं पयोगसा वीससा गोयमा पयोगसा वि तं [अत्थितं अत्थिते गमणिज्जं नत्थितं नत्थिते गमणिज्जं वीससा वि तं अत्थितं अत्थिते गमणिज्जं नत्थितं नत्थिते गमणिज्जं जहा ते भंते अत्थितं अत्थिते गमणिज्जं तथा ते नत्थितं नत्थिते गमणिज्जं जहा ते नत्थितं नत्थिते गमणिज्जं तथा ते अत्थितं अत्थिते गमणिज्जं हंता गोयमा जहा मे अत्थितं अत्थिते गमणिज्जं तथा मे नत्थितं नत्थिते गमणिज्जं जहा मे नत्थितं नत्थिते गमणिज्जं तथा मे अत्थितं अत्थिते गमणिज्जं । ३३१-३३

(४१) जहा ते भंते एत्थं गमणिज्जं तथा ते इहं गमणिज्जं जहा ते इहं गमणिज्जं तथा ते एत्थं गमणिज्जं हंता गोयमा जहा मे एत्थं गमणिज्जं [तथा मे इहं गमणिज्जं जहा मे इहं गमणिज्जं] तथा मे एत्थं गमणिज्जं । ३४१-३४

(४२) जीवा णं भंते कंखामोहणिज्जं कम्मं बंधंति हंता बंधंति कहण्णं भंते जीया कंखामोहणिज्जं कम्मं बंधंति गोयमा पमादपच्चया जोगनिमित्तं व, से णं भंते पमादे किंपभवे गोयमा जोगप्पभवे से णं भंते जोए किंपभवे गोयमा विरियप्पभवे से णं भंते विरिए किंपभवे गोयमा सरीरप्पभवे से णं भंते सरीरे किंपभवे गोयमा जीवप्पभवे एवं सति अत्थि उट्ठाइणेइ वा कम्पेइ वा बलेइ वा वीरिएइ वा पुरिसक्कार परक्कमेइ वा । ३५१-३५

(४३) से नूनं भंते अप्पणा चेव उदीरेति अप्पणा चेव गरहति अप्पणा चेव संवरेति हंता गोयमा अप्पणा चेव [उदीरेति अप्पणा चेव गरहति अप्पणा चेव संवरेति] जं णं भंते अप्पणा चेव उदीरेति अप्पणा चेव गरहति अप्पणा चेव संवरेति तं किं- उदिण्णं उदीरेति अनुदिण्णं उदीरेति अनुदिण्णं उदीरणाभविं कम्मं उदीरेति उदयणंतरपच्छा- कडं कम्मं उदीरेति गोयमा नो उदिण्णं उदीरेति नो अनुदिण्णं उदीरेति अनुदिण्णं उदीरणा- भविं कम्मं उदीरेति नो उदयणंतरपच्छाकडं कम्मं उदीरेति जं णं भंते अनुदिण्णं उदीरणा- भविं कम्मं उदीरेति तं किं उद्वाणेणं कम्मेणं बलेणं वीरिएणं पुरिसक्कार-परक्कमेणं अनुदिण्णं उदीरणाभविं कम्मं उदीरेति उदाहु तं अनुद्वाणेणं अकम्मेणं अबलेणं अवीरिएणं अपुरिसक्कार परक्कमेणं अनुदिण्णं उदीरणाभविं कम्मं उदीरेति गोयमा तं उद्वाणेणं वि कम्मेणं वि बलेणं वि वीरिएणं वि पुरिसक्कार परक्कमेणं वि अनुदिण्णं उदीरणा-भविं कम्मं उदीरेति नो तं अनुद्वाणेणं अकम्मेणं अबलेणं अवीरिएणं अपुरिसक्कारपरक्कमेणं अनुदिण्णं उदीरणा भविं कम्मं उदीरेति एवं सति अत्थि उद्वाणेइ वा कम्मेइ वा बलेइ वा वीरिएइ वा पुरिस- क्कारपरक्कमेइ वा से नूनं भंते अप्पणा चेव उवसामेइ अप्पणा चेव गरहइ अप्पणा चेव संवरेइ हंता गोयमा अप्पणा चेव उवसामेइ अप्पणा चेव गरहइ अप्पणा चेव संवरेइ जं णं भंते अप्पणा चेव उवसामेइ अप्पणा चेव गरहति अप्पणा चेव संवरेति तं किं-उदिण्णं उवसामेइ अनुदिण्णं उवसामेइ अनुदिण्णं उदीरणाभविं कम्मं उवसामेइ उदयणंतरपच्छाकडं कम्मं उवसामेइ गोयमा नो उदिण्णं उवसामेइ अनुदिण्णं उवसामेइ नो अनुदिण्णं उदीरणाभविं कम्मं उवसामेइ नो उदयणंत-रपच्छाकडं कम्मं उवसामेइ

जं णं भंते अनुदिण्णं उवसामेइ तं किं उद्वाणेणं कम्मेणं बलेणं वीरिएणं पुरिसक्कार-परक्कमेणं अनुदिण्णं उवसामेइ उदाहुं तं अनुद्वाणेणं अक्कमेणं अबलेणं अवीरिएणं अपुरिस-क्कार- परक्कमेणं अनुदिण्णं उवसामेइ गोयमा तं उद्वाणेणं वि कम्मेणं वि बलेणं वि वीरिएणं वि पुरिसक्कारपरक्कमेणं वि अनुदिण्णं उवसामेइ नो तं अनुद्वाणेणं अक्कमेणं अबलेणं अवीरिएणं अपुरिसक्कारपरक्कमेणं अनुदिण्णं उवसामेइ एवं सति अत्थि उद्वाणेणं वा कम्मेइ वा बलेइ वा वीरिएइ वा पुरिसक्कारपरक्कमेइ वा से नूनं भंते अप्पणा चेव वेदेति अप्पणा चेव गरहति हंता गोयमा अप्पणा चेव वेदेति अप्पणा चेव गरहति जं णं भंते अप्पणा चेव वेदेति अप्पणा चेव गरहति तं किं- उदिण्णं वेदेति अनुदिण्णं वेदेति अनुदिण्णं उदीरणा-भविं कम्मं वेदेति उदयणंतरपच्छाकडं कम्मं वेदेति गोयमा उदिण्णं वेदेति नो अनुदिण्णं वेदेति नो अनुदिण्णं उदीरणाभविं कम्मं वेदेति नो उदयणंतरपच्छाकडं कम्मं वेदेति जं णं भंते उदिण्णं वेदेति तं किं उद्वाणेणं कम्मेणं बलेणं वीरिएणं पुरिसक्कार-परक्कमेणं उदिण्णं वेदेति उदाहु तं अनुद्वाणेणं अकम्मेणं अबलेणं अवीरिएणं अपुरिसक्कारपरक्कमेणं उदिण्णं वेदेति गोयमा तं उद्वाणेणं वि कम्मेणं वि बलेणं वि वीरिएणं वि पुरिसक्कार-परक्कमेणं वि उदिण्णं वेदेति नो तं अनुद्वाणेणं अकम्मेणं अबलेणं अवीरिएणं अपुरिसक्कारपरक्कमेणं उदिण्णं वेदेति एवं सति अत्थि उद्वाणेइ वा कम्मेइ वा वीरिएइ वा पुरिसक्कार-परक्कमेइ वा से नूनं भंते अप्पणा चेव निज्जेरति अप्पणा चेव गरहति हंता गोयमा अप्पणा चेव निज्जेरति अप्पणा चेव गरहति जं णं भंते अप्पणा चेव निज्जेरति अप्पणा चेव गरहति तं किं- उदिण्णं निज्जेरति

अनुदिण्णं निज्जेति अनुदिण्णं उदीरणाभविं कम्मं निज्जेति उदयाणंतरपच्छाकडं कम्मं निज्जेति गोयमा नो उदिण्णं निज्जेति नो अनुदिण्णं निज्जेति नो अनुदिण्णं उदीरणा- भविं कम्मं निज्जेति उदयाणंतरपच्छाकडं कम्मं निज्जेति जं णं भंते उदयाणंतरपच्छाकडं कम्मं निज्जेति तं किं उद्वाणेणं कम्मेणं बलेणं वीरिएणं पुरिसक्कार-परक्कमेणं उदयाणंतरपच्छाकडं कम्मं निज्जेति उदाहु तं अनुद्वाणेणं अकम्मेणं अबलेणं अवीरिएणं अपुरिसक्कारपरक्क- मेणं उदयाणंतरपच्छाकडं कम्मं निज्जेति गोयमा तं उद्वाणेणं वि कम्मेणं वि बलेणं वि वीरिएणं वि पुरिसक्कार-परक्कमेणं वि उदयाणंतरपच्छाकडं कम्मं निज्जेति नो तं अनुद्वाणेणं अकम्मेणं अबलेणं अवीरिएणं अपुरिसक्कारपरक्कमेणं उदयाणंतरपच्छाकडं कम्मं निज्जेति एवं सति अत्थि उद्वाणेइ वा कम्मेइ वा बलेइ वा वीरिएइ वा पुरिसक्कार-परक्कमेइ वा ॥३६॥-३८

(४४) नेरइया णं भंते कंखामोहणिज्जं कम्मं वेदेति जहा ओहिया जीवा तथा नेरइया जाव थणियकुमारा पुढविक्काइया णं भंते कंखामोहणिज्जं कम्मं वेदेति हंता वेदेति कहण्णं भंते पुढविक्काइया कंखामोहणिज्जं कम्मं वेदेति गोयमा तेहिं णं जीवाणं नो एवं तक्का इ वा सण्णा इ वा पण्णा इ वा मणे इ वा वई ति वा-अम्हे णं कंखामोहणिज्जं कम्मं वेदेमो वेदेति पुण ते, से नूणं भंते तमेव सच्चं नीसकं जं जिणेहिं पवेइयं हंता गोयमा तमेव सच्चं नीसकं जं जिणेहिं पवेइयं सेसं तं चेव जाव अत्थि उद्वाणेइ वा कम्मेइ वा बलेइ वा वीरिएइ वा पुरिस-क्कारपरक्कमेइ वा एवं जाव चउरिंदिया पंचिदियतिरिक्खजोणिया जाव वेमाणिया जहा ओहिया जीवा ॥३७॥-३७

(४५) अत्थि णं भंते सण्णा वि निगंथा कंखामोहणिज्जं कम्मं वेदंति हंता अत्थि कहण्णं भंते सण्णा निगंथा कंखामोहणिज्जं कम्मं वेदेति गोयमा तेहिं तेहिं नाणंतरेहिं दंसण-तरेहिं चरिंतंतरेहिं लिगंतरेहिं पवयणंतरेहिं पावयणंतरेहिं कप्पंतरेहिं भग्गंतरेहिं मतत्तरेहिं भंगंतरेहिं नयंतरेहिं नियमंतरेहिं पमाणंतरेहिं संकिता कंखिता वित्तिकिच्छिता भेदसमावत्रा कलुससमावत्रा-एवं खलु सण्णा निगंथा कंखामोहणिज्जं कम्मं वेदेति से नूणं भंते तमेव सच्चं नीसकं जं जिणेहिं पवेदितं हंता गोयमा तमेव सच्चं नीसकं जं जिणेहिं पवेदितं एवं जाव अत्थि उद्वाणेइ वा कम्मेइ वा जाव पुरिसक्कार-परक्कमेइ वा सेवं भंते सेवं भंते ॥३८॥-३८

● पढमे तत्ते तइओ उद्देसो सप्तो ●

—: च उ त्थो — उ हे सो :—

(४६) कति णं भंते कम्मप्पगडीओ पन्नत्ताओ गोयमा अहु कम्मप्पडीओ पन्नत्ताओ कम्मप्पगडीओ पढमो उद्देसो नेयव्वो जाव-अनुभागो सप्तो ॥३९॥-३९

(४७) कति पगडी कह बंधति कतिहिं व ठाणेहिं बंधती पगडी

कति वेदेति व पगडी अनुभागो कतिविहो कस्स ॥४०॥-४०

(४८) जीवे णं भंते मोहणिज्जेणं कडेणं उदिण्णेणं उवद्वाएज्जा हंता उवद्वाएज्जा से भंते किं वीरियत्ताए उवद्वाएज्जा अवीरियत्ताए उवद्वाएज्जा गोयमा वीरियत्ताए उवद्वाएज्जा नो अवी-रियत्ताए उवद्वाएज्जा जइ वीरियत्ताए उवद्वाएज्जा किं-बालवीरियत्ताए उवद्वाएज्जा पंडियवी-रियत्ताए उवद्वाएज्जा बालपंडियवीरियत्ताए उवद्वाएज्जा गोयमा बालवीरियत्ताए उवद्वाएज्जा नो पंडियवीरियत्ताए उवद्वाएज्जा नो बालपंडियवीरियत्ताए उवद्वाएज्जा जीवे णं भंते मोहणिज्जेणं

कडेणं कम्मेणं उदिण्णेणं अवक्कमेज्जा हंता अवक्कमेज्जा से भंते किं वीरियत्ताए अवक्कमेज्जा अविरियत्ताए अवक्कमेज्जा गोयमा वीरियत्ताए अवक्कमेज्जा नो अविरियत्ताए अवक्कमेज्जा जइ विरियत्ताए अवक्कमेज्जा नो अविरियत्ताए अवक्कमेज्जा जइ विरियत्ताए अवक्कमेज्जा किं-बालवीरियत्ताए अवक्कमेज्जा पंडियवीरियत्ताए अवक्कमेज्जा बालपंडियवीरियत्ताए अवक्कमेज्जा गोयमा सिय बाल- पंडियवीरियत्ताए अवक्कमेज्जा, जीवे णं भंते मोहणिज्जेणं कडेणं कम्मेणं उवसंतेणं उवट्ठाएज्जा हंता उवट्ठाएज्जा से भंते किं वीरियत्ताए उवट्ठाएतज्जा अविरियत्ताए उवट्- ठाएज्जा गोयमा वीरियत्ताए उवट्ठाएज्जा नो अविरियत्ताए उवट्ठाएज्जा जइ वीरियत्ताए उवट्ठाएज्जा किं-बालवीरियत्ताए उवट्ठाएज्जा पंडिय वीरियत्ताए उवट्ठाएज्जा बालपंडिय वीरियत्ताए उवट्ठाएज्जा गोयमा नो बालवीरियत्ताए उवट्ठाएज्जा पंडियवीरियत्ताए उवट्ठाएज्जा नो बालपंडियवीरियत्ताए उवट्ठाएज्जा जीवे णं भंते मोहणिज्जेणं कडेणं कम्मेणं उवसंतेणं अवक्कमेज्जा हंता अवक्कमेज्जा से भंते किं वीरियत्ताए अवक्कमेज्जा अविरियत्ताए अवक्कमेज्जा गोयमा वीरियत्ताए अवक्कमेज्जा नो अविरियत्ताए अवक्कमेज्जा जइ वीरियत्ताए अवक्कमेज्जा किं-बालवीरियत्ताए अवक्कमेज्जा पंडियवीरियत्ताए अवक्कमेज्जा बालपंडियवीरियत्ताए अवक्कमेज्जा गोयमा नो बालवीरियत्ताए अवक्कमेज्जा नो पंडियवीरियत्ताए अवक्कमेज्जा बालपंडियवीरियत्ताए अवक्कमेज्जा से भंते किं आयाए अवक्कमइ अणायाए अवक्कमइ गोयमा आयाए अवक्कमइ नो अणायाए अवक्कमइ-मोहणिज्जेणं कम्मं वेदमाणे से कहमेयं भंते एवं गोयमा पुब्बि से एयं एवं रोयइ इयाणि से एयं एवं नो रोयइ-एवं खलु एयं एवं १४०।४०

(४९) से नूणं भंते नेरइयस्स वा तिरिक्खजोणियस्स वा मणुस्सस्स वा देवस्स वा जे कडे पावे कम्मे नत्थि णं तस्स अवेदइत्ता मोक्खो हंता गोयमा नेरइयस्स वा तिरिक्खजोणियस्स वा मणुस्सस्स वा देवस्स वा जे कडे पावे कम्मे नत्थि णं तस्स अवेदइत्ता मोक्खो से केणट्ठेणं भंते एवं बुद्धइ नेरइयस्स वा [तिरिक्खजोणियस्स वा मणुस्सस्स वा देवस्स वा जे कडे पावे कम्मे नत्थि णं तस्स अवेदइत्ता] मोक्खो एवं खलु मए गोयमा दुविहे कम्मे पत्तते तं जहा-पदेसकम्मे य अनुभागकम्मे य तत्थ णं जं णं पदेसम्मं तं नियमा वेदेइ तत्थ णं जं णं अनुभागकम्मं तं अत्येगइयं वेदेइ अत्येगइयं नो वेदेइ नायमेयं अरहया सुयमेयं अरहया विण्णायमेयं अरहया-इमं कम्मं अयं जीवे अब्भोदगमियाए वेदणाए वेदेस्सइ इमं कम्मं अयं जीवे उवक्कमियाए वेदणाए वेदेस्सइ अहाकम्मं अहानिकरणं जहा जहा तं भगवया दिट्ठं तहा तहा तं विष्परिण-मिस्सतीति से तेणट्ठेणं गोयमा एवं बुद्धइ-नेरइयस्स वा तिरिक्खजोणियस्स वा जाव देवस्स वा जे कडे पावे कम्मे नत्थि णं तस्स अवेदइत्ता मोक्खो १४१।४१

(५०) एस णं भंते पोग्गले तीतं अनंतं सासयं समयं भुविंति वत्तव्वं सिया हंता गोयमा एस णं पोग्गले तीतं अनंतं सासयं समयं भुवीति वत्तव्वं सिया एस णं भंते पोग्गले पडुप्पण्णं सासयं समयं भवतीति वत्तव्वं सिया हंता गोयमा एस णं पोग्गले पडुप्पण्णं सासयं समयं भवतीति वत्तव्वं सिया हंता गोयमा [एस णं पोग्गले अनागयं अनंतं सासयं समयं भविस्सतीति वत्तव्वं सिया] एस णं भंते खंधे [तीतं अनंतं सासयं समयं भुवीति वत्तव्वं सिया हंता गोयमा एस णं खंधे तीतं अनंतं सासयं समयं भुवीति वत्तव्वं सिया एस णं भंते खंधे पुडुप्पण्णं सासयं समयं

भवतीति वत्तव्वं सिया हंता गोयमा एस णं खंधे पडुप्पण्णं सासयं समयं भवतीति वत्तव्वं सिया हंता गोयमा एस णं भंते खंधे अणागयं अनंतं सासयं समयं भविस्सतीति वत्तव्वं सिया हंता गोयमा एस णं खंधे अणागयं अनंतं सासयं समयं भविस्सतीति वत्तव्वं सिया एस णं भंते जीवे तीतं अनंतं सासयं समयं भवीति वत्तव्वं सिया हंता गोयमा एस णं जीवे तीतं अनंतं सासयं समयं भवीति वत्तव्वं सिया एस णं भंते जीवे पडुप्पण्णं सासयं समयं भवतीति वत्तव्वं सिया एस णं भंते जीवे अणागयं अनंतं सासयं समयं भविस्सतीति वत्तव्वं सिया हंता गोयमा एस णं जीवे अणागयं जाव समयं भविस्सतीति वत्तव्वं सिया १४२१-४२

(५१) छउमत्थे णं भंते मणूसे तीतं अनंतं सासयं समयं-केवलेणं संजमेणं केवलेणं संवरेणं केवलेणं बंभचेरवासेणं केवलहिं पवयणमायाहिं सिज्झिंसु बुज्झिंसु मुच्चिंसु परिणि-
व्वाइंसु सव्वदुक्खाणं अंतं करिंसु गोयमा नो इण्हे समडे से केण्हेणं भंते एवं बुद्धइ [छउमत्थे णं मणूस्से तीतं अनंतं सासयं समयं केवलेणं संजमेणं केवलेणं संवरेणं केवलेणं बंभचेरवासेणं केवलहिं पवयणमायाहिं नो सिज्झिंसु नो बुज्झिंसु नो मुच्चिंसु नो परिनिव्वाइंसु नो सव्व-
दुक्खाणं] अंतं करिंसु गोयमा जे केइ अंतकरा वा अंतिमसरीरिया वा-सव्वदुक्खाणं अंतं करेसु वा करेति वा करिस्संति वा-सव्वे ते उप्पन्ननाण-दंसणधरा अरहा जिणा केवली भविता तओ पच्छा सिज्झंति बुज्झंति मुच्चंति परिनिव्वायंति सव्वदुक्खाणं अंतं करेसु वा करेति वा करिस्संति वा से तेण्हेणं गोयमा [एवं बुद्धइ छउमत्थे णं मणूस्से तीतं अनंतं सासयं समयं-
केवलेणं संजमेणं केवलेणं संवरेणं केवलेणं बंभचेरवासेणं केवलहिं पवयणमायाहिं नो सिज्झिंसु नो बुज्झिंसु नो मुच्चिंसु नो परिनिव्वाइंसु नो] सव्वदुक्खाणं अंतं करिंसु पडुप्पण्णे वि एवं चेव नवरं-सिज्झंति भाणियव्वं अनागए वि एवं चेव नवरं-सिज्झिस्संति भाणियव्वं जहा छउमत्थो तहा आहोहिओ वि तहा परमाहोहिओ वि तिण्णि तिण्णि आलावगा भाणियव्वा,
केवली णं भंते मणूसे तीतं अनंतं सासयं समयं [सिज्झिंसु बुज्झिंसु मुच्चिंसु परिनिव्वाइंसु सव्वदुक्खाणं अंतं करिंसु हंता गोयमा केवली णं मणूसे तीतं अनंतं सासयं समयं सिज्झिंसु बुज्झिंसु मुच्चिंसु परिनिव्वाइंसु सव्वदुक्खाणं अंतं करिंसु केवली णं भंते मणूसे पडुप्पण्णं सासयं
समयं सिज्झंति बुज्झंति मुच्चंति परिनिव्वायंति सव्वदुक्खाणं अंतं करेति हंता गोयमा केवली णं मणूसे पडुप्पण्णं सासयं समयं सिज्झंति बुज्झंति मुच्चंति परिनिव्वायंति सव्वदुक्खाणं अंतं करेति केवली णं भंते मणूसे अणागयं अनंतं सासयं समयं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणं अंतं करिस्संति हंता गोयमा केवली णं मणूसे अणागयं अनंतं
सासयं समयं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणं अंतं करिस्संति] से नूणं भंते तीतं अनंतं सासयं समयं पडुप्पण्णं वा सासयं समयं अणागयं अनंतं वा सासयं समयं जे केइ अंतकरा वा अंतिमसरीरिया वा सव्वदुक्खाणं अंतं करेसु वा करेति वा करिस्संति वा सव्वे ते उप्पन्ननाण-दंसणधरा अरहा जिणा केवली भविता तओ पच्छा सिज्झंति बुज्झंति मुच्चंति परिनिव्वायंति सव्वदुक्खाणं अंतं करेसु वा करेति वा करिस्संति वा हंता
गोयमा तीतं अनंतं सासयं समयं पडुप्पण्णं वा सासयं समयं अणागयं अनंतं वा सासयं समयं जे केइ अंतकरा वा अंतिमसरीरिया वा सव्वदुक्खाणं अंतं करेसु वा करेति वा करिस्संति वा सव्वे ते उप्पन्ननाण-दंसणधरा अरहा जिणा केवली भविता तओ पच्छा सिज्झंति बुज्झंति मुच्चंति

परिनिव्यायंति सब्बदुक्खाणं अंतं करेंसु वा करेंति वा करिस्संति वा से नूणं भंते उप्पन्ननाणं-
दंसणधरे अरहा जिणे केवली अलमत्थु ति वत्तव्वं सिया हंता गोयमा उप्पन्ननाणं-दंसणधरे
अरहा जिणे केवली अलमत्थु ति वत्तव्वं सिया सेवं भंते सेवं भंते ॥३१-४३

● पठ्ये सत्ते चउत्थो उद्देशो समत्तो ●

—: पं च मो — उ दे सो :—

(५२) कति णं भंते पुढवीओ पन्नताओ गोयमा सत्त पुढवीओ प. - रयणप्पभा [सक्क-
रप्पभा बालुयप्पभा पंकप्पभा धूमप्पभा तभप्पभा] तमतमा इमीसे णं भंते रयणप्पभाए पुढवीए
कति निरयावाससयसहस्सा पन्नता गोयमा तीसं निरयावाससयसहस्सा पन्नता ॥४४-११-४४-१

(५३) तीसा य पन्नवीसा पन्नरस दसेव या सयसहस्सा

तित्रेणं पंचूणं पंचेव अनुत्तरा निरया

॥९॥-९

(५४) केवइया णं भंते असुरकुमारावाससयसहस्सा पन्नता गोयमा चोयड्डी असुरकु-
मारावाससयसहस्सा पन्नता ॥४४-२१-४४-२

(५५) चोयड्डी असुराणं चउरासीई य होइ नागाणं

बावत्तरिं सुवण्णाणं वाउकुमाराण छन्नउई

॥१०॥-१०

(५६) दीव-दिसा-उदहीणं-विज्जुकुमारिंद-धणियामणीणं

छणं पि जुयलयाणं छावत्तरिमो सयसहस्सा

॥११॥-११

(५७) केवइया णं भंते पुढविक्काइयावाससयसहस्सा पन्नता गोयमा असंखेज्जा
पुढविक्काइयावाससयसहस्सा पन्नता जाव असंखिज्जा जोइसियविमाणावाससयसहस्सा
पन्नता सोहम्मे णं भंते कप्पे कति विमाणावाससहस्सा पन्नता गोयमा बत्तीसं विमाणावास-
सयसहस्सा पन्नता ॥४४-३१ - ४४१-४४-३-४४

(५८) बत्तीसद्वावीसा बारस-अट्ठ-चउरो सयसहस्सा

पन्ना-चत्तालीसा छच्च सहस्सा सहस्सारे

॥१२॥-१२

(५९) आणय-पाणयकप्पे चत्तारि सयारणद्युए तिण्णि

सत्त विमाणसयाई चउसु वि एएसु कप्पेसु

॥१३॥-१३

(६०) एककारसुत्तरं हेट्ठिमए सत्तुतरं सयं च भज्जमए

सयमेगं उवरिमए पंचेव अनुत्तरविमाणा

॥१४॥-१४

(६१) पुढवी द्वित्ति-ओगाहण-सरीर-संधयणमेव संठाणे

लेस्सा दिट्ठी नाणे जोगुवओगे य दस ठाणा

॥१५॥-१५

(६२) इमीसे णं भंते रयणप्पभाए पुढवीए तीसाए निरयावाससयसहस्सेसु एगमेगंसि
निरयावाससि नेरइयाणं केवइया ठितिट्ठाणा पन्नता गोयमा असंखेज्जा ठितिट्ठाणा पन्नता तं
जहा-जहणिया ठिती समयहिंया जहणिया ठिती दुसमयाहिंया जहणिया ठिती जाव
असंखेज्जा समयहिंया जहणिया ठिती तप्पाउग्गुक्कोसिया ठिती इमीसे णं भंते रयणप्प-
भाए पुढवीए तीसाए निरयावाससयसहस्सेसु एगमेगंसि निरयावाससि जहणियाए ठितीए
वट्ठमाणा नेरइया किं-कोहोवउत्ता मानोवउत्ता मायोवउत्ता लोभोवउत्ता गोयमा सब्बे वि
ताव होज्जा कोहोवउत्ता अहवा कोहोवउत्ता य मानोवउत्ते य अहवा कोहोवउत्ता य माणो-
वउत्ता य अहवा कोहोवउत्ता य मायोवउत्ते य अहवा कोहोवउत्ता य मायोवउत्ता य अहवा

कोहोवउत्ता य लोभोवउत्ते य अहवा कोहोवउत्ता य लोभोवउत्ता य अहवा कोहोवउत्ता य माणो-
वउत्ता य मायोवउत्ते य कोहोवउत्ता य माणोवउत्ते य मायोवउत्ता य कोहोवउत्ता य माणोवउत्ता
य मायोवउत्ते य कोहोवउत्ता य माणोवउत्ता य मायोवउत्ता य कोहोवउत्ता य माणोवउत्ते य लो-
भोवउत्ते य कोहोवउत्ता य माणोवउत्ते य लोभोवउत्ता य कोहोवउत्ता माणोवउत्ता य लोभोवउत्ते
य कोहोवउत्ता य माणोवउत्ता य लोभोवउत्ता य कोहोवउत्ता य मायोवउत्ता य लोभोवउत्ते य
कोहोवउत्ता मायोवउत्ते य लोभोवउत्ता य कोहोवउत्ता य मायोवउत्ता य लोभोवउत्ते य कोहो-
वउत्ता य मायोवउत्ता य लोभोवउत्ता य कोहोवउत्ता य माणोवउत्ते य मायोवउत्ते य लोभोवउत्ते य
कोहोवउत्ता य माणोवउत्ते य मायोवउत्ते य लोभो- वउत्ता य कोहोवउत्ता य माणोवउत्ते य
मायोवउत्ता य लोभोवउत्ते य कोहोवउत्ताय माणोवउत्ते य मायोवउत्ता य लोभोवउत्ता य कोहो-
वउत्ता य माणोवउत्ता य मायोवउत्ते य लोभोवउत्ता य कोहोवउत्ता य माणोवउत्ता य मायो-
वउत्ताय य लोभोवउत्ते य कोहोवउत्ता य मानोवउत्ता य मायो- वउत्ता य लोभोवउत्ता य इमीसे णं
भंते रयणप्पभाए पुढवीए तीसाए निरयावाससयसहस्सेसु एगमेगंसि निरयावासंसि समया-
हियाए जहण्णडितीए वट्टमाणा नेरइया किं-कोहो- वउत्ता माणोवउत्ता मायोवउत्ता लोभोवउत्ता
गोयमा कोहोवउत्ते य माणोवउत्ते य मायोवउत्ते य लोभोवउत्ते य कोहोवउत्ता य माणोवउत्ता य
मा- योवउत्ता य लोभोवउत्ता य अहवा कोहोवउत्ते य माणोवउत्ते य अहवा कोहोवउत्ते य
माणोवउत्ता य एवे असीतिभंगा नेयव्वा एवं जाव संखेज्जसमणाहियाए ठितीए असंखेज्ज-
समयाहियाए ठितीए तप्पाउग्गुक्कोसियाए ठितीए सत्तावीसं भंगा भाणियव्वा १४५। ४५

(६३) इमिसे णं भंते रयणप्पभाए पुढवीए तीसाए निरयावाससयसहस्सेसु एगमेगंसि
निरयावासंसि नेरइयाणं केवइया ओगाहणाठाणा पत्रत्ता गोयमा असंखेज्जा ओगाहणाठाणा
पत्रत्ता तं जहा-जहणिया ओगाहणा पदेसाहिया जहणिया ओगाहणा दुपदेसाहिया जह-
णिया ओगाहणा जाव असंखेज्जपएसाहिया जहणिया ओगाहणा तप्पाउग्गुक्कोसिया ओ-
गाहणा इमीसे णं भंते रयणप्पभाए पुढवीए तीसाए निरयावाससयसहस्सेसु एगमेगंसि निरया-
वासंसि जहणियाए ओगाहणाए वट्टमाणा नेरइया किं कोहोवउत्ता असीइभंगा भाणियव्वा
जाव संखेज्जपदेसाहिया जहणिया ओगाहणा असंखेज्जपदेसाहिए जहणियाए ओगाहणाए
वट्टमाणाणं तप्पाउग्गुक्कोसियाए ओगाहणाए वट्टमाणाणं सत्तावीसं भंगा इमीसे णं भंते रयण-
प्पभाए पुढवीए [तीसाए निरयावाससयसहस्सेसु] एगमेगंसि निरयावासंसि नेरइयाणं कइ
सरीरया पत्रत्ता गोयमा तिण्णि सरीरया पत्रत्ता तं जहा-वेउव्विए तेयए कप्पे इमीसे णं भंते
रयणप्पभाए जाव वेउव्वियसरीरे वट्टमाणा नेरइया किं कोहो वउत्ता सत्तावीसं भंगा एणं गमेणं
तिण्णि सरीरया भाणियव्वा इमीसे णं भंते रयणप्पभाए जाव नेरइयाणं सरीरया किसंघयणा
पत्रत्ता गोयमा छण्हं संघयणाणं असंघयणी नेवट्ठी नेव छिरा नेव न्हारुणि जे पोग्गला अण्णिट्ठा
अकंता अय्पिया असुहा अमणुण्णा अमणामा एतेसिं सरीरसंघयताए परिणमंति इमीसे णं भंते
रयणप्पभाए जाव छण्हं संघयणाणं असंघयणे वट्टमाणा नेरइया किं कोहोवउत्ता सत्तावीसं भंगा
इमीसे णं भंते रयणप्पभाए जाव नेरइयाणं सरीरया किसंठिया पत्रत्ता गोयमा दुविहा पत्रत्ता तं
जहा-भवधारणिज्जा य उत्तरवेउव्विया य तत्थ णं जे ते भवधारणिज्जा ते हुंडसंठिया पत्रत्ता तत्थ
णं जे ते उत्तरवेउव्विया ते वि हुंडसंठिया पत्रत्ता इमीसे णं भंते रयणप्पभाए जाव हुंडसंठाणे

वट्टमाणा नेरइया किं कोहोवउत्ता सत्तावीसं भंगा इमीसे णं भंते रयणप्पभाए जाव नेरइयाणं कति लेस्साओ पत्रत्ताओ गोयमा एणा काउलेस्सा पत्रत्ता इमीसे णं भंते रयणप्पभाए जाव काउलेस्साए वट्टमाणा नेरइया किं कोहो वउत्ता सत्तावीसं भंगा ।४६।-४६

(६४) इमीसे णं भंते रयणप्पभाए जाव नेरइया किं सम्मदिट्ठी मिच्छदिट्ठी सम्मा-मिच्छदिट्ठी तिण्णि वि इमीसे णं भंते रयणप्पभाए जाव सम्मदंसणे वट्टमाणा नेरइया किं कोहो-वउत्ता सत्तावीसं भंगा एवं मिच्छदंसणे वि सम्मामिच्छदंसणे असीतिभंगा इमीसे णं भंते रयणप्पभाए जाव नेरइया किं नाणी अन्नाणी गोयमा नाणी वि अन्नाणी वि तिण्णि नाणाई नियमा तिण्णि अन्नाणं भयणाए इमीसे णं भंते रयणप्पभाए जाव आमिनिबोहियनाणे वट्टमाणा नेरइया किं कोहोवउत्ता सत्तावीसं भंगा एवं तिण्णि नाणाई तिण्णि अन्नाणं भा-णियव्वाइ इमीसे णं भंते रयणप्पभाए जाव नेरइया किं मणजोगी वड्जोगी कायजोगी तिण्णि वि इमीसे णं भंते रयणप्पभाए जाव मणजोए वट्टमाणा नेरइया किं कोहोवउत्ता सत्तावीसं भंगा एवं वड्जोए एवं कायजोए इमीसे णं भंते रयणप्पभाए जाव नेरइया किं सागारोवउत्ता अणागारोवउत्ता गोयमा सागारोवउत्ता वि अणागारोवउत्ता वि इमीसे णं भंते रयणप्पभाए जाव सागारोवओणे वट्टमाणा नेरइया किं कोहोवउत्ता सत्तावीसं भंगा एवं अणागारोवउत्ते वि सत्तावीसं भंगा एवं सत्त वि पुढवीओ नेयव्वाओ नाणत्तं लेसासु ।४७।-४७

(६५) काऊ य दोसु तइयाए मीसिया नीलिथा चउत्थीए

पंचमियाए मीसा कण्हा तत्तो परमकण्हा

॥१६॥-१६

(६६) चउसट्ठीए णं भंते असुरकुमारावाससयसहस्सेसु एगमेगंसि असुरकुमारा-वासंसि असुरकुमारणं केवइया ठित्तिट्ठाणा पत्रत्ता गोयमा असंखेज्जा ठित्तिट्ठाणा पत्रत्ता जह-णिया ठिई जहा नेरइया तहा नवरं-पडिलोमा भंगा भाणियव्वा सव्वे वि ताव होज लोभो-वउत्ता अहवा लोभोवउत्ता य मायोवउत्ते य अहवा लोभोवउत्ता य मायोवउत्ता य एएणं गमेणं नेयव्वं जाव थणियकुमारा नवरं-नाणत्तं जाणियव्वं ।४८।-४८

(६७) असंखेजेसु णं भंते पुढविक्काइयावाससयसहस्सेसु एगमेगंसि पुढविक्काइया-वासंसि पुढविक्काइयाणं केवइया ठित्तिट्ठाणा पत्रत्ता गोयमा असंखेज्जा ठित्तिट्ठाणा पत्रत्ता तं जहा-जहणिया ठिई जाव तप्पाउगुक्कोसिया ठिई असंखेजेसु णं भंते पुढविक्काइयावास-सयसहस्सेसु एगमेगंसि पुढविक्काइयावासंसि जहणियाए ठितीए वट्टमाणा पुढविक्काइया किं कोहोवउत्ता माणोवउत्ता मायोवउत्ता लोभोवउत्ता गोयमा कोहोवउत्ता वि माणोवउत्ता वि मायोवउत्ता वि लोभोवउत्ता वि एवं पुढविक्काइयाणं सव्वेसु वि ठाणेसु अभंगयं नवरंतेउ-लेस्साए असीतिभंगा एवं आउक्काइया वि तेउक्काइय-वाउक्काइयाणं सव्वेसु वि ठाणेसु अभंगयं वणप्फइकाइया जहा पुढविक्काइया ।४९।-४९

(६८) बेइदिय-तेइदिय-चउरिदियाणं जेहिं ठाणेहिं नेरइयाणं असीइभंगा तेहिं ठाणेहिं असीइ चव नवरं-अव्वहिया सम्भते आभिणिबोहियनाणे सुयनाणे य एएहिं असीइभंगा जेहिं ठाणेहिं नेरइयाणं सत्तावीसं भंगा तेसुं ठाणेसु सव्वेसु अभंगयं पंचिंदियतिरिक्खजोणिया जहा नेरइया तहा भाणियव्वा नवरं-जेहिं सत्तावीसं भंगा तेहिं अभंगयं कायव्वं मणुस्सा वि जेहिं ठाणेहिं नेरइयाणं असीतिभंगा तेहिं ठाणेहिं मणुस्साण वि असीतिभंगा भाणियव्वा जेसु

सत्तावीसा तेसु अभंगयं नवरं-मणुस्साणं अस्महिंयं जहण्णिण्याए ठिईए आहारए य असी-
तिभंगा वाणमंतर-जोतिस-वेमामिया जहा भवणवासी नवरं-नाणत्तं जाणियव्वं जं जस्स
जाव अनुत्तरा सेवं भंते सेवं भंते ति जाव विहरइ । ५०१-५०

● पढ्मे सत्ते पंचमो उद्देसो सप्ततो ●

—: छ द् ठो — उ दे सो :-

(६९) जावइयाओ णं भंते ओवासंतराओ उदयंते सूरिए चक्खुप्फासं हव्वमागच्छति
अत्यमंते वि य णं सूरिए तावतियाओ चेव ओवासंतराओ चक्खुप्फासं हव्वमागच्छति हंता
गोयमा जावइयाओ णं ओवासंतराओ उदयंते सूरिए चक्खुप्फासं हव्वमागच्छति अत्यमंते
वि य णं सूरिए तावतियाओ चेव ओवासंतराओ चक्खुप्फासं हव्वमागच्छति जावइय णं भंते
खेत्तं उदयंते सूरिए आयवेणं सव्वओ समंता ओभासेइ उज्जोएइ तवेइ पभासेइ अत्यमंते वि य
णं सूरिए तावइयं चेव खेत्तं आयवेणं सव्वओ समंता ओभासेइ उज्जोएइ तवेइ पभासेइ हंता
गोयमा जावतिय णं खेत्तं [उदयंते सूरिए आयवेणं सव्वओ समंता ओभासेइ उज्जोएइ तवेइ
पभासेइ अत्यमंते वि य णं सूरिए तावइयं चेव खेत्तं आयवेणं सव्वओ समंता ओभासेइ
उज्जोएइ तवेइ] पभासेइ तं भंते किं पुट्टं ओभासेइ अपुट्टं ओभासेइ [गोयमा पुट्टं ओभासेइ नो
अपुट्टं तं भंते किं ओगाढं ओभासेइ अणोगाढं ओभासेइ गोयमा ओगाढं ओभासेइ नो
अनोगाढं तं भंते किं अनंतरोगाढं ओभासेइ परंपरोगाढं ओभासेइ गोयमा अनंतरोगाढं
ओभासेइ नो परंपरोगाढं तं भंते किं अणुं ओभासेइ बायरं ओभासेइ गोयमा अणुं पि ओभासेइ
बायरं पि ओभासेइ तं भंते किं उड्ढं ओभासेइ तिरियं ओभासेइ अहे ओभासेइ गोयमा उड्ढं
पि ओभासेइ तिरियं पि ओभासेइ अहे पि ओभासेइ तं भंते किं आई ओभासेइ मज्झे ओभा-
सेइ अंते पि ओभासेइ गोयमा आई पि ओभासेइ मज्झेपि ओभासेइ अंते पि ओभासेइ तं भंते
किं सविसए ओभासेइ अविसए ओभासेइ गोयमा सविसए ओभासेइ नो अविसए तं भंते किं
आनुपुव्वि ओभासेइ अनानुपुव्वि ओभासेइ गोयमा आनुपुव्वि ओभासेइ नो अनानुपुव्वि तं
भंते कइदिसिं ओभासेइ गोयमा नियमा] छदिसिं ओभासेइ एवं-उज्जोवेइ तवेइ पभासेइ से
नूणं भंते सव्वंति सव्वावंति फुसमाणकालसमयंसि जावतियं खेत्तं फुसइ तावतियं फुसमाणे
पुट्ठअहे ति वत्तव्वं सिया हंता गोयमा सव्वंति [सव्वावंति फुसमाणकालसमयंसि जावतियं
खेत्तं फुसइ तावतियं फुसमाणे पुट्ठे ति] वत्तव्वं सिया तं भंते किं पुट्टं फुसइ अपुट्टं फुसइ गोयमा
पुट्टं फुसइ नो अपुट्टं जाव नियमा छदिसिं फुसइ । ५११-५१

(७०) लोयंते भंते अलोयंतं फुसइ अलोयंते वि लोयंतं फुसइ हंता गोयमा लोयंते
अलोयंतं फुसइ अलोयंते वि लोयंतं फुसइ तं भंते किं पुट्टं फुसइ अपुट्टं फुसइ गोयमा पुट्टं फुसइ
नो अपुट्टं जाव नियमा छदिसिं फुसइ दीवंते भंते सागरंतं फुसइ सागरंते वि दीवंतं फुसइ हंता
गोयमा दीवंते सागरंतं फुसइ सागरंते वि दीवंतं फुसइ जाव नियमा छदिसिं फुसइ [उदयंते
भंते पोयंतं फुसइ पोयंते वि उदयंतं फुसइ हंता गोयमा उदयंते पोयंतं फुसइ पोयंते उदयंतं
फुसइ जाव नियमा छदिसिं फुसइ छिदंतं भंते दूसंतं फुसइ दूसंते वि छिदंतं फुसइ हंता गोयमा
छिदंतं दूसंतं फुसइ दूसंते वि छिदंतं फुसइ जाव नियमा छदिसिं फुसइ छायंते भंते आयवंतं
फुसइ आयवंते वि छायंतं फुसइ हंता गोयमा छायंते आयवंतं फुसइ आयवंते वि छायंतं

फुसइ जाव नियमा। छहिसिं फुसइ ॥२१-५२

(७१) अत्थि णं भंते जीवाणं पाणाइवाए णं किरिया कज्झइ हंता अत्थि सा भंते किं पुट्ठा कज्झइ अपुट्ठा कज्झइ गोयमा पुट्ठा कज्झइ नो अपुट्ठा कज्झइ जाव निव्वाघएणं छहिसिं वाघायं पडुच्च सिया तिदिसिं सिया चउदिसिं सिया पंचदिसिं सा भंते किं कडा कज्झइ अकडा कज्झइ गोयमा कडा कज्झइ नो अकडा कज्झइ सा भंते किं अत्तकडा कज्झइ परकडा कज्झइ तदुभयकडा कज्झइ गोयमा अत्तकडा कज्झइ नो परकडा कज्झइ नो तदुभयकडा कज्झइ सा भंते किं आणुपुत्थि कडा कज्झइ अणाणुपुत्थि कडा कज्झइ गोयमा आणुपुत्थि कडा कज्झइ नो अणाणुपुत्थि कडा कज्झइ जा य कडा कज्झइ जा य कज्झिस्सइ सव्वा सा आणुपुत्थि कडा नो अणाणुपुत्थि कडा ति वत्तव्वं सिया अत्थि णं भंते नेरइयाणं पाणाइवायकिरिया कज्झइ हंता अत्थि सा भंते किं पुट्ठा कज्झइ अपुट्ठा कज्झइ गोयमा पुट्ठा कज्झइ नो अपुट्ठा कज्झइ जाव नियमा छहिसिं कज्झइ सा भंते किं कडा कज्झइ अकडा कज्झइ गोयमा कडा कज्झइ नो अकडा कज्झइ तं चेव जाव नो अणाणुपुत्थि कडा ति वत्तव्वं सिया जहा नेरइया तहा एगिंदियवज्जा भाणियव्वा जाव वेमाणिया एगिंदिया जहा जीवा तहा भाणियव्वा जहा पाणाइवाए तहा मुसावाए तहा अदिन्नादाणे मेहुणे परिणहे कोहे [माने पाया लोभे पेजे दोसे कलहे अब्भक्खाणे पेसुन्ने परपरिवाए अरतिरती मायामोसे] मिच्छा-दंसणसल्ले-एवं एए अट्ठारस चउवीसं दंडगा भाणियव्वा सेवं भंते सेवं भंते त्ति भगवं गोयमे समणं भगवं महावीरं वंदति जाव विहरति ॥५३-५३

(७२) तेणं कालेणं तेमं समएणं समणस्स भगवओ महावीरस्स अंतेवासी रोहे नामं अणगारे पगइमइए पगइउवसंते पगइपयणुकोहमाणमायालोभे मिउमइवसंपत्ते अलीणे विणीए समणस्स भगवओ महावीरस्स अदूरसामंते उड्डुजाणं अहोसिरे ज्ञाणकोट्टोवगए संजमेणं तवसा अप्पाणं भावेमाणे विहरइ ततेणं से रोहे अणगारे जायसइडे जाव पञ्चवासमाणे एवं वदासी पुत्थि भंते लोए पच्छा अलोए पुत्थि अलोए पच्छा लोए रोहा लोए य अलोए य पुत्थि पेते पच्छा पेते-दो वेते सासया भावा अणाणुपुत्थी एसा रोहा पुत्थि भंते जीवा पच्छा अजीवा पुत्थि अजीवा पच्छा जीवा [रोहा जीवा य अजीवा य पुत्थि पेते अच्छा पेते-दो वेते सासया भावा अणाणुपुत्थी एसा रोहा पुत्थि भंते भवसिद्धिया पच्छा अभवसिद्धिया पुत्थि अभव-सिद्धिया पच्छा भवसिद्धिया रोहा भवसिद्धिया य अभवसिद्धिया य पुत्थि पेते पच्छा पेते-दो वेते सासया भावा अणाणुपुत्थी एसा रोहा पुत्थि भंते सिद्धि पच्छा असिद्धि पुत्थि असिद्धि पच्छा सिद्धि रोहा सिद्धि य असिद्धि य पुत्थि पेते पच्छा पेते-दो वेते सासया भावा अणाणुपुत्थी एसा रोहा पुत्थि भंते सिद्धा पच्छा असिद्ध पुत्थि असिद्धा पच्छा सिद्धा रोहा सिद्धा य असिद्धा य पुत्थि पेते पच्छा पेते-दो वेते सासया भावा अणाणुपुत्थी एसा रोहा पुत्थि भंते अंडए पच्छा कुक्कुडी पुत्थि कुक्कुडी पच्छा अंडए रोहा से णं अंडए कओ भयवं कुक्कुडीओ सा णं कुक्कुडी कओ भंते अंडयाओ एवामेव रोहा से य अंडए सा य कुक्कुडी पुत्थि पेते पच्छ-पेते-दो वेते सासया भावा अणाणुपुत्थी एसा रोहा पुत्थि भंते लोयंते पच्छा अलोयंते पुत्थि अलोयंते पच्छा लोयंते रोहा लोयंते य अलोयंते य [पुत्थि पेते पच्छा पेते-दो वेते सासया भावा] अणाणुपुत्थी एसा रोहा, पुत्थि भंते लोयंते पच्छा सत्तमे ओवासंतरे [पुत्थि सत्तमे ओवासंतरे पच्छा लोयंते] रोहा लोयंते य सत्तमे ओवासंतरे य पुत्थि पेते पच्छा-पेते-दो

वेते सासया भावा अणाणुपुव्वी एसा रोहा एवं लोयंते य सत्तमे यु तणुवाए एवं धणवाए धणोदही सत्तमा पुढवी एवं लोयंते एककेक्केण संजोएतव्वे इमेहि ठाणेहुं तं जहा- १५४-११-५४-१

(७३) ओवास-वात-घणउदहि-पुढवि-दीवा य सागरा वासा

नेरइयादि अत्थिय सभया कम्माइ लेस्साओ

॥१७॥-१७

(७४) दिङ्गी दंसण-नाणे सण्ण-सरीरा य जोग-उवओगे

दव्व-पएस-पल्लव अद्धा किं पुव्वि लोयंते

॥१८॥-१८

(७५) [पुव्वि भंते लोयंते पच्छा अतीतद्धा पुव्वि अतीतद्धा पच्छा लोयंते रोहा लोयंते य अतीतद्धा य पुव्वि पेते पच्छा पेते-दो वेते सासया भावा अणाणुपुव्वी एसा रोहा पुव्वि भंते लोयंते पच्छा अणागतद्धा पुव्वि अणागतद्धा पच्छा लोयंते रोहा लोयंते य अणागतद्धा य पुव्वि पेते पच्छे पेते-दो वेते सासया भावा अणाणुपुव्वी एसा रोहा] पुव्वि भंते लोयंते पच्छा सब्बद्धा [पुव्वि सब्बद्धा पच्छा लोयंते रोहा लोयंते य सब्बद्धा य पुव्वि पेते पच्छा-पेते-दो वेते सासया भावा अणाणुपुव्वी एसा रोहा] जहा लोयंतेणं संजोइया सब्बे ठाणा एते एवं अत्तोयं-तेणं वि संजोएतव्वे सब्बे पुव्वि भंते सत्तमे ओवासंतरे पच्छा सत्तमे तणुवाए [पुव्वि सत्तमे तणुवाए पच्छा सत्तमे ओवासंतरे रोहा सत्तमे ओवासंतरे य सत्तमे तणुवाए य पुव्वि पेते पच्छा पेते-दो वेते सासया भावा अणाणुपुव्वी एसा रोहा] एवं सत्तमं ओवासंतरे सब्बेहिं समं संजोएतव्वं जाव सब्बद्धाए पुव्वि भंते सत्तमे तणुवाए पच्छासत्तमे धणवाए [पुव्वि सत्तमे धणवाए पच्छा सत्तमे तणुवाए रोहा सत्तमे तणुवाए य सत्तमे धणवाए य पुव्वि पेते पच्छा पेते-दो वेते सासया भावा अणाणुपुव्वी एसा रोहा] एवं तहेव नेयव्वं जाव सब्बद्धा एवं उवरिल्लं एककेक्कं संजोयंतेणं जो जो हिट्ठिल्लो तं तं छडुतेणं नेयव्वं जाव अतीत-अणागतद्धा पच्छा सब्बद्धा जाव अणाणुपुव्वी एसा रोहा सेवं भंते सेवं भंते ति जाव विहरइ १५४-५४

(७६) भंतेति भगवं गोयमे समणं भगवं महावीरं जाव एवं दयासी- कतिविहा णं भंते लोयट्ठित्ती पन्नता गोयमा अट्ठविहा लोयट्ठित्ति पन्नता तं जहा आगासपइट्ठिए वाए वायपइट्ठिए उदही उदहिपइट्ठिया पुढवी पुढविपइट्ठिया तसथावरा पाणा अजीवा जीवपइट्ठिया जीवा कम्मपइट्ठिया अजीवा जीवसंगहिया जीवा कम्मसंगहिया से केणट्ठेणं भंते एवं वुच्चइ-अट्ठविहा लोयट्ठित्ती जाव जीवा कम्मसंगहिया गोयमा से जहानामए केइ पुरिसे वत्थिमाडोवेइ वत्थिमाडोवेत्ता उप्पि सित्तं बंधइ बंधित्ता मज्झे गंठिं बंधइ बंधित्ता उवरिल्लं गंठिं मुयइ मुइत्ता उवरिल्लं देसं वामेइ वामेत्ता उवरिल्लं देसं आउयायस्स पूरेइ पूरेत्ता उप्पि सित्तं बंधइ बंधित्ता मज्झिल्लं गंठिं मुयइ से नूणं गोयमा से आउयाए तस्स वाउयायस्स उप्पि उवरिमत्तले चिट्ठइ हंता चिट्ठइ से तेणट्ठेणं गोयमा एवं वुच्चइ-अट्ठविहा लोयट्ठित्ती जाव जीवा कम्मसंगहिया से जहा वा केइ पुरिसे वत्थिमाडोवेइ वत्थिमाडोवेत्ता कडीए बंधइ बंधित्ता अत्थाहमतारमपोरुसि-यंसि उदगंसि ओगाहेत्ता से नूणं गोयमा से पुरिसे तस्स आउयायस्स ठिई जाव जीवा कम्मसंगहिया १५५-५५

(७७) अत्थि णं भंते जीवा य पोग्गला य अण्णमण्णबद्धा अण्णमण्णपुट्ठा अण्णमण्ण-मोगाढा अण्णमण्णसिणेहपडिबद्धा अण्णमण्णघडत्ताए चिट्ठित्ति हंता अत्थि से केणट्ठेणं भंते [एवं वुच्चइ-अत्थि णं जीवा य पोग्गला य अण्णमण्णबद्धा अण्णमण्णपुट्ठा अण्णमण्णमोगाढा

अण्णमण्णसिणेहपडिबद्धा अण्णमण्णघडत्ताए। चिट्ठंति गोयमा से जहानामए हरदे सिया पुण्णे पुण्णप्पमाणे वोलट्टमाणे वोसट्टमाणे समभरघडत्ताए चिट्ठइ अहे णं केइ पुरिसे तंसि हरदंसि एणं महं नावं सयासवं सयध्दिं ओगाहेज्जा से नूणं गोयमा सा नावा तेहिं आसवदारेहिं आपूरमाणी- आपूरमाणी पुण्णा पुण्णप्पमाणा वोलट्टमाणा वोसट्टमाणा समभरघडत्ताए चिट्ठइ हंता चिट्ठइ से तेणट्ठेणं गोयमा एवं बुद्धइअत्थि णं जीवा य पोणला य अण्णमण्णबद्धा जाव अण्णमण्णसिणे- हपडिबद्धा अण्णमण्णघडत्ताए चिट्ठंति ।५६। -56

(७८) अत्थि णं भंते सदा समित्तं सुहुमे सिणेहकाए पवडइ हंता अत्थि से भंते किं उड्ढे पवडइ अहे पवडइ तिरिए पवडइ गोयमा उड्ढे वि पवडइ अहे वि पवडइ तिरिए वि पवडइ जहा से बायरे आउथाए अण्णमण्णसमाउत्ते चिरं पि दीहकालं चिट्ठइ तहा णं से वि नो इणट्ठे समट्ठे से णं खिप्पामेव विद्धंसमागच्छ सेवं भंते सेवं भंते ति ।५७।-57

● पदमे सते छज्जे उद्देशो सम्पत्तो ●

—: स त्त मो — उ द्देशो :—

(७९) नेरइए णं भंते नेरइएसु उववज्जमाणे किं-देसेणं देसं उववज्जइ देसेणं सव्वं उववज्जइ सव्वेणं देसं उववज्जइ सव्वेणं सव्वं उववज्जइ गोयमा नो देसेणं देसं उववज्जइ नो देसेणं सव्वं उववज्जइ नो सव्वेणं देसं उववज्जइ सव्वेणं सव्वं उववज्जइ जहा नेरइए एवं जाव वेमाणिए ।५८।-58

(८०) नेरइए णं भंते नेरइएसु उववज्जमाणे किं-देसेणं देसं आहारेइ देसेणंसव्वं आहारेइ सव्वेणं देसं आहारेइ सव्वेणं सव्वं आहारेइ गोयमा नो देसेणं देसं आहारेइ नो देसेणं सव्वं आहारेइ सव्वेणं वा देसं आहारेइ सव्वेणं वा सव्वं आहारेइ एवं जाव वेमाणिए, नेरइए णं भंते नेरइएहिंतो उव्वट्टमाणे किं-देसेणं देसं उव्वट्टइ देसेणं सव्वं उव्वट्टइ सव्वेणं देसं उव्वट्टइ सव्वेणं सव्वं उव्वट्टइ गोयमा नो देसेणं देसं उव्वट्टइ नो देसेणं सव्वं उव्वट्टइ नो सव्वेणं देसं उव्वट्टइ सव्वेणं सव्वं उव्वट्टइ एवं जाव वेमाणिए, नेरइए णं भंते नेरइएहिंतो उव्वट्टमाणे किं-देसेणं देसं आहारेइ देसेणं सव्वं आहारेइ सव्वेणं देसं आहारेइ सव्वेणं सव्वं आहारेइ गोयमा नो देसेणं देसं आहारेइ नो देसेणं सव्वं आहारेइ सव्वेणं वा देसं आहारेइ सव्वेणं वा देसं आहारेइ सव्वेणं वा सव्वं आहारेइ एवं जाव वेमाणिए नेरइए णं भंते नेरइएसु उववण्णे किं - देसेणं देसं उववण्णे देसेणं सव्वं उववण्णे सव्वेणं दसं उववण्णे सव्वेणं सव्वं उववण्णे गोयमा नो देसेणं देसं उववण्णे नो देसेणं सव्वं उववण्णे नो सव्वेणं देसं उववण्णे सव्वेणं सव्वं उववण्णे एवं जाव वेमाणिए नेरइए णं भंते नेरइएसु उववण्णे किं-देसेणं देसं आहारेइ देसेणं सव्वं आहारेइ सव्वेणं देसं आहारेइ सव्वेणं सव्वं आहारेइ गोयमा नो देसेणं देसं आहारेइ नो देसेणं सव्वं आहारेइ सव्वेणं वा देसं आहारेइ सव्वेणं वा सव्वं आहारेइ एवं जाव वेमाणिए नेरइए णं भंते नेरइएहिंतो उवक्खे किं-देसेणं देसं उवक्खे देसेणं सव्वं उवक्खे सव्वेणं देसं उवक्खे सव्वेणं सव्वं उवक्खे गोयमा नो देसेणं देसं उवक्खे नो देसेणं सव्वं उवक्खे नो सव्वेणं देसं उवक्खे सव्वेणं सव्वं उवक्खे एवं जाव वेमाणिए नेरइए णं भंते नेरइएहिंतो उवक्खे किं-देसेणं देसं आहारेइ देसेणं सव्वं आहारेइ सव्वेणं देसं आहारेइ सव्वेणं सव्वं आहारेइ गोयमा नो देसेणं देसं आहारेइ नो देसेणं सव्वं आहारेइ सव्वेणं वा देसं आहारेइ सव्वेणं वा सव्वं आहारेइ एवं जाव वेमाणिए ने-

रइए णं भंते नेरइएसु उववज्जमाणे किं-अद्धेणं अद्धं उववज्जइ अद्धेणं सव्वं उववज्जइ सव्वेणं अद्धं उववज्जइ सव्वेणं सव्वं उववज्जइ जहा पढमिद्धेणं अद्धं दंडगा तथा अद्धेण विट्ठु दंडगा भाणियव्वा नवरं जहिं देसेणं देसं उववज्जइ तहिं अद्धेणं अद्धं उववज्जइ इति भाणियव्वं एयं नाणत्तं एते सव्वे वि सोलस दंडगा भाणियव्वा ॥५९॥-५९

(८१) जीवे णं भंते किं विग्गहगइसमावण्णए अविग्गहगइसमावण्णए गोयमा सिय विग्गहगइसमावण्णए सिय अविग्गहगइसमावण्णए एवं जाव देमाणिए जीवा णं भंते किं विग्गहगइसमावण्णया अविग्गहगइसमावण्णया गोयमा विग्गहगइसमावण्णया वि अविग्गहगइसमावण्णया वि नेरइया णं भंते किं विग्गहगइसमावण्णया अविग्गहगइसमावण्णया गोयमा सव्वे वि ताव होज्ज अविग्गहगइसमावण्णया अहवा अविग्गहगइसमावण्णया विग्गहगइसमावण्णया य अहवा अविग्गहगइसमावण्णया य विग्गहगइसमावण्णया य एवं जीवाणि-दियवज्जो तियभंगो ॥६०॥-६०

(८२) देवे णं भंते महिइइए महज्जुइए महब्बले महायसे महेसक्खे महाणुभावे अविउक्कंतियं चयमाणे किंचिकालं हिरिवत्तियं दुग्गंवात्तियं परीसवत्तियं आहारं नो आहारेइ अहे णं आहारेइ आहारिज्जमाणे आहारिए परिणामिज्जमाणे परिणामिए पहीणे य आउए भवइ जत्थ उववज्जइ तं आउयं पडिसंवेदेइ तं जहा-तिरिक्खजोणियाउयं वा मणुस्साउयं वा हंता गोयमा देवेणं महिइइए [महज्जुइए महब्बले महायसे महेसक्खे महाणुभावे अविउक्कंतियं चयमाणे किंचिकालं हिरिवत्तियं दुग्गंवात्तियं परीसहवत्तियं आहारं नो आहारेइ अहे णं आहारेइ आहारिज्जमाणे आहारिए परिणामिज्जमाणे परिणामिए पहीणे य आउए भवइ जत्थ उववज्जइ तं आउयं पडिसंवेदेइ तं जहा-तिरिक्खोणियाउयं वा] मणुस्साउयं वा ॥६१॥-६१

(८३) जीवे णं भंते गब्भं वक्कममाणे सइंदिए वक्कमइ अण्णिंदिए वक्कमइ गोयमा सिय सइंदिए वक्कमइ सिय अण्णिंदिए वक्कमइ से केणट्ठेणं भंते एवं वुच्चइ-सिय सइंदिए वक्कमइ सिय अण्णिंदिए वक्कमइ गोयमा दब्बिंदियाइं पडुच्च अण्णिंदिए वक्कमइ भाविंदियाइं पडुच्च सइंदिए वक्कमइ से तेणट्ठेणं गोयमा एवं वुच्चइ-सिय सइंदिए वक्कमइ सिय अण्णिंदिए वक्कमइ जीवे णं भंते गब्भं वक्कममाणे किं ससरीरी वक्कमइ असरीरी वक्कमइ गोयमा सिय ससरीरी वक्कमइ सिय असरीरी वक्कमइ से केणट्ठेणं भंते एवं वुच्चइ-सिय ससरीरी वक्कमइ सिय असरीरी वक्कमइ गोयमा ओरालिय-वेउच्चिय-आहारयाइं पडुच्च असरीरी वक्कमइ तेया-कम्माइं पडुच्च ससरीरी वक्कमइ से तेणट्ठेणं गोयमा एवं वुच्चइ सिय ससरीरी वक्कमइ सिय असरीरी वक्कमइ जीवे णं भंते गब्भं वक्कममाणे तप्पढमयाए किमाहारमाहारेइ गोयमा माउओयं पिउसुक्कं-तं तदुभयसंसिद्धं तप्पढमयाए आहारमाहारेइ जीवे णं भंते गब्भगए समाणे किं आहारमाहारेइ गोयमा जं से माया नाणाविहाओ रसविगतीओ आहारमाहारेइ तदेकदेसेणं ओयमाहारेइ जीवस्स णं भंते गब्भगयस्स समाणस्स अत्थि उच्चारे इ वा पासवणे इ वा खेले इ वा सिंघाणे इ वा पित्ते इ वा नो इणट्ठे समट्ठे से केणट्ठेणं गोयमा जीवे णं गब्भगए समाणे जमाराहेइ तं चिणाइ तं जहा - सोइंदियाताए [चक्खिंदियताए धाणि- दियताए रसिंदियताए] फासिंदियताए अट्ठि-अट्ठिमिज-केस-मंसु-रोम-नहत्ताए से तेणट्ठेणं गोयमा एवं वुच्चइ-जीवस्स णं गब्भगयस्स समाणस्स नत्थि उच्चारे इ वा पासवणे इ वा खेले इ वा सिंघाणे इ वा

वंते इ वा पिते इ वा जीवे णं भंते गळ्मगए समाणे पभू मुहेणं कावलियं आहारमाहारितए गोयमा नो इण्ठे समट्ठे से केण्ठेणं गोयमा जीवे णं गळ्मगए समाणे सव्वओ आहारेइ सव्वओ परिणामेइ सव्वओ उस्सइ सव्वओ निस्ससइ अभिक्खणं आहारेइ अभिक्खणं परिणामेइ अभिक्खणं उस्ससइ अभिक्खणं निस्ससइ आहच्च आहारेइ आहच्च परिणामेइ आहच्च उस्ससइ आहच्च निस्ससइ माउजीवरसहरणी पुत्तजीवरसहरणी माउजीवपडिबद्धा पुत्तजीवंपुडा-तन्हा आहारेइ तन्हा परिणामेइ अवरा वि य णं पुत्तजीवपडिबद्धा माउजीवंपुडा-तन्हा विणाइ तन्हा उवचिणाइ से तेण्ठेणं [गोयमा एवं वुच्चइ-जीवे णं गळ्मगए समाणे] नो पभू मुहेणं कावलियं आहारमाहारितए कइ णं भंते माइयंगा पत्रत्ता गोयमा तओ माइयंगा पत्रत्ता तं जहा-मंसे सोणिण मय्युलुंणे कइ णं भंते पेतियंगा पत्रत्ता गोयमा तओ पेलि- यंगा पत्रत्ता तं जहा-अड्ढि अड्ढिमिजा केस-मंसु रोम-नहे अम्मापेइए णं मंते सरीरए केवइयं कालं संचिट्ठ इ गोयमा जावइयं से कालं पवधारणिजे सरीरए अव्ववत्ते भवइ एवतियं कालं संचिट्ठइ अहे णं समए-समए वोयसिज्जमाणे-वोयसिज्जमाणे चरिम-बालसमयंसि वोच्छिन्न भवइ । ६२।-६२

(८४) जीवे णं भंते गळ्मगए समाणे नेरइएसु उववज्जेज्जा गोयमा अत्येगइए उववज्जेज्जा अत्येगइए नो उववज्जेज्जा से केण्ठेणं भंते एवं वुच्चइ-अत्येगइए उववज्जेज्जा अत्येगइए नो उववज्जेज्जा गोयमा से णं सण्णी पंचिदिए सव्वाहिं पज्जतीहिं पज्जतए वीरियलद्धीए वेउ-व्वियलद्धीए पराणीयं आगयं सोद्या निसम्म पएसे निच्छुभइ निच्छुभिता वेउव्वियसमुत्थाएणं समोहण्णइ समोहणित्ता चाउरंगिणि सेणं विउव्वइ विउव्वित्ता चाउरंगिणीए सेणाए पराणीएणं सद्धिं संगमं संगामेइ से णं जीवे अत्यकामए रज्जकामए भोगकामए कामकामए अत्यकंखिए रज्जकंखिए भोगकंखिए कामकंखिए अत्यपिवासिए रज्जपिवासिए भोगपिवासिए कामपिवासिए तच्चित्ते तम्मेण तल्लेसे तदज्झवसिए तत्तिव्वज्झवसाणे तदट्ठोवउत्ते तदपियकरणे तद्धावणाभाविए एयंसि णं अंतरंसि कालं करेज्ज नेरइएसु उववज्जइ से तेण्ठेणं गोयमा एवं वुच्चइ-अत्येगइए उववज्जेज्जा अत्येगइए नो उववज्जेज्जा जीवा णं भंते गळ्मगए समाणे देवलोगेसु उववज्जेज्जा गोयमा अत्येगइए उववज्जेज्जा अत्येगइए नो उववज्जेज्जा से केण्ठेणं भंते एवं वुच्चइ-अत्येगइए उववज्जेज्जा अत्येगइए नो उववज्जेज्जा गोयमा से णं सण्णी पंचिदिए सव्वाहिं पज्जतीहिं पज्जतए तहाव्वस्स समणस्स वा माहणस्स अंतिए एगमवि आरियं धम्मियं सुवयणं सोद्या निसम्म तओ भवइ संवेगजायसइट्ठ तिव्वधम्माणुरागरत्ते से णं जीवे धम्मकामए पुण्णकामए सगगकामए मोक्खकामए धम्मकंखिए पुण्णकंखिए सगगकंखिए मोक्खंखिए धम्मपिवासिए पुण्णपिवासिए सगगपिवासिए मोक्खपिवासिहए तच्चित्ते तम्मेण तल्लेसे तदज्झवसिए तत्तिव्वज्झवसाणे तदट्ठोवउत्ते तदपियकरणे तद्धावणाभाविए एयंसि णं अंतरंसि कालं करेज्ज देवलोगेसु उववज्जइ से तेण्ठेणं गोयमा एवं वुच्चइ-अत्येगइए उववज्जेज्जा अत्येगइए नो उववज्जेज्जा जीवे णं भंते गळ्मगए समाणे उतागए वा पासल्लए वा अंबखुजए वा अच्येज्ज वा चिट्ठेज्ज वा निसीएज्ज वा तुयट्ठेज्ज वा माउए सुयमाणीए सुवइ जागरमाणीए जागरइ सुहियाए सुहिए भवइ दुहियाए दुहिए भवइ हंता गोयमा जीवे णं गळ्मगए समाणे [उतागए वा पासल्लए वा अंबखुजए वा चिट्ठेज्ज वा निसीएज्ज वा तुयट्ठेज्ज वा माउए सुयमाणीए सुवइ जागरमाणीए जागरइ सुहियाए सुहिए भवइ] दुहियाए दुहिए भवइ अहे णं

पसवणकालसमयसि सीसेण वा पाएहिं वा आगच्छति सम्ममागच्छति तिरियमागच्छति विणिहायमावज्जति वण्णवज्जमाणि य से कम्माइं बद्धाईं पुट्टाईं निहत्ताईं कडाईं पट्टवियाईं अभिनिविट्ठाईं अभिसमण्णागयाईं उदिण्णाईं-नो उवसंताईं भवति तओ भवइं दुरूवे दुवण्णे दुग्गंधे दुरसे दुफासे अणिट्ठे अकंते अप्पिए असुभे अमणुण्णे अमणामे हीणस्सरे दीणस्सरे अणिट्ठस्सरे अकंतस्सरे अप्पियस्सरे असुभस्सरे अमणुण्णस्सरे अमणामस्सरे अणाएज्जवयणे पद्यायाए या वि भवइं वण्णवज्जमाणि य से कमाईं [नो बद्धाईं नो पुट्टाईं नो निहत्ताईं नो कडाईं नो पट्ट वियाईं नो अभिनिविट्ठाईं नो अभिसमण्णागयाईं नो उदिण्णाईं-उवसंताईं भवति तओ भवइं सुखूवे सुवण्णे सुग्गंधे सुरसे सुफासे इट्ठे कंते पिए सुभे मणुण्णे मणामे अहीणस्सरे अदीणस्सरे इट्ठस्सरे कंतस्सरे पियस्सरे सुभस्सरे मणुण्णस्सरे मणामस्सरे आदेज्जवयणे पद्यायाए या वि भवइं सेवं भंते सेवं भंते ति । ६३-६३

● पढ्मे सते सत्तमो उद्देशो समस्तो ●

—: अ द्र मो — उ दे सो :—

(८५) रायगिहे समोसरणं जाव एवं क्यासि एगंतबाले णं भंते मणुस्से किं नेरइयाउयं पकरोति तिरिक्खाउयं पकरोति मणुस्साउयं पकरोति देवाउं पकरोति नेरइयाउयं किच्चा नेरइएसु उववज्जति तिरियाउयं किच्चा तिरिएसु उववज्जति मणुस्साउयं किच्चा मणुस्सेसु उववज्जति देवाउयं किच्चा देवलोगेसु उववज्जति गोयमा एगंतबाले णं मणुस्से नेरइयाउयं पि पकरोति तिरियाउयं वि पकरोति मणुस्साउयं वि पकरोति देवाउयं वि पकरोति नेरइयाउयं किच्चा नेरइएसु उववज्जति तिरियाउयं किच्चा तिरिएसु उववज्जति मणुस्साउयं किच्चा मणुस्सेसु उववज्जति देवाउयं किच्चा देवलोगेसु उववज्जति । ६४-६४

(८६) एगंतपंडिए णं भंते मणुस्से किं नेरइयाउयं पकरोति तिरिक्खाउयं पकरोति मणुस्साउयं पकरोति देवाउयं पकरोति नेरइयाउयं किच्चा नेरइएसु उववज्जति तिरियाउयं किच्चा तिरिएसु उववज्जति मणुस्साउयं किच्चा मणुस्सेसु उववज्जति देवाउयं किच्चा देवलोगेसु उववज्जति गोयमा एगंतपंडिं णं मणुस्से आउयं सिय पकरोति सिय नो पकरोति जइ पकरोति नो नेरइयाउयं पकरोति नो तिरियाउयं पकरोति नो मणुस्साउयं पकरोति देवाउयं पकरोति नो नेरइयाउयं किच्चा नेरइएसु उववज्जति नो तिरियाउयं किच्चा तिरिएसु उववज्जति नो मणुस्सायं किच्चा मणुस्सेसु उववज्जति देवाउयं किच्चा देवेसु उववज्जति से केणट्ठेणं जाव देवाउयं किच्चा देवेसु उववज्जति गोयमा एगंतपंडियस्स णं मणुस्सस्स केवलमेव दो गतीओ पण्णायंति तं जहा-अंतकिरिया चेव कप्पोववत्तिच्चा चेव से तेणट्ठेणं गोयमा जाव देवाउयं किच्चा देवेसु उववज्जति बालपंडिए णं भंते मणुस्से किं नेरइयाउयं पकरोति [तिरिक्खाउयं पकरोति मणुस्साउयं पकरोति देवाउयं पकरोति नेरइयाउयं किच्चा नेरइएसु उववज्जति तिरियाउयं किच्चा तिरिएसु उववज्जति मणुस्साउयं किच्चा मणुस्सेसु उववज्जति देवाउयं किच्चा देवेसु उववज्जति गोयमा बालपंडिए णं मणुस्सो नो नेरइयाउयं पकरोति नो तिरिक्खाउयं पकरोति नो मणुस्साउयं पकरोति देवाउयं पकरोति नो नेरइयाउयं किच्चा नेरइएसु उववज्जति नो तिरियाउयं किच्चा तिरिएसु उववज्जति नो मणुस्साउयं किच्चा मणुस्सेसु उववज्जति] देवाउयं किच्चा देवेसु उववज्जति से केणट्ठेणं जाव देवाउयं किच्चा देवेसु उववज्जति गोयमा बालपंडिए णं मणुस्से तहा-रूवस्स समणस्स वा माह-

णस्स वा अंतिए एगमवि आरियं धम्मियं सुवयणं सोच्चा निसम्म देसं उवरमइ देसं नो उवरमइ देसं पच्चक्खाइ देसं नो पच्चक्खाइ से तेणं देसोवरम-देसपच्चक्खाणेणं नो नेरइयाउयं पकरेति जाव देवाउयं देवेसु उववज्जति से तेणद्वेणं जाव देवाउयं किच्चा देवेसु उववज्जति । ६५।-६५

(८७) पुरिसे णं भंते कच्छंसि वा दहंसि वा उदगंसि वा दवियंसि वा बलयंति वा नूनंसि वा गहणंसि वा गहणविदुग्गंसि वा पव्वयंसि वा पव्वयविदुग्गंसि वा वणंसि वा वणविदुग्गंसि वा मियवित्तीए मियसंकप्पे मियपणिहाणे मियवहाए गंता एते मिय त्ति काउं अण्णयरस्स मियस्स वहाए कूडपासं उद्दाति ततो णं भंते से पुरिसे कतिकिरिए गोयमा सिय तिकिरिए सिय चउकिरिए सिय पंचकिरिए से केणद्वेणं भंते एवं वुच्चइ-सिय तिकिरिए सिय चउकिरिए सिय पंचकिरिए गोयमा जे भविए उद्वणयाए-नो बंधणयाए नो मारणयाए-तावं च णं से पुरिसे काइयाए अहिगरणियाए पाओसियाए-तिहिं किरियाहिं पुट्ठे जे भविए उद्वणताए वि बंधण-ताए वि-नो मारणताए-तावं च णं से पुरिसे काइयाए अहिगरणियाए पाओसियाए पारिता-वणियाए-चउहिं किरियाहिं पुट्ठे जे भविए उद्वणताए वि बंधणताए वि मारणताए वि तावं च णं से पुरिसे काइयाए अहिगरणियाए पाओसियाए पारितावणियाए पाणातिवायकिरियाए-पंचहिं किरियाहिं पुट्ठे से तेणद्वेणं गोयमा एवं वुच्चइ-सिय तिकिरिए सिय चउकिरिए सिय पंचकिरिए । ६६।-६६

(८८) पुरिसे णं भंते कच्छंसि वा जाव वणविदुग्गंसि वा तणाइ ऊसविय-ऊसविय अणिकायं निसिरइ-तावं च णं भंते से पुरिसे कतिकिरिए गोयमा सिय तिरिरिए सिय चउ-किरिए सिय पंचकिरिए से केणद्वेणं भंते एवं वुच्चइ-सिय तिकिरिए सिय चउकिरिए सिय पंचकिरिए गोयमा जे भविए उस्सवणयाए - [नो निसिरणयाए नो दहणयाए-तावं च णं से पुरिसे काइयाए अहिगरणियाए पाओसियाए-तिहिं किरियाहिं पुट्ठे जे भविए उस्सवणयाए वि निसिरणयाए वि नो दहणयाए-तावं च णं से पुरिसे काइयाए अहिगरणियाए पाओसियाए पारितावणियाए-चउहिं किरियाहिं पुट्ठे जे भविए उस्सवणयाए वि निसिरणयाए वि दहण-याए वि तावं च णं से पुरिसे काइयाए अहिगरणियाए पाओसियाए पारितावणियाए पाणा-तिवायकिरियाए] - पंचहिं किरियाहिं पुट्ठे से तेणद्वेणं गोयमा एवं वुच्चइ-सिय तिकिरिए सिय चउकिरिए सिय पंचकिरिए । ६७।-६७

(८९) पुरिसे णं भंते कच्छंसि वा जाव वणविदुग्गंसि वा मियवित्तीए मियसंकप्पे मिय-पणिहाणे मियवहाए गंता एते मिय त्ति काउं अन्नतरस्स मियस्स वहाए उंसु निसिरति ततो णं भंते से पुरिसे कतिकिरिए गोयमा सिय तिकिरिए सिय चउकिरिए सिय पंचकिरिए से केणद्वेणं भंते एवं वुच्चइ-सिय तिकिरिए सिय चउकिरिए सिय पंचकिरिए गोयमा जे भविए निसिर-णयाए-नो विद्धंसणयाए नो मारणयाए तावं च णं से पुरिसे काइयाए अहिगरणियाए पा-ओसियाए-तिहिं किरियाहिं पुट्ठे जे भविए निसिरणताए वि विद्धंसणताए वि-नो मारणयाए-तावं च णं से पुरिसे काइयाए अहिगरणियाए पाओसियाए पारितावणियाए चउहिं किरियाहिं पुट्ठे जे भविए निसिरणयाए वि विद्धंसणयाए वि मारणताए वि-तावं च णं से पुरिसे काइयाए अहिगरणियाए पाओसियाए पारितावणियाए पाणातिवायकिरियाए-पंचहिं किरियाहिं पुट्ठे से तेणद्वेणं गोयमा एवं वुच्चइ-सिय तिकिरिए सिय चउकिरिए सिय पंचकिरिए । ६८।-६८

(१०) पुरिसे णं भंते कच्छंसि वा जाव वणविदुग्गंसि वा मियवितीए मियसंकप्पे मिय-
पणिहाणे मियवहाए गंता एते मिय ति काउं अन्नतरस्स मियस्स वहाए आयत-कण्णायतं
असुं आयामेता चिद्धेज्जा अण्णघरे पुरिसे मग्गतो आगम्प सयपाणिणा असिणा सीसं छिंदेज्जा
से य उसू ताए देव पुब्बायामणयाए तं मियं विंधेज्जा से णं भंते पुरिसे किं मियवेरेणं पुढे
पुरिसवेरेणं पुढे गोयमा जे मियं मारेइ से मियवेरेणं पुढे जे पुरिसं मारेइ से पुरिसवेरेणं पुढे से
केणट्ठेणं भंते एवं वच्चइ- [जे मियं मारेइ से मियवेरेणं पुढे जे पुरिसं मारेइ] से पुरिसवेरेणं पुढे से
नूणं गोयमा कज्जमाणे कडे संधिज्जमाणे संधिते निव्वत्तिज्जमाणे निव्वत्तिते निसिरिज्जमाणे
निसिद्धे ति वत्तव्वं सिया हंता भगवं कज्जमाणे कडे [संधिज्जमाणे संधिते निव्वत्तिज्जमाणे
निव्वत्तिते निसिरिज्जमाणे] निसिद्धे ति वत्तव्वं सिया से तेणट्ठेणं गोयमा एवं वुच्चइ-जे मियं
मारेइ से मियवेरेणं पुढे जे पुरिसं मारेइ से पुरिसवेरेणं पुढे अंतो छ्हं मासाणं भरइ-काइयाए
अहिगरणियाए पाओसियाए पारितावणियाए पाणातिवायकिरियाए-पंचहिं किरियाहिं पुढे
बाहिं छ्हं मा- साणं भरइ-काइयाए अहिगरणियाए जाव पारितावणियाए-चउहिं किरियाहिं
पुढे १९१-६९

(११) पुरिसे णं भंते पुरिसं सत्तीए समभिधंसेज्जा सयपाणिणा वा से असिणा सीसं
छिंदेज्जा ततो णं भंते से पुरिसे कतिकिरिए गोयमा जावं चणं से पुरिसे तं पुरिसं सत्तीए
समभिधंसेति सयपाणिणा वा से असिणा सीसं छिंदति-तावं च णं से पुरिसे काइयाए अहि-
गरणियाए [पाओसियाए पारितावणियाए] पाणातिवातकिरियाए-पंचहिं किरियाहिं पुढे
आस- ण्णवधएण य अणवंकखणवतीए णं पुरिसवेरेणं पुढे ७०-७०

(१२) दो भंते पुरिसा सरिसया सरित्तया सरिब्वया सरिसभंडमतोवगरणा अण्ण- मण्णेणं
सद्धिं संगमं संगामेति तत्थ णं एगे पुरिसे पराइणति एगे पुरिसे परायिज्जति से कहमेयं भंते एवं
गोयमा सवीरिए परायिणति अवीरिए परायिज्जति से केणट्ठेणं [भंते एवं वुच्चइ-सवी- रिए
परायिणति अवीरिए] परायिज्जति गोयमा जस्स णं वीरियवज्जाइं कम्माइं नो बद्धाइं नो पुट्ठाइं [नो
निहत्ताइं नो कडाइं नो पडुवियाइं नो अभिनिविट्ठाइं] नो अभिसमण्णागयाइं नो उदिण्णाइं-उव-
संताइं भवति से णं परायिणति जस्स णं वीरियवज्जाइं कम्माइं वद्धाइं [पुट्ठाइं निहत्ताइं कडाइं
पडुवियाइं अभिनिविट्ठाइं अभिसमण्णागयाइं] उदिण्णाइं नो उवसंताइं भवति से णं पुरिसे परा-
यिज्जति से तेणट्ठेण गोयमा एवं वुच्चति-सवीरिए परायिणति परायिज्जति ७१-७१

(१३) जीवा णं भंते कि सवीरिया अवीरिया गोयमा सवीरिया वि अवीरिया वि से
केणट्ठेणं भंते एवं वुच्चइ-जीवा सवीरिया वि अवीरिया वि गोयमा जीवा दुविहा पन्नता तं जहा-
संसारसमावण्णगा य असंसार समावण्णगा य तत्थ णं जे ते असंसारसमावण्णगा ते णं सिद्धा
सिद्धाणं अवीरिया तत्थ णं जे ते संसारसमावण्णगा ते दुविहा पन्नता तं जहा-सेलेसि-पडि-
वण्णगा य असेलेसिपडिवण्णगा य तत्थ णं जे ते सेलेसिपडिवण्णगा ते णं लद्धिवीरिएणं सवी-
रिया करणवीरिएणं अवीरिया तत्थ णं जे ते असेलेसिपडिवण्णगा ते णं लद्धिवीरिएणं सवीरिया
करणवीरिएणं सवीरिया वि अवीरिया वि से तेणट्ठेणं गोयमा एवं वुच्चइ-जीवा दुविहा पन्नता तं
जहा-सवीरिया वि अवीरिया वि नेरइया णं भंते कि सवीरिया अवीरिया गोयमा नेरइया लद्धिवी-
रिएणं सवीरिया करणवीरिएणं सवीरिया य अवीरिया य से केणट्ठेणं भंते एवं वुच्चइ-नेरइया

लद्धिवीरिएणं सवीरिया करण-विरिएणं सवीरिया य अवरिया य गोयमा जेसि णं नेरइयाणं अत्थि उट्ठाणे कम्मे बले वीरिए पुरिसक्कार-परक्कमे ते णं नेरइया लद्धिवीरिएणं वि सवीरिया करणवीरिएणं वि सवीरिया जेसि णं नेरइयाणं नत्थि उट्ठाणे कम्मे बले वीरिए पुरिस्सकार-परक्कमे ते णं नेरइया लद्धिवीरिएणं सवीरिया करणवीरिएणं अवीरिया से तेणट्ठेणं गोयमा एवं बुच्चइ-नेरइया लद्धिवीरिएणं सवीरिया करणवीरिएणं सवीरिया य अवीरिया य जहा नेरइया एवं जाव पंचिंदियतिरिक्खजोणिया [मणुस्सा णं भंते किं सवी- रिया अवीरिया गोयमा सवीरिया वि अवीरिया वि से केणट्ठेणं भंते एवं बुच्चइ-मणुस्सा सवीरिया वि अवीरिया वि गोयमा मणुस्सा दुविहा पन्नत्ता तं जहा-सेलेसिपडिवण्णगा य असेलेसिपडिवण्णगा य तत्थ णं जे ते सेलेसि-पडिवण्णगा ते णं लद्धिवीरिएणं सवीरिया करणवीरिएणं अवीरिया तत्थ णं जे ते असेलेसि-पडिवण्णगा ते णं लद्धिवीरिएणं सवीरिया करणवीरिएणं सवीरिया वि अवीरिया वि से तेणट्ठेणं गोयमा एवं बुच्चइ-मणुस्सा सवीरिया वि अवीरिया वि वाणमंतर-जोतिस देमाणिया जहा ने-रइया सेवं भंते सेवं भंते ति जाव विहरइ । ७२। -72

● पहले सते अट्ठमो उद्देशो समप्तो ●

—: न व मो — उ दे सो :—

(१४) कहन्नं भंते जीवा गरुयत्तं हव्वमागच्छंति गोयमा पाणाइवाएणं मुसावाएणं अदिन्नादाणेणं मेहुणेणं परिग्गहेणं कोह-माण-माया-पेज्ज-दोस-कलह-अब्भक्खाण-पेसुन्न-परपरिदाय-अरति-रति-मायामोस-मिच्छादंसणसल्लेणं-एवं खलु गोयमा जीवा गरुयत्तं हव्व-मागच्छंति कहण्णं भंते जीवा लहुयत्तं हव्वमागच्छंति गोयमा पाणाइवायवेरमणेणं [मुसा-वायवेरमणेणं अदिन्नादाणवेरमणेणं मेहुणवेरमणेणं परिग्गहवेरमणेणं कोह-माण-माया-लोभ-पेज्ज-दोस-कलह-अब्भक्खाण-पेसुन्न-परपरिदाय-अरतिरति-मायामोस] - मिच्छादंसण-सल्ल वेरमणेणं-एवं खलु गोयमा जीवा लहुयत्तं हव्वमागच्छंति [कहण्णं भंते जीवा संसारं आउ-लीकरेति गोयमा पाणाइवाएणं जाव मिच्छादंसणसल्लेणं - एवं खलु गोयमा जीवा] संसारं आउ-लीकरेति [कहण्णं भंते जीवा संसारं परितीकरेति गोयमा पाणाइवायवेरमणेणं जाव मिच्छादंस-णसल्लेवेरमणेणं-एवं खलु गोयमा जीवा] संसारं परितीकरेति [कहण्णं भंते जीवा संसारं दीहीक-रेति गोयमा पाणाइवाएणं जाव मिच्छादंसणसल्लेणं-एवं खलु गोयमा जीवा] संसारं दीहीकरेति [कहण्णं भंते जीवा संसारं द्वस्सीकरेति गोयमा पाणाइवायवेरमणेणं जाव मिच्छादंसणसल्ल-वेरमणेणं-एवं खलु गोयमा जीवा] संसारं हस्सीकरेति [कहण्णं भंते जीवा संसारं अणुपरियइति गोयमा पाणाइवाएणं जाव मिच्छादंसणसल्लेणं - एवं खलु गोयमा जीवा] संसारं अणुपरियइति [कहण्णं भंते जीवा संसारं वीतिवयंति गोयमा पाणाइवायवेरमणेणं जाव मिच्छादंसणसल्लवेर-मणेणं-एवं खलु गोयमा जीवा] संसारं वीतिवयंति पसत्था चत्तारि अप्पसत्था चत्तारि । ७३। -73

(१५) सत्तमे णं भंते ओवासंतरे किं गरुए लहुए गरुयलहुए अगरुयलहुए गोयमा नो गरुए नो लहुए नो गरुयलहुए अगरुयलहुए सत्तमे णं भंते तणुवाए किं गरुए लहुए गरुय-लहुए अगरुयलहुए गोयमा नो गरुए नो लहुए गरुयलहुए नो अगरुयलहुए एवं सत्तमे घण-वाए सत्तमे घणोदही सत्तमा पुढवी ओवासंतराई सव्वाइ जहा सत्तमे ओवासंतरे जहा तणु-वाए एवं-ओवास-वाय-धणउदही पुढवी दीवा य सागरा वासा नेरइया णं भंते किं गरुया

लहुया गरुयलहुया अगरुयलहुया गोयमा नो गरुया नो लहुया गरुयलहुया वि अगरुयलहुया वि से केण्डेणं भंते एवं बुद्धइ-नेरइया नो गरुया नो लहुया गरुयलहुया वि अगरुयलहुया वि गोयमा विउज्विय-तेयाइं पडुच्च नो गरुया नो लहुया गरुयलहुया नो अगरुयलहुया जीवं च कम्मं च पडुच्च नो गरुया नो लहुया नो गरुयलहुया अगरुलहुया से तेण्डेणं गोयमा एवं बुद्धइ-नेरइया नो गरुया नो लहुया गरुयलहुया वि अगरुयलहुया वि एवं जाव वेमाणिया नवरं-नाणत्तं जाणियव्वं सरीरिहं धम्मत्थिकाए [णं भंते किं गरुए लहुए गरुलहुए अगरुयलहुए गोयमा नो गरुए नो लहुए नो गरुयलहुए अगरुयलहुए अहम्मत्थिकाए णं भंते किं गरुए लहुए गरुयलहुए अगरुयलहुए गोयमा नो गरुए नो लहुए नो गरुयलहुए अगरुयलहुए आ-गासत्थिकाए णं भंते किं गरुए लहुए गरुयलहुए अगरुलहुए गोयमा नो गरुए नो लहुए नो गरुयलहुए अगरुयलहुए जीवत्थिकाए णं भंते किं गरुए लहुए गरुयलहुए अगरुयलहुए गोयमा नो गरुए नो लहुए नो गरुयलहुए अगरुयलहुए] पोगलत्थिकाए णं भंते किं गरुए लहुए गरु-यलहुए अगरुयलहुए गोयमा नो गरुए नो लहुए गरुयलहुए वि अगरुयलहुए वि से केण्डेणं भंते एवं बुद्धइ-नो गरुए नो लहुए गरुयलहुए वि अगरुयलहुए वि गोयमा गरुयलहुय-दव्वाइं पडुच्च नो गरुए नो लहुए गरुयलहुए नो अगरुयलहुए अगरुयलहुयदव्वाइं पडुच्च नो गरुए नो लहुए नो गरुयलहुए अगरुयलहुए समया [णं भंते किं गरुया लहुया गरुयलहुया अगरुयलहुया गोयमा नो गरुया नो लहुया नो गरुयलहुया अगरुयलहुया] कम्माणिणं [भंते किं गरुयाइं लहुयाइं गरुय-लहुयाइं अगरुलहुयाइं गोयमा नो लहुयाइं नो गरुयलहुयाइं अगरुयलहुयाइं] कण्हलेस्सा णं [भंते किं गरुया लहुया गरुयलहुया अगरुलहुया गोयमा नो गरुया नो लहुया गरुयलहुया वि अगरुय-लहुया वि] से केण्डेणं भंते एवं बुद्धइ-कण्हलेस्सा नो गरुया नो लहुया गरुयलहुया वि अगरुल-हुया वि गोयमा दव्वलेस्सं पडुच्च ततियपदेणं बावलेस्स पडुच्च चउत्थपदेणं एवं जाव सुक्कलेसा दिट्ठी-दंसण-नाण-अन्नाण-सन्नाओ चउत्थएणं पदेणं नेतव्वाओ हेड्डिळा चत्तारि सरीरा नेयव्वा ततिएणं पदेणं कम्मयं चउत्थएणं पदेणं मणजोगो वइजोगो चउत्थएणं पदेणं कायजोगो ततिएणं पदेणं सागारोवओगो अणागारोवओयो चउत्थएणं पदेणं सब्बदव्वा सब्बपएसा सब्बपज्जवा जहा पोगलत्थिकाओ तीतद्धा अणागतद्धा सब्बद्धा चउत्थ-एणं पदेणं ॥७४॥-७४

(१६) से नूणं भंते लाघवियं अप्पिच्छा अमुच्छा अगेहि अपडिबद्धया समणाणं निगं-थाणं पसत्थं हंता गोयमा लाघवियं [अप्पिच्छा अमुच्छा अगेहि अपडिबद्धया समणाणं निगं-थाणं पसत्थं से नूणं भंते अकोहत्तं अमाणत्तं अमायत्तं अलोभत्तं समणाणं निगंथाणं पसत्थं हंता गोयमा अकोहत्तं अमाणत्तं [अमायत्तं अलोभत्तं समणाणं निगंथाणं] पसत्थं से नूणं भंते कंखापदोसे खीणे समणे निगंथे अंतकरे भवति अंतिमसरीरिए वा बहुमोहे वि य णं पुंवि विहरिता अह पच्छा संवुडे कालं करेइ ततो पच्छा सिज्झति [बुज्झति मुच्चति परिनिव्वाति सब्बदुक्खाणं] अंतं करेति हंता गोयमा कंखापदोसे खीणे [समणे निगंथे अंतकरे भवति अंतिमसरीरिए वा बहुमोहे वि य णं पुंवि विहरिता अह पच्छा संवुडे कालं करेइ ततो पच्छा सिज्झति बुज्झति मुच्चति परिनिव्वाति सब्बदुक्खाणं] अंतं करेति ॥७५॥-७५

(१७) अण्णउत्थिया णं भंते एवमाइक्खंति एवं भासंति एवं पप्रवेंति एवं परुवेंति-एवं खलु एगे जीवे एगेणं समएणं दो आउयाइं पकरेति तं जहा इहभविआउयं च परभवि-

याउयं च जं समयं इहभविद्याउयं पकरेति तं समयं परभविद्याउयं पकरेति जं समयं परभ-
विद्याउयं पकरेति तं समयं इहभविद्याउयं पकरेति इहभविद्याउयस्स पकरणयाए परभविद्या-
उयं पकरेति परभविद्याउयस्स पकरणयाए इहभविद्याउयं पकरेति एवं खलु एगे जीवे एगेणं
समएणं दो आउयाइं पकरेति तं जहा-इहभविद्याउयं च परभविद्याउयं च से कहमेयं भंते एवं
गोयमा जण्णं ते अण्णउत्थिया एवमाइक्खंति जाव एवं खलु एगे जीवे एगेइणं समएणं दो
आउयाइं पकरेति तं जहा-इहभविद्याउयं च परभविद्याउयं च जे ते एवमाहंसु मिच्छं ते एव-
माहंसु अहं पुण गोयमा एवमाइक्खामि [एवं भासेमि एवं पण्णवेमि एवं] परूवेमि-एवं खलु एगे
जीवे एगेणं समएणं एणं आउयं पकरेति तं जहा-इहभविद्याउयं वा परभविद्याउयं वा जं समयं
इहभविद्याउयं पकरेति नो तं समयं परभविद्याउयं पकरेति जं समयं परभविद्याउयं पकरेति नो तं
समयं इहभविद्याउयं पकरेति इहभविद्याउयस्स पकरणताए नो परभविद्याउयं पकरेति परभवि-
द्याउयस्स पकरणताए नो इहभविद्याउयं पकरेति एवं खलु एगे जीवे एगेणं समएणं एणं आउयं
पकरेति तं जहा-इहभविद्याउयं वा परभविद्याउयं वा सेवं भंते सेवं भंते त्ति भगवं गोयमे जाव
विहरति । ७६।-७६

(९८) तेणं कालेणं तेणं समएणं पासावच्छिजे कालासवेसियपुत्ते नामं अणगारे जेणेव
थेरा भगवंतो तेणेव उवागच्छति उवागच्छिता थेरे भगवंते एवं वयासी-थेरा सामाइयं न
याणंति थेरा सामाइस्स अट्ठं न याणंति थेरा पच्चक्खाणं न याणंति थेरा पच्चक्खाणस्स अट्ठं न
याणंति थेरा संजमं न याणंति थेरा संजमस्स अट्ठं न याणंति थेरा संवरं न याणंति थेरा संवरस्स
अट्ठं न याणंति थेरा विवेगं न याणंति थेरा विवेगस्स अट्ठं न याणंति थेरा विउस्सग्गं न याणंति
थेरा विउस्सग्गस्स अट्ठं न याणंति तए णं थेरा भगवंतो कालासवेसियपुत्तं अणगारं एवं
वदासी- जाणामो णं अज्जो सामाइयं जाणामो णं अज्जो सामाइयस्स अट्ठं जाणामो णं अज्जो
पच्चक्खाणं [जाणामो णं अज्जो पच्चक्खाणस्स अट्ठं जाणामो णं अज्जो संजमं जाणामो णं अज्जो
संजमस्स अट्ठं जाणामो णं अज्जो संवरं जाणामो णं अज्जो संवरस्स अट्ठं जाणामो णं अज्जो संवरं
जाणामो णं अज्जो संवरस्स अट्ठं जाणामो णं अज्जो विवेगं जाणामो णं अज्जो विवेगस्स अट्ठं
जाणामो णं अज्जो विउस्सग्गं] जाणामो णं अज्जो विउस्सग्गस्स अट्ठं तते णं से कालासवेसि-
यपुत्ते अणगारे ते थेरे भगवंते एवं वयासी-जइ णं अज्जो तुब्बे जाणइ सामाइयं तुब्बे जाणह
सामाइयस्स अट्ठं जाव जइ णं अज्जो तुब्बे जाणह विउस्सग्गं तुब्बे जाणह विउस्सग्गस्स अट्ठं
के मे अज्जो सामाइए के मे अज्जो सामाइयस्स अट्ठे जाव के मे अज्जो विउस्सग्गे के मे अज्जो
विउस्सग्गस्स अट्ठे तए णं थेरा भगवंतो कालासवेसियपुत्तं अणगारं एवं वयासी- आया ने
अज्जो सामाइए आया ने अज्जो सामाइयस्स अट्ठे [आया ने अज्जो पच्चक्खाणे आया ने अज्जो
पच्चक्खाणस्स अट्ठे आया ने अज्जो संजमे आया ने अज्जो संजमस्स अट्ठे आया ने अज्जो संवरे
आया ने अज्जो संवरस्स अट्ठे आया ने अज्जो विवेगे आया ने अज्जो विवेगस्स अट्ठे आया ने
अज्जो विउस्सग्गे आया ने] अज्जो विउस्सग्गस्स अट्ठे तए णं ते कालासवेसियपुत्ते अणगारे थेरे
भगवंते एवं वदासी- जइ मे अज्जो, आया सामाइए आया सामाइयस्स अट्ठे जाव आया
विउस्सग्गस्स अट्ठे-अवहट्ठ कोह-माण-माया-लोभे किमट्ठं अज्जो गरहह कालासा संजमइयाए
से भंते किं गरहा संजमे अगरहा संजमे कालासा गरहा संजमे नो अगरहा संजमे गरहा वि य

णं सत्त्वं दोसं पविणेति सत्त्वं बालियं परिष्णाए एवं खु णे आया संजमे उवहिंते भवति एवं खु णे आया संजमे उवचिए भवति एव खु णे आया संजमे उवड्डिते भवति एत्थ णं से कालासवेसियपुत्ते अणगारे संबुद्धे थेरे भगवंते वंदति नमंसति वंदित्ता नमंसित्ता एवं वयासी-एएसि णं भंते पयाणं पुत्थिं अन्ननाए असवणयाए अबोहीए अणभिगमेणं अदिट्ठाणं अस्सुयाणं अमुयाणं अविन्नायाणं अब्बोकडाणं अब्बोच्छिण्णाणं अणिज्झाणं अणुवधारियाणं एयमट्ठे नो सद्दहिंए नो पत्तिइए नो रोइए इदाणि भंते एतेसि पयाणं जाणयाए सवणयाए बोहीए अभिगमेणं दिट्ठाणं सुयाणं मुयाणं विन्नायाणं बोगडाणं वोच्छिन्नाणं निज्झाणं उवधारियाणं एयमट्ठं सद्दहामि पत्तियाभि रोएमि एवमेयं से जहेयं तुब्भे वदह तए णं ते थेरा भगवंतो कालासवेसियपुत्तं अणगारं एवं वयासी-सद्दहहिं अज्जो पत्तियाहिं अज्जो रोएहिं अज्जो से जहेयं जम्हे वदामो तए णं से कालासवेसियपुत्ते अणगारे थेरे भगवंते वंदइ नमंसइ वंदित्ता नमंसित्ता एवं वदासि-इच्छामि णं भंते तुब्भं अंतिए चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जित्ता णं विहरित्ताए अहासुहं देवाणुप्पिया मा पडिबंघं तए णं से कालासवेसियपुत्ते अणगारे थेरे भगवंते वंदइ नमंसइ वंदित्ता नमंसित्ता चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जित्ता णं विहरति तए णं से कालासवेसियपुत्ते अणगारे बहूवि वासाणि सामण्णपरियाणं पाउणइ पाउणितां जस्सट्ठाए कीरइ नग्गभावे मुंडभावे अण्हाणयं अदंतवणयं अच्छत्तयं अणो-वाहणयं भूमिसेज्जा फलसेज्जा कट्ठसेज्जा केसलोओ बंधचेरवासो परधरप्पवेसो लद्धावलद्धी उच्चावया गामकटंगा बावीसं परिसहोवसग्गा अहियासिज्जति तमडं आराहेइ आराहेत्ता चर-मेहिं उस्सास-नीसासेहिं सिद्धे बुद्धे मुक्के परिनिव्वुडे सव्वदुक्खप्पहीणे ॥७७॥-७७

(१९) भंते ति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वदासी-से नूणं भंते सेट्ठियस्स य तणुयस्स य किवणस्स य खत्तियस्स य समा चेव अपच्चक्खाणकिरिया कज्जइ हंता गोयमा सेट्ठियस्स [य तणुयस्स य किवणस्स य खत्तियस्स य समा चेव अपच्चक्खाणकिरिया कज्जइ से केणट्ठेणं भंते एवं बुद्धइ-सेट्ठियस्स य तणुयस्स य किवणस्स य खत्तियस्स य समा चेव अपच्चक्खाणकिरिया कज्जइ गोयमा अविरतिं पडुच्च से तेणट्ठेणं गोयमा एवं बुद्धइ-सेट्ठियस्स य तणुयस्स य किवणस्स य खत्तियस्स य समा चेव अपच्चक्खाणकिरिया कज्जइ ॥७८॥-७८

(१००) आहाकम्मं णं भुंजमाणे समणे निगंघे किं बंधइ किं पकरेइ किं चिणाइं किं उवचिणाइ गोयमा आहाकम्मं णं भुंजमाणे आउयवज्जाओ सत्त कम्मप्पगडीओ सिद्धिलंबंधणबद्धाओ धणियबंधणबद्धाओ पकरेइ [हस्सकालठिइयाओ दीहकालठिइयाओ पकरेइ मंदाणुभावाओ तिव्वाणुभावाओ पकरेइ अप्पपएसग्गओ बहुप्पएसग्गाओ पकरेइ आउयं च णं कम्मं सिय बंधइ सिय नो बंधइ अस्सायावेयणिज्जं च णं कम्मं भुज्जो-भुज्जो उवचिणाइ अणाइयं च णं अणवदग्गं दीहमट्ठं चाउरंतं संसारकंतारं] अनुपरियट्ठइ से केणट्ठेणं भंते एवं बुद्धइ-आहाकम्मं णं भुंजमाणे आउयवज्जाओ सत्त कम्मप्पगडीओ सिद्धिलंबंधणबद्धाओ धणियबंधणबद्धाओ पकरेइ जाव चाउरंतं संसारकंतारं अनुपरियट्ठइ गोयमा आहाकम्मं णं भुंजमाणे आयाए धम्मं अइक्कमइ आयाए धम्मं अइक्कममाणे पुदविकायं नावकंखइ [आउकायं नावकंखइ तेउकायं नावकंखइ वाउकायं नावकंखइ वणस्सइकायं नावकंखइ] तसकायं नावकंखइ

जेसिं पि य णं जीवाणं सरीराइं आहारमाहारेइ ते वि जीवे नावकंखइ से तेणट्ठेणं गोयमा एवं वुछइ-आहाकम्मं णं भुंजमाणे आउवयज्जाओ सत्त कम्मपगडीओ सिद्धिलबंधणबद्धाओ धणियबंधणबद्धाओ पकरेइ जाव चाउरंतं संसारकंतारं अनुपरियट्ठइ, फासु-एसणिज्जं णं भंते भुंजमाणे समणे निग्गंथे किं बंधइ किं पकरेइ किं चिणाइ किं उवचिणाइ गोयमा फासु-एसणिज्जं णं भुंजमाणे आउवयज्जाओ सत्त कम्मपयडीओ धणियबंधणबद्धाओ सिद्धिलबंधणबद्धाओ पकरेइ [दीहकालद्धिइयाओ हस्सकालद्धिइयाओ पकरेइ तिव्वाणुभावाओ मंदाणुभावाओ पकरेइ बहुप्पएसग्गाओ अप्पएसग्गाओ पकरेइ आउयं च णं कम्मं सिय बंधइ सिय नो बंधइ अस्साया-वेयणिज्जं च णं कम्मं नो भुजो-भुजो उवचिणाइ अणादीयं च णं अणवदग्गं दीहमद्धं चाउरंतं संसारकंतारं] वीईवयइ से केणट्ठेणं भंते एवं वुछइ-फासु-एसणिज्जं णं भुंजमाणे आउवयज्जाओ सत्त कम्मपयडीओ धणियबंधणबद्धाओ सिद्धिलबंधणबद्धाओ पकरेइ जाव चाउरंतं संसार-कंतारं वीईवयइ गोयमा फासु-एसणिज्जं णं भुंजमाणे समणे निग्गंथे आयाए धम्मं नाइक्कमइ आयाए धम्मं अणइक्कममाण पुढविकायं अवकंखइ जाव तसकायं अवकंखइ जेसिं पि य णं जीवाणं सरीराइं आहारं आहारेइ ते वि जीवे अवकंखइ से तेणट्ठेणं गोयमा एवं वुछइ-फासु-एसणिज्जं णं भुंजमाणे आउवयज्जाओ सत्त कम्मपयडीओ धणियबंधणबद्धाओ सिद्धिलबंधणबद्धाओ पकरेइ जाव चाउरंतं संसारकंतारं वीईवयइ ७९१-७९

(१०१) से नूणं भंते अथिरे पलोट्टइ नो थिरे पलोट्टइ अथिरे भज्जइ नो थिरे भज्जइ सासए बालए बालियतं असासयं सासए पंडिए पंडियतं असासयं हंता गोयमा अथिरे पलोट्टइ नो थिरे पलोट्टइ अथिरे भज्जइ नो थिरे भज्जइ सासए बालए बालियतं असासयं सासए पंडिए पंडियतं असासयं सेवं भंते सेवं भंते ति जाव विहरइ १८०१-८०

● पट्ठे सत्ते नवमो उद्देशो सप्तमो ●

—: द स मो — उ दे सो :—

(१०२) अत्रउत्तिथा णं भंते एवमाइक्खंति [एवं भासंति एवं पत्रवेंति एवं] परूवेंति-एवं खलु चलमाणे अवल्लिए [उदीरिज्जमाणे अनुदीरिए वेदिज्जमाणे अवेदिए पहिज्जमाणे अप-हीणे छिज्जमाणे अच्छिण्णे भिज्जमाणे अभिण्णे दज्जमाणे अदड्ढे पिज्जमाणे अमए निज्जिरिज्जमाणे अनिज्जिण्णे दो परमाणुपोग्गला एगयओ न साहण्णंति कम्हा दो परमाणुपोग्गलाणं नत्थि सिणेहकाए तम्हा दो परमाणुपोग्गला एगयओ न साहण्णंति तिणिण्णि परमाणुपोग्गला एगयओ साहण्णंति कम्हा तिणिण्णि परमाणुपोग्गला एगयओ साहण्णंति तिण्हं परमाणुपोग्गलाणं अत्थि सिणेहकाए तम्हा तिणिण्णि परमाणुपोग्गला एगयओ साहण्णंति ते भिज्जमाणा दुहा वि तिहा वि कज्जंति दुहा कज्जमाणा एगयओ दिवड्ढे परमाणुपोग्गले भवइ-एगयओ वि दिवड्ढे परमाणुपोग्गले भवइ तिहा कज्जमाणा तिणिण्णि परमाणुपोग्गला भवंति एवं चत्तारि पंच परमाणुपोग्गला एगयओ साहण्णंति एगयओ साहणित्ता दुक्खताए कज्जंति दुक्खे वि य णं से सासए सया समितं उवचिज्जइ य अवचिज्जइ य पुब्बिं भासा भासा भासिज्जमाणी भासा अभासा भासासमय वित्तिक्कंतं च णं भासिया भासा जा सा पुब्बिं भासा भासा भासिज्जमाणी भासा अभासा भासासमयवित्तिक्कंतं च णं भासिया भासा सा किं भासओ भासा अभासओ भासा अभासओ णं सा भासा नो खलु सा भासओ भासा, पुब्बिं किरिया दुक्खा कज्जमाणी किरिया कदुक्खा किरियास-

मयवितिकृतं च णं कडा किरिया दुक्खा जा सा पुब्बि किरिया दुक्खा कज्जमाणी किरिया अदुक्खा किरियासमयवितिकृतं च णं कडा किरिया दुक्खा सा किं करणओ दुक्खा अकर-
णओ दुक्खा अकरणओ णं सा दुक्खा नो खलु सा करणओ दुक्खा-सेवं वत्तव्वं सिया अकिच्चं
दुक्खं अफुसं दुक्खं अकज्जमाणकडं दुक्खं अकट्ठ-अकट्ठ पाण-भूय-जीव-सत्ता वेदणं वेदेति-
इति वत्तव्वं सिया से कहमेयं भंते एवं गोयमा जणं ते अण्णउत्थिया एवमाइक्खंति जाव वेदणं
वेदेति-इति वत्तव्वं सिया जे ते एवमाहंसु मिच्छा ते एवमाहंसु अहं पुण गोयमा एवमाइक्खामि
एवं भासेमि एवं पण्णवेमि एवं परूवेमि-एवं खलु चलमाणे वलिए [उदीरिज्जमाणे उदीरिए
वेदेज्जमाणे वेदिए पहिज्जमाणे पहीणे छिज्जमाणे छिण्णे भिज्जमाणे मिण्णे दज्जमाणे दइदे भिज्ज-
माणे नए] निज्जरिज्जमाणे निज्जिण्णे दो परमाणुपोग्गला एगयओ साहण्णंति कम्हा दो परमाणु-
पोग्गला एगयओ साहण्णंति दोहं परमाणुपोग्गलाणं अत्थि सिणेहकाए तम्हा दो परमाणु-
पोग्गला एगयओ साहण्णंति ते भिज्जमाणा दुहा कज्जंति दुहा कज्जमाणा एगयओ परमाणु-पोग्गले
एगयओ परमाणुपोग्गले भवति तिण्णि परमाणुपोग्गला एगयओ साहण्णंति, कम्हा तिण्णि
परमाणुपोग्गला एगयओ साहण्णंति तिण्णं परमाणुपोग्गलाणं अत्थि सिणेहकाए तम्हा तिण्णि
परमाणुपोग्गला एगयओ साहण्णंति ते भिज्जमाणा दुहा वि तिहा वि कज्जंति दुहा कज्जमाणा
एगयओ परमाणुपोग्गले एगयओ दुपएसिए खंधे भवति तिहा कज्जमाणा तिण्णि परमाणुपोग्गा
भवति एव चत्तारि पंच परमाणुपोग्गला एगयओ साहण्णंति एगयओ साहणित्ता खंधताए
कज्जंति खंधे वि य णं से असासए सया समितं उवचिज्जइ य अवचिज्जइ य पुब्बि भासा अभासा
भासिज्जमाणी भासा भासा, भासासमयवितिकृतं च णं भासिया भासा अभासा जा सा पुब्बि
भासा अभासा भासिज्जमाणी भासा भासा भासासमयवि- तिकृतं च णं भासिया भासा अभासा
सा किं भासओ भासा अभासओ भासा भासओ णं भासा नो खलु सा अभासओ भासा पुब्बि
किरिया अदुक्खा कज्जमाणी किरिया दुक्खा किरियासमय- वितिकृतं च णं कज्जमाणी किरिया
अदुक्खा जा सा पुब्बि किरिया अदुक्खा कज्जमाणी किरिया दुक्खा किरियासमयवितिवत्त-
कृतं च णं कज्जमाणी किरिया अदुक्खा सा किं करणओ दुक्खा अकरणओ दुक्खा करणओ णं
सा दुक्खा नो खलु सा अकरणओ दुक्खा-सेवं वत्तव्वं सिया किच्चं दुक्खं फुसं दुक्खं कज्जमाण-
कडं दुक्खं कट्ठ-कट्ठ पाण-भूय-जीव-सत्ता वेदणं वेदेति-इति वत्तव्वं सिया 1८१1-81

(१०३) अण्णउत्थिया णं भंते एवमाइक्खंति एवं भासंति एवं पन्नवेति एवं परूवेति-
एवं खलु एगे जीवे एगेणं समएणं दो किरियाओ पकरेति तं जहा - इरियावहियं च संपराइयं
च जे समयं इरियावहियं पकरेइ तं समयं संपराइयं पकरेइ जं समयं संपराइयं पकरेइ तं समयं
इरियावहियं पकरेइ इरियावहिय पकरणयाए संपराइयं पकरेइ संपराइयाए पकरणयाए
इरियावहियं पकरेइ एवं खलु एगे जीवे एगेणं समएणं दो किरियाओ पकरेति तं जहा-इरिया-
वहियं च संपराइयं च से कहमेयं भंते एवं गोयमा जणं ते अण्णउत्थिया एवमाइक्खंति
एवं भासंति एवं पन्नवेति एवं परूवेति-एवं खलु एगे जीवे एगेणं समएणं दो किरियाओ
पकरेति जाव इरियावहियं च संपराइयं च [जे ते एवमाहंसु मिच्छा ते एवमाहंसु अहं पुण
गोयमा एवमाइक्खामि एवं भासेमि एवं पन्नवेमि एवं परूवेमि-एवं खलु एगे जीवे एगेणं
समएणं एककं किरियं पकरेइ तं जहा-इरियावहियं वा संपराइयं वा जं समयं इरियावहियं

पकरेइ नो तं समयं संपराइयं पकरेइ जं समयं संपराइयं पकरेइ नो तं समयं इरियावहियं पकरेइ इरियावहियाए पकरणयाए नो संपराइयं पकरेइ संपराइयाए पकरणयाए नो इरियावहियं पकरेइ एवं खलु एगे जीवे एगेणं समएणं एणं किरियं पकरेइ तं जहा-इरियावहिया वा संपराइयं वा ।८२।-८२

(१०४) निरयगई णं भंते केवतियं कालं विरहिया उववाणं पन्नत्ता गोयमा जहन्नेणं एककं समयं उक्कोसेणं बारस मुहुत्ता एवं वक्क्तीपयं भाणियव्वं निरवसेसं सेवं भंते सेवं भंते ति जाव विहरइ ।८३।-८३

● पदमे सते दसमो उद्देशो समतो ● पदमं सतं समसं ●

बीअं-सतं

—: प ढ मो — उ दे सो :—

(१०५) ऊसास संदए वि य समुधाय पुढविदिय अण्णउत्थि मासा य

देवा य चमरचंचा समयविकिखत्तत्थिकाय बीयसए ।।१९।।-१९

(१०६) तेणं कालेणं तेणं समएणं रायगिहे नामं नयरे होत्था-वण्णओ सामी समोसदे परिसा निग्गया धम्मो कहिओ पडिगया परिसा तेणं कालेणं तेणं समएणं समणस्स भगवओ महावीरस्स जेट्ठे अंतेवासी जाव पज्जुवासमाणे एवं वदासी- जे इमे भंते वेइंदिया तेइंदिया चउरिंदिया पंचिंदिया जीवा एएसि णं आणामं वा पाणामं वा उस्सासं वा निस्सासं वा जाणा-मो पासामो जे इमे पुढविकाइया जाव वण्णफइकाइया-एगिंदिया जीवा एएसि णं आणामं वा पाणामं वा उस्सासं वा निस्सासं वा न याणामो न पासामो एए णं भंते जीवा आणमंति वा पाणमंति वा ऊससंति वा नीससंति वा हंता गोयमा एए वि णं जीवा आणमंति वा पाणमंति वा ऊससंति वा नीससंति वा ।८४।-८४

(१०७) किण्णं भंते एते जीवा आणमंति वा पाणमंति वा ऊससंति वा नीससंति वा गोयमा दब्बओ अणंतपएसियाइं दब्बाइं खेतओ असंखेज्जपएसोगाढाइं कालओ अण्णय-रठितियाइं भावओ वण्णमंताइं गंधमंताइं रसमंताइं फासमंताइं आणमंति वा पाणमंति वा ऊस-संति वा नीससंति वा जाइं भावओ वण्णमंताइं आणमंति वा पाणमंति वा ऊससंति वा नीससंति वा ताइं किं एगवण्णाइं [जाव किं पंचवण्णाइं आणमंति वा पाणमंति वा ऊससंति वा नीससंति वा गोयमा ठाणमग्गणं पडुच्च एगवण्णाइं पि जाव पंचवण्णाइं पि आणमंति वा पाणमंति वा ऊससंति वा नीससंति वा विहाणमग्गणं पडुच्च कालवण्णाइं पि जाव सुक्किलाइं पि आणमंति वा पाणमंति वा ऊससंति वा नीससंति वा आहारगमो नेयव्वो जाव- पुढविकाइया णं भंते कइदिसं आणमंति वा पाणमंति वा ऊससंति वा नीससंति वा गोयमा निव्वाधाएणं छइसिं वाचायं पडुच्च सिय तिदिसिं सिय चउदिसिं सिय पंचदिसिं] किण्णं भंते नेरइया आणमंति वा पाणमंति वा ऊससंति वा नीससंति वा तं चेव जाव नियमा छइसिं आणमंति वा पाणमंति वा ऊससंति वा नीससंति वा जीव-एगिंदिया वाघाय-निव्वाधाया च भाणियव्वा सेसा नियमा छइसिं वाउयाए णं भंते वाउयाए चेव आणमंति वा पाणमंति वा ऊससंति वा नीससंति वा हंता गोयमा वाउयाए णं [वाउयाए चेव आणमंति वा पाणमंति वा ऊससंति वा] नीससंति वा ।८५।-८५

(१०८) वाउयाए णं भंते वाउयाए चेव अणेगसयसहस्सखुतो उद्दाइत्ता-उद्दाइत्ता

तत्येव भुजो-भुजो पद्यायाति हंता गोयमा [वाउयाए णं वाउयाए चेव अणेगसयसहस्साखुत्तो उदाइत्ता-उदाइत्ता तत्येव भुजो-भुजो पद्यायाति से भंते किं पुट्टे उदाति अपुट्टे उदाति गोयमा पुट्टे उदाति नो अपुट्टे उदाति से भंते किं ससरीरी निक्खमइ असरीरी निक्खमइ गोयमा सिय ससरीरी निक्खमइ सिय असरीरी निक्खमइ से केणट्ठेणं भंते एवं बुद्धइ-सिय ससरीरी निक्खमइ सिय असरीरी निक्खमइ गोयमा वाउयायस्स णं चत्तारि सरीरया पन्नत्ता तं जह्म-ओरालिए वेउव्विए तेयए कम्मए ओरालिय वेउव्वियाइं विप्पजह्मय तेययकम्मएहिं निक्ख- मइ से तेणट्ठेणं गोयमा एवं बुद्धइ-सिय ससरीरी निक्खमणि सिय असरीरी निक्खमइ ॥८६॥-८८

(१०९) मडाई णं भंते नियंठे निरुद्धभवे नो निरुद्धभवपवंचे नो पहीणसंसारे नो पहीणसंसारवेयणिजे नो वोच्छिण्णसंसारे नो वोच्छिण्णसंसारवेयणिजे नो निट्ठियट्ठे नो निट्ठियट्ठकरणिजे पुणरवि इत्थत्तं हव्वमागच्छइ हंता गोयमा मडाई णं नियंठे नो निरुद्धभवे नो निरुद्धभववंचे नो पहीणसंसारे नो पहीणसंसारवेयणिजे नो वोच्छिण्णसंसारे नो वोच्छिण्णसंसारवेयणिजे नो निट्ठियट्ठे नो निट्ठियट्ठकरणिजे पुणरवि इत्थत्तं हव्वमागच्छइ ॥८७॥-८९

(११०) से णं भंते किं ति वत्तव्वं सिया गोयमा पाणे ति वत्तव्वं सिया भूए ति वत्तव्वं सिया जीवे ति वत्तव्वं सिया सत्ते ति वत्तव्वं सिया विण्णु ति वत्तव्वं सिया वेदे ति वत्तव्वं सिया पाणे भूए जीवे सत्ते विण्णु वेदे ति वत्तव्वं सिया से केणट्ठेणं पाणे ति वत्तव्वं सिया जाव वेदे ति वत्तव्वं सिया गोयमा जम्हा आणमइ वा पाणमइ वा उस्ससइ वा नोससइ वा तम्हा पाणे ति वत्तव्वं सिया जम्हा भूते भवति भविस्सति य तम्हा भूए ति वत्तव्वं सिया जम्हा जीवे जीवति जीवत्तं आउयं च कम्मं उवजीवति तम्हा जीवे ति वत्तव्वं सिया जम्हा सत्ते सुभासुमेहिं कम्मेहिं तम्हा सत्ते ति वत्तव्वं सिया जम्हा तितकडुकसायंबिलमहुरे रसे जाणइ तम्हा विण्णु ति वत्तव्वं सिया जम्हा वेदेति य सुह-दुक्खं तम्हा वेदे ति वत्तव्वं सिया से तेणट्ठेणं पाणे ति वत्तव्वं सिया जाव वेदे ति वत्तव्वं सिया ॥८८॥-८८

(१११) मडाई णं भंते नियंठे निरुद्धभवे निरुद्धभवपवंचे [पहीणसंसारे पहीणसंसारवेयणिजे वोच्छिण्णसंसारे वोच्छिण्णसंसारवेयणिजे निट्ठियट्ठे! निट्ठियट्ठकरणिजे नो पुणरवि इत्थत्तं हव्वमागच्छइ हंता गोयमा मडाई णं नियंठे निरुद्धभवे निरुद्धभवपवंचे पहीणसंसारे पहीणसंसारवेयणिजे वोच्छिण्णसंसारे वोच्छिण्णसंसा वेयणिजे निट्ठियट्ठे निट्ठियट्ठकरणिजे नो पुणरवि इत्थत्तं हव्वमागच्छइ से णं भंते किं ति वत्तव्वं सिया गोयमा सिद्धे ति वत्तव्वं सिया बुद्धे ति वत्तव्वं सिया मुत्ते ति वत्तव्वं सिया पारगए ति वत्तव्वं सिया परंपरगए ति वत्तव्वं सिया सिद्धे बुद्धे मुत्ते परिनिव्वुडे अंतकडे सब्बदुक्खप्पहीणे ति वत्तव्वं सिया सेव भंते सेवं भंते ति भगवं गोयमे समणं भगवं महावीरं वंदति नमसति वंदित्ता नमसित्ता संजमेणं तवसा अप्पाणं पावेमाणे विहरति ॥८९॥-८९

(११२) तेणं कालेणं तेणं समएणं समणे भगवं महावीरे रायणिहाओ नगराओ गुणसिलाओ चेइ- आओ पडिनिक्खमइ पडिनिक्खमिप्ता बहिया जणवयविहारं विहरइ तेणं कालेणं तेणं समएणं कयंगला नामं नगरी होत्या-वण्णओ तीसे णं कयंगलाए नयरीए बहिया उत्तरपुरत्थिमे दिसीमाए छत्तपलासए नामं चेइए होत्या वण्णओ तए णं समणे भगवं महावीरे उप्पन्नाना दंसणधरे [अरहा जिणे केवली जेणेव कयंगला नयरी जेणेव छत्तपलासए चेइए तेणेव

उवागच्छइ उवागच्छिता अहापडिरूवं ओग्हं ओगिण्हइ ओगिण्हिता संजमेणं तव सा अप्पाणं भावेमाणे विहरइ जाव] समोसरणं परिसा निग्गच्छइ तीसे णं कयंगलाए नयरीए अदूरसामंते सावत्थी नामं नयरी होत्था-वण्णओ तत्थ णं सवत्थीए नयरीए गद्दभालस्स अंतेवासी खंदए नामं कच्चायणसगोत्तं परिव्वायगे परिवसइ-रिव्वेद-जजुव्वेद-सामवेद-अहव्वणवेद-इतिहास-पंच-भाणंनिधंठुछट्ठाणं-चउण्हं वेदाणं संगोवांगाणं सरहस्साणं सारए धारए पारए सडंगवी सड्ढितं-तविसारए संखाणे सिक्खा-कप्पे वागरणे छंदे निरुत्ते जोतिसामयणे अण्णेसु य बहूसु बंभण्णएसु परिव्वायएसु य नयेसु सुपरिनिद्धिए या वि होत्था तत्थ णं सावत्थीए नयरीए पिंगलए नामं नियंठे वेसालियसावए परिवसइ तए णं से पिंगलए नामं नियंठे वेसालियसावए अण्णया कयाइ जेणेव खंदए कच्चायणसगोत्ते तेणेव उवागच्छइ उवागच्छिता खंदगं कच्चायणसगोत्तं इणमक्खेवं पुच्छे-मागहा कि सअंते लोए अनंते लोए सअंते जीवे अनंते जीवे सअंता सिद्धी अनंता सिद्धी सअंते सिद्धे अनंते सिद्धे केण वा मरणेणं मरमाणे जीवे वड्ढति वा हायाति वा - एतावताव आइक्खाहिं वुच्चमाणे एवं तए णं से खंदए कच्चायणसगोत्ते पिंगलएणं नियंठेणं वेसालियसावएणं इणमक्खेवं पुच्छिए समाणे संकिए वितिगिच्छिए भेदसमावत्ते कलुससमावत्ते नो संचा-एइ पिंगलयस्स नियंठस्स वेसालियसावयस्स किंचि वि पमोक्खमक्खाइउं तुसिणीए संचिद्धइ तए णं से पिंगलए नियंठे वेसालियसावए खंदयं कच्चायणसगोत्तं दोच्चं पि तच्चं पि इणमक्खेवं पुच्छे-मागहा कि सअंते लोए [अनंते लोए सअंते जीवे अनंते जीवे सअंता सिद्धी अनंता सिद्धी सअंते सिद्धे अनंते सिद्धे] केण वा मरणेणं मरमाणे जीवे वड्ढति वा हायाति वा - एतावतावे आइक्खाहिं वुच्चमाणे एवं तए णं से खंदए कच्चायणसगोत्ते पिंगलएणं नियंठेणं वेसालियसावएणं दोच्चं पि तच्चं पि इणमक्खेवं पुच्छिए समाणे संकिए कंछिए वितिगिच्छिए भेदसमावत्ते कलुससमावत्ते नो संचाएइ पिंगलस्स नियंठस्स वेसालियसावयस्स किंचि वि पमोक्खमक्खाइउं तुसिणीए संचिद्धइ तए णं सावत्थीएनयरीए सिंघाडग-तिंग-चउक्क-चच्चर-चउम्मुह-महापह पहेसु महया जणसंमहे इ वा जणवूहे इ वा जणबोले इ वा जणकलबले इ वा जणुप्पी इ वा जणुक्कलिया इ वा जणसण्णियाए इ वा बहुजणो अण्णमण्णस्स एवमाइक्खइ एवं भासेइ एवं पण्णेवइ एवं परूवेइ- एवं खलु देवाणुप्पिया समणे भगवं महावीरे आइ-गरे जाव सिद्धिगति-नागधेयं ठाणं संपाविउक्कामे पुब्बाणुपुब्बि चरमाणे गामाणुगामं दूइजमाणे इहमागए इहसंपत्ते इहसमोसडे इहेव कयंगलाए नयरीए बहिया छत्तपलासए चेइए अहापडिरूवं ओग्हं ओगि-ण्हिता संजमेणं तवसा अप्पाणं भावेमाणे विहरइ तं महप्फलं खलु भो देवाणुप्पिया तहारूवाणं अरहंताणं भगवंताणं नाम गोयस्सवि सवणयाए किमंत पुण अभिगमण-यंदणं-नमंसण-पडिपुच्छण-पज्जुवासणयाए एगस्सवि आरियस्स धम्मियस्स सुवयणस्स सवणयाए किमंग पुणं विउलस्स अट्ठस्स गहणयाए तं गच्छामो णं देवाणुप्पिया समणं भगवं महावीरं वंदापो नमंसामो सक्कारेमो सम्माणेमो कल्लानं मंगलं देवयं चेइयं पज्जुवासामो एयं णे पेच्चभवे इयभवे य हियाए सुहाए खमाए निस्सेयसाए आनुगामियत्ताए भविस्सइ ति कट्ठु बहवे उग्गा उग्गपुत्ता भोगा भोगपुत्ता एवं दुप्पडोयारेणं-राइण्णा खत्तिया माहणा भडा जोहा पसत्थारो मल्लई लेच्छई ले-च्छईपुत्ता अण्णे य बहवे राईसर-तलयर-माडंबिय-कोडुंबिय-इड्ढ-सेड्ढि-सेणावइ-सत्थयाह-प्पभित्तओ जाव महया उक्किइसीहनाय-बोल-कलकलरवेणं पक्खुभिय- महासमुद्धर वभूयं

पिब करेमाणा सावत्थीए नयरीए मज्झंमज्झेणं। निग्गच्छंति तए णं तस्स खंदयस्स कच्चायण-
सगोत्तस्स बहुजणस्स अंतिए एयमट्ठं सोच्चा निसम्मं इमेयास्सवेअज्झत्थिए चित्तिए पत्थिए
मणोगए संकप्पे समुप्पज्झित्था-एवं खलु समणे भगवं महावीरे कयंगलाए नयरीए बहिया
छत्तपलासए चेइए संजमेणं तवसा अप्पाणं भावेमाणे विहरइ तं गच्छामि णं समणं भगवं
महावीरं वंदामि नमंसामि सेयं खलु मे समणं महावीरं वंदित्ता नमंसित्ता सक्कारेत्ता सम्माणेत्ता
कल्लाणं मंगलं देवयं चेइयं पज्जुवासित्ता इमाइं च णं एयास्सवाइं अट्ठाइं हेऊइं पसिणाइं कारणाइं
वागरणाइं पुच्छित्ताए त्ति कट्ठु एवं संपेहेइ संपेहेत्ता जेणेव परिव्वायगावसहे तेणे व उवागच्छइ
उवागच्छित्ता तिदंडं च कुंडियं च कंचणियं च करोडियं च भिसियं च केसरियं च छण्णालयं च
अंकुसयं च पवित्तयं च गणेतियं च छत्तयं च वाहाणाओ य पाउयाओ य घाउरत्ताओ य गेण्हइ
गेण्हित्ता परिव्वायावसहाओ पडिनिक्खमइ पडिनिक्खमित्ता तिबंड-कुंडिय-कंचणिय-करो-
डिय-भिसिय-केसरिय-छण्णालय - अंकुसय - पवित्तय-गणेतियहत्थगए छत्तोवाहणसंजुत्ते धा-
उरत्तवत्थपरिहिए सावत्थीए नयरीए मज्झं-मज्झेणं निग्गच्छइ निग्गच्छित्ता जेणेव कयंगला
नगरी जेणेव छत्तपलासए चेइए जेणेव समणे भगवं महावीरे तेणेव पहारेत्थ गमणाए गोय-
माइ समणे भगवं महावीरे भगवं गोयमं एवं वयासीदच्छिसि णं गोयमा पुव्वसंगइयं कं भंते
खंदयं नाम से काहे वा किह वा केवघिरेण वा एवं खलु गोयमा तेणं कालेणं तेणं समएणं सावत्थी
नामं नगरी होत्था-वण्णओ तत्थ णं सावत्थीए नयरीए गह्मालस्स अंतैवासी खंदए नामं
कच्चायणसगोत्ते परिव्वायए परिवसइ तं चेव जाव जेणेव ममं अंतिए तेणेव पहारेत्थ गमणाए से
अदूरागते बहुसंपत्ते अट्ठाणपडिवण्णे अंतरा पहे दइइ अज्जेव णं दच्छिसि गोयमा भंतेत्ति भगवं
गोयमे समणं महावीरं वंदइ नमंसइ वंदित्ता नमंसित्ता एवं वदासी-पहू णं भंते खंदए कच्चायण-
सगोत्ते देवाणुप्पियाणं अंतिए मुंडे भवित्ता अगाराओ अणगारियं पव्वइत्तए हंता पभू जावं च णं
समणे भगवं महावीरे भगवओ गोयमस्स एयमट्ठं परिकहेइ तावं च णं से खंदए कच्चायणसगोत्ते
तं देसं हव्वमागए तए णं भगवं गोयमे खंदयं कच्चायणसगोत्तं अदूरा- गतं जाणित्ता खिप्पामेव
अव्वुट्ठेत्ति अव्वुट्ठेत्ता खिप्पामेव पच्चुवगच्छइ जेणेव खंदए कच्चायणस- गोत्ते तेणेव उवागच्छइ
उवागच्छित्ता खंदयं कच्चायणसगोत्तं एवं वयासी-हे खंदया सागयं खंदया सुसागयं खंदया
अणुरागयं खंदया सागयमणुरागयं खंदया से नूणं तुमं खंदया सावत्थीए नयरीए पिंगलएणं
नियंठेणं वेसालियसावएणं इणमक्खेवं पुच्छिए-मागहा किं सअंते लोगे अनंते लोगे एवं तं येव
जाव जेणेव इहं तेणेव हव्वमागए से नूणं खंदया अट्ठे समट्ठे हंता अत्थि तए णं से खंदए
कच्चायणसगोत्ते भगवं गोयमं एवं वयासी-से केस णं गोयमा त्हास्सवे नाणी वा तवस्सी वा जेणं
तव एस अट्ठे मम ताव रहस्सकडे हव्वमक्खाए जओ णं तुमं जाणसि तए णं से भगवं गोयमे
खंदयं कच्चायणसगोत्तं एवं वयासी-एवं खलु खंदया ममं धम्मायरिए धम्मोवदेसए समणे भगवं
महावीरे उप्पन्ननाणदंसणधरे अरहा जिणे केवली तीयपच्चुप्पन्नमणायवियाणए सव्वन्
सव्वदरिसी जेणं मम एस अट्ठे तव ताव रहस्सकडे हव्वमक्खाए जओ णं अहं जाणामि खंदया
तए णं से खंदए कच्चायणसगोत्ते भगवं गोयमं एवं वयासी-गच्छामो णं गोयमा तव धम्मायरियं
धम्मोवदेसयं समणं भगवं महावीरं वंदामो नमंसामो सक्कारेमो सम्माणेमो कल्लाणं मंगलं देवयं
चेइयं पज्जुवासाओ अहासुहं देवाणुप्पिया मा पडिबंथं तए णं से भगवं गोयमे खंदएणं कच्चायण-

सगोतेणं सद्धिं जेणेव समणे भगवं महावीरे तेणेव पहारेत्थ गमणाए तेणं कालेणं तेणं समएणं समणे भगवं महावीरे वियट्ठभोई यावि होत्था तए णं समणस्स भगवओ महावीरस्स वियट्ठभोइस्स सरीरयं ओरालं सिंगारं कल्लाणं सिवं धन्नं मंगलं अणलंकियविभूसियं लक्खण- वंजण-गुणोदवेयं सिरिए अतीव-अतीव उवसोभेमाणं चिट्ठइ तए णं से खंदए कच्चायणसगोते समणरस भगवओ महावीरस्स वियट्ठभोइस्स सरीरयं ओरालं [सिंगारं कल्लाणं सिवं धन्नं मंगलं अणलंकियविभूसियं लक्खण-वंजण-गुणोदवेयं सिरिए] अतीव-अतीव उवसोभेमाणं पासइ पासित्ता हट्ठतुट्ठचित्तमाणंदिए नंदिए पीइमणे परमसोमणस्सिए हरिसवसविसप्पमाणहियए जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिकखुतो आयाहिण-पयाहिणं करेइ [करेत्ता वंदइ नर्मसइ वंदित्ता नर्मसित्ता नच्चासत्रे नातिदूरे सुस्सूस-माणे नर्मसमाणे अभिमुहे विणएणं पंजलिपडे] पज्जुवासइ खंदयाति समणे भगवं महावीरे खंदयं कच्चायणसगोतं एवं वयासी-से नूणं तुमं खंदया सावत्थीए नयरीए पिंगलएणं नियंठेणं वेसालियसावएणं इणमक्खेवं पुच्छिए-मागहा किं सअंते लोए अनंते लोए सअंते जीवे अनंते जीवे सअंता सिद्धी अनंता सिद्धी सअंते सिद्धे अनंते सिद्धे केण वा मरणेणं मरमाणे जीवे वड्ढति वा हायाति वा एवं तं चेव जाव जेणेव ममं अंतिए तेणेव हव्वमागए से नूणं खंदया अट्ठे समट्ठे हंता अत्थि जे वि य ते खंदया अयमेयारूवे अज्झत्थिए चित्तिए पत्थिए मणोगए संकप्पे समुप्पज्झित्था-किं सअंते लोए अनंते लोएतस्स वि य णं अयमट्ठे-एवं खलु मए खंदया चउच्चिहे लोए पत्रत्ते तं जहा-दव्वओ खेत्तओ कालओ भावओ दव्वओ णं एगे लोए सअंते खेत्तओ णं लोए असंखेज्जाओ जोयणकोडाकोडीओ आयाम-विकखंभेणं असंखेज्जाओ जोयण- कोडाको- डीओ परिकखेवेणं पत्रत्ते अत्थि पुण से अंते कालओ णं लोए न कयाइ न आसी न कयाइ न भवइ न कयाइ न भविस्सइ - भविसु य भवति य भविस्सइ य-धुवे नियए सासए अक्खए अव्वए अवट्ठिए निच्चे नत्थि पुण से अंते भावओ णं लोए अनंता वण्णपज्जवा अनंता गंधप- ज्जवा अनंता रसपज्जवा अनंता फासपज्जवा अनंता संठाणपज्जवा अनंता गरुलहुयपज्जवा अनंता अगरुयल- हुयपज्जवा नत्थि पुण से अंते सेतं खंदगा दव्वओ लोए सअंते खेत्तओ लोए सअंते कालओ लोए अनंते भावओ लोए अनंते जे वि य ते खंदया [अयमेयारूवे अज्झत्थिए चित्तिए पत्थिए मणो- गए संकप्पे समुप्पज्झित्था - किं सअंते जीवे] अनंते जीवे तस्स वि य णं अयमट्ठे-एवं खलु मए खंदया चउच्चिहे जीवे पत्रत्ते तं जहा-दव्वओ खेत्तओ कालओ भावओ दव्वओ णं एगे जीवे सअंते खेत्तओ णं जीवे असंखेज्जपएसिए असंखेज्जपएसोगाढे अत्थि पुणं अंते कालओ णं जीवे न कयाइ न आसी न कयाइ न भवइ [न कयाइ न भविस्सइ-भविसु य भवति य भविस्सइ य - धुवे नियए सासए अक्खए अव्वए अवट्ठिए] नि च्चे नत्थि पुण से अंते भावओ णं जीवे अनंता नामपज्जवा अनंता दंसणपज्जवा अनंता चारित्तपज्जवा अनंता गरुयलहुयपज्जवा अनंता अगरु- यलहुपज्जवा नत्थि पुण से अंते सेतं खंदगा दव्वओ जीवे सअंते खेत्तओ जीवे सअंते कालओ जीवे अनंते भावओ जीवे अनंते जे वि य ते खंदया अयमेयारूवे अज्झत्थिए चित्तिए पत्थिए मणोगए संकप्पे समुप्पज्झित्था- किं सअंता सिद्धी अनंता सिद्धी तस्स वि य णं अयमट्ठे एवं खलु मए खंदया चउच्चिहा सिद्धी पत्रत्ता तं जहा-दव्वओ खेत्तओ कालओ भावओ दव्वओ णं एगा सिद्धी सअंता खेत्तओ णं सिद्धी पणयालीसं जोयणसयसहस्साइ आयामविकखंभेणं एगा

जोयणकोडी बायालीसं च सयसहस्साई तीसं च सहस्साई दोण्णि य अउणापन्नजोयणसए किंचि विसेसाहिए परिकेखेवणं पन्नत्ता अत्थि पुण से अंतं कालओ णं सिद्धी न कयाइ न आसी [न कयाइ न भवइ न कयाइ न भविस्सइ भविंसु य भवति य भविस्सइ य - धुवा नियया सासया अक्खया अव्वया अवद्धिया निच्चा नत्थि पुण सा अंता भावओ णं सिद्धीए अनंता दण्णपज्जवा अनंता गंधपज्जवा अनंता रसपज्जवा अनंता फासपज्जवा अनंता संठाणपज्जवा अनंता गरुयल-हुयपज्जवा अनंता अगरुयलहुयपज्जवा नत्थि पुण सा अंता सेत्तं खंदया] दव्वओ सिद्धी सअंता खेत्तओ सिद्धी सअंता कालओ सिद्धी अनंता भावओ सिद्धी अनंता जे वि य ते खंदया [अयमेयारूवे अज्झत्थिए चित्तिए पत्थिए मणोगए संकप्पे समुप्पज्झित्था - किं सअंतं सिद्धे अनंतं सिद्धे तस्स वि य णं अयमट्ठे-एवं खलु मए खंदया चउव्विहे सिद्धे पन्नत्ते तं जहा-दव्वओ खेत्तएओ कालओ भावओ] दव्वओ णं एगे सिद्धे सअंतं खेत्तओ णं सिद्धे असंखेज्जपएसिए असंखेज्जपएसोगाढे अत्थि पुण से अंतं कालओ णं सिद्धे सादीए अपज्जवसिए नत्थि से अंतं भावओ णं सिद्धे अनंता नाणपज्जवा अनंता दंसणपज्जवा अनंता अगरुयलहुय पज्जवा नत्थि पुण से अंतं सेत्तं खंदया दव्वओ सिद्धे सअंतं खेत्तओ सिद्धे सअंतं कालओ सिद्धे अनंतं भावओ सिद्धे अनंतं जे वि य ते खंदया इमेयारूवे अज्झत्थिए चित्तिए पत्थिए मणोगए संकप्पे समुप्पज्झित्था - केण वा मरणेणं मरमाणे जीवे वड्ढति वा हायति वा तस्स वि य णं अयमट्ठे-एवं खलु खंदया मए दुविहे मरणे पन्नत्ते तं जहा-बालमरणे य पंडियमरणे य से किं तं बालमरणे बालमरणे दुवालसविहे पन्नत्ते तं जहा-बलमरणे यसट्टमरणे अंतोसल्लमरणे तब्बभवमरणे गिरपडणे तरुपडणे जलणप्पवेसे जलणप्पवेसे विसभक्खणे सत्थोवाडणे वेहाणसे गद्धपट्टे-इच्चेतेणं खंदया दुवालसविहेणं बालमरणेणं मरमाणे जीवे अंतंहेहि नेरइयभवग्गहणेहि अप्पाणं-संजोएइ अनंतंहेहि तिरियभवग्गहणेहि अप्पाणं संजोएइ अनंतंहेहि मणुयभवग्गहणेहि अप्पाणं संजोएइ अनंतंहेहि देवभवग्गहणेहि अप्पाणं संजोएइ अणाइयं च णं अणवदग्गं चाउरंतं संसार-कंतारं अनुपरियट्ठइ सेत्तं मरमाणे वड्ढइ-वड्ढइ सेत्तं बालमरणे, से किं तं पंडियमरणे पंडियमरणे दुविहे पन्नत्ते तं जहा-पाओवगमणे य भत्तपच्चक्खाणे य से किं तं पाओवगमणे पाओवगमणे दुविहे पन्नत्ते तं जहा-निहारिमे य अनीहारिमे य नियमा अप्पडिकम्मे से तं पाअ-वगमणे से किं तं भत्तपच्चक्खाणे भत्तपच्चक्खाणे दुविहे पन्नत्ते तं जहा-नीहारिमे य अनीहारिमे य नियमा सपडिकम्मे सेत्तं भत्तपच्चक्खाणे इच्चेतेणं खंदया दुविहेणं पंडियमरणेणं मरमाणे जीवे अनंतंहेहि नेरइयभवग्गहणेहि अप्पाणं विसंजोएइ [अनंतंहेहि तिरियभवग्गहणेहि अप्पाणं विसंजोएइ अनंतंहेहि मणुयभवग्गहणेहि अप्पाणं विसंजोएइ अनंतंहेहि देवभवग्गहणेहि अप्पाणं विसंजोएइ अणाइयं च णं अणवदग्गं चाउरंतं संसार-कंतारं वीईवयइ सेत्तं मरमाणे हायइ-हायइ सेत्तं पंडियमरणे इच्चेएणं खंदया दुविहेणं मरणे-णंमरणे जीवे वड्ढइ वा हायइ वा ।९०।-९०

(११३) एत्थ णं से खंदए कच्चायणसगोत्ते संबुद्धे समणं भगवं महावीरं बंदइ नमंसइ वंदिता नमंसित्ता एवं वयासी-इच्छामि णं भंते तुब्बं अंतिए केवलपन्नत्तं धम्मं निसामित्तए अहासुहं देवाणुप्पिया मा पडिबंध्यं तए णं समणे भगवं महावीरे खंदयस्स कच्चायणसगोत्तस्स तीसे य भइमहालियाए परिआए धम्मं परिकहेइ धम्मकहा भाणियव्वा तए णं से खंदए

कच्चायण- सगोते समणस्स भगवओ महावीरस्स अंतिए धम्मं सोच्चा निसम्मं हट्ठुइ [चिता-
माणंदिए नंदिए पीइमणे परमसोमणस्सिए हरिसवसविसप्पमाणं] हियए उट्ठाए उट्ठेइ उट्ठेत्ता
समणं भगवं महावीरं तिकवुत्तो आयाहिणंपयाहिणं करेइ करेत्ता वंदइ नमंसइ वंदित्ता नमंसित्ता
एवं वयासी-सद्धामि णं भंते निग्गंथं पावयणं पतियामि णं भंते निग्गंथं पावयणं रोएमि णं भंते
निग्गंथं पावयणं अट्ठुइमि णं भंते निग्गंथं पावयणं एवमेयं भंते तहमेयं भंते अबितहमेयं भंते
असंदिद्धमेयं भंते इच्छियमेयं भंते पडिच्छियमेयं भंते इच्छिय-पडिच्छियमेयं भंते - से जहेयं
तुब्बे वदह कि कट्ठु समणं भगवं महावीरं वंदइ नमंसइ वंदित्ता नमंसित्ता उत्तरपुरत्थिमं दिसी-
भायं अवक्कमइ अवक्कमिन्ता तिरंदं च कुंडियं च जाव धाउरत्ताओ य एगंते एडेइ एडेत्ता जे-
णेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिकवुत्तो
आयाहिणंपयाहिणं करेइ करेत्ता [वंदइ नमंसइ वंदित्ता नमंसित्ता एवं वयासी-आलित्ते णं
भंते लोए पलित्ते णं भंते लोए आलित्त-पलित्ते णं भंते लोए जराए मरणेण य से जहा- नामए
केइ गाहावई अगारंसि झियायमाणंसि जे से तत्थ भंडे भवइ अप्पभारे मोल्लगरुए तं गहाय
आधाए एगंतमंतं अवक्कमइ एस मे नित्थारिए समाणे पच्छा पुरा च हियाए सुहाए खमाए
निस्सेयसाए आनुगमियत्ताए भविस्सइ एवामेव देवाणुप्पिया मज्झ वि आया एगे भंडे इट्ठे
कंते पिए मणुण्णे मणापे धेजे वेस्सासिए सम्मे बहुमए अनुमए भंडकरंडगसमाणे मा णं सीयं
मा णं उण्हं मा णं खुहा मा णं पिवासा मा णं चोरा मा णं वाला मा णं दंसा मा णं मसया मा णं
वाइय-पित्थिय सेंभिय-सत्तिवाइयं विविहा रोगादंका परीसहोवसग्गा फुसतु ति कट्ठु एस मे
नित्थारिए समाणे परलोयस्स हियाए सुहाए खमाए नीसेसाए आनुगमियत्ताए भवि- स्सइ तं
इच्छामि णं देवाणुप्पिया सयमेव पच्चावियं सयमेव मुंडावियं सयमेव सेहावियं सय- मेव
सिक्खावियं सयमेव आया-गोयरं विणय-वेणयइ-चरण-करण-जायामायावत्तियं धम्म-
माइक्खियं तह णं समणे भगवं महावीरे खंदयं कच्चायणसगोत्तं सयमेव पच्चावेइ [सयमेव
मुंडावेइ सयमेव सेहावेइ सयमेव सिक्खावेइ सयमेव आया-गोयरं विणय-वेणयइ-चरण-
करण-जायामायावत्तियं] धम्ममाइक्खइ-एवं देवाणुप्पिया गंतव्वं एवं विट्ठियव्वं एवं निसीइ-
यव्वं एवं तुयट्ठियव्वं एवं भुजियव्वं एवं भासियव्वं एवं उट्ठायउट्ठाय पाणेहिं भूएहिं जीवेहिं
सतेहिं संजमेणं संजमियव्वं अस्सि च णं अट्ठे नो किंचि वि पमाइयव्वं तए णं से खंदए कच्चा-
यणसगोते समणस्स भगवओ महावीरस्स इमं एयास्सुं धम्मियं उवाएसं सम्मं संपडिवज्जइ-
तमाणाए तह गच्छइ तह चिट्ठइ तह निसीयइ तह तुयट्ठइ तह भुंजइ तह भासइ तह उट्ठाय-
उट्ठाय पाणेहिं भूएहिं जीवेहिं सतेहिं संजमेणं संजमेइ अस्सि च णं अट्ठे नो पमायइ तए णं से
खंदए कच्चायणसगोत्तं अणगारे जाते-इरियासमिए भासासमिए एसणासमिए आयाणभंड-
मत्तनिकखेवणासमिए उच्चार-पासवण-खेल-सिंधाणं-जल्ल पारिट्ठावणि्यासमिए मणसमिए
वइसमिए कायसमिए मणगुत्ते वइगुत्ते कायगुत्ते गुत्ते गुत्तिदिए गुत्तबंभयारी चाई लज्जू धन्ने
खंतिखमे जिइंदिए सोहिए अनियाणे अप्पुस्सुए अबहिल्लेसे सुसामण्णरए दंते इणमेव निग्गंथं
पावयणं पुरओ कारुं विहरइ १९१। ७१

(१९४) तए णं समणे भगवं महावीरे कयंगलाओ नयरीओ छत्तपलासाओ चेइयाओ
पडिनिकखमइ पडिनिकखमिता बहिया जणवयविहारं विहरइ तए णं से खंदए अणगारे

समणस्स भगवओ महावीरस्स तहारूवाणं थेराणं अंतिए सामाइयमाइयाइं एक्कारस अंगाइं
 अहिज्झइ अहिज्झिता जेणेव समणे भगवं महावीरे तेणेव उवागच्छइ उवागच्छिता समणं भगवं
 महावीरं वंदइ नमंसइ वंदित्ता नमंसित्ता एवं वयासी-इच्छामि णं भंते तुब्भेहिं अब्भणुण्णाए
 समाणे मासियं भिक्खुपडिमं उवसंपज्जित्ता णं विहरित्ताए अहासुहं देवाणुप्पिया मा पडिवंधं तए
 णं से खंदए अणगारे समणेणं भगवया महावीरेणं अब्भणुण्णाए समाणे हट्ठे जाव नमंसित्ता मा-
 सियं भिक्खुपडिमं उवसंपज्जित्ता णं विहरइ तए णं से खंदए अणगारे मासियं भिक्खुपडिमं
 अहासुत्तं अहाकप्पं अहामग्गं अहातच्चं अहासम्मं सम्मं काएणं फासइ पालेइ सोभेइ तीरेइ पूरेइ
 किट्ठेइ अनुपालेइ आण्णाए आराहेइ सम्मं काएण फासेत्ता [पालेत्ता सोभेत्ता तीरेत्ता पूरेत्ता किट्ठेत्ता
 अनुपालेत्ता आण्णाए] आराहेत्ता जेणेव समणे भगवं महावीरे तेणेव उवागच्छइ उवागच्छिता
 समणं भगवं [महावीरं वंदइ नमंसइ वंदित्ता] नमंसित्ता एवं वयासी-इच्छामि णं भंते तुब्भेहिं
 अब्भणुण्णाए समाणे दोमासियं भिक्खुपडिमं उवसंपज्जित्ता णं विहरित्ताए अहासुहं देवाणुप्पिया
 मा पडिवंधं तं चेव एवं तेमासियं चउम्मासियं पंचमासियं छम्मासियं सत्तामासियं पढमसत्ता-
 रत्तिदियं दोच्चसत्तरत्तिदियं तच्चसत्तरत्तिदियं रत्तिदियं एगरत्तियं तए णं से खंदए अणगारे
 एगरत्तियं भिक्खुपडिमं अहासुत्तं जाव आराहेत्ता जेणेव समणे भगवं महावीरे तेणेव उवा-
 गच्छइ उवागच्छिता समणं भगवं महावीरं [वंदइ नमंसइ वंदित्ता] नमंसित्ता एवं वयासी-
 इच्छामि णं भंते तुब्भेहिं अब्भणुण्णाए समाणे गुणरयणसंवच्छरं तवोकम्मं उवसंपज्जित्ता णं
 विहरित्ताए अहासुहं देवाणुप्पिया मा पडिवंधं तए णं से खंदए अणगारे समणेणं भगवया महावी-
 रेणं अब्भणुण्णाए समाणे हट्ठुत्ते जाव नमंसित्ता गुणरयणसंवच्छरं तवोकम्म उवसंपज्जित्ता णं
 विहरति तं जहा- पढमं मासं चउत्थं चउत्थेणं अनिक्खित्तेणं तवोकम्मेणं दिया ठाणुककुडुए
 सूरभिमुहे आयावणभूमीए आयावेमाणे रत्तिं वीरासणेणं अवाउडेणं य दोच्चं मासं छट्ठंछट्ठेणं
 अनिक्खित्तेणं तवोकम्मेणं दिया ठाणुककुडुए सूरभिमुहे आयावणभूमीए आयावेमाणे रत्तिं
 वीरासणेणं अवाउडेणं य एवं तच्चं मासं अट्ठमंअट्ठमेणं चउत्थं मासं दसमंदसमेणं पंचमं मासं
 बारसमं बारसमेणं छट्ठं मासं चउद्दसमं चउद्दसमेणं सत्तमं मासं सोलसमं सोलसमेणं अट्ठमं मासं
 अट्ठारसमं अट्ठारसमेणं नवमं मासं वीसइमं वीसइमेणं दसमं मासं बावीसइमं बावीसइमेणं
 एक्कारसमं मासं चउवीसइमं चउवीसइमेणं बारसमं मासं छच्चीसइमं छच्चीसइमेणं तेरसमं
 मासं अट्ठावीसइमं अट्ठावीसइमेणं चउद्दसमं मासं तिसइमं तिसइमेणं पत्तरसमं मासं बत्तीस-
 इमं बत्तीसइमेणं सोलसं मासं चोत्तीसइमं चोत्तीसइमेणं अनिक्खित्तेणं तवोकम्मेणं दिया ठाणु-
 ककुडुए सूरभिमुहे आयावणभूमीए आयावेमाणे रत्तिं वीरासणेणं अवाउडेणं य तए णं से खंदए
 अण- गारे गुणरयणसंवच्छरं तवोकम्मं अहासुत्तं अहाकप्पं जाव आराहेत्ता जेणेव समणे भगवं
 महा- वीरे तेणेव उवागच्छइ उवागच्छिता समणं भगवं महावीरं वंदइ नमंसइ वंदित्ता नमंसित्ता
 बहूहिं चउत्थ-छट्ठम-दसमं दुवालसेहिं मासखमासखमणेहिं विचित्तेहिं तवोकम्मेहिं अप्पाणं
 भावेमाणे विहरइ तए णं से खंदए अणगारे तेणं ओरालेणं विउलेणं पयत्तेणं पग्गहिणं कल्लालेणं
 सिवेणं धत्तेणं मंगलेणं सत्तिरीएणं उदग्गेणं उदत्तेणं उत्तमेणं उदारेणं पहाणुभागेणं तवोकम्मेणं
 सुक्के लुक्खे निम्मंसे अट्ठि-चम्मावण्डे किडिकिडिभूए किसे धमणिसंताए जाए यावि होत्था
 जीवंजीवेणं गच्छइ जीवंजीवेणं चिट्ठइ भासं भासित्ता वि गिलाइ भासं भासमाणे गिलाइ भासं

भासिस्सामीति गिलाइ से जहानामए कट्टसगडिया इ वा पत्तसगडिया इ वा पत्त-तिल-भंडग-सगडिया इ वा एरंडकट्टसगडिया इ वा इंगालसगडिया इ वा-उण्हे दिण्णा सुक्का समाणी ससद्दं गच्छइ ससद्दं चिट्ठइ एवामेव खंदए अणगारे ससद्दं गच्छइ ससद्दं चिट्ठइ उवचिए तवेणं अवचिए मंस-सोणिएणं हुयासणे विव भासरासिपडिच्छण्णे तवेणं तेएणं तव-तेयसिरीए अतीव-अतीव उवसोभेभाणे-उवसोभेभाणे चिट्ठइ १९२१-१२

(११५) तेषं कालेणं तेषं समएणं रावगिहे नगरे समोसरणं जाव परिसा पडिगया तए णं तस्स खंदयस्स अणगारस्स अण्णया कयाइ पुव्वरत्तावरत्तकालसयंसि धम्मजागरियं जाग-रमाणस्स इमेयारूवे अज्झत्थिए चित्थिए [पत्थिए मणोगए संकप्पे] समुप्पज्झित्था-एवं खलु अहं इमेणं एयारूवेणं ओरालेणं [विउत्तेणं पयत्तेणं पग्गहिएणं कट्ठाणेणं सिवेणं धत्तेणं मंगलेणं सत्तिरीएणं उदग्गेणं उदत्तेणं उत्तमेणं उदारेणं महानुभागेणं तवोकम्पेणं सुक्के लुक्खे निम्मसे अट्ठि-चम्मावणद्धे किडिकिडियाभूए] किसे धमणिसंतए जाए जीवंजीवेणं गच्छामि जीवंजी-वेणं चिट्ठामि [भासं भासित्ता वि गिलामि भासं भासमाणे गिलामि भासं भासिस्सामीति गिलामि से जहानामए कट्टसगडिया इ वा पत्तसगडिया इ वा पत्त-तिल-भंडगस-गडिया इ वा एरंडकट्ट-सगडिया इ वा इंगालसगडिया इ वा-उण्हे दिण्णा सुक्का समाणी ससद्दं गच्छइ ससद्दं चिट्ठइ] एवामेव अहं पि ससद्दं गच्छामि ससद्दं चिट्ठामि तं अत्थि ता मे उट्ठाणे कम्मे बले वीरिए पुरिसक्कार-परक्कमे तं जावता मे अत्थि उट्ठाणे कम्मे बले वीरिए पुरिसक्कार-परक्कमे जाव य मे धम्मायए धम्मोवदेसए समणे भगवं महावीरे जिणे सुहत्थी विहरइ तावता मे सेयं कल्लं पाउप्पभायाए रयणीए फुल्लुप्पलकमलकोमलुम्मिलियम्मि अहपंडुरे पभाए रत्तासोयप्पाकासे किं- सुय-सुयमुह-गुंजद्धरागसरिसे कमलागरसंडबोहए उट्ठियम्मि सूरु सहस्सरस्सिम्मि दिणयरे तेय- सा जलंते समणं भगवं महावीरं वंदित्ता नमं सित्ता [नद्यासत्रे नातिदूरे सुस्सूमाणे अभिमुहे विणएणं पंजलियडे] पज्जुवासित्ता समणेणं भगवया महावीरेणं अब्बणुणाए समणे सवमेव पंच महव्वयाणि आरोवेत्ता समणा या समणीओ य खावेत्ता तहारूवेहिं धेरेहिं कडाईहिं सड्ढिं विपुलं पव्वयं सणियं-सणियं दुरुहित्ता मेहघणसंनिगासं देवसत्त्रिवातं पुढवीसिलापट्ठयं पडि-लेहित्ता दम्भसंधारणं संयरित्ता दम्भसंधारोवगयस्स संलेहणाझूसण्णस्यस्स भत्तपाणपडि-याइक्खियस्स पाओवगयस्स कालं अणवकंखमाणस्स विहरित्ता ति कट्ट एवं संपेहेइ संपेहेत्ता कल्लं पाउप्पभायाए रयणीए जाव उट्ठियम्मि सूरु सहस्सरस्सिम्मि दिणयरे तेयसा जलंते जेणेव समणे भगवं महावीरे [तेणेव उवागच्छइ उवागच्छित्ता समणं भगवं महावीरं तिककुत्तो आयाहिण पयाहिणं करेइ करेत्ता वंदइ नमंसइ वंदित्ता नमंसित्ता नद्यासत्रे नातिदूरे सुस्सूमाणे नमंसमाणे अभिमुहे विणएणं पंजलियडे] पज्जुवासइ खंदयाइ समणे भगवं महावीरे खंदयं अणगारं एवं वयासी-से नूणं तव खंदया पुव्वरत्तावरत्त [कालसमयंसि धम्मजागरियं] जागरमाणस्स इमेयारूवे अज्झत्थिए [चित्थिए पत्थिए मणोगए संकप्पे] समुप्पज्झित्था-एवं खलु अहं इमेणं एयारूवेणं तवेणं ओरालेणं विउत्तेणं तं चैव जाव कालं अणवकंखमाणस्स विहरित्ता ति कट्ट एवं संपेहेसि संपेहेत्ता कल्लं पाउप्पभायाए रयणीए जाव उट्ठियम्मि सूरु सहस्सरस्सिम्मि दिणयरे तेयसा जलंते जेणेव ममं अंतिए तेणेव हव्वमाणए से नूणं खंदया अट्ठे समट्ठे हंता अत्थि अहासुहं देवाणुप्पिया मा पडिबंध्यं १९३१-१३

(११६) तए से खंदए अणगारे सममेणं भगवया महावीरेणं अब्भणुण्णाए समाणे ढड्ड-
तुड्डं [चित्तमाणदिए नंदिए पीडमणे परमसोमणस्सिए हरिसवसविसप्पमाण] हियए उट्ठाए
उट्ठेइ उट्ठेता समणं भगवं महावीरं तिकवुत्तो आयाहिण-पयाहिणं कोइ [करेता वंदइ नमंसइ
वंदिता] नमंसित्ता सयमेव पंच महाव्वयाई आरुहेइ आरुहेत्ता समणा य समणीओ य खामेइ
खामेत्ता तहारूवेहिं थेरेहिं कडाईहिं सद्धि विपुलं पव्वयं सणियं-सणियं दुहुइ दुहिता
मेहघणसन्निगासं तेवसन्निवातं पुढविस्सिलापट्टयं पडिलेहेइं पडिलेहेत्ता उच्चारपासवणभूमिं
पडिलेहेइ पडिले हेत्ता दब्भसंथारगं संथारइ संथरित्ता पुरत्थाभिमुहे संपलियं-कनिसण्णे करय-
लपरिण्हियं दसनहं सिरसावत्तं मत्तए अंजलिं कट्ठु एवं वयासीनमोत्थु णं अरहंताणं भगवं-
ताणं जाव सिद्धिगतिनामथेयं ठाणं संपत्ताणं नमोत्थु णं समणस्स भगवओ महावीरस्स जाव
सिद्धिगतिनामथेयं ठाणं संपाविउकामस्स वंदामि णं भगवंतं तत्थगयं इहगए पासउ मे भगवं
तत्थगए इहगयं ति कट्ठु वंदइ नमंसइ वंदित्ता नमंसित्ता एवं वयासी-पुब्बि पि मए समणस्स
भगवओ महावीरस्स अंतिए सव्वे पाणाइवाए पच्चक्खाए जावज्जीवाए जाव मिच्छादंसण-
सल्ले पच्चक्खामि जावज्जीवाए इयाणि पि य णं समणस्स भगवओ महावीरस्स अंतिए सव्वं
पाणाइवायं पच्चक्खामि जावज्जीवाए जाव मिच्छादंसणसल्लं पच्चक्खामि जावज्जीवाए सव्वं
असण-पाण-खाइम-साइम-चउव्विहं पि आहारं पच्चक्खामि जावज्जीवाए जं पि य इमं सरीरं
इट्ठं कंतं पियं जाव मा णं वाइयपित्तिय-संभिय-सन्निवाइय विविहा रोगायंका परीसहोवसग्गा
फुसंतु त्ति कट्ठु एवं पि णं चरिमेहिं उत्सास-नीसासेहिं वोसिरामि त्ति कट्ठु संलेहणाञ्जुसणा-
ञ्जुसिए भत्तपाणपडियाइक्खिए पाओवगए कालं अणवकं-खमाणे विहरइ तए णं से खंदए
अणगारे समणस्स भगवओ महावीरस्स तहारूवाणं थेराणं अंतिए सामाइयभाइयाई एककारस
अंगाइं अहिजित्ता बहुपडिपुण्णाइं दुवालसवासाइं सामण्णपरियाणं पाउणित्ता पासियाए
संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-पडिक्कंते समाहिपते
आणु- पुब्बीए कालगए १९४१-९४

(११७) तए णं ते थेरा भगवंतो खंदयं अणगारं कालगयं जाणित्ता परिनिव्वाणवत्तियं
काउसग्गं करेति करेत्ता पत्त-वीवराणि गेण्हंति गेण्हित्ता विपुलाओ पव्वयाओ सणियं-सणियं
पच्चोरुहंति पच्चोरुहित्ता जेणेव समणे भगवं महावीरे तेणेव उवागच्छंति उवागच्छित्ता समणं
भगवं महावीरं वंदंति नमंसंति वंदित्ता नमंसित्ता एवं वयासी-एवं खलु देवाणुप्पियाणं
अंतेवासी खंदए नामं अणगारे पगइभइए पगइउवसंते पगइपयणुकोहमाणामायालोभे मिउ-
मद्वसंपन्ने अल्लीणे विणीए से णं देवाणुप्पिएहिं अब्भणुण्णाए समाणे सयमेव पंच महव्व-
याणि आरुहेत्ता समणा य समणीओ य खामेत्ता अन्हेहिं सद्धि विपुलं पव्वयं [सणियं-सणियं
दुहिता जाव पासियाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलो-
इया-पडिक्कंते समाहिपते] आणुपुब्बीए कालगए इमे य से आयारभंडए मंतेति भगवं गोय-
मे भगवं महावीरं वंदइ नमंसइ वंदित्ता नमंसित्ता एवं वयासी-एवं खलु देवाणुप्पियाणं
अंतेवासी खंदए नामं अणगारे कालमासे कालं किच्चा कहिं गए कहिं उववण्णे गोयमाइ
समणे भगवं महावीरे भगवं गोयमं एवं वदासी-एवं खलु गोयमा मम अंतेवासी खंदए नामं
अणगारे पगइभइए [पगइउवसंते पगइपयणुकोहमाणामायालोभे मिउमद्वसंपण्णे अल्लीणे

विणीए] से णं मए अब्बणुण्णाए समाणे सयमेव पंच महव्वयाइं आरुहेत्ता जाव मासियाए संलेहणाए अत्ता- णं झूसित्ता सद्धिं भत्ताइं अणसणाए छेदेत्ता आलोइय-पडिक्कंते समाहिपत्ते कालमासे कालं किच्चा अच्चुए कप्पे देवताए उववण्णे तत्थ णं अत्थेगइयाणं देवाणं बावीसं सागरोवमाइं ठिई पत्रत्ता तत्थ णं खंदयस्स वि देवस्स बावीसं सागरोवमाइं ठिई पत्रत्ता से णं भंते खंदए देवे ताओ देवलोयाओ आउक्खएणं भवक्खएणं ठिउक्खएणं अणंतरं चयं चइत्ता कहिं गच्छिहिति कहिं उववज्जिहिति गोयमा महाविदेहे वासे सिज्झिहिति बुज्झिहिति मुच्चि- हिति परिनिव्वाहिति सब्बदुक्खाणं अंतं करेहिति ।१५।-७५

● बीए सत्ते पड्ढो उद्देशो समत्तो ●

—: बी ओ — उ हे सो :-

(११८) कइ णं भंते समुग्धाया पत्रत्ता गोयमा सत्त समुग्धाया पत्रत्ता तं जहा- वेदणा- समुग्धाए कसायसमुग्धाए मारणंतियसमुग्धाए वेउव्वियसमुग्धाए तेजससमुग्धाए आहार- गसमुग्धाए केवलियसमुग्धाए छाउमत्थियसमुग्धायक्खं समुग्धायपदं नेयव्वं ।१६।-७६

● बीए सत्ते बीओ उद्देशो समत्तो ●

—: त इ ओ — उ हे सो :-

(११९) कइ णं भंते पुढवीओ पत्रत्ता गोयमा सत्त पुढवीओ पत्रत्ताओ तं जहा- रय- णप्पभा सक्करप्पभा वालुयप्पभा पंकप्पभा धूमप्पभा तमप्पभा तमतमा जीवाभिगमे नेरइ- याणं जो बितिओ उद्देशो सो नेयव्वो ।१७-१।-७७-१

(१२०) पुढवी ओगाहिता निरया संठाममेव वाहलं

विकखंभ परिकखेवो वण्णोगंधाय फासोय

॥२०॥

(१२१) किं सब्बे पाणां उववण्णपुव्वा हंता गोयमा असइं अदुवा अमंतखुत्ती ।१७।-७७

● बीए सत्ते तहओ उद्देशो समत्तो ●

—: च उ त्थो — उ हे सो :-

(१२२) कइ णं भंते इंदिया पत्रत्ता गोयमा पंच इंदिया पत्रत्ता तं जहा-सोइंदिए चक्खि- दिए धाणिदिए रसिंदिए फासिंदिए पढमिल्लो इंदियउद्देशओ नेयव्वो संठाणं वाहलं पोहत्तं जाव [अलोगो अलोगे णं भंते किणा फुडे कतिहिं वा काएहिं फुडे गोयमा नो धमत्थिकाएणं फुडे जाव नो आगासत्थिकाएणं फुडे आगासत्थिकायस्स देसेणं फुडे आगासत्थिकायस्स पदेसेहिं फुडे नो पुढविकाइएणं फुडे जाव नो अद्धासमएणं फुडे एगे अजीवदव्वदेसे अगुरु- लहुए अणंतेहिं अगुरुलहुयगुणेहिं संजुत्ते सब्बगासे अनंतभागूणे] ।१८।-७८

● बीए सत्ते चउत्थो उद्देशो समत्तो ●

—: पं च मो — उ हे सो :-

(१२३) अण्णउत्थिया णं भंते एवमाइक्खंति भासंति पण्णवंति परूवंति-एवं खलु नियंते कालगए समोते देवब्बूएणं अप्पाणेणं से णं तत्थ नो अण्णे देवे नो अण्णेसिं देवाणं देवीओ आभिजुंजिय-आभिजुंजिय परियारेइ नो अष्णिणिच्चियाओ देवीओ अभिजुंजिय-अभिजुंजिय परियारेइ अप्पणामेव अप्पाणं विउव्विय-विउव्विय परियारेइ एगे वि य णं जीवे एणेणं समएणं दो वेदे वेदेइ तं जहा-इत्थिवेदं च पुरिसवेदं च [जं समयं इत्थिवेयं वेएइ तं समयं

पुरिसवेयं वेएइ जं समयं पुरिसवेयं वेएइ तं समयं इत्थिवेयं वेएइ इत्थिवेयस्स वेयणाए पुरिस-
वेयं वेएइ पुरिसवेयस्स वेयणाए इत्थिवेयं वेएइ एवं खलु एगे वि य णं जीवे एगेणं समएणं दो
वेदे वेदेइ तं जहा-इत्थिवेदं च पुरिसवेदं च से कहमेयं भंते एवं गोयमा जं णं ते अण्णउत्थिया
एवमाइक्खंति जाव इत्थिवेदं च पुरिसवेदं च जे ते एवमाहंसु मिच्छं ते एवमाहंसु अहं पुण
गोयमा एवमाइवखाभि भासामि पत्रवेमि परूवेमि-एवं खलु नियंठे कालगए समाणे अण्ण-
येसु देवलोएसु देवताए उववत्तारो भवंति-महिइडिएसु [महज्जुतीएसु महाबलेसु महायसेसु
महासोक्खेसु] महणुभागेसु दूरगतीसु चिरट्ठितीएसु से णं तत्थ देवे भवइ महिइडिए जाव
दस दिसाओ उज्जोएमाणे पभासेमाणे [पासाइए दरिसणिज्जे अभिरूवे] पडिरूवे से णं तत्थ
अण्णे देवे अण्णेसिं देवाणं देवीओ अभिजुंजिय-अभिजुंजिय परियारेइ अण्णणिच्चियाओ
देवीओ अभिजुंजिय-अभिजुंजिय परियारेइ नो अण्णामेव अण्णानं विउव्विय-विउव्विय
परियारेइ एगे वि य णं जीवे एगेणं समएणं एणं वेदं वेदेइ तं जहा-इत्थिवेदं वा पुरिसवेदं वा जं
समयं इत्थिवेदं वेदेइ नो तं समयं पुरिसवेदे वेदेइ जं समयं पुरिसवेदं वेदेइ नो तं समयं
इत्थिवेदं वेदेइ इत्थिवेदस्स उदएणं नो पुरिसवेदं वेदेइ पुरिसवेदस्स उदएणं नो इत्थिवेदं वेदेइ
एगे खलु एगे जीवे एगेणं समएणं एणं वेदं वेदेइ तं जहा-इत्थिवेदं वा पुरिसवेदं वा इत्थी
इत्थिवेदेणं उदि- ण्णेणं पुरिसं पत्थेइ पुरिसो पुरिसवेदेणं उदिण्णेणं इत्थि पत्थेइ दो वि ते
अण्णमण्णं पत्थेति तं जहा-इत्थी वा पुरिसं पुरिसे वा इत्थि १९१-९९

(१२४) दगगब्भे उदगब्भे णं भंते उदगब्भे ति कालओ केवच्चिरं होइ गोयमाजहण्णेणं
एकं समयं उक्कोसेणं छम्मासा तिरिक्खजोणियगब्भे णं भंते तिरिक्खजोणियागब्भे ति का-
लओ केवच्चिरहोइ गोयमा जहण्णेणं अंतोमुहुत्तं उक्कोसेणं अट्ठ संवच्छराइं मणुस्सीगब्भे णं
भंते मणुस्सीगब्भे ति कालओ केवच्चिरं होइ गोयमा जहण्णेणं अंतोमुहुत्तं उक्कोसेणं बारस
संवच्छराइं १९००-१००

(१२५) कायभवत्थे णं भंते कायभवत्थे ति कालओ केवच्चिरं होइ गोयमा जहन्नेणं
अंतोमुहुत्तं उक्कोसेणं चउवीसं संवच्छराइं १९०१-१०१

(१२६) मणुस्स-पंचेदियतिरिक्खजोणियबीए णं भंते जोणिभूए केवचित्तं कालं
संचिट्ठइ गोयमा जहन्नेणं अंतोमुहुत्तं उक्कोसेणं बारस मुहुत्ता १९०२-१०२

(१२७) एगजीवे णं भंते एगभवग्गहण्णेणं केवइयाणं पुत्तताए हव्वमागच्छइ गोयमा
जहण्णेणं इक्कस्स वा दोण्ह वा तिण्ह वा उक्कोसेणं सयपुहत्तस्स जीवा णं पुत्तताए हव्व-
मागच्छति १९०३-१०३

(१२८) एगजीवस्स णं भंते एगभवग्गहण्णेणं केवइया जीवा पुत्तताए हव्वमागच्छंति
गोयमा जहन्नेणं एक्को वा दो वा तिण्णि वा उक्कोसेणं सयसहस्सपुहुत्तं जीवा णं पुत्तताए
हव्वमागच्छंति से केण्ड्रेणं भंते एवं बुद्धइ-जहन्नेणं एक्को वा दो वा तिण्णि वा उक्कोसेणं
सयसहस्सपुहुत्तं जीवा णं पुत्तताए हव्वमागच्छंति गोयमा इत्थीए पुरिसस्स य कम्मकडाए
जोणीए मेहुणवत्तिए नामं संजोए समुण्णइ ते दुहओ सिणेहं चिणंति चिणित्ता तत्थ णं
जहण्णेणं एक्को वा दो वा तिण्णि उक्कोसेणं सयसहस्सपुहुत्तं जीवा णं पुत्तताए हव्व-
मागच्छंति से तेणट्ठेणं गोयमा एवं बुद्धइ-जहण्णेणं एक्को वा दो वा तिण्णि वा उक्कोसेणं

सयसहससपुहत्तं जीवा णं पुतताए हव्यामागच्छंति १९०४१-१०४

(१२९) मेहुणणं भंते सेवमाणस्स केरिसए असंजमे कज्जई गोयमा से जहानामए केइ पुरिसे स्यनालियं वा बूरनालियं वा ततेणं कणएणं समाभिद्धंसेज्जा एरिसएणं गोयमा मेहुणं सेवमाणस्स असंजमे कज्जई सेवं भंते सेवं भंते जावं विहरइ १९०५१-१०५

(१३०) तए णं समणे भगवं महावीरे रायगिह्हाओ नगराओ गुणसिलाओ चेइयाओ पडिनिख्वमइ पडिनिख्वमिता बहिया जणवयविहारं विहरइ तेणं कालेणं तेणं समएणं तुंगिया नामं नवरी होत्था-वण्णओ तीसे णं तुंगियाए नयरीए बहिया उत्तरपुरत्थिमे दिसीभागे पुष्फवतिए नामं चेइए होत्था-वण्णओ तत्थ णं तुंगियाए नयरीए बहवे समणोवासया परिव-संति-अड्ढा दित्ता वित्थिण्णविपुलभवण-सयणासण-जामवाहणाइण्णा बहुधण-बहुजाय-रूव-रयया आयोगपयोगसंपउत्ता विच्छइयविपुलभत्तपाणा बहुदासी-दास-गो-महिस-गवे-लयपभूया बहुजणस्स अपरिभूया अभिगयजीवाजीवा उवलद्धपुण्ण-पावा आसव-संवरनिज्ज-रकिरियाहिकरणबंध-पमोक्खकुसला असहेज्जा देवासुर-नागसुवण्ण जक्खरक्खस्सकिन्नरकि-पुरिसगरुलगंधव्वमहोरगादिहं देवगणेहिं निग्गंयाओ पावयणाओ अणतिकूमणिज्जा निग्गंथे पावयणे निस्संकिया निक्खंखिया निव्वित्तिगिच्छा लद्धा गहियट्ठा पुच्छियट्ठा अभिग-यट्ठा विणिच्छियट्ठा अड्ढिभिजपेम्माणुरागरत्ता अयमाउसो निग्गंथे पावयणे अट्ठे अयं परमट्ठे सेसे अणट्ठे ऊसियफलिहा अवंगुयदुवारा चियत्तंतेउरधरप्पवेसा चाउइसइसुदिइपुण्णमासिणीसु पडिपुण्णं पोसहं सम्मं अणुपालेमाणा समणे निग्गंथे फासु-एसणिज्जेणं असण-पाणखाइम-साइ-मेणं दत्थपडिगह-कंबल-पायपुच्छेणं पीढ-फलग-सेज्जा-संधारएणं ओसह-भेसज्जेणं पडिला-भेमाणा बहूहिं सीलव्वय-गुणवेरमण-पच्चक्खाण-पोसहोवयासेहिं अहापरिग्गहिएहिं तवो-कम्मेहिं अप्पाइणं भावेमाणा विहरंति १९०६१-१०६

(१३१) तेणं कालेणं तेणं समएणं पासवच्चिज्जा थेरा भगवंतो जातिसंपन्ना कुलसंपन्ना बलसंपन्ना रूवसंपन्ना विनयसंपन्ना नाणसंपन्ना दंसणसंपन्ना चरित्तसंपन्ना लज्जासंपन्ना लाघव-संपन्ना ओपंसी तेचंसी वच्चंसी जसंसी जियकोहा जियमाणा जियमाया जियलोभा जियनिद्धा जिईदिया जियपरीसहा जीवियास-मरण-भयविष्णुक्का [तवप्पहाणा गुणप्पहाणा करणप्प-हाणा चरणप्पहाणा निग्गहप्पहाणा निच्छयप्पहाणा भद्दवप्पहाणा अज्रवप्पहाणा लाघवप्पहाणा खंतिप्पहाणा मुत्तिप्पहाणा विज्जाप्पहाणा मंतप्पहाणा वेयप्पहाणा बंधप्पहामा नयप्पहाणा निय-मप्पहाणा सच्चप्पहाणा सोयप्पहाणा चारुपण्णा सोही अणियाणा अप्पुस्सुया अवहिल्लेसा सुसा-मण्णरया अच्छिइपसिणवागरणा] कुत्तियावणभूया बहुस्सुया बहुपरिवारा पंचहिं अणगार-सएहिं सद्धिं संपरिवुडा अहाणुपुब्बि चरमाणा गामाणुगामं दूइज्जमाणा सुहंसुहेणं विहरमाणा जे-णेव तुंगिया नगरी जेणेव पुष्फवइए चेइए तेणेव उवागच्छंति उवागच्छित्ता अहापडिरूवं ओग्गहं ओगिण्हित्ता णं संजमेणं तवसा अप्पाणं भावेमाणा विहरंति १९०७१-१०७

(१३२) तए णं तुंगियाए नयरीए सिंघाडग-तिग-चउक्क-चच्चर-चउम्मुह-महापह-पहेसु जाव एगदिसाभिमुहा निज्जायंति तह णं ते समणोवासया इमीसे कहाए लद्धा समाणा हट्ठुट्ठं [वित्तमाणंदिया नंदिया पीइमणा परमसोमणस्सिया हरिसवसविसप्पमाणहियया अण्ण-मण्णं] सदावेति सदावेत्ता एवं वयासी-एवंखलु देवाणुप्पिया पासावच्चिज्जा थेरा भगवंतो

जातिसंपन्ना जाव अहापडिरूवं ओग्गहं ओगिण्हिता णं संजमेणं तवसा अप्पाणं भावेमाणा विहरंति तं महाफलं खलु देवाणुप्पिया तहारूवाणं थेराणं भगवंताणं नामगोयस्स वि सवण-याए किमंग पुण अभिगमण-वंदण-नमंसण-पडिपुच्छण-पञ्जुवासणयाए [एगस्स वि आरिय-स्स धम्मियस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामो णं देवाणुप्पिया थेरे भगवंते वंदामो नमंसांमो] सकूकारेमो सम्माणेमो कल्लाणं मंगलं देवयं चेइयं पञ्जुवासामो एयं ने पेच्चमवे इहमवे य हियाए सुहाए खपाए निस्सेयसाए आणुगामियत्ताए भविस्सति इति कट्ठ अण्णमण्णस्स अंतिए एयमट्ठं पडिसुणोति पडिसुणेत्ता जेणेव सयाइ-सयाइ गिहाइ तेणेवं उवागच्छंति उवागच्छिता ण्हाया कयवलिकम्मा कयकोउय-मंगल-पायच्छिता सुद्धपापवेसाइ मंगल्लाइ वत्थाइ पवर परिहिया अप्पमहग्गधाभरणालंकियसरीरा सएहिं-सएहिं गिहेहिंतो पडिनिक्खमंति पडिनिक्खमिता एगयओ मेलायंति मेलायित्ता पावविहारचारेणं तुंगियाए नवरीए मज्झमज्जेणं निग्गच्छंति निग्गच्छिता जेणेव पुष्फवतिए चेइए तेणेव उवागच्छंति उवागच्छिता थेरे भगवंते पंचविहेणं अभिगमेणं अभिगच्छंति तं जहा- सच्चित्ताणं दब्बाणं विओसरणयाए अचित्ताणं दब्बाणं अविओसरणयाए एगसाडिएणं उत्तरासंगकरणेणं चक्खुप्फासे अंजलिप्पग्गहेणं मणसो एगत्तीकरणेणं जेणेव थेरा भगवंतो तेणेव उवागच्छंति उवागच्छिता तिक्खुत्तो आयाहिण-पयाहिणं करंति करेत्ता [वंदंति नमंसंति वंदित्ता नमंसित्ता] तिविहाए पञ्जुवासणाए पञ्जुवासंति । १०८।-१०८

(१३३) तए णं ते थेरा भगवंतो तेसिं समणोवासयाणं तीसे मरुइमरुलियाए मरुइय-रिसाए चाउज्जाधमं धम्मं परिकहेति तं जहा- सव्वाओ पाणाइयायाओ वेरमणं सव्वाओ मुसा-वायाओ वेरमणं सव्वाओ अदिन्नादाणाओवेरमणं, सव्वाओ बहिद्धादाणाओ वेरमणं तए णं ते समणोवासया थेराणं भगवंताणं अंतिए धम्मं सोद्धा निसम्म हट्ठतुट्ठा जाव हरिसवसवि-सप्पमाण्हियया तिक्खुत्तो आयाहिणं-पयाहिणं करंति करेत्ता एवं वयासी-संजमेणं भंते किंफले तवे किंफले, तए णं ते थेरा भगवंतो ते समणोवासए एवं वया- सी-संजमे णं अज्जो अण्णहयफले तवे वोदाणफले तए णं ते समणोवासया थेरे भगवंते एवं वयासी-जइ णं भंते संजमे अण्णहयफले तवे वोदाणफले किंपत्तियं णं भंते देवा देवलोएसु उववज्जंति तत्थ णं कालियपुत्ते नामं थेरे ते समणोवासए एवं वयासी- पुव्वतवेणं अज्जो देवा देवलोएसु उववज्जंति तत्थ णं मेहिले नामं थेरे ते समणोवासए एवं वयासी-पुव्वसंजमेणं अज्जो देवा देवलोएसु उववज्जंति तत्थ णं आणंदरक्खिए नामं थेरे ते समणोवासए एवं वयासी-कम्मियाए अज्जो देवा देवलोएसु उववज्जंति तत्थ णं कासवा नामं थेरे ते समणोवासए एवं वयासी-संगिवाए अज्जो देवा देवलोएसु उववज्जंति पुव्वतेणं पुव्वसंजमेणं कम्मियाए संगियाए अज्जो देवा देवलोएसु उववज्जंति सद्धे णं एस अट्ठे नो चेव णं आयभायवत्तव्वयाए तए णं ते समणोवासया थेरेहिं भगवंतेहिं इमाइ एयारूवाइ वागरणाइ वागरिया समाणा हट्ठ-तुट्ठा थेरे भगवंते वंदंति नमंसंति पसिणाइ पुच्छंति अट्ठाइ उवादिंयंति उवादिंएत्ता जामेव दिंस्सि पाउब्भूया तामेव दिंस्सि पडिगया तए णं ते थेरा अण्णया कयाइ तुंगियाओ नवरीओ पुष्फवतियाओ चेइयाओ पडिनिग्गच्छंति बहिया जणवयविहारं विहरंति । १०९।-१०९

(१३४) तेणं कालेणं तेणं समएणं रायगिहे नामं नगरे होत्था-सामी समोसडे जाव

परिसा पडिगया तेणं कालेणं तेणं समएणं समणस्स भगवओ महावीरस्स जेठ्ठे अंतेवासी इंदभूई नामं अणगारे जाव संखितविपुलतेयलेस्से छट्ठंछट्ठेणं अणिविक्खतेणं तवोकम्मेणं संजमेणं तवसा अण्णणं भावेमाणे विहरइ तए णं भगवं गोयमे छट्ठक्खमणपारणगंसि पढ-
माए पोरिसीए सज्झायं करेइ वीयाए पोरिसीए ज्ञाणं झियाइ तइयाए पोरिसीए अतुरियमच-
वलमसंभंते पुहपोत्तिथं पडिलेहेइ पडिलेहेत्ता भायणवत्थाइं पडिलेहेइ पडिलेहेत्ता भायणाइं
पमज्झइ पमज्झित्ता भायणइं उग्गाहेइ उग्गाहेत्ता जेणेव समणे भगवं महावीरे तेणेव उवागच्छइ
उवागच्छित्ता समणं भगवं महावीरं वंदइ नमंसइ वंदित्ता नमंसित्ता एवं वयासी-इच्छामि णं
भंते तुब्भेहिं अब्बणुण्णाए समाणे छट्ठक्खमणपारणगंसि रायगिहे नगरे उच्च-नीय-मज्झि-
माइं कुलाइं घरसमुदाणस्स भिक्खायरियाए अडितए अहासुहं देवाणुप्पिया मा पडिबंधं तए
णं भगवं गोयमे समणेणं भगवया महावीरेणं अब्बणुण्णाए समाणे समणस्स भगवओ महावी-
रस्स अतिथिआओ गुणसिलाओ चेइयाओ पडिनिक्खमइ पडिनिक्खमिता अतुरियमचवल-
मसंभंते जुगंतरपलोयणाए दिट्ठीए पुरओ रियं सोहेमाणे-सोहेमाणे जेणेव रायगिहे नगरे तेणेव
उवागच्छइ उवागच्छित्ता रायगिहे नगरे उच्च-नीय-मज्झिमाइं कुलाइं घरसमुदाणस्स भिक्खा-
यरियं अडइ तए णं भगवं गोयमे रायगिहे नगरे उच्च-नीय-मज्झिमाइं कुलाइं घरस- मुदाणस्स
भिक्खायरियाए अडमाणे बहुजणसइं निसामेइ-एवं खलु देवाणुप्पिया तुंगियाए नयरीए
बहिया पुष्फवइए चेइए पासावच्चिज्जा थेरा भगवंतो समणोवासएहिं इमाइं एयारूवाइं
वागरणाइं पुच्छिया-संजमे णं भंते किंफले तवे किंफले, तए णं ते थेरा भगवंतो ते समणोवा-
सए एवं वयासी-संजमे णं अज्जो अणण्हयफले तवे वोदाणफले तं चेव जाव पुव्वतवेणं
पुव्वसं- जमेणं कम्मियाए संगियाए अज्जो देवा देवलोएसु उववज्जंति सच्चे णं एस मट्ठे नो चेव
णं आयभाववत्तव्वयाए से कहमेयं मत्ते एवं तए णं भगवं गोयमे इमीसे कहाए लट्ठे समाणे
जायसइडे जाव समुपपन्नकोउहल्ले अहापज्जत्तं समुदाणं गेण्हइ गेण्हित्ता रायगिहाओ नयराओ
पडिनिक्खमइ अतुरिय [मचवलमसंभंते जुगंतरपलोयणाए दिट्ठीए पुरओ रियं सोहेमाणे]-
सोहेमाणे जेणेव गुणसिलए चेइए जेणेव समणे भगवं महावीरे तेणेव उवागच्छइ उवाग-
च्छित्ता समणस्स भगवओ महावीरस्स अदूरसामंते गमणा-गमणाए पडिक्कमइ पडिक्क-
मिता एसणमणेसणं आलएइ आलोएत्ता भत्तपाणं पडिदंसेइ पडिदंसेत्ता समणं भगवं महावीरं
[वंदइ नमंसइ वंदित्ता नमंसित्ता] एवं वदासी-एवं खलु भंते अहं तुब्भेहिं अब्बणुण्णाए समाणे
रायगिहे नगरे उच्च-नीय-मज्झिमाणि कुलाणि घरसमुदाणस्स भिक्खायरियाए अडमाणे बहु-
जणसइं निसामेमि-एवं खलु देवाणुप्पिया तुंगियाए नयरीए बहिया पुष्फवइए चेइए पासा-
वच्चिज्जा थेरा भगवंतो समणोवासएहिं इमाइं एयारूवाइं वागरणाइं पुच्छिया-संजमे णं भंते
किंफले तवे किंफले, तं चेव जाव सच्चे णं एस मट्ठे नो चेव णं आयभाववत्तव्वयाए तं पभू णं भंते
ते थेरा भगवंतो तेसिसमणोवासयाणं इमाइं एयारूवाइं वागरणाइं वागरेत्तए उदाहुं अप्पभू
समिया णं भंते ते थेरा भगवंतो तेसि समणोवासयाणं इमाइं एयारूवाइं वागरणाइं वागरेत्तए
उदाहु असमिया आउज्झिया णं भंते ते थेरा भगवंतो तेसि समणोवासयाणं इमाइं एयारूवाइं
वागरणाइं वागरेत्तए उदाहु अणाउज्झिया पलिउज्झिया णं भंते ते थेरा भगवंतो तेसि समणोवास-
याणं इमाइं एयारूवाइं वागरणाइं वागरेत्तए उदाहु अपलिउज्झिया-पुव्वतवेणं अज्जो देवा देवलो-

एसु उववज्जंति पुव्वसंजमेणं कम्मियाए संगियाए अज्जो देवा देवलोएसु उववज्जंति सद्ये णं एस मट्ठे नो चेव णं आयभाववत्तव्वयाए पभू णं गोयमा ते थेरा भगवंतो तेसिं समणोवासयाणं इमाइं एयारूवाइं वागरणाइं वागरेत्ताए नो चेव णं अप्पभू [समिया णं गोयमा ते थेरा भगवंतो तेसिं समणोवासयाणं इमाइं एयारूवाइं वागरणाइं वागरेत्ताए आउज्जिया णं गोयमा ते थेरा भगवंतो तेसिं समणोवासयाणं इमाइं एयारूवाइं वागरणाइं वागरेत्ताए पल्लिउज्जिया णं गोयमा ते थेरा भगवंतो तेसिं समणोवासयाणं इमाइं एयारूवाइं वागरणाइं वागरेत्ताए-पुव्वतवेणं अज्जो देवा देवलोएसु उववज्जंति पुव्वसंजमेणं कम्मियाए संगियाए अज्जो देवा देवलोएसु उववज्जंति] सद्ये णं एस मट्ठे नो चेव णं आय भाववत्तव्वयाए अहं पि णं गोयमा एवमाइक्खामि भासामि पण्णवेमि परूवेमि-पुव्वतवेणं देवा देवलोएसु उववज्जंति पुव्वसंजमेणं देवा देवलोएसु उववज्जंति कम्मियाए देवा देवलोएसु उववज्जंति संगियाए देवा देवलोएसु उववज्जंति पुव्वतवेणं पुव्वसंजमेणं कम्मियाए संगियाए अज्जो देवा देवलोएसु उववज्जंति सद्ये णं एस मट्ठे नो चेव णं आयभाववत्तव्वयाए १११०१-११०

(१३५) तहारूवं णं भंते समणं या माहणं वा पज्जुवासमाणस्स किंफला पज्जुवासणा गोयमा सवणफला, से णं भंते सवणे किंफले नाणफले, से णं भंते नाणे किंफले विन्नाणफले, से णं भंते विन्नाणे किंफले पच्चक्खाणफले, से णं भंते पच्चक्खाणे किंफले संजमफले, से णं भंते संजमे किंफले अणणहयफले, से णं भंते अणणहए किंफले तवफले, से णं भंते तवे किंफले वोदाणफले से णं भंते वोदाणे किंफले, अकिरियाफले से णं भंते अकिरिया किंफला सिद्धि-पज्जवसाणफला-पन्नता गोयमा १११११-१११

(१३६) सवणे नाणे य विन्नाणे पच्चक्खाणे य संजमे

अणणहए तवे चेव वोदाणे अकिरिया सिद्धी

॥२११॥-२१

(१३७) अन्नउत्थिया णं भंते एवमाइक्खंति भासंति पण्णवेति परूवेति-एवं खलु रायगिहस्स नयरस्स बहिया वेभारस्स पव्वयस्स अहे एत्थ णं महं एगे हरए अप्पे पन्नते - अणे-गाइं जोयणाइं आयाम-विकखंमेणं नाणादुमसंडमंडिउहेसे सस्सिरीए [पासादीए दरिस्सणिज्जे अभिरूवे] पडिरूवे तत्थ णं बहवे ओराला बलाहया संसेयंति संमुच्छंति वासंति तव्वइरिते य णं सया समियं उसिणे-उसिणे आउकाए अभिनिस्सवइ से कहमेयं भंते एवं गोयमा जं णं ते अण्ण-उत्थिया एवमाइक्खंति जाय जे ते एवमाइक्खंति मिच्छं ते एवमाइक्खंति अहं पुण गोयमा एवमाइक्खामि भासामि पण्णवेमि-एवं खलु रायगिहस्स नयरस्स बहिया वेभारस्स पव्वयस्स अदूरसामंते एत्थ णं महातोवतीरप्पभवे नामं पासवणे पन्नते-पंच धणुसयाइं आवाम-विकखं-मेणं नाणादुमसंडमंडिउहेसे सस्सिरीए पासादीए दरिस्सणिज्जे अभिरूवे पडिरूवे तत्थ णं बहवे उसिणजोणिया जीवा य पोग्गला य उदगत्ताए वक्कमंति विउक्कमंति जयंति उववज्जंति तव्वइरिते वि य णं सया समियं उसिणे-उसिणे आउयाए अभिनिस्सवइ एस णं गोयमा महातवोवतीरप्पभवे पासवणे एस णं गोयमा महातवोवतीरप्पभवस्स पास-वणस्स अट्ठे पन्नते सेवं भंते सेवं भंते ति भगवं गोयमे समणं भगवं महावीरं वंदइ नमंसइ १११२१-११२

● बीए सते पंचमो उहेसो सप्तो ●

—: छ द्रो — उ हे सो :—

(१३८) से नूनं भंते मत्रामी ति ओहारिणी भासा एवं भासापदं भाणियव्वं १११३१-११३

● बीए सते छद्रो उहेसो सप्तो ●

—: स त्त मो — उ हे सो :—

(१३९) कतिविहा णं भंते देवा पत्रत्ता गोयमा चउव्विहा देवा पत्रत्ता तं जहा-भवण-वइ-वाणमंतर-जोइसवेमाणिया कहि णं भंते भवणवासीणं देवाणं ठाणा पत्रत्ता गोयमा इमीसे रयणप्पभाए पुढवीए जहा ठाणपदे देवाणं वत्तव्वया सा भाणियव्वा उववाएणं लोयस्स असं-खेज्जइभागे एवं सव्वं भाणियव्वं जाव सिद्धगंडिया समत्ता कप्पाण पइट्ठाणं बाहुलुच्चत मेव संठाणं जीवाभिगमे जो वेमाणिउहेसो सो भाणियव्वो सव्वो १११४१-१११४

● बीए सत्ते सत्तमो उहेसो सप्ततो ●

—: अ ट्ठ मो — उ हे सो :—

(१४०) कहि णं भंते चमरस्स असुरिंदस्स असुरकुमाररण्णो सभा सुहम्मा पत्रत्ता गोयमा जंबुद्वीये दीवे मंदरस्स पव्वयस्स दाहिणे णं तिरियमसंखेजे दीवसमुदे वीईवइत्ता अरुणवरस्स दीवस्स बाहिरिल्लाओ वेइयंताओ अरुणोदयं समुदं बायालीसं जोयणसवसह-स्साइं ओगाहिता एत्थ णं चमरस्स असुरिंदस्स असुरकुमाररण्णो तिगिंछिकूडे नामं उप्पाय-पव्वए पत्रत्ते-सत्तरस-एक्कवीसे जोयणसए उड्डं उच्चतेणं चत्तारितीसे जोयणसए कोसं च उव्वेहेणं मूले दसबावीसे जोयणसए विक्खंभेणं मज्झे चत्तारि चउवीसे जोयणसए विक्खं-भेणं उवरिं सत्ततेवीसे जोयणसए विक्खंभेणं मूले तिण्णि जोयणसहस्साइं दोण्णि य बत्ती-सुत्तरे जोयणसए किंचि विसेसूणे परिक्खेवेणं मज्झे एगं जोयणसहस्सं तिण्णि य इग्याले जोयणसए किंचि विसेसूणे परिक्खेवेणं उवरिं दोण्णि य जोयणसहस्साइं दोण्णि य छलसीए जोयणसए किंचि विसेसाहिए परिक्खेणं मूले वित्थडे मज्झे संखिते उप्पिं विसाले वरवइ-रयिण्हिए महामउदंसंठाणसंठिए सव्वारयणामए अच्छे [सण्हे लण्हे घडे मडे निराए निम्पले निप्यंके निक्कंकडच्छए सप्पमे सभिरिईए सउज्जोए पासादीएदरिसणिज्जे अभिरुवे पडिल्लवे से णं एगाए पउमवरवेइयाए वणसंडेणं य सव्वओ समंता संपरिक्खिते पउमवरवेइयाए वण-संडस्स य वण्णओ तस्स णं तिगिंछिकूडस्स उप्पायवपव्वयस्स उप्पिं बहुसमरमणिज्जे भूमि-भागे पत्रत्ते-वण्णओ तस्स णं बहुसमरमणिज्जस्स भूमिभागस्स बहुमज्झदेसभागे एत्थ णं महं एगे पासायवडेंसए पत्रत्ते-अड्डाइज्जाइं जोयणसयाइं उड्डं उच्चतेणं पणुवीसं जोयणसयं विक्खंभेणं पासायवण्णओ उल्लोयभूमिवण्णओ अट्ठजोयणाइं मणिपेढिया चमरस्स सीहासणं सपरिवारं भाणियव्वं तस्स णं तिगिंछिकूडस्स दाहिणे णं छक्कोडिसए पणवत्तं च कोडीओ पणतीसं च सयसहस्साइं पत्रासं च सहस्साइं अरुणोदए समुदे तिरियं वीईवइत्ता अहे रयणप्प-भाए पुढवीए चत्तालिसं जोयणसहस्साइं ओगाहिता एत्थ णं चमरस्स असुरिंदस्स असुरकु-माररण्णो चमरचंचा नामं रायहाणी पत्रत्ता एगं जोयणसयसहस्सं आयामं-विक्खंभेणं जंबूदी-वप्पमाणा पगारो दिवइडं जोयण सयं उड्डंउच्चतेणं मुले पत्रासं जोयणाइं विक्खंभेणं उवरिं अट्ठतेरस जोयणा कविसीसगा अट्ठ जोयणा आयमं कोसं विक्खंभेणं देसूणं अट्ठ जोयणं उड्डं उच्चतेणं एगमेगाए बाहाए पंचपंच दारसा अड्डाइज्जाइं जोयण उड्डंउच्चतेणं विक्खंभेणं ओवारियलेणं सोलसजोयणसहस्साइं आयाम-विक्खंभेणं पत्रासं जोयणसहस्साइं पंच य सत्ताणउए जोयणसए किंचि विसेसूणे परिक्खेवेणं सव्वप्पमाणं वेमाणियप्पमामस्स अट्ठं

नेयव्यं समा सुहम्मा उत्तर पुरच्छिमेणं जिणघरं ततो उववायसमा हरओ अमिसेयं अलंकार जहा विजयस्स ११९५ - ११५

● बीए सते अइमो उइसो समतो ●

—: न व मो — उ हे सो :—

(१४१) किमिदं भंते समयखेते ति पवुच्चति गोयमा अइदाइज्जा दीवा दो य समुद् एस णं एवइए समयखेतेति पवुच्चति तत्थ णं अयं जंबुदीवे दीवे सब्बदीव-समुद्धानं सच्चब्बंतरे एवं जीवाभिगम-वत्तव्वया नेयव्वा जाव अत्थितर-पुक्खरद्धं जोइसविहूणं ११९६-११६

● बीए सते नवमो उइसो समतो ●

—: द स मो — उ हे सो :—

(१४२) कति णं भंते अत्थिकाया पत्रत्ता गोयमा पंच अत्थिकाया पत्रत्ता तं जहा-धम्मत्थिकाए अधम्मत्थिकाए आगासत्थिकाए जीवत्थिकाए पोगलत्थिकाए धम्मत्थिकाए णं भंते कतिवण्णे कतिगंधे कतिरसे कतिफासे गोयमा अवण्णे अगंधे अरसे अफासे अरूवी अजीवे सासए अवड्डिए लोगदव्वे से समासओ पंचविहे पत्रत्ते तं जहा-दव्वओ खेतओ कालओ भावओ गुणओ दव्वओ णं धम्मत्थिकाए एगे दव्वे खेतओ लोगप्पमाणमेत्ते कालओ न कयाइ न आसि न कयाइ नत्थि न कयाइ न भविस्सइ-भविसु य भवति य भविस्सइ य - धुवे नियए सासए अक्खए अव्वए अवड्डिए निच्चे भावओ अवण्णे अगंधे अरसे अफासे गुणओ गमणगुणे अधम्मत्थिकाए [णं भंते कतिवण्णे कतिगंधे कतिरसे कतिफासे गोयमा अवण्णे अगंधे अरसे अफासे अरूवी अजीवे सासए अवड्डिए लोगदव्वे से समासओ पंचविहे पत्रत्ते तं जहा-दव्वओ खेतओ कालओ भावओ गुणओ दव्वओ णं अधम्मत्थिकाए एगे दव्वे खेतओ लोगप्पमाणमेत्ते कालओ न कयाइ न आसि न कयाइ नत्थि न कयाइ न भविस्सइ-भविसु य भवति य भविस्सइ य-धुवे नियए सासए अक्खए अव्वए अवड्डिए निच्चे भावओ अवण्णे अगंधे अरसे अफासे गुणओ ठाणगुणे] आगासत्थिकाए [णं भंते कतिवण्णे कतिगंधे कतिरसे कतिफासे गोयमा अवण्णे अगंधे अरसे अफासे अरूवी अजीवे सासए अवड्डिए लोगदव्वे से समासओ पंचविहे पत्रत्ते तं जहा-दव्वओ खेतओ कालओ भावओ गुणओ दव्वओ णं आगासत्थिकाए एगे दव्वे खेतओ लोयालोयप्पमाणमेत्ते-अनंते कालओ न कयाइ न आसि न कयाइ नत्थि न कयाइ न भविस्सइ-भविसु य भवति य भविस्सइ य - धुवे नियए सासए अक्खए अव्वए अवड्डिए निच्चे भावओ अवण्णे अगंधे अरसे अफासे गुणओ अवगाहणागुणे] जीवत्थिकाए णं भंते कतिवण्णे कतिगंधे कतिरसे कतिफासे गोयमा अवण्णे [अगंधे अरसे अफासे] अरूवी जीवे सासए अवड्डिए लोगदव्वे से समासओ पंचविहे पत्रत्ते-तं जहा-दव्वओ [खेतओ कालओ भावओ] गुणओ दव्वओ णं जीवत्थिकाए अनंताइ जीवदव्वाइ खेतओ लोगप्पमाणमेत्ते कालओ न कयाइ न आसि [न कयाइ नत्थि न कयाइ न भविस्सइ-भविसु य भवति य भविस्सइ य-धुवे नियए सासए अक्खए अव्वए अवड्डिए] निच्चे भावओ अवण्णे अगंधे अरसे अफासे गुणओ उवओगगुणे पोगलत्थिकाए णं भंते कतिवण्णे कतिगंधे कतिरसे कतिफासे गोयमा पंचवण्णे पंचरसे दुगंधे अट्ठफासे रूवी अजीवे सासए अवड्डिए लोगदव्वे से समासओ पंचविहे पत्रत्ते तं जहा-दव्वओ खेतओ कालओ भावओ गुणओ दव्वओ णं

पोग्गलत्थिकाए अनंताइं दव्वाइं खेतएओ लोयप्पमाणमेत्ते कालओ न कयाइ न आसि न कयाइ नत्थि न कयाइ न भविस्सइ-भविसु य भवति य भविस्सइ य-धुवे नियए सासए अक्खए अव्वए अवट्ठिए निच्चे भावओ वण्णमंते गंधमेते ररगंते फासमंते गुणओ गहणगुणे । ११७।-११७

(१४३) एगे भंते धम्मत्थिकायपदेसे धम्मत्थिकाएति वत्तव्वं सिया गोयमा नो इण्डे समट्ठे एवं दोण्णि तिण्णि वत्तारि पंच छ सत्त अट्ठ नव दस संखेज्जा असंखेज्जा भंते धम्मत्थिकायपदेसा धम्मत्थिकाए ति वत्तव्वं सिया गोयमा नो इण्डे समट्ठे एगपदेसूणे वि य णं भंते धम्मत्थिकाए धम्मत्थिकाए ति वत्तव्वं सिया गोयमा नो इण्डे समट्ठे से केणट्ठेणं भंते एवं बुद्धइ-एगे धम्मत्थिकायपदेसे नो धम्मत्थिकाए ति वत्तव्वं सिया जाव एगपदेसूणे वि य णं धम्मत्थिकाए नो धम्मत्थिकाए ति वत्तव्वं सिया से नूणं गोयमा खंडे चक्के सगले चक्के भगवं नो खंडे चक्के सगले चक्के [खंडे छत्ते सगले छत्ते भगवं नो खंडे छत्ते सगले छत्ते खंडे चम्मे सगले चम्मे खंडे दंडे सगले दंडे भगवं नो खंडे दंडे सगले दंडे खंडे दूसे सगले दूसे भगवं नो खंडे दूसे सगले दूसे खंडे आयुहे सगले आयुहे भगवं नो खंडे आयुहे सगले आयुहे खंडे मोदए सगले मोदए भगवं नो खंडे मोदए सगले मोदए से तेणट्ठेणं गोयमा एवं बुद्धइ-एगे धम्मत्थिकायपदेसे नो धम्मत्थिकाए ति वत्तव्वं सिया जाव एगपदेसूणे वि य णं धम्मत्थिकाए नो धम्मत्थिकाए ति वत्तव्वं सिया से किंखाइ णं भंते धम्मत्थिकाए ति वत्तव्वं सिया गोयमा असंखेज्जा धम्मत्थिकायपदेसा ते सव्वे कसिणा पडिपुण्णा निरवसेसा एकग्गहज्जगहिया-एस णं गोयमा धम्मत्थिकाए ति वत्तव्वं सिया एवं अधम्मत्थिकाए वि आगासत्थिकाय-जीवत्थिकाय-पोग्गलत्थिकाया वि एवं चेव नवरं-तिण्हं पि पदेसा अनंता भाणियव्वा सेसं तं चेव । ११८।-११८

(१४४) जीवे णं भंते सउट्ठाणे सकम्मे सबले सवीरिए सपुरिसक्कार-परक्कमे आय - भावेण जीवभावं उवदंसेतीति वत्तव्वं सिया हंता गोयमा जीवे णं सउट्ठाणे सकम्मे सबले सवीरिए सपुरिसक्कार-परक्कमे आयभावेण जीवभावं उवदंसेतीति वत्तव्वं सिया से केण-ट्ठेणं भंते एवं बुद्धइ-जीवे णं सउट्ठाणे सकम्मे सबले सवीरिए सपुरिसक्कार-परक्कमे आय- भावेण जीवभावं उवदंसेतीति वत्तव्वं सिया गोयमा जीवे णं अनंताणं आभिणिबोहियनाण- पज्जवाणं अनंताणं सुयनाण पज्जवाणं अनंताणं ओहिनाणपज्जवाणं अनंताणं मणपज्जवनाण- पज्जवाणं अनंताणं केवलनाणपज्जवाणं अनंताणं मइअन्नाणपज्जवाणं अनंताणं सुयअन्नाण- पज्जवाणं अनंताणं विभंगनाणपज्जवाणं अनंताणं चक्खुदंसणपज्जवाणं अनंताणं अचक्खुदं- सणपज्जवाणं अनंताणं ओहिंदंसणपज्जवाणं अनंताणं केवलदंसणपज्जवाणं उयओगं गच्छइ उयओगलक्खणे णं जीवे से एण्णट्ठेणं एवं बुद्धइ-गोयमा जीवे णं सउट्ठाणे [सकम्मे सबले सवीरिए सपुरिसक्कार-परक्कमे आयभावेण जीवभावं उवदंसेतीति] वत्तव्वं सिया । ११९।-११९

(१४५) कतिविहे णं भंते आगासे पत्रत्ते गोयमा दुबिहे आगासे पत्रत्ते तं जहा-लो-यागासे य अलोयागासे य लोयागासे णं भंते किं जीवा जीवदेसा जीवप्पदेसा अजीवा अजीवदेसा अजीवप्पदेसा गोयमा जीवा वि जीवदेसा वि जीवप्पदेसा वि अजीवा वि अजीवदेसा वि अजीवप्पदेसा वि जे जीवा ते नियमा एगिदिया बेइंदिया तेइंदिया चउरिंदिया पंचिंदिया अणिंदिया जे जीवदेसा ते नियमा एगिदियदेसा [बेइंदियदेसा तेइंदियदेसा चउरिंदियदेसा पंचिंदियदेसा] अणिंदियदेसा जे जीवप्पदेसा ते नियमा एगिदियपदेसा [बेइंदियपदेसा तेइं-

दिय- पदेसा चउरिदियपदेसा पंचिदियपदेसा अण्णिदियपदेसा जे अजीवा ते दुविहा पत्रत्ता तं जहा-रूवी य अरूवी य जे रूवी ते चउव्विहा पत्रत्ता तं जहा-खंधा खंधदेसा खंधपदेसा परमा-णुपोग्गला जे अरूवी ते पंचविहा पत्रत्ता तं जहा-धम्मत्थिकाए नो धम्मत्थिकायस्स देसे धम्म-त्थिकायस्स पदेसा अधम्मत्थिकाए नो अधम्मत्थिकायस्स देसे अधम्मत्थिकायस्स पदेसा अट्ठासमए १९२०-१२०

(१४६) अलोयागासे णं भंते किं जीवा [जीवदेसा जीवप्पदेसा अजीवा अजीवदेसा अजीवप्पदेसा] गोयमा नो जीवा [नो जीवदेसा नो जीवप्पदेसा नो अजीवा नो अजीवदेसा] नो अजीवप्पदेसा एगे अजीवदब्बदेसे अगुरुयलहुए अनंतहिं अगुरुयलहुयगुणेहिं संजुत्ते सव्वा- गासे अनंतभागूणे १९२१-१२१

(१४७) धम्मत्थिकाए णं भंते केमहालए पत्रत्ते गोयमा लोए लोयमेत्ते लोयप्पमाणे लोयफुडे लोयं चेव फुसित्ता णं चिट्ठइ अधम्मत्थिकाए [णं भंते केमहालए पत्रत्ते गोयमा लोए लोयमेत्ते लोयप्पमाणे लोयफुडे लोयं चेव फुसित्ता णं चिट्ठइ] लोयाकासे [णं भंते केमहालए पत्रत्ते गोयमा लोए लोयमेत्ते लोयप्पमाणे लोयफुडे लोयं चेव फुसित्ता णं चिट्ठइ] जीवत्थिकाए [णं भंते केमहालए पत्रत्ते गोयमा लोए लोयमेत्ते लोयप्पमाणे लोयफुडे लोयं चेव फुसित्ता णं चिट्ठइ] पोग्गलत्थिकाए [णं भंते केमहालए पत्रत्ते गोयमा लोए लोयमेत्ते लोयप्पमाणे लोयफुडे लोयं चेव फुसित्ता णं चिट्ठइ] १९२२-१२२

(१४८) अहोलोए णं भंते धम्मत्थिकायस्स केवइयं फुसति गोयमा सातिरेणं अद्धं फुसति तिरियलोए णं भंते [धम्मत्थिकायस्स केवइयं फुसति] गोयमा असंखेज्जइभागं फुसति उड्ढलोए णं भंते [धम्मत्थिकायस्स केवइयं फुसति] गोयमा देसूणं अद्धं फुसति १९२३-१२३

(१४९) इमा णं भंते रयणप्पभापुढवी धम्मत्थिकायस्स किं संखेज्जइभागं फुसति असं-खेज्जइभागं फुसति संखेजे भागे फुसति असंखेजे भागे फुसति सव्वं फुसति गोयमा नो संखे-ज्जइभागं फुसति असंखेज्जइभागं फुसति नो संखेजे भागे फुसति नो असंखेजे भागे फुसति नो सव्वं फुसति इमीसे णं भंते रयणप्पभाए पुढवीए घणोदही धम्मत्थिकायस्स किं संखेज्जइभागं फुसति असंखेज्जइभागं फुसति संखेजे भागे फुसति असंखेजे भागे फुसति सव्वं फुसति जहा रयणप्पभा तहा घणोदहि-घणवाय-तणुवाया वि इमी से णं भंते रयणप्पभाए पुढवीए ओवा-संतरे धम्मत्थिकायस्स किं संखेज्जइभागं फुसति असंखेज्जइभागं फुसति संखेजे भागे फुसति असंखेजे भागे फुसति सव्वं फुसति गोयमा संखेज्जइभागं फुसति नो असंखेज्जइभागं फुसति नो संखेजे भागे फुसति नो असंखेजे भागे फुसति नो सव्वं फुसति ओवासंतराई सव्वाई जहा रयणप्पभाए पुढवीए दत्तव्वया भणिया एवं जाव अहेसत्तमाए एवं सोहम्मे कप्पे जाव ई-सीपब्भारा पुढवीए-एते सव्वे वि असंखेज्जइभागं फुसति सेसा पडिसेहियव्वा एवं अधम्म-त्थिकाए एवं लोयाकासे वि १९२४-१२४

(१५०) पुढवोदही धण-तणू कप्पा गेवेज्जणुतरा सिद्धी

संखेज्जइभागं अंतरेसु सेसा असंखेज्जा

॥२२॥-२२

● बीए त्ते दत्तपो उइत्तो सप्तो ● बीअं सत्तं सप्तं ●

तइय-सत

—: प ढ मो — उ दे सो —:

(१५१) केरिसविउव्यणा चमर किरिय जाणित्थि नगर पाला य

अहिबइ इंदिय परिसा ततियम्मि सए दसुदेसा ॥२३॥-२३

(१५२) तेणं कालेणं तेणं समएणं मोया नामं नयरी होत्था-वण्णओ तीसे णं भोयाए

नयरीए बहिया उत्तरपुरत्थिमे दिसीभागे नंदणे नामं चेइए होत्था-वण्णओ तेणं कालेणं तेणं समएणं सामी समोसदे परिसा निगच्छइ पडिगया परिसा तेणं कालेणं तेणं समएणं समणस्स भगवओ महावीरस्स दोद्ये अंतेवासी अग्णिभूई नामं अनगारे गोयमे गोतेणं सत्तुस्सेहे जाव पजुवासमाणे एवं वदासि-चमरे णं भंते असुरिदे असुरराया केमहिइदीए केमहजुए केमहा-वले केमहायसे केमहासोक्खे केमहाणुभागे केवइयं च णं पभू विकुब्बितए गोयमा चमरे णं असुरिदे असुरराया महिइदीए [महजुतीए महाबले महायसे महासोक्खे] महाणुभागे से णं तत्थ वोत्तीसाए भवणावाससयसहस्साणं चउसट्ठीए सामाणियहस्सीणं तायतीसाए तायत्ती-सगाणं [चउण्हं लोगपालाणं पंचण्हं अगमहिसीणं सपरिवाराणं चउसट्ठीणं आयरक्खदेवसा-हस्सीणं अण्णेसिं च बहूणं रायहाणिवत्थव्वाणं देवाणं य देवीणं य आहेवच्चं पोरेवच्चं सामित्तं भट्ठित्तं आणा-ईसर-सेणावच्चं कारेमाणे पालेमाणे महयाहयनट्ठीय-वाइय-तंती-तल-ताल-तुडिय-धणमुइंगपडुप्पवाइयर वेणं दिव्वाइं भोगभोगाईं भुंजेमाणं] विहरइ एमहिइदीए [एमहजुतीए एमहाबले एमहायसे एमहासोक्खे] एमहाणुभागे एवतिय च णं पभू विकुब्बि-तए से जहानामे-जुवती जुवाणे हत्थेणं हत्थे गेण्हेज्जा चक्कस्स वा नाभी अरगाउत्ता समो-हण्णइ समोहणित्ता संखेज्जाइं जोयणाइं दंडं निसिरइ तं जहा-रयणाणं [वयराणं वेरुलियाणं लोहिय-क्खाणं मसारगद्धाणं हंसगब्भाणं पुलगाणं सोगंधियाणं जोईरसाणं अंजणाणं अंजण-पुलगाणं रयणाणं जायरूवाणं अंकाणं फलिहाणं] रिट्ठाणं अहावायरे पोगले परिसाडेइ परिसा-डेत्ता अहासुहुमे पोगले परिचायइ परिचाइत्ता दोद्यं पि वेउव्वियसमुग्घएणं समोहण्णति पभू णं गोयमा चमरे असुरिदे असुरराय केवलकण्ठं जंबुदीवं दीयं बहूहिं असुरकुमारेहिं देवीहिं य आइण्णं वित्तिकिण्णं उतव्यडं संथडं फुडं अवगाढव गाढं करेतए अदुत्तरं च णं गोयमा पभू चमरे असुरिदे असुरराय तिरियमसंखेज्जे दीव-समुदे बहूहिं असुरकुमारेहिं देवेहिं देवीहिं य आइण्णे वित्तिकिण्णे उवत्थडे संथडे फुडे अवगाढावगाढे करेतए एस णं गोयमा चमरस्स असुरिदस्स असुररण्णो अयमेयारूवे विसए विसयमेत्ते बुइए नो चेव णं संपत्तीए विकुब्बिसु वा विकुब्बति वा विकुब्बिस्सति वा जइ णं भंते चमरे असुरिदे असुरराया एमहिइदीए जाव एवइयं च णं पभू विकुब्बितए चमरस्स णं भंते असुरिदस्स असुररण्णो सामाणिया देवा केम-हिइदीया जाव केवइयं च णं पभू विकुब्बितए गोयमा चमरस्स असुरिदस्स असुररण्णो सामा-णिया देवा महिइदीया महजुतीया महाबला महायसा महासोक्खा महाणुभागा ते णं तत्थ सामं-साणं भवणाणं साणं-साणं सामाणियाणं साणं-साणं अगमहिसीणं जाव दिव्वाइं भोगभोगाईं भुंजमाणा विहरंति एमहिइदीया जाव एवइयं च णं पभू विकुब्बितए से जहानामे-जुवती जुवाणे हत्थेणं हत्थे गेण्हेज्जा चक्कस्स वा नाभी अरगाउत्ता सिया एवामेव गोयमा चमरस्स असुरिदस्स असुररण्णो एगमेगे सामाणियदेवे वेउव्वियसमुग्घाएणं समोहण्णइ जाव दोद्यं पि

वेउच्चियसमुग्धाएणं समोहणणइ पभू णं गोयमा चपरस्स असुरिंदस्स असुररण्णो एगमेगे सामाणियदेवे केवलकप्पं जंबुदीव दीवे बहूहिं असुरकुमारेहिं देवेहिं देवीहि य आइण्णे वितिकिण्णं उवत्थडं संथडं फुडं अवगाढावगाढे करेत्तए अदुत्तरं च णं गोयमा पभू चपरस्स असुरिंदस्स असुररण्णो एगमेगे सामाणि देवे तिरियमसंखेज्जे दीव-समुदे बहूहिं असुरकुमारेहिं देवेहिं देवीहि य आइण्णे वितिकिण्णे उवत्थडे संथडे फुडे अवगाढावगाढे करेत्तए अदुत्तरं च णं गोयमा पभू चमरे असुरिंदे असुरराया तिरियमसंखेज्जे दीव-समुदे बहूहिं असुरकुमारेहिं देवेहिं देवीहि य आइण्णे वितिकिण्णे उवत्थडे संथडे फुडे अवगाढावगाढे करेत्तए एस णं गोयमा चपरस्स असुरिंदस्स असुररण्णो अयमेयारूवे विसए विसयमेत्ते बुइए नो चेव णं संपत्तीए विकुब्बिसु वा विकुब्बित्ति वा विकुब्बस्सत्ति वा जइ णं भंते चमरे असुरिंदे असुरराया एमहिइदीए जाव एवइयं च णं पभू विकुब्बित्ते चपरस्स णं भंते असुरिंदस्स णं भंते असुरिंदस्स असुररण्णो सामाणिया देवा केमहिइदीया जाव केवइयं च णं पभू विकुब्बित्ते गोयमा चपरस्स असुरिंदस्स असुररण्णो सामाणिया देवा महिइदीया महज्जुतीया महाबला महायसा महासोक्खा महानुभागा ते णं तत्थ साणं-साणं भवणाणं साणं-साणं सामाणियाणं साणं-साणं अग्गमहिसीणं जाव दिव्वाइं भोगभोगाइं भुंजमाणा विहरंति एमहिइदीया जाव एवइयं च णं पभू विकुब्बित्ते से जहानामे-जुवती जुवाणे हत्थेणं हत्थे गेण्हेज्जा चक्कस्स वा नाभी अरगाउत्ता सिया एवामेव गोयमा चपरस्स असुरिंदस्स असुररण्णो एगमेगे सामाणियदेवे वेउच्चियसमुग्धाएणं समोहणणइ जाव दोच्चं पि वेउच्चियसमुग्धाएणं समोहणणइ पभू णं गोयमा चपरस्स असुरिंदस्स असुररण्णो एगमेगे सामाणियदेवे केवलकप्पं जंबुदीवं दीवं बहूहिं असुरकुमारेहिं देवेहिं देवीहि य आइण्णं वितिकिण्णं उवत्थडं संथडं फुडं अवगाढाव- गाढं करेत्तए अदुत्तरं च णं गोयमा पभू चपरस्स असुरिंदस्स असुररण्णो एगमेगे सामाणियदेवे तिरियमसंखेज्जे दीव-समुदे बहूहिं असुरकुमारेहिं देवेहिं देवीहि य आइण्णे वितिकिण्णे उवत्थडे संथडे फुडे अवगाढावगाढे करेत्तए एस णं गोयमा चपरस्स असुरिंदस्स असुररण्णो एगमेगस्स सामाणियदेवस्स अयमेयारूवे विसए विसयमेत्ते बुइए नो चेव णं संपत्तीए विकुब्बिसु वा विकुब्बत्ति वा विकुब्बस्सत्ति वा। १२५१-१२५

(१५३) जइ णं भंते चपरस्स असुरिंदस्स असुररण्णो सामाणियदेवा एमहिइदीया जाव एवत्तियं च णं पभू विकुब्बित्ते चपरस्स णं भंते असुरिंदस्स असुररण्णो तावत्तीसया देवा केमहिइदीया तावत्तीसया जहा सामाणिया तहा नेयव्वा लोथपाला तहेव नवरं-संखेज्जा दीव-समुदा भाणियव्वा जइ णं भंते चपरस्स असुरिंदस्स असुररण्णो लोगपाला देवा एमहिइदीया जाव एवत्तियं च णं पभू विकुब्बित्ते चपरस्स णं असुरिंदस्स असुररण्णो अग्गमहिसीओ देवी-ओ केमहिइदीयाओ जाव केवइयं च णं पभू विकुब्बित्ते गोयमा चपरस्स णं असुरिंदस्स असुररण्णो अग्गमहिसीओ देवीओ महिइदीयाओ जाव महानुभागाओ ताओ णं तत्थ साणं-साणं भवणाणं साणं-साणं सामाणिया साहस्सीणं साणं-साणं महत्तरियाणं साणं-साणं परिमाणं जाव एमहिइदीयाओ अण्णं जहा लोगपालाणं अपरिसेसं सेवं भंते सेवं भंते ति। १२६१-१२६

(१५४) भगवं दोच्चे गोयमे समणं भगवं महावीरं वंदइ नमंसइ वंदित्ता नमंसित्ता जे-णेव तच्चे गोयमे वायुभूती अणगारे तेणेव उवागच्छइ उवागच्छित्ता तच्चं गोयमं वायुभूतिं

अणगारं एवं वदासि-एवं खलु गोयमा चमरे असुरिदे असुरराया एमहिङ्दीए तं चेव एवं सव्वं अपुडुवागरणं नेयव्वं अपरिसेसियं जाव अण्णमहिशीणं वत्तव्वया समत्ता तेणं से तच्चे गोयमे वायुभूती अणगारे दोच्चस्स गोयमस्स अण्णिभूतिस्स अणगारस्स एवमाइक्खमाणस्स मभासमाणस्स पत्रवेमाणस्स पुरुवेमाणस्स एयमद्धं नो सहइह नो पत्तियइ नो रोएइ एय- मद्धं असहहमाणे अपत्तियमाणे अरोएमाणे उट्ठाए उट्ठेइ उट्ठेत्ता जेणेव समणे भगवं महावीरे तेणेव उवागच्छइ जाव पज्जुवासमाणे एवं वयासी-एवं खलु भंते दोच्चे गोयमे अण्णिभूई अणगारे ममं एवमाइक्खइ भासइ पत्रवेइ पुरुवेइ-एवं खलु गोयमा चमरे असुरिदे अर- सुरराया महिङ्दीए जाव महाणुभागे से णं तत्थ चोत्तीसाए भवणावाससयसहस्साणं तं चेव तव्वं अपरिसेसं भाणियव्वं जाव अण्णमहिशीणं वत्तव्वया समत्ता से कहमेयं भंते एवं गोयमादि समणे भगवं महावीरे तच्चं गोयमं वायुभूतिं अनगारं एवं वयासी-जं णं गोयमा तव दोच्चे गोयमे अण्णिभिई अनगारे एवमाइक्खइ भासइ पत्रवेइ पुरुवेइ-एवं खलु गोयमा चमरे असुरिदे असुरराया महिङ्दीए तं चेव सव्वं जाव अण्णमहिशीओ सच्चे णं एसमट्ठे अहं पि णं गोयमा एवमा- इक्खामि भासामि पत्रवेमि-एवं खलु गोयमा चमरे असुरिदे असुरराया महिङ्दीए तं चेव जाव अण्णमहिशीओ सच्चे णं एसमट्ठे सेवं भंते सेवं भंते ति तच्चे गोयमे वायुभूई अणगारे समणं भगवं महावीरं वंदइ नमंसइ वंदित्ता नमंसित्ता जेणेव दोच्चे गोयमे अण्णिभूई अणगारे तेणेव उवागच्छइ उवागाच्छित्ता दोच्चं गोयमं अण्णिभूई अणगारं वंदइ नमंसइ वंदित्ता नमंसित्ता एयमद्धं सम्पं विणएणं भुज्जो-भुज्जो खमेइ १२७१-१२७

(१५५) तए णं से तच्चे गोयमे वायुभूति अणगारे दोच्चे णं गोयमेणं अण्णिभूतिणा अण- गारेणं सद्धिं जेणेव समणे भगवं महावीरे तेणेव उवागच्छइ जाव पज्जुवासमाणे एवं वयासी- जइ णं भंते चमरे असुरिदे असुरराया एमहिङ्दीए जाव एवतियं च णं पभू विकुव्वित्तए बली णं भंते वइरोयणिदे वइरोयणराये केमहिङ्दीए जाव केवइयं च णं पभू विकुव्वित्तए गोयमा बली णं वइरोयणिदे वइरोयणराया महिङ्दीए जाव महाणुभागे जहा चमरस्स तहा बलिस्स वि नेयव्वं नवरं-सातिरेगं केवलकप्पं जंबुदीवं दीवं भाणियव्वं सेसं तं चेव निरवसेसं नेयव्वं नवरं-नाणत्तं जाणियव्वं भवणेहिं सामाणिएहि य सेवं भंते सेवं भंते ति तच्चे गोयमे वायुभूई अणगारे समणं भगवं महावीरं वंदति नमंसति वंदित्ता नमंसित्ता नच्चासण्णे [नातिदूरे सुस्सू- समाणे नमंसमाणे अभिमुहे विणएणं पंजवियडे] पज्जुवासइ तते णं से दोच्चे गोयमे अण्णिभूई अनगारे समणं भगवं महावीरं वंदइ नमंसइ वंदित्ता नमंसित्ता एवं वयासीजइ णं भंते बली वइरोयणिदे वइरोयणराया एमहिङ्दीए जाव एवतियं च णं पभू विकुव्वित्तए धरणे णं भंते नागकुमारिदे नागकुमारराया केमहिङ्दीए जाव केवइयं च णं पभू विकुव्वित्तए गोयमा धरणे णं नागकुमारिदे नागकुमारराया महिङ्दीए जाव महाणुभागे से णं तत्थ चोयालीसाए भवणा- वास्ससयसहस्साणं छ्हं सामाणियसाहस्सीणं तायत्तीसाए तावत्तीसगाणं चउण्हं लोगपा- लाणं छ्हं अण्णमहिशीणं सपरिवाराणं तिण्हं परिमाणं सत्तण्हं अणियाणं सत्तण्हं अणिया- हिवइणं चउव्वीसाए आयरक्खदेवसाहस्सीणं अण्णेसिं च जाव विहरइ एवतियं च णं पभू विउव्वित्तए से जहानामए जुवती जुवाणे जाव पभू केवलकप्पं जंबुदीवे दीवं जाव तिरियं संछेजे दीव-समुदे भाणियव्वे एवं जाव थणियकुमारा वाणमंतरा जोईसिया वि नवरं-

दाहिणिल्ले सव्वे अणिभूर्इ पुच्छइ उत्तरिल्ले सव्वे वायुभूर्इ पुच्छइ भंतेति मगवं दोच्चे गोयमे अणिभूर्इ अणगारे समणं मगवं महावीरं वंदइ नमंसइ वंदित्ता नमंसित्ता एवं वयासी-जइ णं भंते जोइसिंदे जोइसराया एमहिइदीए जाव एवतियं च णं पभू विकुच्चितए सक्के णं भंते देविंदे देवराया केमहिइदीए जाव केवतियं च णं पभू विकुच्चितए गोयमा सक्के णं देविंदे देवराया महिइदीए जाव महानुभागे से णं बत्तीसाए विमाणावाससयसहस्साणं चउरासीए सामाणियसाहस्सीणं [तायत्तीसाए तावत्तीसगणं चउण्हं लोगपालाणं अट्ठण्हं अग्गमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिर्वड्णं] चउण्हं चउरासीणं आयरक्खासाहस्सीणं अण्णेसिं च जाव विहरइ एमहिइदीए जाव एवतियं च णं पभू विकुच्चितए एवं जहेव चमारस्स तहेव भाणियव्वं नवरं-दो केवलकप्ये जंबुदीवे दीये अवसेसं तं चेव एस णं गोयमा सक्कस्स देविंदस्स देवरण्णो इमेयारूवे विसए विसयमेत्ते बुइए नो चेव णं संपत्तीए विकुच्चिसु वा विकुच्चति वा विकुच्चिस्सति वा १२८१-१२८८

(१५६) जइ णं भंते सक्के देविंदे देवराया एमहिइदीए जाव एवतियं च णं पभू विकुच्चितए एवं खलु देवाणुप्पियाणं अंतेवासि तीसए नामं अणगारे पगइभइए पगइउवसंते [पगइपयणुकोहमाणमायालोभे पिउमहवसंपन्ने अल्लोणे] विणीए छट्ठंछट्ठेणं अनिक्खित्तेणं तवोकम्मेणं अप्पाणं भावेमाणे बहुपडिपुण्णाइं अट्ठ संवच्छराइं सामण्णपरियागं पाउणिग्गता भासियाए संलेहणाए अत्ताणं झूसेत्ता सट्ठिभित्ताइं अणसणाए छेदेत्ता आलोइय-पडिक्कंते समाहिपत्ते कालमासे कालं किच्चा सोहम्मे कप्ये सयंसि विमाणंसि उववायसभाए देवसय-णिजंसि देवदूसंतरीए अंगुलस्स असंखेज्जभागमेत्तीए ओगाहणाए सक्कस्स देविंदस्स देवरण्णो सामाणियदेवत्ताए उवण्णे तए णं तीसए देवे अहुणोववण्णमेत्ते समाणे पंचविहाए पज्जतीए पज्जतिभावं गच्छइ तं जहा-आहारपज्जतीए सरीरपज्जतीए इंदियपज्जतीए आणापाणु-पज्जतीए भासा-भणपज्जतीए तए णं तं तीसयं देवं पंचविहाए पज्जतीए पज्जतिभावं गयं समाणं सामाणियपरिसोववण्णया देवा करयत्तपरिग्हियं दसनहं सिरसावत्तं मत्थए अंजलिं कट्टु जएणं विजएणं वद्धविति वद्धावित्ता एवं वयासी-अहो णं देवाणुप्पिएहिं दिव्वा देविइदी दिव्वा देवजुइ दिव्वे देवाणुभावे लद्धे पत्ते अभिसमण्णागए जारिसिया णं देवाणुप्पिएहिं दिव्वा देविइदी दिव्वा देवजुइ दिव्वे देवाणुभावे लद्धे पत्ते अभिसमण्णागए तारिसिया णं सक्केणं वि देविंदे देवरण्णा दिव्वा देविइदी जाव अभिसमण्णागए जारिसिया णं सक्केणं देविंदे देवरण्णा दिव्वा देविइदी जाव अभिसमण्णागए जारिसिया णं देवाणुप्पिएहिं दिव्वा देविइदी जाव अभिसमण्णागए से णं भंते तीसए देवे केमहिइदीए जाव केवतियं च णं पभू विकुच्चितए गोयमा महिइदीए जाव महानुभागे से णं तस्य सयस्स विमाणस्स चउण्हं सामाणिय-साहस्सीणं चउण्हं अग्गमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिर्वड्णं सोल-सण्हं आयरक्खदेवसाहस्सीणं अण्णेसिं च बहूणं वेमाणियाणं देवाणं देवीण य जाव विहरइ एमहिइदीए जाव एवतियं च णं पभू विकुच्चितए से जहानामए जुवती जुवाप्पे हत्थेणं हत्थे गेण्हेज्जा जहेव सक्कस्स तहेव जाव एस णं गोयमा तीसयस्स देवस्स अयमेयारूवे विसए विसयमेत्ते बुइए नो चेव णं संपत्तीए विकुच्चिसु वा विकुच्चति वा विकुच्चिस्सति वा जइ णं भंते तीसए देवे महिइदीए जाव एवइयं च णं पभू विकुच्चितए सक्कस्स णं भंते देविंदस्स

देवरण्णो अवसेसा सामाणिया देवा केमहिङ्गीया तहेव सव्वं जाव एस णं गोयमा सककस्स देविंदस्स देवरण्णो एगमेस्स सामाणियस्स देवस्स इमेयारूवे विसए विसय-मेते बुइए नो चेव णं संपतीए विकुव्विसु वा विकुव्वति वा विकुव्विस्सति वा तावत्तीसय-लोगपालगमहिसी णं जहेव चमारस्स नवरं-दो केवलकप्पे जंबुद्दीवे दीवे अण्णं तं चेव सेवं भंते सेवं भंते ति दोच्चे गोयमे जाव विहरइ १२९१-१२९

(१५७) भंतेति भगवं तच्चे गोयमे वायुभूर्इ अणगारे समणं भगवं [महावीरं वंदइ नमंसइ वंदित्ता नमंसित्ता] एवं वदासी-जइ णं भंते सकके देविंदे देवराया महिङ्गीए जाव एवइयं च णं पभू विकुव्वित्ताए ईसाणे णं भंते देविंदे देवराया केमहिङ्गीए एवं तहेव नवरं-साहिए दो केवलकप्पे जंबुद्दीवे दीवे अवसेस तहेव १२९०-१३०

(१५८) जइ णं भंते ईसाणे देविंदे देवराया एमहिङ्गीए जाव एवतियं च णं पभू विकुव्वितए एवं खलु देवाणुप्पियाणं अंतेवासी कुरुदत्तपुते नामं अणगारे पगतिमद्दए जाव चिणीए अट्ठमंअट्ठमेणं अणिक्रित्तेणं पारणए आयंवलपरिग्गहिणं तवोकम्पेणं उड्ढं बाहाओ पगिञ्झिय-पगिञ्झिय सूरभिमुहे आयावणभूमीए आयावेमाणे बहुपडिपुण्णे छम्मासे-सामण्णपरियागं पाउणिता अट्ठमासियाए संलेहणाए अत्ताणं झूसेत्ता तीसं भत्ताइ अणसणाए छेदेत्ता आलोइय-पडिककंते समाहिपत्ते कालमासे कालं किच्चा ईसाणे कप्पे सयंसि विमाणंसि उववायसभाए देवसयणिजंसि देवदूसंतरेए अंगुलस्स असंखेज्जभागमेत्तीए ओगाहणाए ईसाणस्स देविंदस्स देवरण्णो सामाणियदेवत्ताए उववण्णे जा तीसए वतव्वया सच्चेव अपरि-सेसा कुरुदत्तपुते वि नवरं-सातिरेगे दो केवलकप्पे जंबुद्दीवे दीवे अवसेसं तं चेव एवं सामाणियतावत्तीसग-लोगपाल-अगमहिसीणं जाव एस णं गोयमा ईसाणस्स देविंदस्स देवरण्णो एगमेगाए अगमहिसीए देवीए अयमेयारूवे विसए विसयमेते बुइए नो चेव णं संपतीए विकुव्विसु वा विकुव्वति वा विकुव्विस्सति वा १२९१-१३१

(१५९) एवं सणकुमारे वि नवरं-चत्तारि केवलकप्पे जंबुद्दीवे दीवे अट्ठतरं च णं तिरियमसंखेज्जे एवं सामाणिय-तावत्तीसग-लोगपाल-अगमहिसीणं असंखेज्जे दीव-समुद्दे सव्वे विकुव्वंति सणकुमाराओ आरद्धा उवरिल्ला लोगपाला सव्वे वि असंखेज्जे दीव-समुद्दे विकुव्वंति एवं माहिंदे वि नवरं-सातिरेगे चत्तारि केवलकप्पे जंबुद्दीवे दीवे एवं बंभलोए वि नवरंअट्ठ केवलकप्पे एवं लंतए वि नवरं-सातिरेगे अट्ठ केवलकप्पे महासुकके सोलस केवल-कप्पे सहस्सारे सातिरेगे सोलस एवं पाणाए वि नवरं-वत्तीसं केवलकप्पे एवं अच्चुए वि नवरं-साति-रेगे वत्तीसं केवलकप्पे जंबुद्दीवे दीवे अण्णं तं चेव सेवं भंते सेवं भंते ति तच्चे गोयमे वायुभूर्इ अणगारे समणं भगवं महावीरं वंदइ नमंसइ जाव विहरइ तए णं समणं भगवं महावीरे अण्णया कयाइ मोयाओ नयरीओ नंदणाओ चेइयाओ पडिनिक्खमड पडिनिक्खमिक्का बहिया जणवयविहार विहरइ १२९१-१३२

(१६०) तेणं कालेणं तेणं समएणं रायगिहे नामं नगरे होत्था-वण्णओ जाव परिसा पजुवासए तेणं कालेणं तेणं समएणं ईसाणे देविंदे देवराया ईसाणे कप्पे ईसाणवडंसए विमाणे जहेव रायप्पसेणइजे जाव दिव्वं देविइंढ दिव्वं देवजुत्तिं दिव्वं देवाणुभागं दिव्वं वत्तीस-इब्बद्धं नट्टविहिं उवदंसित्ता जाव जामेव दिसिं पाउव्मए तामेव दिसिं पडिगाए भंतेति भगवं

गोयमे समणं भगवं महावीरं वंदइ नमंसइ वंदित्ता नमंसित्ता एवं वदासी-अहो णं भंते ईसाणे देविदे देवराया महिइदीए जाव महाणुभागे ईसाणस्स णं भंते सा दिव्वा देविइदी दिव्वा देवजुती दिव्वे देवाणुभागे कहिं गते कहिं अनुपविइडे गोयमा सरीरं गते सरीरं अनुपविडे से केणट्ठेणं भंते एवं बुद्धइ-सरीरं गते सरीरं अनुपविडे गोयमा से जहानामए कूडागारसाला सिया दुहओ लिता गुत्ता गुत्तदुवारा निवाया निवायगंभीरा तीसे णं [कूडागारसालाए अदूरसामंते एत्थ णं महेगे जणसमूहे एगं महं अब्बवइलंगं वा वासवइलंगं वा महावायं वा एज्जमाणं पासति पासित्ता तं कूडागारसालं अंतो अनुपविसित्ता णं चिट्ठइ से तेणट्ठेणं गोयमा एवं बुद्धति-सरीरं गते सरीरं अनुपविडे, ईसाणेणं भंते देविदेणं देवरण्णा सा दिव्वा देविइदी दिव्वा देवजुती दिव्वे देवाणुभागे किण्णा लद्धे किण्णा पत्ते किण्णा अभिसमण्णागए के वा एस आसि पुव्वभवे किंतामए वा किंगोते वा कयरंसि वा गामंसि वा नगरंसि वा जाव सण्णि-वेसंसि वा किं वा दद्या किं वा भोद्धा किं वा किच्चा किं वा समायरित्ता कस्स वा तहास्सवस्स समणस्स वा माहणस्स वा अंतिए एगमवि आरियं धम्मिचं सुवयणं सोच्चा निसम्भं जं णं ईसा-णेणं देविदेणं देवरण्णा सा दिव्वा देविइदी दिव्वा देवजुती दिव्वे देवाणुभागे लद्धे पत्ते अभि-समण्णागए एवं खलु गोयमा तेणं कालेणं तेणं समएणं इहेव जंबुद्वीवे दीवे भारहे वासे तामलिती नामं नयरी होत्था-वण्णओ तत्थ णं तामलितीए नयरीए तामली नामं मोरियपुत्ते गाहावई होत्था-अइडे दित्ते जाव बहुजणस्स अपरिभूए यावि होत्था तए णं तस्स मोरिय-पुत्तस्स तामलिस्स गाहावइस्स अन्नया कयाइ पुव्वरत्तावरत्तकालसयंसि कुटुंबजागरियं जा-गरमाणस्स इमेयारूवे अज्झत्थिए चित्तिए पत्थिए मणोणए संकपे। समुण्णत्थिया-अत्थि ता मे पुरा पोरणाणं सुचिण्णाणं सुपरक्कंताणं सुभाणं कल्लाणाणं कडाणं कम्माणं कल्लाणफलवि-त्तिविसेसे जेणाहं हिरण्णेणं वइदामि सुवण्णेणं वइदामि धणेणं वइदामि धण्णेणं वइदामि पुत्तेहिं वइदामि पसूहिं वइदामि विपुलधण-कणग-रयण-मणि-मोत्तिय-संख-सिल-प्पवाल-रत्तरयण-संतसारसावएजेणं अतीवअतीव अभिवइदामि तं किं णं अहं पुरा पोरणाणं सुचि-ण्णाणं [सुपरक्कंताणं सुभाणं कल्लाणाणं] कडाणं कम्माणं एगंतसो खयं उवेहमाणे विहरामि तं जावतावं अहं हिरण्णेणं वइदामि जाव अतीवअतीव अभिवइदामि जावं च मे मित्त-नाति-नियग-सयण-संबंधि-परियणो आढाति परियाणाइ सक्कारेइ सम्माणेइ कल्लाणं मंगलं देवयं दिणएणं चेइयं पज्जुवासइ तावता मे सेयं कल्लं पाउप्पभयाए रयणीए जाव उट्ठियम्मि सूरे सहस्सरस्सिम्मि दिणयरे तेयसा जलंते सयमेव दारुमयं पडिग्गहणं करेत्ता विउलं असण-पाण-खाइम-साइमं उवक्खडावेत्ता मित्त-नाइ नियग-सयणं-संबंधि-परियणं आमंतेत्ता तं मित्त-नाइ-नियग-सयण-संबंधि-परियणं विउलेणं असण-पाण-खाइम-साइमेणं वत्थ-गंध मल्लालं-कारेणं य सक्कारेत्ता सम्माणेत्ता तस्सेव मित्त-नाइ-नियग-सयण-संबंधि-परियणस्स पुरओ जेडुपुत्तं कुटुंबे ठावेत्ता तं मित्त-नाइ-नियग-सयण-संबंधि-परियणं जेडुपुत्तं च आपु-च्छित्ता सयमेव दारुमयं पडिग्गहणं गहायं मुंडे भवित्ता पाणाभाए पव्वज्जाए पव्वइत्तए पव्व-इए वि य णं समाणं इमं एयारूवं अभिग्गहं अभिगिण्हिस्सामि-कप्पइ मे जावज्जीवाए छट्ठं-छट्ठेणं अनिक्खित्तेणं तवोकम्मेणं उइदं बाहाओ पणिज्झिय-पणिज्झिय सूरामिमुहस्स आया-वणभूमीए आयावेमाणस्स विहरित्तए छट्ठस्स वि य णं पारणयंसि आयावणभूमीओ पद्योरू-

भित्ता सयमेव दारुमयं पडिग्गहगं गहाय तामलितीए नयरीए उच्च-नीय-मज्झिमाइं कुलाइं घरसमुदाणस्स भिक्खायरियाए अडित्ता सुद्धोदणं पडिग्गाहेत्ता तं तिसत्तक्खुत्तो उदएणं पक्खालेत्ता तओ पक्खा आहारं आहारित्ति ए ति कट्ठु एवं संपेहेइ संपेहेत्ता कळं पाउप्पभायाए रय-णीए जाव उड्डियम्मि सूरु सहस्सरस्सिम्मि दिणयरे तेयसा जलंते सयमेव दारुमयं पडिग्गहगं करेइ कोत्ता विउलं असण-पाण-खाइम-साइमं उवक्खडावेइ उवक्खडावेत्ता ततो पक्खा ण्हाए कयवलिकम्मे कयकोउय-मंगल-पायच्छित्ते सुद्धप्पावेसाइं मंगल्लाइं वत्थाइं पवर परिहिए अप्पमहग्गधाभरणालंकियसरीरे भोयणवेत्ताए भोयणमंडवंसि सुहासण वरगए तेणं मित्त-नाइय - नियग - सयण - संबंधि-परिजणेणं सद्धि तं विउलं असण-पाण-खाइम-साइमं आसादेमाणे वीसादेमाणे परिभाएमाणे परिभुंजेमाणे विहरइ जिमियभुत्तुत्तरागए वि य णं समाणे आवंते चोक्खे परमसुइब्भूए तं मित्त नाइ-नियग-सयण-संबंधि-परियणं विउलेणं असण-पाण-खाइम-साइमेणं वत्थ-गंधमल्लालंकारेणं य सकूकरेइ सम्माणेइ तस्सेव मित्त-नाइ-नियग-सयण-संबंधि | परियणस्स पुरओ जेड्डपुत्तं कूडुंवे ठावेइ ठावेत्ता तं मित्त-नाइ-नियग-सयण-संबंधि-परियणं जेड्डपुत्तं च आपुच्छइ आपुच्छित्ता पुंडे भविता पाणामाए पव्व-ज्जाए पव्वइए पव्वइए वि य णं समाणे इमं एयारुवं अभिग्गहं अभिगिण्हइ-कप्पइ मे जावज्जीवाए छट्ठंछट्ठेणं जाव आहारित्ति ए ति कट्ठु इमं एयारुवं अभिग्गहं अभिगिण्हित्ता जावज्जीवाए छट्ठं-छट्ठेणं अनिक्खित्तेणं तवोकम्मेणं उड्ढं वाहाओ पगिज्झिय-पगिज्झिय सूरुभिमुहं आयावण-भूमीए आयावेमाणे विहरइ छट्ठस्स वि य णं पारणयंसि आयावणभूमीओ पच्चोरुभइ पच्चोरुभित्ता सयमेव दारुमयं पडिग्गहगं गहाय तामलितीए नयरीए उच्चनीय-मज्झिमाइं कुलाइं घरसमुदाणस्स भिक्खायरियाए अडइ अडित्ता सुद्धोदणं पडिग्गाहेइ पडिग्गाहेत्ता तिसत्तक्खुत्तो उदएणं पक्खालेइ पक्खालेत्ता तओ पक्खा आहारं आहारेइ से केणट्ठेणं भंते एवं वुच्चइ-पाणामा पव्वज्जा गोयमा पाणामाए णं पव्वज्जाए पव्वाइए समाणे जं जत्थं पासइ-इदं वा खंदं वा रुद्धं वा सिवं वा वेसमणं वा अज्जं वा कोइकिरियं वा रायं वा [ईसर वा तलवरं वा माडंबियं वा कोडुंबियं वा इव्वं वा सेट्ठिं वा सेणावइं वा] सत्थवाहंवा काकं वा साणं वा पाणं वा-उच्चं पासइ उच्चं पणामं करइ नीयं पासइ नीयं पणामं करेइ जं जहा पासइ तस्स तहा पणामं करेइ से तेणट्ठेणं गोयमा एवं वुच्चइ पाणामा पव्वज्जा तए णं से तामली मोरियपुत्ते तेणं ओरालेणं विपुलेणं पयत्तेणं पग्गहिएणं बालतवोकम्मेणं सुक्के लुक्खे [निम्मंसे अडि-चम्मावणद्धे किडिकिडियाभूए किसे] धमणिसंतए जाए यावि होत्था तए णं तस्स तामलिस्स बालतविस्स अप्णया कयाइ पुव्वरत्ता-वरत्तकालसमयंसि अणिच्चजागरियं जागरमाणस्स इमेयारुवे अज्झत्थिए [चित्तिए पत्थिए मणोगए संकप्पे] समुप्पज्झित्था-एवं खलु अहं इमेणं ओरालेणं विपुलेणं [पयत्तेणं पग्गहिएणं कल्लाणेणं सिदेणं धत्तेणं मंगल्लेणं सस्सिरीएणं] उदग्गेणं उदत्तेणं उत्तमेणं मल्लणुभागेणं तवोकम्मेणं सुक्के लुक्खे जाव धमणिसंतए जाए तं अत्थि जा मे उट्ठाणे कम्मे बले वीरिए पुरिसक्कार-परक्कमे तावता मे सेयं कळं पाउप्पभायाए रयणीए जाव उड्डियम्मि सूरु सहस्सरस्सिम्मि दिणयरे तेयसा जलंते तामलितीए नगरीए दिट्ठाभट्टे य पासंडत्थे य गिहत्थे य पुव्व-संगतिए य परियासंगतिए य आपुच्छित्ता तामलितीए नगरीए मज्झमज्झेणं निग्गच्छित्ता पादु-गकुंडिय-मादीयं उवगरणं दारुमयं च पडिग्गहगं एगंते एडित्ता तामलितीए नगरीए उत्तर-

पुरथिमे दिसिमाए नियत्तणिय-मंडलं आलिहिता संलेहणा झूसणा झूसियस्स भत्तापाण-
पडियाइक्खियस्स पाओवगयस्स कालं अणवकंखमाणस्स विहरितए ति कट्ठु एवं संपेहेइ संपे-
हेत्ता कल्लं पाउप्पभायाए रयणीए जाव उट्ठियम्मि सूरु सहस्सरस्मिन्नि दिणयरे तेयसा जलंते
[तामलितीए नगरीए दिट्ठाभट्टे य पासंडत्थे य गिहत्थे य पुब्बसंगतिए य परियायसंगतिए य
आपुच्छइ आपुच्छिता तामलितीए नयरीए मज्झमज्झेणं निग्गच्छइ निग्गच्छिता पादुग-
कुंडिय-मादीयं उवगरणं दारुमयं च पडिग्गहणं एगंते एडेइ एडेत्ता तामलितीए नगरीए उत्तर-
पुरथिमे दिसिमाए नियत्तणिय-मंडलं आलिहइ आलिहिता संलेहणा झूसणा झूसिए] भत्तापाण-
पडियाविकूखए पाओवगमणं निवत्ते १९३१-१३३

(१६१) तेणं कालेणं तेणं समएणं बलिचंचा रायहाणी अणिंदा अपुरोहिया या वि
होत्था तए णं ते बलिचंचारायहाणिवत्थव्वया बहवे असुरकुमारा देवा य देवीओ य तामलि
बालतवस्सि ओहिणा आमोएंति आमोएत्ता अण्णमण्णं सदावेतंति सदावेत्ता एवं वयासी-एवं
खलु देवाणुप्पिया बलिचंचा रायहाणी अणिंदा अपुरोहिया अन्हे य णं देवाणुप्पिया इंदाहीणा
इंदाहिट्ठिया इंदाहीणकज्जा अयं च णं देवाणुप्पिया तामली बालतवस्सी तामलितीए नगरीए
बहिया उत्तरपुरथिमे दिसिमागे नियत्तणिय-मंडलं आलिहिता संलेहणा झूसणा झूसिए भत्तापा-
णपडिया इक्खिए पाओवगमणं निवत्ते तं सेयं खलु देवाणुप्पिया अहं तामलि बालतवस्सि
बलि- चंचाए रायहाणीए ठितिपकणं पकरावेत्तए ति कट्ठु अण्णमण्णस्स अंतिए एयमट्ठु पडि-
सुणेति पडिसुणेत्ता बलिचंचाए रायहाणीए मज्झमज्झेणं निग्गच्छंति निग्गच्छिता जेणेव रुय-
णिंदे उप्पायपव्वए तेणेव उवागच्छंति उवागच्छिता वेउव्वियसमुग्धाएणं समोहणंति समो-
हणित्ता जाव उत्तरवेउव्वियाइं रुवाइं विकुव्वंति विकुव्वित्ता ताए उक्किट्ठाए तुरियाए चव-
लाए चंडाए जइणाए छेयाए सीहाए सिग्धाए उद्धयाए दिव्वाए देवगईए तिरियं असंखेज्जाणं
दीवसमुद्धानं मज्झमज्झेणं वीईवयमाणा-वीईवयमाणा जेणेव जंबुद्वीवे दीवे जेणेव भारहे वासे
जेणेव तामलिती नगरी जेणेव तामली मोरियपुत्ते तेणेव उवागच्छंति उवागच्छिता तामलिस्स
वाल- तवस्सिस्स उप्पि सपक्खि सपडिदिसि ठिच्चा दिव्वं देविइंदि दिव्वं देवज्जुतिं दिव्वं
देवाणुभागं दिव्वं बत्तीसतिविहं नट्ठविहिं उवदंसेति उवदंसेत्ता तामलि बालतवस्सि तिव्वुत्तो
आयाहिणं-पयाहिणं करेति कोत्ता वंदंति नमंसंति वंदित्ता नमंसित्ता एवं वयासी-एवं खलु
देवाणुप्पिया अन्हे बलिचंचारायहालीवत्थव्वया बहवे असुरकुमारा देवा य देवीओ य देवाणु-
प्पियं वंदामो नमंतामो सक्कारेमो सम्माणेमो कल्लणं मंगलं देवयं चेइयं पजुवासामो अम्हण्णं
देवाणुप्पिया बलियंचंचा रायहाणी अणिंदा अपुरोहिया अन्हे य णं देवाणुप्पिया इंदाहीणा इंदाहि-
ट्ठिया इंदाहीणकज्जा तं तुब्भे णं देवाणुप्पिया बलिचंचं रायहाणि आढाह परियाणह सुमरह अट्ठं
बंधह निदाणं पकरेह ठितिपकणं पकरेह तए णं तुब्भे कालमासे कालं किच्चा बलिचंचाए
रायहाणीए उववज्जिस्सह तए णं तुब्भे अहं इंदा तए णं से तामली बालतवस्सी तेहिं बलिच-
चारायहाणिवत्थव्वएहिं बहूहिं असुरकुमारेहिं देवेहिं देविहि य एवं वुत्ते समाणे एयमट्ठु नो
आढाइ नो परियाणेइं तुसिणीए संधि- इइ तए णं ते बलिचंचारायहाणिवत्थव्वया बहवे
असुरकुमारा देवा य देवीओ य तामलि मोरि- यपुत्तं दोच्चं पि तच्चं पि तिव्वुत्तो आयाहिण-
पयाहिणं करेति जाव अहं च णं देवाणुप्पिया बलिचंचा रायहाणी अणिंदा [अपुरोहिया अन्हे य

णं देवाणुप्पिया इंदाहीणा इंदाहिड्डिया इंदाहीणकज्जा तं तुब्बे णं देवाणुप्पिया बलिचंचं रायहाणि आदाह परियाणह सुमरह अट्ठं बंधए निदाणं पकरह ठितिकयं पकरह। जाव दोहं पि तच्चं पि एवं वुत्ते समाणे [एयमट्ठं नो आदाइ नो परियाणेइ] तुसिणीए संघिड्डइ तए णं ते बलिचंचाराय-हाणिवत्थव्वया बहवे असुरकुमारा देवा य देवीओ य तामलिणा बालतवस्सिणा अणादाइज्ज-माणा अपरियाणिज्जमाणा जामेव दिसिं पाउब्भूया तामेव दिसिं पडिगया। १३४।-१३४

(१६२) तेणं कालेणं तेणं समएणं ईसाणे कप्पे अणिदे अपुरोहिए या वि होत्था तए णं से तामली बालतवस्सी बहुपडिपुण्णाइं सट्ठिं वाससहस्साइं परिवागं पाउणित्ता दोमासियाए संले-हणाए अताणं झूसित्ता सवीसं भत्तासवं अणसणाए छेदित्ता कालकासे कालं किच्चा ईसाणे कप्पे ईसाणवडेंसए विमाणे उववायसमाए देवसयणिज्जंसि देवदूसंतरिए अंगुलस्स असंखेज्जभाग-मेत्तीए ओगाहणाए ईसाणदेविंदविरहियकालसमयंसि ईसाणदेविंदत्ताए उववण्णे तए णं से ईसाणे देविंदे देवराया अहुणोववण्णे पंचविहाए पज्जतीए पज्जतिभावं गच्छइ तं जहा-आहार-पज्जतीए जाव भासा-मणपज्जतीए तए णं ते बलिचंचारायहाणिवत्थव्वया बहवे असुरकुमारा देवा य देवीओ य तामलिं बालतवस्सिं कालगतं जाणित्ता ईसाणे य कप्पे देविंदत्ताए उववण्णं पासित्ता आसुरुत्ता रुद्धा कुविया चंडिक्रिकया मिसिमिसेमाणा बलिचंचाए रायहाणीए मज्झ-मज्झेणं निग्गच्छंति निग्गच्छित्ता ताए उक्किक्काए जाव जेणेव भारहे वासे जेणेव तामलित्ती नवरी जेणेव तामलिस्स बालतवस्सिस्स सरीरए तेणेव उवागच्छंति वामे पाए सुवेणं बंधंति तिक्खुतो मुहे निट्ठहंति तामलित्तीए नगरीए सिंथाडग-तिग-चउक्क-चच्चर-चउम्मुह-महा-पह-पहेसु आकइड-विकइड करेमाणा महुया-महुया सहेणं उग्घोसेमाणा-उग्घोसेमाणा एवं च-यासि-केस णं भौ से तामसी बालतवस्सी सयंगहिपलिंगे पाणामाए पव्वज्जाए पव्वइए केस णं से ईसाणे कप्पे ईसाणे देविंदे देवराया - ति कट्ठु तामलिस्स बालतवस्सिस्स सरीरयं हीलंति निदंति खिसंति गरहंति अवमण्णंति तज्जेति तालेंति परिवहेति पव्वहेति आकइड-विकइड करेति हीलेत्ता निदिता खिसित्ता गरहित्ता अवमण्णेत्ता तज्जेत्ता तालेत्ता परिवहेत्ता पव्वहेत्ता आकइड-विकइड करेत्ता एगंते एडंति एडित्ता जामेव दिसिं पाउब्भूया तामेव दिसिं पडिगया। १३५।-१३५

(१६३) तए णं ते ईसाणकप्पवासी बहवे येमाणिया देवा य देवीओ य बलिचंचारा-यहाणिवत्थव्वएहिं बहूहिं असुरकुमारेहिं देवेहिं देवीहि य तामलिस्स बालतवस्सिस्स सरीरयं हीलिज्जमाणं निदिज्जमाणं खिसिज्जमाणं गरहिज्जमाणं अवमण्णिज्जमाणं तज्जिज्जमाणं तालेज्ज-माणं परिवहिज्जमाणं पव्वहिज्जमाणं आकइड-विकइड कीरमाणं पासंति पासित्ता आसुरुत्ता जाव मिसिमिसेमाणा जेणेव ईसाणे देविंदे देवराया तेणेव उवागच्छंति उवागच्छित्ता करय-लपरिग्गहियं दसनहं सिरसावत्तं मत्थए अंजलिं कट्ठु जएणं विजाएणं बद्धावेति वद्धावेत्ता एवं वयासी-एवं खलु देवाणुप्पिया बलिचंचारायहाणिवत्थव्वया बहवे असुरकुमारा देवा य देवीओ य देवाणुप्पिए कालगए जाणित्ता ईसाणे य कप्पे इंदत्ताए उववण्णे पासेत्ता आसुरुत्ता जाव एगंते एडेंति एडेत्ता जामेव दिसिं पाउब्भूया तामेव दिसिं पडिगया तए णं ईसाणे देविंदे देवराया तेसिं ईसाणकप्पवासीणं बहूणं येमाणियाणं देवाणं य देवीण य अंतिए एयमट्ठं सोच्चा निसम्प आसुरुत्ते जाव मिसिमिसेमाणे तत्थेव सयणिज्जवरगए तिवलियं भिउडिं निडाले साहट्ठु बलिच-चारा- यहाणिं अहे सपक्खं सपडिदिसिं समभिलोएइ तए णं सा बलिचंचा रायहाणी ईसाणेणं

देविंदेणं देवरण्णा अहे सपक्खि सपडिदिसिं समभिलोइया सभाणी तेणं दिव्वयभावेणं
 इंगालम्भूया मुम्पुरम्भूया छारियम्भूया ततकवेल्लकम्भूया तसा समजोइम्भूया जाया यावि होत्या
 तए णं ते बलिचंचारायहाणिवत्थव्वया बहवे असुरकुमारा देवा य देवीओ य तं बलिचंचं
 रायहाणिं इंगा- लम्भूयं जाव समजोइम्भूयं पासंति पासित्ता भीआ तत्या तसिआ उव्विग्गा
 संजायभया सव्वओ समंता आघायेति परिघायेति आधारेवेत्ता परिधावेत्ता अण्णमण्णस्सं
 कायं समतुरंगेमाणा-समतुरंगेमाणा चिड्ढंति तए णं ते बलिचंचारायहाणिवत्थव्वया बहवे
 असुरकुमारा देवा य देवी- ओ य ईसाणं देविंदं देवरायं परिकुवियं जाणिता ईसाणस्स देविंदस्स
 देवरण्णो तं दिव्वं देविइंढ दिव्वं देवजुइं दिव्वं देवाणुभाणं दिव्वं तेयलेस्सं सव्वे सपक्खि
 सपडिदिसं द्विधा करयलपरिग्गहियं एवं वयासी-अहो णं देवाणुप्पिएहिं दिव्वा देविइंढी [दिव्वा
 देवजुइं देवाणुभावे लद्धे पत्ते] अभिसमण्णागए तं दिद्धा णं देवाणुप्पियाणं दिव्वा देविइंढी [दिव्वा
 देवजुइं दिव्वे देवाणुभावे] लद्धे पत्ते अभिसमण्णामाए तं खामेमो णं देवाणुप्पिया खमंतु णं
 देवाणुप्पिया खंतुपरिहंति णं देवाणुप्पिया नाइ भुज्जो एवं करणयाए ति कट्टु एयमट्ठं समं विणएणं
 भुज्जो-भुज्जो खामेति तए णं से ईसाणे देविंदे देवराया तेहिं बलिचंचारायहाणि- वत्थव्वएहिं बहूहिं
 असुरकुमारेहिं देवेहिं देवीहिं व एयमट्ठं जाव तेयलेस्सं पडिसाहरइ तप्प- भित्ति चणं गोयमा ते
 बलिचंचारायहाणिवत्थव्वया बहवे असुरकुमारा देवा य देवीओ य ईसाणं देविंदं देवरायं आढंति
 [परियाणंति सक्कारेति सम्माणेति कल्लणं मंगलं देवयं विणएणं चेइयं पज्जुवासंति ईसाणस्स य
 देविंदस्स देवरण्णो आणा-उववाय-वयण-निदेसे चिड्ढंति एवं खलु गोयमा ईसाणेणं देविंदेणं
 देरण्णा सा दिव्वा देविइंढी दिव्वा देवजुइं दिव्वे देवाणुभावे लद्धे पत्ते अभिसमण्णागए ईसाणस्स
 भंते देविंदस्स देवरण्णो केवतियं कालं ठिई पत्रत्ता गोयमा सातिरेगाइ दो सागरोवमाइ ठिई
 पत्रत्ता ईसाणे णं भंते देविंदे देवराया ताओ देवलोगाओ आउक्खएणं [भवक्खएणं ठिइक्खएणं
 अणंतरं चयं चइत्ता] कहिं गच्छिहिंति कहिं उववज्जिहिंति गोयमा महाविदिहे वासे सिज्झिहिंति
 [बुज्झिहिंति मुच्चिहिंति सव्वदुक्खणं] अंतं काहिंति ११३६।-१३६

(१६४) सक्कस्स णं भंते देविंदस्स देवरण्णो विमाणेहिंते ईसाणस्स देविंदस्स देव-
 रण्णो विमाणा ईसिं उच्चतरा चेव ईसिं उन्नयतरा चेव ईसाणस्स वा देविंदस्स देवरण्णो विमाणे-
 हिंते सक्कस्स देविंदस्स देवरण्णो विमाणा ईसिं नीयतरा चेव ईसिं निण्णतरा चेव हंता
 गोयमा सक्कस्स तं चेव सव्वं नेयव्वं से केणट्ठेणं भंते एवं बुद्धइ-गोयमा से जहानामए
 करयले सिया-देसे उच्चे देसे उन्नए देसे नीए देसे निण्णे से तेणट्ठेणं गोयमा सक्कस्स देविंदस्स
 देवरण्णो जाव ईसिं निण्णतरा चेव ११३७।-१३७

(१६५) पभू णं भंते सक्कं देविंदे देवराया ईसाणस्स देविंदस्स देवरण्णो अंतियं
 पाउव्ववित्तए हंता पभू से भंते किं आढामाणे पभू अणाढामाणे पभू गोयमा आढामाणे पभू नो
 अणाढामाणे पभू पभू णं भंते ईसाणे देविंदे देवराया सक्कस्स देविंदस्स देवरण्णो अंतियं
 पाउव्ववित्तए हंता पभू से भंते किं आढामाणे पभू अणाढामाणे पभू गोयमा आढामाणे वि पभू
 अणाढामाणे वि पभू पभू णं भंते सक्कं देविंदे देवराया ईसाणं देविंदं देवरायं सपक्खि सपडि-
 दिसिं समभिलोइत्ताए [हंता पभू से भंते किं आढामाणे पभू अणाढामाणे पभू गोयमा आढामाणे
 पभू नो अणाढामाणे पभू पभू णं भंते ईसाणे देविंदे देवराया सक्कं देविंदं देवरायं सपक्खि

सपडिदिसिं सभभिलोइतए हंता पभू से भंते किं आढामाणे पभू अणाढामाणे पभू गोयमा आढामाणे वि पभू अणाढामाणे वि पभू पभू णं भंते सक्के देविंदे देवराया ईसाणेण देविंदेण देवरणा सद्धिं आलावं वा संलावं वा करेतए हंता पभू से भंते किं आढामाणे पभू अणाढामाणे पभू गोयमा आढामाणे पभू नो अणाढामाणे पभू पभू णं भंते ईसाणे देविंदे देवराया सक्केण देविंदेण देवरणा सद्धिं आलावं वा संलावं वा करेतए हंता पभू से भंते किं आढामाणे पभू अणाढामाणे पभू गोयमा आढामाणे वि पभू अणाढामाणे वि पभू अत्थि णं भंते तेसिं सक्कीसाणाणं देविंदाणं देवराईणं किच्चाइं करणिज्जाइं समुप्पज्जंति हंता अत्थि से कहमिदाणि पकरेति गोयमा ताहे चैव णं से सक्के देविंदे देवराया ईसाणस्स देविंदस्स देवरणो अंतियं पाउब्भवति ईसाणे वा देविंदे देवराया सक्कस्स देविंदस्स देवरणो अंतियं पाउब्भवति इति भो सक्का देविंदा देवराया दाहिणइढ्लोगाहिबई इति भो ईसाणा देविंदा देवराया उत्तरइढ्लोगाहिबई इति भो इति भो ति ते अण्णमण्णस्स किच्चाइं करणिज्जाइं पच्चणुब्भवमाणा विहरंति १३८१-१३८८

(१६६) अत्थि णं भंते तेसिं सक्कीसाणाणं देविंदाणं देवराईणं विवादा समुप्पज्जंति हंता अत्थि से कहमिदाणि पकरेति गोयमा ताहे चैव णं ते सक्कीसाणा देविंदा देवरायाणो सणकुमारं देविंदं देवरायं मणसीकरेति तए णं से सणकुमारे देविंदे देवराया तेहिं सक्कीसाणेहिं देविंदेहिं देवराईहिं मणसीकए सपाणे खिप्पामेव सक्कीसाणाणं देविंदाणं देवराईणं अंतियं पाउब्भवति जं से वदइ तस्स आणा-उववाय-वयण-निहेसे चिट्ठंति १३९१-१३९७

(१६७) सणकुमारे णं भंते देविंदे देवराया किं भवसिद्धिए अभवसिद्धिए [सम्महिट्ठी मिच्छदिट्ठी परित्तसंसारिए अनंतसंसारिए सुलभबोहिए दुल्लभबोहिए आराहए विराहए चरिमे अचरिमे] गोयमा सणकुमारे णं देविंदे देवराया भवसिद्धए नो अभवसिद्धिए सम्महिट्ठी नो मिच्छदिट्ठी परित्तसंसारिए नो अनंतसंसारिए सुलभबोहिए नो दुल्लभबोहिए आराहए नो विराहए चरिमे नो अचरिमे से केणट्ठेणं भंते गोयमा सणकुमारे णं देविंदे देवराया बहूणं समणाणं बहूणं समणीणं बहूणं सावयाणं बहूणं सावियाणं हियकामए सुहकामए पत्थकामए आपु-कंपिए निस्सेवसिए हिय-सुह निस्सेसकामए से तेणट्ठेणं गोयमा सणकुमारे णं देविंदे देवराया भवसिद्धिए नो अभवसिद्धिए सम्महिट्ठी नो मिच्छदिट्ठी परित्तसंसारिए नो अनंतसंसारिए सुलभबोहिए नो दुल्लभबोहिए आराहए नो विराहए चरिमे नो अचरिमे सणकुमारस्स णं भंते देविंदस्स देवरणो केवइयं कालं ठिती पत्रत्ता गोयमा सत्त सागरोवमाणि ठिती पत्रत्ता से णं भंते ताओ देवलोगाओ आउक्खाएणं भवक्खाएणं ठिइक्खाएणं अनंतरं चयं चइत्ता कहिं गच्छिहिइ कहिं उववज्जिहिइ गोयमा महाविदेहे वासे सिज्झिहिति बुज्झिहिति मुच्चिहिति परिनिव्वाहिति सज्जदुक्खाणं] अंतं कोहिति सेवं भंते सेवं भंते १४०१-१४०८

(१६८) छड्डुमपासो अड्डमासो वासाइं अड्ड छम्मासो

तीसग-कुरुदत्ताणं तव-भतपरिण्ण-परियाओ

॥२४॥-२४

(१६९) उच्चत विमाणाणं पाउब्भव पेच्छणा य संलावे

किच्च विवादुप्पत्ती सणकुमारे य भवियत्तं

॥२५॥-२५

● तइए सते पदपो जेहेसो सप्तो ●

—: बी ओ—उ हे सो :—

(१७०) तेणं कालेणं तेणं समएणं रायगिहे नामं नगरे होत्था जाव परिसा पजुवासइ

तेणं कालेणं तेणं समएणं चमरे असुरिदे असुरराया चमरचंचाए रायहाणीए सभाए सुहम्माए चमरंसि सीहासणंसि चउसट्ठीए सामाणियसाहसहिं जाव नहुविहिं उवदंसेत्ता जामेव दिसिं पाउब्भूए तामेव दिसिं पडिगए भंतेति भगवं गोयमे समणं भगवं महायीरं बंदइ नमंसइ वंदित्ता नमंसित्ता एवं वयासी-अत्थि णं भंते इमीसे रयणप्पभाए पुढवीए अहे असुरकुमारा देवा परिवसंति गोयमा नो इण्ढे समट्ठे एवं जाव अहेसत्तमाए पुढवीए सोहम्मस्स कप्पस्स अहे जाव अत्थि णं भंते ईसिप्पव्भाराए पुढवीए अहे असुरकुमारा देवा परिवसंति नो इण्ढे समट्ठे से कहिं खाइ णं भंते असुरकुमारा देवा परिवसंति गोयमा इमीसे रयणप्पभाए पुढवीए असीतुत्तरजोय-णसयसहस्सावाहल्लाए एवं असुरकुमारेववत्तव्वया जाव दिव्वाइ भोग-भोगाई भुंजमाणा विहरंति अत्थि णं भंते असुरकुमाराणं देवाणं अहे गतिविसए हंता अत्थि केवतियण्णं भंते असुर-कुमाराणं देवाणं अहे गतिविसए पत्रते गोयमा जाव अहेसत्तमाए पुढवीए तच्चं पुणं पुढविं गया य गमिस्संति य किंपतियण्णं भंते असुरकुमारा देवा तच्चं पुढविं गया य गमिस्संति य गोयमा पुव्व-वेरियस्स वा वेदणउदरीणयाए पुव्वसंगतियस्स वा वेदणउवसामणयाए-एवं खलु असुरकुमारा देवा तच्चं पुढविं गया य गमिस्संति य अत्थि णं भंते असुर-कुमाराणं देवाणं तिरियं गतिविसए पत्रते हंता अत्थि केवतियण्णं भंते असुरकुमाराणं देवाणं तिरियं गतिविसए पत्रते गोयमा जाव असंखेज्जा दीव-समुद्दा नंदिस्सरवरं पुण दीवं गया य गमिस्संति य किंपतियण्णं भंते असुरकुमारा देवा नंदिस्सरवरं दीवं गया य गमिस्संति य गोयमा जे इमे अरहंता भगवंतो एसि णं जम्भण-महेसु वा निक्खमणमहेसु वा नाणुप्पयमहिमासु वा परिनिव्वाणमहिमासु वा-एवं खलु असुर-कुमारा देवा नंदिस्सरवरं दीवं गया य गमिस्संति य अत्थि णं भंते असुरकुमाराणं देवाणं उड्डं गतिविसए हंता अत्थि केवतियण्णं भंते असुर-कुमाराणं देवाणं उड्डं गतिविसए गोयमा जाव अद्युतो कप्पो सोहम्मं पुण कप्पं गया य गमिस्- संति य किंपतियण्णं भंते असुरकुमारा देवा सोहम्मं कप्पं गया य गमिस्संति य गोयमा तेसि णं देवाणं भवपच्चइए वेराणुबंधे ते णं देवा विकुव्वेमाणा परियारेमाणा वा आयरक्खे देवे वित्तासेंति अहालहुसगाई रयणाई गहाय आया एगंतमंतं अव-क्कमंति अत्थि णं भंते तेसि देवाणं अहाल- हुसगाई रयणाई हंता अत्थि से कहमिदाणिं पकरेति तओ से पच्छा कायं पव्वहंति पभू णं भंते असुरकुमारा देवा तत्थ गया चेव समाणा ताहिं अच्छ-राहिं सद्धि दिव्वाइ भोगभोगाई भुंजमाणा विहरित्ते नो इण्ढे समट्ठे ते णं ततो पडिनियत्तंति ततो पडिनियत्तित्ता इहमागच्छंति जइ णं ताओ अच्छराओ आढायंति परियाणंति पभू णं ते असुरकुमारा देवा ताहिं अच्छराहिं सद्धि दिव्वाइ भोगभोगाई भुंजमाणा विहरित्ते अह णं ताओ अच्छराओ नो आढंति नो परियाणंति नो णं पभू ते असुरकुमारा देवा ताहिं अच्छराहिं सद्धि दिव्वाइ भोगभोगाई भुंजमाणा विहरित्ते एवं खलु गोयमा असुकुमारा देवा सोहम्मं कप्पं गया य गमिस्संति य १९११-१४१

(१७१) केवइकालस्स णं भंते असुकुमारा देवा उड्डं उप्पयंति जाव सोहम्मं कप्पं गया य गमिस्संति य गोयमा अनंताहिं ओसप्पिणीहिं अनंताहिउस्सप्पिणीहिं समतिककंताहिं अत्थि णं एस भावे लोयच्छेरयभूए समुप्पज्जइ जं णं असुरकुमारा देवा उड्डं उप्पयंति जाव सोहम्मो कप्पो, किं निस्साए णं भंते असुरकुमारा देवा उड्डं उप्पयंति जाव सोहम्मो कप्पो गोयमा सेजहानामे इहं सबरा इ वा बच्चरा इ वा टंकणा इ वा चुचुया इ वा पल्ला इ वा पुलिदा इ वा एगं महं रण्णं वा गहं वा

दुग्गं वा दरिं वा विसमं वा पव्वयं वा नीसाए सुमहल्लमवि आसवलं वा हत्थिबलं वा जोहबलं वा धणुबलं वा आगल्लेति एवामेव असुरकुमारा वि देवा नन्नत्थ अरहंते वा अरहंतचेतियाणि वा अनगारे वा भाविअप्पणो निस्साएओ उड्ढं उप्पयंति जाव सोहम्मो कप्पो सव्वे वि णं भंते असुरकुमारा देवा उड्ढं उप्पयंति जाव सोहम्मो कप्पो गोयमा नो इण्ढे सम्ढे महिड्ढिया णं असुरकुमारा देवा उड्ढं उप्पयंति जाव सोहम्मो कप्पो एस वि य णं भंते चमरे असुरिदे असुराया उड्ढं उप्पइयपुव्वे जाव सोहम्मो कप्पो हंता गोयमा एस वि य णं चमरे असुरिदे असुराया उड्ढं उप्पइयपुव्वे जाव सोहम्मो कप्पो अहो णं भंते चमरे असुरिदे असुराया महिड्ढीए महज्जुईए जाव महाणुभागे चमारस्स णं भंते सा दिव्वा देविड्ढी दिव्वा देवज्जुती दिव्वे देवाणुभागे कहिं गते कहिं अणुपविट्ठे कूडागारसालादिट्ठंतो भाणियव्वो ॥१४२॥-१४२

(१७२) चमरेणं भंते असुरिदेणं असुररणा सा दिव्वा देविड्ढी [दिव्वा देवज्जुती दिव्वे देवाणुभागे] किण्णा लद्धे पत्ते अभिसमण्णमए एवं खलु गोयमा तेणं कालेणं तेण समएणं इहेव जंबूदीवे दीवे भारहे वासे विज्जगिरिपा यमूले बेभेले नामं सण्णिवेसे होत्था वण्णओ तत्थ णं वेभेले सण्णिवेसे पूरणे नामं गाहावई परियसइ-अड्ढे दित्ते जाव बहुजणस्स अपरिभूए या वि होत्था तए णं तस्स पूरणस्स गाहावइस्स अण्णया कयाइ पुव्वरत्तावरत्तकालसमयंसि कुटुंब-जागरियं जागरमाणस्स इमेयारूवे अज्जत्थिए चित्थिए पत्थिए मणोगए संकपपे समुप्पज्जित्था-अत्थि ता मे पुरा पोरणाणं सुचिण्णाणं सुपरक्कंताणं सुभाणं कल्लणाणं कडाणं कम्माणं कल्लणफलवित्तिविसेसे जेणाहं हिरण्णेणं वड्ढामि सुवण्णेणं वड्ढामि धणेणं वड्ढामि धण्णेणं वड्ढामि पुत्तेहिं वड्ढामि पसूहिं वड्ढामि विपुलधण-कणग-रयण-मणि-मोत्तिय-संख-सिलप्पवाल-रत्तरयण-संतसारसावएज्जेणं अतीव-अतीव अभिवड्ढामि तं किं णं अहं पुरा पोरणाणं सुचिण्णाणं जाव कडाणं कम्माणं एगंतसो खयं उदेहमाणे विहरामि

तं जावताव अहं हिरण्णेणं वड्ढामि जाव अतीव-अतीव अभिवड्ढामि जावं च मे मित्त-नाति-नियग-सयण-संबंधि-परियणो आदाति परियाणाइ सक्कारेइ सम्माणेइ कल्लणं मंगलं देवयं विणएणं चेइयं पज्जुवासइ तावता मे सेयं कल्लं पाउप्पभायाए रयणीए जाव उड्ढियम्मि सूरु सहस्सरस्मिम्हि दिणयरे तेयसा जलंते सयमेव चउप्पुडयं दारुमयं पडिगहगं करेत्ता विउलं असण-पाण-खाइम-साइमंडवक्खडावेत्ता मित्त-नाइ-नियग-सयण-संबंधि-परियणं आमंतेत्ता तं मित्त-नाइ-नियग-सयण-संबंधि-परियणं विउलेणं असण-पाण-खाइम-साइमेणं वत्थ-गंध-मल्लालंकारेणं य सक्कारेत्ता सम्माणेत्ता तस्सेव मित्त-नाइ-नियग-सयण-संबंधि-परियणस्स पुरओ जेड्डुपुत्तं कुटुंबे ठावेत्ता तं मित्त-नाइ-नियग-सयण-संबंधि-परियणं जेड्डुपुत्तं च आपु-च्छित्ता सयमेव चउप्पुडयं दारुमयं पडिगहगं गहाय मुंडे भविता दाणामाए पव्वज्जाए पव्वइत्तए पव्वइए वि य णं समाणे [इमं एयारूवं अभिग्गहं अभिगिण्हिस्सामि-कप्पइ मे जावज्जीवाए छट्ठंछट्ठेणं अणिक्खित्तेणं तवोकम्मेणं उड्ढं बाहाओ पगिज्झिय-पगिज्झिय सुराभिमुहस्स आयावणभूमीए आयावेमाणस्स विहरित्ताए छट्ठस्स वि य णं पारणंसि] आयावणभूमीओ पच्चो-रुभित्ता सयमेव चउप्पुडयं दारुमयं पडिगहगं गहाय बेभेले सण्णिवेसे उच्च-नीय-मज्झिमाइ कुलाइ घरसमुदाणस्स भिक्खवारिययाए अडित्ता जं मे पढमे पुडए पडइ कप्पइ मे तं पंथे पहि-याणं दलइत्तए जं मे दोछे पुडए पडइ कप्पइ मे तं काग-सुणयाणं दलइत्तए जं मे तच्चे पुडए

पडइ कप्पइ मे तं मच्छ-कच्छभाणं दलइत्तए जं मे चउत्थे पुडए पडइ कप्पइ मे तं अप्पणा आहारं आहारेत्तए-त्ति कट्ठु एवं संपेहेइ संपेहेत्ता कल्लं पाउप्पभायाए रयणीए तं चेव निरवसेसं जाव जं से चउत्थे पुडए पडइ तं अप्पणा आहारं आहारेइ

तए णं से पूरणे बालतवस्सी तेणं ओरालेणं विउलेणं पयत्तेणं पग्गहिएणं बालतवो-
कम्मेणं [सुकूके लुक्खे निम्मंसे अट्ठिचम्मावणहे किडिकिडियाभूए किसे धमणिसंतए जाए
याचि होत्था तए णं तस्स पूरणस्स बालतवस्सिस्स अप्पणाया कयाइ पुच्चरत्तावरत्तकाल-
समयंसि अणिच्चाजागरियं जागरमाणस्स इमेयारूवे अज्झत्थिए चित्तिए पत्थिए मणोगए
संकप्पे समुपज्झित्या-एवं खलु अहं इमेणं ओरालेणं विपुलेणं पयत्तेणं पग्गहिएणं कल्लाणेणं
सियेणं धत्तेणं मंगात्तेणं सत्सिरीएण उदग्गेणं उदत्तेणं उत्तमेणं महाणुभागेणं तवोकम्मेणं सुकूके
लुक्खे जाव धमणिसंतए जाए तं अत्थि जा मे उट्ठाणे कम्मे बले धीरिए पुरिसक्कार-परक्कमे
तावता मे सेयं कल्लं पाउप्पभायाए रयणीए जाव उट्ठियम्मि सूरु सहस्सरस्सिम्मि दिणायरे तेयसा
जलंते बेभेलस्स] सण्णिवेसस्स दिट्ठाभट्ठे य पासंडत्थे य गिहत्थे य पुच्चसंगतिए य परियाय-
संगतिए य आपुच्छिता बेभेलस्स सण्णिवेसस्स मज्झमज्झेणं निग्गतच्छिता पाडुग-कुंडियमा-
दीयं उवगरणं चउप्पुडयं दारुमयं च पडिग्गहणं एगंते एडित्ता बेभेलस्स सण्णिवेसस्स दाहिण-
पुरत्थिमे दिसीभागे अट्ठनियत्तणिय मंडलं आलिहत्ता संलेहणा-झूसणा-झूसियस्स भत्तपाण-
पडियाइक्खियस्स पाओवगयस्स कालं अणवकंखमाणस्स विहरित्ते त्ति कट्ठु एवं संपेहेइ संपे-
हेत्ता कल्लं पाउप्पभायाए रयणीए जाव उट्ठियम्मि सूरु सहस्सरस्सिम्मि दिणायरे तेयसा जलंते
बेभेले सण्णिवेसे दिट्ठाभट्ठे य पासंडत्थे य गिहत्थे य पुच्चसंगतिए य परियायसंगतिए य आपुच्छइ
आपुच्छिता बेभेलस्स सण्णिवेसस्स मज्झमज्झेणं निग्गच्छइ निग्गच्छिता पाडुग-कुंडियमादीयं
उवगरणं दारुमयं च पडिग्गहणं एगंते एडेइ एडेत्ता बेभेलस्स सण्णिवेसस्स दाहिण- पुरत्थिमे
दिसीभागे अट्ठनियत्तणिय मंडलं आलिहत्ता संलेहणा-झूसणाझूसिए भत्तपाणपडियाइक्खिए
पाओवगमणं निवण्णे तेणं कालेणं तेणं समएणं अहं गोयमा छउमत्थकालियाए एककारसवा-
सपरियाए छट्ठछट्ठेणं अणिक्खित्तेणं तवोकम्मेणं संजमेणं तवसा अप्पणां भावेमाणे पुब्बाणु-
पुत्थिं चरमाणे गामाणुगामं दूइजमाणे जेणेव सुंसुमारपुरे नगरे जेणेवअसोय संडे उज्जाणे जेणेव
असोयवरपायवे जेणेव पुढवीसिलावट्ठए तेणेव उवागच्छामि उवागच्छित्ता असोयवरपाय-
वस्स हेट्ठा पुढवीसिलावट्ठयंसि अट्ठमभत्तं पणिण्हामि दो वि पाए साहट्ठु दग्गारियपाणी एग-
पोग्गलनिविट्ठिदिट्ठी अणिमिसणयणे ईसिपट्ठमारगएणं काएणं अहापणिहिएहिं गतेहिं सत्त्वि-
दिएहिं गुत्तेहिं एगराइयं महापडिमं उवसंपज्जेत्ता णं विहरामि

तेणं कालेणं तेणं समएणं चमरचंचा रायहाणी अणिंदा अपुरोहिया या वि होत्था तए णं से
पूरणे बालतवस्सी बहुपडिपूणाइ दुवालसवासाइं परियागं पाउणित्ता मासियाए संलेहणाए
अत्ताणं झूसेत्ता सट्ठि भत्ताइं अणसणाए छेदेत्ता कालमासे कालं किच्चा चमरचंचाए रायहाणीए
उववायसमाए जाव इंदत्ताए उववण्णे तए णं से चमरे असुरिदे असुरराया अहुणोववण्णे
पंचविहाए पज्जतीए पज्जति भावं गच्छइ तं जहा-आहारपज्जतीए जाव भास-मणपज्जतीए तए
णं से चमरे असुरिदे असुरराया पंचविहाए पज्जतीए पज्जतिभावं गए समाणे उड्ढं वीससाए
ओहिणा आपोएइ जाव सोहम्मो कप्पो पासइ य तत्थ सकूकं देविदं देवरायं मघवं पाकसासणं

सयक्कतुं सहस्सकखं वज्रपाणिं पुंदरं [दाहिणइड्ढलोगाहिवइ बत्तीसविमाणसयसहस्सा-
हिवइ एराचणवाहणं सुरिंदं अरयंबरवत्थधरं आलइय- मालमउडं नव-हेम-चारुचित्त-चंचल-
कुंडल-विलिहिज्ज माणगंडं भासुरबोदि पलंबवणमालं दिव्वेणं वण्णेणं जाव] दस दिसाओ
उज्जोवेमाणं पभासेमाणं सोहम्मे कप्पे सोहम्मवडेंसए विमाणो सभाए सुहम्माए सक्कंसि
सीहासणंसि जाव दिव्वाइं भोगभोगाइं भुंजमाणं पासइ पासिता इमेयारूवे अज्झत्थिए चित्तिए
पत्थिए मणोगए संकप्पे समुप्पज्जित्था-केस णं एस अपत्थियपत्थए दुरंतपंतलक्खणे हिरिसि-
रिपरिवज्जिए हीणपुण्णचाउद्दसे जं णं ममं इमाए एयारूवाए दिव्वाए देविइडीए दिव्वाए देवज्जु-
तीए दिव्वे देवाणुभावे लद्धे पत्ते अभिसमण्णागए उप्पि अप्पुलस्सुए दिव्वाइं भोगभोगाइं भुंज-
माणे विहरइ-एवं संपेहेइ संपेहेत्ता सामाणियपरिसोववण्णाए देवे सद्दावेइ सद्दावेत्ता एवं वयासी-
केस णं एस देवाणुप्पिया अपत्थियपत्थए जाव दिव्वाइं भोगभोगाइं भुंजमाणे विहरइ तए णं ते
सामाणियपरिसोववण्णा देवा चमरेणं असुरिंदेणं असुररणा एव वुत्ता समाणा हट्ठतुट्ठ [चित्त-
माणंदिया नंदिया पीइमणा परमसोमणस्सिया हरिसवसविसम्पमाणा] हियया करयलपरिग्ग-
हियं दसनहं सिरसावत्तं मत्थए अंजलिं कट्ठ जएणं विजएणं वद्धावेत्ति वद्धावेत्ता एवं वयासी-
एस णं देवाणुप्पिया सक्के देविंदे देवराया जाव दिव्वाइं भोगभोगाइं भुंजमाणे विहरइ तए णं
से चमरे असुरिंदे असुरराया तेसिं सामाणियपरिसोववण्णाणं देवाणं अंतिए एयमट्ठं सोच्चा
निसम्मं आसुरुत्ते रुद्धे कुविए घंडिकिकए मिसिमिसेमाणे ते सामाणियपरिसोववण्णा देवे
एवं वयासी-अण्णे खलु भो से सक्के देविंदे देवराया अण्णे खलु भो से चमरे असुरिंदे असुर-
राया महिइडीए खलु भो से सक्के देविंदे देवराया अप्पिइडीए खलु भो से चमरे असुरिंदे
असुरराया तं इच्छामि णं देवाणुप्पिया सक्कं देविंदं देवरायं सयमेव अच्चासाइत्तए ति कट्ठ
उसिणे उसिणम्भूए जाए यावि होत्था

तए णं से चमरे असुरिंदे असुरराया ओहिं पउजइ पउजित्ता ममं ओहिणा आभोएइ
आभोएत्ता इमेयारूवे अज्झत्थिए [चित्तिए पत्थिए मणोगए संकप्पे] समुप्पज्जित्था-एवं खलु
समणे भगवं महावीरे जंबुदीवे दीवे भारहे वासे सुंसुमारपुरे नगरे असोयसंडे उज्जाणे असोय-
वरपायवस्स अहे पुढविसिलावट्ठयंसि अट्ठमभत्तं पणिज्जित्ता एगराइयं महापडिमं उवसंपज्जि-
त्ता णं विहरत्ति तं सेयं खलु मे समणं भगवं महावीरं नीसाए सक्क देविंदं देवरायं सयमेव
अच्चासाइत्तए ति कट्ठ एवं संपेहेइ संपेहेत्ता सयणिज्जाओ अब्भुट्ठेइ अब्भुट्ठेत्ता देवदूसं परिहेइ
परिहेत्ता जणेण सभा सुहम्मा जेणेव चोप्पाले पहरणकोसे तेणेव उवागच्छइ उवागच्छित्ता
फलहरयणं पराभुसइ एगे अबीए फलिहरयणमायाए महया अमरिसं बहमाणे चमरचंचाए
रायहाणीए मज्झमज्जेणं निग्गच्छइ निग्गच्छित्ता जेणेव तिगिंछिकूडे उपायपव्वए तेणेव उवा-
गच्छइ उवागच्छित्ता वेउब्बियसमुग्धाएणं समोहण्णइ समोहणित्ता जाव उत्तरवे- उब्बियं रूवं
विकुवद्ध विकुब्बित्ता ताए उक्किक्कए तुरियाए चवलाए चंडाए जइणाए छेयाए सीहाए
सिग्धाए उट्ठयाए दिव्वाए देवगईए तिरियं असंखेज्जाणं दीव-समुद्धानं मज्झमज्जेणं वीइ-
वयमाणे-वीइवयमाणे जेणेव जंबुदीवे दीवे जेणेव भारहे वासे जेणेव सुंसुमारपुरे नगरे जेणेव
असोयसंडे उज्जाणे जेणेव असोयवरपायवे जेणेव पुढविसिलावट्ठए जेणेव ममं अंतिए तेणेव
उवागच्छइ उवागच्छित्ता ममं तिक्खुत्तो आयाहिणं-पयाहिणं करेइ करेत्ता वंदइ नमंसइ

वदिता नमसिन्ता एवं वयासी-

इच्छामि णं भंते तुष्मं नीसए सकूकं देविदं देवरायं सयमेव अन्नसायइत्ताए ति कट्टु उत्तरपुरत्थिमं दिसीभागं अवकूकमेइ अवकूकमेत्ता वेउज्वियस- मुग्धाएणं समोहण्णइ एणं महं घोरं धोरागारं भीमं भीमागारं भासुरं भयाणीयं गंभीरं उतासणयं कालइदरत्त-मासरासि-संकासं जोयणसयसाहस्सीयं महावीदि विउज्वइ विउज्वित्ता अफोडेइ वग्गइ गज्जइ हयहे-सियं करेइ हत्थि गुलगुलाइयं करेइ रहघणघणाइयं करेइ पायदहरं करेइ भूमिववेडयं दलयइ सीहनानं नदइ उच्छोलेइ पच्छोलेइ तिवतिं छिंदइ यामं भुयं ऊसवेइ दाहिण- हत्थपदेसिणीए अंगुठुनहेण य वित्तिरेच्छं मुहं विडंवेइ महया-महया सदेणं कलकलरवं करेइ एगे अवीए फलिहरयणमायाए उड्ढं बेहासं उण्यइए-खोभंते चेव अहेलौयं कंपेमाणे व मेइणीतलं साक-इदंते व तिरियलौयं फोडेमाणे व अंबरतलं कत्थइ गज्जंते कत्थइ विज्जुपायंते कत्थइ वासं वासमाणे कत्थइ रयुग्धायं पकरेमाणे कत्थइ तमुक्कायं पकरेमाणे वाणमंतरे देवे वित्तासे-माणे-वित्तासेमाणे जोइसिए देवे दुहा विभयमाणे-विभयमाणे आयरक्खे देवे विपलायमाणे-विपलायमाणे फलिहरयणं अंबरतलंसि वियट्टमाणे-वियट्टमाणे विउब्बाएमाणे विउब्बाएमाणे ताए उक्किक्काए [तुरियाए चवलाए चंडाए जइणाए छेयाए सीहाए सिग्धाए उट्टयाए दिब्बाए देवगईए] तिरियमसंखेज्जाणं दीव-समुद्धानं मज्झंमज्झेणं वीईवयमाणे-वीईवयमाणे जेणेव सोहम्मे कप्पे जेणेव सोहम्मवडेंसए विमाणे जेणेव सभा सुहम्मा तेणेव उवागच्छइ एणं पायं पउमवरवेइयाए करेइ एणं पायं सप्पाए सुहम्माए करेइ फलिहरयणेणं महया-महया सदेणं तिव्वुत्तो इंदकीलं आउडेइ आउडेत्ते एवं वयासी-कहि णं भो सकूके देविदे देवराया कहि णं ताओ चउरासीइसामाणियसाहस्सीओ [कहि णं ते तायत्तीसयतावत्तीसगा कहि णं ते चत्तारि लोगापाला कहि णं ताओ अट्ठ अण्णमहिस्सीओ सपरिवाराओ कहि णं ताओ तिण्णि परिसाओ कहि णं ते सत्त अणिया कहि णं ते सत्त अणियाहिवई] कहि णं ताओ चत्तारि चउरासीईओ आयरक्खदेवसाहस्सीओ कहि णं ताओ अणेगाओ अच्छराकोडीओ अज्ज हणामि अज्ज महेमि अज्ज वहेमि अज्ज ममं अवसाओ अच्छराओ वसमुवणमंतु ति कट्टु तं अणिइं अकंतं अप्पियं असुभं अमणुण्णं अमणामं फरुसं गिरं निसिरइ

तए णं से सकूके देविदे देवराया तं अणिइं [अकंतं अप्पियं असुभं अमणुण्णं] अमणामं अस्सुयपुव्वं फरुसं गिरं सोच्चा निसम्मं आसुरुते रुट्ठे कुविए चंडिकिए मिसिमिसेमाणे तिव-लियं भिउडिं निडाले साहट्टु चमरं असुरिदं असुररायं एवं वदासि-हं भो चमरा असुरिदा असुर-राया अपत्थियपत्थया [दुरंतपंतलकखणा हिरिसिरिपरिवज्जिया] हीणपुण्ण चाउइसा अज्ज न भवसि नाहि ते सुहमत्थीति कट्टु तत्थेव सीहासणवरगए वज्जं परामुसइ परामुसित्ता तं जलंतं तड-तडंतं उक्कासहस्साई विणिम्भयमाणं-विणिम्भयमाणं जालासहस्साई पमुंचमाणं-पमुंचमाणं इंगालसहस्साई पविक्खिरमाणं-पविक्खिरमाणं फुलिंगजालामालासहस्सेहिं चक्खुविवक्खे वदिट्ठिपेडिधातं पि पकरेमाणं हुयवहअइरेगतेयदिपंतं जइणदेगं फुल्लिंसुयसमाणं महब्भयं भयंकरं चमरस्स असुरिदस्स असुरण्णो वहाए वज्जं निसिरइ तए णं से चमरे असुरिदे असुरराया तं जलंतं जाव भयंकरं यज्जमभिमुहं आवयमाणं पासइ पासित्ता झियाइ पिहाइ पिहाइ झियाइ झियायित्ता पिहाइत्ता तहेव संभग्गमउडविडवे सालंबहत्थाभरणे उड्ढपाए अहोसिरे कक्खाग-

सेयं पिव विणिम्बुयमाणे-विणिम्बुयमाणे ताए उक्किङ्गाए जाव तिरियमसंखेज्जाणं दीव-समु-
द्धानं मज्झमज्झेणं वीईवयमाणे-वीईवयमाणे जेणेव जंबुदीवे दीवे जाव जेणेव असोगवरपायवे
जेणेव ममं अंतिए तेणेव उवागच्छइ उवागच्छिता भीए भयगंगरसरे भगवं सरणं इति दुयमाणे
ममं दोण्ह वि पायणं अंतरंसि ज्ञप्ति वेगेणं समोवडिए १९४३-१४३

(१७३) ताए णं तस्स सक्कस्स देविदस्स देवरण्णो इमेयारूवे अज्झत्थिए चित्तिए पत्थिए
मणोगए संकप्पे समुपज्झित्था-नो खलु पभू चमरे असुरिंदअसुरराया नो खलु समत्थे चमरे
असुरिंदे असुरराया नो खलु विसए चमरस्स असुरिंदस्स असुररण्णो अपण्णो निस्साए उड्ढं
उप्पइत्ता जाव सोहम्मो कप्पो नण्णत्थ अरहंते वा अरहंतचेइयणि वा अणगारे वा भाविअप्पाणो
सीसाए उड्ढं उप्पयइ जाव सोहम्मो कप्पो तं महादुक्खं खलु तहारूवाणं अरहंताणं भगवंताणं
अणगाराणं य अच्चासायणाए ति कट्ठ ओहिं पउंजइ ममं ओहिणा आभोएइ आभोएत्ता हा हा
अहो हतो अहमंसि ति कट्ठ ताए उक्किङ्गाए जाव दिव्वाए देवगईए वज्रस्स वीहिं अनुगच्छ-
माणे-अनुगच्छमाणे तिरियमसंखेज्जाणं दीव-समुद्धानं मज्झमज्झेणं जाव जेणेव असोगवर-
पायवे जेणेव ममं अंतिए तेणेव उवागच्छइ उवागच्छिता ममं चउरंगुलमसंपत्तं वज्रं पडिसाहरइ

१९४४-१४४

(१७४) अवि याइं मे गोयमा मुड्डियाएणं केसग्गे वीइत्था ताए णं से सक्के देविंदे
देवराया वज्रं पडिसाहरित्ता ममं तिक्खुत्तो आयाहिणं पयाहिणं करेइ करेत्ता वंदइ नमंसइ
वंदिता नमंसित्ता एवं वयासि-एवं खलु भंते अहं तुय्यं नीसाए चमरेणं असुरिंदेणं असुर-
रण्णा सवमेव अच्चासाइए ताए णं मए परिकुविएणं समाणेणं चमरस्स असुरिंदस्स असुररण्णो
वहाए वज्जे निसट्ठे ताए णं ममं इमेयारूवे अज्झत्थिए चित्तिए पत्थिए मणोगए संकप्पे समुप-
ज्झित्था-नो खलु पभू चमरे असुरिंदे असुरराया [नो खलु समत्थे चमरे असुरिंदे असुरराया नो
खलु विसए चमरस्स असुरिंदस्स असुररण्णो अपण्णो निस्साए उड्ढं उप्पइत्ता जाव सोहम्मो
कप्पो नन्नत्थ अरहंते वा अरहंतचेइयणि वा अणगारे वा भाविअप्पाणो नीसाए उड्ढं उप्प-
यइ जाव सोहम्मो कप्पो तं महादुक्खं खलु तहारूवाणं अरहंताणं भगवंताणं अणगाराणं य
अच्चासायणाए ति कट्ठ ओहिं पउंजामि देवाणुप्पिए ओहिणा आभोएमि आभोएत्ता हा हा
अहो हतो अहमंसि ति कट्ठ ताए उक्किङ्गाए जाव जेणेव देवाणुप्पिए तेणेव उवागच्छामि
देवाणुप्पियाणं चउरंगुलमसंपत्तं वज्रं पडिसाहराभि वज्रपडिसाहरण्डयाए णं इहमागए इह
समोसदे इह संपत्ते इहेव अज्ज उवसंपज्झित्ता णं विहरामि तं खामेमि णं देवाणुप्पिया खमंतु णं
देवाणुप्पिया खंतुमरिहंति णं देवाणुप्पिया नाइ भुज्जो एवं करणयाए ति कट्ठ ममं वंदइ नमंसइ
वंदिता नमंसित्ता उत्तरपुरत्थिमं दिसीमाणं अवक्कमइ धामेणं पादेणं तिक्खुत्तो भूमिं विदलेइ
विदलेत्ता चमरं असुरिंदं असुररायं एवं वदासि-मुक्को सि णं भो चमरा असुरिंदा असुरराया
समणस्स भगवओ महावीरस्स पभावेणं-नाहि ते दाणि ममातो भयमत्थित्ति कट्ठ जामेव दिस्सि
पाउळ्मूए तामेव दिस्सि पडिगए १९४५-१४५

(१७५) भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं
वदासी-देवे णं भंते महिइदीए जाव महाणुभागे पुव्वामेव पोग्गलं खिवित्ता पभू तमेवं
अनुपरियट्ठित्ता णं गेण्हित्तए हंता पभू से केण्डेणं भंते एवं वुच्चइ-देवे णं महिइदीए जाव महा-

पुभागे पुव्वामेव पोग्गलं खिवित्ता पभू तमेवं अनुपरियाड्डित्ता णं गेण्हित्तए गोयमा पोग्गले णं खित्ते समाणे पुव्वामेव सिग्घगई भवित्ता ततो पच्छा मंदगतो भवति णं महिड्डीए जाव म्हाणुभागे पुक्खि पि पच्छा वि सीहे सीहगती चेव तुरिए तुरियगती चेव से तेणद्वेणं जाव पभू गेण्हित्तए जइ णं भंते देवे महिड्डीए जाव पभू तमेव अनुपरियाड्डित्ता णं गेण्हित्तए कम्हा णं भंते सक्केणं देविंदेणं देवरण्णा चमरे असुरिदे असुरराया नो संचाइए साहित्यं गेण्हित्तए गोयमा असुरकुमाराणं देवाणं अहे गइविसए सीहे-सीहे चेव तुरिए-तुरिए चेव उड्डं गइविसए अप्पे-अप्पे चेव मंदे-मंदे चेव वेमाणियाणं देवाणं उड्डं गइविसए सीहे-सीहे चेव तुरिए-तुरिए चेव उड्डं गइविसए अप्पे-अप्पे चंव मंदे-मंदे चेव जावतियं खेतं सक्के देविंदे देवराया उड्डं उप्पयइ एककेणं समएणं तं वज्जे दोहिं जं वज्जे दोहिं तं चमरे तिहिं सव्वत्थोवे सक्कस्स देविंदस्स देवरण्णो उड्डलोकंडए अहेलोकंडए संखेज्जगुणे जावतियं खेतं चमरे असुरिदे असुरराया अहे ओवयइ एककेणं समएणं तं सक्के दोहिं जं सक्के दोहिं तं वज्जे तीहिं सव्वत्थोवे चमरस्स असुरिंदस्स असुररण्णो अहेलोकंडए उड्डलोकंडए संखेज्जगुणे एवं खलु गोयमा सक्केणं देविंदेणं देवरण्णा चमरे असुरिदे असुरराया नो संचाइए साहित्यं गेण्हित्तए सक्कस्स णं भंते देविंदस्स देवरण्णो उड्डं अहे तिरियं च गइविसयस्स कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सव्वत्थोवं खेतं सक्के देविंदे देवराया अहे ओवयइ एककेणं समएणं तिरियं संखेज्जे भागे गच्छइ उड्डं संखेज्जे भागे गच्छइ चमरस्स णं भंते असुरिंदस्स असुररण्णो उड्डं अहे तिरियं च गइविसयस्स कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सव्वत्थोवं खेतं सक्के देविंदे देवराया अहे ओवयइ एककेणं समएणं तिरियं संखेज्जे भागे गच्छइ उड्डं संखेज्जे भागे गच्छइ चमरस्स णं भंते असुरिंदस्स असुररण्णो उड्डं अहे तिरियं च गइविसयस्स कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सव्वत्थोवं खेतं चमरे असुरिदे असुरराया उड्डं उप्पयइ एककेणं समएणं तिरियं संखेज्जे भागे गच्छइ अहे संखेज्जे भागे गच्छइ [वज्जस्स णं भंते उड्डं अहे तिरियं च गइविसयस्स कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सव्वत्थोवं खेतं वज्जे अहे ओवयइ एककेणं समएणं तिरियं विसेसाहिए भागे गच्छइ उड्डं विसेसाहिए भागे गच्छइ] सक्कस्स णं भंते देविंदस्स देवरण्णो ओवयणकालस्स य उप्पयणकालस्स य कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सव्वत्थोवे सक्कस्स देविंदस्स देवरण्णो उप्पयणकाले ओवयणकाले संखेज्जगुणे चमरस्स वि जहा सक्कस्स नवरं-सव्वत्थोवे ओवयणकाले उप्पयणकाले संखेज्जगुणे वज्जस्स पुच्छा गोयमा सव्वत्थोवे उप्पयणकाले ओवयणकाले विसेसाहिए एयस्स णं भंते वज्जस्स वज्जाहिबइस्स चमरस्स य असुरिंदस्स असुररण्णो ओवयणकालस्स य उप्पयणकालस्स य कयरे कयरेहिंतो अप्पे वा बहुए वा तुल्ले वा विसेसाहिए वा गोयमा सक्कस्स य उप्पयणकाले चमरस्स य ओवयण-काले-एणं दोण्णि वि तुल्ला सव्वत्थोवा सक्कस्स य ओवयणकाले वज्जस्स य उप्पयणकाले एस णं दोण्ह वि तुल्ले संखेज्जगुणे चमरस्स य उप्पयणकाले वज्जस्स य ओवयणकाले-एस णं दोण्ह वि तुल्ले विसेसाहिए १९४६-१४६

(१७६) तए णं से चमरे असुरिदे असुरराया वज्जभयविष्णुमुक्के सक्केणं देविंदेणं

देवरण्णा महया अवमाणेणं अवमाणिए समाणे चमरचंवाए रायहाणीए सभाए सुहम्माए चमरंसि सीहासणंसि ओहयमणसंकप्पे चिंतासोयसागरसंपविद्धे करयलपल्हत्थमुहे अट्टज्झाणोवगए भूमिगयादिट्ठीए झियाति तए णं चमरं असुरिंदं असुररायं सामाणिपरिसोववण्णया देवा ओहयमणसंकप्पं जाव झियायमाणं पासंति पासित्ता करयलपरिग्गहियं दसनहं सिरसावत्तं मत्थए अंजलिं कट्ठं जएणं विजएणं वद्धावेत्ति वद्धावेत्ता एव वयासी-किं णं देवाणुप्पिया ओहयमणसंकप्पया चिंतासोयसागरसंपविद्धा करयलपल्हत्थमुहा अट्टज्झाणोवगया भूमिगयादिट्ठीया झियायह तए णं से चमरे असुरिदे असुरराया ते सामाणिपरिसोववण्णए देवे एवं वयासी-एवं खलु देवाणुप्पिया मए समणं भगवं महावीरं नीसाए सक्के देविंदे देवराया सयमेव अच्चासाइए तए णं तेणं परिकुविएणं समाणेणं ममं वहाए वज्जे निसट्ठे तं भद्दणं भवतु देवाणुप्पिया समणस्स भगवओ महावीरस्स जस्सम्मिह पभावेणं अकिट्ठे सव्वहिए अपरिताविए इहमागए इह समोसडे इह संपत्ते इहेव अज्ज उवसंपिज्जता णं विहरामि तं गच्छामो णं देवाणुप्पिया समणं भगवं महावीरं वंदामो नमंसामो जाव पज्जुवासामो ति कट्ठ चउसट्ठीए सामाणियसाहस्सीहिं जाव सव्विड्डीए जाव जेणेव असोणवरपायवे जेणेव ममं अंतिए तेणेव उवागच्छइ उवागच्छित्ता ममं तिक्खुत्तो आयाहिण-पयाहिणं कोत्ता वंदेत्ता नमंसित्ता एवं वयासि-एवं खलु भंते मए तुब्बं नीसाए सक्के देविंदे देवराया सयमेव अच्चासाइए [तए णं तेणं परिकुविएणं समाणेणं ममं वहाए वज्जे निसट्ठे] तं भद्दणं भवतु देवाणुप्पियाणं जस्सम्मि पभावेणं अकिट्ठे [अव्वहिए अपरिताविए इहमागए इह समोसडे इह संपत्ते इह अज्ज उवसंपिज्जता णं] विहरामि तं खामेमि णं देवाणुप्पिया खमंतु णं देवाणुप्पिया खंतुमरिहंति णं देवाणुप्पिया नाइ भुज्जो एवं करणयाए ति कट्ठ ममं वंदइ नमंसइ वंदित्ता नमंसित्ता] उत्तरपुरखियं दिसीभागं अवक्कमइ अवक्कमिता जाव बत्तीसइबद्धं नट्ठविहिं उवदंसेइ उवदंसेत्ता जामेव दिसिं पाउब्बमूए तामेव दिसिं पडिगए एवं खलु गोयमा चमरेणं असुरिदेणं असुररणा सा [दिव्वा देविड्डी दिव्वा देवजुती दिव्वं देवाणुभागे लद्धे पत्ते] अभिसमण्णागए ठिई सागरोवमं महाविदेहे वासे सिज्जिहिइ जाव अंतं काहिए १९४७-१५७

(१७७) किंपतियं णं भंते असुरकुमारा देवा उड्ढं उप्पयंति जाव सोहम्मो कप्पो गोयमा तेसिं णं देवाणं अहुणोववण्णाण वा चरिपभवत्त्याण वा इमेयारूवे अज्झत्थिए [चित्तिए पत्थिए मणोए संकप्पे] समुप्पज्जइ-अहो णं अहेहिं दिव्वा देविड्डी जाव अभिसमण्णागए जारि- सिया णं अहेहिं दिव्वा देविड्डी जाव अभिसमण्णागए तारिसिया णं सक्केणं देविंदेणं देवरण्णा दिव्वा देविड्डी जाव अभिसमण्णागए जारिसिया णं सक्केणं देविंदेणं देवरण्णा जाव अभिसमण्णागए तारिसिया णं अहेहि वि जाव अभिसमण्णागए तं गच्छामो णं सक्कस्स देविंदस्स देवरण्णो अंतियं पाउब्बयामो पासामो ताव सक्कस्स देविंदस्स देवरण्णो दिव्वं देविड्ढं जाव अभिसमण्णागयं पासउ ताव अहं वि सक्के देविंदे देवराया दिव्वं देविड्ढं जाव अभिसमण्णागयं तं जाणामो ताव सक्कस्स देविंदस्स देवरण्णो दिव्वं देविड्ढं जाव अभिसमण्णागयं जाणउ ताव अहं वि सक्के देविंदे देवराया दिव्वं देविड्ढं जाव अभिसमण्णागयं एवं खलु गोयमा असुरकुमारा देवा उड्ढं उप्पयंति जाव सोहम्मो कप्पो सेवं भंते सेवं भंते ति १९४८-१५८

● तद्वयं सतं वीओ उद्देशो सप्तो ●

—: त इ ओ—उ हे सो :—

(१७८) तेषं कालेणं तेषं समएणं रायगिहे नामं नयरे होत्या जाव परिसां पडिग्या तेषं कालेणं तेषं समएणं समणस्स भगवओ महावीरस्स अंतेवासी मंडिअपुत्ते नामं अनगारे पगइमदए जाव पज्जुवासमाणे एवं वयासी-कइ णं भंते किरियाओ पत्रत्ताओ मंडिअपुत्ता पंच किरियाओ पत्रत्ताओ तं जहा-काइया अहिगरणिआ पाओसिया पारियावणिआ पाणाइवाय-किरिया, काइया णं भंते किरिया कइविहा पत्रत्ता मंडिअपुत्ता दुविहा पत्रत्ता तं जहा-अनु-वरय-कायकिरिया य दुप्पउत्तकायकिरिया य, अहिगरणिआ णं भंते किरिया कइविहा पत्रत्ता मंडिअपुत्ता दुविहा पत्रत्ता तं जहा-संजोयणाहिगरणकिरिया य, निवत्तणाहिगरणकिरिया य पा-ओसिआ णं भंते किरिया कइविहा पत्रत्ता मंडिअपुत्ता दुविहा पत्रत्ता तं जहा-जीवपाओ-सिआ य अजीवपाओसिया य पारियावणिआ णं भंते किरिया कइविहा पत्रत्ता मंडिअपुत्ता दुविहा पत्रत्ता तं जहा-सहत्थपारियावणिआय परहत्थपारियावणिआ य, पाणाइवायकिरिया णं भंते किरिया कइविहा पत्रत्ता मंडिअपुत्ता दुविहा पत्रत्ता तं जहा-सहत्थपाणाइवायकिरिया य परहत्थ पाणाइवायकिरिया य १९४९-१४९

(१७३) पुच्चिं भंते किरिया पच्छा वेदणा पुच्चिं वेदणा पच्छा किरिया मंडिअपुत्ता पुच्चिं किरिया-पच्छा वेदणा नो पुच्चिं वेदणा पच्छा किरिया १९५०-१५०

(१८०) अत्थि णं भंते समणाणं निग्गंथाणं किरिया कज्जइ हंता अत्थि कहणं भंते समणाणं निग्गंथाणं किरिया कज्जइ मंडिअपुत्ता पमायपच्चया जोगनिमित्तं च एवं खुलु सम-णाणं निग्गंथाणं किरिया कज्जइ १९५१-१५१

(१८९) जीवे णं भंते सया समित्तं एयति वेयति चलति फंदइ घट्टइ खुब्भइ उदीरइ तं तं भावं परिणमइ हंता मंडिअपुत्ता जीवे णं सया समित्तं एयति [वेयति चलति फंदइ घट्टइ खुब्भइ उदीरइ तं तं भावं परिणमइ] जाव च णं भंते से जीवे सया समित्तं [एयति वेयति चलति फंदइ घट्टइ खुब्भइ उदीरइ] तं तं भावं परिणमइ तावं च णं तस्स जीवस्स अंते अंत किरिया भवइ नो इण्ठे समट्ठे से केण्डेणं भंते एवं वुब्भइ-जावं च णं से जीवे सया समित्तं [एयति वेयति चलति फंदइ घट्टइ खुब्भइ उदीरइ तं तं भावं परिणमइ तावं च णं तस्स जीवस्स] अंते अंतकिरिया न भवति मंडिअपुत्ता जावं च णं से जीवे सया समित्तं [एयति वेयति चलति फंदइ घट्टइ खुब्भइ उदीरइ तं तं भावं] परिणमइ तावं च णं से जीवे-आरभइ सारभइ समारभइ आरंभे वट्टइ सारंभे वट्टइ समारंभे वलट्ठि आरभमाणे सारभमाणे समारभमाणे आरंभे वट्टमाणे सारंभे वट्टमाणे समारंभे वट्टमाणे बहूणं पाणाणं भूयाणं जीवाणं सत्ताणं दुक्खावणयाए सोयावणयाए जूरावण-याए तिप्पावणयाए पिट्ठावणयाए परियावणयाए वट्टइ से तेण्डेणं मंडिअपुत्ता एवं वुब्भइ-जावं च णं से जीवे सया समित्तं एयति [वेयति चलति फंदइ घट्टइ खुब्भइ उदीरइ तं तं भावं] परिणमइ तावं च णं तस्स जीवस्स अंते अंतकिरिया न भवति जीवे णं भंते सया समित्तं नो एयति [नो वेयति नो चलति नो फंदइ नो घट्टइ नो खुब्भइ नो उदीरइ] नो तं तं भावं परिणमइ हंता मंडि-अपुत्ता जीवे णं सया समित्तं [नो एयति नो वेयति नो चलति नो फंदइ नो घट्टइ नो खुब्भइ नो उदीरइ] नो तं तं भाव परिणमइ जावं च णं भंते से जीवे नो एयति [नो वेयति नो चलति नो फंदइ नो घट्टइ नो खुब्भइ नो उदीरइ] नो तं तं भावं परिणमइ तावं च णं तस्स जीवस्स अंते अंतकिरिया

भवइ हंता [मंडिअपुत्ता जावं च णं से जीवे नो एयति नो वेयति नो चलति नो फंदइ नो घट्टइ नो खुब्बइ नो उदीरइ नो तं तं भावं परिणमइ तावं च णं तस्स जीवस्स अंते अंतकिरिया] भवइ

से केणट्ठेणं भंते [एवं वुच्चइ-जावं च णं से जीवे नो एयति नो वेयति नो चलति नो फंदइ नो घट्टइ नो खुब्बइ नो उदीरइ नो तं तं भावं परिणमइ तावं च णं तस्स जीवस्स अंते अंतकिरिया] भवइ मंडिअपुत्ता जावं च णं से जीवे समितं नो एयति [नो वेयति नो चलति नो फंदइ नो घट्टइ नो खुब्बइ नो उदीरइ] नो तं तं भावं परिणमइ तावं च णं से जीवे नो आरभइ नो सारभइ नो समारभइ नो आरंभे वट्टइ नो सारंभे वट्टइ नो समारंभे वट्टइ अणारभमाणे असारभमाणे असमारभमाणे आरंभे अवट्टमाणे सारंभे अवट्टमाणे समारंभे अवट्टमाणे बहूणं पाणाणं मूयाणं जीवाणं सत्ताणं अदुक्खावणयाए [असोयावणयाए अजूरवणयाए अतिष्पावणयाए अपिष्टावणयाए] अपरि-यावणयाए वट्टइ से जहानामए केइ पुरिसे सुक्कं तणहत्थयं जायतेयंसि पक्खिवेज्जा से नूणं मंडिअपुत्ता से सुक्के तणहत्थए जायतेयंसि पक्खित्ते समाणे खिप्पामेव मसमसाविज्जइ से जहानामए केइ पुरिसे तत्तंसि अयकवल्लंसि उदयबिंदुं पक्खिवेज्जा से नूणं मंडिअपुत्ता से उदय-विंदू तत्तंसि अयकवल्लंसि पक्खित्ते समाणे खिप्पामेव विद्धंसमागच्छइ हंता विद्धंसमागच्छइ से जहानामए हरए सिया पुण्णे पुण्णप्पमाणे वोलट्टमाणे वोसट्टमाणे समभर घडत्ताए चिद्धति अहे णं केइ पुरिसे तंसि हरयंसि एणं महं नावं सत्तासवं सतच्छिदं ओगाहेज्जा से नूणं मंडि-अपुत्ता सा नावा तेहिं आसवदारेहिं आपूरमाणी-आपूरमाणी पुण्णा पुण्णप्पमाणा वोलट्टमाणा वोसट्टमाणा समभरघडत्ताए चिद्धति हंता चिद्धति अहे णं केइ पुरिसे तीसे नावाए सब्बओ समंता आसवदाराइं पिहेइ पिहेत्ता नावा-उस्सिचणएणं उदयं उस्सिचवेज्जा से नूणं मंडिअपुत्ता सा नावा तंसि उदयंसि उस्सितंसि समाणंसि खिप्पामेव उदाइ हंता उदाइ एवामेव मंडिअ-पुत्ता अत्तत्ता-संवुडस्स अणगारस्स इरियासमियस्स [भासासमियस्स एसणासमियस्स आयाण-भंडमत्तनिक्खेवणासमियस्स उच्चारपासवण - खेल - सिंथाण - जल्ल - पारिट्ठावणियासमियस्स मणसमियस्स वइमियस्स कायमियस्स मणगुत्तस्स वइगुत्तस्स कायगुत्तस्स गुत्तस्स गुत्तिदि-यस्स] गुत्तबंधयारिस्स आउत्तं गच्छमाणस्स चिट्ठमाणस्स निक्खिवमाणस्स जाव चक्खुपम्ह-निवायमवि वेमाया सुहमा इरियावहिया किरिया कज्जइ-सा पढमसमय बन्धपुट्ठा वित्तियस-मयवेइया तत्तियसमयनिज्जरिया सा बद्धा पुट्ठा उदीरिया वेइया निज्जिण्णा सेयकाले अकम्मं वावि भवति से तेणट्ठेणं मंडिअपुत्ता एवं वुच्चइ-जावं च णं से जीवे सया समितं नो एयति [नो वेयति नो चलति नो फंदइ नो घट्टइ नो खुब्बइ नो तं तं भावं परिणमइ तावं च णं तस्स जीवस्स अंते अंतकिरिया] भवइ १९२१-१५२

(१८२) पमत्तसंजयस्स णं भंते पमत्तसंजमे वट्टमाणस्स सब्बा वि य णं पमत्ताद्धा काल-ओ केवच्चिरं होइ मंडिअपुत्ता एणं जीव पडुच्च जहन्नेणं एककं समयं उक्कोसेणं देसूणा पुव्व-कोडी नाणाजीवे पडुच्च सब्बद्धा अप्पमत्तसंजयस्स णं भंते अप्पमत्तसंजमे वट्टमाणस्स सब्बा वि य णं अप्पगत्तद्धा कालओ केवच्चिरं होइ मंडिअपुत्ता एणं जीवं पडुच्च जहन्नेणं अंतोपुहुत्तं उक्कोसेणं देसूणा पुव्वकोडी नाणाजीवे पडुच्च सब्बद्धं सेवं भंते सेवं भंते ति भगवं मंडि-अपुत्ते अणगारे समणं भगवं महावीरं वंदइ नमंसइ वंदित्ता नमंसित्ता संजमेणं तवसा अप्पाणं भावेमाणे विहरति १९३१-१५३

(१८३) भंतेति भगवं गोयमे समणं भगवं महावीरं वंदइ नमसइ वंदित्ता नमसित्ता एवं वयासी-कम्हा णं भंते लवणसमुद्वे चाउइसइमुद्विडुपुण्णमासिणीसु अतिरेगे वड्ढइ वा हायइ वा लवणसमुद्वयत्तव्वया नेयव्वा जाव लोयइइं लोयाणुमावे सेवं भंते सेवं भंते ति जाव विहरति १९४१-१९४४

● तइए सते तइओ उइसो सप्ततो ●

—: च उ त्थो — उ हे सो —:

(१८४) अणगारे णं भंते भाविअप्पा देवं वेउव्वियसमुग्धाएणं समोहयं जाणरूवेणं जामाणं जाणइ-पासइ गोयमा अत्येगइए देवं पासइ नो जाणं पासइ अत्येगइए जाणं पासइ नो देवं पासइ अत्येगइए देवं पि पासइ जाणं पि पासइ अत्येगइए नो देवं पासइ नो जाणं पासइ अणगारे णं भंते भाविअप्पा देविं वेउव्वियसमुग्धाएणं समोहयं जाणरूवेणं जामाणिं जाणइ-पासइ गोयमा [अत्येगइए देविं पासइ नो जाणं पासइ अत्येगइए जाणं पासइ नो देविं पासइ अत्येगइए देविं पि पासइ जाणं पि पासइ अत्ये गइए नो देविं पासइ नो जाणं पासइ] अणगारे णं भंते भाविअप्पा देवं सदेवीअं वेउव्वियसमुग्धाएणं समोहयं जाणरूवेणं जामाणं जाणइ-पासइ [गोयमा अत्येगइए देवं सदेवीअं पासइ नो जाणं पासइ अत्येगइए जाणं पासइ नो देवं सदेवीअं पासइ अत्येगइए देवं सदेवीअं पि पासइ जाणं पि पासइ अत्येगइए नो देवं सदेवीअं पासइ नो जाणं पासइ] अणगारे णं भंते भाविअप्पा रुक्खस्स किं अंतो पासइ बाहिं पासइ [गोयमा अत्येगइए रुक्खस्स अंतो पासइ नो बाहिं पासइ अत्येगइए रुक्खस्स बाहिं पासइ नो अंतो पासइ अत्येगइए रुक्खस्स अंतो पि पासइ बाहिं पि पासइ अत्येगइए रुक्खस्स नो अंतो पासइ नो बाहिं पासइ] अणगारे णं भंते भाविअप्पा रुक्खस्स किं मूलं पासइ कंदं पासइ [गोयमा अत्येगइए रुक्खस्स मूलं पासइ नो कंदं पासइ अत्येगइए रुक्खस्स कंदं पासइ नो मूलं पासइ अत्येगइए रुक्खस्स मूलं पि पासइ कंदं पि पासइ अत्येगइए रुक्खस्स नो मूलं पासइ नो कंदं पासइ] मूलं पासइ खंधं पासइ चउमंगो एवं भूलेणं जाव बीजं संजोएयव्वं एवं कंदेण वि समं संजोएयव्वं जाव बीयं एवं जाव पुप्फेणं समं बीयं संजोएयव्वं अणगारे णं भंते भाविअप्पा रुक्खस्स किं फलं पासइ बीयं पासइ चउमंगो १९५१-१९५५

(१८५) पभू णं भंते वाउकाए एगं महं इत्थिरूवं वा पुरिसरूवं वा आसरूवं वा हत्थिरूवं वा जाणरूवं वा जुग्गरूवं वा गिल्लिरूवं वा थिल्लिरूवं वा सीयरूवं वा संदमाणियरूवं वा विउव्वित्ताए गोयमा नो इण्ठे सम्ठे वाउकाए णं विकुब्बमाणे एगं महं पडागासंठियं रूवं विकुब्बइ पभू णं भंते वाउकाए एगं महं पडागासंठियं रूवं विउव्वित्ता अणेगाइं जोयणाइं गमित्ताए हंता पभू से भंते किं आइइदीए गच्छइ परिइदीए गच्छइ गोयमा आइइदीए गच्छइ नो परिइदीए गच्छइ [से भंते किं आयकम्मुणा गच्छइ परकम्मुणा गच्छइ गोयमा आयकम्मुणा गच्छइ नो परकम्मुणा गच्छइ से भंते किं आयप्पयोगेणं गच्छइ परप्पयोगेणं गच्छइ गोयमा आयप्पयोगेणं गच्छइ नो परप्पयोगेणं गच्छइ] से भंते किं ऊसियोदयं गच्छइ पतोदयं गच्छइ गोयमा ऊसिअ-ोदयं पि गच्छइ पतोदयं पि गच्छइ से भंते किं एगओपडागं गच्छइ दुहओपडागं गच्छइ से भंते किं वाउकाए पडागा गोयमा वाउकाए णं से नो खलु सा पडागा १९५६-१९५६

(१८६) पभू णं भंते बलाहए एगं महं हत्थिरूवं वा जाव संदमाणियरूवं वा परिणामेत्ताए

हंता पभू पभू णं भंते बलाहए एगं महं हत्थिरूवं परिणामेत्ता अणेगाई जोयणाई गतित्तए हंता पभू से भंते किं आइड्डीए गच्छइ परिड्डीए गच्छइ गोयमा नो आइड्डीए गच्छइ परिड्डीए गच्छइ [से भंते किं आयकम्पुणा गच्छइ परकम्पुणा गच्छइ से भंते किं आयप्पयोगेणं गच्छइ परप्पयोगेणं गच्छइ गोयमा नो आयप्पयोगेणं गच्छइ परप्पयोगेणं गच्छइ से भंते किं ऊसिओदयं गच्छइ पतोदयं गच्छइ गोयमा ऊसिओदयं पि गच्छइ पतोदयं पि गच्छइ] से भंते किं बलाहए इत्थी गोयमा बलाहए णं से नो खलु सा इत्थी एवं पुरिसे आसे हत्थी पभू णं भंते बलाहए एगं महं जाणरूवं परिणामेत्ता अणेगाई जोयणाई गमित्तए जहा इत्थिरूवं तहा भाणियव्वं [से भंते किं एगओचक्कवालं गच्छइ दुहओचक्कवालं गच्छइ गोयमा एगओचक्कवालं पि गच्छइ दुहओचक्कवालं पि गच्छइ जुग-गिल्लि-यिल्लि-सीया-संदमाणिया तहेव १५७१-१५७२]

(१८७) जीवे णं भंते जे भविए नेरइएसु उववज्जित्तए से णं भंते किलेस्सेसु उववज्जइ गोयमा जल्लेस्साई दब्बाई परियाइत्ता कालं करेइ तल्लेस्सेसु उववज्जइ तं जहा-कण्हलेस्सेसु वा नीललेस्सेसु वा काउलेस्सेसु वा एवं जस्स जा लेस्सा सा तस्स भाणियव्व्या जाव-जीवे णं भंते जे भविए जोइसिएसु उववज्जित्तए [से णं भंते किलेस्सेसु उववज्जइ] गोयमा जल्लेसाई दब्बाई परिया- इत्ता कालं करेइ तल्लेस्सेसु उववज्जइ तं जहा-तेउलेस्सेसु जीवे णं भंते जे भविए वेमा- णएसु उववज्जित्तए से णं भंते किलेस्सेसु उववज्जइ गोयमा जल्लेस्साई दब्बाई परियाइत्ता कालं करेइ तल्लेस्सेसु उववज्जइ तं जहा-तेउलेस्सेसु वा पण्हलेस्सेसु वा सुक्कलेसे वा १५८१-१५८२]

(१८८) अणगारे णं भंते भाविअप्पा बाहिरए पोगले अपरियाइत्ता पभू वेभारं पव्वयं उल्लंघेतए वा पल्लंघेतए वा गोयमा नो इण्ठे सम्भट्टे अणगारे णं भंते भाविअप्पा बाहिरए पोगले परियाइत्ता पभू वेभारं पव्वयं उल्लंघेतए वा पल्लंघेतए वा हंता पभू अणगारे णं भंते भाविअप्पा बाहिरए पोगले अपरियाइत्ता जावइयाई रायगिहे नगरे रूवाइं एवइयाई विकुच्चित्ता वेभारं पव्वयं अंतो अनुप्पविसित्ता पभू समं वा विसमं करेतए विसमं वा समं करेतए गोयमा नो इण्ठे सम्भट्टे [अणगारे णं भंते भाविअप्पा बाहिरए पोगले परियाइत्ता जावइयाई रायगिहे नगरे रूवाइं एवइयाई विकुच्चित्ता वेभारं पव्वयं अंतो अनुप्पविसित्ता पभू समं वा विसमं करेतए विसमं वा समं करेतए हंता पभू] से भंते किं माई विकुच्चइ अमाई विकुच्चइ गोयमा माई विकुच्चइ नो अमाई विकुच्चइ से केणट्ठेणं भंते एवं वुच्चइ-माई विकुच्चइ नो अमाई विकुच्चइ गोयमा माई णं पणीयं पाण-भोयण भोच्चा-भोच्चा वामेति तस्स णं तेणं पणीएणं पाणं-भोयणेणं अट्ठि-अट्ठिभिजा बह-त्ती भवन्ति पयगुए मंस-सोणिए भवति जे वि य से अहाबायरा पोगला ते वि य से परिणमंति तं जहा-सोईदियत्ताए [चिक्खिदियत्ताए घाणिदियत्ताए रसिदियत्ताए] फासिदियत्ताए अट्ठि-अट्ठिभिज-केस-मंसु-रोप-नहत्ताए सुक्कत्ताए सोमियत्ताए अमाई णं लूहं पाण-भोयणं भोच्चा-भोच्चा नो वामेइ तस्स णं तेणं लूहेणं पाण-भोयणेणं अट्ठि-अट्ठिभिजा पयणूभवन्ति बहले मंस-सोणिए जे वि य से अहाबायरा पोगला ते वि य से परिणमंति तं जहा-उच्चारत्ताए पास- वणत्ताए [खिलत्ताए सिंघाणत्ताए वंतत्ताए पित्तत्ताए पूयत्ताए] सोणियत्ताए से तेणट्ठेणं [भंते एवं वुच्चइ-माई विकुच्चइ] नो अमाई विकुच्चइ माई णं तस्स ठाणस्स अणालोइयपडिक्कंते कालं करेइ नत्थि तस्स आराहणा अमाई णं तस्स ठाणस्स आलोइय-पडिक्कंते कालं करेइ अत्थि तस्स आराहण सेवं भंते सेवं भंते ति १५९१-१५९२]

● तइए सते वउत्थो उद्देशो सप्तो ●

—: पं च मो—उ हे सो :—

(१८९) अणगारे णं भंते भाविअप्पा बाहिरए पोग्गले अपरियाइत्ता पभू एणं महं इत्थी-
 पुवं जाव संदमाणियरूवं वा विउव्वित्तए नो इण्ढे समद्धे अणगारे णं भंते भाविअप्पा बाहिरए
 पोग्गले परियाइत्ता पभू एणं महं इत्थीरूवं वा जाव संदमाणियरूवं वा विउव्वित्तए हंता पभू
 अणगारे णं भंते भाविअप्पा केवइआई पभू इत्थिरूवाइं विउव्वित्तए गोयमा से जहानामए-
 जुवइं जुयामणे हत्थेणं हत्थंसि गेण्हेआ चक्कस्स वा नामी अरगाउत्ता सिया एवामेव अणगारे
 वि भाविअप्पा वेउव्वियससमुग्धाएणं समोहण्णइ जाव पभू णं गोयमा अणगारे णं भाविअप्पा
 केवलकप्पं जंबुदीवं दीवं बहुहिं इत्थिरूवेहिं आइण्णं वित्तिकिण्णं [उवत्थइं संघइं फुडं अवगा-
 दावगाढं करेत्ताए] एस णं गोयमा अणगारस्स भाविअप्पणो अथमेयारूवे विसए विसयमेत्ते
 बुइए नो चेव णं संपत्तीए विउव्विसु वा विउव्वति वा विउव्विस्सति वा एवं परिवाडीए नेयव्वं
 जाव संदमाणिया से जहानामए केइ पुरिसे असिचम्मपायं गहाय गच्छेआ एवामेव अणगारे वि
 भाविअप्पा असिचम्मापयहत्थकिच्चगएणं अप्पाणेणं उइढं वेहासं उप्पएआ हंता उप्पएआ
 अणगारे णं भंते भाविअप्पा केवइयाइं पभू असिचम्म पाय हत्थकिच्च गयाइं रूवाइं विउव्वित्तए
 गोयमा से जहानामए-जुवइं जुवाणे हत्थेणं हत्थे गेण्हेआ तं चेव जाव विउव्विसु वा विउव्वति
 वा विउव्विस्सति वा से जहानामए केइ पुरिसे एगओपडागं काउं गच्छेआ एवामेव अणगारे वि
 भाविअप्पा एगओपडागाहत्थकिच्चगएणं अप्पाणेणं उइढं वेहासं उप्पएआ हंता उप्पएआ
 अणगारे णं भंते भाविअप्पा केवइयाइं पभू एगओपडागाहत्थकिच्चगयाइं रूवाइं विकुव्वित्ते एवं
 चेव जाव विकुव्विसु वा विकुव्वति वा विकुव्विस्सति वा एवं दुहओपडागं पि से जहानामए
 केइ पुरिसे एगओजण्णोवइतं काउं गच्छेआ एवामेव अणगारे वि भाविअप्पा एगओजण्णो-
 वइतकिच्चगएणं अप्पाणेणं उइढं वेहासं उप्पएआ हंता उप्पएआ अणगारे णं भंते भाविअप्पा
 केवइयाइं पभू एगओजण्णोवइतकिच्चगयाइं रूवाइं विकुव्वित्तए तं चेव जाव विकुव्विसु

वा विकुव्वति वा विकुव्विस्सति वा एवं दुहओजण्णोवइयं पि से जहानामए केइ पुरिसे
 एग-ओपल्हत्थियं काउं चिद्धेआ एवामेव अणगारे वि भाविअप्पा एगओपल्हत्थिय किच्चगएणं
 अप्पाणेणं उइढं वेहासं उप्पएआ तं चेव जाव विकुव्विसु वा विकुव्वति वा विकुव्विस्सति वा एवं
 दुहओपल्हत्थियं पि से जहानामए केइ पुरिसे एगओपलियंकां काउं चिद्धेआ एवामेव अणगारे वि
 भाविअप्पा एगओपलियंकाकिच्चगएणं अप्पाणेणं उइढं वेहासं उप्पएआ तं चेव जाव विकुव्विसु
 वा विकुव्वति वा विकुव्विस्सति वा एवं दुहओपलियंकां पि अणगारे णं भंते भाविअप्पा बाहिरए
 पोग्गले अपरियाइत्ता पभू एणं महं आसरूवं वा हत्थिरूवं वा सीहरवं वा विग्घरूवं वा विगरूवं
 वा दीवियरूवं वा अच्छरूवं वा तरच्छरूवं वा परासरूवं वा अभिजुजित्तए नो इण्ढे समद्धे
 अणगारे णं भंते भाविअप्पा बाहिरए पोग्गले परियाइत्ता पभू एणं महं आसरूवं वा हत्थिरूवं वा
 सीहरूवं वा विग्घरूवं वा विगरूवं वा दीवियरूवं वा अच्छरूवं वा तरच्छरूवं वा परासरूवं वा
 अभिजुजित्तए नो इण्ढे समद्धे अणगारे णं [भंते भाविअप्पा बाहिरए पोग्गले परियाइत्ता पभू एणं
 महं आसरूवं वा हत्थिरूवं वा सीहरूवं वा विग्घरूवं वा विगरूवं वा दीवियरूवं वा अच्छरूवं वा
 तरच्छरूवं वा परासरूवं वा अभिजुजित्तए हंता पभू] अणगारे णं भंते भाविअप्पा पभू एणं महं
 आसरूवं वा अभिजुजित्ता अणेगाइं जोयणाइं गमित्तए हंता पभू से भंते किं आइइडीए गच्छइ

परिद्धीए गच्छइ गोयमा आइदीईए गच्छइ नो परिद्धीए गच्छइ से भंते किं आयकम्पुणा गच्छइ परकम्पुणा गच्छइ गोयमा आयकम्पुणा गच्छइ नो परकम्पुणा गच्छइ से भंते किं आयप्पयोगेणं गच्छइ परप्पयोगेणं गच्छइ गोयमा आयप्पयोगेणं गच्छइ नो परप्पयोगेणं गच्छइ से भंते किं ऊसिओदयं गच्छइ पतोदयं गच्छइ गोयमा ऊसिसोदयं पि गच्छइ पतोदयं पि गच्छइ से भंते किं अणगारे आसे गोयमा अणगारे णं से नो खलु से आसे एवं जाव परासररूवं वा से भंते किं मायी विकुव्वइ अमायी विकुव्वइ गोयमा मायी विकुव्वइ नो अमायी विकुव्वइ मायी णं भंते तस्स ठाणस्स अणालोइयपडिक्कंते कालं करेइ कहिं उववज्जइ गोयमा अण्णायरेसु आभियोगिएसु देवलोगेसु देवत्ताए उववज्जइ अमायी णं भंते तस्स ठाणस्स आलोइय-पडिक्कंते कालं करेइ कहिं उववज्जइ गोयमा अण्णयकेसु अण्णामि-योगिएसु देवलोएसु देवत्ताए उववज्जइ सेवं भंते सेवं भंते ति १९७१-१६७

(१९०) इत्थी असी पडागा जण्णोवइए य होइ बोद्धव्वे

पल्लत्थिय पलियंके अभिओग विकुव्वणा मायी

॥२६॥-२६

● तइए सते पंचमो उद्देशो समतो ●

—: छ डो—उ दे सो :-

(१९१) अणगारे णं भंते भावियप्पा मायी मिच्छदिद्धी वीरियलद्धीए वेउव्वियलद्धीए विभंगनाणलद्धीए वाणारसिं नगरिं समोहए समोहणित्ता रायगिहे नगरे रुवाई जाणइ-पासइ हंता जाणइ-पासइ से भंते किं तहाभावं जाणइ-पासइ अण्णहाभावं जाणइ-पासइ गोयमा नो तहाभावं जाणइ-पासइ अण्णहाभावं जाणइ-पासइ से केणट्ठेणं भंते एवं वुच्चइ-नो तहाभावं जाणइ-पासइ अण्णहाभावं जाणइ-पासइ गोयमा तस्स णं एवं भवइ-एवं खलु अहं रायगिहे नगरे समोहए समोहणित्ता वाणारसीए नगरीए रुवाई जाणामि-पासामि सेसे दंसण-विवच्चासे भवइ से तेणट्ठेणं [गोयमा एवं वुच्चइ-नो तहाभावं जाणइ-पासइ अण्णहाभावं जाणइ-पासइ अणगारे णं भंते भावियप्पा मायी मिच्छदिद्धी वीरियलद्धीए वेउव्वियलद्धीए विभंगनाणलद्धीए रायगिहे नगरे समोहए समोहणित्ता वाणारसीए नयरीए रुवाई जाणइ-पासइ हंता जाणइ-पासइ [से भंते किं तहाभावं जाणइ-पासइ अण्णहाभावं जाणइ-पासइ गोयमा नो तहाभावं जाणइ-पासइ अण्णहाभावं जाणइ-पासइ से केणट्ठेणं भंते एवं वुच्चइ-नो तहाभावं जाणइ-पासइ अण्णहाभावं जाणइ-पासइ गोयमा] तस्स णं एवं भवइ-एवं खलु अहं वाणारसीए नयरीए समोहए समोहणित्ता रायगिहि नगरे रुवाई जाणामि-पासामि सेसे दंसण-विवच्चासे भवति से तेणट्ठेणं गोयमा एवं वुच्चइ-नो तहाभावं जाणइ-पासइ अण्णहाभावं जाणइ-पासइ अणगारे णं भंते भावियप्पा मायी मिच्छदिद्धी वीरियलद्धीए वेउव्वियलद्धीए विभंगनाणलद्धीए वाणारसिं नगरिं रायगिहं च नगरं अंतरा एणं महं जणवयणं समोहए समोहणित्ता वाणारसिं नगरिं रायगिहं च नगरं अंतरा एणं महं जणवयणं जाणति-पासति हंता जाणति-पासति

से भंते किं तहाभावं जाणइ-पासइ अण्णहाभावं जाणइ-पासइ गोयमा नो तहाभावं जाणइ-पासइ अण्ण-हाभावं जाणइ-पासइ से केणट्ठेणं भंते एवं वुच्चइ-नो तहाभावं जाणइ-पासइ अण्णहाभावं जाणइ-पासइ गोयमा तस्स खलु एवं भवति-एस खलु वाणारसी नगरी एस खलु रायगिहे नगरे एस खलु अंतरा एणे महं जणवयणे नो खलु एस महं वीरियलद्धी

वेउव्वियलद्धी विभंगनाण- लद्धी इड्ढि जुती जसे बले वीरिए पुरिसक्कार-परक्कमे लद्धे पत्ते अभिसमण्णागए सेसे दंसण-विवच्चासे भवति से तेणट्ठेणं गोयमा एवं बुच्चइ-नो तहाभावं जाणइ-पासइ अण्णहाभावं जाणइ-पासइ अणगारे णं भंते भाविअप्पा अमायी सम्मदिट्ठी विरिय-लद्धीए वेउव्वियलद्धीए ओहिनाणलद्धीए रायगिहं नगरं समोहए समोहणित्ता वाणारसीए नयरीए रुवाई जाणइ-पासइ हंता जाणइ-पासइ से भंते किं तहाभावं जाणइ-पासइ अण्ण-हाभावं जाणइ-पासइ गोयमा तहाभावं जाणइ-पासइ नो अण्णहाभावं जाणइ-पासइ से केण-ट्ठेणं भंते एवं बुच्चइ-तहाभावं जाणइ-पासइ नो अण्णहाभावं जाणइ-पासइ गोयमा तस्स णं एवं भवइ-एवं खलु अहं रायहगिहे नयरे समोहए समोहणित्ता वाणारसीए नयरीए रुवाई जामामि-पासमि सेस दंसण अविवच्चासे भवति से तेणट्ठेणं गोयमा एवं बुच्चइ-तहाभावं जाणइ-पासइ नो अण्णहाभावं जाणइ-पासइ अणगारे णं भंते भाविअप्पा अमायी सम्मदिट्ठी वीरियलद्धीए वेउव्वियलद्धीए ओहिनाणलद्धीए वाणारसिं नगरिं समोहए समोहणित्ता रायगिहे नगरे रुवाई जाणइ-पासइ हंता जाणइ-पासइ से भंते किं तहाभावं जाणइ-पासइ अण्णहाभावं जाणइ-पासइ गोयमा तहाभावं जाणइ-पासइ नो अण्णहाभावं जाणइ-पासइ से केणट्ठेणं भंते एवं बुच्चइ-तहाभावं जाणइ-पासइ नो अण्णहाभावं जाणइ-पासइ गोयमा तस्स णं एवं भवइ-एवं खलु अहं वाणारसिं नगरिं समोहए समोहणित्ता रायगिहे नगरे रुवाई जाणामि-पासमि सेसे दंसण-अविवच्चासे भवति से तेणट्ठेणं गोयमा एवं बुच्चइ-तहाभावं जाणइ-पासइ नो अण्णहाभावं जाणइ-पासइ १९६१-१६१

(१९२) अणगारे णं भंते भाविअप्पा अमायी सम्मदिट्ठी वीरियलद्धीए वेउव्वियलद्धीए ओहिनाणलद्धीए रायगिहं नगरं वाणारसिं च नगरिं अंतरा एणं महं जणवयग्गं समोहए समो-हणित्ता रायगिहं नगरं वाणारसिं च नगरिं अंतरा एणं महं जणवयग्गं जाणइ-पासइ हंता जाणइ-पासइ से भंते किं तहाभावं जाणइ-पासइ अण्णहाभावं जाणइ-पासइ गोयमा तहाभावं जाणइ-पासइ नो अण्णहाभावं जाणइ-पासइ से केणट्ठेणं भंते एवं बुच्चइ-तहाभावं जाणइ-पासइ नो अण्णहाभावं जाणइ-पासइ गोयमा तस्स णं एवं भवति-नो खलु एस रायगिहे नगरे नो खलु एस वाणारसी नगरी नो खलु एस अंतरा एगे जणवयग्गे एस खलु ममं वीरियलद्धी वेउव्वियलद्धी ओहिनाणलद्धी इड्ढी जुती जसे बले वीरिए पुरिसक्कार-परक्कमे लद्धे पत्ते अभिसमण्णागए सेसे दंसण अविवच्चासे भवइ से तेणट्ठेणं गोयमा एवं बुच्चइ-तहाभावं जाणइ-पासइ नो अण्ण-हाभावं जाणइ-पासइ अणगारे णं भंते भाविअप्पा बाहिरए पोण्णले अपरियाइत्ता पभू एणं महं गामरूवं वा नगररूवं वा जाव सण्णिवेसरूवं वा विउव्वितए नो तिणट्ठे समट्ठे [अणगारे णं भंते भाविअप्पा बाहिरए पोण्णले परियाइत्ता पभू एणं महं गामरूवं वा नगररूवं वा नगररूवं वा जाव सण्णिवेसरूवं वा विउव्वितए हंता पभू] अणगारे णं भंते भाविअप्पा केवइयाइं पभू गामरूवाईं विकुव्वितए गोयमा से जहानामए-जुवतिं जुवाणे हत्थेणं हत्थे गेण्हेजा तं वेव जाव विकुव्विसु वा विकुव्विति वा विकुव्विससिति वा एवं जाव सण्णिवेसरूवं वा १९६२-१६२

(१९३) चमरस्स णं भंते असुरिंदस्स असुरण्णो कइ आयरक्खदेव साहस्सीओ पन्नत्ताओ गोयमा वत्तारि चउसट्ठीओ आयरक्खदेवस्सीओ पन्नत्ताओ ते णं आयरक्खा-वण्णओ एवं सव्वेसिं इंदाणं जस्स जत्तिया आयरक्खा ते भाणियव्वा सेवं भंते सेवं भंते ति १९६३-१६३

● तइए स्ते उट्ठो उट्ठो सप्पतो ●

—: स त्त मो—उ हे सो :—

(१९४) रायगिहे नगरे जाव पञ्जुवासमाणे एवं वयासी-सक्कस्स णं भंते देविंदस्स देवरण्णो कति लोगपाला पन्नत्ता गोयमा चत्तारि लोगपाला पन्नत्ता तं जहा-सोमे जमे वरुणे वेसमणे एसि णं भंते चउण्हं लोगपालाणं कति विमाणा पन्नत्ता गोयमा चत्तारि विमाणा पन्नत्ता तं जहा-संझप्पभे वरसिद्धे सयंजले वग्गू कहि णं भंते सक्कस्स देविंदस्स देवरण्णो सोमस्स महारण्णो संझप्पभे नामं महाविमाणे पन्नत्ते गोयमा जंबुद्दीवे दीवे मंदरस्स पव्वयस्स दाहिणे णं इमीसे रय-णप्पभाए पुढदीए बहुसमरमणिज्जाओ भूमिभागाओ उड्ढं-सूरियं-गहगण-नक्खत्त ताराव्वणं बहूइं जौयणाइं जाव पंच वडेंसया पन्नत्ता तं जहा-असोगवडेंसए सत्तवण्णवडेंसए चंपयवडें-सए चूयवडेंसए मज्जे सोहम्मवडेंसए तस्स णं सोहम्मवडेंसयस्स महाविमाणस्स पुरत्थिमे णं सोहम्मे कप्पे असंखेज्जाइं जौयणाइं वीइवइत्ता एत्थ णं सक्कस्स देविंदस्स देवरण्णो सोमस्स महारण्णो संझप्पभे नामं महाविमाणे पन्नत्ते-अद्धतेरसजौयणसयसहस्साइं आयाम-विकखंभेणं उयालीसं जौयणसयसहस्साइं वावत्रं च सहस्साइं अद्ध य अडयाले जौयणसए किंचि विसेसा-हिए परिकखेवेणं पन्नत्ते जा सूरिया भविमाणस्स वत्तव्वया सा अपरिसेसा भाणियव्वा जाव अभि-सेओ नवरं-सोमो देवो संझप्पभस्स णं महाविमाणस्स अहे सपक्खि सपडिदिसिं असंखेज्जाइं जौयणसहस्साइं ओगाहिता एत्थ णं सक्कस्स देविंदस्स देवरण्णो सोमस्स महारण्णो सोमा नामं रायहाणी पन्नत्ता-एणं जौयणसयसहस्सं आयाम-विकखंभेणं जंबुद्दीवप्पमाणा वेमाणियाणं पमाणस्स अद्धं नेयव्वं जाव ओवारियलेणं सोलस जौयणसहस्साइं आयाम-विकखंभेणं पन्नासं जौयणसहस्साइं पंच य सत्ताणउए जौयणसते किंचि विसेसूणे परिकखेवेणं पन्नत्तं पासायाणं चत्तारिपरिवाडीओ नेयव्वाओ सेसा नत्थि, सक्कस्स णं देविंदस्स देवरण्णो सोमस्स महा-रण्णो इमे देवा आणा-उववायवयण-निद्देसे चिद्धंति तं जहा-सोमकाइया इ वा सोमदेवयकाइया इ वा विज्जुकुमारा विज्जुकुमारीओ अग्गिकुमारा अग्गिकुमारीओ वायुकुमारा वायुकुमारीओ चंदा सूरा गहा नक्खत्ता ताराव्व-जे यावण्णे तहप्पगारा सव्वे ते तब्भत्तिया तप्पक्खिया तब्भा-रिया सक्कस्स देविंदस्स देवरण्णो सोमस्स महारण्णो आणा-उववायवयण-निद्देसे चिद्धंति

जंबुद्दीवे दीवे मंदरस्स पव्वयस्स दाहिणे णं जाइं इभाइं समुप्पज्जंति तं जहा-गहदंडा इ वा गहावसव्वा इ वा अब्भा इ वा अब्भरुक्खा इ वा संझा इ वा गंधव्वनगरा इ वा उक्कापाया इ वा दिसिदाहा इ वा गज्जिया इ वा विज्जुय इ वा पंसुवुद्धी इ वा जूवे इ वा जक्खालित्तए ति वा धूमिया इ वा महिया इ वा पंसुवुद्धी ति वा चंदोवरागा इ वा सूरुवरागा इ वा चंदपरिवेसा इ वा सूरपरिवेसा इ वा पडिचंदा इ वा पडिसूरा इ वा इदधणू इ वा उदगमच्छा इ वा कपिहसिया इ वा अनोहा इ वा पाईणवाया इ वा पईणवाया इ वा [दाहिणवाया इ वा उदीणवाया इ वा उड्ढावाया इ वा अहो-वाया इ वा तिरियवाया इ वा विदिसीवाया इ वा वाउब्भामा इ वा वाउक्कलिया इ वा वायमंड-लिया इ वा उक्कलियावाया इ वा मंडलियावाया इ वा गुंजावाया इ वा झंझावाया इ वा] संवड्डयवाया इ वा गामदाहा इ वा जाव सण्णिवेसदाहा इ वा पाणक्खया जणक्खया धणक्खया कुलक्खया वसणब्भूया मणारिया-जे यावण्णे तहप्पगारा न ते सक्कस्स देविंदस्स देवरण्णो सोमस्स महारण्णो अण्णाया अदिट्ठा असुया अमुया अविण्णाया तेसिं वा सोमकाइयाणं देवाणं सक्कस्स णं देविंदस्स देवरण्णो सोमस्स महारण्णो इमे देवा अहावच्चा अभिण्णाया होत्था तं

जहा-इंगालए वियालए लोहियकखे सण्णिहरे चंदे सुरे सूकके बुहे बहस्सई राहू सककस्स णं देविंदस्स देवरण्णो सोमस्स महारण्णो सतिभागं पलिओवमं ठिई पन्नत्ता अहावच्चाभिण्णायणं देवाणं एणं पलिओ- वमं ठिई पन्नत्ता एमहिइटीए जाव महाणुभागे सोमे महाराया १९४१-१६४

(१९५) कहि णं मंते सककस्स देविंदस्स देवरण्णो जमस्स महारण्णो वरसिद्धे नामं महा- विमाणे पन्नत्ते गोयमा सोहम्मवडेंसयस्स महाविमाणस्स दाहिणे णं सोहम्मे कप्पे असंखेज्जइ जो- यणसहस्साइं वीईवइत्ता एत्थ णं सककस्स देविंदस्स देवरण्णो जमस्स महारण्णो वरसिद्धे नामं महाविमाणे पन्नत्ते-अद्धतेरसजोयणसयसहस्साइं-जहा सोमस्स विमाणं तहा जाव अभिसेओ रायहाणी तहेव जाव पासायपंतीओ सककस्स णं देविंदस्स देवरण्णो जमस्स महारण्णो इमे देवा आणाउववाय वयण-निहेसे चिट्ठंति तं जहा-जमकाइया इ वा जमदेवयकाइया इ वा पेतका- इया इ वा पेतदेवयकाइया इ वा असुरकुमारा असुरकुरुमारीओ कंदप्पा निरयपाला अभियोगा- जे यावण्णे तहप्पगारा सब्बे ते तब्बत्तिगा तप्पक्खिया तब्बारिया सककस्स देविंदस्स देवरण्णो जमस्स महारण्णो आणा-उववाय-वयण-निहेसे चिट्ठंति जंबुद्वीवे दीवे मंदरस्स पव्वयस्स दाहिणे णं जाइं इमाइं समुप्पजंति तं जहा-डिंभा इ वा डमरा इ वा कलहा इ वा बोला इ वा खारा इ वा महा- जुद्धा इ वा महासंगमा इ वा महासत्थनिवडणा इ वा महापुरिसनिवडणा इ वा महारुहिर- निवडणा इ वा दुब्भूया इ वा कुलरोगा इ वा गामरोगा इ वा मंडलरोगा इ वा नगररोगा इ वा सीस- वेयणा इ वा अच्छिवेयणा इ वा कण्णवेयणा इ वा नहवेयणा इ वा दंतवेयणा इ वा इंदगहा इ वा खंदगहा इ वा कुमारगहा इ वा जक्खगहा इ वा भूयगहा इ वा एगाहिया इ वा बेहिया इ वा तेहिया इ वा चाउत्थया इ वा उव्वे-यगा इ वा कासा इ वा सासाइंवा सोसा इ वा जरा इ वा दाहा इ वा कच्छकोहा इ वा अजीरगा इ वा पंडुरोगा इ वा अरिसा इ वा मगंदला इ वा हिययसूला इ वा मत्थ- यसूला इ वा जोणिसूला इ वा पाससूला इ वा कुच्छिसूला इ वा गाममारी इ वा मडंबमारी इ वा पट्टणमारी इ वा आसममारी इ वा संवाहमारी इ वा सण्णिवेसमारी इ वा पाणक्खया जणक्खया धणक्खया कुलक्खया वसणब्भूया मणारिया जे यावण्णे तहप्पगारा न ते सककस्स देविंदस्स देवरण्णो जमस्स महारण्णो अण्णाया अदिट्ठा असुराया अमुया अविण्णाया तेसिं वा जमकाइ- याणं देवाणं सककस्स देविंदस्स देवरण्णो जमस्स महारण्णो इमे देवा अहावच्चा अभिण्णाया होत्था तं जहा १९४५-११ -१६५-१

(१९६) अंबे अंबरिसे चेव सामे सबले ति यावरे

रुद्रोवरुद्धे काले य महाकाले ति यावरे

॥२७॥-२७

(१९७) असिपत्ते धणू कुंमे वासुए वेतरणी ति य

खरस्सरे महाधोसे एते पन्नरसाहिया

॥२८॥-२८

(१९८) सककस्स णं देविंदस्स देवरण्णो जमस्स महारण्णो सतिभागं पलिअं ठिई पन्नत्ता अहावच्चाभिण्णायणं देवाणं एणं पलिओवमं ठिई पन्नत्ता एमहिइटीए जाव महाणुभागे जमे महाराया १९४५-१६५

(१९९) कहि णं मंते सककस्स देविंदस्स देवरण्णो वरुणस्स महारण्णो सयंजले नामं महाविमाणे पन्नत्ते गोयमा तस्स णं सोहम्मवडेंसयस्स महाविमाणस्स पच्चत्थिमे णं जहा सोमस्स तहा विमाण-रायधाणीओ भाणियच्चा जाव पासादवडेंसया नवरं-नामं नाणत्तं सककस्स णं

देविंदस्स देवरण्णो वरुणस्स महारण्णो इमे देवा आणाउववाय वयण-निदेसे चिद्धंति तं जहा-वरुणकाइया इ वा वरुणदेवयकाइया इ वा नागकुमारा नागकुमारीओ उदहिकुमारा उदहिकु-मारीओ यणियकुमारा यणियकुमारीओ-जे यावण्णे तहप्पगारा सव्वे ते तब्भत्तिया [तप्पक्खिया तब्भारिया सक्कस्स देविंदस्स देवरण्णो वरुणस्स महारण्णो आणा-उववाय-ययण-निदेसे] चि-द्धंति जंबुदीवे दीवे मंदरस्स पव्वयस्स दाहिणे णं जाइ इमाइं समुप्पज्जंति तं जहा-अइवासा इ वा मंदवासा इ वा सुवुट्ठी इ वा दुवुट्ठी इ वा उदव्वेदा इ वा उदव्वीला इ वा ओवाहा इ वा पवाहा इ वा गामवाहा इ वा जाव सण्णिवेसवाहा इ वा पाणक्खया [जणक्खया धणक्खया कुलक्खया वस-णब्भूया मणारिया जेयावण्णे तहप्पगारा न ते सक्कस्स देविंदस्स देवरण्णो वरुणस्स महारण्णो अण्णाया अदिट्ठा असुरया अमुया अविण्णाया तेसिं वा वरुणकाइयाणं देवाणं सक्कस्स णं देवि-दस्स देवरण्णो वरुणस्स महारण्णो इमे देवा अहावच्चाभिण्णाया होत्था तं जहा- कक्कोडए कइमए अंजणे संखवालए पुंडे पलासे मोह जए दहिमुहे अयंपुले कायरिए सक्कस्स णं देवि-दस्स देवरण्णो वरुणस्स महारण्णो देसूणाइं दो पलिओवमाइं ठिई पत्रत्ता अहावच्चाभिण्णायाणं देवाणं एणं पलिओवमं ठिई पत्रत्ता एमहिइटीए जाव महाणुभागे वरुणे महाराया १९६१-१९६६

(२००) कहि णं भंते सक्कस्स देविंदस्स देवरण्णो वेसमणस्स महारण्णो वग्गू नामं महाविमाणे पत्रते गोयमा तस्स णं सोहम्मवडेंसयस्स महाविमाणस्स उत्तरे णं जहा सोमस्स विमाण-रायहाणि-वत्तव्वया तहा नेयव्वा जाव पासादवडेंसया सक्कस्स णं देविंदस्स देव-रण्णो वेसमणस्स महारण्णो इमे देवा आणा-उववाय-वयण-निदेसं चिद्धंति तं जहा-वेसमण-काइया इ वा वेसमणदेवयकाइया इ वा सुवण्णकुमारा सुवण्णकुमारीओ दीवकुमारा दीवकु-मारीओ दिसाकुमारा दिसाकुमारीओ वाणमंतरा वाणमंतरीओ-जे यावण्णे तहप्पगारा सव्वे ते तब्भत्तिया [तप्पक्खिया तब्भारिया सक्कस्स देविंदस्स देवरण्णो वेसमणस्स महारण्णो आणा-उववाय-वयण-निदेसे] चिद्धंति जंबुदीवे दीवे मंदरस्स पव्वयस्स दाहिणे णं जाइं इमाइं समुप्प-ज्जंति तं जहा अयागरा इ वा तउयागरा इ वा तंबागरा इ वा सीसागरा इ वा हिरण्णगरा इ वा सुवण्णागरा इ वा रयणागरा इ वा वइरागरा इ वा वसुहारा इ वा हिरण्णवासा इ वा वासा इ वा रयणवासा इ वा वइरवासा इ वा आभरणवासा इ वा पत्तवासा इ वा पुप्फवासा इ वा फलवासा इ वा वीथवासा इ वा मल्लवासा इ वा वण्णवासा इ वा चुण्णवासा इ वा गंधवासा इ वा वत्थवासा इ वा हिरण्णवुट्ठी इ वा सुवण्णवुट्ठी इ वा रयणवुट्ठी इ वा वइरवुट्ठी इ वा आभरणवुट्ठी इ वा पत्तवुट्ठी इ वा पुप्फवुट्ठी इ वा फलवुट्ठी इ वा वीथवुट्ठी इ वा मल्लवुट्ठी इ वा वण्णवुट्ठी इ वा चुण्णवुट्ठी इ वा गंधवुट्ठी इ वा वत्थवुट्ठी इ वा भायणवुट्ठी इ वा खीरवुट्ठी इ वा सुकाला इ वा तुक्काला इ वा अप्पधा इ वा महग्गधा वा सुभिक्खा इ वा दुब्भिक्खा इ वा कयविककया इ वा सण्णिही इ वा सण्णिचया इ वा निही इ वा निहाणाइ वा-चिरपोराणाइ वा पहीणसामियाइ वा पहीणसेतुयाइ वा पहीणमगाइ वा पहीणगोत्तागाराइ वा उच्छण्णसामियाइ वा उच्छण्णसेतुयाइ वा उच्छण्णमगा इ वा उच्छण्णगोत्तागारा इ वा सिंघाडग-तिग-चउक्कचच्चर-चउम्मूह-महापह-पहेसु वा नगर-निद्धमणेषु वा सुसाण-गिरि-कंदर-संति-सेलोवट्ठाण-मवणगिहेसु संनिक्खित्ताइं चिद्धंति न ताइं सक्कस्स देविंदस्स देवरण्णो वेसमणस्स महारण्णो अण्णायाइं अदिट्ठाइं असु- याइं अमुयाइं अविण्णायाइं तेसिं वा वेसमणकाइयाणं देवाणं सक्कस्स देविंदस्स देवरण्णो वेसम-

णस्स महारण्णो इमे देवा अहावच्चाभिण्णयाया होत्था तं जहा-पुण्णभदे माणिभदे सालिभदे सुमण-
भदे चक्करक्खे पुण्णरक्खे सव्याणे सव्वजसे सव्वकामे समिद्धे अपोहे असंगे सक्कस्स णं
देविंदस्स देवरण्णो वेसमणस्स महारण्णो दो पलिओवमाई ठिई पन्नत्ता अहावच्चाभिण्णयायाणं
देवाणं एणं पलिओवमं ठिई पन्नत्ता एमहिड्डीए जाव महाणुभागे वेसमणे महाराया सेवं भंते सेवं
भंतेत्ति । १६७१-१६७

● तइए सत्ते सतमो उहेत्तो सप्तो ●

—: अ ढ मो—उ हे सो :—

(२०१) रायगिहे नगरे जाव पज्जुवासमाणे एवं वयासी-असुरकुमारणं भंते देवाणं कइ
देवा आहेवच्चं जावं विहरंति गोयमा दस देवा आहेवच्चं जाव विहरंति तं जहा-चमरे असुरिंदे
असुराया सोमे जमे वरुणे वेसमणे बली वडरोयणिंदे वडरोयणराया सोमे जमे वेसमणे वरुणे
नागकुमारणं भंते दिवाणं कइ देवा आहेवच्चं जाव विहरंति । गोयमा दस देवा आहेवच्चं जाव विह-
रंति तं जहा-धरणे णं नागकुमारिंदे नागकुमारराया कालवाले कोलवाले सेलवाले संखवाले
भूयाणंदे नागकुमारिंदे नागकुमारराया कालवाले कोलवाले संखवाले सेलवाले जहा नागकु-
मारिंदाणं एताए वत्तव्वयाए नीयं एवं इमाणं नेयव्वं-सुवण्णकुमारणं-वेणुदेवे वेणुदात्ती चित्ते
विचित्ते-चित्तपक्खे-विचित्तपक्खे, विज्जुकुमारणं-हरिकंत-हरिस्सह-पभ-सुप्पभ-पभकंत-
सुप्पभकंता अग्गिकुमारणं-अग्गिसिह-अग्गिमाणव-तेउ-तेउसिंह-तेउकंत-तेउप्पभा, दीव-
कुमारणं-पुण्ण-विसिद्ध-रुय-रुयंस-रुयकंत-रुयप्पभा, उदहीकुमारणं-जलकंत-जलप्पभ-
जल-जलरुय-जरकंत जलप्पभा, दिसाकुमारणं-अभितगति-अभितवाहण-तुरियगति-खिप्प-
गति-सीहहति-सीहविक्कमगती, वाउकुमारणं-वेलंब-पभंजण-काल-महाकाल-अंजण-रिद्धा,
यणियकुमारणं-घोस-महाघोस-आवस-वियावत्त-नंदियावत्त-महानंदियत्ता एवं भाणियव्वं
जहा असुरकुमारा पिसायकुमारणं [भंते देवाणं कइ देवा आहेवच्चं जाव विहरंति] गोयमा दो देवा
आहेवच्चं जाव विहरंति तं जहा- १६८-११-१६८-१

(२०२) काले य महाकाले सुरुव-पडिरुव-पुण्णभदे य

अमरवई माणिभदे भीमे य तथा महाभीमे

॥२९॥-२९

(२०३) किन्नर-किंपुरिसे खलु सप्पुरिसे खलु तथा महापुरिसे

आइकाय-महाकाए गीयरई चेव गीयजसे

॥३०॥-३०

(२०४) एते वाणमंतराणं देवाणं, जोइसियाणं देवाणं दो देवा आहेवच्चं जाव विहरंति तं
जहा-चंदे य सूरै य सोहम्भीसाणेसु णं भंते कप्पेसु कइ देवा आहेवच्चं जाव विहरंति गोयमा दस
देवा आहेवच्चं जाव विहरंति तं जहा-सक्के देविंदे देवराया सोमे जमे वरुणे वेसमाणे ईसाणे
देविंदे देवराया सोमे जमे वेसमणे वरुणे एसा वत्तव्वया सव्वेसु वि कप्पेसु एए चेव भाणियव्वा जे
य इंदा ते य भाणियव्वा सेवं भंते सेवं भंतेत्ति । १६८१-१६८

● तइए सत्ते अइमो उहेत्तो सप्तो ●

—: न व मो—उ हे सो :—

(२०५) रायगिहे जाव एवं वयासी-कइविहे णं भंते इंदियविसए पन्नत्ते गोयमा पंचविहे
इंदियविसए पन्नत्ते तं जहा-सोत्तिंदियविसए चक्खिंदियविसए धाणिंदियविसए रसिंदियवि-
सए फासिंदियविसए जीवाभिगमे जोइसियउहेसओ नेयव्वो अपरिसेसो १९९१-१६९

● तइए सत्ते नवमो उहेत्तो सप्तो ●

—: द स मो—उ दे सो :—

(२०६) रायगिहे जाव एवं वयासी-चमरस्स णं भंते असुरिंदस्स असुररण्णो कइ परिसाओ पत्रत्ताओ गोयमा तओ परिसाओ पत्रत्ताओ तं जहा-समिया चंडा जाया एवं जहाणुपुव्वीए जाव अच्चुओ कप्पो सेवं भंते सेवं भंते ति १७७०-१७०

● तइए सते दसमो उद्देशो समत्तो ●

चउत्थं सतं

—: उ दे सा-१, २, ३, ४ :—

(२०७) चत्तारि विमाणेहं चत्तारि य होति रायहाणीहिं

नेरइए लेस्साहि य दस उद्देशा चउत्थसए

॥३१॥-३१

(२०८) रायगिहे नगरे जाव एवं वयासी-ईसाणस्स णं भंते देविंदस्स देवरण्णो कइ लोगपाला पत्रत्ता गोयमा चत्तारि लोगपाला पत्रत्ता तं जहा-सोमे जमे वेसमणे वरुणे एएसि णं भंते लोगपालाणं कइ विमाणा पत्रत्ता गोयमा चत्तारि विमाणा पत्रत्ता तं जहा-सुमणे सच्चओभदे बग्गु सुवग्गू कहि णं भंते ईसाणस्स देविंदस्स देवरण्णो सोमस्स महारण्णो सुमणे नामं महाविमाणे पत्रत्ते गोयमा जंबुद्वीवे दीवे मंदरस्स पक्कयस्स उत्तरे णं ईमीसे रयण्यभाए पुढवीए जाव ईसाणे नामं कप्पे पत्रत्ते तत्थ णं जाव पंच वडेंसया पत्रत्ता ते जहा-अंकवडेंसए फलिहवडेंसए रयणवडेंसए जायरुवडेंसए मज्झे ईसाणवडेंसए तस्स णं ईसाणवडेंसयस्स महाविमाणस्स पुरत्थिमे णं तिरियमसंखेज्जाइं जोयणसहस्साइं वीईवइत्ता एत्थ णं ईसाणस्स देविंदस्स देवरण्णो सोमस्स महारण्णो सुमणे नामं महाविमाणे पत्रत्ते अद्धतेरसजोयसणसयहस्साइं जहा सककस्स वत्तच्चया तइयसए तहा ईसाणस्स वि जाव अच्चणिया समत्ता चउण्ह वि लोगपालाणं विमाणे-विमाणे उद्देशओ चऊसु वि विमाणेसु चत्तारि उद्देशा अपरिसेसा नवरं-ठिईए नाणत्तं-

१७७१-१७१

(२०९) आदि दुय तिभागूणा पलिया घणयस्स होति दो चेव

दो सतिभागा वरुणे पलियमहावच्चदेवाणं

॥३२॥-३२

● चउत्थे सते १, २, ३, ४ उद्देशा समत्ता ●

—: उ दे सा-५, ६, ७, ८ :—

(२१०) रायहाणीसु वि चत्तारि उद्देशे भाणियच्चा जाव एमहिइडाए जाव वरुणे महाराया १७७२-१७२

● चउत्थे सते ५, ६, ७, ८ उद्देशा समत्ता ●

—: न व मो—उ दे सो :—

(२११) नेरइए णं भंते नेरइएसु उववज्जइ अनेरइए नेरइएसु उववज्जइ पत्रवणाए लेस्सापए तइओ उद्देशओ भाणियच्चो जाव नाणाइं १७७३-१७३

● चउत्थे सते नवमो उद्देशा समत्ता ●

—: द स मो—उ दे सो :—

(२१२) से नूणं भंते कण्हलेस्सा नीललेस्सं पप्प तारुवत्ताए तावण्णत्ताए तागंधत्ताए तारसत्ताए ताफासत्ताए भुज्जो-भुज्जो परिणमति हंता गोयमा कण्हलेसा नीललेसं पप्प तारु-

वत्ताए तावण्णत्ताए तागंधत्ताए तारसत्ताए ताफासत्ताए भुज्जो-भुज्जो परिणमंति एवं चउत्थो उद्देसओ पन्नवणाए चेव लेस्सापदे नेयव्वो जाव- ११७४-११-१७४-१

(२१३) परिणाम-वण्ण-रस-गंध-सुद्ध-अपसत्थ-संकिलिङ्गणहा

गइ - परिणामं - पएसोगाह - वग्गणायणमप्पबहुं

॥३३॥-३३

(२१४) सेवं भंते सेवं भंते ति ११७४-१७४

● चउत्थे सते दसमो उद्देसो समतो ●

पंचमं - सतं

—: प ढ मो—उ द्वे सो —:

(२१५) चंप-रवि अनिल गंठिय सहै छउमाउ एयण नियंते

रायगिहं चंपा-चंदिमा य दस पंचमम्मि सए

॥३४॥-३४

(२१६) तेणं कालेणं तेणं समएणं चंपा नामं नगरी होत्था-वण्णओ तीसे णं चंपाए नगरीए पुण्णमद्दे नामं चेइए होत्था-वण्णओ सामी समोसढे जाव परिसा पडिगया तेणं कालेणं तेणं समएणं समणस्स भगवओ महावीरस्स जेड्डे अंतेवासी इंदभूई नामं अणगारे गोयमे गोत्तेणं जाव एवं वयासी-जंबुदीवे णं भंते दीवे सूरिया उदीण-पाईणमुग्गच्छ पाईण-दाहिणमागच्छंति पाईण-दाहिणमुग्गच्छ दाहिण-पडीणमागच्छंति दाहिण-पडीणमुग्गच्छ पडीण-उदीण-मा-गच्छंति पडीण-उदीण-मुग्गच्छ उदीचि-पाईणमागच्छंति हंता गोयमा जंबुदीवे णं दीवे सूरि- या उदीण-पाईणमुग्गच्छ जाव उदीचि पाईणमागच्छंति जया णं भंते जंबुदीवे दीवे मंदरस्स पव्व-यस्स दाहणइढे भवइ तथा णं उत्तरइढेवि दिवसे भवइ जया णं उत्तरइढे दिवसे भवइ तथा णं जंबुदीवे दीवे मंदरस्स पव्वयस्स पुरत्थिम-पच्चत्थिमे णं राई भवइ हंता गोयमा जया णं जंबुदीवे दीवे दाहिणइढे दिवसे जाव पुरत्थिम-पच्चत्थिमे णं राई भवइ जयाणं भंते जंबुदीवे दीवे मंदरस्स पव्वयस्स पुरत्थिमे णं दिवसे भवइ तथा णं पच्चत्थिमे णं वि दिवसे भवइ जया णं पच्चत्थिमे णं दिवसे भवइ तथा णं जंबुदीवे दीवे मंदरस्स पव्वयस्स उत्तर-दाहिणे णं राई भवइ हंता गोयमा जया णं जंबुदीवे दीवे मंदरस्स पव्वयस्स पुरत्थिमे णं दिवसे जाव उत्तर-दाहिणे णं राई भवइ ११७५-१७५

(२१७) जया णं भंते जंबुदीवे दीवे मंदरस्स पव्वयस्स दाहिणइढे उक्कोसए अट्टारस मुहुत्ते दिवसे भवइ तथा णं उत्तरइढे वि उक्कोसए अट्टारसमुहुत्ते दिवसे भवइ जया णं उत्तरइढे उक्कोसए अट्टारसमुहुत्ते दिवसे भवइ तथा णं जंबुदीवे दीवे मंदरस्स पव्वयस्स पुरत्थिम-पच्चत्थिमे णं जहण्णिंया दुवालसमुहुत्ता राई भवइ हंता गोयमा जया णं जंबुदीवे दीवे दाहिणइढे उक्कोसए अट्टारसमुहुत्ते दिवसे जाव दुवालसमुहुत्ता राई भवइ जया णं भंते जंबुदीवे दीवे मंदरस्स पव्वयस्स पुरत्थिमे उक्कोसए अट्टारसमुहुत्ते दिवसे भवइ तथा णं पच्चत्थिमे वि उक्को-सेणं अट्टारसमुहुत्ते दिवसे भवइ जया णं पच्चत्थिमे णं उक्कोसए अट्टारसमुहुत्ते दिवसे भवइ तथा णं जंबुदीवे दीवे उत्तर-दाहिणे णं जहण्णिंया दुवालसमुहुत्ता राई भवइ हंता गोयमा जाव भवइ जया णं भंते जंबुदीवे दीवे दाहिणइढे अट्टारसमुहुत्ताणंतरे दिवसे भवइ तथा णं उत्तरइढे वि अट्टारसमुहुत्ताणंतरे दिवसे भवइ जया णं उत्तरइढे अट्टारसमुहुत्ताणंतरे दिवसे भवइ तथा णं जंबुदीवे दीवे मंदरस्स पव्वयस्स पुरत्थिम पच्चत्थिमे णं साइरेगा दुवालसमुहुत्ता राई भवइ हंता गोयमा जया णं जंबुदीवे जाव राई भवइ जया णं भंते जंबुदीवे दीवे मंदरस्स पव्वयस्स पुरत्थिमे णं

अद्वारसमुहुत्ताणंतरे दिवसे भवइ तथा णं पच्चत्थिमे वि अद्वारसमुहुत्ताणंतरे दिवसे भवइ जया णं पच्चत्थिमे अद्वारसमुत्ताणंतरे दिवसे भवइ तथा णं जंबुदीवे दीवे मंदरस्स पव्वयस्स उत्तर-दाहिणे णं साइरेगा दुवालसमुहुत्ता राई भवइ हंता गोयमा जाव भवइ एवं एएणं कमेणं ओसारेयव्वं-सत्तरसमुहुत्ते दिवसे तेरसमुहुत्ता राई पसत्तर समुहुत्ताणंतरे दिवसे साइरेगा तेरसमुहुत्ता राई सोलसमुहुत्ते दिवसे चोदसमुहुत्ता राई सोलसमुहुत्ताणंतरे दिवसे साइरेगा चउदसमुहुत्ता राई पन्नरसमुहुत्ते दिवसे पन्नरसमुहुत्ता राई पन्नरसमुहुत्ताणंतरे दिवसे साइरेगा पन्नरसमुहुत्ता राई चोदसमुहुत्ते दिवसे सोलसमुहुत्ता राई चोदसमुहुत्ताणंतरे दिवसे साइरेगा सोलसमुहुत्ता राई तेरसमुहुत्ते दिवसे सत्तरसमुहुत्ता राई तेरसमुहुत्ताणंतरे दिवसे साइरेगा सत्तरसमुहुत्ता राई जया णं जंबुदीवे दीवे मंदरस्स पव्वयस्स दाहिणइडे जहण्णए दुवालसमुहुत्ते दिवसे भवइ तथा णं उत्तरइडे वि जया णं उत्तरइडे तथा णं जंबुदीवे दीवे मंदरस्स पव्वयस्स पुरत्थिम-पच्चत्थिमे णं उक्कोसिया अद्वारसमुहुत्ता राई भवइ हंता गोयमा एवं चेव उच्चारैयव्वं जाव राई भवइ जया णं भंते जंबुदीवे दीवे मंदरस्स पव्वयस्स पुरत्थिमे णं जहन्नए दुवालसमुहुत्ते दिवसे भवइ तथा णं पच्चत्थिमे ण वि जया णं पच्चत्थिमे तथा णं जंबुदीवे दीवे मंदरस्स पव्वयस्स उत्तर-दाहिणे णं उक्कोसिया अद्वारसमुहुत्ता राई भवइ हंता गोयमा जाव राई भवइ १९७६-१७६

(२१८) जया णं भंते जंबुदीवे दीवे दाहिणइडे वासाणं पढमे समए पडिवज्जइ तथा णं उत्तरइडे वि वासाणं पढमे समए पडिवज्जइ जया णं उत्तरइडे वासाणं पढमे समए पडिवज्जइ तथा णं जंबुदीवे दीवे मंदरस्स पव्वयस्स पुरत्थिम-पच्चत्थिमे णं अनंतरपुरक्खडे समयंसि वासाणं पढमे समए पडिवज्जइ हंता गोयमा जया णं जंबुदीवे दीवे दाहिणइडे वासाणं समए पडिवज्जइ तह चेव पडिवज्जइ जया णं भंते जंबुदीवे दीवे मंदरस्स पव्वयस्स पुरत्थिमे णं वासाणं पढमे समए पडिवज्जइ तथा णं पच्चत्थिमे ण वि वासाणं पढमे समए पडिवज्जइ जया णं पच्चत्थिमे णं वासाणं पढमे समए पडिवज्जइ तथा णं [जंबुदीवे दीवे] मंदरस्स पव्वयस्स उत्तर-दाहिणे णं अनंतरपच्छा-कडसमयंसि वासाणं पढमे समए पडिवज्जे भवइ हंता गोयमा जया णं जंबुदीवे दीवे मंदरस्स पव्वयस्सा पुरत्थिमे णं एवं चेव उच्चारैयव्वं जाव पडिवज्जे भवइ एवं जहा समएणं अभिलावो भणिओ वासाणं तहा आवलियाएवि भाणियव्वो आणापाणूणवि थोवेणवि लवेणवि मुहुत्ते-णवि अहोस्तेणवि पक्खेणवि मासेणवि उरुणवि एएसिं सव्वेसिं जहा समयस्स अभिलावो तहा भाणियव्वो जया णं भंते जंबुदीवे दीवे मंदरस्स पव्वयस्स दाहिणइडे हेणंताणं पढमे समए पडिवज्जइ जहेव वासाणं अभिलावो तहेव हेमंतामं वि गिम्हाण वि भाणियव्वो जाव उरुए एवं तिण्णि वि एएसिं तीसं आलायगा भाणियव्वो जया णं भंते जंबुदीवे दीवे मंदरस्स पव्वयस्स दाहिणइडे पढमे अयणे पडिवज्जइ तथा णं उत्तरइडे वि पढमे अयणे पडिवज्जइ जहा समएणं अभिलावो तहेव अयणेण वि भाणियव्वो जाव अनंतरपच्छाकडसमयंसि पढमे अयणे पडिवज्जे भवइ जहा अयणेणं अभिलावो तहा संवच्छरेणं वि भाणियव्वो जुहुण वि वाससएण वि वाससहस्सेणं वि वाससयसहस्सेणं वि पुव्वंगेणं वि पुव्वेण वि तुडियंगेणं वि तुडिएण वि-एवं पुव्वंगे पुव्वे तुडियंगे तुडिए अडडंगे अड्डे अवयंगे अववे हूहूयंगे हूहए उप्पलंगे उप्पले पउमंगे पउमे नलिंगे नलिणे अत्थणिउरंगे अत्थणिउरे अउयंगे अउए नउयंगे नउए पउयंगे पउए वूलियंगे वूलिया सीसपहेलियंगे सीसपहेलिया-पलिओवमेण सागरोवमेण वि भाणियव्वो

जया णं भंते जंबुदीवे दीवे मंदरस्स पव्वयस्स दाहिणइडे पढमा ओसप्पिणी पडिवज्जइ तथा णं उत्तरइडे वि पढमा ओसप्पिणी पडिवज्जइ तथा णं जंबुदीवे दीवे मंदरस्स पव्वयस्स पुरत्थिम-पच्चत्थिमे णं नेवत्थिओसप्पिणी नेवत्थि उस्सप्पिणी अवट्ठिए णं तत्थ काले पन्नत्ते समणाउत्तो जहा ओसप्पिणीए आलावओ भणिओ एवं उस्सप्पिणीए वि भाणियव्वो १७७१-१७७

(२१९) लवणे णं भंते समुदे सूरिया उदीण-पाईणमुग्गच्छ पाईण-दाहिणमागच्छंति जहेव जंबुदीवस्स वत्तव्वया भणिया सच्चेव सव्वा अपरिसेसिया लवणसमुहस्स वि भाणियव्वा नवरं-अभिलावो इमो जाणियव्वो जया णं भंते लवणसमुदे दाहिणइडे दिवसे भवइ तं चेव जाव तदा णं लवणसमुदे पुरत्थिमे पच्चत्थिमे णं राई भवति एएणं अभिलावेणं नेयव्वं जाव जया णं भंते लवणसमुदे दाहिणइडे पढमा ओसप्पिणी पडिवज्जइ तथा णं उत्तरइडे वि पढमा ओसप्पिणी पडिवज्जइ तथा णं उत्तरइडे पढमा ओसप्पिणी पडिवज्जइ तथा णं लवणसमुदे पुरत्थिम-पच्चत्थिमे णं नेवत्थि ओसप्पिणी नेवत्थि उस्सप्पिणी अवट्ठिएणं तत्थ काले पन्नत्ते समणाउत्तो हंता गोयमा जाव समणाउत्तो घायइसंडे णं भंते दीवे सूरिया उदीण-पाईणमुग्गच्छ पाईण-दाहिणमागच्छंति जहेव जंबुदीवस्स वत्तव्वया भणिया सच्चेव धायइसंडस्स वि भाणियव्वा नवरं-इमेणं अभिला-वेणं सव्वे आलावगा भाणियव्वा जया णं भंते घायइसंडे दीवे दाहिणइडे दिवसे भवइ तदा णं उत्तरइडे वि जया णं उत्तरइडे तथा णं घायइसंडे दीवे मंदराणं पव्वयाणं पुरत्थिम-पच्चत्थिमे णं राई भवइ हंता गोयमा एवं चेव जाव राई भवइ जया णं भंते धायइसंडे दीवे मंदराणं पुरत्थिमे णं दिवसे भवइ तथा णं पच्चत्थिमे ण वि जया णं पच्चत्थिमे णं दिवसे भवइ तथा णं घायइसंडे दीवे मंदराणं पव्वयाणं उत्तर-दाहिणे णं राई भवइ हंता गोयमा जाव भवइ एवं एएणं अभिलावेणं नेयव्वं जाव जया णं भंते दाहिणइडे पढमा ओसप्पिणी तथा णं उत्तरइडे वि जया णं उत्तरइडे वि तथा णं घायइसंडे दीवे मंदराणं पव्वयाणं पुरत्थिम-पच्चत्थिमे णं नत्थि ओसप्पिणी जाव समणाउत्तो हंता गोयमा जाव समणाउत्तो जहा लवणसमुहस्स वत्तव्वया तथा कालोदस्स वि भाणियव्वा नवरं-कालोदस्स नामं भाणियव्वं अब्भितरपुक्खरद्धे णं भंते सूरिया उदीण-पाईण-मुग्गच्छ पाईण-दाहिणमागच्छंति जहेव धायइसंडस्स वत्तव्वया तहेव अब्भितरपुक्ख-रद्धस्स वि भाणियव्वा नवरं-अभिलाओ जाणियव्वो जाव तथा णं अब्भितरपुक्खरद्धे मंदराणं पुरत्थि-पच्चत्थिमे णं नेवत्थि ओसप्पिणी नेवत्थि उस्सप्पिणी अवट्ठिए णं तत्थ काले पन्नत्ते समणाउत्तो सेवं भंते सेवं भंते त्ति १७८१-१७८

● पंचमे सते पदयो उद्देशो समस्तो ●

—: बी ओ — उ हे सो :-

(२२०) रायगिहे नगरे जाव एवं वयासी-अत्थि णं भंते ईसिं पुरेवाया पत्था वाया मंदा वाया महावाया वायंति हंता अत्थि णं भंते पुरत्थिमे णं ईसिं पुरेवाया पत्था वाया मंदा वाया महावाया वायंति हंता अत्थि एवं पच्चत्थिमे णं दाहिणे णं उत्तरे णं उत्तर-पुरत्थिमे णं दाहिणपच्चत्थिमे णं दाहिण-पुरत्थिमे णं उत्तर-पच्चत्थिमे णं जया णं भंते पुरत्थिमे णं ईसिं पुरेवाया पत्था वाया मंदा वाया महावाया वायंति, तथा णं पच्चत्थिमे ण वि ईसिं पुरेवाया पत्थ वाया मंदा वाया महावाया वायंति; जया णं पच्चत्थिमे णं ईसिं पुरेवाया पत्था वाया मंदा वाया महावाया वायंति तथा णं पुरत्थिमे ण वि हंता गोयमा ! जया णं पुरत्थिमे णं ईसिं पुरेवाया पत्था वाया मंदा

वाया महावाया वायंति, तथा णं पच्चत्थिमे ण वि ईसिं पुरेवाया पत्था वाया मंदा वाया महावाया वायंति जया णं पच्चत्थिमे णं ईसिं पुरेवाया पत्था वाया मंदा वाया महावाया वायंति तथा णं पुरत्थिमे ण वि ईसिं पुरेवाया पत्था वाया मंदा वाया महावाया वायंति एवं दिसासु विदिसासु अत्थि णं भंते दीविच्चाया ईसिं पुरेवाया हंता अत्थि णं भंते सामुद्दया ईसिं पुरेवाया हंता अत्थि जया णं भंते दीविच्चाया ईसिं पुरेवाया तथा णं सामुद्दया वि ईसिं पुरेवाया जया णं सामुद्दया ईसिं पुरेवाया तथा णं दीविच्चाया वि ईसिं पुरेवाया नो इण्ढे सम्ढे से केण्ढे भंते एवं बुच्चइ-जया णं दिविच्चाया ईसिं पुरेवाया नो णं तथा सामुद्दया ईसिं पुरेवाया जया णं सामुद्दया ईसिं पुरेवाया नो णं तथा दीविच्चाया ईसिं पुरेवाया गोयमा तेसिं णं वायाणं अण्णमण्णविविच्चासेणं लवणसमुद्दे वेलं नाइक्कमइ से तेण्ढेणं जाव नो णं तथा दीविच्चाया ईसिं पुरेवाया पत्था वाया मंदा वाया महावाया वायंति अत्थि णं भंते ईसं पुरेवाया पत्था वाया मंदा वाया महावाया वायंति हंता अत्थि कया णं भंते ईसिं पुरेवाया जाव वायंति गोयमा जया णं वाउयाए अहारियं रियति, तथा णं ईसिं पुरेवाया जाव वायंति अत्थि णं भंते ईसिं पुरेवाया हंता अत्थि कया णं भंते ईसिं पुरेवाया गोयमा जया णं वाउयाए उत्तरकिरियं रियइ तथा णं ईसिं पुरेवाया जाव वायंति अत्थि णं भंते ईसिं पुरेवाया हंता अत्थि कया णं भंते ईसिं पुरेवाया पत्था वाया गोयमा जया णं वाउकुमारा, वाउकुमारीओ वा अम्पणो परस्स वा तदुभयस्स वा अद्वाए वाउकायं उदीरेति तथा णं ईसिं पुरेवाया जाव वायंति वाउयाए णं भंते वाउयायं चेव आणमंति वा पाणमंति वा ऊससंति वा नीससंति वा [हंता गोय मा वाउयाए णं वाउयाए चेण आणमंति वा पाणमंति वा, उससंति वा नीससंति वा, वाउयाए णं भंते वाउयाए चेव अणेगसयसहस्सखुत्तो उद्दाइत्ता-उद्दाइत्ता तत्थेव भुज्जो-भुज्जो पच्चायाति हंता गोयमा वाउयाए णं वाउयाए चेव अणेगसयसहस्सखुत्तो उद्दाइत्ता-उद्दाइत्ता तत्थेव भुज्जो-भुज्जो पच्चायाति से भंते किं पुट्ठे उद्दाति अपुट्ठे उद्दाति गोयमा पुट्ठे उद्दाति नो अपुट्ठे उद्दाति से भंते किं ससरीरी निक्खमइ असरीरी निक्खमइ गोयमा सिय ससरीरी निक्खमइ सिय असरीरी निक्खमइ से केण्ढेणं भंते एवं बुच्चइ-सिय-ससरीरी निक्खमइ सिय असरीरी निक्खमइ गोयमा वाउयायस्स णं चत्तारि सरीरया पत्रत्ता, तं जहा-ओरालिए वेउच्चिए तेयए कम्पए ओरालिय-वेउच्चियाइं विप्पजहाय तेयय-कम्पएहिं निक्खमइ से तेण्ढेणं गोयमा एवं बुच्चइ-सिय ससरीरी निक्खमइ, सिय असरीरी निक्खमइ 19७९1-179

(२२९) अह णं भंते ओदणे कुम्मासे सुराए णं किंसरीरा ति वत्तव्वं सिया गोयमा ओदणे कुम्मासे सुराए य जे घणे दव्वे-एए णं पुव्वभावपण्णवणं पडुच्च वणस्सइ जीवसरीरा तओ पच्चा सत्थातीया सत्थपरिणामिया अगणिज्झामिया अगणिज्झामिया अगणिपरिणामिया अगणिजीवसरीरा ति वत्तव्वं सिया सुराए य जे दवे दव्वे-एए णं पुव्वभावपण्णवणं पडुच्च आउजीवसरीरा तओ पच्चा सत्थातीया जाव अगणिजीवसरीरा ति वत्तव्वं सिया अह णं भंते अये तंवे तउए सीसए उवले कसट्ठिया-एए णं किंसरीरा ति वत्तव्वं सिया गोयमा अये तंवे तउए सीसए उवले कसट्ठिया-एए णं पुव्वभावपण्णवणं पडुच्च पुदवीजीवसरीरा तओ पच्चा सत्थातीया जाव अगणिजीवसरीरा ति वत्तव्वं सिया अह णं भंते अट्ठी अट्ठिज्झामे चम्मे चम्पज्झामे रोमे रोमज्झामे सिंगे सिंगज्झामे खुरे खुरज्झामे नक्खे नक्खज्झामे-एए णं किंसरीरा ति वत्तव्वं सिया गोयमा अट्ठी चम्मे रोमे सिंगे खुरे नक्खे-एए णं तसपाणजीवासरीरा अट्ठिज्झामे

चम्मज्झामे रोमज्झामे सिंगज्झामे खुरज्झामे नक्खज्झामे - एए णं पुव्वभावपण्णवणं पडुच्च तत्तपाणजीवसरीरा तओ पच्छा सत्यातीया जाव अगणिजीवसरीरा ति वत्तव्वं सिया अहं णं भंते इंगाले छारिए मुसे गोमए-एए णं किंसरीरा ति वत्तव्वं सिया गोयमा इंगाले छारिए मुसे गोमए-एए णं पुव्वभावपण्णवणं पडुच्च एगिंदयजीवसरीरपयोगपरिणामिया वि जाव पंचिदिय-जीवसरीरपयोगपरिणामिया वि तओ पच्छा सत्यातीया जाव अगणिजीवसरीरा ति वत्तव्वं सिया १९८०-१८०

(२२२) लवणे णं भंते समुदे केवइयं चक्कवालविकखंमेणं पन्नत्ते एवं नेयव्वं जाव लोगड्डिई लोगणुभावे सेवं भंते सेवं भंते ति भगवं गोयमे जाव विहरइ १९८१-१८१

● पंचमे सत्ते बीओ उहेसो सप्ततो ●

— त इ ओ — उ हे सो —

(२२३) अण्णउत्थिया णं भंते एवमाइक्खंति भासंति पन्नवेति परूवेति-से जहानामए जालगंठिया सिया-आनुपुव्विगड्डिया अनंतरगड्डिया परंपरगड्डिया अण्णमण्णगड्डिया अण्णमण्णगरुगताए अण्णमण्णभारित्ताए अण्णमण्णगरुय संभारियत्ताए अण्णमण्णघडताए चिद्धइ एवामेव बहूणं जीवाणं बहूसु आजातिसहस्सेसु बहूइं आउयसहस्साइं आनुपुव्विगड्डियाइं जाव चिद्धंति एगे वि य णं जीवे एगेणं समएणं दो आउयाइं पडिसंवेदेइ तं जहा-इहभवियाउयं च परभवियाउं च जं समयं इहभवियाउयं पडिसंवेदेइ, तं समयं परभवियाउयं पडिसंवेदेइ जं समयं परभवियाउयं पडिसंवेदेइ, तं समयं इहभवियाउयं पडिसंवेदेइ इहभवियाउयस्स पडिसंवेदण-याए परभवियाउयं पडिसंवेदेइ परभवियाउयस्स पडिसंवेदणयाए इहभवियाउयं पडिसंवेदेइ एवं खलु एगे जीवे एगेणं समएणं दो आउयाइं पडिसंवेदेइ तं जहा-इहभवियाउयं च परभवियाउयं च] से कहमेयं भंते एवं गोयमा जण्णं तं अण्णउत्थिया तं चेव जाव परभवियाउयं च जे ते एव माहंसु तं मिच्छा अहं पुण गोयमा एवमाइक्खामि भासापि पण्णेवेपि परूवेमि-से जहानामए जालगंठिया सिया-[आनुपुव्विगड्डिया अनंतरगड्डिया परंपरगड्डिया अण्णमण्णगड्डिया अण्णमण्णगरुगताए अण्णमण्णभारियत्ताए अण्णमण्णगरुय संभारियत्ताए] अण्णमण्णघड-त्ताए चिद्धति एवामेव एगमेगस्स जीवस्स बहूहिं आजातिसहस्सेहिं बहूइं आउयसहस्साइं आनुपुव्विगड्डियाइं जाव चिद्धंति एगे वि य णं जीवे एगेणं समएणं एगं आउयं पडिसंवेदेइ तं जहा-इहभवियाउयं वा परभवियाउयं वा जं समयं इहभवियाउयं पडि- संवेदेइ, नो तं समयं परभवियाउयं पडिसंवेदेइ जं समयं परभवियाउयं पडिसंवेदेइ नो तं समयं इहभवियाउयं पडि-संवेदेइ इहभवियाउयस्स पडिसंवेदणाए नो इहभवियाउयं पडिसंवेदेइ एवं खलु एगे जीवे एगेणं समएणं एगं आउयं पडिसंवेदेइ तं जहा-इहभवियाउयं वा परभवियाउयं वा १९८२-१८२

(२२४) जीवे णं भंते जे भविए नेरइएसु उववज्जित्ताए, से णं भंते किं साउए संकमइ निराउए संकमइ गोयमा साउए संकमइ नो निराउए संकमइ से णं भंते आउए कहिं कडे कहिं समाइण्णे गोयमा पुरिसे भवे कडे पुरिसे भवे समाइण्णे एवं जाव वेमाणियाणं दंडओ से नूणं भंते जे जं भविए जोणि उववज्जित्ताए से तपाउयं पकरेइ, तं जहा-नेरयाउयं वा तिरिक्खजोणियाउयं वा मणुस्साउयं वा देवाउयं वा हंता गोयमा जे जं भविए जोणि उववज्जित्ताए से तपाउयं पकरेइ तं जहा-नेरइयाउयं वा तिरिक्खजोणियाउयं वा, मणुस्साउयं वा देवाउयं वा नेरइयाउयं पकरेमाणे

सत्तविहं पकरेइ तं जहा-रयणप्पभापुढविनेरइयाउयं वा [सक्करप्पभापुढविनेरइयाउयं वा बालुयप्पभापुढविनेरइयाउयं वा पंकप्पभापुढविनेरइयाउयं वा धूमप्पभापुढविनेरइयाउयं वा, तमप्पभापुढविनेरइयाउयं वा] अहेसत्तमापुढविनेरइयाउयं वा तिरिक्खजोणियाउयं पकरे-
माणे पंचविहं पकरेइ तं जहा-एगिदियतिरिक्खजोणियाउयं वा [बेइंदियतिरिक्खजोणियाउयं
वा तेइंदियतिरिक्खजोणियाउयं वा चउरिंदियतिरिक्खजोणियाउयं वा पंचिदियतिरिक्ख-
जोणियाउयं वा] मणुस्साउयं दुविहं [पकरेइ तं जहा-सम्पुच्छिमणुस्साउयं वा गम्भवक्खंतिय-
मणुस्साउयं वा] देवाउयं चउव्विहं पकरेइ तं जहा-भवणवासिदावाउयं वा वाणमंतरदेवाउयं वा जो-
इसियदेवाउयं वा वेवाणियदेवाउयं वा सेवं भंते सेवं भंते ति १९८३-१८३

● पंचमे सते तइओ उद्देशो समत्तो ●

—: व उ त्थो — उ हे सो :—

(२२५) छउमत्थे णं भंते मणुस्से आउडिज्जमाणाइं सहाइं सुणेइ तं जहा-संखसहाणि वा
सिंगसहाणि वा संखियसहाणि वा, खरमुहीसहाणि वा पोयासहाणि वा पिरिपिरियासहाणि वा
पणवसहाणि वा पडहसहाणि वा भंभासहाणि वा होरंभसहाणि वा भेरिसहाणि वा झल्लरीसहाणि
वा दुंदुभिसहाणि वा तताणि वा वितताणि वा घणाणि वा झुसिराणि वा हंता गोयमा छउमत्थे णं
मणुस्से आउडिज्जमाणाइं सहाइं सुणेइ तं जहा- संखसहाणि वा जाव झुसिराणि वा ताइं भंते किं
पुट्ठाइं सुणेइ अपुट्ठाइं सुणेइ गोयमा पुट्ठाइं सुणेइ नो अपुट्ठाइं सुणेइ [जाइं भंते पुट्ठाइं सुणेइ ताइं किं
ओगाढाइं सुणेइ अणोगाढाइं सुणेइ गोयमा ओगाढाइं सुणेइ नो अणोगाढाइं सुणेइ जाइं भंते
ओगाढाइं सुणेइ ताइं किं अनंतरोगाढाइं सुणेइ परंपरोगाढाइं सुणेइ गोयमा अनंतरोगाढाइं सुणेइ
नो परंपरोगाढाइं सुणेइ जाइं भंते अनंतरोगाढाइं सुणेइ ताइं किं अणूइं सुणेइ बादराइं सुणेइ
गोयमा अणूइं पि सुणेइ बादराइं पि सुणेइ जाइं भंते अणूइं पि सुणेइ बादराइं पि सुणेइ ताइं किं
उइं सुणेइ अहे सुणेइ तिरियं सुणेइ गोयमा उइं पि सुणेइ अहे वि सुणेइ तिरियं पि सुणेइ जाइं
भंते उइं पि सुणेइ अहे वि सुणेइ तिरियं पि सुणेइ ताइं किं आइं सुणेइ मज्झे सुणेइ पज्जवसाणे
सुणेइ गोयमा आइं पि सुणेइ मज्झे पि सुणेइ पज्जवसाणे वि सुणेइ जाइं भंते आइं पि सुणेइ मज्झे वि
सुणेइ पज्जवसाणं वि सुणेइ ताइं किं सविसए सुणेइ अविसए अविसए सुणेइ गोयमा सविसए
सुणेइ नो अविसए सुणेइ जाइं भंते सविसए सुणेइ ताइं किं आनुपुब्बि सुणेइ अणाणुपुब्बि सुणेइ
गोयमा आणुपुब्बि सुणेइ नो अणाणुपुब्बि सुणेइ जाइं भंते आणुपुब्बि सुणेइ ताइं किं तिदिसिं
सुणेइ जाव छइंसिं सुणेइ गोयमा] नियमा छइंसिं सुणेइ छउमत्थे णं भंते मणूसे किं आरगयाइं
सहाइं सुणेइ पारगयाइं सहाइं सुणेइ गोयमा आरगयाइं सहाइं सुणेइ नो पारगयाइं सहाइं सुणेइ
जहा णं भंते छउमत्थे मणूसे आरगयाइं सहाइं सुणेइ नो पारगयाइं सहाइं सुणेइ तहा णं केवली किं
आरगयाइं सहाइं सुणेइ पारगयाइं सहाइं सुणेइ गोयमा केवली णं आरगयं वा पारगयं वा
सव्वदूर-मूलमणंतियं सहं जाणइ-पासइ से केण्डेणं भंते एवं बुद्धइ-केवली णं आरगयं वा
पारगयं वा सव्वदूरमूलमणंतियं सहं जाणइ-पासइ गोयमा केवलीणं पुरत्थिमे णं मियं जाणइ
अमियं पि जाणइ एवं दाहिणे णं पच्चत्थिमे णं उत्तरे णं उट्ठं अहे मियं पि जाणइ अमियं पि जाणइ
सव्वं जाणइ केवली सव्वं पासइ केवली सव्वओ जाणइ केवली सव्वओ पासइ केवली सव्व-
कालं जाणइकेवली सव्वकालं पासइ केवली सव्वभावे जाणइ केवली सव्वभावे पासइ केवली

अनंते नाणे केवलिसस अनंते दंसणे केवलिसस निव्वुडे नाणे केवलिसस निव्वुडे दंसणे केवलिसस से तेणट्टेणं गोयमा एवं वुच्चइ-केवली णं आरगयं वा पारगयं वा सव्वदूरमूलमणंतिथं सइं जाणइ-पासइ १९८४१-१८४

(२२६) छउमत्ये णं भंते मणुस्से हसेज्ज वा उस्सुयाएज्ज वा हंता हसेज्ज वा उस्सुयाएज्ज वा जहा णं भंते छउमत्ये मणुस्से हसेज्ज वा उस्सुयाएज्ज वा तथा णं केवली वि हसेज्ज वा उस्सुयाएज्ज वा गोयमा नो इणट्टे समट्टे से केणट्टेणं [भंते एवं वुच्चइ-जहा णं छउमत्ये मणुस्से हसेज्ज वा उस्सुयाएज्ज] वा नो णं तथा केवली हसेज्ज वा उस्सुयाएज्ज वा गोयमा जं णं जीवा चरित्तमोहणिज्जस्स कम्मस्स उदएणं हंसति वा उस्सुयायंति वा से णं केवलिसस नत्थि से तेणट्टेणं [गोयमा एवं वुच्चइ-जहा णं छउमत्ये मणुस्से हसेज्ज वा उस्सुयाएज्ज वा] नो णं तथा केवली हसेज्ज वा उस्सुयाएज्ज वा जीवे णं भंते हसमाणे वा उस्सुयमाणे वा कइ कम्मपगडीओ बंधइ गोयमा सत्तविहबंधए वा अट्टविहबंधए वा एवं जाव वेमाणिए पोगत्ताएहिं जीवेगिंदियवज्जो तियभंगो छउमत्ये णं भंते मणुस्से निदाएज्जा वा पयलाएज्जा वा हंता निदाएज्ज वा पयलाएज्ज वा [जहा णं भंते छउमत्ये मणुस्से निदाएज्जा वा पयलाएज्ज वा तथा णं केवली वि निदाएज्ज वा पयलाएज्ज वा गोयमा नो इणट्टे समट्टे से केणट्टेणं भंते एवं वुच्चइ-जहा णं छउमत्ये मणुस्से निदाएज्ज वा पयलाएज्ज वा नो णं तथा केवली निदाएज्ज वा पयलाएज्ज वा गोयमा जं णं जीवा दरिण्णावरणिज्जस्स कम्मस्स उदएणं निदायंति वा पयलायंति वा से णं केवलिसस नत्थि से तेणट्टेणं गोयमा एवं वुच्चइ-जहा णं छउमत्ये मणुस्से निदाएज्ज वा पयलाएज्ज वा नो णं तथा केवली निदाएज्ज वा पयलाएज्ज वा] जीवे णं भंते निदायमाणे वा पयलायमाणे वा कह कम्मपगडीओ बंधइ गोयमा सत्तविहबंधए वा अट्टविहबंधए वा एवं जाव वेमाणिए पोहहतिएसु जीवेगिंदियवज्जो तियभंगो १९८५१-१८५

(२२७) हरी णं भंते हरिनेगमेसी सक्कदूए इत्थीगब्बं संहरमाणे किं गब्बाओ गब्ब-साहरइ गब्बाओ जोणिं साहरइ जोणीओ गब्बं साहरइ जोणीओ जोणिं साहरइ गोयमा नो गब्बाओ गब्बं साहरइ नो गब्बाओ जोणिं साहरइ नो जोणीओ जोणिं साहरइ परामुसिय-परा-मुसिय अच्चावाहेणं अच्चावाहं जोणीओ गब्बं साहरइ पभू णं भंते हरिनेगमेसी सक्कदूए इत्थीगब्बं नहसिरंसि वा रोमकूवंसि वा साहरित्तए वा नीहरित्तए वा हंता पभू, नो चेव णं तस्स गब्बस्स किंचि आवाहं वा विवाह वा उप्पाएज्जा छविच्छेदं पुण करेज्जा एसुहुमं च णं साहरेज्ज वा नीहरेज्ज वा १९८६१-१८६

(२२८) तेणं कालेणं तेण समएणं समणस्स भगवओ महावीरस्स अंतेवासी अइमुत्ते नामं कुमार-समाणे पगइभट्टए [पगइउवसंते पगइपयणुकोहमाणमायालोभे मिउमद्वयसंपत्ते अल्लीणे] विणीए तए णं से अइमुत्ते कुमार-समणे अण्णया कयाइ महावुट्ठिकायंसि निवय-माणंसि कक्खपडिग्गह-रयहरणमायाए बहिया संपट्टिए विहाराए तए णं से अइमुत्ते कुमार-समणे वाहयं वहमाणं पासइ पासित्ता मट्ठियाए पालि बंधइ बंधित्ता नाविया मे नाविया मे नाविओ विव नावमयं पडिग्गहणं उदगंसि पच्चाहमाणे-पच्चाहमाणे अभिरमइ तं चे वेरा अट्टक्खु जेणेव समणे भगवं महावीरे तेणेव उवागच्छंति उवागच्छित्ता एवं वदासी- एवं खलु देवाणुप्पियाणं अंतेवासी अइमुत्ते नामं कुमार-समणे से णं भंते अइमुत्ते कुमार-समणे कतिहिं भवगहणेहिं सिज्जहिंति [बुज्झिहिंति मुच्चिहिंति परिनिव्वाहिंति सव्वदुक्खाणं] अंतं करेहिंति

अज्जोति समणे भगवं महावीरे ते थेरे एवं वयासी-एवं खलु अज्जो मम अंतेवासी अइमुत्ते नामं कुमार-समणे पगइभइए जाव विणीए से णं अइमुत्ते कुमार-समणे इमेणं चेव भवगहणेणं सिज्झिहिति जाव अंतं करेहिति तं मा णं अज्जो तुब्बे अइमुत्तं कुमार-समणं हीलेह निदह खिसह गरहह अवमण्ह तुब्बे णं देवाणुप्पिया अइमुत्तं कुमार-समणं अगिलाए संगिण्हह अगिलाए उवगिण्हह अगिलाए भत्तेणं पाणेणं विणएणं वेयावडियं करेह अइमुत्ते णं कुमार-समणे अंतकरे वेव अंतिमसरीरेए चेव तए णं ते थेरा भगवंतो समणेणं भगवया महावीरेणं एवं बुत्ता समाणा समणं भगवं महावीरं वंदंति नमंसंति अइमुत्तं कुमार-समणं [अगिलाए संगिण्हति अगिलाए उवगिण्हति अगिलाए भत्तेणं पाणेणं] विणएणं वेयावडियं करेति 19291-187

(२२९) तेणं कालेणं तेणं समएणं महासुक्काओ कप्पाओ महासामाणाओ विमाणाओ दो देवा महिड्डिया जाव महाणुभागा समणस्स भगवओ महावीरस्स अंतियं पाउब्भूया तए णं ते देवा समणं भगवं महावीरं वंदंति नमंसंति मणसा चेव इमं एयारूवं वागरणं पुच्छंति- कति णं भंते देवाणुप्पियाणं अंतेवासीसयाइं सिज्झिहिति जाव अंतं करेहिति तए णं समणे भगवं महावीरे तेहिं देवेहिं मणसा पुट्ठे तेसिं देवाणं मणसा चेव इमं एयारूवं वागरणं वागेइ-एवं खलु देवाणुप्पिया ममं सत्त अंतेवासी सयाइं सिज्झिहिति जाव अंतं करेहिति तए णं ते देवा समणेणं भगवया महावीरेणं मणसा पुट्ठेणं मणसा चेव इमं एयारूवं वागरणं वागरिया समाणा हट्ठुट्ठु [चित्तमाणंदिया नंदिया पीडमणा परमसोमणस्सिया हरिसवसविसप्पमाण] हियया समणं भगवं महावीरं वंदंति नमंसंति वंदित्ता नमंसित्ता मणसा चेव सुस्सूसमाणा नमंसमाणा अभिमुहा [विणएणं पंजलियडा] पज्जुवासंति तेणं कालेणं तेणं समएणं समणस्स भगवओ महावीरस्स जेठ्ठे अंतेवासी इंदभूर्इ नामं अणगारे जाव अदूरसामंते उड्डंजाणु [अहोसिरे ज्ञाणकट्ठोवगए संजमेण तवसा अप्पाणा भावेमाणे] विहरइ तए णं तस्स भगवओ गोयमस्स ज्ञाणंतरियाए वट्ठमाणस्स इमेयारूवे अज्झत्थिए [चित्तिए पत्थिए मणोगए संकप्पे] सपुप्पज्झित्था-एवं खलु दो देवा महिड्डिया जाव महाणुभागा समणस्स भगवओ महावीरस्स अंतियं पाउब्भूया तं नो खलु अहं ते देवे जाणामि कयराओ कप्पाओ वा सग्गाओ वा विमाणाओ वा कस्स वा अत्थस्स अट्ठाए इहं हव्वमाणया तं गच्छामि णं समणं भगवं महावीरं वंदामि नमंसापि जाव पज्जुयासामि इमाइं च णं एयारूवाइं वागरणाइं पुच्छिस्सामि ति कट्ठु एवं संपेहेइ संपेहेत्ता उट्ठाए उट्ठेइ उट्ठेत्ता जेणेव समणे भगवं महावीरे तेणेव उवागच्छइ जाव पज्जुवासइ गोयमादि समणे भगवं महावीरे भगवं गोयमं एवं वयासी-से नूणं तव गोयमा ज्ञाणंतरियाए वट्ठमाणस्स इमेयारूवे अज्झत्थिए जाव जेणेव ममं अंतिए तेणेव हव्वमाणए से नूणं गोयमा अट्ठे समट्ठे हंता अत्थि तं गच्छहि णं गोयमा एए चेव देवा इमाइं एयारूवाइं वागरणाइं वागरेहिति तए णं भगवं गोयमे समणेणं भगवया महावीरेणं अब्भणुण्णाए समाणे समणं भगवं महावीरं वंदइ नमंसइ जेणेव ते देवा तेणेव पहारेत्थ गम-णाए तए णं ते देवा भगवं गोयमं एज्जमाणं पासंति पासित्ता हट्ठु [तुट्ठुचित्तमाणंदिया नंदिया पीड-मणा परमसोमणस्सिया हरिसवसविसप्पमाण] हियया खिप्पामेव अब्भुट्ठेत्तंति अब्भुट्ठेत्ता खिप्पा-मेव अब्भुवगच्छंति जेणेव भगवं गोयमे तेणेव उवागच्छंति जाव नमंसित्ता एवं वयासी-एवं खलु भंते अम्हे महासुक्काओ कप्पाओ महासामाणाओ विमाणाओ दो देवा महिड्डिया जाव महाणुभागा समणस्स भगवओ महावीरस्स अंतियं पाउब्भूया तए णं अम्हे समणं भगवं

महावीरं वंदामो नमंतामो वंदित्ता नमंसित्ता मणसा चेव इमाइं एयाख्वाइं वागरणाइं पुच्छामो-
कइ णं भंते देवाणुप्पियाणं अंतेवासीसयाइं सिज्झिहिति जाव अंतं करेहिति तए णं समणे भगवं
महावीरे अन्हेहि मणसा पुट्ठे अन्हं मणसा चेव इमं एयाख्वां वागरणं वागरेइ-एवं खलु देवाणु-
प्पिया मम सत्त अंतेवासीसयाइं जाव अंतं करेहिति तए णं अन्हे समणेण भगवया महावीरेणं
मणसा चेव पुट्ठेणं मणसा चेव इमं एयाख्वां वागरणं वागरिया समाणा समणं भगवं महावीरं
वंदामो नमं- सामो जाव पज्जुवासामो ति कट्ठु भगवं गोयमं वंदंति नमंसंति वंदित्ता नमंसित्ता
जामेव दिसं पाउब्भूया तामेव दिसिं पडिगया १९८८-१८८

(२३०) भंतेति भगवं गोयमे समणं भगवं महावीरं वंदंति नमंसंति जाव एवं वयासी देवा
णं भंते संजया ति वत्तव्वं सिया गोयमा नो तिण्ठे समट्ठे अब्भक्खाणमेयं देवाणं, देवा णं भंते
असंजता ति वत्तव्वं सिया गोयमा नो तिण्ठे समट्ठे निद्रुवयणमेयं देवाणं देवा णं भंते नो
संजयासंजया ति वत्तव्वं सिया गोयमा नो तिण्ठे समट्ठे असब्भूयमेयं देवाणं से किं खाइ णं भंते
देवा ति वत्तव्वं सिया गोयमा देवा णं नो संजया ति वत्तव्वं सिया १९८९-१८९

(२३१) देवा णं भंते कयराए भासाए भासंति कयरा व भासा भासिज्जमाणी विसिस्सति
गोयमा देवा णं अद्धमागहाए भासाए भासंति सा वि य णं अद्धमागहा भासा भासिज्जमाणी
विसिस्सति १९९०-१९०

(२३२) केवली णं भंते अंतकरं वा अंतिमसरीरियं वा जाणइ-पासइ हंता जाणइ-पासइ
जहा णं भंते केवली अंतकरं वा अंतिमसरीरियं वा जाणइ-पासइ तथा णं छउमत्ये वि अंतकरं वा
अंतिमसरीरियं वा जाणइ-पासइ गोयमा नो इण्ठे समट्ठे सोच्चा जाणइ-पासइ पमाणतो वा से किं
तं सोच्चा सोच्चा णं केवलिस्स वा केवलिसावगस्स वा केवलिसावियाए वा केवलि उवासगस्स वा
केवलिउवासियाए वा तप्पक्खियस्स वा तप्पक्खियसावगस्स वा तप्पक्खिय- सावियाए वा
तप्पक्खियउवासगस्स वा तप्पक्खियउवासियाए वा से तं सोच्चा १९९१-१९१

(२३३) से किं तं पमाणे चउव्विहे पन्नते तं जहा-पच्चक्खे अनुमाणे ओवम्मे आगमे जहा
अनु-ओगदारे तथा नेयव्वं पमाणं जाव तेणं परं सुत्तस्स वि अत्यस्स वि नो अत्तागमे नो
अनंतरागमे परंपरागमे १९९२-१९२

(२३४) केवली णं भंते चरिमकम्मं वा चरिमनिज्जरं वा जाणइ-पासइ हंता जाणइ-पासइ
जहा णं भंते केवली चरिमकम्मं वा चरिमनिज्जरं वा जाणइ-पासइ तथा णं छउमत्ये वि चरिमकम्मं
वा चरिमनिज्जरं वा जाणइ-पासइ गोयमा नो इण्ठे समट्ठे सोच्चा जाणइ-पासइ पमाणतो वा जहा
णं अंतकरेणं आलावगो तथा चरिमकम्मेणं वि अपरिसेसिओ नेयव्वो १९९३-१९३

(२३५) केवली णं भंते पणीयं मणं वा वइं वा धारेज्जा हंता धारेज्जा जण्णं भंते केवली
पणीयं मणं वा वइं वा धारेज्जा तण्णं वेमाणिया देवा जाणंति-पासंति गोयमा अत्येगतिया
जाणंति-पासंति अत्येगतिया न जाणंति न पासंति से केणट्ठेणं [भंते एवं वुच्चइ-अत्येगतिया जा-
णंति-पासंति अत्येगतिया न जाणंति न पासंति गोयमा वेमाणिया देवा दुविहा पन्नता तं जहा-
माइमिच्छादिट्ठीउववण्णागा य अमाइसम्मदिट्ठीउववण्णागा य तत्थ णं जे ते माइमिच्छादि-
ट्ठीउववण्णागा ते णं जाणंति न पासंति तत्थ णं जे ते अमाइसम्मदिट्ठीउववण्णागा ते णं जाणंति-
पासंति से केणट्ठेणं गोयमा अमाइसम्मदिट्ठी दुविहा पन्नता तं जहा-अनंतरोववण्णागा य परंपरो-

वण्णगा य तत्थ णं जे ते अनंतरोववण्णगा ते न जाणंति न पासंति तत्थ णं जे ते परंपरोववण्णगा ते णं जाणंति-पासंति से केण्ड्रेणं गोयमा परंपरोववण्णगा दुविहा पत्रता तं जहा-अपज्जत्तगा य पज्जत्तगा य तत्थ णं जे ते अपज्जत्तगा ते न जाणंति न पासंति तत्थ णं जे ते पज्जत्तगा ते णं जाणंति-पासंति से केण्ड्रेणं गोयमा पज्जत्तगा दुविहा पत्रता तं जहा-अनुवउत्ता य उवउत्ता य तत्थ णं जे ते अनुवउत्ता ते न जाणंति न पासंति तत्थ णं जे ते उवउत्ता ते णं जाणंति-पासंति से तेण्ड्रेणं गोयमा एवं वुच्चइ-अत्येगतिथा जाणंति-पासंति अत्येगतिथा न जाणंति न पासंति तेण्ड्रेणं गोयमा एवं वुच्चइ एवं अनंतर परंपर पज्जतअपज्जता य उवउत्ता अनुवउत्ता तत्थ णं जे ते अनुवउत्ता० तत्थ णं जे उवउत्ता ते जाणंति-पासंति से तेण्ड्रेणं तं चेव १९४१-१९४

(२३६) पभू णं भंते अनुत्तरोववाइया तत्थगया चेव समाणा इहगएणं केवलिणा सद्धि आलावं वा संलावं वा करेतए हंता पभू से केण्ड्रेणं [भंते एवं वुच्चइ-पभू णं अनुत्त- रोववाइया देवा तत्थगया चेव समाणा इहगएणं केवलिणा सद्धि आलावं वा संलावं] वा करेतए गोयमा जण्णं अनुत्तरोववाइया देवा तत्थगया चेव समाणा अट्ठं वा हेउं वा पसिणं वा कारणं वा वागरणं वा पुच्छंति तण्णं इहगए केवली अट्ठं वा हेउं वा पसिणं वा कारणं वा वागरणं वा वागरेइ से तेण्ड्रेणं गोयमा एवं वुच्चइपभू णं अनुत्तरोववाइया देवा तत्थगया चेव समाणा इहगएणं केवलिणा सद्धि आलावं वा संलावं वा करेतए जण्णं भंते इहगए केवली अट्ठं वा [हेउं वा पसिणं वा कारणं वा वागरणं वा] वागरेइ तण्णं अनुत्तरोववाइया देवा तत्थगया चेव समाणा जाणंति-पासंति हंता जाणंति-पासंति से केण्ड्रेणं [भंते एवं वुच्चइ-जण्णं इहगए केवली अट्ठं वा हेउं वा पसिणं वा कारणं वा वागरणं वा वागरेइ तण्णं अनुत्तरोववाइया देवा तत्थगया चेव समाणा जाणंति-पासंति] गोयमा तेसि णं देवाणं अनंताओ मणोदव्ववग्गणाओ लद्धाओ पत्ताओ अभिसमण्णागयाओ भवंति से तेण्ड्रेणं [गोयमा एवं वुच्चइ-जण्णं इहगए केवली अट्ठं वा हेउं वा पसिणं वा कारणं वा वागरणं वा वागरेइ तण्णं अनुत्तरोववाइया देवा तत्थगया चेव समाणा जाणंति-पासंति १९५१-१९५

(२३७) अनुत्तरोववाइया णं भंते देवा किं उदिण्णमोहा उवसंतमोहा खीण मोहा गोयमा नो उदिण्णमोहा उवसंतमोहा नो खीणमोहा ! १९६१-१९६

(२३८) केवली णं भंते आयाणेहिं जाणइ-पासइ गोयमा नो तिण्ड्रे समट्ठे से केण्ड्रेणं भंते एवं वुच्चइ-केवली णं आयाणेहिं न जाणइ न पासइ गोयमा केवली णं पुरत्थिमे णं मियं पि जाणइ अमियं पि जाणइ [एवं दाहिणे णं पच्चत्थिमे णं उत्तरे णं उड्ढं अहे मियं पि जाणइ अमियं पि जाणइ सब्बं-जाणइ केवली सब्बं पासइ केवली सब्बओ जाणइ केवली सब्बओ पासइ केवली सब्बकालं जाणइ केवली सब्बकालं पासइ केवली सब्बभावे जाणइ केवली सब्बभावे पासइ केवली अनंते नाणे केवलिसस अनंते दंसणे केवलिसस निव्वुडे नाणे केवलिसस निव्वुडे दंसणे केवलिसस से तेण्ड्रेणं गोयमा एवं वुच्चइ-केवली णं आयाणेहिं न जाणा न पासइ १९७१-१९७

(२३९) केवली णं भंते अस्सि समयंसि जेसु आगासपदेसेसु हत्थं वा पायं वा बाहं वा ऊरुं वा ओगाहिता णं चिट्ठत्ति पभू णं केवली सेयकालंसि वि तेसु चेव आगासपदेसेसु हत्थं वा [पायं वा बाहं वा ऊरुं वा] ओगाहिताणं चिट्ठितए गोयमा नो तिण्ड्रे समट्ठे से केण्ड्रेणं भंते एवं वुच्चइ-केवली णं अस्सि समयंसि जेसु आगासपदेसेसु [हत्थं वा पायं वा बाहं वा ऊरुं वा ओगा-

हिताणं चिद्वृत्ति नो णं पभू केवली सेयकालंसि वि तेसु चेव आगासपदेसेसु हत्थं वा [पायं वा बाहं वा ऊरुं वा ओगाहिता णं] चिद्वृत्ति ए गोयमा केवलसि णं वीरिय-सज्जोग-सद्व्ययाए चलाइं उवकरणाइं भवन्ति चलोवकरणइयाए य णं केवली अस्सि सयंसि जेसु आगासपदेसेसु हत्थं वा [पायं वा बाहं वा ऊरुं वा ओगाहिता णं] चिद्वृत्ति नो णं पभू केवली सेयकालंसि वि तेसु चेव [आगासपदेसेसु हत्थं वा पायं वा बाहं वा ऊरुं वा ओगाहिताणं] चिद्वृत्ति ए से तेणइणं [गोयमा एवं वुछइ-केवली णं अस्सि सयंसि जेसु आगासपदेसेसु हत्थं वा पायं वा बाहं वा ऊरुं वा ओगा हिता णं चिद्वृत्ति नो णं पभू केवली सेयकालंसि वि तेसु चेव आगासपदेसेसु हत्थं वा पायं वा बाहं वा ऊरुं ओगाहिता णं] चिद्वृत्ति ए १९८१-१९८३

(२४०) पभू णं भंते चोदसपुव्वी घडाओ घडसहस्सं पडाओ पडसहस्सं कडाओ कडसहस्सं रहाओ रहसहस्सं छताओ छत्तसहस्सं दंडाओ दंडसहस्सं अभिनिव्वहेत्ता उवदं-सेत्तए हंता पभू से केणइणं पभू चोदसपुव्वी जाव उवदंसेत्तए गोयमा चोदसपुव्विसि णं अनंताइं दव्वाइं उक्कारियाभेएणं भिज्जामाणाइं लद्धाइं पत्ताइं अभिसमण्णागयाइं भवन्ति से तेणइणं [गोयमा एवं वुछइ-पभू णं चोदसपुव्वी घडाओ घडसहस्सं पडाओ पडसहस्सं कडाओ कडसहस्सं रहाओ रहसहस्सं छताओ छत्तसहस्सं दंडाओ दंडसहस्सं अभिनिव्वहेत्ता] उवदंसेत्तए सेवं भंते सेवं भंते ति १९९१-१९९२

● पंचमे सत्ते चउत्तो उदेसो सप्ततो ●

—: पं च मो — उ हे सो :—

(२४१) छउमत्थे णं भंते मणूसे तीयमनंतं सासयं केवलेणं संजमेणं केवलेणं संवरेणं बंधचेरवासेणं केवलाहिं पवयणमायाहिं सिज्झिसु बुज्झिसु मुच्चिसु परिनिव्वाइंसु सव्वदु-क्खाणं अंतं करिंसु गोयमा नो इणइे समइे जहा पढमसए चउत्तुदेसे आलावगा तथा नेयव्वा जाव अलमत्थु ति वत्तव्वं सिया १२००१-२००२

(२४२) अन्नउत्थिया णं भंते एवमाइक्खंति जाव परुवेत्ति-सव्वे पाणा सव्वे भूया सव्वे जीया सव्वे सत्ता एवं भूयं वेदणं वेदेत्ति से कहमेयं भंते एवं गोयमा जण्णं ते अण्णउत्थिया एव-पाइक्खंति जाव सव्वे सत्ता एवंभूयंवेदणं वेदेत्ति जे ते एवमाहंसु मिच्छं ते एवमाहंसु अहं पुण गोयमा एवमाइक्खामि जाव परुवेमि-अत्येगइया पाणा भूया जीवा सत्ता एवंभूयं वेदेणं वेदेत्ति अत्येगइया पाणा भूया जीवा सत्ता अण्णेवंभूयं वेदणं वेदेत्ति से केणइणं भंते एवं वुछइ-अत्ये-गइया [पाणा भूया जीवा सत्ता एवंभूयं वेदणं वेदेत्ति अत्येगइया पाणा भूया जीवा सत्ता अण्णेवंभूयं वेदणं वेदेत्ति] गोयमा जे णं पाणा भूया जीवा सत्ता जहा कडा कम्मा तथा वेदणं वेदेत्ति ते णं पाणा भूया जीवा सत्ता एवंभूयं वेदेणं वेदेत्ति जे णं पाणा भूया जीवा सत्ता जहा कडा कम्मा नो तथा वेदणं वेदेत्ति ते णं पाणा भूया जीवा सत्ता अण्णेवंभूयं वेदणं वेदेत्ति से तेणइणं [गोयमा एवं वुछइ-अत्येगइया पाणा भूया जीवे सत्ता एवंभूयं वेदणं वेदेत्ति अत्येगइया पाणा भूया जीवा सत्ता अण्णेवंभूयं वेदणं वेदेत्ति] नेरइया णं भंते किं एवंभूयं वेदणं वेदेत्ति अण्णेवंभूयं वेदणं वेदेत्ति गोयमा नेरइया णं एवंभूयं पि वेदणं वेदेत्ति अण्णेवंभूयं पि वेदणं वेदेत्ति से केणइणं भंते एवं वुछइ-नेरइया णं एवंभूयं पि वेदणं वेदेत्ति अण्णेवं भूयं पि वेदणं वेदेत्ति गोयमा जे णं नेरइया जहा कडा कम्मा तथा वेदणं वेदेत्ति ते णं नेरइया एवंभूयं वेदणं वेदेत्ति जे णं नेरइया जहा कडा कम्मा नो तथा

वेदणं वेदेति तेणं नेरइया अणेवंभवं वेदणं वेदेसि से तेणंद्वेणं एवं जाव वेमाणिया संसारमंडलं नेयव्वं । २०१। - २०१

(२४३) जंबुदीवे णं भंते इह भारहे वासे इमीसे ओसप्पिणीए समाए कइ कुलगरा होत्था गोयमा सत्त एवं तित्थयपायरो पियरो पढमा सिस्सिणीओ चक्कवड्डिमायरो इत्थि रयणं बलदेवा वासुदेवा वासुदेवमायरो बलदेव वासुदेव पियरो एणंसिपडिसत्तु जहा समवाए परिवाडी तहा नेयव्वा सेवं भंते सेवं भंते ति जाव विहरइ । २०२। - २०२

● पंचमे सते पंचमो उद्देशो समप्तो ●

—: छ द्वो — उ द्वे स्तो —:

(२४४) कहणं भंते जीवा अप्पाउयत्ताए कम्मं पकरेति गोयमा पाणे अइवाएत्ता मुसं वइत्ता तहारूवं समणं वा माहणं वा अफासुएणं अणेसणिज्जेणं असण-पाण-खाइम-साइमेणं पडिलाभेत्ता-एवं खलु जीवा अप्पाउयत्ताए कम्मं पकरेति कहणं भंते जीवा दीहाउयत्ताए कम्मं पकरेति गोयमा नो पाणे अइवाएत्ता नो मुसं वइत्ता तहारूवं समणं वा माहणं वा फासुएणं एणणिज्जेणं असण-पाण-खाइम-साइमेणं पडिलाभेत्ता-एवं खलु जीवा दीहाउयत्ताए कम्मं पकरेति कहणं भंते जीवा असुभदीहाउयत्ताए कम्मं पकरेति गोयमा पाणे अइवाएत्ता मुसं वइत्ता तहारूवं समणं वा माहणं वा हीलित्ता निंदित्ता खिसित्ता गरहित्ता अवमणित्ता अण्णयेणं अमण्णेणं अपीतिकारणं असण-पाण-खाइम-साइमेणं पडिलाभेत्ता-एवं खलु जीवा असुभ-दीहाउयत्ताए कम्मं पकरेति कहणं भंते जीवा सुभदीहाउयत्ताए कम्मं पकरेति गोयमा नो पाणे आइवाएत्ता नो मुसं वइत्ता तहारूवं समणं वा माहणं वा वंदित्ता नमंसित्ता जाव पज्जुदासित्ता अण्णयेणं मण्णयेणं पीतिकारणं असण-पाण-खाइम-साइमेणं पडिलाभेत्ता-एवं खलु जीवा सुभदीहाउयत्ताए कम्मं पकरेति । २०३। - २०३

(२४५) गाहावइस्स णं भंते भंडं विकिक्कणमाणस्स केइ भंडं अवहरेज्जा तस्स णं भंते भंडं अणुगवेसमाणस्स किं आरंभिया किरिया कज्जइ पारिग्गहिया किरिया कज्जइ मायावत्तिया किरिया कज्जइ अपघ्नक्खाणकिरिया कज्जइ मिच्छादंसणवत्तिया किरिया कज्जइ गोयमा आरंभिया किरिया कज्जइ पारिग्गहिया किरिया कज्जइ मायावत्तिया किरिया कज्जइ अपघ्नक्खाण-किरिया कज्जइ मिच्छादंसणकिरिया सिय कज्जइ सिय नो कज्जइ अह से भंडे अभिसमण्णागए भवइ तओ से पच्छा सव्वाओ ताओ पयणुई भवन्ति गाहावइस्स णं भंते भंडं विकिक्कणमाणस्स कइए भंडं साइज्जेजा भंडे य से अणुवणीए सिया गाहावइस्स णं भंते ताओ भंडाओ किं आरंभिया किरिया कज्जइ जाव मिच्छादंसण किरिया कज्जइ कइयस्स वा ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ गोयमा गाहावइस्स ताओ भंडाओ आरंभिया किरिया कज्जइ जाव अपघ्नक्खाणकिरिया कज्जइ मिच्छादंसणकिरिया सिय कज्जइ सिय नो कज्जइ कइयस्स णं ताओ सव्वाओ पयणुईभवन्ति गाहावइस्स णं भंते भंडं विकिक्कणमाणस्स [कइए भंडं साइज्जेजा] भंडे से उवणीए सिया कइयस्स णं भंते ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ गाहावइस्स वा ताओ भंडाओ किं आरंभिया किरिया कज्जइ जाव मिच्छादंसणकिरिया कज्जइ गोयमा कइयस्स ताओ भंडाओ हेड्डिआओ चत्तारि किरियाओ कज्जति मिच्छादंसणकिरिया भयणाए गाहावइस्स णं ताओ सव्वओ

पयणुईभवति गाहावइस्स णं भंते भंडं [विक्रिकणमाणस्स कइए भंडं साइजेजा धणे य से अनुवणीए सिया कइयस्स णं भंते ताओ धणाओ किं आरंभिया किरिया कजइ जाव मिच्छादंसणकिरिया कजइ गाहावइस्स या ताओ धणाओ किं आरंभिया किरिया कजइ जाव मिच्छादंसणकिरिया कजइ गोयमा कइयस्स ताओ धणाओ हेट्टिआओ चत्तारि किरियाओ कजंति मिच्छादंसणकिरिया भयणाए गाहावइस्स णं ताओ सव्वाओ पयणुईभवति गाहावइस्स णं भंते भंडं विक्रिकणमाणस्स कइए भंडं साइजेजा धणे से उवणीए सिया गाहावइस्स णं भंते ताओ धणाओ किं आरंभिया किरिया कजइ जाव मिच्छादंसणकिरिया कजइ कइयस्स वा ताओ धणाओ किं आरंभिया किरिया कजइ जाव मिच्छादंसणकिरिया कजइ गोयमा गाहावइस्स ताओ धणाओ आरंभिया किरिया कजइ जाव मिच्छादंसणकिरिया कजइ गोयमा गाहावइस्स ताओ धणाओ आरंभिया किरिया कजइ जाव अपच्चकखाणकिरिया कजइ मिच्छादंसणकिरिया सिय कजइ सिय नो कजइ कइयस्स णं ताओ सव्वाओ पयणुईभवति] अगणिकाए णं भंते अहुणोज़लिए समाणे महाकम्मतराए चेव महाकिरिया तराए चेव महासवतराए चेव महावेदणतराए चेव भवइ अहे णं समए समए वोक्कसिज्जमाणे-वोक्कसिज्जमाणे चरिमकालसमयसि इंगालब्भूए मुम्मुरब्भूए छारियब्भूए तओ पच्छ अप्पकम्म- तराए चेव अप्पकिरियतराए चेव अप्पासवतराए चेव अप्पवेयणतराए चेव भवइ हंता गोयमा अगणिकाए णं अहुणोज़लिए समाणे तं चेव १२०४१-२०४

(२४६) पुरिसे णं भंते घणुं परामुसइ परामुसिता उंसुं परामुसइ परामुसिता ठाणंठाइ ठिच्चा आयतकण्णतयं उंसुं करोति उड्डं वेहासं उंसुं उव्विहइ तए णं से उसू उड्डं वेहासं उव्विहिए समाणे जाइं तत्थ पाणाइं भूयाइं जीवाइ सत्ताइं अभिहणइ वतेति लेसेति संघाएइ संघेइति परितावेइ किलामेइ ठाणाओ ठाणं संकामेइ जीवियाओ ववरोवेइ तए णं भंते से पुरिसे कतिकिरिए गोयमा जावं च णं से पुरिसे घणुं पारमुसइ [उंसुं परामुसइ ठाणं ठाइ आयतकण्णतयं उंसुं करोति उड्डं वेहासं उंसुं] उव्विहइ तावं च णं से पुरिसे काइयाए [अहिगरणियाए पाओसियाए पारियावणियाए] पाणइवायाए-पंचहिं किरियाहिं पुट्टे जेसिं पि य णं जीवाणं सरीरेहिं धणू निव्व- तिए ते वि य णं जीवा काइयाए जाव पंचहिं किरियाहिं पुट्टा एवं धणुपुट्टे पंचहिं किरियाहिं जीवा पंचहिं ण्हारुं पंचहिं उसू पंचहिं-सरे पत्तणे फले ण्हारुं पंचहिं १२०५१-२०५

(२४७) अहे णं से उसू अप्पणो गुरुयत्ताए भारियत्ताए गुरुसंभारियत्ताए अहे वीससाए पच्चो- वयमाणे जाइं तत्थ पाणाइं जाव जीवियाओ ववरोवेइ तावं च णं से पुरिसे कतिकिरिए गोयमा जावं च णं से उसू अप्पणो गुरुयत्ताए जाव जीवियाओ ववरोवेइ तावं च णं से पुरिसे काइयाए जाव चउहिं किरियाहिं पुट्टे जेसिं पि य णं जीवाणं सरीरेहिं धणू निव्वत्तिए ते वि जीवा चउहिं किरियाहिं धणुपुट्टे-चउहिं जीवा चउहिं ण्हारुं चउहिं उसू पंचहिं-सरे पत्तणे फले ण्हारुं पंचहिं जे वि य से जीवा अहे पच्चोवयमाणस्स उदग्गहे वड्ढंति ते वि य णं जीवा काइयाए जाव पंचहिं किरियाहिं पुट्टा १२०६१-२०६

(२४८) अण्णउत्थिया णं भंते एवमातिक्खंति जाव पल्लवेति-से जहानामए जुवति जुवाणे हत्थेणं हत्थे गेण्हेजा चक्कस्स वा नाभी अरगाउत्ता सिया, एवामेव जाव चत्तारि पंच जोयणसयाइं बहुसमाइण्णे मणुयलोए मणुस्सेहिं से कहमेयं भंते एवं गोयमा जण्णं ते

अण्णउत्थिया एवमातिक्खंति जाव बहुसमाइण्णे मणुयलोए मणुस्सेहिं जे ते एवमाहंसु मिच्छं ते एवमाहंसु अहं पुण गोयमा एवमा- इक्खामि जाव परुवेमी-से जहानामए जुवतिं जुवाणे हत्थेणं हत्थे गेण्हेज्जा चक्कस्स वा नाभी अरगा- उत्ता सिया एवामेव जाव चत्तारि पंच जोयणसयाइं बहुसमाइण्णे निरयलोए नेरइएहिं ।२०७।-२०७

(२४९) नेरइया णं भंते किं एगत्तं पभू विउच्चित्तए पुहत्तं पभू विउच्चित्तए गोयमा एगत्तं पि पभू विउच्चित्तए पुहत्तं पि पभू विउच्चित्तए जहा जीवाभिगमे आलावगो तहा नेयव्यो जाव विउच्चित्ता अण्णमण्णस्स कायं अभिहण-माणाअभिहणमाणा वेयणं उदीरेंति-उज्जलं विउलं पगाढं कक्कसं कडुयं फरुसं निट्ठरं चंडं तिव्वं दुक्खं दुग्गं दुरहियासं ।२०८।-२०८

(२५०) आहाकम्मं अणवज्जे त्ति मणं पहीरेत्ता भवति से णं तस्स ठाणस्स अणालोइय पडिक्कंते कालं करेइ-नत्थि तस्स आराहणा से ण तस्स ठाणस्स आलोइयपडिक्कंते कालं करेइ-अत्थि तस्स आराहणा एएणं गमेणं नेयव्वं-कीयगडं ठवियं रइयं कंतारभत्तं दुब्बिक्खभत्तं वद्दलि-याभत्तं गिलाणभत्तं सेज्जायरपिंडं रायपिंडं आहाकम्मं अणवज्जे त्ति सयमेव परिभुंजित्ता भवति से णं तस्स ठाणस्स अणालोइयपडिक्कंते कालं करेइ-नत्ति तस्स आराहणा से णं तस्स ठाणस्स आलो-इय-पडिक्कंते कालं करेइ-अत्थि तस्स आराहणा एयं पि तेह चेव जाव रायपिंडं आहाकम्मं अण-वज्जे त्ति अण्णमण्णस्स अणुप्पदावइत्ता भवइ से णं तस्स ठाणस्स अणालोइयपडिक्कंते कालं करेइ-नत्थि तस्स आराहणा से णं तस्स ठाणस्स आलोइय-पडिक्कंते कालं करेइ-अत्थि तस्स आराहणा एयं पि तेह चेव जाव रायपिंडं आहाकम्मं णं अणवज्जे त्ति बहुजणमज्जे पण्णवइत्ता भवति से णं तस्स ठाणस्स अणालोइयपडिक्कंते कालं करेइ-नत्थि तस्स आराहणा से णं तस्स ठाणस्स आलोइय-पडिक्कंते कालं करेइ-अत्थि आराहणा एयं पि तेह चेव जाव रायपिंडं ।२०९।-२०९

(२५१) आयरिय-उवज्झए णं भंते सविसयंसि गणं अगिलाए संगिण्हमाणे अगिलाए उवगिण्हमाणे कइहिं भवग्गहणेहिं सिज्झति जाव सव्वदुक्खाणं अंतं करेंति गोयमा अत्थेगतिए तेणेव भवग्गहणेणं सिज्झति अत्थेगतिए दोच्चेणभवग्गहणेणं सिज्झति तच्चं पुण भवग्गहणं नाइक्कमति ।२१०।-२१०

(२५२) जे णं भंते परं अलिएणं असब्भूएणं अब्भक्खाणेणं अब्भक्खाति तस्स णं कहप्प-गारा कम्मा कज्जति गोयमा जे णं परं अलिएणं असंतएणं अब्भक्खाणेणं अब्भक्खाति तस्स णं तहप्पगा- रा चेव कम्मा कज्जति जत्थेव णं अभिसमागच्छति तत्थेव णं पडिसंवेदेति तओ से पच्छा वेदेति सेवं भंते सेवं भंते त्ति ।२११।-२११

● पंचमे सते छद्दे उद्देशो सप्तमे ●

—: स त्त यो — उ दे सो —:

(२५३) परमाणुपोग्गले णं भंते एयति वेयति [चलति फंदइ घट्टइ खुब्भइ उदीरइ] तं तं भावं परिणमति गोयमा सिय एयति वेयति जाव तं तं भावं परिणमति सिय नो एयति जाव नो तं तं भावं परिणमति दुप्पएसिए णं भंते खंधे एयति जाव तं तं भावं परिणमति गोयमा सिय एयति जाव तं तं भावं परिणमति सिय नो एयति जाव नो तं तं भावे परिणमति सिय देसे एयति देसे नो एयति तिप्पएसिए णं भंते खंधे एयति गोयमा सिय एयति सिय नो एयति सिय देसे एयति नो देसे एयति सिय देसे एयति नो देसा एयति सिय देसा एयति नो देसे एयति चउप्पएसिए णं भंते खंधे एयति

गोयमा सिय एयति सिय नो एयति सिय देसे एयति नो देसे एयति सिय देसे एयति नो देसा एयति सिय देसा एयति नो देसे एयति सिय देसा एयति नो देसा एयति जहा घउप्पएसिओ तथा पंचपएसिओ तथा जाव अनंतपएसिओ ।२१२।२१२

(२५४) परमाणुपोग्गले णं भंते असिधारं वा खुरधारं वा ओगाहेज्जा हंता ओगाहेज्जा से णं भंते तत्थ छिजेज्ज वा भिजेज्ज वा गोयमा नो तिण्ठे समट्ठे नो खलु तत्थ सत्थं कमइ एवं जाव असंखेज्जपएसिओ अनंतपएसिए णं भंते खंधे असिधारं वा खुरधारं वा ओगाहेज्जा हंता ओगाहेज्जा से णं भंते तत्थ छिजेज्ज वा भिजेज्ज वा गोयमा अत्येगइए छिजेज्ज वा भिजेज्ज वा अत्येगइए नो छिजेज्ज वा नो भिजेज्ज वा [परमाणुपोग्गले णं भंते] अगणिकायस्स मज्झमज्जेणं [वीइवएज्जा हंता वीइवएज्जा से णं भंते तत्थ झियाएज्जा गोयमा नो इण्ठे समट्ठे नो खलु तत्थ सत्थं कमइ से णं भंते पुक्खलसंवट्ठगस्स महामेहस्स मज्झमज्जेणं वीइवएज्जा हंता वीइवएज्जा से णं भंते तत्थ उल्ले सिया गोयमा नो इण्ठे समट्ठे नो खलु तत्थ सत्थं कमइ से णं भंते गंगाए महानदीए पडिसोयं हव्वमागच्छेज्जा हंता हव्वमागच्छेज्जा से णं भंते तत्थ विणिहायमावजेज्जा गोयमा नो इण्ठे समट्ठे नो खलु तत्थ सत्थं कमइ से णं भंते उदगावतं वाउदगबिंदु वा ओगाहेज्जा हंता ओगाहेज्जा से णं भंते तत्थ परियावजेज्जा गोयमा नो इण्ठे समट्ठे नो खलु तत्थसत्थं कमइ एवं जाव असंखेज्जपएसिओ अनंतपएसिए णं भंते खंधे अगणिकायस्स मज्झमज्जेणं वीइवएज्जा हंता वीइवएज्जा से णं भंते तत्थ झियाएज्जा गोयमा अत्येगइए झियाएज्जा अत्येगइए नो झियाएज्जा से णं भंते] पुक्खलसंवट्ठगस्स महामेहस्स मज्झमज्जेणं [वीइवएज्जा हंता वीइवएज्जा से णं भंते तत्थ उल्ले सिया गोयमा अत्येगइए उल्ले सिया अतेगइए नो उल्ले सिया से णं भंते] [गंगाए महानदीए पडिसोयं हव्वमागच्छेज्जा हंता हव्वमागच्छेज्जा से णं भंते विणिहायमावजेज्जा गोयमा अत्येगइए विणिहायमावजेज्जा अत्येगइए नो विणिहायमावजेज्जा से णं भंते] उदगहावतं वा उदगबिंदु वा ओगाहेज्जा हंता [ओगाहेज्जा से णं भंते तत्थ परियावजेज्जा गोयमा अत्येगइए परियावजेज्जा अत्येगइए] नो परियावजेज्जा ।२१३।२१३

(२५५) परमाणुपोग्गले णं भंते किं सअइडे समज्जे सपएसे उदाहु अणइडे अमज्जे अपएसे गोयमा अणइडे अमज्जे अपएसे नो सअइडे नो समज्जे नो सपएसे दुप्पएसिए णं भंते खंधे किं सअइडे समज्जे सपएसे उदाहु अणइडे अमज्जे अपएसे गोयमा सअइडे अमज्जे सपएसे नो अणइडे नो समज्जे नो अपएसे तिप्पएसिए णं भंते खंधे पुच्छा गोयमा अणइडे समज्जे सपएसे नो सअइडे नो अमज्जे नो अपएसे जहा दुप्पएसिओ तथा जे समा ते भाणियव्वा जे विसमा ते जहा तिप्पएसिओ तथा भाणियव्वा संखेज्जपएसिए णं भंते खंधे किं सअइडे पुच्छा गोयमा सिय सअइडे अमज्जे सपएसे सिय अणइडे समज्जे सपएसे जहा संखेज्जपएसिओ तथा असंखेज्जपएसिओ वि अनंतपएसिओ वि ।२१४।-२१४

(२५६) परमाणुपोग्गले णं भंते परमाणुपोग्गलं फुसमाणे किं देसेणं देसं फुसइ देसेहिं देसे फुसइ देसेणं सव्वं फुसइ देसेहिं देसे फुसइ देसेहिं देसे फुसइ देसेहिं सव्वं फुसइ सव्वेणं देसं फुसइ सव्वेणं देसे फुसइ सव्वेणं सव्वं फुसइ गोयमा नो देसेणं देसं फुसइ नो देसेणं देसे फुसइ नो देसेणं सव्वं फुसइ नो देसेहिं देसं फुसइ नो देसेहिं देसे फुसइ नो देसेहिं सव्वं फुसइ नो सव्वेणं देसं फुसइ नो सव्वेणं देसे फुसइ सव्वेणं सव्वं फुसइ परमाणुपोग्गले दुप्पएसियं फुसमाणे सत्ताम-नवमेहिं फुसइ परमाणुपोग्गले तिप्पएसियं फुसमाणे निपच्छिमएहिं तिहिं फुसइ जहा परमाणुपोग्गले तिप्पएसियं

फुसाविओ एवं फुसावेयव्वो जाव अनंतपएसिओ दुप्पएसिए णं भंते खंधे परमाणुपोग्गलं फुसमाणे किं देसेणं देसं फुसइ पुच्छा ततिय-नवमेहिं फुसइ दुप्पएसिओ दुप्पएसियं फुसमाणे पढम-ततिय-सत्तम-नवमेहिं फुसइ दुप्पएसिओ तिप्पएसियं फुसमाणे आदिअएहिं य पुच्छिअएहिं जाव अनंत-पएसियं तिपएसिए णं भंते खंदे परमाणुपोग्गलं फुसमाणे पुच्छा ततिय-छट्ठ-नवमेहिं फुसइ तिप-एसिओ दुप्पएसियं फुसमाणे पढमएणं ततिएणं चउत्थ-छट्ठ-सत्तम-नवमेहिं फुसइ तिपएसिओ तिप-एसियं फुसमाणे सव्वेसु वि ठाणेसु फुसइ जहा तिपएसिओ तिपएसियं फुसाविओ एवं तिप्प-एसिओ जाव अनंतपएसिएणं संजोएयव्वो जहा तिपएसिओ एवं जाव अनंतपएसिओ भाणि-यव्वो ॥२१५१-२१५

(२५७) परमाणुपोग्गले णं भंते कालओ केवच्चिरं होइ गोयमा जहण्णेणं एणं समयं उक्को-सेणं असंखेज्जं कालं एवं जाव अनंतपएसिओ एगपएसोगाढे णं भंते पोग्गले सेए तम्मि वा ठाणे वा अण्णम्मि वा ठाणे कालओ केवच्चिरं होइ गोयमा जहण्णेणं एणं समयं उक्कोसेणं आवलियाए असंखेज्जभागं एवं जाव असंखेज्जपएसोगाढे एगपएसोगाढे णं भंते पोग्गले निरेए कालओ केवच्चिरं होइ गोयमा जहन्नेणं एणं समयं उक्कोसेणं असंखेज्जं कालं एवं जाव असंखेज्जपएसोगाढे एगगुणकालए णं भंते पोग्गले कालओ केवच्चिरं होइ गोयमा जहन्नेणं एणं समयं उक्कोसेणं असंखेज्जं कालं एवं जाव अनंतगुणकालए एवं वण्ण-गंध-रस-फास जाव अनंतगुणलुक्खे एवं सुहुमपरिणए पोग्गले एवं वादरपरिणए पोग्गले सदपरिणए णं भंते पोग्गले कालओ केवच्चिरं होइ गोयमा जहन्नेणं एणं समयं उक्कोसेणं आवलियाए असंखेज्जभागं असदपरिणए णं भंते पोग्गले कालओ केवच्चिरं होइ गोयमा जहन्नेणं एणं समयं उक्कोसेणं असंखेज्जं कालं परमाणुपोग्गलस्स णं भंते अंतरं कालओ केवच्चिरं होइ गोयमा जहण्णेणं एणं समयं उक्कोसेणं असंखेज्जं कालं दुप्प-एसियस्स णं भंते खंधस्स अंतरं कालओ केवच्चिरं होइ गोयमा जहण्णेणं एणं समयं उक्कोसेणं अनंतं कालं एवं जाव अनंतपएसिओ एगपएसोगाढस्स णं भंते पोग्गलस्स सेयस्स अंतरं कालओ केवच्चिरं होइ गोयमा जहन्नेणं एणं समयं उक्कोसेणं असंखेज्जं कालं एवं जावं असंखेज्ज पएसोगाढे एगपएसोगाढस्स णं भंते पोग्गलस्स निरेयस्स अंतरं कालओ केवच्चिरं होइ गोयमा जहन्नेणं एणं समयं उक्कोसेणं आवलियाए असंखेज्जभागं एवं जाव असंखेज्जपएसोगाढे वण्णगंध-रस-फास-सुहुमपरिणय-बायरपरिणयाणं-एतेसिं जं देव संचिद्धाणा तं देव अंतरं पि भाणियव्वं सदपरिणयस्स णं भंते पोग्गलस्स अंतरं कालओ केवच्चिरं होइ गोयमा जहण्णेणं एणं समयं उक्कोसेणं असंखेज्जं कालं असदपरिणयस्स णं भंते पोग्गलस्स अंतरं कालो केवच्चिरं होइ गोयमा जहन्नेणं एणं समयं उक्कोसेणं आवलियाए असंखेज्जभागं ॥२१५१-२१६

(२५८) एयस्स णं भंते दव्वट्ठाणाउयस्स खेतट्ठाणाउयस्स ओगाहणट्ठाणाउयस्स भाव-ट्ठाणाउयस्स कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवे खेतट्ठाणाउए ओगाहणट्ठाणाउए असंखेज्जगुणे देवट्ठाणाउए असंखेज्जगुणे भावट्ठाणाउए असं-खेज्जगुणे ॥२१७१-२१७

(२५९) खेतोगाहणदव्वे, भावट्ठाणाउयं च अप्प-बहुं

खेतो सव्वत्थोवे सेसा ठाणा असंखेज्जगुणा

॥३५॥-३५

(२६०) नेरइया णं भंते किं सारंभा सपरिगहा उदाहु अणारंभा अपरिगहा गोयमा नेरइया

सारंभा सपरिग्गहा नो अनारंभा अपरिग्गहा से केणट्टेमं भंते एवं बुद्धइ-नेरइया सारंभा सपरिग्गहा नो अनारंभा अपरिग्गहा गोयमा नेरइया णं पुढविकायं समारंभंति [आउकायं समारंभंति तेउकायं समारंभंति वाउकायं समारंभंति वणस्सइकायं समारंभंति] तसकायं समारंभंति सरीरा परिग्गहिया भवंति कम्मा परिग्गहिया भवंति सचित्ताचित्त-मीसयाइं दव्वाइं परिग्गहियाइं भवंति से तेणट्टेणं गोयमा एवं बुद्धइ-नेरइया सारंभा सपरिग्गहा नो अणारंभा अपरिग्गहा असुरकुमारा णं भंते किं सारंभा पुच्छा गोयमा असुरकुमारा सारंभा सपरिग्गहा नो अनारंभा अपरिग्गहा से केणट्टेणं गोयमा असुरकुमारा णं पुढविकायं समारंभंति जाव तसकायं समारंभंति सरीरा परिग्गहिया भवंति, कम्मा परिग्गहिया भवंति भवणा परिग्गहिया भवंति देवा देवीओ मणुस्सा मणुस्सीओ तिरिक्खजोणिया तिरिक्खजोणिणीओ परिग्गहिया भवंति आसण-सयण-भंड-मत्तोवगरणा परिग्गहिया भवंति सचित्ताचित्त-मीसयाइं दव्वाइं परिग्गहियाइं भवंति से तेणट्टेणं [गोयमा एवं बुद्धइ-असुरकुमारा सारंभा सपरिग्गहा नो अनारंभा अपरिग्गहा] एवं जाव धणियकुमारा एण्णिदिया जहा नेरइया बेइ-दिया णं भंते किं सारंभा सपरिग्गहा उदाहु अनारंभा अपरिग्गहा तं चेव बेइदिया णं पुढविकायं समारंभंति जाव तसकायं समारंभंति सरीरा परिग्गहिया भवंति कम्मा परिग्गहिया भवंति बाहिरा भंड-मत्तोवगरणा परिग्गहिया भवंति सचित्ताचित्त-मीसयाइं दव्वाइं परिग्गहियाइं भवंति एवं जाव चउरिदिया पंचिदियतिरिक्खजोणिया णं भंते किं सारंभा सपरिग्गहा उदाहु अनारंभा अपरिग्गहा तं चेव जाव कम्मा परिग्गहिया भवंति टंका कूडा सेला सिंहरी पम्भारा परिग्गहिया भवंति जल-थल-गुह-लेणा परिग्गहिया भवंति उज्झार-निज्झार चिल्ल-पल्ल-वप्पिणा परिग्गहिया भवंति अगड-तडाग-दह-नईओ वावी पुक्खरिणीदीहिया गुंजालिया सरा सरपंतियाओ सरसरपंतियाओ विलपंतियाओ परिग्गहियाओ भवंति आरामुज्जाण-काणाण वणा वणसंडा वणराईओ परिग्गहियाओ भवंति देवउल-सभ-पय-यूभ-खाइम-परिखाओ परिग्गहियाओ भवंति पागारुअट्टालग-चरियदार-गोपुरा परिग्गहिया भवंति पासाद-घर-सरण-लेण-आवणा परिग्गहिया भवंति सिंघाडग-तिग-वउक्क-चच्चर-चउम्मुह-महापह-पहा परिग्गहिया भवंति सगड-रह-जाम-जुग-गिळि-धिळि-सीय-संदमाणियाओ परिग्गहियाओ भवंति लोही-लोहकडाह-कडुच्छया परिग्गहिया भवंति भवणा परिग्गहिया भवंति देवा देवीओ मणुस्सा मणुस्सीओ तिरिक्खजोणिया तिरिक्खजोणिणीओ परिग्गहिया भवंति आसण-सयण-खंभ-भंड-सचित्ताचित्त-मीसायाइं दव्वाइं परिग्गहियाइं भवंति से तेणट्टेमं जहा तिरिक्खजोणिया तथा मणुस्सा वि भाणियव्वा वाणमंतर-जोइस वेमाणिया जहा भवणवासी तथा नेयव्वा 12१८1-218

(२६१) पंच हेऊ पत्रत्ता तं जहा- हेउं जाणइ हेउं पासइ हेउं बुज्झइ हेउं अभिसमागच्छइ हेउं छउमत्थमरणं मरइ पंच हेऊ पत्रत्ता, तं जहा-हेउणा जाणइ जाव हेउणा छउमत्थमरणं मरइ पंच हेऊ पत्रत्ता तं जहा-हेउं न जाणइ जाव हेउं अन्नाणमरणं मरइ पंच हेऊ पत्रत्ता तं जहा-हेउणा न जाणइ जाव हेउणा अन्नाणमरण मरइ पंच अहेऊ पत्रत्ता तं जहा-अहेउं जाणइ जाव अहेउं केवल्लिमरणं मरइ पंच अहेऊ पत्रत्ता तं जहा-अहेउणा जाणइ जाव अहेउणा केवल्लिमरणं मरइ पंच अहेऊ पत्रत्ता तं जहा-अहेउं न जाणइ जाव अहेउं छउमत्थमरणं मरइ पंच अहेऊ पत्रत्ता तं जहा-अहेउणा न जाणइ जाव अहेउणा छउमत्थमरणं मरइ सेवं भंते सेवं भंते ति 12१९1-218

● पंचमे सते सत्तमो उदेतो समतो ●

—: अ इ मो — उ द्वे सो :—

(२६२) तेणं कालेणं तेणं समएणं जाव परिसा पडिगया तेणं कालेणं तेणं समएणं समणस्स भगवओ महावीरस्स अंतेवासी नारयपुत्ते नामं अणगारे पगइभइए जाव विहरति तेणं कालेणं तेणं समएणं समणस्स भगवओ महावीरस्स अंतेवासी नियंठिपुत्ते नामं अणगारे पगइभइए जाव विहरति तए णं से नियंठिपुत्ते अणगारे जेणामेव नारयपुत्ते अणगारे तेणेव उवागच्छइ उवागच्छित्ता नारयपुत्तं अणगारं एवं वयासी-सव्वपोगला ते अज्जो किं सअइढा समज्झा सपएसा उदाहु अणइढा अमज्झा अपएसा अज्जो त्ति नारयपुत्ते अणगारे नियंठिपुत्तं अणगारं एवं वयासी-सव्वपोगला मे अज्जो सअइढा समज्झा सपएसा नो अणइढा अमज्झा अपएसा तए णं से नियंठिपुत्ते अणगारे नारयपुत्तं अणगारं एवं वयासी-जइ णं ते अज्जो सव्वपोगला सअइढा समज्झा सपएसा नो अणइढा अमज्झा अपएसा किं-दव्वादेसेणं अज्जो सव्वपोगला सअइढा समज्झा सपएसा नो अणइढा अमज्झा अपएसा खेत्तादेसेणं अज्जो सव्वपोगला सअइढा [समज्झा सपएसा नो अणइढा अमज्झा अपएसा] कालादेसेणं अज्जो सव्वपोगला सअइढा [समज्झा सपएसा नो अणइढा अमज्झा अपएसा] भावादेसेणं अज्जो सव्वपोगला [सअइढा समज्झा सपएसा नो अणइढा अमज्झा अपएसा] तए णं से नारयपुत्ते अणगारे नियंठिपुत्तं अणगारं एवं वयासी-दव्वादेसेण वि मे अज्जो सव्वपोगला सअइढा समज्झा सपएसा नो अणइढा अमज्झा अपएसा खेत्तादेसेण वि कालादेसेण वि भावादेसेण वि

तए णं से नियंठिपुत्ते अणगारे नारयपुत्तं अणगारं एवं वयासी-जइणं अज्जो दव्वादेसेणं सव्वपोगला सअइढा समज्झा सपएसा नो अणइढा अमज्झा अपएसा एवं ते परमाणुपोगल्ले वि सअइढे समज्झे सपएसे नो अणइढे अमज्झे अपएसे जइ णं अज्जो खेत्तादेसेण वि सव्वपोगला सअइढा समज्झा सपएसा एवं ते एगपएसोगादे वि पोगले सअइढे समज्झे सपएसे जइ णं अज्जो कालादेसेणं सव्वपोगला सअइढा समज्झा सपएसा एवं ते एगसमयड्ढितीए वि पोगले सअइढे समज्झे सपएसे जइ णं अज्जो भावादेसेणं सव्वपोगला सअइढा समज्झा सपएसा एवं ते एगगुणकालए वि पोगले सअइढे समज्झे सपएसे अह ते एवं न भवति तो जं वयसि दव्वादेसेणं वि सव्वपोगला सअइढा समज्झा सपएसा नो अणइढा अमज्झा अपएसा एवं खेत्तादेसेण वि कालादेसेण वि भावादेसेण वि तं णं मिच्छा तए णं से नारयपुत्ते अणगारे नियंठिपुत्तं अणगारे एवं वयासी-नो खलु एवं देवाणुप्पिया एयमट्ठं जाणामो-पासामो जइ णं देवाणुप्पिया नो गिलायंति परिकहिताए तं इच्छामि णं देवाणुप्पियाणं अंतिए एयमट्ठं सोच्चा निसम्मं जाणित्ताए तए णं से नियंठिपुत्ते अणगारे नारयपुत्तं अणगारं एवं वयासी-दव्वादेसेणं वि मे अज्जो सव्वे पोगला सपएसा वि अपएसा वि-अनंता खेत्तादेसेणं वि [मे अज्जो सव्वे पोगला सपएसा वि अपएसा वि-अनंता कालादेसेण वि मे अज्जो सव्वे पोगला सपएसा वि अपएसा वि-अनंता भावादेसेणं वि मे अज्जो सव्वे पोगला सपएसा वि अपएसा वि-अनंता] जे दव्वओ अपएसे से खेतओ नियमा अपएसे कालओ सिय सपएसे सियअपएसे भावओ सिय सपएसे सिय अपएसे जे खेतओ अपएसे से दव्वओ सिय सपएसे सिय अपएसे कालओ भयणाए भावओ भयणाए जहा खेतओ एवं कालओ भावओ जे दव्वओ सपएसे से खेतओ सिय सपएसे सिय अपएसे एवं कालओ भावओ वि जे खेतओ सपएसे से दव्वओ नियमा सपएसे कालओ भयणाए भावओ भयणाए जहा दव्वओ तथा

कालओ भावओ वि एएसि णं भंते पोग्गलाणं दब्बादेसेणं खेत्तादेसेणं कालादेसेणं भावादेसेणं सपएसाणं अपएसाणं य कयरे कयरेहिंते [अप्पा वा बहुया वा तुल्ला वा] विसेसाहिया वा नारयपुत्ता सव्वत्थोवा पोग्गला भावादेसेणं अपएसा कालादेसेणं अपएसा असंखेज्जगुणा दब्बादेसेणं अपएसा असंखेज्जगुणा खेत्तादेसेणं अपएसा असंखेज्जगुणा खेत्तादेसेणं चैव सपएसा असंखेज्जगुणा दब्बादेसेणं सपएसा विसेसाहिया कालादेसेणं सपएसा विसेसाहिया भावादेसेणं सपएसा विसेसाहिया तए णं से नारयपुत्ते अणगारे नियंठिपुत्तं अणगारं वंदइ नमंसइ वंदित्ता नमंसित्ता एयमद्वं सम्मं विणएणं भुज्जो-भुज्जो खामेति खामेत्ता संजमेणं तवसा अप्पाणं भावेमाणे विहरइ। २२०।-२२०

(२६३) भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-जीवा णं भंते किं वड्ढंति हायंति अवड्ढिया गोयमा जीवा नो वड्ढंति नो हायंति अवड्ढिया नेरइया णं भंते किं वड्ढंति हायंति अवड्ढिया गोयमा नेरइया वड्ढंति वि हायंति वि अवड्ढिया वि जहा नेरइया एवं जाव वेमाणिया सिद्धा णं भंते पुच्छा गोयमा सिद्धा वड्ढंति नो हायंति अवड्ढिया वि जीवा णं भंते केवतियं कालं अवड्ढिया गोयमा सव्वद्धं नेरइया णं भंते केवतियं कालं वड्ढंति गोयमा जहन्नेणं एणं समयं उक्कोसेणं आवलियाए असंखेज्जभागं एवं हायंति वि नेरइया णं भंते केवतियं कालं अवड्ढिया गोयमा जहन्नेणं एणं समयं उक्कोसेणं चउवीसं मुहुत्ता एवं सत्तासु वि पुढवीसु वड्ढंति हायंति भाणियव्वं नवरं-अवड्ढिएसु इमं नाणत्तं तं जहा-रयणप्पभाए पुढवीए अडयालीसं मुहुत्ता सक्करप्पभाए चोहस राइंदिया बालुयप्पभाए मासं पंकप्पभाए दो मासा धूमप्पभाए चत्तारि मासा, तमाए अट्ठ मासा तमतमाए बारस मासा असुरकुमारा वि वड्ढंति हायंति जहा नेरइया अवड्ढिया जहन्नेणं एककं समयं उक्कोसेणं अट्ठचत्तालीसं मुहुत्ता एवं दसविहा वि एणंदिया वड्ढंति वि हायंति वि अवड्ढिया वि एएहिं तिहि वि जहन्नेणं एककं समयं उक्कोसेणं आवलियाए असंखेज्जभागं बेइंदिया वड्ढंति हायंति तहेव अवड्ढिया जहन्नेणं एककं समयं उक्कोसेणं दो अंतोमुहुत्ता एवं जाव चउरिंदिया अवसेसा सव्वे वड्ढंति हायंति तहेव अवड्ढियाणं नाणत्तं इमं तं जहा-संमुच्छिमपंचिंदियतिरिक्खजोणियाणं दो अंतोमुहुत्ता गम्भवक्कंतियाणं चउव्वीसं मुहुत्ता संमुच्छिममणुस्साणं अट्ठचत्तालीसं मुहुत्ता गम्भवक्कंतियमणुस्साणं चउवीसं मुहुत्ता चाणमंतर-जोतिसिय-सोहम्मीसाणेसु अट्ठचत्तालीसं मुहुत्ता सणकुमारे अट्ठारस, राइंदियाइ चत्तालीस य मुहुत्ता माहिंदे चउवीसं राइंदियाइ वीस य मुहुत्ता बंभलोए पंचचत्तालीसं राइंदियाइ लंतए नउइ राइंदियाइ महासुक्के सट्ठि राइंदियसयं सहस्सारे दो राइंदियसयाइ आणय-पाणयाणं संखेज्जा मासा आरणवुयाणं संखेज्जाइ वासाइ एवं गेवेज्जदेवाणं विजय-वेजयंत-जयंत-अपराजियाणं असंखेज्जाइ वाससहस्साइ सव्वड्ढसिद्धे पलिओवमस्स संखेज्जभागो एवं भाणियव्वं-वड्ढंति हायंति जहन्नेणं एककं समयं उक्कोसेणं आवलियाए असंखेज्जभागं अवड्ढियाणं जं भणिय सिद्धा णं भंते केवइयं कालं वड्ढंति गोयमा जहन्नेणं एककं समयं उक्कोसेणं अट्ठ समया केइयं कालं अवड्ढिया गोयमा जहन्नेणं एककं समयं उक्कोसेणं छप्पासा जीवा णं भंते किं सोवचया सावचया सोवचय-सावचया निरुवचय-निरवचया गोयमा जीवा नो सोवचया नो सावचया नो सोवचय-सावचया निरुवचय-निरवचया एणंदिया ततियपदे सेसा जीवा चउहिं वि पदेहिं भाणियव्वया सिद्धा णं भंते पुच्छा गोयमा सिद्धा सोवचया नो सावचया नो सोवचय-सावचया निरुवचय-निरवचया जीवा णं भंते केवतियं कालं निरुवचय-निरवचया गोयमा सव्वद्धं नेरइया णं भंते केवतियं

कालं सोवचया गोयमा जहन्नेणं एक्कं समयं उक्कोसेणं आवलियाए असंखेज्झभागं केवतियं कालं सावचया एवं चेव केवतियं कालं सोवचय-सावचया एवं चेव केवतियं कालं निरुवचय-निर-वचया गोयमा जहन्नेणं एक्कं समयं उक्कोसेणं बारस मुहुत्ता एगिंदिया सब्बे सोवचय-सावचया सब्बं सेसा सब्बे सोवचया वि सावचया वि सोवचय-सावचया वि जहन्नेणं एक्कं समयं उक्को-सेणं आवलियाए असंखेज्झभागं अवट्ठिएहिं वक्कंतिकालो भाणियव्वो सिद्धा णं भंते केवतियं कालं सोवचया गोयमा जहन्नेणं एगं समयं उक्कोसेणं अट्ठ समया केवतियं कालं निरुवचय-निरवचया जहन्नेणं एक्कं समयं उक्कोसेणं छ मासा सेवं भंते तसेवं भंते त्ति । २२१।-२२१

● पंचमे सते अद्दमो उद्देशो सप्ततो ●

—: न व मो — उ हे सो :—

(२६४) तेणं कालेणं तेणं समएणं जाव एवं वयासी-किमिदं भंते नगरं रायगिहं ति पवुच्चइ किं पुढवी नगरं रायगिहं ति पवुच्चइ किं आऊ नगरं रायगिहं ति पवुच्चइ [किं तेऊ वणस्सई नगरं रायगिहं ति पवुच्चइ किं टंका कूडा सेला सिहरी पब्भारा नगरं राहगिहं ति पवुच्चइ किं जल-यल-विलगुह-लेणा नगरं रायगिहं ति पवुच्चइ किं उज्झर-निज्झर-विल्ललपल्लवप्पिणा नगरं रायगिहं ति पवुच्चइ किं अगड-तडाग दहनईओ वावी-पुक्खरिणी-दीहिया गुंजालिया सरा सरपंतियाओ सरस-रपंतियाओ बिलपंतियाओ नगरं रायगिहं ति पवुच्चइ किं आरामुज्जाण-काणणा वणा वणसंडा वण-राईओ नगरं रायगिहं ति पवुच्चइ किं देवउल-सभ-पव-थूम-खाइय-परिखाओ नगरं रायगिहं ति पवुच्चइ किं पागार-अट्ठलग-चरिय-दार-गोपुरा नगरं रायगिहं ति पवुच्चइ किं पासाद-घरसरण-लेणआवणा नगरं रायगिहं ति पवुच्चइ किं सिंघाडग-तिग-चउक्क-चच्चर-चउम्मुह-महापह-पहा नगरं रायगिहं ति पवुच्चइ किं सगड-रह-जाण-जुग-गिल्लि-थिल्लि-सीय-संदमाणियाओ नगरं राय-गिहं ति पवुच्चइ किं लोहि-लोहकडाह-कडुल्लया नगरं रायगिहं ति पवुच्चइ किं भवणा नगरं रायगिहं ति पवुच्चइ किं देवा देवीओ मणुस्सा मणुस्सीओ तिरिक्खजोणिया तिरिक्खजोणिणीओ नगरं राय-गिहं ति पवुच्चइ किं सयण-खंभ-भंड]-सचित्ताचित्त-मीसयाई दव्वाई नगरं रायगिहं ति पवुच्चइ गोयमा पुढवि वि नगरं रायगिहं ति पवुच्चइ जाव सचित्ताचित्त-मीसयाई दव्वाई नगरं रायगिहं ति पवुच्चि से केणट्ठेमं गोयमा पुढवी जीवा इ य अजीवा इ य नगरं रायगिहं ति पवुच्चइ जाव सचित्ताचित्त-मीसयाई दव्वाईजीवा इ य अजीवा इ य नगरं रायगिहं ति पवुच्चइ से तेणट्ठेणं तं चेव । २२२।-२२२

(२६५) से नूणं भंते दिया उज्जोए राई अंधयारे हंता गोयमा [दिया उज्जोए राई] अंधयारे से केणट्ठेणं गोयमा दिया सुभा पोग्गला सुभे पोग्गलपरिणामे राई असुभा पोग्गला असुभे पोग्गलपरि-णामे से तेणट्ठेणं नेरइयाणं भंते किं उज्जोए अंधयारे गोयमा नेरइयाणं नो उज्जोए अंधयारे से केणट्ठेणं गोयमा नेरइयाणं असुभा पोग्गला असुभे पोग्गलपरिणामे से तेणट्ठेणं असुरकुमारानं भंते किं उज्जोए अंधयारे गोयमा असुरकुमारानं उज्जोए नो अंधयारे से केणट्ठेणं गोयमा असुरकुमारानं सुभा पोग्गला सुभे पोग्गलपरिणामे से तेणट्ठेणं जाव थणियकुमारानं पुढविक्काइया जाव तेईदिया जहा नेरइया चउरिंदियाणं भंते किं उज्जोए अंधयारे गोयमा उज्जोए वि अंधयारे वि से केणट्ठेणं गोयमा-चउरिंदियाणं सुभासुभा य पोग्गला सुभासुभे य पोग्गलपरिणामे से तेणट्ठेणं एवं जाव मणुस्साणं वाणमंतर-जोइस वेभाणिया जहा असुरकुमारा । २२३।-२२३

(२६६) अत्थि णं भंते नेरइयाणं तत्थगयाणं एवं पन्नायए तं जहा-समया इ वा आवलिया इ

वा जाव ओसपिणी इ वा उस्सपिणी इ वा नो तिण्हे समट्ठे से केणट्ठेणं [भंते एवं बुद्ध-नेरइयाणं तत्थगयाणं नो एवं पत्रायए तं जहा]-समया इ वा आवलिया इ वा जाव ओसपिणी इ वा उस्सपिणी इ वा गोयमा इहं तेसिं माणं इहं तेसिं पमाणं इहं तेसिं एवं पण्णायए तं जहा-समया इ वा जाव उस्सपिणी इ वा से तेणट्ठेणं जाव नो एवं पत्रायए तं जहा-समया इ वा जाव उस्सपिणी इ वा एवं जाय पंचिंदियति-रिक्खजोगियाणं अत्थि णं भंते मणुस्साणं इहगयाणं एवं पत्रायते तं जहा-समया इ वा जाव उस्सपिणी इ वा हंता अत्थि से केणट्ठेणं गोयमा इहं तेसिं माणं इहं तेसिं पमाणं इहं चेव तेसिं एवं पन्नायते तं जहा-समया इ वा जाव उस्सपिणी इ वा से तेणट्ठेणं वाणमंतर-जोइस-वेमाणियाणं जहा नेरइयाणं । २२४।-२२४

(२६७) तेणं कालेणं तेणं समएणं पासावच्चिज्जा थेरा भगवंतो जेणेव समणे भगवं महावीरे तेणेव उवागच्छंति उवागच्छित्ता समणस्स भगवओ महावीरस्स अदूरसामंते ठिछा एवं दयासी-से नूणं भंते असंखेजे लोए अनंता राइंदिया उवज्जिसु वा उप्पज्जंति वा उप्पज्जिस्संति वा विगच्छिंसु वा विगच्छंति वा विगच्छिस्संति वा परिता राइंदिया उप्पज्जिसु वा उप्पज्जंति वा उप्पज्जिस्संति वा विगच्छिंसु वा विगच्छंति वा विगच्छिस्संति वा हंता अज्जो असंखेजे लोए अनंता राइंदिया तं चेव से केणट्ठेणं जाव विगच्छिस्संति वा से नूणं पे अज्जो पासेणं अरहया पुरिसादाणिणं सासए लोए बुइए-अणादीए अणवदग्गे परित्ते परिवुडे हेट्ठा विच्छिण्णे मज्झे संखित्ते उप्पि विसाले अहे पलियंक-संठिए मज्झे वरवइरविग्गहिए उप्पि उद्धमुइंगाकारसंठिए तेसिं च णं सासयंसि लोणंसि अणा-दिमंसि अणवदग्गंसि परित्तंसि परिवुडंसि हेट्ठा विच्छिण्णंसि मज्झे संखित्तंसि उप्पि विसालंसि अहे पलियंकसंठियंसि मज्झे वरवइरविग्गहियंसि उप्पि उद्धमुइंगाकारसंठियंसि अनंता जीवघणा उप्पज्जित्ता-उप्पज्जित्ता निलीयंति परिता जीवघणा उप्पज्जित्ता-उप्पज्जित्ता निलीयंति से भूए उप्पण्णे विगएपरिणए अजीवेहिं लोककइ पलोककइ जे लोककइ से लोए हंता भगवं से तेणट्ठेणं अज्जो एवं बुद्धइ-असंखेजे लोए अनंता राइंदिया तं चेव तप्पभिइं व णं ते पासावच्चिज्जा थेरा भगवंतो समणं भगवं महावीरं पद्धमिज्जाणंति सव्वणू सव्वदरिसी तए णं ते थेरा भगवंतो समणं भगवं महावीरं वंदंति नमंसंति वंदित्ता नमंसित्ता एवं दयासी-इच्छामि णं भंते तुब्भं अंतिए चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जित्ता णं विहरित्ते अहासुहं देवाणुप्पिया मा पडिबंधं तए णं ते पासावच्चिज्जा थेरा भगवंतो चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जित्ताणं विहरंति जाव चरिमेहिं उस्सास-निस्सासेहिं सिद्धा [बुद्धा मुक्का परिनिव्वुडा सव्वदुक्खप्पहीणा अत्येगतिया देव-लोएसु उववण्णा । २२५।-२२५

(२६८) कइविहा णं भंते देवलोगा पत्रत्ता गोयमा चउव्विहा देवलोगा पत्रत्ता तं जहा-भवनवासी वाणमंतर-जोतिसिय-वेमाणियभेदेणं भवनवासी दसविहा वाणमंतरा अट्ठविहा जोति-सिया पंचविहा वेमाणिया दुविहा । २२६-१।-२२६-१

(२६९) किमिदं रायगिहं ति य उज्जोए अंधयार-समए य

पासंति वासिपुच्छा रातिंदिय देवलोगा ।

॥३६॥-३६

(२७०) सेवं भंते सेवं भंते ति । २२६।-२२६

● पंचमे सते नवमो उद्देसो सप्तो ●

—: द स मो—उ दे सो :—

(२७१) तेणं कालेणं तेणं समएणं चंपा नामं नगरी जहा पढमिल्लो उद्देसओ तहा नेयव्वो

एसो वि नवरं- चंदिमा माणियच्चा ॥२२७॥२२७

● पंचमे तते दसमो उद्देशो तमत्तो ●

छट्टं-स्तं

—: प ढ मो — उ दे सो :—

(२७२) वेदण आहार महस्सवे य सपदेस तमुए भविए

साली पुढवी कम्म अण्णउत्थि दस छट्टगम्मि सए

॥३७॥३७

(२७३) से नूणं भंते जे महावेदणे से महानिज्जरे जे महानिज्जरे से महावेदणे महावेदणस्स च

अप्पवेदणस्स य से सेए जे पसत्थनिज्जराए हंता गोयमा जे महावेदणे [से महानिज्जरे जे महानिज्जरे से महावेदणे महावेदणस्स य अप्पवेदणस्स य से सेए जे पसत्थनिज्जराए] छट्ट-सत्तमासु णं भंते पुढवीसु नेरइया महावेदणा हंता महावेदणा ते णं भंते समणेहिंतो निग्गंथेहिंतो महानिज्जरतरा गोयमा नो इण्हे समट्ठे से केणं खाइ अट्ठेणं भंते एवं वुच्चइ-जे महावेदणे [से महानिज्जरे जे महानिज्जरे से महावेदणे महावेदणस्स य अप्पवेदणस्स य से सेए जे] पसत्थ निज्जराए गोयमा से जहानामए दुवे वत्था सिया-एगे वत्थे कट्ठमरागरत्ते एगे वत्थे खंजणरागरत्ते एएसि णं गोयमा दोण्हं वत्थाणं कयरे वत्थे दुल्लोयतराए चेव दुवामतराए चेव दुपरिकम्मतराए चेव कयरे वा वत्थे सुल्लोयतराए चेव सुवामतराए चेव सुपरिकम्मतराए चेव जे वा से वत्थे कट्ठमरागरत्ते जे वा से वत्थे खंजणरागरत्ते भगवं तत्थ णं जे से कट्ठमरागरत्ते से णं वत्थे दुल्लोयतराए चेव दुवामतराए चेव दुपरिकम्मतराए चेव एवामेव गोयमा नेरइयाणं पावाइं कम्माइं गाढीकयाइं चिक्कणीकयाइं सिलिडीकयाइं खिलीभूताइं भवन्ति संपगाढं पि य णं ते वेदणं वेदेमाणा नो महानिज्जरा नो महापज्जवसाणा भवन्ति से जहा वा केइ पुरिसे अहिगरणिं आउडेमाणे महया-महया सद्देणं महया-महया घोसेणं महया-महया परंपराघाएणं नो संचाएइ तीसे अहिगरणीए केइ अहावायरे पोण्गले परिसाडित्तए एवामेव गोयमा नेरइयाणं पावाइं कम्माइं गाढीकयाइं [चिक्कणीकयाइं सिलिडीकयाइं खिलीभूताइं भवन्ति संपगाढं पि य णं ते वेदणं वेदेमाणा नो महानिज्जरा] नो महापज्जवसाणा भवन्ति भगवं तत्थ जे से खंजणरागरत्ते से णं वत्थे सुल्लोयतराए चेव सुवामतराए चेव सुपरिकम्मतराए चेव एवामेव गोयमा समणाणं निग्गंथाणं अहवायराइं कम्माइंसि-सिढिलीकयाइं निड्डियाइं कयाइं विप्परिणामियाइं खिप्पामेव विद्धत्थाइं भवन्ति जावतियं तावतियं पि णं ते वेदणं वेदेमाणा महानिज्जरा महापज्जवसाणा भवन्ति से जहानामए केइ पुरिसे सुक्कं तणहत्थयं जायतेयंसि पक्खिवेज्जा से नूणं गोयमा से मुक्के तणहत्थए जायतेयंसि पक्खित्ते समाणे खिप्पामेव मसमसाविज्जति हंता मसमसाविज्जति एवामेव गोयमा समणाणं निग्गंथाणं अहावायराइं कम्माइं [सिढिलीकयाइं निड्डियाइं कयाइं विप्परिणामियाइं खिप्पामेव विद्धत्थाइं भवन्ति जावतियं तावतियं पि णं ते वेदणं वेदेमाणा महानिज्जरा] महापज्जवसाणा भवन्ति से जहानामए केइ पुरिसे तत्तंसि अयकवल्लंसि उदगबिंदु [पक्खिवेज्जा से नूणं गोयमा से उदगबिंदु तत्तंसि अयकवल्लंसि पक्खित्ते समाणे खिप्पामेव विद्धंसमागच्छइ] हंता यिद्धं-समागच्छइ एवामेव गोयमा समणाणं निग्गंथाणं [अहावायराइं कम्माइं सिढिलीकयाइं निड्डियाइं कयाइं विप्परिणामियाइं खिप्पामेव विद्धत्थाइं भवन्ति जावतियं तावतियं पि णं ते वेदणं वेदेमाणा महानिज्जरा] महापज्जवसाणा भवन्ति से तेण्हेणं जे महावेदणे से महानिज्जरे [जे महानिज्जरे से महावेदणे महावेदणस्स य अप्पवेदणस्स य से सेए जे पसत्थ] निज्जराए ॥२२८॥२२८

(२७४) कतिविहे णं मंते करणे पन्नते गोयमा चउव्विहे करणे पन्नते तं जहा-मणकरणे वइकरणे कायकरणे कम्मकरणे नेरइयाणं मंते कतिविहे करणे पन्नते गोयमा चउव्विहे पन्नते तं जहा-मणकरणे वइकरणे कायकरणे कम्मकरणे एवं पंचिंदियाणं सव्वेसिं चउव्विहे करणे पन्नते एगिंदियाणं दुविहेकायकरणे य कम्मकरणे य विगलिंदियाणं ति विहेवइकरणे कायकरणे कम्मकरणे नेरइयाणं मंते किं करणओ असायं वेदणं वेदेति अकरणओ असायं वेदणं वेदेति गोयमा नेरइया णं करणओ असायं वेदणं वेदेति नो अकरणओ असायं वेदणं वेदेति से केणइणं गोयमा नेरइयाणं चउव्विहे करणे पन्नते तं जहा-मणकरणे वइकरणे कायकरणे कम्मकरणे इछेएणं चउव्विहेणं असुभेणं कारणेणं नेरइया करणओ असायं वेदणं वेदेति नो अकरणओ से तेणइणं अपुरकुमारा णं किं करणओ अकरणओ गोयमा करणओ नो अकरणओ से केणइणं गोयमा असुर कुमाराणं चउव्विहे करणे पन्नते तं जहा-मणकरणे वइकरणे कायकरणे कम्मकरणे इछेएणं सुभेणं कारणेणं असुरकुमारा कारणओ सातं वेदणं वेदेति नो अकरणओ एवं जाव धणियकुमारा पुढवीकाइयाणं एवामेव पुच्छा नवरंइछेएणं सुभासुभेणं कारणेणं पुढविकूकाइया करणओ वेमायाए वेदणं वेदेति नो अकरणओ ओरालियसरीरा सव्वे सुभासुभेणं वेमायाए देवा सुभेणं सायं ।२२९।-२२९

(२७५) जीवा णं मंते किं महावेदणा महानिज्जरा महावेदणा अप्पनिज्जरा अप्पवेदणा महानिज्जरा अप्पवेदणा अप्पनिज्जरा गोयमा अत्येगितिया जीवा महावेदणा महानिज्जरा अत्येगितिया जीवा महावेदणा अप्पनिज्जरा अत्येगितिया जीवा अप्पवेदणा महानिज्जरा अत्येगितिया जीवा अप्पवेदणा अप्पनिज्जरा से केणइणं, गोयमा पडिमापडिवन्नए अणगारे महावेदणे महानिज्जरे छट्ठ-सत्त-मासु पुढवीसु नेरइया महावेदणा अप्पनिज्जरा सेलेसिं पडिवन्नए अणगारे अप्पवेदणे महानिज्जरे अनुत्तरोववाइया देवा अप्पवेदणा अप्पनिज्जरा सेवं मंते सेवं मंते ति ।२३०।-२३०

(२७६) महावेदणे य वत्थे कइम-खंजणकाए य अहिगरणी

तणहत्थे य कवळे करण-महावेदणा जीवा

॥३८॥-३८

● छट्ठे तत्ते पढमो उहेसो समत्तो ●

—: बी ओ — उ हे सो :—

(२७७) रायगिहं नगरं जाव एवं वयासी-आहारुहेसओ जो पन्नवणाए सो सव्वो निरवसेसो नेयव्वो सेवं मंते सेवं मंते ति ।२३१।-२३१

● छट्ठे तत्ते बीओ उहेसो समत्तो ●

—: त इ ओ — उ हे सो :—

(२७८) बहुकम्म वत्थपोगल-पयोगसा-वीससा य सादीए

कम्मड्डिति थि संजय सम्पदिट्ठी य सत्री य

॥३९॥-३९

(२७९) भविए दंसण पज्जत्त भासय परित्ते नाण जोगेय

उवओगाहारग सुहुम चरिमबंधेय अप्पवहुं

॥४०॥-४०

(२८०) से नूणं मंते महाकम्मस्स महाकिरियस्स महासंवस्स महावेदणस्स सव्वओ पोगला बज्झंति सव्वओ पोगला चिज्झंति सव्वओ पोगला उवचिज्झंति सया समियं पोगला बज्झंति सया समियं पोगला चिज्झंति सया समियं पोगला उवचिज्झंति सया समियं च णं तस्स आया दुरुवत्ताए दुवण्णत्ताए दुगंधत्ताए दुरसत्ताए दुफासत्ताए अणिट्ठात्ताए अकंतत्ताए अप्पियत्ताए अपुभत्ताए अमणुण्णत्ताए अमणामत्ताए अणिच्छियत्ताए अभिज्झियत्ताए अहत्ताए-नो उइट्ठाए दुक्खत्ताए-

नो सुहृत्ताए भुज्रो-भुज्रो परिणमंति हंता गोयमा महाकम्मस्स तं चेव से केणट्ठेणं गोयमा से जहानामए वत्थस्स अहयस्स वा घोयस्स वा तंतुंगयस्स वा आणुपुब्बीए परिभुज्जमाणस्स सव्वओ पोग्गला वज्झंति सव्वओ पोग्गला चिज्जंति जाव परिणमंति से तेणट्ठेणं से नूणं भंते अप्पकम्मस्स अप्पकिरियस्स अप्पासवस्स अप्पवेदणस्स सव्वओ पोग्गला भिज्जंति सव्वओ पोग्गला छिज्जंति सव्वओ पोग्गला विद्धंस्संति सव्वओ पोग्गला परिविद्धंस्संति सया समियं पोग्गला भिज्जंति सया समियं पोग्गला छिज्जंति सया समियं पोग्गला विद्धंस्संति सया समियं पोग्गला परिविद्धंस्संति सया समियं च णं तस्स आया सुरुवत्ताए सुवण्णत्ताए सुगंधत्ताए सुरसत्ताए सुफासत्ताए इड्डत्ताए कंतत्ताए पियत्ताए सुभत्ताए मणुण्णत्ताए मणामत्ताए इच्छित्ताए अणभिज्झियत्ताए उड्डत्ताए-नो अहत्ताए सुहत्ताए-नो दुक्खत्ताए भुज्रो-भुज्रो परिणमंति हंता गोयमा जाव परिणमंति से केणट्ठेणं गोयमा से जहानामए वत्थस्स जल्लियस्स वा पंकियस्स वा मइल्लियस्स वा रइल्लियस्स वा आणु-पुब्बीए परिकम्मिज्जमाणस्स सुद्धेणं वारिणा धोव्वेमाणस्स सव्वओ पोग्गला भिज्जंति जाव परिण-मंति से तेणट्ठेणं । २३२।-२३२

(२८९) वत्थस्स णं भंते पोग्गलोवचए किं पयोगसा वीससा गोयमा पयोगसा वि वीससा वि जहा णं भंते वत्थस्स णं पोग्गलोवचए पयोगसा वि वीससा वि तहा णं जीवाणं कम्मोवचए किं पयोगसा वीससा गोयमा पयोगसा नो वीससा से केणट्ठेणं गोयमा जीवाणं तिविहे पयोगे पत्रत्ते तं जहा-मणप्पयोगे वड्ढपयोगे कायप्पयोगे इद्धेणं तिविहेणं पयोगेणं जीवाणं कम्मोवचए पयोगसा नो वीससा एवं सव्वेसिं पंचिदियाणं तिविहे पयोगे भाणियच्च पुढवीकाइयाणं एगविहेणं पयोगेणं एवं जावं वणस्सइकाइयाणं विगल्लिदियाणं दुविहे पयोगे पत्रत्ते तं जहा-वड्ढपयोगे कायपयोगे य इद्धेणं दुविहेणं पयोगेणं कम्मोवचए पयोगसा नो वीससा से तेणट्ठेणं । गोयमा एवं वुद्धइ-जीवाणं कम्मोवचए पयोगसा । नो वीससा एवं जस्स जो पयोगो जाव वेमाणियाणं । २३३।-२३३

(२८२) वत्थस्स णं भंते पोग्गलोवचए किं सादीए सपज्जवसिए सादीए अपज्जवसिए अणा-दीए सपज्जवसिए अणादीए अपज्जवसिए गोयमा वत्थस्स णं पोग्गलोवचए सादीए सपज्जवसिए नो सादीए अपज्जवसिए नो अणादीए सपज्जवसिए नो अणादीए अपज्जवसिए जहा णं भंते वत्थस्स पोग्गलोवचए सादीए सपज्जवसिए नो सादीए अपज्जवसिए नो अणादीए सपज्जवसिए नो अणादीए अपज्जवसिए तहा णं जीवाणं कम्मोवचए पुच्छा गोयमा अत्येगतियाणं जीवाणं कम्मोवत्तए सादीए सपज्जवसिए अत्येगतियाणं अणादीए सपज्जवसिए अत्येगतियाणं अणादीए अपज्जवसिए नो चेव णं जीवाणं कम्मोवचए सादीए अपज्जवसिए से केणट्ठेणं गोयमा इरियावहिय-बंधयस्स कम्मोवचए सादीए सपज्जवसिए भवसिद्धियस्स कम्मोवचए अणादीए सपज्जवसिए अभ-वसिद्धियस्स कम्मो-वचए अणादीए अपज्जवसिए से तेणट्ठेणं, वत्थे णं भंते किं सादीए सपज्जवसिए-चउभंगो गोयमा वत्थे सादीए सपज्जवसिए अवसेसा तिण्णि वि पडिसेहेयव्वा जहा णं भंते वत्थे सादीए सपज्जवसिए नो सादीए अपज्जवसिए नो अणादीए सपज्जवसिए नो अणादीए अपज्जवसिए तहा णं जीवा किं सादीया सपज्जवसिया चउभंगो-पुच्छा गोयमा अत्येगतिया सादीया सपज्जवसिया-चत्तारि वि भाणियव्वा से केणट्ठेणं गोयमा नेरतिय-तिरिक्खजोणिय-मणुस्स-देवा गतिरागतिं पडुच्च सादीया सपज्जवसिया सिद्धा गतिं पडुच्च सादीया अपज्जवसिया भवसिद्धिया लद्धि पडुच्च अणादीया सपज्ज-वसिया अभवसिद्धिया संसारं पडुच्च अणादीया अपज्जवसिया से तेणट्ठेणं । २३४।-२३४

(२८३) कति णं भंते कम्मप्पगडीओ पत्रत्ताओ गोयमा अट्ट कम्मप्पगडीओ पत्रत्ताओ तं जहा- नाणावरणिज्जं दरिसणावरणिज्जं [वेदणिज्जं मोहणिज्जं आउगं नामं गोयं] अंतराइयं नाणावरणिज्जस्सं णं भंते कम्मस्स केवतियं कालं बंधट्ठिती पत्रत्ता गोयमा जहण्णेणं अंतोमुहुत्तं उक्कोसेणं तीसं सागरोवमकोडाकोडीओ तिण्णि य वाससहस्साइं अबाहा अबाहूणया कम्मट्ठितीकम्मनिसेओ [दरिसणावरणिज्जं जहण्णेणं अंतोमुहुत्तं उक्कोसेणं तीसं सागरोवमकोडाकोडीओ तिण्णि य वाससहस्साइं अबाहा अबाहूणया कम्मट्ठिती-कम्मनिसेओ] वेदणिज्जं जहनेणं दो समथा उक्कोसेणं [तीसं सागरोवमकोडाकोडीओ तिण्णि य वाससहस्साइं अबाहा अबाहूणया कम्मट्ठिती-कम्मनिसेओ] मोहणिज्जं जहनेणं अंतोमुहुत्तं उक्कोसेणं सत्तरिसागरोवमकोडाकोडीओ सत्त य वाससहस्साणि अबाहा अबाहूणया कम्मट्ठिती-कम्मनिसेओ, आउगं जहनेणं अंतोमुहुत्तं उक्कोसेणं तेतीसं सागरोवमाणि पुव्वकोडित्तिभागमब्भहियाणि कम्मट्ठिती-कम्मनिसेओ, नाम-गोयाणं जहनेणं अट्ट मुहुत्ता उक्कोसेणं दीसं सागरोवमकोडाकोडीओ दोण्णि य वाससहस्साणि अबाहा अबाहूणया कम्मट्ठिती-कम्मनिसेओ, अंतराइयं [जहनेणं अंतोमुहुत्तं उक्कोसेणं तीसं सागरोवमकोडाकोडीओ तिण्णि य वाससहस्साइं अबाहा अबाहूणया कम्मट्ठिती-कम्मनिसेओ] ॥२३५॥-२३५

(२८४) नाणावरणिज्जं णं भंते कम्म किं इत्थी बंधइ पुरिसो बंधइ नपुंसओ बंधइ नोइत्थी नोपुरिसो नोनपुंसओ बंधइ गोयमा इत्थी वि बंधइ पुरिसो वि बंधइ नपुंसओ वि बंधइ नोइत्थी नोपुरिसो नोनपुंसओ सिय बंधइ सिय नो बंधइ एवं आउगवज्जाओ सत्त कम्मप्पगडीओ आउगं णं भंते कम्म किं इत्थी बंधइ पुरिसो बंधइ नपुंसओ बंधइ नोइत्थी नोपुरिसो नोनपुंसओ बंधइ गोयमा इत्थी सिय बंधइ सिय नो बंधइ [पुरिसो सिय बंधइ सिय नो बंधइ नपुंसओ सिय बंधइ सिय नो बंधइ नोइत्थी नोपुरिसो नोनपुंसओ न बंधइ नाणावरणिज्जं णं भंते कम्म किं संजए बंधइ अस्संजए बंधइ संजया संजए बंधइ नोसंजए नोअसंजए नोसंजयासंजए बंधइ गोयमा संजए सिय बंधइ सिय नो बंधइ अस्संजए बंधइ संजयासंजए वि बंधइ नोसंजए नोअस्संजए नो संजयासंजए न बंधइ एवं आउगवज्जाओ सत्त वि आउगे हेट्ठिळा तिण्णि भयणाए उवरिल्ले न बंधइ

नाणावरणिज्जं णं भंते कम्म किं सम्मदिट्ठी बंधइ मिच्छदिट्ठी बंधइ सम्मामिच्छदिट्ठी बंधइ गोयमा सम्मदिट्ठी सिय बंधइ सिय नो बंधइ मिच्छदिट्ठी बंधइ सम्मामिच्छदिट्ठी बंधइ एवं आउगवज्जाओ सत्त वि आउमे हेट्ठिळा दो भयणाए सम्मामिच्छदिट्ठी न बंधइ नाणावरणिज्जं णं भंते कम्म किं सण्णी बंधइ असण्णी बंधइ नोसण्णी नोअसण्णी बंधइ गोयमा सण्णी सिय बंधइ सिय नो बंधइ असण्णी बंधइ नोसण्णीनोअसण्णी न बंधइ एवं वेदणिज्जाउगवज्जाओ छ कम्मप्पगडीओ वेदणिज्जं हेट्ठिळा दो बंधंति उवरिल्ले भयणाए आउगं हेट्ठिळा दो भयणाए उवरिल्ले न बंधइ नाणावरणिज्जं णं भंते कम्म किं भवसिद्धिए बंधइ अभवसिद्धिए बंधइ नोभवसिद्धिए नोअभवसिद्धिए बंधइ गोयमा भवसिद्धिए भयणाए अभवसिद्धिए बंधइ नोभवसिद्धिए नोअभवसिद्धिए न बंधइ एवं आउगवज्जाओ सत्त वि आउगं हेट्ठिळा दो भयणाए उवरिल्ले न बंधइ नाणावरणिज्जं णं भंते कम्म किं चक्खुदंसणी बंधइ अचक्खुदंसणी बंधइ ओहिदंसणी बंधइ केवलीदंसणी बंधइ गोयमा हेट्ठिळा तिण्णि भयणाए उवरिल्ले न बंधइ एवं वेदणिज्जवज्जाओ सत्त वि वेदणिज्जं हेट्ठिळा तिण्णि बंधंति केवलीदंसणी भयणाए नाणावरणिज्जं णं भंते कम्म किं पज्जतए बंधइ अपज्जते बंधइ नोपज्जतए नोअपज्जतए बंधइ गोयमा पज्जतए भयणाए अपज्जतए बंधइ नोपज्जतए नोअपज्जतए न बंधइ एवं

आउगवज्जाओ सत्त वि आउगं हेड्डिल्ला दो भयणाए उवरिल्ले न बंधइ

नाणावरणिज्जं णं भंते कम्मं किं भासए बंधइ अभासए बंधइ गोयमा दो वि भयणाए, एवं वेदणिज्जवज्जाओ सत्त वि वेदणिज्जं भासए बंधइ अभासए भयणाए, नाणावरणिज्जं णं भंते कम्मं किं परित्ते बंधइ अपरित्ते बंधइ नोपरित्ते नोअपरित्ते बंधइ गोयमा परित्ते भयणाए अपरित्ते बंधइ नोपरित्ते नोअपरित्ते न बंधइ एवं आउगवज्जाओ सत्त कम्मप्पगडीओ आउयं परित्ते वि अपरित्ते वि भयणाए नोपरित्ते नोअपरित्ते न बंधइ नाणावरणिज्जं णं भंते कम्मं किं आभिणिबोहियनाणी बंधइ सुयनाणी बंधइ ओहिनाणी बंधइ मणपज्जवनाणी बंधइ केवलनाणी बंधइ गोयमा हेड्डिल्ला चत्तारि भयणाए केवलनाणी न बंधइ एवं वेदणिज्जवज्जाओ सत्त वि, वेदणिज्जं हेड्डिल्ला चत्तारि बंधंति केवलनाणी भयणाए, नाणावरणिज्जं णं भंते कम्मं किं मइअन्नाणी बंधइ सुयअन्नाणी बंधइ विभंगनाणी बंधइ होयमा आउगवज्जाओ सत्तवि बंधंति आउगं भयणाए, नाणावरणिज्जं णं भंते कम्मं किं मणजोगो बंधइ वइजोगी बंधइ कायजोगी बंधइ अजोगी बंधइ गोयमा हेड्डिल्ला तिण्णि भयणाए अजोगी न बंधइ एवं वेदणिज्जवज्जाओ सत्त वि, वेदणिज्जं हेड्डिल्ला बंधंति अजोगी न बंधइ नाणावरणिज्जं णं भंते कम्मं किं सागारोवउत्ते बंधइ अणागारोवउत्ते बंधइ गोयमा अट्ठसु वि भयणाए नाणावरणिज्जं णं भंते कम्मं किं आहारए बंधइ अणाहारए बंधइ गोयमा दो वि भयणाए एवं वेदणिज्जाउगवज्जाणं छण्हं वेदणिज्जं आहारए बंधइ अणाहारए भयणाए आउए आहारए भयणाए अणाहारए न बंधइ, नाणावरणिज्जं णं भंते कम्मं किं सुहुमे बंधइ बादरे बंधइ नोसुहुमे नोबादरे बंधइ गोयमा सुहुमे बंधइ बादरे भयणाए नोसुहुमे नोबादरे न बंधइ एवं आउगवज्जाओ सत्त वि आउगं सुहुमे बादरे भयणाए नोसुहुमे नोबादरे न बंधइ नाणावरणिज्जं णं भंते कम्मं किं चरिमे बंधइ अचरिमे बंधइ गोयमा अट्ठ वि भयणाए ॥२३६॥-236

(२८५) एसिं णं भंते जीवाणं इत्थीवेदणाणं पुरिसवेदगाणं नपुंसगवेदगाणं अवेदगाणं य कयरे कयरेहितो [अप्पा वा बहुया वा तुल्ला वा विसेसाहिया वा] गोयमा सव्वत्थोवा जीवा पुरिस-वेदगा इत्थीवेदगा संखेज्जगुणा अवेदगा अनंतगुणा नपुंसगवेदगा अनंतगुणा एसिं सव्वेसिं पदाणं अप्प-बहुगाइं उच्चारेयव्वाइं जाव सव्वत्थोवा जीवा अचरिमा चरिमा अनंतगुणा सेवं भंते सेवं भंते ति ॥२३७॥-237

● छट्ठे सत्ते तइओ उद्देशो सप्तत्ते ●

—: च उ त्थो—उ हे सो :—

(२८६) जीवेणं भंते कालादेसेणं किं सपदेसे अपदेसे गोयमा नियमा सपदेसे नेरइए णं भंते कालादेसेणं किं सपदेसे अपदेसे गोयमा सिय सपदेसे सिय अपदेसे एवं जाव सिद्धे जीवा णं भंते कालादेसेणं किं सपदेसा अपदेसा गोयमा नियमा सपदेसा नेरइया णं भंते कालादेसेणं किं सपदेसा अपदेसा गोयमा सव्वे वि ताव होज्जा सपदेसा अहवा सपदेसा य अपदेसे य अहवा सपदेसा य अपदेसा य एवं जाव यणियकुमारा पुढविकाइया णं भंते किं सपदेसा अपदेसा गोयमा सपदेसा वि अपदेसा वि एवं जाव वणप्फइकाइया सेसा जहा नेरइया तहा जाव सिद्धा आहारगाणं जी-वेणिंदियवज्जो तियभंगो अणाहारगाणं जीवेणिंदियवज्जा छब्बंगा एवं भाणियव्वा - सपदेसा वा अपदेसा वा अहवा सपदेसे य अपदेसे अहवा सपदेसे य अपदेसा य अहवा सपदेसा य अपदेसे य अहवा सपदेसा य अपदेसा य सिद्धेहिं तियभंगो भवसिद्धिया अमवसिद्धिया जहा ओहिया

नोभवसिद्धिय-नोअभवसिद्धिय-जीव-सिद्धेहिं तियभंगो सण्णीहिं जीवादिओ तियभंगो असण्णीहिं एगिदियवज्जो तियभंगो नेरइयदेवमणुएहिं छब्भंगो नोसण्णि-नोअसण्णि-जीव-मणुय-सिद्धेहिं तियभंगो सलेसा जहा ओहिया कण्हलेस्सा नीललेस्सा काउलेस्सा तियभंगो नवरं-पुढविककाइएसु आउवणफ्फतीसु छब्भंगा पण्हलेस्स-सुक्कलेस्साए जीवादिओ तियभंगो अलेसेहिं जीव-सिद्धेहिं तियभंगो मणुएसु छब्भंगा

सम्मादिट्ठीहिं जीवादिओ तियभंगो विगलिंदिएसु छब्भंगा मिच्छदिट्ठीहिं एगिदियवज्जो तियभंगो सम्मामिच्छदिट्ठीहिं छब्भंगा संजएहिं जीवादिओ तियभंगो अस्संजएहिं एगिदियवज्जो तियभंगो संजयासंजएहिं तियभंगो जीवादिओ नोसंजय-नोअसंजय-नोसंजयासंजय-जीव-सिद्धेहिं तियभंगो सकसाईहिं जीवादिओ तियभंगो एगिंदिएसु अभंगकं कोहकसाईहिं जवेगि-दियवज्जो तियभंगो देवेहिं छब्भंगा माणकसाई-मायकसाईहिं जीवेगिदियवज्जो तियभंगो नेरइय-देवेहिं छब्भंगा लोभकसाईहिं जीवेगिदियवज्जो तियभंगो नेरइएसु छब्भंगा अकसाई-जीव-मणुएहिं सिद्धेहिं तियभंगो ओहियनाणे आभिणिबोहियनाणे सुयनाणे जीवादिओ तियभंगो विगलिंदिएहिं छब्भंगा ओहिनाने मणपज्जदनाणे केवलनाणे जीवादिओ तियभंगो ओहिए अन्नाणे मइअन्नाणे सुयअन्नाणे एगिदियवज्जो तियभंगो विभंगनाणे जीवादिओ तियभंगो सजोगी जहा ओहिओ मणजोगी वइजोगी कायजोगी जीवादिओ तियभंगो नवरं-कायजोगी एगिंदिया तेसु अभंगयं अजोगी जहा अलेस्सा सागारोवउत्त-अणागारोवउत्तेहिं जीवेगिदियवज्जो तियभंगो सवेदगा जहा सकसाई इत्थिवेदग-पुरिसवेदग-नपुसंगवेदगेसु जीवादिओ तियभंगो नवरं-नपुसंगवेदे एगिंदिएसु अभंगयं अवेदगा जहा अकसाई ससरीरी जहा ओहिओ ओरालिय-वेउव्वियसरीराणं जीवेगिदिय-वज्जो तियभंगो आहारगसरीरे जीव-मणुएसु छब्भंगा तेयग-कम्मगाई जहा ओहिया असरीरेहिं जीव-सिद्धेहिं तियभंगो आहारपज्जतीए सरीरपज्जतीए इंदियपज्जतीए आणापाणपज्जतीए जवेगि-दियवज्जो तियभंगो भासा-मणपज्जतीए जहा सण्णी आहार-अपज्जतीए जहा अणाहारगा सरीरअप-ज्जतीए इंदिय-अपज्जतीए आणापाणअपज्जतीए जीवेगिदियवज्जो तियभंगो नेरइय-देव-मणुएहिं छब्भंगा भासापणअपज्जतीए जीवादिओ तियभंगो नेरइय-देव-मणुएहिं छब्भंगा ॥२३८॥-२३८

(२८७) सपदेसाहारग-भवि-सण्णि-लेसा-दिट्ठि-संजय-कसाए

नाणे जोगुवओगे वेदे च सरीर-पज्जती

॥४१॥-४१

(२८८) जीवा णं भंते किं पच्चक्खाणी अपच्चक्खाणी पच्चक्खाणापच्चक्खाणी गोयमा जीवा पच्चक्खाणी वि अपच्चक्खाणी वि पच्चक्खाणापच्चक्खाणी वि सब्वजीवाणं एवं पुच्छा गोयमा ने-रइया अपच्चक्खाणी जाव चउरिंदिया सेसा दो पडिसेहेयव्वा पंचिंदियतिरिक्खजोगिया नो पच्च-क्खाणी अपच्चक्खाणी वि पच्चक्खाणा-पच्चक्खाणी वि मणूसा तिण्णि वि सेसा जहा नेरइया, जीवा णं भंते किं पच्चक्खाणं जाणंति अपच्चक्खाणं जाणंति पच्चक्खाणापच्चक्खाणं जाणंति गोयमा जे पंचिंदिया ते तिण्णि वि जाणंति अवसेसा पच्चक्खाणं न जाणंति अपच्चक्खाणं न जाणंति पच्चक्खा-णापच्चक्खाणं न जाणंति जीवा णं भंते किं पच्चक्खाणं कुव्वंति अपच्चक्खाणं कुव्वंति पच्चक्खाणा-पच्चक्खाणं कुव्वंति जहा ओहिओ तहा कुव्वणा जीवा णं भंते किं पच्चक्खाणनिव्वत्तियाउया अपच्च-क्खाणनिव्वत्तियाउया पच्चक्खाणापच्चक्खाणनिव्वत्तियाउया गोयमा जीवा च वेमाणिया च पच्च-क्खाणनिव्वत्तियाउया तिण्णि वि अवसेसा अपच्चक्खाणनिव्वत्तियाउया ॥२३९॥-२३९-१

(२८९) पद्यक्खणं जाणइ कुव्वइ तिण्णेव आउनिव्वती

सपएसुदेसम्भि य एमेए दंडगा चउरो

॥४२॥-४२

(२९०) सेवं भंते सेवं सेवं ति ॥२३९॥-२३९

● छडे सते वउत्तो जेसो समतो ●

—: पं च मो—उ हे तो :—

(२९१) किमियं भंते तमुक्काए त्ति पव्वच्चति किं पुढवी तमुक्काए त्ति पव्वच्चति आऊ तमुक्काए त्ति पव्वच्चति गोयमा नो पुढवि तमुक्काए त्ति पव्वच्चति आऊतमुक्काए त्ति पव्वच्चति से केणट्टेणं गोयमा पुढविकाए णं अत्येगइए सुभे देसं पकासेइ अत्येगइए देसं नो पकासेइ से तेणट्टेणं तमुक्काए णं भंते कहिं समुट्टिए कहिं संनिट्टिए गोयमा जंबूदीवस्स दीवस्स बहिया तिरियमसंखेजे दीव-समुट्टे वीईवइत्ता अरुणवरस्स दीवस्स बाहिरिल्लाओ वेदयंताओ अरुणोदयं समुट्टं बायालीसं जोयणसहस्साणि ओगाहिता उवरिल्लाओ जलंताओ एगपएसियाए सेट्ठीए- एत्थ णं तमुक्काए समुट्टिए सत्तरस-एक्कवीसे जोयणसए उड्डं उप्पइत्ता तओ पच्छा तिरियं पवित्थरमाणे-पवित्थरमाणे सोहम्पीसाण-सणं कुमारमाहिंदे चत्तारि वि कप्पे आवरित्ता णं उड्डं पि य णं जाव वंभलोगे कप्पे रिट्ठविमाणपत्थडं संपत्ते-एत्थ णं तमुक्काए संनिट्टिए तमुक्काए णं भंते किसिंठिए पत्रत्ते गोयमा अहे मल्लग-मूलसंठिए उप्पि कुक्कुडग-पंजरगसंठिए पत्रत्ते तमुक्काए णं भंते केवतियं विक्खंभेणं केवतियं परिक्खेवेणं पत्रत्ते गोयमा दुविहे पत्रत्ते तं जहा-संखेज्जवित्थडे य असंखेज्जवित्थडे य तत्थ णं जे संखेज्जवित्थडे से णं संखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिक्खेवेणं पत्रत्ते तत्थ णं जे से असंखेज्जवित्थडे से णं असंखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिक्खेवेणं पत्रत्ते

तमुक्काए णं भंते केमहालए पत्रत्ते गोयमा अयणं जंबूदीवे दीवे सव्वदीव-समुट्ठाणं सव्वब्भंतराए जाव एगं जोयणसयसहस्सं आयाम-विक्खंभेणं तिण्णि जोयणसयसहस्साइं सोल-ससहस्साइं दोण्णि य सत्तावीसे जोयणसए तिण्णि य कोसे अट्ठावीसं च धणुसयं तेरस अंगुलाइं अट्ठंगुलं च किंचिद्विसेसाहिए परिक्खेवेणं पत्रत्ते देवे णं महिइट्ठीए जाव महानुभावे इणामेव-इणामेवत्ति कट्ठ केवलकपं जंबूदीवं दीवं तिहिं अच्छरानिवाएहिं तिसत्तक्खुत्तो अणुपरियट्ठित्ता णं हव्वमागच्छिज्जा से णं देवे ताए उक्किट्ठाए तुरियाए जाव दिव्वाए देवगईए वीईवयमाणे-वीईवय-माणे जाव एकाहं वा दुयाहं वा तियाहं वा उक्कोसेणं छम्मासे वीईवएज्जा अत्येगतियं तमुक्कायं वीईवएज्जा अत्येगतियं तमुक्कायं नो वीईवएज्जा एमहालए णं गोयमा तमुक्काए पत्रत्ते अत्थि णं भंते तमुक्काए गेहा इ वा गेहावणा इ वा नो तिण्ण्डे समट्ठे अत्थि णं भंते तमुक्काए गामा इ वा जाव सण्णिवेसा इ वा नो तिण्ण्डे समट्ठे अत्थि णं भंते तमुक्काए ओराला बलाहया संसेयंति सम्पुच्छंति वासं वासंति हंता अत्थि तं भंते किं देवो पकरेति असुरो पकरेति नागो पकरेति गोयमा देवो वि पकरेति असुरो वि पकरेति नागो वि पकरेति अत्थि णं भंते तमुक्काए बादरे यणियसट्ठे बादरे विज्जुयारे हंता अत्थि णं भंते किं देवो पकरेति असुरो पकरेति नागो पकरेति तिण्णि वि पकरेति

अत्थि णं भंते तमुक्काए बादरे पुढविकाए बादरे अगणिकाए नो तिण्ण्डे समट्ठे नन्नत्थ विग्गहगतिसमावन्नएणं अत्थि णं भंते तमुक्काए चंदिम-सूरिय-गहगण-नक्खत-त्तारुवा नो तिण्ण्डे समट्ठे पलियस्सओ पुण अत्थि अत्थि णं भंते तमुक्काए चंदाभा ति वा सूरामा ति वा नो

तिण्डे समट्टे कादूसणिया पुण सा तमुक्काए णं भंते केरिसए वण्णएणं पन्नत्ते गोयमा काले कालो भासे गंभीरे लोमहरिजणणे भीमे उत्तासणए परमकिण्हे यण्णेणं पन्नत्ते देवे वि णं अत्येगतिए जे णं तप्पढमयाए पासित्ता णं खुभाएज्जा अहेणं अभिसमागच्छेज्जा तओ पच्छा सीहं-सीहं तुरिय-तुरियं खिप्पामेव वीतीवएज्जा तमुक्कायस्स णं भंते कति नामधेज्जा पन्नत्ता गोयमा तेरस नाधेज्जा पन्नत्ता तं जहा-तमे इ वा तमुक्काए इ वा अंधकारेइ वा महंधकारे इ वा लोगंधकारे इ वा लोगतमिसे इ वा देवंधकारे इ वा देवतमिसे इ वा देवरण्णो इ वा देववूहे इ वा देवफलिइ इ वा देवपडिक्खोमे इ वा अरुणोदए इ वा समुदे, तमुक्काए णं भंते किं पुढविपरिणामे आउपरिणामे जीवपरिणामे पोग्गलपरिणामे गोयमा नो पुढविपरिणामे आउपरिणामे वि जीवपरिणामे वि पोग्गलपरिणामे वि तमुक्काए णं बंभंते सव्वे पाणा भूया जीवा सत्ता पुढवीकाइयत्ताए जाव तसकाइयत्ताए उववन्न-पुव्वा हंता गोयमा अस्सि अदुवा अनंतक्खात्तो नो चेव णं बादरपुढविकाइत्ताए बादरअगणि-काइत्ताए वा १२४०१-२४०

(२१२) कइ णं भंते कण्हरातीओ पन्नत्ताओ गोयमा अड्ड कण्हरातीओ पन्नत्ताओ कहि णं भंते एयाओ अड्ड कण्हरातीओ पन्नत्ताओ गोयमा उप्पिं सणंकुमार-महिंदाणं कप्पाणं हव्वि बंध-लोए कप्पे रिट्टे विमाणपत्थडे एत्थ णं अक्खाडग-समचउरंस-संठाणसंठियाओ अड्ड कण्हरातीओ पन्नत्ताओ तं जहा-पुरत्थिमे णं दो पच्चत्थिमे णं दो दाहिणे णं दो उत्तरे णं दो पुरत्थिमब्भंतरा कण्हराती दाहिण-बाहिरं कण्हरात्ति पुट्ठा दाहिणब्भंतरा कण्हराती पच्चत्थिम-बाहिरं कण्हरात्ति पुट्ठा पच्चत्थि-मब्भंतरा कण्हराती उत्तर-बाहिरं कण्हरात्ति पुट्ठा उत्तरब्भंतरा कण्हराती पुरत्थिम-बाहिरं कण्हरात्ति पुट्ठा दो पुरत्थिम-पच्चत्थिमाओ बाहिराओ कण्हरातीओ छलंसाओ दो उत्तर-दाहिणाओ बाहिराओ कण्हरातीओ तंसाओ दो पुरत्थिम-पच्चत्थिमाओ अब्भंतराओ कण्हरातीओ चउरंसाओ दो उत्तर-दाहिणाओ अब्भंतराओ कण्हरातीओ चउरंसाओ १२४१-११-२४१-१

(२१३) पुव्वावरा छलंसा तंसा पुण दाहिणुत्तरा बज्झा

अब्भंतर चउरंसा सव्वा वि य कण्हरातीओ

११४३११-४३

(२१४) कण्हरातीओ णं भंते केवतियं आयामेणं केवतियं विक्खंभेणं केवतियं परिकखेवेणं पन्नत्ताओ गोयमा असंखेज्जाइं जोयणसहस्साइं आयामेणं संखेज्जाइं जोयणसहस्साइं विक्खंभेणं असंखेज्जाइं जोयणसहस्साइं परिकखेवेणं पन्नत्ताओ कण्हरातीओ णं भंते केमहालियाओ पन्नत्ताओ गोयमा अयं णं जंबुदीवे दीवे [जाव देवे णं महिड्डीए जाव महाणुभावे इणामेव-इणामेव ति कड्ड केवलकप्पं जंबुदीवं दीवं तिहिं अच्छरानिवाएहिं तिसत्तक्खुत्तो अनुपरियट्ठित्ता णं हव्वमागच्छिज्जा से णं देवे ताए उक्किट्ठाए तुरियाए जाव दिव्वाए देवगईए वीईवयमाणे-वीईवयमाणे जाव एकाहं वा दुयाहं वा तियाहं वा उक्कोसेणं अद्धमासं वीईवाएज्जा अत्येगइए कण्हरात्ति वीईवएज्जा अत्येगइए कण्हरात्ति नो वीईवएज्जा एमहालियाओ णं गोयमा कण्हरातीओ पन्नत्ताओ अत्थि णं भंते कण्हरातीसु गेहा इ वा गेहावणा इ वा नो इण्डे समट्टे अत्थि णं भंते कण्हरातीसु गामा इ वा जाव सण्णिवेसा इ वा नो इण्डे समट्टे अत्थि णं भंते कण्हरातीसु ओराला बलाहया संसेयंति सम्मुच्छंति वासं वासंति हंता अत्थि तं भंते किं देवो पकरेति असुरो पकरेति नागो पकरेति गोयमा देवो पकरेति नो असुरो नो नागो पकरेति अत्थि णं भंते कण्हरातीसु बादरे थणियसदे बादरे विज्जुयरे हंता अत्थि

तं भंते किं देवो पकरेति असुरो पकरेति नागो पकरेति गोयमा देवो पकरेति नो असुरो नो नागो पकरेति अस्थि णं भंते कण्हरातीसु बादरे आउकाए बादरे अगणिकाए बादरे वणफ्फइकाए नो तिण्ढे समट्ठे नन्नत्थ विग्गहगतिसमावन्नएणं अस्थि णं भंते कण्हरातीसु चंदिम-सूरिय-गहगण-नक्खत्त-ताराख्वा नो तिण्ढे समट्ठे अस्थि णं भंते कण्हरातीसु चंदामा ति वा सुराप्पा ति वा नो तिण्ढे समट्ठे कण्हरातीओ णं भंते केरिसियाओ वण्णेण पत्रत्ताओ गोयमा कालाओ [कालोभा-साओ गंधीराओ लोमहरिसज्जणाओ भीमाओ उतासणाओ परमकिण्हाओ वण्णेणं पत्रत्ताओ देवे वि णं अत्येगतिए जे णं तप्पढमयाए पासित्ता णं खुभाएज्जा अहेणं अभिसमागच्छेज्जा तओ पक्खा सीहं-सीहं तुरियं-तुरियं खिप्पामेव वीतीवएज्जा कण्हराती णं भंते कति नामधेज्जा पत्रत्ता गोयमा अट्ठ नामधेज्जा पत्रत्ता तं जहा-कण्हराती इ वा मेहराती इ वा मधा इ वा माधवई इ वा वायफलिहा इ वा वायपलिकखोभा इ वा देवफलिहा इ वा देवपलिकखोभा इ वा कण्हरातीओ णं भंते किं पुढवीपरिणामाओ आउपरिणामाओ जीवपरिणामाओ पोग्गलपरिणामाओ गोयमा पुढ-विपरिणामाओ नो आउपरिणामाओ जीवपरिणामाओ वि पोग्गलपरिणामाओ वि कण्हरातीसु णं भंते सव्वे पाणा भूया जीवा सत्ता पुढवीकाइत्ताए जाव तसकाइयत्ताए उववण्णपुब्बा हंता गोयमा असइं अदुवा अनंतक्खुतो नो चेव णं बादरआउकाइयत्ताए यादरअगणिकाइयत्ताए बादरवणफ्फ-काइयत्ताए वा ।२४१।-२४१

(२९५) एसिं णं अट्ठण्हं कण्हराईणं अट्ठसु ओवासंतरेसु अट्ठ लोगंतियविमाण्णा पत्रत्ता तं जहा-अट्ठी अट्ठिमाली वइरोयणे पभंकरे चंदामे सूरामे सुक्कामे सुपइट्ठामे मज्जे रिट्ठामे कहि णं भंते अट्ठि-विमाणे पत्रत्ते गोयमा उत्तर-पुरत्थिमे णं कहि णं भंते अट्ठिमाली विमाणे पत्रत्ते गोयमा पुरत्थिमे णं एवं परिवाडीए नेयव्वं जाव-कहि णं भंते रिट्ठे विमाणे पत्रत्ते गोयमा बहुमज्जदेसभाए एससु णं अट्ठसु लोगंतियविमाणेसु अट्ठविहा लोगंतिया देवा परिवसंति तं जहा- ।२४२-१।-२४२-१

(२९६) सारस्सयमाइच्चा, वण्ही वरुणा य गट्ठतोया य

तुसिया अब्बावाहा अग्गिच्चा चेव रिट्ठा य ॥४४॥-४४

(२९७) कहि णं भंते सारस्सया देवा परिवसंति गोयमा अट्ठिमि विमाणे परिवसंति कहि णं भंते आइच्चा देव परिवसंति गोयमा अट्ठिमालिमि विमाणे एवं नेयव्वं जहाणपुब्बीए जाव-कहि णं भंते रिट्ठा देवा परिवसंति गोयमा रिट्ठिमि विमाणे सारस्सयमाइच्चाणं भंते देवाणं कति देवा कति देवसया पत्रत्ता गोयमा सत्त देवा सत्त देवसया परिवारो पत्रत्तो वण्ही-वरुणाणं देवाणं चउट्ठस देवा चउट्ठस देवसहस्सा परिवारो पत्रत्तो गट्ठतोय-तुसियाणं देवाणं सत्त देवा, सत्त देवसहस्सा परिवारो पत्रत्तो अवसेसाणं नव देवा नव देवसया परिवारो पत्रत्तो ।२४२-२।-२४२-२

(२९८) पढम-जुगलमि सत्तओ सयाणि वीयमि चउट्ठसहस्सा

तइए सत्तसहस्सा नव चेव सयाणि सेसेसु

॥४५॥-४५

(२९९) लोगंतियविमाण्णा णं भंते किंपइट्ठिया पत्रत्ता गोयमा वाउपइट्ठिया पत्रत्ता एवं नेयव्वं विमाण्णाण पइट्ठाणं बाहुल्लुद्धत्तमेव सठाणं बंभलोयवत्तव्वया नेयव्वया जाव-लोयंतियविमाणेसु णं भंते सव्वे पाणा भूया जीवा सत्ता पुढवीकाइयत्ताए आउकाइयत्ताए तेउकाइयत्ताए वाउकाइयत्ताए वणफ्फइकाइयत्ताए देवत्ताए देवित्ताए उववण्णपुब्बा हंता गोयमा असइं अदुवा अनंतक्खुतो नो चेव णं देवित्ताए लोगंतिय देवाणं भंते केवइयं कालं ठिती पत्रत्ता गोयमा अट्ठ सागरोवमाई ठिती

पत्रत्ता लोगंतियविमाणेहिंतो णं भंते केवतियं अबाहाए लोगंते पत्रत्ते गोयमा असंखेज्जाइं जोयणसहस्साइं अबाहाए लोगंते पत्रत्ते सेवं भंते सेवं भंते ति । २४२।-२४२

● छट्ठे सत्ते पंचमो उट्ठेसो सभत्तो ●

—: छ ट्ठो—उ हे सो :—

(३००) कति णं भंते पुढवीओ पत्रत्ताओ गोयमा सत्त पुढवीओ पत्रत्ताओ तं जहा-रयणप्पभा जाव अहेसत्तमा रयणप्पभाईणं आवासा भाणियव्वा जाव अहेसत्तमाए एवं जतिया आवासा ते भाणियव्वा जाव- कति णं भंते अनुत्तरविमाणा पत्रत्ता गोयमा पंच अनुत्तरविमाणा पत्रत्ता तं जहा-विजए वेजयंते जयंते अपराजिए सव्वइसिद्धे । २४३।-२४३

(३०१) जीवे णं भंते मारणंतियसमुग्धाएणं समोहए समोहणित्ता जे भविए इमीसे रयणप्पभाए पुढवीए तीसाए निरयावाससयसहस्सेसु अण्णयरंसि निरयावासंसि नेरइयत्ताए उववज्जितए से णं भंते तत्थगए चेव आहारेज्ज वा परिणामेज्ज वा सरीरं वा बंधेज्जा गोयमा अत्ये-गतिए तत्थगए चेव आहारेज्ज वा परिणामेज्ज वा सरीरं वा बंधेज्जा अत्येगतिए तओ पडिनियत्तति ततो पडिनियत्तित्ता इहमागच्छइ आगच्छित्ता दोछं पि मारणंतियसमुग्धाएणं समोहण्णइ समो-हणित्ता इमीसे रयणप्पभाए पुढवीए तीसाए निरयावाससयसहस्सेसु अण्णयरंसि निरयावासंसि नेरइयत्ताए उववज्जितए तओ पच्छा आहारेज्ज वा परिणामेज्ज वा सरीरं वा बंधेज्जा एवं जाव अहेसत्तमा पुढवी जीवे णं भंते मारणंतियसमुग्धाएणं समोहए समोहणित्ता जे भविए घउसट्ठीए असुरकुमारावाससयसहस्सेसु अण्णयरंसि असुरकुमारावासंसि असुरकुमारत्ताए उववज्जितए जहा नेरइया तहा भाणियव्वा जाव यणियकुमारा जीवे णं भंते मारणंतियसमुग्धाएणं समोहए समोहणित्ता जे भविए असंखेज्जेसु पुढविकाइयावाससयसहस्सेसु अण्णयरंसि पुढविकाइयावासंसि पुढविकाइयत्ताए उववज्जितए से णं भंते मंदरस्स पव्वयस्स पुरत्थिमे णं केवइयं गच्छेज्जा केवइयं पाउणेज्जा

गोयमा लोयंतं गच्छेज्जा लोयंतं पाउणेज्जा से णं भंते तत्थगए चेव आहारेज्ज वा परिणामेज्ज वा सरीरं वा बंधेज्जा गोयमा अत्येगतिए तत्थगए चेव आहारेज्ज वा परिणामेज्ज वा सरीरं वा बंधेज्जा अत्येगतिए तओ पडिनियत्तइ पडिनियत्तित्ता इहमागच्छइ दोछं पि मारणंतियसमुग्धाएणं समो-हण्णइ समोहणित्ता मंदरस्स पव्वयस्स पुरत्थिमे णं अंगुलस्स असंखेज्जइ भागमेत्तं वा संखेज्जइ-भागमेत्तं वा वालगं वा वालगपुहत्तं वा एवं लिक्ख-जूय-जव-अंगुल जाव जोयणकोडिं वा जोयणकौडाकोडिंवा संखेज्जेसु वा असंखेज्जेसु वा जोयणसहस्सेसु लोगंते वा एगपएसियं सेडिं मोत्तूण असंखेज्जेसु पुढविकाइयावाससयसहस्सेसु अण्णयरंसि पुढविकाइयावासंसि पुढविकाइ-यत्ताए उववज्जेता तओ पच्छा आहारेज्ज वा परिणामेज्ज वा सरीरं वा बंधेज्जा जहा पुरत्थिमे णं मंदरस्स पव्वयस्स आलावओ भणिओ एवं दाहिणे णं पच्चत्थिमे णं उत्तरे णं उड्ढे अहे जहा पुढविकाइया तहा एगिंदियाणं सव्वेसिं एककेक्कस्स छ आलावगा भाणियव्वा जीवे णं भंते मारणंतियसमुग्धाएणं समोहण्णइ समोहणित्ता जे भविए असंखेज्जेसु बेइंदियावाससयसहस्सेसु अण्णयरंसि बेइंदियावासंसि बेइंदियत्ताए उववज्जितए से णं भंते तत्थगए चेव आहारेज्ज वा परिणामेज्ज वा सरीरं वा बंधेज्जा जहा नेरइया एवं जाव अणुत्तरोववाइया जीवे णं भंते मारणंतियसमुग्धाएणं समोहए समोहणित्ता जे भविए पंचसु अनुत्तरेसु महतिमहालएसु महाविमाणेसु

अण्णयरंसि अनुत्तरविमाणंसि अनुत्तरोववाइयदेवत्ताए उदवज्जित्तए से णं भंते तत्थगए चेव
आहारेज्ज वा परिणामेज्ज वा सरीरं वा बंधेज्जा तं चेव जाव आहारेज्ज वा परिणामेज्ज वा सरीरं वा
बंधेज्जा सेवं भंते सेवं भंते ति । २४४।-२४४

● छंदे सते छंदो उद्देशो समतो ●

—: स त्त पो—उ दे सो :—

(३०२) अहं भंते सालीणं वीहीणं गोधूमाणं जवाणं जवजवाणं-एएसि णं धत्राणं कोट्ठाउ-
त्ताणं पल्लाउत्ताणं मंचाउत्ताणं मालाउत्ताणं ओलित्ताणं लिताणं पिहियाणं मुदियाणं लंछियाणं
केवतियं काले जोणी संचिद्धइ गोयमा जहन्नेणं अंतोमुहुत्तं उक्कोसेणं तिण्णि संवच्छराइं तेणं परं
जोणी पमिलायइ तेणं परं जोणी पविद्धंसइ तेणं परं वीए अबीए भवति तेणं परं जोणीवोच्छेदे
पत्रत्ते समणाउसो अहं भंते कल-मसूर-तिल-मास-निकाव-कुलत्थ-आविसंदग-सतीण-पलिमंया-
गमाईणं-एएसि णं धत्राणं कोट्ठाउत्ताणं पल्लाउत्ताणं मंचाउत्ताणं मालाउत्ताणं ओलित्ताणं लिताणं
पीहियाणं मुदियाणं लंछियाणं केवतियं कालं जोणी संचिद्धइ गोयमा जहन्नेणं अंतोमुहुत्तं उक्को-
सेणं पंच संवच्छराइं तेणं परं जोणी पमिलायइ तेणं परं जोणी पविद्धंसइ तेणं परं वीए अबीए भवति
तेणं परं जोणीवोच्छेदे पत्रत्ते समणाउसो अहं भंते अयसि-कुसुमंग-कोह्व-कंगु-वरग-रालग-
कोहसग-सण-सरिसव-मूलावीयामाईणं - एएसिणं धत्राणं कोट्ठाउत्ताणं पल्लाउत्ताणं मंचाउत्ताणं
मालाउत्ताणं ओलित्ताणं लिताणं पिहियाणं मुदियाणं लंछियाणं केवतियं कालं जोणी संचिद्धइ
गोयमा जहन्नेणं अंतोमुहुत्तं उक्कोसेणं सत्त संवच्छराइं तेणं परं जोणी पमिलायइ तेणं परं जोणी
पविद्धंसइ तेणं परं वीए अबीए भवति तेणं परं जोणीवोच्छेदे पत्रत्ते समणाउसो । २४५।-२४५

(३०३) एगमेगस्स णं भंते मुहुत्तस्स केवतिया ऊसासद्धा वियाहिया गोयमा असंखेज्जाणं
समयाणं समुदय-सप्पित्ति-समागमेणं सा एगा आवलिय ति पवुद्धइ संखेज्जा आवलिया ऊसासो
संखेज्जा आवलिया निस्सासो- । २४६-१।-२४६-१

(३०४) हट्ठस्स अणवगल्लस्स निरुवकिट्ठस्स जंतुणो

एगे ऊसास-नीसासे एस पाणु ति वुद्धइ

॥४६॥-४६

(३०५) सत्त पाणूइं से थोवे सत्तं थोवाइं से लवे

लवाणं सत्तहत्तरिए एस मुहुत्ते वियाहिए

॥४७॥-४७

(३०६) तिण्णि सहस्सा सत्त य सयाइं तेवत्तरिं च ऊसासा

एस मुहुत्तो दिट्ठो सव्वेहिं अनंतनाणीहिं

॥४८॥-४८

(३०७) एएणं मुहुत्तपमाणेणं तीसमुहुत्ता अहोरेत्तो पत्ररस अहोरेत्ता पक्खो दो पक्खा मासो
दो मासा उडू तिण्णि उडू अयणे दो अयणा संवच्छरे पंच संवच्छराइं जुगे वीसं जुगाइं वाससयं दस
वाससयाइं वाससहस्सं सयं वाससहस्साणं वाससयसहस्सं चउरासीइं वाससयसहस्साणि से एगे
पुव्वंगे चउरासीइं पुव्वंगा सयसहस्साइं से एगे पुव्वे एवं तुडियंगे तुडिए अडडंगे अडडे अववंगे
अववे हूहूयंगे हूहूए उप्पलंगे उप्पले पउमंगे पउमे नल्लिणंगे नल्लिणे अत्थनिउरंगे अत्थनिउरे अउयंगे
अउए नउयंगे नउए पउयंगे पउए चिलीयंगे चूलिया सीसपहेलियंगे सीसपहेलिया एताव ताव
गणिणं एताव ताव गणियस्स विसए तेणं परं ओवमिए से किं तं ओवमिए ओवमिए दुविहे पत्रत्ते तं
जहा-पलिओवमे य सागरोवमे य से किं तं पलिओवमे से किं तं सागरोवमे । २४६-२।-२४६-२

(३०८) सत्येण सुतिकखेण वि छेतु भेतु व जं किर न सकका

तं परमाणुं सिद्धा वंदंति आदिं पमाणानं

॥४९॥-४९

(३०९) अनंताणं परमाणुपोग्गलाणं सपुदय-समिति-समागमेणं सा एगा उत्सप्पहसण्हिया

इ वा सप्पहसण्हिया इ वा उड्ढरेणू इ वा तसरेणू इ वा रहरेणू इ वा वालग्गे इ वा लिक्खा इ वा जूया इ वा जवमज्जे इ वा अंगुले इ वा अट्ठ उत्सप्पहसण्हियाओ सा एगा सप्पहसण्हिया अट्ठ सप्पहसण्हियाओ सा एगा उड्ढरेणू अट्ठ उड्ढरेणूओ सा एगा तसरेणू अट्ठ तसरेणूओ सा एगा रहरेणू अट्ठ रहरेणूओ से एगे देवकुरु-उत्तरकुरुगाणं मणुस्साणं वालग्गे एवं हरियास-रम्मग-हेमवय-एरन्न-वयाणं पुब्बविदे- हाणं मणुस्साणं अट्ठ वालग्गा सा एगा लिक्खा अट्ठ लिक्खाओ सा एगा जूया अट्ठ जूयाओ से एगे जवमज्जे अट्ठ जवमज्जा से एगे अंगुले एएणं अंगुलपमामेणं छ अंगुलाणि पादो बारस अंगुलाइं विहत्थी चउवीसं अंगुलाइं रयणी अडयालीसं अंगुलाइं कुच्छी छन्नउत्तिं अंगुलाणि से एगे दंडे इ वा धणू इ वा जूए इ वा नालिया इ वा अक्खे इ वा मुसले इ वा एएणं धणुप्पमाणेणं दो धणुसहस्साइं गाउयं चत्तारि गाउयाइं जोयणं एएणं जोयणप्पमाणेणं जे पल्ले जोयणं आंयाम-विकळंभेणं जोयणं उड्ढं उच्चतेणं तं तिउणं सविसेसं परिरएणं-से णं एगाहिय-वेहिय-तेहियं उक्कोसं सत्तरत्तप्परूढाणं संमट्ठे संनिचिए भरिए बालग्गकोडीणं ते णं बालग्गे नो अग्गी दहेज्जा नो वातो हरेज्जा नो कुच्छेज्जा नो परिविद्धंसेज्जा नो पुत्तिताए हव्वमागच्छेज्जा तओ णं वाससए-वाससए गते एगमेगं बालग्गं अवहायं जावतिएणं कालेणंसेपल्ले खीणे निरए निम्मले निट्ठिए निट्ठेवे अवहडे विसुद्धे भवइ से सं पलिओवमे ॥४६-३॥-२४६-३

(३१०) एएसिं पल्लानं कोडाकोडी हवेज्ज दसगुणिया

तं सागरोवमस्स उ एक्कस्स भवे परिमाणं

॥५०॥-५०

(३११) एएणं सागरोवमपमाणेणं चत्तारि सागरोवमकोडाकोडीओ कालो सुसम-सुसमा

तिणिं सागरोवमकोडाकोडीओ कालो सुसमा दो सागरोवमकोडाकोडीओ कालो सुसम-दूसमा एगा सागरोवमकोडाकोडी बायालीसाए वाससहस्सेहिं ऊणिया कालो दूसम-सुसमा एक्कवीसं वाससहस्साइं कालो दूसमा एक्कवीसं वाससहस्साइं कालो दूसम-दूसमा पुणरवि उत्सप्पिणीए एक्कवीसं वाससहस्साइं कालो दूसम-दूसमा एक्कवीसं वाससहस्साइं कालो दूसमा एगा सागरोवकोडाकोडीओ बायालीसाए वाससहस्सेहिं ऊणिया कालो दूसम-सुसमा दो सागरोवम-कोडाकोडीओ कालो सुसम-दूसमा तिणिं सागरोवमकोडाकोडीओ कालो सुसमा चत्तारि सागरोवमकोडाकोडीओ कालो सुसम-सुसमा दस सागरोवमकोडाकोडीओ कालो ओसप्पिणी दस सागरोवकोडाकोडीओ कालो उत्सप्पिणी वीसं सागरोवमकोडाकोडीओ कालो ओसप्पिणी उत्सप्पिणी य ॥४६॥-२४६

(३१२) जंबुदीवे णं भंते दीवे इमीसे ओसप्पिणीए सुसम-सुसमाए सभाए उतिमट्ठपत्ताए

भरहस्स वासस्स केरिसए आगारभाव-पडोयारे होत्था गोयमा बहुसमरमणिजे भूमिभागे होत्था से जहानामए-आलिगपुक्खरे ति वा एवं उत्तरकुरुवत्तव्वया नेयव्वा जाव तत्थ णं बहवे भारया मणु-स्सा मणुस्सीओ य आसयंति सयंति चिड्ढंति निसीयंति तुयट्ठंति हंसंति रमंति ललंति तीसे णं समाए भारहे वासे तत्थ-देसे-देसे तहिं-तहिं बहवे उद्दाला कोद्दाला जाव कुस-विकुस-विसुद्धरुक्कडमूला जाव छव्विहा मणुस्सा अणुसज्जित्था तं जहा-पन्धगंधा मियगंधा अममा तेतली सहा सणिचारी सेवं

भंते सेवं भंते ति । २४७-२४७

● छट्ठं सत्तं उद्देशो सप्तो ●

—: अ इ मो—उ हे सो :—

(३१३) कति णं भंते पुढवीओ पन्नत्ताओ गोयमा अट्ट पुढवीओ पन्नत्ताओ तं जहा-
रचणप्पभा जाव ईसीपव्वभारा अत्थि णं भंते इमीसे रयणप्पभाए पुढवीए अहे गेहा इ वा गेहावणा इ
वा गोयमा नो इणट्ठे समट्ठे अत्थि णं भंते इमीसे रयणप्पभाए अहे गामाइ वा जाव सण्णिवेसा इ वा
नो इणट्ठे समट्ठे अत्थि णं भंते इमीसे रयणप्पभाए पुढवीए अहे ओराला बलाहया संसेयंति संमुच्छंति
वासं वासंति हंता अत्थि तिण्णि वि पकरेति-देवो वि पकरेति असुरो वि पकरेति नागो वि पकरेति
अत्थि णं भंते इमीसे रयणप्पभाए पुढवीए बादरे थणियसट्ठे हंता अत्थि तिण्णि वि पकरेति अत्थि णं
भंते इमीसे रयणप्पभाए पुढवीए अहे बादरे अगणिकाए गोयमा नो इणट्ठे समट्ठे नन्नत्थ विग्ग-
हगतिसमावन्नएणं अत्थि णं भंते इमीसे रयणप्पभाए पुढवीए अहे चंदिम-[सूरिय-गहगणनकखत्ता]
ताराख्वा नो इणट्ठे समट्ठे अत्थि णं भंते इमीसे रयणप्पभाए पुढवीए अहे चंदामा ति वा सूरामा ति
वा नो इणट्ठे समट्ठे एवं दोछाए पुढवीए भाणियव्वं एवं तट्ठाए वि भाणियव्वं नवरं-देवो वि पकरेति
असुरो वि पकरेति नो नागो पकरेति चउत्थीए वि एवं नवरं-देवो एक्को पकरेति नो असुरो नो
नागो एवं हेद्धिंसा सुव्यासु देवो पकरेति अत्थि णं भंते सोहम्मसीसाणाणं कप्पाणं अहे गेहा इ वा
गेहावणा इ वा नो इणट्ठे समट्ठे अत्थि णं भंते ओराला बलाहया हंता अत्थि देवो पकरेति असुरो वि
पकरेति नो नाओ एवं थणियसट्ठे वि अत्थि णं भंते बादरे पुढवीकाए बादरे अगणिकाए नो इणट्ठे
समट्ठे नन्नत्थ विग्गहगतिसमावन्नएणं अत्थि णं भंते चंदिम-सूरिय-गहगण-नकखत्ता-ताराख्वा नो
इणट्ठे समट्ठे अत्थि णं भंते गामा इ वा जाव सण्णिवेसा इ वा नो इणट्ठे समट्ठे अत्थि णं भंते चंदामा ति
वा सूरामा ति वा गोयमा नो इणट्ठे समट्ठे एवं सणकुमार-माहिदेसु नवरं-देवो एगो पकरेति एवं
बंभलोए वि एवं बंभलोगस्स उवरिं सब्बेहिं देवो पकरेति पुच्छियव्वो य बादरे आउकाए बादरे
अगणिकाए बादरे वणस्सइकाए अप्पणं तं वेव । २४८-२४८

(३१४) तमुकाए कप्पपणए अगणी पुढवी य अगणि-पुढवीसु

आऊ तेऊ वणस्सई कप्पुवरिमकण्हारईसु

॥५१॥-५१

(३१५) कतिविहे णं भंते आउयबंधे पन्नत्ते गोयमा छव्विहे आउयबंधे पन्नत्ते तं जहा-
जातिनामनिहत्ताउए गतिनाम-निहत्ताउए ठितिनामनिहत्ताउए ओगाहणानामनिहत्ताउए पएस-
नामनिहत्ताउए अनुभागनामनिहत्ताउए दंडओ जाव वेमाणियाणं जीवा णं भंते किं जातिनाम-
निहत्ता गतिनामनिहत्ता [ठितिनामनिहत्ता ओगाहणानामनिहत्ता पएसनामनिहत्ता] अनुभागनाम-
निहत्ता गोयमा जातिनामनिहत्ता वि जाव अनुभागनामनिहत्ता वि दंडओ जाव वेमाणियाणं जीवा
णं भंते किं जातिनामनिहत्ताउया जाव अनुभागनामनिहत्ताउया गोयमा जातिनामनिहत्ताउया वि
जाव अनुभागनामनिहत्ताउया वि दंडओ जाव वेमाणियाणं एवं एए दुवालस दंडगा भाणियव्वा-
जीवा णं भंते किं जातिनामनिहत्ता जातिनामनिहत्ताउया जीवा णं भंते किं जातिनामनिहत्ता जाति-
नामनिहत्ताउया जीवा णं भंते किं जातिगोयनिहत्ता जातिगोयनिहत्ताउया जीवा णं भंते किं
जातिगोयनिहत्ता जातिगोयनिहत्ताउया जीवा णं भंते किं जातिनामगोयनिहत्ता जातिनामगो-
यनिहत्ताउया जीवा णं भंते किं जातिनामगोयनिहत्ता जातिनामगोयनिहत्ताउया जाव अनुभाग-

नामगोयनिउत्ताउया गोयमा जातिनामगोयनिउत्ताउया वि जाव अनुभागनामगोयनिउत्ताउया वि दंडओ जाव वेमाणियाणं । २४९।-२४९

(३१६) लवणे णं भंते समुद्दे किं उस्सिओदए पत्थडोदए खुभियजले अखुभियजले गीयमा लवणे णं समुद्दे उस्सिओदए नो पत्थडोदए खुभियजले नो अखुभियजले [जहा णं भंते लवणसमुद्दे उस्सिओदए नो पत्थडोदए खुभियजले नो अखुभियजले तथा णं बाहिरगा समुद्दा किं उस्सिओदगा पत्थडोदगा खुभियजला अखुभियजला गोयमा बाहिरगा समुद्दा नो उस्सिओदगा पत्थडोदगा नो खुभियजला अखुभियजला पुण्णा पुण्णप्पमाणा वोलट्टमाणा वोसट्टमाणा समभरघडताए चिद्धंति अत्थि णं भंते लवणसमुद्दे बहवे ओराला बलाहया संसेयंति संमुच्छंति वासं वासंति हंता अत्थि जहा णं भंते लवणसमुद्दे बहवे ओराला बलाहया संसेयंति संमुच्छंति वासं वासंति तथा णं बाहिरगेसु वि समुद्देसु बहवे ओराला बलाहया संसेयंति संमुच्छंति वासं वासंति नो इण्ठे समट्ठे से केणट्ठेण भंते एवं वुच्चइ-बाहिरगा णं समुद्दा पुण्णा जाव समभरघडताए चिद्धंति गोयमा बाहिरगेसु णं समुद्देसु बहवे उदगजोणिया जीवा य पोग्गला य उदगताए दक्कमंति विउक्कमंति वयंति उवचंयंति] से तेणट्ठेणं गोयमा एवं वुच्चइ-बाहिरगा णं समुद्दा पुण्णा पुण्णप्पमाणा वोलट्टमाणा वोसट्टमाणा समभरघडताए चिद्धंति संठाणओ एगविहिविहाणा वित्थारओ अनेगविहिविहाणा दुगुणा दुगुणप्पमाणा जाव अस्सि तिरियलोए असंखेज्जा दीव-समुद्दा सयंभूरमणपज्जवसाणा पत्रता समणाउसो दीव-समुद्दा णं भंते केवतिया नामधेज्जेहिं पत्रता गोयमा जावतिया लोए सुभा नामा सुभा रूवा सुभा गंधा सुभा रसा सुभा फासा, एवतिया णं दीवा-समुद्दा नामधेज्जेहिं पत्रता एवं नेयव्वा सुभा नामा उद्धारो परिणामो सव्वजीवाणं ति सेवं भंते सेवं भंते ति । २५०।-२५०

● छट्ठे सत्ते अट्ठमो उहेसो सप्ततो ●

—: न व सो—उ हे सो —:

(३१७) जीवे णं भंते नाणावरणिज्जं कम्मं बंधमाणे कति कम्मप्पगडीओ बंधंति गोयमा सत्तविहबंधए वा अट्ठविहबंधए वा छव्विहबंधए वा बंधुहेसो पण्णवणाए नेयव्वो । २५१।-२५१

(३१८) देवे णं भंते महिड्डीए जाव महाणुभागे बाहिरए पोग्गले अपरियाइत्ता पभू एगवण्णं एगरूवं विउव्वितए गोयमा नो इण्ठे समट्ठे देवे णं भंते बाहिरए पोग्गले-परियाइत्ता पभू एगवण्णं एगरूवं विउव्वितए हंता पभू से णं भंते किं इहगए पोग्गले परियाइत्ता विउव्वति तत्थगए पोग्गले परियाइत्ता विउव्वति अन्नत्थगए पोग्गले परियाइत्ता विउव्वति गोयमा नो इहगए पोग्गले परियाइत्ता विउव्वति तत्थगए पोग्गले परियाइत्ता विउव्वति नो अन्नत्थगए पोग्गले परियाइत्ता विउव्वति एवं एण्णं गमेणं जाव एगवण्णं एगरूवं एगवण्णं अणेगरूवं अनेगवण्णं एगरूवं अनेगवण्णं अनेगरूवं-चउभंगो देवे णं भंते महिड्डीए जाव महाणुभागे बाहिरए पोग्गले अपरियाइत्ता पभू कालगं पोग्गलपोग्गलत्ताए परिणामेत्ता नीलगं पोग्गलं वा कालगपोग्गलत्ताए परिणामेत्ता गोयमा नो इण्ठे समट्ठे परियाइत्ता पभू से णं भंते किं इहगए पोग्गले [परियाइत्ता परिणामेति तत्थगए पोग्गले परियाइत्ता परिणामेति अन्नत्थगए पोग्गले परियाइत्ता परिणामेति गोयमा नो इहगए पोग्गले परियाइत्ता परिणामेति तत्थगए पोग्गले परियाइत्ता परिणामेति नो अन्नत्थगए पोग्गले परियाइत्ता परिणामेति एवं एण्णं गमेणं जाव एगवण्णं एगरूवं एगवण्णं अनेगरूवं अनेगवण्णं अनेगवण्णं एगरूवं अनेगवण्णं अनेगरूवं-चउभंगो] एवं कालगपोग्गलं

लोहियपोगलत्ताए एवं कालएणं जाव सुक्किलं एवं नीलएणं जाव सुक्किलं एवं लोहिएणं जाव सुक्किलं एवं हालिहएणं जाव सुक्किलं एवं एयाए परिवाडीए गंध-रस-फासा कक्खडफास-पोगलं मउय-फासपोगलत्ताए एवं दो दो गरुयलहुय-सीयउसिण-निद्धलुक्खवण्णाई सव्वत्य परिणामेइ आलावगा दो दो पोगले अपरियाइत्ता परियाइत्ता ।२५२।-२५२

(३१९) अविमुद्धलेसे णं भंते देवे असमोहएणं अप्पाणेणं अविमुद्धलेसं देवं देविं अण्णयरं जाणइ-पासइ नो तिण्हे समट्ठे एवं - अविमुद्धलेसे देवे असमोहएणं अप्पाणेणं विमुद्धलेसं देवं अविमुद्धलेसे देवे समोहएणं अप्पाणेणं अविमुद्धलेसं देवं, अविमुद्धलेसे देवे समोहएणं अप्पाणेणं विमुद्धलेसं देवं, अविमुद्धलेसे देवे समोहयासमोहएणं अप्पाणेणं अविमुद्धलेसं देवं, अविमुद्धलेसे देवे समोहयासमोहएणं अप्पाणेणं विमुद्धलेसं देवं, विमुद्धलेसे देवे असमोहएणं अप्पाणेणं अविमुद्धलेसं देवं, विमुद्धलेसे देवे असमोहएणं अप्पाणेणं विमुद्धलेसं देवं, विमुद्धलेसे णं भंते देवे समोहएणं अप्पाणेणं अविमुद्धलेसं देवं जाणइ-पासइ हंता जाणइ-पासइ एवं - विमुद्धलेसे देवे समोहएणं अप्पाणेणं विमुद्धलेसं देवं विमुद्धलेसे देवे समोहयासमोहएणं अप्पाणेणं अविमुद्धलेसं देवं विमुद्धलेसे देवे समोहयासमोहएणं अप्पाणेणं विमुद्धलेसे देवं सेवं भंते सेवं भंते ति ।२५३।-२५३

● छट्ठे सते नवमे उद्देशो सप्तमो ●

—: द स मो—उ हे सो :-

(३२०) अन्नउत्थिया णं भंते एवमाइक्खंति जाव परूवेति जावतियां रायगिहे नयरे जीवा एवइयाणं जीवाणं नो चक्किया केइ सुहं वा दुहं वा जाव कोलड्डिगमायमवि निष्फावमायमवि कलमायमवि मासमायमवि मुग्गमायमवि जूयामायमवि लिक्खामायमवि अभिनिवट्ठेत्ता उवदंसेत्ताए से कहमेयं भंते एवं गोयमा जं णं ते अण्णउत्थिया एवमाइक्खंति जाव भिच्छं ते एवमाहंसु अहं पुण गोयमा एवमाइक्खामि जाव परूवेमि सव्वलोए वि य णं सव्व जीवाणं नो चक्किया केइ सुहं वा [दुहं वा जाव कोलड्डिगमायमवि निष्फावमायमवि कलमायमवि मासमायमवि जूयामायमवि लिक्खामायमवि अभिनिवट्ठेत्ता] उवदंसेत्ताए से केणट्ठेणं गोयमा अयण्णं जंबुदीवे दीवे जाव विसेसाहिए परिक्खेणं पन्नत्ते देवे णं अहिइडीए जाव महाणुभागे एणं महं सविलेवणं गंधसमुग्गणं गहाय तं उवद्दालेति अवद्दालेत्ता जाव इणामेव कट्ठ केवलकप्पं जंबुदीवं दीवं तिहिं अच्छरानियाएहिं तिसत्तावुतो अनुपरियाइत्ता णं हव्वमागच्छेज्जा से नूणं गोयमा से केवलकप्पे जंबुदीवे दीवे तेहिं धाणपोगलेहिं फुडे हंता फुडे चक्किया णं गोयमा केइ तेसिं धाणपोगलानं कोलड्डिमायमवि [निष्फावमायमवि कलमायमवि मासमायमवि मुग्गमायमवि जूयामायमवि लिक्खा मायमवि अभिनिवट्ठेत्ता उवदंसेत्ताए नो तिण्हे समट्ठे से तेणट्ठेणं गोयमा एवं वुच्चइ-नो चक्किया केइ सुहं वा जाव उवदंसेत्ताए ।२५४।-२५४

(३२१) जीवे णं भंते जीवे, जीवे जीवे, गोयमा जीवे ताव नियमा जीवे, जीवे वि नियमा जीवे जीवे णं भंते नेरइए, नेरइए जीवे, गोयमा नेरइए ताव नियमा जीवे जीवे पुण सिय नेरइए सिय अनेरइए जीवे णं भंते असुरकुमारे, असुरकुमारे जीवे, गोयमा असुरकुमारे ताव नियमा जीवे जीवे पुण सिय असुरकुमारे सिय नोअसुरकुमारे एवं दंडओ माणियच्चो जाव वेमाणियाणं जीवति भंते जीवे, जीवे जीवति, गोयमा जीवति ताव नियमा जीवे जीवे पुण सिय जीवति सिय नो जीवति जीवति भंते नेरइए, नेरइए जीवति, गोयमा नेरइए ताव नियमा जीवति जीवति पुण सिय नेरइए

सिय अनेरइए एवं दंडओ नेयव्वो जाव वेमाणियाणं भवसिद्धिए णं भंते नेरइए, नेरइए भवसिद्धिए, गोयमा भवसिद्धिए सिय नेरइए सिय अनेरइए नेरइए वि य सिय भवसिद्धीए सिय अभवसिद्धीए एवं दंडओ जाव वेमाणियाणं ॥२५५॥-255

(३२२) अन्नउत्थिया णं भंते एवमाइक्खंति जाव परूवेति-एवं खलु सव्वे पाणा भूया जीवा सत्ता एगंतदुक्खं वेदणं वेदेति से कहमेयं भंते एवं गोयमा जं णं ते अण्णउत्थिया जाव मिच्छं एवमाहंसु अहं पुण गोयमा एवमाइक्खामि जाव परूवेमि-अत्थेगइया पाणा भूया जीवा सत्ता एगंतदुक्खं वेदणं वेदेति आहच्चा सायं अत्थेगइया पाणा भूया जीवा सत्ता एगंतसायं वेदणं वेदेति आहच्चा अस्सायं अत्थेगइया पाणा भूया जीवा सत्ता वेभायाए वेदणं वेदेति-आहच्चा सायमसायं से केणट्ठेणं गोयमा नेरइया एगंतदुक्खं वेदणं वेदेति आहच्चा सायं भवणवइ-वाणमंतर-जोइसवेमाणिया एगंतसायंवेदणं वेदेति आहच्चा अस्सायं पुढविक्काइया जाव मणुस्सा वेमायाए वेदणं वेदेति-आहच्चा सायमसायं से तेणट्ठेणं ॥२५६॥-256

(३२३) नेरइया णं भंते जे पोग्गले अत्तमायाए आहारेंति तं किं आयसरीरखेतोगाढे पोग्गले अत्तमायाए आहारेंति अनंतरखेतोगाढे पोग्गले अत्तमायाए आहारेंति परंपरखेतोगाढे पोग्गले अत्तमायाए आहारेंति गोयमा आयसरीरखेतोगाढे पोग्गले अत्तमायाए आहारेंति नो अनंतरखेतोगाढे पोग्गले अत्तमायाए आहारेंति नो परंपरखेतोगाढे पोग्गले अत्तमायाए आहारेंति जहा नेरइया तहा जाव वेमाणियाणं दंडओ ॥२५७॥-257

(३२४) केवली णं भंते आयाणेहिं जाणइ-पासइ गोयमा नो इण्ठे समट्ठे से केणट्ठेणं गोयमा केवली णं पुरत्थिमे णं मियं पि जाणइ अमियं पि जाणइ जाव निव्वुडे दंसणे केवलित्स से तेणट्ठेणं

॥२५८-१॥-258-1

(३२५) जीवाण य सुहं दुक्खं जीवे जीवति तहेव भविष्या य एगंतदुक्खं वेयण-अत्तमायाय केवली

॥५२॥-52

(३२६) सेवं भंते सेवं भंते ति ॥२५८॥258

● छट्ठे सते दसमो उद्देशो सप्तो ● छट्ठं सतं सप्तं ●

सत्तमं - सतं

—: प ढ मो—उ हे सो —:

(३२७) आहार विरति थावर जीवा पक्खी य आउ अणगारे

छउमत्थ असंवुड अण्णउत्थि दस सत्तमंभि समए

॥५३॥-53

(३२८) तेणं कालेणं तेणं समएणं जाव एवं वदासी-जीवे णं भंते कं समयमणाहारए भवइ गोयमा पढमे समए सिय आहारए सिय अणाहारए बितिए समए सिय आहारए सिय अणाहारए ततिए समए सिय आहारए सिय अणाहारए चउत्थे समए नियमा आहारए एवं दंडओ-जीवा य एगिंदिया य चउत्थे समए सेसा ततिए समए जीवे णं भंते कं समयं सव्वप्पाहारए भवति गोयमा पढमसमयोववन्नए वा चरिमसमयभवत्थे वा एत्थ णं जीवे सव्वप्पाहारए भवति दंडओ भाणियव्वो जाव वेमाणियाणं ॥२५९॥-259

(३२९) किंसंठिए णं भंते लोए पत्रत्ते गोयमा सुपइड्ढगसंठिए लोए पत्रत्ते-हेड्ढा विच्छिण्णे [मज्झे संखिते उप्पि विसाले अहे पलियंकसंठिए मज्झे वरवइरविग्गहिए उप्पि उद्धमुङ्गा-

कारसंठिए तंसि च णं सासयंसि लोगंसि हेड्डा विच्छिण्णंसि जाव उय्थि उद्धमुइंगाकारसंठियंसि
उप्पन्ननाण-दंसणधरे अरहा जिणे केवली जीवे वि जाणइ-पासइ अजीवे वि जाणइ-पासइ तओ
पच्छा सिज्झइ बुज्झइ मुच्चइ परिनिव्वाइ सच्चदुक्खाणं अंतं कोइ ॥२६०॥-२६०

(३३०) समणोवासगस्स णं भंते सामाइयकडस्स समणोवस्सए अच्छमाणस्स तस्स णं भंते
किं इरियावहिया किरिया कज्जइ संपराइया किरिया कज्जइ गोयमा नो इरियावहिया किरिया कज्जइ
संपराइया किरिया कज्जइ से केणट्ठेण भंते एवं बुच्चइ-नो इरियावहिया किरिया कज्जइ संपराइया
किरिया कज्जइ गोयमा समणोवासयस्स णं सामाइयकडस्स समणोवस्सए अच्छमाणस्स आया
अहिगरणी भवइ आयाहिगरणंवत्तियं च णं तस्स नो इरियावहिया किरिया कज्जइ संपराइया
किरिया कज्जइ से तेणट्ठेण जाव संपराइया ॥२६१॥-२६१

(३३१) समणोवासगस्स णं भंते पुच्चामेव तसपाणसमारंभे पच्चक्खाए भवइ पुढविसमारंभे
अपच्चक्खाए भवइ से य पुढविं खणमाणे अण्णयरं तसं पाणं विहिसेज्जा से णं भंते तं वयं अतिचरति
नो इणट्ठे समट्ठे नो खलु से तस्स अतिवायाए आउट्ठति समणोवासगस्स णं भंते पुच्चामेव
वणप्फसमारंभे पच्चक्खाए से य पुढविं खणमाणे अण्णयरस्स रुक्खस्स मूलं छिदेज्जा से णं भंते तं
वयं अतिचरति नो इणट्ठे नो खलु से तस्स अतिवायाए आउट्ठति ॥२६२॥-२६२

(३३२) समणोवासए णं भंते तहारूवं समणं वा माहणं वा फासु-एसणिज्जेणं असणपाण-
खाइम-साइमेणं पडिलाभेमाणे किं लब्भइ गोयमा समणोवासए णं तहारूवं समणं वा [माहणं वा
फासु-एसणिज्जेणं असण-पाण-खाइम-साइमेणं पडिलाभेमाणे तहारूवस्स समणस्स वा माहणस्स
वा समाहिं उप्पाएति समाहिकारए णं तामेव समाहिं पडिलभइ समणोवासए णं भंते तहारूवं समणं
वा माहणं वा फासु-एसणिज्जेणं असण पाण-खाइम-साइमेणं पडिलाभेमाणे किं चयति गोयमा
जीवियं चयति दुच्चयं चयति दुक्करं करति दुल्लहं लहइ बोहिं बुज्झइ तओ पच्छा सिज्झति जाव
अंतं करेति ॥२६३॥-२६३

(३३३) अत्थि णं भंते अकम्मस्स गती पत्रायति हंता अत्थि कहण्णं भंते अकम्मस्सगती
पत्रायति गोयमा निस्संगयाए निरंगणयाए गतिपरिणामेणं बंधणछेदणयाए निरिंधणयाए
पुच्चप्पओगेणं अकम्मस्स गती पत्रायति कहण्णं भंते निस्संगयाए निरंगणयाए गतिपरिणामेणं
अकम्मस्स गती पत्रायति से जहानामए केइ पुरिसे सुक्कं तुंबं निच्छिइं निरूवहयं आणुपुब्बीए
परिकम्मे माणे-परिकम्मेमाणे दब्भेहि य कुसेहि य वेढेइ वेढेत्ता अट्ठहिं मट्ठियालेवेहिं लिंपइ लिंपित्ता
अण्णे दलयति भूति-भूतिं सुक्कं समाणं अत्याहमतारमपोरिसियंसि उदगंसि पक्खिवेज्जा से नूणं
गोयमा से तुंबे तेसिं अट्ठण्हं मट्ठियालेवाणं गुरुयत्ताए भारियत्ताए गुरुसंभारियत्ताए सलिल-
तलमतिवइत्ता अहे धरणिंतलपइट्ठण्णे भवइ हंता भवइ अहे णं से तुंबे तेसिं अट्ठण्हं मट्ठियालेवाणं
परिक्खाएणं धरणिंतलमतिवइत्ता उय्थि सलिलतलपइट्ठण्णे भवइ हंता भवइ एवं खलु गोयमा
निस्संगयाए निरंगणयाए गतिपरिणामेणं अकम्मस्स गती पत्रायति कहण्णं भंते बंधणछेदणयाए
अकम्मस्स गती पत्रायति गोयमा से जहानामए कलसिंबलिया इ वा मुण्णसिंबलिया इ वा
माससिंबलिया इ वा सिंबलिसिंबलिया इ वा एण्डमिंजिया इ वा उण्णे दिन्ना सुक्का समाणी फुडित्ता
णं एगंतमंतं गच्छइ एवं खलु गोयमा बंधणछेदणयाए अकम्मस्स गती पत्रायति कहण्णं भंते
निरिंधणयाए अकम्मस्स गती पत्रायति गोयमा से जहानामए धूमस्स इंधणविप्पमुक्कस्स उज्झं

वीससाए निव्वाधाएणं गती पवत्तति एवं खलु गोयमा निरिधणयाए अकम्मस्स गती पत्रायति कहणं भंते पुव्वप्पओगेणं अकम्मस्स गती पत्रायति गोयमा से जहानामए कंडस्स कोदंडविप्प-मुक्कस्स लक्खाभिमुही निव्वाधाएणं गती पवत्तइ एवं खलु गोयमा पुव्वप्पओगेणं अकम्मस्स गती पत्रायति एवं खलु गोयमा निस्संगयाए निरंगणयाए [गतिपरिणामेणं बंधणछेदणयाए निरिधण-याए] पुव्वप्पओगेणं अकम्मस्स गती पत्रायति । २६४।-२६४

(३३४) दुक्खी भंते दुक्खेणं फुडे अदुक्खी दुक्खेणं फुडे गोयमा दुक्खी दुक्खेणं फुडे नो अदुक्खी दुक्खेणं फुडे दुक्खी भंते नेरइए दुक्खेणं भंते नेरइए दुक्खेणं फुडे अदुक्खे नेरइए दुक्खेणं फुडे गोयमा दुक्खी नेरइए दुक्खेणं फुडे नो अदुक्खी नेरइए दुक्खेणं फुडे एवं दंडओ जाव वेमाणियाणं एवं पंच दंडगा नेयव्वा-दुक्खी दुक्खेणं फुडे दुक्खी दुक्खं परियायइ दुक्खी दुक्खं उदीरेइ दुक्खी दुक्खं वेदेति दुक्खी दुक्खं निज्जेरेति । २६५।-२६५

(३३५) अणगारस्स णं भंते अणाउत्तं गच्छमाणस्स वा चिह्माणस्स वा निसीयमाणस्स वा तुयट्ठमाणस्स वा अणाउत्तं वत्थं पडिगहं कंवलं पायपुंछणं गेण्हमाणस्स वा निक्खिवमाणस्स वा तस्स णं भंते किं इरियावहिया किरिया कज्जइ संपराइया किरिया कज्जइ गोयमा नो इरियावहिया किरिया कज्जइ संपराइया किरिया कज्जइ से केणट्ठेणं गोयमा जस्से णं कोह-माण-माय-लोभा वोच्छिण्णा भवन्ति तस्स णं इरियावहिया किरिया कज्जइ जस्स णं कोह-माण-माया-लोभा अवो-च्छिण्णा भवन्ति तस्स णं संपराइया किरिया कज्जइ अहासुत्तं इरियमाणस्स इरियावहिया किरिया कज्जइ उस्सुत्तं रीयमाणस्स संपराइया किरिया कज्जइ से णं उस्सुत्तमेव रीयती से तेणट्ठेणे । २६६।-२६६

(३३६) अहं भंते सइंगालस्स सधूमस्स संजोयणादोसदुड्डस्स पाण-भोयणस्स के अट्ठे पत्रत्ते गोयमा जे णं निग्गंथे वा निग्गंथी वा फासु-एसणिज्जं असण-पाण-खाइम-साइमं पडिगाहेत्ता मुच्छिए गिद्धे गडिए अज्झोववत्ते आहारमाहारेइ एस णं गोयमा सइंगाले पाण-भोयणे जे णं निग्गंथे वा निग्गंथी वा फासु-एसणिज्जं असण-पाण-खाइम-साइमं पडिगाहेत्ता महयाअप्पत्तियं कोहकिलामं करेमाणे आहारमाहारेइ एस णं गोयमा सधूमे पाण-भोयणे जे णं [निग्गंथे वा निग्गंथी वा फासु-एसणिज्जं असण-पाण-खाइम-साइमं] पडिगाहेत्ता गुणुप्पायणहेउं अण्णदब्बेणं सद्धिं संजोएत्ता आहारमाहारेइ एस णं गोयमा संजोयणादोसदुड्डे पाण-भोयणे एस णं गोयमा सइंगालस्स सधूमस्स संजोयणादोसदुड्डस्स पाण-भोयणस्स अट्ठे पत्रत्ते अहं भंते वीतिंगालस्स वीयधूमस्स संजो-यणादोसविप्पमुक्कस्स पाण-भोयणस्स के अट्ठे पत्रत्ते गोयमा जे णं निग्गंथे वा [निग्गंथी वा फासु-एसणिज्जं असण-पाण-खाइम-साइमं] पडिगाहेत्ता अमुच्छिए [अगिद्धे अगडिए अणज्झोववत्ते आहारमा] हारेइ एस णं गोयमा वीतिंगाले पाण भोयणे जे णं [निग्गंथे वा निग्गंथी वा फासु-एसणिज्जं असण-पाण-खाइम-साइमं] पडिगाहेत्ता नो महयाअप्पत्तियं [कोहकिलामं करेमाणे आहारमा] हारेइ एस णं गोयमा वीयधूमे पाण-भोयणे जे णं निग्गंथे वा [निग्गंथी वा फासु-एसणिज्जं असण-पाण-खाइम-साइमं] पडिगाहेत्ता जहा लद्धं तहा आहारमाहारेइ एस णं गोयमा संजोयणा-दोस विप्पमुक्के पाणभोयणे एस णं गोयमा वीतिंगालस्स वीयधूमस्स संजोयणादोसविप्पमुक्कस्स पाणभोयणस्स अट्ठे पत्रत्ते । २६७।-२६७

(३३७) अहं भंते खेत्तातिककंतस्स कालातिककंतस्स मग्गातिककंतस्स पमाणातिककं-तस्स पाण-भोयणस्स के अट्ठे पत्रत्ते गोयमा जे णं निग्गंथे वा निग्गंथी वा फासु-एसणिज्जं असण-

पाण-खाइम-साइमं अनुगए सूरिए पडिग्गाहेत्ता उगए सुरिए आहारमाहारेइ एस णं गोयमा खेत्तातिककंते पाण-भोयणे जे णं निगंथे वा [निगंथी वा फासु-एसणिज्जं असणं-पाण-खाइम-साइमं] पढमाए पोरिसीए पडिग्गाहेत्ता पच्छिमं पोरिसि उवाइणावेत्ता आहारमाहारेइ एस णं गोयमा कालातिककंते पाण-भोयणे जे णं निगंथे वा [निगंथी वा फासु-एसणिज्जं असण-पाण-खाइम-साइमं] पडिग्गाहेत्ता परं अद्धजोयणमेराए वीड्क्कमावेत्ता आहारमाहारेइ एस णं गोयमा पग्गातिककंते पाण-भोयणे जे णं निगंथे वा निगंथी वा फासु-एसणिज्जं असण-पाण-खाइम-साइमं पडिग्गाहेत्ता परं बत्तीसाए कुक्कुडिअंडगपमाणमेत्ताणं कवलाणं आहारमाहारेइ एस णं गोयमा पमाणातिककंते पाण-भोयणे अद्ध कुक्कुडिअंडगपमाणमेत्ते कवले आहारमाहारेमाणे अप्पाहारे दुवालस कुक्कुडिअंडगपमाणमेत्ते कवले आहारमाहारेमाणे अवइढोभोयए सोलस कुक्कुडि-अंडगपमाणमेत्ते कवले आहारमाहारेमाणे दुभागपत्ते चउव्वीसं कुक्कुडिअंडगपमाण मेत्ते कवले आहारमाहारेमाणे ओभोदरिए बत्तीसं कुक्कुडिअंडगपमाणमेत्ते कवले आहारमाहारेमाणे पमाणपत्ते एतो एक्केण दि धासेणं ऊणगं आहारमाहारेमाणे समणे निगंथे नो पकाम-रसभोईति वत्तव्वसिया एस णं होयमा खेत्तातिककंतस्स कालातिककंतस्स पग्गातिककंतस्स पमाणातिककंतस्स पाण-भोयणस्स अट्ठे पत्रत्ते ॥२६८॥-२६९

(३३८) अह भंते सत्थातीतस्स सत्थपरिणामियस्स एसियस्स वेसियस्स सामुदाणियस्स पाण-भोयणस्स के अट्ठे पत्रत्ते गोयमा जे णं निगंथे वा निगंथी वा निक्खित्तसत्थमुसले ववगय-माला वण्णग विलेवणे ववगय चुय चइय चत्तदेहं जीवविप्पजढं अकयं अकारियं असंकपियं अणाहूयं अकीयकडं अणुहिडं नवकोडीपरिसुद्धं दसदोसविप्पमुक्कं उग्गमुप्पायणेसणासुपरिसुद्धं वीतिगालं वीतधूमं संजोयणादोसविप्पमुक्कं असुरसुरं अचवचवं अदुयं अविलंबियं अपरिसाडिं अक्खोवंजण-वणाणुत्तेवणभूयं संजमजायामायावत्तियं संजमभारवहण्डाए बिलमिव पन्नगभूएणं अप्पाणेणं आहारमाहारे एस णं गोयमा सत्थातीतस्स सत्थपरिणामियस्स [एसियस्स वेसियस्स सामुदाणियस्स] पाण-भोयणस्स अट्ठे पत्रत्ते सेवं भंते सेवं भंते ति ॥२६९॥-२६९

● सत्तमे सते पढमो उद्देशो सप्ततो ●

—: बी ओ—उ हे सो —:

(३३९) से नूणं सव्वपाणेहिं सव्वभूएहिं सव्वजीवेहिं सव्वसत्तेहिं पच्चक्खायमिति वदमाणस्स सुपच्चक्खायं भवति दुपच्चक्खायं भवति गोयमा सव्वपाणेहिं जाव सव्वसत्तेहिं पच्चक्खायमिति वदमाणस्स सिय सुपच्चक्खायं भवति सिय दुपच्चक्खायं भवति से केणट्ठेणं भंते एवं वुच्चइ-सव्वपाणेहिं जाव सव्वसत्तेहिं पच्चक्खायमिति वदमाणस्स सिय सुपच्चक्खायं भवति सिय दुपच्चक्खायं भवति गोयमा जस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स नो एवं अभिसपन्नागयं भवति इमे जीवा इमे अजीवा इमे तत्ता इमे थावरा तस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स नो सुपच्चक्खायं भवति दुपच्चक्खायं भवति एवं खलु से दुपच्चक्खाइं सव्वपाणेहिं जाव सव्वसत्तेहिं पच्चक्खायमिति वदमाणे नो सच्चं भासं भासइ भोसं भासं भासइ एवं खलु से मुसावाइं सव्वपाणेहिं जाव सव्वसत्तेहिं तिविहं तिविहेणं असंजय-विरय-पडिहय-पच्चक्खायपावकम्मे सकिरिए असंवुडे एगंतदंडे एगंतबाले यावि भवति जस्स णं सव्वपाणेहिं जाव सव्वसत्तेहिं पच्चक्खायमिति वदमाणस्स सुपच्चक्खायं भवति नो दुपच्चक्खायं

भवति एवं खलु से सुपच्चखायई सव्वपाणेहिं जाव सव्वसत्तेहिं पच्चखायमिति थदभाणे सच्चं भासं भासइ नो मोसं भासं भासइ एवं खलु से सच्चवादी सव्वपाणेहिं जाव सव्वसत्तेहिं तिविहं तिविहेणं संजय-विरय-पडिहय-पच्चकूखायपावकम्मे अकिरिए संवुडे एगंतपंडिए यावि भवति से तेणट्टेणं गोयमा एवं बुच्चइ-सव्वपाणेहिं जाव सव्वसत्तेहिं पच्चकूखायमिति वदमाणस्स सिय सुपच्चखायं भवति सिय दुपच्चखायं भवति । २७०-२७०

(३४०) कतिविहे णं भंते पच्चखाणे पन्नते गोयमा दुविहे पच्चखाणे पन्नते तं जहा-मूलगुणपच्चखाणे य उत्तरगुणपच्चखाणे य मूलगुणपच्चखाणे णं भंते कतिविहे पन्नते गोयमा दुविहे पन्नते तं जहा-सव्वमूलगुणपच्चखाणे य देसमूलगुणपच्चखाणे य सव्वमूलगुणपच्चखाणे णं भंते कतिविहे पन्नते गोयमा पंचविहे पन्नते तं जहा-सव्वाओ पाणाइवायाओ वेरमणं सव्वाओ मुसावायाओ वेरमणं सव्वाओ अदिन्नादाणाओ वेरमणं सव्वाओ मेहुणाओ वेरमणं सव्वाओ परिग्गहाओ वेरमणं देसमूलगुणपच्चखाणे णं भंते कतिविहे पन्नते गोयमा पंचविहेपन्नते तं जहा-थूलाओ पाणाइवायाओ वेरमणं [थूलाओ मुसावायाओ वेरमणं थूलाओ अदिन्नादाणाओ वेरमणं थूलाओ मेहुणाओ वेरमणं] थूलाओ परिग्गहाओ वेरमणं उत्तरगुणपच्चखाणं णं भंते कतिविहे पन्नते उत्तरगुणपच्चखाणे णं भंते कतिविहे पन्नते गोयमा दुविहे पन्नते तं जहा-सव्वुत्तरगुण-पच्चखाणे य देसुत्तरगुणपच्चखाणे य सव्वुत्तरगुणपच्चखाणे णं भंते कतिविहे पन्नते गोयमा दसविहे पन्नते तं जहा । २७१-१-२७१-१

(३४१) अणागयमइक्कतं कोडीसहियं नियंटियं चेव

सागारमणागारं परिमाणकडं निरवसेसं

संकेयं चेव अद्धाए पच्चक्खाणं भवे दसहा

॥५४॥-५४

(३४२) देसुत्तरगुणपच्चखाणे णं भंते कतिविहे पन्नते गोयमा सत्तविहे पन्नते तं जहा दिसिच्चयं उवभोगपरिभोगपरिमाणं अणत्थदंडवेरमणं सामाइयं देसावगासियं पोसहोववासो अतिहिसंविभागो अपच्छिममारणंतियसंलेहणासूसणाराहणता । २७१-२७१

(३४३) जीवा णं भंते किं मूलगुणपच्चखाणी उत्तरगुणपच्चखाणी अपच्चखाणी गोयमा जीवा मूलगुणपच्चखाणी वि उत्तरगुणपच्चखाणी वि अपच्चखाणी वि नेरइया णं भंते किं मूलगुणपच्चखाणी पुच्छा गोयमा नेरइया नो मूलगुणपच्चखाणी नो उत्तरगुणपच्चखाणी अपच्च-खाणी एवं जाव चउरिंदिया पंचिदियतिरिक्खजोणिया मणुस्सा य जहा जीवा वाणमंतर-जोइ-सिय-वेमाणिया जहा नेरइया एएसि णं भंते जीवाणं मूलगुणपच्चखाणीणं उत्तरगुणपच्चखाणीणं अपच्चखाणीणं य कयरे कयरेहिंतो अप्पा वा बहुया वा तुल्ला वा विसेसाहिया वा गोयम सव्वत्थोवा जीवा मूलगुणपच्चखाणी उत्तरगुणपच्चखाणी असंखेज्जगुणा अपच्चखाणी अनंतगुणा एएसि णं भंते पंचिदियतिरिक्खजोणिया मूलगुणपच्चखाणी उत्तरगुणपच्चखाणी असंखेज्जगुणा अपच्च-खाणी असंखेज्जगुणा एएसि णं भंते मणुस्साणं मूलगुणपच्चखाणीणं पुच्छा गोयमा सव्वत्थोवा मणुस्सा मूलगुणपच्चखाणी संखेज्जगुणा अपच्चखाणी असंखेज्जगुणा जीवा णं भंते किं सव्वमूल-गुणपच्चखाणी देसमूलगुणपच्चखाणी अपच्चखाणी गोयमा जीवा सव्वमूलगुणपच्चखाणी वि अपच्चखाणी वि नेरइयाणं पुच्छा गोयमा नेरइया नो सव्वमूलगुणपच्चखाणी नो देसमूलगुण-पच्चखाणी अपच्चखाणी एवं जाव चउरिंदिया पंचिदियतिरिक्खजोणियाणं पुच्छा गोयमा

पंचिदियतिरिक्खजोगिया नो सव्वमूलगुणपच्चक्खाणी देसमूलगुणपच्चक्खाणी अपच्चक्खाणी वि मणुस्साणं भंते किं सव्वमूलगुणपच्चक्खाणी देसमूलगुणपच्चक्खाणी अपच्चक्खाणी गोयमा मणुस्सा सव्वमूलगुणपच्चक्खाणी वि देसमूलगुणपच्चक्खाणी वि अपच्चक्खाणी वि वाणमंतर-जोइस-वेमाणिया जहा नेरइया एएसि णं भंते जीवाणं सव्वमूलगुणपच्चक्खाणी देसमूलगुण-पच्चक्खाणीणं अपच्चक्खाणीणं य कयरे कयरेहिंतो अप्पा वा बहुया वा बहुया वा तुल्ला वा विसैसा-हिया वा गोयमा सव्वत्थोवा जीवा सव्वमूलगुणपच्चक्खाणी देसमूलगुणपच्चक्खाणी असंखेज्जगुणा अपच्चक्खाणी अनंतगुणा [एएसि णं भंते पंचिदियतिरिक्खजोगियाणं पुच्छा गोयमा सव्वत्थोवा पंचिदियतिरिक्खजोगिया देसमूलगुणपच्चक्खाणी अपच्चक्खाणी असंखेज्जगुणा एएसि णं भंते मणुस्साणं सव्वमूलगुणपच्चक्खाणीणं पुच्छा गोयमा सव्वत्थोवो मणुस्सा सव्वमूलगुणपच्चक्खाणी देसमूलगुणपच्चक्खाणी संखेज्जगुणा अपच्चक्खाणी असंखेज्जगुणा] जीवा णं भंते किं सव्वुत्तरगुण पच्चक्खाणी देसुत्तरगुण पच्चक्खाणी अपच्चक्खाणी गोयमा सव्वुत्तरगुणपच्चक्खाणी वि [देसुत्तर-गुणपच्चक्खाणी वि अपच्चक्खाणी वि] पंचिदियतिरिक्खजोगिया मणुस्सा य एवं चेव सेसा अपच्चक्खाणी जाव वेमाणिया एएसि णं भंते जीवाणं सव्वुत्तरगुणपच्चक्खाणीणं अप्पाबहुगाणि तिणि वि जहा पढमे दंडए जाव मणुस्साणं

जीवा णं भंते किं संजया असंजया संजयासंजया गोयमा जीवा संजया वि असंजया वि संजयासंजया वि एवं जहेव पन्नवणाए तहेव भाणियव्वं जाव वेमाणिया अप्पाबहुगं तहेव तिण्ह वि भाणियव्वं जीवा णं भंते किं पच्चक्खाणी अपच्चक्खाणी पच्चक्खाणपच्चक्खाणी गोयमा जीवा पच्चक्खाणी वि अपच्चक्खाणी वि पच्चक्खाणा पच्चक्खाणी वि एवं मणुस्साणं वि पंचिदियजोगिया आदिल्लविरहिया सेसा सव्वे अपच्चक्खाणी जाव वेमाणिया एएसि णं भंते जीवाणं पच्चक्खाणि अपच्चक्खाणीणं पच्च-क्खाणा-पच्चक्खाणीणं य कयरे कयरेहिंतो अप्पा वा बहुया वा तुल्ला वा विसैसाहिया वा गोयमा सव्वत्थोवा जीवा पच्चक्खाणी पच्चक्खाणापच्चक्खाणी असंखेज्जगुणा अपच्चक्खाणी अनंतगुणा पंचिदियतिरिक्खजोगिया सव्वत्थोवा पच्चक्खाणापच्चक्खाणी अपच्च-क्खाणी असंखेज्जगुणा मणुस्सा सव्वत्थोवा पच्चक्खाणी पच्चक्खाणापच्चक्खाणी संखेज्जगुणा अपच्च-क्खाणी असंखेज्जगुणा । २७२।-२७२

(३४४) जीवा णं भंते किं सासया असासया गोयमा जीवा सिय सासया सिय असासया से केणट्ठेणं भंते एवं बुद्ध-जीवा सिय सासया सिय असासया गोयमा दव्वट्ठाए सासया भावट्ठयाए असासया से तेणट्ठेणं गोयमा एवं बुद्ध-जीवा सिय सासया सिय असासया नेरइया णं भंते किं सासया असासया एवं जहा जीवा तहा नेरइया वि एवं जाव वेमाणिया सिय सासया सिय असासया सेवं भंते सेवं भंते ति । २७३।-२७३

● स्तम्भे सते बीओ उद्देशो सम्प्तो ●

—: त इ ओ—उ हे सो —:

(३४५) वणस्सइक्काइया णं भंते किं कालं सव्वप्पाहारगा वा सव्वमहाहारगा वा भवन्ति गोयमा पाउस-यरिसारत्तेसु णं एत्थ णं वणस्सइक्काइया सव्वमहाहारगा भवन्ति तदाणंतरं च णं सरदे तदाणंतरं च णं हेमन्ते तदाणंतरं च णं वसन्ते तदाणंतरं च णं गिन्हे गिन्हासु णं वणस्सइक्काइया सव्वप्पाहारगा भवन्ति जइ णं भंते गिन्हासु वणस्सइक्काइया पत्तिया पुप्फिया फलिया हरियगरे

रिज्जमाणा सिरिए अतीव-अतीव उवसोमेमाणा-उवसोमेमाणा चिट्ठंति गोयमा गिन्हासु णं बहवे उसिणजोगिया जीवा य पोगला य वणस्सइकाइयत्ताए वक्कमंति चयंति उववज्जंति एवं खलु गोयमा गिन्हासु बहवे वणस्सइकाइया पतिया पुप्फिया [फलिया हरियगरेरिज्जमाणा सिरिए अतीव-अतीव उवसोमेमाणा-उवसोमेमाणा] चिट्ठंति ॥२७४॥-२७४

(३४६) से नूणं भंते मूला मूलजीवफुडा कंदा कंदजीवफुडा [खंधा खंधजीवफुडा तथा तथाजीवफुडा साला सालजीवफुडा पवाला पावालजीवफुडा पत्ता पत्तजीवफुडा पुप्फा पुप्फजीवफुडा फला फलजीवफुडा] बीया बीयजीवफुडा हंता गोयमा मूला मूलजीवफुडा जाव बीया बीयजीवफुडा जइ णं भंते मूला मूलजीवफुडा जाव बीया बीयजीवफुडा कम्हा णं भंते वणस्सइकाइया आहारंति कम्हा परिणामेति गोयमा मूला मूलजीवफुडा पुढवीजीवपडिबद्धा तम्हा आहारंति तम्हा परिणामेति कंदा कंदजीवफुडा मूलजीवपडिबद्धा तम्हा आहारंति तम्हा परिणामेति एवं जाव बीया बीयजीवफुडा फलजीवपडिबद्धा तम्हा आहारंति तम्हा परिणामेति ॥२७५॥-२७५

(३४७) अहं भंते आलुए मूलए सिंगबेरे हिरिलि सिरिलि सिसिरिलि किट्ठिया छिरिया छीरविरालिया कण्हकंदे वज्जकंदे सूरणकंदे खेलूडे भद्वनोत्था पिंडहलित्हा लोही णीहू थीहू थिभगा अस्सकण्णी सोहकण्णी सिउंदी मुसंदी जेयावण्णे तहप्पगारा सव्वे ते अनंतजीवा विविहसत्ता हंता गोयमा आलुए मूलए जाव अनंतजीवा विविहसत्ता ॥२७६॥-२७६

(३४८) सिय भंते कण्हलेसे नेरइए अण्णकम्मताराए नीललेसे नेरइए महाकम्मताराए हंता सिय से केण्डेणं भंते एवं बुद्धइ-कण्हलेसे नेरइए अण्णकम्मताराए नीललेसे नेरइए महाकम्मताराए गोयमा ठित्ति पडुच्च से तेण्डेणं गोयमा जाव महाकम्मताराए सिय भंते नीललेसे नेरइए अण्णकम्मताराए काउलेसे नेरइए महाकम्मताराए हंता सिय से केण्डेणं भंते एवं बुद्धइ-नीललेसे नेरइए अण्णकम्मताराए काउलेसे नेरइए महाकम्मताराए गोयमा ठित्ति पडुच्च से तेण्डेणं गोयमा जाव महाकम्मताराए एवं असुरकुमारे वि नवरं - तेउलेसा अब्बहिया एवं जाव वेमाणिया जस्स जइ लेस्साओ तस्स तत्तिया भाणियव्वाओ जोइसियस्स न भण्णइ जाव-सिय भंते पण्हलेस्से वेमाणिए अण्णकम्मताराए सुक्कलेस्से वेमाणिए महाकम्मताराए हंता सिय से केण्डेणं [गोयमा ठित्ति पडुच्च से तेण्डेणं गोयमा] जाव महाकम्मताराए ॥२७७॥-२७७

(३४९) से नूणं भंते जा वेदणा सा निज्जरा जा निज्जरा सा वेदणा गोयमा नो इण्डे समट्ठे से केण्डेणं भंते एवं बुद्धइ-जा वेदणा न सा निज्जरा जा निज्जरा न सा वेदणा गोयमा कम्मं वेदणा नोक्कम्मं निज्जरा से तेण्डेणं गोयमा [एवं बुद्धइ-जा वेदणा न सा निज्जरा जा निज्जरा] न सा वेदणा नेरइया णं भंते जा वेदणा सा निज्जरा जा निज्जरा सा वेदणा गोयमा नो इण्डे समट्ठे से केण्डेणं भंते एवं बुद्धइ-नेरइयाणं जा वेदणा न सा निज्जरा जा निज्जरा न सा वेदणा गोयमा नेरइयाणं कम्मं वेदणी नोक्कम्मं निज्जरा से तेण्डेणं गोयमा एवं बुद्धइ-नेरइयाणं जा वेदणा न सा निज्जरा जा निज्जरा न सा वेदणा एवं जाव वेमाणियाणं से नूणं भंते जं वेदेसु तं निज्जरेसु जं निज्जरेसु तं वेदेसु नो इण्डे समट्ठे से केण्डेणं भंते एवं बुद्धइ-जं वेदेसु नो तं निज्जरेसु जं निज्जरेसु नो तं वेदेसु गोयमा कम्मं वेदेसु नोक्कम्मं निज्जरेसु से तेण्डेणं गोयमा जाव नो तं वेदेसु एवं नेरइया वि एवं जाव वेमाणिया से नूणं भंते जं वेदेति तं निज्जरेति जं निज्जरेति तं वेदेति गोयमा नो इण्डे समट्ठे से केण्डेणं भंते एवं बुद्धइ जाव नो तं वेदेति गोयमा कम्मं वेदेति नोक्कम्मं निज्जरेति से तेण्डेणं गोयमा जाव नो तं वेदेति एवं नेरइया वि

जाव वेमाणिथा

से नूणं भंते जं वेदिस्संति तं निज्जरिस्संति जं निज्जरिस्संति तं वेदिस्संति गोयमा नो इण्ठे सम्भे से केण्ठेणं जाव नो तं वेदिस्संति गोयमा कम्मं वेदिस्संति नोकम्मं निज्जरिस्संति से तेण्ठेणं जाव नो तं निज्जरिस्संति एवं नेरइया वि जाव वेमाणिथा से नूणं भंते जे वेदणासमए से निज्जरासमए जे निज्जरासमए से वेदणासमए नो इण्ठे सम्भे से केण्ठेणं भंते एवं बुद्धइ-जे वेदणासमए न से निज्जरासमए जे निज्जरासमए न से वेदणासमए गोयमा जं समयं वेदेति नो तं समयं निज्जरेति जं समयं निज्जरेति नो तं समयं वेदेति-अण्णम्मि समए वेदेति अण्णम्मि समए निज्जरेति अण्णे से वेदणासमए अण्णे से निज्जरासमए से तेण्ठेणं जाव न से वेदणासमए न से निज्जरासमए नेरइया णं भंते जे वेदणासमए से निज्जरासमए जे निज्जरासमए से वेदणासमे गोयमा नो इण्ठे सम्भे से केण्ठेणं भंते एवं बुद्धइ-नेरइया णं जे वेदणासमए न से निज्जरासमए जे निज्जरासमए न से वेदणासमए गोयमा नेरइया णं जं समयं वेदेति नो तं समयं निज्जरेति जं समयं निज्जरेति नो तं समयं वेदेति-अण्णम्मि समए वेदेति अण्णम्मि समए निज्जरेति अण्णे से वेदणासमए अण्णे से निज्जरासमए से तेण्ठेणं जाव न से वेदणासमए एवं जाव वेमाणिथाणं ॥२७८॥-२७८

(३५०) नेरइया णं भंते किं सासया असासया गोयमा सिय सासया सिय असासया से केण्ठेणं भंते एवं बुद्धइ-नेरइया सिय सासया सिय असासया गोयमा अब्बोच्छित्तिनयद्वाए सासया वीच्छित्तिनयद्वाए असासया से तेण्ठेणं जाव सिय सासया सिय असासया एवं जाव वेमाणिथा जाव सिय असासया सेवं भंते सेवं भंते ति ॥२७९॥-२७९

● सप्तमे सते तइओ जहेसो सम्भतो ●

—: छ उ त्थो—उ हे सो :—

(३५१) रायगिहे नयरे जाव एवं वयासि-कतिविहा णं भंते संसारसमावज्जगा जीवा पन्नत्ता गोयमा छव्विहा संसारसमावज्जगा जीवा पन्नत्ता तं जहा-पुढविकाइया जाव तसकाइया एवं जहा जीवाभिगमे जाव एगे जीवे एगेणं समएणं एगं किरियं पकरेइ तं जहा-सम्भत्तकिरियं वा मिच्छत्तकिरियं वा सेवं भंते सेवं भंते ति ॥२८०॥-२८०

(३५२) जीवा छव्विह पुढवी जीवाण ठिती भवद्धिती काये

निखेयण अणगारे किरिया सम्भत्त-मिच्छत्ता

॥५५॥-५५

● सप्तमे सते चउत्थो जहेसो सम्भतो ●

—: पं च मो—उ हे सो :—

(३५३) रायगिहे जाव एवं वयासी-खहयरपंचिदियतिरिक्खजोणियाणं भंते कतिविहे जोणीसंगहे पन्नत्ते गोयमा ति विहे जोणीसंगहे पन्नत्ते तं जहा-अंडया पोयया संमुच्छिमा एवं जहा जीवाभिगमे जाव नो चेव णं ते विमाणे वीतीवएज्जा एमहालया णं गोयमा ते विमाणा पन्नत्ता सेवं भंते सेवं भंते ति ॥२८१॥-२८१

(३५४) जोणीसंगह-सेसा दिट्ठी नाणे य जोग-उवओगे

उववाय-द्धित्ति-समुग्घाय-चवण-जाती-कुल-वीहीओ

॥५६॥-५६

● सप्तमे सते पंचमो जहेसो सम्भतो ●

—: छ ह्यो—उ हे सो :—

(३५५) रायगिहे जाव एवं वयासी-जीवे णं भंते जे भविए नेरइएसु उववज्जितए से णं भंते

किं इहगए नेरइयाउयं पकरेइ उववज्जमाणे नेरइयाउयं पकरेइ उववज्जे नेरइयाउयं पकरेइ गोयमा इहगए नेरइयाउयं पकरेइ नो उववज्जमाणे नेरइयाउयं पकरेइ नो उववज्जे नेरइयाउयं पकरेइ एवं असुरकुमारेसु वि एवं जाव वेमाणिएसु जीवे णं भंते जे भविए नेरइएसु उववज्जितए से णं भंते किं इहगए नेरइयाउयं पडिसंवेदेइ उववज्जमाणे नेरइयाउयं पडिसंवेदेइ उववज्जे नेरइयाउयं पडिसंवेदेइ गोयमा नो इहगए नेरइयाउयं पडिसंवेदेइ उववज्जमाणे नेरइयाउयं पडिसं वेदेइ उववज्जे वि नेरइयाउयं पडिसंवेदेइ एवं जाव वेमाणिएसु जीवे णं भंते जे भविए नेरइएसु उववज्जितए से णं भंते किं इहगए महावेदणे उववज्जमाणे महावेदणे उववज्जे महावेदणे गोयमा इहगए सिय महावेदणे सिय अप्पवेदणे उववज्जमाणे सिय महावेदणे सिय अप्पवेदणे अहे णं उववज्जे भवइ तओ पच्छा एगंतदुक्खं वेदणं वेदेति आहच्च सायं जीवे णं भंते जे भविए असुरकुमारेसु उववज्जितए पुच्छा गोयमा इहगए सिय महावेदणे सिय अप्पवेदणे उववज्जमाणे सिय महावेदणे सिय अप्पवेदणे अहे णं उववज्जे भवइ तओ पच्छा एगंतसातं वेदणं वेदेति आहच्च असायं एवं जाव थणियकुमारेसु जीवे णं भंते जे भविए पुढविक्काइएसु उववज्जितए पुच्छा गोयमा इहगए सिय महावेदणे सिय अप्पवेदणे एवं उववज्जमाणे वि अहे णं उववज्जे भवइ तओ पच्छा वेमायाए वेदणं वेदेति एवं जाव मणुस्सेसु वाणमंतर-जोइसिय-वेमाणिएसु जहा असुरकुमारेसु ॥२८२॥-२८२

(३५६) जीवा णं भंते किं आभोगनिव्वत्तियाउया अणाभोगनिव्वत्तियाउया गोयमा नो आभोगनिव्वत्तियाउया अणाभोगनिव्वत्तियाउया एवं नेरइया वि एवं जाव वेमाणिया ॥२८३॥-२८३

(३५७) अत्थि णं भंते जीवाणं कक्कसवेयणिज्जा कम्मा कज्जंति हंता अत्थि कहणं भंते जीवाणं कक्कसवेयणिज्जा कम्मा कज्जंति गोयमा पाणाइवाएण जाव मिच्छादंसणसल्लेण-एवं खलु गोयमा जीवाणं कक्कसवेयणिज्जा कम्मा कज्जंति अत्थि णं भंते नेरइयाणं कक्कसवेयणिज्जा कम्मा कज्जंति एवं चेव एवं जाव वेमाणियाणं अत्थि णं भंते जीवाणं अक्कसवेयणिज्जा कम्मा कज्जंति हंता अत्थि कहणं भंते जीवाणं अक्कसवेयणिज्जा कम्मा कज्जंति गोयमा पाणाइवायवेरमणेण जाव परिग्गहवेरमणेण कोहविवेगेण जाव मिच्छादंसणसल्लविवेगेण-एवं खलु गोयमा जीवाणं अक्कसवेयणिज्जा कम्मा कज्जंति अत्थि णं भंते नेरइयाणं अक्कसवेयणिज्जा कम्मा कज्जंति नो इण्ठे समट्ठे एवं जाव वेमाणियाणं नवरं-मणुस्साणं जहा जीवाणं ॥२८४॥-२८४

(३५८) अत्थि णं भंते जीवाणं सातावेयणिज्जा कम्मा कज्जंति हंता अत्थि कहणं भंते जीवाणं सातावेयणिज्जा कम्मा कज्जंति गोयमा पाणाणुकंपयाए भूयाणुकंपयाए जीवाणुकंपयाए सत्ताणुकंपयाए बहूणं पाणाणं [भूयाणं जीवाणं] सत्ताणं अदुक्खणयाए असोयणयाए अजूरणयाए अतिप्पणयाए अपिट्ठणयाए अपरियावणयाए-एवं खलु गोयमा जीवाणं सातावेयणिज्जा कम्मा कज्जंति एवं नेरइयाणं वि एवं जाव वेमाणियाणं अत्थि णं भंते जीवाणं असातावेयणिज्जा कम्मा कज्जंति हंता अत्थि कहणं भंते जीवाणं असातावेयणिज्जा कम्मा कज्जंति गोयमा परदुक्खणयाए परसोयणयाए परजूरणयाए परतिप्पणयाए पर पिट्ठणयाए परपरियावणयाए बहूणं पाणाणं भूयाणं जीवाणं सत्ताणं दुक्खणयाए सोयणयाए [जूरणयाए तिप्पणयाए पिट्ठणयाए] परियावणयाए-एवं खलु गोयमा जीवाणं असातावेयणिज्जा कम्मा कज्जंति एवं नेरइयाणं वि एवं वेमाणियाणं ॥२८५॥-२८५

(३५९) जंबुद्दीवे णं भंते दीवे इमीसे ओसप्पिणीए दुस्सम-दुस्समाए समाए उत्तम-कट्टपताए भरहस्स वासस्स केरिसए आगारभावपडोयारे भविससइ गोयमा कालो भविससइ

हाहाभूए भंभम्भूए कोलाहलभूए समाणुमावेण य णं खर-फरुस-धूलिमइला दुव्विसहा वाउला भयंकरा वाया संवट्टगा य वाहिंति इह अभिक्खं धूमाहिंति य दिसा समंता रउस्सला रेणुलुस-तमपडल-निरालोगा समयलुक्खयाए य णं अहियं चंदा सीयं मोच्छंति अहियं सूरिया तवइस्संति अदुतरं च णं अभिक्खणं बहवे अरसमेहा विरसमेहा खारमेहा खतमेहा अग्निमेहा विजुमेहा विसमेहा असणिमेहा-अपिवणिज्जोदगा वाहिरोगवेदणोदीरण-परिणामसलिला अमणुणापा-णिया चंडानिलपगहय-तिक्खधारा-निवायपउरं वासं वासिंहंति जेणं भारहे वासे गामागर-नगर-खेड कब्बड-मंडव-दोणमुह-पट्टणासमगयं जणवयं चउप्पयगवेलए खहयरे य पक्खि संधे गामा-रण-पयारनिए तसे य पाणे बहुप्पगारे रुक्ख-गुच्छ-गुम्भ-लय-वड्ढि-तण-पव्वंग-हरितोसहिपवा-लंकुरमादीए य तण-वणस्सइकाइए विट्ठंसेहिंति पव्वय-गिरि-डोंगरुत्थल-भट्ठिमादीए वेयइडगि-रिवज्जे विरावेहिंति सलिलबिल-गड्ड-दुग्गविसमनिण्णुन्याइं च गंगा-सिंधुवज्जाइं समीकरेहिंति तीसे णं भंते समाए भरहस्स वासस्स भूमीए केरिसए आगारभाव-पडोयारे भविस्सति गोयमा भूमि भविस्सति इंगालम्भूया भुम्भुरम्भूया छारियभूया तत्तकवेल्लयम्भूया तत्तसमजोतिभूया धूलिबहुला रेणुबहुला पंकवहुला पणगवहुला चलणि बहुला बहूणं धरणिगोयराणं सत्ताणं दुत्तिक्कमा यावि भविस्सति । २८६। - 286

(३६०) तीसे णं भंते भारहे वासे मणुयाणं केरिसए आगारभाव-पडोयारे भविस्सइ गोयमा मणुया भविस्संति दुरुवा दुवण्णा दुग्गंथा दुरसा दुफासा अणिड्ठा अकंता [अप्पिया असुभा अमणुणा] अमणामा हीणस्सरा दीणस्सरा अणिट्ठस्सरा [अकंतस्सरा अप्पियस्सरा असुभस्सरा अमणुणस्सरा] अमणामस्सरा अणादेजवयणपच्चायाया निल्लज्जा कूड-कवड-कलह-वह-बंध-वेरनिरया मज्जा-यातिकक्कमपहाणा अकज्जनिद्युज्जता गुरुनियोग-विणयरहिया य विकलरूवा परूढनह-केस-मंसु-रोमा काला खर-फरुस-झामवण्णा फुट्टसिरा कविल-पलियकेसा बहुणहारुसंप्पि-ण्ड-दुइंसणिज्जरूवा संकुडितवलीतरंगपरिवेढियंगमंगा जरापरिणतव्व थेरगनरा पविरलपरिसडि-यदंतसेडी उब्भडधडापुहा विसमणयणा वंकनासा वंक-वलीविगय-मेसणमुहा कच्छु-कसराभिभूया खरतिकख- नखकंडूइय-विकखयतणू दहु-किडिभ-सिब्भ-फुडियफरुसच्छवी वित्तलंगा-टोलगति-विसमसंधिबंधण-उक्कुडुअडिगविभत्त-दुब्बला कुसंधयणं-कुप्पमाण-कुसंठिया कुरूवा कुड्डणा-सण-कुसेज्जा-कुभोइणो असुइणो अणेगबाहि-परिपीलियंगमंगा खलंत-विम्भलगती निरुच्छाहा सत्तपरिवज्जिया विगयवेड्ढा नट्टतेया अभिक्खणं सीय-उण्ह-खरफरुसवायविज्जडियमलिण-पंसुर-उण्डियंगमंगा बहुकोह-माण-माया बहुलोभा असुह-दुक्खभागी उत्सण्णं धम्मसण्णसम्मत्तपरि-भट्टा उक्कोसेणं रयणिप्पमाणमेत्ता सोलस-वीसतिवासपरमाउसो पुत्तनत्तुपरिवाल-पणयबहुला गंगा-सिंधूओ महानदीओवेयइडं च पव्वयं निस्साए वात्तवरिं निओदा बीयं बीयमेत्ता बिलवासिणो भविस्संति ते णं भंते मणुया कं आहारं आहारेहिंति गोयमा तेणं कालेणं तेणं सनएणं गंगा-सिंधूओ महानदीओ रहपहवित्थराओ अक्खसोयप्पमाणमेत्तं जलं बोज्झिंहंति से वि य णं जले बहुमच्छ-कच्छभाइण्णे नो चेव णं आउबहुले भविस्सति तए णं ते मणुया सुरूग्गमणमुहुतंसि य सूरत्थ-मणमुहुतंसि य बिलेहिंतो निट्ठाहिंति निट्ठाइत्ता मच्छ-कच्छमे थलाइं गाहेहिंति गाहेत्ता सीतातव-ततएहिं मच्छ-कच्छएहिं एककवीसं वाससहस्साइं वित्ति कप्पेमाणा विहरिस्संति ते णं भंते मणुया निस्सीला निग्गुणा निम्मेरा निप्पच्चक्खाणपोसहोववासा उत्सण्णं मंसाहारा मच्छाहारा खोदाहारा

कुणिमाहारा कालमासे कालं किञ्चा कर्हि गच्छिर्हिंति कर्हि उववज्जिर्हिंति गोयमा उस्सण्णं नरग-तिरिक्खजोणिएसु उववज्जिर्हिंति ते णं भंते सीहा वग्धा वगा दीविया अच्छा तरच्छा परस्सरा निस्सीला तहेव जाव कर्हि उववज्जिर्हिंति गोयमा उस्सण्णं नरग-तिरिक्खजोणिएसु उववज्जिर्हिंति ते णं भंते ढंका कंका विलका महुगा सिही निस्सीला तहेव जाव कर्हि उववज्जिर्हिंति गोयमा उस्सण्णं नरग-तिरिक्खजोणिएसु उववज्जिर्हिंति सेवं भंते सेवं भंते ति । २८७।-२८७

● सत्तमे स्ते षड्धे उदेसो सप्ततो ●

—: स त्त मो—उ हे सो :—

(१६१) संवुडस्स णं भंते अणगारस्स आउत्तं गच्छमाणस्स [आउत्तं विट्ठमाणस्स आउत्तं निसीयमाणस्स], आउत्तं तुयइमाणस्स आउत्तं वत्तं पडिग्गह कंबलं पादपुंछणं गेण्हमाणस्स वा निक्खिन्नवमाणस्स वा तस्स णं भंते किं इरियावहिया किरिया कज्जइ संपराइया किरिया कज्जइ गोयमा संवुडस्स णं अणगारस्स आउत्तं गच्छमाणस्स जाव तस्स णं इरियावहिया किरिया कज्जइ नो संपराइया किरिया कज्जइ से केण्डेणं भंते एवं बुद्धइ-संवुडस्स णं अणगारस्स आउत्तं गच्छमाणस्स जाव नो संपराइया किरिया कज्जइ गोयमा जस्स णं कोह-माण-माया-लोमा वोच्छिण्णा भवन्ति तस्स णं इरियावहिया किरिया कज्जइ जस्स णं कोह-माण-माया-लोमा अवोच्छिण्णा भवन्ति तस्स णं संपराइया किरिया कज्जइ अहासुत्तं रीयमाणस्स इरियावहिया किरिया कज्जइ उस्सुत्तं रीयमाणस्स संपराइया किरिया कज्जइ से णं महासुत्तमेव रीयइ से तेण्डेणं गोयमा एवं बुद्धइ-संवुडस्स णं अणगारस्स आउत्तं गच्छमाणस्स जाव नो संपराइया किरिया कज्जइ । २८८।-२८८

(१६२) रूवी भंते कामा अरूवी कामा गोयमा रूवी कामा नो अरूवी कामा सच्चित्ता भंते कामा अचित्ता कामा गोयमा सच्चित्ता वि कामा अचित्ता वि कामा जीवा भंते कामा अजीवा कामा गोयमा जीवा वि कामा अजीवा वि कामा जीवाणं भंते कामा अजीवाणं कामा गोयमा जीवाणं कामा नो अजीवाणं कामा कतिविहा णं भंते कामा पत्रत्ता गोयमा दुविहा कामा पत्रत्ता तं जहा-सहा य रुवा य रूवी भंते भोगा अरूवी भोगा गोयमा रूवी भोगा नो अरूवी भोगा सच्चित्ता भंते भोगा अचित्ता भोगा गोयमा सच्चित्ता वि भोगा अचित्ता वि भोगा जीवा भंते भोगा अजीवा भोगा गोयमा जीवा वि भोगा अजीवा वि भोगा जीवाणं भंते भोगा अजीवाणं भोगा गोयमा जीवाणं भोगा नो अजीवाणं भोगा कतिविहा णं भंते भोगा पत्रत्ता गोयमा ति विहा भोगा पत्रत्ता तं जहा-गंधा रसा फासा कतिविहा णं भंते काम-भोगा पत्रत्ता गोयमा पंचविहा काम-भोगा पत्रत्ता तं जहा-सहा रुवा गंधा रसा फासा जीवा णं भंते किं कामी भोगी गोयमा जीवा कामी वि भोगी वि से केण्डेणं भंते एवं बुद्धइ-जीवा कामी वि भोगी वि गोयमा सोइंदिय-चक्खिदियाइं पडुच्च कामी धाणिंदिय-जिम्भिंदिय-फासिंदियाइं पडुच्च भोगी से तेण्डेणं गोयमा एवं बुद्धइ-जीवा कामी वि भोगी वि नेरइया णं भंते किं कामी भोगी एवं चेव जाव थणियकुमारा पुढविकाइयाणं-पुच्छा गोयमा पुढविकाइया नो कामी भोगी से केण्डेणं जाव भोगी गोयमा फासिंदियं पडुच्च से तेण्डेणं जाव भोगी एवं जाव वणस्सइकाइया बेइंदिया एवं चेव नवरं-जिम्भिंदियफासिंदियाइं पडुच्च तेइंदिया वि एवं चेव नवरं-धाणिंदिय-जिम्भिंदिय-फासिंदियाइं पडुच्च चउरिंदियाणं-पुच्छा गोयमा चउरिंदिया कामी वि भोगी वि से केण्डेणं जाव भोगी वि गोयमा चक्खिदियं पडुच्च कामी धाणिंदिय-जिम्भिंदिय-फासिंदियाइं पडुच्च भोगी से तेण्डेणं जाव भोगी वि अवसेसा जहा जीवा जाव वेमाणिया एएसि णं भंते जीवाणं कामभोगीणं नोकामीणं नोभोगीणं भो-

गीण य कयरे कयरेहिंतो अप्पा वा बहुया वा तुल्ला वा विसेसाहिया या गोयमा सव्वत्तोवा जीवा कामभोगी नोकामी नोभोगी अनंतगुणा भोगी अनंतगुणा । २८९।-२८९

(२६३) छउमत्थे णं भंते मणूसे जे भविए अण्णयरेसु देवलोएसु देवत्ताए उववज्जिएत्तए से नूणं भंते से खीणभोगी नो पभू उट्ठाणेणं कम्मेणं बलेणं वीरिएणं पुरिसक्कार-परक्कमेणं विउल्लाई भोगभोगाई भुंजमाणे विहरित्तए से नूणं भंते एयमट्ठं एवं वयह गोयमा नो तिण्ठे समट्ठे पभू णं से उट्ठाणेण वि कम्मेण वि बलेण वि वीरिएण वि पुरिसक्कार-परक्कमेण वि अण्णयराई विपुलाई भोगभोगाई भुंजमाणे विहरित्तए तम्हा भोगी भोगे परिच्चयमाणे महानिज्जरे महापज्जवसाणे भवइ आहोहिए णं भंते मणूसे जे भविए अण्णयरेसु देवलोएसु देवत्ताए उववज्जिएत्तए से नूणं भंते से खीणभोगी नो पभू उट्ठाणेणं कम्मेणं बलेणं वीरिएणं पुरिसक्कार-परक्कमेणं विउल्लाई भोगभोगाई भुंजमाणे विहरित्तए से नूणं भंते एयमट्ठं एवं वयह गोयमा नो तिण्ठे समट्ठे पभू णं से उट्ठाणेण वि कम्मेण वि बलेण वि वीरिएण वि पुरिसक्कार-परक्कमेणं वि अण्णयराई विपुलाई भोगभोगाई भुंजमाणे विहरित्तए तम्हा भोगी भोगे परिच्चयमाणे महानिज्जरे महापज्जवसाणे भवइ परमाहोहिए णं भंते मणूसे जे भविए तेणे भवग्गहणेणं सिज्जित्तए जाव अंतं करेत्तए से नूणं भंते से खीणभोगी [नो पभू उट्ठाणेणं कम्मेणं बलेणं वीरिएणं पुरिसक्कार-परक्कमेणं विउल्लाई भोगभोगाई भुंजमाणे विहरित्तए से नूणं भंते एयमट्ठं एवं वयह गोयमा नो तिण्ठे समट्ठे पभू णं से उट्ठाणेण वि कम्मेण वि बलेण वि वीरिएण वि पुरिसक्कार-परक्कमेण वि अण्णयराई वि अण्णयराई विपुलाई भोगभोगाई भुंजमाणे विहरित्तए तम्हा भोगी भोगे परिच्चयमाणे महानिज्जरे महापज्जवसाणे भवइ] केवली णं भंते मणूसे जे भविए तेणेव भवग्गहणेणं [सिज्जित्तए जाव अंतं करेत्तए से नूणं भंते से खीणभोगी नो पभू उट्ठावेणं कम्मेणं बलेणं वीरिएणं पुरिसक्कार-परक्कमेणं विउल्लाई भोगभोगाई भुंजमाणे विहरित्तए से नूणं भंते एयमट्ठं एवं वयह गोयमा नो तिण्ठे समट्ठे पभू णं से उट्ठाणेण वि कम्मेण वि बलेण वि वीरिएण वि पुरिसक्कार-परक्कमेण वि अण्णयराई विपुलाई भोगभोगाई भुंजमाणे विहरित्तए तम्हा भोगी भोगे परिच्चयमाणे महानिज्जरे] महापज्जवसाणे भवति । २९०।-२९०

(२६४) जे इमे भंते असण्णिणो पाणा तं जहा-मुढविकाइया जाव वणस्सइकाइया छट्ठा य एगतिवा तत्ता-एए णं अंधा मूढा तमंपविट्ठा तमपडल-मोहजाल-पडिच्छन्ना अकामनिकरणं वेदणं वेदेति ति वत्तव्वं सिया हंता गोयमा जे इमे असण्णिणो पाणा जाव वेदणं वेदेति ति वत्तव्वं सिया अत्थि णं भंते पभू वि अकामनिकरणं वेदणं वेदेति हंता अत्थि कहणं भंते पभू वि अकामनिकरणं वेदणं वेदेति गोयमा जे णं नो पभू विणा पदीवेणं अंदकारंसि रुवाइ पासित्तए जे णं नो पभू पुरओ रुवाइ अणिज्झाइत्ता णं पासित्तए जे णं नो पभू मग्गओ रुवाइ अणवयक्खित्ता णं पासित्तए जे णं नो पभू पासओ रुवाइ अणवलोएत्ता णं पासित्तए जे णं नो पभू उड्ढं रुवाइ अणालोएत्ता णं पासित्तए जे णं नो पभू अहे रुवाइ अणालोएत्ता णं पासित्तए एस णं गोयमा पभू वि अकामनिकरणं वेदणं वेदेति अत्थि णं भंते पभू वि पकामनिकरणं वेदणं वेदेति हंता अत्थि कहणं भंते पभू वि पकामनिकरणं वेदणं वेदेति गोयमा जे णं नो पभू समुद्दस्स पारं गमित्तए जे णं नो पभू समुद्दस्स पारगयाइ रुवाइ पासित्तए जे णं नो पभू देवलोणं गमित्तए जे णं नो पभू देवलोगागयाइ रुवाइ पासित्तए एस णं गोयमा पभू वि पकामनिकरणं वेदणं वेदेति सेवं भंते सेवं भंते ति । २९१।-२९१

● सुत्तमे सुते सत्तमो उद्देशो सम्पत्तो ●

—: अ इ मो—उ हे सो :—

(३१५) छउमत्ये णं भंते मणूसे तीयामणंतं सासयं समयं केवलेणं संजमेणं केवलेणं संवरेणं केवलेणं बंधवेरवासेणं केवलाहिं पचयणमायाहिं सिग्गिंसु बुग्गिंसु मुच्चिंसु परिनिव्वाइंसु सव्वदुक्खाणं अंतं करिंसु गोयमा नो इण्ठे समट्ठे जाव- से नूणं भंते उप्पन्नानाण-दंसणधरे अरहा जिणे केवली अलमत्यु ति वत्तव्वं सिया हंता गोयमा उप्पन्नानाण-दंसणधरे अरहा जिणे केवली अलमत्यु ति वत्तव्वं सिया । ३१२।-२७२

(३१६) से नूणं भंते हत्थिस्स य कुंथुस्स य समे चेव जीवे हंता गोयमा हत्थिस्स य कुंथुस्स य समे चेव जीवे [से नूणं भंते हत्थीओ कुंथू अप्पकम्मतराए चेव अप्पकिरियतराए चेव अप्पासवतराए चेव एवं अप्पाहारतराए चेव अप्पनीहारतराए चेव अप्पुत्तासतराए चेव अप्पनीसासतराए चेव अप्पिड्ढितराए चेव अप्पमहतराए चेव अप्पजुइतराए चेव कुंथूओ हत्थी महाकम्मतराए चेव महाकिरियतराए चेव महासवतराए चेव महाहारतराए चेव महानीहारतराए चेव महाउत्तासतराए चेव महानीसासतराए चेव महिड्ढितराए चेव महामहतराए चेव महजुइतराए चेव हंता गोयमा हत्थीओ कुंथू अप्पकम्मतराए चेव कुंथूओ वा हत्थी महाकम्मतराए चेव हत्थीओ कुंथू अप्पकिरियताए चेव कुंथूओ वा हत्थी महाकिरियतराए चेव हत्थीओ कुंथू अप्पासवतराए चेव कुंथूओ वा हत्थी महासवतराए चेव एवं आहारनीहार-उत्तास-नीसास-इड्ढि-महजुइएहिं हत्थीओ कुंथू अप्पतराए चेव कुंथूओ वा हत्थी महातराए चेव से केणट्ठेणं भंते एवं वुच्चइ-हत्थिस्स य कुंथुस्स य समे चेव जीवे गोयमा से जहानामए कूडागारसाला सिया-दुहओ लिता गुता गुत्तदुवारा निवारा निवायगंभीरा अह णं केइ पुरिसे जोइं व दीवं व गहाय तं कूडागारसालं अंतो-अंतो अणुपविसइ तीसे कूडागारसालाए सव्वतो समंता धणनिधिय-निरंतर-निच्छिइइ दुवार-वयणाइं पिहेति तीसे कूडागारसालाए बहुमज्झदेसभाए तं पइवं पत्तीवेज्जा तए णं से पईवे तं कूडागारसालं अंतो-अंतो ओमासइ उज्जोवेइ तवति पमासेइ नो चेव णं बाहि अह णं से पुरिसे तं पईवं इड्डुरएणं पिहेज्जा तए णं से पईवे तं इड्डुरं अंतो अंतो ओमासेइ उज्जोवेइ तवति पमासेइ नो चेव णं इड्डुरास्स बाहिं नो चेव णं कूडागारसालं नो चेव णं कूडागारसालाए बाहिं एवं-गोकिलिंजेणं पच्छियापिडएणं गंडमाणियाए आढएणं अद्धाढएणं पत्थएणं अद्धपत्थएणं कुलवेणं अद्धकुलेणं चाउत्ताइयाए अड्ढमाइयाए सोलसियाए बत्तीसियाए चउसट्ठियाए अह णं पुरिसे तं पईवं दीवचंपएणं पिहेज्जा तए णं से पदीवे दीवचंपगस्स अंतो-अंतो ओमासति उज्जोवेइ तवति पमासेइ नो चेव णं दीवचंपगस्स बाहिं नो चेव णं चउसट्ठियाए बाहिं नो चेव णं कूडागारसालं नो चेव णं कूडागार सालाए बाहिं एवामेव गोयमा जीवे विजं जारिसयं पुव्वकम्मनिबद्धं बोदिं निव्वत्तेइं तं असंखेजेहिं जीवपदेसेहिं सचितीकरेइ-खुड्डियं वा महालियं वा से तेणट्ठेणं गोयमा एवं वुच्चइ-हत्थिस्स य कुंथुस्स य समे चेव जीवे । ३१३।-२७३

(३१७) नेरइयाणं भंते पावे कम्मे जे य कडे जे य कज्जइ जे य कज्जिस्सइ सव्वे से दुक्खे जे निज्जिण्णे से सुहे हंता गोयमा नेरइयाणं पावे कम्मे [जे य कडे जे य कज्जइ सव्वे से दुक्खे जे निज्जिण्णे से सुहे एवं जाव वेमाणियाणं । ३१४।-२७४

(३१८) कति णं भंते सण्णाओ पन्नत्ताओ गोयमा दस सण्णाओ पन्नत्ताओ तं जहा-आहार-सण्णा भयसण्णा मेहुणसण्णा परिगहसण्णा कोहसण्णा माणसण्णा मायासण्णा लोभसण्णा लोभ-सण्णा ओहसण्णा एवं जाव वेमाणियाणं नेरइया दसविहं वेयणं पच्चणुभवमाणा विहरंति तं जहा-

सीयं उसिणं खुहं पियासं कंडुं परज्झं जरं दाहं भयं सोमं । २९५।-२९५

(३६९) सेनूणं भंते हत्थिस्स य कुंयूस्स य समा चेव अपच्चक्खाणकिरिया कज्झइ हंता गोयमा हत्थिस्स य कंयूस्स य समा चेव अपच्चक्खाणकिरिया कज्झइ से केणट्ठेणं भंते एवं वुच्चइ-हत्थिस्स य कंयूस्स य समा चेव अपच्चक्खाणकिरिया कज्झइ गोयमा अविरतिं पडुच्च से तेणट्ठेणं [गोयमा एवं वुच्चइ-हत्थिस्स य कुंयूस्स य समा चेव अपच्चक्खाणकिरिया] कज्झइ । २९६।-२९६

(३७०) अहाकम्मं णं भंते भुंजमाणे किं बंधइ किं पकरेइ किं चिणाइ किं उवचिणाइ [गोयमा अहाकम्मं णं भुंजमाणे आउयवज्जाओ सत्तं कम्मप्पगडीओ सिद्धिलबंधणवद्धाओ धणिवबंधण-वद्धाओ पकरेइ जाव सासए पंडिए पंडियत्तं असासयं सेवं भंते सेवं भंते ति । २९७।-२९७

● सत्तमे सत्ते अद्दमो उद्देशो सभत्तो ●

—: न व यो—उ हे सो :—

(३७१) असंवुडे णं भंते अणगारे बाहिरए पोग्गले अपरियाइत्ता पभू एगवण्णं एगरूवं विउव्वितए नो इणट्ठे समट्ठे असंवुडे णं भंते अणगारे बाहिरए पोग्गले परिचाइत्ता पभू एगवण्णं एगरूवं विउव्वितए हंता पभू से णं भंते किं इहगए पोग्गले परियाइत्ता विकुव्वइ तत्थगए पोग्गले परिचाइत्ता विकुव्वइ अन्नत्थगए पोग्गले परियाइत्ता विकुव्वइ गोयमा इहगए पोग्गले परियाइत्ता विकुव्वइ नो तत्थगए पोग्गले परिचाइत्ता विकुव्वइ नो अन्नत्थगए पोग्गले परियाइत्ता विकुव्वइ एवं एगवण्णं अनेगरूवं अनेगवण्णं एगरूवं अनेगवण्णं अनेगरूवं चउभंगो असंवुडे णं भंते अणगारे बाहिरए पोग्गले अपरियाइत्ता पभू कालगं पोग्गलं नीलगपोग्गलत्ताए परिणामेत्ता नीलगं पोग्गलं वा कालगपोग्गलत्ताए परिणामेत्ता गोयमा नो इणट्ठे समट्ठे परियाइत्ता पभू जाव- असंवुडे णं भंते अणगारे बाहिरए पोग्गले अपरियाइत्ता पभू निद्धपोग्गलं लुक्खपोग्गलत्ताए परिणामेत्ता लुक्खपोग्गलं वा निद्धपोग्गलत्ताए परिणामेत्ता गोयमा नो इणट्ठे समट्ठे परियाइत्ता पभू से णं भंते किं इहगए पोग्गले परियाइत्ता परिणामेति तत्थगए पोग्गले परियाइत्ता परिणामेति अन्नत्थगए पोग्गले परियाइत्ता परिणामेति गोयमा इहगए पोग्गले परियाइत्ता परिणामेति नो तत्थगए पोग्गले परियाइत्ता परिणामेति नो अन्नत्थगए पोग्गले परियाइत्ता परिणामेति । २९८।-२९८

(३७२) नायमेयं अरहया, सुयमेयं अरहया विण्णायमेयं अरहया-महासिलाकंटए संगामे महासिलाकंटए णं भंते संगामे वट्ठमाणे के जइत्था के पराजइत्था गोयमा वज्जी विदेहपुत्ते जइत्था नव मल्लई नव लेच्छई-कासी-कोसलगा अझारस-वि गणरायाणो पराजइत्था तए णं से कोणिए राया महासिलाकंटं संगामं उवड्डियं जाणित्ता कोडुंबिय-पुरिसे सदावेइ सदावेत्ता एवं वया,- सीखिप्पामेव भो देवाणुप्पिया उदाइं हत्थिरायं पडिकप्पेह हय-गय-रह-पवरजोहकलियं चाउरं-गिणिं सेणं सण्णाहेह सण्णाहेत्ता मम एयमाणत्तिं खिप्पामेव पच्चप्पिणह तए णं ते कोडुंबियपुरिसा कोणिएणं रण्णा एवं वुत्ता समाणा हट्ठतुट्ठचित्तमाणंदिआ जाव मत्थए अंजलिं कट्ठु एवं सामीं सहन्ति आणाए विणएणं वयणं पडिसुणंति पडिसुणित्ता खिप्पामेव छेयायरियोवएस-भति-कप्पणा-विकप्पेहिं सुनिउमेहिं उज्जलणेवत्थ-हव्व-परिवच्छियं सुसज्जं जाव भीमं संगामियं अओज्झं उदाइं हत्थिरायं पडिकप्पेति हय-गय-रह-पवरजोहकलियं चाउरं गिणि सेणं] सण्णाहेति सण्णाहेत्ता जेणेव कूणिए राया तेणेव उवागच्छंति उवागच्छित्ता करयलं [परिगहियं दसनहं सिरसावत्तं मत्थए अंजलिं कट्ठु] कूणियस्स रण्णो तमाणत्तिं पच्चप्पिणंति तए णं से कूणिए राया जेणेव मज्जणघरं तेणेव

उवागच्छति उवागच्छिता मज्जणघरं अनुप्पविसइ अनुप्पविसिता ण्हाए कयबलिकम्मे कयकोउय-मंगल-पायच्छित्ते सव्वालंकारविभूसिए सण्णद्ध-वद्ध-वम्मिकवए उप्पीलियसरासण-पडिए पिण्हगेवेज्ज-विमलवरबद्धचिंधपट्टे गहियाउहप्पहरणे सकोरेंटमल्लदामेणं छत्तेणं धरिज्जमाणेणं चउचामरबालवीजियंते मंगलजयसइकयालोए जाव जेणेव उदाई हत्थिराय्ता तेणेव उवागच्छइ उवागच्छिता उदाई हत्थिरायं दुल्लुढे

तए णं से कूणिए राया हारोत्थय-सुकय-रइयवच्छे जाव सेयवरचामराहिं उद्धुव्वमाणीहिं-उद्धुव्वमाणीहिं हय-गय-रह-पवरजोहकलियाए चाउरंगिणीए सेणाए सद्धिं संपरिवुडे महयामड-चडगरविंदपरिक्खित्ते जेणेव महासिलाकंटए संगामे तेणेव उवागच्छइ उवागच्छिता महासिला-कंटं संगामं ओयाए पुरओ यं से सक्के देविंदे देवराया एणं महं अभेज्जकवयं वइरपडिरुवगं विउव्वित्ता णं चिद्धइ एवं खलु दो इंदा संगामं संगामेति तं जहा-देविंदे य मणुइंदे य एगहत्थिणा वि णं पभू कूणिए राया जइत्तए एगहत्थिणा वि णं पभू कूणिए राया पराजिणित्तए तए णं से कूणिए राया महासिलाकंटं संगामं संगामेमाणे नव मल्लइ नव लेच्छइ कासी-कोसलगा अट्टारस वि गणरायाणो हय-महरिय-पवरवीर-धाइय विवडियचिंध-द्धयपडागे किच्छपाणगए दिसोदिसिं पडिसेहिया से केणट्टेणं भंते एवं बुद्धइ-महासिलाकंटए संगामे गोयमा महासिलाकंटए णं संगामे वट्टमाणे जे तत्थ आसे या हत्थी वा जोहे या सारही वा तणेण वा कट्टेण वा पतेण वा सक्कुराए वा अभिहम्मति सव्वे से जाणेइ महासिलाए अहं अभिहए से तेणट्टेणं गोयमा एवं बुद्धइ-महासिलाकंटए संगामे महासिला-कंटए णं भंते संगामे वट्टमाणे कति जणसयसाहस्सीओ व्हियाओ गोयमा चउरासीइ जणसयसा-हस्सीओ व्हियाओ ते णं भंते मणुया निस्सीला निग्गुणा निम्मेरा निप्पच्चक्खाणपोसहोववासा रुद्धा परिकुविया समरवहिया अनुवसंता कालमासे कालं किद्धा कहिं गया कहिं उववण्णा गोयमा उस्सण्णं नरग-तिरिक्खजोणिएसु उववण्णा 1291-299

(१७३) नायमेयं अरहया, सुवमेयं अरहया विनयमेयं अरहया-रहमुसले संगामे रहमुसले णं भंते संगामे वट्टमाणे के जइत्था के पराजइत्था गोयमा वज्जी विदेहपुत्ते चमरे असुरिंदे असुर-कुमारया जइत्था नव मल्लइ नव लेच्छइ पराजइत्था तए णं से कूणिए राया रहमुसलं संगामं उवड्डियं [जाणित्ता कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया भूयाणंदं हत्थिरायं पडिकप्पेह हय-गय-रह-पवरजोहकलियं चाउरंगिणिं सेणं सण्णाहेह, सण्णाहेत्ता मम एयमाणत्तियं खिप्पामेव पच्चप्पिण्ह तए णं ते कोडुंबियपुरिसा कोणिएणं रण्णा एवं वुत्ता समाणा हट्टुट्टुचित्तमाणदिया जाव मत्थए अंजलिं कट्टु एवं सामी तहत्ति आणाए विणएणं वयणं पडिसुणंति पडिसुणित्ता खिप्पामेव छेयारियोवएस-मत्ति-कप्पणा-विकप्पेहिं सुनिउणेहिं उज्जलणेवत्थ-हव्वपरिवच्छियं सुसज्जं जाव भीमं संगामियं अज्जोज्झं भूयाणंदं हत्थिरायं पडिकप्पेति हय-गय-रहपवजोहकलियं चाउरंगिणिं सेणं सण्णाहेति सण्णाहेत्ता जेणेव कूणिए राया तेणेव उवागच्छति उवागच्छिता करयलपरिगहियं दसनहं सिरसावतं मत्थए अंजलिं कट्टु कूणियस्स रण्णो तमाण-त्तियं पच्चप्पिणंति तए णं से कूणिए राया जेणेव मज्जणघरं तेणेव उवागच्छति उवागच्छिता मज्जणघरं अणुप्पविसइ अणुप्पविसिता ण्हाए कयबलिकम्मे कयकोउय-मंगल-पायच्छित्ते सव्वालंकारवि-भूसिए सण्णद्ध-वद्ध-वम्मिकवए उप्पीलियसरासण-पडिए पिण्हगेवेज्ज-विमलवरबद्धचिंधपट्टे गहियाउहप्पहरणे सकोरेंटमल्लदामेणं छत्तेणं धरिज्जमाणेण चउचामरबालवीजियंते मंगलजयसइ-

कयालोए जाव जेणेव भूयाणंदे हत्थिराया तेणेव उवागच्छइ उवागच्छिता भूयाणंदं हत्थिरायं दुरूदे तए णं से कूणिए राया हारोत्थय-सुकय-इयवच्छे जाव सेयवरचामराहिं उद्धुव्वमाणीहिं-उद्धुव्वमाणीहिं हय-गय-रह-पवरजोहकलियाए चाउरंगिणीए सेणाए सद्धिं संपरिवुडे महया-भडचडगरविंदपरिक्खित्ते जेणेव रहमुसले संगामे तेणेव उवागच्छइ उवागच्छिता रहमुसलं संगामं ओयाए पुरओ य से सक्के देविंदे देवराया एणं महं अमेज्जकवयं वड्ढरपडिरुवगं विउव्वित्ता णं चिद्धइ] मग्गओ य से चमरे असुरिंदे असुरकुमारराया एणं महं आयसं किट्ठिणपिरुपणं विउव्वित्ता णं चिद्धइ एवं खलु तेओ इंद्रा संगामं संगामेति तं जहा-देविंदे य मणुइंदे य असुरिंदे य एगहत्थिणा वि णं पभू कूणिए राया जइत्तए [एगत्थिणा वि णं पभू कूणिए राया पराजिणित्तए तए णं से कूणि राया रहमुसलं संगामं संगामेमाणे नव मइइ नव लेच्छई कासी-कोसलगा अड्डारस वि गणरायाणो हय-महिय-पवरवीर-घाइय-विवडियचिध-द्धयपडागे किच्छपाणगए] दिसोदिसिं पडिसेहित्था से केण-ट्ठेणं भंते एवं दुद्धइ-रहमुसले संगामे गोयमा रहमुसले णं संगामे वट्टमाणे एगे रहे अणासए असारहिए अणारोहए समुसले महया जणक्खयं जणवहं जणप्पभइं जणसंवट्ठकणं रुहिरकहमं करेमाणे सब्बओ समंता परिधावित्था से तेणट्ठेणं गोयमा एवं दुद्धइ-रहमुसले संगामे रहमुसले णं भंते संगामे वट्टमाणे कति जणसयसाहस्सीओ वहियाओ गोयमा छण्णउत्तिं जणसयसाहस्सीओ वहियाओ ते णं भंते मणुया निस्सीला [निग्गुणा निम्मेरा] निष्पच्चक्खाणपोसहोववासा रुद्धा परिकुविया समरवहिया अनुवसंता कालमासे कालं किच्चा कहिं गया कहिं उववत्ता गोयमा तत्थ णं दससाहस्सीओ एगाए मच्छियाए कुच्छिसि उववत्ताओ एगे देवलोगेसु उववत्ते एगे सुकुले पच्चायाए उवसेसा उत्सण्णं नरग-तिरिक्खजोगिएसु उववत्ता। ३००।-३००

(३७४) कम्हा णं भंते सक्के देविंदे देवराया चमरे य असुरिंदे असुरकुमारराया कूणियस्स रण्णो साहेजं दलइत्था गोयमा सक्के देविंदे देवराया पुव्वसंगतिए चमरे असुरिंदे असुरकुमारराया परियायसंगतिए एवं खलु गोयमा सक्के देविंदे देवराया चमरे य असुरिंदे असुरकुमारराया कूणियस्स रण्णो साहेजं दलइत्था। ३०१।-३०१

(३७५) बहुजणे णं भंते अन्नमण्णस्स एवमाइक्खइ जाव परूवेइ-एवं खलु बहवे मणुस्सा अन्नयरेसु उच्चावएसु संगामेसु अभिमुहा चेव पय्या समाणा काल मासे कालं किच्चा अन्नयरेसु देवलोएसु देवत्ताए उववत्तारो भवन्ति से कहमेयं भंते एवं गोयमा जण्णं से बहुजणे अन्नमन्नस्स एवमाइक्खइ [जाव परूवेइ-एवं खलु बहवे मणुस्सा अन्नयरेसु उच्चावएसु संगामेसु अभिमुहा चेव पय्या समाणा कालमासे कालं किच्चा अन्नयरेसु देवलोएसु देवत्ताए] उववत्तारो भवन्ति जे ते एवमाहंसु मिच्छं ते एवमाहंसु अहं पुण गोयमा एवमाइक्खामि जाव परूवेमि-एवं खलु गोयमा तेणं कालेणं तेणं समएणं वेसाली नामं नगरी होत्था-वण्णओ तत्थ णं वेसालीए नगरीए वरुणे नामं नागनत्तुए परिवसइ-अइदे जाव अपरिभूए समणोवासाए अभिगयजीवाजीवे जाव समणे निगंथे फासु-एसणिज्जेणं असण-पाण-खाइम-साइमेण वत्थ-पडिग्गह-कंबल-पायपुंछणेणं पीढ-फलग-सेज्जा-संधारएणं ओसह-मेसज्जेणं पडिलाभेमाणे छट्ठंछट्ठेणं अनिखित्तेणं तवोकम्मेणं अप्पाणं भावे-माणे विहरति तए णं से वरुणे नागनत्तुए अप्णया कयाइ रायाभिओगेणं गणाभिओगेणं बलाभिओ-गेणं रहमुसले संगामे आणत्ते समाणे छट्ठमत्तिए अट्ठमत्तं अणुवट्ठेति अणुवट्ठेता कोडुंबियपुरिसे सद्दावेइ सद्दावेत्ता एवं वयासी-खिप्पमेव भो देवाणुप्पिया चाउग्घंटं आसारहं जुतामेव उवड्ढावेह हय-

गय-रह-पवर-[जोहकलियं चाउरंगिणि सेणं सण्णाहेह] सण्णाहेता मम एयमाणितियं पच्चप्पिणह तए णं ते कोडुबियपुरिसा जाव पडिसुणेता खिप्पामेव सच्छतं सज्झयं जाव चाउग्धं आसरहं जुतामेव उवद्वावेति हय-गय-रह-जाव सण्णाहेति सण्णाहेता जेणेव वरुणे नागनतुए तेणेव उवागच्छति उवागच्छिता जाव तमाणतिय पच्चप्पिणति

तए णं से वरुणे नागनतुए जेणेव मज्जणघरे तेणेव उवागच्छति उवागच्छिता मज्जणधरं अणुप्पविसइ अणुप्पविसिता ण्हाए कयबलिकम्मे कयकोउय-मंगल-पायच्छिते सव्वालंकारवि-भूसिए सण्णद्ध-बद्ध-वम्मियकलए सकोरेंटमल्ल दामेण छत्तेणं धरिज्जमाणेणं अणेगगणनायग-दंडना-यंग-राईसर-तलवर-माडंबिय-कोडुबिय-इब्ब-सेट्ठि-सेमावइसत्यवाहदूय-संधिपालसद्धिं सपरिवुडे मज्जणघराओ पडिनिक्खमति पडिनिक्खमिता जेणेव बाहिरिया उवद्वाइणसाला जेणेव चाउग्धं आसरहे तेणेव उवागच्छइ उवागच्छिता चाउग्धं आसरहं दुरुइह दुरुहिता हय-गय-रह-पवरजोहकलियाए चाउरंगिणीए सेणाए सद्धिं] संपरिवुडे प्रहयाभडचडगरविंदपरिक्खिते जेणेव रहमुसले संगामे तेणेव उवागच्छइ उवागच्छिता रहमुसलं संगामं ओयाए तए णं से वरुणे नागनतुए रहमुसलं संगामं ओयाए समाणे अयमेयारूवं अभिगहं अभिगेण्हइ-कप्पति मे रहमुसलं संगामं संगामेमाणस्स जे पुंवि पहणइ से पडिहणितए अवसेसे नो कप्पतीतअयमेयारूवं अभिगहं अभिगेण्हइ अभिगेणेहेता रहमुसलं संगामं संगामेति तए णं तस्स वरुणस्स नागनतुयस्स रहमुसलं संगामं संगामेमाणस्स एगे पुरिसे सरिसए सरितए सरिव्वए सरिसभंडमत्तोवगरणे रहेणं पडिरहं हव्वमागए तए णं से पुरिसे वरुणं नागनतुयं एवं वदासी-पहण भो वरुणा नागनतुया पहण भो वरुणा नागनतुया तए णं से वरुणे नागनतुए तं पुरिसं एवं वदासी-नो खलु मे कप्पइ देवाणुप्पिया पुंवि अहयस्स पहणितए तुमं देव णं पुंवि पहणाहि तए णं से पुरिसे वरुणेणं नागनतुएणं एवं वुत्ते समाणे आसुरुत्ते [रुठे कुविए चंडिकिए] मिसिमिसेमाणे धणुं परामुसइ परामुसिता उसुं परामुसइ परामुसिता ठाणं ठाति ठिछा आययकण्णाययं उसुं करेइ करेता यरुणं नागनतुयं गाढप्पहारीकरेइ

तए णं से वरुणे नागनतुए तेणं पुरिसेणं गाढप्पहारीकए समाणे आसुरुत्ते रुठे कुविए चंडिकिए मिसिमिसेमाणे धणुं परामुसइ परामुसिता उसुं परामुसइ परामुसिता आययकण्णाययं उसुं करेइ करेता तं पुरिसं एगाहच्चं कूडाहच्चं जीवियाओ ववरोवेइ तए णं से वरुणे नागनतुए तेणं पुरिसेणं गाढप्पहारीकए समाणे अत्थामे अबले अवीरिए अपुरिसक्कारपरक्कमे अधारणिज्जमिति कट्टु तुरए निगिण्हइ निगिणिहेता रहं परावत्तेइ परावत्तेता रहमुसलाओ संगामाओ पडिनिक्खमति पडिनि-क्खमिता एगंतमंतं अवक्कमइ अवक्कमिता तुरए निगिण्हइ निगिणिहेता रहं ठवेइ ठवेता रहओ पच्चोल्लहइ पच्चोल्लहिता तुरए मोएइ मोएता तुरए विसज्जेइ विसज्जेता दब्बसंधारगं संधारइ संधरिता दब्बसंधारगं दुरुहइ दुरिहिता पुरत्यापिमुहे संपलियं कनिसण्णे करयलं [परिण-हियं दसनहं सिरसावतं मत्थए अंजलिं कट्टु एवं वयासी

नमोत्थु णं अरहंताणं भगवंताणं जाव सिद्धिगतिनामधेयं ठाणं संपत्ताणं नमोत्थुण समणस्स भगवओ महावीरस्स आदिगरस्स जाव सिद्धिगतिनामधेयं ठाणं संपावेउकामस्स मम धम्मायुरि-यस्स धम्मोवदेसगस्स वंदाभि णं भगवंतं तत्थगयं इहगए पासउ मे से भगवं तत्थगए इहगयं ति कट्टु वंदइ नमंसइ वंदित्ता नमंसित्ता एवं वयासी-पुंवि पि णं मए समणस्स भगवओ महावीरस्स अंतिए धूलए पाणाइवाए पच्चक्खाए जावज्जीवाए एवं जाव धूलए परिग्गहे पच्चक्खाए इयाणिं पि णं अहं

तस्सेव भगवओ महावीरस्स अंतिए सव्वं पाणाइवायं पच्चक्खामि जावज्जीवाए [जावं मिच्छादंसण-सल्लं पच्चक्खामि जावज्जीवाए सव्वं असण-पाण-खाइम-साइम-चउच्चिहं पि आहारं पच्चक्खामि जावज्जीवाए जं पि य इमं सरीरं इडुं कंतं पियं जाव मा णं वाइयपित्तिय-सेमिय-सण्णिवाइय विविहा रोगायंका परीसहोवसणा फुसंतु ति कट्टु। एयं पि णं चरिमेहिं ऊसासा-नीसासेहिं वोसिरिस्सामि ति कट्टु सण्णाहपट्ठं मुयइ मुइत्ता सल्लुद्धरणं करोइ करोता आलोइय-पडिक्कंते समाहिंपत्ते आणुपुव्वीए कालगए

तए णं तस्स वरुणस्स नागनत्तुयस्स एगे पियबालवयंसए रहमुसलं संगामं संगामेमाणे एगेणं पुरिसेणं गाढप्पहारीकए समाणे अत्यामे अबले अवीरिए अपुरिसक्कारपरक्कमे अधारणिज्जमिति कट्टु वरुणं नागनत्तुयं रहमुसलाओ संगामाओ पडिनिक्खममाणं पासइ पासित्ता तुरए निगिण्हइ निगिण्हित्ता जहा वरुणे जाव तुरए विसज्जेति पडसंधारणं दुरुहइ दुरुहित्ता पुरत्याभिमुहे संपलियंकिनसण्णे करयल-परिगहियं जावं अंजलिं कट्टु एवं वयासी-जाइ णं भंते मम पियबालवयंसस्स वरुणस्स नागनत्तुयस्स ससीलाइ वयाइ गुणाइ वेरमाणाइ पच्चक्खान-पोसहोववासाइ ताइ णं ममं पि भवंतु ति कट्टु सण्णाहपट्ठं मुयइ मुत्ता सल्लुद्धरणं करोइ करोता आणुपुव्वीए कालगए तए णं तं वरुणं नागनत्तुयं कालगयं जाणित्ता अहासत्रिहिएहिं वाणमंतरेहिं देवेहिं दिव्ये सुरभिगंधोदगवासे वुट्ठे दसद्धवणे कुसुमे निवातिए दिव्ये य गीय-गंधव्वनिनादे कए या वि होत्था तए णं तस्स वरुणस्स नागनत्तुयस्स तं दिव्यं देविडिं दिव्यं देयजुतिं दिव्यं देवाणुभागं सुणित्ता य पासित्ता य बहुजणो अन्नमन्नस्स एवमाइक्खइ जाव पल्लवेइ-एवं खलु देवाणुप्पिया बहवे मणुस्सा अण्णयरेसु उच्चायएसु संगामेसु अभिमुहा चेव पहया समाणा कालामासे कालं किच्चा अण्णयरेसु देवलोएसु उववत्तारो भवंति। ३०२।-३०२

(३०६) वरुणे णं भंते नागनत्तुए कालमासे कालं किच्चा कहिं गए कहिं उववत्ते गोयमा सोहम्मे कये अरुणाभो विमाणे देवत्ताए उववत्ते तत्थ णं अत्थेण तियाणं देवाणं चत्तारि पलिओव-पाइं ठिती पत्तत्ता तत्थं वरुणस्स वि देवस्स चत्तारि पलिओवमाइं ठिती पत्तत्ता से णं भंते वरुणे देवे ताओ देवलोगाओ आउक्खएणं भवक्खएणं ठिइक्खएणं अनंतरं चयं वइत्ता कहिं गच्छिहिति कहिं उववज्झिहिति गोयमा महाविदेहे वासे सिज्झिहिति बुज्झिहिति मुच्चिहिति परिनिव्वाहिति सव्वदुक्खानं अंतं करोहिति वरुणस्स णं भंते नागनत्तुयस्स पियबालवयंसए कालमासे कालं किच्चा कहिं गए कहिं उववत्ते गोयमा सुकुले पच्चायाते से णं भंते तओहितो अनंतरं उव्वट्ठित्ता कहिं गच्छिहिति कहिं उववज्झिहिति गोयमा महाविदेहे वासे सिज्झिहिति जाव अंतं काहिति सेवं भंते सेवं भंतेति। ३०३।-३०३

● सत्तमे सते नवमो जेहो सप्ततो ●

—: द स यो—उ हे सो :—

(३०७) तेणं कालेणं तेणं समएणं रायगिहे नमं नगरे होत्था-वण्णओ गुणसिलए चेइए-वण्णओ जाव पुढविसिलापट्ठओ तस्स णं गुणसिलयस्स चेइयस्स अदूरसामंते बहवे अन्नउत्थिया परिवसंति तं जहा-कालोदाई सेलेदाई सेवालोदाई उदए नामुदए नम्मदए अण्णवालए सेलवालए संखावालए सुहत्थी गाहावई तए णं तेसिं अन्नउत्थियाणं अण्णया कयाइ एगयओ सहियाणं समुवागयाणं सण्णिविट्ठाणं सण्णिसण्णाणं अयमेयारूवे मिहोक्कहासमुल्लवे समुप्पज्जित्ता-एवं खलु

समणे नायपुते पंच अत्थिकाए पन्नवेति तं जहा-धम्मत्थिकायं जाव पोग्गलत्थिकायं तत्थ णं समणे नायपुते चत्तारिअत्थिकाए अजीवकाए पन्नवेति तं जहा-धम्मत्थिकायं अधम्मत्थिकायं अगासत्थिकायं पोग्गलत्थिकायं एवं च णं समणे नायपुते जीवत्थिकायं अरूविकायं जीवकायं पन्नवेति तत्थ णं समणे नायपुते चत्तारि अत्थिकाए अरूविकाए पन्नवेति तं जहा-धम्मत्थिकायं अधम्मत्थिकायं आगासत्थिकायं जीवत्थिकायं एणं च णं समणे नायपुते पोग्गलत्थिकायं रूविकायं अजीवकायं पन्नवेति से कहमेयं मण्णे एवं तेणं कालेणं तेणं समएणं समणे भगवं महावीरे जाव गुणसिलए वेइए समोसडे जाव परिसा पडिगया

तेणं कालेणं तेणं समएणं समणस्स भगवओ महावीरस्स जेडे अंतेवासी इंदमूई नामं अणगारे गोयमे गोतेणं जाव भिक्खायरियाए अडमाणे महापज्जतं भत्तं-पाण पडिगाहिता रायगि-हाओ [नगराओ पडिनिक्खमइ अतुरियमचवलमसंभंतं जुगंतरपलोयणाए दिट्ठीए पुरओ] रियं-सो-हेमाणे-सोहेमाणे तेसिं अन्नउत्थियाणं अदूरसामंतेणं वीईवयति ताए णं ते उन्नउत्थिया भगवं गोयमं अदूरसामंतेणं वीईवयमाणं पासंति पासित्ता अन्नमण्णं सद्दावेति सद्दावेत्ता एवं वयासी-एवं खलु देवाणुप्पिया अहं इमा कहा अविष्पकडा अयं च णं गोयमे अहं अदूरसामंतेणं वीईवयइ तं सेयं खलु देवाणुप्पिया अहं गोयमं एयमइ पुच्छित्ताए ति कट्ठु अन्नमन्नस्स अंतिए एयमइ पडिसुणंति पडिसुणित्ता जेणेव भगवं गोयमे तेणेव उवागच्छंति उवागच्छित्ता भगवं गोयमं एवं वयासी-एवं खलु गोयमा तव धम्मोयरिए धम्मवदेसए समणे नायपुते पंच अत्थिकाए पन्नवेति तं जहा-धम्मत्थिकायं जाव पोग्गलत्थिकायं तं देव जाव रूविकायं अजीवकायं पन्नवेति से कहमेयं गोयमा एवं

ताए णं से भगवं गोयमे ते अण्णउत्थिए एवं वयासी-नो खलु वयं देवाणुप्पिया अत्थिभावं नत्थि ति वदामो नत्थिभावं अत्थि ति वदामो अह्णेणं देवाणुप्पिया सव्वं अत्थिभावं अत्थि ति वदामो सव्वं नत्थिभावं नत्थि ति वदामो तं येयसा खलु तुय्मे देवाणुप्पिया एयमइ सयमेव पच्चवेक्खह ति कट्ठु ते अन्नउत्थिए एवं वदासी वदित्ता जेणेव गुणसिलए वेइए जेणेव मणे भगवं महावीरे तेणेव उवागच्छइ जाव भत्त-पाणं पडिदंसेति पडिदंसेत्ता समणं भगवं महावीरं वंदइ नमंसइ वंदित्ता नमंसित्ता नट्ठासण्णे जाव पज्जुवासति तेणं कालेणं तेणं समएणं समणे भगवं महावीरे महा-कहापडिवण्णे या वि होत्था कालोदाई य तं देसं हव्वमागए कालोदाईति समणे भगवं महावीरे कालोदाइ एवं वयासी-से नूणं मे कालीदाई अण्णया कथाइ एणवओ सहियाणं समुवागयाणं सण्णिविट्ठाणं सण्णिसण्णाणं अयमेयारूवे मिहोक्कासमुल्लावे समुप्पजित्था-एवं खलु समणे नायपुते पंच अत्थिकाए पण्णवेति तह्वेव जाव से कहमेयं मण्णे एवं से नूणं कालोदाई अत्थे समत्थे हंता अत्थि तं तसद्ये णं एसमइ कालोदाई अहं पंचत्थिकायं पण्णवेमि तं जहा-धम्मत्थिकायं जाव पोग्गलत्थिकायं तत्थ णं अहं चत्तारि अत्थिकाए अजीवकाए पण्णवेमि तं जहा-धम्मत्थिकायं जाव पोग्गलत्थिकायं एणं च णं अहं जीवत्थिकायं अरूवीकायं जीवकायं पण्णवेमि तत्थ णं अहं चत्तारि अत्थिकाए अरूवीकाए पण्णवेमि तं जहा-धम्मत्थिकायं जाव जीवत्थिकायं एणं च णं अहं पोग्गलत्थिकायं रूविकायं पन्नवेमि

ताए णं से कालोदाई समणं भगवं महावीरं एवं वदासी एयंसी णं मंते धम्मत्थिकायंसि अधम्मत्थिकायंसि आगासत्थिकायंसि अरूविकायंसि अजीवकायंसि चक्किया केइ आसइत्ताए वा सइत्ताए वा चिइइत्ताए वा निसीएत्ताए वा तुयडित्ताए वा नो तिण्ण्डे समइ कालोदाई एयंसि णं

पोगलत्थिकायंसि रुविकायंसि अजीवकायंसि चक्किया केइ आसइत्ताए वा सइत्ताए वा जाव तुयट्ठित्ताए वा एयंसि णं भंते पोगलत्थिकायंसि रुविकायंसि अजीवकायंसि जीवाणं पावा कम्मा पावफलविवागसंजुत्ता कज्जंति नो तिण्ढे समइ कालोदाई एयंसि णं जीवत्थिकायंसि अरुविकायंसि जीवाणं पावा कम्मा पावफलविवागसंजुत्ता कज्जंति एत्थ णं से कालोदाई संबुद्धे समणं भगवं महावीरं वंदइ नमंसइ वंदित्ता नमंसित्ता एवं वयासी-इच्छामि णं भंते तुब्बं अंतियं धम्मे निसामेत्ताए एवं जहा खंदए तहेव पव्वइए तहेव एक्कारस अंगाई अहिज्जइ जाव विचित्तेहिं तवोकम्मेहिं अप्पाणं भावेमाणे विहरइ । ३०४।-३०४

(३७८) ताए णं समणे भगवं महावीरे अण्णया कयाइ रायगिहाओ नगराओ गुणसिलाओ चेइयाओ पडिनिक्खमति पडिनिक्खमिता बहिया जणवयविहारं विहरइ तेणं कालेअं तेणं समएणं रायगिहे नामं नगरे गुणसिलाए चेइए ताए णं समणे भगवं महावीरे अण्णया कयाइ जाव समोसडे परिसा जाव पडिगया ताए णं से कालोदाई अनगारे अण्णया कयाइ जेणेव समणे भगवं महावीरे तेणेव उवागच्छति उवागच्छित्ता समणं भगवं महावीरं वंदइ नमंसइ वंदित्ता नमंसित्ता एवं वयासी-अत्थि णं भंते जीवाणं पावा कम्मा पावफलविवागसंजुत्ता कज्जंति हंता अत्थि कहणं भंते जीवाणं पावा कम्मा पावफलविवागसंजुत्ता कज्जंति कालोदाई से जहानामए केइ पुरिसे मणुण्णं थाली-पागसुद्धं अड्डारसवंजणाकुलं विससंमिस्सं भोयणं भुंजेज्जा तस्स णं भोयणस्स आवाए भइए भवइ तओ पच्छा परिणममाणे-परिणममाणे दुरुवत्ताए दुवण्णत्ताए दुगंधत्ताए जाव दुक्खत्ताए-नो सुहत्ताए भुज्जो-भुज्जो परिणमति एवामेव कालोदाई जीवाणं पाणाइवाए जाव मिच्छादंसणसल्ले तस्स आवाए भइए भवइ तओ पच्छा विपरिणममाणे-विपरिणममाणे दुरुवत्ताए दुवण्णत्ताए दुगंधत्ताए जाव दुक्खत्ताए-नो सुहत्ताए भुज्जो-भुज्जो परिणमति एवं खलु कालोदाई जीवाणं पावा कम्मा पावफलविवागसंजुत्ता कज्जंति अत्थि णं भंते जीवाणं कल्लाणा कम्मा [कल्लाणफलविवागसंजुत्ता] कज्जंति हंता अत्थि कहणं भंते जीवाणं कल्लाणा कम्मा कल्लाणफलविवागसंजुत्ता कज्जंति कालोदाई से जहानामए केइ पुरिसे मणुण्णं थालीपागसुद्धं अड्डारसवंजणाकुलं ओसहमिस्सं भोयणं भुंजेज्जा तस्स णं भोयणस्स आवाए नो भइए भवइ तओ पच्छा परिणममाणे-परिणममाणे सुवत्ताए सुवण्णत्ताए जाव सुहत्ताए-नो दुक्खत्ताए भुज्जो-भुज्जो परिणमति एवामेव कालोदाई जीवाणं पाणाइवायवेरमणे जाव परिग्गहवेरमणे कोहविवेगे जाव मिच्छादंसणसल्लविवेगे तस्स णं आवाए नो भइए भवइ तओ पच्छा परिणममाणे-परिणममाणे सुवत्ताए सुवण्णत्ताए जाव सुहत्ताए-नो दुक्खत्ताए भुज्जो-भुज्जो परिणमइ एवं खलु कालोदाई जीवाणं कल्लाणा कम्मा कल्लाणफलविलाग-संजुत्ता कज्जंति । ३०५।-३०५

(३७९) दो भंते पुरिसा सरिसया [सरित्थया सरिब्बया] सरिसभंडमतोवगरणा अण्णमण्णेज सद्धिं अगणिकायं समारंभंति तत्थ णं एगे पुरिसे अगणिकायं उज्जालेइ एगे पुरिसे अगणिकायं निब्बावेइ एएसि णं भंते दोण्हं पुरिसाणं कयरे पुरिसे महाकम्मतराए चेव महाकिरियतराए चेव महासवतराए चेव महावेयणतराए चेव कयरे वा पुरिसे अप्पकम्मतराए चेव [अप्पकिरियतराए चेव अप्पासवतराए चेव] अप्पवेयणतराए चेव जे वा से पुरिसे अगणिकायं उज्जालेइ जे वा से पुरिसे अगणिकायं निब्बावेइ कालोदाई तत्थ णं जे से पुरिसे अगणिकायं उज्जालेइ से णं पुरिसे-महाकम्मतराए चेव महाकिरियतराए चेव महासवतराए चेव महावेयणतराए चेव तत्थ णं जे से

पुरिसे अगणिकायं निव्वावेइ से णं पुरिसे अप्पकम्मताराए चेव अप्पकिरियतराए चेव अप्पासवतराए चेव अप्पवेयणतराए चेव

से केणट्टेणं भंते एवं युच्चइ-तत्थ णं जे से पुरिसे [अगणिकायं उज्जालेइ से णं पुरिसे महा कम्मताराए चेव महाकिरियतराए चेव महासवतराए चेव महावेयणतराए चेव तत्थ णं जे से पुरिसे अगणिकायं निव्वावेइ से णं पुरिसे अप्पकम्मताराए चेव अप्पकिरियतराए चेव अप्पासवतराए चेव] अप्पवेयणतराए चेव कालोदाई तत्थ णं जे से पुरिसे अगणिकायं उज्जालेइ से णं पुरिसे बहुतराणं पुढविक्कायं समारभति बहुतराणं आउक्कायं समारभति अप्पतराणं तेउक्कायं समारभति बहुतराणं वाउकायं समारभति बहुतराणं वणस्सइकायं समारभति बहुतराणं तसकायं समारभति तत्थ णं जे से पुरिसे अगणिकायं निव्वावेइ से णं पुरिसे अप्पतराणं पुढविकायं समारभति अप्पतराणं आउक्कायं समारभति बहुतराणं तेउक्कायं समारभति अप्पातराणं वाउकायं समारभति अप्पतराणं वणस्सइकायं समारभति अप्पतराणं तसकायं समारभति से तेणट्टेणं कालोदायी [एवं युच्चइ-तत्थ णं जे से पुरिसे अगणिकायं उज्जालेइ से णं पुरिसे महाकम्मताराए चेव जाव महावेयणतराए चेव तत्थ णं जे से पुरिसे अगणिकायं निव्वावेइ से णं पुरिसे अप्पकम्मताराए चेव अप्पवेयणतराए] चेव । ३०६।-३०७

(३८०) अत्थि णं भंते अच्चित्ता वि पोग्गला ओभासंति उज्जोवेत्ति तवेत्ति पभासेत्ति हंता अत्थि कयरे णं भंते ते अच्चित्ता वि पोग्गला ओभासंति उज्जोवेत्ति तवेत्ति पभासेत्ति कालोदाई कुद्धस्स अणगारस्स तेय-लेस्सा निसद्धा समाणी दूरं गता दूरं निपतति देसं गता देसं निपतति जहिं-जहिं च णं सा निपतति तहिं-तहिं च णं ते अचित्ता वि पोग्गला ओभासंति [उज्जोवेत्ति तवेत्ति] पभासेत्ति एतेणं कालोदाई ते अचित्तावि पोग्गला ओभासंति [उज्जोवेत्ति तवेत्ति] पभासेत्ति तए णं से कालोदाई अणगारे समणं भगवं महादीरं वंदइ नमंसइ वंदित्ता नमंसित्ता बहूहिं चउत्थ-छट्ठम-दसम-दुवालसेहिं मासद्धमासद्धमणेहिं विचित्तेहिं तवोक्कम्मेहिं] अप्पाणं भावेमाणे विहरइ [तए णं से कालोदाई अणगारे जाव चरमेहिं उस्सास नीसासेहिं सिद्धे बुद्धे मुक्के परिनिव्वुडे] सब्बदुक्खप्पहीणे सेवं भंते सेवं भंते ति । ३०७।-३०७

● सत्तमे सते दसमो जहेसो सप्ततो ● सत्तमं सतं सप्ततं ●

अट्ठमं - सतं

—: प ढ मो—उ हे सो :-

(३८१) पोग्गल आसीविस रुक्ख किरिय आजीव फासुकमदते

पडिणीय बंध आराहणा य दस अट्ठमंमि सते

॥५७॥-५७

(३८२) रायगिहे जाव एवं वदासी-कतिविहा णं भंते पोग्गला पन्नत्ता गोयमा तिविहा पोग्गला पन्नत्ता तं जहा-पयोगपरिणया मीसापरिणया वीससापरिणया । ३०८।-३०८

(३८३) पयोगपरिणया णं भंते पोग्गला कतिविहा पन्नत्ता गोयमा पंचविहा पन्नत्ता तं जहा-एगिंदियपयोगपरिणया बेइंदियपयोगपरिणया तेइंदियपयोगपरिणया चउरिंदियपयोगपरिणया पंचिंदियपयोगपरिणया एगिंदियपयोगपरिणया णं भंते पोग्गला कतिविहा पन्नत्ता गोयमा पंचविहा पन्नत्ता तं जहा-पुढविकाइयएगिंदियपयोगपरिणया आउकाइयएगिंदियपयोगपरिणया तेउकाइयए-गिंदियपयोगपरिणया वाउकाइयएगिंदियपयोगपरिणया वणस्सइकाइयएगिंदियपयोगपरिणया पुढविकाइयएगिंदियपयोगपरिणया णं भंते पोग्गला कतिविहा पन्नत्ता गोयमा दुविहा पन्नत्ता तं

जहा-सुहुमपुढविकाइयएगिंदियपयोगपरिणया बादरपुढविकाइयएगिंदियपयोगपरिणया य आउ-काइयएगिंदियपयोगपरिणया एवं चेव एवं दुयओ भेदो जाव वणस्सइकाइया य बेइंदियपयोगपरिणयाणं पुच्छा गोयमा अणेगविहा पन्नता एवं तेइंदिय-चउरिंदियपयोगपरिणया वि पंचिंदियपयोगपरिणयाणं पुच्छा गोयमा चउच्चिहा पन्नता तं जहा-नेरइयपंचिंदियपयोगपरिणया तिरिक्खमणुस्स देव पंचिंदियपयोगपरिणयाणं नेरइय पंचिंदिय पयोग परिणयाणं पुच्छा गोयमा सत्तविहा पन्नता तं जहा-रयणप्पमपुढविनेरइयपंचिंदियपयोगपरिणया वि जाव अहेसत्तमपुढविनेरइयपंचिंदियपयोगपरिणया वि तिरिक्खजोणियपंचिंदियपयोगपरिणयाणं पुच्छा गोयमा ति विहा पन्नता तं जहा-जल-चरतिरिक्खजोणियपंचिंदियपयोगपरिणया थलचरतिरिक्खजोणियपंचिंदियपयोगपरिणया खहचरतिरिक्खजोणियपंचिंदियपयोगपरिणया जलचरतिरिक्खजोणियपंचिंदियपयोगपरिणयाणं पुच्छा गोयमा दुविहा पन्नता तं जहा-संमुच्छिमजलचरतिरिक्खजोणियपंचिंदियपयोगपरिणया गळ्मवक्कंतियजलचरतिरिक्खजोणियपंचिंदियपयोगपरिणया थलचरतिरिक्खजोणियपंचिंदियपयोगपरिणयाणं पुच्छा गोयमा दुविहा पन्नता तं जहा-चउप्पयथलचरतिरिक्खजोणियपंचिंदियपयोगपरिणया परिसप्पयथलचरतिरिक्खजोणियपंचिंदियपयोगपरिणया चउप्पयथलचरतिरिक्खजोणियपंचिंदियपयोगपरिणयाणं पुच्छा गोयमा दुविहा पन्नता तं जहा-संमुच्छिमचउप्पयथलचरतिरिक्खजोणियपंचिंदियपयोगपरिणया गळ्मवक्कंतियचउप्पयथलचरतिरिक्खजोणियपंचिंदियपयोगपरिणया

एवं एएणं अभिलावेणं परिसप्पा दुविहा पन्नता तं जहा-उरपरिसप्पा य भुयपरिसप्पा य उरपरिसप्पा दुविहा पन्नता तं जहा-संमुच्छिमा य गळ्मवक्कंतिया य एवं भुयपरिसप्पा वि एवं खह-यरा वि मणुस्सपंचिंदियपयोगपरिणयाणं पुच्छा गोयमा दुविहा पन्नता तं जहा-संमुच्छिमणुस्स-पंचिंदियपयोगपरिणया गळ्मवक्कंतियमणुस्सपंचिंदियपयोगपरिणया देवपंचिंदियपयोगपरिणयाणं पुच्छा गोयमा चउच्चिहा पन्नता तं जहा-भवणवासिदेवपंचिंदियपयोगपरिणया एवं जाव वेमाणिया भवणवासिदेवपंचिंदियपयोगपरिणयाणं पुच्छा गोयमा दसविहा पन्नता तं जहा-असुर-कुमारदेवपंचिंदियपयोगपरिणया जाव थणियकुमारदेवपंचिंदियपयोगपरिणया एवं एएणं अभिला-वेणं अडुविहा वाणमंतरा-पिसाया जाव गंधवा जोतिसिया पंचविहा पन्नता तं जहा-चंदविमाण-जोतिसिया जाव ताराविमाणजोतिसियदेवपंचिंदियपयोगपरिणया वेमाणिया दुविहा पन्नता तं जहा-कप्पो-वगवेमाणिया कप्पातीतगवेमाणिया कप्पोवगवेमाणिया दुवालसविहा पन्नता तं जहा-सोहम्मकप्पोवगवेमाणिया जाव अद्युयकप्पोवगवेमाणिया कप्पातीतगवेमाणिया दुविहा पन्नता तं जहा-गेवेज्जगकप्पातीतगवेमाणिया अनुत्तरोववातियकप्पातीतगवेमाणिया गेवेज्जगकप्पातीतगवे-माणिया नवविहा पन्नता तं जहा-हेट्ठिमेहेट्ठिमेवैज्जगकप्पातीतगवेमाणिया जाव उवरिमउवरिमगे-वेज्जगकप्पातीतगवेमाणिया अनुत्तरोववातियकप्पातीतगवेमाणियदेवपंचिंदियपयोगपरिणया णं भंते पोगला कतिविहा पन्नता गोयमा पंचविहा पन्नता तं जहा-विजयअणुत्तरोववातिय [कप्पाती-तगवेमाणियदेवपंचिंदियपयोग] परिणया जाव सब्बइसिद्धअनुत्तरोववातियकप्पातीतगवेमाणिय-देवपंचिंदियपयोगपरिणया

सुहुमपुढविकाइयएगिंदियपयोगपरिणया णं भंते पोगला कतिविहा पन्नता गोयमा दुविहा पन्नता तं जहा-पज्जत्तासुहुमपुढविकाइय एगिंदियपयोग परिणया य अपज्जत्तासुहुमपुढविकाइय

एगिंदियपयोग परिणया य बादरपुढविकाइयएगिंदियपयोगपरिणया एवं चेव एवं जाव वणस्स-इकाइया एक्केका दुविहा सुहुमा य बादरा य पज्जत्ता अपज्जत्ता य भाणियव्वा बेइंदियपयोग-परिणयाणं पुच्छा गोयमा दुविहा पत्रत्ता तं जहा-पज्जत्तगबेइंदियपयोग-परिणया य अपज्जत्तग जाव परिणया य एवं तेइंदिया वि एवं चउरिंदिया वि रयणप्पभपुढविनेरइयपयोगपरिणयाणं पुच्छा गोयमा दुविहा पत्रत्ता तं जहा-पज्जत्तरयणप्पभ जाव परिणया य अपज्जत्तग जाव परिणया य एवं जाव अहेसत्तमा संमुच्छिमज्जलरतिरिक्ख-पुच्छा गोयमा दुविहा पत्रत्ता तं जहा-पज्जत्तग अपज्जत्तग एवं गब्भवक्कंतिया वि संमुच्छिमचउप्पयथलचरा एवं चेव एवं गब्भवक्कंतिया वि एवं जाव संमुच्छिमखहयरगब्भवक्कंतिया य एक्केक्के पज्जत्ता अपज्जत्ता य भाणियव्वा संमुच्छिम-मणुस्सपंचिंदिय-पुच्छा गोयमा एगविहा पत्रत्ता-अपज्जत्ता चेव गब्भवक्कंतियमणुस्सपंचिंदिय पुच्छा गोयमा दुविहा पत्रत्ता तं जहा-पज्जत्तगगब्भवक्कंतिया वि अपज्जत्तगगब्भवक्कंतिया वि असुरकुमारभवणवासिदेवाणं पुच्छा गोयमा दुविहा पत्रत्ता तं जहा-पज्जत्तगअसुरकुमार अपज्जत्त-गअसुरकुमार एवं जाव थणियकुमार पज्जत्ता अपज्जत्ता य

एवं एतेणं अभिलावेणं दुयएणं भेदेणं पिसाया जाव गंधव्वा चंदा जाव तारादिमाणा सोहम्मकप्पोवगा जावद्युतो हेड्डिमहेड्डिम-गेवेज्जकप्पातीत जाव उवरिमउवरिमगेवेज्ज विजयअनुत-रोववाइय जाव अपराजिय सव्वड्डसिद्धकप्पातीत-पुच्छा गोयमा दुविहा पत्रत्ता तं जहा-पज्जत्ता-सव्वड्डसिद्धअनुतरोववाइय अपज्जत्तासव्वड्ड जाव परिणया वि जे अपज्जत्तासुहुमपुढविकाइ-यएगिंदियपयोगपरिणया ते ओरालिय-तेया-कम्मा-सरीरप्पयोगपरिणया जे पज्जत्तासुहुम जाव परिणया ते ओरालिय-तेयाकम्मासरीरप्पयोगपरिणया एवं जाव चउरिंदिया पज्जत्ता नवरं-जे पज्जत्ताबादरवाउकाइयएगिंदियप्पयोगपरिणया ते ओरालिय-वेउव्विय-तेया-कम्मासरीरप्पयोग-परिणया सेसं तं चेव जे अपज्जत्तरयणप्पभापुढविनेरइयपंचिंदियपयोगपरिणया ते वेउव्विय-तेयाकम्मासरीरप्पयोगपरिणया एवं पज्जत्ता वि एवं जाव अहेसत्तमा जे अपज्जत्तासंमुच्छिमजलचर जाव परिणया ते ओरालिय-तेया-कम्मासरीर जाव परिणया एवं पज्जत्ता वि गब्भवक्कंति-यअपज्जत्ता एवं चेव पज्जत्ता णं एवं चेव नवरं-सरीरगाणि चत्तारि जहा बादरवाउकाइयाणं पज्जत्त-गाणं एवं जहा जलचरेसु चत्तारि आलावगा भणिया एवं चउप्पयाउरपरिसप्प-भुयपरिसप्प खहयरेसु वि चत्तारि आलावगा भाणियव्वा जे संमुच्छिममणुस्सपंचिंदियपयोगपरिणया ते ओरालिय-तेया-कम्मास-रीरप्पयोगपरिणया एवं गब्भवक्कंतिया वि अपज्जत्ता वि पज्जत्ता वि एवं चेव नवरं-सरीरगाणि पंच भाणियव्वाणि जे अपज्जत्ताअसुरकुमारभवणवासि जहा नेरइया तहेव एवं पज्जत्ता वि एवं दुयएणं भेदेणं जाव थणियकुमारा एवं पिसाया जाव गंधव्वा चंदा जाव तारादिमाणा सोहम्मकप्पो जावद्युओ हेड्डिमहेड्डिमगेवेज्जग जाव उवरिमउवरिमगेवेज्ज विजयअणुतरोववाइय जाव सव्वड्डसिद्धअनुतरोववाइय एक्केक्के दुयओ पेदो भाणियव्वा जाव जे पज्जत्तासव्वड्ड-सिद्धअनुतरोववाइय कप्पातीतगवेमणियदेवपंचिंदियपयोगपरिणया ते वेउव्विय-तेया-कम्मा सरीरप्पयोगपरिणया जे अपज्जत्तासुहुमपुढविकाइयएगिंदियपयोगपरिणया ते फासिंदियपयोग-परिणया जे पज्जत्ता-सुहुमपुढविकाइय एवं चेव जे अपज्जत्ताबादरपुढविकाइय एवं चेव एवं पज्जत्ता वि एवं चउक्कएणं भेदेणं जाव वणस्सतिकाइया जे अपज्जत्ताबेइंदियपयोगपरिणया ते जिड्ढिंदिय-फासिंदियपयोग-परिणया जे पज्जत्ताबेइंदिय एवं चेव एवं जाव चउरिंदिया नवरं-एक्केक्कं इंदियं

वङ्गदेयव्यं

जे अपञ्जत्तरयण्यमपुढविनेरइयपंचिदियपयोगपरिणया ते सोइंदिय-चकिंखंदिय-धाणि-
दिय-जिब्बिदिय-फासिंदियपयोगपरिणया एवं पञ्जत्ता वि एवं सव्वे भाणियव्वा तिरिक्खजोणिय-
मणुस्स-देवा जाव जे पञ्जत्ता सव्वट्टसिद्धअनुत्तरोववाइय [कम्पातीतगवेमाणियदेवपंचिदियपयोग]
परिणया ते सोइंदिय-चकिंखंदिय [धाणिदिय-जिब्बिदिय-फासिंदियपयोग] परिणया जे अपञ्जत्तासु-
हुमपुढविकाइयएगिंदियओरालिय-तेया-कम्मासरीरपयोगपरिणया ते फासिंदियपयोगपरिणया जे
पञ्जत्तासुहुम एवं चेव बादरअपञ्जत्ता एवं चेव एवं पञ्जत्ता वि एवं एतेणं अभिलावेण जस्स जति
इंदियाणि सरीराणि य तस्स ताणि भाणियव्वाणि जाव जे पञ्जत्तासव्वट्टसिद्धअनुत्तरोववाइय
[कम्पातीतगवेमाणिय] देवपंचिदियवेउब्बिय-तेया-कम्मासरीरपयोगपरिणया ते सोइंदियचकिंख-
दिय जाव फासिंदियपयोगपरिणया जे अपञ्जत्तासुहुमपुढविकाइएगिंदियपयोगपरिणया ते
वण्णओ कालवण्णपरिणया वि नील-लोहिय-हालिह-सुक्किलवण्णपरिणया वि गंधओ सुब्भि-
गंधपरिणया वि दुब्भिमगंधपरिणया वि रसओ तित्तरसपरिणया वि कडुयरसपरिणया वि कसाय-
रसपरिणया वि अंबिलरसपरिणया वि महुसरसपरिणया वि फासओ कक्खडफासपरिणया वि
लुक्खफासपरिणया वि संठाणओ परिमंडलसंठाणपरिणया वि षट्-तंस-चउरंस-आयत-संठाण-
परिणया वि जे पञ्जत्तासुहुमपुढवि एवं चेव एवं जहाणुपुव्वीए नेयव्वं जाव जे पञ्जत्तासव्वट्ट-
सिद्धअनुत्तरोववाइय जाव परिणया ते वण्णओ कालवण्णपरिणया वि जाव आयतसंठाणप-
रिणया वि जे अपञ्जत्तासुहुमपुढविकाइएगिंदियओरालिय-तेया-कम्मासरीरपयोगपरिणया ते
वण्णओ कालवण्णपरिणया वि जाव आयतसंठाणपरिणया वि जे पञ्जत्तासुहुम-पुढविकाइय एवं
चेव एवं जहाणुपुव्वीए नेयव्वं जस्स जइ सरीराणि जाव जे पञ्जत्तासव्वट्टसिद्धअनुत्तरोववाइय-
कम्पातीतगवेमाणियदेवपंचिदियवेउब्बिय-तेया-कम्मासरीरपयोगपरिणया ते वण्णवो कालवण्ण-
परिणया वि जाव आयतसंठाणपरिणया वि जे अपञ्जत्तासुहुमपुढविकाइयएगिंदियफासिंदियप-
योगपरिणया ते वण्णओ कालवण्णपरिणया वि जाव आयतसंठाणपरिणया वि जे पञ्जत्तासुहुमपुढ-
विकाइय एवं चेव एवं जहाणुपुव्वीए जस्स जति इंदियाणि तस्स तति भाणियव्वाणि जाव जे
पञ्जत्तासव्वट्टसिद्धअनुत्तरोववाइयकम्पातीतगवेमाणियदेवपंचिदियसोतिदिय जाव फासिंदियप-
योगपरिणया ते वण्णओ कालवण्णपरिणया वि जाव आयतसंठाणपरिणया वि जे अपञ्जत्तासुहुम-
पुढविकाइयएगिंदियओरालिय-तेया-कम्मा-फासिंदियपयोगपरिणया ते वण्णओ कालवण्णपरि-
णया वि जाव आयतसंठाणपरिणया वि जे पञ्जत्तासुहुमपुढविकाइय एवं चेव एवं जहाणुपुव्वीए
जस्स जति सरीराणि इंदियाणि य तस्स तति भाणियव्वाणि जाव जे पञ्जत्तासव्वट्टसिद्धअनुत्तरोव-
वाइयकम्पातीतगवेमाणियदेवपंचिदियवेउब्बिय-तेया-कम्मासोइंदिय जाव फासिंदियपयोगपरि-
णया ते वण्णओ कालवण्णपरिणया वि जाव आयतसंठाणपरिणया वि एते नव दंडगां।३०९।-३०९

(३८४) मीसापरिणया णं भंते पोग्गला कतिविहा पन्त्ता गोयमा पंचविहा पन्ता तं जहा-
एगिंदियमीसापरिणया जाव पंचिदियमीसापरिणया एगिंदियमीसापरिणया णं भंते पोग्गला
कतिविहा पन्त्ता एवं जहा पयोगपरिणयाहिं नव दंडगा मणिया एवं मीसापरिणयाहिं वि नव दंडगा
भाणियव्वा तहेव सव्वं निरवसेसं नवरं-अभिलाओ मीसापरिणया भाणियव्वं सेसं तं चेव जाव जे
पञ्जत्तासव्वट्टसिद्धअनुत्तरोववाइय जाव आयतसंठाणपरिणया वि।३१०।-३१०

(३८५) वीससापरिणया णं भंते पोगला कतिविहा पत्रत्ता गोयमा पंचविहा पत्रत्ता तं जहा-
वण्णपरिणया गंधपरिणया रसपरिणया फासपरिणया संठाणपरिणया जे वण्णपरिणया ते पंचविहा
पत्रत्ता तं जहा-कालवण्णपरिणया जाव सुक्खिक्कलवण्णपरिणया जे गंधपरिणया ते दुविहा पत्रत्ता तं
जहा-सुब्धिगंधपरिणया दुब्धिगंधपरिणया जे रसपरिणया ते पंचविहा पत्रत्ता तं जहा-तित्तर-
सपरिणया जाव महररसपरिणया जे फासपरिणया ते अट्टविहा पत्रत्ता तं जहा-कक्खडफास-
परिणया जाव लुक्खफासपरिणया जे संठाणपरिणया ते पंचविहा पत्रत्ता तं जहा-परिमंडलसंठाण-
परिणया जाव आयतसंठाणपरिणया जे वण्णओ कालवण्णपरिणया ते गंधओ सुब्धिगंधपरिणया
वि दुब्धिगंधपरिणया वि एवं जहा पन्नवणाए तहेव निरवसेसं जाव जे संठाणओ आयतसंठाण-
परिणया ते वण्णओ कालवण्णपरिणया वि जाव लुक्खफासपरिणया वि । ३११।३।१।

(३८६) एगे भंते दब्बे किं पयोगपरिणए मीसापरिणए वीससापरिणए गोयमा पयोगपरिणए
वा मीसापरिणए वा वीससापरिणए वा जइ पयोगपरिणए किं मणपयोगपरिणए वइपयोगपरिणए
कायपयोगपरिणए गोयमा मणपयोगपरिणए वा वइपयोगपरिणए वा कायपयोगपरिणए वा जइ
मणपयोगपरिणए किं सच्चमणपयोगपरिणए मोसमणपयोगपरिणए सच्चामोसमणपयोगपरिणए
असच्चामोसमणपयोगपरिणए गोयमा सच्चमणपयोगपरिणए वा मोसमणपयोगपरिणए वा सच्च-
मोसमणपयोगपरिणए वा असच्चामोसमणपयोगपरिणए वा जइ सच्चमणपयोगपरिणए किं आरं-
भसच्चमणपयोगपरिणए अणारंभसच्चमणपयोगपरिणए सारंभसच्चमणपयोगपरिणए असारंभ-
सच्चमणपयोगपरिणए समारंभसच्चमणपयोगपरिणए असमारंभसच्चमणपयोगपरिणए गोयमा
आरंभसच्चमणपयोगपरिणए वा जाव असमारंभसच्चमणपयोगपरिणए वा जइ मोसमणपयोगपरि-
णए किं आरंभमोसमणपयोगपरिणए एवं जहा सच्चेणं तथा मोसेणं वि एवं सच्चामोसमणपयोगेणं वि
एवं असच्चामोसमणपयोगेणं वि जइ वइपयोगपरिणए किं सच्चवइपयोगपरिणए मोसवइपयोगपरि-
णए एवं जहा मणपयोगपरिणए तथा वइपयोगपरिणए वि जाव असमारंभवइपयोगपरिणए वा

जइ कायपयोगपरिणए किं ओरालियसरीरकायपयोगपरिणए ओरालियमीसारीरकाय-
पयोगपरिणए वेउब्बियसरीरकायपयोगपरिणए वेउब्बियमीसासरीरकायपयोगपरिणए आहारग-
सरीरकायपयोगपरिणए आहारगमीसासरीरकायपयोगपरिणए कम्मासरीरकायपयोगपरिणए
गोयमा ओरालियसरीरकायपयोगपरिणए वा जाव कम्मासरीरकायपयोगपरिणए वा जइ ओरालि-
यसरीरकायपयोगपरिणए किं एगिंदियओरालियसरीरकायपयोगपरिणए जाव पंचिंदियओरालियं
सरीरकायपयोग परिणए गोयमा एगिंदियओरालियसरीरकायपयोगपरिणए वा जाव पंचिंदियओ-
रालियसरीरकायपयोगपरिणए वा जइ एगिंदियओरालियसरीरकायपयोगपरिणए किं पुढविक्का-
इयएगिंदिय [ओरालियसरीरकायपयोग] परिणए जाव वणस्सइकाइयएगिंदियओरालियसरी-
रकायपयोगपरिणए गोयमा पुढविक्काइयएगिंदियओरालियसरीरकायपयोग परिणए वा जाव
वणस्सइकाइयएगिंदिय [ओरालियसरीरकायपयोग] परिणए वा

जइ पुढविक्काइयएगिंदियओरालियसरीरकायपयोगपरिणए किं सुहुमपुढविक्काइय
जाव परिणए बादरपुढविक्काइय जाव परिणए गोयमा सुहुमपुढविक्काइयएगिंदिय जाव परिणए वा
बादरपुढविक्काइय जाव परिणए वा जइ सुहुमपुढविक्काइय जाव परिणए किं पज्जतासुहुम-
पुढविक्काइय जाव परिणए अपज्जतासुहुमपुढविक्काइय जाव परिणए गोयमा पज्जतासुहुम-

पुढविक्काइय जाव परिणए वा अपज्जत्ता- सुहुमपुढविक्काइय जाव परिणए वा एवं बादरा वि एवं जाव वणस्सइकाइयाणं चउक्कओ भेदो वेइंदिय-तेइंदिय-चउरिंदियाणं दुयओ भेदो-पज्जत्ता य अपज्जत्ता य जइ पंचिंदियओरालियसरीरकायपयोगपरिणए किं तिरिक्खजोणियपंचिंदियओरालियसरीरकायपयोगपरिणए मणुस्सपंचिंदिय जाव परिणए गोयमा तिरिक्खजोणिय जाव परिणए वा मणुस्सपंचिंदिय जाव परिणए वा जइ तिरिक्खजोणिय जाव परिणए किं जलचरतिरिक्खजोणिय जाव परिणए थलचर-खहचर जाव परिणए एवं चउक्कओ भेदो जाव खहचराणं जइ मणुस्स-पंचिंदिय जाव परिणए किं संमुच्छिममणुस्सपंचिंदिय जाव परिणए गम्भवक्कंतियमणुस्स जाव परिणए गोयमा दोसु वि जइ गम्भवक्कंतियमणुस्स जाव परिणए किं पज्जत्तागम्भवक्कंतिय जाव परिणए अपज्जत्तागम्भवक्कंतिय जाव परिणए गोयमा पज्जत्तागम्भवक्कंतिय जाव परिणए वा अपज्जत्तागम्भवक्कंतिय जाव परिणए वा जइ ओरालियमीसासरीरकायपयोगपरिणए किं एगिंदियओरालियमीसासरीरकायपयोगपरिणए वेइंदिय जाव परिणए जाव पंचिंदियओरालिय जाव परिणए गोयमा एगिंदिय- ओरालियमीसासरीरकायपयोगपरिणए एवं जहा ओरालियसरीरकायपयोगपरिणएणं आलावगो भणियो तथा ओरालियमीसासरीरकायपयोगपरिणएणं वि आलावगो भाणियव्वो नवरं-बादरवाउक्काइय-गम्भवक्कंतियपंचिंदियतिरिक्खजोणीय-गम्भवक्कंतियमणुस्साणं-एएसिणं पज्जत्ताप-ज्जत्तागाणं सेसाणं अपज्जत्तागाणं

जइ वेउव्वियसरीरकायपयोगपरिणए किं एगिंदियवेउव्वियसरीरकायपयोगपरिणए एगिंदिय जाव परिणए वा पंचिंदिय जाव परिणए वा जइ एगिंदिय जाव परिणए किं वाउक्काइय-एगिंदिय जाव परिणए अवाउक्काइयएगिंदिय जाव परिणए गोयमा वाउक्काइयएगिंदिय जाव परिणए नो अवाउक्काइयएगिंदिय जाव परिणए एवं एएणं अभिलावेणं जहा ओगाहणसंठाणे वेउव्वियसरीरं भणियं तथा वि भाणियव्वं जाव पज्जत्तासव्वइसिद्धअनुत्तरोववाइयकप्पातीतावे-भाणियदेवपंचिंदियवेउव्वियसरीरकायपयोगपरिणए वा अपज्जत्तासव्वइसिद्धअनुत्तरोववाइय जाव परिणए वा जइ वेउव्वियमीसासरीरकायपयोगपरिणए किं एगिंदियमीसासरीरकायपयोगपरिणए जाव पंचिंदियमीसासरीरकायपयोगपरिणए एवं जहा वेउव्वियं तथा वेउव्वियमीसगं पि नवरं-देव नेरइयाणं अपज्जत्तागाणं सेसाणं पज्जत्तागाणं जाव नो पज्जत्तासव्वइसिद्धअनुत्तरोववाइय जाव परिणए अपज्जत्तासव्वइसिद्धअनुत्तरोववाइयदेवपंचिंदियवेउव्वियमीसासरीरकायपयोगपरिणए जइ आहारगसरीरकायपयोगपरिणए किं मणुस्साहारगसरीरकायपयोगपरिणएअमणुस्साहारग जाव परिणए एवं जहा ओगाहणसंठाणे जाव इइडिपत्तपमत्तसंजयसम्मदिट्ठिपज्जत्तसंखेज्जवासाउय जाव परिणए नो अणिइडिपत्तपमत्तसंजयसम्मदिट्ठिपज्जत्तसंखेज्जवासाउय जाव परिणए जइ आहारगमीसासरीरकायपयोगपरिणए किं मणुस्साहारगमीसासरीरकायपयोगपरिणए एवं जहा आहारगं तहेव मीसगं पि निरवसेसं भाणियव्वं जइ कम्मासरीरकायपयोगपरिणए किं एगिंदिय-कम्मासरीरकायपयोगपरिणए जाव पंचिंदियकम्मासरीरकायपयोगपरिणए गोयमा एगिंदियकम्मासरीरकायपयोगपरिणए एवं जहा ओगाहणसंठाणे कम्मगास्स भेदो तहेव इह वि जाव पज्जत्तासव्वइसिद्धअनुत्तरोववाइय कप्पातीतवेभाणिय देवपंचिंदियकम्मासरीरकायपयोगपरिणए वा अपज्जत्तासव्वइसिद्धअनुत्तरोववाइय जाव परिणए वा जइ मीसापरिणए किं मणमीसापरिणए वइमीसापरिणए कायमीसापरिणए गोयमा मणमीसापरिणए वा वइमीसापरिणए वा कायमीसापरिणए वा जइ

मणमीसापरिणए किं सच्चमणमीसापरिणए मोसमणमीसापरिणए जहा पयोगपरिणए तहा मीसापरिणए वि भाणियव्वं निरवसेसं जाव पञ्जता सव्वडु सिद्ध अनुत्तरोववाइय जाव देवपंचिदियकम्मासरीरगमीसापरिणए वा अपञ्जतासव्वडुसिद्ध अनुत्तरोववाइय जाव कम्मासरीमीसापरिणए वा जइ वीससापरिणए किं वण्णपरिणए गंधपरिणए रसपरिणए फासपरिणए संठाणपरिणए गोयमा वण्णपरिणए वा गंधपरिणए वा रसपरिणए वा फासपरिणए वा संठाणपरिणए वा जइ वण्णपरिणए किं कालवण्णपरिणए जाव सुक्किलवण्णपरिणए गोयमा कालवण्णपरिणए वा जाव सुक्किलवण्णपरिणए वा जइ गंधपरिणए किं सुब्धिगंधपरिणए दुब्धिगंधपरिणए गोयमा सुब्धिगंधपरिणए वा दुब्धिगंधपरिणए वा जइ रसपरिणए किं तित्तरसपरिणए जाव पुच्छा गोयमा तित्तरसपरिणए वा जाव महरुरसपरिणए वा जइ फासपरिणए किं कक्खडफासपरिणए जाव लुक्खफासपरिणए गोयमा कक्खडफासपरिणए जाव लुक्खफासपरिणए जइ संठाणपरिणए जाव पुच्छा गोयमा परिमंडलसंठाणपरिणए वा जाव आयत- संठाणपरिणए वा 1392-312

(३८७) दो भंते दव्वा किं पयोगपरिणया मीसापरिणया वीससापरिणया गोयमा पयोगपरिणया वा मीसापरिणया वा वीससापरिणया वा अहवेगे पयोगपरिणए एगे मीसापरिणए अहवेगे पयोगपरिणए एगे वीससापरिणए अहवेगे मीसापरिणए एगे वीससापरिणए जइ पयोगपरिणया किं मणपयोगपरिणया वइपयोगपरिणया कायपयोगपरिणया गोयमा मणपयोगपरिणया वा वइपयोगपरिणया वा कायपयोगपरिणया वा अहवेगे मणपयोगपरिणए एगे वइपयोगपरिणए अहवेगे मणपयोगपरिणए एगे कायपयोगपरिणए अहवेगे वइपयोगपरिणए एगे कायपयोगपरिणए जि जइ मणपयोगपरिणया किं सच्चमणपयोगपरिणया असच्चमणपयोगपरिणया सच्चमोसमणपयोगपरिणया असच्चमोसमणपयोगपरिणया गोयमा सच्चमणपयोगपरिणया वा जाव असच्चमोसमणपयोगपरिणया वा अहवेगे सच्चमणपयोगपरिणए एगे मोसमणपयोगपरिणए अहवेगे सच्चमणपयोगपरिणए एगे सच्चमोसमणपयोगपरिणए अहवेगे सच्चमणपयोगपरिणए एगे असच्चमोसमणपयोगपरिणए अहवेगे मोसमणपयोगपरिणए एगे सच्चमोसमणपयोगपरिणए अहवेगे मोसमणपयोगपरिणए एगे असच्चमोसमणपयोगपरिणए अहवेगे सच्चमोसमणपयोगपरिणए एगे असच्चमोसमणपयोगपरिणए जइ सच्चमणपयोगपरिणया किं आरंभसच्चमणपयोगपरिणया जाव असमारंभसच्चमणपयोगपरिणया गोयमा आरंभसच्चमणपयोगपरिणया वा जाव असमारंभसच्चमणपयोगपरिणया वा अहवेगे आरंभसच्चमणपयोगपरिणए एगे अणारंभसच्चमणपयोगपरिणए एवं एएणं गमेणं दुयासंजोएणं नेयव्वं सव्वे संजोगा जत्थ जत्तिया उड्डेति ते भाणियव्वं जाव सव्वडुसिद्धगति जइ मीसापरिणया किं मणमीसापरिणया एवं मीसापरिणया वि जइ वीससापरिणया किं वण्णपरिणया गंधपरिणया एवं वीससापरिणया वि जाव अहवेगे चउरसंठाणपरिणए एगे आयतसंठाण परिणए तिण्णि भंते दव्वा किं पयोगपरिणया मीसापरिणया वीससापरिणया गोयमा पयोगपरिणया वा मीसापरिणया वा वीससापरिणया वा अहवेगे पयोगपरिणए दो मीसापरिणया अहवेगे पयोगपरिणए दो वीससापरिणया अहवा दो पयोगपरिणया एगे मीसापरिणए अहवा दो पयोगपरिणया वीससापरिणए अहवेगे मीसापरिणए दो वीससापरिणया अहवा दो मीसापरिणया एगे वीससापरिणए अहवेगे पयोगपरिणए एगे मीसापरिणए एगे वीससापरिणए

जइ पयोगपरिणया किं मणपयोगपरिणया वइपयोगपरिणया कायपयोगपरिणया गोयमा

मणपयोगपरि- णया वा एवं एककासंयोगो दुयासंयोगो तियासंयोगो य भाणियव्वो जइ मण-
पयोगपरिणया किं सच्चमणपयोगपरिणया असच्चमणपयोगपरिणया सच्चमोसमणपयोगपरिणया
असच्चमोसमणपयोगपरिणया गोयमा सच्च मणपयोगपरिणए दो मोसमणपयोगपरिणया एवं
दुयासंयोगो तियासंयोगो भाणियव्वो एत्थ वि तह्वे जाव अह्वेगे तंसंठाणपरिणए एगे चउरंस-
संठाणपरिणए एगे आयतसंठाणपरिणए चत्तारि भंते दव्वा किं पयोगपरिणया मीसापरिणया
वीससापरिणया गोयमा पयोगपरिणया वा मीसापरिणया वा वीससापरिणया वा अह्वेगे पयोगपरि-
णए तिण्णि मीसापरिणया अह्वेगे पयोगपरिणए तिण्णि वीससापरिणया अहवा दो पयोगपरिणया
दो मीसापरिणया अहवा दो पयोगपरिणया दो वीससापरिणया अहवा तिण्णि पयोगपरिणया एगे
मीसापरिणया दो वीससापरिणया अहवा तिण्णि पयोगपरिणया एगा मीसापरिणए अहवा तिण्णि
पयोगपरिणया एगे वीससापरिणए अह्वेगे मीसापरिणए तिण्णि वीससापरिणया अहवा दो
मीसापरिणया दो वीससापरिणया अहवा तिण्णि मीसापरिणया एगे वीससापरिणए अह्वेगे
पयोगपरिणए एगे मीसापरिणए दो वीससापरिणया अह्वेगे पयोगपरिणए दो मीसापरिणया एगे
वीससापरिणए अहवा दो पयोगपरिणया एगे मीसापरिणए एगे वीससापरिणए जइ पयोगपरिणया
किं मणपयोगपरिणया वइपयोगपरिणया कायपयोगपरिणया एवं एणं कमेणं पंव छ सत्त जाव
दस संखेज्जा असंखेज्जा अनंता य दव्वा भाणियव्वदुयासंजोएणं तियासंजोएणं जाव दससंजोएणं
बारससंजोएणं उवजुंजिऊणं जत्थ जत्तिया संजोगा उद्धेति ते सव्वे भाणियव्वा एए पुण जहा
नवमसए पवेसणए भणिहामो तहा उवजुंजिऊण भाणियव्वा जाव असंखेज्जा अनंता एवं चेव नवरं-
एक्कं पदं अब्बहियं जाव अहवा अनंता परिमंडलसंठाणपरिणया जाव अनंता आयतसंठाण-
परिणया।३१३।-३१३

(३८८) एसि णं भंते पोग्गलाणं पयोगपरिणयाणं मीसापरिणयाणं वीससापरिणयाणं य
कयरे कयरेहिंतो [अप्पा वा बहुया वा तुल्ला वा] विसेसाहिंया वा गोयमा सव्वत्थोया पोग्गला पयोग-
परिणया मीसापरिणया अनंतगुणा वीससापरिणया अनंतगुणा सेवं भंते सेवं भंते ति।३१४।-३१४

● अङ्गमे सते पद्यो उद्देशो सप्तमो ●

—: बी ओ—उ हे सो :-

(३८९) कतिविहा णं भंते आसीविसा पन्नत्ता गोयमा दुविहा आसीविसा पन्नत्ता तं जहा-
जातिआसीविसा य कम्मं आसिवसा य जातिआसीविसा णं भंते कतिविहा पन्नत्ता गोयमा चउव्विहा
पन्नत्ता तं जहा-विच्छुयजातिआसीविसे मंडुककजातिआसीविसे उरगजातिआसीविसे मणुस्स-
जातिआसीविसे विच्छुयजातिआसीविसस्स णं भंते केवतिए विसए पन्नत्ते गोयमा पमू णं विच्छुय-
जातिआसीविसे अद्धभरहप्पमाणमेत्तं बोदिं विसेणं विसपरिणयं विसट्टमाणं पकरेत्तए विसए से
विसट्टयाए नो चेव णं संपतोए करेंसु वा करेंति वा करिस्संति वा मंडुककजातिआसीविसस्स णं भंते
केवतिए विसए पन्नत्ते गोयमा पमू णं मंडुककजातिआसीविसे भरहप्पमाणमेत्तं बोदिं विसेणं
विसपरिणयं [विसट्टमाणं पकरेत्तए विसए से विसट्टयाए नो चेव णं संपतीए करेंसु वा करेंति वा]
करिस्संति वा उरगजातिआसीविसस्स णं भंते केवतिए विसए पन्नत्ते [गोयमा पमू णं उरगजाति-
आसीविसे जंबुद्दीवप्पमाणमेत्तं बोदिं विसेणं विसपरिणयं पमू णं उरगजातिआसीविसे जंबुद्दी-
वप्पमाणमेत्तं बोदि विसेणं विसपरिणयं विसट्टमाणं पकरेत्तए विसए से विसट्टयाए नो चेव णं

संपत्तीए करेंसु वा करेंति वा। करिस्संति वा मणुस्सजातिआसीविसस्स णं भंते केवतिए विसए पज्जे
[गोयमा भमू णं मणुस्सजातिआसीविसे समयखेत्तप्पमाणमेत्तं बोद्धं विसेणं विसपरिगयं विसट्ठमाणं
पकरेत्तए विसए से विसट्ठयाए नो चेव णं संपत्तीए करेंसु वा करेंति वा। करिस्संति वा

जइ कम्मआसीविसे किं नेरइयकम्मआसीविसे तिरिक्खजोणियकम्मआसीविसे मणुस्स-
कम्मआसीविसे देवकम्मआसीविसे गोयमा नो नेरइयकम्मआसीविसे तिरिक्खजोणियकम्मआसीविसे
वि मणुस्सकम्मआसीविसे वि देवकम्मआसीविसे वि जइ तिरिक्खजोणियकम्मआसीविसे किं एगिंदियति-
रिक्खजोणियकम्मआसीविसे जाव पंचिंदियतिरिक्खजोणियकम्मआसीविसे गोयमा नो एगिंदियति-
रिक्खजोणियकम्मआसीविसे जाव नो चउरिंदियतिरिक्खजोणियकम्मआसीविसे पंचिंदियतिरिक्ख-
जोणियकम्मआसीविसे जइ पंचिंदियतिरिक्खजोणियकम्मआसीविसे किं संमुच्छिपंचिंदियतिरिक्ख-
जोणियकम्मआसीविसे गम्भवक्कंतियपंचिंदियतिरिक्खजोणियकम्मआसीविसे एवं जहा वेउब्बियसरी-
रस्स मेदो जाव पज्जतासंखेज्जवासाउय गम्भवक्कंतियपंचिंदियतिरिक्खजोणियकम्मआसीविसे नो अप-
ज्जतासंखेज्जवासाउय जाव कम्मआसीविसे जइ मणुस्सकम्मआसीविसे किं संमुच्छिमणुस्सकम्मआसी-
विसे गम्भवक्कंतियमणुस्सकम्मआसीविसे गोयमा नो संमुच्छिमणुस्सकम्मआसीविसे गम्भव-
क्कंतियमणुस्सकम्मआसीविसे एवं जहा वेउब्बियसरीरं जाव पज्जतसंखेज्जवासउयकम्मभूमागम्भ-
वक्कंतियमणुस्सकम्मआसीविसे नो अपज्जता जाव कम्मआसीविसे

जइ देवकम्मआसीविसे किं भवणवासिदेवकम्मआसीविसे जाव वेमाणियदेवकम्मआसीविसे
गोयमा भवणवासिदेवकम्मआसीविसे वाणमंतर-जोतिसिय-वेमाणियदेवकम्मआसीविसे वि जइ भव-
णवासिदेवकम्मआसीविसे किं असुरकुमारभवणवासिदेवकम्मआसीविसे जाव धणियकुमारभवणवा-
सिदेवकम्मआसीविसे गोयमा असुरकुमारभवणवासिदेवकम्मआसीविसे वि जाव धणियकुमारभवण-
वासिदेवकम्मआसीविसे वि जइ असुरकुमारभवणवासिदेवकम्मआसीविसे किं पज्जताअसुरकुमार-
भवणवासिदेवकम्मआसीविसे अपज्जताअसुरकुमारभवणवासिदेवकम्मआसीविसे गोयमा नो पज्जता-
असुरकुमारभवणवासिदेवकम्मआसीविसे अपज्जताअसुरकुमारभवणवासिदेवकम्मआसीविसे एवंजाव
धणियकुमाराणं जइ वाणमंतरदेवकम्मआसीविसे किं पिसायवाणमंतरदेवकम्मआसिविसे एवं सव्वेसिं
अपज्जत्तगाणं जोइसियाणं सव्वेसिं अपज्जत्तगाणं जइ वेमाणियदेवकम्मआसीविसे किं कप्पोवा-
वेमाणियदेवकम्मआसीविसे कप्पातीयावेमाणियदेवकम्मआसीविसे गोयमा कप्पोवावेमाणियदेव-
कम्मआसीविसे नो कप्पातीयावेमाणियदेवकम्मआसीविसे जइ कप्पोवावेमाणियदेवकम्मआसीविसे किं
सोहम्मकप्पोवावेमाणियदेवकम्मआसीविसे जाव अच्चुकप्पोवावेमाणियदेवकम्मआसीविसे गोयमा सो-
हम्मकप्पोवावेमाणियदेवकम्मआसीविसे वि जाव सहस्सारकप्पोवावेमाणियदेवकम्मआसीविसे वि नो
आणयकप्पोवावेमाणियदेवकम्मआसीविसे जाव नो अच्चुकप्पोवावेमाणियदेवकम्मआसीविसे जइ सो-
हम्मकप्पोवा वेमाणियदेव कम्मआसीविसे किं पज्जतासोहम्मकप्पोवावेमाणियदेवकम्मआसीविसे अपज्ज-
तासोहम्मकप्पोवावेमाणियदेवकम्मआसीविसे गोयमा नो पज्जतासोहम्मकप्पोवावेमाणियदेवकम्म-
आसीविसे अपज्जतासोहम्मकप्पोवावेमाणियदेवकम्मआसीविसे एवं जाव नो पज्जतासहस्सारकप्पोवा-
वेमाणियदेवकम्मआसीविसे अपज्जतासहस्सारकप्पोवावेमाणियदेवकम्मआसीविसे । ३१५।-३१६

(३१०) दस ठाणाइं छउमत्थे सव्वभावेणं न जाणइ न पासइ तं जहा-धम्मत्थिकायं
अधम्मत्थिकायं आगासत्थिकायं जीवं असरीरपडिबद्धं परमाणुपोग्गलं सद्दं गंधं वातं अयं जिणे

भविस्सइ वा न वा भविस्सइ अयं सव्वदुक्खाणं अंतं करेस्सइ वा न वा करेस्सइ एयाणि चेव उप्पन्नानाणंदसणधरे अरहा जिणे केवली सव्वपावेणं जाणइ-पासइ तं जहा-धम्मत्थिकायं [अधम्म-त्थिकायं आगासत्थिकायं जीवं असरीरपडिबद्धं परमाणुपोग्गलं सद्दं गंधं दातं अयं जिणे भविस्सइ वा न वा भविस्सइ अयं सव्वदुक्खाणं अंतं] करेस्सइ वा न वा करेस्सइ । ३१६।-३१८

(३१९) कतिविहे णं भंते नाणे पन्नते गोयमा पंचविहे नाणे पन्नते तं जहा-आभिणि-बोहियनाणे सुयनाणे ओहिनाणे मनपञ्चवनाणे केवलनाणे से किं तं आभिणिबोहियनाणे आभिणिबोहियनाणे चउव्विहे पन्नते तं जहा-ओग्गहो ईहा अवाओ धारणा एवं जहा रायप्पसेणइअं नाणाणं भेदो तहेव इह भाणियव्वो जाव सेतं केवलनाणे अन्नाणे णं भंते कतिविहे पन्नते गोयमा तिविहे पन्नते तं जहा-मइअन्नाणे सुयअन्नाणे विभंगनाणे से किं तं मइअन्नाणे मइअन्नाणे चउव्विहे पन्नते तं जहा-ओग्गहो ईहा अवाओ धारणा से किं तं ओग्गहे ओग्गहे दुविहे पन्नते तं जहा-अत्थोग्गहे य वंजणोग्गहे य एवं जहेव आभिणिबोहियनाणं तहेव नवरं-एगद्धियवज्जं जाव नोइ-दियधारणा सेतं धारणा सेतं मइअन्नाओ से किं तं सुयअन्नाणे सुयअन्नाणे-जं इमं अन्नाणिएहिं मिच्छादिट्ठिएहिं सच्छंदबुद्धि-मइ-विग्गपियं तं जहा-भारहं रामायणं जहा नंदीए जाव वत्तारि वेदा संगोवंगा सेतं सुयन्नाणे

से किं तं विभंगनाणे विभंगनाणे अणेगविहे पन्नते तं जहा-गामसंठिए नगरसंठिए जाव सण्णिवेससंठिए दीवसंठिए समुहसंठिए वाससंठिए वासहरसंठिए पव्वयसंठिए रुक्खसंठिए धूमसंठिए हयसंठिए गयसंठिए नरसंठिए किन्नरसंठिए किंपुरिससंठिए महोरगसंठिए गंधव्वसंठिए उसभसंठिए पसुसंठिए पसयसंठिए विहगसंठिए वानरसंठिए-नाणासंठिणसंठिए पन्नते जीवा णं भंते किं नाणी अन्नाणी गोयमा जीवा नाणी वि अन्नाणी वि जे नाणी ते अत्येगतिया दुन्नाणी अत्ये-गतिया तिन्नाणी अत्येगतिया चउनाणी अत्येगतिया एगनाणी जे दुन्नाणी ते आभिणिबोहियनाणी सुयनाणी य जे जिन्नाणी ते आभिणिबोहियनाणी सुयनाणी ओहिनाणी अहवा आभिणिबोहियनाणी सुयनाणी मणपञ्चवनाणी जे चउनाणी ते आभिणिबोहियनाणी सुयनाणी ओहिनाणी मणपञ्चव-नाणी जे एगनाणी ते नियमा केवलनाणी जे अन्नाणी ते अत्येगतिया दुअन्नाणी अत्येगतिया तिअन्नाणे जे दुअन्नाणे ते मइअन्नाणे सुयअन्नाणी य जे तिअन्नाणी ते मइअन्नाणे सुयअन्नाणी विभंगनाणी

नेरइया णं भंते किं नाणी अन्नाणी गोयमा नाणी वि अन्नाणे वि जे नाणी ते नियमा तिन्नाणी तं तहा-आभिणिबोहियनाणी सुयनाणी ओहिनाणी जे अन्नाणी ते अत्येगतिया दुअन्नाणी अत्येगतिया तिअन्नाणी एवं तिण्णि अन्नाणि भयणाए असुरकुमारा णं भंते किं नाणी अन्नाणी जहेव नेरइया तहेव तिण्णि नाणाणि नियमा तिण्णि अन्नाणाणि भयणाए एवं जाव यणियकुमारा पुडविक्काइया णं भंते किं नाणी अन्नाणी गोयमा नो नाणी अन्नाणी जे अन्नाणी ते नियमा दुअन्नाणी-मइअन्नाणी सुयअन्नाणी य एवं जाव वणस्सइकाइया बेइंदियाणं पुच्छा गोयमा नाणी वि अन्नाणी वि जे नाणी ते नियमा दुन्नाणी तं जहा-आभिणिबोहियनाणी सुयनाणी य जे अन्नाणी ते नियमा दुअन्नाणी तं जहा-मइअन्नाणी सुयअन्नाणी य एवं तेइंदिय-चउरिंदिया वि पंधिंदिय-तिरिक्खजोणियाणं पुच्छा गोयमा नाणी वि अन्नाणे वि जे नाणी ते अत्येगतिया दुन्नाणी अत्ये-गतिया तिन्नाणी जे अन्नाणी ते अत्येगतिया दुअन्नाणी अत्येगतिया तिअन्नाणी एवं तिण्णि-

नाणाणि तिण्णि अन्नाणाणि भयणाए मणुस्सा जहा जीवा तहेव पंचनाणाणि तिण्णि अन्नाणाणि भयणाए वाणमंतरा जहा नेरइया जोइसियवेमाणियाणं तिण्णि नाणाणि तिण्णि अन्नाणाणि नियमा सिद्धाणं भंते पुच्छा गोयमा नाणी नो अन्नाणी नियमा एगनाणी-केवलनाणी । ३१७।-३१७

(३१२) निरयगतिया णं भंते जीवा किं नाणी अन्नाणी गोयमा नाणी वि अन्नाणि वि तिण्णि नाणाइं नियमा तिण्णि अन्नाणाइं भयणाइं तिरियगतिया णं भंते जीवा किं नाणी अन्नाणी गोयमा दो नाणा दो अन्नाणा नियमा मणुस्सगतिया णं भंते जीवा किं नाणी अन्नाणी गोयमा तिण्णि नाणाइं भयणाए दो अन्नाणाइं नियमा देवगतिया जहा निरयगतिया सिद्धगतिया णं भंते जीवा किं नाणी जहा सिद्धा सइंदिया णं भंते जीवा किं नाणी अन्नाणी गोयमा चत्तारि नाणाइं तिण्णि अन्नाणाइं-भयणाए एगिंदिया णं भंते जीवा किं नाणी जहा पुढविकाइया वेइंदिय-तेइंदिय-चउरिंदिया णं दो नाणा दो अन्नाणा नियमा पंचिंदिया जहा संइंदिया अण्णिंदिया णं भंते जीवा किं नाणी जहा सिद्धा सकाइया णं भंते जीवा किं नाणी अन्नाणी गोयमा पंच नाणाइं तिण्णि अन्नाणाइं-भयणाए पुढवि-क्काइया जाव वणस्सइकाइया नो नाणी अन्नाणी नियमा दुअन्नाणी तं. मइअन्नाणी य सुयअन्ना-णी य तसकाइया जहा सकाइया अकाइया णं भंते जीवा किं नाणी जहा सिद्धा सुहुभा णं भंते जीवा किं नाणी जहा पुढविकाइया, बादरा णं भंते जीवा किं नाणी जहा सकाइया नोसुहुमा-नोबादरा णं भंते जीवा किं नाणी जहा सिद्धा, पज्जता णं भंते जीवा किं नाणी जहा सकाइया, पज्जता णं भंते ने-रइया किं नाणी तिण्णि नाणा, तिण्णि अन्नाणानियमा जहा नेरइया एवं यणियकुमारा पुढविकाइया जहा एगिंदिया एवं जाव चउरिंदिया पज्जता णं भंते पंचिंदियतिरिक्खजोणिया किं नाणी अन्नाणी तिण्णि नाणा तिण्णि अन्नाणा-भयणाए मणुस्सा जहा सकाइया वाणमंतरा जोइसिय-वेमाणिया जहा नेरइया अपज्जता णं भंते जीवा किं नाणी अन्नाणी तिण्णि नाणा तिण्णि अन्नाणा-भयणाए अपज्जता णं भंते नेरइया किं नाणी अन्नाणी तिण्णि नाणा नियमा तिण्णि अन्नाणा भयणाए एवं जाव यणियकुमारा पुढविकाइया जाव वणस्सइकाइया जहा एगिंदिया, वेइंदियाणं पुच्छा दो नाणा दो अन्नाणा-नियमा एवं जाव पंचिंदियतिरिक्खजोणियाणं अपज्जत्तगा णं भंते मणुस्सा किं नाणी अन्नाणी तिण्णि नाणाइं भयणाए दो अन्नाणाइं नियमा वाणमंतरा जहा नेरइया अपज्जत्तगाणं जोइसिय-वेमाणियाणं तिण्णि नाणा तिण्णि अन्नाणा-नियमा नोपज्जत्तगा-नोअपज्जत्तगा णं भंते जीवा किं नाणी जहा सिद्धा निरयभवत्था णं भंते जीवा किं नाणी अन्नाणी जहा निरयगतिया, तिरियभवत्थाणं भंते जीवा किं नाणी अन्नाणी तिण्णि नाणा तिण्णि अन्नाणा-भयणाए, मणुस्स-भवत्था जहा सकाइया देवभवत्था णं भंते जहा निरयभवत्था अभवत्था जहा सिद्धा, भवसिद्धिया णं भंते जीवा किं नाणी जहा सकाइया अभवसिद्धियाणं पुच्छा गोयमा नो नाणी अन्नाणी तिण्णि अण्णाइं भयणाए नोभवसिद्धिया-नोअभवसिद्धिया णं भंते जीवा किं नाणी जहा सिद्धा सण्णीणं पुच्छा जहा सइंदिया असण्णी जहा वेइंदिया नोसण्णी-नोअसण्णी जहा सिद्धा । ३१८।-३१९

(३१३) कतिविहा णं भंते लद्धी पज्जता गोयमा दसविहा लद्धी पज्जता तं जहा- नाणलद्धी दंसणलद्धी चरित्तलद्धी चरित्तचरित्तलद्धी दाणलद्धी लाभलद्धी भोगलद्धी उवभोगलद्धी वीरिय-लद्धी इंदियलद्धी, नाणलद्धी णं भंते कतिविहा पज्जता गोयमा पंचविहा पज्जता तं जहा-आभिणि-बोहियनाणलद्धी जाव केवलनाणलद्धी अन्नाणलद्धी णं भंते कतिविहा पज्जता गोयमा तिविहा पज्जता तं जहा-मइअन्नाणलद्धी सुयअन्नालद्धी विभंगनाणलद्धी दंसणलद्धी णं भंते कतिविहा

પત્રતા ગોયમા તિવિહા પત્રતા તં જહા-સમ્મદંસળલહ્હી મિચ્છાદંસળલહ્હી સમ્મામિચ્છાદંસળલહ્હી ચરિત્તલહ્હી ણં મંતે કતિવિહા પત્રતા ગોયમા પંચવિહા પત્રતા તં જહા-સામાઈયચરિત્તલહ્હી છેદો-વદ્ધાવણિયચરિત્તલહ્હી પરિહારવિસુદ્ધચરિત્તલહ્હી સુહમસંપરાયચરિત્તલહ્હી અહક્રાચરિત્તલહ્હી, ચરિતાચરિત્તલહ્હી ણં મંતે કતિવિહા પણ્ણતા ગોયમા ઇગાગારા પત્રતા એવં જાવ ઉવ-ભોગલહ્હી ઇગાગારા પત્રતા વીરિયલહ્હી ણં મંતે કતિવિહા પત્રતા ગોયમા તિવિહા પત્રતા તં જહા-બાલવીરિય-લહ્હી પંડિયલીરિયલહ્હી બાલપંડિયવીરિયલહ્હી ઇંદિયલહ્હી ણં મંતે કતિવિહા પત્રતા ગોયમા પંચવિહા પત્રતા તં જહા-સોંદિયલહ્હી જાવ ફાસિંદિયલહ્હી નાળલહ્હિયા ણં મંતે જીવા કિં નાળી અણ્ણાળી ગોયમા નાળી નો અણ્ણાળી અત્યેગતિયા દુન્નાળી એવં પંચ નાળાં મયળાએ તસ્સ અલહ્હિયા ણં મંતે જીવા કિં નાળી અન્નાળી ગોયમા નો નાળી અન્નાળી અત્યેગતિયા દુઅન્નાળી તિણ્ણિ અન્નાળા મયળાએ આમિણિબોહિયનાળલહ્હિયા ણં મંતે જીવા કિં નાળી અણ્ણાળી ગોયમા નાળી નો અણ્ણાળી અત્યેગતિયા દુન્નાળી ચત્તારિ નાળાં મયળાએ તસ્સ અલહ્હિયા ણં મંતે જીવા કિં નાળી અણ્ણાળી ગોયમા નાળી વિ અણ્ણાળી વિ જે નાળી તે નિયમા ઇગનાળી-કેવલનાળી જે અણ્ણાળી તે અત્યેગતિયા દુઅણ્ણાળી તિણ્ણિ અન્નાં મયળાએ એવં સુયનાળલહ્હિયા વિ તસ્સ અલહ્હિયા વિ જહા આમિણિબોહિયનાળસસ અલહ્હિયા

ઓહિનાળલહ્હિયાં પુચ્છા ગોયમા નાળી નો અણ્ણાળી અત્યેગતિયા તિન્નાળી અત્યેગતિયા ચડનાળી જે તિન્નાળી તે આમિણિબોહિયનામી સુયનાળી ઓહિનાળી જે ચડનાળી તે આમિણિ-બોહિયનાળી સુયનાળી ઓહિનાળી મળપણ્ણવનાળી તસ્સ અલહ્હિયાણં પુચ્છા ગોયમા નાળી વિ અન્નાળી વિ એવં ઓહિનાળવજ્ઞાં ચત્તારિ નાળાં તિણ્ણિ અણ્ણાળાં-મયળાએ મળપણ્ણવનાળ-લહ્હિયાણં પુચ્છા ગોયમા નાળી નો અન્નાળો અત્યેગતિયા તિન્નાળી અત્યેગતિયા ચડનાળી જે તિન્નાળો તે આમિણિબોહિયનાળી સુયનાળી મળપણ્ણવનાળી જે ચડનાળી તે આમિણિબોહિયનાળી સુયનાળી ઓહિનાળી મળપણ્ણવનાળી તસ્સ અલહ્હિયાણં પુચ્છા ગોયમા નાળી વિ અન્નાળી વિ મળપણ્ણવનાળવજ્ઞાં ચત્તારિ નાળાં તિણ્ણિ અન્નાળાં-મયળાએ કેવલનાળલહ્હિયા ણં મંતે જીવા કિં નાળી અન્નાળી ગોયમા નાળી નો અન્નાળી નિયમા ઇગનાળી-કેવલનાળી તસ્સ અલહ્હિયાણં પુચ્છા ગોયમા નાળી વિ અન્નાળી વિ કેવલનાળવજ્ઞાં ચત્તારિ નાળાં તિણ્ણિ અન્નાળાં-મયળાએ, અન્નાળલહ્હિયાણં પુચ્છા ગોયમા નો નાળી અણ્ણાળી તિણ્ણિ અન્નાળાં મયળાએ તસ્સ અલહ્હિયાણં પુચ્છા ગોયમા નાળી નો અણ્ણાળી પંચ નાળાં મયળાએ જહા અન્નાળસસ ય લહ્હિયા અલહ્હિયા ય મળિયા એવં મહાઅન્નાળસસ સુયઅન્નાળસસ ય લહ્હિયા અલહ્હિયા ય મળિયવ્વા વિપંગનાળ-લહ્હિયાણં તિણ્ણિ અન્નાળાં નિયમા તસ્સ અલહ્હિયાણં પંચ નાળાં મયળાએ દો અન્નાળાં નિયમા

દંસળલહ્હિયા ણં મંતે જીવા કિં નાળી અણ્ણાળી ગોયમા નાળી વિ અન્નાળી વિ પંચ નાળાં તિણ્ણિ અન્નાળાં-મયળાએ તસ્સ અલહ્હિયા ણં મંતે જીવા કિં નાળી અણ્ણાળી ગોયમા તસ્સ અલહ્હિયા નત્થિ સમ્મદંસળલહ્હિયાણં પંચ નાળાં મયળાએ તસ્સ અલહ્હિયાણં તિણ્ણિ અન્નાળાં મયળાએ મિચ્છાદંસળલહ્હિયાણં તિણ્ણિ અન્નાળાં મયળાએ તસ્સ અલહ્હિયાણં પંચ નાળાં તિણ્ણિ ય અન્નાળાં-મયળાએ સમ્મામિચ્છાદંસળલહ્હિયા અલહ્હિયા ય જહા મિચ્છાદંસળલહ્હિયા અલહ્હિયા તહેવ મળિયવ્વા, ચરિત્તલહ્હિયા ણં મંતે જીવા કિં નાળી અણ્ણાળી ગોયમા પંચ નાળાં મયળાએ તસ્સ અલહ્હિયાણં મળપણ્ણવનાળવજ્ઞાં ચત્તારિ નાળાં તિણ્ણિ ય અણ્ણાળાં-મયળાએ સામાઈ-

यचरित्तलद्धिया णं भंते जीवा किं नाणी अण्णाणी गोयमा नाणी-केवलवज्जाई चत्तारि नाणाईं भयणाए तस्स अलद्धियाणं पंच नाणाईं तिण्णि य अन्नाणाईं-भयणाए एवं जहा सामाद-यचरित्तलद्धिया अलद्धीया य भणिया, एवं जाव अहक्खायचरित्तलद्धीया अलद्धीया य भाणियच्चा नवरं-अहक्खायचरित्तलद्धीयाणं पंच नाणाईं भयणाए चरित्ताचरित्त- लद्धिया णं भंते जीवा किं नाणी अन्नाणी गोयमा नाणी नो अण्णाणी अत्येगत्तिया दुण्णाणी अत्येगत्तिया तिण्णाणी जे दुण्णाणी से आभिणिबोहियनाणी य सुयनाणी य जे तिण्णाणी ते आभिणि-बोहियनाणी सुयनाणी ओहिनाणी, तस्स अलद्धियाणं पंच नाणाईं तिण्णि अण्णाणाईं-भयणाए दाणलद्धियाणं पंच नाणाईं तिण्णि अण्णाणाईं-भयणाए तस्स अलद्धीयाणं पुच्छा गोयमा नाणी नो अण्णाणी नियमा एगनाणी-केवलनाणी एवं जाव वीरियस्स लद्धीया अलद्धीया य भाणियच्चा

बालवीरियलद्धियाणं तिण्णि नाणाईं तिण्णि अन्नाणाईं-भयणाए तस्स अलद्धियाणं पंच नाणाईं भयणाए पंडियवीरियलद्धियाणं पंच नाणाईं भयणाए तस्स अलद्धीयाणं मणपज्ज-वनाण-वज्जाईं नाणाईं, अन्नाणाणि य भयणाए बालपंडिवीरियलद्धियाणं तिण्णि नाणाईं भयणाए तस्स अलद्धीयाणं पंच नाणाईं तिण्णि अण्णाणाईं-भयणाए इंदियलद्धिया णं भंते जीवा किं नाणी अण्णाणी गोयमा चत्तारि नाणाईं, तिण्णि य अण्णाणाईं-भयणाए तस्स अलद्धियाणं पुच्छा गोयमा नाणी नो अण्णाणी नियमा एगनाणी-केवलनाणी सोईदियलद्धिया णं जहा इंदियलद्धिया तस्स अलद्धियाणं पुच्छा गोयमा नाणी वि अण्णाणी वि जे नाणी ते अत्येगत्तिया दुण्णाणी अत्येगत्तिया एगनाणी जे दुण्णाणी ते आभिणिबोहियनाणी सुयनाणी जे एगनाणी ते केवलनाणी जे अण्णाणी ते नियमा दुअण्णाणी, तं जहा-मइअण्णाणी य सुयअण्णाणी य । चक्खिदिय-धाणिदियाणं लद्धीया अलद्धीया य जहेव सोईदियस्स जिब्बिदियलद्धियाणं चत्तारि नाणाईं तिण्णि य अण्णाणाईं-भयणाए तस्स अलद्धियाणं पुच्छा गोयमा नाणी वि अण्णाणी वि जे नाणी ते नियमा एगनाणी-केवलनाणी जे अण्णाणी ते नियमा दुअण्णाणी तं जहा-मइअण्णाणी य सुयअण्णाणी य फासिंदियलद्धीया अलद्धीया य जहा इंदियलद्धिया अलद्धीया य । ३१९१-३२०

(३१४) सागारोवउत्ता णं भंते जीवा किं नाणी अण्णाणी पंच नाणाईं तिण्णि अण्णाणाईं-भयणाए आभिणिबोहियनाणसागारोवउत्ता णं भंते चत्तारि नाणाईं भयणाए एवं सुयनाण-सागारोवउत्ता वि ओहिनाणसागारोवउत्ता जहा ओहिनाणलद्धिया मणपज्जवनाणसागारोवउत्ता जहा मणपज्जवनाणलद्धीया केवलनाणसागारोवउत्ता जहा केवलनाण लद्धीया मइअन्नाणसागारोवउ-त्ताणं तिण्णि अण्णाणाईं भयणाए एवं सुयअन्नाण- सागारोवउत्ता वि विभंगनाणसागारोवउत्ताणं तिण्णि अण्णाणाईं नियमा अण्णागारोवउत्ता णं भंते जीवा किं नाणी अण्णाणी पंच नाणाईं, तिण्णि अण्णाणाईं-भयणाए एवं चक्खुदंसण-अचक्खुदंसणअण्णागारोवउत्ता वि नवरंचत्तारि नाणाईं तिण्णि अण्णाणाईं-भयणाए ओहिदंसणअण्णागारोवउत्ताणं पुच्छा गोयमा नाणी वि अण्णाणी वि जे नाणी ते अत्येगत्तिया तिण्णाणी अत्येगत्तिया चउनाणी जे तिण्णाणी ते आभिणिबोहियनाणी सुयनाणी ओहिनाणी जे चउनाणी ते आभिणिबोहियनाणी जाव मणपज्जवनाणी जे अण्णाणी ते नियमा तिअण्णाणी तं जहा-मइअण्णाणी सुयअण्णाणी विभंगनाणी, केवलदंसणगारोवउत्ता जहा केवलनाणलद्धिया

सजोगी णं भंते जीवा किं नाणी अण्णाणी जहा सकाईया एवं मणजोगी वइजोगी कायजोगी

वि अजोगी जहा सिद्धा सलेस्सा णं भंते जीवा किं नाणी अण्णाणी जहा सकाइया, कण्हलेस्सा णं भंते जीवा किं नाणी अण्णाणी जहा सईदिया एवं जाव पण्हलेस्सा सुकूकलेस्सा जहा सलेस्सा अलेस्सा जहा सिद्धा सकसाई णं भंते जीवा किं नाणी अण्णाणी जहा सईदिया एवं जाव लोभकसाई अकसाई णं भंते जीवा किं नाणी अण्णाणी पंच नाणाई भयणाए सवेदगा णं भंते जीवा किं नाणी अण्णाणी जहा सईदिया एवं इत्थिवेदगा वि एवं परिसवेदगा वि एवं नपुंसग वेदगा वि अवेदगा जहा अकसाई आहारगा णं भंते जीवा किं नाणी अण्णाणी जहा सकसाई नवरं-केवलनाणं पि अणाहारगा णं भंते जीवा किं नाणी अण्णाणी मणपज्जनाण वज्जाइं नाणाई अण्णाणाई तिण्णि-भयणाए । ३२१।-३२१

(३१५) आभिणिबोहियनाणस्स णं भंते केवतिए विसए पत्रत्ते गोयमा से समासओ चउव्विहे पत्रत्ते तं जहा-दव्वओ खेतओ कालओ भावओ दव्वओ णं आभिणिबोहियनाणी आएसेणं सव्वदव्वाइं जाणइ-पासइ खेतओ णं आभिणिबोहियनाणी आएसेणं सव्वं खेतं जाणइ-पासइ कालओ णं [आभिणिबोहियनाणी आएसेणं सव्वं कालं जाणइ-पासइ] भावओ णं [आभिणिबोहिय नाणी आएसेणं सव्वे भावे जाणइ-पासइ, सुयनाणस्स णं भंते केवतिए विसए पत्रत्ते गोयमा से समासओ चउव्विहे पत्रत्ते तं जहा-दव्वओ खेतओ कालओ भावओ दव्वओ णं सुयनाणी उवउत्ते सव्वदव्वाइं जाणइ-पासइ खेतओ णं [सुयनाणी उवउत्ते सव्वखेतं जाणइ-पासइ] कालओ णं [सुयनाणी उवउत्ते सव्वकालं जाणइ-पासइ] भावओ णं सुयनाणी उवउत्ते सव्वभावे जाणइ-पासइ ओहिनाणस्स णं भंते केवतिए विसए पत्रत्ते गोयमा से समासओ चउव्विहे पत्रत्ते तं जहा-दव्वओ खेतओ कालओ भावओ दव्वओ णं ओहिनाणी [जहण्णेणं अणंताइं रुविदव्वाइं जाणइ-पासइ उक्कोसेणं सव्वाइं रुविदव्वाइं जाणइ-पासइ खेतओ णं ओहिनाणी जहण्णेणं अंगुलस्स असंखेज्ज-इभागं जाणइ-पासइ उक्कोसेणं असंखेज्जाइं अलोगे लोयमेत्ताइं खंडाई जाणइ-पासइ कालओ णं ओहिनाणी जहण्णेणं आवलियाए असंखेज्जभागं जाणइ-पासइ उक्कोसेणं असंखेज्जाओ ओस-प्पिणीओ उस्सप्पिणीओ अईयमणागयं च कालं जाणइ-पासइ भावओ णं ओहिनाणी जहण्णेणं अनंते भावे जाणइ-पासइ उक्कोसेणं वि अनंते भावे जाणइ-पासइ सव्वभावाणमणंतभागं जाणइ]-पासइ

मणपज्जवनाणस्स णं भंते केवतिए विसए पत्रत्ते गोयमा से समासओ चउव्विहे पत्रत्ते तं जहा-दव्वओ खेतओ कालओ भावओ दव्वओ णं उज्जुमती अनंते अनंतपदेसिए [खंधे जाणइ-पासइ ते चेव विउलमई अब्भहियतराए विउलतराए विसुद्धतराए वितिमिरतराए जाणइ-पासइ खेतओ णं उज्जुमई अहे जाव इमीसे रयण्यभाए पुढवीए उपरिमहेट्ठिखे खुड्ढागपयरे उड्ढं जाव जोइस्स उवरिमतले तिरियं जाव अंतोमणुस्सखेत्ते अड्ढाइजेसु दीवसमुद्देसु पण्णरससु कम्मभूमीसु तीसाए अकम्मभूमीसु छप्पण्णाए अंतरदीवगेसु सण्णीणं पंचिदियाणं पज्जतयाणं मणोगए भावे जाणइ-पासइ तं चेव विउलमई अड्ढाइजेहिमंगुलेहिं अब्भहियतरं विउलतरं विसुद्धतरं वितिमिरतरं खेतं जाणइ-पासइ कालओ णं उज्जुमई जहन्नेण पलिओवमस्स, असंखिज्जयभागं उक्कोसेण वि पलिओवमस्स असंखिज्जयभागं अतीयमणागयं वा कालं जाणइ-पासइ तं चेव विउलमई अब्भहियतराणं विउलतराणं विसुद्धतराणं वितिमिरतराणं जाणइ-पासइ भावओ णं उज्जुमई अनंते भावे जाणइ-पासइ सव्वभावाणं अनंतभागं जाणइ-पासइ तं चेव विउलमई अब्भहियतराणं विउलतराणं विसुद्धतराणं वितिमिरतराणं जाणइ-पासइ]

કેવલનાણસ્સ ણં મંતે કેવતિએ વિસાએ પઞ્નત્તે ગોયમા સે સમાસઓ ચઠ્ઠિએ પઞ્નત્તે તં જહા-
 દવ્વઓ છેત્તઓ કાલઓ ભાવઓ દવ્વઓ ણં કેવનાણી સવ્વદવ્વાઈ જાણઈ-પાસઈ [છેત્તઓ ણં
 કેવલનાણી સવ્વં છેત્તં જાણઈ-પાસઈ કાલઓ ણં કેવલનાણી સવ્વં કાલં જાણઈ-પાસઈ ભાવઓ ણં
 કેવલનાણી સવ્વે ભાવે જાણઈ-પાસઈ] મહાઅણ્ણાણસ્સ ણં મંતે કેવતિએ વિસાએ પઞ્નત્તે ગોયમા સે
 સમાસઓ ચઠ્ઠિએ પઞ્નત્તે તં જહા-દવ્વઓ છેત્તઓ કાલઓ ભાવઓ દવ્વઓ ણં મહાઅણ્ણાણી
 મહાઅણ્ણાણપરિગયાઈ દવ્વાઈ જાણઈ-પાસઈ [છેત્તઓ ણં મહાઅણ્ણાણી મહાઅણ્ણાણપરિગયં છેત્તં
 જાણઈ-પાસઈ કાલઓ ણં મહાઅણ્ણાણી મહાઅણ્ણાણપરિગયં કાલં જાણઈ-પાસઈ] ભાવઓ ણં
 મહાઅણ્ણાણી મહાઅણ્ણાણપરિગાએ ભાવે જાણઈ-પાસઈ સુયઅણ્ણાણસ્સ ણં મંતે કેવતિએ વિસાએ પઞ્નત્તે
 ગોયમા સે સમાસઓ ચઠ્ઠિએ પઞ્નત્તે તં જહા-દવ્વઓ છેત્તઓ કાલઓ ભાવઓ દવ્વઓ ણં
 સુયઅણ્ણાણી સુયઅણ્ણાણપરિગયાઈ દવ્વાઈ આઘવેદ, પણ્ણવેદ પરુવેદ [છેત્તઓ ણં સુયઅણ્ણાણી-
 પરિગયં છેત્તં આઘવેદ પણ્ણવેદ પરુવેદ [કાલઓ ણં સુયઅણ્ણાણી સુયઅણ્ણાણપરિગયં કાલં
 આઘવેદ પણ્ણવેદ પરુવેદ] ભાવઓ ણં સુયઅણ્ણાણી સુયઅણ્ણાણપરિગાએ ભાવે આઘવેદ પણ્ણવેદ
 પરુવેદ વિભંગનાણસ્સ ણં મંતે કેવતિએ વિસાએ પઞ્નત્તે ગોયમા સે સમાસઓ ચઠ્ઠિએ પઞ્નત્તે તં જહા-
 દવ્વઓ છેત્તઓ કાલઓ ભાવઓ દવ્વઓ ણં વિભંગનાણી વિભંગનાણપરિગયાઈ દવ્વાઈ જાણઈ-
 પાસઈ [છેત્તઓ ણં વિભંગનાણી વિભંગનાણપરિગયં છેત્તં જાણઈ-પાસઈ કાલઓ ણં વિભંગનાણી
 વિભંગનાણપરિગયં કાલં જાણઈ-પાસઈ] ભાવઓ ણં વિભંગનાણી વિભંગનાણપરિગાએ ભાવે જાણઈ-
 પાસઈ 1322-322

(૩૯૬) નાણી ણં મંતે નાણી તિ કાલઓ કેવલિરં હોઈ ગોયમા નાણી દુવિએ પન્નત્તે તં જહા-
 સાદીએ વા અપજ્જવસિએ સાદીએ વા સપજ્જવસિએ તત્થ ણં જે સે સાદીએ સપજ્જવસિએ સે જહન્નેણં
 અંતોમુહુતં ઉક્કોસેણં છાવટ્ઠિં સાગરોવમાઈ સાતિરેગાઈ આભિણિબોહિયનાણી ણં મંતે આભિણિ-
 બોહિય [નાણી તિ કાલો કેવલિરં હોઈ ગોયમા એવં ચેવ, એવં સુયનાણી વિ, ઓહિનાણી વિ એવં ચેવ
 નવઈ-જહણ્ણેણં એક્કં સમયં મણપજ્જવનાણી ણં મંતે મણપજ્જવનાણી તિ કાલઓ કેવલિરં હોઈ
 ગોયમા જહણ્ણેણં એક્કં સમયં ઉક્કોસેણં દેસૂણં પુવ્વકોડિં કેવલનાણી ણં મંતે કેવલનાણી તિ
 કાલઓ કેવલિરં હોઈ ગોયમા સાદીએ અપજ્જવસિએ, અણ્ણાણી મહાઅણ્ણાણી સુયઅણ્ણાણી ણં મંતે
 પુચ્છા ગોયમા અણ્ણાણી મહાઅણ્ણાણી સુયઅણ્ણાણી ય તિવિએ પઞ્નત્તે તં જહા-અણાદીએ વા અપજ્જ-
 વસિએ અણાદીએ વા સપજ્જવસિએ સાદીએ વા સપજ્જવસિએ તત્થ ણં જે સે સાદીએ સપજ્જવસિએ સે
 જહણ્ણેણં અંતોમુહુતં ઉક્કોસેણં અનંતં કાલં-અનંતા ઓસપ્પિણી ઉસ્સપ્પિણીઓ કાલઓ છેત્તઓ
 અવડ્ઢં પોગ્ગલપરિયટ્ઠં દેસૂણં વિભંગનાણી ય મંતે પુચ્છા ગોયમા જહણ્ણેણં એક્કં સમયં ઉક્કોસેણં
 તેતીસં સાગરોવમાઈ દેસૂણાએ પુવ્વકોડીએ અબ્બહિયાઈ

આભિણિબોહિયનાણિસ્સ ણં મંતે અંતરં કાલઓ કેવલિરં હોઈ ગોયમા જહણ્ણેણં અંતોમુહુતં
 ઉક્કોસેણં અનંતં કાલં જાવ અવડ્ઢં પોગ્ગલપરિયટ્ઠં દેસૂણં સુયનાણિ-ઓહિનાણિ-મણપજ્જવ-
 નાણીં એવં ચેવ કેવલનાણિસ્સ પુચ્છા ગોયમા નત્થિ અંતરં મહાઅણ્ણાણિસ્સ સુયઅણ્ણાણિસ્સ ય
 પુચ્છા ગોયમા જહણ્ણેણં અંતોમુહુતં ઉક્કોસેણં છાવટ્ઠિં સાગરોવમાઈ સાદિરેગાઈ વિભંગનાણિસ્સ પુચ્છા
 ગોયમા જહણ્ણેણં અંતોમુહુતં ઉક્કોસેણં વણસ્સિકાલો

એતેસિ ણં મંતે જીવાણં આભિણિબોહિયનાણીં સુયનાણીં ઓહિનાણીં મણપજ્જવનાણીં

केवलनाणीणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा जीवा मणपज्जवनाणी ओहिनाणी असंखेज्जगुणा अभिणिबोहियनाणी सुयनाणी दो वि तुल्ला विसेसाहिया केवलनाणी अनंतगुणा एतेसि णं भंते जीवाणं मइअण्णाणीणं सुयअण्णाणीणं विभंगनाणीणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा जीवा विभंगनाणी मइअण्णाणी सुयअण्णाणी दो वि तुल्ला अनंतगुणा एतेसि णं भंते जीवाणं अभिणिबोहियनाणीणं सुयनाणीणं ओहिनाणीणं मणपज्जवनाणीणं केवलनाणीणं मतिअण्णाणं सुयअण्णाणीणं विभंगनाणीणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा जीवा मणपज्जवनाणी ओहिनाणी असंखेज्जगुणा अभिणिबोहियनाणी सुयनाणी यं दो वि तुल्ला विसेसाहिया विभंगनाणी असंखेज्जगुणा केवलनाणी अनंतगुणा मइअण्णाणी सुयअण्णाणी यं दो वि तुल्ला अनंतगुणा, केवतिया णं भंते अभिणिबोहिय- नाणपज्जवा पन्नत्ता गोयमा अनंता अभिणिबोहियनाणपज्जवा पन्नत्ता केवतिया णं भंते सुयनाणपज्जवा पन्नत्ता एवं चेव एवं जाय केवलनाणस्स एवं मइअण्णाणस्स सुयअण्णाणस्स केवतिया णं भंते विभंगनाणपज्जवा पन्नत्ता गोयमा अनंता विभंगनाणपज्जवा पन्नत्ता

एतेसि णं भंते अभिणिबोहियनाणपज्जवाणं सुयनाणपज्जवाणं ओहिनाणपज्जवाणं मणपज्जवनाणपज्जवाणं केवलनाणपज्जवाणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा मणपज्जवनाणपज्जवा ओहिनाणपज्जवा अनंतगुणा सुयनाणपज्जवा अनंतगुणा अभिणिबोहियनाण पज्जवा अनंतगुणा केवलनाणपज्जवा अनंतगुणा एसि णं भंते मइअण्णाणपज्जवाणं सुयअण्णाणपज्जवाणं विभंगनाणपज्जवाणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा विभंगनाणपज्जवा सुयअण्णाणपज्जवा अनंतगुणा मइअण्णाणपज्जवा अनंतगुणा एसि णं भंते अभिणिबोहियनाणपज्जवाणं जाय केवलनाणपज्जवाणं मइअण्णाणपज्जवाणं सुयअण्णाणपज्जवाणं, विभंगनाणपज्जवाणं यं कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा मणपज्जवनाणपज्जवा विभंगनाणपज्जवा अनंतगुणा ओहिनाणपज्जवा अनंतगुणा सुयअण्णाणपज्जवा अनंतगुणा सुयनाणपज्जवा विसेसाहिया मइअण्णाणपज्जवा अनंतगुणा अभिणिबोहियनाणपज्जवा विसेसाहिया केवलनाणपज्जवा अनंतगुणा सेवं भंते सेवं भंते ति । ३२२।-३२३

● अट्ठमे सत्ते बीओ उद्देशो सम्पत्तो ●

—: त इ ओ—उ हे सो —:

(३१७) कतिविहा णं भंते रुक्खा पन्नत्ता गोयमा तिविहा रुक्खा प.संखेज्जजीविया असंखेज्जजीविया अनंतजीविया से किं तं संखेज्जजीविया संखेज्जजीविया अणेगविहा पन्नत्ता तं जहा ताल तमाले तक्कलि तेयलि [साले य सालकल्लाणे सरले जावति केयइ कदलि तह चम्मरुक्खे य धुयुरुक्ख हिंगुरुक्खे लवंगुरुक्खे य होति बोधव्वे पूयफली खज्जुरी बोधव्वा नालि एरी य] जे यावण्णे तहप्पगारा सेतं संखेज्जजीविया से किं तं असंखेज्जजीविया असंखेज्जजीविया दुविहा पन्नत्ता तं जहा-एगट्ठिया य बहुबीयगा य से किं तं एगट्ठिया एगट्ठिया अणेगविहा पन्नत्ता तं जहा निवंब जंबु [कोसंब साल अंकोल पीलु सेलू य सल्लइ मोयइ मालुय बउल पलासे करंजे य पुत्तंजीवय रिट्ठे बिभेल ए हरडए य भल्लाए उंबभरिया खीरिणि बोधव्वे घायइ पियाले पूइयनिंबारग सेण्हा तए सीसवा य

असणे य पुण्णाग नागरुक्खे सीवण्णि तहा असोणे य जे यावण्णे तहप्पगारा एसि णं मूला वि असंखेज्जजीविया कंदा वि खंधा वि तया वि साला वि पवाला वि पत्ता पत्तेयजीविया पुप्फा अणेगजिविया फला एट्ठिया सेत्तं एगट्ठिया, से किं तं बहुबीयगा बहुबीयगा अणेगविहा पन्नत्ता तं जहा-अत्थिय तित्ठु कविट्ठे अंबाडग माउलिंग बिळे य आमलग फणस दाडिम आसोत्थे उंबर वडे य नगोह नंदिरुक्खे पिप्पपरि सयरो पिलुक्खरुक्खे य काउंबरी कुत्थुंभरि बोधव्वा देवदाली य तिलए लउए छत्तोए, सिरीसे सत्तिवण्ण दहिवण्णे लोद्ध धव चंदणज्जुण निमे कुडए कयंबे य जे यावण्णे तहप्पगारा एसि णं मूला वि असंखेज्जजीविया कंदा वि खंधा वि तया वि साला वि पवाला वि पत्ता पत्तेयजीविया पुप्फा अणेगजीविया] फला बहुबीयगा सेत्तं बहुबीयगा सेत्तं असंखेज्ज-जीविया से किं तं अनंतजीविया अनंतजीविया अणेगविहा पन्नत्ता तं जहा-आलुए मूलाए सिंगबेरे-एवं जहा सत्तमसए जाव सिउंदी मुसुंदी जेयावण्णे तहप्पगारा सेत्तं अनंतजीविया। ३२३।-३२४

(३९८) अह भंते कुम्भे कुम्भावलिया गोहा गोहावलिया गोणा गोणावलिया मणुस्से मणुस्सावलिया महिसे महिसावलिया-एसि णं दुहा वा तिहा वा संखज्जहा वा छिन्नाणं जे अंतरा वि णं तेहिं जीवपएसेहिं फुडा हंता फुडा पुरिसे णं भंते अंतरे हत्थेण वा पादेण वा अंगुलियाए वा सलागाए वा कट्ठेण वा कल्लिंचेण वा आमुसमाणे वा संमुसमाणे वा आलिहमाणे वा विलिहमाणे वा अण्णयरेण वा तिक्वेणं सत्थजाएणं आछिदमाणे वा विछिदमाणे वा अगणिकाएण वा समोडहमाणे तेहिं जीवपएसाणं किंचि आबाहं वा विबाहं वा उप्पाएइ छविच्छेदं वा करेइ नो तिणट्ठे समट्ठे नो खलु तत्थ सत्तं कमइ। ३२४।-३२५

(३९९) कइ णं भंते पुढवीओ पन्नत्ताओ गोयमा अट्ठ पुढवीओ पन्नत्ताओ तं जहा-रयणप्पमा जाव अहेसत्तमा ईसीपम्भारा इमा णं भंते रयणप्पमापुढवी किं चरिमा अचरिमा चरिमपदं निरवसेसं भाणियव्वं जाव-वेमाणिया णं भंते फासचरिमेणं किं चरिमा अचरिमा गोयमा चरिमा वि अचरिमा विसेवं भंते सेवं भंते ति। ३२५।-३२६

● अइमे सत्ते तइओ उहेसो सभतो ●

—: च उ त्थो—उ हे सो :-

(४००) रायगिहे जाव एवं वयासी-कति णं भंते किरियाओ पन्नत्ताओ गोयमा पंच किरियाओ प. काइया अहिगरणिया पाओसिया पारियावणिया पाणाइवायकिरिया-एवं किरिया-पदं निरवसेसं भाणियव्वं जाव सव्वत्थोवाओ मिच्छादंसणवत्तियाओ किरियाओ अप्पच्चक्खाण-किरियाओ विसेसाहियाओ पारिगहियाओ किरियाओ विसेसाहियाओ आरंभियाओ किरियाओ विसेसाहियाओ मायावत्तियाओ किरियाओ विसेसाहियाओ सेवं भंते सेवं भंते ति। ३२६।-३२७

● अइमे सत्ते वउत्थो उहेसे सभतो ●

—: पं च मो—उ हे सो :-

(४०१) रायगिहे जाव एवं वयासी-आजीविया णं भंते थेरे भगवंते एवं वयासी-समणोवासगस्स णं भंते सामाइयकडस्स समणोवस्सए अछमाणस्स केइ भंडं अवहरेज्जा से णं भंते तं भंडं अणुगवेसमाणे किं सभंडं अणुगवेसइ परायगं भंडं अणुगवेसइ गोयमा सभंडं अणुगवेसइ नो परायगं भंडं अणुगवेसइ तस्स णं भंते तेहिं सीलव्वय-गुण-वेरमण-पच्चक्खाण-पोसहोववासेहिं से भंडे अमंडे भवइ हंता भवइ, से केणं खाइ णं अट्ठेणं भंते एवं वुच्चइ-सभंडं अणुगवेसइ नो परायगं भंडं

For Private And Personal Use Only

करेंतं नाणुजाणइ मणसा वयसा अहवा करेंतं नाणुजाणइ मणसा कायसा अहवा करेंतं नाणुजाणइ वयसा कायसा एगविह एगविहेणं पडिक्कममाणे न करेइ मणसा अहवा न करेइ वयसा अहवा न करेइ कायसा अहवा न कारवेइ मणसा अहवा न कारवेइ वयसा अहवा न कारवेइ कायसा अहवा करेंतं नाणुजाणइ मणसा अहवा करेंतं नाणुजाणइ वयसा अहवा करेंतं नाणुजाणइ कायसा

पडुप्पत्रं संवरेमाणे कि तिविहं तिविहेणं संवरेइ एवं जहा पडिक्कममाणेणं एगूणपत्रं भंगा भणिया एवं संवरमाणेण वि एगूणपत्रं भंगा भाणियव्वा अणागयं पच्चक्खमाणे किं तिविहं तिविहेणं पच्चक्खाइ एवं एते वेव भंगा एगूणपत्रं भाणियव्वा जाव अहवा करेंतं नाणुजाणइ कायसा समणोवासगस्स णं भंते पुब्बामेव धूलए मुसावाए अपच्चक्खाए भवइ से णं भंते पच्छा पच्चाइ-क्खमाणे किं करेइ एवं जहा पाणाइवायस्स सीयालं भंगसयं मणियं तथा मुसावायस्स वि भाणियव्वं एवं अदित्रादाणस्स वि एवं धूलगस्स वि मेहुणस्स धूलगस्स वि परिगहस्स जाव अहवा करेंतं नाणुजाणइ कायसा एते खलु एरिसगा समणोवासगा भवन्ति नो खलु एरिसगा आजीविओवासगा भवन्ति । ३२८-३२९

(४०३) आजीवियसमयस्स णं अयमट्ठे-अक्खीणपडिभोइणो सव्वे सत्ता से हंता छेत्ता भेत्ता लुंप्पिता विलुंप्पिता उद्दवत्ता आहारमाहारेंति तत्थ खलु इमे दुवालस आजीवियोवासगा भवन्ति तं जहा-ताले तालपलंबे उब्बिहे संविहे अवविहे उदए नामुदए नम्मदए अणुवालए संखवालए अयंपुले कारए-इच्छेते दुवालस आजीविओवासगा अरहंतदेवतागा अम्मापिउसुस्सुसगा पंचफलपडि - क्कंता तं जहा-उंबरेहिं वडेहिं धोरेहिं सतरेहिं पिलक्खूहिं पलंडुल्लसुणकंदं मूलविवज्जगा अणिछिंछिंएहिं अणक्कभिन्नेहिं गोणेहिं तसपाणविवज्जिंएहिं छेतेहिं वित्तिं कप्पेमाणा विहरंति एए वि ताव एवं इच्छंति किमंग पुण जे इमे समणोवासगा भवन्ति जेसिं नो कप्पंति इमांइ पत्ररस कम्मादाणां सयं करेत्तए वा कारयेत्तए वा करेंतं वा अत्रं समणुजाणेत्तए तं जहा-इंगालकम्मे वणकम्मे साडीकम्मे भाडीकम्मे फोडीकम्मे दंतवाणिज्जे लक्खवाणिज्जे केसवाणिज्जे रसवाणिज्जे विसवाणिज्जे जंतपीलणकम्मे निल्लंछणकम्मे दवग्गिदावणया सर-दह-तल्लागपरिसोणया असतीपो-लसणया इच्छेते समणोवासगा सुक्का सुक्काभिजातीया भविता कालमासे कालं किच्चा अण्णयरेसु देवलोएसु देवत्ताए उववत्तारो पवन्ति । ३२९।-३३०

(४०४) कतिविहा णं भंते देवलोगा पत्रत्ता गोयमा चउब्बिहा देवलोगा पत्रत्ता तं जहा-पवणणवासी वाणमंतरा जोइसिया वेमाणिया सेवं भंते सेवं भंते ति । ३३०।-३३१

● अइमे तते पंचवो उडेसो सत्तो ●

—: छ ट्ठो—उ दे सो :—

(४०५) समणोवासगस्स णं भंते तहारूवं समणं वा माहणं वा फासु-एसणिज्जेणं असण पाण-खाइम-साइमेणं पडिलामाणस्स किं कज्जइ गोयमा एगंतसो से निज्जरा कज्जइ नत्थि य से पावे कम्मे कज्जइ समणोवासगस्स णं भंते तहारूवं समणं वा माहणं वा अफासुएणं अणेसणिज्जेणं असण-पाण-खाइम-साइमेणं पडिलाभेमाणस्स किं कज्जइ गोयमा बहुतरिया से निज्जरा कज्जइ अण्णतराए से पावे कम्मे कज्जइ समणोवासगस्स णं भंते तहारूवं अस्संजय-अविरय-पडिहय-पच्चक्खायपावकम्मे फासुएण वा अफासुएण वा एसणिज्जेणवा अणेसणिज्जेण वा असणपाण-खाइम-साइमेणं पडिला-भेमाणस्स किं कज्जइ गोयमा एगंतसो से पावे कम्मे कज्जइ नत्थि से काइ निज्जरा कज्जइ । ३३१।-३३२

(४०६) निगंधं च णं गाहावड्कुलं पिंडवायपडियाए अणुप्पविट्ठं केइ दोहिं पिंडेहिं उवनिमंतेज्जा-एगं आउसो अप्पणा भुंजाहि एगं थेराणं दलयाहि से य तं पडिग्गाहेज्जा थेरा य से अणुगवेसियव्वा सिया जत्थेव अणुगवेसमाणे थेरे पासिज्जा तत्थेव अणुप्पदायव्वे सिया नो चेव णं अणुगवेसमाणे थेरे पासिज्जा तं नो अप्पणा भुंजेज्जा नो अण्णेसिं दावए एगंते अणावाए अचित्ते बहुफासुए थंडिल्ले पडिलेहेत्ता पम्मज्जिता परिट्ठावेयव्वे सिया, निगंधं च णं गाहावड्कुलं पिंडवाय-पडियाए अणुप्पविट्ठं केइ तिहिं पिंडेहिं उवनिमंतेज्जा-एगं आउसो अप्पणा भुंजाहि दो थेराणं दलयाहि से य ते पडिग्गाहेज्जा थेरा य से अणुगवेसियव्वा [सिया जत्थेव अणुगवेसमामे थेरे पासिज्जा तत्थेव अणुप्पदायव्वे सिया नो चेव णं अणुगवेसमाणे थेरे पासिज्जा ते नो अप्पणा भुंजेज्जा नो अण्णेसिं दावए एगंते अणावाए अचित्ते बहुफासुए थंडिल्ले पडिलेहेत्ता पम्मज्जिता] परिट्ठावेयव्वे सिया एवं जाव दसहिं पिंडेहिं उवनिमंतेज्जा नयरं-एगं आउसो अप्पणा भुंजाहि नव थेराणं दलयाहि सेसं तं चेव जाव परिट्ठावेयव्वे सिया निगंधं च णं गाहावड् [कुलं पिंडवायपडियाए अणुप्पविट्ठं केइ दोहिं पडिग्गाहेहिं उवनिमंतेज्जा-एगं आउसो अप्पणा पडिभुंजाहि एगं थेराणं दलयाहि से य तं पडिग्गाहेज्जा [थेरा य से अणुगवेसियव्वे सिया जत्थेव अणुगवेसमाणे थेरे पासिज्जा तत्थेव अणुप्पदायव्वे सिया नो चेव णं अणुगवेसमाणे थेरे पासिज्जा तं नो अप्पणा परिभुंजा नो अण्णेसिं दावए एगंते अणावाए अचित्ते बहुफासुए थंडिल्ले पडिलेहेत्ता पम्मज्जिता] परिट्ठावेयव्वे सिया एवं जाव दसहिं पडिग्गाहेहिं एवं जहा पडिग्गाहवत्तव्वया भणिया एवं गोच्छग-रयहरण-चोलपट्टग-कंबल-लट्ठि-संधारगवत्तव्वया य भाणियव्वे जाव दसहिं संधारएहिं उवनिमंतेज्जा जाव परिट्ठावेयव्वे सिया ॥३३१-३३३

(४०७) निगंधेण य गाहावड्कुलं पिंडवायपडियाए पविट्ठेण अण्णयरे अकिच्चट्ठाणे पडि-सेविए तस्स णं एवं भवति-इहेव ताव अहं एयस्स ठाणस्स आलोएमि पडिक्कमामि निंदामि गरिहामि विउट्ठामि विसोहेमि अकरणयाए अब्भुट्ठेमि आहारियं पायच्छित्तं तवोक्कमं पडिवज्जामि तओ पच्चा थेराणं अंतियं आलोएस्सामि जाव तवोक्कमं पडिवज्जिस्सामि से य संपट्ठिए असंपत्ते थेरा य पुब्बामेव अमुहा सिया से णं भंते किं आराहए विराहए गोयमा आराहए नो विराहए से य संपट्ठिए असंपत्ते अप्पणा य पुब्बामेव अमुहे सिया से णं भंते किं आराहए विराहए गोयमा आराहए नो विराहए से य संपट्ठिए असंपत्ते थेरा य कालं करेज्जा से णं भंते किं आराहए विराहए गोयमा आराहए नो विराहए से य संपट्ठिए असंपत्ते अप्पणा य पुब्बामेव कालं करेज्जा से णं भंते किं आराहए विराहए गोयमा आराहए नो विराहए से य संपट्ठिए संपत्ते अप्पणा य [अमुहे सिया से णं भंते किं आराहए विराहए गोयमा आराहए नो विराहए से य संपट्ठिए संपत्ते थेरा य कालं करेज्जा से णं भंते किं आराहए विराहए गोयमा आराहए नो विराहए से य संपट्ठिए संपत्ते अप्पणा य कालं करेज्जा से णं भंते किं आराहए विराहए गोयमा आराहए नो विराहए]

निगंधेण य बहिया वियारभूमिं वा विहारभूमिं वा निक्खंतेणं अण्णयरे अकिच्चट्ठाणे पडिसेविए तस्स णं एवं भवति-इहेव ताव अहं एयस्स ठाणस्स आलोएमि-एवं एत्थ वि ते चेव अट्ठालावगा भाणियव्वे जाव नो विराहए निगंधेणं गामाणुगामं दूइज्जमाणेणं अण्णयरे अकिच्च-ट्ठाणे पडिसेविए तस्स णं एवं भवइ-इहेव ताव अहं एयस्स ठाणस्स आलोएमि-एवं एत्थ वि ते चेव अट्ठालावगा भाणियव्वे जाव नो विराहए निगंधीए य गाहावड्कुलं पिंडवायपडियाए अणुप-

विद्याए अण्णये अकिच्चद्वाणे पडिसेविए तीसे णं एवं भवइ-इहेव ताव अहं एयस्स ठाणस्स आलोएमि जाव तवोकम्मं पडिवज्जमि तओ पच्छा पवत्तिणीए अंतियं आलोएस्सामि जाव तवोकम्मं पडिवज्जिस्सामि सा य संपट्ठिया असंपत्ता पवत्तिणी य अमुहा सिया सा णं भंते किं आराहिया विराहिया गोयमा आराहिया नो विराहिया सा य संपट्ठिया जहा निग्गंधस्स तिण्णि गमा भणिया एवं निग्गंधीए वि तिण्णि आलावगा भाणियव्वा जाव आराहिया नो विराहिया

से केणट्ठेमं भंते एवं बुद्धइ-आराहए नो विराहए गोयमा से जहानामए केइ पुरिसे एणं महं उण्णालोमं वा गयलोमं वा सणलोमं वा कप्पासलोमं वा तणसूयं वा दुहा वा तिहा वा संखेज्जहा वा छिदिता अणिकायंसि पक्खिवेज्जा, से नूणं गोयमा छिज्जमाणे छिण्णे पक्खिप्पमाणे पक्खित्ते दज्जमाणे दड्ढे ति वत्तव्वं सिया हंता भगवं छिज्जमाणे छिण्णे पक्खिप्पमाणे पक्खित्ते दज्जमाणे दड्ढे ति यत्तव्वं सिया से जहा वा केइ पुरिसे वत्थं अहतं वा धोतं वा तंतुणयं वा मंजिद्व-जोणीए पक्खिवेज्जा से नूणं गोयमा उक्खिप्पमाणे उक्खित्ते पक्खिप्पमाणे पक्खित्ते रज्जमाणे रत्ते ति वत्तव्वं सिया हंता भगवं उक्खिप्पमाणे उक्खित्ते पक्खिप्पमाणे पक्खित्ते रज्जमाणे रत्ते ति वत्तव्वं सिया से तेणट्ठेणं गोयमा एवं बुद्धइ-आरहए नो विराहए ॥३३३॥३३४

(४०८) पदीवस्स णं भंते झियायमाणस्स किं पदीवे झियाइ लट्ठी झियाइ वत्ती झियाइ तेले झियाइ दीवचंपए झियाइ जोती झियाइ गोयमा नो पदीवे झियाइ [नो लट्ठी झियाइ नो वत्ती झियाइ नो तेले झियाइ नो दीवचंपए झियाइ जोती झियाइ अगारस्स णं भंते झियायमाणस्स किं अगारे झियाइ कुड्डा झियाइ कडणा झियाइ धारणा झियाइ बलहरणे झियाइ वंसा झियाइ मल्ला झियाइ बागा झियाइ छित्तरा झियाइ छाणे झियाइ जोती झियाइ गोयमा नो अगारे झियाइ नो कुड्डा झियाइ जाव नो छाणे झियाइ जोती झियाइ ॥३३४॥३३५

(४०९) जीवे णं भंते ओरालियसरीराओ कतिकिरिए गोयमा सिय तिकिरिए सिय चउ-किरिए सिय पंचकिरिए सिय अकिरिए नेरइए णं भंते ओरालियसरीराओ कतिकिरिए गोयमा सिय तिकिरिए सिय चउकिरिए सिय पंचकिरिए असुरुक्कारे णं भंते ओरालियसरीराओ कतिकिरिए एवं चेव एवं जाव वेमाणिए नवरं-मणुस्से जहा जीवे, जीवे णं भंते ओरालियसरीरेहिंतो कतिकिरिए गोयमा सिय तिकिरिए जाव सिय अकिरिए नेरइए णं भंते ओरालियसरीरेहिंतो कतिकिरिए एवं एसो वि जहा पढमो दंडओ तहा भाणियव्वो जाव वेमाणिए नवरं-मणुस्से जहा जीवे जीवा णं भंते ओरालियसरीराओ कतिकिरिया गोयमा सिय तिकिरिया जाव सिय अकिरिया नेरइया णं भंते ओरालियसरीराओ कतिकिरिया एवं एसो वि जहा पढमो दंडओ तहा भाणियव्वो जाव वेमाणिया नवरं मणुस्सा जहा जीवा जीवा णं भंते ओरालियसरीरेहिंतो कतिकिरिया गोयमा तिकिरिया वि चउकिरिया वि पंचकिरिया वि अकिरिया वि नेरइया णं भंते ओरालियसरीरेहिंतो कतिकिरिया गोयमा तिकिरिया वि चउकिरिया वि पंचकिरिया वि एवं जाव वेमाणिया नवरं-मणुस्सा जहा जीवा जीवे णं भंते वेउब्बियसरीराओ कतिकिरिए गोयमा सिय तिकिरिए सिय चउकिरिए सिय अकिरिए नेरइए णं भंते वेउब्बियसरीराओ कतिकिरिए गोयमा सिय तिकिरिए सिय चउकिरिए एवं जाव वेमाणिए नवरं-मणुस्से जहा जीवे एवं जहा ओरालियसरीरेणं चत्तारि दंडगा भणिया तहा वेउब्बियसरीरेणं वि चत्तारि दंडगा भाणियव्वा नवरं-पंचमकिरिया न भण्णइ सेसं तं चेव एवं वेउब्बियं तहा आहारं पि तेयगं पि कम्मं पि भाणियव्वं-एक्केक्के चत्तारि दंडगा

भाणियव्वा जाव- वेमाणिया णं भंते कम्मगसरीरेहिंतो कतिकिरिया गोयमा तिकिरिया वि व-
उकिरिया वि सेवं भंते सेवं भंते ति । ३३५।३३६

● अङ्गमे सते षट्ठो उद्देशो सप्ततो ●

—: स त्त मो—उ द्वे सो —:

(४१०) तेणं कालेणं तेणं समएणं रायगिहे नयरे-वण्णओ गुणसिलए चेइए-वण्णओ जाव
पुढविसिलावट्टओ तस्स णं गुणसिलस्स चेइयस्स अदूरसामंते बहवे अण्णउत्थिया परिवसंति तेणं
कालेणं तेणं समएणं समणे भगवं महावीरे आदिगरे जाव समोसदे जाव परिसा पडिगया तेणं कालेणं
तेणं समएणं समणस्स भगवओ महावीरस्स बहवे अंतेवासी थेरा भगवंतो जातिसंपन्ना कुलसंपन्ना
[बलसंपन्ना विनयसंपन्ना नाणसंपन्ना दंसणसंपन्ना चरित्तसंपन्ना लज्जासंपन्ना लाघवसंपन्ना ओयंसी
तेयंसी वच्चंसी जसंसी जियकोहा जियमाणा जियमाया जियलोभा जियनिद्दा जिइंदिया जियप-
रीसहा] जीवियास-मरणभयविष्यमुक्का समणस्स भगवओ महावीरस्स अदूरसामंते उड्डंजाणू
अहोसिरा ज्ञाणकोट्टोवगया संजमेणं तवसा अप्पाणं भावेमाणा विहरंति तए णं ते अण्णउत्थिया
जेणेव थेरा भगवंतो तेणेव उवागच्छंति उवागच्छिता ते थेरे भगवंते एवं वयासी-तुब्बे णं अज्जो
तिविहं तिविहेणं अस्संजय-विरय-पडिहय-[पच्चक्खायपावकम्मा सकिरिया असंवुडा एगंतदंडा]
एतंग- बाला या वि भवह तए णं ते थेरा भगवंतो ते अण्णउत्थिए एवं वयासी-केण कारणेणं अज्जो
अन्हे तिविहं तिविहेणं अस्संजय-अविरय-[अपडिहय-पच्चक्खायपावकम्मा सकिरिया असंवुडा
एगंतदंडा एतंगबाला या वि भवामो तए णं ते अण्णउत्थिया ते थेरे भगवंते एवं वयासी-तुब्बे णं
अज्जो अदित्रं गेण्हह अदित्रं भुंजह अदित्रं सातिज्जह तए णं ते तुब्बे अदित्रं गेण्हमाणा अदित्रं
भुंजमाणा अदित्रं सातिज्जमाणा तिविहं तिविहेणं अस्संजय-अविरय-अपडिहय-पच्चक्खायपाव-
कम्मा जाव एगंतबाला या वि

भवह तए णं ते थेरा भगवंतो ते अण्णउत्थिए एवं वयासी-केण कारणेणं अज्जो अन्हे अदित्रं
गेण्हामो अदित्रं भुंजामो, अदित्रं सातिज्जामो जए णं अन्हे अदित्रं गेण्हमाणा अदित्रं भुंजमाणा अदित्रं
सातिज्जमाणा तिविहं तिविहेणं अस्संजय-अविरय-अपडिहय-पच्चक्खायपावकम्मा जाव एगंत-
बाला या वि भवामो तए णं ते अण्णउत्थिया ते थेरे भगवंते एवं वयासी-तुब्बण्णं अज्जो दिज्जमाणे
अदित्रे पडिग्गहेज्जमाणे अपडिग्गाहिए निस्सिरिज्जमाणे अणिसिट्ठे तुब्बण्णं अज्जो दिज्जमाणं-
पडिग्गहं असंपत्तं एत्थ णं अंतरा केइ अवहरेज्जा गाहावइस्स णं तं नो खलु तं तुब्बं तए णं तुब्बे
अदित्रे गेण्हह अदित्रं भुंजह अदित्रं सातिज्जह तए णं तुब्बे अदित्रं गेण्हमाणा जाव एगंतबाला या वि
भवह तए णं ते थेरा भगवंतो ते अण्णउत्थिए एवं वयासी-नो खलु अज्जो अन्हे अदित्रं गेण्हामो अदित्रं
भुंजामो अदित्रं सातिज्जामो अन्हे णं अज्जो दित्रं गेण्हामो दित्रं भुंजामो दित्रं सातिज्जामो तए णं अन्हे
दित्रं गेण्हमाणा दित्रं भुंजमाणा दित्रं सातिज्जमाणा तिविहं तिविहेणं संजय-विरय-पडिहय-
पच्चक्खायपावकम्मा अकिरिया संवुडा एगंतपंडिया या वि भवामो तए णं ते अन्नउत्थिया ते थेरे
भगवंते एवं वयासी-केण कारणेणं अज्जो तुम्हे दित्रं गेण्हह दित्रं भुंजह दित्रं सातिज्जह जए णं तुब्बे
दित्रं गेण्हमाणा जाव एगंतपंडिया या वि भवह तए णं ते थेरा भगवंतो ते अण्णउत्थिए एवं वयासी-
अम्हण्णं अज्जो दिज्जमाणे दित्रे पडिग्गाहिज्जमाणे पडिग्गाहिए निस्सिरिज्जमाणे निस्सिट्ठे अम्हण्णं अज्जो
दिज्जमाणं पडिग्गहं असंपत्तं एत्थ णं अंतरा केइ अवहरेज्जा अम्हण्णं तं नो खलु तं गाहावइस्स तए णं

અન્હે ગેખ્હામો દિત્રં મુંજામો દિત્રે સાતિઝામો તણે નં અન્હે દિત્રં ગેખ્હમાણા દિત્રં મુંજમાણા દિત્રં સાતિઝમાણા તિવિહં તિવિહેણં સંજય-વિરય-પડિહય-પઘ્ઠકઘાપાવકમ્મા જાવેણંતપંડિયા યા વિ મવામો તુભ્મે તં અઝ્ઝો અપ્પણા ચેવ તિવિહં તિવિહેણં અસંસંજય-અવિરય-અપડિહય-પઘ્ઠકઘાપાવકમ્મા જાવેણંતબાલા યા વિ મવહ

તણે નં તે અણ્ણહિયા તે ઘેરે મગવંતે એવં વયાસી-કેણ કારણેણં અઝ્ઝો અન્હે તિવિહં તિવિહેણં અસંસંજય-અવિરય-અપડિહય-પઘ્ઠકઘાપાવકમ્મા જાવેણંતબાલા યા વિ મવામો તણે નં તે ઘેરા મગવંતો તે અણ્ણહિયા એવં વયાસી-તુભ્મે નં અઝ્ઝો અદિત્રં ગેખ્હ અદિત્રં મુંજહ અદિત્રં સાતિઝહ તણે નં તુભ્મે અદિત્રં ગેખ્હમાણા જાવેણંતબાલા યા વિ મવહ તણે નં તે અણ્ણહિયા તે ઘેરે મગવંતે એવં વયાસી-કેણ કારણેણં અઝ્ઝો અન્હે અદિત્રં ગેખ્હામો જાવેણંતબાલા યા વિ મવામો તણે નં તે ઘેરા મગવંતો તે અણ્ણહિયા એવં વયાસી-તુભ્મણં અઝ્ઝો દિઝમાણે અદિત્રે [પડિગ્ગાહેઝમાણે અપડિગ્ગાહિણે નિસ્સિરિઝમાણે અણિસિદ્ધે તુભ્મણં અઝ્ઝો દિઝમાણં પડિગ્ગહં અસંપતં એત્થ નં અંતરા કેદ્દ અવહેરેઝા] ગાહાવદ્ધસ નં તં નો લલુ તં તુભ્મં તણે નં તુભ્મે અદિત્રં ગેખ્હ જાવેણંતબાલા યા વિ મવહ તણે નં તે અણ્ણહિયા તે ઘેરે મગવંતે એવં વયાસી-તુભ્મે નં અઝ્ઝો તિવિહં તિવિહેણં અસંસંજય-અવિરય-અપડિહય-પઘ્ઠકઘાપાવકમ્મા જાવેણંતબાલા યા વિ મવહ તણે નં તે ઘેરા મગવંતો તે અણ્ણહિયા એવં વયાસી-કેણ કારણેણં અઝ્ઝો અન્હે તિવિહં તિવિહેણં જાવેણંતબાલા યા વિ મવામો તણે નં તે અણ્ણહિયા તે ઘેરે મગવંતે એવં વયાસી-તુભ્મે નં અઝ્ઝો રીયં રીયમાણા પુઠ્ઠવિં પેઘ્ઠેહ અમિહણહ યતેહ લેસેહ સંઘાણહ સંઘદ્દેહ પરિતાવેહ કિલામેહ ઉદ્દવેહ તણે નં તુભ્મે પુઠ્ઠવિં પેઘ્ઠેમાણા અમિહણમાણા [વત્તેમાણા લેસેમાણા સંઘાણમાણા સંઘદ્દેમાણા પરિતાવેમાણા કિલામેમાણા] ઉદ્દવેમાણા તિવિહં તિવિહેણં અસંસંજય-અવિરય-અપડિહય-પઘ્ઠકઘાપાવકમ્મા જાવેણંતબાલા યા વિ મવહ

તણે નં તે ઘેરા મગવંતો તે અણ્ણહિયા એવં વયાસી-નો લલુ અઝ્ઝો અન્હે રીયે રીયમાણા પુઠ્ઠવિં પેઘ્ઠામો અમિહણામો જાવેણંતબાલા અન્હે નં અઝ્ઝો રીયં રીયમાણા કાર્યં વા જોયં વા રિયં વા પડુદ્ધં દેસં દેસેણં વયામો, પદેસં પદેસેણં વયામો તેણં અન્હે દેસં દેસેણં વયમાણા પદેસં પદેસેણં વયમાણા નો પુઠ્ઠવિં પેઘ્ઠેમો અમિહણામો જાવેણંતબાલા અન્હે પુઠ્ઠવિં અપેઘ્ઠેમાણા અણ્ણહિ-હણમાણા જાવેણંતબાલા અણ્ણહિયા તિવિહં તિવિહેણં સંજય-વિરય-પડિહય-પઘ્ઠકઘાપાવકમ્મા જાવેણંતપંડિયા યા વિ મવામો તુભ્મે નં અઝ્ઝો અપ્પણા ચેવ તિવિહં તિવિહેણં અસંસંજય-અવિરય-અપડિ-હય-પઘ્ઠકઘાપાવકકમા જાવેણંતબાલા યા વિ મવહ તણે નં તે અણ્ણહિયા તે ઘેરે મગવંતે એવં વયાસી-કેણ કારણેણં અઝ્ઝો અન્હે તિવિહં તિવિહેણં જાવેણંતબાલા યા વિ મવામો તણે નં તે ઘેરા મગવંતો તે અણ્ણહિયા એવં વયાસી-તુભ્મે નં અઝ્ઝો રીયં રીયમાણા પુઠ્ઠવિં પેઘ્ઠેહ જાવેણંતબાલા યા વિ મવહ તણે નં તે અણ્ણહિયા તે ઘેરે મગવંતે એવં વયાસી-તુભ્મણં અઝ્ઝો ગમ્મમાણે અગતે વીતિક્કમિઝમાણે અવીતિક્કંતે રાયગિહં નગરં સંપાવિઝકામે અસંપતે તણે નં તે ઘેરા મગવંતો તે અણ્ણહિયા એવં વયાસી- નો લલુ અઝ્ઝો અન્હે ગમ્મમાણે અગતે વીતિક્કમિઝમાણે અવીતિક્કંતે રાયગિહં નગરં સંપાવિઝકામે અસંપતે અન્હેણં અઝ્ઝો ગમ્મમાણે ગણે વીતિક્કમિઝમાણે વીતિક્કંતે રાયગિહં નગરં

संपाविउकामे संपत्ते तुळ्मण्णं अप्पणा चेव गम्भमाणे अगते वीतिककमिज्जमाणे अवीतिककंते रायगिहं [नगरं संपाविउकामे] असंपत्ते तए णं ते थेरा भगवंतो अण्णउत्थिए एवं पडिभणंति पडिभणित्ता गइप्पवायं नाम अज्झयणं पण्णवइसुं । ३३६।३३७

(४११) कतिविहे णं भंते गइप्पवाए पत्रत्ते गोयमा पंचविहे गइप्पवाए पत्रत्ते तं जहा-पयोगई ततगई बंधणउयणगई उववायगई विहायगई एत्तो आरब्भ पयोगपयं निरवसेसं माणियव्वं जाव सेत्तं विहायगई सेवं भंते सेवं भंते त्ति । ३३७।३३८

● अष्टमे सते तत्तमो उद्देशो सप्तो ●

—: अ ढ मो—उ हे सो —:

(४१२) रायगिहे जाव एवं वयासी-गुरु णं भंते पडुच्च कति पडिणीया पत्रत्ता गोयमा तओ पडिणीया पत्रत्ता तं जहा-आयरियपडिणीए उवज्झायपडिणीए थेरपडिणीए गति णं भंते पडुच्च कति पडिणीया पत्रत्ता गोयमा तओ पडिणीया पत्रत्ता तं जहा-इहलोगपडिणीए परलोगपडिणीए दुहओलोगपडिणीए समूहण्णं भंते पडुच्च कति पडिणीया पत्रत्ता गोयमा तओ पडिणीया पत्रत्ता तं जहा-कुलपडिणीए गणपडिणीए संघपडिणीए अणुकंपं पडुच्च [कति पडिणीया पत्रत्ता] गोयमा तओ पडिणीया पत्रत्ता तं जहा-त्तवस्सिपडिणीए गिलाणपडिणीए सेहपडिणीए सुयण्णं भंते पडुच्च [कति पडिणीया पत्रत्ता] गोयमा तओ पडिणीया पत्रत्ता तं जहा-सुत्तपडिणीए अत्यपडिणीए तदुभय-पडिणीए भावण्णं भंते पडुच्च [कति पडिणीया पत्रत्ता] गोयमा तओ पडिणीया पत्रत्ता तं जहा-नाणपडिणीए दंसणपडिणीए चरित्तपडिणीए । ३३८।३३९

(४१३) कतिविहे णं भंते ववहारं पत्रत्ते गोयमा पंचविहे ववहारं पत्रत्ते तं जहा-आगमे सुत्तं आणाधारणा जीए जहा से तत्थ आगमे सिया आगमेणं ववहारं पडुवेज्जा नो य से तत्थ आगमे सिया जहा से तत्थ सुए सिया सुएणं ववहारं पडुवेज्जा नो य से तत्थ सुए सिया जहा से तत्थ आणा सिया आणाए ववहारं पडुवेज्जा नो य से तत्थ आणा सिया जहा से तत्थ धारणा सिया धारणाए ववहारं पडुवेज्जा नो य से तत्थ धारणा सिया, जहा से तत्थ जीए सिया जीएणं ववहारं पडुवेज्जा इच्चएहिं पंचहिं ववहारं पडुवेज्जा तं जहा-आगमेणं सुएणं आणाए धारणाए जीएणं जहा-जहा से आगमे सुए आणा धारणा जीए तथा-तथा ववहारं पडुवेज्जा से किमाहु भंते आगमबलियसमणा निग्गंथा इच्चेतं पंचविहं ववहारं जदा-जदा जहिं-जहिं तदा-तदा तहिं-तहिं अणिस्सिओवस्सितं सम्मं ववहरमाणे समणे निग्गंथे आणाए आराहए भवइ । ३३९।३४०

(४१४) कतिविहे णं भंते बंधे पत्रत्ते गोयमा दुविहे बंधे पत्रत्ते तं जहा-इरियावहियबंधे य संपराइयबंधे य इरियावहिय णं भंते कम्मं किं नेरइयो बंधइ तिरिक्खजोणिओ बंधइ तिरिक्ख-जोणिणी बंधइ मणुस्सो बंधइ मणुस्सी बंधइ देवो बंधइ देवी बंधइ गोयमा नो नेरइओ बंधइ नो तिरिक्खजोणिओ बंधइ नो तिरिक्खजोणिणी बंधइ नो देवो बंधइ नो देवी बंधइ पुव्व पडिवन्नए पडुच्च मणुस्सा य मणुस्सीओ य बंधंति पडिवज्जमाणए पडुच्च मणुस्सो वा बंधइ मणुस्सी वा बंधइ मणुस्स वा बंधंति मणुस्सीओ वा बंधंति अहवा मणुस्सो य मणुस्सी य बंधइ अहवा मणुस्सो य मणुस्सीओ य बंधंति अहवा मणुस्सा य मणुस्सी य बंधंति अहवा मणुस्सा य मणुस्सीओ य बंधंति तं भंते किं इत्थी बंधइ पुरिसो बंधइ नपुंसगो बंधइ इत्थीओ बंधंति पुरिसा बंधंति नपुंसगा बंधंति नोइत्थी नोपुरिसो नोनपुंसगो बंधइ गोयमा नो इत्थी बंधइ नो पुरिसो बंधइ नो नपुंसगो बंधइ नो

इत्थीओ बंधंति नो पुरिसा बंधंति नो नपुंसगा बंधंति नोइत्थी नोपुरिसो नो नपुंसगो बंधइ-
पुव्वपडिवन्नए पडुच्च अवगयवेदा बंधंति पडिवज्जमाणए पडुच्च अवगयवेदो वा बंधइ अवगयवेदा
वा बंधंति

जइ भंते अवगयवेदो वा बंधइ अवगयवेदा वा बंधंति तं भंते किं इत्थीपच्छाकडो बंधइ
पुरिसपच्छाकडो बंधइ नपुंसगपच्छाकडो बंधइ इत्थीपच्छाकडा बंधंति पुरिसपच्छाकडा बंधंति
नपुंसगपच्छाकडा बंधंति उदाहु इत्थीपच्छाकडो य पुरिसपच्छाकडो य बंधइ उदाहु इत्थीपच्छाकडो
य नपुंसगपच्छाकडो य बंधइ उदाहु पुरिसपच्छाकडो य नपुंसगपच्छाकडो य बंधइ उदाहु
इत्थीपच्छाकडो य पुरिसपच्छाकडो य नपुंसगपच्छाकडो य बंधइ एवं एते छव्वीसं भंगा जाव उदाहु
इत्थीपच्छाकडा य पुरिसपच्छाकडा य नपुंसगपच्छाकडा य बंधंति गोयमा इत्थीपच्छाकडो वि बंधइ
पुरिसपच्छाकडो वि बंधइ नपुंसगपच्छाकडो वि बंधइ इत्थीपच्छाकडा वि बंधंति पुरिसपच्छाकडा वि
बंधंति नपुंसगपच्छाकडा वि बंधंति अहवा इत्थीपच्छाकडो य पुरिसपच्छाकडो य बंधइ एवं एए वेव
छव्वीसं भंगा भाणियव्वा जाव अहवा इत्थीपच्छाकडा य पुरिसपच्छाकडा य नपुंसगपच्छाकडा य
बंधंति

तं भंते किं बंधी बंधइ बंधिस्सइ बंधी बंधइ न बंधिस्सइ बंधी न बंधइ बंधिस्सइ बंधी न बंधइ
न बंधिस्सइ न बंधी बंधइ बंधिस्सइ न बंधी बंधइ न बंधिस्सइ न बंधी न बंधइ बंधिस्सइ न बंधी न
बंधइ न बंधिस्सइ गोयमा भवागरिसं पडुच्च अत्तेगतिए बंधी बंधइ बंधिस्सइ अत्तेगतिए बंधी बंधइ
न बंधिस्सइ एवं तं चेव सव्वं जाव अत्तेगतिए न बंधी न बंधइ न बंधिस्सइ गहणागरिसं पडुच्च
अत्तेगतिए बंधी बंधइ बंधिस्सइ एवं जाव अत्तेगतिए न बंधी बंधइ बंधिस्सइ नो चेव णं न बंधी
बंधइ न बंधिस्सइ अत्तेगतिए न बंधी न बंधइ बंधिस्सइ अत्तेगतिए न बंधी न बंधइ न बंधिस्सइ तं
भंते किं सादीयं सपज्जवसियं बंधइ सादीयं अपज्जवसियं बंधइ अणादीयं सपज्जवसियं बंधइ
अणादीयं अपज्जवसियं बंधइ गोयमा सादीयं सपज्जवसियं बंधइ नो सादीयं अपज्जवसियं बंधइ नो
अणादीयं सपज्जवसियं बंधइ नो अणादीयं अपज्जवसियं बंधइ तं भंते किं देसेणं देसं बंधइ देसेणं सव्वं
बंधइ सव्वेणं देसं बंधइ सव्वेणं सव्वं बंधइ गोयमा नो देसेणं देसं बंधइ नो देसेणं सव्वं बंधइ नो सव्वेणं
देसं बंधइ सव्वेणं सव्वं बंधइ । ३४०।-३४१

(४१५) संपराइयं णं भंते कम्मं किं नेइओ बंधइ तिरिक्खजोणियो बंधइ जाव देवी बंधइ
गोयमा नेइओ वि बंधइ तिरिक्खजोणिओ वि बंधइ तिरिक्खजोणिणी वि बंधइ मणुस्सो वि बंधइ
मणुस्सी वि बंधइ देवो वि बंधइ देवी वि बंधइ तं भंते किं इत्थी बंधइ पुरिसो बंधइ तहेव जाव नोइत्थी
नोपुरिसो नोनपुंसगो बंधइ गोयमा इत्थी वि बंधइ पुरिसो वि बंधइ जाव नपुंसगा वि बंधंति अहवा
एते य अवगयवेदो य बंधइ अहवा एते य अवगयवेदा य बंधंति जइ भंते अवगयवेदो य बंधइ
अवगयवेदा य बंधंति तं भंते किं इत्थीपच्छाकडो बंधइ पुरिसपच्छाकडो बंधइ एवं जहेव
इरियावहियबंधगस्स तहेव निरवसेसं जाव अहवा इत्थीपच्छाकडा य पुरिसपच्छाकडा य नपुंसग-
पच्छाकडा य बंधंति तं भंते किं बंधी बंधइ बंधिस्सइ बंधी बंधइ न बंधिस्सइ बंधी न बंधइ बंधिस्सइ
बंधी न बंधइ न बंधिस्सइ गोयमा अत्तेगतिए बंधी बंधइ बंधिस्सइ अत्तेगतिए बंधी बंधइ न
बंधिस्सइ अत्तेगतिए बंधी न बंधइ बंधिस्सइ अत्तेगतिए बंधी न बंधइ न बंधिस्सइ तं भंते किं
सादीयं सपज्जवसियं बंधइ पुच्छा तहेव गोयमा सादीयं वा सपज्जवसियं बंधइ अणादीयं वा सपज्जवसियं

बंधइ अणादीयं वा अपज्जवसियं बंधइ नो चेव णं सादीयं अपज्जवसियं बंधइ तं भंते किं देसेणं देसं बंधइ एवं जहेव इरियावहियबंधगस्स जाय सव्वेणं सव्वं बंधइ । ३४१।-३४२

(४१६) कइ णं भंते कम्मप्यगडीओ पन्नताओ गोयमा अडु कम्मप्यगडीओ पन्नताओ तं जहा-नाणावरणिज्जं दंसणावरणिज्जं वेदणिज्जं मोहणिज्जं आउणं नामं गोयं अंतराड्यं कइ णं भंते परीसहा पन्नता गोयमा बावीसं परीसहा पन्नता तं जहा-दिगिंछापरीसहे पिवासापरीसहे । सीत-परीसहे उसिणपरीसहे दंसमसगपरीसहे अचेलपरीसहे अरइपरीसहे इत्थिपरीसहे चरियापरीसहे निसीहियापरीसहे सेज्जापरीसहे अक्कोसपरीसहे वहपरीसहे जायणापरीसहे अलाभपरीसहे रोगप-रीसहे तणफासपरीसहे जल्लपरीसहे सक्कारपुरक्कारपरीसहे पण्णापरीसहे नाणपरिसहे दंसण-परीसहे एए णं भंते बावीसं परीसहा कतिसु कम्मप्यगडीसु समोयरंति गोयमा चउसु कम्मप्यगडीसु समोयरंति तं जहा-नाणावरणिज्जे वेदणिज्जे मोहणिज्जे अंतराड्ए नाणावरणिज्जे णं भंते कम्मे कति परी-सहा समोयरंति गोयमा दो परीसहा समोयरंति तं जहा-पण्णापरीसहे नाणपरीसहे य वेदणिज्जे णं भंते कम्मे कति परीसहा समोयरंति गोयमा एककारस परीसहा समोयरंति । तं जहा। ३४२-१।-३४३-१

(४१७) पंचेव आपुपुब्बी चरिया सेज्जा वहे य रोगे य

तणफास-जल्लमेव य एककारस वेदणिज्जम्हि

॥५८॥-१

(४१८) दंसणमोहणिज्जे णं भंते कम्मे कति परिसहा समोयरंति गोयमा एगे दंसणपरीसहे सपोचरइ वरित्तमोहणिज्जे णं भंते कम्मे कति परीसहा समोयरंति गोयमा सत्त परीसहा समोयरंति । तं जहा। ३४२-२।-३४२-२

(४१९) अरती अचेल इत्थी निसीहिया जायणा य अक्कोसे

सक्कार-पुरक्कारे चरित्तमोहम्हि सत्तेते

॥५९॥-२

(४२०) अंतराड्ए णं भंते कम्मे कति परीसहा समोयरंति गोयमा एगे अलाभपरीसहे समोयरइ, सत्तविहबंधगस्स णं भंते कति परीसहा पन्नता गोयमा बावीसं पहीसहा पन्नता वीसं पुण वेदेइ-जं समयं सीयपरीसहं वेदेइ नो तं समयं उसिणपरीसहं वेदेइ जं समयं उसिणपरीसहं वेदेइ नो तं समयं सीयपरीसहं वेदेइ जं समयं चरियापरीसहं वेदेइ नो तं समयं निसीहियापरीसहं वेदेइ जं समयं निसीहियापरीसहं वेदेइ नो तं समयं चरियापरीसहं वेदेइ एवं अडुविहबंधगस्स वि छव्विहबंधगस्स णं भंते सरागछउमत्थस्स कति परीसहा पन्नता गोयमा चोहस परिसहा पन्नता बारस पुण वेदेइ-जं समयं सीयपरीसहं वेदेइ नो तं समयं उसिणपरीसहं वेदेइ जं समयं उसिणपरीसहं वेदेइ नो तं समयं सीयपरीसहं वेदेइ जं समयं चरियापरीसहं वेदेइ नो तं समयं सेज्जापरीसहं वेदेइ जं समयं सेज्जापरीसहं वेदेइ नो तं समयं चरियापरीसहं वेदेइ एकक्कविहबंधगस्स णं भंते वीयरगछउमत्थस्स कति परीसहा पन्नता गोयमा एवं चेव-जहेव छव्विहबंधगस्स एगविहबंधगस्स णं भंते सजोगिभयत्थकेवलस्स कति परीसहा पन्नता गोयमा एककारस परीसहा पन्नता नव पुण वेदेइ सेसं जहा छव्विहबंधगस्स अबंधगस्स णं भंते अयोगिभयत्थकेवलस्स कति परीसहा पन्नता गोयमा एककारस परीसह पन्नता नव पुण वेदेइ-जं समयं सीयपरीसहं वेदेइ नो तं समयं उसिणपरीसहं वेदेइ जं समयं उसिणपरीसहं वेदेइ नो तं समयं सीयपरीसहं वेदेइ जं समयं चरियापरीसहं वेदेइ नो तं समयं सेज्जापरीसहं वेदेइ जं समयं सेज्जापरीसहं वेदेइ नो तं समयं चरियापरीसहं वेदेइ । ३४२।-३४३

(४२१) जंघुदीवे णं भंते दीवे सूरिया उग्गमणमुहुत्तंसि दूरे य मूले य दीसंति मज्झंति-

यमुहुत्तंसि मूले य दूरे य दीसंति अत्यमणमुहुत्तंसि दूरे य मूले य दीसंति हंता गोयमा जंबुदीवे णं दीवे
सूरिया उग्गमणमुहुत्तंसि दूरे य [मूले य दीसंति मज्झंतियमुहुत्तंसि मूले य दूरे य दीसंति] अत्यम-
णमुहुत्तंसि दूरे य मूले य दीसंति जंबुदीवे णं भंते दीवे सूरिया उग्गमणमुहुत्तंसि मज्झंतियमुहुत्तंसि य
अत्यमणमुहुत्तंसि य सव्वत्थ समा उच्चत्तेणं हंता गोयमा जंबुदीवे णं दीवे सूरिया उग्गमण [मुहुत्तंसि
मज्झंतियमुहुत्तंसि य अत्यमणमुहुत्तंसि य सव्वत्थ समा] उच्चत्तेणं, जइ णं भंते जंबुदीवे दीवे सूरिया
उग्गमणमुहुत्तंसि मज्झंतियमुहुत्तंसि य अत्यमणमुहुत्तंसि य सव्वत्थ समा उच्चत्तेणं से केणं खाइ
अट्टेणं भंते एवं बुच्चइ-जंबुदीवे णं दीवे सूरिया उग्गमणमुहुत्तंसि दूरे य मूले य दीसंति जाव
अत्यमणमुहुत्तंसि दूरे य मूले य दीसंति गोयमा लेसापडिधाएणं उग्गमणमुहुत्तंसि दूरे य मूले य
दीसंति लेसाभितावेणं मज्झंतियमुहुत्तंसि मूले य दूरे य दीसंति लेसापडिधाएणं अत्यमणमुहुत्तंसि दूरे
य मूले य दीसंति से तेणट्टेणं गोयमा एवं बुच्चइ-जंबुदीवे णं दीवे सूरिया उग्गमणमुहुत्तंसि दूरे य मूले य
दीसंति जाव अत्यमण [मुहुत्तंसि दूरे य मूले] य दीसंति

जंबुदीवे णं भंते दीवे सूरिया किं तीयं खेतं गच्छंति पडुप्पन्नं खेतं गच्छंति अणागयं खेतं
गच्छंति गोयमा नो तीयं खेतं गच्छंति पडुप्पन्नं खेतं गच्छंति नो अणागयं खेतं गच्छंति जंबुदीवे णं
भंते दीवे सूरिया किं तीयं खेतं ओभासंति पडुप्पन्नं खेतं ओभासंति अणागयं खेतं ओभासंति गोयमा
नो तीयं खेतं ओभासंति पडुप्पन्नं खेतं ओभासंति नो अणागयं खेतं ओभासंति तं भंते किं पुट्टं
ओभासंति अपुट्टं ओभासंति गोयमा पुट्टं ओभासंति नो अपुट्टं ओभासंति जाव नियमा छद्दिसिं
जंबुदीवे णं भंते दीवे सूरिया किं तीयं खेतं उज्जोवैति एवं चेव जाव नियमा छद्दिसिं एवं तवेति एवं
भासंति जाव नियमा छद्दिसिं जंबुदीवे णं भंते दीवे सूरियाणं किं तीए खेते किरिया कज्जइ पडुप्पन्ने
खेते किरिया कज्जइ अणागए खेते किरिया कज्जइ गोयमा नो तीए खेते किरिया कज्जइ पडुप्पन्ने खेते
किरिया कज्जइ नो अणागए खेते किरिया कज्जइ सा भंते किं पुट्टा कज्जइ अपुट्टा कज्जइ गोयमा पुट्टा
कज्जइ नो अपुट्टा कज्जइ जाव नियमा छद्दिसिं जंबुदीवे णं भंते दीवे सूरिया केवतियं खेतं उड्ढं तवति
केवतियं खेतं अहे तवति केवतियं खेतं तिरियं तवति गोयमा एणं जोयणसयं उड्ढं तवति अट्टारस
जोयणसयाइं अहे तवति सीयालीसं जोयणसहसाइं दोण्णिय तेवइ जोयणसए एककवीसं च
सट्ठिभाए जोयणस्स तिरियं तवति

अंतो णं भंते माणुसुत्तरपव्वयस्स जे चंदिम-सूरिय-गहगण-नक्खत्ता-तारारूवा ते णं भंते
देवा किं उड्ढोववन्नगा जहा जीवाभिगमे तहेव निरवसेसं जाव- इंदद्वाणे णं भंते केवतियं कालं
विरहिए उववाएणं गोयमा जहण्णेणं एक्कं समयं उक्कोसेणं छम्मासा बहिया णं भंते
माणुसुत्तरपव्वयस्स जे चंदिम-सूरिय-गहगण-नक्खत्ता-तारारूवा ते णं भंते देवा किं उड्ढोववन्नगा
जहा जीवाभिगमे जाव - इंदद्वाणे णं भंते केवतियं कालं उववाएणं विरहिए पन्नत्ते गोयमा जहण्णेणं
एक्कं समयं उक्कोसेणं छम्मासा सेवं भंते सेवं भंते ति । ३४३।३४४

● अइमे सत्ते अइमे उइसो सपत्तो ●

—: न व मो—उ हे सो :—

(४२२) कतिविहे णं भंते बंधे पन्नत्ते गोयमा दुविहे बंधे पन्नत्ते तं जहा-पयोबंधे य वीससाबंधे
य । ३४४।३४५

(४२३) वीससाबंधे णं भंते कतिविहे पन्नत्ते गोयमा दुविहे पन्नत्ते तं जहा-सादीयवीससाबंधे

य अणादीयवीससाबंधे य अणादीयवीससाबंधे णं भंते कतिविहे पत्रत्ते गोयमा तिविहे पत्रत्ते तं जहा-धम्मत्थिकायअण्णमण्णअणादीयवीससाबंधे अधम्मत्थिकायअण्णमण्णअणादीयवीससा-बंधे आगासत्थिकायअण्णमण्णअणादीयवीससाबंधे, धम्मत्थिकायअण्णमण्णअणादीयवीससा-बंधे णं भंते किं देसबंधे सव्वबंधे गोयमा देसबंधे नो सव्वबंधे एवं अधम्मत्थिकायअण्णमण्णअ-णादीयवीससाबंधे वि एवं आगासत्थिकायअण्णमण्णअणादीयवीससाबंधे वि धम्मत्थिकायअण्ण-मण्ण- अणादीयवीससाबंधे णं भंते कालओ केवच्चिरं होइ गोयमा सव्वद्धं एवं अधम्मत्थिकाय-अण्णमण्णअणादीयवीससाबंधे वि एवं आगासत्थिकायअण्णमण्णअणादीयवीससाबंधे वि, सादीयवीससाबंधे णं भंते कतिविहे पत्रत्ते गोयमा तिविहे पत्रत्ते तं जहा-बंधणपच्चइए भायणपच्चइए परिणामपच्चइए से किं तं बंधणपच्चइए बंधणपच्चइए-जण्णं परमाणुपोगलदुप्पदेसिय-तिप्पदेसिय जाव दसपदेसिय-संखेज्जपदेसिय-असंखेज्जपदेसिय-अनंतपदेसियाणं खंधाणं वेमायनिद्धयाए वेमा-यलुक्खयाए, वेमायनिद्धलुक्खयाए बंधणपच्चएणं बंधे समुप्पज्जइ जहण्णेणं एक्कं समयं उक्को-सेणं असंखेज्जं कालं से तं बंधणपच्चइए से किं तं भायणपच्चइए भायणपच्चइए-जण्णं जुण्णसुर-जुण्णगुल-जुण्णतंदुलाणं भायणपच्चएणं बंधे समुप्पज्जइ जहण्णेणं अंतोमुहुत्तं उक्कोसेणं संखेज्जं कालं से तं भायणपच्चइए से किं तं परिणामपच्चइए परिणामपच्चइए-जण्णं अब्बाणं अब्भरूक्खाणं जहा ततियसए जाव अमोहाणं परिणामपच्चएणं बंधे समुप्पज्जइ जहण्णेणं एक्कं समयं उक्कोसेणं छम्मासा सेत्तं परिणामपच्चइए सेत्तं सादीयवीससाबंधे सेत्तं वीससाबबंधे। ३४६।-३४८

(३२४) से किं तं पयोगबंधे पयोगबंधे तिविहे पत्रत्ते तं जहा-अणादीए वा अपज्जवसिए सादीए वा अपज्जवसिए सादीए वा सपज्जवसिए तत्थ णं जे से अणादीए अपज्जवसिए से णं अट्ठणं जीवमज्झपएसणं तत्थ वि णं तिण्हं-तिण्हं अणादीए अपज्जवसिए सेसाणं सादीए तत्थ णं जे से सादीए अपज्जवसिए से णं सिद्धाणं तत्थ णं जे से सादीए सपज्जवसिए से णं चउव्विहे पत्रत्ते तं जहा-आलावणबंधे अल्लियावणबंधे सरीरबंधे सरीरप्पयोगबंधे से किं तं आलावणबंधे आलावणबंधे-जण्णं तणभाराण वा कट्ठभाराण वा पत्तभाराण वा पल्लभाराण वा वेत्तलता-याग-वरत्त-रज्जुवलि-कुस-दब्भमादीएहिं आलावण-बंधे समुप्पज्जइ जहन्नेणं अंतोमुहुत्तं उक्कोसेणं संखेज्जं कालं सेत्तं आलावणबंधे से किं तं अल्लियावणबंधे अल्लियावणबंधे चउव्विहे पत्रत्ते तं जहा-लेसणाबंधे उच्चयबंधे समुच्चयबंधे साहणणाबंधे

से किं तं लेसणाबंधे लेसणाबंधे-जण्णं कुट्टाणं कोट्टियाणं खंभाणं पासायाणं कट्ठाणं चम्माणं घडाणं पडाणं कडाणं खुहा-चिक्खल्ल-सिलेस-लक्ख-महुसित्थमाइएहिं लेसण-एहिं बंधे समुप्पज्जइ जहण्णेणं अंतोमुहुत्तं उक्कोसेणं संखेज्जं कालं सेत्तं लेसणाबंधे, से किं तं उच्चयबंधे उच्चयबंधे-जण्णं तणरासीण वा कट्ठरासीण वा पत्तरासीण वा तुसरासीण वा भुसरासीण वा गोमयरासीण वा अवगररासीण वा उच्चतेणं बंधे समुप्पज्जइ जहन्नेणं अंतोमुहुत्तं उक्कोसेणं संखेज्जं कालं सेत्तं उच्चयबंधे, से किं तं समुच्चयबंधे समुच्चयबंधे-जण्णं अण्ड-तडाग-नदी-दह-वावी-पुक्खरिणी-दीहियाणं गुंजालियाणं सराणं सरपंतियाणं सरसरपंतियाणं बिलपंतियाणं देवकुल-सभ-प्पय-यूम-खाइयाणं फरिहाणं पागारइल्लग-चरिय-दार-गोपुर-तोरणाणं पासाय-घर-सरण-लेण-आवणाणं सिंघाडग-तिया-चउक्क-चच्चर-छउम्मुह-महापह-पहमादीणं खुहा-चिक्खल्ल-सिलासमुच्चएणं बंधे समुप्पज्जइ जहण्णेणं अंतोमुहुत्तं उक्कोसेणं संखेज्जं कालं सेत्तं समुच्चयबंधे, से किं तं साहणणाबंधे

साहणणाबंधे दुविहे पत्रते तं जहा-देससाहणणाबंधे य सव्वसाहणणाबंधे य से किं तं देससाहणणाबंधे देससाहणणाबंधे-जण्णं सगड-रह-जाण-जुग-भिद्धि-सीय-संदमाणी-लोही-लोह-कडाह-कडचुय-आसण-सयण-खंभ-भंडमत्तोवगरणमादीणं देससाहणणाबंधे समुप्पज्झइ जहण्णेणं अंतोमुहुत्तं उक्कोसेणं संखेअं कालं सेत्तं देससाहणणाबंधे से किं तं सव्वसाहणणाबंधे सव्वसाहणणाबंधे-से णं खीरोदगमाईणं सेत्तं सव्वसाहणणाबंधे सेत्तं साहणणाबंधे सेत्तं अल्लियावणबंधे

से किं तं सरीरबंधे सरीरबंधे दुविहे पत्रते तं जहा-पुव्वपयोगपच्चइए य पडुप्पन्नपयोगपच्चइए से किं तं पुव्वपयोगपच्चइए पुव्वपयोगपच्चइए-जण्णं नेरइयाणं संसारत्याणं सव्वजीवाणं तत्थ-तत्थ तेसु तेसु कारणेसु समोहण्णमाणाणं जीवप्पदेसाणं बंधे समुप्पज्झइ सेत्तं पुव्वपयोगपच्चइए से किं तं पडुप्पन्नपयोगपच्चइए पडुप्पन्नपयोगपच्चइए - जण्णं केवलवाणिस्स अणगारस्स केवलिसमुग्धाएणं समोहयस्स ताओ समुग्धायओ पडिनियत्तमाणस्स अंतरा मंधे वट्टमाणस्स तेयाकम्माणं बंधे समुप्पज्झइ किं कारणं ताहे से पएसा एगत्तीगया भवन्ति सेत्तं पडुप्पन्नपयोगपच्चइए सेत्तं सरीरबंधे से किं तं सरीरपयोगबंधे सरीरपयोगबंधे पंचविहे पत्रते तं जहा-ओरालियसरीरपयोगबंधे-वेउव्वियसरीरपयोगबंधे आहारगसरीरपयोगबंधे तेयासरीरपयोगबंधे कम्मासरीरपयोगबंधे, ओरालियसरीरपयोगबंधे णं भंते कतिविहे पत्रते गोयमा पंचविहे पत्रते तं जहा-एगिंदिय-ओरालियसरीरपयोगबंधे बेइंदियओरालियसरीरपयोगबंधे जाव पंचिंदियओरालियसरीरपयोग-गबंधे, एगिंदियओरालियसरीरपयोगबंधे णं भंते कतिविहे पत्रते गोयमा पंचविहे पन्तते तं जहा-पुढविक्काइयएगिंदियओरालियसरीरपयोगबंधे एवं एएणं अभिलावेणं भेदो जहा ओगाहण-संठाणे ओरालियसरीरस्स तहा भाणियव्वो जाव पज्जतागव्वककंतियमणुस्सपंचि-दियओरालिय-सरीरपयोगबंधे य अप्पज्जतागव्वककंतियमणुस्स पंचिंदियओरालियसरीरपयोगबंधे य, ओरालियसरीरपयोगबंधे णं भंते कस्स कम्मस्स उदएणं गोयमा वीरिय-संजोग-सहव्वयाए पमादपच्चया कम्मं च जोगं च भवं च आउयं च पडुच्च ओरालियसरीरपयोगनामकम्मस्स उदएणं ओरालियसरीरपयोगबंधे

एगिंदियओरालियसरीरपयोगबंधे णं भंते कस्स कम्मस्स उदएणं एवं चेव पुढविक्काइयएगिंदियओरालियसरीरपयोगबंधे एवं चेव एवं जाव वणस्सइकाइया एवं बेइंदिया एवं तेइंदिया एवं चउरिंदिया तिरिक्खजोगियपंचिंदियओरालियसरीरपयोगबंधे णं भंते कस्स कम्मस्स उदएणं एवं चेव मणुस्स पंचिंदियओरालियसरीरपयोगबंधे णं भंते कस्स कम्मस्स उदएणं गोयमा वीरिय-सजोग-सहव्वयाए पमादपच्चया कम्मं च जोगं च भवं च आउयं च पडुच्च मणुस्सपंचिंदियओरालियसरीरपयोगनामकम्मस्स उदएणं मणुस्सपंचिंदियओरालियसरीरपयोगबंधे, ओरालियसरीरपयोगबंधे णं भंते किं देसबंधे सव्वबंधे गोयमा देसबंधे वि सव्वबंधे वि एगिंदियओरालियसरीरपयोगबंधे णं भंते किं देसबंधे सव्वबंधे एवं चेव एवं पुढविक्काइया एवं जाव - मणुस्सपंचिंदियओरालियसरीरपयोगबंधे णं भंते किं देसबंधे सव्वबंधे गोयमा देसबंधे वि सव्वबंधे वि ओरालियसरीरपयोगबंधे णं भंते कालओ केवच्चिरं होइ गोयमा सव्वबंधे एककं समयं देसबंधे जहण्णेणं एककं समयं उक्कोसेणं तिण्णि पलिओवमाई समयूणाई एगिंदियओरालियसरीरपयोगबंधे णं भंते कालओ केवच्चिरं होइ गोयमा सव्वबंधे एककं समयं देसबंधे जहन्नेणं

एकं समयं उक्कोसेणं बावीसं वाससहस्साइं समयूणाइं

पुढविक्काइयएगिंदियपुच्छा गोयमा सच्चबंध एकं समयं देसबंधे जहण्णेणं खुड्ढाग भवग्गहणं तिसमयूणं उक्कोसेणं बावीसं वाससहस्साइं समयूणाइं एवं सच्चसिं सच्चबंधो एकं समयं देसबंधो जेसिं नत्थि वेउच्चियसरीरं तेसिं जहण्णेणं खुड्ढागं भवग्गहणं तिसमयूणं उक्कोसेणं जा सा ठिती सा समयूणा कायच्चा जेसिं पुण अत्थि वेउच्चियसरीरं तेसिं देसबंधो जहन्नेमणं एकं समयं उक्कोसेणं जा जस्स ठिती सा समयूणा कायच्चा जाव मणुस्साणं देसबंधे जहण्णेणं एकं समयं उक्कोसेणं तिण्णि पलिओवमाइं समयूणाइं, ओरालियसरीरबंधतरं णं भंते कालओ केवच्चिरं होइ गोयमा सच्चबंधतरं जहण्णेणं खुड्ढागं भवग्गहणं तिसमयूणं उक्कोसेणं तेत्तीसं सागरोवमाइं पुव्वकोडिसमयाहियाइं देसबंधंतरं जहण्णेणं एकं समयं उक्कोसेणं तेत्तीसं सागरोवमाइं तिसमयाहियाइं, एगिंदियओरालियपुच्छा गोयमा सच्चबंधंतरं जहण्णेणं खुड्ढागं भवग्गहणं तिसमयूणं उक्कोसेणं बावीसं वाससहस्साइं समयाहियाइं देसबंधंतरं जहण्णेणं एकं समयं उक्कोसेणं अंतोमुहुत्तं पुढविक्काइयएगिंदियपुच्छा सच्चबंधंतरं जहेव एगिंदियस्स तहेव भाणियच्चं देसबंधंतरं जहण्णेणं एकं समयं उक्कोसेणं तिण्णि समया जहा पुढविक्काइयाणं एवं जाव च उरिंदियाणं वाउक्काइयवज्जाणं नवरं-सच्चबंधंतरं उक्कोसेणं जा जस्स ठिती सा समयाहिया कायच्चा वाउक्काइयाणं सच्चबंधंतरं जहण्णेणं खुड्ढागं भवग्गहणं तिसमयूणं उक्कोसेणं तिण्णि वाससहस्साइं समयाहियाइं देसबंधंतइं जहण्णेणं एकं समयं उक्कोसेणं अंतोमुहुत्तं

पंचिंदियतिरिक्खजोणियओरालियपुच्छा सच्चबंधंतरं जहण्णेणं खुड्ढागं भवग्गहणं तिसमयूणं उक्कोसेणं पुव्वकोडी समयाहिया देसबंधंतरं जहा एगिंदियाणं तथा पंचिंदियतिरिक्खजोणियाणं एवं मणुस्साण वि निरवसेसं भाणियच्चं जाव उक्कोसेणं अंतोमुहुत्तं जीवस्स णं भंते एगिंदियत्ते नोएगिंदियत्ते पुणरवि एगिंदियत्ते एगिंदियओरालियसरीरप्योगबंधंतरं कालओ केवच्चिरं होइ गोयमा सच्चबंधंतरं जहण्णेणं दो खुड्ढाइं भवग्गहणाइं तिसमयूणाइं उक्कोसेणं दो सागरोवमसहस्साइं संखेज्जवासमव्वमहियाइं देवबंधंतरं जहन्नेणं खुड्ढागं भवग्गहणं समयाहियं उक्कोसेणं दो सागरोवमसहस्साइं संखेज्जवासमव्वमहियाइं, जीवस्स णं भंते पुढविक्काइयत्ते नोपुढविक्काइयत्ते पुणरवि पुढविक्काइयत्ते पुढविक्काइयएगिंदियओरालियसरीरप्योगबंधंतरं कालओ केवच्चिरं होइ गोयमा सच्चबंधंतरं जहन्नेणं दो खुड्ढागं भवग्गहणाइं तिसमयूणाइं उक्कोसेणं अनंतं कालं-अनन्ताओ ओसप्पिणीओ उस्सप्पिणीओ कालओ खेतओ अनन्ता लोगा-असंखेज्जा पोग्गलपरियट्ठा ते णं पोग्गलपरियट्ठा आवलियाए असंखेज्जइभागो देवबंधंतरं जहण्णेणं खुड्ढागं भवग्गहणं समयाहियं उक्कोसेणं अनंत कालं जाव आवलियाए असंखेज्जइभागो जहा पुढविक्काइयाणं एवं वणस्स-इकाइयवज्जाणं जाव मणुस्साणं वणस्सइकाइयाणं दोण्णि खुड्ढाइं एवं चेव उक्कोसेणं असंखेज्जं कालं-असंखेज्जाओ ओसप्पिणीओ उस्सप्पिणीओ कालओ खेतओ असंखेज्जा लोगा एवं देसबंधंतरं पि उक्कोसेणं पुढविकालो एएसिं णं भंते जीवाणं ओरालियासरीरस्स देसबंधगाणं सच्चबंधगाणं अबंधगाणं य कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सच्चत्थोवा जीवा ओरालियसरीरस्स सच्चबंधगा अबंधगा विसेसाहिया देसबंधगा असंखेज्जगुणा ॥३४६॥-३४८

(४२५) वेउच्चियसरीरप्योगबंधणे णं भंते कतिविहे पन्नत्ते गोयमा दुविहे पन्नत्ते तं जहा-एगिंदियवेउच्चियसरीरप्योगबंधे य पंचोदियवेउच्चियसरीरप्योगबंधे य जइ एगिंदियवेउच्चिय-

सरीरप्पयोगबंधे किं वाउक्काइयएगिंदियसरीरप्पयोगबंधे अवाउक्काइयएगिंदियसरीरप्पयोग-
बंधे एवं एएणं अभिलावेणं जहा ओगाहणसंठाणे वेउव्वियसरीरभेदो तथा भाणियव्वो जाव पज्जता
सव्वट्टसिद्धअनुत्तरोववाइयकप्पातीयवेमाणिय देवपंचिंदियवेउव्वियसरीरप्पयोगबंधे य अपज्जता-
सव्वट्टसिद्ध अनुत्तरोववाइयकप्पातीयवेमाणियदेवपंचिंदियवेउव्वियसरीरप्पयोगबंधे य, वेउव्विय-
सरीरप्पयोगबंधे णं भंते कस्स कम्मस्स उदएणं गोयमा वीरिय-सजोग-सहव्वयाए पमादपच्चया
कम्मं च जोगं च भवं च आउयं च लद्धि वा पडुच्च वेउव्वियसरीरप्पयोगनामाए कम्मरस उदएणं
वेउव्वियसरीरप्पयोगबंधे, वाउक्काइयएगिंदियवेउव्वियसरीरप्पयोगपुच्छा गोयमा वीरियसजोग-
सहव्वयाए एवं चेव जाव लद्धि पडुच्च वाउक्काइयएगिंदियवेउव्वियं सरीरप्पयोग बंधो

रयणप्पभापुढविनेरइयपंचिंदियवेउव्वियसरीरप्पयोगबंधे णं भंते कस्स कम्मस्स उदएणं
गोयमा वीरिय-सजोग-सहव्वयाए जाव आउयं वा पडुच्च रयणप्पभापुढवि [नेरइयपंचिंदियवेउ-
व्वियसरीरप्पयोग] बंधे एवं जाव अहेसत्तमाए तिरिक्खजोणियपंचिंदियवेउव्वियसरीरपुच्छा
गोयमा वीरिय-सजोग-सहव्वयाए जहा वाउक्काइयाणं मणुस्सपंचिंदियवेउव्वियसरीरप्पयोग-
बंधे एवं चेव असुरकुमारभवणवासिदेवपंचिंदियवेउव्वियसरीरप्पयोगबंधे जहा रयणप्पभापुढवि-
नेरइयाणं एवं जाव धणियकुमारा एवं वाणमंतरा एवं जोइसिया एवं सोहम्मकप्पोदया वेमाणिया
एवं जाव अच्चुयगेवेज्जकप्पातीया वेमाणिया अनुत्तरोववाइयकप्पातीया वेमाणिया एवं चेव
वेउव्विय-सरीरप्पयोगबंधे णं भंते किं देसबंधे सव्वबंधे गोयमा देसबंधे वि सव्वबंधे वि वाउक्काइ-
यएगिंदियवेउव्वियसरीरप्पयोगबंधे वि एवं चेव, रयणप्पभापुढवि नेरइया एवं चेव एवं जाव
अणुत्तरोववाइया वेउव्वियसरीरप्पयोगबंधे णं भंते कालओ केवच्चिरं होइ गोयमा सव्वबंधे
जहण्णेणं एक्कं समयं उक्कोसेणं दो समया देसबंधे जहण्णेणं एक्कं समयं उक्कोसेणं तेत्तीसं
सागरोवमाइं समयूणाइं वाउक्काइयएगिंदियवेउव्वियपुच्छा गोयमा सव्वबंधे एक्कं समयं देसबंधे
जहन्नेणं एक्कं समयं उक्कोसेणं अंतोमुहुत्तं

रयणप्पभापुढविनेरइयपुच्छा गोयमा सव्वबंधे एक्कं समयं देसबंधे जहण्णेणं दसवासस-
हस्साइं तिसमयूणाइं उक्कोसेणं सागरोवमं समयूणं एवं जाव अहे सत्तमा नवरं- देसबंधे जस्स जा
जहण्णिंया ठिठी सा तिसमयूणा कायव्वा जाय उक्कोसिया सा समयूणा पंचिंदियतिरिक्ख-
जोणियाणं मणुस्साण य जहा वाउक्काइयाणं असुरकुमार-नागकुमार जाव अनुत्तरोववाइयाणं
जहा नेरइयाणं नवरं-जस्स जा ठिठी सा भाणियव्वो जाव अनुत्तरोववाइयाणं सव्वबंधे एक्कं समयं
देसबंधे जहण्णेणं एक्कतीसं सागरोवमाइं तिसमयूणाइं उक्कोसेणं तेत्तीसं सागरोवमाइं समयूणा
वेउव्वियसरीरप्पयोगबंधंतरं णं भंते कालओ केवच्चिरं होइ गोयमा सव्वबंधंतरं जहन्नेणं एक्कं
समयं उक्कोसेणं अनंतकालं-अनंताओ ओस्सप्पिणीओ उस्सप्पिणीओ कालओ खेतओ अनंता
लोगा-असंखेज्जा पोगलपरियट्ठा ते णं पोगलपरियट्ठा आवलियाए असंखेज्जभागो एवं देसबंधंतरं
पि वाउक्काइयवेउव्वियसरीरपुच्छा गोयमा सव्व- बंधंतरं जहन्नेणं अंतोमुहुत्तं उक्कोसेणं पत्ति-
ओवमस्स असंखेज्जभागं एवं देसबंधंतरं पि तिरिक्खजोणियपंचिंदिय वेउव्वियसरीरप्पयोग
बंधंतरं-पुच्छा गोयमा सव्वबंधंतरं जहन्नेणं अंतोमुहुत्तं उक्कोसेणं पुव्वकोडीपुहत्तं एवं देसबंधंतरं
पि एवं मणुस्स वि, जीवस्स णं भंते वाउक्काइयते नोवाउकाइयते पुणरवि वाउकाइयते
वाउक्काइयएगिंदियवेउव्वियपुच्छा गोयमा सव्वबंधंतरं जहण्णेणं अंतोमुहुत्तं उक्कोसेणं अनंत

कालं-वणस्सइकालो एवं देसबंधंतरं पि

जीवस्स णं भंते रयणप्पभापुढविनेरइयत्ते नोरयणप्पभापुढविनेरइयत्ते पुणरवि रयणप्पभापुढविनेरइयत्ते - पुच्छा गोयमा सच्चबंधंतरं जहण्णेणं दसवाससहस्साइं अंतोमुहुत्तम-ब्महियाइं उक्कोसेणं वणस्सइकालो देसबंधंतरो जहण्णेणं अंतोमुहुत्तं उक्कोसेणं अनंत कालं - वणस्सइकालो एवं जाव अहेसत्तमाए नवरं-जा जस्स ठिती जहण्णिया सा सच्चबंधंतरं जहण्णेणं अंतोमुहुत्तम-ब्महिया कायव्वा सेसं तं चैव पंचिदियतिरिक्खजोणिय-मणुस्साण य जहा व्वाउक्काइयाणं असुर-कुमार-नागकुमारा जाव सहस्सारदेवाणं-एएसिं जहा रयणप्पभापुढविनेरइयाणं नवरं-सच्चबंधंतरं जस्स जा ठिती जहण्णिया सा अंतोमुहुत्तम-ब्महिया कायव्वा सेसं तं चैव, जीवस्स णं भंते आणयदेवत्ते नोआणयदेवत्ते पुणरवि आणयदेवत्ते पुच्छा गोयमा सच्चबंधंतरं जहण्णेणं अट्टारस सागरोवमाइं वासपुहत्तम-ब्महियाइं उक्कोसेणं अनंतं कालं-वणस्सइकालो देसबंधंतरं जहण्णेणं वासपुहत्तं उक्कोसेणं अनंतं कालं-वणस्सइकालो एवं जाव अमुए नवरं-जस्स जा ठिती सा सच्चबंधंतरं जहण्णेणं वासपुहत्तम-ब्महिया कायव्वा सेसं तं चैव गेवेज्जाकप्पातीतापुच्छा गोयमा सच्चबंधंतरं जहण्णेणं बादीसं सागरोवमाइं वासपुहत्तम-ब्महियाइं उक्कोसेणं अनंत कालं-वणस्सइकालो देसबंधंतरं जहण्णेणं वासपुहत्तं उक्कोसेणं वणस्सइकालो जीवस्स णं भंते अनुत्तरोववा-इयपुच्छा गोयमा सच्चबंधंतरं जहण्णेणं एककीसं सागरोवमाइं वासपुहत्तम-ब्महियाइं उक्कोसेणं संखेज्जाइं सागरोवमाइं देसबंधंतरं जहण्णेणं वासपुहत्तं उक्कोसेणं संखेज्जाइं सागरोवमाइं

एएसिं णं भंते जीवाणं वेउब्बियसरीरस्स देसबंधाणं सच्चबंधाणं अबंधाण य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सच्चत्योवा जीवा वेउब्बियसरीरस्स सच्चबंधा देसबंधा असंखेज्जगुणा अबंधा अनंतगुणा आहारगसरीरप्पयोगबंधे णं भंते कति-विहे पन्नत्ते गोयमा एगागारे पन्नत्ते जइ एगागारे पन्नत्ते किं मणुस्साहारगसरीरप्पयोगबंधे अमणुस्सा-हारगसरीरप्पयोगबंधे गोयमा मणुस्साहारगसरीरप्पयोगबंधे नो अमणुस्साहारगसरीरप्पयोगबंधे एवं एएणं अभिलावेणं जहा ओगाहणसंठाणे जाव इड्ढिपत्तपमत्तसंजयसम्मदिट्ठिपत्तसंखेज्जवासा-उयकम्मभूमागब्मवक्कंतिमणुस्साहारगसरीरप्पयोगबंधे नो अणिड्ढिपत्तपमत्त संजयसम्मदिट्ठि-पत्तसंखेज्जवासाउयकम्मभूमागब्मवक्कंतिमणुस्साहारगसरीरप्पयोगबंधे आहारगसरीरप्पयो-गबंधे णं भंते कस्स कम्मस्स उदएणं गोयमा वीरिय-सजोग-सद्वय्याए [पमादपच्चया कम्मं च जोगं च भवं च आउयं च] लद्धिं वा पडुच्च आहारगसरीरप्पयोगनामाए कम्मस्स उदएणं आहारगसरीरप्प-योगबंधे, आहारगसरीरप्पयोगबंधे णं भंते किं देसबंधे सच्चबंधे गोयमा देसबंधे वि सच्चबंधे वि आहारगसरीरप्पयोगबंधे णं भंते कालओ केवच्चिरं होइ गोयमा सच्चबंधे एकक्कं समयं देसबंधे जहण्णेणं अंतोमुहुत्तं उक्कोसेण वि अंतोमुहुत्तं आहारगसरीरप्पयोगबंधंतरं णं भंते कालओ केवच्चिरं होइ गोयमा सच्चबंधंतरं जहण्णेणं अंतोमुहुत्तं उक्कोसेणं अनंत कालं-अनंताओ ओसपिणीओ उस्सपिणीओ कालओ खेतओ अनंता लोगा-अवड्ढपोगलपरियट्ठं देसूणं एवं देसबंधंतरं पि एएसिं णं भंते जीवाणं आहारगसरीरस्स देसबंधाणं सच्चबंधाणं अबंधाण य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सच्चत्योवा जीवा आहारगसरीरस्स सच्च-बंधा देसबंधा संखेज्जगुणा अबंधा अनंतगुणा । ३४३।-३४७

(४२६) तेयासरीरप्पयोगबंधे णं भंते कतिविहे पन्नत्ते गोयमा पंचविहे पन्नत्ते तं जहा-

एगिंदियतेयासरीरप्पयोगबंधे बेइंदियतेयासरीरप्पयोगबंधे जाव पंचिंदियतेयासरीरप्पयोगबंधे
 एगिंदियतेयासरीरप्पयोगबंधे णं भंते कतिविहे पत्रत्ते एवं एएणं अभिलावेणं भेदो जहा ओगा-
 हणसंठाणे जाव पज्जतासव्वट्टसिद्धअनुत्तरोववाइयकप्पातीतभाणियदेवपंचिंदियतेयासरीरप्पयोग-
 बंधे य तेयासरीरप्पयोगबंधे णं भंते कस्स कम्मस्स उदएणं गोयमा वीरिय-सजोग-सहव्वयाए
 आउयं वा पडुच्च तेयासरीरप्पयोगनामाए कम्मस्स उदएणं तेयासरीरप्पयोगबंधे, तेयासरीरप्प-
 योगबंधेणं भंते किं देसबंधे सव्वबंधे गोयमा देसबंधे नो सव्वबंधे तेयासरीरप्पयोगबंधे णं भंते
 कालओ केवच्चिरं होइ गोयमा दुविहे पन्नत्ते तं जहा-अणादीए वा अपज्जवसिए अणादीएवा
 सपज्जवसिए तेयासरीरप्पयोगबंधंतरं णं भंते कालओ केवच्चिरं होइ गोयमा अणादीयस्स अपज्ज-
 वसियस्स नत्थि अंतरं अणादीयस्स सपज्जवसियस्स नत्थि अंतरं एएसिणं भंते जीवाणं तेयासरीरस्स
 देसबंधगाणं अबंधगाणं य कयरे कयरेहिंतो अप्पा वा बहुया वा तुल्ला वा विसेसाहिंया वा गोयमा
 सव्वत्थोवा जीया तेयासरीरस्स अबंधगा देसबंधगा अनंतगुणा।३४८।-३५०

(४२७) कम्मासरीरप्पयोगबंधे णं भंते कतिविहे पत्रत्ते गोयमा अट्टविहे पत्रत्ते तं जहा-
 नाणावरणिज्जकम्मासरीरप्पयोगबंधे जाव अंतराइयकम्मासरीरप्पयोगबंधे, नाणावरणिज्जकम्मा-
 सरीरप्पयोगबंधे णं भंते कस्स कम्मस्स उदएणं गोयमा नाणपडिणीययाए नाणनिहवणयाए नाणं-
 तराएणं नामप्पदोसेणं नामच्चासातणयाए नाणविसंवादणाजोगेणं नाणावरणिज्जकम्मासरीरप्पयो-
 गनामाए कम्मस्स उदएणं नाणावरणिज्जकम्मासरीरप्पयोगबंधे, दरिसणावरणिज्जकम्मासरीर-
 प्पयोगबंधे णं भंते कस्स कम्मस्स उदएणं गोयमा दंसणपडिणीयायए दंसणनिहवणयाए दंसणं-
 तराएणं दंसणप्पदोसेणं दंसणच्चासातणयाए दंसणविसंवादणाजोगेणं दंसणावरणिज्जकम्मासरीरप्प-
 योगनामाए कम्मस्स उदएणं दरिसणावरणिज्जकम्मासरीरप्पयोगबंधे, सायावेयणिज्जकम्मासरीरप्प-
 योगबंधे णं भंते कस्स कम्मस्स उदएणं गोयमा पाणाणुकंपयाए भूयाणुकंपयाए [जीवाणुकंपयाए
 सत्ताणुकंपयाए बहूणं पाणाणं भूयाणं जीवाणं सत्ताणं अदुक्खणयाए असोयणयाए अजूरणयाए
 अतिप्पणयाए अपिठ्ठणयाए] अपरियावणयाए सायावेयणिज्जकम्मासरीरप्पयोगनामाए कम्मस्स
 उदएणं सायावेयणिज्जकम्मासरीरप्पयोग बंधे

असायावेयणिज्ज कम्मासरीरप्पयोगबंधे णं भंते कस्स कम्मस्स उदएणं गोयमा परदुक्खण-
 याए परसोयणयाए [परजूरणयाए परतिप्पणयाए परपिठ्ठणयाए परपरियावणयाए बहूणं पाणाणं
 भूयाणं जीवाणं सत्ताणं दुक्खणयाए सोयणयाए जूरणयाए तिप्पणयाए पिठ्ठणयाए] परियावणयाए
 असायावेयणिज्जकम्मा [सरीरप्पयोगनामाए कम्मस्स उदएणं असायावेयणिज्जकम्मासरीर]प्पयोग-
 बंधे मोहणिज्जकम्मासरीरप्पयोगबंधे णं भंते कस्स कम्मस्स उदएणं गोयमा तिव्वकोहयाए तिव्व-
 माणयाए तिव्वमाययाए तिव्वलोभयाए तिव्वदंसणमोहणिज्जयाए तिव्वचरित्तमोहणिज्जयाए
 मोहणिज्जकम्मासरीर जाव प्पयोगबंधे, नेरइयाउयकम्मासरीर [प्पयोगबंधे भंते कस्स कम्मस्स
 उदएणं] गोयमा महारंभयाए महापरिग्गहयाए पंचिंदियवहेणं कुणिमाहारेणं नेरइयाउयकम्मास-
 रीरप्पयोगनामाए कम्मस्स उदएणं नेरइयाउयकम्मासरीरप्पयोगबंधे, तिरिक्खजोणियाउकम्मा-
 सरीर [प्पयोगबंधे णं भंते कस्स कम्मस्स उदएणं] गोयमा माइल्लयाए नियडिडिंयाए अलियवधणेणं
 कूडतुल-कूडमाणेणं तिरिक्खजोणियाउयकम्मा [सरीरप्पयोगनामाए कम्मस्स उदएणं तिरिक्ख-
 जोणियाउयकम्मासरीर] प्पयोगबंधे, मणुत्ताउयकम्मासरीर [प्पयोगबंधे णं भंते कस्स कम्मस्स

उदणं] गोयमा पगइभइयाए पगइविणीययाए साणुक्कोसयाए अमच्छरियाए मणुस्साउक्कम्मा जाव पयोगबंधे

देवाउयकम्मासरीर [पयोगबंधे णं भंते कस्स कम्मस्स उदणं] गोयमा सरागसंजमेणं संजमासंजमेणं बालतवोकम्मेणं अकामनिज्जराए देवाउयकम्मा [सरीरप्पयोगनामाए कम्मस्स उदणं देवाउयकम्मासरीर पयोगबंधे, सुभनामकम्मासरीर [पयोगबंधे णं भंते कस्स कम्मस्स उदणं] गोयमा काउजुययाए भावुजुययाए भासुजुययाए अविस्वादणाजोगेणं सुभनामकम्मा [सरीरप्पयोगनामाए कम्मस्स उदणं सुभनामकम्मासरीरप्प] योगबंधे असुभनामकम्मासरीर [पयोगबंधे णं भंते कस्स कम्मस्स उदणं] गोयमा कायअणुजुययाए भावअणुजुययाए भासअणुजुययाए विस्वादणाजोगेणं असुभनामकम्मा जाव पयोगबंधे, उच्चागोयकम्मासरीर [पयोगबंधे णं भंते कस्स कम्मस्स उदणं] गोयमा जातिअमदेणं कुलअमदेणं बलअमदेणं रुवअमदेणं तवअमदेणं सुयअमदेणं लाभअमदेणं इस्सरियअमदेणं उच्चागोयकम्मा [सरीरप्पयोगनामाए कम्मस्स उदणं उच्चागोयकम्मासरीर] पयोगबंधे, नीयागोयकम्मसरीर [पयोगबंधे णं भंते कस्स कम्मस्स उदणं] गोयमा जातिमदेणं कुलमदेणं बलमदेणं [रुवमदेणं तवमदेणं सुयमदेणं लाभमदेणं] इस्सरियमदेणं नीयागोयकम्मा जाव [पयोगबंधे णं भंते कस्स कम्मस्स उदणं] गोयमा दाणंतराएणं लाभंतराएणं भोगंतराएणं उवभोगंतराएणं वीरियंतराएणं अंतराइयकम्मासरीरप्पयोगनामाए कम्मस्स उदणं अंतराइयकम्मासरीरप्पयोगबंधे

नाणावरणिज्जकम्मासरीरप्पयोगबंधे णं भंते किं देसबंधे सव्वबंधे गोयमा देसबंधे नो सव्वबंधे एवं जाव अंतराइयं नाणावरणिज्जकम्मासरीरप्पयोगबंधे णं भंते कालओ केवधिरं होइ गोयमा दुविहे पत्रते तं जहाअणादीए [वा अपज्जवसिए अणादीए वा सपज्जवसिए] एवं जाव अंतराइयस्स नाणावरणिज्जकम्मासरीरप्पयोगबंधंतरं णं भंते कालओ केवधिरं होइ गोयमा अणादीवस्स [अपज्जवसियस्स नत्थि अंतरं अणादीयस्स सपज्जवसियस्स नत्थि अंतरं] एवं जाव अंतराइयस्स, एएसि णं भंते जीवाणं नाणावरणिज्जस्स कम्मस्स देसबंधगाणं अबंधगाणं य कयरे कयरेहिंते [अप्पा वा बहुया वा तुल्ला वा विसेसाहिया वा गोयमा सव्वत्थोवा जीवा नाणावरणिज्जस्स कम्मस्स अबंधगा देसबंधगा अनंतगुणा एवं आउयवज्जं जाव अंतराइयस्स, आउयस्स पुच्छा गोयमा सव्वत्थोवा जीवा आउयस्स कम्मस्स देसबंधगा अबंधगा संखेज्जगुणा ॥३४९॥३४९

(४२८) जस्स णं भंते ओरालियसरीरस्स सव्वबंधे से णं भंते वेउव्वियसरीरस्स किं बंधए अबंधए गोयमा नो बंधए अबंधए, आहारगसरीरस्स किं बंधए अबंधए गोयमा नो बंधए अबंधए तेयासरीरस्स किं बंधए अबंधए गोयमा बंधए नो अबंधए जइ बंधए किं देसबंधए सव्वबंधए गोयमा देसबंधए नो सव्वबंधए कम्मा सरीरस्स किं बंधए अबंधए गोयमा बंधए नो अबंधए जइ बंधए किं देसबंधए सव्वबंधए गोयमा देसबंधए नो सव्वबंधए जस्स णं भंते ओरालियसरीरस्स देसबंधे से णं भंते वेउव्वियसरीरस्स किं बंधए अबंधए गोयमा नो बंधए अबंधए एवं जहेव सव्वबंधेणं भणियं तहेव देसबंधेणं वि भाणियव्वं जाव कम्मगस्स जस्स णं भंते वेउव्वियसरीरस्स सव्वबंधे से णं भंते ओरालियसरीरस्स किं बंधए अबंधए गोयमा नो बंधए अबंधए आहारगसरीरस्स एवं चेव तेयगस्स कम्मगस्स य जहेव ओरालिएणं समं भणियं तहेव भाणियव्वं जाव देसबंधए नो सव्वबंधए

जस्स णं भंते वेउब्बियसरीरस्स देसबंधे से णं भंते ओरालियसरीरस्स किं बंधए अबंधए गोयमा नो बंधए अबंधए एवं जहेव सव्वबंधेणं भणियं तहेव देसबंधेण वि भाणियव्वं जाव कम्मगस्स, जस्स णं भंते आहारगसरीरस्स सव्वबंधे से णं भंते ओरालियसरीरस्स किं बंधए अबंधए गोयमा नो बंधए अबंधए एवं वेउब्बियस्स वि तेया-कम्माणं जहेव ओरालिएणं समं भणियं तहेव भाणियव्वं जस्स णं भंते आहारगसरीरस्स देसबंधे से णं भंते ओरालियसरीरस्स किं बंधए अबंधए गोयमा नो बंधए अबंधए एवं जहा आहारगस्स सव्वबंधेणं भणियं तहा देसबंधेण वि भाणियव्वं जाव कम्मगस्स, जस्स णं भंते तेयासरीरस्स देसबंधे से णं भंते ओरालियसरीरस्स किं बंधए अबंधए गोयमा बंधए वा अबंधए वा, जइ बंधए किं देसबंधए सव्वबंधए गोयमा देसबंधए वा सव्वबंधए वा, वेउब्बियसरीरस्स किं बंधए अबंधए एवं चेव एवं आहारगस्स वि कम्मगसरीरस्स किं बंधए अबंधए गोयमा बंधए नो अबंधए जइ बंधए किं देसबंधए सव्वबंधए गोयमा देसबंधए नो सव्वबंधए जस्स णं भंते कम्मासरीरस्स देसबंधे से णं भंते ओरालियसरीरस्स किं बंधए अबंधए गोयमा नो बंधए अबंधए जहा तेयगस्स वत्तव्वया भणिया तहा कम्मगस्स वि भाणियव्वया जाव-तेयासरीरस्स [किं बंधए अबंधए गोयमा बंधए नो अबंधए जइ बंधइ देसबंधए सव्वबंधए गोयमा] देसबंधए नो सव्वबंधए । ३५०१-३५२

(४२९) एएसि णं भंते जीवाणं ओरालिय-वेउब्बिय-आहारग-तेयाकम्मासरीरगाणं देसबंधगाणं सव्वबंधगाणं अबंधगाणं य कयरे कयरेहिंतो [अप्पा वा बहुया वा तुल्ला वा] विसे-साहिया वा गोयमा सव्वत्थोवा जीवा आहारगसरीरस्स सव्वबंधगा तस्स चेव देसबंधगा संखेज्जगुणा वेउब्बियसरीरस्स सव्वबंधगा असंखेज्जगुणा तस्स चेव देसबंधगा असंखेज्जगुणा तेया-कम्मागाणं अबंधगा अनंतगुणा ओरालियसरीरस्स सव्वबंधगा अनंतगुणा तस्स चेव अबंधगा विसेसाहिया तस्स चेव देसबंधगा असंखेज्जगुणा तेया-कम्मागाणं देसबंधगा विसेसाहिया वेउब्बियसरीरस्स अबंधगा विसेसाहिया आहारगसरीरस्स अबंधगा विसेसाहिया सेवं भंते सेवं भंते ति । ३५११-३५३

● अट्ठमे सत्ते नवम्मे उद्देशो सप्ततो ●

—: द स मो—उ हे सो —:

(४३०) रायगिहे नगरे जाव एवं वयासी-अण्णउत्थिया णं भंते एवमाइक्खंति जाव एवं परूवेत्ति-एवं खलु सीलं सेयं सुयं सेयं सुयं सीलं सेयं से कहपेयं भंते एवं गोयमा जण्णं ते अण्णउत्थिया एवमाइक्खंति जाव जे ते एवमाहंसु मिच्छा ते एवमाहंसु अहं पुण गोयमा एवमाइक्खामि जाव परूवेमि-एवं खलु मए चत्तारि पुरिसजाया पन्नता तं जहा-सीलसंपन्ने नामं एगे नो सुयसंपन्ने सुयसंपन्ने नामं एगे नो सीलसंपन्ने एगे सीलसंपन्ने वि सुयसंपन्ने वि एगे नो सिलसंपन्ने नो सुयसंपन्ने तत्थ णं जे से पढ्मे पुरिसजाए से णं पुरिसे सीलवं असुयवं-उवरए अविण्णायधम्मे एस णं गोयमा मए पुरिसे देसाराहए पन्नते तत्थ णं जे से दोद्धे पुरिसजाए से णं पुरिसे असीलवं सुयवं-अणुवरए विण्णायधम्मे एस णं गोयमा मए पुरिसे देसविराहए पन्नते तत्थ णं जे से तद्धे पुरिसजाए से णं पुरिसे सीलवं सुयवं-उवरए विण्णायधम्मे एस णं गोयमा मए पुरिसे सव्वाराहए पन्नते तत्थ णं जे से चउत्थे पुरिसजाए से णं पुरिसे असीलवं क्कअसुयवं-अनुवरए अविण्णायधम्मे एस णं गोयमा मए पुरिसे सव्वविराहए पन्नते । ३५२१-३५४

(४३१) कतिविहा णं भंते आराहणा पन्नता गोयमा ति विहा आराहणा पन्नता तं जहा-

[illegible]

सव्यदुक्खाणं अंतं करेति गोयमा अत्येगतिए तच्चेणं भवग्गहणेणं सिज्झति जाव सव्यदुक्खाणं अंतं करेति सत्तद्दु भवग्गहणाइं पुण नाइक्कमइ ॥३५३॥-३५५

(४३२) कतिविहे णं भंते पोग्गलपरिणामे पन्नत्ते गोयमा पंचविहे पोग्गलपरिणामे पन्नत्ते तं जहा-वण्णपरिणामे गंधपरिणामे रसपरिणामे फासपरिणामे संठाणपरिणामे वण्णपरिणामे णं भंते कतिविहे पन्नत्ते गोयमा पंचविहे पन्नत्ते तं जहा-कालवण्णपरिणामे जाव सुक्किक्कलवण्णपरिणामे एवं एएणं अभिलावेणं गंधपरिणामे दुविहे रसपरिणामे पंचविहे फासपरिणामे अडुविहे संठाणपरिणामे णं भंते कतिविहे पन्नत्ते गोयमा पंचविहे पन्नत्ते तं जहा-परिमंडलसंठाणपरिणामे जाव आयतसंठाणपरिणामे ॥३५४॥-३५६

(४३३) एगे भंते पोग्गलत्थिकायपदेसे किं दव्वं दव्वदेसे दव्वाइं दव्वदेसा उदाहु दव्वं च दव्वदेसे य उदाहु दव्वं च दव्वदेसा य उदाहु दव्वाइं च दव्वदेसे य उदाहु दव्वाइं च दव्वदेसा य गोयमा सिय दव्वं सिय दव्वदेसे नो दव्वाइं नो दव्वदेसा नो दव्वं च दव्वदेसे य नो दव्वं च दव्वदेसा य नो दव्वाइं च दव्वदेसे य नो दव्वाइं च दव्वदेसा य, दो भंते पोग्गलत्थिकायपदेसा किं दव्वं दव्वदेसे - पुच्छा गोयमा सिय दिव्वं सिय दव्वदेसे सिय दव्वाइं सिय दव्वदेसा सिय दव्वं च दव्वदेसे य सेसा पडिसेहेयव्वा तिणिणं भंते पोग्गलत्थिकायपदेसा किं दव्वं दव्वदेसे-पुच्छा गोयमा सिय दव्वं सिय दव्वदेसे एवं सत्त भंगा भाणियव्वा जाव सिय दव्वाइं च दव्वदेसे य नो दव्वाइं च दव्वदेसा य, चत्तारि भंते पोग्गलत्थिकायपदेसा किं दव्वं - पुच्छा गोयमा सिय दव्वं सिय दव्वदेसे अट्ठ वि भंगा भाणियव्वा जाव सिय दव्वाइं च दवादेसा य जहा चत्तारि भणिया एवं पंच छ सुत्त जाव असंखेज्जा, अनंता भंते पोग्गलत्थिकायपदेसा किं दव्वं एवं चेव जाव सिय दव्वाइं च दव्वदेसा य ॥३५५॥-३५७

(४३४) केवतिया णं भंते लोयागासपदेसा पन्नत्ता गोयमा असंखेज्जा लोयागासपदेसा पन्नत्ता एगमेगस्स णं भंते जीवस्स केवइया जीवपदेसा पन्नत्ता गोयमा जावतिया लोयागासपदेसा एगमेगस्स णं जीवस्स एवतिया जीवपदेसा पन्नत्ता ॥३५६॥-३५८

(४३५) कति णं भंते कम्मपगडीओ पन्नत्ताओ गोयमा अट्ठ कम्मपगडीओ पन्नत्ताओ तं जहा-नाणावरणिज्जं जाव अंतराइयं, नेरइयाणं भंते कति कम्मपगडीओ पन्नत्ताओ गोयमा अट्ठ एवं सव्वजीवाणं अट्ठ कम्मपगडीओ ठावेयव्वाओ जाव वेमाणियाणं नाणवरणिज्जस्स णं भंते कम्मस्स केवतिया अविभागपलिच्छेदा पन्नत्ता गोयमा अनंता अविभागपलिच्छेदा पन्नत्ता नेरइयाणं भंते नाणावरणिज्जस्स कम्मस्स केवतिया अविभागपलिच्छेदा पन्नत्ता गोयमा अनंता अविभागपलिच्छेदा पन्नत्ता एवं सव्वजीवाणं जाव वेमाणियाणं-पुच्छा गोयमा अनंता अविभागपलिच्छेदा पन्नत्ता एवं जहा नाणावरणिज्जस्स अविभागपलिच्छेदा भणिया तथा अट्ठण्ह वि कम्मपगडीणं भाणियव्वा जाव वेमाणियाणं अंतराइयस्स एगमेगस्स णं भंते जीवस्स एगमेगे जीवपदेसे नाणावरणिज्जस्स कम्मस्स केवतिएहिं अविभागपलिच्छेदेहिं आवेदिय-परिवेदिए गोयमा सिय आवेदिय-परिवेदिए सिय नो आवेदिय-परिवेदिए जइ आवेदिय-परिवेदिए नियमा, अनंतेहिं एगमेगस्स णं भंते नेरइयस्स एगमेगे जीवपदेसे नाणावरणिज्जस्स कम्मस्स केवतिएहिं अविभागपलिच्छेदेहिं आवेदिय-परिवेदिए गोयमा नियमं अनंतेहिं जहा नेरइयस्स एवं जाव वेमाणियस्स नवरं-मणूसस्स जहा जीयस्स, एगमेगस्स णं भंते जीवस्स एगमेगे जीवपदेसे दरिस्सणावरणिज्जस्स कम्मस्स केवतिएहिं अविभागपलिच्छेदेहिं आवेदिय-परिवेदिए गोयमा नियमं अनंतेहिं जहा जीवस्स एवं जाव वेमाणियस्स नवरं-मणूसस्स

जहा जीवस्स एवं जहेव नाणावरणिज्जस्स तहेव दंडगो भाणियच्चो जाव वेमाणियस्स एवं जाव अंतराइयस्स भाणियच्चं नवरं-वेयणिज्जस्स आउयस्स नामस्स गोयस्स-एएसिं चउण्ह वि कम्माणं मणूसस्स जहा नेरइयस्स तथा भाणियच्चं सेसंतं चेव।३५७।-३५८

(४३६) जस्स णं भंते नाणावरणिज्जं तस्स दरिसणावरणिज्जं जस्स दंसणावरणिज्जं तस्स नाणावरणिज्जं गोयमा जस्स णं नाणावरणिज्जं तस्स दंसणावरणिज्जं नियमं अत्थि जस्स णं दरिसणावरणिज्जं तस्स वि नाणावरणिज्जं नियमं अत्थि, जस्स णं भंते नाणावरणिज्जं तस्स वेयणिज्जं जस्स वेयणिज्जं तस्स नाणावरणिज्जं गोयमा जस्स नाणावरणिज्जं तस्स वेयणिज्जं नियमं अत्थि जस्स पुण वेयणिज्जं तस्स नाणावरणिज्जं सिय अत्थि सिय नत्थि, जस्स णं भंते नाणावरणिज्जं तस्स मोहणिज्जं जस्स मोहणिज्जं तस्स नाणावरणिज्जं गोयमा जस्स नाणावरणिज्जं तस्स मोहणिज्जं सिय अत्थि सिय नत्थि जस्स पुण मोहणिज्जं तस्स नाणावरणिज्जं नियमं अत्थि, जस्स णं भंते नाणावरणिज्जं तस्स आउयं जस्स आउयं तस्स नाणावरणिज्जं गोयमा जस्स नाणावरणिज्जं तस्स आउयं नियमं अत्थि जस्स पुण आउयं तस्स नाणावरणिज्जं सिय अत्थि सिय नत्थि एवं नामेणं वि एवं गोएण वि समं अतराइएणं जहा दरिसणावरणिज्जेणं समं तहेव नियमं परोप्परं भाणियच्चाणि जस्स णं भंते दरिसणावरणिज्जं तस्स वेयणिज्जं जस्स वेयणिज्जं तस्स दरिसणावरणिज्जं, जहा नाणावरणिज्जं उवरिमेहिं सत्तिहं कम्मेहिं समं भणियं तथा दरिसणावरणिज्जं पि उवरिमेहिं छहिं कम्मेहिं समं भाणियच्चं जाव अंतराइएणं

जस्स णं भंते वेयणिज्जं तस्स मोहणिज्जं जस्स मोहणिज्जं तस्स वेयणिज्जं गोयमा जस्स वेयणिज्जं तस्स मोहणिज्जं सिय अत्थि सिय नत्थि जस्स पुण मोहणिज्जं तस्स वेयणिज्जं नियमं अत्थि जस्स णं भंते वेयणिज्जं तस्स आउयं जस्स आउयं तस्स वेयणिज्जं एवं एयाणि परोप्परं नियमं जहा आउएण समं एवं नामेणं वि गोएण वि समं भाणियच्चं जस्स णं भंते वेयणिज्जं तस्स अंतराइयं जस्स अंतराइयं तस्स वेयणिज्जं गोयमा जस्स वेयणिज्जं तस्स अंतराइयं सिय अत्थि सिय नत्थि जस्स पुण अंतराइयं तस्स वेयणिज्जं नियमं अत्थि जस्स णं भंते मोहणिज्जं तस्स आउयं जस्स आउयं तस्स मोहणिज्जं गोयमा जस्स मोहणिज्जं तस्स आउयं नियमं अत्थि जस्स पुण आउयं तस्स मोहणिज्जं सिय अत्थि सिय नत्थि एवं नामं गोयं अंतराइयं च भाणियच्चं जस्स णं भंते आउयं तस्स नामं जस्स नामं तस्स आउयं गोयमा दो वि परोपरं नियमं एवं गोतेणं वि समं भाणियच्चं जस्स णं भंते आउयं तस्स अंतराइयं जस्स अंतराइयं तस्स आउयं गोयमा जस्स आउयं तस्स अंतराइयं सिय अत्थि सिय नत्थि जस्स पुण अंतराइयं तस्स आउयं नियमं अत्थि जस्स णं भंते नामं तस्स गोयमं जस्स गोयमं तस्स नामं गोयमा दो वि एए परोप्परं नियमा अत्थि जस्स णं भंते नामं तस्स अंतराइयं जस्स अंतराइयं तस्स नामं गोयमा जस्स नाम तस्स अंतराइयं सिय अत्थि सिय नत्थि जस्स पुण अंतराइयं तस्स नामं नियमं अत्थि जस्स णं भंते गोयं तस्स अंतराइयं जस्स अंतराइयं तस्स गोयं गोयमा जस्स गोयं तस्स अंतराइयं सिय अत्थि सिय नत्थि जस्स पुण अंतराइयं तस्स गोयं नियमं अत्थि।३५८।-३६०

(४३७) जीवे णं भंते किं पोग्गली पोग्गले गोयमा जीवे पोग्गली वि पोग्गले वि से केणट्टेणं भंते एवं वुच्चइ-जीवे पोग्गली वि पोग्गले वि गोयमा से जहान्नामए छतेणं छत्ती दंडेणं दंडी घडेणं घडी पडेणं पडी करेणं करी एवामेव गोयमा जीवे वि सोईदिय-चक्खिदिय-धाणिदिय-जिब्बिदिय-फासिदियाइ पडुच्च पोग्गली जीवं पडुच्च पोग्गले से तेणट्टेणं गोयमा एवं वुच्चइ-जीवे पोग्गली वि

पोगले वि नेरइए णं भंते किं पोगली पोगले एवं चेव एवं जाव वेमाणिए नवरं-जस्स जइ इंदियाई तस्स तइ भाणियव्वाइं सिद्धे णं भंते किं पोगली पोगले गोयमा नो पोगली पोगले से केणट्टेणं भंते एवं बुच्चइ-सिद्धे नो पोगली पोगले गोयमा जीवं पडुच्च से तेणट्टेणं गोयमा एवं बुच्चइ-सिद्धे नो पोगली पोगले सेवं भंते सेवं भंते ति । ३५९।-३६१

नवमं-सतं

—: प ढ सो—उ हे सो :—

(४३८) जंबुद्दीवे जोइस अंतरदीवा असोच्च गंगेय

कुंडगामे पुरिसे णवममि सतमि चोतीसा

॥६०॥-१

(४३९) तेणं कालेणं तेणं समएणं मिहिला नामं नगरी होत्या-वण्णओ माणिभदे चेति-ए-वण्णओ सामी समोसदे परिसा निम्भता जाव भगवं गोयमे पज्जुवासमाणे एवं वदासी-कहि णं भंते जंबुद्दीवे दीवे किंसंठिए णं भंते जंबुद्दीवे दीवे एवं जंबुद्दीवपण्णत्ती भाणियव्वा जाव एवामेव सपुव्वावरेणं जंबुद्दीवे दीवे चोइस सलिला सयसहस्सा छप्पन्नं च सहस्सा भवंतीति मक्खाया सेवं भंते सेवं भंते ति । ३६०।-३६२

● नवमे सते पढमे उहेसो सत्तमो ●

—: बी ओ—उ हे सो :—

(४४०) रायगिहे जाव एवं वयासी-जंबुद्दीवे णं भंते दीवे केवइया चंदा पभासिसु वा पभासेति वा पभासिस्संति वा एवं जहा जीवाभिगमे [जाव]-॥३६१-१।-३६३-१

(४४१) एणं च सयसहस्सं तेत्तीसं खलु भवे सहस्साइं

नव य सया पत्रासा तारागणकोडिकोडीणं

॥६१॥-१

(४४२) सोभिसु सोभिति सोभिस्संति । ३६१।-३६३

(४४३) लवणे णं भंते समुदे केवतिया चंदा पभासिसु वा पभासेति वा पभासिस्संति वा एवं जहा जीवाभिगमे जाव ताराओ धायइसंडे कालोदे पुक्खरवरे अब्भंतपुक्खरद्धे मणुस्सखेत्ते-एएसु सव्वेसु जहा जीवाभिगमे जाव-एगससीपरिवारो तारागणकोडिकोडीणं पुक्खरोदे णं भंते समुदे केवतिया चंदा पभासिसु वा पभासेति वा पभासिस्संति वा एवं सव्वेसु दीव-समुदेसु जोतिसियाणं भाणियव्वं जाव सयंभूरमणे जाव सोभिसु वा सोभिति वा सोभिस्संति वा सेवं भंते . ३६२।-३६३

● नवमे सते बीओ उहेसो सप्तमो ●

—: उ हे सा—३-३० :—

(४४४) रायगिहे जाव एवं वयासी-कहि णं भंते दाहिणिज्जाणं एगूलयमणुस्साणं एगूलयदीवे नामं दीवे पत्रत्ते गोयमा जंबुद्दीवे दीवे मंदरस्स पव्वयस्स दाहिणे णं चुल्लहिमवंतस्स वासहरपव्वयस्स पुरत्थिमिज्जाओ चरिमंताओ लवणसमुहं उत्तरपुरत्थिमे णं तिण्णि जोयणसयाइं ओगाहिता एत्य णं दाहिणिज्जाणं एगूलयमणुस्साणं एगूलयदीवे नामं दीवे पत्रत्ते-तिण्णि जोयणसयाइं आयाम-विकखंभेणं नव एगूणवत्ते जोयणसए किंचिविसेसूणे परिक्खेद्वेणं से णं एगाए पउवरवेइयाए एणेण य वणसंडेणं सव्वओ समंता संपरिक्खेत्ते दोण्ह वि पमाणं वण्णओ च एवं एएणं कमेणं एवं जहा जीवाभिगमे जाव सुद्धदंतदीवे जाव देवलोगपरिग्गहा णं ते मणुया पत्रत्ता समणाउसो एवं अट्ठावीसंपि अंतरदीवा सएणं-सएणं आयाम-विकखंभेणं भाणियव्वा नवरं-दीवे-दीवे उहेसओ एवं

सत्वे वि अद्वावीसं उद्देशगा सेवं भंते सेवं भंते ति । ३६३।-३६४

● नवमे सते ३-३० उद्देश तपत्तो ●

—: ए ग ती स इ मो — उ दे सो —:

(४४५) रायगिहे जाव एवं वयासी-असोद्या णं भंते केवलिसस वा केवलिसावगसस वा केवलसावियाए वा केवलित्वासगसस वा केवलित्वासियाए वा तप्पक्खियसस वा तप्पक्खि-सावगसस वा तप्पक्खियसावियाए वा तप्पक्खियत्वासगसस वा तप्पक्खियत्वासियाए वा केवलि-पन्नत्तं धम्मं लभेज्ज सवणयाए गोयमा असोद्या णं केवलिसस वा जाव तप्पक्खियत्वासियाए वा अत्येगतिए केवलपन्नत्तं धम्मं लभेज्ज सवणयाए अत्येगतिए केवलपन्नत्तं धम्मं नो लभेज्ज सवणयाए से केणट्ठेणं भंते एवं बुद्धइ-असोद्या णं जाव नो लभेज्ज सवणयाए गोयमा जस्स णं नाणावरणिज्जाणं कम्माणं खओवसमे कडे भवइ से णं असोद्या केवलिसस वा जाव तप्पक्खियत्वा-वासियाए वा केवलपन्नत्तं धम्मं लभेज्ज सवणयाए जस्स णं नाणावरणिज्जाणं कम्माणं खओवसमे नो कडे भवइ से णं असोद्या णं केवलिसस वा जाव तप्पक्खियत्वासियाए वा केवलपन्नत्तं धम्मं नो लभेज्ज सवणयाए से तेणट्ठेणं गोयमा एवं बुद्धइ-असोद्या णं जाव नो लभेज्ज सवणयाए

असोद्या णं भंते केवलिसस वा जाव तप्पक्खियत्वासियाए वा केवलं बोहिं बुद्धेज्जा गोयमा असोद्या णं केवलिसस वा जाव तप्पक्खियत्वासियाए वा अत्येगतिए केवलं बोहिं बुद्धेज्जा अतेघतिए केवलं बोहिं नो बुद्धेज्जा, से केणट्ठेणं भंते एवं बुद्धइ-असोद्या णं जाव केवलं बोहिं नो बुद्धेज्जा गोयमा जस्स णं दरिसणावरणिज्जाणं कम्माणं खओवसमे कडे भवइ से णं असोद्या केवलिसस वा जाव तप्पक्खियत्वासियाए वा केवलं बोहिं बुद्धेज्जा जस्स णं दरिसणावरणिज्जाणं कम्माणं खओवसमे नो कडे भवइ से णं असोद्या केवलिसस वा जाव तप्पक्खियत्वासियाए वा केवलं बोहिं नो बुद्धेज्जा से तेणट्ठेणं गोयमा एवं बुद्धइ-असोद्या णं जाव केवलं बोहिं नो बुद्धेज्जा, असोद्या णं भंते केवलिसस वा जाव तप्पक्खियत्वासियाए वा केवलं मुंडे भवित्ता अगाराओ अणगारियं पव्वएज्जा गोयमा असोद्या णं केवलिसस वा जाव तप्पक्खियत्वासियाए वा अत्येगतिए केवलं मुंडे भवित्ता अगाराओ अणगारियं पव्वएज्जा अत्येगतिए केवलं मुंडे भवित्ता अगाराओ अणगारियं नो पव्वएज्जा, से केणट्ठेणं भंते एवं बुद्धइ-असोद्या णं जाव केवलं मुंडे भवित्ता अगाराओ अणगारियं नो पव्वएज्जा गोयमा जस्स णं धम्मंतराइयाणं कम्माणं खओवसमे कडे भवति से णं असोद्या केवलिसस वा जाव तप्पक्खिय-त्वासियाए वा केवलं मुंडे भवित्ता अगाराओ अणगारियं पव्वएज्जा जस्स णं धम्मंतराइयाणं कम्माणं खओवसमे नो कडे भवति से णं असोद्या केवलिसस वा जाव तप्पक्खियत्वासियाए वा केवलं मुंडे भवित्ता अगाराओ अणगारियं नो पव्वएज्जा से तेणट्ठेणं गोयमा एवं बुद्धइ-असोद्या णं जाव केवलं मुंडे भवित्ता अगाराओ अणगारियं नो पव्वएज्जा

असोद्या णं भंते केवलिसस वा जाव तप्पक्खियत्वासियाए वा केवलं बंधवेरवासं आवसेज्जा गोयमा असोद्या णं केवलिसस वा जाव तप्पक्खियत्वासियाए वा अत्येगतिए केवलं बंधवेरवासं आवसेज्जा अत्येगतिए केवलं बंधवेरवासं नो आवसेज्जा से केणट्ठेणं भंते एवं बुद्धइ-असोद्या णं जाव केवलं बंधवेरवासं नो आवसेज्जा गोयमा जस्स णं चरित्तावरणिज्जाणं कम्माणं खओवसमे कडे भवइ से णं असोद्या केवलिसस वा जाव तप्पक्खियत्वासियाए वा केवलं बंधवेरवासं आवसेज्जा जस्स णं चरित्तावरणिज्जाणं कम्माणं खओवसमे नो कडे भवइ से णं असोद्या केवलिसस वा जाव तप्पक्खिय-

से तेणट्टेणं गोयमा एवं वुच्चइ-असोच्चा णं जाव केवलं अभिणिबोहियनाणं नो उप्पाडेज्जा असोच्चा णं भंते केवलस्स वा जाव तप्पक्खियउवासियाए वा केवलं सुयनाणं उप्पाडेज्जा (गोयमा असोच्चा णं केवलस्स वा जाव तप्पक्खियउवासियाए वा अत्येगतिए केवलं सुयनाणं उप्पाडेज्जा अत्येगतिए केवलं सुयनाणं नो उप्पाडेज्जा से केणट्टेणं भंते एवं वुच्चइ-असोच्चा णं जाव केवलं सुयनाणं नो उप्पाडेज्जा गोयमा जस्स णं सुयनाणावरणिज्जाणं कम्माणं खओवसमे कडे भवइ से णं असोच्चा केवलस्स वा जाव तप्पक्खियउवासियाए वा केवलं सुयनाणं उप्पाडेज्जा जस्स णं सुयनाणावरणिज्जाणं कम्माणं खओवसमे नो कडे भवइ से णं असोच्चा केवलस्स वा जाव तप्पक्खियउवासियाए वा केवलं सुयनाणं नो उप्पाडेज्जा से तेणट्टेणं गोयमा एवं वुच्चइ-असोच्चा णं जाव केवलं सुयनाणं नो उप्पाडेज्जा, असोच्चा णं भंते केवलस्स वा जाव तप्पक्खियउवासिए वा केवलं ओहिनाणं उप्पाडेज्जा गोयमा असोच्चा णं केवलस्स वा जाव तप्पक्खियउवासियाए वा अत्येगतिए केवलं ओहिनाणं उप्पाडेज्जा अत्येगतिए केवलं ओहिनाणं नो उप्पाडेज्जा से केणट्टेणं भंते

For Private And Personal Use Only

से केण्डेणं भंते एवं वुच्चइ-असोच्चा णं तं येव जाव अत्येगतिए केवलनानं उप्पाडेज्जा अत्येगतिए केवलनानं नो उप्पाडेज्जा

गोयमा जस्स णं नाणावरणिज्जाणं कम्माणं खओवसमे नो कडे भवइ जस्स णं दरिसणावरणिज्जाणं कम्माणं खओवसमे नो कडे भवइ जस्स णं धम्मंतराइयाणं कम्माणं खओवसमे नो कडे भवइ [जस्स णं चरित्तावरणिज्जाणं कम्माणं खओवसमे नो कडे भवइ जस्स णं जयणा-वरणिज्जाणं कम्माणं खओवसमे नो कडे भवइ जस्स णं अज्झवसाणावरणिज्जाणं कम्माणं खओवसमे नो कडे भवइ जस्स णं आभिणिबोहियनाणावरणिज्जाणं कम्माणं खओवसमे नो कडे भवइ जस्स णं सुयनाणावरणिज्जाणं कम्माणं खओवसमे नो कडे भवइ जस्स णं ओहिनाणा-वरणिज्जाणं कम्माणं खओवसमे नो कडे भवइ जस्स णं] मणपज्जवनाणावरणिज्जाणं कम्माणं खओवसमे नो कडे भवइ जस्स णं केवलनाणावरणिज्जाणं कम्माणं खए नो कडे भवइ से णं असोच्चा केवलित्स वा जाव तप्पक्खियउवासियाए वा केवलपत्रत्तं धम्मं नो लभेज्ज सवणयाए केवलं बोहिं नो बुज्जेज्जा जाव केवलनानं नो उप्पाडेज्जा, जस्स णं नाणावरणिज्जाणं कम्माणं खओवसमे कडे भवइ जस्स णं दरिसणावरणिज्जाणं कम्माणं खओवसमे कडे भवइ जस्स णं धम्मंतराइयाणं कम्माणं खओवसमे कडे भवइ एवं जाव जस्स णं केवलनाणावरणिज्जाणं कम्माणं खए कडे भवइ से णं असोच्चा केवलित्स वा जाव तप्पक्खियउवासियाए वा केवलपत्रत्तं धम्मं लभेज्ज सवणयाए केवलं बोहिं बुज्जेज्जा जाव केवलनानं उप्पाडेज्जा । ३६४-३६५

(४४६) तस्स णं छट्ठंउट्ठेणं अणिकित्तेणं तवोकम्मेणं उड्ढं बाहो ओ पगिज्झिय-पगिज्झिय सूरभिमुहस्स आयावणभूमिए आयावेमाणस्स पगइभइयाए पगइउवसंतयाए पगइपयणुकोह-माण-माया-लोभयाए मिउमहवंसपत्रयाए अज्जीणयाए विणीययाए अण्णया कयावि सुभेणं अज्झवसाणेणं सुभेणं परिणामेणं लेस्साहिं विसुज्झमाणीहिं-विसुज्झमाणिहिं तयावरणिज्जाणं कम्माणं खओवसमेणं ईहापोहमग्गणगवेसणं करेमाणस्स विब्भंगे नामं अन्नाणे समुप्पज्जइ से णं तेणं विब्भंगनाणेणं समुप्पज्जेणं जहण्णेणं अंगुलस्स असंखेज्जतिभागं उक्कोसेणं असंखेज्जाइ जौयण-सहस्साइ जाणइ-पासइ से णं तेणं विब्भंगनाणेणं समुप्पज्जेणं जीवे वि जाणइ अजीवे वि जाणइ पासंडत्ये सारंभे सपरिग्गहे संकिलित्समाणे वि जाणइ विसुज्झमाणे वि जाणइ से णं पुच्चामेव सम्पत्तं पडिवज्जइ सम्पत्तं पडिवज्जिता समणधम्मं रोएति समणधम्मं रोएत्ता चरित्तं पडिवज्जइ चरित्तं पडिवज्जिता लिंगं पडिवज्जइ तस्स णं तेहिं मिच्छत्तपज्जवेहिं परिहायमाणेहिं-परिहायमाणेहिं सम्मदं-सणपज्जवेहिं परिवड्ढमाणेहिं-परिवड्ढमाणेहिं से विब्भंगे अन्नाणे सम्पत्तपरिग्गहिं खिप्पामेव ओहीपरावत्तइ । ३६५-३६६

(४४७) से णं भंते कतिसु लेस्सासु होज्जा गोयमा तिसु विसुद्धलेस्सासु होज्जा तं जहा-तेउलेस्साए पम्हलेस्साए सुक्कलेस्साए से णं भंते कतिसु नाणेषु होज्जा गोयमा तिसु-आभिणि-बोहियनाण-सुयनाण-ओहिनाणेण होज्जा से णं भंते किं सजोगी होज्जा अजोगी होज्जा गोयमा सजोगी होज्जा नो अजोगी होज्जा जइ सजोगी होज्जा किं मणजोगी होज्जा वइजोगी होज्जा कायजोगी होज्जा गोयमा मणजोगी वा होज्जा वइजोगी वा होज्जा कायजोगी वा होज्जा से णं भंते किं सागरोवउत्ते होज्जा अणागारोवउत्ते होज्जा गोयमा सागारोवउत्ते वा होज्जा अणागारोवउत्ते वा होज्जा से णं भंते कयरम्भि संधयणे होज्जा गोयमा वइरोसभनारायसंधयणे होज्जा से णं भंते कयरम्भि संठाणे होज्जा गोयमा छण्हं

संठाणाणं अण्णयरे संठाणे होज्जा से णं भंदते कयरम्मि उच्चते होज्जा गोयमा जहण्णेणं सत्तरयणीए उक्कोसेणं पंचयणुसतिए होज्जा से णं भंते कयरम्मि आउए होज्जा गोयमा जहण्णेणं सातिरेगट्ठ-यासाउए उक्कोसेणं पुच्चकोडिआउए होज्जा से णं भंते किं सवेदए होज्जा अवेदए होज्जा गोयमा सवेदए होज्जा नो अवेदए होज्जा जइ सवेदए होज्जा किं इत्थिवेदए होज्जा पुरिसवेदए होज्जा पुरिस नपुंसगवेदए होज्जा नपुंसगवेदए होज्जा गोयमा नो इत्थिवेदए होज्जा पुरिसवेदए होज्जा नो नपुंसगवेदए होज्जा पुरिसनपुंसगवेदए वा होज्जा

से णं भंते किं सकसाई होज्जा अकसाई होज्जा गोयमा सकसाई होज्जा नो अकसाई होज्जा जइ सकसाई होज्जा से णं भंते कतिसु कसाएसु होज्जा गोयमा चउसु संजलणकोह-माण-माया लोभेसु होज्जा तस्स णं भंते केवइया अज्झवसाणा पन्नत्ता गोयमा असंखेज्जा अज्झवसाणा पन्नत्ता ते णं भंते किं पसत्था अपसत्था गोयमा पसत्था नो अपसत्था से णं भंते तेहिं पसत्थेहिं अज्झवसाणेहिं वड्ढमाणेहिं अनंतेहिं नेरइयभवग्गहणेहिंतो अप्पाणं विसंजोएइ अनंतेहिं तिरिक्खजोणियभवग्गहणेहिंतो अप्पाणं विसंजोएइ अनंतेहिं मणुस्सभवग्गहणेहिंतो अप्पाणं विसंजोएइ अनंतेहिं देवभवग्गहणेहिंतो अप्पाणं विसंजोएइ जाओ वि य से इमाओ नेरइय-तिरिक्खजोणिय-मणुस्स-देवगति-नामाओ चत्तारि उत्तरपगडीओ तासिं च णं ओचग्गहिं अनंतानुबंधी कोह-माण-माया-लोभे खवेइ खवेत्ता अपच्चक्खाणकसाए कोह-माण-माया-लोभे खवेइ खवेत्ता पच्चक्खाणवरणे कोहमाण-माया-लोभे खवेइ खवेत्ता संजलणे कोह-माण-माया-लोभे खवेइ खवेत्ता पंचविहं नाणावरणिज्जं नवविहं दरिस्सावरणिज्जं पंचविहं अंतराइयं ताल मत्थाकडं च णं मोहणिज्जं कट्ठ कम्मरयविकिरणकरं अपुच्चकरणं अनुपविट्ठस्स-अनंते अनुत्तरे निव्वाधाए निरावरणे कसिणे पडिपुण्णे केवलवरणाण-दंसणे समुपज्जति। ३६६।-३६७

(४४८) से णं भंते केवलपन्नत्तं धम्मं आघवेज्ज वा पन्नवेज्ज वा परूवेज्ज वा नो तिण्ठे समट्ठे नन्नत्थ एगनाएण वा एगवागरणेण वा से णं भंते पच्चावेज्ज वा मुंडावेज्ज वा नो तिण्ठे समट्ठे उवेदसं पुण करेज्जा से णं भंते सिज्जति जाव सव्वदुक्खाणं अंतं करेति हंता सिज्जति जाव सव्वदुक्खाणं अंतं करेति। ३६७।-३६८

(४४९) से णं भंते किं उड्ढं होज्जा अहे होज्जा तिरियं होज्जा गोयमा उड्ढं वा होज्जा अहे वा होज्जा तिरियं वा होज्जा उड्ढं होज्जमाणे सद्दावइ-वियडावइ-गंधावइ-मालवंतपरियाएसु वड्ढेयइ-पच्चएसु होज्जा साहरणं पडुच्च सोमणसवने वा पंडगवने वा होज्जा अहे होज्जमाणे गट्ठाए वा दरीए वा होज्जा, साहरणं पडुच्च पायाले वा भवणे वा होज्जा तिरियं होज्जमाणे पन्नरससु कम्मभूमीसु होज्जा साहरणं पडुच्च अइढाइज्जदीय-समुद्द-तदेक्कदेसभाए होज्जा, ते णं भंते एगसमए णं केवतिया होज्जा गोयमा जहण्णेणं एक्को वा दो वा तिण्णि वा उक्कोसेणं दस से तेण्ठेणं गोयमा एवं दुच्चइ-असोच्चा णं केवलस्स वा जाव तप्पक्खियउवासियाए वा अत्थेगतिए केवलपन्नत्तं धम्मं लभेज्ज सवणयाए अत्थेगतिए असोच्चा णं केवलस्स वा जाव तप्पक्खियउवासियाए वा केवलपन्नत्तं धम्मं नो लभेज्ज सवणयाए जाव अत्थेगतिए केवलनाणं उप्पाडेज्जा अत्थेगतिए केवलनाणं नो उप्पाडेज्जा। ३६८।-३६९

(४५०) सोच्चा णं भंते केवलस्स वा केवलिसावगस्स वा केवलिसावियाए वा केवलि-उवासगस्स वा केवलिउवासियाए वा तप्पक्खियस्स वा तप्पक्खियसावगस्स वा तप्पक्खियसावि-याए वा तप्पक्खियउवासगस्स वा तप्पक्खियउवासियाए वा केवलपन्नत्तं धम्मं लभेज्ज सवणयाए

गोयमा सोद्या णं केवलिसस वा जाव तप्पक्खियउवासियाए वा अत्येगतिए केवलपन्नतं धम्मं लभेज्ज सवणयाए अत्येगतिए केवलपन्नते धम्मं नो लभेज्ज सवणयाए से केणट्ठेणं भंते एवं बुद्धइ-सोद्या-णं जाव नो लभेज्ज सवणयाए गोयमा जस्स णं नाणावरणिज्जाणं कम्माणं खओवसमे कडे भवइ से णं सोद्या केवलिसस वा जाव तप्पक्खियउवासिया कम्माणं खओवसमे नो कडे भवइ से णं सोद्या केवलिसस वा जाव तप्पक्खियउवासियाए वा केवलपन्नतं धम्मं नो लभेज्ज सवणयाए से तेणट्ठेणं गोयमा एवं बुद्धइ-सोद्या णं जाव नो लभेज्ज सवणयाए।

एवं जा चेव असोद्याए वत्तव्वया सा चेव सोद्याए वि भाणियव्वा नवरं-अभिलायो सोद्येति सेसं तं चेव निरवसेसं जाव जस्स णं मणपज्जवनाणावरणिज्जाणं कम्माणं खओवसमे कडे भवइ जस्स णं केवलनाणावरणिज्जाणं कम्माणं खए कडे भवइ से णं सोद्या केवलिसस वा जाव तप्पक्खियउवासियाए वा केवलपन्नतं धम्मं लभेज्ज सवणयाए केवलं बोहिं बुज्जेज्जा जाव केवलनाणं उप्पाडेज्जा, तस्स णं अट्ठमंअट्ठमेणं अनिक्खित्तेणं तवोकमेणं अप्पाणं भावेमाणस्स [पगइभदयाए पगइउवसंतयाए पगइपयणुकोह-माण-माया-लोभयाए मिउमद्वसंपन्नयाए अल्लीणयाए विणीय-याए अण्णया कयावि सुभेणं अज्झवसाणेणं सुभेणं परिणामेणं लेस्साहिं विसुज्झमाणीहिं-विसुज्झमाणीहिं तयावरणिज्जाणं कम्माणं खओवसमेणं ईहापोहमग्गण] गवेसणं करेमाणस्स ओहिनाणे समुप्पज्जइ से णं तेणं ओहिनाणेणं समुप्पत्तेणं जहण्णेणं अंगुलस्स असंखेज्जतिभाणं उक्कोसेणं असंखेज्जाइ अलोए लोयप्पमाणमेत्ताइ खंडाइ जाणइ-पासइ से णं भंते कतिसु लेस्सासु होज्जा गोयमा छसु लेस्सासु होज्जा तं जहा-कण्हलेस्साए जाव सुक्कलेस्साए

से णं भंते कतिसु नाणेसु होज्जा गोयमा तिसु वा चउसु वा होज्जा तिसु होज्जमाणे आभिणिबोहियनाण सुयनाण-ओहिनाणेसु होज्जा चउसु होज्जमाणे आभिणिबोहियनाण-सुयनाण-ओहिनाण-मणपज्जवनाणेसु होज्जा से णं भंते किं सजोगी होज्जा अजोगी होज्जा [गोयमा सजोगी होज्जा नो अजोगी होज्जा जइ अजोगी होज्जा किं मणजोगी होज्जा वइजोगी होज्जा कायजोगी होज्जा गोयमा मणजोगी वा होज्जा वइजोगी वा होज्जा कायजोगी वा होज्जा, से णं भंते किं सागरोवउत्ते होज्जा अणागारोवउत्ते होज्जा गोयमा सागारोवउत्ते वा होज्जा अणागारोवउत्ते वा होज्जा से णं भंते कयरम्मि संधयणे होज्जा गोयमा वइरोसभनारायसंधयणे होज्जा से णं भंते कयरम्मि संठाणे होज्जा गोयमा छण्हं संठाणाणं अण्णयरे संठाणे होज्जा से णं भंते कयरम्मि उच्चते होज्जा गोयमा जहण्णेणं सत्तरयणीए उक्कोसेणं पंचंधणुसतिए होज्जा से णं भंते कयरम्मि आउए होज्जा गोयमा जहण्णेणं सति-रेगट्टवासाउए उक्कोसेणं पुव्वकोडिआउए होज्जा] से णं भंते किं सवेदए होज्जा अवेदए होज्जा गोयमा सवेदए वा होज्जा अवेदए वा होज्जा जइ अवेदए होज्जा किं उवसंतवेदए होज्जा खीणवेदए होज्जा गोयमा नो उवसंतवेदए होज्जा खीणवेदए होज्जा जइ सवेदए होज्जा किं इत्थीवेदए होज्जा पुरिसवेदए होज्जा पुरिसनपुसंगवेदए होज्जा गोयमा इत्थीवेदए वा होज्जा पुरिसवेदए वा होज्जा पुरिस-नपुसंगवेदए वा होज्जा

से णं भंते किं सकसाई होज्जा अकसाई होज्जा गोयमा सकसाई वा होज्जा अकसाई वा होज्जा जइ अकसाई होज्जा किं उवसंतकसाई होज्जा खीणकसाई होज्जा गोयमा नो उवसंतकसाई होज्जा खीणकसाई होज्जा, जइ सकसाई होज्जा से णं भंते कतिसु कसाएसु होज्जा गोयमा चउसु वा तिसु वा दोसु वा एक्कम्मि वा होज्जा चउसु होज्जमाणे चउसु-संजलणकोह-माण-माया-लोभेसु होज्जा तिसु

होत्रमाणे तिसु-संजलण-माण-माया-लोभेसु होत्रा दोसु होत्रमाणे दोसु-संजलणमाया-लोभेसु होत्रा एगमि होत्रमाणे एगमि-संजलणलोभे होत्रा, तस्स णं भंते केवलिया अज्झवसाणा पन्नता गोयमा असंखेज्जा [अज्झवसाणा पन्नता ते णं भंते किं पसत्या अप्पसत्या गोयमा पसत्या नो अप्पसत्या सेणं भंते तेहिं पसत्येहिं अज्झवसाणेहिं वड्ढमाणेहिं अनंतेहिं नेरइयभवग्गहणेहिंतो अप्पाणं विसंजोएइ अनंतेहिं तिरिक्खजोणिय-भवग्गहणेहिंतो अप्पाणं विसंजोएइ अनंतेहिं मणुस्सभवग्गहणेहिंतो अप्पाणं विसंजोएइ अनंतेहिं देवभवग्गहणेहिंतो अप्पाणं विसंजोएइ जाओ वि य से इमाओ नेरइय तिरिक्खजोणिय-मणुस्स-देवगतिनामाओ चत्तारि उत्तरपगडीओ तासिं च णं ओवग्गहिए अनंता-नुबंघी कोह-माण-माया-लोभे खवेइ खवेत्ता अपच्चक्खाणकसाए कोह-माण-माया-लोभे खवेइ खवेत्ता पच्चक्खाणवरणे कोह-माण-माया-लोभे खवेइ खवेत्ता संजलणे कोह-माण-माया-लोभे खवेइ खवेत्ता पंचविहं नाणावरणिज्जं नवविहं दरिस्सणावरणिज्जं पंचविहं अंतराइयं तालमत्याकडं च णं मोहणिज्जं कट्ठ कम्मरयविकिरणकरं अपुब्बकरणं अनुपविट्ठस्स अनंते-अनुत्तरे निव्वाधाए निरावरणे कसिणे पडिपुण्णे केवलवरनाण दंसणे समुप्पज्जइ

सेणं भंते केवलपन्नत्तं धम्मं आघवेज्ज वा पन्नवेज्ज वा पस्सवेज्ज वा हंता आघवेज्ज वा पन्नवेज्ज वा पस्सवेज्ज वा, से णं भंते पव्ववेज्ज वा मुंडावेज्ज वा हंता पव्वावेज्ज वा मुंडावेज्ज वा से णं भंते सिज्झति वुज्झति जाव सव्वदुक्खाणं अंतं करेइ हंता सिज्झति जाव सव्वदुक्खाणं अंतं करेति तस्स णं भंते सिस्सा वि सिज्झति जाव सव्वदुक्खाणं अंतं करेति हंता सिज्झति जाव सव्वदुक्खाणं अंतं करेति तस्स णं भंते परिस्सा वि सिज्झति जाव सव्वदुक्खाणं अंतं करेति हंता सिज्झति जाव सव्वदुक्खाणं अंतं करेति से णं भंते किं उड्ढं होत्रा जहेव असोच्चाए जाव अड्ढाइज्जदीवसमुद्धतदेक्कदेसभाए होत्रा ते णं भंते एगसमएणं केवलिया होत्रा गोयमा जहण्णेणं एकको वा दो वा तिण्णि वा उक्कोसेणं अट्ठसयं से तेणद्वेणं गोयमा एवं वुच्चइ-सोच्चा णं केवलस्स वा जाव तप्पक्खियउवासियाए वा अत्येगतिए केवलनाणं उप्पाडेज्जा अत्येगतिए केवलनाणं नो उप्पाडेज्जा सेवं भंते सेवं भंतेति। ३६९।-३७०

● नवमे सते एगतीतइयो उद्देशो सप्तो ●

— ब ती स इ यो — उ हे सो —

(४५१) तेणं कालेणं तेणं समएणं वाणियग्गामे नामं नयरे होत्था-वण्णओ दूतिपलासए चेइए सामी समोसदे परिसा निग्गया धम्मो कहिओ परिसा पडिगया तेणं कालेणं तेणं समएणं पासावच्चिज्जे गंगेए नामं अणगारे जेणेव समणे भगवं महावीरे तेणेव उवागच्छइ उवागच्छित्ता समणस्स भगवओ महावीरस्स अदूरसामंते ठिच्चा समणं भगवं महावीरं एवं वदासी-संतरं भंते नेरइया उववज्झति निरंतरं नेरइया उववज्झति गंगेया संतरं पि नेरइया उववज्झति निरंतरं पि नेरइया उववज्झति संतरं भंते असुरकुमारा उववज्झति निरंतरं असुरकुमारा उववज्झति गंगेया संतरं पि असुरकुमारा उववज्झति निरंतरं पि असुरकुमारा उववज्झति एवं जाव धणियकुमारा संतरं भंते पुढविक्काइया उववज्झति निरंतरं पुढविक्काइया उववज्झति गंगेया नो संतरं पुढविक्काइया उववज्झति निरंतरं पुढविक्काइया उववज्झति एवं जाव वणस्सइकाइया बेइदिया जाव वेमाणिया एते जहा नेरइया। ३७०।-३७१

(४५२) संतरं भंते नेरइया उव्वट्ठति निरंतरं नेरइया उव्वट्ठति गंगेया संतरं पि नेरइया उव्वट्ठति निरंतरं पि नेरइया उव्वट्ठति एवं जाव धणियकुमारा संतरं भंते पुढविक्काइया उव्वट्ठति-

पुच्छा, गंगेया नो संतरं पुढविकाइया उव्वट्ठति निरंतरं पुढविकाइया उव्वट्ठति एवं जाव वणस्सइकाइया-नो संतरं निरंतरं उव्वट्ठति संतरं भंते बेइंदिया उव्वट्ठति निरंतरं बेइंदिया उव्वट्ठति गंगेया संतरं पि बेइंदिया उव्वट्ठति निरंतरं पि बेइंदिया उव्वट्ठति एवं जाव वाणमंतरा संतरं भंते जोइसिया चयंति-पुच्छा, गंगेया संतरं पि जोइसिया चयंति निरंतरं पि जोइसिया चयंति एवं वेमाणिया वि।३७१।-३७२

(४५३) कतिविहे णं भंते पवेसणए पत्रत्ते गंगेया चउच्चिहे पवेसणए पत्रत्ते तं जहा-नेरइयपवेसणए तिरिक्खजोगियपवेसणए मणुस्सपवेसणए देवपवेसणए, नेरइयपवेसणए णं भंते कतिविहे पत्रत्ते गंगेया सत्तविहे पत्रत्ते तं जहा-रयणप्पभापुढविनेरइयपवेसणए जाव अहेसत्तमा-पुढविनेरइयपवेसणए एगे भंते नेरइए नेरइयपवेसणएणं पविसमाणे किं रयणप्पभाए होज्जा सक्करप्पभाए होज्जा जाव अहेसत्तमाए होज्जा गंगेया रयणप्पभाए वा होज्जा जाव अहेसत्तमाए वा होज्जा दो भंते नेरइया नेरइयपवेसणएणं पविसमाणा किं रयणप्पभाए होज्जा जाव अहेसत्तमाए होज्जा गंगेया रयणप्पभाए वा होज्जा जाव अहेसत्तमाए वा होज्जा अहवा एगे रयणप्पभाए एगे सक्करप्पभाए होज्जा अहवा एगे रयणप्पभाए एगे वालुयप्पभाए होज्जा जाव एगे रयणप्पभाए एगे अहेसत्तमाए होज्जा अहवा एगे सक्करप्पभाए एगे वालुयप्पभाए होज्जा जाव अहवा एगे सक्कर-प्पभाए एगे अहेसत्तमाए होज्जा अहवा एगे वालुयप्पभाए एगे पंकप्पभाए होज्जा एवं जाव अहवा एगे वालुयप्पभाए एगे अहेसत्तमाए होज्जा एवं एक्केका पुढवी छहेयव्वा जाव अहवा एगे तमाए एगे अहेसत्तमाए होज्जा

तिण्णि भंते नेरइया नेरइयपवेसणएणं पविसमाणा किं रयणप्पभाए होज्जा जाव अहेसत्त-माए होज्जा गंगेया रयणप्पभाए वा होज्जा जाव अहेसत्तमाए वा होज्जा अहवा एगे रयणप्पभाए दो सक्करप्पभाए होज्जा जाव अहवा एगे रयणप्पभाए दो अहेसत्तमाए होज्जा अहवा दो रयणप्पभाए एगे सक्करप्पभाए होज्जा जाव अहवा दो रयणप्पभाए एगे अहेसत्तमाए होज्जा अहवा एगे सक्करप्पभाए दो वालुयप्पभाए होज्जा जाव अहवा एगे सक्करप्पभाए दो अहेसत्तमाए होज्जा अहवा दो सक्करप्पभाए एगे वालुयप्पभाए होज्जा जाव अहवा दो सक्करप्पभाए एगे अहेसत्तमाए होज्जा एवं जहा सक्करप्पभाए वत्तव्वया भणिया तहा सव्वपुढवीणं भाणियव्वं जाव अहवा दो तमाए एगे अहेसत्तमाए होज्जा अहवा एगे रयणप्पभाए एगे सक्करप्पभाए एगे वालुयप्पभाए होज्जा अहवा एगे रयणप्पभाए एगे सक्करप्पभाए एगे पंकप्पभाए होज्जा जाव अहवा एगे रयणप्पभाए एगे सक्करप्पभाए एगे अहेसत्तमाए होज्जा अहवा एगे रयणप्पभाए एगे वालुयप्पभा एगे पंकप्पभाए होज्जा अहवा एगे रयणप्पभाए एगे वालुयप्पभाए एगे धूमप्पभाए होज्जा एवं जाव अहवा एगे रयणप्पभाए एगे वालुयप्पभाए एगे अहेसत्तमाए होज्जा अहवा एगे रयणप्पभाए एगे पंकप्पभाए एगे धूमप्पभाए होज्जा जाव अहवा एगे रयणप्पभाए एगे पंकप्पभाए एगे अहेसत्तमाए होज्जा अहवा एगे रयणप्पभाए एगे धूमप्पभाए एगे तमाए होज्जा अहवा एगे रयणप्पभाए एगे धूमप्पभाए एगे अहेसत्तमाए होज्जा अहवा एगे रयणप्पभाए एगे तमाए एगे अहेसत्तमाए होज्जा

अहवा एगे सक्करप्पभाए एगे वालुयप्पभाए एगे पंकप्पभाए होज्जा अहवा एगे सक्करप्पभाए एगे वालुयप्पभाए एगे धूमप्पभाए होज्जा जाव अहवा एगे सक्करप्पभाए एगे वालुयप्पभाए एगे अहेसत्तमाए होज्जा अहवा एगे सक्करप्पभाए एगे पंकप्पभाए एगे धूमप्पभाए

For Private And Personal Use Only

अहवा एगे रयणप्पभाए एगे वालुयप्पभाए एगे पंकप्पभाए एगे तमाए होझा अहवा एगे रयणप्पभाए एगे वालुयप्पभाए एगे पंकप्पभाए एगे अहेसत्तमाए होझा अहवा एगे रयणप्पभाए एगे वालुयप्पभाए एगे धूमप्पभाए एगे तमाए होझा अहवा एगे रयणप्पभाए एगे वालुयप्पभाए एगे धूमप्पभाए एगे अहेसत्तमाए होझा अहवा एगे रयणप्पभाए एगे पंकप्पभाए एगे धूमप्पभाए एगे तमाए होझा अहवा एगे रयणप्पभाए एगे पंकप्पभाए एगे धूमप्पभाए एगे अहेसत्तमाए होझा अहवाएगे रयणप्पभाए एगे पंकप्पभाए एगे तमाए एगे अहेसत्तमाए होझा अहवा एगे रयणप्पभाए एगे धूमप्पभाए एगे तमाए एगे अहेसत्तमाए होझा अहवा एगे सक्करप्पभाए एगे वालुयप्पभाए एगे पंकप्पभाए एगे धूमप्पभाए होझा एवं जहा रयणप्पभाए उवरिमाओ पुढवीओ चारियाओ तहा सक्करप्पभाए वि उवरिमाओ चारियव्वाओ जाव अहवा एगे सक्करप्पभाए एगे धूमप्पभाए एगे तमाए एगे अहेसत्तमाए होझा अहवा एगे वालुयप्पभाए एगे पंकप्पभाए एगे धूमप्पभाए एगे तमाए होझा अहवा एगे वालुयप्पभाए एगे पंकप्पभाए एगे धूमप्पभाए एगे अहेसत्तमाए होझा अहवा एगे वालुयप्पभाए एगे पंकप्पभाए एगे तमाए एगे अहेसत्तमाए होझा अहवा एगे वालुयप्पभाए एगे धूमप्पभाए एगे तमाए एगे अहेसत्तमाए होझा अहवा एगे पंकप्पभाए एगे धूमप्पभाए एगे तमाए एगे अहेसत्तमाए होझा पंच भंते नेरइया नेरइयाप्पवेसणएणं पविसमाणा किं रयणप्पभाए होझा-पुच्छा, गंगेया रयणप्पभाए वा होझा जाव अहेसत्तमाए वा होझा अहवा एगे रयणप्पभाए चत्तारि सक्करप्पभाए होझा जाव अहवा एगे रयणप्पभाए चत्तारि अहेसत्तमाए होझा अहवा दो रयणप्पभाए तिण्णि सक्करप्पभाए होझा एवं जाव अहवा दो रयणप्पभाए तिण्णि अहेसत्तमाए होझा अहवा तिण्णि रयणप्पभाए दोण्णि सक्करप्पभाए होझा एवं जाव अहेसत्तमाए होझा अहवा चत्तारि रयणप्पभाए एगे सक्करप्पभाए होझा एवं जाव चत्तारि रयणप्पभाए एगे अहेसत्तमाए होझा अहवा एगे सक्करप्पभाए चत्तारि वालुयप्पभाए होझा एवं जहा रयणप्पभाए समं उवरिमंपुढवीओ चारियाओ तहा सक्करप्पभाए वि समं चारेयव्वाओ जाव अहवा चत्तारि सक्करप्पभाए एगे अहेसत्तमाए होझा एवं एक्केक्काए समं चारेयव्वाओ जाव अहवा चत्तारि तमाए एगे अहेसत्तमाए होझा

अहवा एगे रयणप्पभाए एगे सक्करप्पभाए तिण्णि वालुयप्पभाए होझा एवं जाव अहवा एगे रयणप्पभाए एगे सक्करप्पभाए तिण्णि अहेसत्तमाए होझा अहवा एगे रयणप्पभाए दो सक्करप्पभाए दो वालुयप्पभाए होझा एवं जाव अहवा एगे रयणप्पभाए दो सक्करप्पभाए दो अहेसत्तमाए होझा अहवा दो रयणप्पभाए एगे सक्करप्पभाए दो वालुयप्पभाए होझा एवं जाव अहवा दो रयणप्पभाए एगे सक्करप्पभाए दो अहेसत्तमाए होझा अहवा एगे रयणप्पभाए तिण्णि सक्करप्पभाए एगे वालुयप्पभाए होझा एवं जाव अहवा एगे रयणप्पभाए तिण्णि सक्करप्पभाए एगे अहेसत्तमाए होझा अहवा दो रयणप्पभाए दो सक्करप्पभाए एगे वालुयप्पभाए होझा एवं जाव अहेसत्तमाए अहवा तिण्णि रयणप्पभाए एगे सक्करप्पभाए एगे वालुयप्पभाए होझा एवं जाव अहवा तिण्णि रयणप्पभाए एगे सक्करप्पभाए एगे अहेसत्तमाए होझा अहवा एगे रयणप्पभाए एगे वालुयप्पभाए तिण्णि पंकप्पभाए होझा एवं एएणं कमेणं जहा चउण्हं तियासंजोगो भणितो तहा पंचण्ह वि तियासंजोगो भाणियव्वो नवरं-तत्थ एगो संचारिउइ इह दोण्णि सेसं तं चेव जाव अहवा तिण्णि धूमप्पभाए एगे तमाए एगे अहेसत्तमाए होझा

[illegible]

छद्मंते नेरइया नेरइयप्पवेसणएणं पविसमाणा किं रयणप्पभाए होज्जा-पुच्छा, गंगेया रयणप्पभाए वा होज्जा जाव अहेसत्तमाए या होज्जा अहवा एगे रयणप्पभाए पंच सक्करप्पभाए होज्जा अहवा एगे रयणप्पभाए पंच वालुयप्पभाए होज्जा जाव अहवा एगे रयणप्पभाए पंच अहेसत्तमाए होज्जा अहवा दो रयणप्पभाए चत्तारि सक्करप्पभाए होज्जा जाव अहवा दो रयणप्पभाए चत्तारि अहेसत्तमाए होज्जा अहवा तिण्णि रयणप्पमाए तिण्णि सक्करप्पभाए एवं, एएणं कमेणं जहा पचण्हं दुयासंजोगो तहा छण्ह वि भाणियव्वो नवरं-एक्को अब्बिहिओ संचारेयव्वो जाय अहवा पंच तमाए एगे अहेसत्तमाए होज्जा अहवा एगे रयणप्पभाए एगे सक्करप्पभाए चत्तारि वालुयप्पभाए होज्जा

अहवा एगे रयणप्पभाए एगे सक्करप्पभाए चत्तारि पंकप्पभाए होझा एवं जाव अहवा एगे रयणप्पभाए एगे सक्करप्पभाए चत्तारि अहेसत्तमाए होझा अहवा एगे रयणप्पभाए दो सक्करप्पभाए तिण्णि वालुयप्पभाए होझा एवं एएणं कमेणं जहा पंचण्हं तियासंजोगो भणिओ तथा छण्हं वि भाणियव्वो नवरं-एक्को अहिओ उच्चारैयव्वो सेसं तं चेव चउक्कसंजोगो वि तहेव पंचगसंजोगो वि तहेव नवरं-एक्को अब्बहिओ संचारेयव्वो जाव पच्छिमो भंगो अहवा दो वालुयप्पभाए एगे पंकप्पभाए एगे धूमप्पभाए एगे तमाए एगे अहेसत्तमाए होझा अहवा एगे रयणप्पभाए एगे सक्करप्पभाए जाव एगे तमाए होझा अहवा एगे रयणप्पभाए जाव एगे धूमप्पभाए एगे अहेसत्तमाए होझा अहवा एगे रयणप्पभाए जाव एगे पंकप्पभाए एगे तमाए एगे अहेसत्तमाए होझा अहवा एगे रयणप्पभाए एगे सक्करप्पभाए एगे वालुयप्पभाए एगे धूमप्पभाए जाव एगे अहेसत्तमाए होझा अहवा एगे रयणप्पभाए एगे सक्करप्पभाए एगे पंकप्पभाए जाव एगे अहेसत्तमाए होझा अहवा एगे रयणप्पभाए एगे वालुयप्पभाए जाव एगे अहेसत्तमाए होझा अहवा एगे सक्करप्पभाए एगे वालुयप्पभाए जाव एगे अहेसत्तमाए होझा

सत्त भंते नेरइया नेरइयप्पवेसणएणं किं रयणप्पभाए होझा पुच्छा गंगेया रयणप्पभाए वा होझा जाव अहेसत्तमाए वा होझा अहवा एगे रयणप्पभाए छ सक्करप्पभाए होझा एवं एएणं कमेणं जहा छण्हं दुयासंजोगो तथा सत्तण्हं वि भाणियव्वं नवरं एगे अब्बहिओ संचारिज्जइ सेसं तं चेव तियासंजोगो चउक्कसंजोगो पंचसंजोगो छक्कसंजोगो य छण्हं जहा तथा सत्तण्हं वि भाणियव्वं नवरं एक्कोक्को अब्बहिओ संचारेयव्वो जाव छक्कगसंजोगो अहवा दो सक्करप्पभाए एगे वालुयप्पभाए जाव एगे अहेसत्तमाए होझा अहवा एगे रयणप्पभाए एगे सक्करप्पभाए जाव एगे अहेसत्तमाए होझा अद्दु भंते नेरइया नेरइयप्पवेसणएणं पविसमाणा किं रयणप्पभाए होझा - पुच्छा, गंगेया रयणप्पभाए वा होझा जाव अहेसत्तमाए वा होझा अहवा एगे रयणप्पभाए सत्त सक्करप्पभाए होझा एवं दुयासंजोगो जाव छक्कसंजोगो य जहा सत्तण्हं भणिओ तथा अद्दुण्हं वि भाणियव्वो नवरं-एक्केक्को अब्बहिओ संचारेयव्वो सेसं तं चेव जाव छक्कगसंजोगस्स अहवा तिण्णि सक्करप्पभाए एगे वालुयप्पभाए जाव एगे अहेसत्तमाए होझा अहवा एगे रयणप्पभाए जाव एगे तमाए दो अहेसत्तमाए होझा अहवा एगे रयणप्पभाए जाव दो तमा एगे अहेसत्तमाए होझा एवं संचारेयव्वं जाव अहवा दो रयणप्पभाए एगे सक्करप्पभाए जाव एगे अहेसत्तमाए होझा, नव भंते नेरइया नेरइयप्पवेसणएणं पविसमाणा किं रयणप्पभाए होझा - पुच्छा, गंगेया रयणप्पभाए वा होझा जाव अहेसत्तमाए वा होझा अहवा एगे रयणप्पभाए अद्दु सक्करप्पभाए होझा एवं दुयासंजोगो जाव सत्तगसंजोगो य जहा अद्दुण्हं भणियं तथा नवण्हं पि भाणियव्वं नवरं-एक्केक्को अब्बहिओ संचारेयव्वो सेसं तं चेव पच्छिमो आलावगो-अहवा तिण्णि रयणप्पभाए एगे सक्करप्पभाए एगे वालुयप्पभाए जाव एगे अहेसत्तमाए होझा

दस भंते नेरइया नेरइयप्पवेसणएणं पविसमाणा किं रयणप्पभाए होझा - पुच्छा गंगेया रयणप्पभाए वा होझा जाव अहेसत्तमाए वा होझा अहवा एगे रयणप्पभाए नव सक्करप्पभाए होझा एवं दुयासंजोगो जाव सत्तसंजोगो य जहा नवण्हं नवरं-एक्केक्को अब्बहिओ संचारेयव्वो सेसं तं चेव पच्छिमो आलावगो-अहवा चत्तारि रयणप्पभाए सक्करप्पभाए जाव एगे अहेसत्तमाए होझा संखेझा भंते नेरइया नेरइयप्पवेसणएणं पविसमाणा किं रयणप्पभाए होझा-पुच्छा, गंगेया

रयणप्पमाए वा होज्जा जाव अहेसत्तमाए वा होज्जा अहवा एगे रयणप्पमाए संखेज्जा सक्करप्पमाए होज्जा एवं जाव अहवा एगे रयणप्पमाए संखेज्जा अहेसत्तमाए होज्जा अहवा दो रयणप्पमाए संखेज्जा सक्करप्पमाए होज्जा एवं जाव अहवा दो रयणप्पमाए संखेज्जा अहेसत्तमाए होज्जा अहवा तिण्णि रयणप्पमाए संखेज्जा सक्करप्पमाए होज्जा एवं एएणं कमेणं एक्केक्को संचारेयव्वो जाव अहवा दस रयणप्पमाए संखेज्जा सक्करप्पमाए होज्जा एवं जाव अहवा दस रयणप्पमाए संखेज्जा अहेसत्तमाए होज्जा अहवा संखेज्जा रयणप्पमाए संखेज्जा सक्करप्पमाए होज्जा जाव अहवा संखेज्जा रयणप्पमाए संखेज्जा अहेसत्तमाए होज्जा अहवा एगे सक्करप्पमाए संखेज्जा बालुयप्पमाए होज्जा एवं जहा रयणप्पमा उवरिमपुढ- वीहिं सपं चरिया एवं सक्करप्पमा वि उवरिमपुढवीहिं सपं चारेयव्वो एवं एक्केक्का पुढवी उवरिमपुढवीहिं सपं चारेयव्वो जाव अहवा संखेज्जा तमाए संखेज्जा अहेसत्तमाए होज्जा

अहवा एगे रयणप्पमाए एगे सक्करप्पमाए संखेज्जा बालुयप्पमाए होज्जा अहवा एगे रयणप्पमाए एगे सक्करप्पमाए संखेज्जा पंकप्पमाए होज्जा जाव अहवा एगे रयणप्पमाए एगे सक्करप्पमाए संखेज्जा अहेसत्तमाए होज्जा अहवा एगे रयणप्पमाए दो सक्करप्पमाए संखेज्जा बालुयप्पमाए होज्जा जाव अहवा एगे रयणप्पमाए दो सक्करप्पमाए संखेज्जा अहेसत्तमाए होज्जा अहवा एगे रयणप्पमाए तिण्णि सक्करप्पमाए संखेज्जा बालुयप्पमाए होज्जा एवं एएणं कमेणं एक्केक्को संचारेयव्वो सक्करप्पमाए जाव अहवा एगे रयणप्पमाए संखेज्जा बालुयप्पमाए संखेज्जा अहेसत्तमाए होज्जा अहवा दो रयणप्पमाए संखेज्जा सक्करप्पमाए संखेज्जा बालुयप्पमाए होज्जा जाव अहवा दो रयणप्पमाए संखेज्जा सक्करप्पमाए संखेज्जा अहेसत्तमाए होज्जा अहवा तिण्णि रयणप्पमाए संखेज्जा सक्करप्पमाए संखेज्जा बालुयप्पमाए होज्जा एवं एएणं कमेणं एक्केक्को रयणप्पमाए संचारेयव्वो जाव अहवा संखेज्जा रयणप्पमाए संखेज्जा सक्करप्पमाए संखेज्जा बालुयप्पमाए होज्जा जाव अहवा संखेज्जा रयणप्पमाए संखेज्जा सक्करप्पमाए संखेज्जा अहेसत्तमाए होज्जा अहवा एगे रयणप्पमाए एगे बालुयप्पमाए संखेज्जा पंकप्पमाए होज्जा जाव अहवा एगे रयणप्पमाए एगे बालुयप्पमाए संखेज्जा अहेसत्तमाए होज्जा अहवा एगे रयणप्पमाए दो बालुयप्पमाए संखेज्जा पंकप्पमाए होज्जा एवं एएणं कमेणं तियासंजोगो चउक्कसंजोगो जाव सत्तगसंजोगो य जहा दसण्हं तहेव भाणियव्वो पच्छिमो आलावगो सत्तसंजोगस्स - अहवा संखेज्जा रयणप्पमाए संखेज्जा सक्करप्पमाए जाव संखेज्जा अहेसत्तमाए होज्जा

असंखेज्जा भंते नेरइया नेरइयप्पवेसणएणं पविसमाणा किं रयणप्पमाए होज्जा-पुच्छा, गंगेया रयणप्पमाए या होज्जा जाव अहेसत्तमाए या होज्जा अहवा एगे रयणप्पमाए असंखेज्जा सक्करप्पमाए होज्जा एवं दुयासंजोगो जाव सत्तगसंजोगो य जहा संखेज्जाणं भाणिओ तहा असंखेज्जाणं वि भाणियव्वो नवरं-असंखेज्जाओ अत्थहिओ भाणियव्वो सेसं तं चेव जाव सत्तगसंजोगस्स पच्छिमो आलावगो अहवा असंखेज्जा रयणप्पमाए असंखेज्जा सक्करप्पमाए जाव असंखेज्जा अहेसत्तमाए होज्जा, उक्कोसेणं भंते नेरइया नेरइयप्पवेसणएणं पविसमाणा किं रयणप्पमाए होज्जा-पुच्छा, गंगेया सव्वे वि ताव रयणप्पमाए होज्जा अहवा रयणप्पमाए य सक्करप्पमाए य होज्जा अहवा रयणप्पमाए य बालुयप्पमाए य होज्जा जाव अहवा रयणप्पमा य अहेसत्तमाए य होज्जा अहवा रयणप्पमाए य सक्करप्पमाए य बालुयप्पमाए य होज्जा एवं जाव

अहवा रयणप्पभाए य सक्करप्पभाए य अहेसत्तमाए य होज्जा अहवा रयणप्पभाए वालुयप्पभा पंकप्पभाए य होज्जा जाव अहवा रयणप्पभाए वालुयप्पभाए अहेसत्तमाए य होज्जा अहवा रयणप्पभाए पंकप्पभाए धूमाए होज्जा एवं रयणप्पभं अमुयंतेसु जहा तिण्हं तियासंजोगो भणिओ तहा भाणियव्वं जाव अहवा रयणप्पभाए तमाए य अहेसत्तमाए य होज्जा अहवा रयणप्पभाए य सक्करप्पभाए वालुयप्पभाए पंकप्पभाए य होज्जा अहवा रयणप्पभाए सक्करप्पभाए वालुयप्पभाए धूमप्पभाए य होज्जा जाव अहवा रयणप्पभाए सक्करप्पभाए वालुयप्पभाए अहेसत्तमाए य होज्जा अहवा रयणप्पभाए सक्करप्पभाए पंकप्पभाए धूमप्पभाए य होज्जा

एवं रयणप्पभं अमुयंतेसु जहा चउण्हं चउक्कगसंजोगो भणितो तहा भणियव्वं जाव अहवा रयणप्पभाए धूमप्पभाए तमाए अहेसत्तमाए य होज्जा अहवा रयणप्पभाए सक्करप्पभाए वालुयप्पभाए पंकप्पभाए धूमप्पभाए य होज्जा अहवा रयणप्पभाए जाव पंकप्पभाए तमाए य होज्जा अहवा रयणप्पभाए जाव पंकप्पभाए अहेसत्तमाए य होज्जा अहवा रयणप्पभाए सक्करप्पभाए वालुयप्पभाए धूमप्पभाए तमाए य होज्जा एवं रयणप्पभं अमुयंतेसु जहा पंचण्हं पंचगसंजोगो तहा भाणियव्वं जाव अहवा रयणप्पभाए पंकप्पभाए जाव अहेसत्तमाए य होज्जा अहवा रयणप्पभाए सक्करप्पभाए जाव धूमप्पभाए तमाए य होज्जा अहवा रयणप्पभाए जाव धूमप्पभाए अहेसत्तमाए य होज्जा अहवा रयणप्पभाए सक्करप्पभाए जाव पंकप्पभाए तमाए य अहेसत्तमाए य होज्जा अहवा रयणप्पभाए सक्करप्पभाए वालुयप्पभाए धूमप्पभाए तमाए अहेसत्तमाए य होज्जा अहवा रयणप्पभाए सक्करप्पभाए पंकप्पभाए जाव अहेसत्तमाए य होज्जा अहवा रयणप्पभाए वालुयप्पभाए जाव अहेसत्तमाए य होज्जा अहवा रयणप्पभाए य सक्करप्पभाए य जाव अहेसत्तमाए य होज्जा एयस्स णं भंते रयणप्पमापुढविनेरइयपवेसणगस्स सक्करप्पमापुढवि नेरइयपवेसणगस्स जाव अहेसत्तमापुढविनेरइयपवेसणगस्स कयरे कयरेहिंतो [अप्पा वा बहुया वा तुल्ला वा] विसेसाहिया वा गंगेया सब्बत्थोवे अहेसत्तमापुढविनेरइयपवेसणए तमापुढविनेरइयपवेसणए असंखेज्जगुणे एवं पडिलोमगं जाव रयणप्पमापुढविनेरइयपवेसणए असंखेज्जगुणे ।३७२।-३७३

(४५४) तिरिक्खजोणियपवेसणए णं भंते कतिविहे पन्नत्ते गंगेया पंचविहे पन्नत्ते तं जहा- एगिंदियतिरिक्खजोणियपवेसणए जाव पंचिंदियतिरिक्खजोणियपवेसणए एगे भंते तिरिक्खजोणिए तिरिक्खजोणियपवेसणएणं पविसमाणे किं एगिंदिएसु होज्जा जाव पंचिंदिएसु होज्जा गंगेया एगिंदिएसु वा होज्जा जाव पंचिंदिएसु वा होज्जा दो भंते तिरिक्खजोणिया तिरिक्खजोणियपवेसणएणं-पुच्छा गंगेया एगिंदिएसु वा होज्जा एवं जहा नेरइयपवेसणए तहा तिरिक्खजोणियपवेसणए वि भाणियव्वे जाव असंखेज्जा, उक्कोसा भंते तिरिक्खजोणिया तिरिक्खजोणियपवेसणएणं-पुच्छा, गंगेया सब्बे वि ताव एगिंदिएसु होज्जा अहवा एगिंदिएसु वा बेइंदिएसु वा होज्जा एवं जहा नेरइया चारिया तहा तिरिक्खजोणिया वि चारेयव्वा एगिंदिया अमुयंतेसु दुयासंजोगो तियासंजोगो चउक्कसंजोगो पंचसंजोगो उवजुंजिऊण भाणियव्वो जाव अहवा एगिंदिएसु वा बेइंदिएसु वा जाव पंचिंदिएसु वा होज्जा एयस्स णं भंते एगिंदियतिरिक्खजोणियपवेसणगस्स जाव पंचिंदियतिरिक्खजोणियपवेसणगस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा गंगेया सब्बत्थोवे पंचिंदियतिरिक्खजोणियपवेसणए चउरिंदियतिरिक्खजोणियपवेसणए विसेसाहिए तेइंदियतिरिक्खजोणियपवेसणए विसेसाहिए बेइंदियतिरिक्खजोणियपवेसणए

विसेसाहिए एगिंदियतिरिक्खजोणियपवेसणए विसेसाहिए ।३७३।-३७४

(४५५) मणुस्सपवेसणए णं भंते कतिविहे पन्नते गंगेया दुविहे पन्नते तं जहा-समुच्छिममणुस्सपवेसणए गम्भवक्कंतियमणुस्सपवेसणए य एगे भंते मणुस्से मणुस्सपवेसणएणं पविसमाणे किं संमुच्छिममणुस्सेसु होज्जा गम्भवक्कंतियमणुस्सेसु होज्जा गंगेया संमुच्छिममणुस्सेसु वा होज्जा गम्भवक्कंतियमणुस्सेसु वा होज्जा दो भंते मणुस्सा-पुच्छा गंगेया संमुच्छिममणुस्सेसु वा होज्जा गम्भवक्कंतियमणुस्सेसु वा होज्जा अहवा एगे संमुच्छिममणुस्सेसु होज्जा एगे गम्भवक्कंतिय-मणुस्सेसु होज्जा एवं एएणं कमेणं जहा नेरइयपवेसणए तथा मणुस्सपवेसणए वि भाणियव्वे जाव दस, संखेज्जा भंते मणुस्सा-पुच्छा गंगेया संमुच्छिममणुस्सेसु वा होज्जा गम्भवक्कंतियमणुस्सेसु वा होज्जा अहवा एगे संमुच्छिममणुस्सेसु होज्जा संखेज्जा गम्भवक्कंतियमणुस्सेसु होज्जा अहवा दो संमुच्छिम-मणुस्सेसु होज्जा संखेज्जा गम्भवक्कंतियमणुस्सेसु होज्जा एवं एककेक्कं उस्सारितेसु जाव अहवा संखेज्जा संमुच्छिममणुस्सेसु होज्जा संखेज्जा गम्भवक्कंतियमणुस्सेसु होज्जा, असंखेज्जा भंते मणुस्सा-पुच्छा गंगेया सव्वे वि ताव संमुच्छिममणुस्सेसु होज्जा अहवा असंखेज्जा संमुच्छिममणुस्सेसु एगे गम्भवक्कंतियमणुस्सेसु होज्जा अहवा असंखेज्जा संमुच्छिममणुस्सेसु दो गम्भवक्कंतियमणुस्सेसु होज्जा एवं जाव असंखेज्जा संमुच्छिममणुस्सेसु होज्जा संखेज्जा गम्भवक्कंतियमणुस्सेसु होज्जा, उक्को-सा भंते मणुस्सा-पुच्छा गंगेया सव्वे वि ताव संमुच्छिममणुस्सेसु होज्जा अहवा संमुच्छिममणुस्सेसु य गम्भवक्कंतियमणुस्सेसु य होज्जा एयस्स णं भंते संमुच्छिममणुस्सपवेसणगस्स गम्भवक्कंति-यमणुस्सपवेसणगस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा गंगेया सव्वत्थोवे गम्भवक्कंतियमणुस्सपवेसणए संमुच्छिममणुस्सपवेसणए असंखेज्जगुणे ।३७४।-३७५

(४५६) देवपवेसणए णं भंते कतिविहे पन्नते गंगेया चउव्विहे पन्नते तं जहा-भवण-वासिदेवपवेसणए जाव वेमाणिय देवपवेसणए एगे भंते देवे देवपवेसणएणं पविसमाणे किं भवण-वासीसु होज्जा वाणमंतर जोइसिय-वेमाणिएसु होज्जा गंगेया भवणवासीसु वा होज्जा वाणमंतर-जोइसिय-वेमाणिएसु वा होज्जा दो भंते देवा देवपवेसणएणं-पुच्छा गंगेया भवणवासीसु वा होज्जा वाणमंतर-जोइसिय-वेमाणिएसु वा होज्जा अहवा एगे भवणवासीसु एगे वाणमंतरेसु होज्जा एवं जहा तिरिक्खजोणियपवेसणए तथा देवपवेसणए वि भाणियव्वे जाव असंखेज्ज ति, उक्कोसा भंते पुच्छा गंगेया सव्वे वि ताव जोइसिएसु होज्जा अहवा जोइसिय-भवणवासीसु य होज्जा अहवा जोइसिय-वाणमंतरेसु य होज्जा अहवा जोइसिय-वेमाणिएसु य होज्जा अहवा जोइसिएसु य भवणवासीसु य वाणमंतरेसु य होज्जा अहवा जोइसिएसु य भवणवासीसु य वेमाणिएसु य होज्जा अहवा जोइसिएसु य वाणमंतरेसु य वेमाणिएसु य होज्जा अहवा जोइसिएसु य भवणवासीसु य वाणमंतरेसु य वेमाणिएसु य होज्जा ।३७५।-३७६

(४५७) एयस्स णं भंते भवणवासिदेवपवेसणगस्स वाणमंतरदेवपवेसणगस्स जोइसिय-देवपवेसणगस्स वेमाणियदेवपवेसणगस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा गंगेया सव्वत्थोवे वेमाणियदेवपवेसणए भवणवासिदेवपवेसणए असंखेज्जगुणे वाणमंतरदेवपवेसणए असंखेज्जगुणे जोइसियदेवपवेसणए संखेज्जगुणे एयस्स णं भंते नेरइयप-वेसणगस्स तिरिक्खजोणियपवेसणगस्स मणुस्सपवेसणगस्स देवपवेसणगस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा, गंगेया सव्वत्थोवे मणुस्सपवेसणए नेरइयपवेसणए

असंखेज्जगुणे देवपवेसणए असंखेज्जगुणे तिरिक्खज्जोणियपवेसणए असंखेज्जगुणे । ३७६ । ३७७

(४५८) संतरं भंते नेरइया उववज्जंति निरंतरं नेरइया उववज्जंति संतरं असुरकुमारा उववज्जंति निरंतरं असुरकुमारा उववज्जंति जाव संतरं वेमाणिया उववज्जंति निरंतरं वेमाणिया उववज्जंति संतरं नेरइया उव्वट्ठंति निरंतरं नेरइया उव्वट्ठंति जाव संतरं वाणमंतरा उव्वट्ठंति निरंतरं वाणमंतरा उव्वट्ठंति संतरं जोइसिया चयंति निरंतरं जोइसिया चयंति संतरं वेमाणिया चयंति निरंतरं वेमाणिया चयंति गंगेया संतरं पिय नेरइया उववज्जंति निरंतरं पि नेरइया उववज्जंति जाव संतरं पि धणियकुमारा उववज्जंति निरंतरं पि धणियकुमारा उववज्जंति नो संतरं पुढविकाइया उववज्जंति निरंतरं पुढविकाइया उववज्जंति एवं जाव वणस्सइकाइया सेसा जहा नेरइया जाव संतरं पि वेमाणिया उववज्जंति निरंतरं पि वेमाणिया उववज्जंति संतरं पि नेरइया उव्वट्ठंति निरंतरं पि नेरइया उव्वट्ठंति एवं जाव धणियकुमारा नो संतरं पुढविकाइया उव्वट्ठंति निरंतरं पुढविकाइया उव्वट्ठंति एवं जाव वणस्सइकाइया सेसा जहा नेरइया नवरं-जोइसियवेमाणिया चयंति अभिलाओ जाव संतरं पि वेमाणिया चयंति निरंतरं पि वेमाणिया चयंति

सतो भंते नेरइया उववज्जंति असतो नेरइया उववज्जंति सतो असुरकुमारा उववज्जंति जाव सतो वेमाणिया उव्वज्जंति असतो वेमाणिया उववज्जंति सतो नेरइया उववज्जंति असतो नेरइया उव्वट्ठंति सतो असुरकुमारा उव्वट्ठंति जाव सतो वेमाणिया चयंति असतो वेमाणिया चयंति, गंगेया सतो नेरइया उववज्जंति नो असतो नेरइया उववज्जंति सतो असुरकुमारा उववज्जंति नो असतो असुरकुमारा उववज्जंति जाव सतो वेमाणिया उववज्जंति नो असतो वेमाणिया उववज्जंति सतो नेरइया उव्वट्ठंति नो असतो नेरइया उव्वट्ठंति जाव सतो वेमाणिया चयंति नो असतो वेमाणिया चयंति

से केणट्ठेणं भंते एवं वुच्चइ-सतो नेरइया उववज्जंति नो असतो नेरइया उववज्जंति जाव सतो वेमाणिया चयंति नो असतो वेमाणिया चयंति से नूनं मे गंगेया पासेणं अरहया पुरिसादाणीएणं सासए लोए बुइए अणादीए अणवदग्गे [परिते परिवुडे हेट्ठा विच्छिण्णे मज्झे संखिते उप्पि विसाले अहे पलियं कसंठिए मज्झे वरवइरविग्गहिंए उप्पि उद्धमुइं गाकारसंठिए तंसि च णं सासयंसि लोगंसि अणादियंसि अणवदगंसि परितंसि परिवुडंसि हेट्ठा विच्छिण्णंसि मज्झे संखितंसि उप्पि विसालंसि अहे पलियंसंठियंसि मज्झे वरवइरविग्गहियंसि उप्पि उद्धमुइं गाकारसंठियंसि अनंता जीवघणा उप्पज्जिता-उप्पज्जिता निलीयंति परित्ता जीवघणा उप्पज्जिता-उप्पज्जिता निलीयंति से भूए उप्पण्णे विगए परिणए अजीवेहिं लोक्कइ पलोक्कइ जे लोक्कइ से लोए से तेणट्ठेणं गंगेया एवं वुच्चइ-जाव सतो वेमाणिया चयंति नो असतो वेमाणिया चयंति, सयं भंते एतेवं जाणह उदाहु असयं असोच्चा एतेवं जाणह उदाहु सोच्चा-सतो नेरइया उववज्जंति नो असतो नेरइया उववज्जंति जाव सतो वेमाणिया चयंति नो असतो वेमाणिया चयंति गंगेया सयं एतेवं जाणामि नो असयं असोच्चा एतेवं जाणामि नो सोच्चा-सतो नेरइया उववज्जंति नो असतो नेरइया उववज्जंति जाव सतो वेमाणिया चयंति नो असतो वेमाणिया चयंति से केणट्ठेणं भंते एवं वुच्चइ-सयं एतेवं जाणामि नो असतो वेमाणिया चयंति गंगेय केवली णं पुरत्थिमे णं मियं पि जाणइ अमियं पि जाणइ दाहिणे णं [पच्चत्थिमे णं उत्तरे णं उड्ढं अहे मियं पि जाणइ अमियं पि जाणइ सव्वं जाणइ केवली सव्वं पासइ केवली सव्वओ जाणइ केवली सव्वओ पासइ केवली सव्वकालं जाणइ केवली सव्वकालं पासइ केवली सव्वभावे जाणइ केवली सव्वभावे पासइ केवली अनंते नाणे केवलिसस अनंते दंसणे केवलिसस

निव्वुडे नाणे केवलिस्स निव्वुडे दंसणे केवलिस्स। से तेण्हेणं गंगेया एवं वुच्चइ-सयं एतेवं जाणामि नो असयं असोच्चा एतेवं जाणामि नो सोच्चा-तं चेव जाव नो असतो वेमाणिया चयंति

सयं भंते नेरइया नेरइएसु उववज्जंति असयं नेरइया नेरइएसु उववज्जंति गंगेया सयं नेरइया नेरइएसु उववज्जंति नो असयं नेरइया नेरइएसु उववज्जंति से केण्हेणं भंते एवं वुच्चइ-सयं नेरइया जाव उववज्जंति गंगेया कम्मोदएणं कम्मगुरुयत्ताए कम्मभारियत्ताए कम्मगुरुसंभारियत्ताए असुमाणं कम्माणं उदएणं असुभाणं कम्माणं विवागेणं असुभाणं कम्माणं फलविवागेणं सयं नेरइया नेरइसु उववज्जंति नो असयं नेरइया नेरइएसु उववज्जंति से तेण्हेणं गंगेया [एवं वुच्चइ-सयं नेरइया नेरइएसु उववज्जंति नो असयं नेरइया नेरइएसु] उववज्जंति सयं भंते असुरकुमारा-पुच्छा गंगेया सयं असुरकुमारा असुरकुमारेसु उववज्जंति नो असयं असुर कुमारा असुरकुमारेसु उववज्जंति से केण्हेणं तं चेव जाव उववज्जंति गंगेया कम्मोदएणं कम्मविगतीए कम्मविसोहीए कम्मविसुद्धीए सुभाणं कम्माणं उदएणं सुभाणं कम्माणं विवागेणं सुभाणं कम्माणं फलविवागेणं सयं असुरकुमारा असुरकुमारत्ताए उववज्जंति नो असयं असुरकुमारा असुरकुमारत्ताए उववज्जंति से तेण्हेणं जाव उववज्जंति एवं जाव यणियकुमारा

सयं भंते पुढविक्काइया-पुच्छा गंगेया सयं पुढविक्काइया पुढविक्काइएसु उववज्जंति नो असयं पुढविक्काइया पुढविक्काइएसु उववज्जंति से केण्हेणं जाव उववज्जंति गंगेया कम्मोदएणं कम्मगुरुयत्ताए कम्मभारियत्ताए कम्मगुरुसंभारियत्ताए सुभासुमाणं कम्माणं उदएणं सुभासुभाणं कम्माणं विवागेणं सुभासुभाणं कम्माणं फलविवागेणं सयं पुढविक्काइया पुढविवाक्काइएसु उववज्जंति नो असयं पुढविक्काइया पुढविक्काइएसु उववज्जंति से तेण्हेणं जाव उववज्जंति एवं जाव मणुस्सा वाणमंतर-जोइसिय-वेमाणिया जहा असुरकुमारा से तेण्हेणं एवं वुच्चइ-सयं वेमाणिया वेमाणिएसु उववज्जंति नो असयं वेमाणिया वेमाणिएसु उववज्जंति । ३७७।-३७८

(४५९) तप्पभित्तिं च णं से गंगेय अणगारे समणं भगवं महावीरं पच्चभिजाणइ सव्वण्णुं सव्वदरिंसि तए णं से गंगेये अणगारे समणं भगवं महावीरं तिक्खुतो आयहिणपयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-इच्छामि णं भंते तुव्वं अंतियं चाउज्जामाओ धम्माओ पंचमहव्वइयं [सपडिक्कमणं धम्मं उवसंपज्जित्ता णं विहरित्ताए अहासुहं देवाणुप्पिया मा पडिबंभं तए णं से गंगेये अणगारे समणं भगवं महावीरं वंदइ नमंसइ वंदित्ता नमंसित्ता चाउज्जामाओ धम्माओ पंचमहव्वइयं सपडिक्कमणं धम्मं उवसंपज्जित्ता णं विहरित्ताए तए णं से गंगेये अणगारे बहूणि वासाणि सामण्णपरियागं पाउणइ पाउणिता जस्सट्ठाए कीरइ नग्गभावे मुंडभावे अण्हाणयं अदंतवणयं अच्छत्तयं अणोवाहणयं भूमिसेज्जा फलहसेज्जा कट्ठसेज्जा केसलोओ बंधवेरवासो परघरप्पवेसो लद्धावलद्धी उच्चावया गामकंटगा बावीसं परिसहोवसग्गा अहिया-सिज्जंति तमट्ठं आराहेइ आराहेत्ता चरमेहिं उस्सास-नीसासेहिं सिद्धे बुद्धे मुक्के परिनिव्वुडे] सव्वदुक्खप्पहीणे सेवं भंते सेवं भंते ति । ३७८।-३७९

● नवमे स्तं क्खीसइमो उद्देशो समतो ●

—: ते ती स इ मो — उ हे सो —:

(४६०) तेणं कालेणं तेणं समएणं माहणकुंडग्गामे नयरे होत्था-वण्णओ बहुसालएचेइए-वण्णओ तत्थ णं माहणकुंडग्गामे नयरे उसभदते नामं माहणे परिवसइ-अइदं दित्ते वित्ते जाव

बहुजणस्स अपरिभूए रिब्बेद-जजुब्बेद-सामवेद-अथव्वणवेद जाव खंदओ जाव अप्णेसु य बहुसु बंधणएसु नयेसु सुपरिनिट्ठिए समणोवासाए अभिगयजीवाजीवे उवलद्धपुण्णपावे जाव अहापरिग्गहिएहिं तवोकम्महिं अप्पाणं भावेमाणे विहरइ तस्स णं उसभदत्तस्स माहणस्स देवाणंदा नामं माहणी होत्या-सुकुमालपाणिपाया जाव पियदंसणा सुरूवा समणोवासिया अभिगयजीवा-जीवा उवलद्धपुण्णपावा जाव अहापरिग्गहिएहिं तवोकम्महिं अप्पाणं भावेमाणी विहरइ तेणं कालेणं तेणं सनएणं सामी सभोसडे परिसा पज्जुवासइ

तए णं से उसभदत्ते माहणे इमीसे कहाए लद्धे समाणे इड्ड तुडुच्चित्तमाणंदिए हियए जेणेव देवाणंदा माहणी तेणेव उवागच्छति उवागच्छिता देवानंदं माहणि एवं वयासी-एवं खलु देवाणुप्पिए समणे भगवं महावीरे आदिगरे जाव सब्वण्णू सब्वदरिसी आगासगएणं चक्केणं जाव सुहुंसुहेणं विहरमाणे बहुसालए चेइए अहा- पडिस्सुवं जाव विहरइ तं महप्फलं खलु देवाणुप्पिए अभिगमण-वंदण-नर्मसण-पडिपुच्छण-पज्जुवासाणयए एगस्स वि आरिपस्स धम्मियस्स सुवण-यस्स सवणयाए किमंग पुण विउलस्स अट्ठस्स गहणयाए तं गच्छामो णं देवाणुप्पिए समणं भगवं महावीरं वंदामो नमंसामो [सक्कारेमो सम्माणेमो कळाणं मंगलं देवयं चेइयं] पज्जुवासमो एयं णे इहभवे य परभवेय हियाए सुहाए खमाए निस्सेसाए आणुगामियताए भविस्सइ तए णं सा देवाणंदा माहणी उसभदत्तेणं माहणेणं एवं दुत्ता समाणी हट्ठतुडुच्चित्तमाणंदिया जाव हियया करयल परिग्गहियं दसनहं सिरसावत्तं मत्थए-अंचलि कट्ठ उसभदत्तस्स माहणस्स एयमट्ठं विणएणं पडिसुणेइ तए णं से उसभदत्ते माहणे कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया लहुकरणजुत्त-जोइय-समखुरवालिहाण-समलिहियसिंगेहिं जंबूणयामयकलावजुत्त-पतिविसिद्धेहिं रययामयघंटा-सुत्तरज्जुय पवरकंचणनत्थपरग्गहोगहियएहिं नीसुप्पलकयामेलएहिं पवरगोणजुवाणएहिं नाणामणिरयण-घंटियाजालपरिगयं सुजायजुग-जोत्तरज्जुयजुग-पसत्थसु-विरचियनमियं पवरलक्खणोववेयं-धम्मियं जाणप्पवरं जुत्तामेव उवट्ठेवह उवट्ठेवत्ता मम एतमाण-त्तियं पच्चप्पिणह तए णं ते कोडुंबियपुरिसा उसभदत्तेणं माहणेणं एयं दुत्ता समाणा हट्ठतुडुच्चित्त माणंदिया जाव हियया करयल परिग्गहियं दसनहं सिरसावत्तं मत्थए अंचलि कट्ठ एवं सामी तहत्ताणाए विणएणं वयणं पुडिसुणेत्ते पडिसुणेत्ता खिप्पामेव लहुकरणजुत्त जाव धम्मियं जाणप्पवरं जुत्तामेव उवट्ठेवत्ता तमाणत्तियं पच्चप्पिणंति

तए णं से उसभदत्ते माहणे ण्हाए जाव अप्पमहग्घाभरणाळंकियसरीरे साओ गिहाओ पडिनक्खमति पडिनिक्खमिता जेणेव बाहिरिया उवट्ठाणसाला जेणेव धम्मिए जाणप्पवरे तेणेव उवागच्छइ उवागच्छिता धम्मियं जाणप्पवरं दुरुढे तए णं सा देवाणंदा माहणी ण्हाया अंतो अंतेउ-रंसि ण्हाया कयबलिकम्मा कयकोउय-मंगल-पायच्छिता किंच किंते वरपादपत्तणेउर-मणिमेहला-हारचित्त-उचियकडग-खुड्ढाग - एकावली - कंठसुत्त-उरत्थगेवेज्ज-सोणिसुत्तग-नाणामणि-रयणभू-सणविराइयंगी चीणंसुयवत्थपवरपरिहिया दुगुल्लकुकुमाल उत्तरिज्जा सब्बोत्तुवसुरिकुसुमवरिय-सिरया वरचंजणावंदिता वरभरणाभूसितंगी काला गरुधूवथूविया सिरिसमाणवेसा अप्पमहग्घा-भरणाळंकियसरीरा बहूहिं खुज्जाहिं चिलात्तियाहिं घामणीहिं वडमीहिं बब्बरीहिं वउसियाहिं जोणियाहिं पल्हवियाहिं ईसिगिणियाहिं चारु वास गिणियाहिं ल्हासियाहिं लउसियाहिं आरबीहिं दमिलीहिं सिंहलीहिं पुलिदीहिं पक्खणीहिं पुक्कलीहिं बहलीहिं सुरुडीहिं सवरीहिं पाससीहिं

नाणादेस-विदेसपरिपिंडियाहिं सदेवनेवत्थगहियवेसाहिं इंगित-चितित-पत्थिय वियाणियाहिं कुस-
लाहिं विणीयाहिं चेडियातचक्कवाल-वरिसधर-थेरकंचुइज महत्तरगवंधपरिक्खत्ता अंतेउराओ
निग्गच्छति निग्गच्छिता जेणेव बाहिरिया उवट्ठाणसाला जेणेव धम्मिए जाणप्पवरे तेणेव
उवागच्छइ उवागच्छिता धम्मियं जाणप्पवरं दुरुद्धा

तए णं से उसभदत्ते माहणे देवाणंदाए माहणीए सद्धिं धम्मियं जाणप्पवरं दुरुद्ध समाणे
नियगपरियालसंपरिवुडे माहणकुंडगामं नगरं मज्झिमज्जेणं निग्गच्छइ निग्गच्छिता जेणेव बहुसा-
लए वेइए तेणेव उवागच्छइ उवागच्छिता छत्तादीए तित्थकरातिसाए पासइ पासित्ता धम्मियं
जाणप्पवरं ठवेइ ठवेत्ताधम्मियाओ जाणप्पवराओ पच्चोरूहइ पच्चोरूहिता समणं भगवं महावीरं
पंचविहेणं अभिगमेणं अभिगच्छति तं जहा-सच्चित्ताणं दब्बाणं विओसरणयाए अचित्ताणं दब्बाणं
अविओसरणयाए एगसाडिएणं उत्तरासंगकरणेणं चक्खुप्पासे अंजलिप्पग्गहेणं मणसो एगत्ती-
करणेणं जेणेव समणे भगवं महावीरे तेणेव उवागच्छइ उवागच्छिता तिकवुत्तो आयाहिण-पयाहिणं
करेइ करेत्ता बंदइ नमंसइ वंदित्ता नमंसित्ता तिविहाए पज्जुवासणाए पज्जुवासइ । ३७९।-३८०

(४६९) तए णं सा देवाणंदा माहणी धम्मियाओ जाणप्पवराओ पच्चोरूहति पच्चोरूहिता
बहूहिं खुज्जाहिं जाव चेडियाचक्कवाल-वरिसधर-थेरकंचुइज-महत्तरगवंधपरिक्खत्ता समणं
भगवं महावीरं पंचविहेणं अभिगमेणं अभिगच्छइ तं जहा-सच्चित्ताणं दब्बाणं विओसरणयाए जाव
मणस्स एगत्तीभावकरणेणं जेणेव समणे भगवं महावीरे तेणेव उवागच्छइ उवागच्छिता समणं
भगवं महावीरं तिकवुत्तो आयाहिण-पयाहिणं करेइ करेत्ता बंदइ नमंसइ वंदित्ता नमंसित्ता
उसभदत्तं माहण पुरओ कट्ठु ठिया देव सपरिवारा सुस्सुसमाणी नमंसमाणी अभिमुहा विणएणं
पंजलिकडा पज्जुवासइ तए णं सा देवाणंदा माहणी आगयपण्हया पप्पुयलोयणा संवरियवल्लयवाहा
कंचुपरि-क्खित्तिया धाराहयकलंबगं पिव समूसदियरोमकूवा समणं भगवं महावीरं अणिमिसाए
दिट्ठीए देहमाणी-देहमाणी चिट्ठइ भंतेति भगवं गोयमे समणं भगवं महावीरं बंदइ नमंसइ वंदित्ता
नमंसित्ता एवं वयासी-किं णं भंते एसा देवाणंदा माहणी आगयपण्हया जाव रोमकूवा देवाणुप्पियं
अणिमिसाए दिट्ठीए देहमाणी-देहमाणी चिट्ठइ गोयभादि, समणे भगवं महावीरे भगवं गोयमं एवं
वयासी-एवं खलु गोयमा देवाणंदा माहणी नमं अम्मगा अहण्णं देवाणंदाए माहणीए अत्ताए तण्णं
एसा देवाणंदा माहणी तेणं पुव्वपुत्तसिणेहरागेणं आगयपण्हया पप्पुयलोयणा संवरियवल्लयवाहा
कंचुयपरिक्खित्तिया धाराहयकलंबगं पिव समूसदियरोमकूवा ममं अणिमिसाए दिट्ठीए देहमाणी-
देहमाणी चिट्ठइ । ३८०।-३८१

(४६२) तए णं समणे भगवं महावीरे उसभदत्तस्स माहणस्स देवाणंदाए माहणीए तीसे य
महत्तिमहालियाए इसिपरिसाए [मुणिपरिसाए जइपरिसाए देवपरिसाए अणेगसयाए अणेगसय-
वंधाए अणेगसयवंधपरियालाए ओहबले अइबले महव्वले अपरिभियबल-वीरिय-तेय-माहण-
कंति-जुत्ते सारय-नवत्थणिय-महुरगंभीर-कौचनिग्गोस-दुंदुभिस्सरे उरे वित्थडाए कंठे वट्ठियाए
सिरे समाइण्णाए अगरलाए अम्मण्णाए सुव्वत्तक्खर-सण्णिवाइयाए पुण्णरत्ताए सव्वभासणु-
गामि-णीए सरस्सईए जोयणणीहारिणा सर्रेणं अद्धमागहाए भासाए भासइ-धम्मं परिकहेइ] जाव
परिसा पडिगया तए णं से उसभदत्ते माहणे समणस्स भगवओ महावीरस्स अंतियं धम्मं सोद्या
निसम्म हट्ठुट्ठे उट्ठाए उट्ठेइ उट्ठेत्ता समणं भगवं महावीरं तिकवुत्तो जाव वंदित्ता नमंसित्ता एवं

वदासी-एवमेयं भंते तहमेयं भंते। अवितहमेयं भंते असंदिहमेयं भंते इच्छिमेयं भंते पडिच्छियमेयं भंते इच्छिय-पडिच्छियमेयं भंते। - से जहेयं तुळ्मे वदह ति कट्ट उत्तरपुरत्थिमं दिसिभागं अवक्कामति अवक्कमिता सयमेव आभरणमल्लालंकारं ओमुयइ ओमुइत्ता सयमेव पंचमुड्डियं लोयं करेइ करेत्ता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमसित्ता एवं वयासी-आलित्ते णं भंते लोए पलित्ते णं भंते लोए आलित्त-पलित्ते णं भंते लोए जराए मरणेण य

से जहानामए केइ गाहायई अगारंसि शिंयायमाणंसि जे से तत्थ भंडे भवइ अप्पभारे मोल्लगरुए तं गहाय आयाए एगंतमंतं अवक्कमइ एस मे नित्यारिए समाणे पच्छा पुरा य हियाए सुहाए खमाए निस्सेयसाए आणुगामियत्ताए भविस्सइ एवामेव देवाणुप्पिया मज्झ दि आया एगे भंडे इडे कंते पिए मणुण्णे मणामे थेज्जे वेस्सासिए सम्मए बहुगए अणुमए भंडकरंडगसभाणे मा णं सीयं मा णं उण्हं मा णं खुहा मा णं पिवासा मा णं चोरा मा णं वाला मा णं दंसा मा णं मसया मा णं वाइय-पित्तिय-संभिय-सन्निवाइय विविहा रोगायंका परीसहोवसंगा फुसंतु ति कट्ट एस मे नित्यारिए समाणे परलोवस्स हियाए सुहाए खमाए नीसेसाएआणुगामियत्ताए भविस्सइ तं इच्छामि णं देवाणुप्पिया सयमेव पव्वावियं सयमेव मुंडावियं सयमेव सेहावियं सयमेव सिक्खावियं सयमेव आयारगोयरं विणय-वेणइय-चरण-करण जाया-मायावतियं धम्ममाइक्कियं तए णं समणे भगवं महावीरे उसभदत्तं माहणं सयमेव पव्वावेइ सय मेव मुंडावेइ सयमेव सेहावेइ सयमेव सिक्खावेइ सयमेव आयार-गोयरं विणय-वेणइय चरण-करण जायामायावतियं धम्ममाइक्कइ-एवं देवाणुप्पिया गंतव्वं एयं चिट्ठियव्वं एयं नीसीइयव्वं एवं तुयइयव्वं एवं भुजियव्वं एवं भासियव्वं एवं उट्ठाय-उट्ठाय पाणेहिं भूएहिं जीवेहिं सत्तेहिं संजमेणं संजमियव्वं अस्सि च णं अट्टे मो किंचि वि पमाइयव्वं

तए णं से उसभदत्ते माहणे समणस्स भगवओ महावीरस्स इमं एयारूवं धम्मियं उवएसं सम्मं संपडिवज्जइ जाव सामाइयमाइयाइं एक्कारस अंगाइ अहिज्झइ अहिज्झित्ता बहूहिं चउत्थ-छट्ठम-दसम-दुवालसेहिं मासद्धमास- खमणेहिं विचित्तेहिं तवोक्कमेहिं अप्पाणं भावेमाणे बहूइं वासाइं सामण्णपरियागं पाउणइ पाउणित्ता मासियाए संलेहणाए अताणं झूसेइ झूसेत्ता सट्ठिं भत्ताइं अणसणाए छेदेइ छेदेत्ता जस्सट्ठाए कीरति नग्गभावे जाव तमट्ठं आराहेइ आराहेत्ता जाव सब्बदुक्खप्पहीणे तए णं सा देवाणंदा माहणी समणस्स भगवओ महावीरस्स अंतियं धम्मं सोट्ठा निसम्मं हट्ठुट्ठासमणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नंसित्ता एवं वयासी-एवमेयं भंते तहमेयं भंते एवं जहा उसभदत्तो तहेव जाव धम्ममा- इक्खियं तए णं समणे भगवं महावीरे देवाणंदं माहणिं सयमेव पव्वावेइ पव्वावेत्ता सयमेव अज्जचंदणाए अज्जाए सीसिणिताए दलयइ तए णं सा अज्जचंदणा अज्जा देवाणंदं माहणिं सयमेव मुंडावेति सयमेव सेहावेति एवं जहेव उसभदत्तो तहेव अज्जचंदणाए अज्जाए इमं एयारूवं धम्मियं उयदेसं सम्मं संपडिवज्जइ तमाणाए तह गच्छइ जाव संजमेणं संजमति तए णं सा देवानंदा अज्जा अज्जचंदणाए अज्जाए अंतियं सामाइयमाइयाइं एक्कारस अंगाइ अहिज्झइ जाव सब्बदुक्खप्पहीणा ॥३८११॥-३८२

(४६३) तस्स णं माहण कुंडग्गामस्स नगरस्स पच्चत्थिमे णं एत्थ णं खत्तियकुंडग्गामे नामं नयरे होता-यण्णओ तत्थ णं खत्तियकुंडग्गामे नयरे जमाली नामं खत्तियकुमारे परिवसइ-अट्टे

दिते जाव बहुजणस्स अपरिभूते उप्पि पासायवरगए फुट्टमाणेहिं मुइंगमत्थएहिं बत्तीसत्तिवद्धेहिं नाडएहिं वरतरूणीसंपउत्तेहिं उवनच्चिज्जमाणे-उवनच्चिज्जमाणे उवगिज्जमाणे-उवगिज्जमाणे उवला-लिज्जमाणे-उवलालिज्जमाणे पाउस-यासारत्त-सरद-हेमंत-वसंत-गिन्हपज्जंते छप्पि उऊ जहाविम-वेणं माणेमाणे कालं गालेमाणे इट्ठे सह-फरिस-रस रूवं-गंधे पंचविहे माणुस्सए कामभोगे पच्चणुब्भ-वमाणे विहरइ तए णं खत्तियकुण्डगामे नयरे सिंघाडग-तिक-चउक्क-चच्चर-[चउम्मुह-महा पह-पहेसु महया जणसहे इ वा जणवूहे इ वा जणबोले इ वा जणकलकले इ वा जणुम्मी इ वा जणु-क्कलिया इ वा जणसण्णिवाए इ वा बहुजणो अण्णमण्णस्स एवमाइक्खइ एवं भासइ। एवं पण्णवेइ एवं परूवेइ एवं खलु देवाणुप्पिया समणे भगवं महावीरे आदिगरे जाव सव्वण्णू सव्वदरिसी माहणकुंडगामस्स नगरस्स बहिया बहुसालए चेइए अहापडिरूवं [ओगहं ओगि-ण्हिता संजमेणं तवसा अप्पाणं भावेमाणे] विहरइ तं महप्फलं खलु देवाणुप्पिया तहारूवाणं अरहंताणं भगवंताणं नामगोयस्स वि सवणयाए जहा ओववाइए जाव एणाभिमुहे खत्तिय-कुण्डगामं नयरं मज्झंमज्झेणं निग्गच्छंति निग्गच्छित्ता जेणेव माहणकुंडगामे नयरे जेणेव बहु-सालए चेइए तेणेव उवागच्छंति एवं जहा ओववाइए जाव तिविहाए पज्जुवासणयाए पज्जुवासंति

तए णं तस्स जमालिस्स खत्तियकुमारस्स तं महयाजणसहं वा जाव जणसन्निवायं वा सुणमाणस्स वा पासमाणस्स वा अवमेयारूवे अज्झत्थिए [विंतिए पत्थिए मणोगए संकप्पे] समुप्पज्जित्था-किण्णं अज्ज खत्तियकुंडगामे नयरे इंदमहे इ वा खंदमेहे इ वा मुगुंदमहे इ वा नाभमहे इ वा जक्खमहे इ वा भूयमहे इ वा कूयमहे इ वा तडागमहे इ वा नईमहे इ वा दहमहे इ वा पव्वयमहे इ वा रूक्खमहे इ वा चेइयमहे इ वा यूभमहे इ वा जण्णं एते बहवे उग्गा भोगा राइण्णा इक्खागा नाया कोरव्वा खत्तिया खत्तियपुत्ता भडा भडपुत्ता [जोहा पसत्थारो मल्लई लेच्छई लेच्छईपुत्ता अण्णे य बहवे राईसर-तलवर-मांडबिय-कोडुंविय-इब्भ-सेट्ठि-सेणावइ]-सत्थयाहप्पभित्तयोण्हाया कयब-लिकम्मा जहा ओववाइए जाव खत्तियकुंडगामे नयरे मज्झंमज्झेणं निग्गच्छंति - एवं संपेहेइ संपे-हेत्ता कंचुइ-पुरिसं सद्दावेइ सद्दावेत्ता एवं वदासी-किण्णं देवाणुप्पिया अज्ज खत्तियकुंडगामे नयरे इंदमहे इ वा जाव निग्गच्छंति तए णं से कंचुइ-पुरिसे जमालिणा खत्तियकुमारेणं एवं वुत्ते समाणे हइतुट्ठे समणस्स भगवओ महावीरस्स आगमणगहिपविणिच्छए करयल जाव जमालिं खत्तिय-कुमारं जएणं विजएणं वद्धावेइ वद्धावेत्ता एवं वयासी-नो खलु देवाणुप्पिया अज्ज खत्तियकुंडगामे नयरे इंदमहे इ वा जाव निग्गच्छंति एवं खलु देवाणुप्पिया अज्ज समणे भगवं महावीरे आदिगरे जाव सव्वण्णू सव्वदरिसी माहणकुंडगामस्स नयरस्स बहिया बहुसालए चेइए अहापडिरूवं ओगहं जाव विहरइ तए णं एते बहवे उग्गा भोगा जाव निग्गच्छंति

तए णं से जमाली खत्तियकुमारे कंचुइ-पुरिसस्स अंतियं एयमद्धं सोच्चा निसम्मं हइतुट्ठे कोडुंवियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया चाउग्घंटं आसरह जुत्तामेव उवट्ठवेह उवट्ठवेत्ता मम एयमाणत्तियं पच्चप्पिण्ह तए णं ते कोडुंवियपुरिसा जमालिणा खत्तियकुमारेणं एवं वुत्ता समाणा [चाउग्घंटं आसरहं जुत्तामेव उवट्ठवेत्ते उवट्ठवेत्ता तमाणत्तियं] पच्चप्पिण्हंति तए णं से जमाली खत्तियकुमारे जेणेव मज्जणघरे तेणेव उवागच्छइ उवागच्छित्ता ण्हाए कयबलिकम्मे जाव चंदणक्खित्तागायसरीरे सव्वालंकारविभूसिए मज्झणघराओ पडिनि-क्खमइ पडिनिक्खमित्ता जेणेव बाहिरिया उवट्ठाणसाला जेणेव चाउग्घंटं आसरहे तेणेव

उवागच्छइ उवागच्छिता चाउग्धंट आसरहं दुरुहइ दुरिहिता सकोरेंटमल्लदामेणं छतेणं धरिज्ज-
माणेणं महयाभडचडकरपहकरवंदपरिक्खित्ते खत्तियकुंडगामं नगरं मज्झमज्जेणं निगच्छइ
निगच्छिता जेणेव माहणकुंडगामे नयरे जेणेव बहुसालए चेइए तेणेव उवागच्छइ उवागच्छिता
तुरए निगिण्हइ निगिण्हिता रहं ठवेइ ठवेत्ता रहाओ पच्चोरुहति पच्चोरुहिता पुप्फतंबोलाउहमादियं
पाहणाओ य विसज्जेति विसज्जेत्ता एगसाडियं उत्तरासंगं करेइ करेत्ता आयंते चोक्खे परमसुइब्बूए
अंजलिमउलियहत्थे जेणेव समणे भगवं महावीरे तेणेव उवागच्छइ उवागच्छिता समणं भगवं
महावीरं तिककुत्तो आयाहिण-पायाहिणं करेइ करेत्ता यंदइ नमंसइ वंदित्ता नमंसित्ता तिविहाए
पज्जुवासणाए पज्जुवासइ

तए णं समणे भगवं महावीरे जमालिस्स खत्तियकुमारस्स तीसे य महतिमहालियाए इसि
[परिसाए मुणिपरिसाए जइपरिसाए देवपरिसाए अणेगसयाए अणेगसयवंदाए अणेगसयवंदपरि-
यालाए ओहबले अइवले महब्बले अपरिमियबलवीरिय-तेय-माहप्प-कंति-जुते सारय-नवत्य-
णिय-महुरगंभीर-कोंचणिग्घोसदुंदुमिस्सरे उरे वित्थडाए कंठे वड्डियाए सिरे समाइण्णाए अगरलाए
अमम्मणाए सुव्वत्तकखर-सण्णिवाइयाए पुण्णरत्ताए सब्बभासाणुगामिणीए सरस्सईए जोयण-
नीहारिणासरेणं अट्टमागहाए भासाए भासइ-धम्मं परिकहेइ] जाव परिसा पडिगया तए णं से जमाली
खत्तियकुमारे समणस्स भगवओ महावीरस्स अंतिए धम्मं सोच्चा निसम्म हट्ट जाव हियए उट्ठाए उट्ठेइ
उट्ठेत्ता समणं भगवं महावीरं तिककुत्तो आयाहिण-पायाहिणं करेइ करेत्ता यंदइ नमंसइ वंदित्ता
नमंसित्ता एवं वयासी सद्वहामि णं भंते निगंगं पावयणं पत्तियामि णं भंते निगंगं पावयणं रोएमिणं
भंते निगंगं पावयणं अब्बुट्ठेमि णं भंते निगंगं पावयणं एवमेयं भंते तहमेयं भंते अवितहमेयं भंते
असंदिद्धमेयं भंते [इच्छियमेयं भंते पडिच्छियमेयं भंते इच्छिय-पडिच्छियमेयं भंते] से जहेयं तुम्हे
बदह जं नवरं देवाणुप्पिया अम्मापियरो आपुच्छामि तए णं अहं देवाणुप्पियाणं अंतियं मुंडे भवित्ता
अगाराओ अणगारियं पक्कायामि अहासुहं देवाणुप्पिया मा पडिवंधं। ३८२।-३८३

(४६४) तए णं से जमाली खत्तियकुमारे समणेणं भगवया महावीरेणं एवं कुत्ते समानं
हट्टुट्ठे समणं भगवं महावीरं तिककुत्तो जाव नमंसित्ता तमेव चाउग्धंट आसरहं दुरुहइ दुरिहिता
समणस्स भगवओ महावीरस्स अंतियाओ बहुसालाओ चेइयाओ पडिनिक्खमइ पडिनिक्खमिता
सकोरेंट मल्लदामेणं छतेणं धरिज्जमाणेणं महयाभडचडगर पहकरवंद परिक्खित्ते जेणेव खत्तिय-
कुंडगामे नयरे तेणेव उवागच्छइ उवागच्छिता खत्तियकुंडगामं नगरं मज्झमज्जेणं जेणेव सए
गेहे जेणेव बाहिरिया उवट्ठाणसाला तेणेव उवागच्छइ उवागच्छिता तुरए निगिण्हइ निगिण्हिता रहं
ठवेइ ठवेत्ता रहाओ पच्चोरुहइ पच्चोरुहिता जेणेव अट्ठितरिया उवट्ठाणसाला जेणेव अम्मापियरो
तेणेव उवागच्छइ उवागच्छिता अम्मापियरो जएणं विजएणं बद्धावेइ बद्धावेत्ता एवं वयासी-एवं
खलु अम्मताओ मए समणस्स भगवओ महावीरस्स अंतियं धम्मं निसंते से वि य मे धम्मं इच्छिए
पडिच्छिए अभिरुइए तए णं तं जमालिं खत्तियकुमारं अम्मापियरो एवं वयासी-धत्ते सि णं तुमं
जाया कयत्थे सि णं तुमं जाया कयपुण्णे सि णं तुमं जाया कयलक्खणे सि णं तुमं जाया जण्णं तुमे
समणस्स भगवओ महावीरस्स अंतियं धम्मं निसंते से वि य ते धम्मं इच्छिए पडिच्छिए अभिरुइए

तए णं से जमाली खत्तियकुमारे अम्मापियरो दोहं पि एवं वयासी-एवं खलु मए
अम्मताओ समणस्स भगवओ महावीरस्स अंतिए धम्मं निसंते [से वि य मे धम्मं इच्छिए पडिच्छिए]

अभिरुद्धे तए णं अहं अम्भताओ संसारभउज्विगे मीते जम्भणं-मरणेणं तं इच्छामि णं अम्भताएओ तुब्बेहिं अब्भणुण्णाए समाण्णे समणस्स भगवओ महावीरस्स अंतियं मुंडे भविता अगाराओ अणगारियं पव्वइत्तए तए णं सा जमालिस्स खत्तियकुमारस्स माता तं अणिद्वं अकंतं अपियं अमणुण्णं अमणां अस्सुयपुव्वं गिरं सोच्चा निसम्म सेयागयरोमकूवपगलंतंचिलिणगता सोगभरवेवियंगमंगी नित्तेया दीणविमणवयणा करयलमलिय व्व कमलमाला तक्खणओ-लुग्गदुब्बलसरीरलायण्णसुन्ननिच्छाया गयसिरीया पसिदिलभूसणपडंतखुण्णियसंचुण्णियधवल-वलय-पव्वइत्तरिआ मुच्छावसणइचेतगरुई सुकुमालविकिण्णकेसहत्था परसुणियत्त व्व चंपा-गलया निव्वत्तमहे व्व इंदलद्वी विमुक्कसंधिबंधणा कोट्टिमतलंसि धसत्ति सब्बगेहिं संनिवडिया

तए णं सा जमालिस्स खत्तियकुमारास्स माया ससंभमोवत्तियाए तुरियं कंचणभिगारमुह-विणिगय सीयलज्जविमलधारपरिसिज्जमाणनिव्वावियगायलद्वी उक्खेलय-तालियंट-वीयणगज-णियवाएणं सफुसिएणं अंतेउरपरिजणेणं आसासिया समाणी रोयमाणी कंदमाणी सोयमाणी दिलवमाणी जमालिं खत्तियकुमारं एवं वयासी-तुमं सि णं जाया अहं एगे पुत्ते इद्धे कंते पिए मणुण्णे मणामे धेज्जे वेसासिए संमए बहुमए अणुमए अनुमए भंडकरंडगसमाणे रयणे रयणम्भूए जीविऊसविए हियनंदिजणणे उंबरपुफं पिव दुल्लभे सवणयाए किमंग पुणपासणयाए तं नो खलु जाया अहे इच्छामो तुब्बं खणमवि विष्योगं तं अच्छहिं ताव जाया जाव ताव अहे जीवामो तओ पच्छा अहेहिं कालगएहिं समाणेहिं परिणयवए वड्ढियकुलवंसतंतुकज्जम्भि निरवयक्खे समणस्स भगवओ महावीरस्स अंतियं मुंडे भविता अगाराओ अणगारियं पव्वइहिसि तए णं से जमाली खत्तियकुमारे अम्भापियरो एवं वयासी-तहा वि णं तं अम्भताओ जण्णं तुब्बे मम एवं वदह-तुमं सि णं जाया अहं एगे पुत्ते इद्धे कंते तं चेव जाव पव्व इहिसि एवं खलु अम्भताओ माणुस्सए भवे अणेगजाइ-जरा-मरण-रोग-सारीरमाणसपकामदुक्खवेयण-वसणसतोवद्दवाभिभूए अधुवे अणि-तिए असासए संज्ञम्भरागसरिसे जलबुब्बुदसमाणे कुसग्गजलबिंदुसन्निभे सुविणदंसणोवमे विजुलयाचंचले अणिच्चे सडण-पडण-विद्धंसणधम्मं पुव्विं वा पच्छा वा अवस्सविप्पजहियव्वे भविस्सइ से केस णं जाणइ अम्भताओ के पुव्विं गमणयाए के पच्छा गमणयाए तं इच्छामि णं अम्भताओ तुब्बेहिं अब्भणुण्णाए समाणे समणस्स [भगवओ महावीरस्स अंतियं मुंडे भविता अगाराओ अणगारियं] पव्वइत्तए

तए णं तं जमालिं खत्तियकुमारं अम्भापियरो एवं वयासी-इमं च ते जुत्तं विण्णाण-वियक्खणं ससोहग्गगुणसमूसियं अभिजायमहक्खमं विविहयाहिरोमारहियं निरुवहय-उदत्त-लड्डपंचिंदियपडुं पढमजोव्वणत्थं अणेगउत्तमगुणेहिं संजुत्तं तं अणुहोहि ताव जाया नियगसरीर-रूव-सोहग्ग-जोव्वणगुणे तओ पच्छा अणुभूयनियगसरीररूव-सोहग्ग-जोव्वणगुणे अहेहिं काल-गएहिं समाणेहिं परिणयवए पवड्ढिय-कुलवंसतंतुकज्जम्भि निरवयक्खे समणस्स भगवओ महा-वीरस्स अंतियं मुंडे भविता अगाराओ अणगारियं पव्वइहिसि तए णं से जमाली खत्तियकुमारे अम्भापियरो एवं वयासी-तहा वि णं तं अम्भताओ जण्णं तुब्बे मम एवं वदह-इमं च णं ते जाया सरीरं तं चेव जाव पव्वइहिसि एवं खलु अम्भताओ माणुस्सगं सरीरं दुक्खाययणं विविहवा-हिसयसंनिकेतं अट्ठियकड्डुडियं छिराण्णारुजाल-ओणद्धसंभिणद्धं मट्ठियभंडं व दुब्बलंसंसुडसंकि-लिद्धं अणिद्विविय-सव्वकालसंठप्पयं जराकुणिम जज्जरघरं व सडण-पडण-विद्धंसणधम्मं पुव्विं वा

पच्छा वा अवस्सविप्पजहियव्वं भविस्सइ से केस णं जाणइ अम्मताओ के पुब्बि [गमणयाए के पच्छा गमणयाए तं इच्छामि णं अम्मताओ तुब्भेहिं अम्मणुण्णाए समाणे समणस्स भगवओ महावीरस्स अंतियं मुंडे भवित्ता अगाराओ अणगारियं] पव्वइत्तए

तए णं तं जमालिं खत्तियकुमारं अम्मापियरो एवं वयासी-इमाओ य ते जाया विपुलकुलबालियाओ कलाकुसल-सव्वकाललालिय-सुहोचियाओ मद्दवगुणजुत-निउणविणओ-दयारपंडिय-वियक्खणाओ मंजुलमियनहुरभणिय-विहसिय-विप्पेक्खिय-गति-विलास-चिट्ठियवि-सारदाओ अविकलकुल-सीलसालिणीओ विसुद्धकुलवंससंताणतंतुवद्धणम्मगम्भुम्मवपभावि-णीओ मणाणुकूलहियइच्छियाओ अट्ट तुज्झ गुणवल्लहाओ उत्तमाओ निच्चं भावाणुरत्तसव्वंग-सुंदरीओ तं भुंजाहिं ताव जाया एताहिं सद्धिं विउले माणुस्सए कामभोगे तओ पच्छा भुत्तभोगी विसय-विगयवोच्छिण्ण-कोउल्ले अहेहिं कालगएहिं [समाणेहिं परिणयवए वड्ढियकुलवंसतं-तुकज्जम्भे निरवयक्खे समणस्स भगवओ महावीरस्स अंतियं मुंडे भवित्ता अगाराओ अणगारियं पव्वइहिसि तए णं से जमाली खत्तियकुमारे अम्मापियरो एवं वयासी-तहा वि णं तं अम्मताओ जण्णं तुब्भे मम एयं वदह-इमाओ ते जाया विपुलकुलबालियाओ जाव पव्वइहिसि एवं खलु अम्मताओ माणुस्सगा कामभोगा उच्चार-यासवण-खेल-सिंघाणग-वंत-पित-भूय-सुक्क-सौणिय-समुत्थवा अमणुण्णदुरुय-मुत्त-पूइय-पुरीसपुण्णा मयगंधुस्सास-असुभनिसासउव्वेयणगा बीम-च्छा अप्पकालिया लहुसगा कलमलाहिवासदुक्खा बहुजणसाहाराणा परिकित्तेसकिच्छदुक्खसज्झा अबुहजणणिसेविया सदा साहुगरहणिज्जा अनंतसंसारवद्धणा कडुगफलविवागा चुडल्लिव अमुच्च-माण दुक्खाणुबंधिणो सिद्धिगमणविग्धा से केस णं जाणइ अम्मताओ के पुब्बि गमणयाए के पच्छा गमणयाए तं इच्छामि तं अम्मताओ जाव पव्वइत्तए

तए णं तं जमालिं खत्तियकुमारं अम्मापियरो एवं वयासी-इमे य ते जाया अज्जय-पज्जय-पिउपज्जयागए सुवहू हिरण्णे य सुवण्णे य कंसे य दूसे य विउलघण-कणग [रयणमणि-मोत्तिय-संख-सिल-म्पवालरत्तरयण] संतसारसावएजे अलाहिं जाव आसत्तमाओ कुलवंसाओ पकामं दाउं पकामं भोत्तुं परिभाएउं तं अणुहोहिं ताव जाया विउले माणुस्सए इड्ढि-सक्कारसमुदए तओ पच्छा अणूहूयकल्लाणे वड्ढियकुलवंसं [ततुकज्जम्भे निरवयक्खे समणस्स भगवओ महावीरस्स अंतियं मुंडे भवित्ता अगाराओ अणगारियं पव्वइहिसि तए णं से जमाली खत्तियकुमारे अम्मापियरो एवं वयासी-तहा वि णं तं अम्मताओ जण्णं तुब्भे ममं एवं वदह-इमं च ते जाया अज्जय-पज्जय-पिउपज्जयागए जाव पव्वइहिसि एवं खलु अम्मताओ हिरण्णे य सुवण्णे य जाव सावएजे अगिसाहिए चोरसाहिए रायसाहिए मच्चुसाहिए दाइयसाहिए अगिसामण्णे [चोर-सामण्णे रायसामण्णे मच्चुसामण्णे] दाइयसामण्णे अधुवे अणितिए असासए पुब्बि वा पच्छा वा अवस्सविप्पजहियव्वं भविस्सइ से केस णं जाणइ जाव पव्वइत्तए तए णं तं जमालिं खत्तियकुमारं अम्मताओ जाहे नो संचाएति विसयाणुलोमाहिं बहूहिं आधवणाहिं य पण्णवणाहिं य सण्णवणाहिं य विण्णवणाहिं य आधवेत्तए वा पण्णवेत्तए वा सण्णवेत्तए वा विण्णवेत्तए वा ताहे विसयपडिकूलाहिं संजमभयुव्वेयणकरीहिं पण्णवणाहिं पण्णवेमाणा एवं वयासी-एवं खलु जाया निग्गंये पावयणे सच्चे अनुत्तरे केवले जाव सव्वदुक्खाणं अंतं करंति

अरीव एगंतदिट्ठीए खुरो इव एगंतधाराए लोहमया जाव चावेयव्वा वालुया कवले इव

निस्सए गंगा वा महानदी पडिसोयंगमण्याए महासमुद्रो वा भुयाहिं दुत्तरो तिव्वं कमियव्वं गरुयं लंबेयव्वं असिधारं वयं चरियव्वं नो खलु कप्पइ जाया समणाणं निगंग्थाणं अहाकम्मिए इ वा उद्देशिए इ वा मिससजाए इ वा अज्जोरए इ वा पूइए इ वा कीते इ वा पामिच्चे इ वा अच्चेअे इ वा अणिसद्धे इ वा अभिहडे इ वा कंठारमत्ते इ वा दुब्बिक्खभत्ते इ वा गिलाणभत्ते इ वा वट्ठलियाभत्ते इ वा पाहुणगभत्ते इ वा सेज्जारपिंडे इ वा रायपिंडे इ वा मूलभोयणे इ वा कंदभोयणे इ वा फलभोयणे इ वा वीथभोयणे इ वा हरियभोयणे इ वा भोत्तए वा पायए वा तुमं सि च णं जाया सुहसमुच्चिए नो चेव णं दुहसमुच्चिए नालं सीयं नालं उण्हं नालं खुहा नालं पियासा नालं चोरा नालं बाला नालं दंसा नालं मसगा नालं वाइय-पित्तिय-सेंभिय-सन्निवाइए विविहे रोगायंके परिससहोवसग्गे उदिण्णे अहियासेत्तए तं नो खलु जाया अण्हे इच्छामो तुब्बं खणमवि विषययोगं तं अच्छाहि ताव जाया ताव अण्हे जीवामो तओ पच्छा अण्हेहिं

कालगएहिं समाणेहिं परिणयवए वडिडियकुलवंसत्तंतुकज्जम्भि निरवयक्खे समणस्स भगवओ महावीरस्स अंतियं मुंडे भवित्ता अगाराओ अणगारियं पव्वइहिसि

तए णं से जमालि खत्तियकुमारं अम्मापियरो एवं वयासी-तहा वि णं तं अम्मताओ जण्णं तुब्बे ममं एवं वदह-एवं खलु जाया निगंग्थे पावयणे सद्धे अनुत्तरे केवले तं चेव जाव पव्वइहिसि एवं खलु अम्मताओ निगंग्थे पावयणे सद्धे अनुत्तरे केवले तं चेव जाव पव्वइहिसी एवं खलु अम्मताओ निगंग्थे पावयणे कीवाणं कायरारणं कापुरिसाणं इहलोगपडिबद्धाणं परलोगपरंमुहाणं विसय-तिसियाणं दुरगुणवरे पागयजणस्स धीरस्स निच्छियस्स ववसियस्स नो खलु एत्थं किंचि वि दुक्करं करणयाए तं इच्छामि णं अम्मताओ तुब्बेहिं अम्मणुण्णाए समाणे समणस्स भगवओ महावीरस्स अंतियं मुंडे भवित्ता अगाराओ अणगारियं पव्वइत्तए तए णं तं जमालिं खत्तियकुमारं अम्मापियरो जाहे नो संचाएति विसयाणुलोमाहिं य विसयपडिकूलाहिं य बहूहिं आयवणाहिय य पण्णवणाहिय सण्णवणाहिं य विण्णवणाहिय य आयवेत्तए वा पण्णवेत्तए वा सण्णवेत्तए वा विण्णवेत्तए वा ताहे अकामाई चेव जमालिस्स खत्तियमकुमारस्स निक्खमाणं अणुमच्छित्था। ३८३।-३८४

(४६५) तए णं तस्स जमालिस्स खत्तियकुमारस्स पिया कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया खत्तियकुंडग्गामं नयरं सव्वितरबाहिरियं आसिय-सम्मज्जिओवलितं जहा ओववाइए जाव सुगंधवरगंधगंधियं गंधवट्ठिभूयं करेह य कारवेह य करेत्ता य कारवेत्ता य एयमाणत्तियं पच्चप्पिण्ह ते वि तहेव पच्चप्पिण्णंति तए णं से जमालिस्स खत्तियकुमारस्स पिया दोच्चं पि कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया जमालिस्स खत्तियकुमारस्स महत्थं महग्धं महरिं विपुलं निक्खमणाभिसेयं उवट्ठेवह तए णं ते कोडुंबियपुरिसा तहेव जाव उवट्ठेवति तए णं तं जमालिं खत्तियकुमारं अम्मापियरो सीहासणवरंसि पुरत्थाभिमुहं निसीयावेति निसीयावेत्ता अट्ठसएणं सोवणियाणं कलसाणं [अट्ठसएणं रूपमयाणं कलसाणं अट्ठसएणं मणिमयाणं कलसाणं अट्ठसएणं सुवण्णरूपमयाणं कलसाणं अट्ठसएणं सुवण्णमणिमयाणं कलसाणं अट्ठसएणं रूपमणिमयाणं कलसाणं अट्ठसएणं सुवण्णरूपमणिमयाणं कलसाणं] अट्ठसएणं भोमेज्जाणं कलसाणं सव्विड्ढीए [सव्वजुतीए सव्वबलेणं सव्वसमुदएणं सव्वादरेणं सव्वविभूईए सव्वविभूसाए सव्वसंममेणं सव्वपुष्पगंधमल्ल-लंकारेणं सव्वुतियसद्-सण्णिगाएणं महया इड्ढीए महया जुईए महया बलेणं महया समुदएणं

महया वरतुडिय-जमगसमगणवाइएणं संख-पणव-पडह-भेरि-झल्लरि-खरमुहि-हुडुकू-मुरय-मुइंग-दुंदुहि-निगधोसणाइय] रवेणं महया-महया निक्खमणाभि सेगेणं अभिसिचंति अभिसिचिता करयल जाव जएणं विजएणं वद्धावेत्ति वद्धावेत्ता एवं वयासी-भण जाया किं देमो किं पयच्छामो किणा व ते अट्ठो तए णं से जमाली खत्तियकुमारे अम्मापियरो एवं वयासी-इच्छामि णं अम्पताओ कुत्तियावणाओ रयहरणं च पडिगहं च आणियं कासवगं च सदावियं तए णं से जमालिस्स खत्तियकुमारस्स पिता कोडुंबियपुरिसे सदावेइ सदावेत्ता एवं वयासी-खिप्पामेव भो देवाणुप्पिया सिरिधराओ तिण्णि सयसहस्साइं गहाय दोहिं सयसहस्सेहिं कुसियावणाओ रयहरणं व पडिगहं च आणेह सयसहस्सेणं कासवगं सदावेह

तए णं तं कोडुंबियपुरिस्सा जमालिस्स खत्तियकुमारस्स पिउणा एवं वुत्ता समाणा हट्ठतुट्ठा करयल परिग्हियं दसनहं सिरसावत्तं मत्थए अंजलिं कट्ठु एवं सामी तहत्ताणाए विणएणं वयणं पडिसुणेत्ति पडिसुणेत्ता खिप्पामेव सिरिधराओ तिण्णि सयसहस्साइं जाव कासवगं सदावेत्ति तए णं से कासवए जमालिस्स खत्तियकुमारस्स पिउणा कोडुंबियपुरिसेहिं सदाविए समाणे हट्ठतुट्ठे ण्हाए कयबलिकम्मे [कय-कोउय-मंगल-पायच्छित्ते सुद्धप्पा वेसाइं मंगलाइं वत्थाइं पवर परिहिए अण्णम-हग्घाभरणांलंकिय] सरीरे जेणेव जमालिस्स खत्तियकुमारस्स पिआ तेणेव उवागच्छइ उगाव-गच्छित्ता करयल [परिग्हियं दसनहं सिरसावत्तं मत्थए अंजलिं कट्ठु] जमालिस्स खत्तियकुमारस्स पियरं जएणं विजएणं वद्धावेइ वद्धावेत्ता एवं वयासी-संदिस्तुं णं देवाणुप्पिया जं मए करणिज्जं तए णं से जमालिस्स खत्तियकुमारस्स पिआ तं कासवगं एवं वयासी-तुमं देवाणुप्पिया जमालिस्स खत्तियकुमारस्स परेणं जत्तेणं चउरंगुलवज्जे निक्खमणपाओगे अग्गेकेसे कप्पेहि तए णं से कासवगे जमालिस्स खत्तियकुमारस्स पउणा एवं वुत्ते समाणे हट्ठतुट्ठे करयल [परिग्हियं दसनहं सिरसावत्तं मत्थए अंजलिं कट्ठु] एवं सामी तहत्ताणाए विणएणं वयणं पडिसुणेइ पडिसुणेत्ता सुरभिणा गंधोदएणं हत्थपादे पक्खालेइ पक्खालेत्ता सुद्धाए अट्ठपडलाए पोत्तीए मुहं बंधइ बंधित्ता जमालिस्स खत्तियकुमारस्स परेणं जत्तेणं चउरंगुलवज्जे निक्खमणपाओगे अग्गेकेसे कप्पेइ

तए णं सा जमालिस्स खत्तियकुमारस्स माया हंसलक्खणेणं पडसाइएणं अग्गेकेसे पडिच्छइ पडिच्छित्ता सुरभिणा गंधोदएणं पक्खालेइ पक्खालेत्ता अग्गेहिं वरेहिं गंधेहिं मल्लेहिं अच्चेति अच्चेत्ता सुद्धे वत्थे बंधइ बंधित्ता रयणकरंडंगसि पक्खिवति पक्खिवित्ता हार-वारिधार-सिंदुवार-छिण्णमुत्तावल्लिप्पगासाइं सुयवियोगदूसहाइं अंसुइं विणिम्भुयमाणी-विणिम्भुयमाणी एवं वयासीएणं णं अहं जमालिस्स खत्तियकुमारस्स बहसु तिहीसु य पच्चणीसु य उस्सवेसु य जण्णेसु य छणेसु य अपच्छिमे दरिसणे भविस्सतीति कट्ठु ऊसीसगमूले ठवेति तए णं तस्स जमालिस्स खत्तियकुमारस्स अम्मापियरो दोच्चं पि उत्तरावक्कमणं सीहासणं रयावेत्ति रयावेत्ता जमालिस्स खत्तियकुमारस्स सेयापीयाएहिं कलसेहिं ण्हावेत्ति ण्हावेत्ता पन्हलसुकुमालाए सुरभीए गंधका-साइए गायाइं लूहेत्ति लूहेत्ता सरसेणं गोसीसचंदणेणं गायाइं अणुलिंपत्ति अनुलिंपित्ता नासा-निस्सासदायवोज्जं चक्खुहरं वण्ण-फरिसजुत्तं हयलालपेलवातिरेगं धवलं कणगखचित्तं कम्मं महरिहं हंसलक्खणपड-साडगंपरिहित्ति परिहित्ता हारं पिणद्धेत्ति पिणद्धेत्ता अदअधहारं पिणद्धेत्ति पिणद्धेत्ता एगावल्लिं पिणद्धेत्ति पिणद्धेत्ता मुत्तावल्लिं पिणद्धेत्ति पिणद्धेत्ता रयणावल्लिं पिणद्धेत्ति पिणद्धेत्ता एवं-अंगयाइं केयूराइं कडगाइं तुडियाइं कडिसुत्तं दसमुद्धानंतं विकच्छसुत्तं मुरविं

कंदपुरवि पालबं कुंडलाइं चूडामणिं] चित्तं रयणसंकडुककडं मउडं पिणद्धेति किं बहुणा गंधिम-
वेद्धिम-पूरिम-संधातिमेणं चउच्चिहेणं मल्लेणं कप्परुक्खणं पिव अलंकिय-विमूसियं करेति

तए णं से जमालिस्स खत्तियकुमारस्स पिया कोडुंबियपुरिसे सद्दावेइ सद्दावेत्ता एवं
वयासी-खिप्पामेव भो देवाणुप्पिया अण्णेरुअंभसयसण्णिविडुं लीलद्धियसालभंजियागं जहा रायप्प-
सेणइत्ते विमाणवण्णओ जाव मणिरयणघट्टियाजालपरिक्खित्तं पुरिससहस्सवाहिणिं सीयं उवडु-
वेइ उवडुवेत्ता मम एयमाणं रियं पच्चप्पिणह तए णं ते कोडुंबियपुरिसा जाव पच्चप्पिणंति तए णं से
जमाली खत्तियकुमारे केसालंकारेणं वत्थालंकारेणं मल्लालंकारेणं आभरणालंकारेण-चउच्चिहेणं
अलंकारेणं अलंकारिए समणे पडिपुण्णालंकारे सीहासणाओ अब्भुड्डेइ अब्भुड्डेत्ता सीयं अनुप्पदा-
हिणीकरेमाणे सीयं दुरुहइ दुरिहिता सीहासणवरंसि पुरत्थाभिमुहे सण्णिसण्णे तए णं तस्स
जमालिस्स खत्तियकुमारस्स पाता ण्हाया कयबलिकम्मा जाव अप्पमहग्धाभरणालंकियसरीरा
हंसलक्खणं पडसाडगं गहाय सीयं अनुप्पदाहिणीकरेमाणी सीयं दुरुहइ दुरिहिता जमालिस्स
खत्तियकुमारस्स दाहिणे पासे भद्दासणवरंसि सण्णिसण्णा

तए णं तस्स जमालिस्स खत्तियकुमारस्स अम्मधाती ण्हाया कयबलिकम्मा जाव अप्पम-
हग्धाभरणालंकियसरीरा रयहरणं पडिगहं च गहाय सीयं अनुप्पदाहिणीकरेमाणी सीयं दुरुहइ
दुरिहिता जमालिस्स खत्तियकुमारस्स धामे पासे भद्दासणवरंसि सण्णिसण्णा तए णं तस्स जमा-
लिस्स खत्तियकुमारस्स पिट्ठओ एगा वरतरुणी सिंगारागार चारुवेसा संगय-[गय-हसिय-भणिय-
वेद्धि-विलास-सललिय-संलाव निउण जुत्तोवयारकुसलासुंदरथण-जघण-वयण-कर-चरण-नयण-
लावण्ण]-रूव-जोवण-विलासकलिया सरदम्भ-हिम-रयय-कुमुद-कुंदेदुप्पगासं सकोरेंटमल्ल दामं
धवलं आयवत्तं गहाय सलीलं ओधरेमाणी-ओधरेमाणी चिद्धति तए णं तस्स जमालिस्स
खत्तियकुमारस्स उभओ पासिं दुवे वरतरुणीओ सिंगारागार जाव कलियाओ नाणामणि-कणग-
रयण-विमलममह-रिहतवणिजुज्जलविचित्तदंडाओ चिल्लियाओ संखंक-कुंद-दगरय-अमय-महिय-
फेणपुंजसण्णिकासाओ धवलाओ वामराओ गहाय सलीलं वीयमाणीओ वीयमाणीओ चिद्धति

तए णं तस्स जमालिस्स खत्तियकुमारस्स उत्तरपुरत्थिमे णं एगा वरतरुणी सिंगारागार
[चारुवेसासंगय-गय-हसिय-भणिय-वेद्धि-विलास-सललिय-संलावनिउणजुत्तोवयारकुसलासुंद-
रयण-वयण-कर-चरण-नयण-लावण्ण-रूव-जोवण-विलास] कलिया सेतं रययामयं विमल-
सलिलपुण्णं मत्तगवमहामुहा क्तिसपाणं भिंगारं गहाय चिद्धइ तए णं तस्स जमालिस्स खत्तिय-
कुमार दाहिणपुरत्थिमे णं एगा वरतरुणी सिंगारागार जाव कलिया चित्तकण्णगंडं तालवेटं गहाय
चिद्धइ तए णं तस्स जमालिस्स खत्तियकुमारस्स पिया कोडुंबियपुरिसे सद्दावेइ सद्दावेत्ता एवं
वयासी-खिप्पामेव भो देवाणुप्पिया सरिसयं सरित्तयं [सरिव्वयं सरिसलावण्ण-रूव-जोवण-गुणो-
ववेयं एगाभरणवसण-गहियनिज्जोयं कोडुं वियवरतरुणसहस्सं] सद्दावेति तए णं ते कोडुंबियपुरिसा
जाव पडिसुणेत्ता खिप्पामेव [स रिसयं सरित्तयं सरिव्वयं सरिसलावण्ण-रूव-जोवण-गुणोववेयं
एगाभरणवसण-गहियनिज्जोयं कोडुंबियवरतरुणसहस्सं] सद्दावेति तए णं ते कोडुंबिय-
वरतरुणपुरिसा जमालिस्स खत्तियकुमारस्स पिउणा कोडुं बियपुरिसेहिं सद्दाविया समाणा हट्ठुड्डा
ण्हाया कयबलिकम्मा कयकोउय-मंगल-पायच्छित्ता एगाभरणवसण-गहियनिज्जोया जेणेव जमा-
लिस्स खत्तियकुमारस्स पिया तेणेव उवागच्छति उवागच्छित्ता करयल जाव वद्धावत्ता एवं वयासी-

संदिसंतु णं देवाणुप्पिया जं अहेहिं करणिज्जं

तए णं से जमालिस्स खत्तियकुमारस्स पिया तं कोडुंबियवरतरुणसहस्सं एवं वयासी-तुब्बे णं देवाणुप्पिया ण्हाया कयं [बलिकम्मा कयकोउय-मंगल-पायच्छित्ता एणाभरणवसण]-गहिया-निज्जोया जमालिस्स खत्तियकुमारस्स सीयं परिवहेह तए णं ते कोडुंबियवरतरुणपुरिसा जमालिस्स खत्तियकुमारस्स पिउणा एवं वुत्ता समाणा जाव पडिसुणेत्ता ण्हाया जाव एणाभरणवसण-गहियनिज्जोया जमालिस्स खत्तियकुमारस्स सीयं परिवहति तए णं तस्स जमालिस्स खत्तिय-कुमारस्स पुरिससहस्सवाहिणि सीयं दुब्बस्स समाणस्स तप्पडमयाए इमे अट्ठमंगलगा पुरओ अहाणुपुब्बीए संपट्टिया तं जहा-सोत्थिय-सिरिवच्छ-[नंदियावत्त-वद्धमाणग-भद्दासण-कलस-मच्छ]-दप्पणा तदाणतरं च णं पुण्णकलसभिंजारं [दिव्वा य छत्तपडागा सयावरा दंसण-रइय-आलोय-दरिसणिज्जा वाउद्धय-विजयवेजयंती य ऊसिया] गगणतलमणुलिहंती पुरओ अहाणु-पुब्बीए संपट्टिआ [तदाणंतरं च णं वेरुलिय-भिसंत-विमलदंडं पलंबकोरं टमल्लदामोवसोभियं चंदमंडलणिमं समूसियं विमलं आयवत्तं पवरं सीहासणं वरमणिरयणपाद-पीढं सपाउया-जोयसपाउत्तं बहुकिंकर-कम्पकर-पुरिस-पायत्त-परिक्खित्तं पुरओ अहाणुपुब्बीए संपट्टियं तदाणंतरं च णं वहवे लट्ठिगाहा कुंतगाहा चामरग्गाहा पासग्गाहा चावग्गाहा पोत्तयग्गाहा फलगग्गाहा पीढग्गाहा वीणग्गाहा कूयग्गाहा हडप्पग्गाहा पुरओ अहाणु-पुब्बीए संपट्टिया तदाणंतरं च णं वहवे दंडिणो मुंडिणो सिंहडिणो जडिणो पिंछिणो हासकरा डमरकरा दवकरा चाडुकरा कंदप्पिया कोक्कुइया किडुकरा य वायंता य गायंता य नच्चंता य हसंता य भासंता य सासंता य सावेंता य रक्खंता य] आलोयं च करेमाणा जय-जय सहं पउंजमाणा पुरओ अहाणुपुब्बीए संपट्टिया तदाणंतरं च णं वहवे उग्गा भोगा खत्तिया इक्खाणा नाया कोरव्वा जहा ओववाइए जाव महापुरिसवग्गुरा-वपरिक्खित्ता जमालिस्स खत्तियकुमारस्स पुरओ य मग्गतो य पासओ य अहाणुपुब्बीए संपट्टिया

तए णं से जमालिस्स खत्तियकुमारस्स पिया ण्हाए कयबलिकम्मे [कयकोउय मंगल-पायच्छित्ते सव्वालंकार] विभूसिए हत्थिकवंधवगए सकोरं टमल्लदामेणं छतेणं धरिज्जमाणेणं सेय-वरचामराहिं उद्धव्वमाणीहिं-उद्धव्वमाणीहिं हय-गय-रह-पवरजोहकलियाए वाउरंगिणीए सेणाए सट्ठिं संपरिवुडे महयाभडयडगर-विंदपरिक्खित्ते जमालिं खत्तियकुमारं पिडुओ अणुगच्छइ तए णं तस्स जमालिस्स खत्तियकुमारस्स पुरओ महं आसा आसवरा उभओ पासिं नागा नागवरा पिडुओ रहा रहसंगेछी तए णं से जमाली खत्तियकुमारे अब्भुग्गतभिंजारे परिग्गहियतालियंटे ऊसविस-सेतछत्ते पवीइयसेतचामरबालवीयणीए सव्विड्डीए जाव दुंदुहि-निग्घोस-नादितरवेणं खत्तिय-कुंडागामं नयरं मज्झंमज्जेणं जेणेव माहणकुंडागामे नयरे जेणेव बहुसालए चेइए जेणेव समणे भगवं महावीरे तेणेव पाहारेत्थ गमणाए तए णं तस्स जमालिस्स खत्तियकुमारस्स खत्तिय-कुंडागामं नयरं मज्झंमज्जेणं निग्गच्छमाणस्स सिंघाडग-तिय-चउक्क-[चच्चर-चउम्मुह-महापहं] पहेसु वहवे अत्थत्थिया कामत्थिया भोगत्थिया लाभत्थिया किब्बिसिया कारोडिया कालरवाहिया संखिया चक्किया नंगलिया मुहमंगलिया वद्ध-माणा पूसमाणया खंडियमणा ताहिं इडाहिं कंताहिं पियाहिं मणुण्णाहिं मणांमाहिं मणाभिरामाहिं हियपगमणिज्जाहिं वग्गूहिं जयविजयमंगलसएहिं अणवरयं] अभिनंदंता य अभित्युणंता य एवं वयासी-जय-जय-नंदा धम्मेणं जय-जय-नंदा तवेणं जय-जय नंदा भइं ते अभग्गेहिं नाण-दंसण-चरित्तेहिमुत्तमेहिं अजियाइं जिणाहिं इंदियाइं जियं

पालेहिं समणधम्मं जियविग्घो वि य वसाहि तं देव सिद्धिमज्जे निहणाहि य रागदोसमहे तवेणं धितिधिणियबद्धकच्छे मद्दाहि य अट्ठे कम्मसत्तू ज्ञाणेणं उत्तमेणं सुक्केणं अप्पमतो हराहि आरा-
हणपडागं च धीर तेलोक्कूरंगमज्झ पावय वित्तिमिरमणुत्तरं केवलं च नाणं गच्छ य मोक्खं परं पदं जिणवरोवदिट्ठेणं सिद्धिमग्गेणं अकुडिलेणं हंता परीसहचमूं अभिभविय गामकंटकोवसग्गा णं धम्मे ते अविग्घपत्थु ति कट्ठु अभिनंदंति य अभियुणंति य

तए णं से जमाली खत्तियकुमारे नयणमालासहस्सेहिं पेच्छिज्जमाणे-पेच्छिज्जमाणे [हियय-
मालासहस्सेहिं अभिणंदिज्जमाणे-अभिणंदिज्जमाणे मणोरहमालासहस्सेहिं विच्छिप्पमाणे-विच्छिप्प-
माणे वयणमालासहस्सेहिं अभियुच्चमाणे अभियुच्चमाणे कंतिसोहग्गुणेहिं पत्थिज्जमाणे-पत्थिज्ज-
माणे बहूणं नरनारि सहस्साणं दाहिणहत्थेणं अंजलिमालासहस्साइं पडिच्छमाणे-पडिच्छमाणे मंजु-
मंजुणा घोसेणं आपडिपुच्छमाणे-आपडिपुच्छमाणे भवणपंतिसहस्साइं समइच्छमाणे-समइच्छमाणे
खत्तियकुंडगामे नयरे मज्झंमज्झेणं] निग्गच्छइ निग्गच्छित्ता जेणेव माहण- कुंडगामे नयरे जेणेव
बहुसालए चेइए तेणेव उवागच्छइ उवागच्छित्ता छातादीए तित्थगरात्तिसए पासइ पासित्ता
पुरिससहस्सवाहिणिं सीयं ठवेइ पुरिससहस्सवाहिणीओ सीयाओ पद्धोस्सहइ तए णं तं जमालि
खत्तियकुमारं अम्मापियरो पुरओ काउं जेणेव समणे भगवं महावीरे तेणेव उवागच्छंति उवा-
गच्छित्ता समणं भगवं महावीरं तिक्खुत्तो जाव नमंसित्ता एवं वयासी-एवं खलु भंते जमाली
खत्तियकुमारे अहं एगे पुत्ते इट्ठे कंते जाव किमंग पुण पासणयाए से जहानामए उप्पले इ वा पउमे
इ वा जाव सहस्सपते इ वा पंके जाए जले संवुडे नोवलिप्पति पंकरएणं नोवलिप्पति जलरएणं
एवामेव जमाली वि खत्तियकुमारे कामेहिं जाए भोगेहिं संवुड्ठे नोवलिप्पति कामरएणं
नोवलिप्पति भोगरएणं नोवलिप्पति मित-नाइ नियग-सयण-संबंधि-परिजणेणं एस णं देवाणुप्पिया
संसारभयुच्चिगे धीए जम्मण-मरणेणं इच्छइ देवाणुप्पियाणं अंतिए मुंडे भविता अगाराओ
अणगारियं पव्वइतए तं एयं णं देवाणुप्पियाणं अहे सीसभिक्खं दलयामो पडिच्छंतु णं
देवाणुप्पिया सीसभिक्खं तए णं समणे भगवं महावीरे जमालि खत्तियकुमारं एवं वयासी अहासुहं
देवाणुप्पिया मा पडिबधं

तए णं से जमाली खत्तियकुमारे समणेणं भगवया महावीरेणं एवं वुत्ते समाणे हट्ठुट्ठे समणं
भगवं महावीरं तिक्खुत्तो [आयाहिण-पयाहिणं करेइ करेत्ता वंदइ नमंसइ वंदित्ता] नमंसित्ता
उत्तरपुरत्थिं दिसिभागं अवक्कमइ अवक्कमित्ता सयमेव आभरण-मल्लालंकारं ओमुचइ तए णं
सा जमालिस्स खत्तियकुमारस्स माया हंसलक्खणेणं पडसाइएणं आभरणमल्लालंकारं पडिच्छइ
पडिच्छित्ता हार-यारि [धार-सिंधुवार-छिन्नमुतावलिप्पगासाइं अंसूणि] विणिम्मयमाणी-विणिम्मय-
माणी जमालि खत्तियकुमार एवं वयासी-जइयव्वं जाया घडियव्वं जाया परक्कमियव्वं जाया
अस्सि च णं अट्ठे नो पमाएतव्वं ति कट्ठु जमालिस्स खत्तियकुमारस्स अम्मापियरो समणं भगवं
महावीरं वंदंति नमंसंति वंदित्ता नमंसित्ता जामेव दिसं पाउळ्ळूया तामेव दिसं पडिगया तए णं से
जमाली खत्तियकुमारे सयमेव पंचमुड्डियं लोयं करेइ करेत्ता जेणेव समणे भगवं महावीरे तेणेव
उवागच्छइ [उवागच्छित्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ
नमंसइ वंदित्ता नमंसित्ता एवं वयासी-आलित्ते णं भंते लोए पलित्ते णं भंते लोए आलित्त-पलित्ते णं
भंते लोए जराए मरणेण य, से जहानामए केइ गाहावई अगारंसि झियायमाणंसि जे से तत्थ भंडे

भवइ अप्पभारे मोल्लगरुए तं गहाय आयाए एगंतमंतं अवक्कमइ एस मे नित्यारिए समाणे पच्छा पुरा य हियाए सुहाए खमाए निस्सेयसाए आणुगामियताए भविस्सइ

एवामेव देवानुप्पिया मज्झ वि आया एगे मंडे इडे कंते पिए मणुण्णे मणामे येजे वेस्सासिए सम्मए बहुमए अनुमए भंडकरंडगसमाणे मा णं सीयं मा णं उण्हं मा णं खुहा मा णं पिवासा मा णं चोरा मा णं बाला मा णं दंसा मा णं मसया मा णं वाइय-पितिय-सेंभिय-सत्त्रिवाइय विविहा रोगायंका परीसहोवसग्गा फुसंतु ति कट्ट एस मे नित्यारिए समाणे परलोयस्स हियाए सुहाए खपाए नीसेसाए आणुगामियताए भविस्सइ तं इच्छमि णं देवानुप्पिया सयमेव पच्चावियं सयमेव मुंडावियं सयमेव सेहावियं सयमेवं सिक्खाविय सयमेव आधार-गोयरं विणय-वेणइय-चरण-काण-जायामायावत्तिथं धम्ममाइक्खियं तए णं समणे भगवं महावीरे जमालिं खतियकुमारं पंचहिं पुरिससएहिं सद्धिं सयमेव पच्चावेइ। जाव सामाइयमाइयाइं एक्कारस अंगाइं अहिज्जइ अहिज्जित्ता बहूहिं चउत्थ-छट्ठम-दसम-दुवालसेहिं। मासद्ध-मासखमणेहिं विचित्तेहिं तवोकम्मेहिं अप्पाणं भावेमाणे विहरइ १३८४१-३८५

(४६६) तए णं से जमाली अणगारे अण्णया कयाइ जेणेव भगवं महावीरे तेणेव उवागच्छइ उवागच्छित्ता समणं भगवं महावीरं वंदइ नमंसइ वंदित्ता नमंसित्ता एवंवयासी-इच्छामि णं भंते तुब्भेहिं अब्बणुण्णाए समाणे पंचहिं अणगारसएहिं सद्धिं बहिया जणवयविहारं विहरित्तए तए णं समणे भगवं महावीरे जमालिस्स अणगारस्स एयमद्धं नो आढाइ नो परिजाणइ तुसिणीए संचिद्धइ तए णं से जमाली अणगारे समणं भगवं महावीरं दोच्चं पि तच्चं पि एवं वयासी-इच्छामि णं भंते तुब्भेहिं अब्बणुण्णाए समाणे पंचहिं अणगारसएहिं सद्धिं बहिया जणवयविहारं विहरित्तए तए णं समणे भगवं महावीरे जमालिस्स अणगारस्स दोच्चं पि तच्चं पि एयमद्धं नो आढाइ नो परिजाणइ तुसिणीए संचिद्धइ तए णं से जमाली अणगारे समणं भगेवं महावीरं वंदइ नमंसइ वंदित्ता नमंसित्ता समणस्स भगवओ महावीरस्स अंतियाओ बहुसालाओ चेइयाओ पडिनिक्खमइ पडिनिक्खमित्ता पंचहिं अणगारसएहिं सद्धिं बहिया जणवय-विहारं विहरइ तेणं कालेणं

तेणं समएणं सावत्थी नामं नयरी होत्था-वण्णओ कोट्टए चेइए-वण्णओ जाव वणसंडस्स तेणं कालेणं तेणं समएणं चंपा नाम नयरी होत्था-वण्णओ पुण्णभदे चेइए-वण्णओ जाव पुढवि-सिलापट्टओ तए णं से जमाली अणगारे अण्णया कयाइ पंचहिं अणगारसएहिं सद्धिं संपरिवुडे पुव्वाणुपुव्वि चरमाणे गामाणुग्गामं दूइज्जमाणे जेणेव सावत्थी नयरी जेणेव कोट्टए चेइए तेणेव उवागच्छइ उवागच्छित्ता अहापडिरूवं ओग्गहं ओगिण्हइ ओगिण्हित्ता संजमेणं तवसा अप्पाणं भावेमाणे विहरइ तए णं समणे भगवं महावीरे अण्णयाकयाइ पुव्वाणुपुव्वि चरमाणे [गामाणुग्गामं दूइज्जमाणे] सुहंसुहेणं विहरमाणे जेणेव चंपा नयरी जेणेव पुण्णभदे चेइए तेणेव उवागच्छइ उवागच्छित्ता अहापडिरूवं ओग्गहं ओगिण्हइ ओगिण्हित्ता संजमेणं तवसा अप्पाणं भावेमाणे विहरइ तए णं तस्स जमालिस्स अणगारस्स तेहिं अरसेहिं य विरसेहिं य अंतेहिं य पंतेहिं य लूहेहिं य तुच्छेहिं य कालाइक्कंतेहिं य पमाणाइक्कंतेहिं य पाणभोयणेहिं अण्णया कयाइ सरीरगंसि विउले रोगातंके पाउब्भूए-उज्जले विउले पगाटे कक्कसे कडुए चंडे दुक्खे दुग्गे तिब्बे दुरहियासे पित्तज्वरपरिगतसरीरे दाहवक्कत्तिए या विविहरइ

तए णं से जमाली अणगारे वेयणाए अभिभूए समाणे समणे निग्गंये सद्दावेइ सद्दावेत्ता एवं

वयासी-तुल्ये णं देवाणुप्पिया मम सेज्जा-संधारणं संधरह तए णं ते समणा निगंग्था जमालिस्स अणगारस्स एतमद्धं विणएणं पडिसुणेति पडिसुणेत्ता जमालिस्स अणगारस्स सेज्जा-संधारणं संधरंति तए णं से जमाली अणगारे बलियतरं वेदणए अभिभूए समणे दोहं पि समणे निगंग्थे सद्दावेइ सद्दावेत्ता एवं वयासी-ममं णं देवाणुप्पिया सेज्जासंधारए किं कडे कज्जइ तते णं ते समणा निगंग्था जमालिं अणगारं एवं वयासी-नो खलु देवाणुप्पियाणं सेज्जा-संधारए कडे कज्जइ तए णं तस्स जमालिस्स अणगारस्स अयमेयारूवे अज्झत्थिए [चितिए पत्थिए मणोगए संकपे] समुप्पज्झित्था-जण्णं समणे भगवं महावीरे एवमाइक्खइ जाव एवं परूवेइ-एवं खलु चलमाणे चलिए उदीरिज्जमाणे उदीरिए [वेदिज्जमाणे वेदिए पहिज्जमाणे पहीणे छिज्जमाणे छिण्णे भिज्जमाणे भिण्णे दज्जमाणे दड्ढे मिज्जमाणे मए] निज्जरिज्जमाणे निज्जिण्णे तण्णं मिच्छा इमं च णं पच्चक्खमेव दीसइ सेज्जा-संधारए कज्जमाणे अकडे संधरिज्जमाणे असंधरिए जन्हा णं सेज्जा-संधारए कज्जमाणे अकडे संधरिज्जमाणे असंधरिए तन्हा चलमाणे वि अचलिए जाव निज्जरिज्जमाणे वि अनिज्जिण्णे-एवं संपे-हेइ संपेहेत्ता समणे निगंग्थे सद्दावेइ सद्दावेत्ता एवं वयासी-जण्णं देवाणुप्पिया समणे भगवं महावीरे एवमाइक्खइ जाव परूवेइ-एवं खलु चलमाणे चलिए [जाव निज्जरिज्जमाणे निज्जिण्णे तण्णं मिच्छा इमं च णं पच्चक्खमेव दीसइ सेज्जासंधारए कज्जमाणे अकडे संधरिज्जमाणे असंधरिए जन्हा णं सेज्जा-संधारए कज्जमाणे अकडे संधरिज्जमाणे असंधरिए तन्हा चलमाणे वि अचलिए] जाव निज्जरिज्जमाणे वि अनिज्जिण्णे

तए णं तस्स जमालिस्स अणगारस्स एवमाइक्खमाणस्स जाव परूवेमाणस्स अत्येगितिया समणा निगंग्था एयमद्धे सद्दहंति पत्तियंति रोयंति अत्येगितिया समणा निगंग्था एयमद्धं नो सद्दहंति नो पत्तियंति नो रोयंति तत्थ णं जे ते समणा निगंग्था जमालिस्स अणगारस्स एयमद्धं सद्दहंति पत्तियंति रोयंति ते णं जमालिं चेव अणगारं उवसंपज्जित्ता णं विहरंति तत्थ णं जे ते समणा निगंग्था जमालिस्स अणगारस्स एयमद्धं नो सद्दहंति नो पत्तियंति नो रोयंति ते णं जमालिस्स अणगारस्स अंतियाओ कोट्टुगाओ चेइयाओ पडिनिक्खमंति पडिनिक्खमिन्ता पुब्बाणुपुत्थि चरमाणा गामा-णुगामं दूइज्जमाणा जेणेव चंपा नयरी जेणेव पुण्णभदे चेइए जेणेव समणे भगवं महावीरे तेणेव उवागच्छंति उवागच्छित्ता समणं भगवं महावीरं तिक्खुत्तो आयाहिण-पयाहिणं करंति करेत्ता वंदंति नमंसंति वंदित्ता नमंस्सित्ता समणं भगवं महावीरं उवसंपज्जित्ता णं विहरंति । ३८५१-३८६

(४६७) तए णं से जमाली अणगारे अन्नया कयाइ तओ रोगायंकाओ विप्पमुक्के हडे जाए अरोए वलियसरीरे सावत्थीओ नयरीओ कोट्टुगाओ चेइयाओ पडिनिक्खमइ पडिनिक्खमिन्ता पुब्बाणुपुत्थि चरमाणे गामाणुगामं दूइज्जमाणे जेणेव चंपा नयरी जेणेव पुण्णभदे चेइए जेणेव समणे भगवं महावीरे तेणेव उवागच्छइ उवागच्छित्ता समणस्स भगवओ महावीरस्स अदूरसामंते ठिच्चा समणं भगवं महावीरं एवं वयासी-जहा णं देवाणुप्पियाणं बहवे अंतेवासी समणा निगंग्था छउमत्थावक्कमणेणं अवक्कंता नो खलु अहं तथा छउमत्थावक्कमणेणं अवक्कंते अहं णं उप्पन्नानाण-दंसणधरेअरहा जिणे केवली भविता केवलियक्कमणेणं अवक्कंते तए णं भगवं गोयमे जमालिं अणगारं एवं वयासी-नो खलु जमाली केवलिस्स नाणे वा दंसणे वा सेलंसि वा धंपंसि वा थूभंसि वा आयरिज्जइ वा निवारिज्जइ वा जदि णं तुमं जमाली उप्पन्नानाण दंसणधरे अरहा जिणे केवलि भविता केवलियक्कमणेणं अवक्कंते तो णं इमाइ दो वागरणाइ वागरेहिं-

सासए लोए जमालि असासए लोए जमाली सासए जीवे जमाली असासए जीवे जमाली तए णं से जमाली अणगारे भगवया गोयमेणं एवं बुत्ते समणे संकिए कंखिए [वित्तिगिच्छिए भेदसमावण्णे] कलुसमभावण्णे जाए या वि होत्या नो संचाएति भगवओ गोयमस्स किंचि वि पमोक्खमाइक्खित्तए तुसिणीए संचिद्धइ

जमालीति समणे भगवं महावीरे जमालि अणगारं एवं वयासी-अत्थि णं जमाली ममं बहवे अंतेवासी समणा निगंथा छउमत्था जे तं पभू एवं वागरणं वागरितए जहा णं अहं नो वेव णं एतप्पगारं भासं भासित्तए जहा णं तुमं, सासए लोए जमाली जं न कयाइ नासि न कयाइ न भवइ न कयाइ न भविस्सइ-भुविं च भवइ य भविस्सइ य -धुवे नितिए सासए अक्खए अव्वए अवट्टिए निच्चे असासए लोए जमाली जं ओसप्पिणी भविता उस्सप्पिणी भवइ उस्सप्पिणी भविता ओसप्पिणी भवइ सासए जीवे जमाली जं न कयाइ नासि जाव निच्चे असासए जीवे जमाली जणं नेरइए भविता तिरिक्खजोणिए भवइ तिरिक्खजोणिए भविता मणुस्से भवइ मणुस्से भविता देवे भवइ तए णं से जमाली अणगारो समणस्स भगवओ महावीरस्स एवमाइक्खमाणस्स जाव एवं परूवेमाणस्स एतमइ नो सदहइ नो पत्तियइ नो रोएइ एतमइ असइहमाणे अपत्तियमाणे अरोए-माणे दोहं पि समणस्स भगवओ महावीरस्स अंतियाओ आयाए अवक्कमइ अवक्कमिता बहूहिं असब्भावुब्भवुब्भावणाहिं मिच्छताभिणीवेसेहिं य अप्पाण च परं च तदुभयं च वुग्गाहेमाणे वुप्पाएमाणे बहूइं वासाइं सामण्णपरियाणं पाउणइ पाउणिता अद्धमासियाए संलेहणाए अत्ताणं झूसेइ, झूसेता तीसं भत्ताइं अणसणाए छेदेइ छेदेता तस्स ठाणस्स अणालोइयपडिक्कंते कालमासे कालं किच्चा लंतए कप्पे तेरससागरोवमठितीएसु देवकिच्चिसिएसु देवेसु देवकिच्चिसियत्तए उववत्ते १३८६।-३८७

(४६८) तए णं भगवं गोयमे जमालि अणगारं कालगयं जाणित्ता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं वंदइ नमंसइ वंदिता नमंसित्ता एवं वयासी-एवं खलु देवानुप्पियाणं अंतेवासी कुसिस्से जमाली नामं अणगारे से णं भंते जमाली अणगारे कालमासे कालं किच्चा कहिं गए कहि उववत्ते, गोयमादी समणे भगवं महावीरे भगवं गोयमं एवं वयासी-एवं खलु गोयमा ममं अंतेवासी कुसिस्से जमाली नाम अणगारे से णं तदा ममं एवमाइक्खमाणस्स एवं भासमाणस्स एवं पण्णवेमाणस्स एवं परूवेमाणस्स एतमइ नो सदहइ नो पत्तियइ नो रोएइ एतमइ असइहमाणे अपत्तियमाणे अरोएमाणे दोहं पि गमं अंतियाओ आयाए अवक्कमइ अवक्कमिता बहूहिं असब्भावुब्भवुब्भावणाहिं [मिच्छताभिणीवेसेहिं य अप्पाणं च परं च तदुभयं च वुग्गाहेमाणे वुप्पाएमाणे बहूइं वासाइं सामण्णपरियाणं पाउणिता अद्धमासियाए संलेहणाए अत्ताणं झूसेता तीसं भत्ताइं अणसणाए छेदेता तस्स ठाणस्स अणालोइयडिक्कंते कालमासे कालं किच्चा लंतए कप्पे तेरससागरोवमठिती एसु देवकिच्चिसिएसु देवेसु देवकिच्चिसियत्ताए पत्रत्ता १३८७।-३८८

(४६९) कतिविहा णं भंते देवकिच्चिसिया पत्रत्ता गोयमा तिविहा देवकिच्चिसिया पत्रत्ता तं जहा-तिपलिओवमड्डिइया तिसागरोवमड्डिइया तेरससागरोवमड्डिइया कहिं णं भंते तिपलि-ओवमड्डिइया देवकिच्चिसिया परिवसंति गोयमा उप्पि जोइसियाणं हिंदिं सोहम्मीसाणेसु कप्पेसु एत्थ णं तिपलिओवमड्डिइया देवकिच्चिसिया परिवसंति कहिं णं भंते तिसागरोवमड्डिइया

देवकिञ्चिसिया परिवसंति गोयमा उप्पि सोहम्पीसाणाणं कप्पाणं हिट्ठिं सणकुमार-माहिंदेसु-कप्पेसु एत्थ णं तिसागरोवमट्ठिइया देवकिञ्चिसिया परिवसंति कहिं णं भंते तेरससागरोवमट्ठिइया देवकिञ्चिसिया परिवसंति गोयमा उप्पि बंभलोगस्स कप्पस्स हिट्ठिं लंतए कप्पे एत्थ णं तेरससागरो वमट्ठिइया देवकिञ्चिसिया देवा परिवसंति देवकिञ्चिसिया णं भंते केसु कम्पादाणेसु देवकि-
ञ्चिसियताए उववत्तारो भवंति गोयमा जे इमे जीवा आयरियपडिणीया उवज्झायपडिणीया कुलपडिणीया गणपडिणीया संधपडिणीया आयरिय-उवज्जायणं अयसकारा अवण्णकारा अकि-
त्तिकारा बहूहं असम्भावुव्भावणाहि मिच्छत्ताभिनिवेसेहिं य अप्पाणं परं च तदुभयं च दुग्गाहेमाणा वुप्पाएमाणा बहूइं वासाइं सामण्णपरियागं पाउणंति पाउणित्ता तस्स ठाणस्स अणालोइ-
यपडिक्कंता कालमासे कालं किच्चा अणायरेसु देवकिञ्चिसिएसु देवकिञ्चिसियताए उववत्तारो भवंति तं जहा-तिपलविओवमट्ठिंतेसु वा तिसागरोवमट्ठिंतेसु वा तेरससागरोवमट्ठिंतेसु वा

देवकिञ्चिसिया णं भंते ताओ देवलोगाओ आउक्खएणं भवक्खएणं ठितिक्खएणं अनंतरं वयं चइत्ता कहिं गच्छंति कहिं उववज्जंति गोयमा जाव चत्तारि पंच नेरइय-तिरिक्खजोणिय-
मणुस्स-देवभवग्गहणाइं संसारं अणुपरियट्ठित्ता तओ पच्छा सिज्झंति बुज्झंति-[मुच्चंति परि-
निव्वायंति सव्वदुक्खाणं] अंतं करेति अत्येगतिया अणादीयं अणवदागं दीहमद्धं चाउरंतं संसारकंतरं अणुपरियट्ठंति जमाली णं भंते अणगारे अरसाहारे विरसाहारे अंताहारे पंताहारे लूहाहारे तुच्छहारे अरसजीवी विरसजीवीअंतजीवी पंतजीवी लूहजीवी तुच्छजीवी उवसंतजीवी पसंतजीवी विवित्तजीवी, हंता गोयमा जमाली णं अणगारे अरसाहारे विरसाहारे जाव विवित्तजीवी जति णं भंते जमाली अणगारे अरसाहारे विरसाहारे जाव विवित्तजीवी कप्पा णं भंते जमाली अणगारे कालमासे कालं किच्चा लंतए कप्पे तेरस सागरोवमट्ठिंतेसु देवकिञ्चिसिएसु देवेसु देवकिञ्चिसियताए उववत्ते गोयमा जमाली णं अणगारे आयरियपडिणीए उवज्झाय-पडि-
णीए आयरिय उवज्झायणं अयसकारए अवण्णकारए जाव वुप्पाएमाणे बहूइं वासाइं सामण्ण-
परियागं पाउणित्ता अद्धमासियाए संलेहणाए तीसं भत्ताइं अणसणाए छेदेत्ता तस्स ठाणस्स अणालोइ- यपडिक्कंते कालमासे कालं किच्चा लंतए कप्पे उववत्ते ॥३८८॥-३८९

(४७०) जमाली णं भंते देवे ताओ देवलोगाओ आउक्खएणं [भवक्खएणं ठिडक्खएणं अनंतरं वयं चइत्ता कहिं गच्छिंहिति] कहिं उववज्जिंहिति गोयमा चत्तारि पंच तिरिक्खजोणिय-
मणुस्स-देवभवग्गहणाइं संसारं अणुपरियट्ठित्ता तओ पच्छा सिज्झिंहिति [बुज्झिंहिति मुच्चिंहिति परिनिव्वाहिंति सव्वदुक्खाणं] अंतं काहिंति सेवं भंते सेवं भंते ति ॥३८९॥-३९०

● नवमे सते तेतीसइमो उद्देशो समतो ●

—: चो ती स इ मो—उ हे सो —:

(४७१) तेणं कालेणं तेणं समएणं रायगिहे जाव एवं वयासी-पुरिसे णं भंते पुरिसं हणमाणं किं पुरिसं हणइ नोपुरिसे हणइ गोयमा पुरिसं पि हणइ नोपुरिसे वि हणइ से केणट्ठेणं भंते एवं वुच्चइ-पुरिसं पि हणइ नोपुरिसे वि हणइ गोयमा तस्स णं एवं भवइ-एवं खलु अहं एणं पुरिसं हणामि से णं एणं पुरिसं हणमाणे अणेगे जीवे हणइ से तेणट्ठेणं गोयमा एवं वुच्चइ-पुरिसं पि हणइ नोपुरिसे वि हणइ पुरिसे णं भंते आसं हणमाणे किं आसं हणइ नोआसे हणइ गोयमा आसं पि हणइ नोआसे वि हणइ से केणट्ठेणं अट्ठो तहेव एवं हत्थि सीहं वग्गं जाव चिल्लगं पुरिसे णं भंते

इसिं हणमाणे किं इसिं हणइ नोइसिं हणइ गोयमा इसिं पि हणइ नोइसिं पि हणइ से केणट्टेणं भंते एवं वुच्चइ-इसिं पि हणइ नोइसिं पि हणइ गोयमा तस्स णं एवं भवइ-एवं खलु अहं एणं इसिं हणामि से णं एणं इसिं हणमाणे अनंते जीवे हणइ से तेणट्टेमं गोयमा एवं वुच्चइ-इसिं पि हणइ नोइसिं पि हणइ, पुरिसे णं भंते पुरिसं हणमाणे किं पुरिसवेरेणं पुट्ठे नोपुरिसवेरेणं पुट्ठे गोयमा नियमं-ताव पुरिसवेरेणं पुट्ठे अहवा पुरिसवेरेणं नोपुरिसवेरेणं य पुट्ठे अहवा पुरिसवेरेणं य नोप-रिसवेरेहिं य पुट्ठे एवं आसं जाव चिल्ललगं जाव अहवा चिल्ललगवेरेणं य नोचिल्ललगवेरेहिं य पुट्ठे पुरिसे णं भंते इसिं हणमाणे किं इसिवेरेणं पुट्ठे नोइसिवेरेणं पुट्ठे गोयमा नियमं इसिवेरेणं नोइसिवे-रेहिं य पुट्ठे ॥३९०१-३९१॥

(४७२) पुढविक्काइए णं भंते पुढविक्काइयं चेव आणमइ वा पाणमइ वा ऊससइ वा नीससइ वा, हंता गोयमा पुढविक्काइए पुढविक्काइयं चेव आणमइ वा जाव नीससइ वा पुढविक्काइए णं भंते आउक्काइयं आणमइ वा जाव निससइ वा हंता गोयमा पुढविक्काइए णं आउक्काइयं आणमइ वा जाव नीससइ वा एवं तेउक्काइयं वाउक्काइयं एवं वणस्सइकाइयं आउक्काइए भंते पुढविक्काइयं आणमइ वा [जाव नीससइ वा हंता गोयमा आउक्काइए णं पुढविक्काइयं आणमइ वा जाव नीससइ वा आउक्काइए णं भंते आउक्काइयं चेव आणमइ वा एवं चेव एवं तेउ-वाउ-वणस्सइकाइयं, तेउक्काइए णं भंते पुढविक्काइयं आणमइ वा एवं जाव वणस्सइकाइए णं भंते वणस्सइकाइयं चेव आणमइ वा तहेव, पुढविक्काइयं णं भंते पुढवि-क्काइयं चेव आणममाणे वा पाणममाणे वा ऊससमाणे वा नीससमाणे वा कतिकिरिए, गोयमा सिय तिकिरिए सिय चउकिरिए सिय पंचकिरिए पुढविक्काइए णं भंते आउक्काइयं आणममाणे वा एवं चेव एवं जाव वणस्सइकाइयं एवं आउक्काइएण वि सव्वे भाणियव्वा एवं तेउक्काइएणं वि एवं वाउक्काइएण वि जाव वणस्सइक्काइए णं भंते वणस्सइकाइयं चेव आणममाणे वा-पुच्छा गोयमा सिय तिकिरिए सिय चउकिरिये सिय पंचकिरिए ॥३९११-३९२॥

(४७३) वाउक्काइए णं भंते रुक्खस्स मूलं पचालेमामे वा पवाडेमाणे वा कतिकिरिए गोयमा सिय तिकिरिए सिय चउकिरिए सिय पंचकिरिए एवं कंदं एवं जाव-बीहीयं पचालेमामे वा-पुच्छा गोयमा सिय तिकिरिए सिय चउकिरिए सिय पंचकिरिए सेवं भंते सेवं भंते ति ॥३९२१-३९२॥

● नवमे सत्ते चोतीसइमो उदेसो समत्तो ● नवमं सत्तं समत्तं ●

दसमं-सत्तं

—: प ढ मो — उ हे सो :—

(४७४) दिस संवुडअणगारे आइइढी सामहत्थि देवि सभा

उत्तर अंतरदीवा दसमम्पि सयम्पि चउतीसा

॥६२॥-१

(४७५) रायगिहे जाव एवं वयासी-किमियं भंते पाईणा ति पवुच्चइ गोयमा जीवा चेव अजीवा चेव किमियं अंते पडीणा ति पवुच्चइ गोयमा एवं चेव एवं दाहिणा एवं उदीणा एवं उड्ढा एवं अहो वि कति णं भंते दिसाओ पत्रताओ गोयमा दस दिसाओ पत्रताओ तं जहा- पुरत्थिमा पुरत्थिमदाहिणा दाहिणा दाहिणपच्चत्थिमा पच्चत्थिमा पच्चत्थिमुत्तरा उत्तरा उत्तरपुरत्थिमा उड्ढा अहो एयासि णं भंते दसण्हं दिसाणं कति नामधेज्जा पण्णत्ता गोयमा दस नामधेज्जा पण्णत्ता तं जहा-

इंदा अग्गेयी जम्मा य नेरई वारुणी य वायव्वा

सोमा ईसाणी या विमला य तमा य बोद्धव्वा

इंदा णं भंते दिसा किं जीवा जीवदेसा जीवपदेसा अजीवा अजीवदेसा अजीवपदेसा गोयमा जीवा वि [जीवादेसा वि जीवपदेसा वि अजीवा वि अजीवदेसा वि] अजीवपदेसा वि जे जीवा ते नियमा एगिंदिया बेइंदिया [तेइंदिया चउरिंदिया] पंदिंदिया अण्दिंदिया जे जीवदेसा ते नियमा एगिंदियदेसा जाव अण्दिंदियदेसा जे जीवपदेसा ते नियमा एगिंदियपदेसा बेइंदियपदेसा जाव अण्दिंदियपदेसा जे अजीवा ते दुविहा पत्रता तं जहा-रुविअजीवा य अरुविअजीवा य जे रुविअजीवा ते चउव्विहा पत्रता तं जहा-खंधा खंधदेसा खंधपदेसा परमाणुपोग्गला जे अरुविअजीवा ते सत्तविहा पत्रता तं जहा- नोधम्मत्थिकाए धम्मत्थिकायस्स देसे धम्मत्थिकायस्स पदेसा नोअधम्मत्थिकाए अधम्मत्थिकायस्स देसे अधम्मत्थिकायस्स पदेसा नोआगासत्थिकाए आगासत्थिकायस्स देसे आगासत्थिकायस्स पदेसा अद्धासमए अग्गेयी णं भंते दिसा किं जीवा जीवदेसा जीवपदेसा-पुच्छा गोयमा नोजीवा जीवदेसा वि जीवपदेसा वि अजीवा वि अजीवदेसा वि अजीवपदेसा वि

जे जीवदेसा ते नियमा एगिंदियदेसा अहवा एगिंदियदेसा य बेइंदियस्स य देसे अहवा एगिंदियदेसा य बेइंदियस्स य देसा अहवा एगिंदियदेसा बेइंदियाणं य देसा अहवा एगिंदियदेसा य तेइंदियस्स य देसे एवं चेव तियंभंगो भाणियव्वो एवं जाव अण्दिंदियाणं तियंभंगो जे जीवपदेसा ते नियमा एगिंदियपदेसा अहवा एगिंदियपदेसा य बेइंदियस्स पदेसा अहवा एगिंदियपदेसा य बेइंदियाणं य पदेसा एवं आइल्लविरहिओ जाव अण्दिंदियाणं जे अजीवा ते दुविहा पत्रता तं जहा-रुविअजीवा य अरुविअजीवा य जे रुविअजीवा ते चउव्विहा पत्रता तं जहा-खंधा जाव परमाणुपोग्गला जे अरुविअजीवा ते सत्तविहा पत्रता तं जहा-नोधम्मत्थिकाए धम्मत्थिकायस्स देसे धम्मत्थिकायस्स पदेसा एवं अधम्मत्थिकायस्स वि जाव आगासत्थिकायस्स पदेसा अद्धासमए जम्मा णं भंते दिसा किं जीवा जहा इंदा तहेव निरवसेसं नेरती य जहा अग्गेयी वारुणी जहा इंदा वायव्वा जहा अग्गेयी सोमा जहा इंदा ईसाणी जहा अग्गेयी विमलाए जीवा जहा अग्गेयीए अजीवा जहा इंदाए एवं तमाए वि नवर-अरुवी छव्विहा अद्धसमयो न भणति । ३९३।-३९४

(४७६) कति णं भंते सरीरा पत्रता गोयमा पंच सरीरा पत्रता तं जहा-ओरालिय [वेउव्विए आहारए तेयए] कम्मए ओरालियसरीरे णं भंते कतिविहे पत्रते एवं ओगाहणासंठाणं निरवसेसं भाणियव्वं जाव अप्पावहुगं ति सेवं भंते सेवं भंते ति । ३९४।-३९५

● दसमे सते पढो उद्देशो समतो ●

—: वी ओ — उ हे सो —:

(४७७) रायगिहे जाव एवं वयासी-संवुडस्स णं भंते अणगारस्स वीयीपंथे ठिच्चा पुरओ रुवाई निज्झायमाणस्स मग्गओ रुवाई अवयक्खमाणस्स पासओ रुवाई अवलोएमाणस्स उड्डं रुवाई ओलोएमाणस्स अहे रुवाई आलोएमाणस्स तस्स णं भंते किं इरियावहिया किरिया कज्जइ संपराइया किरिया कज्जइ गोयमा संवुडस्स णं अणगारस्स वीयीपंथे ठिच्चा [पुरओ रुवाई निज्झाय माणस्स मग्गओ रुवाई अवयक्खमाणस्स पासओ रुवाई अवलोएमाणस्स उड्डं रुवाई ओलोए-माणस्स अहे रुवाई आलोएमाणस्स] तस्स णं नो इरियावहिया किरिया कज्जइ संपराइया किरिया

कज्जइ से केणट्ठेणं भंते एवं बुद्धइ-संबुडस्स णं जाव संपराइया किरिया कज्जइ गोयमा जस्स णं कोह-माण-माया-लोभा [वोच्छिण्णा भवन्ति तस्स णं इरियावहिया किरिया कज्जइ जस्स णं कोह-माण-माया-लोभा अवोच्छिण्णा भवन्ति तस्स णं संपराइयकिरिया कज्जइ अहासुत्तं रीयमाणस्स इरिया-वहिया किरिया कज्जइ उस्सुत्तं रीयमाणस्स संपराइया किरिया कज्जइ] से णं उस्सुत्तमेव रीयति से तेणट्ठेणं जाव संपराइया किरिया कज्जइ संबुडस्स णं भंते अणगारस्स अवीयीपंथे ठिच्चा पुरओ रुवाइं निज्झायमाणस्स जाव तस्स णं भंते किं इरियावहिया किरिया कज्जइ-पुच्छा, गोयमा संबुडस्स णं अणगारस्स अवीयीपंथे ठिच्चा जाव तस्स णं इरियावहिया किरिया कज्जइ नो संपराइया किरिया कज्जइ से केणट्ठेणं भंते एवं बुद्धइ-संबुडस्स णं जाव इरियावहिया किरियाकज्जइ नो संपराइया किरिया कज्जइ [गोयमा जस्स णं कोह-माण-माया-लोभा वोच्छिण्णा भवन्ति तस्स णं इरियावहिया किरिया कज्जइ जस्स णं कोह-माण-माया-लोभा अवोच्छिण्णा भवन्ति तस्स णं संपराइया किरिया कज्जइ अहासुत्तं रीयमाणस्स इरियावहिया किरिया कज्जइ उस्सुत्तं रीयमाणस्स संपराइया किरिया कज्जइ] से णं अहासुत्तमेव रीयति से तेणट्ठेणं जाव नो संपराइया किरिया कज्जइ । ३९५।३७६

(४७८) कतिविहा णं भंते जोणी पत्रत्ता गोयमा तिबिहा जोणी पत्रत्ता तं जहा-सीया उसिणा सीतोसिणा एवं जोणीपदं निरवसेसं भाणियव्वं । ३९६।३७७

(४७९) कतिविहा णं भंते वेयणा पत्रत्ता गोयमा तिबिहा वेयणा पत्रत्ता तं जहा-सीया उसिणा सीओसिणा एवं वेयणापदं भाणियव्वं जाव-नेरइयाणं भंते किं दुक्खं वेयणं वेदेति सुहं वेयणं वेदेति अदुक्खमसुहं वेयणं वेदेति गोयमा दुक्खं पि वेयणं वेदेति सुहं पि वेयणं वेदेति अदुक्खमसुहं पि वेयणं वेदेति । ३९७।३७८

(४८०) मासियण्णं भिक्खुपडिमं पडिवन्नस्स अणगारस्स निच्चं वोसट्ठकाए चियत्तदेहे जे केइ परीसहोवसग्गा उप्पज्जन्ति तं जहा-दिच्चा वा माणसु वा तिरिक्खज्जोमिया वा ते उप्पन्ने सम्मं सहइ खपइ तितिक्खइ अहियासेइ एव भासिया भिक्खुपडिमा निरवसेसा भाणियच्चा जहा दसहिं जाव आराहिया भवइ । ३९८।३७९

(४८१) भिक्खू य अण्णयरं अकिच्चट्ठाणं पडिसेविता से णं तस्स ठाणस्स अणालोइय-पडिक्कन्ते कालं कोइ नत्थि तस्स आराहणा से णं तस्स ठाणस्स आलोइयपडिक्कन्ते कालं कोइ अत्थि तस्स आराहणा भिक्खू य अण्णयरं अकिच्चट्ठाणं पडिसेविता तस्स णं एवं भवइ-पच्छा वि णं अहं घरिमकालसमंयसि एयस्स ठाणस्स आलोएस्सामि [पडिक्कमिस्सामि निदिस्सामि गरि-हिस्सामि विउट्ठिस्सामि विसोहिस्सामि अकरणयाए अब्भुट्ठिस्सामि अहारियं पायाच्छित्तं तवोक्कमं] पडिवज्जिस्सामि से णं तस्स ठाणस्स अणालोइयं पडिक्कन्ते कालं कोइ नत्थि तस्स आराहणा से णं तस्स ठाणस्स आलोइय-पडिक्कन्ते कालं कोइ अत्थि तस्स आराहणा भिक्खू य अण्णयरं अकिच्च-ट्ठाणं पडिसेविता तस्स णं एवं भवइ-जइ ताव समणोवासग्गा वि कालमासे कालं किच्चा अण्णयरेसु देवलोएसु देवताए उववत्तारो भवन्ति किमंग पुण अहं अणपन्नियदेवत्तणं पि नो लभिस्सामि ति कट्ठ से णं तस्स ठाणस्स अणालोइयपडिक्कन्ते कालं कोइ नत्थि तस्स आराहणा से णं तस्स ठाणस्स आलोइय-पडिक्कन्ते कालं कोइ अत्थि तस्स आराहणा सेवं भंते सेवं भंते ति । ३९९।४००

● दसमे सते बीओ उहेसो सत्तो ●

—: त इ ओ — उ हे सो :—

(४८२) रायगिहे जाव एवं वयासी-आइड्डीए णं भंते देवे जाव चत्तारि पंच देवावासंतराई वीतिककंते तेण परं परिड्डीए हंता गोयमा आइड्डीए णं देवे जाव चत्तारि पंच देवावासंतराई वीतिककंते तेणं परं परिड्डीए एवं असुरकुमारे वि नवरं-असुरकुमारावासं तराई सेसं तं चेव एवं एएणं क्रमेणं जाव थणियकुमारे एवं वाणमंतरं जोइसिए वेमाणिए जाव तेणं परं परिड्डीए अपिड्डीए णं भंते देवे महिड्ढियस्स देवस्स मज्झमज्झेणं वीइवएज्जा नो इणट्ठे समट्ठे समिड्ढीए णं भंते देवे समिड्ढीयस्स देवस्स मज्झमज्झेणं वीइवएज्जा नो इणट्ठे समट्ठे पमत्तं पुण वीइवएज्जा से भंते किं विमोहिता पभू अविमोहिता पभू गोयमा विमोहिता पभू नो अविमोहिता पभू से भंते किं पुब्बि विमोहिता पच्छा वीइवएज्जा पुब्बि वीइवइत्ता पच्छा विमोहेज्जा गोयमा पुब्बि विमोहिता पच्छा वीइवएज्जा नो पुब्बि वीइवइत्ता पच्छा विमोहेज्जा महिड्ढीए णं भंते देवे अपिड्ढियस्स देवस्समज्झमज्झेणं वीइवएज्जा हंता वीइवएज्जा से भंते किं विमोहिता पभू अविमोहिता पभू गोयमा विमोहितावि पभू अविमोहिता वि पभू से भंते किं पुब्बि विमोहिता पच्छा वीइवएज्जा पुब्बि वीइवइत्ता पच्छा विमोहेज्जा गोयमा पुब्बि वा विमोहेत्ता पच्छा वीइवएज्जा पुब्बि वा वीइवइत्ता पच्छा विमोहेज्जा

अपिड्ढीए णं भंते असुरकुमारे महिड्ढियस्स असुरकुमारास्स मज्झमज्झेणं वीएवएज्जा नो इणट्ठे समट्ठे एवं असुरकुमारेणं वि तिण्णि आलावगा भाणियव्वा जहा ओहिएणं देवेणं भणिया एवं जाव थणियकुमारेणं वाणमंतरं-जोइसियवेमाणिएणं एवं देव अपिड्ढीए णं भंते देवे महिड्ढियाए देवीए मज्झमज्झेणं वीइवएज्जा नो इणट्ठे समट्ठे समिड्ढीए णं भंते देवे समिड्ढियाए देवीए मज्झमज्झेणं वीइवएज्जा एवं तहेव देवेण य देवीए य दंडओ भाणियव्वो जाव वेमाणियाए अपिड्ढिया णं भंते देवी महिड्ढियस्स देवस्स मज्झमज्झेणं वीइवएज्जा एवं एसो वि ततिओ दंडओ भाणियव्वो जाव-महिड्ढिया वेमाणिणी अपिड्ढियस्स वेमाणियस्स मज्झमज्झेणं वीइवएज्जा हंता वीइवएज्जा अपिड्ढिया णं भंते देवी महिड्ढियाए देवीए मज्झमज्झेणं वीइवएज्जा नो इणट्ठे समट्ठे एवं समिड्ढिया देवी समिड्ढिया देवीए तहेव महिड्ढिया वि देवी अपिड्ढियाए

देवीए तहेव एवं एकककके तिण्णि-तिण्णि आलावगा भाणियव्वा जाव- महिड्ढिया णं भंते वेमाणिणी अपिड्ढियाए वेमाणिणीए मज्झमज्झेणं वीएवएज्जा हंता वीइवएज्जा सा भंते किं विमोहिता पभू अविमोहिता पभू गोयमा विमोहिता वि पभू अविमोहिता वि पभू तहेव जाव पुब्बि वा वीइवइत्ता पच्छा विमोहेज्जा ए चत्तारि दंडगा १४००१-४०१

(४८३) आसस्स णं भंते धावमाणस्स किं खु-खु ति करेति गोयमा आसस्स णं धावमाणस्स हिययस्स य जगस्स य अंतरा एत्थ णं कककडए नाम वाए संमुच्छइ जेणं आसस्स धावमाणस्स खु-खु ति करेति १४०११-४०२

(४८४) अह भंते आसइस्सामो सहस्सामो चिट्ठिस्सामो निसिइस्सामो तुयट्ठिस्सामो-पण्णवणी णं एस भासा न एस भासा मोसा, हंता गोयमा आसइस्सामो सइस्सामो चिट्ठिस्सामो निसिइस्सामो तुयट्ठिस्सामो-पण्णवणी णं एस भासा न एस भासा मोसा सेवं भंते सेवं भंते ति १४०२१-४०३

(४८५) आमंतणी आणवणी जायणी तह पुच्छणी य पण्णवणी

पच्चखाणी भासा, भासा इच्छाणुलोमा य

॥६३॥-१

(४८६) अणभिग्गहिया भासा भासा य अभिग्गहम्मि बोद्धव्वा

संसयकरणी भासा वोयडमव्वोयडा घेव

॥६४॥-२

● दसमे सते तइओ उदेत्तो सप्तो ●

—: च उ त्थो — उ हे सो :—

(४८७) तेणं कालेणं तेणं समएणं वाणियग्गामे नयरे होत्था-वण्णओ दूतिपलासए चेइए सामी संमोसडे जाव परिसा पडिगया तेणं कालेणं तेणं समएणं समणस्स भगवओ महावीरस्स जेहो अंतेवासी इंदभूई नामं अणगारे जाव उइंदजाणू [अहोसिरे झाणकोडोवगए संजमेणं तवसा अप्पाणं भावेमाणे] विहरइ तेणं कालेणं तेणं समएणं समणस्स भगवओ महावीरस्स अंतेवासी सामहत्थी नामं अणगारे पणइमद्दए जाव विहरइ तए णं से सामहत्थी अणगारे जायसइडे जाव उट्टाए उट्टेइ उट्टेता जेणेव भगवं गोयमे तेणेव उवागच्छइ उवागच्छिता भगवं गोयमं तिक्खुतो जाव पञ्चुवासमाणे एवं वयासी-अत्थि णं भंते चमरस्स असुरिंदस्स असुरकुमाररण्णो तावत्तीसगा देवा-तावत्तीसगा देवा हंता अत्थि, से केणट्ठेणं भंते एवं वुच्चइ-चमरस्स असुरिंदस्स असुरकुमाररण्णो तावत्तीसगा देवा-तावत्तीसगा देवा एवं खलु सामहत्थी तेणं कालेणं तेणं समएणं इहेव जंबुद्वीवे दीवे भारहे वासे काचंदी नामं नयरी होत्था-वण्णओ तत्थ णं कायंदीए नयरीए तावत्तीसं सहाया गाहावई समणो-वासया परिवसंति-अइढा जाव दहजणस्स अपरिभूता अभिगयजीवाजीवा उवलद्धपुष्णापावा जाव अहापरिग्गहिएहिं तवोकम्मेहिं अप्पाणं भावेमाणा विहरंति तए णं ते तायत्तीसं सहाया गाहावई समणोवासया पुत्थि उग्गा उग्गविहारी संविग्गा संविग्गविहारी भविता तओ पच्छा पासत्था पासत्थविहारी ओसत्ता ओसत्तविहारी कुसीला कुसीलविहारी अहाच्छंद अहाच्छंदविहारी बहई वासाइं समणोवासगपरियागं पाउणिता अद्धमासियाए संलेहणाए अत्ताणं झूसेत्ता तीसं भत्ताइं अणसणाए छेदेत्ता तस्स ठाणस्स अणालोइयपडिक्कंता कालमासे कालं किच्चा चमरस्स असुरिंदस्स असुरकुमाररण्णो तावत्तीसगदेवत्ताए उववण्णा

जप्पभिइं च णं भंते ते काचंदगा तायत्तीसं सहाया गाहावई समणोवासगा चमरस्स असुरिंदस्स असुरकुमाररण्णो तावत्तीसगदेवत्ताए उववत्ता तप्पभिइं च णं भंते एवं वुच्चइ-चमरस्स असुरिंदस्स असुरकुमाररण्णो तावत्तीसगा देवातावत्तीसगा देवा तए णं भगवं गोयमे सामहत्थिणा अणगारेणं एवं वुत्ते समाणे संकिए कंखिए वित्तिगिच्छिए उट्टाए उट्टेइ उट्टेता सामहत्थिणा अणगारेणं सद्धिं जेणेव समणे भगवं महावीरं तेणेव उवागच्छइ उवागच्छिता समणं भगवं महावीरं वंदइ नमंसइ वंदिता नमंस्सिता एवं वयासी-अत्थि णं भंते चमरस्स असुरिंदस्स असुरकुमाररण्णो तावत्तीसगा देवा तावत्तीसगा देवा हंता अत्थि, से केणट्ठेणं भंते एवं वुच्चइ-एवं तं चेव सत्वं भाणियच्चं जाव जप्पभिइं च णं भंते ते काचंदगा तायत्तीसं सहाया गाहावई समणोवासगा चमरस्स असुरिंदस्स असुरकुमाररण्णो तावत्तीसगदेवत्ताए उववत्ता तप्पभिइं च णं भंते एवं वुच्चइ-चमरस्स असुरिंदस्स असुरकुमाररण्णो तावत्तीसगा देवा तावत्तीसगा देवा नो इण्ठे समट्ठे गोयमा चमरस्स णं असुरिंदस्स असुरकुमाररण्णो तावत्तीसगाणं देवाणं सासए ना मधेज्जे पत्रते-जं न कयाइ नासी न कयाइ न भवइ न कयाइ न भविस्सइ [भविंसु य भवति य भविस्सइ य-धुवे नियए सासए अक्खए अव्वए अवड्ढिए] निच्चे अव्वोच्छित्तिनयड्डयाए अण्णे वयंति अण्णे उववज्जंति

अत्थि णं भंते बलिस्स वइरोयणिंदस्स वइ-रोयणरण्णो तावत्तीसगा देवा तावत्तीसगा देवा हंता अत्थि से केणट्ठेणं भंते एवं वुच्चइ-बलिस्स वइ-रोयणिंदस्स वइरोयणरण्णो तावत्तीसगा देवा-तावत्तीसगा देवा एवं खलु गोयमा तेणं कालेणं तेणं समएणं इहेव जंबुद्वीवे दीवे भारहे वासे बेभेले नामं सण्णिवेसे होत्था-वण्णओ तत्थ णं बेभेले सण्णिवेसे तायत्तीसं सहाया गाहावई समणोवासया

परिदसंति - जहा चमरस्स जाव तावतीसग-देवत्ताए उववण्णा जप्पभिइ च णं भंते ते वेभेलगा तायतीसं सहाया गाहावई समणोवासगा बलिस्स वइरोयणिंदस्स वइरोयणरण्णो तावतीसगदेव-त्ताए उववज्जं सेसं तं चेव जाव निद्धे अव्वोच्छित्तिनयद्वायए अण्णे चयंति अण्णे उववज्जंति अत्थि णं भंते धरणस्स नागकुमारिंदस्स नागकुमाररण्णो तावतीसगा देवा तावतीसगा देवा हंता अत्थि से केणट्ठेणं जाव तावतीसगादेवा-तावतीसगा देवा गोचमा धरणस्स नागकुमारिंदस्स नागकुमार-रण्णो तावतीसगाणं देवाणं सासए नामधेज्जे पत्रत्ते - जं न कयाइ नासी जाव अण्णे चयंति अण्णे उववज्जंति एवं भूयाणंदस्स वि एवं जाव महाधोसस्स अत्थि णं भंते सक्कस्स देविंदस्स देवरण्णो तावतीसगा देवा-तावतीसगा देवा गंता अत्थि से केणट्ठेणं जाव तावतीसगा देव-तावतीसगा देवा एवं खलु गोयमा तेणं समएणं इहेव जंबहुदीवे दीवे भारहे वासे पालए नामं सण्णिवेसे होत्था-वण्णओ तत्थ णं पालए सण्णिवेसे तायतीसं सहाया गाहावई समणोवासया जहा चमरस्स जाव विहरंति तए णं ते तायतीसं सहाया गाहावई समणोवासया पुत्वि पि पच्छ वि उग्गा उग्गविहारी संविग्गा संविग्गविहारी बहूइं वासाइं समणोवासगपरियाणं पाउणित्ता मासियाए संलेहणाए अत्ताणं झूसेत्ता सद्धिं भत्ताइं अणसणाए छेदेत्ता आलोइय-पडिक्कंता समाहिपत्ता कालमासे कालं किच्चा सक्कस्स देविंदस्स देवरण्णो तावतीसगदेवत्ताए उववज्जं जप्पभिइउं च णं भंते ते पालगा तायतीसं सहाया गाहावई समणोवासगा सेसं जहा चमरस्स जाव अण्णे उववज्जंति अत्थि णं भंते ईसाणस्स देविंदस्स देवरण्णो तावतीसगा देवा-तावतीसगा देवा एवं जहा सक्कस्स नवरं-चंपाए नयरीए जाव उववण्णा जप्पभिइं च णं भंते ते चंपिज्जा तायतीसं सहाया सेसं तं चेव जाव अण्णे उववज्जंति अत्थि णं भंते सणंकुमारस्स देविंदस्स देवरण्णो तावतीसगा देवा तावतीसगा देवा हंता अत्थि से केणट्ठेणं जहा धरणस्स तहेव एवं जाव पाणयस्स एवं अच्चुयस्स जाव अण्णे उववज्जंति सेवं भंते सेवं भंते ति ।४०३।-४०४

● दसमे सते चउत्थो उद्देशो सप्तो ●

—: पं च मो - उ द्देशो :-

(४८८) तेणं कालेणं तेणं समएणं रावणिहे नामं नयरे गुणसिलए चेइए जाव परिसा पडिगया तेणं कालेणं तेणं समएणं समणस्स भगवओ महावीरस्स बहवे अंतेवासी थेरा भगवंतो जाइसंपत्रा जहा अट्टमे सए सत्तमुदेसए जाव संजमेणं तवसा अप्पाणं भावेमाणा विहरंति तए णं ते थेरा भगवंतो जायसइद्ध जायसंसया जहा गोचमसामी जाव पज्जुवासमाणा एवं वयासी-चमरस्स णं भंते असुरिंदस्स असुरकुमाररण्णो कति अगमहिंसीओ पत्रत्ताओ अज्जो पंच अगमहिंसीओ पन्नत्ताओ तं जहा-काली रायी रवणी विज्जू मेहा तत्थ णं एगमेगाए देवीए अट्टइ देवीसहस्स परिवारे पत्रत्तो पभू णं भंते ताओ एगमेगा देवी अण्णाइं अट्टइ देवीसहस्साइं परियारं विउच्चित्तए एवामेव सपुब्बावरेणं चत्तालीसं देवीसहस्सा सेतं तुडिए पभू णं भंते चमरे असुरिंदे असुर-कुमारयाया चमरचंचाए रायहाणीए सभाए सुहम्माए चमरंसि सीहासणंसि तुडिएणं सद्धिं दिव्वाइं भोग्गभोगाइं भुंजमाणे विहरितए नो इणट्ठे समट्ठे से केणट्ठेणं भंते एवं वुच्चइ-नो पभू चमरे असुरिंदे असुरकुमारयाया चमरचंचाए रायहाणीए जाव विहरितए अज्जो चमरस्स णं असुरिंदस्स असुरकुमाररण्णो चमरचंचाए रायहाणीए सभाए सुहम्माए माणवए चेइयखंभे वइरामएसु गोल-वट्ट-समुग्गएसु बहूओ जिणसकहाओ सत्त्रिस्त्रित्ताओ चिट्ठंति जाओ णं चमरस्स असुरिंदस्स

असुरकुमाररण्णो अण्णेसिं च बहूणं असुरकुमाराणं देवाण य देवीण य अद्यणिज्जाओ वंदणिज्जाओ नमंसणिज्जाओ पूयणिज्जाओ सक्कारणिज्जाओ सम्माणणिज्जाओ कल्लणं मंगलं देवयं वेइयं पञ्चवासणिज्जाओ भवन्ति से तेणहेणं अज्जो एवं बुद्धइ-नो पभू चमरे असुरिदे असुरकुमारराया चम-रचंचाए रायहाणीए सभाए सुहम्माए चमरंसि सिहासणंसि तुडिणं सद्धिं दिव्वाइं भोगभोगाईं भुंजमाणे विहरितए पभू णं अज्जो चमरे असुरिदे असुरकुमारराया चमरचंचाए रायहाणीए सभाए सुहम्माए चमरंसि सिहासणंसि चउसट्ठीए सामाणियसाहस्सीहिं तायत्तीसाए [तावत्तीसगेहिं चउहिं लोगपालेहिं पंचहिं अगमहिस्सीहिं सपरिवाराहिं चउसट्ठीए आयरक्खदेवसाहस्सीहिं] अण्णेहि य बहूहिं असुरकुमारेहिं देवेहि य देवीहि य सद्धिं संपरिवुडे महयावय [नट्ट-णीय-वाइय-तंती-तल-ताल-तुडिय-धणमुइंगपडुण्णवाइयरवेणं दिव्वाइं भोगभोगाईं] भुंजमाणे विहरितए केवलं परिया-रिद्धीए नो चेव णं मेहुणवतियं । ४०४।-४०५

(४८९) चमरस्स णं भंते असुरिंदस्स असुरकुमाररण्णो सोमस्स महारण्णो कति अगमहि-सीओ पत्रत्ताओ अज्जो चत्तारि अगमहिस्सीओ पत्रत्ताओ तं जहा-कणगा कणगलता चित्तगुत्ता वसुंधरा तत्थ णं एममेगाए देवीए एगमेगं देवीसहस्सं परिवार पत्रत्ते पभू णं ताओ एगामेगा देवी अण्णं एगमेगं देवीसहस्सं परियारं विउव्वित्तए एवामेव सपुब्बावरेणं चत्तारि देवीसहस्सा सेत्तं तुडिए पभू णं भंते चमरस्स असुरिंदस्स असुरकुमाररण्णो सोमे महाराया सोमाया रायहाणीए सभाए सुहम्माए सोमन्ति सिहासणंसि तुडिणं सद्धिं दिव्वाइं भोगभोगाईं भुंजमाणे विहरितए अवसेसं जहा चमरस्स नवरं-परियारो जहा सूरियाभस्स सेसं तं चेव जाव नो चेव णं मेहुणवतियं

चमरस्स णं भंते असुरिंदस्स असुरकुमाररण्णो जमस्स महारण्णो कति अगमहिस्सीओ एवं चेव नवरं-जमाए रायहाणीए सेसं जहा सोमस्स एवं वरुणस्स वि नवरं-वरुणाए रायहाणीए एवं वेसमणस्स वि नवरं-वेसमणाए रायहाणीए सेसं तं चेव जाव नो चेव णं मेहुणवतियं बलिस्स णं भंते वइरोयणिंदस्स-पुच्छा अज्जो पंच अगमहिस्सीओ पत्रत्ताओ तं जहा-सुंभा निसुंभा रंभा निरंभा मदणा तत्थ णं एगमेगाए देवीए अट्ठट्ठ देवीसहस्सं परिवारो सेसं जहा चमरस्स नवरं-बलिचंचाए रायहाणीए परियारो जहा मोउहेसए सेसं तं चेव जाव नो चेव णं मेहुणवतियं बलिस्स णं भंते वइ-रोयणिंदस्स वइरोयणरण्णो सोमस्स महारण्णो कति अगमहिस्सीओ पत्रत्ताओ अज्जो चत्तारि अगमहिस्सीओ पत्रत्ताओ तं जहा-मीणगा सुभद्दा विज्जुया असणी तत्थ णं एगमेगाए देवीए एगमेगं देवीसहस्सं परिवारो सेसं जहा चमरसोभस्स एवं जाव वरुणस्स धरणस्स णं भंते नागकुमारिंदस्स नागकुमाररण्णो कति अगमहिस्सीओ पत्रत्ताओ अज्जो छ अगमहिस्सीओ पत्रत्ताओ तं जहा-अला सक्का सतेरा सोदामिणी इंदा धणविज्जुया तत्थ णं एगमेगाए देवीए छ-छ देवीसहस्स परिवारो पत्रत्तो पभू णं ताओ एगमेगा देवी अण्णाईं छ-छ देविसहस्साईं परियारं विउव्वित्तए एवामेव सपुब्बावरेणं छत्तीसाईं देविसहस्साईं सेत्तं तुडिए

पभू णं भंते धरणे सेसं तं चेव नवरं-धरणाए रायहाणीए धरणंसि सिहासणंसि सओ परियारो सेसं तं चेव, धरणस्स णं भंते नागकुमारिंदस्स नागकुमाररण्णो कालवातस्स महारण्णो कति अगमहिस्सीओ पत्रत्ताओ अज्जो चत्तारि अगमहि-सीओ पत्रत्ताओ तं जहा-असोगा विमला सुप्पभा सुदंसणा तत्थ णं एगमेगाए देवीए एगमेगं देवीसहस्सं परिवारो अवसेसं जहा चमर-लोगपालाणं एवं सेसाणं तिण्ह वि भूयाणंदस्स भंते - पुच्छा अज्जो छ अगमहिस्साओ पत्रत्ताओ तं

जहा-रूपा रूपंसा सुरूया रूपगावतो रूपकंता रूपप्यमा तत्थ णं एगमेगाए देवीए ऐगमेगं देवीसहस्सं परिवारे अवसेसं जहा धरणस्स भूयाणंदस्स णं भंते नागकुमारिंदस्स नागकुमाररण्णो नागचितास्स-पुच्छा अज्जो चत्तारि अगमहिंसीओ पत्रत्ताओ तं जहा-सुणंदा सुभहा सुजाया सुमणा तत्थ णं एगमेगाए देवीए एगमेगं देवीसहस्सं परिवारे अवसेसं जहा चमरलोगपालाणं एयं सेसाणं तिण्ह वि लोगपालाणं

जे दाहिणिज्जा इवा तेसिं जहा धरणिंदस्स लोगपालाणं वि तेसिं जहा धरणस्स लोगपालाणं उत्तरिज्जाणं इंद्राणं जहा भूयाणंदस्स लोगपालाणं वि तेसिं जहा भूयाणंदस्स लोगपालाणं नवर-इंद्राणं सव्वेसिं रायहाणीओ सीहासणाणि य सरिसणामगाणि परियारो जहा मोउडैसए लोगपालाणं सव्वेसिं रायहाणीओ सीहासणाणि य सरिसणामगाणि परियारो जहा चमरस्स लोगपालाणं, कालस्स णं भंते पिसायिंदस्स पिसायरण्णो कति अगमहिंसीओ पत्रत्ताओ अज्जो चत्तारि अगमहिंसीओ पत्रत्ताओ तं जहा-कमला कमलप्यभा उप्पला सुदंसणा तत्थ णं एगमेगाए देवीए एगमेगं देवीसहस्सं परिवारो सेसं जहा चमरलोगपालाणं परिवारो तहेव नवर-कालाए रायहाणीए कालंसि सीहासणांसि सेसं तं चेव एवं महाकालस्स वि सुरूवस्स णं भंते भूतिंदस्स भूतरण्णो-पुच्छा अज्जो चत्तारि अगमहिंसीओ पत्रत्ताओ तं जहा-रूववई बहुरूवा सुरूवा सुभगा तत्थ णं एगमेगाए देवीए एगमेगं देवीसहस्सं परिवारो सेसं जहा कालस्स एवं पडिरूवस्स वि पुण्णभदस्स णं भंते जक्खिंदस्स पुच्छा अज्जो चत्तारि अगमहिंसीओ पत्रत्ताओ तं जहा-पुण्णा बहुपुणिया उत्तमा ता-रया तत्थ णं एगमेगाए देवीए एगमेगं देवीसहस्सं परिवारो सेसं जहा कालस्स एवं माणिभदस्स वि

भीमस्स णं भंते रक्खसिंदस्स-पुच्छा अज्जो चत्तारि अगमहिंसीओ पत्रत्ताओ तं जहा-पउमा वसुभती कणगा रचणप्यभा तत्थ णं एगमेगाए देवीए एगमेगं देवीसहस्सं परिवारो सेसं जहा कालस्स एवं महाभीमस्स वि किन्नरस्स णं-पुच्छा अज्जो चत्तारि अगमहिंसीओ पत्रत्ताओ तं जहा-वडेंसा केनुमती रतिसेणा रइयिया तत्थ णं एगमेगाए देवीए एगमेगं देवीसहस्सं परिवारो सेसं तं चेव एवं किपुरिसस्स वि, सप्पुरिसस्स णं-पुच्छा अज्जो चत्तारि अगमहिंसीओ पत्रत्ताओ तं जहा-रोहिणी नवमिया हिरी पुष्फवती तत्थ णं एगमेगाए देवीए एगमेगं देवीसहस्सं परिवारो सेसं तं चेव एवं महापुरिसस्स वि अतिकायस्स णं-पुच्छा अज्जो चत्तारि अगमहिंसीओ पत्रत्ताओ तं जहा-भुयगा भुयगवती महाकच्छा फुडा तत्थ णं एगमेगाए देवीए एगमेगं देवीसहस्सं परिवारो सेसं तं चेव एवं महाकायस्स वि, गीयरहस्स णं-पुच्छा अज्जो चत्तारि अगमहिंसीओ पत्रत्ताओ तं जहा-सुधोसा बिमला सुत्तरा सरस्सई तत्थ णं एगमेगाए देवीए एगमेगं देवीसहस्सं परिवारो सेसं तं चेव एवं गीचजस्स वि सव्वेसिं एएसिं जहा कालस्स नवर-सरिसनामियाओ रायहाणीओ सीहासणाणि य सेसं तं चेव, वंदस्स णं भंते जोइसिंदस्स जोइसरण्णो-पुच्छा अज्जो चत्तारि अगमहिंसीओ पत्रत्ताओ तं जहा-चंदप्यभा दोसिणाभा अद्धिमाली पभंकरा एवं जहा जीवाभिगमे जोइसियउडैसए तहेव सूरस्स वि सरण्यभा आयवा अद्धिमाली पभंकरा सेसं तं चेव जाव नो चेव णं मेहुणवत्तियं

इंगालस्स णं भंते महग्गहस्स कति अगमहिंसीओ-पुच्छा अज्जो चत्तारि अगमहिंसीओ पत्रत्ताओ तं जहा-विजया वेजयंति जयंती अपराजिया तत्थ णं एगमेगाए देवीए एगमेगं देवीसहस्सं परिवारो सेसं जहा चंदस्स नवर-इंगालवडेंसए विमाणे इंगालगंसि सीहासणांसि सेसं तं चेव एवं वियालगस्स वि एवं अद्धासीतिए वि महग्गहाणं माणियव्वं जाव भावकेउस्स-वडेंसगा सीहासणाणि य सरिसनामगाणि सेसं तं चेव सक्कस्स णं भंते देविंदस्स देवरण्णो-पुच्छा अज्जो अद्ध

अगमहिंसीओ पत्रताओ तं जहा-पउमा सिवा सची अंजू अमला अच्छरा नवमिया रोहिणी तत्थ णं एगमेगाए देवीए सोलस-सोलस देवीसहस्सा परिवारो पत्रतो पभू णं ताओ एगमेगा देवी अण्णाइं सोलस-सोलस देवीसहस्साइं परिवारं विउब्बितए एवामेव सपुब्बावरेणं अट्ठावीसत्तरं देवीसयसहस्सं सेतं तुडिए

पभू णं भंते सक्कं देविदे देवराया सोहम्मे कप्पे सोहम्मवडेंसए विमाणे सभाए सुहम्माए सक्कंसि सोहासणंसि तुडिएणं सद्धिं दिव्वाइं भोगभोगाईं भुंजमाणे विहरितए सेसं जहा चमारस्स नवरं-परियारो जहा मोउद्देसए सक्कस्स णं देविदस्स देवरण्णो सोमस्स महारण्णो कति अगमहिंसीओ पुच्छा अज्जो चत्तारि अगमहिंसीओ पत्रताओ तं जहा-रोहिणी मदणा चित्ता सोमा तत्थ णं एगमेगाए देवीए एगमेगं देवीसहस्सं परिवारे सेसं जहा चभरलोणपालाणं नवरं-सयंपभे विमाणे सभाए सुहम्माए सोमंसि सोहासणंसि सेसं तं चेव एवं जाव वेसमणस्स नवरं-विमाणाइं जहा ततियसए, ईसाणस्स णं भंते पुच्छा अज्जो अट्ठ अगमहिंसीओ पत्रताओ तं जहा-कण्हा कण्हराईं रामा रामरक्खिउया वसू वसुगुता वसुनिता वसुंधरा तत्थ णं एगमेगाए देवीए एगमेगं देवीसहस्सं परिवारे सेसं जहा सक्कस्स, ईसाणस्स णं भंते देविदस्स देवरण्णो सोमस्स महारण्णो कति अगमहिंसीओ-पुच्छा अज्जो चत्तारि अगमहिंसीओ पत्रताओ तं जहा-पुहवी राई रयणी विज्जू तत्थ णं एगमेगाए देवीए एगमेगं देवीसहस्सं परिवारे सेसं जहा सक्कस्स लोगपालाणं एवं जाव वरुणस्स नवरं-विमाणा जहा वउत्थसए सेसं तं चेव जाव नो चेव णं मेहुणवत्तियं सेवं भंते सेवं भंते ति ।४०५।-४०६

● दसमे सते पंचमो उद्देसो समत्तो ●

—: छ द्वो-उ दे सो :-

(४९०) कहि णं भंते सक्कस्स देविदस्स देवरण्णो सभा सुहम्मा पत्रता गोयमा जंबुद्वीवे दीवे मंदरस्स पव्वयस्स दाहिणे णं इमीसे रयणप्पभाए पुढवीए बहुसभरणिज्जातो भूमिभागातो उड्डं एवं जहा रायप्पसेणइजे जाव पंच वडेंसगा पत्रता तं जहा-असोगवडेंसए [सत्तवण्णवडेंसए चंपगवडेंसए चूववडेंसए] मज्जे सोहम्मवडेंसए से णं सोहम्मवडेंसए महाविमाणे अद्धतेरस जोयणसयसहस्साइं आयामक्खिभेणं ।४०६-१।-४०७-१

(४९१) एवं जह सूरियाओ तहेव भाणं तहेव उववाओ

सक्कस्स य अभिसेओ तहेव जह सूरियाभस्स

॥६५॥-१

(५९२) अलंकारअच्छणिया तहेव जाव आयरक्ख ति दो सागरोवमाइं ठिती सक्कं णं भंते देविदे देवराया के महिड्डिए जाव केमहासोक्खे गोयमा महिड्डिए जाव महासोक्खे से णं तत्थ बत्तीसाए विमाणवाससयसहस्साणं जाव दिव्वाइं भोगभोगाईं भुंजमाणे विहरइ एमहिड्डिए जाव एमहासोक्खे सक्कं देविदे देवराया सेवं भंते सेवं भंते ति ।४०६।-४०७

● दसमे सते छट्ठो उद्देसो समत्तो ●

—: उ दे सा - ७-३४ :-

(४९३) कहि णं भंते उत्तरिल्लणं एगूरुयमणस्साणं एगूरुयदीदे नामं दीवे पत्रते एवं जहा जीवाभिगमे तहेव निरवसेसं जाव सुद्धदंतदीवो ति एए अट्ठावीसं उद्देसगा भाणियव्वा सेवं भंते सेवं भंते ति जाव अप्पाणं भावेमाणे विहरइ ।४०७।-४०८

● दसमे सते ७-३४ उद्देस समत्ता ● दसमं सतं समत्तं ●

एककारसमं-सतं

—: पठ मो — उद्देशो —:

- (४९४) उप्पल सालु पलासे कुंभी नाली य पउम कण्णी य
नलिण सिव लोग कालालभिय दस दो य एककारे ॥६६॥-१
- (४९५) उववाओ परिमाणं अवहारुच्चत बंध वेदे य
उदए उदीरणाए लेसा दिट्ठी य नाणे य ॥६७॥-१
- (५९६) जोगुवओगे वण्ण रसमाई ऊसासगे य आहारे
विरई किरिया बंधे सन्न कसायिथि बंधे य ॥६८॥-२
- (४९७) सन्निदिय अणुबंधे संवेहाहार ठिइ समुग्धाए
चयणं मूलादीसु य उववाओ सव्वजीयाणं ॥६९॥-३

(४९८) तेणं कालेणं तेणं समएणं रायगिहे जाव पज्जुवासमाणे एवं वयासी-उप्पले णं भंते एगपत्तए किं एगजीवे अणेगजीवे गोयमा एगजीवे नो अणेगजीवे तेणं परं जे अण्णे जीवा उववज्जंति से णं नो एगजीवा अणेगजीवा ते णं भंते जीवा कतोहिंतो उववज्जंति-किं नेरइएहिंतो उववज्जंति तिरिक्खजोणिएहिंतो उववज्जंति मणुस्सेहिंतो उववज्जंति देवेहिंतो उववज्जंति गोयमा नो नेरइएहिंतो उववज्जंति तिरिक्खजोणिएहिंतो उववज्जंति मणुस्सेहिंतो उववज्जंति देवेहिंतो वि उववज्जंति एवं उववाओ भाणियव्वो जहा यक्कंतीए वणस्सइकाइयाणं जाव ईसाणेति, ते णं भंते जीवा एगसमए णं केवइया उववज्जंति गोयमा जहण्णेणं एकको वा दो वा तिण्णि वा उक्कोसेणं संखेज्जा वा असंखेज्जा वा उववज्जंति ते णं भंते जीवा समए-समए अवहीरमाणा-अवहीरमाणा केवतिकालेणं अवहीरंति गोयमा ते णं असंखेज्जा समए-समए अवहीरमाणा-अवहीरमाणा असंखेज्जाहिं ओसप्पिणि-उस्सप्पिणीहिं अवहीरंति नो वेव णं अयहिया सिया तेसि णं भंते जीवाणं केमहालिया सरीरोगाहणा पन्नत्ता गोयमा जहण्णेणं अंगुलस्स असंखेज्जइभागं उक्कोसेणं सातिरेगं जोयणसहस्सं

ते णं भंते जीवा नाणावरणिज्जस्स कम्मस्स किं बंधगा अबंधगा गोयमा नो अबंधगा बंधए वा बंधगा वा एवं जाव अंतराइयस्स नवरं-आउयस्स-मुक्खा गोयमा बंधए वा अबंधए वा बंधगा वा अबंधगा वा अहवा बंधए अबंधए अहवा बंधए य अबंधगा य अहवा बंधगा य अबंधए य अहवा बंधगा य अबंधगा य-एते अट्ठ भंगा ते णं भंते जीवा नाणावरणिज्जस्स कम्मस्स किं वेदगा अवेदगा गोयमा नो अवेदगा वेदए वा वेदगा वा एवं जाव अंतराइयस्स ते णं भंते जीवा किं सायावेदगा असायावेदगा गोयमा सायावेदए वा असायावेदए वा-अट्ठ भंगा ते णं भंते जीवा नाणावरणिज्जस्स कम्मस्स किं उदई अणुदई गोयमा नो अणुदई उदई वा उदइणे वा एवं जाव अंतराइयस्स ते णं भंते जीवा नाणावरणिज्जस्स कम्मस्स किं उदीरगा अणुदीरगा गोयमा नो अणुदीरगा उदीरए वा उदीरगा वा एवं जाव अंतराइयस्स नवरं-वेदणिज्जाउएसु अट्ठ भंगा

ते णं भंते जीवा किं कण्हलेसा नीललेसा काउलेसा तेउलेसा गोयमा कण्हलेसे वा [नीललेसे वा काउलेसे वा] तेउलेसे वा कण्हलेसा वा नीललेसा वा काउलेसा वा तेउलेसा वा अहवा कण्हलेसे य नीललेसे य एवं एए दुयासंजोग-तियासंजोग-चउक्कसंजोगेणं असीती भंगा भवन्ति ते णं भंते जीवा किं सम्मदिट्ठी मिच्छादिट्ठी सम्मामिच्छादिट्ठी गोयमा नो सम्मदिट्ठी नो सम्मामिच्छादिट्ठी

मिच्छादिद्वी वा मिच्छादिद्विणो वा ते णं भंते जीवा किं नाणी अण्णाणी गोयमा नो नाणी अण्णाणी वा अण्णाणिणो वा ते णं भंते जीवा किं मणजोगी वड्जोगी कायजोगी गोयमा नो मणजोगी नो वड्जोगी कायजोगी वा कायजोगिणो वा ते णं भंते जीवा किं सागारोवउत्ता अणागारोवउत्ता गोयमा सागारोवउत्ते वा अणागारोवउत्ते वा-अड्ढ भंगा तेसि णं भंते जीवाणं सरीरगा कतिवण्णा कतिगंधा कतिरसा कतिफासा पन्नत्ता गोयमा पंचवण्णा पंचरसा दुग्ंधा अट्ठफासा पन्नत्ता ते पुण अण्णणा अवण्णा अगंधा अरसा अफासा पन्नत्ता ते णं भंते जीवा किं उस्सासगा निस्सासगा नोउस्सासनिस्सासगा गोयमा उस्सासए वा निस्सासए वा नोउस्सासनिस्सासए वा उस्सासए य निस्सासए य अहवा उस्सासए य नो उस्सासनिस्सासए य अहवा निस्सासए य नोउस्सासनिस्सासए य अहवा उस्सासए य निस्सासए य नोउस्सासनिस्सासए -अड्ढ भंगा एते छव्वीसं भंगा भवन्ति ते णं भंते जीवा किं आहारगा अणाहारगा गोयमा आहारए वा अणाहारए था-अड्ढ भंगा ते णं भंते जीवा किं विरया अविरया विरयाविरया गोयमा नो विरया नो विरयाविरया अविरए वा अविरया वा

ते णं भंते जीवा किं सकिरिया अकिरिया गोयमा नो अकिरिया सकिरिए वा सकिरिया वा ते णं भंते जीवा किं सत्तविहबंधगा अट्ठविहबंधगा गोयमा सत्तविहबंधए वा अट्ठविहबंधए था-अड्ढ भंगा ते णं भंते जीवा किं आहारसण्णोवउत्ता भयसण्णोवउत्ता मेहुणसण्णोवउत्ता परिग्गह-सण्णोवउत्ता गोयमा आहारसण्णोवउत्ता-असीती भंगा, ते णं भंते जीवा किं कोहकसाई माणकसाई मायाकसाई लोभकसाई असीती भंगा, ते णं भंते जीवा किं इत्थिवेदगा पुरिसवेदगा नपुंसगवेदगा गोयमा नो इत्थिवेदगा नो पुरिसवेदगा नपुंसगवेदए वा नपुंसगवेदगा वा ते णं भंते जीवा किं इत्थिवेदबंधगा पुरिसवेदबंधगा नपुंसगवेदबंधगा गोयमा इत्थिवेदबंधए वा पुरिसवेद-बंधए वा नपुंसगवेदए वा-छव्वीसं भंगा, ते णं भंते जीवा किं सण्णी असण्णी गोयमा नो सण्णी असण्णी वा असण्णिणो वा, ते णं भंते जीवा किं सईदिया अणिदिया गोयमा नो अणिदिया सईदिए वा सईदिया था से णं भंते उप्पलजीवेत्ति कालओ केवच्चिरं होइ गोयमा जहण्णेणं अंतोमुहुत्तं उक्कोसेणं असंखेज्जं कालं

से णं भंते उप्पलजीवे पुढविजीवे पुणरवि उप्पलजीवेत्ति केवतियं कालं सेवेज्जा केवतियं कालं गतिरागतिं करेज्जा गोयमा भवादेसेणं जहण्णेणं दो भवग्गहणाई उक्कोसेणं असंखेज्जाई भवग्गहणाई कालादेसेणं जहण्णेणं दो अंतोमुहुत्ता उक्कोसेणं असंखेज्जं कालं एवतियं कालं सेवेज्जा एवतियं कालं गतिरागतिं करेज्जा से णं भंते उप्पलजीवे आउजीवे पुणरवि उप्पलजीवेत्ति केवतियं कालं सेवेज्जा केवतियं कालं गतिरागतिं करेज्जा एवं चेव एवं जहा पुढविजीवे मणिए तहा जाव चाउजीवे मणियव्वे से णं भंते उप्पलजीवे सेसवणस्सइजीवे से पुणरवि उप्पलजीवेत्ति केवतियं कालं सेवेज्जा केवतियं कालं गतिरागतिं करेज्जा गोयमा भवादेसेणं जहण्णेणं दो भवग्गहणाई उक्कोसेणं अनंताई भवग्गहणाई कालादेसेणं जहण्णेणं दो अंतोमुहुत्ता उक्कोसेणं अनंतं कालं तरुकालं एवतियं कालं सेवेज्जा एवतियं कालं गतिरागतिं करेज्जा से णं भंते उप्पलजीवे बेइदियजीवे पुणरवि उप्पलजीवेत्ति केवतियं कालं सेवेज्जा केवतियं कालं गतिरागतिं करेज्जा गोयमा भवादेसेणं जहण्णेणं दो भवग्गहणाई उक्कोसेणं संखेज्जाई भवग्गहणाई कालादेसेणं जहण्णेणं दो अंतोमुहुत्ता उक्कोसेणं संखेज्जं कालं एवतियं कालं सेवेज्जा एवतियं कालं गतिरागतिं करेज्जा एवं तेइदियजीवे एवं चउरिंदियजीवे वि से णं भंते उप्पलजीवे पंचिंदियतिरिक्खजोणि-

यजीवे पुणरवि उप्पलजीवेत्ति-पुच्छा गोयमा भवादेसेणं जहण्णेणं दो भवग्गहणाइं उक्कोसेणं अद्द भवग्गहणाइं कालादेसेणं जहण्णेणं दो अंतोमुहुत्ता उक्कोसेणं पुब्बकोडिपुहत्तं एवतियं कालं सेवेज्जा एवतियं कालं गतिरागतिं करेज्जा एवं मणुस्सेणं वि समं जाव एवतियं कालं गतिरागतिं करेज्जा

ते णं भंते जीवा किमाहारमाहारेंति गोयमा दव्वओ अनंतपदेसियाइं दव्वाइं खेत्तओ असंखेज्जपदेसोगाढाइं कालओ अण्णयरकालद्धिइयाइं भावओ वण्णमंताइं गंधमंताइं रसमंताइं फासमंताइं एवं जहा आहारुद्देसए वणस्सइकाइयाणं आहारो तहेव जाव सव्वप्पणयाए आहारमाहारेंति नवरं-नियमा छद्दिंसिं सेसं तं चेव तेसिं णं भंते जीवाणं केवतियं कालं ठिडिं पत्रत्ता गोयमा जहण्णेणं अंतोमुहुत्तं उक्कोसेणं दस वाससहस्साइं तेसिं णं भंते जीवाणं कति समुग्धाया पत्रत्ता गोयमा तओ समुग्धाया पत्रत्ता तं जहा-वेदणासमुग्धाए कसायसमुग्धाए मारणंतियस-मुग्धाए ते णं भंते जीवा मारणंतियसमुग्धाएणं किं समोहत्ता मरंति असमोहत्ता मरंति गोयमा समोहत्ता वि मरंति असमोहत्ता वि मरंति ते णं भंते जीवा अनंतरं उव्वट्ठिता कहिं गच्छंति कहिं उववज्जंति-किं ने-रइएसु उववज्जंति त्तिरिक्खजोणिएसु उववज्जंति एवं जहा यक्कंतीए उव्वट्ठणाए वणस्सइकाइयाणं तहा भाणियव्वं अहं भंते सव्वपाणा सव्वभूता सव्वजीवा सव्वसत्ता उप्पल-मूलत्ताए उप्पलकंदत्ताए उप्पलनालेत्ताए उप्पलपत्तत्ताए उप्पलकेसरत्ताए उप्पलकण्णियत्ताए उप्पलधिभग्गत्ताए उववयन्नपुब्बा हंता गोयमा असतिं अदुया अनंतखुत्तो सेवं भंते सेवं भंते ति । ४०८१-४०९

● एककारसमे सते पढमो उद्देशो सप्ततो ●

— बी ओ — उ हे सो :—

(४१९) सालुए णं भंते एगपत्तए किं एगजीवे अणेगजीवे गोयमा एजगीवे एवं उप्पलुद्दे-सगवत्तव्वया अपरिसेसा भाणियव्वया जाव अनंतखुत्तो नयरं-सरीरोगाहणा जहण्णेणं अंगुलस्स असंखेज्जइमागं उक्कोसेणं धणुपुहत्तं सेसं तं चेव सेवं भंते सेवं भंते ति । ४०९१-४१०

● एककारसमे सते बीओ उद्देशो सप्ततो ●

— त इ ओ — उ हे सो :—

(५००) पलासे णं भंते एगपत्तए किं एगजीवे अणेगजीवे एवं उप्पलुद्देसगवत्तव्वया अपरिसेसा भाणियव्वया नवरं-सरीरोगाहणा जहण्णेणं अंगुलस्स असंखेज्जइमागं उक्कोसेणं गाउय-पुहत्ता देवेहिं तो न उववज्जंति, लेसासु-ते णं भंते जीवा किं कण्हलेस्सा नीललेस्सा काउलेस्सा गोयमा कण्हलेस्से वा नीललेस्से वा काउलेस्से वा-छव्वीसं मंगा सेसं तं चेव सेवं भंते सेवं भंते ति । ४१०१-४११

● एककारसमे सते तइओ उद्देशो सप्ततो ●

— च उ त्यो — उ हे सो :—

(५०१) कुंभिए णं भंते एगपत्तए किं एगजीवे अणेगजीवे एवं जहा पलासुद्देसए तहा भाणियव्वे नवरं-ठिटी जहण्णेणं अंतोमुहुत्तं उक्कोसेणं वासपुहत्तं सेसं तं चेव सेवं भंते सेवं भंते ति । ४१११-४१२

● एककारसमे सते चउत्यो उद्देशो सप्ततो ●

— पं च मो — उ हे सो :—

(५०२) नालिए णं भंते एगपत्तए किं एगजीवे अणेगजीवे एवं कुंभिसहेसगवत्तव्वया निरवसेसं भाणियव्वया सेवं भंते सेवं भंते ति । ४१२१-४१३

● एककारसमे सते पंचमो उद्देशो सप्ततो ●

—: छ द्रो — उ हे सो :—

(५०३) पउमे णं भंते एगपत्तए किं एगजीवे अणेगजीवे एवं उप्पलुहेसगवत्तव्वया निरवसेसा भाणियव्वा सेवं भंते सेवं भंते ति । ४१३।-४१४

● एककारसमे सत्ते छद्रो उहेसो सप्ततो ●

—: स त्त मो — उ हे सो :—

(५०४) कण्णिणं णं भंते एगपत्तए किं एगजीवे अणेगजीवे एवं चेव निरवसेसं भाणियव्वं सेवं भंते सेवं भंते ति । ४१४।-४१५

● एककारसमे सत्ते सत्तमो उहेसो सप्ततो ●

—: अ द्द मो — उ हे सो :—

(५०५) नल्लिणे णं भंते एगपत्तए किं एगजीवे अणेगजीवे एवं चेव निरवसेसं जाव अनंतखुत्तो सेवं भंते सेवं भंते ति । ४१५।-४१६

● एककारसमे सत्ते अद्दमो उहेसो सप्ततो ●

—: न द्द मो — उ हे सो

(५०६) तेणं कालेणं तेणं समएणं हत्थिणापुरे नामं नगरे होत्था-वण्णओ तस्स णं हत्थिणापुरस्स नगरस्स बहिया उत्तरपुरत्थिमे दिसीभागे इत्थं णं सहसंबवणे नामं उज्जाणे होत्था-सव्वोउय-पुष्प-फलसमिद्धे रम्मे नंदणवणसन्निभम्पगासे सुहसीतलच्छाए मनोरमे सादुप्फले अकंटए पासादीए दरिसणिजे अभिरूवे पडिरूवे, तत्थं णं हत्थिणापुरे नगरे सिवे नामं राया होत्था-महयाहिमवंत-महतं-मलय-मंदर-महिंदसारे-वण्णओ तस्स णं सिवस्स रण्णो धारिणी नामं देवी होत्था-सुकुमालपाणिपाया-वण्णओ तस्स णं सिवस्स रण्णो पुत्ते धारिणीए अत्ताए सिवभद्दे नामं कुमारे होत्था-सुकुमालपाणिपाए जहा सूरियकंते जाव रज्जं च रट्ठं च बलं च दाहणं च कोसं च कोट्ठारं च पुरं च अंतेउरं च सयमेव पद्दुवेक्खमाणे-पद्दुवेक्खमाणे विहरइ, तए णं तस्स सिवस्स रण्णो अण्णया कयाइ पुव्वरत्तावरत्तकालसमयंसि रज्जधुरं चिंतेमाणस्स अयमेयारूवे अज्झत्थिए [चिंतिए पत्थिए मणोगए संकप्पे] समुप्पज्झित्था-अत्थि ता मे पुरी पोरणाणं सुचिण्णाणं सुपरक्कं-ताणं सुभाणं कल्लाणाणं कडाणं कम्माणं कल्लाणफलवित्तिविसेसे जेणाहं हिरण्णेणं वड्ढामि सुवण्णेणं वड्ढामि धणेणं वड्ढामि धण्णेणं वड्ढामि। पुत्तेहिं वड्ढामि पसूहिं वड्ढामि रज्जेणं वड्ढामि एवं रट्ठेणं बलेणं वाहणेणं कोसेणं कोट्ठागारेणं पुरेणं अंतेउरेणं वड्ढामि विपुलघण-कणग-रयण-[मणि-मोत्तिय-संखसिलप्पवाल-रत्तरयण]-संतसारसावएज्जेणं अतीव-अतीव अभिवड्ढामि तं किं णं अहं पुरा पोरणाणं एगंतसो खयं उवेहमाणे विहरामि तं जावताव अहं हिरण्णेणं वड्ढामि जाव अतीव-अतीव अभिवड्ढामि जाव मे सामंतरायाणो वि वसे यद्धंति तावता मे सेयं कल्लं पाउप्पभायाए रयणीए जाव उट्ठियमि सूरि सहस्स रस्सिमि दिणयरे तेयसा जलंते सुबहुं लोही-लोहकडाह-कडक्खुयं तंबियं तावसमडंगं घडावेत्ता सिवभद्दं कुमारं रजे ठावेत्ता तं सुबहुं लोही-लोहकडाह-कडक्खुयं तंबियं तावसमडंगं गहाय जे इमे गंगाकुले वाणपत्था तावसा भवति तं जहा-होत्तिया पोत्तिया कोत्तिया जहा ओढवाइए जाव आयावणाहिं पंचग्गि तावेहिं इंगालसोल्लियं कंदुसोल्लियं कट्ठसोल्लियं कट्ठसोल्लियं पिब अण्णाणं करेमाणा विहरंति तत्थं णं जे ते दिसापोकखी तावसा तेसिं अंतियं मुंडे भवित्ता दिसापोकखियतावसत्ताए पव्वइत्ताए पव्वइत्ते वि य णं समाणे अयमेयारूवं अभिगहं अभिगिण्हस्सामि-कप्पइ मे जावजीवाए छट्ठछट्ठेण अनिकिख तेणं दिसाच-

कृकवालिणं तवो कम्पेणं उड्डं बहाओ पगिज्झिय-पगिज्झय [सूराभिमुहस्स आयावणभूमीए आयावेमाणस्सं] विहरितए ति कट्ट एवं संपेहेइ संपेहेता कछं पाउण्णभायाए रयणीए जाव उट्ठियम्मि सूरै सहस्सरस्सिम्मि दिणयरे तैयसा जलंते सुबहुं लोही लोह [कडाह-कडच्छुयं तंबियं तावसमंडगं] घडावेत्ता कोडुंबियपुरिसे सद्दावेइ सद्दावेत्ता एवं बयासी खिप्पामेव भो देवाणुप्पिया हत्थिणापुरं नगर सच्चिमारबाहिरियं आसिय-सम्पञ्जिओवलितं जाव सुगंधवरगंधगंधियं गंधवट्टि-भूयं करेह य कारवेह य करेत्ता य कारवेत्ता य एयमाणसितियं पच्चप्पिणह ते वि तमाणसितियं पच्चप्पिणंति

तए णं से सिवे राया दोछ पि कोडुंबियपुरिसे सद्दावेइ सद्दावेत्ता एवं बयासी-खिप्पामेव भो देवाणुप्पिया सिवभदस्स कुमारस्स महत्थं महत्थं महरिह विउलं रायाभिसेयं उवट्टवेह तए णं ते कोडुंबियपुरिसे तहेव उवट्टवेति तए णं से सिवे राया अण्णगण्णनायग-दंडनायग-जाव संधिपाल-सद्धिं संपरिवुडे सिवभदं कुमारं सीहासणवरंसि पुरत्थाभिमुहं निसियावेइ निसियावेत्ता अट्टसएणं सोवण्णिवाणं कलसाणं जाव अट्टसएणं भोमेज्जाणं कलसाणं सच्चिइदीए जाव दुंदुहिं-निग्घोसणा-इयवेणं महया-महया रायाभिसेगेणं अभिसिंचइ अभिसिंचित्ता पम्हलसुकुमालाए सुरभीए गंधकासाईए गायाइं लूहेति लूहेत्ता सरसेणं गोसीसचंदणेणं गायाइं अणुलिपति एवं जहेव जमालिस्स अलंकारो तहेव जाव कप्पस्सुक्खं पिव अलंकिय-विभूसियं करेइ करेत्ता करयल परिग्गहिंयं दसनहं सिरसावत्तं मत्थए अंजलि कट्ट सिवभदं कुमारं जएणं विजएणं यद्धावेइ यद्धावेत्ता ताहिं इद्धाहिं कंताहिं पियाहिं जाव परमात्तं पालयाहिं इड्डजणसंपरिवुडे हत्थिणापुरस्स नगरस्स अण्णेसि च बहूणं गामागर-नगर-[खेडकब्बड-दोणमुहमंडब-पट्टण-आसम-निगम-संवाह-सण्णिवेसाणं आहेवच्चं पोरेवच्चं सामितं भट्टितं महत्तरगतं आणा-ईसर-सेणावच्चं कारेमाणे पाले-माणे महायाहय-नट्ट-गीय-वाइय-तंती-तलताल-तुडिय-घण-मुडंग-पडुप्पवाइयवेणं विउलाइं भोग-भोगाईं भुंजमाणे] विहराहि ति कट्ट जयजयसद्धं पटंजति तए णं से सिवभदे कुमारै राया जाते-महया हिमवत्तं-महंत-मलय-मंदर-महिंदसारे वण्णओ जाव रत्तं पसासेमाणे विहरइ

तए णं से सिवे राया अण्णया कयाइ सोभणंसि तिहि करण-दियस-मुहुत्त-नक्खत्तंसि विपुलं असण-पाण-खाइम-साइमं उवक्खडावेति उवक्खडावेत्ता मित्तनाइ-नियम-[सयण-संबंधि]-परिजणं रायाणो य खतिए य आमंतेति आमंतेत्ता तओ पच्छा न्हाए [कयबलिकम्मे कयकोउय-मंगल-पायच्छित्ते सुद्धप्पायेसाइं मंगलाइं वत्थाइं पवर परिहिए अप्पमहग्घामरणालंकिय] सरीरे भोयणवेलाए भोयणमंडवंसि सुहासणवरगए तेणं मित्त-नाइ-नियम-सयण-संबंधि-परिजणेणं राएहि य खतिएहि सद्धिं विपुलं असण-पाण-खाइम-साइम [आसादेपाणे वीसादेमाणे परिभाए-माणे परिमुंजेमाणे विहरइ जिमियभुत्तरागए वि य णं समाणं आयंते चोक्खे परमसुइब्भए तं मित्त-नाइ-नियम-सयण-संबंधि-परिजयं विउलेणं असण-पाण-खाइम-साइमेणं वत्थ-गंध-मल्लालं-कारेण] य सक्कारेइ सम्माणेइ सक्कारेत्ता सम्माणेत्ता तं मित्त-नाइ-नियम-सयण-संबंधि-परिजणं रायाणो य खतिए स सिवभदं च रायाणं आपुच्छइ आपुच्छित्ता सुबहुं लोही-लोहकडाह-कडच्छुवं तंबियं तावस भंडगं गहाय जे इमे गंगाकूलगा वाणपत्था तावसा भवति तं चेव जाव तेसिं अंतियं मुंडे भवित्ता दिसापोक्खियतावसत्ताए पव्वइए पव्वइए वि य णं समाणे अयमेयारुत्तं अभिग्गहं अभिगिण्हति-कप्पइ मे जावजीवाए छडुं तं चेव जाव अभिग्गहं अभिगिण्हित्ता पढमं छडुक्खमणं

उवसंपञ्जिताणं विहरइ

तए णं से सिवे रायरिसी पढमछट्ठक्खमणपारणगंसि आयावणभूमीओ पच्चोरुहइ पच्चोरुहिता वागलवत्यनियत्ये जेणेव सए उडए तेणेव उवागच्छइ उवागच्छिता किट्ठिण-संकाइयगं गिण्हइ गिण्हिता पुरत्थिमं दिसं पोक्खेइ पुरत्थिमए दिसाए सोमे महाराया पत्थाणे पत्थियं अभिरक्खउ सिवं रायरिसिं अभिरक्खउ सिवं रायरिसिं जाणि य तत्थ कंदाणि य मूलाणि य तथाणि य पत्ताणि य पुष्पाणि य फलाणि य बीयाणि य हरियाणि य ताणि अणुजाणउ ति कट्ट पुरत्थिमं दिसं पसरइ पसरिता जाणि य तत्थ कंदाणि य जावा हरियाणि य ताई गेण्हइ गेण्हिता किट्ठिण-संकाइयगं भरेइ भरेता दब्बे य कुसे य समिहाओ य पत्तानोडं च गिण्हइ गिण्हिता जेणेव सए उडए तेणेव उवागच्छइ उवागच्छिता किट्ठिण-संकाइयगं ठवेइ ठवेता वेदिं वड्ढेइ वड्ढेता उवलेवण समंज्जणं कोइ करेता दब्बकलसाहत्यगए जेणेव गंगा महानदी तेणेव उवागच्छइ उवागच्छिता गंगं महानदिं ओगाहेइ ओगाहेता जल मज्झणं कोइ करेता जलकीडं कोइ करेता जलभिसेयं कोइ करेता आवंते चोक्खे परमसुइभूए देवय-पिति-कयकळे दब्बकलसाहत्यगए गंगाओ महानदीओ पच्चुत्तरइ पच्चुत्तरिता जेणेव सए उडए तेणेव उवागच्छइ उवागच्छिता दब्बेहि य कुसेहि य चालुयाएहि य वेदिं एएति एएता सरएणं अरणि महेइ महेता अग्गि पाडेइ पाडेता अग्गि संधुक्केइ संधुक्केता समिहाकट्ठाइं पक्खिवइ पक्खिविता अग्गि उज्जालेइ उज्जालेता अग्गिस्स दाहिणे पासे सत्तागई समादहे, (तं जहा)-१४९६-११-४१७-१

(५०७) सकहं वक्कलं ठाणं सिज्जाभंडं कमंडलुं

दंडदारुं तहप्पाणं अहे तइं समादहे

॥७०॥-१

महुणा य घएण य तंदुलेहि य अग्गि हुणइ हुणिता चरुं साहेइ साहेता यलिवइस्सदेवं कोइ करेता अतिहिपूयं करेता तओ पच्छा अप्पणा आहारमाहारेति १४९६॥४१७

(५०८) तए णं से सिवे रायरिसी दोच्चं छट्ठक्खमणं उवसंपञ्जिताणं विहरइ तए णं से सिवे रायरिसी दोच्चं छट्ठक्खमणपारणगंसि आयावणभूमीओ पच्चोरुहइ पच्चोरुहिता [वागलवत्यनियत्ये जेणेव सए उडए तेणेव उवागच्छइ उवागच्छिता किट्ठिण-संकाइयगं गिण्हइ गिण्हिता] दाहिणं दिसं पोक्खेइ दाहिणाए दिसाए जमे महाराया पत्थाणे पत्थियं अभिरक्खउ सिवं रायरिसिं सेसं तं चेव जाव तओ पच्छा अप्पणा आहारमाहारेइ तए णं से सिवे रायरिसी तच्चं छट्ठक्खमणं उवसंपञ्जिताणं विहरइ तए णं से सिवे रायरिसिं तच्चं छट्ठक्खमणपारणगंसि सेसं तं चेव नवरं पच्चत्थिमाए दिसाए वरुणे महाराया पत्थाणे पत्थियं अभिरक्खउ सिवं रायरिसिं सेसं तं चेव जाव तओ पच्छा अप्पणा आहारमाहारेइ तए णं से सिवे रायरिसी चउत्थं छट्ठक्खमणं उवसंपञ्जिताणं विहरइ तए णं से सिवे रायरिसी चउत्थे छट्ठक्खमणं [पारणगंसि आयावणभूमीओ पच्चोरुहइ पच्चोरुहिता वागलवत्यनियत्ये जेणेव सए उडए तेणेव उवागच्छइ उवागच्छिता किट्ठिण-संकाइयगं गिण्हइ गिण्हिता] उत्तरदिसं पोक्खेइ उत्तराए दिसाए वेसमणे महाराया पत्थाणे पत्थियं अभिरक्खउ सिवं रायरिसिं सेसं तं चेव जाव तओ पच्छा अप्पणा आहारमाहारेइ तए णं तस्स सिवस्स रायरिसिस्स छट्ठंछट्ठेणं अणिक्खित्तेणं दिसाचक्कवालेणं [तवोक्कमेणं उड्ढं बाहाओ पगिज्झिय-पगिज्झिय सूरभिमुहस्स आयावणभूमीए] आयावेमाणस्स पगइमइयाए जाव विणीययाए अप्पणा कयाइ तयावरणिज्जाणं कम्माणं खओवसमेणं ईहापूहमग्गणगवेसणं करेमाणस्स विट्ठमं नामं नाणे

समुप्यत्रे से णं तेणं विव्भंगनाणेणं समुप्यत्रेणं पासति अस्सि लोए सत्त दीवे सत्त समुद्दे तेणं परं नं जाणइ न पासइ तए णं तस्स सिवस्स रायरिसिस्स अयमेयारूवे अज्झत्थिए [चित्तिए पत्थिए मणो-गए संकप्पे] समुप्यज्झित्था-अत्थि णं ममं अतिसेसे नाणदंसणे समुप्यत्रे एवं खलु अस्सि लोए सत्त दीवा सत्त समुद्दा तेणं परं वोच्छित्रा दीवा य समुद्दा य - एवं संपेहेइ संपेहेत्ता आयावणमूमीओ पच्चोरुहइ पच्चोरुहिता वागलवत्यनियत्थे जेणेव सए उडए तेणेव उवागच्छइ उवागच्छित्ता सुबहुं लोही-लोहकडाह-कडक्कुय [तंवियं तावस] भंडगं किट्ठिण-संकाइयगं च गेणहइ गेणहिता जेणेव हत्थिणापुरे नगरे जेणेव तावसावसहे तेणेव उवागच्छइ उवागच्छित्ता भंडनिकखेवं करेइ करेत्ता हत्थिणापुरे नगरे सिंघाडग-तिग-[चउक्क-चच्चर-चउम्मुह-महापह]-पहेसु बहुजणस्स एवमाइक्खइ जाव एवं पल्लवेइ-अत्थि णं देवाणुप्पिया ममं अतिसेसे नाणदंसणे समुप्यत्रे एवं खलु अस्सि लोए [सत्त दीवा सत्त समुद्दा तेणं परं वोच्छित्रा] दीवा य समुद्दा य

तए णं तस्स सिवस्स रायरिसिस्स अंतियं एयमट्ठं सोच्चा निसम्मं हत्थिणापुरे नगरे सिंघाडग-तिग-[चउक्क-चच्चर-चउम्मुह-महापह]-पहेसु बहुजणो अण्णमण्णस्स एवमाइक्खइ जाव परूवेइ-एवं खलु देवाणुप्पिया सिवे रायरिसी एवमाइक्खइ जाव परूवेइ-अत्थि णं देवाणुप्पिया ममं अतिसेसे नाणदंसणे [समुप्यत्रे एवं खलु अस्सि लोए सत्त दीवा सत्त समुद्दा] तेणं परं वोच्छित्रा दीवा य समुद्दा य से कहमेयं मत्ते एवं, तेणं कालेणं तेणं समएणं सानी समोसट्ठे परिसा [निग्गया धम्मो कहिओ परिसा] पडिगया तेणं कालेणं तेणं समएणं समणस्स भगवओ महावीरस्स जेट्ठे अंतवासी इंदभूर्इ नामं अणगारे जहा वित्तियसए नियंदुहेसए जाव घरसमुदाणस्स भिक्खायरियाए अडमाणे बहुजणसद्द निसामेइ बहुजणो अण्णमण्णस्स एवमाइक्खइ जाव एवं परूवेइ-एवं खलु देवाणुप्पिया सिवे रायरिसि एवमाइक्खइ जाव एवं परूवेइ-अत्थि णं देवाणुप्पिया ते चेव जाव वोच्छित्रा दीवा य समुद्दा य से कहमेयं मत्ते एवं, तए णं भगवं गोयमे बहुजणस्स अंतियं एयमट्ठं सोच्चा निसम्मं जायसइहे तेणं परं वोच्छित्रा दीवा य समुद्दा य से कहमेयं भंते एवं गोयमादि समणे भगवं महावीरे भगवं गोयमं एवं वयासी-जण्णं गोयमा [एवं खलु एयस्स सिवस्स रायरिसिस्स छट्ठंछट्ठेणं दिसाचक्क-वालेणं तवोक्कम्पेणं उड्ढं बाहाओ पगिज्झिय-पगिज्झिय सूरामिभुहस्स आयावण-भूमीए आयावेमाणस्स पगइभइयाए पगइउवसंतयाए पगइपयणुकोहमाणमायालोभयाए मिउ-मइव-संपन्नयाए अक्षीणयाए विणीययाए अण्णया कयाइ तयावरणिज्जाणं कम्माणं खओवसमेणं ईहापूहमग्गणगवेसणं करमाणस्स विव्भंगे नामं नाणे समुप्यत्रे] तं चेव सव्वे भाणियव्वं जाव भंडनिकखेवं करेइ करेत्ता हत्थिणा पुरे नगरे सिंघाडग - [तिग-चउक्क-चच्चर-चउम्मुह-महापह-पहेसु बहुजणस्स एवमाइक्खइ जाव एवं परूवेइ-अत्थि णं देवाणुप्पिया ममं अतिसेसे नाणदंसणे समुप्यत्रे एवं खलु अस्सि लोए सत्त दीवा सत्त समुद्दा तेणं परं] वोच्छित्रा दीवा य समुद्दा य

तए णं तस्स सिवस्स रायरिसिस्स अंतिए एयमट्ठं सोच्चा निसम्मं [हत्थिणापुरे नगरे सिंघाडग-तिग-चउक्क-चच्चर-चउम्मुह-महापह-पहेसु बहुजणो अण्णमण्णस्स एवमाइक्खइ जाव परूवेइ-एवं खलु देवाणुप्पिया सिवे रायरिसी एवमाइक्खइ जाव परूवेइ-अत्थि णं देवाणुप्पिया ममं अतिसेसे नाणदंसणे समुप्यत्रे एवं खलु अस्सि लोए सत्त दीवा सत्त समुद्दा] तेणं परं वोच्छित्रा दीवा य समुद्दा य तण्णं मिच्छा अहं पुण गोयमा एवमाइक्खामि जाव परूवेमि-एवं खलु जंबुदीवादीया दीवा लवणादीया समुद्दा संठाणओ एगविहिविहाइणा वित्थारओ अणेगविहि-

विहाणा एवं जहा जीवाभिगमे जाव सयंभूरमणपञ्चवसाणा अस्सि तिरियलोए असंखेज्जा दीवसमुद्दा पत्रत्ता समणाउसो, अत्थि णं भंते जंबुद्दीवे दीवे दव्वाइ-सवण्णाइं पि अवण्णाइं पि सगंधाइं पि अगंधाइं पि सरसाइं पि अरसाइं पि सफासाइं पि अफासाइं पि अण्णमण्णं बद्धाइं अण्णमण्णपुद्दाइं अण्णमण्णबद्धपुद्दाइं अण्णमण्ण घडत्ताए चिद्धंति हंता अत्थि, अत्थि णं भंते लवणसमुद्दे दव्वाइ-सवण्णाइं पि अवण्णाइं पि सगंधाइं पि अगंधाइं पि सरसाइं पि अरसाइं पि सफासाइं पि अफासाइं पि अण्णमण्णबद्धाइं अण्णमण्णपुद्दाइं अण्णमण्णबद्धपुद्दाइं अण्णमण्ण घडत्ताए चिद्धंति हंता अत्थि

अत्थि णं भंते घायइसंडे दीवे दव्वाइ-सवण्णाइं पि [अवण्णाइं पि सगंधाइं पि अगंधाइं पि सरसाइं पि अरसाइं पि सफासाइं पि अफासाइं पि अण्णमण्णबद्धाइं अण्णमण्णपुद्दाइं अण्णमण्णबद्धपुद्दाइं अण्णमण्णघडत्ताए चिद्धंति हंता अत्थि एवं जाव, - अत्थि णं भंते सयंभूरमण-समुद्दे दव्वाइ-जाव चिद्धंति हंता अत्थि, तए णं सा महत्तिमहालिया महत्तपरिसा समणस्स भगवओ महावीरस्स अंतिए एयमहं सोच्चा निसम्म हट्ठुत्ता समणं भगवं महावीरं वंदइ नमंसइ वंदिता नमंसित्ता जामेव दिसं पाउम्भूया तामेव दिसं पडिगया तए णं हत्थिणापुरे नगरे सिंघाडग-[तिग चउक्क-चच्चर-चउम्मुह-महापह]-पहेसु बहुजणो अण्णमण्णस्स एवमाइक्खइ जाव परूवेइ जण्णं देवाणुप्पिया सिवे रायरिसी एवमाइक्खइ जाव परूवेइ-अत्थि णं देवाणुप्पिया ममं अतिसेसे नाण [दंसणे समुप्पन्ने एवं खलु अस्सि लोए सत्त दीवा सत्त समुद्दा तेण परं वोच्छिन्ना दीवा य] समुद्दा य तं नो इण्ठे समठ्ठे समणे भगवं महावीरे एवमाइक्खइ जाव परूवेइ-एवं खलु एयस्स सिवस्स रायरिसिस्स छट्ठंछट्ठेणं तं चेव जाव भंडनिकखेवं करेइ करेत्ता हत्थिणापुरे नगरे सिंघाडग [तिग-चउक्क-चच्चर-चउम्मुह-महापह-पहेसु बहुजणस्स एवमाइक्खइ जाव एवं परूवेइ-अत्थि णं देवाणुप्पिया ममं अतिसेसे नाणदंसणे समुप्पन्ने एवं खलु अस्सि लोए सत्त दीवा सत्त समुद्दा तेण परं वोच्छिन्ना दीवा य] समुद्दा य तए णं तस्स सिवस्स रायरिसिस्स अंतियं एयमहं सोच्चा निसम्म जाव तेण परं वोच्छिन्ना दीवा य समुद्दा य तण्णं मिच्छा समणे भगवं महावीरे एवमाइक्खइ-एवं खलु जंबुद्दीवादीया दीवा लवणादीया समुद्दा तं येव जाव असंखेज्जा दीवसमुद्दा पत्रत्ता समणाउसो

तए णं से सिवे रायरिसी बहुजणस्स अंतियं एयमहं सोच्चा निसम्म संकिए कंखिए वित्तिगिच्छए भेदसमावन्ने कलुससमावन्ने जाए यावि होत्था तए णं तस्स सिवस्स रायरिसिस्स संकियस्स कंखियस्स [वित्तिगिच्छियस्स भेदसमावन्नस्स] कलुससमावन्नस्स से विभंगे नाण खिप्पामेव परिवडिए तए णं तस्स सिवस्स रायरिसिस्स अयमेयारूवे अज्झत्थिए [चित्थिए पत्थिए मणोगए संकये] समुप्पञ्जित्था-एवं खलु समणे भगवं महावीरे तित्थगरे आदिगरे जाव सव्वण्णू सव्वदरिसी आगासगएणं चक्केणं जाव सहसंबवणे उज्जाणे अहापडिरूवं [ओगहं ओगिण्हित्ता संजमेण तवसा अप्पाणं भावेमाणे] विहरइ तं महप्फलं खलु तहारूयाणं अरहंताणं भगवंताणं नामगोयस्स [वि सवणयाए किमंग पुण अभिगमण-वंदण-नमंसण-पडिपुच्छ-पजुवासणयाए एगस्स वि आरियस्सधम्मियस्स सुवयणस्स सवणयाए किमंग पुण विउलस्स अट्ठस्स] गहणयाए तं गच्छामि णं समणं भगवं महावीरं वंदामि जाव पजुवासामि एवं णे इहमवे य परमवे य [हियाए सुहाए खमाए निस्सेयसाए आणुगामियत्ताए] भविस्सइ ति कट्ठु एवं संपेहेइ संपेहेत्ता जेणेव तावसावसहे तेणेव उवागच्छइ उवागच्छित्ता तावसावसहं अणुप्पविसइ अणुप्पविसित्ता सुबहुं

लोही-लोहकडाहं-[कडचुयं तंबियं तावसभंडगं किठिण-संकाइयगं च गेण्हइ गेण्हिता तावसासहाओ पडिनिक्खमइ पडिनिक्खिमिता पडिवडियविब्भंगे हत्थिणापुरं नगरं मज्झमज्झेणं निग्गच्छइ निग्गच्छिता जेणेव सहसंबंयणे उज्जाणे जेणेव समणे भगवं महावीरं तेणेव उवागच्छइ उवागच्छिता समणं भगवं महावीरं तिक्खुत्तो वंदइ नमंसइ वंदित्ता नमंसित्ता नच्चासत्ते नातिदूरे [सुसूसमाणे नमंसमाणे अभिमुहे विणएणं पंजलिकडे पञ्जुवासइ

तए णं समणे भगवं महावीरं सिवस्स रायरिसिस्स तीसे य महत्तिसहलियाए परिसाए धम्मं परिकहेइ जाव आणाए आराहए भवइ तए णं से सिवे रायरिसी समणस्स भगवओ महावीरस्स अंतियं धम्मं सोच्चा निसम्म जहा खदंओ जाव उत्तपुरत्थमं दिसीमागं अवक्कमइ अवक्कमिता सुबहुं लोही-लोहकडाहं-[कडचुयं तंबियं तावसभंडगं] किठिण-संकाइयगं च एगंते एडेइ एडेत्ता सयमेव पंचमुद्धियं लोयं करेइ करेत्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता एवं जहेव उसभदतो तहेव पव्वइओ तहेव एक्कारस अंगाइं अहिज्जइ तहेव सव्वं जाव सव्वदुक्खप्पहीणो ।४१७।-४१८

(५०९) भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-जीवा णं भंते सिज्झमाणा कयरम्मि संघयणे सिज्झंति गोयमा वड्रोसभनारायसंघयणे सिज्झंति एवं जहेव ओववाइए तहेव संघयणं संठाणं उद्यतं आउयं च परियसणा एवं सिद्धिगंडिया निरवसेसा भाणियव्वाजाव-अव्वाबाहंसोक्खंअणुहोतिसासयंसिद्धासेवंभंतेसेवंभंतेति ।४१८।-४१९

● एक्कारसमे सते नवमे उहेतो समतो ●

—: द स भो—उ हे सो :—

(५१०) रायगिहे जाव एवं वयासी-कतिविहे णं भंते लोए पत्रत्ते गोयमा चउव्विहे लोए पत्रत्ते तं जहा-दव्वलोए खेतलोए काललोए भावलोए, खेतलोए णं भंते कतिविहे पत्रत्ते गोयमा तिविहे पत्रत्ते तं जहा-अहेलोयखेतलोए तिरियलोयखेतलोए उड्ढलोयखेतलोए, अहेलोयखेतलोए णं भंते कतिविहे पत्रत्ते गोयमा सत्तविहे पत्रत्ते तं जहा-रयणप्पभापुदविअहेलोयक्खेतलोए जाव अहेसत्तमापुदविअहेलोयखेतलोए तिरियलोयखेतलोए णं भंते कतिविहे पत्रत्ते गोयमा असंखेज्जविहे पत्रत्ते तं जहा-जंबुदीवे दीवे तिरियलोयखेतलोए जाव सयंभूरमणसमुदे तिरियलोयखेतलोए उड्ढलोयखेतलोए णं भंते कतिविहे पत्रत्ते गोयमा पत्ररत्तविहे पत्रत्ते तं जहा-सोहम्म-कप्पउड्ढलोयखेतलोए [ईसाण-सणकुमार-माहिंद-बंभलोय-लंतय-महासुक्क-सहस्सार-आणय-पाणय-आरण] अञ्चयकप्पउड्ढलोयखेतलोए गेवेज्जविमाणउड्ढलोयखेतलोए अनुत्तरविमाणउड्ढलोयखेतलोए ईसिपध्मारपुदविउड्ढलोयखेतलोए, अहेलोयखेतलोए णं भंते किंसंठिए पत्रत्ते गोयमा तप्पागारसंठिए पत्रत्ते तिरियलोयक्खेतलोए भंते किंसंठिए पत्रत्ते गोयमा झल्लरिसंठिए पत्रत्ते उड्ढलोयखेतलोए एणं भंते किंसंठिए पत्रत्ते गोयमा उड्ढमुइंगाकारसंठिए पत्रत्ते

लोए णं भंते किंसंठिए पत्रत्ते गोयमा सुपइड्ढगसंठिए पत्रत्ते तं जहा-हेट्ठा विच्छिण्णे मज्झे संखिते [उप्पि विसाले अहे पलियंकसंठिए मज्झे वरवइरविग्गहिए उप्पि उद्धमुइंगाकारसंठिए तंसि च णं सासयंसि लोगंसि हेट्ठा विच्छिण्णंसि जाव उप्पि उद्धमुइंगाकारसंठियंसि उप्पणनाण-दंसणधरे अरहा जिणे केवली जीवे वि जाणइ-पासइ अजीवे वि जाणइ-पासइ तओ पच्छा सिज्झइ बुच्छइ मुच्चइ परिनिव्वाइ सव्वदुक्खाणं] अंतं करेइ अलोए णं भंते किंसंठिए पत्रत्ते गोयमा

For Private And Personal Use Only

लोयखेतलोए न कयाइ नासि जाव निच्चे एवं [तिरियलोयखेतलोए एवं उड्डलोयखेतलोए एवं लोए एवं] अलोए

भायओ णं अहेलोयखेतलोए अनंता वण्णपज्जवा अनंता गंधपज्जवा अनंता रसपज्जवा अनंता फासपज्जवा अनंता संठाणपज्जवा अनंता गरुयलहुयपज्जवा अनंता अगरुलहुयपज्जवा एवं [तिरियलोयखेतलोए एवं उड्डं लोयखेतलोओ एवं] लोए भायओ णं अलोए नेवत्थि वण्णपज्जवा [नेवत्थि गंधपज्जवा नेवत्थि रसपज्जवा नेवत्थि फासपज्जवा नेवत्थि संठाणपज्जवा] नेवत्थि गरुयलहुयपज्जवा एगे अजीवदव्वदेसे [अगरुयलहुए अनंतंहिं अगरुयलहुयगुणेहिं संजुते सब्बागासस्स अनंतभागूणे

(५११) लोए णं भंते केमहालए पन्नते गोयमा अयण्णं जंबुदीवे दीवे सब्बदीव-[समुद्धानं सब्बभंतराए जाव एणं जोयणसयसहस्स आयाम-विकखंभेणं तिण्णि जोयणसयसहस्साइं सोलस-सहस्साइं दोण्णि य सत्तावीसे जोयणसए तिण्णि य कोसे अट्ठावीसं च धणुसयं तेरस अंगुलाई अट्ठगुलंगं च किंचिविसेसाहिए] परिकखेवेणं तेणं कालेणं तेणं समएणं छ देवा महिड्डीया जाव महासोकखा जंबुदीवे दीवे मंदरे पव्वए मंदरचलियं सब्बओ समंता संपरिक्खित्ताणं चिट्ठेज्जा अहे णं चत्तारि दिसाकुमारीओ महत्तरियाओ चत्तारि बलिपिंडे गहाय जंबुदीवस्स दीवस्स चउसु वि दिसासु बहियाभिमुहीओ ठिच्चा ते चत्तारि अलिपिंडे जमगसमगं बहियाभिमुहे पक्खिवेज्जा पभू णं गोयमा तओ एगमेगे देवे ते चत्तारि बलिपिंडे धरणिस्तलमसंपत्ते खिप्पामेव पडिसाहरित्तए ते णं गोयमा देवा ताए उक्किट्ठाए जाव देवगईए एगे देवे पुरत्थाभिमुहे पयाते एगे देवे दाहिणाभिमुहे पयाते एगे देवे पच्चत्थाभिमुहे पयाते एगे देवे उत्तराभिमुहे पयाते एगे देवे उड्डाभिमुहे पयाते एगे देवे अहोभिमुहे पयाते तेणं कालेणं तेणं समएणं वाससहस्साउए दारए पयाते ताए णं तस्स दारगसस अम्मापरपियरो पहीणा भवन्ति नो चेव णं ते देवा लोगंतं संपाउणन्ति ताए णं तस्स दारगसस आउए पहीणे भवति नो चेव णं ते देवा लोगंतं संपाउणन्ति ताए णं तस्स दारगसस अट्ठिभिजा पहीणा भवन्ति नो चेव णं [ते देवा लोगंतं] संपाउणन्ति ताए णं तस्स दारगसस आसत्तमे वि कुलवंसे पहीणे भवति नो चेव णं ते देवा लोगंतं संपाउणन्ति ताए णं तस्स दारगसस नामगोए वि पहीणे भवति नो चेव णं ते देवा लोगं संपाउणन्ति तेसि णं भंते देवाणं किं गएबहुए अगएबहुए गोयमा गएबहुए नो अगएबहुए गयाओ से अगए असंक्खेज्जइभागे अगयाओ से गए असंक्खेज्जगुणे लोए णं गोयमा एमहालए पन्नते

अलोए णं भंते केमहालए पन्नते गोयमा अयण्णं समयखेते पणयालीसं जोयणसय-सहस्साइं आयाम-विकखंभेणं [एगा जोयणकोडी बायालीसं च सयसहस्साइं तीसं च सहस्साइं दोण्णि य अउणापन्नजोयणसए किंचि विसेसाहिए] परिकखेवेणं तेणं कालेणं तेणं समएणं दस देवा महिड्डीया [जाव महासोकखा जंबुदीवे दीवे मंदरे पव्वए मंदरचलियं सब्बओ समंता] संपरिक्खित्ताणं संचिट्ठेज्जा अहे णं अट्ठ दिसाकुमारीओ महत्तरियाओ अट्ठ बलिपिंडे गहाय माणुसुत्तरस्स पव्वयस्स चउसु वि दिसासु चउसु वि विदिसासु बहियाभिमुहीओ ठिच्चा ते अट्ठ बलिपिंडे जमगसमगं बहियाभिमुहे पक्खिवेज्जा पभू णं गोयमा तओ एगमेगे देवे ते अट्ठ बलिपिंडे धरणिस्तलमसंपत्ते खिप्पामेव पडिसाहरित्तए ते णं गोयमा देवा ताए उक्किट्ठाए [तुरियाए चवत्ताए चंडाए जइणाए छेयाए सीहाए सिग्धाए उद्धयाए दिव्वाए] देवगईए लोगंते ठिच्चा असब्बावपट्टवणाए एगे देवे पुरत्थाभिमुहे पयाते एगे देवे दाहिणपुरत्थाभिमुहे पयाते [एगे देवे

दाहिणाभिमुहे पयाते एगे देवे दाहिणपच्चत्थाभिमुहे पयाते एगे देवे पच्चत्थाभिमुहे पयाते एगे देवे पच्चत्थउत्तराभिमुहे पयाते एगे देवे उत्तराभिमुहे पयाते एगे देवे उत्तरपुत्थाभिमुहे पयाते एगे देवे उड्ढामभिमुहे पयाते एगे देवे अहोभिमुहे पयाते तेणं कालेणं

तेणं समएणं वाससयसहस्साउए दारए पयाते तए णं तस्स दारगस्स अम्मापियरो पहीणा भवन्ति नो चेव णं ते देवा अलोयंतं संपाउणंति [तए णं तस्स दारगस्सआउए पहीणे भवन्ति नो चेव णं ते देवा अलोयंतं संपाउणंति तए णं तस्स दारगस्स अड्ढिमिजा पहीणा भवन्ति नो चेव णं ते देवा अलोयंतं संपाउणंति तए णं तस्स दारगस्स आसत्तमे वि कुलवंसे पहीणे भवन्ति नो चेव णं ते देवा अलोयंतं संपाउणंति] तए णं तस्स दारगस्स नामगोए वि पहीणे भवन्ति नो चेव णं ते देवा अलोयंतं संपाउणंति तेसि णं भंते देवाणं किं गए बहुए अगए बहुए गोयमा नो गए बहुए अगए बहुए गयाओ से अगए अनंतगुणे अगयाओ से गए अनंतभागे अलोए णं गोयमा एमहालए पत्रत्ते ४२०१-४२१

(५१२) लोगस्स णं भंते एगम्मि आगासपदेसे जे एगिंदियपदेसा जाव पंचिंदियपदेसा अणिंदियपदेसा अण्णमण्णबद्धा अण्णमण्णपुड्ढा [अण्णमण्णबद्धपुड्ढा] अण्णमण्णघत्ताए चिड्ढंति अत्थि णं भंते अण्णमण्णस्स किंचि आबाहं वा वाबाहं वा उप्पायंति छविच्छेदं वा करेति नो इण्ढे समट्ठे से केण्ढेणं भंते एवं बुद्धइ-लोगस्स णं एगम्मि आगासपदेसे जे एगिंदियपदेसा जाव अण्णमण्णघत्ताए चिड्ढंति नत्थि णं भंते अण्णमण्णस्स किंचि आबाहं वा [वाबाहं वा उप्पायंति छविच्छेदं] वा करेति गोयमा से जहानामए नट्टिया सिया-सिगाराभारचारुवेसा जाव कलिया रंगट्ठाणंसि जणसयाउलंसि जणसहस्साउलंसि जणसयसहस्साउलंसि बत्तीसइविहस्स नट्टस्स अण्णयरं नट्ट-विहिं उवदंसेज्जा से नूणं गोयमा ते पोच्छगा तं नट्टियं अणिमिसाए दिट्ठीए सव्वओ समंता समभिलोएंति हंता समभिलोएंति ताओ णं गोयमा दिट्ठीओ तंसे नट्टियंसि असव्वओ समंता सन्निपडि-याओ हंता सन्निपडियाओ अत्थि णं गोयमा ताओ दिट्ठीओ तीसे नट्टियाए किंचि वि आयाहं वा वाबाहं वा उप्पायंति छविच्छेदं वा करेति नो इण्ढे समट्ठे सा वा नट्टिया तांसि दिट्ठीणं किंचि आबाहं वा वाबाहं वा उप्पायंति छविच्छेदं वा करेइ नो इण्ढे समट्ठे ताओ वा दिट्ठीओ अण्णमण्णए दिट्ठीए किंचि आबाहं वा वाबाहं वा उप्पायंति छविच्छेदं वा करेति नो इण्ढे समट्ठे से तेण्ढेणं गोयमा एवं बुद्धइ-[लोगस्स णं एगम्मि आगासपदेसे जे एगिंदियपदेसा जाव अण्णमण्ण-घट्ताए चिड्ढंति नत्थि णं अण्णमण्णस्स आबाहं वा वाबाहं वा उप्पायंति] छविच्छेदं वा करेति ४२११-४२२

(५१३) लोगस्स णं भंते एगम्मि आगासपदेसे जहण्णपए जीवपदेसाणं उक्कोसपए जीवपदेसाणं सव्वजीवाणं य कयरे कयरेहिंतो [अप्पा वा बहुया या तुल्ला वा] विसेसाहिया वा गोयमा सव्वत्थोवा लोगस्स एगम्मि आगासपदेसे जहण्णपए जीवपदेसा सव्वजीवा असंखेज्जगुणा उक्कोसपए जीवपदेसा विसेसाहिया सेवं भंते सेवं भंते ति ४२२१-४२३

● एक्कारसमे तते दसम्मे उडेसो समतो ●

—: ए क्का र स म्मो—उ हे सो :—

(५१४) तेणं कालेणं तेणं समएणं वाणियग्गामे नामं नगरे होत्था-वण्णओ दूतिपत्तासे चेइए-वण्णओ जाव पुट्ठविसिलापट्ठओ तत्थ णं वाणियग्गामे नगरे सुदंसणे नाम सेट्ठी परिवसइ-अड्ढे जाव बहुजणस्स अपरिभूए समणोवासए अभिगयजीवाजीवे जाव अहापरिगिहिएहिं तवोक्कमेहिं अप्पाणं भावेमाणे विहरइ सामी समोसडे जाव परिस पज्जुवासइ तए णं से सुदंसणे सेट्ठी

इमीसे कहाए लखड़े समाणे हड़तुड़े ण्हाए कय [बलिकम्मे कयकोउय-मंगल] पायच्छिते सव्वालंकारविभूसिए साओ गिहाओ पडिनिक्खमइ पडिनिक्खमिता सकोरेंटमल्लदामेणं छतेणं घरिज्जमाणेणं पायविहारचारेणं महयापुरिसवग्गपुराव्वरिक्खिते वामियग्गामं नगरं मज्झंमज्जेणं निग्गच्छइ निग्गछित्ता जेणेव दूतिपलासे घेइए जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं पंचविहेणं अभिगमेणं अभिगच्छइ तं जहा-सच्चित्ताण दव्वाणं विओसरणयाए जहा उसभदत्तो जाव तिविहाए पञ्जुवासणाए पञ्जुवासइ तए णं समणे भगवं महावीरे सुदंसणस्स सेड्डिस्स तीसे य महत्तिमहालियाए परिसाए धम्मं परिकहेइ जाव आणाए आराहए भवइ तए णं से सुदंसणे सेट्ठी समणस्स भगवओ महावीरस्स अंतियं धम्मं सोच्चा निसम्मं हड़तुड़े उड्डाए उड्डेइ उड्डेत्ता समणं भगवं महावीरं तिक्खुत्तो [आयहिण-पयाहिणं करेइ करेत्ता वंदइ नमंसइ वंदित्ता] नमंसित्ता एवं वयासी-कतिविहे णं भंते काले पत्रत्ते सुदंसणा चउव्विहे काले पत्रत्ते तं जहा-पमाणकाले अहाउनिव्वत्तिकाले मरणकाले अद्धाकाले, से किं तं पमाणकाले पमाणकाले दुविहे पत्रत्ते तं जहा-दिवसप्पमाणकाले राइप्पमाणकाले य चउपोरिसिए दिवसे चउपोरिसिया राई भवइ । ४२३।-४२४

(५१५) उक्कोसिया अद्धपंचममुहुत्ता दिवसस्स वा राईए वा पोरिसी भवइ जहणिया तिमहुत्ता दिवसस्स वा राईए वा पोरिसी भवइ जदा णं भंते उक्कोसिया अद्धपंचमुहुत्ता दिवसस्स वा राईए वा पोरिसी भवइ तदा णं कतिभागमुहुत्तमभागेणं परिहायमाणी-परिहायमाणी जहणिया तिमहुत्ता दिवसस्स वा राईए वा पोरिसी भवइ जदा णं जहणिया तिमहुत्ता दिवसस्स वा राईए वा पोरिसी भवइ तदा णं कतिभागमुहुत्तभागेणं परिवड्ढमाणी-परिवड्ढमाणी उक्कोसिया अद्धपंच-ममुहुत्ता दिवसस्स वा राईए वा पोरिसी भवइ सुदंसणा जदा णं उक्कोसिया अद्धपंचमुहुत्ता दिवस-स्सवा राईए वा पोरिसी भवइ तदा णं बावीससयभागमुहुत्तभागेणं परिहायमाणी-परिहायमाणी जहणिया तिमहुत्ता दिवसस्स वा राईए वा पोरिसी भवइ जदा वा जहणिया तिमहुत्ता दिवसस्स वा राईए वा पोरिसी भवइ तदा णं बावीससयभागमुहुत्तभागेणं परिवड्ढमाणी-परिवड्ढमाणी उक्कोसिया अद्धपंचममुहुत्ता दिवसस्स वा राईए वा पोरिसी भवइ

कदा णं भंते उक्कोसिया अद्धपंचमुहुत्ता दिवसस्स वा राईए वा पोरिसी भवइ कदा वा जहणिया तिमहुत्ता दिवसस्स वा राईए वा पोरिसी भवइ सुदंसणा जदा णं उक्कोसए अट्टार-समुहुत्ते दिवसे भवइ जहणिया दुवालसमुहुत्ता राई भवइ तदा णं उक्कोसिया अद्धपंचममुहुत्ता दिवसस्स पोरिसी भवइ जहणिया तिमहुत्ता राईए पोरिसी भवइ जदा णं उक्कोसिया अट्टार-समुहुत्तिया राई भवइ जहणिए दुवालसमुहुत्ते दिवसे भवइ तदा णं उक्कोसिया अद्धपंचममुहुत्ता राईए पोरिसी भवइ जहणिया तिमहुत्ता दिवसस्स पोरिसी भवइ, कदा णं भंते उक्कोसए अट्टार-समुहुत्ते दिवसे भवइ जहणिया दुवालसमुहुत्ता राई भवइ कदा वा उक्कोसिया अट्टार-समुहुत्ता राई भवइ जहणिए दुवालस मुहुत्ते दिवसे भवइ, सुदंसणा आसाढपुण्णिमाए उक्कोसए अट्टारसमुहुत्ते दिवसे भवइ जहणिया दुवालसमुहुत्ता राई भवइ पोसपुण्णिमाए णं उक्कोसिया अट्टारसमुहुत्ता राई भवइ जहणिए दुवालसमुहुत्ते दिवसे भवइ, अत्थि णं भंते दिवसा य राईओ य समा चेव भवन्ति हंता अत्थि, कदा णं भंते दिवसा य राईओ य समाचेव भवन्ति सुदंसणा चेत्ता- सोयपुण्णिमासु एत्थ णं दिवसा य राईओ य समा चेव भवन्ति-पन्नरसमुहुत्ते दिवसे पन्नरसमुहुत्ता राई भवइ चउभागमुहुत्त-

भागूणा चउमुहुता दिवसस्स वा राईए वा पोरिसी भवइ सेत्तं पमाणकाले ॥४२४॥-४२५

(५१६) से किं तं अहाउनिव्वत्तिकाले अहाउनिव्वत्तिकाले-जणं जेणं नेरइएण वा तिरिक्खजोणिएण वा मणुस्सेणं वा देवेण वा अहाउयं निव्वत्तियं सेत्तं अहाउनिव्वत्तिकाले, से किं तं मरणकाले मरणकाले-जीवो वा सरीराओ सरीरं वा जीवाओ सेत्तं मरणकाले से किं तं अद्धाकाले अद्धाकाले-से णं समयइयाए आवलियइयाए जाव उस्सप्पिणीइयाए एस णं सुदंसणा अद्धा दोहाराछेदेणं छिज्जमाणी जाहे विभागं नो हव्वमागच्छइ सेसं समए समयइयाए असंखेज्जाणं समयणं समुदायसमिइसमागमेणं साएगा आवलियति पवुच्चइ संखेज्जाओ आवलियाओ उत्सासो जहा सालिउद्देसए जाव एएसिं णं पल्लणं कोडाकोडी हवेज्ज दसगुणिया तं सागरोवमस्स उ एगस्स भवे परिमाणं एएहिं णं भंते पलिओवम-सागरोवेमहिं किं पयोयणं सुदंसणा एएहिं पलि-ओवम-सागरोवेमहिं नेरइय-तिरिक्खजोणिय-मणुस्स देवाणं आउयाइं मविज्जंति ॥४२५॥-४२६

(५१७) नेरइयाणं भंते केचइयं कालं ठिई पन्नत्ता एवं ठिइपदं निरवसेसं भाणियव्वं जाव अजहण्णमणुक्कोसेणं तेतीसं सागरोवमाइं ठिई पन्नत्ता ॥४२६॥-४२७

(५१८) अत्थि णं भंते एएसिं पलिओवम-सागरोवमाणं खएति वा अवचएति वा हंता अत्थि से केणट्ठेणं भंते एवं वुच्चइ-अत्थि णं एएसिं पलिओवमसागरोवमाणं खएति वा अवचएति वा एवं खलु सुदंसणा तेणं कालेणं तेमं समएणं हत्थिणापुरे नामं नगरे होत्था-वण्णओ सहसंबवणे उज्जाणे-वण्णओ तत्थ णं हत्थिणापुरे नगरे बले नामं राया होत्था-वण्णओ तस्स णं बलस्स रण्णो पभावई नामं देवी होत्था-सुकुमालपाणिपाया वण्णओ जाव पंचविहे माणुस्सए कामभोगे पच्चणु-भवमाणी विहरइ

तए णं सा पमायई देवी अण्णया कयाइ तंसि तारिसगंसि वासघरंसि अक्खितरओ सचित्तकम्मे बाहिरओ दूभिय-घट्ट-मट्टे विचित्तउल्लोग-चिच्छिपतले मणिरयणपणासियंधयारे बहुस-मसुविभत्तदेसभाए पंचवण्णसरससुरभि मुक्कपुप्फपुंजोवयारकलिए कालागरु-पवरकुंदुरुक्क-तुरुक्क-धूव-मघमघेत-गंधुद्ध-याभिरामे सुगंधवरगंधिए गंधवडिभूए तंसि तारिसगंसि सयणि-ज्जंसि-सालिगणवट्टिए उभओ विव्वोयणे दुहओ उण्णए मज्जे णय-गंधीरे गंगापुलिणवासुय-उद्दालसालिसए ओयविय-खोमियदुगुल्लपट्ट-पडिच्छयणे सुविरइयरयत्ताणे रत्तसुधसंवुए सुरम्मे आइणग-रूप-बूर-नवणीय-तूलफासे सुगंधवरकुसुम-चुण्ण-सयणोवयारकलिए अद्धरत्तकाल-मयंसि सुत्तजागरा ओहीरमाणी-ओहीरमाणी अयमेयारूवं औरालं कल्लणं सिवं धण्णं मंगलं सस्सिरीयं महासुविणं पासित्ता णं पडिबुद्धा हार-रयण-खीरसागर-ससंककिरण-दगरय-रययमहासेल-पंडरतरोरुरमणिज्ज-पेच्छणिज्जं थिर-लट्ट-पउट्ट-वट्ट-पीवर-सुसिलिट्ट-विसिट्ट-तिक्ख-दाढाविडंबियमुहं परिकम्पियजच्चकमलकोमल-माइयसोभंतलट्टओट्टं रत्तुप्पलपत्त-उयसुकुमालता-लुजीहं मूसागयपवरकणगतावियआवत्तायंत-वट्ट-तडिद्विमलसरिसनयणं विसालपीवरोहं पडि-पुण्णविपुलखंधं मिउविसयसुहुमलक्खण-पसत्थविच्छिन्न-केसरसडोवसोभियं ऊसिय-सुनिम्मिय-सुजाय-अप्फोडियलंगूलं सोमं सोमाकारं लीलायंतं जंभायंतं नहयलाओ ओवयमाणं निययव-यणमतिवयंतं सीहं सुविणे पासित्ता णं पडिबुद्धा समाणी हट्टतुट्ट [चित्तमाणंदिवा नंदिया पीडमाणा परमसोमणस्सिया हरिसबसविसप्पमाणा] हियया धाराहयकलंबगं पिब समूसवियरोम- क्वा तं सुविणं ओगिण्हइ ओगिण्हित्ता सयणिज्जाओ अब्भुट्टेइ अब्भुट्टेत्ता अतुरियमचवलमसंभंताए

अविलंबियाए रायहंससरिसीए गईए जेणेव बलस्स रण्णो सयणिजे तेणेव उवागच्छइ उवाग-
च्छिता बलं रायं ताहिं इडाहिं कंताहिं पियाहिं मणुण्णाहिं मणामाहिं ओरालाहिं कल्लाणाहिं सिवाहिं
धत्राहिं मंगल्लाहिं सस्सिरीयाहिं मिय-महुर-मंजुलाहिं गिराहिं संलवमाणी-संलवमाणी पडिबोहेइ
पडिबोहेत्ता बलेणं रण्णा अब्भणुण्णाया समाणी नाणामणिरयणभत्तिचित्तंसि भद्दासणंसि निसी-
यति निसीयिता आसत्था वीसत्था सुहासणवरगया बलं रायं ताहिं इडाहिं कंताहिं जाव मिय-महुर-
मंजुलाहिं गिराहिं संलवमाणी-संलवमाणी एवं वयासी एवं खलु अहं देवाणुप्पिया अज्ज तंसि
तारिसगंसि सयणिजंसि सालिगणवट्टिए तं चेव जाव नियगवयणमइवयंतं सीहं सुविणे पासित्ता णं
पडिबुद्धा तण्णं देवाणुप्पिया एयस्स ओरालस्स जाव महासुविणस्स के मत्ते कलाणे
फलवित्तिविसेसे भविस्सइ

तए णं से बले राया पभावईए देवीए अंतियं एयमइं सोच्चा निसम्मं हट्ठुट्ठ [चित्तमाणंदिए
नंदिए पीइमाणे परमसोमणस्सिए हरित्तवसविसप्पमाणा] हियए धाराहयनीवसुरभिकुसुम-
चंचुमालइयतणुए ऊसवियरोमकूवे तं सुविणं ओगिण्हइ ओगिण्हित्ता ईहं पविसइ पविसित्ता
अप्पणो साभाविणं मइपुब्बएणं बुद्धिविण्णाणेणं तस्स सुविणस्स अत्येगहणं करेइ करेत्ता
पभावई देवि ताहिं इडाहिं कंताहिं जाव मंगल्लाहिं मिय-महुर-सस्सिरीयाहिं वग्गूहिं संलवमाणे
संलवमाणे एवं वयासी-ओराले णं तुमे देवी सुविणे दिट्ठे कल्लाणे णं तुमे देवी सुविणे दिट्ठे जाव
सस्सिरीए णं तुमे देवी सुविणे दिट्ठे आरोग-तुड्ढिदीहाउ-कल्लाणं-मंगल्लाकारेणं तुमे देवी सुविणे
दिट्ठे अत्यलाभो देवाणुप्पिए भोगलाभोदेवाणुप्पिए पुत्तलाभोदेवाणुप्पिए रज्जलाभोदेवाणुप्पिए एवं
खलु तुमं देवाणुप्पिए नवण्हं मासाणं बहुपडिपुण्णाणं अद्धइमाणं य राइदियाणं वीइक्कंताणं अहं
कुलकेउं कुलदीवं कुलपब्बयं कुलवडैसयं कुलत्तिलगं कुलकितिकरं कुलनंदिकरं कुलजसकरं
कुलाधारं कुलपायवं कुलविवद्धकरं सुकुमालपाणिपायं अहीणपडिपुण्णपंचिंदियसरीरं [लक्खण-
वज्जण-गुणोववेय माणुम्माण-प्पमाण-पडिपुण्ण-सुजाय-स्ववंगसुंदरं] सत्तिसोमाकारं कंतं पिय-
दंसणं सुरूवं देवकुमारसमप्पभं दारगं पयाहिसि से वि य णं दारए उम्मुक्कबालभावे विण्णय-
परिणयमेत्ते जोव्वाणगमणुप्पत्ते सुरे वीरे विक्कंते वित्थिण्ण-विउलबल-वाहणे रज्जवई राया
भविस्सइ तं ओराले णं तुमे देवी सुविणे दिट्ठे जाव आरोग-तुड्ढि [दीहाउ-कल्लाणं]-मंगल्लाकारेणं
तुमे देवी सुविणे दिट्ठे त्ति कट्ठ पभावत्तिं देवि ताहिं इडाहिं जाव वग्गूहिं दोच्चं पि तच्चं पि अणुबूहति

तए णं सा पभावती देवी बलस्स रण्णो अंतियं एयमइं सोच्चा निसम्मं हट्ठुट्ठ करयल
[परिणहियं दसनहं सिरसावत्तं मत्थए अंजलिं कट्ठ] एवं वयासी-एवमेय देवाणुप्पिया तहमेयं
देवाणुप्पिया अवितहमे देवाणुप्पिया असंदिद्धमेयं देवाणुप्पिया इच्छिमेयं देवाणुप्पिया पडिच्छिय-
मेयं देवाणुप्पिया इच्छिय-पडिच्छयमेयं देवाणुप्पिया से जहेयं तुम्हे बदह त्ति कट्ठ तं सुविणं सम्मं
पडिच्छइ पडिच्छित्ता बलेणं रण्णा अब्भणुण्णाया समाणी नाणामणिरयणभत्तिचित्ताओ भद्दा-
सणाओ अब्बुट्ठेइ अब्बुट्ठेत्ता अतुरियमचवल [मसंभंताए अविलंबियाए रायहंससरिसीए] गईए जे-
णेव सए सयणिजे तेणेव उवागच्छइ उवागच्छित्ता सयणिजंसि निसीयति निसीयिता एवं वयासी-
मा मे से उत्तमे पहाणे मंगल्ले सुविणे अण्णेहिं पावसुमिणेहिं पडिहम्मिस्सइ त्ति कट्ठ देवगुरु-
जणसंबद्धाहिं पसत्थाहिं मंगल्लाहिं धम्मियाहिं कहाहिं सुविणजागरियं पडिजागरमाणी-पडिजा-
गरमाणी विहरइ तए णं से बले राया कोडुवियपुरिसे सद्दावेइ सद्दावेत्ता एवं वयासी खिप्पाभेव भो

देवाणुप्पिया अज्ज सविसेसं बाहिरिय उवट्ठाणसालं गंधोदयसित्तसुइय-संभञ्जिओवलितं सुगंध-
वरपंचवण्णपुष्फोवयारकलियं कालागरु-पवरकुंदुरुक्क- [तुरुक्क-धूव-मघमघेंत गंधुद्धयाभिराभं
सुगंधवरगंधियं] गंधवट्ठिभूयं करेह य कारवेह य करेत्ता य कारवेत्ता य सीहासणं एह एत्ता
ममेतमामाणत्तिं पच्चप्पिणह

तए णं ते कोडुंबियपुरिसा जाव पडिसुणेत्ता खिप्पामेव सविसेसं बाहिरियं उवट्ठाणसालं
जाव पच्चप्पिणंति तए णं से बले राया पच्चूसकालसमयंसि सयणिज्जाओ अब्भुट्ठेइ अब्भुट्ठेत्ता
पायपीढाओ पच्चोरुहइ पच्चोरुहिता जेणेव अट्ठणसाला तेणेव उवागच्छइ अट्ठणसालं अणुपविसइ
जहा ओववाइए तहेव अट्ठण साला तहेव मज्जणघरे जाव ससिच्च पियदंसणे नरवई जेणेव
बाहिरिया उवट्ठाणसाला तेणेव उइवागच्छइ उवागच्छित्ता सीहासणवरंसि पुरत्थाभिमुहि निसीयइ
निसीयित्ता अप्पणी उत्तरपुरत्थिमे दिसीभाए अट्ठभट्टासणाइं सेयवत्थपच्चत्थुयाइं सिद्धत्थयगमंग-
लोवयाराइं रयावेइ रयावेत्ता अप्पणी अदूरसाभंते नाणमणि-रयणमंडियं अहियपेच्छणिज्जं महग्ध-
वरपट्टगयं सण्हपट्टभतिसयचित्तताणं ईहामिय-उसभ [तुरग-नर मगर-विहग-चालग किन्नर-रुरु-
सरभ-चमर-कुंजर-वणलय-पउमलय]-भत्तिचित्तं अब्भितारियं जवणियं अंछावेइ अंछावेत्ता नाणा-
मणिरयणभत्तिचित्तं अत्थरय-मउयमसूरगोत्थयं सेयवत्थपच्चत्थुयं अंगसुहफासयं समुउयं पभा-
वतीए देवीए भट्टासणं रयावेइ रयावेत्ता कोडुंबियपुरिसे सहावेइ सहावेत्ता एवं वयासी-खिप्पामेव
भो देवाणुप्पिया अट्ठगमहानिमित्तसुत्तत्थधारए विविहसत्थकुसले सुविणलक्खणपाढए सहावेह

तए णं ते कोडुंबियपुरिसा जाव पडिसुणेत्ता बलस्स रण्णो अंतियाओ पडिनिक्खमंति
पडिनिक्खमिता सियं तुरियं चवलं चंडं वेइयं हत्थिणपुरं नगरं मज्झमज्जेणं जेणेव तेसिं
सुविणलक्खणपाढगाणं गिहाइं तेणेव उवागच्छंति उवागच्छित्ता ते सुविणलक्खणपाढए सहावेति
तए णं ते सुविणलक्खणपाढगा बलस्स रण्णो कोडुंबियपुरिसेहिं सहाविया समाणा हट्ठतुट्ठा ण्हाया
[कयबलिकम्मा कयकोउय-मंगल-पायच्छित्ता सुद्धप्पावेसाइं मंगलाइं पवत्थाइं पवर परिहिया
अप्पमहग्धाभरणालंकिय] सरीरा सिद्धत्थहरियालियाकय- मंगलमुद्धाणा सएहिं-सएहिं गेहेहिंते
निग्गच्छित्ति निग्गच्छित्ता हत्थिणपुरं नगरं मज्झमज्जेणं जेणेव बलस्स रण्णो भवणवरवडेंसए.
तेणेव उवागच्छंति उवागच्छित्ता भवणवरवडेंसगपडिदुवारंसि एगओ मिलंति मिलित्ता जेणेव
बाहिरिया उवट्ठाणसाला जेणेव बले राया तेणेव उवागच्छंति उवागच्छित्ता करयल [परिग्गहियं
दसनहं सिरसावत्तं भत्थए अंजलिं कट्ठ] बलंरायं जएणं विजएणं बद्धावेति तए णं ते सुविण-
लक्खणपाढगा बलेणं रण्णा वंदिय-पूइय-सक्कारिय-सम्माणिया समाणा पत्तेयं-पत्तेयं पुव्वण्ण-
त्थेसु भट्टासणेसु निसीयंति

तए णं से बले राया पभावति देविं जवणियंतरियं ठावेइ ठावेत्ता पुष्फं-फल पडिपुण्णहत्थे
परेणं विणएणं ते सुविणलक्खणपाढए एवं वयासी-एवं खलु देवाणुप्पिया पभावती देवी अज्ज तंसि
तारिसगंसि वासघरंसि जाव सीहं सुविणे पासित्ता णं पडिबुद्धा तण्णं देवाणुप्पिया एयस्स
ओरालस्स जाव महासुविणस्स के मत्ते कल्लाणे फलवित्तिविसेसे भविस्सइ तए णं ते सुविण-
लक्खणपाढगा बलस्स रण्णो अंतियं एयमट्ठं सोच्चा निसम्म हट्ठतुट्ठा तं सुविणं ओगिण्हंति
ओगिण्हित्ता ईहं अणुप्पविसंति अणुप्पविसित्ता तस्स सुविणस्स अत्थाग्गहणं करंति करेत्ता
अण्णमण्णेणं सद्धिं संचालेति संचालेत्ता तस्स सुविणस्स लद्धइ गहियइ पुच्छियइ विणिच्छियइ

अभिगयद्वा बलस्स रण्णो पुरओ सुविणसत्थाइ उच्चारमाण्ण-उच्चारमाण्ण एवं वयासी-एवं खलु देवाणुप्पिया अम्हं सुविणसत्थंसि बायालीसं सुविणा तीसं महासुविणा बावत्तरिं सव्वसुविणा दिट्ठा तत्थ णं देवाणुप्पिया तित्थगरमायरो वा चक्कवट्ठिमायरो वा तित्थगरंसि वा चक्कवट्ठिसि वा गब्भं वक्कममाणंसि एएसि तीसाए महासुविणाणं इमे चोहस महासुविणे पासित्ता णं पडिबुज्झंति तं जहा। ४२७-१।-४२८-१

(५१९) गय वसह सीह अभिसेय दाम ससि दणयरं झयं कुंमं

पउमसर सागर विमाणभवण रयणुच्चय सिहिं व

॥७१॥-१

(५२०) वासुदेवमायरो वासुदेवसि गब्भं वक्कममाणंसि एसि चोहसण्हं महासुविणाणं अण्णयो सत्त महासुविणे पासित्ता णं पडिबुज्झंति बलदेवमायरो बलदेवसि गब्भं वक्कममाणंसि एएसि चोहसण्हं महासुविणाणं अण्णयो चत्तारि महासुविणे पासित्ता णं पडिबुज्झंति मंडलिय-मायरो मंडलियसि हगब्भं वक्कममाणंसि एएसि णं चोहसण्हं महासुविणाणं अण्णयरं एगं महासुविणं पासित्ता णं पडिबुज्झंति इमे य णं देवाणुप्पिया पभावतीए देवीए एगे महासुविणे दिट्ठे तं ओराले णं देवाणुप्पिया पभावतीए देवीए सुविणे दिट्ठे जाव आरोग-नुट्ठिदीहाउ कल्लाण-मंगलकारेण णं देवाणुप्पिया पभावतीए देवीए सुविणे दिट्ठे अत्थलाभो देवाणुप्पिया भोगलाभो देवाणुप्पाया पुत्तलाभो देवाणुप्पिया रज्जलाभो देवाणुप्पिया एवं खलु देवाणुप्पिया पभावती देवी नवण्हं मासाणं बहुपडिपुण्णाणं [अरुद्धमाणं य राइदियाणं] वीइक्कंताणं तुम्हं कुलकेउं जावदेव-कुमार- सम्पभं दारणं पयाहिति से वि य णं दारए उम्मुक्कबालभावे [विण्णय-परिणयमेत्ते जोव्वणगमणुप्पत्ते सूरि वीरे विक्कंते वित्थिण-विउलबल-वाहणे] रज्जवई राया भविस्सइ अणगारे वा भावियप्पा तं ओराले णं देवाणुप्पिया पभावतीए देवीए सुविणे दिट्ठे जाव आरोग-नुट्ठिदीहाउ-कल्लाण-[मंगलकारेण पभावतीए देवीए सुविणे] दिट्ठे

तए णं से बले राया सुविणलक्खणपाढगाणं अंतिए एयमट्ठं सोच्चा निसम्भ हट्ठुट्ठे करयल [परिगहियं दसनहं सिरसावतं मत्थए अंजलि] कट्ठुत्ते सुविणलक्खणपाढगे एवं वयासी-एवमेयं देवाणुप्पिया [तहमेयं देवाणुप्पिया अवितहमेयं देवाणुप्पिया असंदिद्धमेयं देवाणुप्पिया इच्छियमेयं देवाणुप्पिया पडिच्छियमेयं देवाणुप्पिया इच्छिय-पडिच्छियमेयं देवाणुप्पिया] से जहेयं तुम्हे वदह ति कट्ठु तं सुविणं सम्भं पडिच्छइ पडिच्छित्ता सुविणं लक्खणपाढए विउलेणं असण-पाण-खाइम-साइम-पुष्प-वत्थ-गंध-मल्लालंकारेणं सक्कारेइ सम्माणेइ सक्कारेत्ता सम्माणेत्ता विउल जीविया-रिहं पीइदाणं दलयइ दलयित्ता पडिविसज्जेइ पडिविसज्जेत्ता सीहासणाओ अब्भुट्ठेइ अब्भुट्ठेत्ता जेणेव पभावती देवी तंणेव उवागच्छइ उवागच्छित्ता पभावतिं देवि ताहिं इट्ठाहिं जाव मिय-महुर-सस्सिरीयाहिं वग्गहिं संलवमाणे-संलवमाणे एवं वयासी-एवं खलु देवाणुप्पिए सुविणसत्थंसि बायालीसं सुविणा तीसं महासुविणा-बावत्तरिं सव्वसुविणा दिट्ठा तत्थ णं देवाणुप्पिए तित्थगरमायरो वा चक्कवट्ठिमायरो वा तित्थगरंसि वा चक्कवट्ठिसि वा गब्भं वक्कममाणंसि एएसि तीसाए महासुविणाणं इमे चोहस महासुविणे पासित्ता णं पडिबुज्झंति तं चेव जाव मंडलियमायरो मंडलियसि गब्भं वक्कममाणंसि एएसि णं चोहसण्हं महासुविणाणं अण्णयरं एगं महासुविणं पासित्ता णं पडिबुज्झंति इमे य णं तुमे देवाणुप्पिए एगे महासुविणे दिट्ठे तं ओराले णं तुमे देवी सुविणे दिट्ठे जाव रज्जवई राया भविस्सइ अणगारे वा भावियप्पा तं ओराले णं तुमे देवी सुविणे

दिट्ठे जाव आरोग्ग-तुट्ठि-दीहाउ-कल्लण-मगल्लकारए णं तुमे देवी सुविणे दिट्ठे ति कट्ठ पभावंति देविं ताहिं इद्धाहिं जाव मिय-महुर-सस्सिरीयाहिं वग्गूहिं दोच्चं पि तच्चं पि अणुबूहइ

तए णं सा पभाव ती देवी बलस्स रण्णो अंतियं एयमट्ठं सोच्चा निसम्मं हट्ठतुट्ठा करयल [परिग्गहियं दसनहं सिरसावत्तं मत्थए अंजलिं कट्ठ] एवं वयासी-एयमेयं देवाणुप्पिया जाव तं सुविणं सम्मं पडिच्छइ पडिच्छिता बलेणं रण्णा अब्भणुण्णाया समाणो नाणामणिरयणभत्ति [चित्ताओभद्दासणाओ] अब्भुट्ठेइ अतुरियमचवल [मसंभंताए अविलंबियाए रायहंससरिसीए गई जेणेव सए भवणे तेणेव उवागच्छइ उवागच्छिता सयं भवणमणुपविट्ठा तए णं सा पभावती देवी णहाया कयबलिकम्मा जाव सव्वालंकारविभूसिया तं गब्बं नातिसोतेहिं नातिउण्हेहिं नातितितेहिं नातिकट्ठएहिं नातिकसाएहिं नातिअंबिलेहिं नातिमहुरेहिं उउभयमाणसुहेहिं भोयण-च्छायण-गंध-मल्लेहिं जं तस्सं गब्बस्स हियं मितं पत्तं गब्बपोसणं तं देसे य काले य आहारमाहारेमाणी विवित्तं मउएहिं सयणासणेहिं पडिरिक्कसुहाए मणाणुकूलाए विहारभूमीए पसत्थदोहला संपुण्णदोहला सम्माणियदोहला अविमाणियदोहला वोच्छिण्णदोहला विणीयदोहला ववगयरोग-सोग-मोह-भय-परितासा तं गब्बं सुहसुहेणं परिवहति तए णं सा पभावती देवी नवण्हं मासाणं बहुपडिपुण्ण-पंचिंदियसरीरं लक्खण-वंजण-गुणोदवेयं [माणुम्माण-धमाण-पडिपुण्ण-सुजाय-सव्वंगसुंदरंग] ससिसोमाकारं कंतं पियदंसणं सुरूवं दारयं पयाया तए णं तीसे पभावतीए देवीए अंगपडियारियाओ पभावतिं देविं पसूयं जाणेत्ता जेणेव बले राया तेणेव उवागच्छंति उवागच्छिता करयल [परिग्गहियं दसनहं सिरसावत्तं मत्थए अंजलिं कट्ठ बलं रायं जएणं विजएणं बद्धवेत्ति बद्धावेत्ता एवं वयासी-एवं छलु देवाणुप्पिया पभावती देवी नवण्हं मासाणं बहुपडिपुण्णाणं जाव सुरूवं दारगं पयाया तं एयणं देवाणुप्पियाणं पियट्ठयाए पियं निवेदेमो पियं भे भवतु तए णं से बले राया अंगपडियारियाणं अंतियं एयमट्ठं सोच्चा निसम्मं हट्ठतुट्ठा [चित्तमाणंदिए नंदिए पीडमणे परमसोमणस्सिए हरिसवसविसम्माणहियाए धाराहयनीवसुरभिकुसुम-वंचुमालइयत्तणुए ऊस-वियरोम] कूवे तासिं अंगपडियारियाणं मउडवअं जहामालियं ओमोयं दलयइ दलयिता सेत्तं रययामयं विमलसलिलपुण्णं भिगारं पगिण्हइ पगिण्हिता मत्थए धोवइ धोवित्ता विउलं जीवियारिहं पीडदाणं दलयइ दलयिता सकृकारेइ सम्माणेइ सकृकारेत्ता सम्माणेत्ता पडिविसजेइ १४२७-४२८

(५२९) तए णं से बले राया कोडुंबियपुरिसे सद्दावेइ सद्दावेत्ता एवं वयासी-खिप्पामेव मो देवाणुप्पिया हत्थिणापुरे नयरे चारगसोहणं करेह करेत्ता माणुम्माणवइदणं करेह करेत्ता हत्थिणापुरं नगरं सव्विंतरबाहिरियं आसिय-संमज्जिओ वलितं जाव गंधवडिभूयं करेह य कारवेह य करेत्ता य कारवेत्ता य जूवसहस्सं वा चक्कसहस्सं वा पूयामहामहिमसंजुत्तं उस्सवेह उस्सवेत्ता पमेत-माणत्तियं पच्चप्पिण्ह तए णं ते कोडुंबियपुरिस्सा बलेणं रण्णा एवं बुत्ता समाणा हट्ठतुट्ठा जाव तमाणत्तियं पच्चप्पिण्ह तए णं से बले राया जेणेव अट्ठणसाला तेणेव उवागच्छइ उवागच्छिता तं वेव जाव मज्जणघराओ पडिनिक्खमइ पडिनिक्खमित्ता उस्सुककं उक्करं उक्किट्ठं अदेअं अमेअं अभडप्पवेसं अदंडकोदंडं अधरिमं गणिगावरनाडइअकलियं अणेगतालचराणुचरियं अणुद्धय-मुडंगं अमिलायमल्लदामं पमुडयपक्कीलियं सपुरज्जणजाणवयं दसदिवसे ठिड्वडियं करेति तए णं से बले राया दसाहियाए ठिड्वडियाए वट्ठमाणीए सइए य साहस्सिए य सयसाहस्सिए य जाए य दाए य भाए य. दलमाणे य दवावेमाणे य सलइए य सयसाहस्सिए य लंभे पडिच्छेमाणे य पडिच्छ-

देमाणे य एवं यावि विहरइ

तए णं तस्स दारगस्स अम्मापियरो पढ्मे दिवसे ठिवड्डियं करेइ तइए दिवसे चंदसूरदंसावणियं करेइ छट्ठे दिवसे जागरियं करेइ एककारसमे दिवसे बीडक्कंते निव्वत्ते असुइजायकम्मकरणे संपत्ते बारसमे दिवसे विउलं असणं पाणं खाइमं साइमं उवक्खडावेंते उवक्खडावेंता मित्त-नाइ-नियग-सयण-संबंधि-परिजणं रायाणो य खत्तिए य आपंतेति आमंतेता तओ पच्छा ण्हाया तं चेव जाव सक्कारेंति सम्माणेंति सक्कारेता सम्माणेता तस्सेव मित्त-नाइ-नियग-सयण-संबंधि-परिजणस्स] राईण य खत्तिवाणं य पुरओ अज्जय-पज्जय पिउपज्जयागयं बहुपुरिसपरंपरप्परूढं कुलानुरूढं कुलसरिसं कुलसंताणतंतुवद्धणकरं अयमेयारूढं गोण्णं गुण-निष्फन्नं नामधेज्जं करेंति-जम्हा णं अहं इमे दारए बलस्स रण्णो पुत्ते पपावतीए देवीए अत्तए तं होउ णं अहं इमस्स दारगस्स नामधेज्जं महब्बले-महब्बले तए णं तस्स दारगस्स अम्मापियरो नामधेज्जं करेंति महब्बले ति तए णं से महब्बले दारए पंचधाईपरिग्गहिए तं जहा-खीरधाईए एवं जहा दढप्पइण्णस्स जाव निव्वाय-निव्वाधायांसि सुहंसुहेणं परिवड्ढति

तए णं तस्स महब्बलस्स दारगस्स अम्मापियरो अणुपुब्बेणं ठिइवड्डियं वा चंदसूरदंसा-वणियं वा जागरियं वा नामकरं वा परंगामणं वा पंचकामणं वा पजेमामणं वा पिंडवद्धणं वा पंजपावणं वा कण्णवेहणं वा संवच्छरपडिलेहणं वा चोलोयण्णं वा उवणयणं वा अण्णाणि य बइणी गब्भाधाम-जम्मणमादियाइं कोउयाइं करेंति तए णं तं मवब्बलं कुमारं अम्मापियरो सातिरेगइवासणं जाणित्ता सोभणंसि तिहि-करण-नक्खत्त-मुहुत्तंसि कलायरियस्स उवणेंति एवं जहा दढप्पइण्णे जाव अलंभोगसमत्ये जाए यावि होत्था तए णं तं महब्बलं कुमारं उम्मुक्क-बालभावं जाव अलंभोगसमत्यं विजाणित्ता अम्मापियरो अट्ट पासावडेंसए कारेंति-अब्भुग्गय-मूसिय-परुसिए इव वण्णओ जहा रायप्पसेणइअे जाव पडिरूवे तेसि णं पासायवडेंसगाणं बहुमज्झदेसभागे एत्थ णं महेगं भवणं कारेंति-अणेगखंभसयसंनिविट्ठं वण्णओ जहा रायप्प-सेणइअे पेच्छाघरमंडवंसि जाव पडिरूवे । ४२८१-४२९

(५२२) तए णं तं महब्बलं कुमारं अम्मापियरो अण्णया कयाइं सोभणंसि तिहि-करण-दिवस-नक्खत्त-मुहुत्तंसि ण्हायं कयबलिकम्मं कयकोउय-मंगल-पायच्छित्तं सव्वालंकारविभूसियं पमक्खणग-ण्हाण-गीय-वाइय-पसाहण-अट्टगतिलग-कंकण-अविहवबहुउवणीयं मंगलसुजंप्पि-एहि य वरकोउयमंगलोवयार-कयसंतिकम्मं सरिसियाणं सरित्तयाणं सरिव्वयाणं सरिसलावण-रूढ-जोव्वणगुणोववेयाणं विणीयाणं कयकोउय-मंगलापायच्छित्तार्णं सरिसएहिं रायकुलेहिंतो आणिल्लियाणं अट्टण्हं रायवरकन्नाणं एगदिवसेणं पाणिं गिण्हाविंसु तए णं तस्स महाबलस्स कुमारस्स अम्मापियरो अयमेयारूढं पीइदाणं दलयति तं जहा-अट्ट हिरण्णकोडीओ अट्ट सुवण्ण-कोडीओ अट्ट मउडे मउडप्पवरे अट्टकुंडलजोए कुंडलजोयप्पवरे अट्ट हारे हारप्पवरे अट्ट अट्टहारे अट्टहारप्पवरे अट्ट एगावलीओ एगावलिप्पवराओ एवंमुत्तावलीओ एवं कणगावलीओ एवं रयणावलीओ अट्ट कडगजोए कडगजोयप्पवरे एवं तुडियजोए अट्ट खोमजुयलाइं खोमजुय-लप्पवराइं एवं वडगजुयलाइं एवं पडुजुयलाइं एवं दुगुल्लजुयलाइं अटअठ सिरीओ अट्ट हिरीओ एवं धिईओ कितीओ बुद्धीओ लच्छीओ अट्ट नंदाइं अट्ट मद्दाइं अट्ट तले तलप्पवरे सव्वारयणामए नियगवरभवणकेऊ अट्ट झए झयप्पवरे अट्ट वए वयप्पवरे दसगोसाहस्सिएणं वएणं अट्ट नाडगाइं

नाडगप्पवराइं वत्तीसइबद्धेणं नाडएणं अट्ट आसे आसप्पवरे सव्वरयणामए सिरिधरपडिरूवए अट्ट हत्थी हत्थिप्पवरे सव्वरयणामए सिरिधरपधडिरूवए अट्ट जाणाइं जाणप्पवराइं अट्ट जुगाइं जुगप्पवराइं एवं सिबियाओ एवं संदमाणीओ एवं गिल्लीओ यिल्लीओ अट्ट वियडजाणाइं वियडजाणप्पवराइं अट्ट रहे पारिजाणिए अट्टे रहेसंगामिए अट्ट आसे आसप्पवरे अट्ट हत्थी हत्थिप्पवरे अट्ट गामे गामप्पवरे दसकुलसाहसिएणं गामेणं अट्ट दासे दासप्पवरे एवं दासीओ एवं किंकरे एवं कंचुइअे एवं वरिसधरे एवं महत्तरए अट्ट सोवण्णिए ओलंबणदीवे अट्ट रूपामए ओलंबणदीवे अट्ट सुवण्णरूपामए ओलंबणदीवे अट्ट सोवण्णिए उक्कंबणदीवे एवं चेव तिण्णि वि अट्ट सोवण्णिए पंजरदीवे एवं चेव तिण्णि वि अट्ट सोवण्णिओ पत्तीओ अट्ट सोवण्णियाइं यासगाइं अट्ट सोवण्णियाइं भल्लगाइं अट्ट सोवण्णियाओतलियाओ अट्ट सोवण्णियाओ कविचियाओ अट्ट सोवण्णिए अवएडए अट्ट सोवण्णियाओ अवयक्कओ अट्ट सोवण्णिए पायपीठए अट्ट सोवण्णियाओ भिसियाओ अट्ट सोवण्णियाओ करोडियाओ अट्ट सोवण्णिए पल्लंके अट्ट सोवण्णियाओ पडिसेज्जाओ अट्ट हंसासणाइं अट्ट कोंचासणाइं एवं गरुलासणाइं उत्रयासणाइं पणयासणाइं दीहासणाइं भद्दासणाइं पक्खासणाइं भगरासणाइं अट्ट पउमासणाइं अट्ट दिसासोवत्थियासणाइं अट्ट तेल्लसमुग्गे अट्ट कोट्टसमुग्गे एवं पत्त-चोयग-तगर-एल-हरियाल-हिंगुलय-मणोसिल-अंजण-समुग्गे अट्ट सरिसव-समुग्गे अट्ट खुज्जाओ जहा ओववाइए जाव अट्ट पारिसीओ अट्ट छते अट्ट छत्तधारीओ चेडीओ अट्ट चामराओ अट्ट चामरधारीओ चेडीओ अट्ट तालियंटे अट्ट तालयंट-धारीओ चेडीओ अट्ट करोडियाओ अट्ट करोडियाधारीओ चेडीओ अट्ट खीरधाईओ अट्ट मज्जणधाईओ अट्ट मंडणधाईओ अट्ट खेळा वणधाईओ अट्ट अंकधाईओ अट्ट अंगमहियाओ अट्ट उम्माहियाओ अट्ट ण्हावियाओ अट्ट पसाहियाओ अट्ट वण्णगपेसीओ अट्ट चुण्णगपेसीओ अट्ट कीडागारीओ अट्ट दवकारीओ अट्ट उवत्थाणियाओ अट्ट नाडइज्जाओ अट्ट कोडुंबिणीओ अट्ट महाणसिणीओ अट्ट पंडागारिणीओ अट्ट अब्भाधारिणीओ अट्ट पुप्फधरणीओ अट्ट पाणिधरणीओ अट्ट बाहिरियाओ अट्ट सेज्जाकारीओ अट्ट अब्भितरियाओ पडिहारीओ अट्ट बाहिरियाओ पडिहारीओ अट्ट मालाकारीओ अट्ट पेसणकारीओ अण्णं वा सुबहुं हिरण्णं वा सुवण्णं वा कंसं वा दूंसं वा विउलधण-कणग-[रयण-मणि-मोत्तिय-संख-सिल-प्पबाल-रत्तरयण -] संतसारसावएज्जं अलाहि जाव आसतामाओ कुलवंसाओ पकामं दाउं पकामं मोत्तुं पकामं परिभाएउं तए णं से महब्बले कुमारे एगमेगाए भज्जाए एगमेगं हिरण्णकोडिं दलयइ एगमेगं सुवण्णकोडिं दलयइ एगमेगं मउडं मउडप्पवरं दलयइ एवं तं चेव सव्वं जाव एगमेगं पेसणकारिं दलयइ अण्णं वा सुबहुं हिरण्णं वा जाव परिभाएउं तए णं से महब्बले कुमारे उप्पिं पासायवरगए जहा जमाली जाव पंचविहं माणुस्सए कामभोगे पच्चणुब्भवमाणे विहरइ ॥४२९॥-४३०

(५२३) तेणं कालेणं तेणं समएणं विमलस्स अरहओ पओप्पए धम्मघोसे नामं अणगारे जाइसंपन्ने वण्णओ जहा केसिसामिस्स जाव पंचहिं अणगारसएहिं सद्धिं संपरिवुडे पुव्वाणुपुव्विं चरामे गामाणुगामं दइज्जमाणे जेणेव हत्थिणापुरे नगरे जेणेव सहसंबवणे उज्जाणे तेणेव उवागच्छइ उवागच्छित्ता अहापडिरूवं ओगगं ओगिणहइ ओगिण्हित्ता संजमेणं तवसा अप्पाणं भावेमाणे विहरइ तए णं हत्थिणापुरे नगरे सिंघाडग-तिय-चउक्क-चच्चर-चुम्भुह-महापह-पहेसु महया जणसदे इ वा जाव परिसा पज्जुवासइ तए णं तस्स महब्बलस्स कुमारस्स तं महयाजणसइं वा

जणवूहं वा जाव जणसत्रिवायं वा सुणमाणस्स वा पासमाणस्स वा एवं जहा जमाली तहेव चिंता तहेव कंचुइअ-पुरिसं सद्दावेति [सद्दावेत्ता एवं वयासी-किण्णं देवानुप्पिया अज्ज हत्थिणापुरे नगरे इंदमहे इ वा जाव निग्गच्छंति तए णं से कंचुइ-पुरिसे महब्बलेणं कुमारेणं एवं वुत्ते समाणे हट्ठुदे धम्मघोसस्स अणगारस्स आगमणगहियविणिच्छए करयलपरिग्गहियं दसनहं सिरसावत्तं मत्थए अंजलिं कट्ठु महब्बलं कुमारं जएणं विजएणं वद्धावेइ वद्धावेत्ता एवं वयासी-नो खलु देवानुप्पिया अज्ज हत्थिणापुरे नगरे इंदमहे इ वा जाव निग्गच्छंति एवं खलु देवानुप्पिया अज्ज विमलस्स अरहओ पओप्पए धम्मघोसे नामं अणगारे हत्थिणापुरस्स नगरस्स बहिया सहसंबवणे उज्जाणे अहापडिख्वं ओग्गहं ओगिण्हित्ता संजमेणं तवसा अप्पाणं भावेमाणे विहरइ तए णं एते बहवे उग्गा भोगा जाव निग्गच्छंति तए णं से महब्बले कुमारे] तहेव रहवरेणं निग्गच्छति धम्मकहा जहा केसिसामिस्स सो वि तहेव अम्मापियरं आपुच्छइ नवरं-धम्मघोसस्स अणगारस्स अंतियं मुंडे भवित्ता अगाराओ अणगारियं पव्वइतए तहेव वुत्तपिवुत्तिया नवरं-इमाओ य ते जाया विउलरायकुलबालियाओ कलाकुसलसव्वकाललालिय-सुहोचियाओ सेसं तं चैव जाव ताहे अकामाई वैय महब्बलकुमारं एवं वयासी-तं इच्छामो ते जाया एगदिवसमवि रज्जसिरिं पासित्तए

तए णं से महब्बले कुमारे अम्मापिउ-वयणमणुयत्तमाणे तुसिणीए संचिद्वइ तए णं से बले राया कोडुबियपुरिसे सद्दावेइ एवं जहा सिवभइस्स तहेव सयामिसेओ भाणियव्वो जाव अभिसिंचति करयलपरिग्गहियं दसनहं सिरसावत्तं मत्थए अंजलिं कट्ठु महब्बलं कुमारं जएणं विजएणं वद्धावेति वद्धावेत्ता एवं वयासी-भण जाया किं देमो किं पयच्छामो सेसं जहा जमालिस्स तहेव जाव-तए णं से महब्बले अणगारे धम्मघोसस्स अणगारस्स अंतियं सामाइयमाइयाइं वोहस पुव्वाइं अहिज्जइ अहिज्जित्ता बहूहिं चउत्थ-[छट्ठम-दसम-दुवालसेहिं मासद्ध-मासखमणेहिं] विचि-त्तेहिं तवोकम्मेहिं अप्पाणं भावेमाणे बहुपडिपुण्णाइं दुवालस वासाइं सामण्णपरियागं पाउणइ पाउणित्ता मासियाए संलेहणाए अत्ताणं झूसित्ता सट्ठिं भत्ताइं अणसणाए छेदेत्ता आलोइय-पडिक्कंते समाहिपत्ते कालमासे कालं किच्चा उड्ढं चंदिम-सूरिय-[गहगण-नक्खत्त-तारारूपाणं बहूइं जोयणाइं बहूइं जोयणसाइं बहूइं जोयणसहस्साइं बहूइं जोयणसयसहस्साइं बहूओ जोयण-कोडीओ बहूओ जोयणकोडाकोडीओ उड्ढं दूरं उप्पइत्ता सोहम्मीसाण-सणकुमार-माहिंदे कप्पे वीइवइत्ता] वंपलोए कप्पे देवत्ताए उववत्ते तत्थ णं अत्थेगतियाणं देवाणं दस सागरोवमाइं ठिती पन्नत्ता तत्थ णं महब्बलस्स वि देवस्स दस सागरोवमाइं ठिती पन्नत्ता से णं तुमं सुदंसणा वंपलोगे कप्पे दस सागरोवमाइं दिव्वाइं भोगभोगाइं भुंजमाणे विहरित्ता तओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता इहेव वाणियग्गामे नगरे सेट्ठिकुलंसि पुत्तत्ताए पच्चायाए 1830-431

(५२४) तए णं तुमे सुदंसणा उम्मुक्कबालभावेणं विण्णय-परिणयमेतेणं जोव्वणगमा-णुप्पत्तेणं तहारूपाणं थेराणं अंतियं केवलियन्न्ते यम्मे निसंते सेवि य धम्मे इच्छिए पडिच्छिए अभिरुइए तं सुद्धु णं तुमं सुदंसणा इदाणि पि करेसिं से तेणइणं सुदंसणा एवं वुच्चइ-अत्थि णं एतेसिं पत्तिओवमसागरोवमाणं खएति वा अवचएति वा तए णं तस्स सुदंसणास्स सेट्ठिस्स सभणस्स भगवओ महावीरस्स अंतियं एयमट्ठे सोच्चा निसम्म सुभेणं अज्झवसाणेणं सुभेणा परिणामेणं लेसाहिं विसुज्झमाणीहिं तयावरणिज्जाणं कम्माणं खओवसमेणं ईहापूह-मग्गण-गवेसणं

करेमाणस्स सण्णीपुब्बे जातीसरणे समुप्पे एयमइं सम्मं अभिसमेति तए णं से सुदंसणे सेट्ठी समणेणं भगवया महावीरेणं संभारियपुब्बभवे दुगुणाणीयसइदसंवेगे आणंदसपुण्णनयणे समणं भगवं महावीरं तिकखुत्तो आयाहिणपेयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-एवमेयं भंते जाव से जहेयं तुब्बे वदह ति कट्ठ उत्तरपुरत्थिं दिसीमाणं अवक्कमइ सेसं जहा उसभदत्तस्स जाव सच्चदुक्खपहीणे नवरं-चोदस पुब्बाइ अहिजइ बहुपडिपुण्णाइ दुवालस वासाइ सामण्णपरियाणं पाउणइं सेसं तं चेव सेवं भंते सेवं भंते ति ।४३१-४३२

● एककारसमे तते एककारसमो उहेत्तो समत्तो ●

—: बा र स मो—उ हे तो :—

(५२५) तेणं कालेणं तेणं समएणं आलभिया नामं नगरी होत्था-वण्णओ संखवणे चेइए-वण्णओ तत्थ णं आलभियाए नगरीए बहवे इसिभइपुत्तपामोक्खा समणोवासया परिवसंति-अइढा जाव बहुजणस्स अपरिभूया अभिगयजीवाजीवा जाव अहापरिगहिएहिं तवोक्कमेहिं अप्पाणं भावेमाणो विहरंति तए णं तेसिं समणोवासयाणं अण्णया कयाइ एगयओ समुवागयाणं सहियाणं सण्णिविट्ठाणं सण्णिसण्णाणं अयमेयाखवे मिहोक्कहासमुल्लवे समुप्पज्जित्ता-देवलोगेसु णं अज्जो देवाणं केवतियं कालं ठिती पत्रत्ता तए णं से इसिमइपुत्ते समणोवासए देविट्ठिती-गहियट्ठे ते समणोवासए एवं वयासी-देवलोएसु णं अज्जो देवाणं जहण्णेणं दसवाससहस्साइं ठिती पत्रत्ता तेणं परं समयाहिया दुसमयाहिया तिसमयाहिया जाव दसमयाहिया संखेज्जसमयाहिया असंखेज्ज-समयाहिया उक्कोसेणं तेतीसं सागरोवमाइं ठिती पत्रत्ता तेणं परं वोच्छिण्णा देवा य देवलोगा य तए णं समणोवासया इसिभइपुत्तस्स समणोवासगस्स एवमाइक्खमाणस्स जाव एवं परूवेमाणस्स एयमइं नो सदहंति नो पत्तियंति नो रोयंति एयमइं असदहमाणा अपत्तियमाणा अरोयमाणा जामेव दिसं पाउब्बूया तामेव दिसं पडिगया ।४३३-४३३

(५२६) तेणं कालेणं तेणं समएणं समणे भगवं महावीरे जाव समोसडे जाव परिस्सा पज्जुवासइ तए णं ते समणोवासया इमीसे कहाए लद्धट्ठा समाणा हट्ठुट्ठा [अण्णमण्णं सहावेति सहावेत्ता एवं वयासी-एवं खलु देवाणुप्पिया समणे भगवं महावीरे जाव आलभियाए नगरीए अहापडिखवं ओगहं ओगिण्हित्ता संजमेणं तवसा अप्पाणं भावेमाणे विहरइ तं महप्फलं खलु भो देवाणुप्पिया तहाखूवाणं अरहंताणं भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छण-पज्जुवासणाए एगस्स वि आरियस्स धम्मियस्स सुवणस्स सवणयाए किमंग पुण विउलस्स उट्ठस्स गहणयाए तं दगच्छामो णं देवाणुप्पिया समणं भगवं महावीरं वंदामो नमंसानो सक्कारेमो सम्माणेमो कल्लामं मंगलं देवयं चेइयं पज्जुवासामो एयं ने पेच्चभवे इहभवे य हियाए सुहाए खमाए निस्सेयसाए आणुगामियत्ताए भविस्सइ ति कट्ठ अण्णमण्णस्स अंतिए एयमइं पडिसुणेति पडिसुणेत्ता जेणेव सयाइ-सयाइं गिहाइं तेणेव उवागच्छंति उवागच्छित्ता ण्हाया कयबलिकम्मा कयकोउय-मंगल-पायच्छित्ता सुद्धप्पावेसाइं मंगल्लाइं यत्थाइं पवार परिहिया अप्पमहग्धाभरणालंकियसरीरा सएहिं-सएहिं गिहरेहिंतो पडिनिक्खमंति पडिनिक्खमिन्ता एग-यओ मेलायंति मेलायित्ता पायविहारचारेणं आलभियाए नगरीए मज्झमज्जेणं निग्गच्छंति निग्गच्छित्ता जेणेव संखवणे चेइए जेणेव समणे भगवं महावीरे तेणेव उवागच्छंति उवागच्छित्ता मणं भगवं महावीरं जाव तिविहाए पज्जुवासणाए पज्जुवासंति तए णं समणे भगवं महावीरे तेसिं

समणोवासगणं तीसे य महतिमहालियाए परिसाए धम्मं परिकहेइ जाव आणाए आराहए भवइ

तएणं ते समणोवासया समणस्स भगवओ महावीरस्स अंतियं धम्मं सोच्चा निसम्मं हट्टुड्डा उड्डाए उट्ठति उट्ठेता समणं भगवं महावीरं वंदंति नमंसंति वंदित्ता नमंसित्ता एवं वदासी-एवं खलु भंते इसिभद्दपुत्ते समणोवासए अहं एवमाइक्खइ जाव परूवेइ-देवलोएसु णं अज्जो देवाणं जहण्णेणं दस वाससहस्साइं ठिती पत्रत्ता तेण परं समयाहिया जाव तेणपरं वोच्छिण्णा देवा य देवलोगा य से कहमेयं भंते एवं अज्जोति समणे भगवं महावीरे ते समणोवासए एवं वयासी-जण्णं अज्जो इसिभद्दपुत्ते समणोवासए तुब्भं एवमाइक्खइ जाव परूवेइ-देवलोएसु णं देवाणं जहण्णेणं दस वाससहस्साइं ठिती पत्रत्ता तेण परं समयाहिया जाव तेण परं वोच्छिण्णा देवा य देवलोगा य-सच्चे णं एसमट्ठे अहं पि णं अज्जो एवमाइक्खामि जाव परूवेमि-देवलोएसु णं अज्जो देवाणं जहणेणं दस वाससहस्साइं [ठिती पत्रत्ता तेण परं समयाहिया दुसमयाहिया तिसमयाहिया जाव दसस-मियाहिया संखेज्जसमयाहिया असंखेज्जसमयाहिया उक्ककोसेणं तेत्तीसं सागरोवमाइं ठिती पत्रत्ता तेण परं वोच्छिण्णा देवा य देवलोगा य-सच्चे णं एसमट्ठे तए णं ते समणोवासगा समणस्स भगवओ महावीरस्स अंतियं एयमट्ठं सोच्चा निसम्मं समणं भगवं महावीरं वंदंति नमंसंति वंदित्ता नमंसित्ता जेणेव इसिभद्दपुत्ते समणोवासए तेणेव उवागच्छंति उवागच्छित्ता इसिभद्दपुत्तं समोवासगं वंदंति नमंसंति वंदित्ता नमंसित्ता एयमट्ठं सम्मंविणएणं भुज्जो-भुज्जो खामेति ते णं ते समणोवासया पसिणाइं पुच्छंति पुच्छित्ता अड्डाइं परियादियंति परियादियित्ता समणं भगवं महावीरं वंदंति नमंसंति वंदित्ता नमंसित्ता जामेव दिसं पाउब्भूया तामेव दिसं पडिगया ।४३३।-४३४

(५२७) भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-पभू णं भंते इसिभद्दपुत्ते समणोवासए देवानुप्पियाणं अंतियं मुंडे भवित्ता अगाराओ अणगारियं पब्बइत्तए नो इणट्ठे समट्ठे गोयमा इसिभद्दपुत्ते समणोवासए बहूहिं सीलव्वय-गुण-वेरमण-पच्चक्खाणं-पोसहोवयासेहिं अहापरिग्गहिंएहिं तवोकम्मेहिं अप्पाणं भावेमाणे बहूइं वासाइं समणोवासगपरियागं पाउणिहिंति पाउणिता मासियाए संलेहणाए अत्ताणं झूसेहिंति झूसेत्ता सट्ठिं भत्ताइं अणसणाए छेदेहिंति छेदेत्ता आलोइय-पडिक्कंते समाहिपते कालमासे कालं किच्चा सो-हम्मे कप्पे अरुणाणे विमाणे देवत्ताए उवज्जिहिंति तत्थ णं अत्येगतियाणं देवाणं चत्तारि पल्लि-ओवमाइं ठिती पत्रत्ता तत्थ णं इसिभद्दपुत्तस्स वि देवस्स चत्तारि पल्लिओवमाइं ठिती भविस्सति से णं भंते इसिभद्दपुत्ते देवे ताओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता कहिं गच्छिहिंति कहिं उववज्जिहिंति गोयमा महाविदेहे वासे सिज्जिहिंति जाव अंतं काहिंति सेवं भंते सेवं भंते ति भगवं गोयमे जाव अप्पाणइं भावेमाणे विरहइ ।४३४।-४३५

(५२८) तए णं समणे भगवं महावीरे अणया कयाइ आलभियाओ नगरीओ संखवणओ चेइयाओ पडिनिक्खमइ पडिनिक्खमित्ता बहिया जणवयविहारं विहरइ तेणं कालेणं तेणं समएणं आलभिया नामं नगरी होत्था-वण्णओ तत्थ णं संखवणे नामं चेइए होत्था-वण्णओ तस्स णं संखवणस्स चेइयस्स अदूरसामंते पोग्गलेनामं परिव्यायए-रिउव्वेद-जजुव्वेद जाव बंमण्णएसु परिव्यायएसु य नएसु सुपरिनिड्डिए छट्ठंछट्ठेणं अनिक्खित्तेणं तवोकम्मेणं उड्डं बाहाओ [पगि-ज्झिय-पगिज्झिय सूरभिमुहे आयावणभूमीए] आयावेमाणे विहरइ तए णं तस्स पोग्गलस्स परिव्यायगस्स छट्ठंछट्ठेणं अणिक्खित्तेणं तवोकम्मेणं उड्डं बाहाओ पगिज्झिय-पगिज्झिय

सुराभिमुहे आयावणभूमीए आयावेमाणस्स पगइमहयाए जहा सिवस्स विब्बंगे नामं नाणे समुप्पत्रे से णं तेणं विब्बंगेणं नाणेणं समुप्पत्रे बंभलोए कप्पे देवाणं ठित्तिं जाणइ-पासइ तए णं तस्स पोग्गलस्स परिव्वायस्स अयमेयारूवे अज्झत्थिए [चित्तिए पत्थिए मणोगए संकप्पे] समुप्पत्थित्था-अत्थि णं ममं अतिसेसे नाणदंसणे समुप्पत्रे देवलोएसु णं देवाणं जहण्णेणं दस वाससहस्साइं ठिती पन्नता तेणं परं समयाहिया दुसमयाहिया जाव असंखेज्जसमयाहिया उक्कोसेणं दससागरोवमाइं ठिती पन्नता तेणं परं वोच्छिण्णा देवा य देवलोगा य--एवं संपेहेइ संपेहेत्ता आयावणभूमीओ पच्चोरुइ पच्चोरुहिता तिदंडं च कुंडियं च जाव थाउरत्ताओ य गेण्ह गेण्हित्ता जेणेव आलभिया नगरी जेणेव परिव्वायगावसहे तेणेव उवागच्छइ उवागच्छित्ता भंडनिक्खेवं करेइ करेत्ता आल-भियाए नगरीए सिंघाडग-तिग-चउक्क-चच्चर-चउम्मुह-महापह-पहेसु अण्णमण्णस्स एवमा-इक्खइ जाव परूवेइ-अत्थि णं देवाणुप्पिया ममं अतिसेसे नाणदंसणे समुप्पत्रे देवलोएसु णं देवाणं जहण्णेणं दसवाससहस्साइं तहेव जाव वोच्छिण्णा देवा य देवलोगा य

तए णं [पोग्गलस्स परिव्वायगस्स अंतियं एयमट्ठं सोच्चा निसम्मं आलभियाए नगरीए सिंघाडग-तिग-चउक्क-चच्चर-चउम्मुह-महापह-पहेसुबहुजणो अण्णमण्णस्स एवमाइक्खइ जाव परूवेइ-एवं खलु देवाणुप्पिया पोग्गले परिव्वायए एवमाइक्खइ जाव परूवेइ-अत्थिणं देवाणुप्पिया ममं अतिसेसे नाणदंसणे समुप्पत्रे एवं खलु देवलोएसु णं देवाणं जहण्णेणं दसवाससहस्साइं ठिती पन्नता तेणं परं समयाहिया दुसमयाहिया जाव असंखेज्जसमयाहिया उक्कोसेणं दससागरोवमाइं ठिती पन्नता तेणं परं वोच्छिण्णा देवा य देवलोगा य] से कहमेयं मत्ते एवं सामी समो सट्ठे [परिसा निग्गया धम्मो कहिओ] परिसा पडिगया भगवं गोयमे तहेव भिक्खायरियाए तहाव बहुजणसहं निसामेइ निसामेत्ता तहेव सव्वं भाणियव्व जातं अहं पुण गोयमा एवमाइक्खामि एवं भासामि जाव परूवेमि-देवलोएसु णं देवाणं जहन्नेणं दस वाससहस्साइं ठिती पन्नता तेणं परं समयाहिया दुसमयाहिया जाव असंखेज्जसमयाहिया उक्कोसेणं तेत्तीसं सागरोवमाइं ठिती पन्नता तेणं परं वोच्छिण्णा देवा य देवलोगा य अत्थि णं मत्ते सोहम्मे कप्पे दब्बाइ-सवण्णाइं पि अवण्णाइं पि [सगंधाइं पि अगंधाइं पि सरसाइं पि अस्साइं पि सफासाइं पि अफासाइं पि अण्णमण्णबद्धाइं अण्णमण्णपुट्ठाइं अण्णमण्णबद्धपुट्ठाइं अण्णमण्णघडत्ताए चिट्ठित्ति] हंता अत्थि एवं ईसाणे वि एवं जाव अच्चुए एवं गेवेज्जविमाणेसु अणुत्तरविमाणेसु थि ईसिपब्भाराए वि जाव हंता अत्थि

तए णं सा महतिमहालिया परिसा जाव जामेव दिसिं पाउब्भूया तामेव दिसं पडिगया तए णं आलभियाए नगरीए सिंघाडग-तिग-चउक्क-चच्चर-चउम्मुह-महापह-पहेसु बहुजणो अण्ण-मण्णस्स एवमाइक्खइ जाव परूवेइ जण्णं देवाणुप्पिया पोग्गलेपरिव्वायइ एवमाइक्खइ जाव परूवेइ-अत्थि णं देवाणुप्पिया ममं अतिसेसे नाणदंसणे समुप्पत्रे एवं खलु देवलोएसु णं देवाणं जहण्णेणं दस वाससहस्साइं ठिती पन्नता तेणं परं समयाहिया दुसमयाहिया जाव असंखेज्जसम-याहिया उक्कोसेणं दससागरोवमाइं ठिती पन्नता तेणं परं वोच्छिण्णा देवा य देवलोगा य तं नो इण्ठे समट्ठे समणे भगवं महावीरे एवमाइक्खइ जाव देवलोएसु णं देवाणं जहण्णेणं दस वाससहस्साइं ठिती पन्नता तेणं परं समयाहिया दुसमयाहिया जाव असंखेज्जसमयाहिया उक्को-सेणं तेत्तीसं सागरोवमाइं ठिती पन्नता तेणं परं वोच्छिण्णा देवा य देवलोगा य तए णं से पोग्गले परिव्वायए बहुजणस्स अंतियं एयमट्ठं सोच्चा निसम्मं संकिए कंखिए वित्तिगिच्छिए भेदसमावत्ते

कलुससमावत्रे जए यावि होत्था तए णं तस्स पोग्गलस्स परिव्वायगस्स संकियस्स कंखियस्स वित्तिगिच्छयस्स भेदसमावत्रस्स कलुससमावत्रस्स से विभंगे नाणे खिप्पामेव पडिवडिए

तए णं तस्स पोग्गलस्स परिव्वायगस्स अयमेयास्सुवे अज्झत्थिए चित्तिए पत्थिए मणोगए संक्रुपे समुप्पज्झित्था-एवं खलु समणे भगवं महावीरे आदिगरे तित्थगरे जाव सच्चवणू सच्चदरिसी आगासगएणं चक्केणं जाव संखवणे चेइए अहापडिस्सुवं ओग्गहं ओगिण्हित्ता संजमेणं तवसा अप्पाणं भावेमाणे विहरइ तं महप्फलं खलु तहारूपाणं अरहंताणं भगवंताणं नामगोयस्स वि सवणयाए किमंग पुण अभिगमण-वंदण-नमंसण-पडिपुच्छण-पज्जुवासणयाए एगस्स वि आरि-यस्स धम्मियस्स सुवयणस्स सवणयाए किमंग पुण विउलस्स अट्ठस्स गहणयाए तं गच्छामि णं समणं भगवं महावीरं वंदामि जाव पज्जुवासांमि एयं ने इहमवे य परमवे य हियाए सुहाए खमाए निस्सेयसाए आणुगामियत्ताए भविस्सइ ति कट्ठु एवं संपेहेइ संपेहेत्ता जेणेव परिव्वायगावसहे तेणेव उवागच्छइ उवागच्छित्ता परिव्वायगावसहं अणुप्पविसइ अनुप्पविसित्ता तिदंडं च कुंडियं च जाव धाउरत्ताओ य गेण्हं गेण्हित्ता परिव्वाय- गावसहाओ पडिनिक्खमइ पडिनिक्खमित्ता पडिवडियवित्थमंगे आलमियं नगरिं मज्झमज्जेणं निग्गच्छइ निग्गच्छित्ता जेणेव संखवणे चेइए जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिकखुत्तो वंदइ नमंसइ वंदित्ता नमंसित्ता नच्चासत्रे नातिदूरे सुस्सूसमाणे नमंसमाणे अभिमुहे विणएणं पंजलिकडे पज्जुवासइ

तए णं समणे भगवं महावीरे पोग्गलस्स परिव्वायगस्स तीसे य महत्तिमहा लियाए परिप्पाए धम्मं परिकहेइ जाव आणाए आराहए भवइ तए णं से पोग्गले परिव्वायए समणस्स भगवओ महावीरस्स अंतियं धम्मं सोच्चा निसम्म जहा खंदओ जाव उत्तरपुरत्थिमं दितीभागं अवक्कमइ अवक्कमित्ता तिदंडं च कुंडियं च जाव धाउरत्ताओ य एगंते एडेइ एडेत्ता सयमेव पंचमुद्धियं लोयं करेइ करेत्ता समणं भगवं महावीरं तिकखुत्तो आयाहिण-पयाहिणं करेइ कोत्ता वंदइ नमंसइ वंदित्ता नमंसित्ता एवं जहेव उसमदत्तो तहेव पव्वइओ तहेव एक्कारस्स अंगाइ अहिज्जइ तहेव सव्वं जाव सव्वदुक्खप्पहीणे भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-जीवा णं भंते सिज्झमाणस्स कयरम्मि संघयणे सिज्झंति गोयमावइरोसभनाराय-संघयणे सिज्झंति एवं जहेव ओयवाइए तहेव संघयणं संठाणं उच्चतं आउयं च परिवसणा एवं सिद्धिगंडिया निरवसेसा भाणियच्चा जाव-अव्वावाहं सोक्खं अणुभवंति सासयं सिद्धा सेवं भंते सेवं भंते ति ।४३५।-४३६

● एककारसमे सते बारसमो उद्देशो सप्तो ● एककारसमं सतं सप्तं ●

बारसमं-सतं

—: प ठ मो-उ हे तो :-

(५२९) संखे जयंति पुढवि पोग्गल अइवाय राहु लोगे य

नागे य देव आया बारसमसए व सुदेसा

॥७२॥-१

(५३०) तेणं कालेणं तेणं समएणं सावत्थी नामं नगरी होत्था-वण्णओ कोट्टए चेइए-वण्णओ तत्थ णं सावत्थीए नगरीए बहवे संखप्पामोक्खा समणोवासया परिवसंति-अइदा जाव बहुजणस्स अपरिभूया अभिगयजीवाजीवा जाव अहापरिग्गहिं तवोक्कमेहिं अप्पाणं

भावेमाणा विहरंति तस्स णं संखस्स समणोवासगस्स उप्पला नामं भारिया होत्था-सुकुमाल-
पाणिपाया जाव सुरूवा समणोवासिया अभिगयजीवाजीवा जाव अहापरिग्गहिएहिं तवोकम्भेहिं
अप्पाणं भावेमाणी विहरइ तत्थ णं सावत्थीए नगरीए पोक्खली नामं समणो-वासए परिवसइ-
अड्ढे अभिगयजीवाजीवे जाव अहापरिग्गहिएहिं तवोकम्भेहिं अप्पाणं भावेमाणे विहरइ तेणं
कालेणं तेणं समएणं सामी समोसडे परिसा जाव पज्जुवासइ तए णं ते समणोवासगा इमीसे कहाए
लद्धुद्धा समाणा जहा आलभियाए जाव पज्जुवासंति तए णं समणे भगवं महावीरे तेसिं समणो-
वासगाणं तीसे य महत्तिमहालियाए परिसाए धम्मं परिकहेइ जाव परिसा पडिगया तए णं ते
समणोवासगा समणस्स भगवओ महावीरस्स अंतियं धम्मं सोच्चा निसम्मं हट्ठुद्धा समणं भगवं
महावीरं वंदंति नमंसंति वंदित्ता नमंसित्ता पसिणाइ पुच्छंति पुच्छित्ता अट्ठाइं परियादियंति
परियादियित्ता उट्ठाए उट्ठेति उट्ठेत्ता समणस्स भगवओ महावीरस्स अंतियाओ कोट्टयाओ वेइयाओ
पडिनिक्खमंति पडिनिक्खमिता जेणेव सावत्थी नगरी तेणेव पहरेत्य गमणाए ।४३६। -४३७

(५३१) तए णं से संखे समणोवासए ते समणोवासए एवं वयासी-तुब्बे णं देवाणुप्पिया
विपुल असणं पाणं खाइमं साइमं उवक्खडावेह तए णं अन्हे तं विपुलं असणं पाणं खाइमं साइमं
अस्साएमाणा विस्साएमाणा परिभाएमाणा परिभुंजेमाणा पक्खियं पोसहं पडिजागरमाणा विहरि-
स्सामो तए णं ते समणोवासगा संखस्स समणोवासगस्स एयमट्ठं विणएणं पडिसुणेति ते णं तस्स
संखस्स समणोवासगस्स अयमेयारुवे अज्झत्थिए [विंतिए पत्थिए मणोगए संकपे समुप्पज्झित्था-
नो खलु मे सेयं तं विपुलं असणं पाणं खाइमं साइमं अस्साएमाणस्स विस्साएमाणस्स परिभाए-
माणस्स परिभुंजेमाणस्स पक्खियं पोसहं पडिजागरमाणस्स विहरित्तए सेयं खलु मे पोसहसालाए
पोसहियस्स बंधचारिस्स ओपुक्कमणि-सुवण्णस्स ववगयमाला-वण्णग-विलेवणस्स निक्खित्त-
सत्थ-मुसलस्स एगस्स अबिइयस्स दब्बसंधारोवगयस्स पक्खियं पोसहं पडिजागरमाणस्स
विहरित्तए ति कट्ठु एवं संपेहेइं संपेहेत्ता जेणेव सावत्थी नगरी जेणेव सए गिहे जेणेव उप्पाला
समणोवासिया तेणेव उवागच्छइ उवागच्छित्ता उप्पलं समणोवासियं आपुच्छइ आपुच्छित्ता जेणेव
पोसहसाला तेणेव उवागच्छइ उवागच्छित्ता पोसहसालं अणुपविस्सइ अणुपविस्सित्ता पोसहसालं
पमज्जइ पमज्जित्ता उच्चारपासवणभूमि पडिलेहेइ पडिलेहेत्ता दब्बसंधारगं संथरइ संथरित्ता दब्ब-
संधारगं दुरुहइ दुरिहिता पोसहसालाए पोसहिए बंधचारी जाव पक्खियं पोसहं पडिजागरमाणे
विहरइ तए णं ते समणोवासगा जेणेव सावत्थी नगरी जेणेव साइं-साइं गिहाइं तेणेव उवागच्छंति
उवागच्छित्ता विपुलं असणं पाणं खाइमं साइमं उवक्खडावेति उवक्खडावेत्ता अण्णमण्णं सद्दावेति
सद्दावेत्ता एवं वयासी-एवं खलु देवाणुप्पिया अन्हेहिं से विउले असण-पाण-खाइम-साइमे
उवक्खडाविए संखे य णं समणोवासए नो हव्वमागच्छइ तं सेयं खलु देवाणुप्पिया अन्हं संखं
समणोवासगं सद्दावेत्तए

तए णं से पोक्खली समणोवासए ते समणोवासए एवं वयासी-अच्छ णं तुब्बे देवाणु-
प्पिया सुनिव्वय-वीसत्था अहण्णं संखं समणोवासगं सद्दावेमि ति कट्ठु तेसिं समणोवासगाणं
अंतियाओ पडिनिक्खमइ पडिनिक्खमिता सावत्थीए नगरीए मज्झमज्जेणं जेणेव संखस्स
समणोवासगस्स गिहे तेणेव उवागच्छइ उवागच्छित्ता संखस्स समणोवासगस्स गिहं अणुपविट्ठे तए
णं सा उप्पला समणोवासिया पोक्खलिं सणोवासयं एज्जमाणं पासइ पासित्ता हट्ठुद्धा आसणओ

अब्भुद्धेइ अब्भुद्धेत्ता सत्तइ पयाइं अनुगच्छइ अनुगच्छित्ता पोक्खलिं समणोवासं वंदति नमंसति वंदिता नमंसिता आसणेणं उवनिमंतेइ उवनिमंतेत्ता एवं वयासी-संदिसतु णं देवाणुप्पिया किमागमणप्पयोयणं तए णं से पोक्खली समणोवासए उप्पलं समणोवासियं एवं वयासी-कहिण्णं देवाणुप्पिया संखे समणोवासए पोसहसालाए पोसहिए बंभचारी [ओमुक्कमणि-सुवण्णे ववगय-माला-वण्णग-विलेवणे निक्खत्तसत्थ-मुसले एगे अबिइए दब्भसंथारोवगए पक्खियं पोसहं पडि-जागरमाणे] विहरइ तए णं से पोक्खली समणोवासए जेणेव पोसहसाला जेणेव संखे समणोवासए तेणेव उवागच्छइ उवागच्छित्ता गमणागमणाए पडिक्कमइ पडिक्कमित्ता संखं समणोवासणं वंदइ नमंसइ वंदिता नमंसिता एवं वयासी-एवं खलु देवाणुप्पिया अनेहिं से विउलं असणं पाणं खाइमं साइमं अस्सा-एमाणा [विस्साएमाणा परिभाएमाणा परिभुंजेमाणा पक्खियं पोसहं] पडिजागरमाणा विहरामो

तए णं से संखे समणोवासए पोक्खलिं समणोवासं एवं वयासी-नो खलु कप्पइ देवाणु-प्पिया तं विउलं असणं पाणं खाइमं साइमं अस्साएमाणास्स जाव पडिजागरमाणस्स विहरित्तए कप्पइ मे पोसहसालाए पोसहियस्स [बंभचारिस्स ओमुक्कमणि-सुवण्णास्स ववगयमाला-वण्णग-विलेवणस्स निक्खत्तसत्थ-मुसलस्स एगस्स अबिइयस्स दब्भसंथारोवगस्स पक्खियं पोसहं पडि-जागरमाणस्स] विहरित्तए तं छंदेणं देवाणुप्पिया तुब्भे तं विउलं असणं पाणं खाइमं साइमं अस्साएमाणा [विस्साएमाणा परिभाएमाणा परिभुंजेमाणा पक्खियं पोसहं पडिजागरमाणा] विहरह तए णं से पोक्खली समणोवासए संखस्स समणोवासगस्स अंतियाओ पोसहसालाओ पडि-निक्खमइ पडिनिक्खमित्ता सावत्थिं नगरिं मज्झमज्जेणं जेणेव ते समणोवासगा तेणेव उवागच्छइ उवागच्छित्ता ते समणोवासए एवं वयासी-एवं खलु देवाणुप्पिया संखे समणोवासए पोसहसालाए पोसहिए जाव विहरइ तं छंदेणं देवाणुप्पिया तुब्भे विउलं असणं जाव विहरह संखे णं समणोवासए नो हव्वामाणच्छइ तए णं ते समणोवासगा तं विउलं असणं पाणं खाइमं साइमं अस्साएमाणा जाव विहरति

तए णं तस्स संखस्स समणोवासगस्स पुव्वरत्तावरत्तकालसमयंसि धम्मजागरियं जागर-माणस्स अयमेयारूवे [अज्झत्थिए धितिए मणोगए संकप्पे] समुप्पज्जित्या-सेयं खलु मे कल्लं पाउप्प-भायाए रयणीए जाव उद्धियमि सूरै सहस्सरस्सिम्हि दिणयरे तेयसा जलंते समणं भगवं महावीरं वंदिता नमंसिता जाव पज्जुवासित्ता तओ पडिनियत्तस्स पक्खियं पोसहं पारित्तए त्ति कट्टु एवं संपे-हेइ संपेहेत्ता कल्लं पाउप्पभायाए रयणीए जाव उद्धियमि सूरै सहस्सरस्सिम्हि दिणयरे तेयसा जलंते पोसहसालाओ पडिनिक्खमइ पडिनिक्खमित्ता सुद्धप्पावेसाइं मंगल्लाइं बत्थाइं पवर परिहिए साओ गिहाओ पडिनिक्खमइ पडिनिक्खमित्ता पायविहारचारेणं सावत्थिं नगरिं मज्झमज्जेणं [निग्गच्छइ निग्गच्छित्ता जेणेव कोट्टए चेइए जेणेव समणे भगवं महावीरं तेणेव उवागच्छइ उवागच्छित्ता तिक्खुतो आयाहिण-पयाहिण करेइ करेत्ता वंदइ नमंसइ वंदिता नमंसिता तिविहाए पज्जुवा-सणाए] पज्जुवासति तए णं ते समणोवासगा कल्लं पाउप्पभायाए रयणीए जाव उद्धियमि सूरै सहस्सरस्सिम्हि दिणयरे तेयसा जलंते ण्हाया कयबलिकम्मा जाव अप्पमहग्धाभरणात्तंकियसरीरा सएहिं-सएहिं गिहेहिंतो पडिनिक्खमंति पडिनिक्खमित्ता एगयओ मेलायंति मेलायित्ता पायविहार-चारेणं सेसं जहा पढमंजाव पज्जुवासणाए पज्जुवासंति तए णं समणे भगवं महावीरं तेसिं समणो-

वासगाणं तीसे य महतिमहालियाए परिसाए धम्मं परिकेइ जाव आणाए आराहए भवइ

तए णं ते समणोवासगा समणस्स भगवओ महावीरस्स अंतियं धम्मं सोच्चा निसम्मं हट्ठुद्धा उट्ठाए उट्ठेति उट्ठेत्ता समणं भगवं महावीरं वंदंति नमंसंति वंदित्ता नमंसित्ता जेणेव संखे समणोवासए तेणेव उवागच्छंति उवागच्छित्ता संखं समणोवासयं एवं वयासी-तुमं णं देवाणुप्पिया हिज्जे अन्हे अप्पणा चेव एवं वयासी-तुम्हे णं देवाणुप्पिया विउलं असणं पाणं छाइमं साइमं उदक्खडवेह तए णं अन्हे तं विपुलं असणं पाणं छाइमं साइमं अस्साएमाणा विस्साएमाणा परिमाएमाणा परिमुंजेमाणा पक्खियं पोसहं पडिजागरमाणा विहरिस्सामो तए णं तुमं पोसहसालाए [पोसहिए बंभचारी ओमुक्कमणि सुवण्णे ववगयमाला-वण्णग-विलेवणे निक्खत्तासत्थ-मुसले एगे अविइए दब्भसंथारोवगए पक्खियं पोसहं पडिजागरमाणे] विहरिए तं सुद्धं णं तुमं देवाणुप्पिया अन्हे हीलसि अज्जेति समणे भगवं महावीरे ते समणोवासए एवं वयासी-मा णं अज्जे तुम्हे संखं समणोवासणं हीलह निंदह खिसह गरहह अवमण्णह संखे णं समणोवासए पियधम्मं चेव दढधम्मं चेव सुदक्खुजागरियं जागरिए १४३७१-४३८

(५३२) भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-कतिविहा णं भंते जागरिया पत्रत्ता गोयमा तिविहा जागरिया पत्रत्ता तं जहा-बुद्धजागरिया अबुद्धजागरिया सुदक्खुजागरिया के केणट्ठेमं भंते एवं वुच्चइ-तिविहा जागरिया पत्रत्ता तं जहा-बुद्धजागरिया अबुद्धजागरिया सुदक्खुजागरिया गोयमा जे इमे अरहंता भगवंतो उप्पन्न-नाणदंसणधरा [अरहा जिणे केवली तीयपद्युप्पन्नमणागयवियाणए] सब्बणू सब्बदरिसी एए णं बुद्धा बुद्धजागरियं जागरंति जे इमे अणगारा भगवंतो इरियासमिया भासासमिया [एसणासमिया आयाणभंडमत्तनिक्खेवणासमिया उच्चार-पासवण-खेल-सिधाण-जल्ल-परिद्धावणियासमिया मण-समिया वइसमिया कायसमिया मणगुत्ता वइगुत्ता कायगुत्ता गुत्ता गुत्तिदिया] गुत्तबंभचारी-एए णं अबुद्धा अबुद्धजागरियं जागरंति जे इमे समणोवासगा अभिगयजीवाजीवा जाव अहा-परिग्गहिएहिं तवोकम्मेहिं अप्पाणं भावेमाणा विहरंति-एए णं सुदक्खुजागरियं जागरंति से तेणट्ठेणं गोयमा एवं वुच्चइ-तिविहा जागरिया पत्रत्ता तं जहा बुद्धजागरिया अबुद्धजागरिया सुदक्खुजागरिया १४३८१-४३९

(५३३) तए णं से संखे समणोवासए समणं भगवं महावीरं वंदइ नमंसइ वंदित्ता नमंसित्ता एवं वयासी-कोहवसट्ठे णं भंते जीवे किं बंधइ किं पकरेइ किं चिणाइ किं उवचिणाइ संखा कोहवसट्ठे णं जीवे आउयवज्जओ सत्त कम्मपगडीओ सिढिलबंधणवद्धाओ [धणियबंधणवद्धाओ पकरेइ हस्सकालठिइयाओ दीहकालठिइयाओ पकरेइ मंदाणुभावाओ तिव्वाणुभावाओ पकरेइ अप्पएसगाओ बहुप्पएसगाओ पकरेइ आउयं च णं कम्मं सियं बंधइ सियं नो बंधइ अस्सायावेयणज्जं च णं कम्मं भुज्जे-भुज्जे उवचिणाइ अणाइयं च णं अणव दगं दीहमद्धं चाउरंतं संसारकंतारं] अणुपरियट्ठइ माणवसट्ठे णं भंते जीवे [किं बंधइ किं पकरेइ किं चिणाइ किं उवचिणाइ एवं चेव जाव अणुपरियट्ठइ मायवसट्ठे णं भंते जीवे किं बंधइ किं पकरेइ किं चिणाइ किं उवचिणाइ एवं चेव जाव अणुपरियट्ठइ लोभवसट्ठे णं भंते जीवे किं बंधइ किं पकरेइ किं चिणाइ किं उवचिणाइ एवं चेव जाव] अणुपरियट्ठइ तए णं ते समणोवासगा समणस्स भगवओ महावीरस्स अंतियं एयमहुं सोच्चा निसम्मं भीया तत्था तसिया संसारभउच्चिग्गा समणं भगवं महावीरं वंदइ नमंसइ वंदित्ता

नमंसिता जेणेव संखे समणोवासए तेणेव उवागच्छंति उवागच्छिता संखं समणोवासगं वंदंति नमंसंति वंदिता नमंसिता एयमडुं सम्मं विणएणं भुज्जो-भुज्जो खामेति तए णं ते समणोवासगा [पसिणाइं पुच्छंति पुच्छिता अड्डाइं परियादियति परियादियिता समणं भगवं महावीरं वंदंति नमंसंति वंदिता नमंसिता जामेव दिसं पाउळ्भूया तामेव दिसं] पडिगया

भंतेति भगवं गोयमे समणं भगवं महावीरं वंदइ नमंसइ वंदिता नमंसिता एवं वयासी-पभू णं भंते संखे समणोवासए देवाणुप्पियाणं अंतियं [मुंडे पवित्ता अगाराओ अणगारियं पव्वइत्तए नो इण्ठे समट्ठे गोयमा संखे समणोवासए बहूहिं सीलच्चय-गुण-वेरमण-पच्चक्खाण-पोसहोवदासेहिं अहापरिग्गहिं तवोकम्मेहिं अप्पाणं भावेमाणे बहूइं वासाइं समणोवासगपरियागं पाउणिहिति पाउणिता मासियाए संलेहणाए अत्ताणं झूसिहिति झूसेत्ता सट्ठिं भत्ताइं अणसणाए छेदेहिति छेदेत्ता आलोइय-पडिक्कंते समाहिपत्ते कालमासे कालं किच्चा सोहम्मे कप्पे अरुणाणे विमाणे देवत्ताए उववज्जिहिति तत्थ णं अत्येगितियाणं देवाणं चत्तारि पलिओवमाइं ठिती पत्तत्ता तत्थ णं संखस्स वि देवस्स चत्तारि पलिओवमाइं ठिती पविस्सति से णं भंते संखे देवे ताओ देवलोगाओ आउक्खएणं भवक्खएणं ठिइक्खएणं अनंतरं चयं वइत्ता कहिं गच्छिहिति कहिं उववज्जिहिति गोयमा महाविदेहे वासे सिज्जिहिति बुज्जिहिति मुच्चिहिति परिणिव्वाहिति सब्बदुक्खाणं] अंतं काहिति सेवं भंते सेवं भंते ति जाव विहरइ । ४३९।-४४०

● बारसमे सत्ते पढणे उद्देशो समतो ●

—: बी ओ—उ दे सौ :—

(५३४) तेणं कालेणं तेणं समएणं कोसंबी नामं नगरी होत्था-वण्णओ चंदोतरणे चेइए-वण्णओ तत्थ णं कोसंबीए नगरीए सहस्साणीयस्स रण्णो पोत्ते सयाणीयस्स रण्णो पुत्ते चेडगस्स रण्णो नत्तुए मिगावतीए देवीए अत्तए जयंतीए समणोवासियाए भत्तिज्जए उदयणे नामं राया होत्था-वण्णओ तत्थ णं कोसंबीए नगरीए सहस्साणीयस्स रण्णो सुण्हा सयाणीयस्स रण्णो भज्जा चेडगस्स रण्णो धूया उदयणस्स रण्णो भाया जयंतीए समणोवासियाए माउज्जा मिगावती नामं देवी होत्था-सुकुमालपाणिपाया जाव सुरुवा समणोवासिया अभिगयजीवाजीवा जाव अहापरिग्गहि-एहिं तवोकम्मेहिं अप्पाणं भावेमाणी विहरइ तत्थ णं कोसंबीए नगरीए सहस्सानीयस्स रण्णो धूया सयाणीयस्स रण्णो भगिणी उदयणस्स रण्णो पिउच्छा मिगावतीए देवीए नणंदा वेसालियसावयाणं अरहंताणं पुव्वसेज्जातरी जयंती नामं समणोवासिया होत्था-सुकुमालपाणिपाया जाव सुरुवा अभिगयजीवाजीवा जाव अहापरिग्गहिएहिं तवोकम्मेहिं अप्पाणं भावेमाणी विहरइ । ४४०।-४४१

(५३५) तेणं कालेणं तेणं समएणं सामी सभोसाढे जाव परिसा पज्जुवासाइ तए णं से उदयणे राया इमीसे कहाए लद्धट्ठे समाणे हट्ठुट्ठे कोडुंबियपुरिसे सदावेइ सदावेत्ता एवं वयासी-खिप्पामेव भो देवाणुप्पिया कोसंबि नगरिं सम्भितर-बाहिरियं आसित्त-सम्पज्जिओवलितं करेत्ता य कारवेत्ता य एयमाणत्तियं पच्चप्पिणह एवं जहा कूणिओ तहेव सव्वं जाव पज्जुवासाइ तए णं सा जयंती समणोवासिया इमीसे कहाए लद्धट्ठा समाणी हट्ठुट्ठा जेणेव मिगावती देवी तेणेव उवागच्छइ उवागच्छिता मिगावति देवि एवं वयासी- [एवं खलु देवाणुप्पिए समणे भगवं महावीरे आदिगारे जाव सब्बणू सब्बदरिसी आगासगएणं चक्केणं जाव सुहंसुहेणं विहरमाणे चंदोतरणे चेइए अहापडिरूवं ओग्गहं ओगिण्हित्ता संजमेणं तवसा अप्पाणं भावेमाणे विहरइ तं महप्फलं खलु

देवाणुपिण्णै तहासूवाणं अरहंताणं भगवंताणं नामगोयस्स वि सवणयाए जाव एयं णे इहभवे य परभवे य हियाए सुहाए खमाए निस्सेसाए आणुगामियत्ताए। भविस्सइ तए णं सा मिगावती देवी जयंतीए समणोवासियाए [एवं वुत्ता समाणी हट्टुट्टुचित्तमाणंदिद्या नंदिया पीडमणा परमसो-मणस्सिया हरिसवसयिसप्पमाणहियया करयलपरिग्गहियं दसनहं सिरसावत्तं मत्थए अंजलिं कट्ठु जयंतीए समणोवासियाए एयमट्ठं विणएणं पडिसुणेइ।

तए णं सा मिगावती देवी कोडुंबियपुरिसे सद्दावेइ सद्दावेत्ता एवं वयासी- खिप्पामेव भो देवाणुपिण्णया लहुकरणजुत्त-जोइय जाव धम्मियं जाणप्पवरं जुत्तामेव उवट्ठवेइ [उवट्ठवेत्ता मम एयमाणत्तियं पच्चप्पिण्ह तए णं ते कोडुंबियपुरिस्स मिगावतीए देवीए एवं वुत्ता समाणा धम्मियं जाणप्पवरं जुत्तामेव उवट्ठवेति उवट्ठवेत्ता तमाणत्तिय। पच्चप्पिण्णंति तए णं सा मिगावती देवी जयंतीए समणोवासियाए सद्धिं ण्हाया कयबलिकम्मा जाव अप्पामहग्धाभरणालंकियसरीरा बहूहिं खुज्जाहिं जाव चेडियाचक्कवालवरिसधर-थेरकंचुइज्ज-महत्तरगवंदपरिक्खित्ता अंतेउराओ निग्गच्छइ निग्गच्छित्ता जेणेव बाहिरिया उवट्ठाणसाला जेणेव धम्मिए जाणप्पवरे तेणेव उवागच्छइ उवागच्छित्ता धम्मिए जाणप्पवरं दुरुद्धा तए णं सा मिगावती देवी जयंतीए समणोवासियाए सद्धिं धम्मियं जाणप्पवरं दुरुद्धा समाणी नियगपरियालसंपरिवुद्धा जहा उसभदत्तो जाव धम्मियाओ जाणप्पवराओ पद्योरुहइ तए णं सा मिगावती देवी जयंतीए समणोवासियाए सद्धिं बहूहिं जहा देवानंदा जाव वंदइ नमंसइ वंदित्ता नमंसित्ता उदयणं रायं पुरओ कट्ठु ठिया चेव [सपरिवारा सुत्सूसमाणी नमंसमाणी अममुहा विगएणं पंजलिकडा। पञ्जुवासइ तए णं समणे भगवं महावीरे उदयणस्स रण्णो मिगावतीए देवीए जयंतीए समणोवासियाए तीसे य महत्तिमहलियाए परिसाए जाव धम्मं परिकहेइ जाव परिसा पडिगया उदयणे पडिगए मिगावती वि पडिगया 18891-442

(५३६) तए णं सा जयंती समणोवासिया समणस्स भगवओ महावीरस्स अंतियं धम्मं सोच्चा निसम्म हट्टुट्टु समाणं भगवं महावीरं वंदइ नमंसइ वंदित्ता नमंसित्ता एवं वयासी-कहण्णं भंते जीवा गरुयत्तं हव्वमागच्छंति जयंती पाणाइवाएणं [मुसावाएणं अदिन्नादाणेणं मेहुणेणं परिग्गहेणं कोह-माण-माया-लोभ-पेज्ज-दोस-कलह-अब्भक्खाण-पेसुन्न-परपरिवाय-अरतिरति मा-यामोस-मिच्छादंसणसल्लेणं-एवं खलु जयंती जीवा गरुयत्तं हव्वमागच्छंति कहण्णं भंते जीवा लहुयत्तं हव्वमागच्छंति जयंति पाणाइवायवेरमणेणं मुसावायवेरमणेणं अदिन्नादाणवेरमणेणं मेहुणवेरमणेणं परिग्गहवेरमणेणं कोह-माण-माया-लोभ-पेज्ज-दोस-कलह-अब्भक्खाण-पेसुन्न-पर-परिवाय-अरतिरति-मायामोस-मिच्छादंसणसल्लवेरमणेणं-एवं खलु जयंति जीवा लहुयत्तं हव्वमा-गच्छंति कहण्णं भंते जीवा संसारं आउलीकरेति जयंती पाणाइवाएणं जाव मिच्छादंसणसल्लेणं-एवं खलु जयंती जीवा संसारं आउली करेति, कहण्णं भंते जीवा संसारं परित्तीकरेति जयंती पाणाइवायवेरमणेणं जाव मिच्छादंसणसल्लवेरमणेणं-एवं खलु जयंती जीवा संसारं परित्तीकरेति कहण्णं भंते जीवा संसारं दीहीकरेति जयंती पाणाइवाएणं जाव मिच्छादंसणसल्लेणं-एवं खलु जयंती जीवा संसारं दीहीकरेति

कहण्णं भंते जीवा संसारं हस्सीकरेति जयंती पाणाइवायवेरमणेणं जाव मिच्छादंसण-सल्लवेरमणेणं - एवं खलु जयंती जीवा संसारं हस्सीकरेति कहण्णं भंते जीवा संसारं अनुपरियइति जयंती पाणाइवाएणं जाव मिच्छादंसणसल्लेणं-एवं खलु जयंती जीवा संसारं अनुपरियइति कहण्णं

भंते जीवा संसारं वीतियन्ति जयंती पाणाइवायवेरमणेणं जाव मिच्छादंसणसल्लवेरमणेणं-एवं खलु जयंती जीवा संसारं वीतियन्ति भवसिद्धियत्तं भंते जीवाणं किं सभावओ परिणामओ जयंती सभावओ नो परिणामओ सव्वेवि णं भंते भवसिद्धिया जीवा सिज्झिस्संति हंता जयंती सव्वेवि णं भवसिद्धिया जीवा सिज्झिस्संति जइ णं भंते सव्वे भवसिद्धिया जीवा सिज्झिस्संति तम्हा णं भवसिद्धियविरहिणं लोए भविस्सइ नो इणट्ठे सपट्ठे से केणं खाइणं अट्ठेणं भंते एवं बुद्धइ-सव्वेवि णं भवसिद्धिया जीवा सिज्झिस्संति नो चेव णं भवसिद्धियविरहिणं लोए भविस्सइ जयंति से जहानामए सव्वागाससेढी सिया-अणादीया अणवदग्गा परिता परिवुडा सा णं परमाणुपोगल-मेतेहिं खंडेहिं समए-समए अवहीरमाणी अवहीरमाणी अनंताहिं ओसप्पिणी-उत्सप्पिणीहिं अवहीरंति नो चेव णं अवहिया सिया से तेणट्ठेणं जयंती एवं बुद्धइ-सव्वेवि णं भवसिद्धिया जीवा सिज्झिस्संति नो चेव णं भवसिद्धिअविरहिणं लोए भविस्सइ सुत्तं भंते साहू जागरियत्तं साहू जयंती अत्येगतियाणं जीवाणं सुत्तं साहू अत्येगतियाणं जीवाणं जागरियत्तं साहू

से केणट्ठेणं भंते एवं बुद्धइ-अत्येगतियाणं जीवाणं सुत्तं साहू अत्येगतियाणं जीवाणं जागरियत्तं साहू जयंती जे इमे जीवा अहम्मिया अहम्माणुया अहम्मिडा अहम्मक्खाई अहम्मपलोई अहम्मपलज्जणा अहम्मसमुदायरा अहम्मेणं चेव वित्तिं कप्पेमाणा विहरंति एएसि णं जीवाणं सुत्तं साहू एए णं जीवा सुत्ता समाणा नो बहूणं पाणाणं भूयाणं जीवाणं सत्ताणं दुक्खणयाए सोयणयाए [जूरइणयाए तिप्पणयाए पिट्ठणयाए] परियावणयाए वट्ठंति एए णं जीवा सुत्ता समाणा अप्पाणं वा परं वा तदुभयं वा नो बहूहिं अहम्मियाहिं संजोयणाहिं संजोएत्तारो भवंति एएसि णं जीवाणं सुत्तं साहू जयंती जे इमे जीवा धम्मिया धम्माणुया [धम्मिडा धम्मक्खाई धम्मपलोई धम्मपलज्जणा धम्मसमुदायरा] धम्मेणं चेव वित्तिं कप्पेमाणा विहरंति एएसि णं जीवाणं जागरियत्तं साहू एए णं जीवा जागरा समाणा बहूणं पाणाणं भूयाणं जीवाणं सत्ताणं अदुक्खणयाए [असोयणयाए अजूरणयाए अतिप्पणयाए अपिट्ठणयाए] अपरियावणयाए वट्ठंति एए णं जीवा जागरा समाणा अप्पाणं वा परं वा तदुभयं वा बहूहिं धम्मियाहिं संजोयणाहिं संजोएत्तारो भवंति एए णं जीवा जागरा समाणा धम्मजागरियाए अप्पाणं जागरइत्तारो भवंति एएसि णं जीवाणं जागरियत्तं साहू से तेणट्ठेणं जयंती एवं बुद्धइ-अत्येगतियाणं जीवाणं सुत्तं साहू अत्येगतियाणं जीवाणं जागरियत्तं साहू

बलियत्तं भंते साहू दुब्बलियत्तं साहू जयंती अत्येगतियाणं जीवाणं बलियत्तं साहू अत्येगतियाणं जीवाणं दुब्बलियत्तं साहू से केणट्ठेणं भंते एवं बुद्धइ - [अत्येगतियाणं जीवाणं बलियत्तं साहू अत्येगतियाणं जीवाणं दुब्बलियत्तं साहू जयंती जे इमे जीवा अहम्मिया जाव अहम्मेणं चेव वित्तिं कप्पेमाणा विहरंति एएसि णं जीवाणं दुब्बलियत्तं साहू एए णं जीवा [दुब्बलिया समाणा नो बहूणं पाणाणं भूयाणं जीवाणं सत्ताणं दुक्खणयाए जाव परियावणयाए वट्ठंति एए णं जीवा दुब्बलिया समाणा अप्पाणं वा परं वा तदुभयं वा नो बहूहिं अहम्मियाहिं संजोयणाहिं संजोएत्तारो भवंति एएसि णं जीवाणं दुब्बलियत्तं साहू जयंती जे इमे जीवा धम्मिया जाव धम्मेणं चेव वित्तिं कप्पेमाणा विहरंति एएसि णं जीवाणं बलियत्तं साहू एए णं जीवा बलिया समाणा बहूणं पाणाणं भूयाणं जीवाणं सत्ताणं अदुक्खणयाए जाव अपरियावणयाए वट्ठंति एए णं जीवा बलिया समाणा अप्पाणं वा परं वा तदुभयं वा बहूहिं धम्मियाहिं संजोयणाहिं] संजोएत्तारो भवंति एएसि णं जीवाणं बलियत्तं साहू से तेणट्ठेणं जयंती एवं बुद्धइ-[अत्येगतियाणं जीवाणं बलियत्तं साहू

अत्येगतिथाणं जीवाणं दुक्खलियत्तं] साहू

दक्खत्तं भंते साहू आलसियत्तं साहू जयंती अत्येगतिथाणं जीवाणं दक्खत्तं साहू अत्येगतिथाणं जीवाणं आलसियत्तं साहू से केणट्ठेणं भंते एवं बुद्धइ-अत्येगतिथाणं जीवाणं दक्खत्तं साहू अत्येगतिथाणं जीवाणं आलसियत्तं साहू जयंती जे इमे जीवा अहम्मिया जाव अहम्मेणं वेव वित्तिं कप्पेमाणा विहरंति एएसिं णं जीवाणं आलसियत्तं साहू एए णं जीवा आलसा समाणा नो बहूणं [पाणाणं भूयाणं जीवाणं सत्ताणं दुक्खणयाए जाव परियावणयाए वट्ठंति एए णं जीवा आलसा समाणा अप्पाणं वा परं वा तदुभयं वा नो बहूहिं अहम्मियाहिं संजोयणाहिं संजोएतारो भवंति एएसिं णं जीवाणं आलसियत्तं साहू जयंति जे इमे जीवा धम्मिया जाव धम्मेणं वेव वित्तिं कप्पेमाणा विहरंति एएसिं णं जीवाणं दक्खत्तं साहू एए णं जीवा दक्खा समाणा बहूणं पाणाणं भूयाणं जीवाणं सत्ताणं अदुक्खणयाए जाव अपरियावणयाए वट्ठंति एए णं जीवा दक्खा समाणा अप्पाणं वा परं वा तदुभयं वा बहूहिं धम्मियाहिं संजोयणाहिं] संजोएतारो भवंति एए णं जीवा दक्खा समाणा बहूहिं आयरियवेयावच्चेहिं उवज्झायवेयावच्चेहिं थेरवेयावच्चेहिं तवस्सि-वेयावच्चेहिं गिलाणवेयावच्चेहिं सेहवेयावच्चेहिं कुलवेयावच्चेहिं गणवेयावच्चेहिं संघेवेयावच्चेहिं साहम्मियवेयावच्चेहिं अत्ताणं संजोएतारो भवंति एएसिं णं जीवाणं दक्खत्तं साहू से तेणट्ठेणं [जयंती एवं बुद्धइ-अत्येगतिथाणं जीवाणं दक्खत्तं साहू अत्येगतिथाणं जीवाणं आलसियत्तं साहू]

सोइंदियवसट्ठे णं भंते जीवे किं बंधइ [किं पकरेइ किं चिणाइ किं उवचिणाइ जयंती सोइंदियवसट्ठे णं जीवे आउयवज्जाओ सत्त कम्मपगडीओ सिद्धिलबंधणबद्धाओ घणियबंधण-वद्धाओ पकरेइ हस्सकालठिइयाओ दीहकालठिययाओ पकरेइ मंदाणुमावाओ तिब्बाणुमावाओ पकरेइ अप्पएसग्गाओ बहुप्पएसग्गाओ पकरेइ आउयं च णं कम्मं सिय बंधइ सिय नो बंधइ अस्सायादेयणिअं च णं कम्मं भुज्जो-भुज्जो उवचिणाइ अणाइयं च णं अणवदग्गं दीहमद्धं चाउरंतं संसारकंतारं] अणुपरियट्ठइ चक्खिंदियवसट्ठे णं [भंते जीवे किं बंधइ किं पकरेइ किं चिणाइ किं उवचिणाइ एवं वेव जाव अणुपरियट्ठइ] धाणिंदियवसट्ठे णं [भंते जीवे किं बंधइ किं पकरेइ किं चिणाइ किं उवचिणाइ एवं वेव जाव अणुपरियट्ठइ] रसिंदियवसट्ठे णं [भंते जीवे किं बंधइ किं पकरेइ किं चिणाइ किं उवचिणाइ एवं वेव जाव अणुपरियट्ठइ] फासिंदियवसट्ठे णं [भंते जीवे किं बंधइ किं पकरेइ किं चिणाइ किं उवचिणाइ एवं वेव जाव] अणुपरियट्ठइ तए णं सा जयंती समणोवासिया समणस्स भगवओ महावीरस्स अंतियं एयमद्धं सोच्चा निसम्म हट्ठुट्ठा सेसं जहा देवानंदा तहेव पच्चइया जाव सब्बदुक्खण्णीणा सेवं भंते सेवं भंते ति । ४४२।-४४३

● बारसवे सत्ते बीओ उहेसो सप्ततो ●

—: त इ ओ—उ हे सो :-

(५३७) रायगिहे जाव एवं वयासी-कति णं भंते पुढवीओ पत्रत्ताओ गोयमा सत्त पुढवीओ पत्रत्ताओ तं जहा-पढमा दोच्चा जाव सत्तमा, पढमा णं भंते पुढवी किंगोत्ता पत्रत्ता गोयमा धम्मा नामेणं रयणप्पभा गोतेणं एवं जहा जीवाभिगमे पढमो नेरइयउदेसओ सो वेव निरवसेसो माणियव्वो जाव अप्पाबहुगं ति सेवं भंते सेवं भंते ति । ४४३।-४४४

● बारसवे सत्ते तइओ उहेसो सप्ततो ●

—: च उ त्थो—उ द्वे सो :—

(५३८) रावगिहे जाव एवं वयासी-दो भंते परमाणुपोग्गला एगयओ साहण्णांति साहणित्ता किं भवइ गोयमा दुपएसिए खंधे भवइ से भिज्जमाणे दुहा कज्जइ-एगयओ परमाणुपोग्गले एगयओ परमाणुपोग्गले भवइ तिण्णि भंते परमाणुपोग्गला एगयओ साहण्णांति साहणित्ता किं भवइ गोयमा तिपएसिए खंधे भवइ से भिज्जमाणे दुहा वि तिहा वि कज्जइ दुहा कज्जमाणे एगयओ परमाणुपोग्गले एगयओ दुपएसिए खंधे भवइ तिहा कज्जमाणे तिण्णि परमाणुपोग्गला भवति चत्तारि भंते परमाणुपोग्गला एगयओ साहण्णांति [साहणित्ता किं भवइ] गोयमा चउपएसिए खंधे भवइ से भिज्जमाणे दुहा वि तिहा वि चउहा वि कज्जइ-दुहा कज्जमाणे एगयओ परमाणुपोग्गले एगयओ तिपएसिए खंधे भवइ अहवा दो दुपएसिया खंधा भवति तिहा कज्जमाणे एगयओ दो परमाणुपोग्गला एगयओ दुपएसिए खंधे भवइ चउहा कज्जमाणे चत्तारि परमाणुपोग्गला भवति पंच भंते परमाणुपोग्गला [एगयओ साहण्णांति साहणित्ता किं भवइ] गोयमा पंचपएसिए खंधे भवइ से भिज्जमाणे दुहा वि तिहा वि चउहा वि पंचहा वि कज्जइ-दुहा कज्जमाणे एगयओ परमाणुपोग्गले एगयओ चउपएसिए खंधे भवइ अहवा एगयओ दुपएसिए खंधे एगयओ तिपएसिए खंधे भवइ तिहा कज्जमाणे एगयओ दो परमाणुपोग्गला एगयओ तिपएसिए खंधे भवइ अहवा एगयओ परमाणुपोग्गले एगयओ दो दुपएसिया खंधा भवति चउहा कज्जमाणे एगयओ तिण्णि परमाणुपोग्गला एगयओ दुपएसिए खंधे भवइ पंचहा कज्जमाणे पंच परमाणुपोग्गला भवति

छव्वंते परमाणुपोग्गला [एगयओ साहण्णांति साहणित्ता किं भवइ] गोयमा छप्पएसिए खंधे भवइ से भिज्जमाणे दुहा वि तिहा वि जाव छव्विहा वि कज्जइ-दुहा कज्जमाणे एगयओ परमाणुपोग्गले एगयओ पंचपएसिए खंधे भवइ अहवा एगयओ दुपएसिए खंधे एगयओ चउपएसिए खंधे भवइ अहवा दो तिपएसिया खंधा भवति तिहा कज्जमाणे एगयओ दो परमाणुपोग्गला एगयओ चउपएसिए खंधे भवइ अहवा एगयओ परमाणुपोग्गले एगयओ दुपएसिए खंधे एगयओ तिपएसिए खंधे भवइ अहवा तिण्णि दुपएसिया खंधा भवति चउहा कज्जमाणे एगयओ तिण्णि परमाणुपोग्गला एगयओ तिपएसिए खंधे भवइ अहवा एगयओ दो परमाणुपोग्गला एगयओ दो दुपएसिया खंधा भवति पंचहा कज्जमाणे एगयओ चत्तारि परमाणुपोग्गला एगयओ दुपएसिए खंधे भवइ छहा कज्जमाणे छ परमाणुपोग्गला भवति, सत्त भंते परमाणुपोग्गला [एगयओ साहण्णांति साहणित्ता किं भवइ] गोयमा सत्तपएसिए खंधे भवइ से भिज्जमाणे दुहा वि जाव सत्तहा वि कज्जइ-दुहा कज्जमाणे एगयओ परमाणुपोग्गले एगयओ छप्पएसिए खंधे भवइ अहवा एगयओ दुपएसिए खंधे एगयओ पंचपएसिए खंधे भवइ अहवा एगयओ तिपएसिए खंधे एगयओ चउपएसिए खंधे भवइ तिहा कज्जमाणे एगयओ दो परमाणुपोग्गला एगयओ पंचपएसिए खंधे भवइ अहवा एगयओ परमाणुपोग्गले एगयओ दुपएसिए खंधे एगयओ चउपएसिए खंधे भवइ अहवा एगयओ परमाणुपोग्गले एगयओ दो तिपएसिया खंधा भवति अहवा एगयओ दो दुपएसिया खंधा एगयओ तिपएसिए खंधे भवइ चउहा कज्जमाणे एगयओ तिण्णि परमाणुपोग्गला एगयओ चउपएसिए खंधे भवइ अहवा एगयओ दो परमाणुपोग्गला एगयओ दुपएसिए खंधे एगयओ तिपएसिए खंधे भवइ अहवा एगयओ परमाणुपोग्गले एगयओ तिण्णि दुपएसिया खंधा भवति पंचहा कज्जमाणे

एगयओ चत्तारि परमाणुपोग्गला एगयओ तिपएसिए खंधे भवइ अहवा एगयओ तिण्णि परमाणुपोग्गला एगयओ दो दुपएसिया खंधा भवन्ति छहा कज्जमाणे एगयओ पंच परमाणुपोग्गला एगयओ दुपएसिए खंधे भवइ सत्तहा कज्जमाणे सत्त परमाणुपोग्गला भवन्ति

अट्ठ भन्ते परमाणुपोग्गला [एगयओ साहण्णन्ति साहणित्ता किं भवइ] गोयमा अट्ठपएसिए खंधे भवइ से भिज्जमाणे दुहा वि जाव अट्ठहा वि कज्जइ-दुहा कज्जमाणे एगयओ परमाणुपोग्गले एगयओ सत्तपएसिए खंधे भवइ अहवा एगयओ दुपएसिए खंधे एगयओ छप्पएसिए खंधे भवइ अहवा एगयओ तिपएसिए खंधे एगयओ पंचपएसिए खंधे भवइ अहवा दो चउप्पएसिया खंधा भवन्ति तिहा कज्जमाणे एगयओ दो परमाणुपोग्गला भवन्ति एगयओ छप्पएसिए खंधे भवइ अहवा एगयओ परमाणुपोग्गले एगयओ दुप्पएसिए खंधे एगयओ पंचपएसिए खंधे भवइ अहवा एगयओ परमाणुपोग्गले एगयओ तिपएसिए खंधे एगयओ चउप्पएसिए खंधे भवइ अहवा एगयओ दो दुपएसिया खंधा एगयओ चउप्पएसिए खंधे भवइ अहवा एगयओ दुपएसिए खंधे एगयओ दो तिपएसिया खंधा भवन्ति चउहा कज्जमाणे एगयओ तिण्णि परमाणुपोग्गला एगयओ पंचपएसिए खंधे भवइ अहवा एगयओ दोण्णि परमाणुपोग्गला एगयओ दुपएसिए खंधे एगयओ चउप्पएसिए खंधे भवइ अहवा एगयओ दो परमाणुपोग्गला एगयओ दो तिपएसिया खंधा भवन्ति अहवा एगयओ परमाणुपोग्गले एगयओ दो दुपएसिया खंधा एगयओ तिपएसिए खंधे भवइ अहवा चत्तारि दुपएसिया खंधा भवन्ति पंचहा कज्जमाणे एगयओ चत्तारि परमाणुपोग्गला एगयओ चउप्पएसिए खंधे भवइ अहवा एगयओ तिण्णि परमाणुपोग्गला एगयओ दुपएसिए खंधे एगयओ तिपएसिए खंधे भवइ अहवा एगयओ दो परमाणुपोग्गला एगयओ तिण्णि दुपएसिया खंधा भवन्ति छहा कज्जमाणे एगयओ पंच परमाणुपोग्गला एगयओ तिपएसिए खंधे भवइ अहवा एगयओ चत्तारि परमाणुपोग्गला एगयओ दो दुपएसिया खंधा भवन्ति सत्तहा कज्जमाणे एगयओ छ परमाणु पोग्गला एगयओ दुपएसिए खंधे भवइ अट्ठहा कज्जमाणे अट्ठ परमाणुपोग्गला भवन्ति

नव भन्ते परमाणुपोग्गला [एगयओ साहण्णन्ति साहणित्ता किं भवइ] गोयमा [नवपएसिए खंधे भवइ से भिज्जमाणे दुहा वि जाव नवहा वि कज्जइ]-दुहा कज्जमाणे एगयओ परमाणुपोग्गले एगयओ अट्ठपएसिए खंधे भवइ [अहवा एगयओ दुपएसिए खंधे एगयओ सत्तपएसिए खंधे भवइ अहवा एगयओ तिपएसिए खंधे एगयओ छप्पएसिए खंधे भवइ] अहवा एगयओ चउप्पएसिए खंधे एगयओ पंचपएसिए खंधे भवइ तिहा कज्जमाणे एगयओ दो परमाणुपोग्गला एगयओ सत्तपएसिए खंधे भवइ अहवा एगयओ परमाणुपोग्गले एगयओ दुपएसिए खंधे एगयओ छप्पएसिए खंधे भवइ अहवा एगयओ परमाणुपोग्गले एगयओ तिपएसिए खंधे एगयओ पंचपएसिए खंधे भवइ अहवा एगयओ परमाणुपोग्गले एगयओ दो चउप्पएसिया खंधा भवन्ति अहवा एगयओ दुपएसिए खंधे एगयओ तिपएसिए खंधे एगयओ चउप्पएसिए खंधे भवइ अहवा तिण्णि तिपएसिया खंधा भवन्ति छउहा कज्जमाणे एगयओ तिण्णि परमाणुपोग्गला एगयओ छप्पएसिए खंधे भवइ अहवा एगयओ दो परमाणुपोग्गला एगयओ दुपएसिए खंधे एगयओ पंचपएसिए खंधे भवइ अहवा एगयओ दो परमाणुपोग्गला एगयओ तिपएसिए खंधे एगयओ चउप्पएसिए खंधे भवइ अहवा एगयओ दो परमाणुपोग्गले एगयओ दो दुपएसिया खंधा एगयओ चउप्पएसिए खंधे भवइ अहवा एगयओ परमाणुपोग्गले एगयओ दुप्पएसिया खंधा एगयओ तिपएसि या खंधा भवइ पंचहा कज्जमाणे

एगयओ चत्तारि परमाणुपोग्गला एगयओ पंचपएसिए खंधे अहवा एगयओ तिण्णि परमाणु पोग्गला एगयओ दुपएसिए खंधे एगयओ चउप्पएसिए खंधे भवइ अहवा एगयओ तिण्णि परमाणुपोग्गला एगयओ दो तिपएसिया खंधा भवन्ति अहवा एगयओ दो परमाणुपोग्गला एगयओ दो दुपएसिया खंधा एगयओ तिपएसिए खंधे भवइ एहवा एगयओ परमाणुपोग्गले एगयओ चत्तारि दुपएसिया खंधा भवन्ति छाहा कज्जमाणे एगयओ पंच परमाणुपोग्गला एगयओ चउप्पएसिए खंधे भवइ हवा एगयओ चत्तारि परमाणुपोग्गला एगयओ दुप्पएसिए खंधे एगयओ तिपएसिए खंधे भवइ अहवा एगयओ तिण्णि परमाणुपोग्गला एगयओ तिण्णि दुप्पएसिया खंधा भवन्ति सत्तहा कज्जमाणे एगयओ छ परमाणुपोग्गला एगयओ तिप्पएसिए खंधे भवइ अहवा एगयओ पंच परमाणुपोग्गला एगयओ दो दुपएसिया खंधा भवन्ति अट्ठहा कज्जमाणे एगयओ सत्त परमाणुपोग्गला एगयओ दुपएसिए खंधे भवइ नवहा कज्जमाणे नव परमाणुपोग्गला भवन्ति

दस भंते परमाणुपोग्गला [एगयओ साहण्णन्ति साहणित्ता किं भवइ गोयमा दसपएसिए खंधे भवइ से भिज्जमाणे दुहा वि जाव दसहा वि कज्जइ]-दुहा कज्जमाणे एगयओ परमाणुपोग्गले एगयओ नवपएसिए खंधे भवइ अहवा एगयओ दुपएसिए खंधे एगयओ अट्ठप्पएसिए खंधे भवइ अहवा एगयओ तिपएसिए खंधे एगयओ सत्तपएसिए खंधे भवइ अहवा एगयओ चउप्पएसिए खंधे एगयओ छप्पएसिए खंधे भवइ अहवा दो पंचपएसिया खंधा भवन्ति तिहा कज्जमाणे एगयओ दो परमाणुपोग्गला एगयओ अट्ठपएसिए खंधे भवइ अहवा एगयओ परमाणुपोग्गला एगयओ अट्ठपएसिए खंधे भवइ अहवा एगयओ परमाणुपोग्गले एगयओ दुपएसिए खंधे एगयओ सत्तपएसिए खंधे भवइ अहवा एगयओ परमाणुपोग्गले एगयओ तिपएसिए खंधे एगयओ छप्पएसिए खंधे भवइ अहवा एगयओ परमाणुपोग्गले एगयओ चउप्पएसिए खंधे एगयओ पंचपएसिए खंधे भवइ अहवा एगयओ दुपएसिए खंधे एगयओ दो चउप्पएसिया खंधा भवन्ति अहवा एगयओ दो तिपएसिया खंधा एगयओ चउप्पएसिए खंधे भवइ चउहा कज्जमाणे एगयओ तिण्णि परमाणुपोग्गला एगयओ सत्तपएसिए खंधे भवइ अहवा एगयओ दो परमाणुपोग्गला एगयओ दुपएसिए खंधे एगयओ छप्पएसिए खंधे भवइ अहवा एगयओ दो परमाणुपोग्गला एगयओ तिप्पएसिए खंधे एगयओ पंचपएसिए खंधे भवइ अहवा एगयओ दो परमाणुपोग्गला एगयओ दो चउप्पएसिया खंधा भवन्ति अहवा एगयओ परमाणुपोग्गले एगयओ दुपएसिए खंधे एगयओ तिपएसिए खंधे एगयओ चउप्पएसिए खंधे भवइ अहवा एगयओ परमाणुपोग्गले एगयओ तिण्णि तिपएसिया खंधा भवन्ति अहवा एगयओ तिण्णि दुपएसिया खंधा एगयओ चउप्पएसिए खंधे भवइ अहवा एगयओ दो दुपएसिया खंधा एगयओ दो तिपएसिया खंधा भवन्ति पंचहा कज्जमाणे एगयओ चत्तारि परमाणु पोग्गला एगयओ छप्पएसिए खंधे भवइ अहवा एगयओ तिण्णि परमाणुपोग्गला एगयओ दुपएसिए खंधे एगयओ पंचपएसिए खंधे भवइ अहवा एगयओ तिण्णि परमाणुपोग्गला एगयओ तिपएसिए खंधे एगयओ चउप्पएसिए खंधे भवइ अहवा एगयओ दो परमाणुपोग्गला एगयओ दो दुपएसिया खंधा एगयओ चउप्पएसिए खंधे भवइ अहवा एगयओ दो परमाणुपोग्गला एगयओ दुपएसिए खंधे एगयओ दो तिपएसिया खंधा भवन्ति अहवा एगयओ परमाणुपोग्गले एगयओ तिण्णि दुपएसिया खंधा एगयओ तिपएसिए खंधे भवइ अहवा पंच दुपएसिया खंधा भवन्ति छाहा कज्जमाणे एगयओ पंच परमाणुपोग्गला एगयओ पंचपएसिए खंधे

भवइ अहवा एगयओ चत्तारि परमाणुपोग्ला एगयओ दुपएसिए खंधे एगयओ चउपएसिए खंधे भवइ अहवा एगयओ चत्तारि परमाणुपोग्ला एगयओ दो तिपएसिया खंधा भवति अहवा एगयओ तिणि परमाणुपोग्ला एगयओ दो दुपएसिया खंधा एगयओ तिपएसिए खंधे भवइ अहवा एगयओ दो परमाणुपोग्ला एगयओ चत्तारि दुपएसिया खंधा भवति सत्ताह कजमाणे एगयओ छ परमाणुपोग्ला एगयओ चउपएसिए खंधे भवइ अहवा एगयओ पंच परमाणुपोग्ला एगयओ दुपएसिए खंधे एगयओ तिपएसिए खंधे भवइ अहवा एगयओ चत्तारि परमाणुपोग्ला एगयओ तिणि दुपएसिया खंधा भवति अट्ठाह कजमाणे एगयओ सत्त परमाणुपोग्ला एगयओ तिपएसिए खंधे भवइ अहवा एगयओ छ परमाणुपोग्ला एगयओ दो दुपएसिया खंधा भवति नवहा कजमाणे एगयओ अट्ठ परमाणुपोग्ला एगयओ दुपएसिए खंधे भवइ दसहा कजमाणे दस परमाणुपोग्ला भवति

संखेज्जा णं भंते परमाणुपोग्ला एगयओ साहण्णति साहणित्ता किं भवइ गोयमा संखेज्जपएसिए खंधे भवइ से भिज्जमाणे दुज्जा वि जाव दसहा वि संखेज्जहा वि कज्जइ-दुहा कजमाणे एगयओ परमाणुपोग्ला एगयओ संखेज्जपएसिए खंधे भवइ अहवा एगयओ दुपएसिए खंधे एगयओ संखेज्जपएसिए खंधे भवइ एगयओ तिपएसिए खंधे एगयओ संखेज्जपएसिए खंधे भवइ एवं जाव अहवा एगयओ तिपएसिए खंधे एगयओ संखेज्जपएसिए खंधे भवइ एवं जाव अहवा एगयओ दसपएसिए खंधे एगयओ संखेज्जपएसिए खंधे भवइ अहवा दो संखेज्जपएसिया खंधा भवति तिहा कजमाणे एगयओ दो परमाणुपोग्ला एगयओ संखेज्जपएसिए खंधे भवइ अहवा एगयओ परमाणुपोग्ला एगयओ दुपएसिए खंधे एगयओ संखेज्जपएसिए खंधे भवइ अहवा एगयओ परमाणुपोग्ला एगयओ तिपएसिए खंधे एगयओ संखेज्जपएसिए खंधे भवइ एवं जाव अहवा एगयओ परमाणुपोग्ला एगयओ दसपएसिए खंधे एगयओ संखेज्जपएसिए खंधे भवइ अहवा एगयओ परमाणुपोग्ला एगयओ दो संखेज्जपएसिया खंधा भवति एवं जाव अहवा एगयओ दसपएसिए खंधे एगयओ दो संखेज्जपएसिया खंधा भवति अहवा तिणि संखेज्जपएसिया खंधा भवति चउहा कजमाणे एगयओ तिणि परमाणुपोग्ला एगयओ संखेज्जपएसिए खंधे भवइ अहवा एगयओ दो परमाणुपोग्ला एगयओ संखेज्जपएसिए खंधे भवइ अहवा एगयओ दो परमाणुपोग्ला एगयओ दुपएसिए खंधे एगयओ संखेज्जपएसिए खंधे भवइ अहवा एगयओ दो परमाणुपोग्ला एगयओ तिप्पएसिए खंधे एगयओ संखेज्जपएसिए खंधे भवइ एवं जाव अहवा एगयओ दो परमाणुपोग्ला एगयओ दसपएसिए खंधे एगयओ संखेज्जपएसिए खंधे भवइ अहवा एगयओ परमाणुपोग्ला एगयओ दो संखेज्जपएसिया खंधा भवति अहवा एगयओ परमाणुपोग्ला एगयओ दुपएसिए खंधे एगयओ दो संखेज्जपएसिया खंधा भवति जाव अहवा एगयओ परमाणुपोग्ला एगयओ दसपएसिए खंधे एगयओ दो संखेज्जपएसिया खंधा भवति अहवा एगयओ परमाणुपोग्ला एगयओ तिणि संखेज्जपएसिया खंधा भवति अहवा एगयओ दुपएसिए खंधे एगयओ तिणि संखेज्जपएसिया खंधा भवति जाव अहवा चत्तारि संखेज्जपएसिया खंधा भवति एवं एणं कमेणं पंचगसंजोगो वि भाणियच्चो जाव नवगसंजोगो दसहा कजमाणे एगयओ नव परमाणुपोग्ला एगयओ संखेज्जपएसिए खंधे भवइ अहवा एगयओ अट्ठ परमाणुपोग्ला एगयओ दुपएसिए एगयओ संखेज्जपएसिए खंधे भवइ एणं कमेणं एककेक्को पूरेयच्चो जाव

अहवा एग्यओ दसपएसिए खंधे एग्यओ नव संखेज्जपएसिया खंधा एवंति अहवा दस संखेज्जपएसिया खंधा भवन्ति संखेज्जहा कज्जमाणे संखेज्जा परमाणुपोग्गला भवन्ति

असंखेज्जा भन्ते परमाणुपोग्गला एग्यओ साहण्णन्ति साहणित्ता किं भवइ गोयमा असंखेज्जपएसिए खंधे भवइ से भिज्जमाणे दुहा वि जाव दसहा वि संखेज्जहा वि असंखेज्जहा वि कज्जइ-दुहा कज्जमाणे एग्यओ दसपएसिए खंधे भवइ एग्यओ असंखेज्जपएसिए खंधे भवइ अहवा एग्यओ संखेज्जपएसिए खंधे भवइ एग्यओ असंखेज्जपएसिए खंधे भवइ अहवा एग्यओ संखेज्जपएसिए खंधे भवइ असंखेज्जपएसिए खंधे भवइ अहवा एग्यओ संखेज्जपएसिए खंधे भवइ एग्यओ असंखेज्जपएसिए खंधे भवइ अहवा एग्यओ संखेज्जपएसिए खंधे भवइ एग्यओ असंखेज्जपएसिए खंधे भवइ अहवा दो असंखेज्जपएसिया खंधा भवन्ति तिहा कज्जमाणे एग्यओ दो परमाणुपोग्गला एग्यओ असंखेज्जपएसिए खंधे भवइ अहवा एग्यओ परमाणुपोग्गले एग्यओ दुपएसिए खंधे एग्यओ असंखेज्जपएसिए खंधे भवइ जाव अहवा एग्यओ परमाणुपोग्गले एग्यओ दसपएसिए खंधे एग्यओ असंखेज्जपएसिए खंधे भवइ अहवा एग्यओ परमाणुपोग्गले एग्यओ संखेज्जपएसिए खंधे एग्यओ असंखेज्जपएसिए खंधे भवइ अहवा एग्यओ परमाणुपोग्गले एग्यओ दो असंखेज्जपएसिया खंधा भवन्ति अहवा एग्यओ दुपएसिए खंधे एग्यओ दो असंखेज्जपएसिया खंधा भवन्ति एवं जाव अहवा एग्यओ संखेज्जपएसिए खंधे एग्यओ दो असंखेज्जपएसिया खंधा भवन्ति एवं जाव अहवा एग्यओ संखेज्जपएसिए खंधे एग्यओ दो असंखेज्जपएसिया खंधा भवन्ति अहवा तिण्णि असंखेज्जपएसिया खंधा भवन्ति चउहा कज्जमाणे एग्यओ तिण्णि परमाणुपोग्गला एग्यओ असंखेज्जपएसिए खंधे भवइ एवं चउक्कसंजोगो जाव दसगसंजोगो एए जहेव संखेज्जपएसियस्स नवर-असंखेज्जगं एगं अहिगं भाणियव्वं जाव अहवा दस असंखेज्जपएसिया खंधा भवन्ति संखेज्जा कज्जमाणे एग्यओ संखेज्जा परमाणुपोग्गला एग्यओ असंखेज्जपएसिए खंधे भवइ अहवा एग्यओ संखेज्जदुपएसिया खंधा एग्यओ असंखेज्जपएसिए खंधे भवइ एवं जाव अहवा एग्यओ संखेज्जा दसपएसिया खंधा एग्यओ असंखेज्जपएसिए खंधे भवइ अहवा एग्यओ संखेज्जा संखेज्जपएसिया खंधा एग्यओ असंखेज्जपएसिए खंधे भवइ अहवा संखेज्जा असंखेज्जपएसिया खंधा भवन्ति असंखेज्जहा कज्जमाणे असंखेज्जा परमाणुपोग्गला भवन्ति

अनंतं णं भन्ते परमाणुपोग्गला [एग्यओ साहण्णन्ति साहणित्ता] किं भवइ गोयमा अनंतपएसिए खंधे भवइ से भिज्जमाणे दुहा वि तिहा वि जाव दसहा वि संखेज्जहा वि असंखेज्जहा वि अनंतहा वि कज्जइ-दुहा कज्जमाणे एग्यओ परमाणुपोग्गले एग्यओ अनंतपएसिए खंधे भवइ जाव अहवा दो अनंतपएसिया खंधा भवन्ति तिहा कज्जमाणे एग्यओ दो परमाणुपोग्गला एग्यओ अनंतपएसिए खंधे भवइ अहवा एग्यओ परमाणुपोग्गले एग्यओ दुपएसिए खंधे एग्यओ अनंतपएसिए खंधे भवइ जाव अहवा एग्यओ परमाणुपोग्गले एग्यओ असंखेज्जपएसिए खंधे एग्यओ अनंतपएसिए खंधे भवइ अहवा एग्यओ परमाणुपोग्गले एग्यओ दो अनंतपएसिया खंधा भवन्ति अहवा एग्यओ दुपएसिए खंधे एग्यओ दो अनंतपएसिया खंधा भवन्ति एवं जाव अहवा एग्यओ दसपएसिए खंधे एग्यओ दो अनंतपएसिया खंधा भवन्ति अहवा एग्यओ संखेज्जपएसिए खंधे एग्यओ दो अनंतपएसिया खंधा भवन्ति अहवा एग्यओ असंखेज्जपएसिए खंधे एग्यओ दो अनंतपएसिया खंधा भवन्ति अहवा तिण्णि अनंतपएसिया खंधा भवन्ति चउहा कज्जमाणे एग्यओ तिण्णि परमाणुपोग्गला एग्यओ अनंतपएसिए खंधे भवइ एवं चउक्कसंजो-

गो जाव असंखेज्जगसंजोगो एते सव्ये जहेव असंखेज्जाणं मणिया तहेव अनंताणं वि भाणियव्वं नवरं-एक्कं अनंतं अल्पहियं भाणियव्वं जाव अहवा एगयओ संखेज्जा संखेज्जपएसिया खंधा एगयओ अनंतपएसिए खंधे भवइ अहवा एगयओ संखेज्जा असंखेज्जपएसिया खंधा एगयओ अनंतपएसिए खंधे भवइ अहवा संखेज्जा अनंतपएसिया खंधा भवति असंखेज्जगहा कज्जमाणे एगयओ असंखेज्जा परमाणुपोग्गला एगयओ अनंतपएसिए खंधे भवइ अहवा एगयओ असंखेज्जा दुपएसिया खंधा एगयओ अनंतपएसिए खंधे भवइ जाव अहवा एगयओ असंखेज्जा संखेज्जपएसिया खंधा एगयओ अनंतपएसिए खंधे भवइ अहवा एगयओ असंखेज्जा असंखेज्ज-पएसिया खंधा एगयओ अनंतपएसिए खंधे भवइ अहवा असंखेज्जा अनंतपएसिया खंधा भवति अनंतहा कज्जमाणे अनंता परमाणुपोग्गला भवति। ४४४-४४५

(५३९) एसि णं भंते परमाणुपोग्गलणं साहणणा-भेदाणुवाएणं अनंताणंता पोग्गलपरियट्ठा समणुगंतव्वा भवतीति मक्खाया हंता गोयमा एसि णं परमाणुपोग्गलणं साहणणा भेदाणुवाएणं अनंताणंता पोग्गलपरियट्ठा समणुगंतव्वा भवतीति मक्खाया कइविहे णं भंते पोग्गलपरियट्ठे पन्नत्ते गोयमा सत्तविहे पोग्गलपरियट्ठे पन्नत्तं तं जहा-ओरालियपोग्गलपरियट्ठे वेउब्बियपोग्गलपरियट्ठे तेयापोग्गलपरियट्ठे कम्मापोग्गलपरियट्ठे मणपोग्गलपरियट्ठे वइपोग्गल-परियट्ठे आणापाणुपोग्गलपरियट्ठे नेरइयाणं भंते कतिविहे पोग्गलपरियट्ठे पन्नत्ते गोयमा सत्तविहे पोग्गलपरियट्ठे पन्नत्ते तं जहा-ओरालियपोग्गलपरियट्ठे वेउब्बियपोग्गलपरियट्ठे जाव आणापाणु-पोग्गलपरियट्ठे एवं जाव वेमाणियाणं एगमेगस्स णं भंते नेरइयस्स केवइया ओरालिय-पोग्गल-परियट्ठा अतीता अनंता केवइया पुरेक्खडा कमस्सइ अत्थि कस्सइ नत्थि जस्सत्थि जहण्णेणं एक्को वा दो वा तिण्णि वा उक्कोसेणं संखेज्जा वा असंखेज्जा वा अनंता वा एगमेगस्स णं भंते असुरकुमारस्स केवइया ओरालियपोग्गलपरियट्ठा [अतीता अनंता केवइया पुरेक्खडा कस्सइ अत्थि कस्सइ नत्थि जस्सत्थि जहण्णेणं एक्को वा दो वा तिण्णि वा उक्कोसेणं संखेज्जा वा असंखेज्जा वा अनंता वा] एवं जाव वेमाणियस्स

एगमेगस्स णं भंते नेरइयस्स केवइया वेउब्बियपोग्गलपरियट्ठा अतीता, अनंता एवं जहेव ओरालियपोग्गलपरियट्ठा तहेव वेउब्बियपोग्गलपरियट्ठावि भाणियव्वा एवं जाव वेमाणियस्स एवं जाव आणापाणुपोग्गलपरियट्ठा एते एगतिया सत्त दंडगा भवति नेरइयाणं-केवइया ओरालिय-पोग्गलपरियट्ठा अतीता अनंता केवइया पुरेक्खडा अनंता एवं जाव वेमाइणियाणं एवं वेउब्बियापोग्गलपरियट्ठावि एवं जाव आणापाणुपोग्गलपरियट्ठा वेमाणियाणं एवं एए पोहत्तिया सत्त चउब्बीसति दंडगा एगमेगस्स णं भंते नेरइयस्स नेरइयत्ते केवतिया ओरालियपोग्गलपरियट्ठा अतीता नत्थि एक्को वि केवतिया पुरेक्खडा नत्थि एक्को वि एगमेगस्स णं भंते नेरइयस्स असुरकुमारस्स केवतिया ओरालियपोग्गलपरियट्ठा अतीता एवं चेव एवं जाव थणियकुमारस्स एगमेगस्स णं भंते नेरइयस्स पुढविक्काइयत्ते केवतिया ओरालियपोग्गलपरियट्ठा अतीता अनंता केवतिया पुरेक्खडा कस्सइ अत्थि कस्सइ नत्थि जस्सत्थि जहण्णेणं एक्को वा दो वा तिण्णि वा उक्कोसेणं संखेज्जा वा असंखेज्जा वा अनंता वा एवं जाव मणुस्सत्ते वाणमंतर-जोइसिय-वेमाणियत्ते जहा असुरकुमारस्स एगमेगस्स णं भंते असुरकुमारस्स नेरइयत्ते केवतिया ओरालिय-पोग्गलपरियट्ठा एवं जहा नेरइयस्स वत्तव्वा मणिया तहा असुरकुमारस्स वि भाणियव्वा जाव

वेमाणियत्ते एवं जाव धणियकुमारस्स एवं पुढविक्काइयस्स वि एवं जाव वेमाणियस्स सव्वेसिं एक्को गमो

एगमेगस्स णं भंते नेरइयस्स नेरइयत्ते केवतिया वेउब्बियपोग्गलपरियट्ठा अतीता अनंता केवतिया पुरेखडा एकुत्तरिया जाव अनंता या एवं जाव धणियकुमारत्ते पुढविक्काइयत्ते-पुच्छा नत्थि एक्कोवि केवतिया पुरेखडा नत्थि एक्कोवि एवं जत्थ वेउब्बियसरीरं तत्थ एकुत्तरिओ जत्थ नत्थि तत्थ जहा पुढविक्काइयत्ते तहा भाणियव्वं जाव वेमाणियस्स वेमाणियत्ते तेया-पोग्गलपरियट्ठा कम्मापोग्गलपरियट्ठा य सव्वत्थ एकुत्तरिया भाणियव्वा मणपोग्गलपरियट्ठा सव्वेसु पंचिदिएसु एगुत्तरिया विगल्लिदिएसु नत्थि वइपोग्गलपरियट्ठा एवं चेव नवरं-एगिदिएसु नत्थि भाणियव्वा आणापाणुपोग्गलपरियट्ठा सव्वत्थ एकुत्तरिया जाव वेमाणियस्स वेमाणियत्ते नेरइयाणं भंते नेरइयत्ते केवतिया ओरालियपोग्गलपरियट्ठा अतीता नत्थि एक्कोवि केवतिया पुरेखडा नत्थि एक्कोवि एवं जाव धणियकुमारत्त, पुढविकाइयत्ते-पुच्छा अनंता केवतिया पुरेखडा अनंता एवं जाव मणुस्सत्ते वाणमंतर-जोइसिया-वेमाणियत्ते जहा नेरइयत्ते एवं जाव वेमाणियाणं वेमाणियत्ते एवं सत्त वि पोग्गलपरियट्ठा भाणियव्वा -जत्थ अत्थि तत्थ अतीता वि पुरेखडा वि अनंता भाणियव्वा जत्थ नत्थि तत्थ दोवि नत्थि भाणियव्वा जाव- वेमाणियाणं वेमाणियत्ते आणापाणुपोग्गलपरियट्ठा अतीता अनंता केवतिया पुरेखडा अनंता १४४५।-४४६

(५४०) से केणट्ठेणं भंते एवं बुच्चइ-ओरालियपोग्गलपरियट्ठे-ओरालियपोग्गलपरियट्ठे गोयमा जण्णं जीवेणं ओरालियसरीरे वट्ठमाणेणं ओरालियसरीरपायोग्गाइं दव्वाइं ओरालियसरीरत्ताए गहियाइं वट्ठाइं पुट्ठाइं कडाइं पट्ठविवाइं निविट्ठाइं अभिनिविट्ठाइं अभिसमण्णागवाइं परियादियाइं परिणामियाइं निज्जिण्णाइं निसिरियाइं निसिट्ठाइं भवंति से तेणट्ठेणं गोयमा एवं बुच्चइ-ओरालियपोग्गलपरियट्ठे-ओरालियपोग्गलपरियट्ठे एवं वेउब्बियपोग्गलपरियट्ठेवि नवरं-वेउब्बियसरीरे वट्ठमाणेणं वेउब्बियसरीरप्पयोग्गाइं दव्वाइं वेउब्बियसरीरत्ताए गहियाइं सेसं तं चेव सव्वं एवं जाव आणापाणुपोग्गलपरियट्ठे नवरं-आणापाणुपायोग्गाइं सव्वदव्वाइं आणापाणुत्ताए गहियाइं सेसं तं चेव ओरालियपोग्गलपरियट्ठे णं भंते केवइकालस्स निव्वत्तिज्जइ गोयमा अनंतहिं ओसप्पिणीहिं उस्सप्पिणीहिं एवतिकालस्स निव्वत्तिज्जइ एवं वेउब्बियपोग्गलपरियट्ठे वि एवं जाव आणापाणुपोग्गलपरियट्ठेवि एयस्स णं भंते ओरालियपोग्गलपरियट्ठेनिव्वत्तणाकालस्स वेउब्बियपोग्गलपरियट्ठेनिव्वत्तणकालस्स जाव आणापाणुपोग्गलपरियट्ठेनिव्वत्तणाकालस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सव्वत्थोवे कम्मपोग्गल-परियट्ठे-निव्वत्तणाकाले तेयापोग्गलपरियट्ठेनिव्वत्तणाकाले अनंतगुणे ओरालियपोग्गलपरियट्ठेनिव्वत्तणाकाले अनंतगुणे आणापाणुपोग्गलपरियट्ठेनिव्वत्तणाकाले अनंतगुणे मणपोग्गलपरियट्ठे-निव्वत्तणाकाले अनंतगुणे वइपोग्गलपरियट्ठेनिव्वत्तणाकाले अनंतगुणे वेउब्बियपोग्गलपरियट्ठेनिव्वत्तणाकाले अनंतगुणे १४४६।-४४७

(५४१) एसिं णं भंते ओरालियपोग्गलपरियट्ठाणं जाव आणापाणुपोग्गलपरियट्ठाणं य कयरे कयरेहिंतो [अप्पा वा बहुयावा तुल्ला वा] विसेसाहिया वा गोयमा सव्वत्थोवा वेउब्बियपोग्गलपरियट्ठा वइपोग्गलपरियट्ठा अनंतगुणा मणपोग्गलपरियट्ठा अनंतगुणा आणापाणुपोग्गलपरियट्ठा अनंतगुणा ओरालियपोग्गलपरियट्ठा अनंतगुणा तेयापोग्गलपरियट्ठा अनंतगुणा कम्मग-

पोग्गलपरियद्वा अनंतगुणा सेवं भंते सेवं भंते सि भगवं जाव विहरइ ।४४७।-४४८

● बारसते सते चउओ उइसो सप्तो ●

—: पं च मो—उ हे सो :—

(५४२) रायगिहे जाव एवं बयासी-अह भंते पाणाइवाए मुसावाए अदिनादाणे पेहुणे परिग्गहे-एस णं कतिवण्णे कतिगंधे कतिरसे कतिफासे पत्रत्ते गोयमा पंचवण्णे दुगंधे पंचरसे चउफासे पत्रत्ते अह भंते कोहे कोवे रोसे दोसे अखमा संजलणे कलहे चंडिकूके पंडणे विवादे-एस णं कतिवण्णे जाव कतिफासे पत्रत्ते गोयमा पंचवण्णे दुगंधे पंचरसे चउफासे पत्रत्ते अह भंते माणे मदे दण्णे थंमे गव्वे अतुकूकोसे परपरिवाए उकूकोसे अवकूकोसे उण्णत्ते उण्णामे दुण्णामे-एस णं कतिवण्णे जाव कतिफासे पत्रत्ते गोयमा पंचवण्णे दुगंधे पंचरसे चउफासे पत्रत्ते अह भंते माया उवही नियडी बलए गहणे नूमे ककूके कुरुए जिम्हे किब्बिसे आयरण्या गूहण्या वंचण्या पलिउंचण्या सातिजोगे-एस णं कतिवण्णे जाव कतिफासे पत्रत्ते गोयमा पंचवण्णे [दुगंधे पंचरसे चउफासे पत्रत्ते] अह भंते लोपे इच्छा मुच्छा कंछा गेही तण्हा भिज्झा अभिज्झा आसासण्या पत्थण्या लालप्पण्या काभासा भोगासा जीवियासा मरणासा नंदिरागे-एस णं कतिवण्णे जाव कतिफासे पत्रत्ते [गोयमा पंचवण्णे दुगंधे पंचरसे चउफासे पत्रत्ते] अह भंते पेज्जे दोसे कलहे अम्भक्खाणे पेसुत्रे परपरिवाए अरतिरती मायामोसे मिच्छादंसणसल्ले-एस णं कतिवण्णे जाव कतिफासे पत्रत्ते [गोयमा पंचवण्णे दुगंधे पंचरसे चउफासे पत्रत्ते] ।४४८।-४४९

(५४३) अह भंते पाणाइवयवेरमणे जाव परिग्गहवेरमणे कोहविदेगे जाव मिच्छादंसण-सल्लविदेगे-एस णं कतिवण्णे जाव कतिफासे पत्रत्ते गोयमा अवण्णे अगंधे अरसे अफासे पत्रत्ते अह भंते उप्पत्तिया वेणइया कम्मया पारिणामिया-एस णं कतिवण्णा जाव कतिफासा पत्रत्ता [गोयमा अवण्णा अगंधा अरसा अफासा पत्रत्ता] अह भंते ओग्गहे ईहा अवाए धारणा-एस णं कतिवण्णा जाव कतिफासा पत्रत्ता [गोयमा अवण्णा अगंधा अरसा] अफासा पत्रत्ता अह भंते उट्ठाणे कम्मे बले वीरिए पुरिसक्कार-परक्कमे-एस णं कतिवण्णे जाव कतिफासे पत्रत्ते [गोयमा अवण्णे अगंधे अरसे] अफासे पत्रत्ते सत्तमे णं भंते ओवासंतरे कतिवण्णे जाव कतिफासे पत्रत्ते [गोयमा अवण्णे अगंधे अरसे] अफासे पत्रत्ते सत्तमे णं भंते तणुवाए कतिवण्णे जाव कतिफासे पत्रत्ते [गोयमा पंचवण्णे दुगंधे पंचरसे] अट्ठाफासे पत्रत्ते एवं जहा सत्तमे तणुवाए तहा सत्तमे घणवाए घणोदधी पुढवी छट्ठे ओवासंतरे अवण्णे तणुवाए जाव छट्ठी पुढवी-एयाइं अट्ठाफासाइं एवं जहा सत्तमाए पुढवीए वत्तब्बया भणिया तहा जाव पढमाए पुढवीए भाणियव्वं जंबुदीवे दीवे जाव संयभुरमणे समुद्धे सोहम्मे कप्पे जाव ईसिपब्भारा पुढवी नेरइयावासा जाव वेमाणियावासा-एयाणि सव्वाणि अट्ठाफासाणि

नेरइयाणं भंते कतिवण्णा जाव कतिफासा पत्रत्ता गोयमा वेउब्बिय-तेवाइं पडुच्च पंच-वण्णा दुगंधा पंचरसा अट्ठाफासा पत्रत्ता कम्मणं पडुच्च पंचवण्णा दुगंधा पंचरसा चउफासा पत्रत्ता जीवं पडुच्च अवण्णा जाव अफासा पत्रत्ता एवं जाव थणियकुमारा, पुढविकूकाइयाणं-पुच्छा गोयमा ओरालिय-तेयगाइं पडुच्च पंचवण्णा जाव अट्ठाफासा पत्रत्ता कम्मणं पडुच्च जहा नेरइयाणं जीवं पडुच्च तहेव एवं जाव चउरिदिया नवरं-वाउक्काइया ओरालिय-वेउब्बिय-तेयगाइं पडुच्च पंचवण्णा जाव अट्ठाफासा पत्रत्ता सेसं जहा नेरइयाणं पंचिदियतिरिक्खजोणिया जहा

बाउक्काइया, मणुस्साणं-पुच्छ ओरालिय-वेउच्चिय-आहारग-तेयगाई पडुछ पंचवण्णा जाव अट्टफासा पत्रत्ता कम्मगं जीवं च पडुछ जहा नेरइयाणं वाणमंतर-जोइसय-वेमाणिया जहा नेरइया धम्मत्थिकाए जाव पोगलत्थिकाए-एए सव्वे अवण्णा नवरं-पोगलत्थिकाए पंचवण्णे दुगंधे पंचर-से अट्टफासे पत्रत्ते नाणावरणिजे जाव अंतराइए-एयाणि चउफासाणि

कण्हलेसा णं भंते कतिवण्णा जाव कतिफासा पत्रत्ता दव्वलेसं पडुछ पंचवण्णा जाव अट्टफासा पन्नत्ता भावलेसं पडुछ अवण्णा अगंधा अरसा अफासा पत्रत्ता एवं जाव सुक्कलेस्सा सम्मदिट्ठी मिच्छदिट्ठी सम्मामिच्छदिट्ठी चक्खुदंसणे अचक्खुदंसणे ओहिदंसणे केवलदंसणे आभिणिदोहियनाणे जाव विव्भंगनाणे आहारसण्णा जाव परिगहसण्णा-एयाणि अवण्णाणि अगंधाणि अरसाणि अफासाणि ओरालियसरीरे जाव तेयगसरीरे-एयाणि अट्टफासाणि कम्मगसरीरे चउफासे मणजोगे वइजोगे य चउफासे कायजोगे अट्टफासे सागारोवओगे अणागारो-वओगे य अवण्णे, सब्बदव्वा णं भंते कतिवण्णा जाव कतिफासा पत्रत्ता गोयमा अत्येगतिया सब्बदव्वा पंचवण्णा जाव अट्टफासा पत्रत्ता अत्येगतिया सब्बदव्वा पंचवण्णा जाव चउफासा पत्रत्ता अत्येगतिया सब्बदव्वा एगवण्णा एगगंधा एगरसा ट्टफासा पत्रत्ता अत्येगतिया सब्बदव्वा अवण्णा जाव अफासा पत्रत्ता एवं सब्बपएसा वि सब्बपज्जवा वि तीयद्धा अवण्णा जाव अफासा एवं अणागयद्धा वि सब्बद्धा वि ।४४९।-४५०

(५४४) जीवे णं भंते गब्बं वक्कममाणे कतिवण्णं कतिगंधं कतिरसं कतिफासं परिणामं परिणमइ गोयमा पंचवण्णं दुगंधं पंचरसं अट्टफासं परिणामं परिणमइ ।४५०।-४५१

(५४५) कम्मओ णं भंते जीवे नो अकम्मओ विभत्तिभावं परिणमइ कम्मओ णं जए नो अकम्मओ विभत्तिभावं परिणमइ हंता गोयमा कम्मओ णं [जीवे नो अकम्मओ विभत्तिभावं परिणमइ कम्मओ णं जए नो अकम्मओ विभत्तिभावं] परिणमइ सेवं भंते सेवं भंते त्ति ।४५१।-४५२

● बारसमे सते पंचयो उद्देशो समतो ●

—: छ हो-उ दे सो :-

(५४६) रायगिहे जाव एवं वयासी-बहुजण णं भंते अण्णमण्णस्स एवमाइक्खइ जाव एवं परूवेइ-एवं खलु राहू चंदं गेण्हति एवं खलु राहू चंदं गेण्हति से कहमेयं भंते एवं गोयमा जण्णं से बहुजणे अण्णमण्णस्स एवमाइक्खइ जाव जे ते एवमाहंसु भिच्छं ते एवमाहंसु अहं पुण गोयमा एवमाइक्खामि जाव एवं परूवेमि-एवं खलु राहू देवे महिइदीए जाव महेसक्खे वरवत्थघरे वरमल्लघरे वरगंधरे वराभरणधारी राहुस्स णं देवस्स नव नामधेज्जा पत्रत्ता तं जहा-सिंघाडए जडिलए खत्तए खरए ददुरे मगरे मच्छे कच्छे कण्हसप्पे राहुस्स णं देवस्स विमाणा पंचवण्णा पत्रत्ता तं जहा-किण्हा नीला लोहिया हालिद्धा सुक्किक्का अत्थि कालए राहुविमाणे खंजणवण्णाभे पत्रत्ते अत्थि नीलए राहुविमाणे लाउयवण्णाभे पत्रत्ते अत्थि लोहिए राहुविमाणे मंजिद्ववण्णाभे पत्रत्ते अत्थि पीतए राहुविमाणे हालिद्ववण्णाभे पत्रत्ते अत्थि सुक्किक्काए राहुविमाणे भासरासि-वण्णाभे पत्रत्ते

जदा णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं पुरत्थिमेणं आवरेत्ता णं पच्चत्थिमेणं वीतीयवइ तदा णं पुरत्थिमेणं चंदे उवदंसेति पच्चत्थिमेणं राहू जदा णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं पच्चत्थिमेणं

आवरेत्ता णं पुरत्थिमेणं वीतीवयइ तदा णं पच्चत्थिमेणं चंदे उवदंसेति पुरत्थिमेणं राहू एवं जहा पुरत्थिमेणं पच्चत्थिमेणं य दो आलावगा भणिया एवं दाहिणेणं उत्तरेणं य दो कालावगा भणियव्वा एवं उत्तरपुरत्थिमेणं दाहिणपच्चत्थिमेणं य दो आलावगा भणियव्वा एवं दाहिणपुरत्थिमेणं उत्तरपच्चत्थिमेणं य दो आलावगा भणियव्वा एवं चेव जाव तदा णं उत्तरपच्चत्थिमेणं चंदे उवदंसेति दाहिणपुरत्थिमेणं राहू जदा णं राहूआगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं आवरेमाणे-आवरेमाणे चिद्धइ तदा णं मणुस्सलोए मणुस्सा वंति-वदंति एवं खलु राहू चंदं गेण्हति एवं खलु राहू चंदं गेण्हति जदा णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं आवरेत्ता णं पासेणं वीतीवयइ तदा णं मणुस्सलोए मणुस्सा वदंति एवं खलु चंदेणं राहुस्स कुच्छी भित्ता एवं खलु चंदेणं राहुस्स कुच्छी भित्ता जदा णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं आवरेत्ता णं पच्चोसकूकइ तदा णं मणुस्सलोए मणुस्सा वदंति-एवं खलु राहुणा चंदे वंते एवं खलु राहुणा चंदे वंते जदा णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेस्सं अहे सपक्खि सपडिदिसिं आवरेत्ता णं चिद्धइ तदा णं मणुस्सलोए मणुस्सा वदंति-एवं खलु राहुणा चंदे पत्थे एवं खलु राहुणा चंदे पत्थे

कतिविहे णं भंते राहू पन्नत्ते गोयमा दुविहे राहू पन्नत्ते तं जहा-धुवराहू य पव्वराहू य तत्थ णं जे से धुवराहू से णं बहुलपक्खस्स पाडिवए पन्नरसत्तिभागेणं पन्नरसत्तिभागं चंदलेस्सं आवरेमाणे-आवरेमाणे चिद्धइ तं जहा-पढमाए पढमं भागं बित्थियाए बित्थियं भागं जाव पन्नरसेसु पन्नरसमं भागं चरिमसमये चंदे रत्ते भवइ अवसेसे समये चंदे रत्ते वा विरत्ते वा भवइ तमेव सुक्कपक्खस्स उवदंसेमाणे-उवदंसेमाणे चिद्धइ पढमाए पढमं भागं जाव पन्नरसेसु पन्नरसमं भागं चरिमसये चंदे विरत्ते भवइ अवसेसे समये चंदे रत्ते वा विरत्ते वा भवइ तत्थ णं जे से पव्वराहू से जहण्णेणं छण्हं मासाणं उक्कोसेणं बायालीसाए मासाणं चंदस्स, अडयालीसाए संवच्छराणं सूरस्स ४५२१-४५३

(५४७) से केण्ह्णेणं भंते एवं वुच्चइ-चंदे ससी चंदे ससी गोयमा चंदस्स णं जोइसिंदस्स जोइसरण्णो मियंके विमाणे कंता देवा कंताओ देवीओ कंताइं आसण-सयण-खंभ-भंडमतोवगरणाइं अष्पणा वि य णं चंदे जोइसिंदे जोइसराया सोमे कंते सुभए पियदंसणे सुरूवे से तेण्ह्णेणं गोयमा एवं वुच्चइ-चंदे ससी चंदे ससी ४५३१-४५४

(५४८) से केण्ह्णेणं भंते एवं वुच्चइ-सूरे आदिच्चे सूरे आदिच्चे गोयमा सूरदिद्या णं समवा इ वा आवलिया इ वा जाव ओसप्पिणी इ वा उस्सप्पिणी इ वा से तेण्ह्णेणं गोयमा एवं वुच्चइ-सूरे आदिच्चे सूरे आदिच्चे ४५४१-४५५

(५४९) चंदस्स णं भंते जोइसिंदस्स जोइसरण्णो कति अण्णमहिंसीओ पन्नत्ताओ जहा दसमसए जाव नो चेव णं मेहुणवत्तियं सूरस्स वि तहेव, चंदिम-सूरिया णं भंते जोइसिंदा जोइसरायाणो केरिसए कामभोगे पच्चणुब्भवमाणा विहरंति गोयमा से जहानामए केइ पुरिसे पढमजोव्वणुद्धानबलत्थे पढमजोव्वणुद्धानबलत्थाए भारियाए सद्धिं अचिरवत्तविवाहकज्जे अत्थगवेसणयाए सोलसवास विष्पवासिए से णं तओ लद्धट्ठे कयकज्जे अणहसमग्गे पुणरवि नियणं गिहं हव्वभागए ण्हाए कयबलिकम्मे कयकोउय-मंगल-पायच्छित्ते सव्वालंकारविभूंसिए मणुण्णं थालिपागसुद्धं अट्टारसवंजणाकुलं भोयणं भुत्ते समाणे तंसि तारिसांसि वासधरंसि [अब्भितरओ

सचित्तकम्मे बाहिरओ दूमिय-घट्ट-मट्टे विचित्तउल्लोग-चिद्धियतले मणिरयण- पणासियंधयारे बहुसप-सुविभत्तदेसभाए पंचवण्ण-सरससुरभि-मुक्कपुप्फपुंजोवयारकलिए कालागुरु-पवरकुंदु-रुक्क-तुरुक्क धूव-मधमधेत-गंधुद्धयाभिरामे सुगंधरगंधिए गंधवट्ठिभूए तंसि तारिसगंसि सयणिजंसि-सालिंगणवट्टिए उभओ बिब्बोयणे दुओ उण्णए मज्जे नय-गंभीरे गंगापुलिणवालय-उदालसालिसए ओयविय-खोमिय-दुगुल्लपट्ट-पडिच्छयणे सुविरइधरयत्ताणे रत्तंसुयसंबुए सुरम्मे आइणग-रूप-चूरे-नवणीय-तूलफासे सुगंधवरकुसुम-चुण्ण]-सयणोवयारकलिए ताए तारिसियाए भारियाए सिंगारागारचारवेसाए [संगय-गय-हसिय-भणिय-चेट्टिये-विलास-सललिय-सलाव-निउ-णवुत्तीवयारकुसलाए सुंदरयण-जपण-वयण-कर-चरण-नवण-लावण-रूव-जोव्वण-विलास] कलियाए अनुरत्ताए अविरत्ताए मणाणु कूलाए सद्धिं इट्ठे सट्ठे फरिसे रसे रूवे गंधे पंचविहे माणुस्सए कामभोगे पच्चणुब्भवमाणे विहरैजा से णं गोयमा पुरिसे विउसमणा- कालसमयंसि केरिसयं सायासोक्खं पच्चणुब्भवमाणे विहरइ

ओरालं समणाउसो तस्स णं गोयमा पुरिसस्स कामभोगेहिंतो वाणमंतराणं देवाणं एत्तो अनंतगुणविसिद्धतरा चेव कामभोगा वाणमंतराणं देवाणं कामभोगेहिंतो असुरिदवज्जियाणं भवण-वासीणं देवाणं एत्तो अनंतगुणविसिद्धतराचेव कामभोगा असुरिदवज्जियाणं भवणवासिणं देवाणं कामभोगेहिंतो असुरकुमारानं देवाणं एत्तो अनंतगुणविसिद्धतरा चेव कामभोगा असुरकुमारानं देवाणं कामभोगेहिंतो गहगण-नक्खत्त-तारारूवाणं जोतिसियाणं देवाणं एत्तो अनंतगुणविसिद्धतरा चेव कामभोगा गहगण-नक्खत्त-तारारूवामं जोतिसिवामं कामभोगेहिंतो चंदिम-सूरियाणं जोतिसियाणं जोतिसराईणं एत्तो अनंतगुणविसिद्धतरा चेव कामभोगा चंदिम-सूरिया णं गोयमा जोतिसिदा जोतिसरायाणो एरिसे कामभोगे पच्चणुब्भवमाणा विहरंति सेवं भंते सेवं भंते त्ति भगवं गोयमे समणं भगवं महावीरं वंदइ नमंसइ वंदित्ता नमंस्सित्ता जाव विहरइ ४५५।-४५६

● बारसवे सत्ते छट्ठो उद्देशो सप्ततो ●

—: स त्त मो—उ द्वे सो —:

(५५०) तेणं कालेणं तेणं समएणं जाव एवं बयासी-केमहालए णं भंते लोए पत्रत्ते गोयमा महतिमहालए लोए पत्रत्ते-पुरत्थिमेणं असंखेज्जाओ जोयणकोडाकोडीओ दाहिणेणं असंखेज्जाओ जोयणकोडाकोडीओ एवं पच्चत्थिमेणं वि एवं उत्तरेणं वि एवं उड्ढं पि अहे असंखेज्जाओ जोयणकोडाकोडीओ आयाम-विकखंभेणं एयंसि णं भंते एमहालगंसि लोगंसि अत्थि केइ परमाणुपोग्गलमेत्ते वि पएसे जत्थ णं अयं जीवे न जाए वा न मए वा वि गोयमा नो इण्ण्डे समट्ठे से केणट्ठेणं भंते एवं बुद्धइ-एयंसि णं एमहालगंसि लोगंसि नत्थि केइ परमाणुपोग्गलमेत्ते वि पएसे जत्थ णं अयं जीवे न जाए वा न मए वा वि गोयमा से जहानामए केइ पुरिसे अया-सयस्स एगं महं अया-वयं-करेजा से णं तत्थ जहण्णेणं एक्कं वा दो वा तिण्णि वा उक्कोसेणं अया-सहस्सं पक्खिवेज्जा ताओ णं तत्थ पउरगोयराओ पउरपाणिद्याओ जहण्णेणं एगाए वा दुयाहं वा तियाहं वा उक्कोसेणं छम्मासे परिवसेज्जा अत्थि णं गोयमा तस्स अया-वयस्स केइ परमाणुपोग्गलमेत्ते वि पेसे जे णं तांसि अयाणं उच्चारण वा पासवणेण वा खेलेण वा सिंघाणेण वा वंतेण वा पितेणं वा पूएण वा सुक्केण वा सोणिएण वा चम्मेहिं वा रोमेहिं वा सिंगेहिं वा खुरेहिं वा नहेहिं वा अणोक्कत्तपुव्वे भवइ नो इण्ण्डे समट्ठे होजा वि णं गोयमा तस्स अया-वयस्स केइ परमाणुपोग्गलमेत्ते वि पएसे जे णं

तासिं अयाणं उच्चारणं वा जाव नहेहिं वा अणोक्कंतपुब्बे नो चेव णं एयंसि एमहालगंसि लोगंसि लोगस्स य सासयं भावं संसारस्स य अणादिभावं जीवस्स य निद्यभावं कम्मवहुतं जम्मण-
मरणबाहुलं च पडुच्च अत्थि केइ परमाणुपोग्गलमेत्ते कि पएसे जत्थ णं अयं जीवे न जाए वा न मए
वा वि से तेणट्ठेणं [गोयमा एवं बुद्धइ-एयंसि णं एमहालगंसि लोगंसि नत्थि केइ परमाणुपोग्गलमेत्ते
वि पएसे जत्थ णं अयं जीवे न जाए वा] न मए वा वि । ४५६ । -457

(५५१) कति णं भंते पुढवीओ पन्नत्ताओ गोयमा सत्त पुढवीओ पन्नत्ताओ जहा पढमसए
पंचमउद्देसए तहेव आवासा ठावेयव्वा जाव अनुत्तरविमाणेति जाव अपराजिए सव्वट्ठसिद्धे
अयण्णं भंते जीवे इमीसे रयणप्पभाए पुढवीए तीसाए निरयावाससयसहस्सेसु एगमेगंति
निरवासंसि पुढविकाइयत्ताए जाव वणस्सइकाइयत्ताए नरगत्ताए नेरइयत्ताए उववन्नपुब्बे हंता
गोयमा असइ अदुवा अनंतखुत्तो सव्वजीवा वि णं भंते इमीसे रयणप्पभाए पुढवीए तीसाए
निरयावाससय सहस्सेसु [एगमेगंसि निरयासासंसि पुढविकाइयत्ताए जाव वणस्सकइकाइय-
त्ताए नरगत्ताए नेरइयत्ताए उववन्नपुब्बे] हंता गोयमा असइ अदुवा अनंतखुत्तो अयण्णं भंते जीवे
सक्करप्पभाए पुढवीए पणुवीसाए निरयावाससयसहस्सेसु एगमेगंसि निरयावासंसि एवं जहा
रयणप्पभाए तहेव दो आलावगा भाणियव्वा एवं जाव धूपप्पभाए, अयण्णं भंते जीवे तमाए
पुढवीए पंचूणे निरयावाससयसहस्से एगमेगंसि निरयावासंसि सेसं तं चेव अयण्णं भंते जीवे
अहेसत्तामाए पुढवीए पंचसु अनुत्तरेसु महतिमहालएसु महानिरएसु एगमगंसि निरयावासंसि सेसं
जहा रयणप्पभाए, अयण्णं भंते जीवे चउसट्ठीए असुरकुमारावाससयसहस्सेसु एगमेगंसि
असुरकुमारावासंसि पुढविकाइयत्ताए जाव वणस्सइकाइयत्ताए देवत्ताए देवित्ताए आसण-
सयण-भंडमतोवगरणत्ताए उववन्नपुब्बे हंता गोयमा असइ अदुवा अनंतखुत्तो सव्वजीवा वि णं
भंते एवं चेव एवं जाव थणियकुमारेसु नाणत्तं आवासेसु आवास पुब्बमणिया अयण्णं भंते जीवे
असंखेजेसु पुढविकाइयावाससयसहस्सेसु एगमेगंसि पुढविकाइयावासंसि पुढविकाइयत्ताए
जाव वणस्सइकाइयत्ताए उववन्नपुब्बे हंता गोयमा असइ अदुवा अनंतखुत्तो एवं सव्वजीवा वि एवं
जाव वणस्सइकाएसु

अयण्णं भंते जीवे असंखेजेसु बेइंदियावाससयसहस्सेसु एगमेगंसि बेइंदियावासंसि
पुढविकाइयत्ताए जाव वणस्सइकाइयत्ताए बेइंदियत्ताए उववन्नपुब्बे हंता गोयमा असइ अदुवा
अनंतखुत्तो सव्वजीवा वि णं एवं चेव एवं जाव मणुस्सेसु नवरं-तेइंदिएसु जाव वणस्स- इक-
इयत्ताए तेइंदियत्ताए चउरिंदिएसु चउरिंदियत्ताए पंचिंदियतिरिक्खजोणिएसु पंचिंदियति-
रिक्खजोणियत्ताए मणुस्सेसु मणुस्सत्ताए सेसं जहा बेइंदियाणं वाणमंतर-जोइसिय-सोहम्मीसामेसु
य जहा असुरकुमारार्णं, अयण्णं भंते जीवे सणकुमारे कप्पे वारससु विमाणावाससयसहस्सेसु
एगमेगंसि वेमाणियावासंसि पुढविकाइयत्ताए [जाव वणस्सइकाइयत्ताए देवत्ताए आसण-सयण-
भंडमतोवगरणत्ताए उववन्नपुब्बे हंता गोयमा असइ अदुवा अनंतखुत्तो] एवं सव्वजीवा वि एवं
जाव आणयपाणएसु एवं आरणघुएसु वि अयण्णं भंते जीवे तिसु वि अट्ठारसुत्तरेसु
गेविज्जविमाणावाससयेसु एवं चेव अयण्णं भंते जीवे पंचसु अनुत्तरविमाणंसि पुढविकाइयत्ताए
तहेव जाव असइ अदुवा अनंतखुत्तो नो चेव णं देवत्ताए वा देवीत्ताए वा एवं सव्वजीवा वि,
अयण्णं भंते जीवे सव्वजीवाणं माइत्ताए पितित्ताए माइत्ताए भगिणित्ताए भज्जत्ताए पुत्तत्ताए

धूयत्ताए सुणहत्ताए उवन्नपुव्वे हंता गोयमा असइ अदुवा अनंतखुत्तो सव्वजीवा वि णं भंते इमस्स जीवस्स माइत्ताए जाव अनंतखुत्तो

अयण्णं भंते जीवे सव्वजीवाणं अरित्ताए वेरियत्ताए धातगत्ताए वहगत्ताए पडिणीयत्ताए पच्चामित्तत्ताए उवन्नपुव्वे हंता गोयमा असइ अदुवा अनंतखुत्तो सव्वजीवा वि णं भंते एवं चेव अनंतखुत्तो अयण्णं भंते जीवे सव्वजीवाणं रायत्ताए जुवरायत्ताए तलवरत्ताए मांडबियत्ताए कोडुंवियत्ताए इव्वत्ताए सेट्ठित्ताए सेणावइत्ताए सत्थवाहत्ताए उवन्नपुव्वे हंता गोयमा असइ अदुवा अनंतखुत्तो सव्वजीवा वि णं भंते इमस्स जीवस्स रायत्ताए जुवरायत्ताए तलवरत्ताए मांडबियत्ताए कोडुंवियत्ताए इव्वत्ताए सेट्ठित्ताए सेणावइत्ताए सत्थवाहत्ताए उवन्नपुव्वे हंता गोयमा [असइ अदुवा] अनंतखुत्तो अयण्णं भंते जीवे सव्वजीवाणं दासत्ताए पेसत्ताए भयगत्ताए भाइल्लत्ताए भोगपुरिसत्ताए सीसत्ताए वेसत्ताए उवन्नपुव्वे हंता गोयमा [असइ अदुवा] अनंतखुत्तो [सव्वजीवा वि णं भंते इमस्स जीवस्स दासत्ताए पेसत्ताए भयगत्ताए भाइल्लत्ताए भोगपुरिसत्ताए सीसत्ताए वेसत्ताए उवन्नपुव्वे हंता गोयमा असइ अदुवा] अनंतखुत्तो सेवं भंते सेवं भंते त्ति जाव विहरइ १४५७१-४५८

● बारसमे सत्ते सत्तमो उद्देशो समतो ●

—: अ द्द मो—उ दे सो :—

(५५२) तेणं कालेणं तेणं समएणं जाव एवं वयासी-देवे णं भंते महिइदीए जाव महेसक्खे अनंतरं चयं चइत्ता विसरीरेसु नागेसु उववज्जेज्जा हंता उववज्जेज्जा से णं तत्थ अच्चिय-वंदिय-सक्कारिय-सम्भाणिए दिव्वे सच्चे सच्चोवाए सत्तिहियपाडिहेरे यावि भवेज्जा हंता भवेज्जा से णं भंते तओहितो अनंतरं उव्वट्ठित्ता सिज्जेज्जा जाव सव्वदुक्खाणं अंतं करेज्जा हंता सिज्जेज्जा जाव सव्वदुक्खाणं अंतं करेज्जा देवे णं भंते महिइदीए [जाव महेसक्खे अनंतरं चयं चइत्ता] विसरीरेसु मणीसु उववज्जेज्जा हंता उववज्जेज्जा एवं चेव जहा नागाणं देवे णं भंते महिइदीए जाव महेसक्खे अनंतरं चयं चइत्ता विसरीरेसु रुक्खेसु उववज्जेज्जा हंता उववज्जेज्जा एवं चेव नवरं-इमं नाणत्तं जाव सत्तिहियपाडिहेरे लाउल्लोइयमाहिए यावि भवेज्जा हंता भवेज्जा सेसं तं चेव जाव सव्वदुक्खाणं अंतं करेज्जा १४५८१-४५९

(५५३) अहं भंते गोनंगूलवसभे कुक्कुडवसभे मंडुक्कवसभे-एए णं निस्सीला निव्वया निग्गुणा निम्मेरा निष्पच्चक्खाण-पोसहोववासा कालमासे कालं किच्चा इमीसे रयणण्णभाए पुढवीए उक्कोसं सागरोवमट्ठितीयंसि नगरंसि नेरइयत्ताए उववज्जेज्जा समणे भगवं महावीरे वागरेइ-उववज्जमाणे उववज्जेरि वत्तव्वं सिया अहं भंते सीहे वग्गे [वगे दीविए अच्छे तरच्छे] परस्सेरे-एए णं निस्सीला [निव्वया निग्गुणा निम्मेरा निष्पच्चक्खाणा-पोसहोववासा कालमासे कालं किच्चा इमीसे रयणण्णभाए पुढवीए उक्कोसं सागरोवमट्ठितीयंसि नगरंसि नेरइयत्ता उववज्जेज्जा समणे भगवं महावीरे वागरेइ-उववज्जमाणे उववज्जेरि] वत्तव्वं सिया अहं भंते ढंके कंके विलए महुए सिखी-एए णं निस्सीला सेसं तं चेव जाव वत्तव्वं सिया सेवं भंते सेवं भंते त्ति जाव विहरइ १४५९१-४६०

● बारसमे सत्ते अद्दमो उद्देशो समतो ●

—: न द मो—उ दे सो :—

(५५४) कतिविहा णं भंते देवा पत्तत्ता गोयमा पंचविहा देवा पत्तत्ता तं जहा-भविष्यदव्यदेवा

नरदेवा धम्मदेवा देवाधिदेवा भावदेवा से केणट्ठेणं भंते एवं बुद्धइ-भविद्यदब्बदेवा-भविद्यदब्बदेवा गोयमा जे भविए पंचिंदियतिरिक्खजोणि ए वा मणुस्से वा देवेषु उववज्जति ए से तेणट्ठेणं गोयमा एवं बुद्धइ-भविद्यदब्बदेवा-भविद्यदब्बदेवा, से केणट्ठेणं भंते एवं बुद्धइ-नरदेवा-नरदेवा गोयमा जे इमे रायाणो चाउरंतचक्कवट्ठी उप्पण्णसमत्तचक्करयणप्पहाणा नवनिहिपइणं समिद्धकोसा बत्तीस-रायवरसहस्राणुयातमग्गा सागरवरमेहलाहिवइणो मणुसिंसा से तेणट्ठेणं [गोयमा एवं बुद्धइ] नरदेवा-नरदेवा से केणट्ठेणं भंते एवं बुद्धइ-धम्मदेवा-धम्मदेवा गोयमा जे इमे अणगारा भगवंतो रियासमिया जाव गुत्तबंदयारी से तेणट्ठेणं गोयमा एवं बुद्धइ-धम्मदेवा-धम्मदेवा से केणट्ठेणं भंते एवं बुद्धइ-देवाधिदेवा-देवाधिदेवा गोयमा जे इमे अरहंता भगवंतो उप्पन्नानाण-दंसणधरा अरहा जिणा केवली तीयपच्चुप्पन्नमाणागयाविषाणया सब्बणू सब्बदरिसी से तेणट्ठेणं गोयमा एवं बुद्धइ-देवाधिदेवा-देवाधिदेवा से केणट्ठेणं भंते एवं बुद्धइ-भावदेवा-भावदेवा गोयमा जे इमे भवणवइ-वाणमंतर-जोइस-वेमाणिया देवा देवगतिनाम गोयाइं कम्माइं वेदेति से तेणट्ठेणं [गोयमा एवं बुद्धइ] भावदेवा-भावदेवा ॥४६०॥-461

(५५५) भविद्यदब्बदेवा णं भंते कओहिंतो उववज्जति-किं नेरइएहिंतो उववज्जति तिरिक्ख-मणुस्स-देवेहिंतो उववज्जति गोयमा नेरइएहिंतो उववज्जति तिरिक्ख-मणुस्स-देवेहिंतो वि उव-वज्जति भेदो जहा वक्कंती ए सब्बेसु उववाएयव्वा जाव अनुत्तरोववाइय ति नवरं-असंखेज्ज-वासाउयअकम्मभूमग-अंतरदीवगसब्बइसिद्धवज्जं जाव अपराजियदेवेहिंतो वि उववज्जति, नरदेवा णं भंते कओहिंतो उववज्जति-किं नेरइएहिंतो-पुच्छा गोयमा नेरइएहिंतो उववज्जति नो मणुस्सेहिंतो देवेहिंतो वि उववज्जति जइ नेरइएहिंतो उववज्जति-किं रयणप्पभापुढविनेरइएहिंतो उववज्जति जाव अहेसत्तमापुढविनेरइएहिंतो उववज्जति गोयमा रयणप्पभापुढविनेरइएहिंतो उववज्जति नो सक्क-रप्पभापुढविनेरइएहिंतो जाव नो अहेसत्तमापुढविनेरइएहिंतो उववज्जति जइ देवेहिंतो उववज्जति किं भवणवासिदेवेहिंतो उववज्जति वाणमंतरजोइसिय-वेमाणियदेवेहिंतो उववज्जति गोयमा भव-णवासिदेवेहिंतो वि उववज्जति वाणमंतरदेवेहिंतो एवं सब्बदेवसु उववाएयव्वा यक्कंती ए भेदेणं जाव सब्बइसिद्धति, धम्मदेवा णं भंते कओहिंतो उववज्जति-किं नेरइएहिंतो उववज्जति-पुच्छा एवं यक्कंतीभेदेणं सब्बेसु उववाएयव्वा जाव सब्बइसिद्धति नवरं-त्तमअहेसत्तम-तेउ-वाउ-असंखेज्ज-वासाउयअकम्मभूमग-अंतरदीवगवज्जेसु, देवाधिकदेवा णं भंते ओहिंतो उववज्जति-किं नेरइए-हिंतो उववज्जति-पुच्छा गोयमा नेरइएहिंतो उववज्जति नो तिरिक्खजोणिएहिंतो नो मणुस्सेहिंतो देवेहिंतो वि उववज्जति जइ नेरइएहिंतो एवं तिसु पुढवीसु उववज्जति सेसाओ खोडेयव्वाओ जइ देवेहिंतो वेमाणिएसु सब्बेसु उववज्जति जाव सब्बइसिद्धति सेसा खोडेयव्वा, भाव- देवा णं भंते कओहिंतो उववज्जति एवं जहा यक्कंती ए भवणवासीणं उववाओ तथा भाणियव्वो ४६१॥-462

(५५६) भविद्यदब्बदेवाणं भंते केवतियं कालं ठिती पत्तता गोयमा जहण्णेणं अंतोमुहुत्तं उक्कोसेणं तिण्णि पलिओवमाइं नरदेवाणं-पुच्छा गोयमा जहणेणं सत्त वाससयाइं उक्कोसेणं चउरासीइं पुव्वसयसहस्साइं, धम्मदेवाणं-पुच्छा गोयमा जहण्णेणं अंतोमुहुत्तं उक्कोसेणं देसूणा पुव्वकोडी, देवाधिदेवाणं-पुच्छा गोयमा जहण्णेणं भावत्तरिं वासाइं उक्कोसेणं चउरासीइं पुव्वसयसहस्साइं भावदेवाणं-पुच्छा गोयमा जहण्णेणं दस वाससहस्साइं उक्कोसेणं तेतीसं सागरोवमाइं ॥४६२॥-463

(५५७) भवियदव्यदेवा णं भंते किं एगत्तं पभू विउच्चित्तए पुहत्तं पभू विउच्चित्तए गोयमा एगत्तं पि पभू विउच्चित्तए पुहत्तं पि पभू विउच्चित्तए एगत्तं विउच्चमाणे एगिदियरूवं वा जाव पंचिदियरूवं वा पुहत्तं विउच्चमाणे एगिदियरूवाणि वा जाव पंचिदियरूवाणि वा ताइं संखेज्जाणि वा असंखेज्जाणि वा संबद्धाणि वा असंबद्धाणि वा सरिसाणि वा असरिसाणि वा विउच्चंति विउच्चित्ता तओ पच्छा जहिच्छियाइं कज्जाइं करेति एवं नरदेवा वि एवं धम्मदेवा वि देवाधिदेवाणं-पुच्छा गोयमा एगत्तं पि पभू विउच्चित्तए पुहत्तं पि पभू विउच्चित्तए नो चेव णं संपत्तीए विउच्चिसु वा विउच्चंति वा विउच्चिस्संति वा भावदेवा जहा भवियदव्यदेवा । ४६३।-४६४

(५५८) भवियदव्यदेवा णं भंते अनंतरं उच्चट्ठित्ता कहिं गच्छंति कहिं उववज्जंति -किं नेरइ-एसु उववज्जंति जाव देवेसु उववज्जंति गोयमा नो नेरइएसु उववज्जंति नो तिरिक्खजोणिएसु नो मणुस्सेसु देवेसु उववज्जंति जइ देवेसु उववज्जंति सव्वदेवेसु उववज्जंति जाव सव्वट्ठसिद्धंति नरदेवा णं भंते अनंतरं उच्चट्ठित्ता-पुच्छा गोयमा नेरइएसु उववज्जंति नो तिरिक्खजोणिएसु नो मणुस्सेसु नो देवेसु उववज्जंति जइ नेरइएसु उववज्जंति सत्तसु वि पुढवीसु उववज्जंति, धम्मदेवा णं भंते अनंतरं उच्चट्ठित्ता-पुच्छा गोयमा नो नेरइएसु उववज्जंति नो तिरिक्खजोणिएसु नो मणुस्सेसु देवेसु उववज्जंति जइ देवेसु उववज्जंति किं भवणवासि-पुच्छा गोयमा नो भवणवासिदेवेसु उववज्जंति नो वाणमंतरदेवेसु उववज्जंति नो जोइसियदेवेसु उववज्जंति वेमाणियदेवेसु उववज्जंति सव्वेसु वेमा-णिएसु उववज्जंति जाव सव्वट्ठसिद्धअणुत्तरोववाइयं [वेमाणियदेवेसु] उववज्जंति अत्थेगतिया सिज्जंति जाव सव्वदुक्खाणं अंतं करेति देवाधिदेवा अनंतरं उच्चट्ठित्ता कहिं गच्छंति कहिं उववज्जंति गोयमा सिज्जंति जाव सव्वदुक्खाणं अंतं करेति भावदेवा णं भंते अनंतरं उववट्ठित्ता-पुच्छा जहा वक्कंतीए असुरकुमाराणं उच्चट्ठणा तहा भाणियव्वा

भवियदव्यदेवे णं भंते भवियदव्यदेवे ति कालओ केवच्चिरं होइ गोयमा जहण्णेणं अंतोमुहुत्तं उक्कोसेणं तिण्णि पलिओवमाइं एवं जच्चेव ठिई सच्चेव संचिठ्ठणा वि जाव भावदेवस्स नवरं-धम्मदेवस्स जहण्णेणं एककं समयं उक्कोसेणं दूसेणा पुव्वकोडी भवियदव्यदेवस्स णं भंते केवतियं कालं अंतरं होइ गोयमा जहण्णेणं दसवाससहस्साइं अंतोमुहुत्तमब्भहियाइं उक्कोसेणं अनंतं कालं-वणस्सइकालो, नरदेवा-पुच्छा गोयमा जहण्णेणं सातिरेणं सागरोवमं उक्कोसेणं अनंतं कालं-अवड्ढं पोग्गलपरियट्ठं देसूणं, धम्मदेवस्स णं-पुच्छा गोयमा जहण्णेणं पलिओवम-पुहत्तं उक्कोसेणं अनंतं कालं जाव अवड्ढं पोग्गलपरियट्ठं देसूणं देवाधिदेवाणं-पुच्छा गोयमा नत्थि अंतरं भावदेवस्स णं - पुच्छा गोयमा जहण्णेणं अंतोमुहुत्तं उक्कोसेणं अनंतं कालं-वणस्सइकालो, एएसिं णं भंते भवियदव्यदेवाणं नरदेवाणं [धम्मदेवाणं देवाधिदेवाणं] भावदेवाणं य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सव्वत्थोवा नरदेवा देवाधिदेवा संखेज्जगुणा धम्मदेवा संखेज्जगुणा भवियदव्यदेवा असंखेज्जगुणा भावदेवा असंखेज्जगुणा । ४६४।-४६५

(५५९) एएसिं णं भंते भावदेवाणं भवणवासीणं दानमंतराणं जोइसियाणं वेमाणियाणं-सोहम्मगामं जाव अच्चुयगाणं गेवेज्जगाणं अनुत्तरोववाइयाणं य कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा अनुत्तरोववाइया भावदेवा उवरिमगेवेज्जा भावदेवा संखेज्जगुणा मज्झिमगेवेज्जा संखेज्जगुणा हेड्ढिमगेवेज्जा संखेज्जगुणा अच्चुए कप्पे देवा संखेज्जगुणा जाव

आणयकपे देवा संखेज्जगुणा सहससारे कपे देवा असंखेज्जगुणा महासुकके कपे देवा असंखेज्जगुणा लंतए कपे देवा असंखेज्जगुणा बंभलोए कपे देवा असंखेज्जगुणा माहिंदे कपे देवा असंखेज्जगुणा सणकुमारे कपे देवा असंखेज्जगुणा ईसाणे कपे देवा असंखेज्जगुणा सोहम्मे कपे देवा असंखेज्जगुणा भवणवासिदेवा असंखेज्जगुणा बाणमंतरा देवा असंखेज्जगुणा जोतिसिया भावदेवा असंखेज्जगुणा सेवं भंते सेवं भंते ति ।४६५।-४७४

● बासमे सते नवमो उद्देशो सम्पत्तो ●

—: द स मो—उ हे सो :—

(५६०) कतिविहा णं भंते आया पत्रत्ता गोयमा अट्टविहा आया पत्रत्ता तं जहा-दवियाया कसायाया जोगाया उवओगाया नाणाया दंसणाया चरित्ताया वीरियाया, जस्स णं भंते दवियाया तस्स कसायाया जस्स कसायाया तस्स दवियाया गोयमा जस्स दवियाया तस्स कसायाया सिय अत्थि सिय नत्थि जस्स पुण कसायाया तस्स दवियाया नियमं अत्थि, जस्स णं भंते दवियाया तस्स जोगाया जस्स जोगाया तस्स दवियाया गोयमा जस्स दवियाया तस्स जोगाया सिय अत्थि सिय नत्थि जस्स पुण जोगाया तस्स दवियाया नियमं अत्थि, जस्स णं भंते दवियाया तस्स उवओगाया जस्स उवओगाया तस्स दवियाया-एवं सव्वत्थ पुच्छा भाणियव्वा गोयमा जस्स दवियाया तस्स उवओगाया नियमं अत्थि जस्स वि उवओगाया तस्स वि दवियाया नियमं अत्थि जस्स दवियाया तस्स नाणाया भयणाए जस्स पुण नाणाया तस्स दवियाया नियमं अत्थि जस्स दवियाया तस्स दंसणाया नियमं अत्थि जस्स वि दंसणाया तस्स वि दवियाया नियमं अत्थि जस्स दवियाया तस्स चरित्ताया भयणाए जस्स पुण चरित्ताया तस्स दवियाया नियमं अत्थि [जस्स दवियाया तस्स वीरियाया भयणाए जस्स पुण वीरियाया तस्स दवियाया नियमं अत्थि]

जस्स णं भंते कसायाया तस्स जोगाया-पुच्छा गोयमा जस्स कसायाया तस्स जोगाया नियमं अत्थि जस्स पुण जोगाया तस्स कसायाया सिय अत्थि सिय नत्थि एवं उवओगायाए वि समं कसायाया नेयव्वा कसायाया य नाणाया य परोप्परं दो वि भइयव्वाओ जहा कसायाया य उवओगाया य तहा कसायाया य दंसणाया य कसायाया य चरित्ताया य दो वि परोप्परं भइयव्वाओ, जहा कसायाया जोगाया य तहा कसायाया य वीरियाया य भाणियव्वाओ एवं जहा कसायायाए वत्तव्वया भणिया तहा जोगायाएवि उवरिमाहिं समं भणियव्वाओ जहा दवियायाए वत्तव्वया भणिया तहा उवओगायाए वि उवरिमाहिं समं भाणियव्वा जस्स नाणाया तस्स दंसणाया नियमं अत्थि जस्स पुण दंसणाया तस्स नाणाया भयणाए जस्स नाणाया तस्स चरित्ताया सिय अत्थि सिय नत्थि जस्स पुण चरित्ताया तस्स नाणाया नियमं अत्थि नाणाया वीरियाया दो वि परोप्परं भयणाए जस्स दंसणाया तस्स उवरिमाओ दो वि भयणाए जस्स पुण ताओ तस्स दंसणाया नियमं अत्थि जस्स पुण चरित्ताया तस्स वीरियाया नियमं अत्थि जस्स पुण वीरियाया तस्स चरित्ताया सिय अत्थि सिय नत्थि एयासि णं भंते दवियायाणं कसायायाणं जाव वीरियायाणं य कयरे कयरेहिंते अप्पा वा बहुया वा तुल्ला वा विसेसाहिया वा गोयमा सव्वत्थोवाओ चरित्तायाओ नाणायाओ अनंतगुणाओ कसायायाओ अनंतगुणाओ जोगायाओ विसेसाहियाओ वीरियायाओ विसेसाहियाओ उवओगादविय-दंसणायाओ तिण्णि वि तुल्लाओ विसेसाहियाओ ।४६६।-४६७

(५६९) आया भंते नाणे अण्णे नाणे गोयमा आया सिय नाणे सिय अन्नाणे नाणे पुण

वर्त-१२, ज्येष्ठ-१०

२७३

नियमं आया आया भंते नेरइयाणं नाणे अण्णे नेरइयाणं नाणे गोयमा आया नेरइयाणं सिय नाणे सिय अन्नाणे नाणे पुण से नियमं आया एवं जाव यणियकुमारणं आया भंते पुढविकाइयाणं अन्नाणे अण्णे पुढविकाइयाणं अन्नाणे गोयमा आया पुढविकाइयाणं नियमं अन्नाणे, अन्नाणे वि नियमं आया एवं जाव यणस्सइकाइयाणं वेइदिय-तेइदियाणं जाव वेमाणियाणं जहा नेरइयाणं आया भंते दंसणे अण्णे दंसणे गोयमा आया नियमं दंसणे, दंसणे वि नियमं आया आया भंते नेरइयाणं दंसणे अण्णे नेरइयाणं दंसणे गोयमा आया नेरइयाणं नियमं दंसणे, दंसणे वि से नियमं आया एवं जाव वेमाणियाणं निरंतरं दंडओ ॥४६७॥-४६८

(५६२) आया भंते रयणप्पभा पुढवी अण्णा रयणप्पभा पुढवी गोयमा रयणप्पभा पुढवी सिय आया सिय नोआया सिय अवत्तव्वं आयाति य नोआयाति य से केणट्ठेणं भंते एवं बुच्चइ-रयणप्पभा पुढवी सिय आया सिय नोआया सिय अवत्तव्वं-आयाति य नोआयाति य गोयमा अण्णो आदिट्ठे आया परस्स आदिट्ठे नोआया तदुमयस्स आदिट्ठे अवत्तव्वं-रयणप्पभा पुढवी आयाति य नोआयाति य से तेणट्ठेणं गोयमा एवं बुच्चइ-रयणप्पभा पुढवी सिय आया सिय नोआया सिय अवत्तव्वं आयाति य नोआयाति य आया भंते सक्करप्पभा पुढवी जहा रयणप्पभा पुढवी तहा सक्करप्पभावि एवं जाव अहेसत्तामा आया भंते सोहम्मे कप्पे-पुच्छा गोयमा सोहम्मे कप्पे सिय आया सिय नोआया सिय अवत्तव्वं-आयाति य नोआयाति य से केणट्ठेणं भंते जाव आयाति य नोआयाति य गोयमा अण्णो आदिट्ठे आया परस्स आदिट्ठे नोआया तदुमयस्स आदिट्ठे अवत्तव्वं-आयाति य नोआयाति य से तेणट्ठेणं तं चेव जाव आयाति य नोआयाति य एवं जाव अद्युए कप्पे आया भंते गेवेज्जविमाणे अण्णे गेवेज्जविमाणे एवं जहा रयणप्पभा तहेव एवं अनुत्तरविमाणो वि एवं ईसिपब्भारा वि

आया भंते परमाणुपोग्ले अण्णे परमाणुपोग्ले एवं जहा सोहम्मे तहा परमाणुपोग्ले वि माणियव्वे आया भंते दुपएसिए खंधे सिय आया सिय नोआया सिय अवत्तव्वं आयाति य नोआयाति य सिय आया य नोआया सिय आया य अवत्तव्वं-आयाति य नोआयाति य सिय नोआया य अवत्तव्वं-आयाति य नोआयाति य से केणट्ठेणं भंते एवं तं चेव जाव नोआया य अवत्तव्वं-आयाति य नोआयाति य गोयमा अण्णो आदिट्ठे आया परस्स आदिट्ठे नोआया तदुमयस्स आदिट्ठे अवत्तव्वं दुपएसिए खंधे-आयाति य नोआयाति य देसे आदिट्ठे सव्भावपज्जवे देसे आदिट्ठे असव्भावपज्जवे दुपएसिए खंधे आया य नोआया य देसे आदिट्ठे सव्भावपज्जवे देसे आदिट्ठे तदुमयपज्जवे दुपएसिए खंधे आया य अवत्तव्वं-आयाति य नोआयाति य देसे आदिट्ठे असव्भावपज्जवे देसे आदिट्ठे तदुमयपज्जवे दुपएसिए खंधे नोआया य अवत्तव्वं-आयाति य नोआयाति य से तेणट्ठेणं तं चेव जाव नोआया य वत्तव्वं-आयाति य नोआयाति य

आया भंते तिपएसिए खंधे अण्णे तिपएसिए खंधे गोयमा तिपएसिए खंधे सिय आया सिय नोआया सिय अवत्तव्वं-आयाति य नोआयाति य सिय आया य नोआया सिय आया य नोआया-ओ य सिय आयाओ य नोआया य सिया आया य अवत्तव्वं-आयाति य नोआयाति य सिय आया य अवत्तव्वं-आयाओ य नोआयाओ य सिय आयाओ य अवत्तव्वं-आयाति य नोआयाति य सिय नोआया य अवत्तव्वं-आयाति य नोआयाति य सिय नोआया य अवत्तव्वं-आयाओ य नोआयाओ य सिय नोआयाओ य अवत्तव्वं आयाति य नोआयाति य सिय आया य नोआया य

518

अवत्तव्वं-आयाति य नोआयाति य

से केणट्टेमं भंते एवं बुद्धइ-तिपएसिए खंधे सिय आया-एवं चेव उच्चारयेव्वं जाव सिय आया य नोआया य अवत्तव्वं-आयाति य नोआयाति य गोयमा अण्णो आदिट्ठे आया परस्स आदिट्ठे नोआया तदुभयस्स आदिट्ठे अवत्तव्वं-आयाति य नोआयाति य देसे आदिट्ठे सव्भावपज्जवे देसे आदिट्ठे असव्भावपज्जवे तिपएसिए खंधे आया य नोआया य देसे आदिट्ठे सव्भावपज्जवे देसा आदिट्ठे असव्भावपज्जवा देसे आदिट्ठे असव्भावपज्जवे तिपएसिए खंधे आया य नोआया य देसे आदिट्ठे सव्भावपज्जवे देसे आदिट्ठे तदुभयपज्जवे तिपएसिए खंधे आया य अवत्तव्वं-आयाति य नोआयाति य देसे आदिट्ठे सव्भावपज्जवे देसा आदिट्ठे तदुभयपज्जवा तिपएसिए खंधे आयाय अवत्तव्वाइ-आयाओ य नोआयाओ य देसा आदिट्ठे सव्भावपज्जवा देसे आदिट्ठे तदुभयपज्जवे तिपएसिए खंधे आयाओ य अवत्तव्वं-आयाति य नोआयाति य देसे आदिट्ठे असव्भावपज्जवे देसे आदिट्ठे तदुभयपज्जवे तिपएसिए खंधे नोआया य अवत्तव्वं-आयाति य नोआयाति य देसे आदिट्ठे असव्भावपज्जवे देसा आदिट्ठे तदुभयपज्जवा तिपएसिए खंधे नोआया य अवत्तव्वाइ-आयाओ य नोआयाओ य देसा आदिट्ठे असव्भावपज्जवा देसे आदिट्ठे तदुभयपज्जवे तिपएसिए खंधे नोआयाओ य अवत्तव्वं-आयाति य नोआयाति य देसे आदिट्ठे सव्भावपज्जवे देसे आदिट्ठे असव्भावपज्जवे देसे आदिट्ठे तदुभयपज्जे तिपएसिए खंधे आया य नोआया य अवत्तव्वं-आयाति य नोआयाति य से तेणट्ठेणं गोयमा एवं बुद्धइ-तिपएसिए खंधे सिय आया तं चेव जाव नोआयाति य

आया भंते चउप्पएसिए खंधे अण्णे चउप्पएसिए खंधे गोयमा चउप्पएसिएखंधे सिय आया सिय नोआया सिय अवत्तव्वं-आयाति य नोआयाति य सिय आया य नोआया य सिय आया य अवत्तव्वं सिय नोआया य अवत्तव्वं सिय आया य नोआया य अवत्तव्वं-आयाति य नोआयाति य सिय आया य नोआया य अवत्तव्वाइ-आयाओ य नोआयाओ सिय आया य नोआयाओ य अवत्तव्वं-आयाति य नोआयाति, य सिय आयाओ य नोआया य अवत्तव्वं-आयाति य नोआयाति य से केणट्ठेणं भंते एवं बुद्धइ-चउप्पएसिए खंधे सिय आया य नोआया य अवत्तव्वं-तं चेव अट्ठे पडिउच्चारयेव्वं गोयमा अण्णो आदिट्ठे आया परस्स आदिट्ठे नोआया तदुभयस्स आदिट्ठे अवत्तव्वं-आयाति य नोआयाति य देसे आदिट्ठे सव्भावपज्जवे देसे आदिट्ठे असव्भावपज्जवे चउभंगो सव्भावेमं तदुभयेणं य चउभंगो असव्भावेणं तदुभयेणं य चउभंगो देसे आदिट्ठे सव्भावपज्जवे देसे दिट्ठे असव्भावपज्जवे देसे आदिट्ठे तदुभयपज्जवे चउप्पएसिए खंधे आया य नोआया य अवत्तव्वं-आयाति य नोआयाति य देसे आदिट्ठे सव्भावपज्जवे देसे आदिट्ठे असव्भावपज्जवे देसा आदिट्ठे तदुभयपज्जवा चउप्पएसिए खंधे आया य नोआया य अवत्तव्वाइ-आयाओ य नोआयाओ य देसे आदिट्ठे सव्भावपज्जवे देसा आदिट्ठे असव्भावपज्जवा देसे आदिट्ठे तदुभयपज्जवे चउप्पएसिए खंधे आया य नोआयाओ य अवत्तव्वं-आयाति य नोआयाति य देसा आदिट्ठे सव्भावपज्जवा देसे आदिट्ठे असव्भावपज्जवे देसे आदिट्ठे तदुभयपज्जवे चउप्पएसिए खंधे आयाओ य नोआया य अवत्तव्वं-आयाति य नोआयाति य से तेणट्ठेणं गोयमा एवं बुद्धइ-चउप्पएसिए खंधे सिय आया सिय नोआया सिय अवत्तव्वं-निक्खेवे ते चेव भंगा उच्चारयेव्वा जाव आयाति य नोआयाति य

आया भंते पंचपएसिए खंधे अण्णे पंचपए [सिए खंधे गोयमा पंचपएसिए खंधे सिय आया

२७५

● बारसभे सते दसमो जेहेसो समत्तो ● बारसभं सतं समत्तं ●

—: ष ढ यो—उ हे सो :—

भसा कम्पणगारे केयाघडिया समुन्धाए

11-1

केवतियाचक्रदुदंशणी उववज्रंति केवतिया अचक्रदुदंशणी उववज्रंति केवतिया ओहि-
दंशणी उववज्रंति केवतिया आहारसण्णोवउत्ता उववज्रंति केवतिया भयसण्णोवउत्ता उववज्रंति
केवतिया मेहुणसण्णोवउत्ता उववज्रंति केवतियापरिग्गहसण्णोवउत्ता उववज्रंति केवतिया इत्थि-
वेदगा उववज्रंति केवतिया पुरिसवेदगा उववज्रंति केवतिया नपुंसगवेदगा उववज्रंति केवतिया-
कोहकसाई उववज्रंति जाव केवतिया लोभकसाई उववज्रंति केवतिया सोईदियोवउत्ता उववज्रंति
जाव केवतिया फासिंदियोवउत्ता उववज्रंति केवतिया नोईदियोवउत्ता उववज्रंति केवतिया
मणजोगी उववज्रंति केवतिया बइजोगी उववज्रंति केवतिया कायजोगी उववज्रंति केवतिया
सागारीवउत्ता उववज्रंति केवतिया अणागारीवउत्ता उववज्रंति

गोयमा इमीसे रयणप्पमा पुढवीए तीसाए निरयावासयसहस्सेसु संखेज्रवित्यडेसु नरएसु जहण्णेणं एक्को वा दो वा तिण्णि वा उक्कोसेणं संखेज्रा नेरइया उववज्रंति जहण्णेणं एक्को वा दो वा तिण्णि वा उक्कोसेणं संखेज्रा काउलेस्सा उववज्रंति जहणेणं एक्को वा दो वा तिण्णि वा

उक्कोसेणं संखेज्जा कण्हपक्खिया उववज्जंति एवं सुक्कपक्खिया वि एवं सण्णी एवं असण्णी एवं भवसिद्धिया अभवसिद्धिया आभिणिबोहियनाणी सुयनाणी ओहिनाणी मइअन्नाणी सुयअन्नाणी विभंगनाणी चक्खुदंसणी न उववज्जंति जहण्णेणं एक्को वा दो वा तिण्णि वा उक्कोसेणं संखेज्जा अचक्खुदंसणी उववज्जंति एवं ओहिदंसणी वि आहारसण्णोवउत्ता वि जाव परिग्गहसण्णोवउत्ता वि इत्थीवेयगा न उववज्जंति पुरिसवेयगा न उववज्जंति जहण्णेणं एक्को वा दो वा तिण्णि वा उक्कोसेणं संखेज्जा नपुंसगवेयगा उववज्जंति एवं कोहकसाई जाव लोभकसाई सोईदियोवउत्ता न उववज्जंति एवं जाव फासिंदियोवउत्ता न उववज्जंति जहण्णेणं एक्को वा दो वा तिण्णि वा उक्कोसेणं संखेज्जा नोईदोवउत्ता उववज्जंति मणजोगी न उववज्जंति एवं वइजोगी वि जहण्णेणं एक्को वा दो वा तिण्णि वा उक्कोसेणं संखेज्जा कायजोगी उववज्जंति एवं सागरोवउत्ता वि एवं अणागारोवउत्ता वि

इमीसे णं भंते रयणप्पभाए पुढवीए तीसाए निरयावाससयसहस्सेसु संखेज्जवित्थडेसु नरएसु एगसमएणं केवतिया नेरइया उव्वट्ठंति केवतिया काउलेस्सा उव्वट्ठंति जाव केवतिया अणागारोवउत्ता उव्वट्ठंति गोयमा इमीसे रयणप्पभाए पुढवीए तीसाए निरयावाससयसहस्सेसु संखेज्जवित्थडेसु नरएसु एगसमएणं जहण्णेणं एक्को वा दो वा तिण्णि वा उक्कोसेणं संखेज्जा नेरइया उव्वट्ठंति जहण्णेणं एक्को वा दो वा तिण्णि वा उक्कोसेणं संखेज्जा काउलेस्सा उव्वट्ठंति एवं जाव सण्णी असण्णी न उव्वट्ठंति जहण्णेणं एक्को वा दो वा तिण्णि वा उक्कोसेणं संखेज्जा भवसिद्धिया उव्वट्ठंति एवं जाव सुयअन्नाणी विभंगनाणी न उव्वट्ठंति चक्खुदंसणी न उव्वट्ठंति जहण्णेणं एक्को वा दो वा तिण्णि वा उक्कोसेणं संखेज्जा अचक्खुदंसणी उव्वट्ठंति एवं जाव लोभकसाई सोईदियोवउत्ता न उव्वट्ठंति एवं जाव फासिंदियोवउत्ता न उव्वट्ठंति जहण्णेणं एक्को वा दो वा तिण्णि वा उक्कोसेणं संखेज्जा नोईदियोवउत्ता उव्वट्ठंति मणजोगी न उव्वट्ठंति एवं वइजोगी वि जहण्णेणं एक्को वा दो वा तिण्णि वा उक्कोसेणं संखेज्जा कायजोगी उव्वट्ठंति एवं सागारोवउत्ता अणागारोवउत्ता, इमीसे णं भंते रयणप्पभाए पुढवीए तीसाए निरयावाससयसहस्सेसु संखेज्जवित्थडेसु नरएसु केवतिया नेरइया पन्नत्ता केवतिया काउलेस्सा जाव केवतिया अणागारोवउत्ता पन्नत्ता केवतिया अनंतरोववण्णगा पन्नत्ता केवतिया परंपरोववण्णगा पन्नत्ता केवतिया अनंतरोवगढा पन्नत्ता केवतिया परंपरोवगढ पन्नत्ता केवतिया अनंतराहार पन्नत्ता केवतीया परंपराहार पन्नत्ता केवतिया अनंतरपन्नत्ता पन्नत्ता केवतिया परंपरपन्नत्ता पन्नत्ता केवतिया चरिमा पन्नत्ता केवतिया अचरिमा पन्नत्ता गोयमा इमीसे रयणप्पभाए पुढवीए तीसाए निरयावाससयसहस्सेसु संखेज्जवित्थडेसु नरएसु संखेज्जा नेरइया पन्नत्ता संखेज्जा काउलेस्सा पन्नत्ता एवं जाव संखेज्जा सण्णी पन्नत्ता असण्णी सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं संखेज्जा पन्नत्ता संखेज्जा भवसिद्धिया पन्नत्ता एवं जाव संखेज्जा परिग्गहसण्णोवउत्ता पन्नत्ता इत्थि वेदगा नत्थि पुरिसवेदगा नत्थि संखेज्जा नपुंसगवेदगा पन्नत्ता एवं कोहकसाई वि माणकसाई जहा असण्णी एवं जाव लोभकसाई संखेज्जा सोईदियोवउत्ता पन्नत्ता एवं जाव फासिंदियोवउत्ता नोईदियोवउत्ता जहा असण्णी संखेज्जा मणजोगी पन्नत्ता एवं जाव अणागारोवउत्ता अनंतरोववण्णगा सिय अत्थि सिय नत्थि जय अत्थि जहा असण्णी संखेज्जा परंपरोववण्णगा पन्नत्ता एवं जहा अनंतरोववण्णगा तहा अनंतरोवगढगा अनंतराहारगा अनंतरपज्ज-

तगा परंपरोदगाढगा जाव अचरिमा जहा परंपरोदवणगा

इमीसे णं भंते रयणपभाए पुढवीए तीसाए निरयावाससयसहस्सेसु असंखेज्जवित्थडेसु नरएसु एगसमएणं केवतिया नेरइया उववज्जंति जाव केवतिया अणागारोवउत्ता उववज्जंति गोयमा इमीसे रयणपभाए पुढवीए तीसाए निरयावाससयसहस्सेसु असंखेज्जवित्थडेसु नरएसु एगसमएणं जहणणेणं एकको वा दो वा तिणि वा उक्कोसेणं असंखेज्जा नेरइया उववज्जंति एवं जहेव संखेज्जवित्थडेसु तिणि गमगा तहा असंखेज्जवित्थडेसु वि तिणि गमगा भाणियव्वा नवरं-असंखेज्जा भाणियव्वा सेसं तं चेव जाव असंखेज्जा अचरिमा पत्रत्ता नवरं-संखेज्जवित्थडेसु असंखेज्जवित्थडेसु वि ओहिनाणी ओहिदंसणी य संखेज्जा उव्वट्ठवेयव्वा सेसं तं चेव सक्करपभाए णं भंते पुढवीए केवतिया निरयावास सयसहस्सा पत्रत्ता गोयमा पणुवीसं निरयावाससयसहस्सा पत्रत्ता ते णं भंते किं संखेज्जवित्थडा असंखेज्जवित्थडा एवं जहा रयणपभाए तहा सक्करपभाए वि नवरं-असंखेज्जा तिसु वि गमएसु न मण्णति सेसं तं चेव, बालुवपभाए णं-पुच्छा गोयमा पन्नरस निरयावाससयसहस्सा पत्रत्ता सेसं जहा सक्करपभाए नाणतं लेसासु लेसाओ जहा पढमसए, पंकपभाए णं-पुच्छा गोयमा दस निरयावाससयसहस्सा पत्रत्ता एवं जहा सक्करपभाए नवरं-ओहिनाणी ओहिदंसणी य न उव्वट्ठंति सेसं तं चेव, धूमपभाए णं-पुच्छा गोयमा तिणि निरयावाससयसहस्सा एवं जहा पंकपभाए तभाए णं भंते पुढवीए केवतिया निरयावास सय-सहस्सा पत्रत्ता गोयमा एगे पंचूणे निरयावाससयसहस्से पत्रत्ते सेसं जहा पंकपभाए अहेसत्तमाए णं भंते पुढवीए कति अनुत्तरा महतिमहालया महानिरया पत्रत्ता गोयमा पंच अनुत्तरा [महतिमहालया महानिरया पत्रत्ता तं जहा-काले महाकाले रोरुए महारोरुए] अपइट्ठणे ते णं भंते किं संखेज्जवित्थडा असंखेज्जवित्थडा गोयमा संखेज्जवित्थडे य असंखेज्जवित्थडा य अहेसत्तमाए णं भंते पुढवीए पंचसु अनुत्तरेसु महतिमहालएसु महानिरएसु संखेज्जवित्थडे नरए एगमएणं केवतिया नेरइया उववज्जंति एवं जहा पंकपभाए नवरं-तिसु नाणेसु न उववज्जंति न उव्वट्ठंति पत्रत्तएसु तहेव अत्थि एवं असंखेज्जवित्थडेसु वि नवरं-असंखेज्जा भाणियव्वा । ४६९।-४७०

(५६५) इमीसे णं भंते रयणपभाए पुढवीए तीसाए निरयावाससयसहस्सेसु संखेज्ज-वित्थडेसु नरएसु किं सम्मदिट्ठी नेरइया उववज्जंति मिच्छदिट्ठी नेरइया उववज्जंति सम्मामिच्छदिट्ठी नेरइया उववज्जंति गोयमा सम्मदिट्ठी वि नेरइया उववज्जंति मिच्छदिट्ठी वि नेरइया उववज्जंति नो सम्मामिच्छदिट्ठी नेरइया उववज्जंति इमीसे णं भंते रयणपभा पुढवीए तीसाए निरयावाससयसहस्सेसु संखेज्जवित्थडेसु नरएसु किं सम्मदिट्ठी नेरइया उववज्जंति एवं चेव इमीसे णं भंते रयणपभाए पुढवीए तीसाए निरयावाससयसहस्सेसु संखेज्जवित्थडा नरगा किं सम्मदिट्ठीहिं नेरइएहिं अविरहिया मिच्छदिट्ठीहिं नेरइएहिं अविरहिया सम्मामिच्छदिट्ठीहिं नेरइएहिं अविरहिया गोयमा सम्मदिट्ठीहिं नेरइएहिं अविरहिया मिच्छदिट्ठीहिं वि नेरइएहिं अविरहिया सम्मामिच्छदिट्ठीहिं नेरइएहिं अविरहिया विरहिया वा एवं असंखेज्जवित्थडेसु वि तिणि गमगा भाणियव्वा एवं सक्करपभाए वि एवं जाव तभाए वि अहेसत्तमाए णं भंते पुढवीए पंचसु अनुत्तरेसु जाव संखेज्जवित्थडे नरए किं सम्मदिट्ठी नेरइया-पुच्छा गोयमा सम्मदिट्ठी नेरइया न उववज्जंति मिच्छदिट्ठी नेरइया उववज्जंति सम्मामिच्छदिट्ठी नेरइया न उववज्जंति एवं उव्वट्ठंति वि अविरहि ए जहेव रयणपभाए एवं असंखेज्जवित्थडेसु वि तिणि गमगा । ४७०।-४७१

(५६६) से नूणं भंते कण्हलेस्से नीललेस्से जाव सुक्कलेस्से भविता कण्हलेस्सेसु नेरइएसु उववज्जंति हंता गोयमा कण्हलेस्से जाव उववज्जंति से केणट्ठेणं भंते एवं बुद्धइ-कण्हलेस्से जाव उववज्जंति गोयमा लेस्सद्वाणेसु संकिलिस्समाणेसु-संकिलिस्समाणेसु कण्हलेस्सं परिणमइ परिणमित्ता कण्हलेस्सेसु नेरइएसु उववज्जंति से तेणट्ठेणं जाव उववज्जंति से नूणं भंते कण्हलेस्से जाव सुक्कलेस्से भविता नीललेस्सेसु नेरइएसु उववज्जंति हंता गोयमा जाव उववज्जंति से केणट्ठेणं जाव उववज्जंति गोयमा लेस्सद्वाणेसु संकिलिस्समाणेसु वा विसुज्झमाणेसु वा नीललेस्सं परिणमइ परिणमित्ता नीललेस्सेसु नेरइएसु उववज्जंति से तेणट्ठेणं गोयमा जाव उववज्जंति से नूणं भंते कण्हलेस्से नीललेस्से जाव सुक्कलेस्से भविता काउलेस्सेसु नेरइएसु उववज्जंति सेवं भंते सेवं भंते ति ।४७१।-४७२

● तेरस्से सते पढमो उइसो समत्तो ●

—: बी ओ—उ हे सो :—

(५६७) कतिविहा णं भंते देवा पत्रत्ता गोयमा चउव्विहा देवा पत्रत्ता तं जहा-भयणवासी वाणमंतरा जोइसिया वेमाणिया, भयणवासी णं भंते देवा कतिविहा पत्रत्ता गोयमा दसविहा पत्रत्ता तं जहा-असुरकुमारा-एवं भेओ जहा बितियसए देवुदेसए जाव अपराजिया सब्बसिद्धिगा केवतिया णं भंते असुरकुमारावाससयसहस्सा पत्रत्ता गोयमा चोयट्ठी असुरकुमारावाससयसहस्सा पत्रत्ता ते णं भंते किं संखेज्जवित्थडा असंखेज्जवित्थडा गोयमा संखेज्जवित्थडा वि असंखेज्जवित्थडा वि चोयट्ठीए णं भंते असुरकुमारावाससयसहस्सेसु संखेज्जवित्थडेसु असुरकुमारावासेसु एगसमएणं केवतिया असुरकुमारा उववज्जंति जाव केवतिया तेउलेस्सा उववज्जंति केवतिया कण्हपक्खिया उववज्जंति एवं जहा रयणप्पभाए तहेव पुच्छा तहेव वागरणं नवरं-दोहिं वेदेहिं उववज्जंति नपुंसगवेयगा न उववज्जंति सेसं तं चेव उव्वइत्ता वि तहेव नवरं-असण्णी उव्वइत्ति ओहिनाणी ओहिदंसणी य ण उव्वइत्ति सेसं तं चेव पण्णत्तएसु तहेव नवरं-संखेज्जा इत्थिवेदगा पत्रत्ता एवं पुरिसवेदगा वि नपुंसगवेदगा नत्थि कोहकसाई सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं संखेज्जा पत्रत्ता एवं माणकसाई मायकसाई संखेज्जा लोभकसाई पत्रत्ता सेसं तं चेव तिसु वि गमएसु घत्तारि लेस्साओ माणियव्वाओ एवं असंखेज्जवित्थडेसु वि नवरं-तिसु वि गमएसु असंखेज्जा माणियव्वा जाव असंखेज्जा अचरिमा पत्रत्ता

केवतिया णं भंते नागकुमारावाससयसहस्सा पन्नत्ता एवं जाव पणियकुमारा नवरं-जत्थ जत्थिया भवणा केवतिया णं भंते वाणमंतरावाससयसहस्सा पत्रत्ता गोयमा असंखेज्जा वाणमंत-रावाससयसहस्सा पन्नत्ता ते णं भंते किं संखेज्जवित्थडा असंखेज्जवित्थडा गोयमा संखेज्जवित्थडा नो असंखेज्जवित्थडा संखेज्जेसु णं भंते वाणमंतरावाससयसहस्सेसु एगसमएणं केवतिया वाणमंतरा उववज्जंति एवं जहा असुरकुमाराणं संखेज्जवित्थडेसु तिण्णि गमगा तहेव माणियव्वा वाणमंतराणं वि तिण्णि गमगा, केवतिया णं भंते जोइसियविमाणावाससयसहस्सा पत्रत्ता गोयमा असंखेज्जा जोसियविमाणावाससयसहस्सा पत्रत्ता ते णं भंते किं संखेज्जवित्थडा एवं जहा वाणमंतराणं तहा जोइसियाणं वि तिण्णि गमगा माणियव्वा नवरं-एगा तेउलेस्सा उववज्जंतेसु पन्नत्तेसु य असण्णी नत्थि सेसं तं चेव सोहम्मे णं भंते कप्पे केवतिया विमाणावाससयसहस्सा पत्रत्ता गोयमा बत्तीसं विमाणावाससयसहस्सा पत्रत्ता ते णं भंते किं संखेज्जवित्थडा असंखेज्जवित्थडा सोहम्मे णं भंते कप्पे

बत्तीसाए विमाणावाससयसहस्सेसु संखेज्जवित्थडेसु विमाणेसु एगसमएणं केवतिया सोहम्मा देवा उववज्जंति केवतिया तेउलेस्सा उववज्जंति एवं जहा जोइसियाणं तिण्णि गमगा तहेव तिण्णि गमगा भाणियव्वा नवरं-तिसु वि संखेज्जा भाणियव्वा ओहिनाणी ओहिदंसणी य चयावेयव्वा सेसं तं चेव असंखेज्जवित्थडेसु एवं चेव तिण्णि गमगा नवरं-तिसु वि गमएसु असंखेज्जा भाणियव्वा ओहिनाणी ओहिदंसणी य संखेज्जा चयंति सेसं तं चेव एवं जहा सोहम्मे वत्तव्वया भाणेया तह्हा ईसाणे वि छ गमगा भाणियव्वा सणकुमारे एवं चेव नवरं-इत्थीवेयगा उववज्जंतेसु पत्रत्तेसु न भण्णंति असण्णी तिसु वि गमएसु न भण्णंति सेसं तं चेव एवं जाव सहस्सारे नाणत्तं विमाणेसु लेस्सासु य सेसं तं चेव

आणय-पाणएसु णं भंते कप्पेसु केवतिया विमाणावाससया पत्रत्ता गोयमा चत्तारि विमाणावाससया पत्रत्ता तेणं भंते किं संखेज्जवित्थडा असंखेज्जवित्थडा गोयमा संखेज्जवित्थडा वि असंखेज्जवित्थडा वि एवं संखेज्जवित्थडेसु तिण्णि गमगा जहा सहस्सारे असंखेज्जवित्थडेसु उववज्जंतेसु चयंतेसु य एवं चेव संखेज्जा भाणियव्वा पत्रत्तेसु असंखेज्जा नवरं-नोइदियोवउत्ता अनंतरोववण्णगा अनंतरोवगाढगा अनंतराहाणा अनंतरपज्जत्तागा य एएसिं जहण्णेणं एक्को वा दो वा तिण्णि वा उक्कोसेणं संखेज्जा पत्रत्ता सेसा असंखेज्जा भाणियव्वा आरण-अच्चुएसु एवं चेव जहा आणय-पाणएसु नाणत्तं विमाणेसु एवं गेवेज्जगा वि कति णं भंते अनुत्तरविमाणा पत्रत्ता गोयमा पंच अनुत्तरविमाणा पत्रत्ता ते णं भंते किं संखेज्जवित्थडा असंखेज्जवित्थडा गोयमा संखेज्जवित्थडे य असंखेज्जवित्थडा य

पंचसु णं भंते अनुत्तरविमाणेसु संखेज्जवित्थडे विमाणे एगसएणं केवतिया अनुत्तरोव-वाइया उववज्जंति केवतिया सुक्कलेस्सा उववज्जंति-पुच्छा तहेव गोयमा पंचसु णं अनुत्तरविमाणेसु संखेज्जवित्थडे अनुत्तरविमाणे एगसमएणं जहण्णेणं एक्को वा दो वा तिण्णि वा उक्कोसेणं संखेज्जा अनुत्तरोववाइया उववज्जंति एवं जहा गेवेज्जविमाणेसु संखेज्जवित्थडेसु नवरं-किण्हप-क्खिया अभविसिद्धिया तिसु अण्णाणेसु एए न उववज्जंति न चयंति न वि पत्रत्तएसु भाणियव्वा अचरिमा वि खोडिज्जंति जाव संखेज्जा चरिमा पत्रत्ता सेसं तं चेव असंखेज्जवित्थडेसु वि एए न भण्णंति नवरं-अचरिमा अत्थि सेसं जहा गेवेज्जएसु असंखेज्जवित्थडेसु जाव असंखेज्जा अचरिमा पत्रत्ता चोयट्ठीए णं भंते असुरकुमारावाससयसहस्सेसु संखेज्जवित्थडेसु असुरकुमारावासेसु किं सम्मदिट्ठी असुरकुमारा उववज्जंति मिच्छदिट्ठी असुरकुमारा उववज्जंति एवं जहा रयणप्पमाए तिण्णि आलावगा भणिया तथा भाणियव्वा एवं असंखेज्जवित्थडेसु वि तिण्णि गमगा एवं जाव गेवेज्जविमाणे अनुत्तरविमाणेसु एवं चेव नवरं-तिसु वि आलावएसु मिच्छदिट्ठी सम्मामिच्छादिट्ठी य न भण्णंति सेसं तं चेव से नूणं भंते कण्हलेस्से जाव सुक्कलेसो भविता कण्हलेस्सेसु वेदेसु उववज्जंति हंता गोयमा एवं जहेव नेरइएसु पढमे उद्देशए तहेव भाणियव्वं नीललेस्साए वि जहेव ने-रइयाणं जहा नीललेस्साए एवं जाव पण्हलेस्सेसु सुक्कलेस्सेसु एवं चेव नवरं-लेस्सट्ठाणेसु विसुज्झमाणेसु-विसुज्झमाणेसु सुक्कलेस्सं परिणमंति परिणमिता सुक्कलेस्सेसु देवेसु उववज्जंति से तेणट्ठेणं जाव उववज्जंति सेवं भंते सेवं भंते ति ।४७२।-४७३

● तेरसपे सते बीओ उद्देशो सप्तो ●

—: त इ ओ—उ हे सो :—

(५६८) नेरइया णं भंते अनंतराहारा ततो निव्वत्तणया एवं परियारणापदं निरवसेसं

माणियव्वं सेवं भंते सेवं भंते त्ति । ४७३।-४७४

● तेरसये सते तइओ उहेसो समत्तो ●

—: च उ त्वो—उ हे सो :—

(५६९) कति णं भंते पुढवीओ पत्रत्ताओ गोयमा सत्त पुढवीओ पत्रत्ताओ तं जहा-
रयणप्पभा जाव अहेसत्तमा, अहेसत्तमाए णं भंते पुढवीए पंच अनुत्तरा महत्तिमहालया [महानिरया
पत्रत्ता तं जहा-काले महाकाले रोरुए महारोरुए अपइट्ठाणे ते णं नरगा छट्ठीए तमाए पुढवीए
नरएहिंतो महत्तरा चेव महावित्थिण्णत्तरा चेव महोगासत्तरा चेव महापइरिक्कत्तरा चेव नो तथा
महप्पवेसणत्तरा चेव आइण्णत्तरा चेव आउलत्तरा चेव अणोमाणत्तरा चेव तेसु णं नरएसु नेरइया
छट्ठीए तमाए पुढवीए नेरइएहिंतो महाकम्मतारा चेव महाकिरियत्तरा चेव महासवत्तरा चेव
महावेदणत्तरा चेव नो तथा अप्पकम्मतारा चेव अप्पकिरियत्तरा चेव अप्पसवत्तरा चेव अप्पवेदणत्तरा
चेव अप्पिड्ढियत्तरा चेव अप्पजुत्तियत्तरा चेव नो तथा महिड्ढियत्तरा चेव महजुत्तियत्तरा चेव छट्ठीए
णं तमाए पुढवीए एगे पंचूणे निरयावाससयसहस्से पत्रत्ते ते णं नरगा अहेसत्तमाए पुढवीए
नरएहिंतो नो तथा महत्तरा चेव महावित्थिण्णत्तराचेव महोगासत्तरा चेव महापइरिक्कत्तरा चेव
महप्पवेसणत्तरा चेव आइण्णत्तरा चेव आउलत्तरा चेव अणोमाणत्तरा चेव तेसु णं नरएसु नेरइया
अहेसत्तमाए पुढवीए नेरइएहिंतो अप्पकम्मतारा चेव अप्पकिरियत्तरा चेव अप्पासवत्तरा चेव
अप्पवेदणत्तरा चेव नो तथा महाकम्मतारा चेव महाकिरियत्तरा चेव महासवत्तरा चेव महावेदणत्तरा
चेव महिड्ढियत्तरा चेव महजुत्तियत्तरा चेव नो तथा अप्पिड्ढियत्तरा चेव अप्पजुत्तियत्तरा चेव

छट्ठीए णं तमाए पुढवीए नरगा पंचमाए धूमप्पभाए पुढवीए नरएहिंतो महत्तरा चेव
महावित्थिण्णत्तरा चेव महोगासत्तरा चेव महापइरिक्कत्तरा चेव नो तथा महप्पवेसणत्तरा चेव
आइण्णत्तरा चेव आउलत्तरा चेव अणोमाणत्तरा चेव तेसु णं नरएसु नेरइया पंचमाए धूमप्पभाए
पुढवीए नेरइएहिंतो महाकम्मतारा चेव महाकिरियत्तरा चेव महासवत्तरा चेव महावेदणत्तरा चेव नो
तथा अप्पकम्मतारा चेव अप्पकिरियत्तरा चेव अप्पासवत्तरा चेव अप्पवेदणत्तरा चेव अप्पिड्ढियत्तरा
चेव अप्पजुत्तियत्तरा चेव नो तथा महिड्ढियत्तरा चेव महजुत्तियत्तरा चेव पंचमाए णं धूमप्पभाए पुढवीए
तिण्णि निरयावाससयसहस्सा पत्रत्ता एवं जहा छट्ठीए माणिया एवं सत्त वि पुढवीओ परोप्परं भण्णंति
जाव रयणप्पभंति जाव नो तथा महिड्ढियत्तरा चेव अप्पजुत्तियत्तरा चेव । ४७४।-४७५

(५७०) रयणप्पभापुढविनेरइया णं भंते केरिसयं पुढविफासं पच्चणुब्भवमाणा विहरंति
गोयमा अणिट्ठं जाव अमणामं एवं जाव अहेसत्तमपुढविनेरइया एवं आउफासं एवं जाव वणस्स-
इफासं । ४७५।-४७६

(५७१) इमा णं भंते रयणप्पभापुढवी दोच्चं सक्करप्पमं पुढविं पणिहाय सव्वमहं तिया
बाहल्लेणं सव्वखुड्डिया सव्वंतेसु [हंता गोयमा इमा णं रयणप्पभापुढवी दोच्चं पुढविं पणिहाय जाव
सव्वखुड्डिया सव्वंतेसु दोच्चा णं भंते पुढवी तच्चं पुढविं पणिहाय सव्वमहंतिया बाहल्लेणं-पुच्छा हंता
गोयमा दोच्चा णं पुढवी जाव सव्वखुड्डिया सव्वंतेसु एवं एएणं अभिलावेणं जाव छड्डिया पुढवी
अहेसत्तमं पुढविं पणिहाय जाव सव्वखुड्डिया सव्वंतेसु] । ४७६।-४७७

(५७२) इमीसे णं भंते रयणप्पभाए पुढवीए निरयपरिसामंतेसु जे पुढविक्काइया जाव
वणस्सइकाइया तेणं महाकम्मतारा चेव महाकिरियत्तरा चेव महासवत्तरा चेव महावेदणत्तरा चेव

हंता गोयमा इमीसे णं रयणप्पभाए पुढवीए निरयपरिसामंतेसु तं चेव जाव महावेदणतरा चेव एवं जाव अहेसत्तमा ।४७७।-४७८

(५७३) कहि णं भंते लोगस्स आयाममज्जे पन्नत्ते गोयमा इमीसे रयणप्पभाए ओवा-संतरस्स असंखेज्जभागं ओगाहेत्ता एत्थ णं लोगस्स आयाममज्जे पन्नत्ते कहि णं भंते अहेलोगस्स आयाममज्जे पन्नत्ते गोयमा चउत्थीए पंकप्पभाए पुढवीए ओवासंतरस्स सातिरेणं अद्धं ओगाहेत्ता एत्थ णं अहेलोगस्स आयाममज्जे पन्नत्ते कहि णं भंते उद्धलोगस्स आयाममज्जे पन्नत्ते गोयमा उप्पि सणंकुमार-माहिंदाणं कप्पणं हेट्ठिं बंभलोए कप्पे रिद्धविमाणे पत्थडे एत्थ णं उद्धलोगस्स आयाममज्जे पन्नत्ते कहि णं भंते तिरियलोगस्स आयाममज्जे पन्नत्ते गोयमा जंबुदीवे दीवे मंदरस्स पव्वयस्स बहुमज्जदेसभाए इमीसे रयणप्पभाए पुढवीए उवरिमहेट्ठिंसेसु खुड्ढगपथेसु एत्थ णं तिरियलोगमज्जे अट्ठपएसिए रूपए पन्नत्ते जओणं इमाओ दस दिसाओ पव्वहंतितं जहा-पुरत्थिमा पुरत्थिमदाहिणा दाहिणा दाहिणपच्चत्थिमा पच्चत्थिमा पच्चत्थिमुत्तरा उत्तरा उत्तरपुरत्थिमा उद्धा अहो एयासि णं भंते दसण्हं दिसाणं कति नामधेज्जा पन्नत्ता गोयमा दस नामधेज्जा पन्नत्ता तं जहा-

इंदा अगेयी जमा य नेरई वारुणी य वायव्या

सोमा ईसाणी या विमला य तमा य बोद्धव्या

।४७८।-४७९

(५७४) इंदा णं भंते दिसा किमादीया किंपवहा कतिपदेसादीया कतिपदेसुत्तरा कतिपदेसिया किंपज्जवसिया किंसंठिया पन्नत्ता गोयमा इंदा णं दिसा रुयगादीया रुयगप्पवहा दुपएसदीया दुपएसुत्तरा लोगं पडुच्च असंखेज्जपएसिया अलोगं पडुच्च अनंतपएसिया लोगं पडुच्च सादीया सपज्जवसिया अलोगं पडुच्च सादीया अपज्जवसिया लोगं पडुच्च मुरवसंठिया अलोगं पडुच्च सगडुद्धिसंठिया पन्नत्ता, अगेयी णं भंते दिसा किमादीया किंपवहा कतिपएसदीया कतिपएस-वित्थिण्णा कतिपएसिया किंपज्जवसिया किंसंठिया पन्नत्ता गोयमा अगेयी णं दिसा रुयगादीया रुयगप्पवहा एगपएसदीया एगपएसवित्थिण्णा-अनुत्तरा लोगं पडुच्च असंखेज्ज-पएसिया अलोगं पडुच्च अनंतपएसिया लोगं पडुच्च सादीया सपज्जवसिया अलोगं पडुच्च सादीया अपज्जवसिया छिण्णमुत्तावलिसंठिया पन्नत्ता जमा जहा इंदा नेरई जहा अगेयी एवं जहा इंदा तथा दिसाओ चत्तारि जहा अगेई तथा चत्तारि विदिसाओ विमला णं भंते दिसा किमादीया पुच्छा जहा अगेयीए गोयमा विमला णं दिसा रुयगादीया रुयगप्पवहा चउप्पएसदीया दुपएसवित्थिण्णा-अनुत्तरा लोगं पडुच्च सेसं जहा अगेयीए नवरं रुयगसंठिया पन्नत्ता एवं तमा दि ।४७९।-४८०

(५७५) किमियं भंते लोएत्ति पवुच्चइ गोयमा पंचत्थिकाया एस णं एवतिए लोएत्ति पवुच्चइ तं जहा-धम्मत्थिकाए अधम्मत्थिकाए [आगासत्थिकाए जीवत्थिकाए] पोगलत्थिकाए धम्मत्थिकाएणं भंते जीवाणं किं पवत्तति गोयमा धम्मत्थिकाएणं जीवाणं आगमण-गमण-मासुम्भेस-मणजोगवड्-जोग-कायजोग जे यावण्णे तहप्पगारा चला भावा सव्वे ते धम्मत्थिकाए पवत्तति गडलक्खणे णं धम्मत्थिकाए अधम्मत्थिकाएणं भंते जीवाणं किं पवत्तति गोयमा अधम्मत्थिकाएणं जीवाणं ठाणं-निसीयण-तुयट्ठण मणस्स य एगत्तीभावकरणता जे यावण्णे तहप्पगारा थिरा भावा सव्वे ते अधम्मत्थिकाए पवत्तति ठाणलक्खणे णं अधम्मत्थिकाए आगासत्थिकाएणं भंते जीवाणं अजीवाणं य किं पवत्तति गोयमा आगासत्थिकाए णं जीवदव्याण य अजीवदव्याण य भायणभूए ।४८०-१।४८०-१

(५७६) एगेण वि से पुण्णे दोहि वि पुण्णे सयं पि माएज्जा

कोडिसएणं वि पुण्णे कोडिसहस्सं पि माएज्जा

॥७४॥-१

(५७७) अवगाहणलक्खणे णं आगासत्थिकाए जीवत्थिकाए णं भंते जीवाणं किं पवत्तति गोयमा जीवत्थिकाएणं जीवे अनंताणं आभिणिबोहियनाणपज्जवाणं अनंताणं सुयनाणपज्जवाणं अनंताणं ओहिनाणपज्जवाणं अनंताणं मणपज्जवनाणपज्जवाणं अनंताणं केवलनाणपज्जवाणं [अनंताणं मइअण्णाणपज्जवाणं अनंताणं सुयअण्णाणपज्जवाणं अनंताणं विमंगनाणपज्जवाणं अनंताणं चक्खुदंसणपज्जवाणं अनंताणं अचक्खुदंसणपज्जवाणं अनंताणं ओहिदंसणपज्जवाणं अनंताणं केवलदंसणपज्जवाणं] उण्ययोगं गच्छति उवयोगवलक्खणे णं जीवे, पोगलत्थिकाए णं भंते जीवाणं किं पवत्तति गोयमा पोगलत्थितकाएणं जीवाणं ओरालिय-वेउब्बिय-आहारा-तेया-कम्मा सोइंदिय-चक्खिदिय-धाणिंदिय-जिड्ढिदिय-फांसिंदिय-मणजोग-वइजोग-कायजोगआणा-पाणूणं च गहणं पवत्तति गहणलक्खणे णं पोगलत्थिकाए ॥४८०॥-४८१

(५७८) एगे भंते धम्मत्थिकायपदेसे केवतिएहिं धम्मत्थिकायपदेसेहिं पुट्ठे गोयमा जहण्ण-पदे तिहिं उक्कोसपदे छहिं केवतिएहिं अधम्मत्थिकायपदेसेहिं पुट्ठे जहण्णपदे चउहिं उक्कोसपदे सत्तहिं केवतिएहिं आगासत्थिकायपदेसेहिं पुट्ठे सत्तहिं केवतिएहिं जीवत्थिकायपदेसेहिं पुट्ठे अनंतेहिं केवतिएहिं पोगलत्थिकायपदेसेहिं पुट्ठे अनंतेहिं केवतिएहिं अद्धसमएहिं पुट्ठे सिय पुट्ठे सिय नो पुट्ठे जइ पुट्ठे नियमं अनंतेहिं एगे भंते अधम्मत्थिकायपदेसे केवतिएहिं धम्मत्थिकायपदेसेहिं पुट्ठे गोयमा जहण्णपदे चउहिं उक्कोसपदे सत्तहिं केवतिएहिं अधम्मत्थिकायपदेसेहिं पुट्ठे जहण्णपदे तिहिं उक्कोसपदे छहिं सेसं जहा धम्मत्थिकायस्स, एगे भंते आगासत्थिकायपदेसे केवतिएहिं धम्मत्थिकायपदेसेहिं पुट्ठे गोयमा सिय पुट्ठे सिय नो पुट्ठे जइ पुट्ठे जहण्णपदे एककेणं वा दोहिं वा तीहिं वा उक्कोसपदे सत्तहिं एवं अधम्मत्थिकायपदेसेहिं वि केवतिएहिं आगासत्थिकायपदेसेहिं पुट्ठे छहिं केवतिएहिं जीवत्थिकायपदेसेहिं पुट्ठे सिय पुट्ठे सिय नो पुट्ठे जइ पुट्ठे नियमं अनंतेहिं एवं पोगलत्थिकायपदेसेहिं वि अद्धसमएहिं वि ॥४८१॥-४८२

(५७९) एगे भंते जीवत्थिकायपदेसे केवतिएहिं धम्मत्थिकाय पदेसेहिं पुट्ठे जहण्णपदे च-उहिं उक्कोसपदे सत्तहिं एवं अधम्मत्थिकायपदेसेहिं वि केवतिएहिं आगासत्थिकाय पदेसेहिं पुट्ठे सत्तहिं केवतिएहिं जीवत्थिकायपदेसेहिं पुट्ठे अनंतेहिं सेसं जहा धम्मत्थिकायस्स एगे भंते पोगलत्थिकायपदेसे केवतिएहिं धम्मत्थिकायपदेसेहिं पुट्ठे एवं जहेव जीवत्थिकायस्स दो भंते पोगलत्थिकायपदेसा केवतिएहिं धम्मत्थिकायपदेसेहिं पुट्ठा गोयमा जहण्णपदे छहिं उक्कोसपदे बारसहिं एवं अधम्मत्थिकायपदेसेहिं वि केवतिएहिं आगासत्थिकायपदेसेहिं पुट्ठा बारसहिं सेसं जहा धम्मत्थिकायस्स, तिण्णि भंते पोगलत्थिकायपदेसा केवतिएहिं धम्मत्थिकायपदेसेहिं पुट्ठा जहण्णपदे अट्ठहिं उक्कोसपदे सत्तरसहिं एवं अधम्मत्थिकायपदेसेहिं वि केवतिएहिं आगासत्थिकायपदेसेहिं पुट्ठा सत्तरसहिं सेसं जहा धम्मत्थिकायस्स एवं एएणं गमेणं भाणियव्वा जाव दस नवरं-जहण्णपदे दोण्णि पक्खिवियव्वा उक्कोसपदे पंच चत्तारि पोगलत्थिकायस्स पदेसा जहण्णपदे दसहिं उक्कोसपदे बावीसाए पंच पोगलत्थिकायस्स पदेसा जहण्णपदे बारसहिं उक्कोसपदे सत्तावीसाए छ पोगलत्थिकायस्स पदेसा जहण्णपदे चौदसहिं उक्कोसपदे बत्तीसाए सत्त पोगलत्थिकायस्स पदेसा जहण्णपदे सोलसहिं उक्कोसपदे सत्ततीसाए अट्ठ पोगलत्थि-

कायस्स पदेसा जहण्णपदे अद्धारसहिं उक्कोसपदे बायालीसाए नव पोग्गलत्थिकायस्स पदेसा जहण्णपदे वीसाए उक्कोसपदे सीयालीसाए दस पोग्गलत्थिकायस्स पदेसा जहण्णपदे बावीसाए उक्कोसपदे बावत्ताए आगासत्थिकायस्स सब्बत्थ उक्कोसगं भाणियव्वं

संखेज्जा भंते पोग्गलत्थिकायपदेसा केवतिएहिं धम्मत्थिकायपदेसेहिं पुद्दा जहण्णपदे तेणेव संखेज्जाएणं दुगुणेणं दुरुवाहिएणं उक्कोसपदे तेणेव संखेज्जाएणं पंचगुणेणं दुरुवाहिएणं केवतिएहिं अधम्मत्थि- कायपदेसेहिं एवं चेव केवतिएहिं जीवत्थिकायपदेसेहिं अनंतेहिं केवतिएहिं पोग्गलत्थि- कायपदेसेहिं अनंतेहिं केवतिएहिं अद्दासमएहिं सिय पुट्ठे सिय नो पुट्ठे [जइ पुट्ठे नियमं] अनंतेहिं असंखेज्जा भंते पोग्गलत्थिकायपदेसा केवतिएहिं धम्मत्थिकायपदेसेहिं पुद्दा जहण्णपदे तेणेव असंखेज्जाएणं दुगुणेणं दुरुवाहिएणं उक्कोसपदे तेणेव असंखेज्जाएणं पंचगुणेणं दुरुवाहिएणं सेसं जहा संखेज्जाणं जाव नियमं अनंतेहिं अनंता भंते पोग्गलत्थिकायपदेसा केवतिएहिं धम्मत्थि- कायपदेसेहिं पुद्दा एवं जहा असंखेज्जा तहा अनंता वि निरवसेसं एगे भंते अद्दासमए केवतिएहिं धम्मत्थिकायपदेसेहिं पुट्ठे सत्तहिं केवतिएहिं अधम्मत्थिकायपदेसेहिं पुट्ठे एवं चेव एवं आगासत्थिकाएहिं वि केवतिएहिं जीवत्थिकायपदेसेहिं पुट्ठे अनंतेहिं एवं जाव अद्दासमएहिं धम्मत्थिकाए णं भंते केवतिएहिं धम्मत्थिकायपदेसेहिं पुट्ठे नत्थि एक्केणं वि केवतिएहिं अधम्मत्थिकायपदेसेहिं असंखेज्जेहिं केवतिएहिं आगासत्थिकायपदेसेहिं असंखेज्जेहिं केवतिएहिं जीवत्थिकायपदेसेहिं अनंतेहिं केवतिएहिं पोग्गलत्थिकायपदेसेहिं अनंतेहिं केवतिएहिं अद्दा- समएहिं सिय पुट्ठे सिय नो पुट्ठे जइ पुट्ठे नियमा अनंतेहिं अधम्मत्थिकाए णं भंते केवतिएहिं धम्मत्थिकायपदेसेहिं पुट्ठे असंखेज्जेहिं केवतिएहिं अधम्मत्थिकायपदेसेहिं नत्थि एक्केणं वि सेसं जहा धम्मत्थिकायस्स एवं एएणं गमएणं सब्बे वि सड्डाणए नत्थि एक्केणं वि पुद्दा परट्ठाणए आदिअएहिं तिहिं असंखेज्जेहिं भाणियव्वं पच्छिअएसु तिसु अनंता भाणियव्वा जाव अद्दासमयो ति जाव केवतिएहिं अद्दासमएहिं पुट्ठे नत्थि एक्केण वि १४८२।-४८३

(५८०) जत्थ णं भंते एगे धम्मत्थिकायपदेसे ओगाढे तत्थ केवतिया धम्मत्थिकायपदेसा ओगाढा नत्थि एक्को वि केवतिया अधम्मत्थिकायपदेसा ओगाढा एक्को केवतिया आगासत्थिकायपदेसा ओगाढा एक्को केवतिया जीवत्थिकायपदेसा ओगाढा अनंता केवतिया पोग्गलत्थिकायपदेसा ओगाढा अनंता केवतिया अद्दासमया ओगाढा सिय ओगाढा सिय नो ओगाढा जइ ओगाढा अनंता जत्थ णं भंते एगे अधम्मत्थिकायपदेसे ओगाढे तत्थ केवतिया धम्मत्थिकायपदेसा ओगाढा एक्को केवतिया अधम्मत्थिकायपदेसा नत्थि एक्को वि सेसं जहा धम्मत्थिकायस्स जत्थ णं भंते एगे आगासत्थिकायपदेसे ओगाढे तत्थ केवतिया धम्मत्थि- कायपदेसा ओगाढा सिय ओगाढा सिय नो ओगाढा जइ ओगाढा एक्को एवं अधम्मत्थि- कायपदेसा वि केवतिया आगासत्थिकायपदेसा नत्थि एक्को वि केवतिया जीवत्थिकायपदेसा सिय ओगाढा सिय नो ओगाढा जइ ओगाढा अनंता एवं जाव अद्दासमया

जत्थ णं भंते एगे जीवत्थिकायपदेसे ओगाढे तत्थ केवतिया धम्मत्थिकायपदेसा ओगाढा एक्को एवं अधम्मत्थिकायपदेसा वि एवं आगासत्थिकायपदेसा वि केवतिया जीवत्थिकायपदेसा अनंता सेसं जहा धम्मत्थिकायस्स जत्थ णं भंते एगे पोग्गलत्थिकायपदेसे ओगाढे तत्थ केवतिया धम्मत्थिकायपदेसा ओगाढा एवं जहा जीवत्थिकायपदेसे तहेव निरवसेसं जत्थ णं भंते दो

पोग्गलत्थिकायपदेसा ओगाढा तत्थ केवतिया धम्मत्थिकायपदेसा ओगाढा सिय एक्को सिय दोण्णि एवं अधम्मत्थिकायस्स वि एवं आगासत्थिकायस्स वि सेसं जहा धम्मत्थिकायस्स जत्थ णं भंते तिण्णि पोग्गलत्थिकायपदेसा ओगाढा तत्थ केवतिया धम्मत्थिकायपदेसा ओगाढा सिय एक्को सिय दोण्णि सिय तिण्णि एवं अधम्मत्थिकायस्स वि एवं आगासत्थिकायस्स वि सेसं जहेव दोण्हं एवं एक्केक्को वड्ढियव्वो पदेसो आइल्लएहिं तिहिं अत्थिकाएहिं सेसेहिं जहेव दोण्हं जाव दसण्हं सिय एक्को सिय दोण्णि सिय तिण्णि जाव सिय दस संखेज्जाणं सिय एक्को सिय दोण्णि जाव सिय दस सिय संखेज्जा असंखेज्जाणं सिय एक्को जाव सिय संखेज्जा सिय असंखेज्जा जहा असंखेज्जा एवं अनंता वि

जत्थ णं भंते एगे अद्दासमए ओगाढे तत्थ केवतिया धम्मत्थिकायपदेसा ओगाढा एक्को केवतिया अधम्मत्थिकायपदेसा एक्को केवतिया आगासत्थिकायपदेसा एक्को केवतिया जीवत्थिकायपदेसा अनंता एवं जाव अद्दासमया जत्थ णं भंते धम्मत्थिकाए ओगाढे तत्थ केव-
तिया धम्मत्थिकायपदेसा ओगाढा नत्थि एक्को वि केवतिया अधम्मत्थिकायपदेसा असंखेज्जा केवतिया आगासत्थिकायपदेसा असंखेज्जा केवतिया जीवत्थिकायपदेसा अनंता एवं जाव अद्दासमया जत्थ णं भंते अधम्मत्थिकाए ओगाढे तत्थ केवतिया धम्मत्थिकायपदेसा ओगाढा असंखेज्जा केवतिया अधम्मत्थिकायपदेसा नत्थि एक्को वि सेसं जहा धम्मत्थिकायस्स एवं सब्बे-
सद्धाने नत्थि एक्को वि भाणियव्वो परदुणे आदिल्ला तिण्णि असंखेज्जा भाणियव्वा पच्छिल्ला तिण्णि अनंता भाणियव्वा जाव अद्दासमयो ति जाव केवतिया अद्दासमया ओगाढा नत्थि एक्को वि, जत्थ णं भंते एगे पुढविक्काइए ओगाढे तत्थ णं केवतिया पुढविक्काइया ओगाढा असंखेज्जा केवतिया आउक्काइया ओगाढा असंखेज्जा केवतिया तेउकाइया ओगाढा असंखेज्जा केवतिया वाउकाइया ओगाढा असंखेज्जा केवतिया वणस्सइकाइया ओगाढा अनंता, जत्थ णं भंते आउक्काइए ओगाढे तत्थ णं केवतिया पुढविक्काइया ओगाढा असंखेज्जा केवतिया आउक्काइया ओगाढा असंखेज्जा एवं जहेव पुढविक्काइयाणं वत्तव्वया तहेव सब्बेसि निरवसेसं भाणियव्वं जाव वणस्सइकाइयाणं जाव केवतिया वणस्सइकाइया ओगाढा अनंता ४८३१-४८४

(५८१) एयंसि णं भंते धम्मत्थिकाय-अधम्मत्थिकाय-आगासत्थिकायंसि चक्किया केई आसइत्तए वा सइत्तए वा चिद्धित्तए वा निसीयत्तए वा तुयइत्तए वा नो इण्ढे समद्वे अनंता पुणत्थ जीवा ओगाढा से केण्ढेणं भंते एवं वुच्चइ-एयंसि णं धम्मत्थि काय-अधम्मत्थिकाय-आगा-
सत्थिकायंसि नो चक्किया केई आसइत्तए वा सइत्तए वा चिद्धित्तए वा निसीयत्तए वा तुयइत्तए वा अनंता पुणत्थ जीवा ओगाढा गोयमा से जहानामए कूडागारसाला सिया-दुहओ लिता गुता गुतदुवारा [निवाया निवायांभीरा अह णं केई पुरिसे पदीवसहस्सं गहाय कूडागारसालाए अंतो-
अंतो अनुप्पविसइ अनुप्पविसित्ता तीसे कूडागारसालाए सब्बतो समंता धण-निचिय-निरंतर-
निच्छिइइ। दुवारयवयणाइं पिहेइ पिहेत्ता तीसे कूडागारसालाए बहुमज्जेसभाए जहण्णेणं एक्को वा दो वा तिण्णि वा उक्कोसेणं पदीवसहस्स पलीवेज्जा से नूणं गोयमा ताओ पदीवलेस्साओ अण्णमण्णसंबद्धाओ अण्णमण्णपुट्ठाओ अण्णमण्णसंबद्धपुट्ठाओ अण्णमण्णपट्ठ- तए चिद्धंति
हंता चिद्धंति, चक्किया णं गोयमा केई तासु पदीवलेस्सासु आसइत्तए वा जाव तुयइत्तए वा भगवं नो इण्ढे समद्वे अनंता पुणत्थ जीवा ओगाढा से तेण्ढेणं गोयमा एवं वुच्चइ जाव अनंता पुणत्थ

जीवा ओगाढा ॥४८४॥-४८५

(५८२) कहि णं भंते लोए बहुसमे कहि णं भंते लोए सब्वविग्गहिए पन्नत्ते गोयमा इमीसे रयणप्पभाए पुढवीए उवरिमहेड्डिल्लैसु खुड्गपयरेसु एत्थ णं लोए बहुसमे एत्थ णं लोए सब्वविग्गहिए पन्नत्ते कहि णं भंते विग्गहविग्गहिए लोए पन्नत्ते गोयमा विग्गहकंडए एत्थ णं विग्गहविग्गहिए लोए पन्नत्ते ॥४८५॥-४८६

(५८३) किंसंठिए णं भंते लोए पन्नत्ते गोयमा सुपइड्डियसंठिए लोए पन्नत्ते-हेट्ठा विच्छिण्णे मज्झे [संखिते उप्पिसाले अहे पत्तियंकसंठिए मज्झे वरवइरविग्गहिए उप्पि उद्धमुड्गगाकार-संठिए तंसि च णं सासयंसि लोगंसि हेट्ठा विच्छिण्णांसि जाव उप्पि उद्धमुड्गगाकारसंठियंसि उप्पण्ण-नाण-दंसणधरे अरहा जिणे केवली जीवे वि जाणइपासइ अजीवे वि जाणइ-पासइ तजो पच्च शिज्झइ बुज्झइ पुछइ परिनिव्वाइ सब्वदुक्खाणं] अंतं करेति एयस्स णं भंते अहेलोगस्स तिरिय- लोगस्स उड्ढलोगस्स य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सब्वत्थोवे तिरियलोए उड्ढलोए असंखेज्जगुणे अहेलोए विसेसाहिए सेवं भंते सेवं भंते ति ॥४८६॥-४८७

● तेरसमे सत्ते चउत्थो उद्देशो समतो ●

—: पं च मो—उ दै सो :—

(५८४) नेरइया णं भंते किं सचित्ताहारा अचित्ताहारा मीसाहारा गोयमा नो सचित्ताहारा अचित्ताहारा नो मीसाहारा एवं असुरकुमारा पढमो नेरइयउद्देशओ निरवसेसो भाणियव्वो सेवं भंते सेवं भंते ति ॥४८७॥-४८८

● तेरसमे सत्ते पंचमो उद्देशो समतो ●

—: छ डो—उ दै सो :—

(५८५) रायगिहे जाव एवं वयासी-संतरं नेरइया उववज्जंति निरंतरं नेरइया उववज्जंति गोयमा संतरं पि नेरइया उववज्जंति निरंतरं पि नेरइया उववज्जंति एवं असुरकुमारा वि एवं जहा गंगेये तहेव दो दंडगा जाव संतरं पि वेमाणिया चयंति निरंतरं पि वेमाणिया चयंति ॥४८८॥-४८९

(५८६) कहि णं भंते चमरस्स असुरिंदस्स असुरकुमारारण्णो चमरचंचे नामं आवासे पन्नत्ते गोयमा जंबुदीवे दीवे मंदरस्स पव्वथस्स दाहिणे णं तिरियमसंखेजे दीवसमुद्दे-एवं जहा बित्थियसए सभाउद्देसए वत्तव्वया सच्चेव अपरिसेसा नेयव्वा तीसे णं चमरचंचाए रायहाणीए दाहिणपच्चत्थिये णं छक्करोडिसए पणपन्नं च कोडीओ पणतीसं च सयसहस्साइं पन्नासं च सहस्साइं अरुणोदगसमुदं तिरियं वीइवइत्ता एत्थ णं चमरस्स असुरिंदस्स असुरकुमारारण्णो चमरचंचे नामं आवासे पन्नत्ते-चउरासीइं जोयणसहस्साइं आयामविकखंभेणं दो जोयणसयसहस्सा पन्नड्डिं च सहस्साइं छच्च क्षतीसे जोयणसए किंचि विसेसाहिए परिकखेणं से णं एणेणं पागारेणं सब्वओ समंता संपरिकखते से णं पागारे दिवड्ढं जोयणसयं उड्ढं उच्चत्तेणं एवं चमरचंचाए रायहाणीए वत्तव्वया भाणियव्वया सभावहिण्णा जाव चत्तारि पासायपंतीओ

चमरे णं भंते अगुरिंदे असुरकुमारराया चमरचंचे आवासे वसहिं उवेति नो इणट्ठे समइ से केणं खाइं अट्ठेणं भंते एवं बुछइ-चमरचंचे आवासे चमरचंचे आवासे गोयमा से जहानामए-इहं मणुस्सलोगंसि उवगारियलेणाइ वा उज्जाणियलेणाइ वा निज्जाणियलेणाइ वा धारावारियलेणाइ वा तत्थ णं बहवे मणुस्सा य मणुस्सोओ य आसयंति सयंति [चिद्धंति निसीयंति तुयइंति हसंति रमंति ललंति कीलंति कित्तंति मोहेति पुरा पोराणाणं सुविण्णाणं सुपरक्कंताणं सुमाणं कडाणं कम्माणं

कल्लाणाणं] कल्लाणफलवित्तिविसेसं पच्चणुब्भवमाणा विहरंति अण्णत्थ पुण वसहिं उवेति एवामेव गोयमा चमरस्स असुरिंदस्स असुरकुमाररण्णो चमरचंचे आवासे केवलं किङ्का-रतिपत्तियं अण्णत्थ पुण वसहिं उवेति से तेणट्ठेणं [गोयमा एवं वुच्चइ-चमरचंचे आवासे चमरचंचे] आवासे सेवं भंते सेवं भंते ति जाव विहरइ ॥४८९॥-४९०

(५८७) तए णं समणे भगवं महावीरे अण्णया कयाइ रायगिहाओ नगराओ गुण सिलाओ [चेइयाओ पडिनिक्खमइ पडिनिक्खमितां बहिया जणवयविहारं] विहरइ तेणं कालेणं तेणं समएणं चंपा नामं नयरी होत्या-वण्णओ पुण्णभेदे चेइएवण्णओ तए णं समणे भगवं महावीरे अण्णहा कदाइ पुब्बाणुपुत्वि चरमाणे गामाणुगामं दूइज्जमाणे सुहंसुहेणं विहरमाणे जेणेव चंपा नगरी जेणेव पुण्णभेदे चेइए तेणेव उवागच्छइ उवागच्छिता [अहापडिरूवं ओग्गहं ओगिण्हइ ओगिण्हिता संजमेणं तवसा अप्पाणं भावेमाणे] विहरइ तेणं कालेणं तेणं समएणं सिंधूसोवीरेसु जणवएसु वीतीभए नामं नगरे होत्या-वण्णओ तस्स णं वीतीभयस्स नगरस्स बहिया उत्तरपुरत्थिमे दिस्सीभाए एत्थ णं मियवणे नामं उज्जाणे होत्या-सव्वोउय-पुष्प-फलसमिद्धे-वण्णओ तत्थ णं वीतीभए नगरे उद्दायणे नामं राया होत्या-महवाहिमवंत-महंत-मलय-मंदर-महिंदसारे-वण्णओ तस्स णं उद्दायणस्स रण्णो पउमावती नामं देवी होत्या-सुकुमालपाणिपाया-वण्णओ तस्स णं उद्दायणस्स रण्णो पभावती नामं देवी होत्या-वण्णओ जाव विहरइ तस्स णं उद्दायणस्स रण्णो पुत्ते पभावतीए देवीए अत्तए अभीयी नामं कुमारे होत्या-सुकुमाल [पाणिपाए अहीण-पडिपुण्ण-पंचिंदिय-सरीरे लक्खण-वंजण-गुणोदवेए माणुम्माणं-पमाण-पडिपुण्ण-सुजायसव्वंम-सुंदरंगे ससिसोमाकारे कंते पियदंसणे सुरूवे पडिरूवे से णं अभीयी कुमारे जुवराया वि होत्या-उद्दायणस्स रण्णो रज्जं च रट्ठं च बलं च वाहणं च कोसं च कोट्ठारं च पुरं च अंतेउरं च सयमेव पच्चुवेक्खमाणे]-पच्चुवेक्खमाणे विहरइ

तस्स णं उद्दायणस्स रण्णो नियाए भाइणेज्जे केसी नामं कुमारे होत्या-सुकुमालपाणिपाए जाव सुरूवे से णं उद्दायणे राया सिंधूसोवीरप्पामोक्खाणं सोलसण्हं जणवयाणं वीतीभयप्पा-मोक्खाणं तिण्हं तेसडीणं नगरागरसयाणं महसेणप्पामोक्खाणं दसण्हं राईणं बट्ठमउडाणं विदिन्न-छत्त-चामर-बालवीयणाणं अण्णेसिं च बहूणं राईसर-तलवर-[माडंबिय कोडुंबिय-इब्भ-सेट्ठि-सेणावइ]-सत्थवाहप्पभिईणं आहेवच्चं पोरेवच्चं [सामितं भट्ठितं आणा-ईसर-सेणावच्चं] कारेमाणे पालेमाणे समणोवासए अभिगयजीवाजीवे जाव अहापरिग्गहिहं तवोकमेहिं अप्पाणं भावेमाणे विहरइ तए णं से उद्दायणे राया अण्णया कयाइ जेणेव पोसहसाला तेणेव उवागच्छइ जहा संखे जाव पोसहिहं बंधचारी ओमुक्कमणिमुवण्णे ववगयमाला-वण्णगविलेवणे निक्खित्तसत्थ-मुसले एगे अबिइए दब्भसंधारोवगए पक्खियं पोसहं पडिजागरमाणे विहरइ तए णं तस्स उद्दायणस्स रण्णो पुव्वरत्तावरत्तकालसमयंसि धम्मजागरियं जागरमाणस्स अयमेयारूवे अज्झत्थिए चितिए पत्थिए मणोगए संकपे समुप्पज्जित्या-धत्ता णं ते गामागर-नगर-खेड-कच्छड-मडंब-दोणमुह-पट्टणासम-संवाहसण्णिवेसा जत्थ णं समणे भगवं महावीरे विहरइ धत्ता णं ते राईसर-तलवर-माडंबिय-कोडुंबिय-इब्भ-सेट्ठि-सेणावइ-सत्थवाहप्पभित्तयो जे णं समणं भगवं महावीरं वंदंति नमंसंति जाव पच्चुवासंति जइ णं समणे भगवं महावीरे पुब्बाणुपुत्वि चरमाणे गामाणुगामं दूइज्जमाणे सुहंसुहेणं विहरमाणे इहमागच्छेज्जा इह समोसरेज्जा इहेव वीतीभयस्स नगरस्स बहिया

मियवणे उज्जाणे अहापडिरुवं ओग्हहं ओगिण्हिता संजमेणं तवसा अप्पाणं भावेमाणे विहरेज्जा तो णं अहं समणं भगवं महावीरं वंदेज्जा नमंसेज्जा जाय पज्जुवासेज्जा

तए णं समणे भगवं महावीरे उद्दायणस्स रण्णो अयमेयारूवं अज्झत्थियं चित्तियं पत्थियं मणोगयं संकप्पं समुप्पन्नं वियाणित्ता चंपाओ नगरीओ पुण्णमद्दाओ चेइयाओ पडिनिक्खमइ पडिनिक्खमित्ता पुब्बाणुपुब्बि चरमाणे गामाणुगामं द्दुज्जमाणे सुहंसुहेणं विहरमाणे जेणेव सिंधूसोवीरे जणवए जेणेव वीतीभये नगरे जेणेव मियवणे उज्जाणे तेणेव उवागच्छइ उवागच्छित्ता जाव संजमेणं तवसा अप्पाणं भावेमाणे विहरइ तए णं वीतीभये नगरे सिंधाडग-तिग-चउक्क-चच्चर-चउम्मुह-महापह-पहेसु जाव परिसा पज्जुवासइ ए णं से उद्दायणे राया इमीसे कहाए लच्छडे समणे हट्टुडे कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया वीयीभयं नगरं सत्थितरवाहिरियं जहा कूणिओ ओववाइए जाव पज्जुवासइ पउभावती पाभोक्खाओ देवीओ तहेव जाव पज्जुवासंति धम्मकहा तए णं से उद्दायणे राया समणस्स भगवओ महावीरस्स अंतिय धम्मं सोच्चा निसम्मं हट्टुडे उट्ठाए उट्ठेइ उट्ठेत्ता समणं भगवं महावीरं तिक्खुत्तो जाव नमंसित्ता एवं वयासी-एवमेयं भंते तहमेयं भंते [अवितहमेयं भंते असंदिद्धमेयं भंते इच्छिमेयं भंते पडिच्छियमेयं भंते इच्छिय-पडिच्छिय मेयं भंते]-से जहेयं तुल्ये वदह ति कट्ठं जं नवरं-देवाणुप्पिया अभीयिकुमारं रज्जे ठावेमि तए णं अहं देवाणुप्पियाणं अंतिए मुंडे भवित्ता आगाराओ अणगारियं पव्वयामि

अहासुहं देवाणुप्पिया मा पडिबंधं तए णं से उद्दायणे राया समणेणं भगवया महावीरेणं एवं वुत्ते समणे हट्टुडे समणं भगवं महावीरं वंदइ नमंसइ वंदित्ता नमंसित्ता तमेव आभिसेक्कं हत्थि दुहइ दुहित्ता समणस्स भगवओ महावीरस्स अंतियाओ मियवणाओ उज्जाणाओ पडिनिक्खमइ पडिनिक्खमित्ता जेणेव वीतीभये नगरे तेणेव पहारेत्थ गमणाए तए णं तस्स उद्दायणस्स रण्णो अयमेयारूवं अज्झत्थिए चित्तिए पत्थिए मणोगए संकप्पे समुप्पज्जित्था-एवं खलु अभीयीकुमारे मम एगे पुत्ते इहे कंते

पिए मणुण्णे मणामे थेज्जे वेसासिए संमए बहुमए अणुमए भंडकरंडगसमाणे रयणे रयणब्भूए जीवऊसविए हिययनंदिजणणे उवरपुप्फं पिव दुल्लभे सवणयाए [किमंग पुण पासणयाए तं जदि णं अहं अभीयीकुमारं रज्जे ठावेत्ता समणस्स भगवओ महावीरस्स अंतियं मुंडे भवित्ता [अगाराओ अणगारियं] पव्वयामि तो णं अभीयीकुमारे रज्जे य रडे य [बले य वाहणे य कोसे य कोट्टागारे य पुरे य अंतेउरे य] जणवए य माणुस्सएसु य कामभोगेसु मुच्छिए गिद्धे गट्ठिए अज्झोववन्ने अणादीयं अणवदगं दीहमद्धं चाउरंतसंसारकंतरं अनुपरियट्ठिस्सइ तं नो खलु मे सेयं अभीयीकुमारं रज्जे ठावेत्ता समणस्स भगवओ महावीरस्स अंतियं मुंडे भवित्ता [अगाराओ अणगारियं] पव्वइत्तए सेयं खलु मे नियगं भाइणेज्जं केसि कुमारं रज्जे ठावेत्ता समणस्स भगवओ [महावीरस्स अंतियं मुंडे भवित्ता अगाराओ अणगारियं] पव्वइत्तए-एवं संपेहेइ संपेहेत्ता जेणेव वी-यीभये नगरे तेणेव उवागच्छइ उवागच्छित्ता वीयीभयं नगरं मज्झमज्जेणं जेणेव सए गेहे जेणेव बाहिरिया उवट्ठाणसाला तेणेव उवागच्छइ उवागच्छित्ता आभिसेक्कं हत्थि ठवेइ ठवेत्ता आभिसे-क्काओ हत्थीओ पच्चोरूमइ पच्चोरूमित्ता जेणेव सीहासणे तेणेव उवागच्छइ उवागच्छित्ता सीहासणवरंसि पुरत्थाभिमुहे निसीयति निसीइत्ता कोडुंबियपुरिसे सद्दावेइ सद्दावेत्ता एवं वयासी-

खिप्पामेव भो देवाणुप्पिया वीयीभयं नगरं सद्धितरवाहिरियं जाव पच्चप्पिणह ते वि तमाणत्तियं पच्चप्पिणंति

तए णं से उद्दायणे राया दोच्चं पि कोडुंबियपुरिसे सद्दावेइ सद्दावेत्ता एवं वयासी-खिप्पामेव भो देवाणुप्पिया केसिस्स कुमारस्स महत्तयं महत्तयं महरिहं विउत्तं एवं रायाभिसेओ जहा सिदमहत्तस्स कुमारस्स तहेव भाणियव्वो जाव परमाउं पालयाहिं इड्डजणसंपरिवुडे सिंधूसोवीरपामोक्ख्वाणं सोलसण्हं जणवयाणं वीयीभयपामोक्ख्वाणं तिण्णि तेसट्ठीणं नगरागरसयाणं महसेणपाण-मोक्ख्वाणं दसन्हं राईणं अण्णेसिं च बहूणं राईसर जाव कारेमाणे पालेमाणे विहराहि ति कट्ठु जयजयसद्दं पउजंति तए णं से केसी कुमारे राया जाए-महयाहिमवंत-महंत-मलय-मंदर-महिंदसारे जाव रज्जं पसासेमाणे विहरइ तए णं से उद्दायणे राया केसिं रायाणं आपुच्छइ तए णं से केसी राया कोडुंबियपुरिसे सद्दावेइ-एवं जहा जमालियस्स तहेव सद्धितरवाहिरियं तहेव जाव निक्खमणा-भिसेयं उवट्ठवेति तए णं से केसी राया अणेगणनायगजाव जाव संपरिवुडे उद्दायणं रायं सीहासणवरंसि पुरत्याभिमुहे निसीयावेति निसीयावेत्ता अट्ठसएणं सोवण्णिघाणं कलसाणं एवं जहा जमालिस्स जाव महया-महया निक्खमणाभिसेगेणं अभिसिंचति अभिसिंचित्ता करयल-परिणहियं दसन्हं सिरसावत्तं मत्थए अंजलिं कट्ठु जाएणं दिजएणं बद्धावेति बद्धावेत्ता एवं वयासी-भण सामी किं देमो किं पयच्छामो किणा वा ते अट्ठो

तए णं से उद्दायणे राया केसिं रायं एवं वयासी-इच्छामि णं देवाणुप्पिया कुतियावणाओ रयहरणं च पडिग्गहं च आणियं कासवणं च सद्दावियं-एवं जहा जमालिस्स नवरं-पउमावती अग्गकेसे पडिच्छइ पियविप्पयोगदूसहा तए णं से केसी राया दोच्चं पि उत्तरायवक्कमणं सीहासणं रयावेति रयावेत्ता उद्दायणं रायं सेया-पीतएहिं कलसेहिं ण्हावेति ण्हावेत्ता सेसं जहा जमालिस्स जाव चउव्विहेणं अलंकारेणं अलंकारिए समाणे पडिपुण्णालंकारे सीहासणाओ अम्मुट्ठेइ अम्मु-ट्ठेत्ता सीयं अणुप्पदाहिणीकरेमाणे सीयं दुरुहइ दुरहिता सीहासणवरंसि पुरत्याभिमुहे सण्णिसण्णे तहेव अम्मघाती नवरं पउमावती हंसलक्खणं पडसाडणं गहाय सीयं अणुप्पदाहिणीकरेमाणी सीयं दुरुहइ दुरुहिता उद्दायणस्स रण्णे दाहिणे पासे भद्दासणवरंसि सण्णिसण्णा सेसं तं चेव जाव छत्तादीए तित्थगरातिसए पासइ पासित्ता पुरिससहस्सवाहिणिं सीयं ठवेइ पुरिससहस्सवाहिणीओ सीयाओ पच्चोरुभइ पच्चोरुभित्ता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं तिक्खुतो वंदइ नमंसइ वंदित्ता नमंसित्ता उत्तरपुरत्थिमं दिसीभागं अवक्कमइ अवक्कमित्ता सयमेव आभरणमल्लालंकारं ओमुचइ [तए णं सा पउमावती देवी हंसलक्खणेणं पडसाडएणं आभरणमल्लालंकारं पडिच्छइ पडिच्छित्ता हारवारिधार-सिंदुवार-छिन्न-मुत्तावलि-प्पगासाइं अंसूणि विणिम्भुयमाणी-विणिम्भुयमाणी उद्दायणं रायं एवं वयासी-जइयव्वं सामी घडियव्वं सामी परक्कमियव्वं सामी अस्ति च णं अट्ठो] नो पमादेयव्वं ति कट्ठु केसी राया पउमावती य समणं भगवं महावीरं वंदंति नमंसंति वंदित्ता नमंसित्ता [जामेव दिसं पाउब्भुया तामेव दिसं] पडिगया तए णं से उद्दायणे राया सयमेव पंचमुट्ठियं लोयं करेइ सेसं जहा उसभदत्तस्स जाव सब्बदुक्खप्पहीणे। ४९०।-४९१।

(५८८) तए णं तस्स अभीयिस्स कुमारस्स अण्णदा कदाइ पुब्बरत्तावरत्तकालसमयंसि कुडुंबजागरियं जागरमाणस्स अयमेयारुवे अज्झत्थिए जाव समुप्पजित्वा-एवं खलु अहं उद्दा-

यणस्स पुत्ते पभावतीए देवीए अत्ताए तए णं से उद्दायणे राया मम अवहाय नियगं भाइणेजं केसिं कुमारं रजे टावेत्ता समणस्स भगवओ [महावीरस्स अंतियं मुंडे भविता अगाराओ अणगारियं] पव्वइए-इमेणं एयारूवेणं महया अप्पत्तिएणं मणोमाणसिएणं दुक्खेणं अभिभूए समाणे अंतेउ-परियालसंपरियुडे सभंउमत्तेवगरणमायाए वीतीभयाओ नयराओ निग्गच्छइ निग्गच्छित्ता पुब्बाणुपुब्बिं चरमाणे गामाणुगामं दइजमाणे जेणेव चंपा नयरी जेणेव कूणिए राया तेणेव उवागच्छइ उवागच्छित्ता कूणियं रायं उवसंपज्जित्ताणं विहरइ तत्थ वि णं से विउलभोगसमिति-समन्नणए यावि होत्था तए णं से अभीवीकुमारं समणोवासए यावि होत्था-अभिगयजीवा जीवे जाव अहापरिग्गहिएहिं तवोकम्मेहिं अप्पाणं भावेमाणे विहरइ उद्दायणम्मि रावरिसिम्मि समणु-वद्धवेरे यावि होत्था इमीसे रयणप्पमाए पुढवीए निरयपरिसामंतेसु चोयट्ठिं असुरकुमारावाससय-सहस्सा पत्रत्ता तए णं से अभीवीकुमारं बहूइं वासाइं समणोवाससपरियागं पाउणइ पाउणित्ता अद्धमासियाए संलेहणाए तीसं भत्ताइं अणसणाए छेएइ छेएत्ता तस्स ठाणस्स अणालोइया-पडिक्कंते कालमासे कालं किच्चा इमीसे रयणप्पमाए पुढवीए निरयपरिसामंतेसु चोयट्ठीए आयावा-असुरुकुमारावाससयसहस्सेसु अण्णवरंसि आयावाअसुरुकुमारावासंसि आयावाअसुरुकुमार-देवत्ताए उव्वण्णे तत्थ णं अत्थेगतिवाणं आयावगाणं असुरकुमाराणं देवाणं एणं पत्ति-ओवमं ठिई पत्रत्ता तत्थ णं अभीयिस्स वि देवस्स एणं पत्तिओवमं ठिई पत्रत्ता से णं भंते अभीगीदेवे ताओ देवलोगाओ आउक्खएणं भवक्खएणं ठिइक्खएणं अनंतरं उव्वट्ठित्ता कहिं गच्छिहिति कहिं उववज्जिहिति गोयमा महाविदेहे वासे सिज्झिहिति जाव सब्बदुक्खाणं अंतं काहिति सेवं भंते सेवं भंते ति । ४९१-४९२

● तेरस्समे सत्ते छट्ठो उहेसो समत्तो ●

—: स त्त मो—उ हे सो —:

(५८९) रायगिहे जाव एवं वयासी-आया भंते भासा अण्णा भासा गोयमा नो आया भासा अण्णा भासा रूविं भंते भासा अरूविं भासा गोयमा रूविं भासा नो अरूविं भासा सचित्ता भंते भासा अचित्ता भासा गोयमा नो सचित्ता भासा अचित्ता भासा जीवा भंते भासा अजीवा भासा गोयमा नो जीवा भासा अजीवा भास जीवाणं भंते भासा अजीवाणं भासा गोयमा जीवाणं भासा नो अजीवाणं भासा पुब्बिं भंते भासा भासिज्जमाणी भासा भासासमयवीतिककंता भासा गोयमा नो पुब्बिं भासा भासिज्जमाणी भासा नो भासासमयवीतिककंता भासा, पुब्बिं भंते भासा भिज्जति भासिज्जमाणी भासा भिज्जति भासासमयवीतिककंता भासा भिज्जति गोयमा नो पुब्बिं भासा भिज्जति भासिज्जमाणी भासा भिज्जति नो भासासमयवीतिककंता भासा भिज्जति कतिविहा णं भंते भासा पत्रत्ता गोयमा चउव्विहा भासा पत्रत्ता तं जहा-सच्चा मोसा सच्चा मोसा असच्चा मोसा । ४९२-४९३

(५९०) आया भंते मणे अण्णे मणे गोयमा नो आया मणे अण्णे मणे [रूविं भंते मणे अरूविं मणे गोयमा रूविं मणे नो अरूविं मणे, सचित्ते भंते मणे अचित्ते मणे गोयमा नो सचित्ते मणे अचित्ते मणे जीवे भंते मणे अजीवे मणे गोयमा नो जीवे मणे अजीवे मणे, जीवाणं भंते मणे अजीवाणं मणे गोयमा जीवाणं मणे] नो अजीवाणं मणे पुब्बिं भंते मणे मणिज्जमाणे मणे मणसमयवीतिककंते मणे गोयमा नो पुब्बिं मणे मणिज्जमाणे मणे नो [मणसमयवीतिककंते मणे, पुब्बिं भंते मणे भिज्जति मणिज्जमाणे मणे भिज्जति] मणसमयवीतिककंते मणे भिज्जति गोयमा नो पुब्बिं मणे भिज्जति

मणिज्जमाणे मणे भिज्जति नो मणसमयवीतिककंते मणे भिज्जति कतिविहे णं भंते मणे पत्रत्ते गोयमा चउव्विहे मणे पत्रत्ते तं जहा-सच्चे मोसे सच्चा मोसे असच्चा मोसे ।४९३।-४९४

(५९१) आया भंते काये अण्णे काये गोयमा आया वि काये अण्णे वि काये रूवि भंते काये अरूवि काये गोयमा रूवि पि काये अरूवि पि काये सचित्ते भंते काये अचित्ते काये गोयमा सचित्ते वि काये अचित्ते वि काये जीवे भंते काये अजीवे काये गोयमा जीवे वि काये अजीवे वि काये जीवाणं भंते काये अजीवाणं काये गोयमा जीवाणं वि काये अजीवाणं वि काये पुव्विं भंते काये कायिज्जमाणे काये कायसमयवीतिककंते काये गोयमा पुव्विं पि काये कायिज्जमाणे वि काये कायसमयवीतिककंते वि काये पुव्विं भंते काये भिज्जति कायिज्जमाणे काये भिज्जति कायसमयवीतिककंते काये भिज्जति गोयमा पुव्विं पि काये भिज्जति कायिज्जमाणे वि काये भिज्जति कायसमयवीतिककंते वि काये भिज्जति कतिविहे णं भंते काये पत्रत्ते गोयमा सत्तविहे काये पत्रत्ते तं जहा-ओरालिए ओरालियमीसए वेउव्विए वेउव्वियमीसए आहारए आहारगमीसए कम्माए

।४९४।-४९५

(५९२) कतिविहे णं भंते मरणे पत्रत्ते गोयमा पंचविहे मरणे पत्रत्ते तं जहा-आवीचियमरणे ओहिमरणे आतियंतियमरणे बालमरणे पंडियमरणे, आविचियमरणे णं भंते कतिविहे पत्रत्ते गोयमा पंचविहे पत्रत्ते तं जहा-दव्वावीचियमरणे खेत्ताविचियमरणे कालावीचियमरणे भवावी-चियमरणे भावावीचियमरणे, दव्वावीचियमरणे णं भंते कतिविहे पत्रत्ते गोयमा चउव्विहे पन्नत्ते तं जहा-नेरइयदव्वावीचियमरणे तिरिक्खजोणियदव्वावीचियमरणे मणुस्सदव्वावीचियमरणे देव-दव्वावीचियमरणे से केण्डेणं भंते एवं वुच्चइ-नेरइयदव्वावीचियमरणे-नेरइयदव्वावीचियमरणे गोयमा जण्णं नेरइया नेरइए दव्वे वट्टमाणा जाइं दव्वाइं नेरइयाउयत्ताए गहियाइं बच्चाइं पुच्चाइं कडाइं पट्टवियाइं निविट्ठाइं अभिनिविट्ठाइं अभिसमण्णागयाइं भवन्ति ताइं दव्वाइं आविचियमणु-समयं निरंतरं मरन्ति त्ति कट्ठु से तेण्डेणं गोयमा एवं वुच्चइ-नेरइयदव्वावीचियमरणे एवं जाव देवदव्वावीचियमरणे, खेत्तावीचियमरणे णं भंते कतिविहे पत्रत्ते गोयमा चउव्विहे पत्रत्ते तं जहा-नेरइयखेत्तावीचियमरणे जाव देवखेत्तावीचियमरणे से केण्डेणं भंते एवं वुच्चइ-नेरइयखेत्तावी-चियमरणे-नेरइयखेत्तावीचियमरणे गोयमा जण्णं नेरइया नेरइयखेत्ते वट्टमाणा जाइं दव्वाइं ने-रइयाउयत्ताए गहियाइं एवं जहेव दव्वावीचियमरणे तहेव खेत्तावीचियमरणे वि एवं जाव भावावी-चियमरणे, ओहिमरणे णं भंते कतिविहे पत्रत्ते गोयमा पंचविहे पत्रत्ते तं जहा-दव्वोहिमरणे खेत्तोहिमरणे [कालोहि मरणे भवोहिमरणे] भावोहिमरणे, दव्वोहिमरणे णं भंते कतिविहे पत्रत्ते गोयमा चउव्विहे पत्रत्ते तं जहा-नेरइयदव्वोहिमरणे जाव देवदव्वोहिमरणे से केण्डेणं भंते एवं वुच्चइ-नेरइयदव्वोहिमरणे-नेरइयदव्वोहिमरणे गोयमा जे णं नेरइया नेरइयदव्वे वट्टमाणा जाइं दव्वाइं संपयं मरन्ति ते णं नेरइया ताइं दव्वाइं अणागए काले पुणो वि मरिस्संति

से तेण्डेणं गोयमा जाव दव्वोहिमरणे एवं तिरिक्खजोणिय-मणुस्स-देवदव्वोहिमरणे वि एवं एणं गमेणं खेत्तोहिमरणे वि कालोहिमरणे वि भवोहिमरणे वि भावोहिमरणे वि आतियंतिय-मरणे णं भंते - पुच्छा गोयमा पंचविहे पत्रत्ते तं जहा-दव्वातियंतियमरणे खेत्तातियंतियमरणे जाव भावातियंतियमरणे दव्वातियंतियमरणे णं भंते कतिविहे पत्रत्ते गोयमा चउव्विहे पत्रत्ते तं जहा-नेरइयदव्वातियंतियमरणे जाव देवदव्वातियंतियमरणे से केण्डेणं भंते एवं वुच्चइ-नेरइयदव्वाति-

यंतियमरणे नेरइयदव्वातियंतियमरणे गोयमा जे णं नेरइया नेरइयदव्वे वट्टमाणा जाइं दव्वाइं संपयं मरंति ते णं नेरइया ताइं दव्वाइं अणागए काले नो पुणो वि मरिस्संति से तेणट्ठेणं जाव नेरइयदव्वातियंतियमरणे एवं तिरिक्खजोणिय-मणुस्स-देवदव्वातियंतियमरणे एवं खेतातियंति-यमरणे वि एवं जाव भावातियंतियमरणे वि बालमरणेणं भंते कतिविहे पत्रत्ते गोयमा दुवालससविहे पत्रत्ते तं जहा- वलयमरणे [वसट्टमरणे अंतोसल्लमरणे तब्बवमरणे गिरिपडणे तरुपडणे जलप्वेसे जलणप्वेसे विसभक्खणे सत्योवाडणे वेहाणसे] गच्छपट्टे पंडियमरणे णं भंते कतिविहे पत्रत्ते गोयमा दुविहे पत्रत्ते तं जहा-पाओवगमणे य भत्तपच्चक्खाणे य पाओवगमणे णं भंते कतिविहे पत्रत्ते गोयमा दुविहे पत्रत्ते तं जहा-नीहारिमे य अनीहारिमे य नियमं अपडिकम्मे भत्तपच्चक्खाणे णं भंते कतिविहे पत्रत्ते [गोयमा दुविहे पत्रत्ते तं जहा-नीहारिमे य] अनीहारिमे य नियमं सपडिकम्मे सेवं भंते सेवं भंते ति ॥४९५॥-४९६

● तेरसमे सते सत्तमे उद्देशो सम्मतो ●

—: अ इ मो—उ हे सो —:

(५९३) कति णं भंते कम्मपगडीओ पत्रत्ताओ गोयमा अट्ट कम्मपगडीओ पन्नत्ताओ एवं बंधट्ठिइ-उद्देशो भाणियव्वो निरवसेसो जहा पण्णवणाए सेवं भंते सेवं भंते ति ॥४९६॥-४९७

● तेरसमे सते अट्ठमो उद्देशो सम्मतो ●

—: न व मो—उ हे सो —:

(५९४) रायगिहे जाव एवं वयासी-से जहानामए केइ पुरिसे केयाघडियं गहाय गच्छेज्जा एवामेव अणगारे वि भावियप्पा केयाघडियाकिच्चहत्थगएणं अप्पाणेणं उड्ढं वेहासं उप्पएज्जा हंता उप्पएज्जा अणगारे णं भंते भावियप्पा केवतियाइं पभू केयाघडियाकिच्चहत्थगयाइं रुवाइं विउव्वित्तए गोयमा से जहानामए जुवत्तिं जुवाणे हत्थेणं हत्थे [गेण्हेज्जा चक्कस्स वा नाभी अरगाउत्ता सिया एवामेव अणगारे णं भाविअप्पा वेउव्वियसमुग्धाएणं समोहण्णइ जाव पभू णं गोयमा अणगारेणं भाविअप्पा केवलकप्प जंबुदीवं दीवे बहूहिं इत्थिरूवेहिं आइण्णं वित्तिकिण्णं उवत्थं संथडं फुडं अवगाढावगाढं करेत्तए एस णं गोयमा अणगारस्स भाविअप्पणो अयमेयारूवे विसए विसयमेत्ते बुइए] नो चेव णं संपत्तीए विउव्विसु वि विउव्वति वा विउव्विस्सति वा

से जहानामए केइ पुरिसे हिरण्णपेलं गहाय गच्छेज्जा एवामेव अणगारे वि भावियप्पा हिरण्णपेलहत्थकिच्चगएणं अप्पाणेणं उड्ढं वेहासं उप्पएज्जा सेसं तं चेव एवं सुवण्णपेलं एवं रयणपेलं वड्ढरपेलं वत्थपेलं आभरणपेलं एवं वियलकडं सुंबकडं चम्मकडं कंबलकडं एवं अयमारं तंबमारं तउयभारं सीसगभारं हिरण्णभारं सुवण्णभारं वड्ढरमारं से जहानामए वग्गुली सिया दो वि पाए उल्लबिया-उल्लबिया उड्ढपादा अहोसिरा चिडेज्जा एवामेव अणगारे वि भाविअप्पा वग्गुली-किच्चगएणं अप्पाणेणं उड्ढं वेहासं उप्पएज्जा एवं जण्णोवइयवत्तव्वया भाणियव्वा जाव विउव्विस्सति वा से जहानामए जलीया सिया उदगंसि कायं उव्विहिया-उव्विहिया गच्छेज्जा एवामेव अणगारे सेसं जहा वग्गुलीए से जहानामए बीयंबीयगसउणे सिया दो वि पाए समतुरंगेमाणे-समतुरंगेमाणे गच्छेज्जा एवामेव अणगारे सेसं तं चेव से जहानामए पक्खिविरालए सिया रुक्खाओ रुक्खं डेवेमाणे-डेवेमाणे गच्छेज्जा एवामेव अणगारे सेसं तं चेव से जहानामए जीवंजीवगसउणे सिया दो वि पाए समतुरंगेमाणे-समतुरंगेमाणे गच्छेज्जा एवामेव अणगारे सेसं तं

चेव से जहानामए हंसे सिया तीराओ तीरं अभिरममाणे-अभिरममाणे-गच्छेज्जा एवामेव अणगारे वि भाविअप्पा हंसकिच्चगएणं अप्पाणेणं तं चेव

से जहानामए समुदवायसए सिया वीईओ वीइं डेवेमाणे-डेवेमाणे गच्छेज्जा एवामेव अणगारे तहेव से जहानामए केइ पुरिसे चक्कं गहाय गच्छेज्जा एवामेव अणगारे वि भाविअप्पा चक्कहत्थकिच्चगएणं अप्पाणेणं सेसं जहा केयाडियाए एवं छत्तं एवं चम्मं से जहानामए केइ पुरिसे रयणं गहाय गच्छेज्जा एवं चेव एवं वइरं वेरुलियं जाव रिद्धं एवं उप्पलहत्थगं एवं पउमहत्थगं कुमुदहत्थगं [नलिणहत्थगं सुमगहत्थगं सुगंधियहत्थगं पोंडरीयहत्थगं महापोंडरीयहत्थगं सयप-त्तहत्थगं से जहानामए केइ पुरिसे सहस्सपत्तगं गहाय गच्छेज्जा एवं चेव से जहानामए केइ पुरिसे भिसं अवद्दालिय-अवद्दालिय गच्छेज्जा एवामेव अणगारे वि भिसकिच्चगएणं अप्पाणेणं तं चेव

से जहानामए मुणालिया सिया उदगंसि कायं उम्मज्जिया-उम्मज्जिया चिद्धेज्जा एवामेव सेसं जहा वग्गुलीए से जहानामए वणसंडे सिया-किणहे किणहोभासे जाव महामेहनिकुरं वभूए पासादीए दरिसणिज्जे अभिरूवे पडिरूवे एवामेव अणगारे वि भाविअप्पा वणसंडकिच्चगएणं अप्पाणेणं उद्धं वेहासं उप्पएज्जा सेसं तं चेव से जहानामए पुक्खरणी सिया-घउक्कोणा सपतीरा अणुपुब्बसु-जायवप्प गंभीरसीयलजला जाव सहुइयमहुसरणादिया पासादीया दरिसणिज्जा अभिरूवा पडिरूवा एवामेव अणगारे वि भाविअप्पा पोक्खरणीकिच्चगएणं अप्पाणेणं उद्धं वेहासं उप्पएज्जा हंता उप्पएज्जा अणगारे णं भंते भाविअप्पा केवतियाइं पभू पोक्खरणीकिच्चगयाइं रुवाइं विउब्बि-त्तए सेसं तं चेव जाव विउब्बिस्सति वा से भंते किं मायी विउब्बति अमायी विउब्बति गोयमा मायी विउब्बति नो अमायी विउब्बति मायी णं तस्स ठाणस्स अणालोइयं पडिक्कंते कालं करेइ नत्थि तस्स आराहणा अमायी णं तस्स ठाणस्स आलोइय-पडिक्कंते कालं करेइ अत्थि तस्स आराहणा सेवं भंते सेवं भंते ति जाव विहरइ ॥४९७॥-४९८॥

● तेरसमे सत्ते नवमो उद्देसो सप्ततो ●

—: द स मो—उ हे सो :—

(५९५) कति णं भंते छाउमत्थियसमुग्धाया पत्रत्ता गोयमा छ छाउमत्थिया समुग्धाया पत्रत्ता तं जहा-वेयणासमुग्धाए एवं छाउमत्थियसमुग्धाया नेयव्वा जहा पत्रवणाए जाव आहारगसमुग्धायेति सेवं भंते सेवं भंते ति जाव विहरइ ॥४९८॥-४९९॥

● तेरसमे सत्ते दसमो उद्देसो सप्ततो ● तेरसमं सत्तं सप्ततं ●

चोइसमं — सत्तं

—: प ङ मो—उ हे सो :—

(५९६) चर उम्माद सरिरे पोग्गल अगणी तहा किमाहारे

संसिद्धमंतरे खुलु अणगारे केवली चेव

॥७५॥-१

(५९७) रायगिहे जाव एवं वयासी-अणगारे णं भंते भावियप्पा चरमं देवावासं वीतिककंते परमं देवावासमसंपत्ते एत्थ णं अंतरा कालं करेज्जा तस्स णं भंते कहिं गती कहिं उववाए पत्रत्ते गोयमा जे से तत्थ परिपस्सओ तल्लेसा देवावासा तहिं तस्स गती तहिं तस्स उववाए पत्रत्ते से य तत्थ गए विराहेज्जा कम्मलेस्सामेव पडिपडति से य तत्थ गए नो विराहेज्जा तामेव लेस्सं उवसंपज्जिताणं विहरइ ॥४९९॥-५००॥

(५९८) अणगारे णं भंते भावियप्पा चरमं असुरकुमारावासं वीतिकूकंते परमं [असुरसकुमारावासमसंपत्ते एत्थ णं अंतरा कालं करेज्जा तस्स णं भंते कसहिं गती कहिं उववाए पन्नत्ते गोयमा जे से तत्थ परिपस्सओ तल्लेसा असुकुमारावासा तहिं तस्स गती तहिं तस्स उववाए पन्नत्ते से य तत्थ गए विराहेज्जा कम्मलेस्सामेव पडिपडति से य तत्थ गए नो विराहेज्जा तामेव लेस्सं उवसंपज्जित्ताणं विहरइ] एवं जाव थणियकुमारावासं जोइसियावासं एवं वेमाणियावासं जाव विहरइ नेरइयाणं भंते कहं सीहा गती कहं सीहे गतिविसए पन्नत्ते गोयमा से जहानामए-केइपुरिसे तरुणे बलवं जुगवं [जुवाणे अप्पातंके थिरग्गहत्थे दढवाणि-पाय-पास-पिडुत्तरोरुपरिणत्ते तल्लजमलजुयल-परिधनिभवाहू चम्मेडुग-दुहण-मुड्डिय-समाहत-निचित-गत्तकाए उरस्सबलस-मण्णागए लंघण-पवण-जइण-वायाम-समत्थे छेए दक्खे पतट्ठे कुसले मेहावी निउणे] निउणसिप्पो वगए आउंटियं बाहं पसारिज्जा पसारियं वा बाहं आउंटेज्जा विक्खिण्णं वा मुड्डिं सोरेज्जा साहरियं वा मुड्डिं विक्खिरेज्जा उम्मिसिय वा अच्छिं निम्मिसेज्जा निम्मिसियं वा अच्छिं उम्मिसेज्जा भवे एयारूवे नो इण्ठे समट्ठे नेरइया णं एगसमइएण वा दुसमइएण वा तिसमइएण वा विग्गहेण उववज्जति नेरइयाणं गोयमा तहा सीहा गती तहा सीहे गतिविसए पन्नत्ते एवं जाव वेमाणियाणं नवर-एगिदिवाणं चउसमइए विग्गहे भाणियव्वे सेसं तं चेव १५००१- 501

(५९९) नेरइया णं भंते किं अनंतरोववन्नगा परंपरोववन्नगा अनंतर-परंपर-अनुववन्नगा गोयमा नेरइया अनंतरोववन्नगा वि परंपरोववन्नगा वि अनंतर-परंपर-अनुववन्नगा वि से केणट्ठेणं भंते एवं बुच्चइ [नेरइय अनंतरोववन्नगा वि परंपरोववन्नगा वि] अनंतर-परंपर-अनुववन्नगा वि गोयमा जे णं नेरइया पढमसमयोववन्नगा ते णं नेरइया अनंतरोववन्नगा जे णं नेरइया अपढमसमयोववन्नगा ते णं नेरइया परंपरोववन्नगा जे णं नेरइया विग्गहगइसमावन्नगा ते णं नेरइया अनंतर-परंपर-अनुववन्नगा से तेणट्ठेणं जाव अनंतर-परंपर-अनुववन्नगा वि एवं निरंतरं जाव वेमाणिया, अनंतरोववन्नगा णं भंते नेरइया किं नेरइयाउयं पकरेति तिरिक्ख-मणुस्स-देवाउयं पकरेति गोयमा नो नेरइयाउयं पकरेति जाव नो देवाउयं पकरेति परंपरोववन्नगा णं भंते नेरइया किं नेरइयाउयं पकरेति जाव देवाउयं पकरेति गोयमा नो नेरइयाउयं पकरेति तिरिक्खजोणियाउयं पकरेति मणुस्साउयं पि पकरेति नो देवाउयं पकरेति अनंतर-परंपर-अनुववन्नगा णं भंते नेरइया किं नेरइयाउयं पकरेति-पुच्छा गोयमा नो नेरइयाउयं पकरेति जाव नो देवाउयं पकरेति एवं जाव वेमाणिया नवर-पंचिदियतिरिक्खजोणिया मणुस्सा य परंपरोववन्नगा चत्तारि वि आउयाइं पकरेति सेसं तं चेव नेरइया णं भंते किं अनंतरनिग्गया परंपरनिग्गया अनंतर-परंपर-अनिग्गया गोयमा नेरइया अनंतरनिग्गया वि परंपरनिग्गया वि अनंतर-परंपर-अनिग्गया वि

से केणट्ठेणं जाव अनंतर-परंपर-अनिग्गया वि गोयमा जे णं नेरइया पढमसमयनिग्गया ते णं नेरइया अनंतरनिग्गया जे णं नेरइया अपढमसमयनिग्गया ते णं नेरइया परंपरनिग्गया जे णं नेरइया विग्गहगतिसमावन्नगा ते णं नेरइया अनंतर-परंपर-अनिग्गया से तेणट्ठेणं गोयमा जाव अनंतर-परंपर-अनिग्गया वि एवं जाव वेमाणिया अनंतरनिग्गया णं भंते नेरइया किं नेरइयाउयं पकरेति जाव देवाउयं पकरेति गोयमा नो नेरइयाउयं पकरेति जाव नो देवाउयं पकरेति परंपरनिग्गया णं भंते नेरइया किं नेरइयाउयं पकरेति-पुच्छा गोयमा नेरइयाउयं पि पकरेति जाव देवाउयं पि पकरेति अनंतर-परंपर-अनिग्गया णं भंते नेरइयाउयं पकरेति जाव नो देवाउयं पकरेति

निरवसेसं जाव वेमाणिया नेरइया णं भंते किं अनंतरखेदोववन्नगा परंपरखेदोववन्नगा अनंतरपरंपर-खेदाणुववन्नगा गोयमा नेरइया अनंतरखेदोववन्नगा वि परंपरखेदोववन्नगा वि अनंतरपरंपर-खेदाणुववन्नगा वि एवं एएणं अधिलावेणं ते चेव चत्तारि दंडगा भाणियव्वा सेवं भंते सेवं भंते ति जाव विहरइ। ५०१।-502

● चोइसमे सते पदमो उदेसो समत्तो ●

—: बी ओ—उ हे सो :—

(६००) कतिविहे णं भंते उम्मादे पन्नत्ते गोयमा दुविहे उम्मादे पन्नत्ते तं जहा-जक्खाएसे य मोहणिज्जस्स य कम्मस्स उदएणं तत्थ णं जे से जक्खाएसे से णं सुहवेयणतराए चेव सुहविमोयणतराए चेव तत्थ णं जे से मोहणिज्जस्स कम्मस्स उदएणं से णं दुहवेयणतराए चेव दुहविमोयणतराए चेव नेरइयाणं भंते कतिविहे उम्मादे पन्नत्ते गोयमा दुविहे उम्मादे पन्नत्ते तं जहा-जक्खाएसे य मोहणिज्जस्स य कम्मस्स उदएणं से केणट्ठेणं भंते एवं बुच्चइ-नेरइयाणं दुविहे उम्मादे पन्नत्ते तं जहा-जक्खाएसे य मोहणिज्जस्स य कम्मस्स उदएणं गोयमा देवे वा से असुभे पोगगले पक्खिवेज्जा से णं तेसिं असुभाणं पोगगलाणं पक्खिवणयाए जक्खएसं उम्मादं पाउणेज्जा मोहणिज्जस्स वा कम्मस्स उदएणं मोहणिज्जं उम्मायं पाउणेज्जा से तेणट्ठेणं जाव उदएणं

असुरकुमाराणं भंते कतिविहे उम्मादे पन्नत्ते [गोयमा दुविहे उम्मादे पन्नत्ते तं जहा-जक्खाएसे य मोहणिज्जस्स कम्मस्स य उदएणं से केणट्ठेणं भंते एवं बुच्चइ-असुकुमाराणं दुविहे उम्मादे पन्नत्ते तं जहा-जक्खाएसे य मोहणिज्जस्स य कम्मस्स उदएणं गोयमा] देवे वा से महिड्ढियतराए असुभे पोगगले पक्खिवेज्जा से णं तेसिं असुभाणं पोगगलाणं पक्खिवणयाए जक्खएसं उम्मादं पाउणेज्जा मोहणिज्जस्स वा [कम्मस्स उदएणं मोहणिज्जं उम्मायं पाउणेज्जा] से तेणट्ठेणं जाव उदएणं एवं जाव थणियकुमारारणं पुढविक्काइयाणं जाव मणुस्साण-एएसिं जहा नेरइयाणं याणमंतर-जोइस-वेमाणियाणं जहा असुरकुमाराणं। ५०२।-503

(६०१) अत्थि णं भंते पज्जण्णे कालयासी बुद्धिकायं पकरेति हंता अत्थि जाहे णं भंते सक्के देविंदे देवराया बुद्धिकायं काउकामे भवइ से कहमियाणिं पकरेति गोयमा ताहे चेव णं से सक्के देविंदे देवराया अब्भितरपरिसए देवे सद्दावेइ तए णं ते अब्भितरपरिसगा देवा सद्दाविया समाणा मज्झिमपरिसए देवे सद्दावेति तए णं ते मज्झिमपरिसगा देवा सद्दाविया समाणा बाहिरपरिसए देवे सद्दावेति तए णं ते बाहिरपरिसगा देवा सद्दाविया समाणा बाहिरबाहिरगे देवे सद्दावेति तए णं ते बाहिरबाहिरगा देवा सद्दाविया समाणा आभिओगिए देवे सद्दावेति तए णं ते आभिओगिया देवा सद्दाविया समाणा बुद्धिकाइए देवे सद्दावेति तए णं ते बुद्धिकाइया देवा सद्दाविया समाणा बुद्धिकायं पकरेति एवं खलु गोयमा सक्के देविंदे देवराया बुद्धिकायं पकरेति अत्थि णं भंते असुरकुमारा वि देवा बुद्धिकायं पकरेति हंता अत्थि किंपत्तियं णं भंते असुरकुमारा देवा बुद्धिकायं पकरेति गोयमा जे इमे अरहंता भगवंतो, -एएसिं णं जम्भणमहिमासु वा निक्खमणमहिमासु वा नाणुत्थायमहिमासु वा परिनिव्वाणमहिमासु वा एवं खलु गोयमा असुरकुमारा देवा बुद्धिकायं पकरेति एवं नागकुमारा वि एवं जाव थणियकुमारा याणमंतर-जोइसिय-वेमाणिया एवं चेव। ५०३।-504

(६०२) जाहे णं भंते ईसाणे देविंदे देवराया तमुक्कायं काउकामे भवति से कहमियाणिं पकरेति गोयमा ताहे चेव णं से ईसाणे देविंदे देवराया अब्भितरपरिसए देवे सद्दावेति तए णं ते

अभिंतरपरिसगा देवा सद्भाविया समाणा [मज्झिमपरिसए देवे सद्भावैति तए णं ते मज्झिमपरिसगा देवा सद्भाविया समाणा बाहिरपरिसए देवे सद्भावैति तए णं ते बाहिरपरिसगा देवा सद्भाविया समाणा बाहिरबाहिरगे देवे सद्भावैति तए णं ते बाहिरबाहिरगा देवा सद्भाविया समाणा अभिओगिए देवे सद्भावैति तए णं ते अभिओगिया देवा सद्भाविया समाणा तमुक्काइए देवे सद्भावैति] तए णं ते तमुक्काइया देवा सद्भाविया समाणा तमुक्कायं पकरेति एवं खलु गोयमा ईसाणे देविंदे देवराया तमुक्कायं पकरेति अत्थि णं भंते असुरकुमारा वि देवा तमुक्कायं पकरेति हंता अत्थि, किंपत्तियं णं भंते असुरकुमारा देवा तमुक्कायं पकरेति गोयमा किङ्का-रतिपत्तियं वा पडिणीयविमोहणइयाए वा गुत्तीसारक्खणहेउं वा अप्पणो वा सरीरपच्छायणइयाए एवं खलु गोयमा असुरकुमारा वि देवा तमुक्कायं पकरेति एवं जाव वेमाणिया सेवं भंते सेवं भंते ति जाव विहरइ । ५०४। - 505

● चोइसमे सर्ते बीओ उद्देशो समत्तो ●

—: त इ ओ—उ हे सो :—

(६०३) देवे णं भंते महाकाए महासरीरे अणगारस्स भावियप्पणो मज्झमज्झेणं वीइवएज्जा गोयमा अत्येगतिए वीइवएज्जा अत्येगतिए नो वीइवएज्जा से केणट्ठेणं भंते एवं वुच्चइ-अत्येगतिए वीइवएज्जा अत्येगतिए नो वीइवएज्जा गोयमा दुविहा देवा पत्रत्ता तं जहा-मायीमिच्छादिट्ठी-उववन्नगा य अमायीसम्मदिट्ठीउववन्नगा य तत्थ णं जे से मायीमिच्छादिट्ठीउववन्नगा देवे से णं अणगारं भावियप्पणं पासइ पासित्ता नो वंदइ नो नमंसइ नो सक्कारेइ नो सम्माणेइ नो कल्लणं मंगलं देवयं चेइयं पज्जुवासइ से णं अणगारस्स भावियप्पणो मज्झमज्झेणं वीइवएज्जा तत्थ णं जे से अमायीसम्मदिट्ठीउववन्नए देवे से णं अणगारं भावियप्पणं पासइ पासित्ता वंदइ नमंसइ [सक्कारेइ सम्माणेइ कल्लणं मंगलं देवयं चेइयं] पज्जुवासइ से णं अणगारस्स भावियप्पणो मज्झमज्झेणं नो वीइवाएज्जा से तेणट्ठेणं गोयमा एवं वुच्चइ अत्येगतिए वीइवएज्जा अत्येगतिए नो वीइवएज्जा असुरकुमारे णं भंते महाकाए महासरीरे अणगारस्स भावियप्पणो मज्झमज्झेणं वीइवएज्जा एवं चेव एवं देवदंडओ माणियच्चो जाव वेमाणिए । ५०५। - 506

(६०४) अत्थि णं भंते नेरइयाणं सक्कारे इ वा सम्माणे इ किइकम्मे इ वा अब्बुट्ठाणे इ वा अंजलिपग्गहे इ वा आसणाभिग्गहे इ वा आसणाणुप्पदाणे इ वा एंतस्स पच्चुग्गच्छणया ठियस्स पज्जुवासणया गच्छंतस्स पडिसंसाहणया नो इणट्ठे समट्ठे अत्थि णं भंते असुरकुमाराणं सक्कारे इ वा सम्माणे इ वा जाव गच्छंतस्स पडिसंसाहणया वा हंता अत्थि एवं जाव थणियकुमाराणं पुढविकाइयाणं जाव चउरिदियाणं-एएसिं जहा नेरइयाणं अत्थि णं भंते पच्चिंदियतिरिक्खजोणि-याणं सक्कारे इ वा जाव गच्छंतस्स पडिसंसाहणया वा हंता अत्थि नो चेव णं आसणाभिग्गहे इ वा आसणाणुप्पदाणे इ वा [अत्थि णं भंते मणुस्ताणं सक्कारे इ वा गच्छंतस्स पडिसंसाहणया हंता अत्थि] वाणमंतर-जोइस-वेमाणियाणं जहा असुरकुमाराणं । ५०६। - 507

(६०५) अप्पिड्ढिए णं भंते देवे महेड्ढियस्स देवस्स मज्झमज्झेणं वीइवएज्जा नो इणट्ठे समट्ठे समिड्ढिए णं भंते देवे समिड्ढियस्स देवस्स मज्झमज्झेणं वीइवएज्जा नो इणट्ठे समट्ठे पमत्तं पुण वीइ-वएज्जा से णं भंते किं सत्थेणं अक्कमित्ता पभू अणक्कमित्ता पभू गोयमा अक्कमित्ता पभू नो अणक्कमित्ता पभू से णं भंते किं पुब्बि सत्थेणं अक्कमित्ता पच्छा वीइवएज्जा पुब्बि वीइवइत्ता पच्छा सत्थेणं अक्कमेज्जा गोयमा पुब्बि सत्थेणं अक्कमित्ता पच्छा वीइवएज्जा नो पुब्बि वीइ-वइत्ता पच्छा

सत्येणं अकूकमिज्जा एवं एएणं अभिलावेणं जहा दसमसए आइइढीउदेसए तहेव निर-वसेसं चत्तारि दंडगा भाणियव्वा जाव महिइइढया वेमाणिणी अप्पिइइढयाए वेमाणिणीए ॥५०७॥ -५०८

(६०६) रयणप्पभापुढविनेरइया णं भंते केरिसयं पोगगलपरिणामं पच्चणुत्थवमाणा विहरंति गोयमा अणिद्धं [अकंतं अप्पियं असुभं अमणुण्णं] अमणामं एवं जाव अहेसत्तमापुढविनेरइया [रयणप्पभापुढविनेरइया णं भंते केरिसयं वेदनापरिणामं पच्चणुत्थवमाणा विहरंति गोयमा अणिद्धं जाव अमणामं] एवं जहा जीवाभिगमे बितिए नेरइयउदेसए जाव-अहेसत्तमापुढविनेरइया णं भंते केरिसयं परिगहसण्णापरिणामं पच्चणुत्थवमाणा विहरंति गोयमा अणिद्धं जाव अमणामं सेवं भंते सेवं भंते ति ॥५०८॥-५०९

● चौदसमे सते तइओ उदेसो सप्तो ●

—: च उ त्थो—उ हे सो :—

(६०७) एस णं भंते पोगगले तीतमणंतं सासयं समयं लुक्खी, समयं अलुक्खी समयं लुक्खी वा अलुक्खी वा पुत्थिं च णं करणेणं अणेगवण्णं अणेगरूवं परिणामं परिणमइ अहे से परिणामे निजिण्णे भवइ तओ पच्छा एगवण्णे एगरूवे सिया हंता गोयमा एस णं पोगगले तीतमणंतं सासयं समयं तं चेव जाव एगरूवे सिया एस णं भंते पोगगले पडुप्पन्नं सासयं समयं लुक्खी एवं चेव [एस णं भंते पोगगले अणागयमणंतं सासयं समयं लुक्खी एवं चेव] एस णं भंते छंघे तीतमणंतं सासयं समयं लुक्खी एवं चेव खंघे वि जहा पोगगले ॥५०९॥-५१०

(६०८) एस णं भंते जीवे तीतमणंतं सासयं समयं दुक्खी समयं अदुक्खी समयं दुक्खी वा अदुक्खी वा पुत्थिं च णं करणेणं अणेगभावं अणेगभूयं परिणामं परिणमइ अहे से वेयणिज्जे निजिण्णे भवइ तओ पच्छा एगभावे एगभूए सिया हंता गोयमा एस णं जीवे तीतमणंतं सासयं समयं जाव एगभूए सिया एवं पडुप्पन्नं सासयं समयं एवं अणागयमणंतं सासयं समयं ॥५१०॥-५११

(६०९) परमाणुपोगगले णं भंते किं सासए असासए गोयमा सिय सासए सिय असासए से केणट्ठेणं भंते एवं बुद्धइ-सिय सासए सिय असासए गोयमा दब्बइयाए सासए वण्णपज्जवेहिं [गंधपज्जवेहिं रसपज्जवेहिं फासपज्जवेहिं असासए से तेणट्ठेणं गोयमा एवं बुद्धइ-सिय सासए सिय असासए ॥५११॥-५१२

(६१०) परमाणुपोगगले णं भंते किं चरिमे अचरिमे गोयमा दब्बादेसेणं नो चरिमे अचरिमे खेत्तादेसेणं सिय चरिमे सिय अचरिमे कालादेसेणं सिय चरिमे सिय अचरिमे भावादेसेणं सिय चरिमे सिय अचरिमे ॥५१२॥-५१३

(६११) कतिविहे णं भंते परिणामे पन्नते गोयमा दुविहे परिणामे पन्नते तं जहा-जीवपरिणामे य अजीवपरिणामे य एवं परिणामपयं निरवसेसं भाणियव्वं सेवं भंते सेवं भंते ति जाव विहरइ ॥५१३॥-५१४

● चौदसमे सते बउत्थो उदेसो सप्तो ●

—: पं च मो—उ हे सो :—

(६१२) नेरइए णं भंते अगणिक्कायस्स मज्झमज्झेणं वीइवएज्जा गोयमा अत्येगतिए वीइ-वएज्जा अत्येगतिए नो वीइवएज्जा से केणट्ठेणं भंते एवं बुद्धइ-अत्येगतिए वीइवएज्जा अत्येगतिए नो वीइवएज्जा गोयमा नेरइया दुविहा पन्नता तं जहा-विग्गहगतिसमावन्नगा य अविग्गहगति-समावन्नगा य तत्थ णं जे से विग्गहगतिसमावन्नए नेरइए से णं अगणिक्कायस्स मज्झमज्झेणं वीइ-

वएज्जा से णं तत्थ झियाएज्जा नो इण्ठे सम्भे नो खलु तत्थ सत्थं कमइ तत्थ णं जे से अविग्गहगतिसमावन्नए नेरइए से णं अगणिकायस्स मज्झमज्झेणं नो वीइवएज्जा से तेण्ठेणं जाव नो वीइवएज्जा, असुरकुमारे णं भंते अगणिकायस्स मज्झमज्झेणं वीइवएज्जा गोयमा अत्थेगतिए वीइवएज्जा अत्थेगतिए नो वीइवएज्जा से केण्ठेणं जाव नो वीइवएज्जा गोयमा असुरकुमारा दुविहा पन्नत्ता तं जहा-विग्गहगतिसमावन्नगा य अविग्गहगतिसमावन्नगा य तत्थ णं जे से विग्गहगतिसमावन्नए असुरकुमारे से णं-एवं जहेव नेरइए जाव कमइ तत्थ णं जे से अविग्गहगतिसमावन्नए असुरकुमारे से ण अत्थेगतिए अगणिकायस्स मज्झमज्झेणं वीइवएज्जा अत्थेगतिए नो वीइवएज्जा जे णं वीइवएज्जा से णं तत्थ झियाएज्जा नो इण्ठे सम्भे नो खलु तत्थ सत्थं कमइ से तेण्ठेणं एवं जाव यणियकुमारा एगिंदिया जहा नेरइया

वेइंदिया णं भंते अगणिकायस्स मज्झमज्झेणं वीइवएज्जा जहा असुरकुमारे तहा बेइंदिएवि नवरं- जे णं वीइवएज्जा से णं तत्थ झियाएज्जा हंता झियाएज्जा सेसं तं घेव एवं जाव घउरिंदिए पंचिंदियतिरिक्खजोणिए णं भंते अगणिकायस्स [मज्झमज्झेणं वीइवएज्जा] गोयमा अत्थेगतिए वीइवएज्जा अत्थेगतिए नो वीइवएज्जा से केण्ठेणं गोयमा पंचिंदियतिरिक्खजोणिया दुविहा पन्नत्ता तं जहा-विग्गहगतिसमावन्नगा य अविग्गहगतिसमावन्नगा य विग्गहगतिसमावन्नए जहेव नेरइए जाव नो खलु तत्थ सत्थं कमइ अविग्गहगतिसमावन्नगा पंचिंदियतिरिक्खजोणीया दुविहा पन्नत्ता तं जहा-इड्ढिप्पत्ता य अणिड्ढिप्पत्ता य तत्थ णं जे से इड्ढिप्पत्ते पंचिंदियतिरिक्खोणिए से णं अत्थेगतिए अगणिकायस्स मज्झमज्झेणं वीइवएज्जा अत्थेगतिए नो वीइवएज्जा जे णं वीइवएज्जा से णं तत्थ झियाएज्जा नो इण्ठे सम्भे नो खलु तत्थ सत्थं कमइ तत्थ णं जे से अणिड्ढिप्पत्ते पंचिंदियतिरिक्खजोणियए से णं अत्थेगतिए अगणिकायस्स मज्झमज्झेणं वीइवएज्जा अत्थेगतिए नो वीइवएज्जा जे णं वीइवएज्जा से णं तत्थ झियाएज्जा हंता झियाएज्जा से तेण्ठेणं जाव नो वीइवएज्जा एवं मणुस्से वि वाणमंतर-जोइसिय-वेमाणिय जहा असुरकुमारे 1५१४1-515

(६१२) नेरइया दस ठाणाइं पच्चणुब्बवमाणा विहरंति तं जहा-अणिट्ठा सद्दा अणिट्ठा रुवा अणिट्ठा गंधा अणिट्ठा रसा अणिट्ठा फासा अणिट्ठा गती अणिट्ठा ठिती अणिट्ठा लावण्णे अणिट्ठा-जसे किंती अणिट्ठा उट्ठाण-कम्म-बल-वीरिय-पुरिसक्कारे-परक्कमे असुरकुमारा दस ठाणाइं पच्चणुब्बवमाणा विहरंति तं जहा-इट्ठासद्दा इट्ठा रुवा जाव इट्ठा उट्ठाण-कम्म-बल-वीरिय-पुरिसक्कार-परक्कमे एवं जाव यणियकुमारा पुढविक्काइया छट्ठाणाइं पच्चणुब्बवमाणा विहरंति तं जहा-इट्ठाणिट्ठा फासा इट्ठाणिट्ठा गती एवं जाव पुरिसक्कार-परक्कमे एवं जाव वणस्सइक्काइया बेइंदिया सत्तट्ठाणाइं पच्चणुब्बवमाणा विहरंति तं जहा-इट्ठाणिट्ठा रसा सेसं जहा एगिंदियाणं, तेइंदिया अट्ठाणाइं पच्चणुब्बवमाणा विहरंति तं जहा-इट्ठाणिट्ठा गंधा सेसं जहा बेइंदियाणं, चउरि-दिया नवट्ठाणाइं पच्चणुब्बवमाणा विहरंति तं जहा-इट्ठाणिट्ठा रुवा सेसं जहा तेइंदियाणं पंचिंदियति-रिक्खजोणिया दस ठाणाइं पच्चणुब्बवमाणा विहरंति तं जहा इट्ठाणिट्ठा सद्दा जाव पुरिसक्कार-परक्कमे एवं मणुस्सा वि वाणमंतर-जोइसिय-वेमाणिया जहा असुरकुमारा 1५१५1-516

(६१४) देवे णं भंते महिइदीए जाव महेसक्खे बाहिए पोग्गले अपरियाइत्ता पभू तिरियपव्वयं वा तिरियभिंति वा उल्लंघेतए वा पल्लंघेतए वा नो इण्ठे सम्भे देवे णं भंते महिइदीए जाव महेसक्खे बाहिए पोग्गले परियाइत्ता पभू तिरिय [पव्वयं वा तिरियभिंति वा उल्लंघेतए वा]

पल्लयेतए वा हंता पप्पू सेवं भंते सेवं भंते ति ।५१६।-५१७

● चोदसमे सते पंचमो उद्देसो समस्तो ●

—: छ द्रो—उ हे सो :—

(६१५) रायगिहे जाव एवं वयासि-नेरइया णं भंते किमाहारा किंपरिणामा किंजोणिया किंठितीया पत्रत्ता गोयमा नेरइया णं पोग्गलाहारा पोग्गलपरिणामा पोग्गलजोणिया पोग्गल-द्वितीया कम्पोवगा कम्पनियाणा कम्पद्वितीया कम्पुणामेव विप्परियासमेति एवं जाव देमाणिया ।५१७।-५१८

(६१६) नेरइया णं भंते किं वीचीदव्वाइं आहारेंति अवीचीदव्वाइं आहारेंति गोयमा नेरइया वीचीदव्वाइं पि आहारेंति अवीचीदव्वाइं पि आहारेंति से केणद्वेणं भंते एवं वुछइ-नेरइया वीची [दव्वाइं पि आहारेंति अवीची दव्वाइं पि] आहारेंति गोयमा जे णं नेरइया एणपएसूणाइं पि दव्वाइं आहारेंति ते णं नेरइया वीचीदव्वाइं आहारेंति जे णं नेरइया पडिपुण्णाइं दव्वाइं आहारेंति ते णं नेरइया अवीचीदव्वाइं आहारेंति से तेणद्वेणं गोयमा एवं वुछइ-[नेरइया वीचीदव्वाइं पि आहारेंति अवीचीदव्वाइं पि] आहारेंति एवं जाव देमाणिया ।५१८।-५१९

(६१७) जाहे णं भंते सक्के देविंदे देवराया दिव्वाइं भोगभोगाईं भुंजिउकामे भवइ से कहमियाणि पकरेति गोयमा ताहे चेव णं से सक्के देविंदे देवराया एणं महं नेमिपडिरूवगं विउव्वइ-एणं जोयणसयसहस्सं आयामविक्खंभेणं तिण्णि जोयणसयसहस्साइं जाव अद्धं गुलं च किंचिविसेसाहियं परिकखेवेणं तस्स णं नेमिपडिरूवगस्स उवरिं बहुसमरमणिजे भूमिभागे पत्रत्ते जाव मणीणं फासो तस्स णं नेमिपडिरूवगस्स बहुमज्झदेसभागे एत्थ णं महं एणं पासायवडेंसगं विउव्वइ-

पंच जोयणसयाइं उड्ढं उच्चतेणं उड्ढाइज्जाइं जोयणसयाइं विक्खंभेणं अट्ठमुगय-मूसिय-पहसियमिव वण्णओ जाव पडिरूवं तस्स णं पासायवडेंसगस्स उल्लोए पउमलयाभत्तिचित्ते जाव पडिरूवे तस्स णं पासायवडेंसगस्स अंतो बहुसमरमणिजे भूमिभागे जाव मणीणं फासो मणिपेदिया अट्ठजोयणिया जहा देमाणियाणं तीसे णं मणिपेदियाए उवरिं महं एणे देवसयणिजे विउव्वइ सयणिज्जवण्णओ जाव पडिरूवे तत्थ णं से सक्के देविंदे देवराया अट्ठहिं अगमहिंसीहिं सपरिवाराहिं दोहि य अणिएहिं-नट्ठणिण एण य गंधव्वाणिण एण य सद्धिं महायागयनट्ठ-दिव्वाइं भोगभोगाईं भुंजमाणे विहरइ जाहे ईसाणे देविंदे देवराया दिव्वाइं भोगभोगाईं भुंजिउक्कामे भवइ से कहमियाणि पकरेति जहा सक्के तथा ईसाणे वि निरवसेसं एवं सणकुमारे वि नवरं-पासायवडें-सओ छ जोयणसयाइं उड्ढं उच्चतेणं तिण्णि जोयणसयाइं विक्खंभेणं मणिपेदिया तहेव अट्ठजोय-णिया तीसे णं मणिपेदियाए उवरिं एत्थ णं महं सीहासणं विउव्वइ सपरिवारं भाणियच्चं तत्थ णं सणकुमारे देविंदे देवराया बावत्तरीए सामग्णियसाहस्सीहिं जाव चउहिं य बावत्तरीहिं आयरक्खदेव-साहस्सीहिं य बहूहिं सणकुमारकप्पवासीहिं वेमाणिएहिं देवेहिं य देवीहिं य सद्धिं संपरिवुडे महायाहयनट्ठ जाव विहरइ एवं जहा सणकुमारे तथा जाव पाणओ अच्चओ नवरं-जो जस्स परिवारो सो तस्स भाणियच्चो पासा उच्चतं-जं सएसु-सएसु कप्पेसु विमाण्णं उच्चतं अद्धं वित्थारो जाव अच्चयस्स नवजोयणसयाइं उड्ढं उच्चतेणं अद्धपंचमाइं जोयणसयाइं विक्खंभेणं तत्थ णं अच्चुए देविंदे देवराया दसहिं सामाणियसाहस्सीहिं जाव विहरइ सेसं तं चेव सेवं भंते सेवं

भंतेति । ५१९१-५२०

● चोदसमे सते छद्मो उद्देशो सप्ततो ●

-: स त्त मो-उ हे सो :-

(६१८) रायगिहे जाव परिहा पडिगया गोयमादी समणे भगवं महावीरे भगवं गोयमं आमंतेत्ता एवं वयासी चिर संसिद्धोसि मे गोयमा चिरसंयुओसि मे गोयमा चिरपरिचिओसि मे गोयमा चिरजुसिओसि मे गोयमा चिराणुगओसि मे गोयमा चिराणुपवत्तीसि मे गोयमा अनंतरं देवलोए अनंतरं माणुस्सए भवे किं परं मरणा कायस्स भेदा इओ चुता दो वि तुल्ला एगद्धा अविसेसमणाणत्ता भविसासमो । ५२०१-५२१

(६१९) जहा णं भंते वयं एयमद्धं जाणामो-पासामो तथा णं अनुत्तरोववाइया वि देवा एयमद्धं जाणंति-पासंति हंता गोयमा जहा णं वयं एयमद्धं जाणामो-पासामो तथा णं अणुत्तरोववाइया वि देवा एयमद्धं जाणंति-पासंति से केणट्ठेणं । भंते एवं वुच्चइ-वयं एयमद्धं जाणामो-पासामो तथा णं अनुत्तरोववाइया वि देवा एयमद्धं जाणंति-पासंति गोयमा अनुत्तरोववाइयाण-अनंताओ मणोदव्ववग्गणाओ लब्धाओ पत्ताओ अभिसमण्णागयाओ भवन्ति से तेणट्ठेणं गोयमा एवं वुच्चइ-वयं एयमद्धं जाणामो-जाव-पासंति । ५२११-५२२

(६२०) कतिविहे णं भंते तुल्लए पत्रत्ते गोयमा छव्विहे तुल्लए पत्रत्ते तं जहा-दव्वतुल्लए खेत्तुल्लए कालतुल्लए भवतुल्लए भावतुल्लए संठाणतुल्लए से केणट्ठेणं भंते एवं वुच्चइ-दव्वतुल्लए-दव्वतुल्लए गोयमा परमाणुपोग्गले परमाणुपोग्गलस्स दव्वओ तुल्ले परमाणुपोग्गले परमाणुपोग्गल-वइरित्तस्स दव्वओ नो तुल्ले दुपएसिए खंधे दुपएसियस्स खंधस्स दव्वओ तुल्ले दुपएसिए खंधे दुपएसियवइरित्तस्स खंधस्स दव्वओ नो तुल्ले एवं जाव दसपएसिए तुल्लसंखेज्जपएसिए खंधे तुल्लसंखेज्जपएसियस्स खंधस्स दव्वओ तुल्ले तुल्लसंखेज्जपएसिए खंधे तुल्लसंखेज्जपएसिय वइरित्तस्स खंधस्स दव्वओ नो तुल्ले एवं तुल्लअसंखेज्जपएसिए वि एवं तुल्लअनंतपएसिए वि से तेणट्ठेणं गोयमा एवं वुच्चइ-दव्वतुल्लए-दव्वतुल्लए

से केणट्ठेणं भंते एवं वुच्चइ-खेत्तुल्लए-खेत्तुल्लए गोयमा एगपएसोगाढे पोग्गले एगपएसोगाढस्स पोग्गलस्स खेत्तओ तुल्ले एगपएसोगाढे पोग्गले एगपएसोगाढवइरित्तस्स पोग्गलस्स खेत्तओ नो तुल्ले एवं जाव दसपएसोगाढे तुल्लसंखेज्जपएसोगाढे [पोग्गले तुल्लसंखेज्जपएसोगाढस्स पोग्गलस्स खेत्तओ तुल्ले तुल्लसंखेज्जपएसोगाढे पोग्गले तुल्लसंखेज्जपएसोगाढवइरित्तस्स पोग्गलस्स खेत्तओ नो तुल्ले एवं तुल्लअसंखेज्जपएसोगाढे वि से तेणट्ठेणं गोयमा एवं वुच्चइ-खेत्तुल्लए-खेत्तुल्लए, से केणट्ठेणं भंते एवं वुच्चइकालतुल्लए-कालतुल्लए गोयमा एगसमयठितीए पोग्गले एगसमयठितीयस्स पोग्गलस्स कालओ तुल्ले एगसमयठितीए पोग्गले एगसमयठितीयवइरित्तस्स पोग्गलस्स कालओ नो तुल्ले एवं जाव दससमयठितीए तुल्लसंखेज्जसमयठितीए एवं चेव एवं तुल्लअसंखेज्जसमयठितीए वि से तेणट्ठेणं गोयमा एवं वुच्चइ-कालतुल्लए-कालतुल्लए

से केणट्ठेणं भंते एवं वुच्चइ-भवतुल्लए-भवतुल्लए गोयमा नेरइए नेरइयस्स भवइयाए तुल्ले नेरइयवइरित्तस्स भवइयाए नो तुल्ले तिरिक्खजोणिए एवं चेव एवं मणुस्से एवं देवे वि से तेणट्ठेणं गोयमा एवं वुच्चइ-भवतुल्लए-भवतुल्लए गोयमा एगगुणकालए पोग्गले एगगुणकालगस्स पोग्गलस्स भावओ तुल्ले एगगुणकालए पोग्गले एगगुणकालवइरित्तस्स पोग्गलस्स भावओ नो तुल्ले एवं जाव

दसगुणकालए एवं तुल्लसंखेज्जगुणकालए पोगले एवं तुल्लअसंखेज्जगुणकालए वि एवं तुल्लअमंतगुणकालए वि जहा कालए एवं नीलए लोहियए हालिहए सुक्किलए एवं सुब्बिगंधे एवं दुब्बिगंधे एवं तित्ते जाव महुरे एवं ककखडे जाव लुक्खे ओदइए भावे ओदइयस्स भावस्स भावओ तुल्ले ओदइए भावे ओदइयभाववइरित्तस्स भावस्स भावओ नो तुल्ले एवं ओवसमिए खइए खओ-वसमिए पारिणामिए सन्निवाइए भावे सन्निवाइयस्स भावस्स भावओ तुल्ले सन्निवाइए भावे सन्निवाइयभाववइरित्तस्स भावस्स भावओ नो तुल्ले से तेणट्ठेणं गोयमा एवं वुच्चइ-भावतुल्लए-भावतुल्लए से केणट्ठेणं भंते एवं वुच्चइ-संठाणतुल्लए-संठाणतुल्लए गोयमा परिमंडले संठाणे परिमंडलस्स संठाणस्स संठाणओ तुल्ले परिमंडले संठाणे परिमंडलसंठाणवइरित्तस्स संठाणस्स संठाणओ नो तुल्ले एवं वट्टे तंसे चउरंसे आयए समचउरंसे संठाणे समचउरंसंठाणवइरित्तस्स संठाणस्स संठाणओ नो तुल्ले एवं परिमंडलेवि एवं ।साई खुज्जे वामणे। हुंडे से तेणट्ठेणं गोयमा एवं वुच्चइ-संठाणतुल्लए-संठाणतुल्लए ।५२२।-५२३

(६२१) भत्तापच्चक्खायए णं भंते अणगारे मुच्छिए गिद्धे गढिए अज्झोववत्ते आहार-माहारेति अहे णं वीससाए कालं करेइ तओ पच्छा समुच्छिए अगिद्धे अगढिए अणज्झोववत्ते आहारमाहारेति हंता गोयमा भत्तापच्चक्खायए णं अणगारे [मुच्छिए गिद्धे तं चेव आहारमाहारेति] से केणट्ठेणं भंते एवं वुच्चइ-भत्तापच्चक्खायए णं [अणगारे मुच्छिए गिद्धे गढिए अज्झोववत्ते आहारमाहारेति अहे णं वीससाए कालं करेइ तओ पच्छा अमुच्छिए अगिद्धे अगढिए अणज्झोववत्ते आहारमाहारेति] गोयमा भत्तापच्चक्खायए णं अणगारे मुच्छिए गिद्धे गढिए तं चेव आहारमाहारेति ।५२३।-५२४

(६२२) अत्थि णं भंते लवसत्तमा देवा लवसत्तमा देवा हंता अत्थि से केणट्ठेणं भंते एवं वुच्चइ-लवसत्तमा देवा लवसत्तमा देवा गोयमा से जहानामए केइ पुरिसे तरुणे जाव निउण-सिप्पोगए सालीणं वा वीहीणं वा गोधूमाणं वा जवाणं वा जवजवाणं वा पक्काणं परिघाताणं हरियाणं हरियकंडाणं तिक्खेणं नवपज्जणएणं असिअएणं पडिसाहरिया-पडिसाहरिया पडिसंखि-विद्या-पडिसंखिविया जाव इणामेव इणामेव ति कट्ठु सत्त लवे लुएज्जा जदि णं गोयमा तेसिं देवाणं एवतियं कालं आउए पहुप्पते तो णं ते देवा तेणं चेव भवग्गहणेणं सिज्झंता [वुज्झंता मुच्चंता परिनिव्वायंता सब्बदुक्खाणं] अंतं करेता से तेणट्ठेणं गोयमा एवं वुच्चइ-लवसत्तमा देव लवसत्तमा देवा ।५२४।-५२५

(६२३) अत्थि णं भंते अनुत्तरोववाइया देवा अनुत्तरोववाइया देवा हंता अत्थि से केणट्ठेणं भंते एवं वुच्चइ-अनुत्तरोववाइया देव अनुत्तरोववाइया देवा गोयमा अनुत्तरोववाइयाणं देवाणं अनुत्तरा सदा अनुत्तरा रूपा अनुत्तरा गंधा अनुत्तरा रसा अनुत्तरा फासा से तेणट्ठेणं गोयमा एवं वुच्चइ अनुत्तरोववाइया देवा अनुत्तरोववाइया देवा, अनुत्तरोववाइया णं भंते देवा केवतिएणं कम्मावसेसेणं अनुत्तरोववाइयदेवत्ताए उववत्ता गोयमा जायतियं छट्ठभत्तिए समणे निगंथे कम्मं निज्जेरति एवतिएणं कम्मावसेणं अनुत्तरोववाइयदेवत्ताए उववत्ता सेवं भंते सेवं भंते ति ।५२५।-५२६

● चोइसमे सते सत्तमो उइसो सत्तमो ●

—: अ इ मो—च हे सो —:

(६२४) इमीसे णं भंते रयणप्पभाए पुढवीए सक्करप्पभाए य पुढवीए केवतिए अबाहाए

अंतरे पन्नत्ते गोयमा असंखेज्जाइं जोयणसहस्साइं अबाहाए अंतरे पन्नत्ते सकूकरप्पभाए णं भंते पुढवीए बालुयप्पभाए य पुढवीए केवतिए अबाहाए अंतरे पन्नत्ते एवं चेव एवं जाव तमाए अहेसत्तमाए य, अहेसत्तमाए णं भंते पुढवीए अलोगस्स य केवतिए अबाहाए अंतरे पन्नत्ते गोयमा असंखेज्जाइं जोयणसहस्साइं अबाहाए अंतरे पन्नत्ते इमीसे णं भंते रयणप्पभाए पुढवीए जोतिसस्स य केवतिए [अबाहाए अंतरे पन्नत्ते] गोयमा सत्तनउ एजोयणसए अबाहाए अंतरे पन्नत्ते जोतिसस्स णं भंते सोहम्मीसाणाण य कप्पाणं केवतिए [अबाहाए अंतरे पन्नत्ते] गोयमा असंखेज्जाइं जोयण सहस्साइं अबाहाए अंतरे पन्नत्ते सोहम्मीसाणाणं भंते सणकुमार-माहिंदाणं य केवतिए अबाहाए अंतरे पन्नत्ते एवं चेव, सणकुमार-माहिंदाणं भंते बंभलोगस्स कप्पस्स य केवतिए अबाहाए अंतरे पन्नत्ते वेवं एव बंभलोगस्स णं भंते लंतगस्स य कप्पस्स केवतिए अबाहाए अंतरे पन्नत्ते एवं चेव एवं लंतगस्स णं भंते महासुककस्स य कप्पस्स केवतिए अबाहाए अंतरे पन्नत्ते एवं चेव एवं महासुककस्स कप्पस्स सहस्सारस्स य एवं सहस्सारस्स आणयपाणयाण य कप्पाणं एवं आणाव-पाणयाणं आरण्युयाण य कप्पाणं एवं आरण्युयाणं गेवेज्जविमाणाण य एवं गेवेज्जविमाणाणं अनुत्तरविमाणाण य अनुत्तरविमाणाणं भंते ईसिपब्भाराए य पुढवीए केवतिए अबाहाए अंतरे पन्नत्ते गोयमा दुबालस जोयणे अबाहाए अंतरे पन्नत्ते ईसिपब्भाराए णं भंते पुढवीए अलोगस्स य केवतिए अबाहाए अंतरे पन्नत्ते गोयमा देसूणं जोयणं अबाहाए अंतरे पन्नत्ते ॥५२६॥-५२७

(६२५) एस णं भंते सालरुक्खे उण्हभिहए तण्हभिहए दवग्गिजालाभिहए कालमासे कालं किच्चा कहिं गमिहिति कहिं उववज्जिहिति गोयमा इहेव रायगिहे नगरे सालरुक्खत्ताए पद्यायाहिती से णं तत्थ अच्चिय-वंदिय-पूइय-सक्कारिय-सम्माणिए दिव्वे सच्चे सच्चोवाए सन्निहियपाडिहेरे लाउल्लोइयमहिए यावि भविस्सइ से णं भंते तओहिंतो अनंतरं उव्वट्ठिता कहिं गमिहिति कहिं उववज्जिहिति गोयमा महाविदेहे वासे सिज्झिहिति जाव सब्वदुक्खाणं अंतं काहिति एस णं भंते साललद्धिया उण्हभिहया तण्हभिहया दवग्गिजालाभिहया कालमासे कालं किच्चा कहिं गमिहिति कहिं उववज्जिहिति गोयमा इहेव जंबुदीवे दीवे भारहे वासे विज्जगिरिपायमूले महेसरिए नगरीए सामलिरुक्खत्ताए पद्यायाहिती से णं तत्थ अच्चिय-वंदिय-[पूइय-सक्कारिय-सम्माणिए दिव्वे सच्चे सच्चोवाए सन्निहियपाडिहेरे] लाउल्लोइयमहिए यावि भविस्सइ से णं भंते तओहिंतो अनंतरं उव्वट्ठिता [कहिं गमिहिति कहिं उववज्जिहिति गोयमा महाविदेहे वासे सिज्झिहिति जाव सब्वदुक्खाणं अंतं काहिति ॥५२७॥-५२८

(६२६) एस णं भंते उंवरलद्धिया उण्हभिहया तण्हभिहया दवग्गिजालाभिहया कालमासे कालं किच्चा जाव कहिं उववज्जिहिति गोयमा इहेव जंबुदीव दीवे भारहे वासे पाडलिपुत्ते नगरे पाडलिरुक्खत्ताए पद्यायाहिती से णं तत्थ अच्चिय-वंदिय-[पूइय-सक्कारिय-सम्माणिए दिव्वे सच्चे सच्चोवाए सन्निहियपाडिहेरे लाउल्लोइयमहिए यावि] भविस्सइ से णं भंते तओहिंतो अणंतरं उव्वट्ठिता [कहिं गमिहिति कहिं उववज्जिहिति गोयमा महाविदेहे वासे सिज्झिहिति जाव सब्वदुक्खाणं] अंतं काहिति तेणं कालेणं तेणं समएणं अम्मडस्स परिव्वायगस्स सत्त अंतेवासिसया गिम्हकालसमयंसि [जेज्झामूलमासंमि गंगाए महानदीए उभओकूलेणं कपिल्लपुराओ नगराओ पुरिमतालं नयरं संपट्ठिया विहाराए तए णं तेसिं परिव्वायगणं तीसे अगासियाए छिण्णावायाए दीसमद्दाए अडवीए कंचि देसंतरमणुपत्ताणं से पुव्वग्गाहिए उदए अणुपुव्वेणं परिभुंजमाणे झीणे

तए णं ते परिच्चाया झीमोदगा समाना तण्हाए पारब्बमाणा-पारब्बमाणा उदगदा-
तारमपस्समाणा अण्णमण्णं सद्दावेत्ति सद्दावेत्ता एवं वयासी-एवं खलु देवाणुप्पिया अहं इमीसे
अगामियाए छिण्णावायाए दीहमद्धाए अडवीए कंचि देसंतरमणुपत्ताणं से पुब्बग्गमहिए उदए
अणुपुब्बेणं परिभुंजमाणे झीणे तं सेयं खलु देवाणुप्पिया अहं इमीसे अगामियाए छिण्णावायाए
दीहमद्धाए अडवीए उदगदातारस्स सब्बओ समंता मग्गण-गवेसणं करित्तए ति कट्ठ
अण्णमण्णस्स अंतिए एयमट्ठं पडिसुणेंति पडिसुणेंता तीसे अगामिया छिण्णावायाए दीहमद्धाए
अडवीए उदगदातारस्स सब्बओ समंता मग्गण-गवेसणं करेत्ति करेत्ता उदगदातारमलभमाणा
दोच्चं पि अण्णमण्णं सद्दावेत्ति सद्दावेत्ता एवं वयासी-इहणं देवाणुप्पिया उदगदातारो नत्थि तं नो
खलु कप्पइ अहं अदिण्णं गिण्हित्तए अदिण्णं साइज्जित्तए तं मा णं अहं तयलोवे भविस्सइ तं सेयं
खलु अहं देवाणुप्पिया तिदंडए य कुंडियाओ य कंचणियाओ य करोडियाओ य भिसियाओ य
छण्णालए यअंकुसए य केसरियाओ य पवित्तए य गणेत्तियाओ य छत्तए य वाहणाओ य
धाउत्ताओ य एगंते एडित्ता गंगं महानइं ओगाहिता वालुयासंधारए संथरित्ता संलेहणा-झूसियाणं
भत्तपाणपडियाइक्खियाणं पाओवगयाणं कालं अणवकंखमाणाणं विहरित्तए ति कट्ठ
अण्णमण्णस्स अंतिए एयमट्ठं पडिसुणेंति पडिसुणेंता तिदंडए य कुंडियाए य कंचणियाओ य
करोडियाओ य भिसियाओ य छण्णालए य अंकुसए य केसरियाओ य पवित्तए य गणेत्तियाओ य
छत्तए य वाहणाओ य धाउत्ताओ य एगंते एडेंति एडेत्ता गंगं महानइं ओगाहेंति ओगाहेत्ता
वालुयासंधारए संथरंति संथरित्ता वालुयसंधारयं दुरुहंति दुरुहित्ता पुरत्थाभिमुहा संपलियंकनि-
सण्णा करयलपरिग्गहियं सिरसावत्तं मत्थए अंजलिं कट्ठ एवं वयासी-

नमोत्थु णं अरहंताणं जाव सिद्धिगइनामधेयं ठाणं संपत्ताणं नमोत्थुणं समणस्स भगवओ
महावीरस्स जाव संपाविउकामस्स नमोत्थु णं अम्मडस्स परिच्चायगस्स अहं धम्मायरियस्स
यम्भोवदेसगस्स पुव्विं णं अहंहेहिं अम्मडस्स परिच्चायगस्स अंतिए थूलए पाणाइवाए पच्चक्खाए
जावजीवाए थूलए परिग्गहे पच्चक्खाए जावजीवाए सव्वे मेहुणे पच्चक्खाए जावजीवाए थूलए
परिग्गहे पच्चक्खाए जावजीवाए इयाणिं अहं समणस्स भगवओ महावीरस्स अंतिए सव्वं
पाणाइवायं पच्चक्खामो जावजीवाए सव्वं मुसावायं पच्चक्खामो जावजीवाए सव्वं परिग्गहं
पच्चक्खामो जावजीवाए सव्वं कोहं माणं मायं लोहं पेजं दोसं कलहं अब्भक्खाणं पेसुण्णं
परपरिवाय अरइरइ मायामोसं मिच्छादंसणसल्लं अकरणिज्जं जोगं पच्चक्खामो जावजीवाए सव्वं
असणं पाणं छाइमं साइमं-चउव्विहं पि आहारं पच्चक्खामो जावजीवाए

जं पि य इयं सरीरं इट्ठं कंतं पियं मणुणं मणामं पेजं वेसासियं संमयं बहुमयं अणुमयं षंड-
करंडग-समाणं मा णं सीयं मा णं उण्हं मा णं खुहा मा णं पिवासा मा णं वाला मा णं चोरा मा णं दंसा
मा णं मसगा मा णं वाइय-पित्तिय-सिंभिय-सन्निवाइय विविहा रोगायंका परीसहोवसग्गा फुसंतु ति
कट्ठ एयंति णं चरिमेहिं ऊसासनीसासेहिं वोसिरामि ति कट्ठ संलेहणा-झूसिया भत्तपाण-पडिया-
इक्खिया पाओवगया कालं अणवकंखंखमाणा विहरंति तए णं ते परिच्चाया बहूणं भत्ताइं
अणसणाए छेदेत्ति छेदित्ता आलोइय-पडिक्कंता समाहिपत्ता कालमासे कालं किच्चा बंधलोए कप्पे
देवत्ताए उववण्णा तहिं तेसिं गई तहिं तेसिं ठिई तहिं तेसिं उववाए पत्रत्ते तेसिं णं भंते देवाणं
केवतियं कालं ठिई पत्रत्ता गोयभा दससागरोवमाई ठिई पत्रत्ता अत्थि णं भंते तेसिं देवाणं इइदी इ

वा जुई इ वा जसे इ वा बले इ वा वीरिए इ वा पुरिसक्कार-परक्कमे इ वा हंता अत्थि ते णं भंते देवा परलोगस्स] आराहगा हंता अत्थि ॥५२८॥-५२९

(६२७) बहुजणे णं भंते अण्णमण्णस्स एवमाइक्खइ एवं भासइ एवं पण्णवेइ एवं पस्सवेइ- एवं खलु अम्मडे परिव्वायए कं पिळपुरे नगरे घरसए [आहारमाहरेइ घरसए वसहिं उवेइ से कहमेयं भंते एवं खलु गोयमा जं णं से बहुजणे अण्णमण्णस्स एवमाइक्खइ जाव वसहिं उवेइ सच्चे णं एसमडे अहंपि णं गोयमा एवमाइक्खामि एवं भासामि एवं पण्णवेमि एवं पस्सवेमि-एवं खलु अम्मडे परिव्वायए कं पिळपुरे नगरे घरसए आहारमाहरेइ घरसए वसहिं उवेइ से केणट्ठेणं भंते एवं बुद्धइ-गोयमा अम्मडस्स णं परिव्वायगस्स पगइभइयाए पगइउवसंतयाए पगइपतणुकोहमाणमा-यालोहयाए मिउमद्वयसंपण्णयाए अलीणयाए विणीचयाए छट्ठछट्ठेणं अणिक्खित्तेणं तवोकम्मेणं उड्ढं बाहाओ पगिज्झिय-पगिज्झिय सूरभिमुहस्स आयावणभूमीए आयावेमाणस्स सुभेणं परिणामेणं पसत्थेहिं अज्झवसाणेहिं लेसाहिं विसुज्झमाणीहिं अण्णया कयाइ तदावरणिज्जाणं कम्माणं खओवसमेणं ईहापूह-मण्ण-गवेसणं करमाणस्स वीरियलद्धीए वेउव्वियलद्धीए ओहिनाणलद्धी समुप्पणा तए णं से अम्मडे परिव्वायए तीए वीरियलद्धीए वेउव्वियलद्धीए ओहिनाणलद्धीए समुप्पणाए जणविम्हावणहेउं कं पिळपुरे नगरे घरसए आहारमाहरेइ घरसए वसहिं उवेइ से तेणट्ठेणं गोयमा एवं बुद्धइ-

पहू णं भंते अम्मडे परिव्वायए देवाणुप्पियाणं अंतियं मुंडे भवित्ता अगाराओ अण्णारिचं पव्वइत्तए नो इणट्ठे समट्ठं गोयमा अम्मडे णं परिव्वायए समणोवासए अभिगयजीवा जीवे उवलद्धपुण्णपावे आसव-संवर-निज्जर-किरियाहिगरण-बंध-मोक्खकुसले असहेज्ज देवापुरनाग-सुवण्ण-जक्ख-रक्खस-किन्नर-किंपुरिस-गरुल-गंधव्वमहोरागाइएहिं निगंथाओ पावयणाओ अणइक्कमणिज्जे इणमो निगंधे पावयणे निस्संकिए निक्कंखिए निव्वित्तिगिच्छे लद्धट्ठे गहियट्ठे पुच्छियट्ठे अभिगयट्ठे विणिच्छियट्ठे अट्ठिभिजपेमाणुरागरत्ते अयमाउसो निगंधे पावयणे अट्ठे अयं परमट्ठे सेसे अणट्ठे चउदसअट्ठमुद्धिपुण्णमासिणीसु पडिपुण्णं पोसहं अणुपालेमाणे समणे निगंधे फासुएसणिज्जेणं असण-पाण-खाइम-साइमेणं वत्थ-पडिगहकंबल-पायपुच्छणेणं ओसहभेसज्जेणं पाडिहारिएणं पीढफलगसेज्जा-संधारएणं पडिताभेमाणे सीलव्वय-गुण-वेरमण-पच्चक्खाण-पोसहोववासेहिं अहापरिगहिएहिं तवोकम्मेहिं अप्पाणं भावेमाणे बिहरइ जाव ददप्पइण्णो अंतं काहिंति ॥५२९॥-५३०

(६२८) अत्थि णं भंते अव्वाबाहा देवा अव्वाबाहा देवा हंता अत्थि से केणट्ठेणं भंते एवं बुद्धइ-अव्वाबाहा देवा अव्वाबाहा देवा गोयमा पमू णं एगमेगे अव्वाबाहे देवे एगमेगस्स पुरिसस्स एगमेगसि अच्छिपत्तंसि दिव्वं देविडिंढ दिव्वं देवज्जुति दिव्वं देवाणुभागं दिव्वं बत्तीसतिविहं नट्ठविहिं उवदंसेत्तए नो चेव णं तस्स पुरिसस्स किंचि आबाहं वा वाबाहं वा उप्पाएइ छविच्छेयं वा करेइ एसुहुमं च णं उवदंसेज्जा से तेणट्ठेणं जाव-अव्वाबाह देवा अव्वाबाहा देवा ॥५३०॥-५३१

(६२९) पमू णं भंते सक्के देविंदे देवराया पुरिसस्स सीसं सपाणिणा असिणा छिंदित्ता कम्मंडलुंसि पक्खित्तए हंता पमू से कहमिदाणि पकरेत्ति गोयमा छिंदिया-छिंदिया च णं पक्खिवेज्जा भिंदिया-भिंदिया च णं पक्खिवेज्जा कोट्टिया-कोट्टिया च णं पक्खिवेज्जा चुण्णिआ-चुण्णिआ च णं पक्खिवेज्जा तओ पच्छा खिप्पामेव पडिसंधाएज्जा नो चेव णं तस्स पुरिसस्स किंचि

आवाहं वा बाबाहं वा उष्पाएजा छविच्छेयं पुण करेइ एसुहुमं चणं पक्खिवेज्जा ॥५३१॥-५३२

(६३०) अत्थि णं भंते जंभगा देवा जंभगा देवा हंता अत्थि से केणट्ठेणं भंते एवं बुद्धइ-जंभगा देवा जंभगा देवा गोयमा जंभा णं देवा निच्चं पमुदित-पक्कीलिया कंदप्परतिमोहणसीला जे णं ते देवे कुद्धे पासेजा से णं पुरिसे महंतं अयसं पाउणेज्जा जे णं ते देवे तुद्धे पासेज्जा से णं महंतं जसं पाउणेज्जा से तेणट्ठेणं गोयमा एवं बुद्धइ-जंभगा देवा जंभगा देवा कतिविहा णं भंते जंभगा देवा पत्रत्ता गोयमा दसविहा पत्रत्ता तं जहा-अन्नजंभगा पाणजंभगा वत्थजंभगा लेणजंभगा सयणजंभगा पुप्फजंभगा फलजंभगा पुप्फ-फल-जंभगा विज्जा जंभगा अवियत्तिजंभगा, जंभगा णं भंते देवा कहिं वसहिं उवेति गोयमा सव्वेसु चेव दीहवेयइडेसु चित्त-वित्त-जंभगापव्वएसु कंचणपव्वएसु य एत्थ णं जंभगा देवा वसहिं उवेति, जंभगाणं भंते देवाणं केवत्तियं कालं ठिती पत्रत्ता गोयमा एणं पल्लिओवमं ठिती पत्रत्ता सेवं भंते सेवं भंते ति जात्र विहरइ ॥५३१॥-५३३

● चोइसमे सते अट्ठमो उट्ठो समतो ●

—: न व मो—उ दे सो :—

(६३१) अणगारे णं भंते भावियप्पा अण्णो कम्मलेस्सं न जाणइ न पासइ तं पुणं जीवं सरूविं सकम्मलेस्सं जाणइ-पासइ हंता गोयमा अणगारे णं भावियप्पा अण्णो [कम्मलेस्सं न जाणइ न पासइ तं पुणं जीवं सरूविं सकम्मलेस्सं जाणइ] पासइ अत्थि णं भंते सरूवी सकम्मलेस्सा पोग्गला ओभासेति उज्जोहंति तवेति पभासेति हंता अत्थि कयरे णं भंते सरूवी सकम्मलेस्सा पोग्गला ओभासेति जाव पभासेति गोयमा जाओ इमाओ चंदिम-सूरियाणं देवाणं विमाणेहिंते लेस्साओ बहिया अभिनिस्सडाओ पभावेति एए णं गोयमा ते सरूवी सकम्मलेस्सा पोग्गला ओभासेति उज्जोएति तवेति पभासेति ॥५३१॥-५३४

(६३२) नेरइयाणं भंते किं अत्ता पोग्गला अनत्ता पोग्गला गोयमा नो अत्ता पोग्गला अनत्ता पोग्गला असुरकुमाराणं भंते किं अत्ता पोग्गला अनत्ता पोग्गला गोयमा अत्ता पोग्गला नो अनत्ता पोग्गला एवं जाव घणियकुमाराणं, पुट्टविकाइयाणं [भंते किं अत्ता पोग्गला अनत्ता पोग्गला] गोयमा अत्ता वि पोग्गला अनत्ता वि पोग्गला एवं जाव मणुस्साणं वाणमंतर-जोइसिय-वेमाणियाणं जहा असुरकुमाराणं नेरइयाणं भंते किं इट्ठा पोग्गला अणिट्ठा पोग्गला गोयमा नो इट्ठा पोग्गला अणिट्ठा पोग्गला जहा अत्ता भणिया एवं इट्ठा वि कंता वि पिया वि मणुण्णा वि भाणियव्वा एए पंच दंडगा ॥५३४॥-५३५

(६३३) देवे णं भंते महिइइए जाव महेसक्खे रुदसहस्सं विउच्चित्ता पभू भासासहस्सं भासित्ताए हंता पभू सा णं भंते किं एगा भासा भासासहस्सं, गोयमा एगा णं सा भासा नो खलु तं भासासहस्सं ॥५३५॥-५३५-R

(६३४) तेणं कालेणं तेणं समएणं भगवं गोयमे अचिरुण्णं बालसूरियं जासुमणाकुसुम-पंजुणकासं लोहितं पासइ पासित्ता जायसइडे जाव समुप्पन्नकोउहल्ले जेणेव समणे भगवं महावीरे तेणेव उवागच्छइ [उवागच्छित्ता समणं भगवं महावीरं तिक्खुतो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता नद्यासण्णे नातिदूरे सुस्सुसमाणे नमंसमाणे अभिमुहे विणएणं पंजलियडे पज्जुवासमाणे] एवं वयासी-किमिदं भंते सूरि किमिदं भंते सूरियस्स अट्ठे गोयमा सुभे सूरिए सुभे सूरियस्स अट्ठे किमिदं भंते सूरि किमिदं भंते सूरियस्स पभा गोयमा सुभे सूरिए सुभा

हत्त-१४, उद्देशो-१

३०५

सूरियस्स पभा किमिदं भंते सूरिए किमिदं भंते सूरियस्स छाया गोयमा सुभे सूरिए सुभा सूरियस्स छाया किमिदं भंते सूरिए किमिदं भंते सूरियस्स लेस्सा गोयमा सुभे सूरिए सुभा सूरियस्स लेस्सा । ५३६।-५३७

(६३५) जे इधे भंते अज्जत्ताए समणा निग्गंथा विहरंति ते णं कस्स तेयलेस्सं वीईवयंति गोयमा मासपरियाए समणे निग्गंथे वाणमंतराणं देवाणं तेयलेस्सं वीईवयइ दुमासपरियाए समणे निग्गंथे असुरिंदवज्जियाणं भवणवासीणं देवाणं तेयलेस्सं वीईवयइ एवं एएणं अभिलावेणं-तिमासपरियाए समणे निग्गंथे असुरकुमाराणं देवाणं तेयलेस्सं वीईवयइ चउम्मासपरियाए समणे निग्गंथे गहगण-नक्खत्त-तारारूवाणं जोतिसियाणं देवाणं तेयलेस्सं वीईवयइ पंचमासपरियाए समणे निग्गंथे चंदिम-सूरियाणं जोतिसिंदाणं जोतिसिराईणं तेयलेस्सं वीईवयइ छम्मासपरियाए समणे निग्गंथे सोहम्मसाणाणं देवाणं तेयलेस्सं वीईवयइ सत्तमासपरियाए समणे निग्गंथे सणकुमार माहिंदाणं देवाणं तेयलेस्सं वीईवयइ अट्टमासपरियाए समणे निग्गंथे बंभलोग-लंतगाणं देवाणं तेयलेस्सं वीईवयइ नवमासपरियाए समणे निग्गंथे महासुक्क-सहस्साराणं देवाणं तेयलेस्सं वीईवयइ दसमासपरियाए समणे निग्गंथे आपय-पाणय-आरणच्चुयाणं देवाणं तेयलेस्सं वीईवयइ एककारसमासपरियाए समणे निग्गंथे गेवेज्जगाणं देवाणं तेयलेस्सं वीईवयइ बारसमासपरियाए समणे निग्गंथे अनुत्तरोववाइयाणं देवाणं तेयलेस्सं वीईवयइ तेणं पर सुक्के सुक्काभिजाए पविता तओ पच्छा सिज्झति [बुज्झति मुच्चति परिनिव्वायति सब्बदुक्खाणं] अंतं करोति सेवं भंते सेवं भंते ति जाव विहरइ । ५३७।-५३७

● चोदसमे सते नवमो उद्देशो समस्तो ●

—: द स मो—उ हे सो :—

(६३६) केवली णं भंते छउमत्थं जाणइ-पासइ हंता जाणइ-पासइ जहा णं भंते केवली छउमत्थं जाणइ-पासइ तथा णं सिद्धे वि छउमत्थं जाणइ-पासइ हंता जाणइ-पासइ केवली णं भंते आहोहियं जाणइ-पासइ एवं चेव एवं परमाहोहियं एवं केवलिं एवं सिद्धं जाव-जहा णं भंते केवली सिद्धं जाणइ-पासइ तथा णं सिद्धे वि सिद्धं जाणइ-पासइ हंता जाणइ-पासइ केवली णं भंते भासेज्ज वा वागरेज्ज वा हंता भासेज्ज वा वागरेज्ज वा जहा णं भंते केवली भासेज्ज वा वागरेज्ज वा तथा णं सिद्धे वि भासेज्ज वा वागरेज्ज वा नो इण्ठे समट्ठे से केण्ठेणं एवं बुच्चइ-जहा णं केवली भासेज्ज वा वागरेज्ज वा नो तथा णं सिद्धे भासेज्ज वा वागरेज्ज वा गोयमा केवली णं सउट्ठाणे सकम्मे सबले सवीरिए सपुरिसक्कारपरक्कमे सिद्धेणं अणुट्ठाणे अकम्मे अबले अवीरिए अपुरिसक्कारे परक्कमे से तेण्ठेणं गोयमा एवं बुच्चइ-जहा णं केवली भासेज्ज वा वागरेज्ज वा नो तथा णं सिद्धे भासेज्ज वा वागरेज्ज वा केवली णं भंते उम्मिसेज्ज वा निम्मिसेज्ज वा हंता उम्मिसेज्ज वा निम्मिसेज्ज वा जहा णं भंते केवली उम्मिसेज्ज वा निम्मिसेज्ज वा तथा णं सिद्धे वि उम्मिसेज्ज वा निम्मिसेज्ज वा नो इण्ठे समट्ठे एवं चेव एवं आउंटेज्ज वा पसारेज्ज वा एवं ठाणं वा सेज्ज वा निसीहियं वा चेएज्जा केवली णं भंते इमं रयणप्पमं पुढविं रयणप्पभापुढवीति जाणइ-पासइ हंता जाणइ-पासइ जहा णं भंते केवली इमं रयणप्पमं पुढविं रयणप्पभापुढवीति जाणइ-पासइ तथा णं सिद्धे वि इमं रयणप्पमं पुढविं रयणप्पभापुढवीति जाणइ-पासइ हंता जाणइ-पासइ केवली णं भंते सक्करप्पमं पुढविं सक्करप्पभापुढवीति जाणइ-पासइ एवं चेव एवं जाव अहेसत्तमं केवली णं भंते सोहम्मं कयं सोहम्मकये ति जाणइ-पासइ हंता जाणइ-पासइ एवं चेव एवं ईसाणं एवं जाव अच्चुयं केवली णं

भंते गेवेज्जविमाणं गेवेज्जविमाणे ति जाणइ-पासइ एवं चेव एवं अनुत्तरविमाणे वि केवली णं भंते ईसिपब्भारं पुढविं ईसिपब्भारपुढवीति जाणइ-पासइ एवं चेव केवली णं भंते परमाणुपोगलं परमाणुपोगले ति जाणइ-पासइ एवं चेव एवं दुपएसियं खंधं एवं जाव- जहा णं भंते केवली अनंतपएसियं खंधं अनंतपएसिए खंधे ति जाणइ-पासइ तथा णं सिद्धे वि अनंतपएसियं खंधं अनंतपएसिए खंधे ति जाणइ-पासइ हंता जाणइ-पासइ सेवं भंते सेवं भंते ति । ५३८१-५३८८

● कोइसमे सते दसपो उइसो समतो ● चोइसमं सतं समतं ●

पन्नरसमं - सतं

(६३७) नमो सुयदेवयाए भगवईए, तेणं कालेणं तेणं समएणं सावत्थी नामं नगरी होत्था-वण्णओ तीसं णं सावत्थीए नगरीए बहिया उत्तरपुरत्थिमे दिसीभाए तत्थ णं कोइए नामं वेइए होत्था-वण्णओ तत्थ णं सावत्थीए नगरीए हालाहला नामं कुंभकारी आजीविओवासिया परिवसति-अइडा जाव बहुजणस्स अपरिभूया आजीवियसमयंसि लद्धट्ठा गहियट्ठा पुच्छियट्ठा विणिच्छियट्ठा अट्ठिभिजपेम्माणुरागरत्ता अयमाउसो आजीवियसमये अट्ठे अयं परमट्ठे सेसे अण्ठे ति आजीवियसमएणं अप्पाणं भावेमाणी विहरइ तेणं कालेणं तेणं समएणं गोसाले मंखलिपुत्ते चउव्वीसवासपरियाए हालाहलाए कुंभकारीए कुंभकारावणंसि आजीवियसंघसंपरिवुडे आजी-वियसमएणं अप्पाणं भावेमाणे विहरइ तए णं तस्स गोसालस्स मंखलिपुत्तस्स अण्णहा कदायि इमे छ दिसाचरा अंतियं पाउब्भवित्था तं जहा-साणे करंदे कण्णियारे अच्छिदे अगिवेसायणे अज्जुणे गोमाउपुत्ते तए णं ते छ दिसाचरा अट्ठविहं पुवावगयं मग्गदसमं सएहिं-सएहिं मत्तिदंसणेहिं निज्जूहंति निज्जूहितां गोसालं मंखलिपुत्तं उवट्ठाइसु तए णं से गोसाले मंखलिपुत्ते तेणं अट्ठगस्स महानिमित्तस्स केणइ उल्लोयमेतेणं सव्वेसिं पाणाणं सव्वेसिं भूयाणं सव्वेसिं जीवाणं सव्वेसिं सत्ताणं इमाइं छ अणइकूकमणिज्जाइं वागरणाइं वागरेति तं जहा- लामं अलामं सुहं दुक्खं जीवियं मरणं तथा तए णं से गोसाले मंखलिपुत्ते तेणं अट्ठगस्स महानिमित्तस्स केणइ उल्लोयमेतेणं सावत्थीए नगरीए अजिणे जिणप्पलावी अणरहा अरहप्पलावी अकेवली केवलिप्पलावी असव्वण्णू सव्वण्णुप्पलावी अजिणे जिणसद्धं पगासेमाणे विहरइ । ५३९१-५३९७

(६३८) तए णं सावत्थीए नगरीए सिंघाडग-तिग-चउक्क-चच्चर-चउम्मुह-महापह पहेसु बहुजणो अण्णमण्णस्स एवमाइकखइ एवं भासइ एवं पण्णवेइ एवं परूवेइ-एवं खलु देवाणुप्पिया गोसाले मंखलिपुत्ते जिणे जिणप्पलावी [अरहा अरहप्पलावी केवली केवलिप्पलावी सव्वण्णू सव्वण्णुप्पलावी जिणे जिणसद्धं] पगासेमाणे विहरइ से कहमेयं मत्ते एवं, तेणं कालेणं तेणं समएणं सामी समोसद्धे जाव परिसा पडिगया तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूती नामं अणगारे गोयमे गोतेणं [सत्तुस्सेहे समचउरसंसंठाणसंठिए वज्जिरिसभ-नारायणसंघयणे कणगपुल्लगनिघसपन्होरे उग्गतवे दित्ततवे तत्ततवे महातवे ओराले घोरे घोरगु-णे घोरतवस्सी घोरबंभवेरवासी उच्छूद्धसरीरे संखितविउलतेयलेस्से] छट्ठंछट्ठेणं अणिक्खितेणं तवोक्कम्भेणं संजमेणं तवसा अप्पाणं भावेमाणे विहरइ तए णं भगवं गोयमे छट्ठकखमणपारणगंसि पढमाए पोरीसीए सज्झायं कोइ बीयाए पोरीसीए ज्ञाणं ज्ञियाइ तइयाए पोरीसीए अतुरिय-मचवलमसंभंते मुहपोत्तियं पडिलेहेइ पडिलेहेत्ता भायणवत्थाइं पडिलेहेइं पडिलेहेत्ता भायणाइं पमज्जइ पमज्जित्ता भायणाइं उग्गाहेइ उग्गाहेत्ता जेणेव समणे भगवं महावीरे तेणेव उवागच्छइ

उवागच्छिता समणं भगवं महावीरं वंदइ नमंसइ वंदिता नमंसिता एवं वयासी-इच्छामि णं भंते तुब्भेहिं अढ्मणुण्णाए समाणे छट्ठकखमणपारणगंसि सावत्थीए नगरीए उच्च-नीय-मज्झिमाइ कुलाइं घरसमुदानस्स भिक्खायरियाए अडित्तए

अहासुहं देवाणुप्पिया मा पडिबंधं तए णं भगवं गोयमे समणेणं भगवया महावीरेणं अढ्मणुण्णाए समाणे समणस्स भगवओ महावीरस्स अंतियाओ कोट्टयाओ चेइयाओ पडि-निकखमइ पडिनिकखमिता अतुरियमचवलमसंभंते जुगंतरपलोयणाए दिट्ठीए पुरओ रियं सोहे-माणेसोहेमाणे जेणेव सावत्थी नगरी तेणेव उवागच्छइ उवागच्छिता सावत्थीए नगरीए उच्चनीय-मज्झिमाइ कुलाइं धारसमुदानस्स भिक्खायरियं अडइ तए णं भगवं गोयमे भिक्खायरियाए] अडमाणे बहुजणसहं निसामेइ बहुजणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-एवं खलु देवाणुप्पिया गोसाले मंखलिपुत्ते जिणे जिणप्पलावी जाव जिणे जिणसहं पगासेमाणे विहरइ से कहमेयं मत्ते एवं तए णं भगवं गोयमे बहुजणस्स अंतियं एयमट्ठसोच्चा निसम्मं जायसइडे [जाव समुप्पन्नकोउहल्ले अहापज्जत्तं समुदानं गेण्हइ गेण्हित्ता सावत्थीओ नगरीओ पडिनिकखमइ अतुरियमचवलमसंभंते जुगंतरपलोयणाए दिट्ठीए पुरओ रियं सोहेमाणे-सोहेमाणे जेणेव कोट्टए चेइए जेणेव समणे भगवं महावीरे तेणेव उवागच्छइ उवागच्छिता समणस्स भगवओ महावीरस्स, अदूरसामंते गमणागमणाए पडिक्कमइ पडिक्कमिता एसणमणेसणं आलोएइ आलोएत्ता भत्तपाणं पडिदंसेइ पडिदंसेत्ता समणं भगवं महावीरं वंदइ नमंसइ वंदिता नमंसिता नच्चासत्ते नातिदूरे सुत्सूसमाणे नमंसमाणे अभिमुहे विणएणं पंजलियडे] पञ्चवासमाणे एवं वयासी-एवं खलु अहं भंते [छट्ठकखमणपारणगंसि तुब्भेहिं अढ्मणुण्णाए समाणे सावत्थीए नगरीए उच्च-नीय-मज्झिमाणि कुलाणि घरसमुदानस्स भिक्खायरियाए अडमाणे बहुजणसहं निसामेमि बहुजणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-एवं खलु देवाणुप्पिया गोसाले मंखलिपुत्ते जिणे जिणप्पलावी जाव जिणे] जिणसहं पगासेमाणे विहरइ से कहमेयं भंते एवं तं इच्छामि णं भंते गोसालस्स मंखलिपुत्तस्स उट्ठाणपरियाणिचं परिकहियं

गोयमादी समणे भगवं महावीरे भगवं गोयमं एवं वयासी-जण्णं गोयमा से बहुजणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-एवं खलु गोसाले मंखलिपुत्ते जिणे जिणप्पलावी जाव जिणे जिणसहं पगासेमाणे विहरइ तण्णं मिच्छा अहं पुण गोयमा एवमाइक्खामि जाव परूवेमि-एवं खलु एयस्स गोसालस्स मंखलीपुत्तस्स मंखली नामं मंखे पिता होत्था तस्स णं मंखलिस्स मंखस्स भद्दा नामं भारिया होत्था-सुकुमालपाणिपाया जाव पडिरूवा तए णं सा भद्दा भारिया अण्णद्दा कदायि गुब्बिणी यावि होत्था तेणं कालेणं तेणं समएणं सरवणे नामं सण्णिवेसे होत्था रिद्धत्थिभियसमिद्धे जाव नंदणवण-सन्निभप्पगासे पासादीए दरिसणिजे अभिरूवे पडिरूवे तत्थ णं सरवणे सण्णिवेसे गोबहुलेनामं माहणे परिवसइ-अइडे जाव बहुजणस्स अपरिभूए रिउव्वेद जाव बंभण्णएसु परिव्वायएसु य नयेसु सुपरिनिद्धिं यावि होत्था तस्स णं गोबहुलस्स माहणस्स गोसाला यावि होत्था तए णं से मंखली मंखे अण्णया कदायि भद्दाए भारियाए गुब्बिणीए सद्धिं चित्तफलगहत्थगए मंखत्तणेणं अप्पाणं भावेमाणे पुब्बाणुपुब्बिं चरमाणे गामाणुगामं दइज्जमाणे जेणेव सरवणे सण्णिवेसे जेणेव गोबहुलस्स माहणस्स गोसाला तेणेवउ वागच्छइ उवागच्छिता गोबहुलस्स माहणस्स गोसालाए एगदेसंसि मंडनिकखवं करेइ करेत्ता

सरवणे सण्णिवेसे उच्चनीय-मज्झिमाई कुलाई घरसमुदाणस्स भिक्खायरियाए अडमाणे वसहीए सव्वओ समंता मग्गण-गवेसणं करेइ वसहीए सव्वओ समंता मग्गण-गवेसणं करेमाणे अण्णत्थ वसहिं अलभमाणे तस्सेव गोबहुलस्स माहणस्स गोसालाए एगदेसंसि वासावासं उवागए तए णं सा पद्दा भारिया नवण्हं मासाणं बहुपडिपुण्णणं अद्धइमाण य राईदियाणं वीतिककंताणं सुकुमाल-पाणिपायं जाव पडिरूवणं दारगं पयाया तए णं तस्स दारगस्स अम्मापियरो एक्कारसमे दिवसे वीतिककंते [निव्वत्ते असुइजायकम्मकरणे संपत्ते] बारसमे दिवसे अयमेयारूवं गोण्णं गुणनिप्पन्नं नामधेज्जं करेति-जन्हा णं अन्हं इमे दारए गोबहुलस्स माहणस्स गोसालाए जाए तं होउ णं अन्हं इमस्स दारगस्स नामधेज्जं गोसाले-गोसाले ति तए णं तस्स दारगस्स अम्मापितरो नामधेज्जं करेति गोसालें ति तए णं से गोसाले दारए उम्मुक्कबालभावे विण्णय-परिणयमेत्ते जोव्वगमणुप्पत्ते सयमेव पाडिएक्कं चित्तफलगं करेइ करेत्ता चित्तफलगत्यगए मंखत्तणेणं अप्पाणं भावेमाणे विहरइ १५४०१-५४०

(६३९) तेणं कालेणं तेणं समएणं अहं गोयमा तीसं वासाइ अगारवासमज्झावसित्ता अम्मा-पिईहिं देवत्तगएहिं समत्तपइण्णं एवं जहा भावणाए जाव एणं देवदूस्समादाय पुंडे भविता आगाराओ अण्णगारियं पव्वइए ते णं अहं गोयमा पढमं वासं अद्धमासं अद्धमासेणं खममाणे अट्टियेगामं निस्साए पढमं अंतरवासं वासावासं उवागए दोच्चं वासं मासं मासेणं खममाणे पुव्वानुपुव्वि चरमाणे गामाणुगामं दूइजमाणे जेणेव रायगिहे नगरे जेणेव नालंदा बाहिरिया जेणेव तंतुवायसाला तेणेव उवागच्छामि उवागच्छित्ता अहापडिरूवं ओग्गहं ओगिण्हामि ओगिण्हित्ता तंतुवायसालाए एगदेसंसि वासावासं उवागए तए णं अहं गोयमा पढमं मासलाखमणं उवसंपज्झिताणं विहरामि तए णं से गोसाले मंखलिपुत्ते चित्तफलगत्यगए मंखत्तणेणं अप्पाणं भावेमाणे पुव्वानुपुव्वि चरमाणे गामाणुगामं दूइजमाणे जेणेव रायगिहे नगरे जेणेव नालंदा बाहिरिया जेणेव तंतुवायसाला तेणेव उवागच्छइ उवागच्छित्ता तंतुवायसालाए एगदेसंसि मंडनिकखेवं करेइ करेत्ता रायगिहे नगरे उच्चनीय-[मज्झिमाई कुलाई घरसमुदाणस्स भिक्खायरि-याए अडमाणे वसहीए सव्वओ समंता मग्गण-गवेसणं करेइ वसहीए सव्वओ समंता मग्गण-गवेसणं करेमाणे] अण्णत्थ कत्थ वि वसहिं अलभमाणे तीसे य तंतुवायसालाए एगदेसंसि वासावासं उवागए जत्थेव णं अहं गोयमा तए णं अहं गोयमा पढमं मासक्खमणपारणमंसि तंतुवायसालाओ पडिनिक्खिमामि पडिनिक्खिमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव रायगिहे नगरे तेणेव उवागच्छामि उवागच्छित्ता रायगिहे नगरे उच्चनीय-जाव अडमाणे विजयस्स गाहावइस्स गिहं अनुपविट्ठे

तए णं से विजए गाहावइ ममं एज्जमाणं पासइ पासित्ता हइतुइ चित्तमाणंदिए खिप्पामेव आसणाओ अब्बुट्ठेइ अद्भुट्ठेत्ता पायपीढाओ पच्चोरूहइ पच्चोरूहित्ता पाउयाओ ओमुयइ ओमुइत्ता एगसाडियं उत्तरासंगं करेइ करेत्ता अजलिमउलियहत्थे ममं सत्तट्ठपयाइ अणुगच्छइ अनुगच्छित्ता ममं तिकवुत्तो आयाहिणं-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं विउलेणं असण-पाण-खाइम-साइमेणं पडिलाभेस्सामिति तुट्ठे पडिलाभेमाणे वि तुट्ठे पडिलाभिन्ते वि तुट्ठे तए णं तस्स विजयस्स गाहावइस्स तेणं दव्वसुद्धेणं दायगमुद्धेणं पडिगाहममुद्धेणं तिविहेणं तिकरण-सुद्धेणं दाणेणं मए पडिलाभिए समाणे देवाउए निवद्धे संसारे परितीकए गिहंसि य से इमाइ पंच

दिवाइ पाउब्भूयाइं तं जहा-वसुधारा बुद्धा दसद्धवण्णे कुसुमे निवातिए चेलुक्खेवे कए आहवाओ देवदुंदुभीओ अंतरा वि य णं आगासे अहो दाणे अहो दाणे ति घुट्टे तए णं रायगिहे नगरे सिंघाडग-जाव पहेसु बहुजणो अण्णमण्णस्स एवमाइक्खइ एवं भासइ एवं पण्णवेइ एवं परूवेइ-धत्ते णं देवाणुप्पिया विजये गाहावई कयत्थे णं देवाणुप्पिया विजये गाहावई कयपुण्णे णं देवाणुप्पिया विजये गाहावई कयलक्खणे णं देवाणुप्पिया विजये गाहावई कया णं लोया देवाणुप्पिया विजयस्स गाहावइस्स सुलद्धे णं देवाणुप्पिया माणुस्सए जम्मजीवयफले विजयस्स गाहावइस्स जस्स णं गिहंसि तहारूवं सेधू साधुरूवे पडिलाभिए समाणे इमाइं पंच दिवाइं पाउब्भूयाइं तं जहा-वसुधारा बुद्धा जाव अहो दाणे अहो दाणे ति घुट्टे तं धत्ते कयत्थे कयपुण्णे कयलक्खणे कया णं लोया सुलद्धे माणुस्सए जम्मजीवयफले विजयस्स गाहावइस्स विजयस्स गाहावइस्स

तए णं से गोसाले मंखलिपुते बहुजणस्स अंतिए एयमट्ठं सोच्चा निसम्मं समुप्पन्न संसए समुप्पन्नकोउहल्ले जेणेव विजयस्स गाहावइस्स गिहे तेणेव उवागच्छइ उवागच्छित्ता पासइ विजयस्स गाहावइस्स गिहंसि वसुहारं वुट्ठं दसद्धवण्णं कुसुमं निवडियं ममं च णं विजयस्स गाहावइस्स गिहाओ पडिनिक्खममाणं पासइ पासित्ता हट्ठतुट्ठे जेणेव ममं अंतिए तेणेव उवागच्छइ उवागच्छित्ता ममं तिकखुत्तो आयाहिण-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं एवं वयासी-तुब्भे णं भंते ममं धम्मावरिया अहण्णं तुब्भं धम्मंतेवासी तए णं अहं गोयमा गोसालास्स मंखलिपुत्तस्स एयमट्ठं नो आढामि नो परिजाणामि तुसिणीए संविद्धामि तए णं अहं गोयमा रायगिहाओ नगराओ पडिनिक्खमामि पडिनिक्खिमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव तंतुवायसाला तेणेव उवागच्छामि उवागच्छित्ता दोच्चं मासाखमणं उवसंपज्जित्ताणं विहरामि तए णं अहं गोयमा दोच्च-मासखमणपरणंगंसि तंतुवायसालाओ पडिनिक्खमामि पडिनिक्खमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव रायगिहे नगरे जाव अडमाणे आणंदस्स गाहावइस्स गिहं अनुप्पविट्ठे तए णं से आनंदे गाहावई ममं एज्जमाणं पासइ [पासित्ता हट्ठतुट्ठचित्तमाणंदिए नंदिए पीडमणे परमणसोमणस्सिए हरिसवसवि-सम्माणहियए खिप्पामेव आसणाओ अब्भुट्ठेइ अब्भुट्ठेत्ता पायपीढाओ पच्चोरूहइ पच्चोरुहित्ता पाउयाओ ओमुयइ ओमुइत्ता एगसाडियं उत्तरासंगं करेइ करेत्ता अंजलिमउलियहत्थे ममं सत्तट्ठपयाइं अनुगच्छइ अनुगच्छित्ता ममं तिकखुत्तो आयाहिण-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं विउलाए खज्जगविहीए पडिलाभेस्सामित्ति तुट्ठे पडिलाभेभाणे वि तुट्ठे पडिलाभित्ते वि तुट्ठे

तए णं तस्स आनंदस्स गाहावइस्स तेणं दव्वसुद्धेणं दायगसुद्धेणं पडिगाहगसुद्धेणं तिविहेणं तिकरणसुद्धेणं दाणेणं मए पडिलाभिए समाणे देवाउए निबद्धे संसारे परितीकए गिहंसि य से इमाइं पंच दिवाइं पाउब्भूयाइं तं जहा-वसुधारा बुद्धा दसद्धवण्णे कुसुमे निवातिए चेलुक्खेवे कए आहायाओ देवदुंदुभीओ अंतरा वि य णं आगासे अहो दाणे अहो दाणे ति घुट्टे तए णं रायगिहे नगरे सिंघाडग-तिग-चउक्क-चच्चर-चउम्मुह-नहापह-पहेसु बहुजणो अण्णमण्णस्स एवमाइक्खइ एवंभासइ एवं पण्णवेइ एवं परूवेइ-धत्ते णं देवाणुप्पिया आनंदे गाहावई कयत्थे णं देवाणुप्पिया आनंदे गाहावई कयपुण्णे णं देवाणुप्पिया आनंदे गाहावई कयलक्खेणं णं देवाणुप्पिया आनंदे गाहावई कया णं लोया देवाणुप्पिया आनंदस्स गाहावइस्स सुलद्धे णं देवाणुप्पिया माणुस्सए

जम्मजीवियफले आनंदस्स गाहावइस्स जस्स णं गिहंसि तहारूवे साधू साधुरूवे पडिलाभिए समाणे इमाई पंच दिव्वाइ पाउब्भूयाइ तं जहा वसुधारा बुद्धा जाव अहो दाणे अहो दाणे ति घट्टे तं धत्ते कयत्ये कयपुण्णे कयलक्खणे कया णं लोया सुलद्धे माणुस्सए जम्मजीवियफले आनंदस्स गाहावइस्स आनंदस्स गाहावइस्स तए णं से गोसाले मंखलिपुत्ते बहुजणस्स अंतिए एयमइं सोच्चा निसम्मं समुप्पन्न संसए समुप्पन्नकोउहल्ले जेणेव आनंदस्स गाहावइस्स गिहे तेणेव उवागच्छइ उवागच्छिता पासइ आनंदस्स गाहावइस्स गिहंसि वसुहारं बुद्धं दसद्धवणं कुसुमं निवडियं ममं च णं आनंदस्स गाहावइस्स गिहाओ पडिनिक्खममाणं पासइ पासित्ता हट्ठुट्ठे जेणेव ममं अंतिए तेणेव उवागच्छइ उवागच्छिता ममं तिक्खुत्तो आयाहिण-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं एवं वयासी-तुब्भे णं यंते ममं धम्मायरिया अहण्णं तुब्भं धम्मंतेवासी तए णं अहं गोयमा गोसालस्स मंखलिपुत्तस्स एयमइं नो आढामि नो परिजाणामि तुसिणीए संचिद्धामि

तए णं अहं गोयमा रायगिहाओ नगराओ पडिनिक्खमामि पडिनिक्खमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव तंतुवायसाला तेणेव उवागच्छामि उवागच्छित्ता] तच्चं मासखमणं उवसंपज्जिताणं विहरामि तए णं अहं गोयमा तच्च-मासखमण-पारणंगंसि तंतुवायसालाओ पडिनिक्खमामि पडिनिक्खमित्ता [नालंदं बाहिरियं मज्झमज्झेणं निग्गच्छामि निग्गच्छित्ता जेणेव रायगिहे नगरे तेणेव उवागच्छामि उवागच्छित्ता रायगिहे नगरे उच्च-नीय-मज्झिमाई कुलाई घरसमुदानस्स भिक्खायरियाए] अडमाणे सुणंदस्स गाहावइस्स गिहं अनुपविट्ठे तए णं से सुणंदे गाहावई [ममं एज्जमाणं पासइ पासित्ता हट्ठुट्ठुचित्तमाणंदिए नंदिए पीइमणे परमसोमणस्सिए हरिसवसविसम्पमाणहियए खिप्पामेव आसणाओ अब्भुट्ठेइ अब्भुट्ठेत्ता पायपीढाओ पच्चोरुहइ पच्चोरुहिता पाउयाओ ओमुवइ ओमुइत्ता एगसाडियं उत्तरासंगं करेइ करेत्ता अंजलिमउलियहत्ये ममं सत्तट्ठपयाइ अणुगच्छइ अनुगच्छित्ता ममं तिक्खुत्तो आयाहिण-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं विउलेणं सव्वकामगुणिणं भोयणे णं पडिलाभेस्सामित्ति तुट्ठे पडिलाभेमाणे वि तुट्ठे पडिलामित्ते वि तुट्ठे तए णं तस्स सुणंदस्स गाहावइस्स तेणं दब्बमुद्धेणं दायगमुद्धेणं पडिगाहगमुद्धेणं तिविहेणं तिकरणमुद्धेणं दाणेणं मए पडिलाभिए समाणे देवाउए निबद्धे संसारे परित्तीकए गिहंसि य से इमाई पंच दिव्वाइ पाउब्भूयाइ तं जहा-वसुधारा बुद्धा दसद्धवणो कुकुमे निवातिए चेलुक्खेवे कए आहयाओ देवदुंभीओ अंतरा वि य णं आगासे अहो दाणे अहो दाणे ति घट्टे तए णं रायगिहे नगरे सिंघाडग जाव पहेसु बहुजणो अण्णमण्णस्स एवमाइक्खइ जाव परूवेइ-धत्ते णं देवाणुप्पिया सुणंदे गाहावई कयत्ये णं देवाणुप्पिया सुणंदे गाहावई कयपुण्णे णं देवाणुप्पिया सुणंदे गाहावई कयलक्खणे णं देवाणुप्पिया सुणंदे गाहावई कया णं लोया देवाणुप्पिया सुणंदस्स गाहावइस्स सुलद्धे णं देवाणुप्पिया माणुस्सए जम्मजीवियफले सुणंदस्स गाहावइस्स जस्स णं गिहंसि तहारूवं साधू साधुरूवे पडिलाभिए समाणे इमाई पंच दिव्वाइ पाउब्भूयाइ तं जहा-वसुधारा बुद्धा जाव अहो दाणे अहो जाणे ति घट्टे तं धत्ते कयत्ये कयपुण्णे कयलक्खणे कया णं लोया सुलद्धे माणुस्सए जम्मजीवियफले सुणंदस्स गाहावइस्स सुणंदस्स गाहावइस्स

तए णं से गोसाले मंखलिपुत्ते बहुजणस्स अंतिए एयमइं सोच्चा निसम्मं समुप्पन्नसंसए समुप्पन्नकोउहल्ले जेणेव सुणंदस्स गाहावइस्स गिहे तेणेव उवागच्छइ उवागच्छिता पासइ सुणंदस्स

गाहावइस्स गिहंसि वसुहारां दुद्धं दसद्धवणं कुसुमं निवडियं ममं च णं सुणंदस्स गाहावइस्स गिहाओ पडिनिक्खमाणं पासइ पासित्ता हट्ठतुट्ठे जेणेव ममं अंतिए तेणेव उवागच्छइ उवागच्छित्ता ममं तिकखुत्तो आयाहिण-पयाहिणं करेइ करेत्ता ममं वंदइ नमंसइ वंदित्ता नमंसित्ता ममं एवं वयासी-तुब्बे णं भंते ममं धम्मयारिया अहण्णं तुब्बं धम्मंतेवासी तए णं अहं गोयमा गोसालस्स मंखलिपुत्तस्स एयमट्ठं नो आढामि नो परिजाणा मितुसिणीए संचिट्ठामि तए णं अहं गोयमा रायगिहाओ नगराओ पडिनिक्खमामि पडिनिक्खमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव तंतुवायसाला तेणेव उवागच्छामि उवागच्छित्ता। चउत्थं मासखमणं उवसंपज्जित्ताणं विहरामि तीसे णं नालंदाए बाहिरियाए अदूरसामंते एत्थं णं कोल्लाए नामं सण्णिवेसे होत्था-सण्णिवेसवण्णओ तत्थ णं कोल्लाए सण्णिवेसे बहुले नामं माहणे परिवसइ-अइटे जाव बहुजणस्स अपरिभूए रिउव्वेय जाव बंभण्णएसु परिव्वायएसु य नयेसु सुपरिनिट्ठिए यावि होत्था तए णं से बहुले माहणे कतियचाउम्मासियपाडिवगंसि विउलेणं महुयसंजुत्तेणं परमण्णेणं माहणे आयामेत्या तए णं अहं गोयमा चउत्थ-मासखमणपारणगंसि तंतुवायसालाओ पडिनिक्खमामि पडिनिक्खमित्ता नालंदं बाहिरियं मज्झमज्झेणं निग्गच्छामि निग्गच्छित्ता जेणेव कोल्लाए सण्णिवेसे तेणेव उवागच्छामि जाव अडमाणे बहुलस्स माहणस्स गिहं अनुप्पविट्ठे

तए णं से बहुले माहणे ममं एज्जमाणं [पासइ पासित्ता हट्ठतुट्ठचित्तमाणंदिए नंदिए पीइमणे परसोमणस्सिए हरिसवसविसप्पमाणहियए खिप्पामेव आसणाओ अट्ठुट्ठेइ अट्ठुट्ठेत्ता पायपीढाओ पद्योरुहइ पद्योरुहित्ता पाउयाओ ओमुयइ ओमुइत्ता एगसाडियं उत्तरासंगं करेइ करेत्ता अंजलिमउलियहत्ये ममं सत्तट्ठरयाइं अनुगच्छइ अनुगच्छित्ता ममं तिकखुत्तो आयाहिण-पयाहिणं करेइ करेत्ता ममं वंदइ वंदित्ता नमंसित्ता ममं विउलेणं महुयसंजुत्तेणं परमण्णेणं पडिला-मेस्सामित्ति तुट्ठे पडिलाभेमाणे वि तुट्ठे पडिलामित्ते वि तुट्ठे तए णं तस्स बहुलस्स माहणस्स तेणं दव्वसुद्धेणं दायगसुद्धेणं पडिगाहगसुद्धेणं तिविहेणं तिकरणसुद्धेणं दाणेणं मए पडिलाभिए समाणे देयाउए निबद्धे संसारे परितीकए गिहंसि य से इमाइं पंच दिव्वाइं पाउब्बूयाइं तं जहा-वसुधारा बुद्धा जाव अहो दाणे त्ति पुट्ठे तए णं रायगिहे नगरे सिंघाडग-तिग-चउक्क-चच्चर-चउम्मुह-महापह-पहेसु बहुजणो अण्णमण्णस्स एवमाइक्खइ जाव परूवेइ-धत्ते णं देवाणुप्पिया बहुले माहणे कयत्थे णं देवाणुप्पिया बहुले माहणे कयपुण्णे णं देवाणुप्पिया बहुले माहणे कयलक्खणे णं देवाणुप्पिया बहुले माहणे कया णं लोया देवाणुप्पिया बहुलस्स माहणस्स सुलद्धे णं देवाणुप्पिया माणुस्सए जम्मजीवियफले बहुलस्स माहणस्स जस्स णं गिहंसि तहारूवे साधू साधुरूवे पडिलाभिए समाणे इमाइं पंच दिव्वाइं पाउब्बूयाइं तं जहा-वसुधारा बुद्धा जाव अहो दाणे अहो दाणे त्ति पुट्ठे तं धत्ते कयत्थे कयपुण्णे कयलक्खणे कया णं लोया सुलद्धे माणुस्सए जम्मजीवियफले बहुलस्स माहणस्स बहुलस्स माहणस्स]

तए णं से गोसाले मंखलिपुत्ते ममं तंतुवायसालाए अपासमाणे रायगिहे नगरे सत्थितर-बाहिरियाए ममं सव्वओ समंता मग्गण-गवेसणं करेइ ममं कत्थवि सुत्ति वा खुत्ति वा पवत्ति वा अलभमाणे जेणेव तंतुवायसाला तेणेव उवागच्छइ उवागच्छित्ता साडियाओ य पाडियाओ य कुंडियाओ य वाहणाओ य चित्तफलं च माहणे आयामेइ आयामेत्ता सउत्तरोट्ठं मंडं करेइ करेत्ता तंतुवायसालाओ पडिनिक्खमइ पडिनिक्खमित्ता नालंदं बाहिरियं मज्झमज्झेणं निग्गच्छइ

निगच्छिता जेणेव कोलाए सण्णिवेसे तेणेव उवागच्छइ तए णं तस्स कोलागस्स सण्णिवेसस्स बहिया बहुजणो अण्णमण्णस्स एवमाइक्खइ जाव पुरुवेइ-धत्ते णं देवानुप्पिया बहुले मारणे तं देव जाव जीवियफले बहुलस्स माहणस्स बहुलस्स माहणस्स तए णं तस्स गोसालस्स मंखलिपुत्तस्स बहुजणस्स अंतियं एयमद्धं सोद्या निसम्म अयमेयारूवे अज्झत्थिए [चित्तिए पत्थिए मणोगए संकप्पे] समुप्पजित्था-जारिसिया णं ममं धम्मायरियस्स धम्मोवदेसगस्स समणस्स भगवओ महावीरस्स इड्डी जुती जसे बले वीरिए पुरिसक्कार-परक्कमे लद्धे पत्ते अभिसमण्णागए नो खलु अत्थि तारिसिया अण्णस्स कस्सइ तहारूवस्स समणस्स वा माहणस्स वा इड्डी जुती [जसे बले वीरिए पुरिसक्कार]-परक्कमे लद्धे पत्ते अभिसमण्णागए तं निस्संदिद्धं णं एत्थं ममं धम्मायरिए धम्मोवदेसए समणे भगवं महावीरे भविस्सतीति कट्ठ कोलाए सण्णिवेसे सन्निभतरवाहिरिए ममं सव्वओ [समंता मग्गण-गवेसणं] करेइ ममं सव्वओ समंता मग्गण-गवेसणं करेमाणे कोलागस्स सण्णिवेसस्स बहिया पणियभूमीए मए सद्धि अभिसमण्णागए तए णं से गोसाले मंखलिपुत्ते हट्ठतुडे ममं तिक्खुत्तो आयाहिण-भयाहिणं [करेइ करेता ममं वंदइ नमंसइ वंदिता] नमंसिता एवं वयासी-तुब्बे णं भंते मम धम्मायरिया अहण्णं तुब्बं अंतेवासी तए णं अहं गोयमा गोसालस्स मंखलिपुत्तस्स एयमद्धं पडिसुणेमि तए णं अहं गोयमा गोसालेणं मंखलिपुत्तेणं सद्धि पणियभूमीए छव्वासाइ लाभं अलाभं सुहं दुक्खं सक्कारमसक्कारं पच्चाणुव्वममाणे अणिच्चजागरियं विहरित्था ॥५४१॥-५४१

(६४०) तए णं अहं गोयमा अण्णया कदायि पढमसरककालसमवंसि अप्पवुट्ठिकायंसि गोसालेणं मंखलिपुत्तेणं सद्धि सिद्धत्थगामाओ नगराओ कुम्मागामं नगरं संपट्टिए विहारए तस्स णं सिद्धत्थगामस्स नगरस्स कुम्मागामस्स नगरस्स य अंतरा एत्थं णं महं एगे तिलयंभए पत्तिए पुक्फिए हरियगरेरिजमाणे सिरीए अतीवअतीव उवसोभेमाणे-उवसोभेमाणे चिद्धइ तए णं से गोसाले मंखलिपुत्ते तं तिलयंभगं पासइ पासिता ममं वंदइ नमंसइ वंदिता नमंसिता एवं वयासी-एस णं भंते तिलयंभए किं निष्फजिस्सइ नो निष्फजिस्सइ एए य सत्त तिलपुक्फजीवा उद्दाइत्ता-उद्दाइत्ता कहिं गच्छिहिंति कहिं उववज्झिहिंति तए णं अहं गोयमा गोसालं मंखलिपुत्तं एवं वयासी-गोसाला एस णं तिलयंभए निष्फजिस्सइ नो न निष्फजिस्सइ एते य सत्त तिलपुक्फजीवा उद्दाइत्ता-उद्दाइत्ता एयस्स देव तिलयंभगस्स एगाए तिलसंगलियाए सत्त तिला पच्चायाइस्संति तए णं से गोसाले मंखलिपुत्ते ममं एवं आइक्खमाणस्स एयमद्धं नो सहहइ नो पत्तियइ नो रोएइ एयमद्धं असहहमाणे अपत्तियमाणे अरोहमाणे ममं पणिहाए अयं णं मिच्छावादी भवउ ति कट्ठ ममं अंतियाओ सणियं-सणियं पच्चोसक्कइ पच्चोसक्किक्ता जेणेव से तिलयंभए तेणेव उवागच्छइ उवागच्छिता तं तिलयंभगं सलेट्ठयायं देव उप्पाडेइ उप्पाडेत्ता एगंते एडेइ तक्खणमेत्तं च णं गोयमा दिव्वे अब्भवहलए पाउब्भूए तए णं से दिव्वे अब्भवहलए खिप्पामेव पतणत्तणाति खिप्पामेव पविज्जुयाति खिप्पामेव नच्चोदगं नातिमट्ठियं पविरलपफुसियं रयरेणुविणासणं दिव्वं सलिलोदगं वासं वासति जेण से तिलयंभए आसत्थे पच्चायाते बद्धमूले तत्थेव पत्तिट्टिए ते य सत्त तिलपुक्फजीवा उद्दाइत्ता-उद्दाइत्ता तस्सेव तिलयंभगस्स एगाए तिलसंगलियाए सत्त तिला पच्चायाता ॥५४२॥-५४२

(६४१) तए णं अहं गोयमा गोसालेणं मंखलिपुत्तेणं सद्धि जेणेय कुम्मागामे नगरे तेणेव उवागच्छामि तए णं तस्स कुम्मागामस्स नगर स्स बहिया वेसियायणे नामं बालतवस्सी छट्ठंछट्ठेणं अणिक्खित्तेणं तवोकम्पेणं उड्ढं बाहाओ पणिज्झिय-पणिज्झिय सूराम्भिमुहे आयावणभूमीए

आयावेमाणे विहरइ आइच्चतेयतवियाओ य से छप्पदीओ सब्बओ समंता अभिनिस्सवंति पाण-
भूय-जीव-सत्त-दयइयाए च णं पडियाओ-पडियाओ तत्थेव-तत्थेव भुज्जो-भुज्जो पच्चोरुमेइ तए णं
से गोसाले मंखलिपुत्ते वेसियाणं बालतवस्सि पासइ पासित्ता ममं अंतियाओ सणियं-सणियं
पच्चोसक्कइ पच्चोसक्किक्ता जेणेव वेसियायणे बालतवस्सी तेणेव उवागच्छइ उवागच्छित्ता
वेसियायणं बालतवस्सि एवं वयासी-किं भवं मुणी मुणिए उदाहु जूयासेज्जायरए तए णं से वेसियाय-
णे बालतवस्सी गोसालस्स मंखलिपुत्तस्स एयमट्ठं नो आढाति नो परियाणति तुसिणीए संचिइइ तए
णं से गोसाले मंखलिपुत्ते वेसियायणं बालतवस्सि दोहं पि तच्चं पि एवं वयासी-किं भवं मुणी मुणिए
उदाहु जूयासेज्जायरए तए णं से वेसियायणे बालतवस्सी गोसालेणं मंखलिपुत्तेणं दोहं पि तच्चं पि
एवं वुद्धे समाणे आसुरुत्ते [रुद्धे कुविए चडिक्किए] मिसिमिसेमाणे आयावणभूमीओ पच्चोरुभइ
पच्चोरुभित्ता तेयासमुग्धाएणं समोहण्णइ समोहणित्ता सत्तट्ठपयाइं पच्चोसक्किक्ता गोसालस्स
मंखलिपुत्तस्स बहाए सरीगंसि तेयं निसिरइ तए णं अहं गोयमा गोसालस्स मंखलिपुत्तस्स
अनुकंपणइयाए वेसियायणस्स बालतवस्सिस्स उसिणतेयपडिसाहरणइयाए एत्थ णं अंतरा
सीयलियं तेयलेस्स निसिरामि जाए सा ममं सीयलियाए तेयलेस्साए वेसियायणस्स बालतवस्सिस्स
उसिणा तेयलेस्सा पडिहया तए णं से वेसियायणे बालतवस्सी ममं सीयलियाए तेयलेस्साए
साउसिणं तेयलेस्सं पडिहयं जाणित्ता गोसालस्स मंखलिपुत्तस्स सरीरगस्स किंचि आबाहं वा
वाबाहं वा छविच्छेदं वा अकीरमाणं पासित्ता साउसिणं तेयलेस्सं पडिसाहरइ पडिसाहरित्ता ममं
एवं वयासी-से गतमेयं भगवं गत-गतमेयं भगवं तए णं गोसाले मंखलिपुत्ते ममं एवं वयासी-किं णं
भंते एस जूयासिज्जायरए तुट्ठे एवं वयासी-से गतमेयं भगवं गत-गतमेयं भगवं

तए णं अहं गोयमा गोसालं मंखलिपुत्तं एवं वयासी-तुमं णं गोसाला वेसियायणं
बालतवस्सि पाससि पासित्ता ममं अंतियाओ सणियं-सणियं पच्चोसक्कसि जेणेव वेसियायणे
बालतवस्सी तेणेव उवागच्छसि उवागच्छित्ता वेसियायणं बालतवस्सि एवं वयासी किं भवं मुणी
मुणिए उदाहु जूयासेज्जायरए तए णं से वेसियायणे बालतवस्सी तव एयमट्ठं नो आढाति नो
परिजाणति तुसिणीए संचिइइ तए णं तुमं गोसाला वेसियायणं बालतवस्सि दोहं पि तच्चं पि एवं
वयासी किं भवं मुणी मुणिए उदाहु जूयासेज्जायरए तए णं से वेसियायणे बालतवस्सी तुमं दोहं पि
तच्चं पि एवं वुत्ते समाणे आसुरुत्ते जाव पच्चोसक्कति पच्चोसक्किक्ता तव बहाए सरीरगंसि
तेयलेस्सं निसिरइ तए णं अहं गोसाला तव अनुकंपणइयाए वेसियायणस्स बालतवस्सिस्स
उसिणतेयपडिसाहरणइयाए एत्थ णं अंतरा सीयलियं तेयलेस्सं निसिरामि जाव पडिहयं जाणित्ता
तव य सरीरगस्स किंचि आबाहं वा वाबाहं छविच्छेदं वा अकीरमाणं पासित्ता साउसिणं तेयलेस्सं
पडिसाहरति पडिसाहरित्ता ममं एवं वयासी-से गतमेयं भगवं गत-गतमेयं भगवं तए णं से गोसाले
मंखलिपुत्ते ममं अंतियाओ एयमट्ठं सोद्या निसम्भ भीए [तत्थे तसिए उब्भिगे] संजायभए ममं वंदइ
नमंसइ वंदित्ता नमंसित्ता एवं वयासी-कहण्णं भंते संखित्तविउल्लतेयलेस्से भवति तए णं अहं
गोयमा गोसालं मंखलिपुत्तं एवं वयासी-जेणं गोसाला एणाए सणहाए कुम्मासपिंडियाए एणेणं य
वियडासएणं छट्ठंछट्ठेणं अणिज्जित्तेणं तवोकम्मेणं उइहं बाहाओ पणिज्जिय-पणिज्जिय
[सूराभिमुहे आयावणभूमीए आयावेमाणे] विहरइ से णं अंतो छण्हं मासाणं संखित्तविउल्लतेयलेस्से
भवइ तए णं से गोसाले मंखलिपुत्ते ममं एयमट्ठं सम्मं विणएणं पडिसुणेति 14831-543

(६४२) तए णं अहं गोयमा अण्णदा कदायि गोसालेणं मंखलिपुत्तेणं सद्धिं कुम्मागामाओ नगराओ सिद्धत्थगामं नगरं संपड्डिए विहाराए जाहे य मो तं देसं हव्वमागया जत्थ णं से तिलथंभए तए णं से गोसाले मंखलिपुत्ते ममं एवं वयासी-तुम्भे णं भंते तदा ममं एवमाइक्खह जाव परूवेह-गोसाला एस णं तिलथंभए निप्फजिस्सइ नो न निप्फजिस्सइ [एते य सत्त तिलपुप्फजीवा उद्दाइत्ता-उद्दाइत्ता एयस्स चेव तिलथंभगस्स एगाए तिलसंगलियाए सत्त तिला] पच्चायाइस्संति तण्णं मिच्छा एवं च णं पच्चक्खमेव दीसइ एस णं से तिलथंभए नो निप्फन्ने अन्निप्फन्नमेव ते य सत्त तिलपुप्फजीवा उद्दाइत्ता-उद्दाइत्ता नो एयस्स चेव तिलथंभगस्स एगाए तिलसंगलियाए सत्त तिला पच्चायाया तए णं अहं गोयमा गोसालं मंखलिपुत्तं एवं वयासी-तुमं णं गोसाला तदा ममं एवमाइक्खमाणस्स जाव परूवेमाणस्स एयमट्ठं नो सदहसि नो पत्तियसि नो रोएसि एयमट्ठं असद्दहमाणे अपत्तियमाणे अरोएमाणे ममं पणिहाए अयण्णं मिच्छावादी भवउ त्ति कट्ठ ममं अतियाओ सणियं-सणियं पच्चोसक्कसि पच्चोसक्किक्ता जेणेव से तिलथंभए तेणेव उवागच्छसि उवागच्छिता [तं तिलथंभगंसलङ्गुयायं चेव उप्पाडेसि उप्पाडेत्ता] एगंतभंते एडेसि तक्खणमेत्त गोसाला दिव्वे अब्भवद्दलए पाउब्भूए तए णं से दिव्वे अब्भवद्दलए खिप्पामेव पत्तणत्तणाति खिप्पामेव [पविज्जुयाति खिप्पामेव नच्चोदगं नातिमट्ठियं पविरलपफुसियं रवरेणुविणासणं दिव्वं सलिलोदगं वासं वासंति जेणं से तिलथंभए आसत्थे पच्चायाते बद्धमूले तत्थेव पतिट्ठिए ते य सत्त तिलपुप्फजीवा उद्दाइत्ता-उद्दाइत्ता] तस्स चेव तिलथंभगस्स एगाए तिलसंगलियाए सत्त तिला पच्चायाया तं एस णं गोसाला से तिलथंभए निप्फन्ने नो अनिप्फन्नमेव ते य सत्त तिलपुप्फजीवा उद्दाइत्ता-उद्दाइत्ता एयस्स चेव तिलथंभयस्स एगाए तिलसंगलियाए सत्त तिला पच्चायाया एवं खलु गोसाला वणस्सइकाइया पउट्टपरिहारं परिहरंति तए णं से गोसाले मंखलिपुत्ते ममं एवमाइक्खमाणस्स जाव परूवेमाणस्स एयमट्ठं नो सदहइ नो पत्तियइ नो रोएइ एयमट्ठं असद्दहमाणे अपत्तियमाणे अरोएमाणे जेणेव से तिलथंभए तेणेव उवागच्छइ उवागच्छिता ताओ तिलथंभयाओ तं तिलसंगलियं खुड्डि खुड्डिता करयलंसि सत्त तिले पप्फोडेइ तए णं तस्स गोसालस्स मंखलिपुत्तस्स ते सत्त तिले गणमाणस्स अयमेयारूवे अज्झत्थिए [चित्तिए पत्थिए मणो-गए संकप्पे] समुप्पज्जित्था-एवं खलु सव्वजीवा वि पउट्टपरिहारं परिहरंति-एस णं गोयमा गोसालस्स मंखलिपुत्तस्स पउट्टे एस णं गोयमा गोसालस्स मंखलिपुत्तस्स ममं अतियाओ आयाए अवक्कमणे पत्तते 14841-544

(६४३) तए णं से गोसाले मंखलिपुत्ते एगाए सणहाए कुम्मासपिडियाए एगेणय वियडासएणं छट्ठंछट्ठेणं अणिकिखत्तेणं तवोक्कमेणं उड्ढं बाहाओए पगिज्झिय-पगिज्झिय सूरभिमुहे आयावणभूमीए आयावेमाणे विहरइ तए णं से गोसाले मंखलिपुत्ते अंतो छण्हं पासाणं संखित्तविउलतेयलेसे जाए 14841-545

(६४४) तए णं तस्स गोसालस्स मंखलिपुत्तस्स अण्णदा कदायि इमे छ दिसाचराअंतियं पाउब्भवित्था तं जहा-साणे [कलंदे कण्णियारे अच्छिदे अग्निवेसायणे अज्जुणे गोमायुपुत्ते तए णं तं छ दिसाचरा अट्ठविहं पुव्वगवं मग्गदसमं सएहिं-सएहिं मतिदंसणेहिं निज्जूहंति निज्जूहिता गोसालं मंखलिपुत्तं उवट्ठाइंसु तए णं से गोसाले मंखलिपुत्ते तेणं अट्ठगस्स महानिमित्तस्स केणइ उल्लोय-मेत्तेणं सव्वेसिं पाणाणं सव्वेसिं भूयाणं सव्वेसिं जीवाणं सव्वेसिं सत्ताणं इमाइ छ अणइक्क-

मणिज्जाइं वागरणाइं वागरेति तं जहा- लाभं अलाभं सुहं दुक्खं जीवियं मरणं तहा तए णं से गोसाले मंखलिपुत्ते तेणं अट्ठंगस्स महानिभित्तस्स केणइ उट्ठोयमेतेणं सावत्थीए नगरीए अजिणे जिणप्पलावी अणरहा अरहप्पलावी अकेवली केवलप्पलावी असव्वणू सव्वणुप्पलावी। अजिणे जिणसइं पगासेमाणे विहरइ तं नो खलु गोयमा गोसाले मंखलिपुत्ते जिणे जिणप्पलावी। अरहा अरहप्पलावी केवली केवलप्पलावी सव्वणू सव्वणुप्पलावी जिणे। जिणसइं पगासेमाणे विहरइ गोसाले णं मंखलिपुत्ते अजिणे जिणप्पलावी जाव पगासेमाइणे विहरइ तए णं सा महतिमहालया महच्चपरिसा। समणस्स भगवओ महावीरस्स अंतिए एयमइं सोच्चा हट्ठतुट्ठा समण भगवं महावीरं वंदइ नमंसइ वंदित्ता नमसित्ता जामेव दिसं पाउब्भूया तामेव दिसं। पडिगया तए णं सावत्थीए नगरीए सिंघाडग-। तिग-चउक्क-चच्चर-चउम्मुह-महापह-पहेसु। बहुजणो अण्णमण्णस्स एवमा-इक्खइ जाव परुवेइ-जण्णं देवाणुप्पिया गोसाले मंखलिपुत्ते जिणे जिणप्पलावी जाव जिणे जिणसइं पगासेमाणे विहरइ तं मिच्छा समणे भगवं महावीरे एवमाइक्खइ जाव परुवेइ-एवं खलु तस्स गोसालास्स मंखलिपुत्तास्स मंखली नामं मंखे पिता होत्था तए णं तस्स मंखस्स एवं चेव तं सव्वं मणियव्वं जाव अजिणे जिणसइं पगासेमाणे विहरइ तं नो खलु गोसाले मंखलिपुत्ते जिणे जिणप्पलावी जाव विहरइ गोसालं मंखलिपुत्ते अजिणे जिणप्पलावी जाव विहरइ समणे भगवं महावीरे जिणे जिणप्पलावी जाव जिणसइं पगासेमाणे विहरइ तए णं से गोसाले मंखलिपुत्ते बहुजणस्स अंतियं एयमइं सोच्चा निसम्मं आसुरुत्ते। रुट्ठे कुविए चंडिकिए मिसिमिसेमाणे आयावणभूमीए पच्चोरुहइ पच्चोरुहिता सावत्थिं नगरिं मज्झमज्झेणं जेणेव हालाहलाए कुंभकारीए कुंभकारावणे तेणेव उवागच्छइ उवागच्छित्ता हालाहलाए कुंभकारीए कुंभकारावणंसि आजीवियसंघसंपरिवुडे महया अमरिसं वहमाणे एवं चावि विहरइ। ५४६।-५४६

(६४५) तेणं कालेणं तेणं समएणं समणस्स भगवओ महावीरस्स अंतेवासी आनंदे नामं थेरे पगइभए जाव विणीए छट्ठुछट्ठेणं अणिक्खित्तेणं तवोकम्मेणं संजमेणं तवस्सा अप्पाणं पावेमा-णे विहरइ तए णं से आनंदे थेरे छट्ठक्खमणप्परणगंसि पढमाए पोरिसीए एवं जहा गोयमसामी तहेव आपुच्छइ तहेव जाव उच्च-नीय-मज्झिमाइं। कुलाइं घरसमुदाणस्स भिक्खायरियाए अडमाणे हालाहलाए कुंभकारीए कुंभकारावणस्स अदूरसामंते वीइवयइ तए णं से गोसाले मंखलिपुत्ते आणंदे थेरे हालाहलाए कुंभकारीए कुंभकारावणस्स अदूरसामंतेणं वीइवयमाणं पासइ पासित्ता एवं वयासी-एहि ताव आणंदा इओ एगं महं उवमियं निसामेहि तए णं से आणंदे थेरे गोसालेणं मंखलिपुत्तेणं एवं बुत्ते समाणे जेणेव हालाहलाए कुंभकारीए कुंभकारावणे जेणेव गोसाले मंखलिपुत्ते तेणेव उवागच्छइ तए णं से गोसाले मंखलिपुत्ते आनंद थेरं एवं वयासी-एवं खलु आणंदा इतो चिरातीयाए अट्ठाए केइ उच्चावया वणिया अत्यत्थी अत्यलुट्ठा अत्यगवेसी अत्यकंखिया अत्यपिवासा अत्यवेसणयाए नाणाविहविउल्लपणिय भंडमायाए सगडीसागडेणं सुबहुं भत्तापाणं पत्थयणं गहाय एगं महं अगामियं अणोहियं छित्रावायं दीहमट्ठं अडविं अणुप्पविट्ठा तए णं तेसिं वणिवाणं तीसे अगामियाए अणोहियाए छित्रावायाए दीहमट्ठाए अडवीए किंचि देसं अनुप्पत्ताणं समाणाणं से पुब्बगहिए उदए अनुपुब्बेणं परिभुजमाणे-परिभुजमाणे झोणे

तए णं ते वणिवा झीणोदगा समाणा तण्हाए परब्बमाणा अण्णमण्णे सद्दावेत्ति सद्दावेत्ता एवं वयासी-एवं खलु देवाणुप्पिया अहं इमीसे अगामियाए। अणोहियाए छित्रावायाए दीहमट्ठाए।

अडवीए किंचि देसं अनुपत्ताणं समाणाणं से पुव्वगहिए उदए अनुपुव्वेणं परिमुज्जमाणे-परिमुज्ज-
माणे झीणे तं सेयं खलु देवाणुप्पिया अहं इमीसे अगामियाए जाव अडवीए उदगस्स सव्वओ
समंता मग्गण-गवेसणं करेत्ताए ति कट्ठु अण्णमण्णस्स अंतिये एयमट्ठं पडिसुणेत्ति पडिसुणेत्ता तीसे
णं अगामियाए जाव अडवीए उदगस्स सव्वओ समंता मग्गण-गवेसणं करेत्ति उदगस्स सव्वओ
समंता मग्गण-गवेसणं करेपाणा एणं महं वणसंडं आसादेत्ति-किण्हं किण्होभासं जाव महामेह-
निकुरंबभूयं पासादीयं [दरिसणिज्जं अभिरूवं] पडिरूवं तस्स णं वणसंडस्स बहुमज्झदेसभाए एत्थ णं
महेणं वम्भीयं आसादेत्ति तस्स णं वम्भीयस्स चत्तारि वप्पूओ अत्थुग्गयाओ अभिनिसद्धाओ तिरियं
सुसंपग्गहियाओ अहे पन्नगद्धरूवाओ पन्नगद्धसंठाणसंठियाओ पासादियाओ [दरिसणिज्जाओ
अभिरूवाओ] पडिरूवाओ तए णं ते वणिग्या हट्ठुट्ठा अण्णमण्णं सद्दावेत्ति सद्दावेत्ता एवं वयासी-
एवं खलु देवाणुप्पिया अहे इमीसे अगामियाए [अणोहियाए छिन्नावायाए दीहमद्वाए अडवीए
उदगस्स] सव्वओ समंता मग्गण-गवेसणं करेमाणेहिं इमे वणसंडे आसादिए-किण्हं किण्होभासे
इमस्स णं वणसंडस्स बहुमज्झदेसभाए इमे वम्भीए आसादिए इमस्स णं वम्भीयस्स चत्तारि वप्पूओ
अत्थुग्गयाओ [अभिनिसद्धाओ तिरियं सुसंपग्गहियाओ अहे पन्नगद्धरूवाओ पन्नगद्धसंठाणसंठि-
याओ पासादियाओ दरिसणिज्जाओ अभिरूवाओ] पडिरूवाओ तं सेयं खलु देवाणुप्पिया अहं
इमस्स वम्भीयस्स पढमं वप्पुं भिंदित्तए अवियाइं ओरालं उदगरयणं अस्सादेस्सामो तए णं ते
वणिग्या अण्णमण्णस्स अंतियं एयमट्ठं पडिसुणेत्ति पडिसुणेत्ता तस्स वम्भीयस्स पढमं वप्पुं भिंदति ते
णं तत्थ पत्थं जच्चं तणुयं फालियवण्णाभं ओरालं उदगरयणं आसादेत्ति तए णं ते वणिग्या हट्ठुट्ठा
पाणियं पिबंति पिबित्ता वाहणाइं पजेत्ति पजेत्ता भायणाइं भरेत्ति भरेत्ता दोच्चं पि अण्णमण्णं एवं
वदासी-एवं देवाणुप्पिया अहेहिं इमस्स वम्भीयस्स पढमाए वप्पूए भित्राए ओराले उदगरयणे
अस्सादिए तं सेयं खलु देवाणुप्पिया अहं इमस्स वम्भीयस्स दोच्चं पि वप्पुं भिंदित्तए अवियाइं एत्थ
ओरालं सुवण्णरयणं अस्सादेस्सामो

तए णं ते वणिग्या अण्णमण्णस्स अंतियं एयमट्ठं पडिसुणेत्ति पडिसुणेत्ता तस्स वम्भीयस्स
दोच्चं पि वप्पुं भिंदति ते णं अच्छं जस्सं तावणिज्जं महत्थं महग्धं महरिहं ओरालं सुवण्णरयणं
अस्सादेत्ति तए णं ते वणिग्या हट्ठुट्ठा भायणाइं भरेत्ति भरेत्ता पवहणाइं भरेत्ति भरेत्ता तच्चं पि
अण्णमण्णं एवं वयासी-एवं खलु देवाणुप्पिया अहे इमस्स वम्भीयस्स पढमाए वप्पूए भित्राए
ओराले उदगरयणे अस्सादिए दोच्चाए वप्पूए भित्राए ओराले सुवण्णरयणे अस्सादिए तं सेयं खलु
देवाणुप्पिया अहं इमस्स वम्भीयस्स तच्चं पि वप्पुं भिंदित्तए अवियाइं एत्थं ओरालं मणिरयणं
अस्सादेस्सामो तए णं ते वणिग्या अण्णमण्णस्स अंतियं एयमट्ठं पडिसुणेत्ति पडिसुणेत्ता तस्स
वम्भीयस्स तच्चं पि वप्पुं भिंदति ते णं तत्थ विमलं निम्मलं नित्तलं निककलं महत्थं महग्धं अहरिहं
ओरालं मणिरयणं अस्सादेत्ति तए णं ते वणिग्या हट्ठुट्ठा भायणाइं भरेत्ति भरेत्ता पवहणाइं भरेत्ति
भरेत्ता चउत्थं पि अण्णमण्णं एवं वयासी-एवं खलु देवाणुप्पिया अहे इमस्स वम्भीयस्स पढमाए
वप्पूए भित्राए ओराले उदगरयणे अस्सादिए दोच्चाए वप्पूए भित्राए ओराले सुवण्णरयणे
अस्सादिए तच्चाए वप्पूए भित्राए ओराले मणिरयणे अस्सादिए तं सेयं खलु देवाणुप्पिया अहं
इमस्स वम्भीयस्स चउत्थं पि वप्पुं भिंदित्तए अवियाइं उत्तमं महग्धं महरिहं ओरालं वइररयणं
अस्सादेस्सामो तए णं तेसिं वणिग्याणं एगे वणिग्ये हियकामए सुहकामए पत्थकामए आणुकंपिए

निस्सेसिए हिय-सुह-निस्सेसकामए ते वणिए एवं वयासी-एवं खलु देवाणुप्पिया अम्हे इमस्स वम्मीयस्स पढमाए वप्पूए भित्राए ओराले उदगरयणे जाव तच्चाए वप्पूए भित्राए ओराले मणिरयणे अस्सादिए तं होउ अलाहि पज्जत्तं णे एसा चउत्थी वप्पू मा भित्रउ चउत्थी णं वप्पू सउवसग्गा यावि होत्था तए णं ते वणिया तस्स वणियस्स हियकामगस्स सुहकामगस्स जाव हिय-सुह-निस्सेसकाम-गस्स एवमाइक्खमाणस्स जाव परूवेमाणस्स एयमट्ठं नो सदहंति नो पत्तियंति नो रोयंति एयमट्ठं असदहमाणा अपत्तियमाणा अरोएमाणा तस्स वम्मीयस्स चउत्थं पि वप्पू भिंदंति ते णं तत्थु उग्गविसं चंडविसं धोरविसं महाविसं अतिकायं महाकायं मसिमूसाकालगं नयणविसरोसपुण्णं अंजणपुंज-निगरप्पगासं रत्तच्छं जमलजुपल-चंचलचलंतजीहं धरणितल-वेणिभूयं उक्कड-फुड-कुडिल-जडुल-कक्खड-विकड-फडाडोवकरणच्छं लोहागर-धम्ममाण-धमधर्मेतघोसं अणागलिय-चंडतिव्वरोसं समुहं तुरियं चवलं धमतं दिट्ठदिसं सय्यं संघट्ठेति तए णं से दिट्ठीविसे सय्ये तेहिं वणिएहिं संघट्ठिए समाणे आसुरुत्ते जाव मिसिभिसेमाणे सणियं-सणियं उट्ठेइ उट्ठेत्ता सरसरसरस्स वम्मीयस्स सिहरतलं दुरुहति दुरुहिता आदिच्चं निज्झाति निज्झाइत्ता ते वणिए अणिमिसाए दिट्ठीए सव्वओ समंता समभिलोएति

तए णं ते वणिया तेणं दिट्ठीवेसणं सय्येणं अणिमिसाए दिट्ठीए सव्वओ समंता समभिलोइया समाणा खिप्पामेव सभंडमत्तोवरणमायाए एगाहच्चं कूडाहच्चं भासरासी कया यावि होत्था तत्थ णं जे से वणिए तेसिं वणियाणं हियकामए जाव हिय-सुह-निस्सेसकामए से णं आणुकंपियाए देवयाए सभंडमत्तोवरणमायाए नियगं नगरं साहिए एवामेव आणंदा तव वि धम्मयारिएणं धम्मोवएसएणं समणेणं नायपुत्तेणं ओराले परियाए अस्सादिए ओराला कित्ति-वण्ण-सद्द-सिलोणा सदेवमणुयासुरे लोए पुव्वंति गुव्वंति शुव्वंति -इति खलु समणे भगवं महावीरे इति खलु समणे भगवं महावीरे तं जदि मे से अज्ज किंचि वि वदति तो णं तवेणं तेएणं एगाहच्चं कूडाहच्चं भासरासिं करेमि जहा वा वालेणं ते वणिया तुमं च णं आणंदा सारक्खामि संगोवामि जहा वा से वणिए तेसिं वणियाणं हियकामए जाव निस्सेसकामए आणुकंपियाए देवयाए सभंड [मत्तोवरणमायाए नियगं नगरं] साहिए तं गच्छ णं तुमं आणंदा तव धम्मयारियस्स धम्मोवए सगस्स समणस्स नायपुत्तस्स एयमट्ठं परिकहेहि तए णं से आणंदे थेरे गोसालेणं मंखलिपुत्तेणं एवं वुत्ते समाणे भीए जाव संजायभए गोसालस्स मंखलिपुत्तस्स अंतियाओ हालहलाए कुंभकारीए कुंभकारावणाओ पडिनिक्खमति पडिनिक्खमिता सिग्घं तुरियं सावत्थि नगरिं पज्झंमज्झेणं निग्गच्छइ निग्गच्छित्ता जेणेव कोट्टए चेइए जेणेव समणे भगवं महावीरे तेणेव उवागच्छइ उवा-गच्छित्ता समणं भगवं महावीरं तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता एवं वयासी-एवं खलु अहं भंते छट्ठक्खमणपारणगंसि तुब्भेहिं अक्खणुण्णाए समाणे सावत्थीए नगरीए उच्चनीय- जाव अडमाणे हालाहलाए कुंभकारीए [कुंभकारावणस्स अदूरसामंते] वीइवयानि तए णं गोसाले मंखलिपुत्ते ममं हालाहलाए जाव पासित्ता एवं वयासी-एहि ताव आणंदा इओ एगं महं उवमियं निसामेहिं तए णं अहं गोसालेणं मंखलिपुत्तेणं एवं वुत्ते समाणे जेणेव हालाहलाए कुंभकारीए कुंभकारवणे जेणेव गोसाले मंखलिपुत्ते तेणेव उवागच्छामि तए णं से गोसाले मंखलिपुत्ते ममं एवं वयासी एवं खलु आणंदा इओ चिरातीयाए अट्ठाए केइ उच्चवया वणिया एवं तं चव सव्वं निरवसेसं भाणियव्वं जाव नियगं नगरं साहिए तं गच्छ णं तुमं आणंदा तव

धम्मयारियस्स धम्मोवएसगस्स [समणस्स नायपुत्तस्स एयमट्ठं] परिकहेहि १५४७१-५४७

(६४६) तं पमू णं भंते गोसाले मंखलिपुत्ते तवेणं तेएणं एगाहच्चं कूडाहच्चं भासरासिं करेत्तए विसए णं भंते गोसालस्स मंखलिपुत्तस्स तवेणं तेएणं एगाहच्चं कूडाहच्चं भासरासिं करेत्तए समत्थे णं भंते गोसाले मंखलिपुत्ते तवेणं तेएणं जाव करेत्तए पमू णं आणंदा गोसाले मंखलिपुत्ते तवेणं [तेएणं एगाहच्चं कूडाहच्चं भासरासिं करेत्तए] विसए णं आणंदा गोसालस्स जाव करेत्तए समत्थे णं आणंदा गोसाले [मंखलिपुत्ते तवेणं तेएणं एगाहच्चं कूडाहच्चं भासरासिं] करेत्तए नो चेव णं अरहंते भगवंते पारियावणियं पुण कोज्जा जावतिए णं आणंदा गोसालस्स मंखलिपुत्तस्स तवे तेए एत्तो अनंतगुणविसिद्धतराए चेव तवे तेए अणगाराणं भगवंताणं खंतिखमा पुण अणगारा भगवंतो जावइए णं आणंदा अणगाराणं भगवंताणं तवे तेए एत्तो अनंतगुणविसिद्धतराए चेव तवे तेए थेराणं भगवंताणं खंतिखमा पुण थेरा भगवंतो जावतिए णं आणंदा थेराणं भगवंताणं तवे तेए एत्तो अनंतगुणविसिद्धतराए चेव तवे तेए अरहंताणं भगवंताणं खंतिखमा पुण अरहंता भगवंतो तं पमू णं आणंदा गोसाले मंखलिपुत्ते तवेणं तेएणं [एगाहच्चं कूडाहच्चं भासरासिं] करेत्तए विसए णं आणंदा [गोसालस्स मंखलिपुत्तस्स तेएणं एगाहच्चं कूडाहच्चं भासरासिं] करेत्तए समत्थे णं आणंदा गोसाले जाव करेत्तए नो चेव णं अरहंते भगवंते पारियावणियं पुण कोज्जा १५४८१-५४८

(६४७) तं गच्छ णं तुमंआणंदा गोयमाईणं समणाणं निगंथाणं एयमट्ठं परिकहेहिं ना णं अज्जो तुब्बं केई गोसालं मंखलिपुत्तं धम्मियाए पडिचोयणाए पडिचोएउ धम्मियाए पडिसारणाए पडिसारेउ धम्मिएअणं पडोयारेणं पडोयारेउ गोसाले णं मंखलिपुत्ते समणेहिं निगंथेहिं मिच्छं विप्पडिवन्ने तए णं से आणंदे थेरे समणेणं भगवया महावीरेणं एवं वुत्ते समाणे समणं भगवं महावीरं बंदइ नमंसइ बंदिता नमंसिता जेणेव गोयमादी समणा निगंथा तेणेव उवागच्छइ उवागच्छित्ता गोयमादी समणे निगंथे आमंतेति आमंतेत्ता एवं वयासी-एवं खलु अज्जो छट्ठकखभणपारणमंसि समणेणं भगवया महावीरेणं अब्भणुण्णाए समाणे सावत्थीए नगरीए उच्च-नीय-मज्झिमाई कुलाई तं चेव सब्बं जाव गोयमाईणं समणाणं निगंथाणं एयमट्ठं परिकहेहिं तं मा णं अज्जो तुब्बं केई गोसालं मंखलिपुत्तं धम्मियाए पडिचोयणाए पडिचोएउ धम्मियाए पडिसारणया पडिसारेउ धम्मिएअणं पडोयारेणं पडोयारेउ गोसाले णं मंखलिपुत्ते समणेहिं निगंथेहिं मिच्छं विप्पडिवन्ने १५४९१-५४९

(६४८) जाव च णं आणंदे थेरे गोयमाईणं समणाणं निगंथाणं एयमट्ठं परिकहेइ तावं च णं से गोसाले मंखलिपुत्ते हालाहलाए कुंभकारीए कुंभकारवणाओ पडिनिक्खमइ पडिनिक्खमिता आजीवियसंघसंपरिवुडे महया अमरिसं वहमाणे सिग्धं तुरियं सावत्थि नगरिं मज्झंमज्झोणं निगच्छइ निगच्छित्ता जेणेव कोट्टए चेइए जेणेव समणे भगवं महावीरे तेणेव उवागच्छइ उवागच्छित्ता समणस्स भगवओ महावीरस्स अदूरसामंते ठिच्चा समणं भगवं महावीरं एवं वदासी-सुद्ध णं आउसो कासवा ममं एवं वयासी साहू णं आउसो कासवा ममं एवं वयासी-गोसाले मंखलिपुत्ते ममं धम्मंतेवासी गोसाले मंखलिपुत्ते ममं धम्मंतेवासी जे णं से गोसाले मंखलिपुत्ते तव धम्मंतेवासी से णं सुक्के सुक्काभिजाइए भविता कालमासे कालं किच्चा अण्णयेसु देवलोएसु देवत्ताए उववन्ने अहण्णं उदाई नामं कुंडियायणीए अज्जुणस्स गोयमपुत्तस्स सरीरगं विप्पजहामि विप्पजहित्ता गोसालस्स मंखलिपुत्तस्स सरीरगं अनुष्पविसामि अनुष्पविसित्ता इमं सत्तमं

पउट्टपरिहारं परिहरामि जे वि आइं आउसो कासवा अहं समयंसि केइ सिज्झिसु वा सिज्झंति वा सिज्झिस्संति वा सव्वे ते चउरासीति महाकप्पसयसहस्साइं सत्त दिव्वे सत्त संजूहे सत्त सण्णिगब्बे सत्त पउट्टपरिहारे पंच कम्मणि सयसहस्साइं सद्धिं च सहस्साइं छच्च सए तिण्णि य कम्मंसे अणुपुब्बेणं खवइत्ता तओ पच्छा सिज्झंति युज्झंति मुच्चंति परिनिव्वायंति सव्वदुक्खाणमंतं करेसुं वा करेति वा करिस्संति वा से जहा वा गंगा महानदी जओ पवूढा जहिं वा पञ्चुवत्थिया एस णं अद्धा पंचजोयणसाइं आयामेणं अद्धजोयणं विक्खंभेणं पंच धणुसयाइं उव्वेहेणं एएणं गंगापमाणेणं सत्त गंगाओ सा एगा महागंगा सत्त महागंगाओ सा एगा सादीणगंगा सत्तसादीणगंगाओ सा एगा मदुगंगा सत्त मदुगंगाओ सा एगा लोहियगंगा सत्त लोहियगंगाओ सा एगा आवतीगंगा सत्त आवतीगंगाओ सा एगा परभावती एवामेव सपुव्वावरेणं एणं गंगासयसहस्सं सत्तर सहस्सा छच्च अणुणपत्रं गंगासया भवन्ती भक्खाया तासिं दुविहे उद्धारे पत्रत्ते तं जहा-सुहुमबोदिकलेवरे चेव बायरबोदिकलेवरे चेव तत्थ णं जे से सुहुमबोदिकलेवरे से ठप्पे तत्थ णं जे से बायरे बोदिकलेवरे तओ णं वाससए गए वाससए गए एगमेणं गंगाबालुयं अवहाय जावतिएणं कालेणं से कोट्ठे खीणे नीरए निळेवे निट्ठिए भवति सेत्तं सरे सरप्पमाणे एएणं सरप्पमाणेणं तिण्णि सरसय साहस्सीओ से एगे महाकप्पे चउरासीति महाकप्पसयसहस्साइं से एगे महामाणसे

अनंताओ संजूहाओ जीवे चयं चइत्ता उवरिल्ले माणसे संजूहे देवे उववज्जति से णं तत्थ दिव्वाइं भोगभोगाइं भुंजमाणे विहरइ विहरित्ता ताओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता पढमे सण्णिगब्बे जीवे पच्चायाति, से णं तओहिंतो उव्वट्ठित्ता मज्झिल्ले माणसे संजूहे देवे उववज्जइ से णं तत्थ दिव्वाइं भोगभोगाइं भुंजमाणे विहरइ विहरित्ता ताओ देवलोगाओ आउक्खएणं जाव चइत्ता दोच्चे सण्णिगब्बे जीवे पच्चायाति, से णं तओहिंतो अनंतरं उव्वट्ठित्ता हेट्ठिल्ले माणसे संजूहे देवे उववज्जइ से णं तत्थ दिव्वाइं भोगभोगाइं जाव चइत्ता तच्चे सण्णिगब्बे जीवे पच्चायाति, से णं तओहिंतो जाव उव्वट्ठित्ता उवरिल्ले माणुसुत्तरे संजूहे देवे उववज्जइ से णं तत्थ दिव्वाइं भोगभोगाइं जाव चइत्ता चउत्थे सण्णिगब्बे जीवे पच्चायाति, से णं तओहिंतो अनंतर उव्वट्ठित्ता मज्झिल्ले माणुसुत्तरे संजूहे देवे उववज्जइ से णं तत्थ दिव्वाइं भोगभोगाइं जाव चइत्ता पंचमे सण्णिगब्बे जीवे पच्चायाति, से णं तओहिंतो अनंतर उव्वट्ठित्ता हिट्ठिल्ले माणुसुत्तरे संजूहे देवे उववज्जइ से णं तत्थ दिव्वाइं भोगभोगाइं जाव चइत्ता छट्ठे सण्णिगब्बे जीवे पच्चायाति, से णं तओहिंतो अनंतरं उव्वट्ठित्ता-बंभलोगे नापं से कप्पे पत्रत्ते-पाईणपडीणायत्ते उदीणदाहिणविच्छिण्णे जहा ठाणपदे जाव पंच बडेंसगा पत्रत्ता तं जहा-असोगवडेंसए जाव पडिरूवा-से णं तत्थ देवे उववज्जइ से णं तत्थ दस सागरोवमाइं दिव्वाइं भोगभोगाइं जाव चइत्ता सत्तमे सण्णिगब्बे जीवे पच्चायाति, से णं तत्थ नवण्हं मासाणं बहुपडिपुण्णाणं अद्धदुमाणं राइंदियाणं वीतिककंताणं सुकुमालगभद्दलए मिउ-कुंडलकुंथिय-केसए मडुगंडतल-कण्णपीढए देवकुमारसप्पएभए दारए पयाति से णं अहं कासवा तए णं अहं आउसो कासवा कोमारिय-पव्वज्जाए कोमारएणं बंभचेरवासेणं अविद्धकण्णए चेव संखाणं पडिलभाभि पडिलभित्ता इमे सत्त पउट्टपरिहारे तं जहा-एणेजज्जस मल्लरामस्स मंडियस्स रोहस्स भारद्वाइस्स अजुणगस्स गोयमपुत्तस्स गोसालस्सं मंखलिपुत्तस्स

तत्थ णं जे से पढमे पउट्टपरिहारे से णं रायगिहस्स नगरस्स बहिया मंडिकुच्छिसि चेइयंसि

उदाइस्स कुंडियाणस्स सरीरं विप्पजहामि विप्पजहिता एणेज्जगस्स सरीरं अनुप्पविसामि अनुप्पविसिता वावीसं वासाइं पढमं पउट्टपरिहारं परिहरामि तत्थ णं जे से दोच्चे पउट्टपरिहारे से णं उदंडपुरस्स नागरस्स बहिया चंदोयरणंसि चेइयंसि एणेज्जगस्स सरीरं विप्पजहामि विप्पजहिता मल्लरामस्स सरीरं अनुप्पविसामि अनुप्पविसिता एकवीसं वासाइं दोच्चं पउट्टपरिहारं परिहरामि तत्थ णं जे से तच्चे पउट्टपरिहारे से णं चंपाए नगरीए बहिया अंगमंदिरंसि चेइयंसि मल्लरामस्स सरीरं विप्पजहामि विप्पजहिता मंडियस्स सरीरं अनुप्पविसामि अनुप्पविसिता वीसं वासाइं तच्चं पउट्टपरिहारं परिहरामि तत्थ णं जे से चउत्थे पउट्टपरिहारे से णं वाणारसीएनगरीए बहिया काममहावणंसि चेइयंसि मंडियस्स सरीरं विप्पजहामि विप्पजहिता रोहस्स सरीरं अनुप्पविसामि अनुप्पविसिता एकूणवीसं वासाइं चउत्थं पउट्टपरिहारं परिहरामि तत्थ णं जे से पंचमे पउट्टपरिहारे से णं आलभियाए नगरीए बहिया पत्तकालगंसि चेइयंसि रोहस्स सरीरं विप्पजहामि विप्पजहिता भारद्वाइस्स सरीरं अनुप्पविसामि अनुप्पविसिता अट्टारस वासाइं पंचमं पउट्टपरिहारं परिहरामि तत्थ णं जे से छट्ठे पउट्टपरिहारे से णं वेसालीए नगरीए बहिया कौंडियायणंसि चेइयंसि भारद्वाइस्स सरीरं विप्पजहामि विप्पजहिता अज्जुणगस्स गोयमपुत्तस्स सरीरं अनुप्पविसामि अनुप्पविसिता सत्तरस वासाइं छट्ठं पउट्टपरिहारं परिहरामि तत्थ णं जे से सत्तमे पउट्टपरिहारे से णं इहेव सावत्थीए नगरीए हालाहलाए कुंभकारीए कुंभकारावणंसि अज्जुणगस्स गोयमपुत्तस्स सरीरं विप्पजहामि विप्पजहिता गोसालस्स मंखलिपुत्तस्स सरीरं अलं थिरं धुवं धारणिज्जं सीयसहं उण्हसहं खुहासहं विविहदंसमगपरीसहोवसण्हसहं थिरसंघयणं ति कट्ठं तं अनुप्पविसामि अनुप्पविसिता सोलस वासाइं इमं सत्तमं पउट्टपरिहारं परिहरामि एवामेव आउसो कासवा एणेणं तेत्तीसेणं वाससएणं सत्त पउट्टपरिहारा परिहरिया भवन्तीति पक्खया तं सुट्ठं णं आउसो कासवा ममं एवं वयासी साहू णं आउसो कासवा ममं एवं वयासी-गोसाले मंखलिपुत्ते ममं धम्मन्तेवासी गोसाले मंखलिपुत्ते ममं धम्मन्तेवासी ॥५५०॥-६५०

(६४९) तए णं समणे भगवं महावीरे गोसालं मंखलिपुत्तं एवं वयासी-गोसाला से जहानामए तेणए सिया गामेल्लएहिं परब्भमाणे-परब्भमाणे कत्थ य गड्डं वा दरिं वा दुग्गं वा निण्णं वा पव्वयं वा विसमं वा अणत्सादेमाणे एणेणं महंउण्णालोभेण वा सणलोभेण वा कप्पासपन्हेण वा तणसूएण वा अत्ताणं आवरेत्ताणं चिट्ठेज्जा से णं अणावरिए आवरियमिति अप्पाणं मण्णइ अत्थच्छण्णे य पच्छण्णमिति अप्पाणं मण्णइ अणिलुक्के निलुक्कमिति अप्पाणं मण्णइ अपलाए पलायमिति अप्पाणं मण्णइ एवामेव तुमं पि गोसाला अण्णो संते अण्णमिति अप्पाणं उपलभसि तं मा एवं गोसाला नारिहसि गोसाला सच्चेव ते सा छाया नो अज्जा ॥५५१॥-६५१

(६५०) तए णं से गोसाले मंखलिपुत्ते समणेणं भगवया महावीरेणं एवं युत्ते समाणे आसुरुत्ते रुट्ठे कुविए चंडिकीकए मिसिमिसेमाणे समणं भगवं महावीरं उच्चावयाहिं आसोसणाहिं आसोसइ उच्चावयाहिं उद्धंसणाहिं उद्धंसंति उच्चावयाहिं निब्भंछणाहिं निब्भंछंति उच्चावयाहिं निच्छोडणाहिं निच्छोडेति निच्छोडेत्ता एवं वयासी-नट्ठे सि कदाइ विणट्ठे सि कदाइ भट्ठे सि कदाइ नट्ठ-विणट्ठ-भट्ठे सि कदाइ अज्ज न भवसि नाहि ते ममाहिंते गुहमत्थि ॥५५२॥-६५२

(६५१) तेणं कालेणं तेणं समएणं समणस्स भगवओ महावीरस्स अंतेवासी पाईणजाणवए सव्वाणुभूती नामं अणगारे भगइभए [पगइउवसंते पगइपयणुकोहमाणमायालोभे मिउमद्वसंपत्रे

अक्षीणे। विणीए धम्मायरियाणुराणेणं एयमद्वं असहहमाणे उट्ठाए उट्ठेइ उट्ठेता जेणेव गोसाले मंखलिपुत्ते तेणेव उवागच्छइ उवागच्छिता गोसालं मंखलिपुत्ते एवं वयासी जे वि ताव गोसाला तहारूवस्स समणस्स वा माहणस्स वा अंतियं एगमवि आरियं धम्मियं सुवयणं निसामेति से वि ताव वंदति नमंसति [सक्कारेति सम्माणेति] कल्लाणं मंगलं देवयं चेइयं पञ्जुवासति किमंग पुण तुमं गोसाला भगवया चेव पव्वाविए भगवया चेव मुंडाविए भगवया चेव सेहाविए भगवया चेव सिक्खाविए भगवया चेव बहुस्सुतीकए भगवओ चेव मिच्छं विप्पडिवन्ने तं मा एवं गोसाला नारिहसि गोसाला सच्चेव ते सा छाया नो अण्णा तए णं से गोसाले मंखलिपुत्ते सव्वाणुभूतिणा अणगारेणं एवं वुत्ते समाणे आसुरुत्ते रुठ्ठे कुविए चंडिकिए मिसिमिसेमाणे सव्वाणुभूति अणगारं तवेणं तेएणं एगाहच्चं कूडाहच्चं भासरासिं करेति तए णं से गोसाले मंखलिपुत्ते सव्वाणुभूतिं अणगारं तवेणं तेएणं एगाहच्चं कूडाहच्चं भासरासिं करेता दोच्चं पि समणं भगवं महावीरं उच्चावयाहिं आओसणाहिं आओसइ [उच्चावयाहिं उद्धंसणाहिं उद्धंसेति उच्चावयाहिं निब्बंछणाहिं निब्बंछेति उच्चावयाहिं निच्छोडणाहिं निच्छोडेति निच्छोडेता एवं वयासी-नट्ठे सि कदाइ विणट्ठे सि कदाइ भट्ठे सि कदाइ नट्ठ-विणट्ठ-भट्ठे सि कदाइ अज्ज न भवसि नाहि ते ममाहिंतो। सुहगत्थि तेणं कालेणं तेणं समणं समणस्य भगवओ महावीरस्स अंतेवासी कोसल जाण वए सुनक्खत्ते नामं अणगारे पगइभट्ठए जाव विणीए धम्मायरियाणुराणेणं [एयमद्वं असहहमाणे उट्ठाए उट्ठेइ उट्ठेता जेणेव गोसाले मंखलिपुत्ते तेणेव उवागच्छइ उवागच्छिता गोसालं मंखलिपुत्तं एवं वयासी जे वि ताव गोसाला तहारूवस्स समणस्स वा माहणस्स वा अंतियं एगमवि आरियं धम्मियं सुवयणं निसामेति से वि ताव वंदति नमंसति सक्कारेति सम्माणेति कल्लाणं मंगलं देवयं चेइयं पञ्जुवासति किमंग पुण तुमं गोसाला भगवया चेव पव्वाविए भगवया चेव मुंडाविए भगवया चेव सेहाविए भगवया चेव सिक्खाविए भगवया चेव बहुस्सुतीकए भगवओ चेव मिच्छं विप्पडिवन्ने तं मा एवं गोसाला नारिहसि गोसाला। सच्चेव तो सा छाया नो अण्णा

तए णं से गोसाले मंखलिपुत्ते सुनक्खत्तेणं अणगारेणं एवं वुत्ते समाणे आसुरुत्ते रुठ्ठे कुविए चंडिकिए मिसिमिसेमाणे सुनक्खत्तं अणगारं तवेणं तेएणं परितावेइ तए णं से सुनक्खत्ते अणगारे गोसालेणं मंखलिपुत्तेणं तवेणं तेएणं परिताविए समाणे जेणेव समणं भगवं महावीरं तेणेव उवागच्छइ उवागच्छिता समणं भगवं महावीरं तिकवुत्तो वंदइ-नमंसइ वंदिता नमंसिता सयमेव पंच महव्वयाइं आरुमेति आरुमेत्ता समणा य समणीओ य खामेइ खामेत्ता आलोइय-पडिक्कत्ते सगाहिपत्ते आणुपुव्वीए कालगए तए णं से गोसाले मंखलिपुत्ते सुनक्खत्तं अणगारे तवेणं तेएणं परितावेत्ता तच्चं पि समणं भगवं महावीरं उच्चावयाहिं आओसणाहिं आओसइ सव्वं तं वेद जाव सुहगत्थि तए णं समणे भगवं महावीरं गोसालं मंखलिपुत्तं एवं वयासी-जे वि ताव गोसाला तहारूवस्स समणस्स वा माहणस्स वा [अंतियं एगमवि आरियं धम्मियं सुवयणं निसामेति से वि ताव वंदति नमंसति सक्कारेति सम्माणेति कल्लाणं मंगलं देवयं चेइयं] पञ्जुवासति किमंग पुण गोसाला तुमं मए चेव पव्वाविए मए चेव मुंडाविए [मए चेव सेहाविए मए चेव सिक्खाविए] मए चेव बहुस्सुतीकए ममं चेव मिच्छं विप्पडिवन्ने तं मा एवं गोसाला [नारिहसि गोसाला सच्चेव ते सा छाया] नो अण्णा तए णं से गोसाले मंखलिपुत्ते समणेणं भगवया महावीरेणं एवं वुत्ते समाणे आसुरुत्ते रुठ्ठे कुविए चंडिकिए मिसिमिसेमाणे तेयासमुग्घाएणं समोहण्णइ समोहणित्ता सत्तइ

पयाइं पद्योसक्कइ पद्योसक्किता समणस्स भगवओ महावीरस्स वहाए सरीरगंसि तेयं निसिरति-
से जहानामे वाउक्कलिया इ वा वायमंडलिया इ वा सेलंसि वा कुहंसि वा धंभंसि वा धूमंसि वा
आवारिज्जमाणी वा निवारिज्जमाणी वा सणं तत्थ नो कमति नो पक्कमति एवामेव गोसालस्स वि
मंखलिपुत्तस्स तवे तेए समणस्स भगवओ महावीरस्स वहाए सरीरगंसि निसिद्धे समाणे से णं तत्थ
नो कमति नो पक्कमति अंचियंचि करेति करेत्ता आयाहिण-पयाहिण करेति करेत्ता उड्ढं वेहासं
उप्पइए से णं तत्थ नो कमति नो पक्कमति अंचियंचि करेति करेत्ता आयाहिण-पयाहिणं करेति
करेत्ता उड्ढं वेहासं उप्पइए से णं तओ पडिहए पडिनियत्तमाणे तमेव गोसालस्स मंखलिपुत्तस्स
सरीरगं अणुडहमाइणे-अणुडहमाणे अंतो-अंतो अनुप्पविद्धे

तए णं से गोसाले मंखलिपुत्ते सएणं तेएणं अण्णाइद्धे समाणे समणं भगवं महावीरं एवं
वयासी तुमं णं आउसो कासवा ममं तवेणं तेएणं अण्णाइद्धे समाणो अंतो छण्हं मासाणं
पित्तज्जरपरिगयसरीरे दाहवक्कंतीए छउमत्थे चेव कालं करेस्ससि तए णं समणे भगवं महावीरे
गोसालं मंखलिपुत्तं एवं वयासी-नो खलु अंह गोसाला तव तवेणं तेएणं अण्णाइद्धे समाणे अंतो
छण्हं [मासाणं पित्तज्जरपरिगयसरीरे दाहवक्कंतीए छउमत्थे चेव] कालं करेस्सामि अहण्णं
अण्णाइं सोलस वासाइं जिणे सुहत्थी विहरिस्सामि तुमं णं गोसाला अप्पणा चेव सएणं तेएणं
अण्णाइद्धे समाणे अंतो सत्तरत्तस्स पित्तज्जरपरिगयसरीरे दाहवक्कंतीए छउमत्थे चेव कालं
करेस्ससि तए णं सावत्थीए नगरीए सिंघाडग-जाव-पहेसु बहुजणो अण्णमण्णस्स एवमाइक्खइ
जाव एवं परूवेइ-एवं खलु देवाणुप्पिया सावत्थीए नगरीए बहिया कोट्टए वेइए दुवे जिणा संलवंति
एगे वदंति तुमं पुंवि कालं करेस्समि एगे वदंति तुमं पुंवि कालं करेस्ससि तत्थ णं के पुण
सम्मावादी के मिच्छावादी तत्थ णं जे से अहप्पहाणे जणे से वदंति-समणे भयवं महावीरे सम्मावादी
गोसाले मंखलिपुत्ते मिच्छावादी, अज्जोति समणे भगवं महावीरे समणे निगंथे आमंतेत्ता एवं
वयासी-अज्जो से जहानामए तणरासी इ वा कट्टरासी इ वा पत्तरासी इ वा तयारासी इ वा तुसरासी इ
वा भुसरासी इ वा गोमयरासी इ वा अवकररासी इ या अगणिझामिए अगणिझूसिए
अगणिपरिणामिए हयतेए गयतेए नट्टतेए भट्टतेए लुत्ततेए विणट्टतेए जाए एवामेव गोसाले
मंखलिपुत्ते ममं वहाए सरीरगंसि तेयं निसिरत्ता हयतेए गयतेए [नट्टतेए भट्टतेए लुत्ततेए]
विणट्टतेए जाए तं छंदेणं अज्जो तुय्ये गोसालं मंखलिपुत्तं धम्मियाए पडिचोयणाए पडिचोएह
धम्मियाए पडिसारणाए पडिसारेह धम्मिएणं पडोयारेणं पडोयारेह अट्ठेहि य हेऊहि य पसिणेहि य
वागरणेहि य कारणेहि य निष्पट्टपसिणवागरणं करेह तए णं ते समणा निगंथा समणेणं भगवया
महावीरेणं एवं वुत्ता समाणा समणं भगवं महावीरं वदंति नमंसंति वंदित्ता नमंसित्ता जेणेव गोसाले
मंखलिपुत्ते तेणेव उवागच्छंति उवागच्छित्ता गोसालं मंखलिपुत्तं धम्मियाए पडिचोयणाए पडि-
चोएंति धम्मियाए पडिसारणाए पडिसारंति धम्मिएणं पडोयारेणं पडोयारंति अट्ठेहि य हेऊहि य
[कारणेहि य निष्पट्टपसिण] वागरणं करंति

तए णं से गोसाले मंखलिपुत्ते समणेहि निगंथेहि धम्मियाए पडिचोयणाए पडिचोइज्जमाणे
जाव निष्पट्टपसिणवागरणे कीरमाणे आसुरुत्ते रुद्धे कुविए चंडिक्किए मिसिमिसेमाणे नो संचाएति
समणाणं निगंथाणं सरीरगस्स किंचि आवाहं वा वावाहं या उप्पाएत्ताए छविच्छेदं वा करेत्तए तए
णं ते आजीविया थेरा गोसालं मंखलिपुत्त समणेहि निगंथेहि धम्मियाए पडिचोयणाए पडि-

चोएजमाणं धम्मियाए पडिसारणाए पडिसारिजमाणं धम्मिएणं पडोयारेणं य पडोयारेजमाणं अड्रेहिं य हेऊहि य जाव कीरमाणं आसुरुत्तं रुट्टं कुवियं चंडिकिकयं मिसिमिसेमाणं समणार्णं निग्गंथाणं सरीरगस्स किंचि आवाहं वा वाबाहं वा छविच्छेदं वा अकरेमाणं पासंति पासित्ता गोसालस्स मंखलिपुत्तस्स अंतियाओ आयाए अवक्कमंति अवक्कमिन्ता जेणेव समणे भगवं महावीरे तेणेव उवागच्छंति उवागच्छित्तास मणं भगवं महावीरं तिक्खुत्तो आयाहिणं-पयाहिणं करेति करेत्ता बंदंति नमसंति बंदित्ता नमंसित्ता समणं भगवं महावीरं उवसंपज्जित्ताणं विहरंति अत्येगतिया आजीविया थेरा गोसालं चेव मंखलिपुत्तं उवसंपज्जित्ताणं विहरंति तए णं से गोसाले मंखलिपुत्ते जस्सद्वाए हव्वमाणए तमट्टं असाहेमाणे रुंदाइं पलोएमाणे दीहुण्हाइं नीससमाणे दाढियाए लोमाइं लुंचमाणे अवडुं कंडूयमाणे पुयलिं पफोडेमाणे हत्थे विणिच्छणमाणे दोहि वि पाएहिं भूमिं कोट्टेमाणे हा हा अहो हओहमस्सि ति कट्ठु समणस्स भगवओ महावीरस्स अंतियाओ कोट्टयाओ चेइयाओ पडिनिक्खमंति पडिनिक्खिमिन्ता जेणेव सावत्थी नगरी जेणेव हालाहलाए कुंभकारीए कुंभकारावणे तेणेव उवागच्छइ उवागच्छित्ता हालाहलाए कुंभकारीए कुंभकारावणंसि अंबकूणगहत्थगए मज्झपाणं पियमाणे अभिक्खणं गायमाणे अभिक्खणं नच्चमाणे अभिक्खणं हालाहलाए कुंभकारीए अंजलिकम्मं करेमाणे सीयलएणं मट्ठियापाणएणं आयंविण-उदएणं गायाइं परिसिंचमाणे विरहइ १५५३-१५५३

(६५२) अज्जोति समणे भगवं महावीरे समणे निग्गंथे आमंतेत्ता एवं वयासी-जावतिए णं अज्जो गोसालेणं मंखलिपुत्तेणं ममं वहाए सरीरगंसि तेये निसट्ठे से णं अलाहि पज्जते सोलसण्हं जणवयाणं तं जहा-अंगाणं वंगाणं मगहाणं मलयाणं मालवगाणं अच्छाणं वच्छाणं कोच्छाणं पाट्ठाणं लाट्ठाणं वज्जीणं मोलीणं कासीणं कोसलाणं अवाहाणं सुंमुत्तराणं घाताए वहाए उच्छादणयाए भासीकरणयाए जं पि य अज्जो गोसाले मंखलिपुत्ते हालाहलाए कुंभकारीए कुंभकारावणंसि अंबकूणगहत्थगए मज्झपाणं पियमाणे अभिक्खणं गायमाणे अभिक्खणं नच्चमाणे अभिक्खणं जाव अंजलिकम्मं करेमाणे विहरइ तस्स वि य णं वज्जस्स पच्छादण्डु-याए इमाइं अडु चरिमाइं पण्णवेइ तं जहा-चरिमे पाणे चरिमे गेये चरिमे नट्टे चरिमे अंजलिकम्मे चरिमे पोक्खलसंवट्टए महामेहे चरिमे सेयणए गंधहत्थी चरिमे महासिलाकंटए संगामे अहं च णं इमीसे ओसप्पिणिसमाए चउवीसाए तित्थगराणं चरिमे तित्थगरे सिज्झिस्सं जाव अंतं करेस्सं जं पि य अज्जो गासेले मंखलिपुत्ते सीयलएणं मट्ठियापाणएणं आयंविणउदएणं गायाइं परिसिंचमाणे विहरइ तस्स वि णं वज्जस्स पच्चादण्डयाए इमाइं चत्तारि पाणगाइं चत्तारि अपाणगाइं पत्रवेति, से किं तं पाणए पाणए चउव्विहे पत्रत्ते तं जहा-गोपुट्टए हत्थमहियए आतवत्तए सिलापम्भट्टए सेत्तं पाणए, से किं तं अपाणए अपाणए चउव्विहे पत्रत्ते तं जहा-थालपाणए तयापाणए सिंबलिपाणए सुद्धपाणए, से किं तं थालपाणए थालपाणए-जे णं दाथालगं वा दावारगं वा दाकुंभगं वा दाकलसं वा सीतलगं उल्लगं हत्थेहिं परामुसइ न य पाणियं पियइ सेत्तं थालपाणए, से किं तं तयापाणए तयापाणए-जे णं अंबं वा अंबाडगं वा जहा पओगपदे जाव बोरं वा तेबंरुयं वा तरुणं आमगं आसगंसि आवीलेति वा पवीलेति वा न य पाणियं पियइ सेत्तं तयापाणए से किं तं सिंबलिपाणए सिंबलिपाणए-जे णं कलसंगलियं वा मुग्गसंगलियं वा माससंगलियं वा सिंबलिसंगलियं वा तरुणियं आमियं आसगंसि आवीलेति वा पवीलेति वा न य पाणियं पियति सेत्तं सिंबलिपाणए, से

किं तं सुद्धपाणए सुद्धपाणए-जे णं छम्मासे सुद्धखाइमं खाइ दो मासे पुढविस्संथारोवगए दो मासे कड्ढसंथारोवगए दो मासे दब्बसंथारोवगए तस्स णं बहूपडिपुण्णाणं छण्हं मासाणं अंतिमराईए इमे दो देवा महिइदिट्ठया जाव महेसक्खा अंतिमं पाउब्बवन्ति तं जहा-पुण्णभदे य माणिभदे य तए णं ते देवा सीयलएहिं उल्लएहिं हत्थेहिं गायाइं परामुसंति जे णं ते देवे साइज्जति से णं आसीविसत्ताए कम्मं पकरेति जे णं ते देवे नो साइज्जति तस्स णं संसि सरीरगंसि अगणिकाए संभवति से णं सएणं तेएणं सरीरगं ज्ञामेति ज्ञामेत्ता तओ पच्चा सिज्जति जाव अंतं करेति सेत्तं सुद्धपाणए

तत्थ णं सावत्थीए नयरीए अयंपुले नामं आजीविओवासए परिवसइ-अड्ढे जहा हालाहला जाव आजीवियसएणं अप्पाणं भावेमाणे विहरइ तए णं तस्स अयंपुलस्स आजीवि-ओवासगस्स अण्णया कदापि पुव्वरत्तावरत्तकालसमयंसि कुडुंबजागरियं जागरमाणस्स अयेमा-यारूवे अज्झत्थिए चित्थिए पत्थिए मणोगए संकप्पे समुप्पज्जित्था-किसंठिया णं हल्ला पन्नत्ता तए णं तस्स अयंपुलस्स आजीविओवासगस्स दोहं पि अयमेयारूवे अज्झत्थिए जाव समुप्पज्जित्था-एवं खलु ममं धम्मायरीए धम्मोवदेसए गोसाले मंखलिपुत्ते उप्पन्नानाणदंसणधरे जिणे अरहा केवली सव्वण्णू सव्वदरिसी इहेव सावत्थीए नगरीए हालाहलाए कुंभकारीए कुंभकारावणंसि आजीवियसंघसंपरिवुडे आजीवियसमएणं अप्पाणं भावेमाणे विहरइ तं सेयं खलु मे कल्लं पाउप्पभाए रयणीए जाव उट्ठियम्मि सूरु सहेस्सरस्सिम्मि दिणयरे तेयसा जलन्ते गोसालं मंखलिपुत्तं वंदित्ता जाव पज्जुवासित्ता इमं एयारूवं वागरणं वागरित्तए ति कट्ठु एवं संपेहेति संपेहेत्ता कल्लं पाउप्पभाए रयणीए जाव उट्ठियम्मि सूरु सहेस्सरस्सिम्मि दिणयरे तेयसा जलन्ते न्हाए कयवलिकम्मे जाव अप्पमहग्गधाधरणालंकियसरीरे साओ गिहाओ पडिनिक्खमति पडिनिक्खमित्ता पायविहारचारेणं सावत्थिं नगरिं मज्झमज्झेणं जेणेव हालाहलाए कुंभकारीए कुंभकारावणे तेणेव उवागच्छइ उवागच्छित्ता गोसालं मंखलिपुत्तं हालाहलाए कुंभकारीए कुंभकारावणंसि अंबकूणगहत्थगयं [मज्झपाणं पीयमाणं अभिक्खणं गाथमाणं अभिक्खणं नच्चामाणं अभिक्खणं हालाहलाए कुंभकारीए अंजलिकम्मं करेमाणं सीयलएणं मट्ठिया [पाणएणं आयचिणं-उदएणं] गायाइं परिसिंचमाणं पासइ पासित्ता लज्जिए विलिइए विट्ठे सणियं-सणियं पच्चोसक्कइ तए णं ते आजीविया थेरा अयंपुलं आजीवियोवासगं लज्जियं जाव पच्चोसक्कमाणं पासइ पासित्ता एवं वयासी-एहिं ताव अयंपुल्ला इतो तए णं से अयंपुले आजीवियोवासए आजीवियथेरेहिं एवं वुत्ते समाणे जेणेव आजीविया थेरा तेणेव उवागच्छइ उवागच्छित्ता आजीविए थेरे वंदइ नमंसइ वंदित्ता नमंसित्ता नच्चासत्ते जाव पज्जुघासइ अयंपुलाति आजीविया थेरा अयंपुलं आजीवियोवासगं एवं वयासी-से नूणं ते अयंपुला पुव्वरत्तावरत्तकालसमयंसि जाव किसंठिया णं हल्ला पन्नत्ता

तए णं तव अयंपुला दोहं पि अयमेयारूवे तं चेव सव्वं भाणियव्वं जाव सावत्थिं नगरिं मज्झमज्झेणं जेणेव हालाहलाए कुंभकारीए कुंभकारावणे जेणेव इहं तेणेव हव्वमाणए से नूणं ते अयंपुला अद् ठे समट्ठे हंता अत्थि जं पि य अयंपुला तवं धम्मायरीए धम्मोवदेसए गोसाले मंखलिपुत्ते हालाहलाए कुंभकारीए कुंभकारावणंसि अंबकूणगहत्थगए जाव अंजलिं करेमाणे विहरइ तत्थ वि णं भगवं इमाइं अड्ढ चरिमाइं पन्नवेति तं जहा-चरिमे पाणे जाव अंतं करेस्सति जं पि य अयंपुला तव धम्मायरीए धम्मोवदेसए गोसाले मंखलिपुत्ते सीयलएणं मट्ठिया [पाणएणं आयचिणं-उदएणं गायाइं परिसिंचमाणे] विहरइ तत्थ वि णं भगवं इमाइं चत्तारि पाणगाइं चत्तारि

अपाणगाइं पत्रवेति, से किं तं पाणए पाणए जाव तओ पच्छ सिञ्जतिजाव अंतं करेति तं गच्छ णं तुमं अयंपुला एस चेव तव धम्मावरिए धम्मोवदेसए गोसाले मंखलिपुत्ते इमं एयारूवं वागरणं वागरेहिंति तए णं से अयंपुले आजीविओवासए आजीविएहिं धेरेहिं एवं बुत्ते समणे हड्डुत्ते उट्टाइ उट्टेत्ता जेणेव गोसाले मंखलिपुत्ते तेणेव पहारेत्थ गमणाए तए णं ते आजीविया थेरा गोसालस्स मंखलिपुत्तस्स अंबकूणग-एडावणट्टयाए एंगंतमंते संगारं कुव्वंति तए णं से गोसाले मंखलिपुत्ते आजीवियाणं थेराणं संगारं पडिच्छइ पडिच्छिता अंबकूणगं एंगंतमंते एडेइ तए णं से अयंपुले आजीवियोवासए जेणेव गोसाले मंखलिपुत्ते तेणेव उवागच्छइ उवागच्छिता गोसालं मंखलिपुत्तं तिक्खुत्तो जाव पञ्जुवासति अयंपुलादि गोसाले मंखलिपुत्ते अयंपुलं आजिविवोवासणं एवं वयासी-से नूणं अयंपुला पव्वरत्तवरत्तकालसमयंसि जाव जेणेव ममं अंतियं तेणेव हव्यमागए से नूणं अयंपुला अट्ठे समट्ठे हंता अत्थि तं नो खलु एस अंबकूणए अंबचोयए णं एसे किंसंठिया हल्ला पत्रत्ता वंसीमूलसंठिया हल्ला पत्रत्ता वीणं वाएहि रे वीरगा वीणं वाएहि रे वीरगा

तए णं से अयंपुले आजीवियोवासए गोसालेणं मंखलिपुत्तेणं इमं एयारूवं वागरणं वागरिए समणे हड्डुत्तु जाव हियए गोसालं मंखलिपुत्तं बंदइ नमंसइ बंदित्ता नमसित्ता पसिणाइं पुच्छइ पुच्छित्ता अट्टाइं परियादिवइ परियादिइत्ता उट्टाए उट्टेइ उट्टेत्ता गोसालं मंखलिपुत्तं बंदइ नमंसइ बंदित्ता नमसित्ता जामेव दिसं पाउट्ठूए तामेव दिसं पडिगए तए णं से गोसाले मंखलिपुत्ते अप्पणो मरणं आभोएइ आभोएत्ता आजीविए धेरे सद्दावेइ सद्दावेत्ता एवं वयासी-तुल्ले णं देवाणुप्पिया ममं कालमयं जाणित्ता सुरभिणा गंधोदएणं ण्हाणेइ ण्हाणेत्ता पम्हलसुकुमालाए गंधकासाईए गायाइं लूहेह लूहेत्ता सरसेणं गोसीसचंदणेणं गायाइं अनुलिंपह अनुलिंपित्ता महरिं हंसलक्खणं पडसाडणं नियंसेह निवंसेत्ता सब्बालंकारविभूसियं करेह करेत्ता पुरिससहस्सवाहिणिं सीयं दुरुहेह दुरुहेत्ता सावत्थीए नयरीए सिंघाडग तिग-चउक्क-चच्चर-चउम्मुह-महापह-पहेसु महया-महया सदेणं उग्घोसेमाणा-उग्घोसेमाणा एवं वदइ-एवं खलु देवाणुप्पिया गोसाले मंखलिपुत्ते जिणे जिणप्पलावी [अरहा अरहप्पलावी केवली केवलिप्पलावी सब्बणू सब्बणुप्पलावी जिणे] जिणसदं पगासेमाणे विहरित्ता इमीसे ओसप्पिणीए चउवीसाए तित्थगराणं चरिमे तित्थगरे सिद्धे जाव सब्बदुक्खप्पहीणे-इडिडसक्कारसमुदएणं मम सरीरगस्स नीहरणं करेह तए णं ते आजीविया थेरा गोसालस्स मंखलिपुत्तस्स एयमट्ठं विणएणं पडिसुणंति ॥५५४॥-५५५॥

(६५३) तए णं तस्स गोसालस्स मंखलिपुत्तस्स सत्तरत्तंसि परिणममाणंसि पडिलद्ध-सम्मतस्स अयमेयारूवे अज्झत्थिए [चित्तिए पत्थिए मणोगए] संकप्पे समुप्पज्जित्था-नो खलु अहं जिणे जिणप्पलावी अरहा अरहप्पलावी [केवली केवलिप्पलावी सब्बणू सब्बणुप्पलावी जिणे] जिणसदं पगासेमाणे विहरित्ते अहण्णं गोसाले चेव मंखलिपुत्ते समणघायए समणमारए समण-पडिणीए आयरिय-उवज्झायाणं अयसकारए अवण्णकारए अकित्तिकारए बहूहिं असब्बाबुब्बा-वणाहिं मिच्छताभिनिवेत्तेहिं य अप्पाणं वा परं वा तदुमयं वा वुग्गाहेमाणे वुप्पाएमाणे विहरित्ता सएणं तेएणं अण्णाइत्ते समणे अंतो सत्तरत्तस्स पित्तज्जरपरिगयसरीरे दाहवक्कंतीए छउमत्थे चेव कालं करेस्सं समणे भगवं महावीरे जिणे जिणप्पलावी जाव जिणसदं पगासेमाणे विहरइ-एवं संपे-हेति संपेहेत्ता आजीविए धेरे सद्दावेइ सद्दावेत्ता उच्चवय-सवह-सावियए पकरेति पकरेत्ता एवं वयासी-नो खलु अहं जिणे जिणप्पलावी जाव पगासेमाणे विहरिए अहण्णं गोसाले चेव मंखलिपुत्ते

समणघायए [समणमारए समणपडिणीए आयरिय-उवज्झायाणं अयसकारए अवण्णकारए अकित्तिकारए बहूहिं असब्बा-बुब्बावणाहिं भिच्छताभिनिवेसेहि य अप्पाणं वा परं वा तदुमयं वा वुग्गाहेमाणे वुप्पाएमाणे विहरित्ता सएणं तेएणं अण्णाइडे समाणे अंतो सत्तरत्तस्स पित्तज्जर-परिगयसरीरे दाहवक्कंतीए] छउमत्ये चेव कालं करेस्सं समणे भगवं महावीरे जिणे जिणप्पलावी जाव जिणसइ पगासेमाणे विहरइ तं तुब्भं णं देवाणुप्पिया ममं कालगयं जाणित्ता वामे पाए सुंवेणं बंधेह बंधेत्ता तिक्खुत्तो मुहे उड्ढमेह उड्ढमेत्ता सावत्थीए नगरीए सिंघाडग-जाव-पहेसु आकट्ट-विकट्टिं करेमाणा महया-महया सदेणं उग्घोसेमाणा-उग्घोसेमाणा एवं वदह-नो खलु देवाणुप्पिया गोसाले मंखलिपुत्ते जिणे जिणप्पलावी जाव विहरिए एस णं गोसाले चेव मंखलिपुत्ते समणघायए जाव छउमत्ये चेव कालगए समणे भगवं महावीरे जिणे जिणप्पलावी जाव विहरइ महया अणिइडी-असक्कारसमुदएणं ममं सरीरगस्स नीहरणं करेज्जाह-एवं वदित्ता कालगए ।५५५।-555

(६५४) तए णं आजीविवा येरा गोसालं मंखलिपुत्तं कालगयं जाणित्ता हालाहलाए कुंभकारीए कुंभकारावणस्स दुवाराइं पिहेति पिहेत्ता हालाहलाए कुंभकारीए कुंभकारावणस्स बहुमज्झदेसभाए सावत्थि नगरिं आलिहंति आलिहिता गोसालस्स मंखलिपुत्तस्स सरीरगं वामे पदे सुंवेणं बंधंति बंधित्ता तिक्खुत्तो मुहे उड्ढमंति उड्ढमिन्ता सावत्थीए नगरीए सिंघाडग-तिग-चउक्क-चच्चर-चउम्मुह-महापहा-पहेसु आकट्ट-विकट्टिं करेमाणा नीयं-नीयं सदेणं उग्घोसेमाणा उग्घो-सेमाणा एवं वयासी नो खलु देवाणुप्पिया गोसाले मंखलिपुत्ते जिणे जिणप्पलावी जाव विहरिए एस णं गोसाले चेव मंखलिपुत्ते समणघायए जाव छउमत्ये चेव कालगए समणे भगवं महावीरे जिणं जिणप्पलावी जाव विहरइ-सवह-पडिमोक्खणगं करेति करेत्ता दोहं पि पूया-सक्कार-थिरीकरणट्ठयाए गोसालस्स मंखलिपुत्तस्स वामाओ पादाओ सुवं मुयंति मुइत्ता हालाहलाए कुंभकारीए कुंभकारावणस्स दुवार-वयणाइं अवंगुणंति अवंगुणित्ता गोसालस्स मंखलिपुत्तस्स सरीरगं सुरभिणा गंधोदएणं ण्हाणेति तं चेव जाव महया इड्ढिसक्कारसमुदएणं गोसालस्स मंखलिपुत्तस्स सरीरगस्स नीहरणं करेति ।५५६।-556

(६५५) तए णं समणे भगवं महावीरे अण्णया कदायि सावत्थीओ नगरीओ कोट्ठयाओ चेइयाओ पडिनिक्खमंति पडिनिक्खमिन्ता बहिया जणवयविहारं विहरइ तेणं कालेणं तेणं समएणं मेंढियागामे नामं नगरे होत्था-वण्णओ तस्स णं मेंढियागामस्स नगरस्स बहिया उत्तरपुरत्थिमे दिसीमाए एत्थ णं साणकोट्टए नामं चेइए होत्था-वण्णओ जाव पुढविस्सिल्लपट्टओ तस्स णं साणकोट्टगस्स चेइयस्स अदूरसामंतं एत्थ णं महेगे मालुयाकच्छए यावि होत्था-किण्हें किण्होभासे जाव महामेहनुरुबंभूए पत्तिए पुप्फिए फलिए हरियगरेरिज्जमाणे सिरीए अतीव-अतीव उवसो-भेमाणे चिद्धति तत्थ णं मेंढियागामे नगरे रेवती नामं गाहावइणी परिवसति-अइदा जाव बहुजणस्स अपरिभूया तए णं समणे भगवं महावीरे अण्णदा कदायि पुब्बाणुपुब्बिं चरमाणे [गामाणुगामं दूइज्जमाणे सुहंसुहेणं विहरमाणं] जेणेव मेंढियागामे नगरे जेणेव साणकोट्टए चेइए तेणेव उवागच्छइ जाव परिसा पडिगया तए णं समणस्स भगवओ महावीरस्स सरीरगंसि विपुले रोगायंके पाउब्बूए-उज्जले [विउले पगाढे कक्कसे कडुए चंडे दुक्खे दुग्गे तिब्बे] दुरहियासे पित्तज्जरपरिग-यसरीरे दाहवक्कंतीए यावि विहरति अवि चाइं लोहिय-वच्चाइं पि पकरेइ चाउवण्णं च णं वागरेत्ति-एवं खलु समणे भगवं महावीरे गोसालस्स मंखलिपुत्तस्स तवेणं तेएणं अण्णाइडे समाणे

अतो छन्हं मासाणं पित्तज्वरपरिगयसरीरदाहवक्कंतिए छउमत्ये चैव कालं करेस्सति तेणं कालेणं तेमं समएणं समणस्स भगवओ महावीरस्स अंतेवासी सीहे नामं अणगारे-पगइमद्दए जाव विणीए मालुयाकच्छगस्स अदूरसामंते छट्ठं-छट्ठेणं अणिक्खित्तेणं तवोकम्मेणं उड्ढं बाहाओ [पणिज्झियं-पणिज्झियं सूरभिमुहे आयावणभूमीए आयावेमाणे] विहरति

तए णं तस्स सीहस्स अणगारस्स ज्ञाणंतरियाए वट्टमाणस्स अयमेयारूवे अज्झत्थिए [चित्थिए पत्थिए मणोगए] संकप्पे समुप्पज्झित्था-एवं खलु ममं धम्मयारियस्स धम्मोवदेसगस्स समणस्स भगवओ महावीरस्स सरीरगंसि विउले रोगायंके पाउब्बूए-उज्जले जाव छउमत्ये चैव कालं करेस्सति वदिस्संति य णं अण्णत्थित्थिया-छउमत्ये चैव कालगए-इमेणं एयारूवेणं महया मणोमाणसिएणं दुक्खेणं अभिभूए समाणे आयावणभूमीओ पद्योरूभइ पद्योरूभित्ता जेणेव मालुयाकच्छए तेणेव उवागच्छइ उवागच्छित्ता मालुयाकच्छगं अंतो-अंतो अनुपविसइ अनुप-विसित्ता महया-महया सद्देणं कुहुकुहुस्स परुण्णे अज्जेति समणे भगवं महावीरे समणे निगंथे आमंतेति आमंतेत्ता एवं वयासी-एवं खलु अज्जो ममं अंतेवासी सीहे नामं अणगारे पगइमद्दए [जाव विणीए मालुयाकच्छगस्स अदूरसामंते छट्ठं-छट्ठेणं अणिक्खित्तेणं तवोकम्मेणं विहरति तए णं तस्स सीहस्स अणगारस्स ज्ञाणंतरियाए वट्टमाणस्स अयमेयारूवे अज्झत्थिए जाव संकप्पे समुप्प-ज्झित्था-एवं खलु ममं धम्मयारियस्स धम्मोवदेसगस्स समणस्स भगवओ महावीरस्स सरीरगंसि विउले रोगायंके पाउब्बूए-उज्जले जाव छउमत्ये चैव कालं करेस्सति वदिस्संति य णं अण्णत्थित्थिया-छउमत्ये चैव कालगए-इमेणं एयारूवेणं महया मणोमाणसिएणं दुक्खेणं अभिभूए समाणे आयावणभूमीओ पद्योरूभइ पद्योरूभित्ता जेणेव मालुयाकच्छए तेणेव उवागच्छइ उवागच्छित्ता मालुयाकच्छगं अंतो-अंतो अनुपविसइ अनुपविसित्ता महया-महया सद्देणं कुहुकुहुस्स] परुण्णे तं गच्छह णं अज्जो तुव्भे सोहं अणगारं सद्दाह तए णं ते समणा निगंथा समणेणं भगवया महावीरेणं एवं वुत्ता समाणा समणं भगवं महावीरं वंदंति नमंस्संति वंदित्ता नमंस्सित्ता समणस्स भगवओ महावीरस्स अंतिवाओ साणकोट्टगाओ चेइयाओ पडिनिक्खमंति पडिनिक्खमित्ता जेणेव मालुयाकच्छए जेणेव सीहे अणगारे तेणेव उवागच्छइ उवागच्छित्ता सीहं अणगारं एवं वयासी सीहा धम्मयारिया सद्दावेति तए णं से सीहे अणगारे समणेहिं निगंथेहिं सद्धिं मालुयाकच्छगाओ पडिनिक्खमइ पडिनिक्खमित्ता जेणेव साणकोट्टए चेइए जेणेव समणे भगवं महावीरं तेणेव उवागच्छइ उवागच्छित्ता समणं भगवं महावीरं तिक्खुत्तो आयाहिणं पयाहिणं जाव पज्जुवासति

सीहादि समणे बगवं महावीरे सीहं अणगारं एवं वयासी-से नूणं ते सीहा ज्ञाणंतरियाए वट्टमाणस्स अयमेयारूवं [अज्झत्थिए संकप्पे समुप्पज्झित्थया-एवं खलु ममं धम्मयारियस्स जाव महावीरस्स सरीरगंसि विउले रोगायंके पाउब्बूए-उज्जले जाव छउमत्ये चैव कालं करेस्सति वदिस्संति य णं अण्णत्थित्थिया-छउमत्ये चैव कालगए-इमेणं एयारूवेणं दुक्खेणं अभिभूए समाणे आयावणभूमीओ पद्योरूभित्ता जेणेव मालुयाकच्छए तेणेव उवागच्छित्ता मालुयाकच्छगं अंतो-अंतो अनुपविसित्ता महया-महया सद्देणं कुहुकुहुस्स] परुण्णे से नूणं ते सीहा अट्ठे समट्ठे हंता अत्थि तं नो खलु अहं सीहा गोसालस्स मंखलिपुत्तस्स तवेण तेएणं अण्णाइट्ठे समाणे अंतो छन्हं मासाणं जाव कालं करेस्सं अहण्णं अद्ध सोलस वासाइ जिणे सुहत्थी विहरिस्सामि तं गच्छह णं तुमं सीहा मेढियगामं नगरं रेवतीए गाहावतिणीए गिहं तत्थ णं रेवतीए गाहावतिणीए ममं अट्ठाए दुवे कवोय-

सरीरा उवक्खडिया तेहिं नो अड्ढो अत्थि से अण्णे पारियासिए मज्जारकडए कुक्कुडमंसए तमाह-
 राहि एएणं अड्ढो तए णं से सीहे अणगारे समणेणं भगवया महावीरेणं एवं वुत्ते समाणे [हट्टतुड-
 चित्तमाणंदिए नंदिए पीइमाणे परमसोमणस्सिए हरिसवसदिसप्पमाणा] हियए समणं भगवं
 महावीरं वंदइ नमंसइ वंदिता नमंसिता अतुरियमचलमसंभंतं मुहपोत्तियं पडिलेहेति पडिलेहेता
 [भायणवत्थाइं पडिलेहेति पडिलेहेता भायणाइं पमज्जइ पमज्जिता भायणाइं उग्गाहेइ उग्गाहेता]
 जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं वंदइ नमंसइ
 वंदिता नमंसिता समणस्स भगवओ महावीरस्स अंतियाओ साणकोट्टगाओ चेइयाओ पडिनि-
 क्खमति पडिनिक्खमिता [अतुरियमचलमसंभंतं जुगंतरपलोयणाए दिट्ठीए पुरओ रियं सोहेमा-
 णे-सोहेमाणे] जेणेव मेढियगामे नगरे तेणेव उवागच्छइ उवागच्छित्ता मेढियगामं नगरं मज्झमज्झेणं
 जेणेव रेवतीए गाहावड्णीए गिहे तेणेव उवागच्छइ उवागच्छित्ता रेवतीए गाहावतिणीए गिहं
 अनुप्पविट्ठे

तए णं सा रेवती गाहावतिणी सीहं अणगारं एज्जमाणं पासति पासित्ता हट्टतुड्ढा खिप्पामेव
 आसणाओ अब्भुडेइ अब्भुडेत्ता सीहं अणगारं सत्तद्ध पयाइं अनुगच्छइ अनुगच्छित्ता तिकवुत्तो
 आयाहिणं-पयाहिणं करेति करेत्ता वंदति नमंसति वंदिता नमंसिता एवं वयासी-संदिसंतु णं
 देवाणुप्पिया किमागमणप्पययोयणं तए णं से सीहे अणगारे रेवति गाहावड्णिं एवं वयासी-एवं
 खलु तुमे देवाणुप्पिए समणस्स भगवओ महावीरस्स अट्ठाए दुवे कवोय-सरीरा उवक्खडिया तेहिं
 नो अड्ढो अत्थि ते अण्णे पारियासिए मज्जारकडए कुक्कुडमंसए एयमाए राहिं तेणं अड्ढो तए णं सा
 रेवती गाहावड्णी सीहं अणगारं एवं वयासी-केस णं सीहा से नाणी वा तवस्सी वा जेणं तव एस
 अट्ठे मम ताव रहस्सकडे हव्वमक्खाए जओ णं तुमं जाणासि [तए णं से सीहे अणगारे रेवइ
 गाहावड्णिं एवं वयासी-एवं खलु रेवई ममं धम्मायरिए भगवं महावीरे उप्पन्ननाणदंसणधरे अरहा
 जिणे केवली तीयपद्युप्पन्नमाणागयवियाणए सव्वण्णु सव्वदरिसी जेणं मम एस अट्ठे तव ताव
 रहस्सकडे हव्वमक्खाए] जओ णं अहं जाणामि तए णं सा रेवती गाहावतिणी सीहस्स अणगारस्स
 अंतियं एयमट्ठं सोद्या निसम्मं हट्टतुड्ढा जेणेव भत्ताधरे तेणेव उवागच्छइ उवागच्छित्ता पत्तगं मोएत्ति
 मोएत्ता जेणेव सीहे अणगारे तेणेव उवागच्छइ उवागच्छित्ता सीहस्स अणगारस्स पडिग्गहंसि तं
 सव्वं सम्मं निस्सरति तए णं तीए रेवतीए गाहावतिणीए तेणं दव्वसुद्धेणं [दायगसुद्धेणं
 पडिगाहगसुद्धेणं तिविहेणं तिकरणसुद्धेणं] दाणेणं सीहे अणगारे पडिलाभिए समाणे देवाउए
 निवद्धे [संसारे परित्तीकए गिहंसि य से इमाइं पंच दिव्वाइं पाउब्भूयाइं तं जहा-वसुधारा वुड्ढा
 दसद्धवणे कुसुमे निवातिए चेलुकवेवे कए आहायाओ देवदुंदुमीओ अंतरा वि य णं आगासे अहो
 दाणे अहो दाणे ति पुट्ठे तए णं रायगिहे नगरे सिंघाडग-जाव-पहेसु बहुजणो अण्णमण्णस्स
 एवमाइक्खइ एवं भासइ एवं पण्णवेइ एवं परूवेइ धत्ता णं देवाणुप्पिया रेवई गाहावड्णी कयत्था
 णं देवाणुप्पिया रेवई गाहावड्णी कयपुण्णा णं देवाणुप्पिया रेवई गाहावड्णी कयलक्खणा णं
 देवाणुप्पिया रेवई गाहावड्णी कया णं लोया देवाणुप्पिया रेवतीए गाहावतिणीए सुलद्धे णं
 देवाणुप्पिया माणुस्सए जम्भजीवियफले रेवतीए गाहावतिणीए जस्स णं गिहंसि तहारूवे साधू
 साधुरूवे पडिलाभिए समाणे इमाइं पंच दिव्वाइं पाउब्भूयाइं तं धत्ता कयत्था कयपुण्णा
 कयलक्खणा कया णं लोया सुलद्धे माणुस्सए] जम्भजीवियफले रेवतीए गाहावतिणीए रेवतीए

गाहावतिणीए तए णं से सीहे अणगारे रेवतीए गाहावतिणीए गिहाओ पडिनिक्खमत्ति पडिनिक्खमत्ता पेडियगामं नगरं मज्झमज्जेणं निग्गच्छइ निग्गच्छिता जहा गोयमसासी जाव भत्तपाणं पडिदंसेत्ति पडिदंसेत्ता समणस्स भगवओ महावीरस्स पाणिंसि तं सव्वं सम्मं निस्सिरत्ति तए णं समणे भगवं महावीरे अमुच्छिए जाव अणज्झोववन्ने विलमिव पन्नगभूएणं अप्पाणेणं तमाहारं सरीरकोट्टगंसि पक्खिवत्ति तए णं समणस्स भगवओ महावीरस्स तमाहारं आहारियस्स समणस्स से विपुले रोगायंके खिप्पामेव उवसंते हट्ठे जाए अरोगे बलियसरीरे तुट्ठा समणा तुट्ठाओ समणीओ तुट्ठा सावया तुट्ठाओ सावयाओ तुट्ठा देवा तुट्ठाओ देवीओ सदवमणुयासुरे लोए तुट्ठे-हट्ठे जाए समणे भगवं महावीरे हट्ठे जाए समणे भगवं महावीरे ।५५७।-५५७

(६५६) भंतेति भगवं गोयमे समणं भगवं महावीरं वंदति नमंसत्ति वंदित्ता नंसित्ता एवं वयासी-एवं खलु देवाणुप्पियाणं अंतेवासी पाईणजाणवए सव्वाणुभूति नामं अणगारे पगइभट्टए जाव विणीए से णं भंते तदा गोसालेणं मंखलिपुत्तेणं तवेणं तेएणं भासरासीकए समाणे कहिं गए कहिं उवन्ने एवं खलु गोयमा ममं अंतेवासी पाईणजाणवए सव्वाणुभूती नामं अणगारे पगइभट्टए जाव विणीए से णं तदा गोसालेणं मंखलिपुत्तेणं तवेणं तेएणं भासरासीकए समाणे उड्ढं चंदिम-सूरिय जाव बंध-तंतक-महामुक्के कप्पे वीइवइत्ता सहस्सारे कप्पे देवत्ताए उववत्ते तत्थ णं अत्थेगत्तियाणं देवाणं अट्टारस सागरोवमाइं ठिती पन्नत्ता तत्थ णं सव्वाणुभूतिस्स वि देवस्स अट्टारस सागरोवमाइं ठिती पन्नत्ता से णं भंते सव्वाणुभूती देवे ताओ देवलोगाओ आउक्खएणं भवक्खएणं ठिइक्खएणं अनंतरं चयं चइत्ता कहिं गच्छिहिति कहिं उववज्जिहिति गोयमा महाविदेहे वासे सिज्झिहिति जाव सव्वदुक्खाणं अंतं करेहिति एवं खलु देवाणुप्पियाणं अंतेवासी कोसलजाणवए सुनक्खत्ते नामं अणगारे पगइभट्टए जाव विणीए से णं भंते तदा गोसालेणं मंखलिपुत्तेणं तवेणं तेएणं परिताविए समाणे कालमासे कालं किट्ठा कहिं गए कहिं उववत्ते एवं खलु गोयमा ममं अंतेवासी सुनक्खत्ते नामं अणगारे पगइभट्टए जाव विणीए से णं तदा गोसालेणं मंखलिपुत्तेणं तवेणं तेएणं परिताविए समाणे जेणेव ममं अंतिए तेणेव उवागच्छइ उवागच्छिता वंदति नमंसत्ति वंदित्ता नंसित्ता सयमेव पंच महव्वयाइं आरुभेत्ति आरुभेत्ता समणा य समणीओ च खामेत्ति खामेत्ता अल्लोइए-पडिक्कत्ते समाहिपत्ते कालमासे कालं किट्ठा उड्ढं चंदिम-सूरिय जाव आणय-पाणयारणे कप्पे वीइवइत्ता अट्टए कप्पे देवत्ताए उववत्ते तत्थ णं अत्थेगत्तियाणं देवाणं बावीसं सागरोवमाइं ठिती पन्नत्ता तत्थ णं सुनक्खत्तस्स वि देवस्स बावीसं सागरोवमाइं ठिती पन्नत्ता से णं भंते सुनक्खत्ते अनंतरं चयं चइत्ता कहिं गच्छिहिति कहिं उववज्जिहिति गोयमा महाविदेहे वासे सिज्झिहिति जाव सव्वदुक्खाणं अंतं काहिति ।५५८।-५५८

(६५७) एवं खलु देवाणुप्पियाणं अंतेवासी कुसिस्से गोसाले नामं मंखलिपुत्ते से णं भंते गोसाले मंखलिपुत्ते कालमासे कालं किट्ठा कहिं गए कहिं उववन्ने एवं खलु गोयमा ममं अंतेवासी कुसिस्से गोसाले नामं मंखलिपुत्ते समणघायए जाव छउमत्थे चेव कालमासे कालं किट्ठा उड्ढं चंदिम-सूरिय जाव अट्टए कप्पे देवत्ताए उववत्ते तत्थ णं अत्थेगत्तियाणं देवाणं बावीसं सागरोवमाइं ठिती पन्नत्ता तत्थ णं गोसालस्स वि देवस्स बावीसं सागरोवमाइं ठिती पन्नत्ता से णं भंते गोसाले देवे ताओ देवलोगाओ आउक्खएणं भवक्खएणं ठिइक्खएणं [अनंतरं चयं चइत्ता कहिं गच्छिहिति कहिं उववज्जिहिति] गोयमा इहेव जंबुदीवे दीवे बारहे वासे विज्झगिरिपायमूले पुंडेसु

जणवएसु सयदुवारे नगरे संमुतिसस रण्णो भद्दाए भारियाए कुच्छिसि पुत्ताए पच्चायाहिति से णं तत्थण नवण्हं मासाणं बहुपडिपुण्णाणं [अउड्डुमाणं य राइदियाणं] वीइक्कंताणं जाव सुरूवे दारए पयाहिति जं रयणिं च णं से दारए जाइहिति तं रयणिं च णं सयदुवारे नगरे सव्वितरबाहिरिए भारग्गसो य कुंभग्गसो य पउमवासे य रयणवासे य वासे वासिहिति तए णं तस्स दारगस्स अम्मापियरो एक्कारसमे दिवसे वीइक्कंते [निव्वत्ते असुइजायकम्मकरणे] संपत्ते बारसमे दिवसे अयमेयारूवं गोण्णं गुणनिप्फन्नं नामधेज्जं काहिति-जम्हा णं अहं इमंसि दारगंसि जायंसि समाणंसि सयदुवारे नगरे सव्वितरबाहिरिए जाव रयणवासे बुद्धे तं होउ णं अहं इमस्स दारगस्स नामधेज्जं महापउमे-महापउमे तए णं तस्स दारगस्स अम्मापियरो नामधेज्जं करोहिति महापउमे ति

तए णं तं महापउमं दारगं अम्मापियरो सातिरेगडुवासजायगं जाणित्ता सोभणंसि तिहि-करण-दिवस-नक्खत्तमुहुत्तंसि महया-महया रायाभिसेगेणं अभिसिंचेहिति से णं तत्थ राया भविस्सति-महया हिमवत्त-महंत-मलय-मंदर-महिंदसारे वण्णओ जाव विहरिस्सइ तए णं तस्स महापउमस्स रण्णो अण्णदा कदायि दो देवा महिइद्धिया जाव महेसक्खा सेणाकम्मं काहिति तं जहा-पुण्णभदे य माणिभदे य तए णं सयदुवारे नगरे बहवे राईसर-तलवर-[माडंबिय-कोडुंबिय-इत्थ-सेट्ठि-सेणावड]-सत्थवाहप्पभित्तओ अण्णमण्णं सद्दावेहिति सद्दावेत्ता एवं वेदेहिति-जम्हा णं देवाणुप्पिया महापउमस्स रण्णो दो देवा महिइद्धिया जाव महेसक्खा सेणाकम्मं करोति तं जहा-पुण्णभदे य माणिभदे य तं होउ णं देवाणुप्पिया अहं महापउमस्स रण्णो वि नामधेज्जे देवसेणे देव-सेणे तए णं तस्स महापउमस्स रण्णो दो द्वे वि नामधेज्जे भविस्सति देवसेणे रि तए णं तस्स देव-सेणस्स रण्णो अण्णया कयाइ सेते संखतल-विमल-सत्रिगासे चउदंतं हत्थिरयणे समुप्पज्जियस्सइ तए णं से देवसेणे राया तं सेयं संखतल विमल-सत्रिगासं चउदंतं हत्थिरयणं दुरुढे समाणे सयदुवारं नगरं मज्झंमज्झेणं अभिक्खणं-अभिक्खणं अतिजाहिति य निज्जाहिति य तए णं सयदुवारे नगरे बहवे राईसर-जाव-सत्थवाहप्पभित्तओ अण्णमण्णं सद्दावेहिति सद्दावेत्ता वेदेहिति-जम्हा णं देवाणु-प्पिया अहं देवसेणस्स रण्णो सेते संखतल-विमल-सत्रिगासे चउदंतं हत्थिरयणे समुप्पत्रे तं होउ णं देवाणुप्पिया अहं देवसेणस्स रण्णो तच्चे वि नामधेज्जे विमलवाहणे-विमलवाहणे तए णं तस्स देव-सेणस्स रण्णो तच्चे वि नामधेज्जे भविस्सति विमलवाहणे ति तए णं से विमलवाहणे राया अण्णया कदायि समणेहिं निगंथेहिं मिच्छं विप्पडिवज्जिहिति-अप्येगतिए आसोसेहिति अप्येगतिए अवहसिहिति अप्येगतिए निच्छोडेहिति अप्येगतिए निव्वंछे-हिति अप्येगतिए वंधेहिति अप्येगतिए निसंभेहिति अप्येगतियाणं छविच्छेदं करोहिति अप्येगतिए पमारेहिति अप्येगतिए उट्ठवेहिति अप्येगतियाणं वत्थं पडिग्गहं कंबलं पायपुंछणं आच्छिदिहिति विच्छिदिहिति भिदिहिति अवहरिहिति अप्येगतियाणं मत्तपाणं वोच्छिदिहिति अप्येगतिए निजगरे करोहिति अप्येगतिए निव्विसए करोहिति

तए णं सयदुवारे नगरे बहवे राईसर-जाव वेदिहिति एवं खलु देवाणुप्पिया विमलमवाहणे राया समणेहिं निगंथेहिं मिच्छं विप्पडिवज्जे-अप्येगतिए आसोसति जाव निव्विसए करोति तं नो खलु देवाणुप्पिया एयं अहं सेयं नो खलु एयं विलवाहणस्स रण्णो सेयं नो खलु एयं रज्जस्स वा रड्ठस्स वा बलस्स वा वाहणस्स वा पुरस्स वा अंतेउरस्स वा जणवयस्स वा सेयं जण्णं विमलवाहणे राया समणेहिं निगंथेहिं मिच्छं विप्पडिवज्जे तं सेयं खलु देवाणुप्पिया अहं विमलवाहणं रायं एयमहं

विष्णवेत्तए तिकट्टु अण्ममणस्स अंतियं एयमठं पडिसुणेहिंति पडिसुणेत्ता जेणेव विमलवाहणे राया तेणेव उवागच्छिहिंति उवागच्छित्ता करयलपरिग्गहियं [दसनहं सिरसावत्तं मत्थए अंजलिं कट्टु विमलवाहणं रायं जएणं विजएणं वद्धावेहिंति वद्धावेत्ता एवं वदिहिंति-एवं खलु देवाणुप्पिया समणेहिं निग्गंधेहिं मिच्छं विप्पडिवत्ता अप्पेगतिए आसोसंति जाव अप्पेगतिए निव्विसए करोति तं नो खलु एयं देवाणुप्पियाणं सेयं नो खलु एयं अम्मं सेयं नो खलु एयं रत्तस्स वा जाव जणवयस्स वा सेयं जणं देवाणुप्पिया समणेहिं निग्गंधेहिं मिच्छं विप्पडिवत्ता तं विरमंतु णं देवाणुप्पिया एयस्स अट्टस्स अकरणयाए तए णं से विमलवाहणे राया तेहिं बहूहिं [राईसर-तलवर-माडंबिय-कोडुंबिय-इत्थ-सेट्टि-सेणावड]-सत्थवाहणंभिहिं एयमट्ठं विण्णत्ते समाणे नो धम्मो त्ति नो तवो त्ति मिच्छा-विणएणं एयमट्ठं पडिसुणेहिंति तस्स णं सयदुवारस्स नगरस्स यहिया उत्तरपुरत्थिमे दीसीभागे एत्थ णं सुभूमिभागे नामं उज्जाणे भवित्सइ-सव्योउयपुष्फ-फलसमिद्धे वण्णओ तेणं कालेणं तेणं समएणं विमलस्स अरहओ पओप्पए सुमंगले नामं अणगारे जाइसंपत्ते जहा धम्मघोसस्स वण्णओ जाव संखितविउलतेयलेस्से तिन्नाणोवगए सुभूमिभागस्स उज्जाणस्स उदूरसामंते छट्ठंछट्ठेणं अणि-क्खित्तेणं [तवोकम्मेणं उड्ढं बाहाओ पगिज्झिय-पगिज्झिय सूराम्भिमुहे आयावणभूमीए] आयावेमाणे विहरिस्सति

तए णं से विमलवाहणे राया अण्णदा कदायि रहचरियं काउं निज्जाहिंति तए णं से विमलवाहणे राया सुभूमिभागस्स उज्जाणस्स अदूरसामंते रहचरियं करेमाणे सुमंगलं अणगारं छट्ठंछट्ठेणं आयावेमाणं पासिहिंति पासित्ता आसुरुत्ते रुट्ठे कुविए चंडिकिए मिसिमिसेमाणे सुमंगलं अणगारं रहसिरेणं नोद्धावेहिंति तए णं से सुमंगले अणगारे विमलवाहणेणं रण्णा रहसिरेणं नोद्धाविए समाणे सणियं-सणियं उट्ठेहिंति उट्ठेत्ता दोच्चं पि उड्ढं बाहाओ पगिज्झिय-पगिज्झिय सूराम्भिमुहे आयावणभूमीए आयावेमाणे विहरिस्सति तए णं से विमलवाहणे राया सुमंगलं अणगारं दोच्चं पि रहसिरेणं नोद्धावेहिंति तए णं से सुमंगले अणगारे विमलवाहणेणं रण्णा दोच्चं पि रहसिरेणं नोद्धाविए समाणे सणियं-सणियं उट्ठेहिंति उट्ठेत्ता ओहिं पउंजेहिंति पउजित्ता विमलवाहणस्स रण्णो तीतद्धं आभोएहिंति आभोएत्ता विमलवाहणं रायं एवं वडिहिंति-नो खलु तुमं विमलवाहणे राया नो खलु तुमं देवसेणे राया नो खलु तुमं महापउमे राया तुमण्णं इओ तच्चे भवग्गहणे गोसाले नामं मंखलिपुत्ते होत्था-समणघायए जाव छउमत्थे चेव कालगए तं जइ ते तदा सव्वाणुभूतिणा अणगारेणं पभुणा वि होऊणं सम्मं सहियं खमियं तित्तिक्खियं अहिया सियं जइ ते तदा सुनक्खत्तेणं अणगारेणं पभुणा वि होऊणं सम्मं सहियं खमियं तित्तिक्खियं अहियासियं जइ ते तदा समणेणं भगवया महावीरेणं पभुणा वि होऊणं सम्मं सहियं [खमियं तित्तिक्खियं] अहियासियं तं नो खलु ते अहं तहा सम्मं सहिस्सं [खमिस्सं तित्तिक्खिस्सं] अहियासिस्सं अहं ते नवरं-सहयं सरहं ससारहियं तवेणं तेएणं एणाहच्चं कूडाहच्चं भासरासिं करेज्जामि तए णं सेविमलवाहणे राया सुमंगलेणं अणगारेणं एवं वुत्ते समाणे आसुरुत्ते [रुट्ठे कुविए चंडिकिए] मिसिमिसेमाणे सुमंगलं अणगारे तच्चं पि रहसिरेणं नोद्धावेहिंति तए णं से सुमंगले अणगारे विमलवाहणेणं रण्णा तच्चं पि रहसिरेणं नोद्धाविए समाणे आसुरुत्ते जाव मिसिमिसेमाणे आयावणभूमीओ पच्चोरुभइ पच्चोरुभित्ता तेयासमुग्धाएणं समोहण्हिंति समोहणित्ता सत्तट्ठ पयाइं पच्चोसक्किहिति पच्चोसक्किक्ता विमलवाहणं रायं सहयं सरहं ससारहियं तवेणं तेएणं

[एगाहछं कूडाहछं] भासरासिं करेहिति सुमंगले णं भंते अणगारे विमलवाहणं रायं- सहयं जाव भासरासिं करेत्ता कहिं गच्छिहिति कहिं उववज्जिहिति गोयमा सुमंगले अणगारे विमलवाहणं राय सहयं जाव भासरासिं करेत्ता बहूहिं छट्ठम-दसम-दुवालसेहिं भासद्धमासखम- णेहिं विचितेहिं तवोक्महेहिं अप्पाणं भावेमाणे बहूइं वासाइं सामण्णपरियागं पाउणेहिति पाउणित्ता मासियाए संलेहणाए अत्ताणं झूसित्ता सट्ठिं भताइं अणसणाए छेदेत्ता आलोइयपडि- क्कंते समाहिपते उइहं चंदिम जाव गेविज्जविमाणावाससयं दीइयइत्ता सव्वड्डिसिद्धे महाविमाणे देवत्ताए उववज्जिहिति तत्थ णं देयाणं अजहन्नमणुक्कोसेणं तेत्तीसं सागरोवमाइं ठिती पत्रत्ता तत्थ णं सुमंगलस्स वि देवस्स अजहन्नमणुक्कोसेणं तीसं सागरोवमाइं ठिती पत्रत्ता से णं भंते सुमंगले देवे ताओ देव- लोगाओ जाव महाविदेहे वासे सिज्जिहिति जाव सत्थदुक्खाणं अंतं करेति ॥५५१॥-559

(६५८) विमलवाहणे णं भंते राया सुमंगलेणं अणगारेणं सहये जाव भासरासीकए समाणे कहिं गच्छिहिति कहिं उववज्जिहिति गोयमा विमलवाहणे णं राया सुमंगलेणं अणगारेणं सहये जाव भासरासीकए समाणे अहेसत्तामाए पुढवीए उक्कोसकालड्डियंसि नरगंसि नेरइयत्ताए उववज्जि- हिति से णं ततो अनंतरं उव्वट्ठित्ता मच्छेसु उववज्जिहिति तत्थ वि णं सत्थवज्जे दाहवक्कं- तीए कालमासे कालं किच्चा दोच्चं पि अहेसत्तामाए पुढवीए उक्कोसकालड्डियंसि नरगंसि नेरइयत्ताए उववज्जिहिति से णं तओनंतरं उव्वट्ठित्ता दोच्चं पि मच्छेसु उववज्जिहिति तत्थ णं वि सत्थवज्जे [दाहवक्कंतीए कालमासे कालं किच्चा] छट्ठाए तमाए पुढवीए उक्कोसकालड्डियंसि नरगंसि ने- रइयत्ताए उववज्जिहिति से णं तओहितो अनंतरं उव्वट्ठित्ता इत्थियासु उववज्जिहिति तत्थ वि णं सत्थवज्जे दाह जाव दोच्चं पि छट्ठाए तमाए पुढवीए उक्कोसकालं जाव उववज्जिहिति तत्थ वि णं सत्थवज्जे [दाहिवक्कंतीए कालमासे कालं] किच्चा पंचमाए धूमण्णभाए पुढवीए उक्कोसकाल [ड्डियंसि नरगंसि नेरइयत्ताए उववज्जिहिति से णं तो अनंतरं] उव्वट्ठित्ता उरएसु उववज्जिहिति तत्थ वि णं सत्थवज्जे जाव दोच्चं पि पंचमाए जाव उव्वट्ठित्ता दोच्चं पि उरएसु उववज्जिहिति [तत्थ वि णं सत्थवज्जे दाहवक्कंतीए कालमासे कालं किच्चा] चउत्थीए पंकपभाए पुढवीए उक्कोसकाल- ड्डियंसि [नरगंसि नेरइयत्ताए उववज्जिहिति से णं ततो अनंतरं] उव्वट्ठित्ता सीहेसु उववज्जिहिति तत्थ वि णं सत्थवज्जे जाव दोच्चं पि चउत्थीए पंकपभाए पुढवीए उव्वट्ठित्ता दोच्चं पि सीहेसु उववज्जिहिति [तत्थ वि णं सत्थवज्जे दाहवक्कंतीए कालमासे कालं] किच्चा तच्चाए बालुयणभाए पुढवीए उक्कोसकाल [ड्डियंसि नरगंसि नेरइयत्ताए उववज्जिहिति से णं तो अनंतरं] उव्वट्ठित्ता पक्खीसु उववज्जिहिति तत्थ वि णं सत्थवज्जे जाव किच्चा दोच्चं पि तच्चाए बालुयणभाए पुढवीए उक्कोसकालड्डियंसि नरगंसि नेरइयत्ताए उववज्जिहिति से णं तओनंतरं उव्वट्ठित्ता दोच्चं पि पक्खीलु उववज्जिहिति [तत्थ वि णं सत्थवज्जे दाहवक्कंतीए कालमासे कालं] किच्चा दोच्चाए सक्करणभाए जाव उव्वट्ठित्ता सिरीसवेसु उववज्जिहिति तत्थ वि णं सत्थ [वज्जे दाहवक्कंतीए कालमासे कालं] किच्चा दोच्चं पि दोच्चाए सक्करणभाए [पुढवीए उक्कोसकालड्डियंसि नरगंसि नेरइयत्ताए उववज्जिहिति से णं तओणंतरं] उव्वट्ठित्ता दोच्चं पि सिरीसवेसु उववज्जिहिति जाव किच्चा इमीसे रयणणभाए पुढवीए उक्कोसकालड्डियंसि नरगंसि नेरइयत्ताए उववज्जिहिति से णं ततो अनंतरं उव्वट्ठित्ता सण्णीसु उववज्जिहिति तत्थ वि णं सत्थवज्जे [दाहवक्कंतीए कालमासे कालं किच्चा] असण्णीसु उववज्जिहिति तत्थ वि णं सत्थवज्जे जाव किच्चा दोच्चं पि इमीसे रयणण-

माए पुढवीए पलिओवमस्स असंखेज्झइभागद्धिइयंसि नरगंसि नेरइयत्ताए उववज्झिहिति

से णं ततो अनंतरं उव्वट्ठित्ता जाइं इमाइं खहयरविहाणाइं भवन्ति तं जहा-चम्मपक्खीणं लोमपक्खीणं समुग्गपक्खीणं विययपक्खीणं तेसु अणेगसयसहस्सखुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाहिति सव्वत्थ वि णं सत्थवज्जे दाहवक्कंतीए कालमासे कालं किच्चा जाइं इमाइं भुयपरिसप्पविहाणाइं भवन्ति तं जहा-गोहाणं नउलाणं जहा पण्णवणापए जाव जाहगाणं चउप्पाइयाणं तेसु अणेगसयसहस्सखुत्तो [उद्दाइत्ता-उद्दाइत्ता तत्थेव-तत्थेव भुज्जो-भुज्जोपच्चायाहिति सव्वत्थ वि णं सत्थवज्जे दाहवक्कंतीए कालमासे कालं] किच्चा जाइं इमाइं उरपरिसप्पविहाणाइं भवन्ति तं जहा-अहीणं अयगराणं आसालियाणं महोरगाणं तेसु अणेगसयसह [स्सखुत्तो जाव] किच्चा जाइं इमाइं चउप्पदविहाणाइं भवन्ति तं जहा-एगखुराणं दुखुराणं गंडीपदाणं सणहप्पदाणं तेसु अणेगसयसहस्स [खुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाहिति सव्वत्थ वि णं सत्थवज्जे दाहवक्कंतीए कालमासे कालं किच्चा] जाइं इमाइं जलयरविहाणाइं भवन्ति तं जहा-मच्छाणं कच्छभाणं जाव सुंसुमाराणं तेसु अणेगसयसहस्स जाव किच्चा जाइं इमाइं चउरिंदियविहाणाइं भवन्ति तं जहा-अंघियाणं पोत्तियाणं जहा पण्णवणापदे जाव गोमयकीडाणं तेसु अणेगसय [सहस्सखुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाहिति सव्वत्थ वि णं सत्थवज्जे दाहवक्कंतीए कालमासे कालं] किच्चा जाइं इमाइं तेइंदियविहाणाइं भवन्ति तं जहा-उवचियाणं जाव हत्थित्तोडाणं तेसु अणेग जाव किच्चा जाइं इमाइं बेइंदियविहाणाइं भवन्ति तं जहा-पुलाकिमियाणं जाव समुदलिकखाणं तेसु अणेगसय [सहस्सखुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाहिति सव्वत्थ वि णं सत्थवज्जे दाहवक्कंतीए कालमासे कालं किच्चा] जाइं इमाइं वणस्सइवाहिणाइं भवन्ति तं जहा-रुक्खाणं गुच्छाणं जाव कुहणाणं तेसु अणेगसय जाव-उस्सत्ते च णं कडुयरुक्खेसु कडुयवल्लीसु सव्वत्थ वि णं सत्थवज्जे [दाहवक्कंतीए कालमासे कालं] किच्चा जाइं इमाइं वाउक्काइयविहाणाइं भवन्ति तं जहा-पाईणवायाणं जाव सुद्धवायाणं तेसु अणेगसयसहस्स [खुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाहिति सव्वत्थ वि णं सत्थवज्जे दाहवक्कंतीए कालमासे कालं] किच्चा जाइं इमाइं तेउक्कायविहाणाइं भवन्ति तं जहा-इंगालाणं जाव सूरकंतमणिनिस्सियाणं तेसु अणेगसयसहस्स जाव किच्चा जाइं इमाइं आउक्काइ-यविहाणाइं भवन्ति तं जहा-ओसाणं जाव खातोदगाणं तेसु अणेगसयसहस्सखुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो पच्चायाइस्सइ-उस्सत्तं च णं खारोदएसु खत्तोदएसु सव्वत्थ वि णं सत्थवज्जे [दाहवक्कंतीए कालमासे कालं] किच्चा जाइं इमाइं पुढविक्काइयविहाणाइं भवन्ति तं जहा-पुढवीणं सक्कराणं जाव सूरकंताणं तेसु अणेगसय [सहस्सखुत्तो उद्दाइत्ता-उद्दाइत्ता तत्थेव-तत्थेव भुज्जो-भुज्जो] पच्चायाहिति-उस्सत्तं च णं खरबायरपुढविक्काइएसु सव्वत्थ वि णं सत्थवज्जे जाव किच्चा रायगिहे नगरे बाहिं खरियत्ताए उववज्झिहिति तत्थ वि णं सत्तवज्जे जाव किच्चा दोच्चं पि रायगिहे नगरे अंतो खरियत्ताए उववज्झिहिति तत्थ वि णं सत्थवज्जे दाहवक्कंतीए कालमासे काल किच्चा। ५६०१-५६५९-R

(६५९) इहेव जुंहुदीवे दीये भारहे वासे विंझतिरिपायमूले बेभेले सण्णिवेसे माहणकुलंसि दारियत्ताए पच्चायाहिति तए णं तं दारियं अम्मापियरो उम्मुक्कबालभावं जोव्वणगमणुप्पत्तं

पडिरूवएणं सुक्केणं पडिरूवएणं विणएणं पडिरूवयस्स भत्तारस्स भारियत्ताए दलइस्सति सा णं तस्स भारिया भविस्सति-इट्ठा कंता जाव अनुमया भंडकरंडगसमाणा तेहलेकेला इव सुसंगोविया चेलपेडा इव सुसंपरिगहिया रयणकरंडओ विव सुसारक्खिया सुसंगोविया मा णं सीयं मा णं उण्हं जाव परिसहोवसग्गा फुसंतु तए णं सा दारिया अण्णदा कदावि गुव्विणी ससुरकुलाओ कुलधरं निज्जमाणी अंतरा दवग्गिजालाभिहया कालमासे कालं किच्चा दाहिणिल्लेसु अग्गिकुमारेसु देवेसु देवत्ताए उववज्जिहिति से णं तओहिंतो अनंतरं उव्वट्ठित्ता माणुस्सं विग्गहं लभिहिति लभित्ता केवलं बोहिं बुज्झिहिति बुज्झित्ता मुंडे भवित्ता अगाराओ अण्णगारियं पव्वइहिति तत्थ वि य णं विराहियसामण्णे कालमासे कालं किच्चा दाहिणिल्लेसु असुरकुमारेसु देवेसु देवत्ताए उववज्जिहिति से णं तओहिंतो अनंतरं उव्वट्ठित्ता माणुसं विग्गहं जाव तत्थ वि य णं विराहियसामण्णे कालमासे कालं किच्चा दाहिणिल्लेसु नागकुमारेसु देवेसु देवत्ताए उववज्जिहिति से णं तओहिंतो अनंतरं एवं एएणं अभिलावेणं दाहिणिल्लेसु सुवण्णकुमारेसु एवं विज्जुकुमारेसु एवं अग्गिकुमारवज्जं जाव दाहिणिल्लेसु यणियकुमारेसु से णं तओहिंतो अनंतरं उव्वट्ठित्ता माणुस्सं विग्गहं लभिहिति लभित्ता केवलं बोहिं बुज्झिहिति बुज्झित्ता मुंडे भवित्ता अगाराओ अण्णगारियं पव्वइहिति तत्थ वि य णं विराहियसामण्णे जोइसिएसु देवेसु उववज्जिहिति से णं तओहिंतो अनंतरं चयं चइत्ता माणुस्सं विग्गहं लभिहिति जाव अविराहियसामण्णे कालमासे कालं किच्चा सोहम्मेकये देवत्ताए उववज्जिहिति से णं तओहिंतो अनंतरं चयं चइत्ता माणुस्सं विग्गहं लभिहिति तत्थ वि णं अविराहियसामण्णे कालमासे कालं किच्चा सणकुमारे कप्पे देवत्ताए उववज्जिहिति से णं तओहिंतो एवं जहा सणकुमारे तहा बंभलोए महासुक्के आणए आरणे से णं तओहिंतो अनंतरं जाव अविराहियसामण्णे कालमासे कालं किच्चा सब्वड्डिसिद्धे महाविमाणे देवत्ताए उववज्जिहिति से णं तओहिंतो अनंतरं चयं चइत्ता महाविदेहे वासे जाइं इमाइं कुलाइं भवंति-अइढाइं जाव अपरिभूयाइं तहप्पगारेसु कुलेसु पुत्तताए पच्चायाहिति एवं जहा ओववाइए दढप्पइण्णवत्तव्वया सच्चेववत्तव्वया निरवेस्सा माणियव्वया जाव केवलवरनाणदंसणे सपुप्पज्जिहिति तए णं से दढप्पइण्णे केवली अप्पणो तीतद्ध आभोएहिइ आभोएत्ता समणे निग्गंये सद्दावेहिति सद्दावेत्ता एवं वदिहिइ एवं खलु अहं अज्जो इओ विरातीयाए अद्धाए गोसाले नामं मंखलिपुत्ते होत्था-समणघायए जाव छउमत्थे चेय कालगए तम्मूलगं च णं अहं अज्जो अणादीय अणवदगं दीहमद्धं चाउरंतसंसारकंतारं अनुपरियट्ठिए तं मा णं अज्जो तुब्भं केयि भवतु आयरियपडिणीए उवज्झायपडिणीए आयरियउवज्झायाणं अयस-कारए अवण्णाकारए अकित्ति-कारए मा णं से वि एवं चेय अणादीयं अणवदगं दीहमद्धं चाउरंत सांसंरकंतारं अनुपरियट्ठिहिति जहा णं अहं तए णं ते समणा निग्गंथा दढप्पइण्णस्स केवलिस्स अंतियं एयमद्धं सोच्चा निसम्मं भीया तत्था तसिया संसारभउव्विग्गा दढप्पइण्णं केवलिं वंदिहिति नमंसिहिति वंदित्ता नमंसित्ता तस्स ठाणस्स आलोएहिति पडिक्कमिहिति निदिहिति जाव अहारियं पायच्छित्तं तवोकम्मं पडिवज्जिहिति तए णं से दढप्पइण्णे केवली बहूइं वासाइं केवलिपरियागं पाउणिहिति पाउणित्ता अप्पणो आउसेसं जाणेत्ता भत्तं पच्चक्खाहिति एवं जहा ओववाइए जाव सब्वदुक्खाणमंतं काहिति सेवं भंते सेवं भंते ति जाव विहरइ १५६११-५६०

सोलसमं - सर्तं

—: प ढ मो—उ हे सो :—

(६६०) अहिरगणि जरा कम्मे जावतियं गहंगदत्त सुमिणे य

उवओग लोग बलि ओहि दीव उदही दिसा थणिते

॥७६॥-३

(६६१) तेणं कालेणं तेणं समएणं रायगिहे जाव पञ्जुवासमाणे एवं वयासी-अत्थि णं भंते अधि- करणिसि वाउयाए वक्कमति हंता अत्थि से भंते किं पुट्टे उद्दाइ अपुट्टे उद्दाइ गोयमा पुट्टे उद्दाइ नो अपुट्टे उद्दाइ से भंते किं ससरीरी निक्खमइ असरीरी निक्खमइ [गोयमा सिय ससरीरी निक्खमइ सिय असरीरी निक्खमइ से केणट्ठेणं भंते एवं वुच्चइ-सिय ससरीरी निक्खमइ सिय असरीरी निक्खमइ गोयमा वाउयायस्स णं चत्तारि सरीरया पन्नता तं जहा-ओरालिए वेउव्विए तेयए कम्मए ओरालिय-वेउव्वियाइं विष्पजहाय तेयय-कम्मएहिं निक्खमइ से तेणट्ठेणं गोयमा एवं वुच्चइ-सिय ससरीरी निक्खमइ सिय असरीरी] निक्खमइ ॥५६२॥-५६१

(६६२) इंगालकारियाए णं भंते अगणिकाए केवतियं कालं संचिट्ठिइ गोयमा जहण्णेणं अंतोमुहुत्तं उक्कोसेणं तिण्णि राइंदियाइं अण्णे वि तत्थ वाउयाए वक्कमति न विमणा वउयाएणं अगणिकाए उज्जलति ॥५६३॥-५६२

(६६३) पुरिसे णं भंते अयं अयकोट्टसि अयोमएणं संडासएणं उव्विहमाणे वा पव्विहमाणे वा कतिकिरिए गोयमा जावं च णं से पुरिसे अयं अयकोट्टसि अयोमएणं संडासएणं उव्विहति वा पव्विहति या तावं च णं से पुरिसे काइयाए जाव पाणाइवायकिरियाए-पंचहिं किरियाहिं पुट्टे जेसिं पि णं जीवाणं सरीरेहितो अए निव्वत्तिए अयकोट्टे निव्वत्तिए संडासए निव्वत्तिए इंगाला निव्वत्तिया इंगालकड्ढणी निव्वत्तिया भत्था निव्वत्तिया ते वि णं जीवा काइयाए जाव पाणाइवायकिरियाए-पंचहिं किरियाहिं पुट्टा पुरिसे णं भंते अयं अयकोट्टाओ अयोमएणं संडासएणं गहाय अहिकरणिसि उक्खिज्वमाणे वा निक्खिज्वमाणे वा कतिकिरिए गोयमा जावं च णं से पुरिसे अयं अयकोट्टाओ [अयोमएणं संडासएणं गहाय अहिकरणिसि उक्खिज्व वा] निक्खिज्वइ या तावं च णं से पुरिसे काइयाए जाव पाणाइवायकिरियाए-पंचहिं किरियाहिं पुट्टे जेसिं पि णं जीवाणं सरी-रेहितो अयो निव्वत्तिए संडासए निव्वत्तिए चम्मेट्टे निव्वत्तिए मुट्ठिए निव्वत्तिए अधिकरणी निव्वत्तिया अधिकरणिखोडी निव्वत्तिया उदगदोणी निव्वत्तिया अधिकरणसाला निव्वत्तिया ते वि णं जीवा काइयाए जाव पाणाइवायकिरियाए-पंचहिं किरियाहिं पुट्टा ॥५६४॥-५६३

(६६४) जीवे णं भंते किं अधिकरणी अधिकरणं गोयमा जीवे अधिकरणी वि अधिकरणं पि से केणट्ठेणं भंते एवं वुच्चइ-जीवे अधिकरणी वि अधिकरणं पि गोयमा अविरतिं पडुच्च से तेणट्ठेणं [गोयमा एवं वुच्चइ-जीवे अधिकरणीवि अधिकरणं पि नेरइए णं भंते किं अधिकरणी अधिकरणं गोयमा अधिकरणी वि अधिकरणं पि एवं जहेव जीवे तहेव नेरइए वि एवं निरंतरं जाव वेमाणिए जीवे णं भंते किं साहिकरणी निरहिकरणी गोयमा साहिकरणी नो निरहिकरणी से केणट्ठेमण-पुच्छा गोयमा अविरतिं पडुच्च से तेणट्ठेणं जाव नो निरहिकरणी एवं जाव वेमाणिए जीवे णं भंते किं आयाहिकरणी पराहिकरणी तदुभयाहिकरणी गोयमा आयाहिकरणी वि पराहिकरणी वि तदुभयाहिकरणी वि से केणट्ठेणं भंते एवं वुच्चइ-जाव तदुभयाहिकरणी वि गोयमा अविरतिं पडुच्च से तेणट्ठेणं जाव तदुभयाहिकरणी वि एवं जाव वेमाणिए जीवाणं भंते अधिकरणे किं

आयप्ययोगनिव्वत्तिए परप्ययोगनिव्वत्तिए तदुभयप्ययोगनव्वत्तिए गोयमा आयप्ययोगनिव्वत्तिए वि परप्ययोगनिव्वत्तिए वि तदुभयप्ययोगनिव्वत्तिए वि से केणट्ठेणं भंते एवं बुद्धइ गोयमा अविरतिं पडुच्च से तेणट्ठेणं जाव तदुभयप्ययोगनिव्वत्तिए वि एवं जाव वेमाणियाणं । ५६५।-५७४

(६६५) कति णं भंते सरीरगा पन्नत्ता गोयमा पंच सरीरगा पन्नत्ता तं जहा-ओरालिए [वेउव्विए आहारए तेयए] कम्मए ते कति णं भंते इंदिया पन्नत्ता गोयमा पंच इंदिया पन्नत्ता तं जहा-सोइदिए [चक्खिदिए धाणिदिए रसिदिए] फासिदिए कतिविहे णं भंते जोए पन्नत्ते गोयमा तिविहे जोए पन्नत्ते तं जहा-मणजोए वइजोए कायजोए जीवे णं भंते ओरालियसरीरं निव्वत्तेमाणे किं अधिकरणी अधिकरणं गोयमा अधिकरणी वि अधिकरणं पि से केणट्ठेणं भंते एवं बुद्धइ-अधिकरणी वि अधिकरणं पि गोयमा अविरतिं पडुच्च से तेणट्ठेणं जाव अधिकरणं पि पुढविकाइएणं णं भंते ओरालियसरीरं निव्वत्तेमाणे किं अधिकरणी अधिकरणं एवं चेव एवं जाव मणुस्से एवं वेउव्वियसरीरं पि नवरं-जस्स अत्थि जीवे णं भंते आहारगसरीरं निव्वत्तेमाणे किं अधिकरणी-पुच्छ गोयमा अधिकरणी वि अधिकरणं पि से केणट्ठेणं जाव अधिकरणं पि गोयमा पमायं पडुच्च से तेणट्ठेणं जाव अधिकरणं पि एवं मणुस्से वि तेयसरीरं जहा ओरालियं नवरं-सव्वजीवाणं भाणियव्वं एवं कम्मगसरीरं पि जीवे णं भंते सोइदियं निव्वत्तेमाणे किं अधिकरणी अधिकरणं एवं जहेव ओरालियसरीरं तहेव सोइदियं पि भाणियव्वं नवरं-जस्स अत्थि सोइदियं एवं चक्खिदिय-धाणिदिय-जिह्मिदिय-फासिदियाणं वि नवरं-जाणियव्वं जस्स जं अत्थि जीवे णं भंते मणजोगं निव्वत्तेमाणे किं अधिकरणी अधिकरणं एवं जहेव सोइदिय तहेव निरवसेसं वइजोगो एवं चेव नवरं-एगिंदियवज्जाणं एवं कायजोगो वि नवरं-सव्वजीवाणं जाव वेमाणिए सेवं भंते सेवं भंते ति । ५६६।-५६६

● सोतसणे सते पट्ठो उडेलो समत्ते ●

—: बी ओ—उ हे सो —:

(६६६) रायगिहे जाव एवं ययासी-जीवाणं भंते किं जरा सोगे गोयमा जीवाणं जरा वि सो-गे वि से केणट्ठेणं भंते एवं बुद्धइ-[जीवाणं जरा वि] सोगे वि गोयमा जे णं जीवा सरीरं वेदणं वेदेति तेसि णं जीवाणं जरा जे णं जीवा माणसं वेदणं वेदेति तेसि णं जीवाणं सोगे से तेणट्ठेणं [गोयमा एवं बुद्धइ-जीवाणं जरा वि] सोगे वि एवं नेरइयाणं वि एवं जाव यणियकुमाराणं पुढविकाइयाणं भंते किं जरा सोगे गोयमा पुढविकाइयाणं जरा नो सोगे से केणट्ठेणं [भंते एवं बुद्धइ-पुढविकायाणं जरा] नो सोगे गोयमा पुढविकाइया णं सरीरं वेद णं वेदेति नो माणसं वेदणं वेदेति से तेणट्ठेणं [गोयमा एवं बुद्धइ-पुढविकाइयाणं जरा] नो सोगे एवं जाव चउरिदियाणं सेसाणं जहा जीवाणं जाव वेमाणियाणं सेवं भंते सेवं भंते ति जाव पजुवासति । ५६७।-५६७

(६६७) तेणं कालेणं तेणं समएणं देविंदे देवाराया वज्रपाणी पुरंदरे जाव दिव्वाइ भोगभो-गाइं भुंजमाणे इमं च णं केवलकप्पं जंबुदीचं दीचं विपुलेणं ओहिणा आमोएमाणे-आभोएमाणे पासति एत्थ णं समणं भगवं महावीरं जंबुदीचे दीचे एवं जहा ईसाणे तइयसए तहेव सक्के वि नवरं-आभिओगे न सहावेति हरी पायताणियाहिचई सुघोसा घंटा पालओ विमाणकारी पालयं विमाणं उत्तरिल्ले निज्जाणमगे दाहिणपुरिधिमिल्ले रतिकरपव्वए सेसं तं चेव जाव नामणं सवेत्ता पजुवासति धम्मकहा जाव परिसा पडिगया तए णं से सक्के देविंदे देवाराया समणस्स भगवओ महावीरस्स अंतियं धम्मं सोच्चा निसम्मं हट्ठुडे समणं भगवं महावीरं वंदइ नमंसइ वंदित्ता नमसित्ता

एवं वयासी-कतिविहे णं भंते ओगगहे पत्रत्ते सक्का पंचविहे ओगगहे पत्रत्ते तं जहा-देविंदोगगहे रायगगहे गाहावड ओगगहे सागारिचओगगहे साहम्पिओगगहे जे इमे भंते अज्जत्ताए समणा निगंग्या विहरंति एएसि णं ओगगहं अनुजाणामीति कट्ठ समणं भगवं महावीरं वंदइ नमंसइ वंदित्ता नमसित्ता तमेव दिव्वं जाणविमाणं दुरुहति दुरुहित्ता जामेव दिसं पाउब्बूए तामेव दिसं पडिगए भंतेति भगवं गोयमे समणं भगवं महावीरं वंदइ नमंसइ वंदित्ता नमसित्ता एवं वयासी-जण्णं भंते सक्के देविंदे देवराया तुब्बे एवं वदइ सच्चे णं एसड्डे हंता सच्चे । ५६८।-५६८

(६६८) सक्के णं भंते देविंदे देवराया किं सम्भावादी मिच्छावादी गोयमा सम्भावादी नो मिच्छावादी सक्के णं भंते देविंदे देवराया किं सच्चं भासं भासति मोसं भासं भासति सच्चापोसं भासं भासति असच्चापोसं भासं भासति गोयमा सच्चं पि भासं भासति जाव असच्चापोसं पि भासं भासति सक्के णं भंते देविंदे देवराया किं सावज्जं भासं भासति अणवज्जं भासं भासति गोयमा सावज्जं पि भासं भासति अणवज्जं पि भासं भासति से केणट्ठेणं भंते एवं वुच्चइ-सक्के देविंदे देवराया सावज्जं पि भासं भासति अणवज्जं पि भासं भासति गोयमा जाहे णं सक्के देविंदे देवराया सुहुमकायं अणिज्जुहत्ता णं भासं भासति ताहे णं सक्के देविंदे देवरायासावज्जं भासं भासति जाहे णं सक्के देविंदे देवराया सुहुमकायं निज्जुहत्ता णं भासं भासति ताहे णं सक्के देविंदे देवराया अणवज्जं भासं भासति से तेणट्ठेणं गोयमा एवं वुच्चइ-सक्के देविंदे देवराया सावज्जं पि भासं भासति अणवज्जं पि भासं भासति सक्के णं भंते देविंदे देवराया किं भवसिद्धीए अमवसिद्धीए सम्मदिट्ठीए मिच्छदिट्ठीए परित्तसंसारिए अनंतसंसारिए सुलभवोहिए दुल्लभवोहिए आराहए विराहए चरिमे अचरिमे गोयमा सक्के णं देविंदे देवराया भवसिद्धीए नो अमवसिद्धीए सम्मदिट्ठीए नो मिच्छदिट्ठीए परित्तसंसारिए नो अनंतसंसारिए सुलभवोहिए नो दुल्लभवोहिए आराहए नो विराहए चरिमे नो अचरिमे एवं जहा मोउद्देसए सणकुमारे जाव नो अचरिमे । ५६९।-५६९

(६६९) जीवाणं भंते किं चेयकडा कम्मा कज्जंति अचेयकडा कम्मा कज्जंति गोयमा जीवाणं चेयकडा कम्मा कज्जंति नो अचेयकडा कम्मा कज्जंति से केणट्ठेणं भंते एवं वुच्चइ-[जीवाणं चेयकडा कम्मा कज्जंति नो अचेय कडा कम्मा] कज्जंति गोयमा जीवाणं आहारोवचिया पोग्गला बोदिचिया पोग्गला कलेवरचिया पोग्गला तहा तहा णं ते पोग्गला परिणमंति नत्थि अचेयकडा कम्मा समणाउसो दुडाणेसु दुसेज्जासु दुत्रिसीहियासु तहा तहा णं ते पोग्गला परिणमंति नत्थि अचेयकडा कम्मा समणाउसो आयंके से बहाए होति संकप्पे से बहाए होति मरणंते से बहाए होति तहा तहा णं ते पोग्गला परिणमंति नत्थि अचेयकडा कम्मा समणाउसो से तेणट्ठेणं जाव कम्मा कज्जंति एवं नेरइ-याणं वि एवं जाव वेमाणियाणं सेवं भंते सेवं भंते ति जाव विहरइ । ५७०।-५७०

● सोतसमे तते बीजो उद्देशो समतो ●

—: त इ ओ—उ हे रो —:

(६७०) रायगिहे जाव एवं वयासी-कति णं भंते कम्मपगडीओ पत्रत्ताओ गोयमा अट्ठ कम्मपगडीओ पत्रत्ताओ तंजहा-नाणावरणिज्जं जाव अंतराइयं एवं जाव वेमाणियाणं जीवे णं भंते नाणावरणिज्जं कम्मं वेदेमाणे कति कम्मपगडीओ वेदेति गोयमा अट्ठ कम्मपगडीओ-एवं जहा पन्नवणाए वेदावेउद्देसओ रो चेव निरवसेसो माणियव्वो वेदावंधो वि तहेव बंधावेदो वि तहेव बंधावंधो वि तहेव माणियव्वो जाव वेमाणियाणं ति सेवं भंते सेवं भंते ति जाव विहरइ । ५७१।-५७१

(१७१) तए णं समणे भगवं महावीरे अण्णदा कदायि रायगिहाओ नगराओ गुणसिलाओ चेइयाओ पडिनिक्खमइ पडिनिक्खमिता बहिया जणवयविहारं विहरइ तेणं कालेणं तेणं समएणं उल्लुपतीरे नामं नगरे होत्था-वण्णओ तस्स णं उल्लुपतीरस्स नगरस्स बहिया उत्तरपुरत्थिमे दिसिभाए एत्थ णं एगजंबुए नामं चेइए होत्था-वण्णओ तए णं समणे भगवं महावीरे अण्णदा कदायि पुब्बाणुपुब्बि चरमाणे [गामाणुगामं दूइजमाणे सुहंसुहेणं विहरमाणे] एगजंबुए समोसडे जाव परिसा पडिगया भंतेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-अणगारस्स णं भंते भावियण्णो छट्ठंछट्ठेणं अणिक्खित्तेणं [तवोकम्मेणं उइदं बाहाओ पगिज्झिय-पगिज्झिय सूराम्भुहे आयावणभूमीए] आयावेमाणस्स तस्स णं पुरत्थिमेणं अवइदं दिवसं नो कप्पति हत्थं वा पादं वा बाहं वा ऊरुं वा आउंटावेत्तए वा पसारेत्तए वा पच्चत्थिमेणं से अवइदं दिवसं कप्पति हत्थं वा [पादं वा बाहं वा] ऊरुं वा आउंटावेत्तए वा पसारेत्तए वा तस्स णं अंसियाओ लंबंति तं च वेज्जे अदक्खु ईसिं पाडेति पाडेत्ता अंसियाओ छिंदेज्जा से नूणं भंते जे छिंदति तस्स किरिया कज्जति जस्स छिज्जति नो तस्स किरिया कज्जति नण्णत्थेगेणं धम्मंतराएणं हंता गोयमा जे छिंदति जाव धम्मंतराएणं सेवं भंते सेवं भंते ति । ५७२।-५७३।

● सोतसमे सते तइओ उदेसो समत्तो ●

—: च उ त्थो—उ हे सो :—

(१७२) रायगिहे जाव एवं वयासी- जावतियं णं भंते अन्नगिलायए समणे निगंथे कम्मं निज्जेरति एवतियं कम्मं नरएसु नेरइया वासेण वा वासेहिं वा वाससएणं वा खवयंति नो इण्णडे समट्ठे जावतियं णं भंते चउत्थमत्तिए समणे निगंथे कम्मं निज्जेरति एवतियं कम्मं नरएसु नेरइया वाससएणं वा वाससएहिं वा वाससहस्सेण वा खवयंति नो इण्णडे समट्ठे जावतियं णं भंते छट्ठमत्तिए समणे निगंथे कम्मं निज्जेरति एवतियं कम्मं नरएसु नेरइया वाससहस्सेण वा वाससहस्सेहिं वा वाससयसहस्सेण वा खवयंति नो इण्णडे समट्ठे जावतियं णं भंते अट्ठमत्तिए समणे निगंथे कम्मं निज्जेरति एवतियं कम्मं नरएसु नेरइया वाससयसहस्सेण वा वाससयसहस्सेहिं वा वासकोडिए वा खवयंति नो इण्णडे-समट्ठे जावतियं णं भंते दसमत्तिए समणे निगंथे कम्मं निज्जेरति एवतियं कम्मं नरएसु नेरइय वासकोडीए वा वासकोडीहिं वा वासकोडाकोडीए वा खवयंति नो इण्णडे समट्ठे से केणट्ठेणं भंते एवं वुच्चइ-जावतिय अन्नगिलायए समणे निगंथे कम्मं निज्जेरति एवतियं कम्मं नरएसु नेरइया वासेण वा वासेहिं वा वाससएणं वा नो खवयंति जावतियं चउत्थमत्तिए-एवं तं चेव पुब्बभणियं उच्चारयव्वं जाव वासकोडाकोडीए वा खवयंति गोयमा से जहानामए केइ पुरिसे जुण्णे जराजज्जरियदेहे सिद्धिलतयावलितरंग-संपिणद्धगते पदिरल-परिसडिय-दंतसेदी उण्हाभिहए तण्हाभिहए आउरे झुसिए पिवासिए दुब्बले किलंते एगं महं कोसंब-गंडियं सुक्कं जडिलं गंठिखं चिक्कणं वाइदं अपत्तियं मुंडेणं परमुणा अक्कमेज्जा तए णं से पुरिसे महंताइं सदाइं करेइ नो महंताइं-महंताइं दलाइं अवहालेइ एवामेव गोयमा नेरइयाणं पावाइं कम्माइं गाढीकयाइं चिक्क-णीकयाइं [सिलिडीकयाइं खिलीभूताइं भलंति संपगाढं पि य णं ते वेदणं वेदेमाणा नो महानिज्जा] नो महापज्जवसाणा भवंति

से जहानामए केइ पुरिसे अहिकरणि आउडेमाणे महया-|महया सदेणं महया-महया धो-सेणं महया-महया परंपराघाएणं नो संचाएइ तीसे अहिगरणीए केइ अहावायरे पोण्गले

परिसाडित्ताए एवामेव गोयमा नेरइयाणं पावाइं कम्माइं गाढीकयाइं चिक्कणीकयाइं सिलहीकयाइं खिलीभूताइं भवन्ति संपगाढं पि य णं ते वेदणं वेदेमाणा नो। महानिजरा नो महापञ्चवसाणा भवन्ति से जहानामए केइ पुरिसे तरुणे बलवं जाव मेहावी निउणसिप्पोवगाए एणं महं सामलि-गंडियं उल्लं अजडिलं अगंडिल्लं अधिकखणं अवाइद्धं सपत्तियं तिक्खेणं परसुणा अक्कमेज्जा तए णं से पुरिसे नो महंताइं-महंताइं सद्दाइं करेति महंताइं-महंताइं दलाइं अवद्दालेति एवामेव गोयमा समणाणं निगंथाणं अहाबादराइं कम्माइं सिढिलीकयाइं निद्धियाइं कयाइं विप्परिणामियाइं खिप्पामेव परिविद्धत्थाइं भवन्ति जावतियं तावतियं जाव महापञ्चवसाणा भवन्ति से जहा वा केइ पुरिसे सुक्कतणहत्थगं जायतेयंसि पक्खिवेज्जा-[से नूणं गोयमा से सुक्के तणहत्थगए जायतेयंसि पक्खित्ते समाणे खिप्पामेव मसमसाविज्जति हंता मसमसाविज्जति एवामेव गोयमा समणाणं निगंथाणं अहाबायराइं कम्माइं सिढिलीकयाइं निद्धियाइं कयाइं विप्परिणामियाइं खिप्पामेव विद्धत्थाइं भवन्ति जावतियं तावतियं पि णं ते वेदणं वेदेमाणा महानिजरा महापञ्चवसाणा भवन्ति से जहानामए केइ पुरिसे तत्तंसि अयकवल्लंसि उदगविंदुं पक्खिवेज्जा से नूणं गोयमा से उदगविंदुं तत्तंसि अयकवल्लंसि पक्खित्ते समाणे खिप्पामेव विद्धंसमागच्छइ हंता विद्धंसमागच्छइ एवामेव गोयमा समणाणं निगंथाणं अहाबायराइं कम्माइं सिढिलीकयाइं निद्धियाइं कयाइं विप्परिणामियाइं खिप्पामेव विद्धत्थाइं भवन्ति जावतियं तावतियं पि णं ते वेदणं वेदेमाणा महानिजरा] महापञ्चवसाणा भवन्ति से तेणद्धेणं गोयमा एवं वुच्चइ-जावतियं अन्नगिलायए समणे निगंथे कम्मं निजरेति तं चेव जाव वासकोडाकोडीए वा नो खययन्ति सेवं भन्ते सेवं भन्ते त्ति जाव विहरइ १५७३-५७४

● सोतसमे सते वज्जो उद्देशो समत्तो ●

—: पं च मो—उ हे सो :—

(६७३) तेणं कालेणं तेणं समएणं उल्लुयतीरे नामं नगरे होत्था-वण्णओ एगजंदुए चेईए-वण्णओ तेणं कालेण तेणं समएणं सामी समोसढे जाव परिसा पञ्जुवासति तेणं कालेणं तेणं समएणं सक्के देविंदे देवराया वज्जपाणी-एवं जहेव बितियउद्देसए तहेव दिव्वेणं जाणविमाणेणं आगाओ जाव जेणेव समणे भगवं महावीरे तेणेव उवागच्छइ उवागच्छित्ता [समणं भगवं महावीरं वंदइ नमंसइ वंदित्ता] नमंसित्ता एवं वयासी- देवे णं भन्ते महिइिहए जाव महेसक्खे बाहिरए पोगले अपरियाइत्ता पभू आगमित्तए नो इण्ठे सम्ठे देवे णं भन्ते महिइिहए जाव महेसक्खे बाहिरए पोगले परियाइत्ता पभू आगमित्तए हंता पभू देवे णं भन्ते महिइिहए जाव महेसक्खे एवं एएणं अपिलावेणं गमित्तए वा भासित्तए वा विआगरित्तए वा उम्भिसावेत्तए वा निमिसावेत्तए वा आउंटावेत्तए वा ठाणं वा सेज्जं वा निसीहियं वा चेइत्तए वा विउच्चित्तए वा परियारेत्तए वा जाव हंता पभू-इमाइं अट्ठ उक्खित्तपसिणवागरणाइं पुच्छइ पुच्छित्ता संभंतियवंदणएणं वंदति वंदित्ता तमेव दिव्वं जाणविमाणं दुरुहति दुरुहिता जामेव दिस पाउब्भूए तामेव दिसं पडिगए १५७४-५७३

(६७४) भन्तेति भगवं गोयमे समणं भगवं महावीरं वंदइ नमंसइ वंदित्ता नमंसित्ता एवं वयासी-अण्णदा णं भन्ते सक्के देविंदे देवराया देवाणुप्पियं वंदति नमंसति सक्कारेति जाव पञ्जुवासति किण्णं भन्ते अज्ज सक्के देविंदे देवराया देवाणुप्पियं अट्ठ उक्खित्तपसिणवागरणाइं पुच्छइ पुच्छित्ता संभंतियवंदणएणं वंदइ नमंसइ जाव पडिगए गोयमादि समणे भगवं महावीरे

भगवं गोयमं एवं वयासी-एवं खलु गोयमा तेणं कालेणं तेणं समएणं महासुकके कप्पे महासामाणे विमाणे दो देवा महिद्धिदया जाव भहेसकखा एगविमाणंसि देवताए उववत्रा तं जहा-मायिमिच्छ-दिद्धिउववत्रए य अमायिसम्मदिद्धिउववत्रए य ए णं से मायिमिच्छदिद्धिउववत्रए देवे तं अमायिसम्मदिद्धिउववत्रं देवं एवं वयासी-परिणममाणा पोग्गला नो परिणया अपरिणया परिणमंतीति पोग्गला नो परिणया अपरिणया तए णं से अमायिसम्मदिद्धिउववत्रए देवे तं मायिमिच्छदिद्धिउववत्रं देवं एवं वयासी-परिणममाणा पोग्गला परिणया नो अपरिणया परिणमंतीति पोग्गला परिणया नो अपरिणया तं मायिमिच्छदिद्धिउववत्रं एवं पडिहणइ पडिहणित्ता ओहिं पउंजइ पउंजित्ता ममं ओहिणा आभोएइ आभोएत्ता अयमेयारूवे [अज्झत्थिए धितिए पत्थिए मणोगए संकप्पे] समुप्पजित्था-एव खलु समणे भगवं महावीरे जंबुदीवे दीवे भारहे वासे उल्लुयतीरस्स नगरस्सं बहिया एगजंबुए चेइए अहापडिरूवं जाव विहरइ तं सेयं खलु मे समणं भगवं महावीरं वंदित्ता जाव पजुवासित्ता इमं एयारूवं वागरणं पुच्छित्तए ति कट्ठु एवं संपेहेइ संपे-हेत्ता चउहिं सामाणियसाहस्सीहिं [तिहिं परिसाहिं सत्तहिं अणिएहिं सत्तहिं अणियाहिंवईहिं सोलसहिं आयरक्खदेवसाहस्सीहिं अण्णेहिं बहूहिं महासामाणविमाणवासीहिं वेमाणिएहिं देवेहिं देवीहिं य सद्धिं संपरिवुडे जाव दुंदुहि-निग्घोसनाइघरवेणं जेणेव जंबुदीवे दीवे जेणेव भारहे वासे जेणेव उल्लुयतीरे नगरे जेणेव एगजंबुए चेइए जेणेव ममं अंतियं तेणेव पहारेत्थ गमणाए तए णं से सकके देविंदे देवराया तस्स देवस्स तं दिव्वं दिव्विइ दिव्वं देवजुत्तिं दिव्वं देवाणुमागं दिव्वं तेयलेस्सं असहमाणे ममं अट्ठ उक्खित्तपसिणवागरणाइ पुच्छित्ता संभंतियवंदणएणं वंदित्ता जाव पडिगए। ५७५।-५७४

(६७५) जावं च णं समणे भगवं महावीरे भगवओ गोयमस्स एयमट्ठ परिकहेति ताव च णं से देवे तं देसं हव्वमागए तए णं से देवे समणं भगवं महावीरं तिकखुत्तो आयाहिण-पयाहिणं कोइ करेत्ता वंदइ नमंसइ वंदित्ता नमंसित्ता एवं वयासी-एवं खलु भंते महासुकके कप्पे महासामाणे विमाणे एगे मायिमिच्छदिद्धिउववत्रए देवे ममं एवं वयासी-परिणममाणा पोग्गला नो परिणया अपरिणया परिणमंतीति पोग्गला नो परिणया अपरिणया तए णं अहं तं मायिमिच्छदिद्धिउववत्रं देवं एवं वयासी-परिणममाणा पोग्गला परिणया नो अपरिणया परिणमंतीति पोग्गला परिणया नो अपरिणया से कहमेयं भंते एवं गंगदत्तादि समणे भगवं महावीरे गंगदत्तं देवं एवं वयासी-अहं पि णं गंगदत्ता एवमाइक्खामि भासेमि पण्णवेमि परूवेमि-परिणममाणा पोग्गला [परिणया नो अपरिणया परिणमंतीति पोग्गला परिणया] नो अपरिणया सच्चमेसे अट्ठे तए णं से गंगदत्ते देवे समणस्स भगवओ महावीरस्स अंतियं एयमट्ठं सोच्चा निसम्म हट्ठुट्ठे समणं भगवं महावीरं वंदइ नमंसइ वंदित्ता नमंसित्ता नच्चासत्ते जाव पजुवासति तए णं समणे भगवं महावीरे गंगदत्तस्स देवस्स तीसे य [महत्तिमहालियाए परिसाए] धम्मं परिकहेइ जाव आराहए भवति तए णं से गंगदत्ते देवे समणस्स भगवओ महावीरस्स अंतिए धम्मं सोच्चा निसम्मं हट्ठुट्ठे उट्ठाए उट्ठेइ उट्ठेत्ता समणं भगवं महावीरं वंदइ नमंसइ वंदित्ता नमंसित्ता एवं वयासी-अहण्णं भंते गंगदत्ते देवे किं भवसिद्धिए अभवसिद्धिए [सम्मदिट्ठी मिच्छदिट्ठी परित्तसंसारिए अनंतसंसारिए सुलभबोहिए दुल्लभबोहिए आराहए विराहए चरिमे अचरिमे गंगदत्ताइ समणे भगवं महावीरे गंगदत्तं देवं एवं वयासी-गंगदत्ता तुमण्णं भवसिद्धिए नो अभवसिद्धिए सम्मदिट्ठी नो मिच्छदिट्ठी परित्तसंसारिए नो अनंतसंसारिए

सुलभबोहिए नो दुलभबोहिए आराहए चरिमे नो अचरिमे

तए णं गंगदत्ते देवे समणेणं भगवया महावीरेणं एवं वुत्ते समाणे हट्ठुट्ठचित्तमाणंदिए पीडमणे परमसोमणस्सिए हरिसवसविसप्पमाणहियए समणं भगवं महावीरं वंदइ नमंसइ वंदित्ता नमंसित्ता एवं वयासी-नुत्थे णं भंते सव्वं जाणह सव्वं पासह सव्वओ जाणह सव्वओ पासह सव्वं कालं जाणह सव्वं कालं पासह सव्वे भावे जाणह सव्वे भावे पासह जाणंति णं देवाणुप्पिया मम पुत्विं वा पच्छा वा ममेयरूवं दिव्वं देविइंदि दिव्वं देवजुइं दिव्वं देवाणुभावं लद्धं पत्तं अभिसमण्णागयं ति तं इच्छामि णं देवाणुप्पियाणं भत्तिपुव्वगं गोयमातियाणं समण्णाणं निगंथाणं दिव्वं जाव बत्तीसतिबद्धं नट्ठविहिं उवदंसितए तए णं समणे भगवं महावीरे गंगदत्तेणं देवेणं एवं वुत्ते समाणे गंगदत्तस्स देवस्स एयमट्ठं नो आढाइ नो परियाणइ तुसिणीए संचिद्धति तए णं से गंगदत्ते देवे समणं भगवं महावीरं दोच्चं पि तच्चं पि एवं वयासी-नुत्थे णं भंते सव्वं जाणइ जाव पासह जाणंति णं देवाणुप्पिया मम पुत्विं वा पच्छा वा ममेयरूवं दिव्वं देविइंदि दिव्वं देवजुइं दिव्वं देवाणुभावं लद्धं पत्तं अभिसमण्णागयं ति तं इच्छामि णं देवाणुप्पियाणं भत्तिपुव्वगं गोयमातियाणं समण्णाणं निगंथाणं दिव्वं देविइंदि जाव बत्तीसतिबद्धं नट्ठविहिं उवदंसितए ति कट्ठ जाव बत्तीसतिबद्धं नट्ठविहिं उवदंसति उवदंसेत्ता जाव तामेव दिसं पडिगए । ५७६। ५७५

(६७६) भंतेति भगवं गोयमे समणं भगवं महावीरं [वंदइ नमंसइ वंदित्ता नमंसित्ता] एवं वयासी-गंगदत्तस्स णं भंते देवस्स सा दिव्वा देविइंदि दिव्वा देवजुती [दिव्वे देवाणुभावे कहिं गते कहिं] अनुप्पविट्ठे गोयमा सरीरं गए सरीरं अनुप्पविट्ठे कूडागारसालादिट्ठंतो जाव सरीरं अनुप्पविट्ठे अहो णं भंते गंगदत्ते देवे महिइंदिए [महजुइए महव्वले महायसे] महसक्खे गंगदत्तेणं भंते देवेणं सा दिव्वा देविइंदि सा दिव्वा देवजुती से दिव्वे देवाणुभागे किण्णा लद्धे [किण्णा पत्ते किण्णा अभिसमण्णागए पुव्वभवे के आसी किं नामए वा किं वा गोत्तेणं कयरंसि वा गामंसि वा नगरंसि वा निगमंसि वा रायहाणीए वा खेडंसि वा कब्बडंसि वा मडंबंसि वा पट्ठंसि वा दोणमुहंसि वा आगारंसि वा आसमंसि वा संबाहंसि वा सण्णिवेसंसि वा किं वा दद्या किं वा भोद्या किं वा किद्या किं वा सपायरित्ता कस्स वा तहारूवस्स समणस्स वा माहणस्स वा अंतिए एगमवि आरियं धम्मियं सुवयणं सोद्या निसम्म जण्णं गंगदत्तेणं देवेणं सा दिव्वा देविइंदि सा दिव्वा देवजुती से दिव्वे देवाणुभागे लद्धे पत्ते] अभिसमण्णागए गोयमादी समणे भगवं महावीरे भगवं गोयमं एवं वयासी-एवं खलु गोयमा तेणं कालेणं तेणं समएणं इहेव जंबुदीवे दीवे भारहे वासे हत्थिणापुरे नामं नगरे होत्था-वण्णओ सहसंबवणे उज्जाणे-वण्णओ तत्थ णं हत्थिणापुरे नगरे गंगदत्ते नामं गाहावती परिवसति-अइंढे जाव बहुजणस्स अपरिभूए तेणं कालेणं तेणं समएणं मुणिसुव्वए अरहा आदिगरे जाव सव्वणू सव्वदरिसी आगासएणं चक्केणं [आगासएणं छत्तेणं आगासियाहिं चामराहिं आगास फालियामएणं सपायवीदेणं सीहासणेणं धम्मज्झएणं पुरओ] पकडिंढज्जमाणेणं-पकडिंढज्जमाणेणं सीसगणसंपरिवुडे पुव्वाणुपुत्विं चरमाणे गामाणुगामं जाव हत्थिणापुरे नगरे जेणेव सहसंबवणे उज्जाणे जाव विहरति परिसा निगगया जाव पञ्जुवासति

तए णं से गंगदत्ते गाहावती इमीसे कहाए लद्धे समाणे हट्ठुट्ठे प्हाए कयबलिकम्मे जाव अप्पमहग्धाभरणालंकियसरीरे साओ गिहाओ पडिनिक्खमति पडिनिक्खमिता पायविहारचारेणं हत्थिणापुरं नगरं मज्झमज्झेणं निगच्छति निगच्छित्ता जेणेव सहसंबवणे उज्जाणे जेणेव

मुणिसुव्वए अरहा तेणेव उवागच्छइ उवागच्छिता मुणिसुव्वयं अरहं तिकवुत्तो आयाहिणं पयाहिणं करेइ जाव तिविहाए पञ्चवासणाए पञ्चवासति तए णं मुणिसुव्वए अरहा गंगदत्तस्स गाहावत्तिस्स तीसे य महत्तिमहालियाए परिसाए धम्मं परिकहेइ जाव परिसा पडिगया तए णं से गंगदत्ते गाहावती मुणिसुव्वयस्स अरहओ अंतियं धम्मं सोच्चा निसम्मं हट्ठतुट्ठे उड्ढाए उड्ढेति उड्ढेत्ता मुणिसुव्वयं अरहं वंदइ नमंसइ वंदित्ता नमंसित्ता एवं कयासी-सहहामि णं भंते निग्गंथं पावयणं जाव से जहेयं तुव्वे वदह जं नवरं देवाणुप्पिया जेड्ढपुत्तं कुडुंबे ठावेमि तए णं अहं देवाणुप्पियाणं अंतियं मुंडे [भदित्ता अगाराओ अणगारियं] पव्वयामि अहासहं देवाणुप्पिया मा पडिबंधं तए णं से गंगदत्ते गाहावई मुणिसुव्वएणं अरहया एवं वुत्ते समाणे हट्ठतुट्ठे मुणिसुव्वयं अरहं वंदइ नमंसइ वंदित्ता नमंसित्ता मुणिसुव्वयस्स अरहओ अंतियाओ सहसंबवणाओ उज्जाणाओ पडिनिक्खमति पडिनिक्खमिता जेणेव हत्थिणापुरे नगरे जेणेव सए गिहे तेणेव उवागच्छति उवागच्छेत्ता विउत्तं असण पाण-[खाइम-साइमो] उवक्खडावेति उवक्खडावेत्ता भित्त-नाइ-नियग-जाव-आमंतेति आमंतेत्ता तओ पच्चा ण्हाए जहा पूरणे जाव जेड्ढपुत्तं कुडुंबे ठावेति तं भित्त-नाइ-नियग-जाव-जेड्ढपुत्तं च आपुच्छइ आपुच्छिता पुरिससहस्सवाहणि सीयं दुरहति दुरहित्ता भित्त-नाइ जाव परिजणेणं जेड्ढपुत्तेणं य समणुगम्मणमग्गे सव्विड्ढीए जाव दुंदुहि-निग्घोसनादित्तरवेणं हत्थिणा-गपुरं मज्झमज्जेणं निग्गच्छइ निग्गच्छित्ता जेणेव सहसंबवणे उज्जाणे तेणेव उवागच्छइ उवा- गच्छित्ता छत्तादित्ते तित्थगरातिसए पासति एवं जहा उद्दायणे जाव सयमेव आभरणे ओमुयइ ओमुइत्ता सयमेव पंचमुट्ठियं लोयं करेति करेत्ता जेणेव मुणिसुव्वए अरहा एवं जहेव उद्दायणे तहेव पव्वइए तहेव एक्कारस अंगाई अहिज्झइ जाव मासियाए संलेहणाए अत्ताणं झूसेइ झूसेत्ता सट्ठिं भत्ताई अणसणाए छेदेति छेदेत्ता आलोइय-पडिक्कंते समाहिपत्ते कालमासे कालं किच्चा महासुक्के कप्पे महासामाणे विमाणे उववायसभाए देवसयणिज्जंसि जाव गंगदत्तदेवत्ताए उववत्ते तए णं से गंगदत्ते देवे अहुणोववन्नमेत्तए समाणे पंचविहाए पज्जतीए पज्जत्तभावं गच्छति तं जहा-आहारपज्जतीए जाव भासा-मणपज्जतीए एवं खलु गोयमा गंगदत्तेणं देवेणं सा दिव्वा देविड्ढी [सा दिव्वा देवज्जुती से दिव्वे देवाणुभागे लद्धे पत्ते] अभिसमण्णागए गंगदत्तस्स णं भंते देवस्स केवतियं कालं ठिति पत्तत्ता गोयमा सत्तरस सागरोवमाई ठिती पत्तत्ता गंगदत्ते णं भंते देवे ताओ देवलोगाओ आउक्खएणं [भवक्खएणं ठिइक्खएणं अनंतरं चयं चइत्ता कहिं गच्छिहिति कहिं उववज्जिहिति गोयमा] महाविदेहे वासे सिज्झिहिति जाव सब्बदुक्खाणं अंतं काहिति सेवं भंते सेवं भंते ति। ५७७-६७८

● सोलसमे स्ते पंचमो उड्ढो सभतो ●

—: छ द्वो—उ द्वे सो

(६७७) कतिविहे णं भंते सुविणंदंसणे पत्रत्ते गोयमा पंचविहे सुविणंदंसणे पत्रत्ते तं जहा-अहातच्चे पताणे चिंतामुविणे तव्वियरीए अव्वत्तदंसणे सुत्ते णं भंते सुविणं पासति जागरे सुविणं पासति सुत्तजागरे सुविणं पासति गोयमा नो सुत्ते सुविणं पासति नो जागरे सुविणं पासति सुत्तजागरे सुविणं पासति जीवा णं भंते किं सुत्ता जागरा सुत्तजागरा गोयमा जीवा सुत्ता वि जागरा वि सुत्तजागरा वि नेरइयाणं भंते किं सुत्ता-पुच्छा गोयमा नेरइया सुत्ता नो जागरा नो सुत्तजागरा एवं जाव चउरिदिया पंचिंदियतिरिक्खजोणिया णं भंते किं सुत्ता-पुच्छा गोयमा सुत्ता नो जागरा सुत्तजागरा वि मणुस्सा जहा जीवा वाणमंतर-जोइसिय-वेमाणिया जहा नेरइया। ५७८-६७९

(६७८) संवुडे णं भंते सुविणं पासति असंवुडे सुविणं पासति संवुडासंवुडे सुविणं पासति गोयमा संवुडे वि सुविणं पासति अहातच्चं पासति असंवुडे सुविणं पासति तथा वा तं होज्जा अण्णहा वा तं होज्जा संवुडासंवुडे सुविणं पासति एवं चेव जीवा णं भंते किं संवुडा असंवुडा संवुडासंवुडा गोयमा जीवा संवुडा वि असंवुडा वि संवुडासंवुडा वि एवं जहेव सुत्ताणं दंडओ तेहेव भाणियव्वो कति णं भंते सुविणा पत्रत्ता गोयमा बायालीसं सुविणा पत्रत्ता कति णं भंते महासुविणा पत्रत्ता गोयमा तीसं महासुविणा पत्रत्ता कति णं भंते सब्वसुविणा पत्रत्ता गोयमा बावत्तरिं सब्वसुविणा पत्रत्ता तित्थगरमायरो णं भंते तित्थगरंसि गब्बं बक्कममाणंसि कति महासुविणे पासित्ता णं पडिबुज्झंति गोयमा तित्थगरमायरो तित्थगरंसि गब्बं बक्कममाणंसि एसिं तीसाए महासुविणाणं इमे चोदस महासुविणे पासित्ता णं पडिबुज्झंति तं जहा-गय-उसभ जाव सिहिं च चक्कवट्ठिमायरो णं भंते चक्कवट्ठिसि गब्बं बक्कममाणंसि कति महासुविणे पासित्ता णं पडिबुज्झंति गोयमा चक्कवट्ठिमायरो चक्कवट्ठिसि गब्बं बक्कममाणंसि एएसिं तीसाए महासुविणाणं [इमे चोदस महासुविणे पासित्ता णं पडिबुज्झंति तं जहा-गय-उसभ जाव सिहिं च वामुदेवमायरो णं - पुच्छा गोयमा वामुदेवमायरो वामुदेवंसि गब्बं बक्कममाणंसि एएसिं चोद- सण्हं महासुविणाणं अण्णयरो सत्त महासुविणे पासित्ता णं पडिबुज्झंति बलदेवमायरो-पुच्छा गोयमा बलदेवमायरो जाव एएसिं चोदसण्हं महासुविणाणं अण्णयरो चत्तारि महासुविणे पासित्ता णं पडिबुज्झंति मंडलियमायरो णं भंते - पुच्छा गोयमा मंडलियमायरो जाव एएसिं चोदसण्हं महासुविमाणं अण्णयरं एणं महासुविणं पासित्ता णं पडिबुज्झंति । ५७९।-५७८

(६७९) समणे भगवं महावीरे छट्ठमत्थकालियाए अंतिथराइयंसि इमे दस महासुविणे पासित्ता णं पडिबुद्धे तं जहा- एणं च णं महं धोरूवदित्ताधरं तालपिसायं सुविणे पराजियं पासित्ता णं पडिबुद्धेएणं च णं महं सुक्किलपक्खणं पुंसकोइलगं सुविणे पासित्ता णं पडिबुद्धेएणं च णं महं चित्तविचित्तपक्खणं पुंसकोइलगं सुविणे पासित्ता णं पडिबुद्धेएणं च णं महं दामदुगं सब्वरयणामयं सुविणे पासित्ता णं पडिबुद्धेएणं च णं महं सेयं गोवग्गं सुविणे पासित्ता णं पडिबुद्धे, एणं च णं महं पउमसरं सब्वओ समंता कुसुमियं सुविणे पासित्ता णं पडिबुद्धेएणं च णं महं सागरं उम्मीवी- यीसहस्सकलियं भूयाहिं तिण्णं सुविणे पासित्ता णं पडिबुद्धेएणं च णं महं दिणयरं तेयसा जलंतं सुविणे पासित्ता णं पडिबुद्धे एणं च णं महं हरिवेरुल्लियवण्णामेयं निवणेणं अंतेणं माणुसुत्तरं पव्वयं सब्वओ समंता आवेदियं परिवेदियं सुविणे पासित्ता णं पडिबुद्धेएणं च णं महं मंदरे पव्वए मंदरचूलियाए उवरिं तीहासणवरगयं अण्णाणं सुविणे पासित्ता णं पडिबुद्धे जण्णं समणे भगवं महावीरे एणं महं धोरूवदित्ताधरं तालपिसायं सुविणे पराजियं पासित्ता णं पडिबुद्धे तण्णं समणेणं भगवया महावीरेणं मोहणिजे मूलाओ उग्धाइए जण्णं समणे भगवं महावीरे एणं महं सुक्किलं [पक्खणं पुंसकोइलगं सुविणे पासित्ता णं पडिबुद्धे तण्णं समणे भगवं महावीरे सुक्कज्झाणोवगाए विहरति जण्णं सनणे भगवं महावीरे एणं महं चित्तविचित्त जाव पडिबुद्धे तण्णं समणे भगवं महावीरे विचित्तं ससमयपरसमइयं दुवालसंगं गणिपिडगं आघवेति पन्नवेति पुरूवेति दंसेति निदंसेति उवदंसेति तं जहा-आयारं सूयगडं जाव दिट्ठिवायं जण्णं समणे भगवं महावीरे एणं महं दामदुगं सब्वरयणामयं सुविणे पासित्ता णं पडिबुद्धे तण्णं समणे भगवं महावीरे दुविहे धम्मे पत्रवेति तं जहा-अगार धम्मं वा अणगारधम्मं वा जण्णं समणे भगवं महावीरे एणं महं सेयं गोवग्गं

[सुविणे पासित्ता णं] पडिबुद्धे तण्णं समणस्स भगवओ महावीरस्स चाउव्वण्णाइण्णे समसंघे तं जहा-समण्ण समणीओ सावया सावियाओ जण्णं समणे भगवं महावीरे एगं महं पउमसरं जाव पडिबुद्धे तण्णं समणे भगवं महावीरे चउव्विहे देवे पण्णवेति तं जहा-भवणवासी वाणमंतरे जोतिसिए वेमाणिए जण्णं समणे भगवं महावीरे एगं महं सागरं जाव पडिबुद्धे तण्णं समणेणं भगवया महावीरेणं अणादीए अणवदग्गे [दीहमद्धे चाउरंते संसारकंतारे तिण्णे जण्णं समणे भगवं महावीरे एगं महं दिणयरं जाव पडिबुद्धे तण्णं समणस्स भगवओ महावीरस्स अनंते अनुत्तरे [निव्वाधाए निरावरणे कसिणे-पडिपुण्णे] केवलवरणाणदंसणे समुप्पत्ते जण्णं समणे भगवं महावीरे एगं महं हरिवेरुलिय जाव पडिबुद्धे तण्णं समणस्स भगवओ महावीरस्स ओराला कित्ति-वण्ण-सद्द-सिलोया सदेवमणुयासुरे लो परिभमंति-इति खलु समणे भगवं महावीरे इति खलु समणे भगवं महावीरे जण्णं समणे भगवं महावीरे मंदरे पव्वए मंदरचूलियाए [उवरिं सीहासणवरणयं अप्पाणं सुविणे पासित्ता णं] पडिबुद्धे तण्णं समणे भगवं महावीरे सदेवमणुयासुराए परिसाए मज्झगए केवली धम्मं आघवेति [पत्रत्तेवि परुवेति दंसेति निदंसेति] उवदंसेति 14८01-579

(६८०) इत्थी वा पुरिसे वा सुविणंते एगं महं हयपंतिं वा गयपंतिं वा [नरपंतिं वा किन्नरपंतिं वा महोरपंतिं वा गंधव्वपंतिं वा] वसमपंतिं वा पासमाणे पासति दुरुहमाणे दुरुहति दुरुदमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं दामिणिं पाईणपडिणायत्तं दुरुओ समुदे पुट्ठं पासमाणे पासति संवेल्लेमाणे संवेल्लेइ संवेल्लियमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं रज्जुं पाईणपडिणायत्तं दुरुओ लोगंते पुट्ठं पासमाणे पासति छिंदमाणे छिंदति छिन्नमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं किण्हसुत्तगं वा [नीलसुत्तगं वा लोहियसुत्तगं वा हल्लिहसुत्तगं वा] सुक्किलसुत्तगं वा पासमाणे पासति उग्गोवेमाणे उग्गोवेति उग्गोवित्तमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं अयरसिं वा तंबरासिं वा तउयरसिं वा सीसगरासिं वा पासमाणे पासति दुरुहमाणे दुरुहति दुरुदमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं हिरणरासिं वा सुवण्णरासिं वा रयणरासिं वा वइररासिं वा पासमाणे पासति दुरुहमाणे दुरुहति दुरुदमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं तणरासिं वा [कट्ठरासिं वा पत्तरासिं वा तयरसिं वा तुसरसिं वा भुसरसिं वा गोमयरसिं वा] अवकरासिं वा पासमाणे पासति विक्खिरमाणे विक्खिरति विक्खिण्णमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं सरयंभं वीरणयंभवा वंसीमूलयंभं वा वल्लीमूलयंभं वा पासमाणे पासति उम्मूलेमाणे उम्मूलेति उम्मूलितमिति अप्पाणं मन्नति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करोति इत्थी वा पुरिसे वा सुविणंते एगं महं खीरकुंभं वा दधिकुंभं वा घयकुंभं वा मधुकुंभं वा पासमाणे पासति उप्पाडेमाणे उप्पाडेति उप्पाडित्तमिति अप्पाणं मन्नति तक्खणामेव

बुज्झति तेणेव भवग्गहणेणं सिज्झति जाव सव्वदुक्खाणं अंतं करेति

इत्थी वा पुरिसे वा सुविणंते एणं महं पुरावियडकुंभं वा सोवीरवियडकुंभं वा तेलकुंभं वा यसाकुंभं वा पासमाणे पासति भिंदमाणे भिंदति भिन्नमिति अप्पाणं मज्जति तक्खणामेव बुज्झति दोघे भवग्गहणे सिज्झति जाव सव्वदुक्खाणं अंतं करेति इत्थी वा पुरिसे वा सुविणंते एणं महं पउमसरं कुसुमियं पासमाणे पासति ओगाहमाणे ओगाहति ओगाढमिति अप्पाणं मज्जति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करेति इत्थी वा पुरिसे वा सुविणंते एणं महं सागरं उम्मीवीयीसहस्सकलियं पासमाणे पासति तरमाणे तरति तिण्णमिति अप्पाणं मज्जति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करेति इत्थी वा पुरिसे वा सुविणंते एणं महं भवणं सव्वरयणापयं पासमाणे पासति अनुप्पविसमाणे अनुप्पविसति अनुप्पविट्ठमिति अप्पाणं मज्जति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करेति इत्थी वा पुरिसे वा सुविणंते एणं महं विमाणअं सव्वरयणापयं पासमाणे पासति दुहुमाणे दुहुति दुरुढमिति अप्पाणं मज्जति तक्खणामेव बुज्झति तेणेव भवग्गहणेणं सिज्झति जाव सव्वदुक्खाणं अंतं करेति । ५८१-५८०

(६८१) अहं भंते कोडुपुडाण वा जाव केयडपुडाण वा अनुवायंसि उब्भिज्जमाणान वा [निब्भिज्जमाणान वा उक्किरिज्जमाणान वा विक्किरिज्जमाणान वा ठाणाओ वा ठाणं संकामिज्जमाणानं किं कोट्टे वाति जाव केई वाति गोयमा नो कोट्टे वाति जाव नो केयड वाति घाणसहगया पोग्गला वाति सेवं भंते सेवं भंते ति । ५८२-५८२

● सोलसमे सते छट्ठो उड्ढो सयत्तो ●

—: स त्त मो—उ डे सो —:

(६८२) कतिविहे णं भंते उवओगे पत्रत्ते गोयमा दुविहे उवओगे पत्रत्ते एवं जहा उवओगपदं पत्रवणाए तहेव निरवसेसं नेयव्वं पासणयापदं च नेयव्वं सेव भंते सेवं भंते ति । ५८३।

● सोलसमे सते सतमो उड्ढो समतो ●

—: अ ट्ट मो—उ डे सो —:

(६८३) केमहालए णं भंते लोए पत्रत्ते गोयमा महतिमहालए लोए पत्रत्ते जहा बारसमसए तहेव जाव असंखेज्जाओ जोयणकोडाकोडीओ परिक्खेदेणं लोयस्स णं भंते पुरत्थिमिल्ले चरिमंते किं जीवा जीवदेसा जीवपदेसा अजीवा अजीवदेसा अजीवपदेसा गोयमा नो जीवा जीवदेसा वि जीवपदेसा वि अजीवा वि अजीवदेसा वि अजीवपदेसा वि जे जीवदेसा ते नियमं एंगिदियदेसा य अहवा एंगिदियदेसा य वेइदियस्स य देसे-एवं जहा दसमसए अग्गेवी दिसा तहेव नवरं-देसेसु अण्णिदियाणं आइल्लविरहिओ जे अरूवी अजीवा ते छव्विहा अद्धसमयो नत्थि सेसं तं चेव निरवसेसं लोगस्स णं भंते दाहिणिद्वे चरिमंते किं जीवा एवं चेव एवं पच्चत्थिमिल्ले वि उत्तरिल्ले वि लोगस्स णं भंते उवरिल्ले चरिमंते किं जीवा-पुच्छा गोयमा नो जीवा जीवदेसा वि जाव अजीवपदेसा वि जे जीवदेसा ते नियमं एंगिदियदेसा य अण्णिदियदेसा य अहवा एंगिदियदेसा य अण्णिदियदेसा य वेइदियस्स य देसे अहवा एंगिदियदेसा य अण्णिदियदेसा य वेइदियाण य देसा एवं मज्झिल्ल-विरहिओ जाव पंचिदियाणं जे जीवप्पदेसा ते नियमं एंगिदियप्पदेसा य अण्णिदियप्पदेसा य अहवा एंगिदि-यप्पदेसा य अण्णिदियप्पदेसा य वेइदियस्स पदेसा य अहवा एंगिदियप्पदेसा य अण्णिदि-यप्पदेसा य वेइदियाणं य पदेसा एवं आदिल्लविरहिओ जाव पंचिदियाणं अजीवा जहा दसमसए

तमाए तहेव निरवसेसं लोगस्स णं भंते हेड्डिल्ले चरिमंते किं जीवा-पुच्छा गोयमा नो जीवा जीवदेसा वि जाव अजीपदेसा वि जे जीवदेसा ते नियमं एगिंदियदेसा अहवा एगिंदियदेसा य बेइंदियस्स देसे अहवा एगिंदियदेसा य बेइंदियाण य देसा एवं मज्झिल्लविरहिओ जाव अणिदियाणं पदेसा आइल्ल विरहिया सब्बेसं जहा पुरत्थिमिल्ले चरिमंते तहेव अजीवा जहेव उवरिल्ले चरिमंते तहेव इमीसे णं भंते रयणप्पभाए पुटवीए पुरत्थिमिल्ले चरिमंते किं जीवा पुच्छा गोयमा नो जीवा एवं जहेव लोगस्स तहेव चत्तारि वि चरिमंता जाव उतरिल्ले उवरिल्ले तहेव जहा दसमसए विमला दिसा तहेव निरवसेसं हेड्डिल्ले चरिमंते जहेव लोगस्स हेड्डिल्ले चरिमंते तहेव नवरं-देसे पंचिंदिएसु तियभंगो ति सेसं तं चेव एवं जहा रयणप्पभाए चत्तारि चरिमंता भणिया एवं सक्कूरप्पभाए वि उवरिमं-हेड्डिल्ले जहा रयणप्पभाए हेड्डिल्ले एवं जाव अहेसत्तमाए एवं सोमस्स वि जाव अद्युयस्स गेवेज्जविमाणं एवं चेव नवरं-उवरिमं-हेड्डिल्लेसु चरिमंतेसु देसेसु पंचिंदियाणं वि मज्झिल्लविरहिओ चेव सेसं तहेव एवं जहा गेवेज्जविमाणा तथा अनुतरविमाणा वि ईसिंपम्भारा वि १५८४१-५८३

(६८४) परमाणुपोगले णं भंते लोगस्स पुरत्थिमिल्लो चरिमंताओ पच्चत्थिमिल्लं चरिमंतं एगसमएणं गच्छति पच्चत्थिमिल्लो चरिमंताओ पुरत्थिमिल्लं चरिमंतं एगसमएणं गच्छति दाहिणिल्लो चरिमंताओ उत्तरिल्लं [चरिमंतं एगसमएणं] गच्छति उत्तरिल्लो चरिमंताओ दाहिणिल्लं [चरिमंतं एगसमेणं] गच्छति उवरिल्लो चरिमंताओ हेड्डिल्लं चरिमंतं एगसमएणं गच्छति हेड्डिल्लो चरिमंताओ उवरिल्लं चरिमंतं एगसमेणं गच्छति हंता गोयमा परमाणुपोगलेणं लोगस्स पुरत्थिमिल्लं तं चेव जाव उवरिल्लं चरिमंतं एगसमएणं गच्छति १५८५१-५८४

(६८५) पुरिसे णं भंते वासं वासति वासं नो वासतीति हत्थं वा पायं वा बाहं वा ऊरुं वा आउंटावेमाणे वा पसारमाणे वा कतिकिरिए गोयमा जावं च णं से पुरिसे वासं वासति वासं नो वा- सतीति हत्थं वा पायं वा बाहं वा ऊरुं वा आउंटावेति वा पसारति वा तावं च णं से पुरिसे काइयाए [अहिरणियाए पाओसियाए पारितावणियाए पाणातिवायकिरियाए-पंचहिं किरियाहिं पुड्डे १५८६१-५८५

(६८६) देवे णं भंते महिड्डिए जाव महेसक्खे लोगंते ठिच्चा पभू अलोगंसि हत्थं वा पायं वा बाहं वा ऊरुं वा आउंटावेत्तए वा पसारत्तए वा नो इण्ठे सम्भे से कंण्ठेणं भंते एवं युच्चइ-देवे णं महिड्डिए जाव महेसक्खे लोगंते ठिच्चा नो पभू अलोगंसि हत्थं वा जाव पसारत्तए गोयमा जीवाणं आहारोवचिया पोगला बोदिचिया पोगला कलेवचिया पोगला पोगलामेव पप्प जीवाणं य अजीवाणं य गतिपरियाए आहिज्जइ अलोए णं नेवत्थि जीवा नेवत्थि पोगला से तेण्ठेणं [गोयमा एवं युच्चइ-देवे महिड्डिए जाव महेसक्खे लोगंसे ठिच्चा नो पभू अलोगंसि हत्थं वा जाव पसारत्तए वा सेवं भंते सेवं भंते ति १५८७१-५८६

● सोलसमे सते अद्दमो उदेसो सप्ततो ●

—: न व मो—उ द्वे सो —:

(६८७) कहिण्णं भंते बलिस्स वड्ढोयणिंदस्स वड्ढोयणरण्णो सभा सुहम्मा पन्नत्ता गोयमा जंबुद्वीवे दीये मंदरस्स पव्वयस्स उत्तरे णं तिरियमसंखेज्जे जहेव चमरस्स जाव बायालीसं जोयणसहस्साइ ओगाहिता एत्थ णं बलिस्स वड्ढोयणिंदस्स वड्ढोयणरण्णो रुयगिंदे नामं उप्पाय-पव्वए पन्नते सत्तरस एकक्वीसे जोयणसए-एवं पमाणं जहेव तिगिच्छकूडस्स पासायवड्डेसगस्स वि तं चेव पमाणं सीहासणं सपरिवारं बलिस्स परिवारेणं अट्ठो तहेव नवरं- रुयगिंदप्पमाई-

सत-१६, उद्देशो-१

३४७

रूपगिंदप्पभाई-रूपगिंदप्पभाई सेसं तं चेव जाव बलिचंचा रायहाणीए अण्णेसिं च जाव रूपगिंदप्प ण उप्पायपव्वयस्स उत्तरे णं छक्कीडिसए तहेव जाव चत्तालीसं जोयणसहस्साई ओगाहिता एत्थ णं बलिस्स वइरोयनिंदस्स वइरोयणरण्णो बलिचंचा नामं रायहाणी पत्रत्ता एणं जोयण-सहयसहसं पमाणं तहेव जाव बलिपेढस्स उववाओ जाव आयरक्खा सव्वं तहेव निरवसेसं नवरं-सातिरेणं सागरोवमं ठिठी पत्रत्ता सेसं तं चेव जाव बली वइरोयणिंदे बली वइ-रोयणिंदे सेवं भंते सेवं भंते जाव विहरइ ॥५८८१-५८८७

● सोलसमे सते नवमो उद्देशो सप्तो ●

—: द स मो—उ दे सो :—

(६८८) कतिविहा णं भंते ओही पत्रत्ता गोयमा दुविहा ओही पत्रत्ता ओहीपदं निरवसेसं भाणियव्वं सेवं भंते सेवं भंते जाव विहरइ ॥५८९१-५८९८

● सोलसमे सते दसमो उद्देशो सप्तो ●

—: इ क्का र स मो—उ दे सो :—

(६८९) दीवकुमारा णं भंते सव्वे समाहारा सव्वे समुस्सासनिस्सासा नो इण्ढे सप्पे एवं जहा पढमसए बित्थियउद्देसए दीवकुमाराणं वत्तव्वया तहेव जाव समाउया समुस्सासनिस्सासा दीवकुमाराणं भंते कति लेस्साओ पत्रत्ताओ गोयमा चत्तारि लेस्साओ पत्रत्ताओ तं जहा-कण्हलेस्सा [नीललेस्सा, काउलेस्सा] तेउलेस्सा एएसिं णं भंते दीवकुमाराणं कण्हलेस्साणं जाव तेउलेस्साणं य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सव्वत्थोवा दीवकुमारा तेउलेस्सा काउलेस्सा असंखेज्जुणा नीललेस्सा विसेसाहिया कण्हलेस्सा विसेसाहिया एएसिं णं भंते दीवकुमाराणं कण्हलेस्साणं जाव तेउलेस्साणं य कयरे कयरेहिंतो अप्पिड्ढिया वा महिड्ढिया वा गोयमा कण्हलेस्साहिंतो नीललेस्सा महिड्ढिया जाव सव्वमहिड्ढिया तेउलेस्सा सेवं भंते सेवं भंते जाव विहरइ ॥५९०-५९१-५८९-१

● सोलसमे सते इक्कारसमो उद्देशो सप्तो ●

—: बा र स मो—उ दे सो :—

(६९०) उदहिकुमाराणं भंते सव्वे समाहारा एवं चेवसेवं भंते सेवं भंते ति ॥५९०-२१-५८९-२

● सोलसमे सते बारामो उद्देशो सप्तो ●

—: ते र स मो—उ दे सो :—

(६९१) एवं दिसाकुमारा वि ॥५९०-३१-५८९-३

● सोलसमे सते तेरसमो उद्देशो सप्तो ●

—: चो इ स मो—उ दे सो :—

(६९२) एवं थणियकुमारा वि सेवं भंते सेवं भंते जाव विहरइ ॥५९०१-५८९

● सोलसमे सते चोदसमो उद्देशो सप्तो ● सोलसमं सतं सप्तं ●

सत्तरसमं — सतं

—: प द मो—उ दे सो

(६९३) नमो सुयदेवयाए भगवईए ॥५९१-११-५९०-१

(६९४) कुजर संजय सेलेसि किरिय ईसाण पढवि दग वाऊ

एगिंदिय नाग सुवण्ण विज्जु वातग्गि सत्तरसे

॥७७॥-१

(६९५) रायगिहे जाव एवं वयासी-उदायी णं भंते हत्थिराया कओहिंतो अनंतरं उव्वट्ठिता उदायिहत्थिरायत्ताए उववत्रे गोयमा असुरकुमारहिंतो देवेहिंतो अनंतरं उव्वट्ठिता उदायिहत्थिरायत्ताए उववत्रे उदायी णं भंते हत्थिराया कालमासे कालं किच्चा कहिं गच्छिहिति कहिं उववज्झिहिति गोयमा इमीसे रयणप्पभाए पुढवीए उक्कोससागरोवमद्धितियंसि निरयावासंसि नेरइयत्ताए उववज्झिहिति से णं भंते तओहिंतो अनंतरं उव्वट्ठिता कहिं गच्छिहिति कहिं उववज्झिहिति गोयमा महाविदेहे वासे सिज्झिहिति जाव सब्बदुक्खाणं अंतं काहिति भूयाणंदे णं भंते हत्थिराया कओहिंतो अनंतरं उव्वट्ठिता भूयाणंदे हत्थिरायत्ताए उववत्रे एवं जहेव उदायी जाव अंतं काहिति

१५९११-५९०

(६९६) पुरिसे णं भंते तलथारुहइ आरुहित्ता तलाओ तलफलं पचालेमाणे वा पवाडेमाणे वा कतिकिरिए गोयमा जाव च णं से पुरिसे तलमारुहइ आरुहित्ता तलाओ तलफलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे जेसिं पि णं जीवाणं सरीरेहिंतो तले निव्वत्तिए तलफले निव्वत्तिए ते वि णं जीवा काइयाए जाव पंचहिं किरियाहिं पुट्ठा अहे णं भंते से तलफले अप्पणो गरुयत्ताए भारियत्ताए गरुयसंभारियत्ताए अहे वीससाए पच्चोवयमाणे जाइं तत्थ पाणाइं जाव जीवियाओ ववरोवेति तए णं भंते से पुरिसे कतिकिरिए गोयमा जावं च णं से तलफले अप्पणो गरुयत्ताए जाव जीवियाओ ववरोवेति तावं च णं से पुरिसे काइयाए जाव चउहिं किरियाहिं पुट्ठे जेसिं पि णं जीवां सरीरेहिंतो तले निव्वत्तिए ते वि णं जीवा काइयाए जाव चउहिं किरियाहिं पुट्ठा जेसिं पि णं जीवाणं सरीरेहिंतो तलफले निव्वत्तिए ते णं जीवा काइयाए जाव पंचहिं किरियाहिं पुट्ठा जे वि य से जीवा अहे वीससाए पच्चोवयमाणस्स उवग्गहे वट्ठंति ते वि य णं जीवा काइयाए जाव पंचहिं किरियाहिं पुट्ठा पुरिसे णं भंते रुक्खस्स मूलं पचालेमाणे वा पवाडेमाणे वा कतिकिरिए गोयमा जावं च णं से पुरिसे रुक्खस्स मूलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे जेसिं पिय णं जीवाणं सरीरेहिंतो मूले निव्वत्तिए जाव बीए निव्वत्तिए ते वि य णं जीवा काइयाए जाव पंचहिं किरियाहिं पुट्ठा अहे णं भंते से मूले अप्पणो गरुययाए जाव जीवियाओ ववरोवेति तए णं भंते से पुरिसे कतिकिरिए गोयमा जावं च णं से मूले अप्पणो गरुययाए जाव जीवियाओ ववरोवेति तावं च णं से पुरिसे काइयाए जाव चउहिं किरियाहिं पुट्ठे जेसिं पि य णं जीवाणं सरीरेहिंतो कंदे निव्वत्तिए जाव बीए निव्वत्तिए ते वि णं जीवा काइयाए जाव चउहिं किरियाहिं पुट्ठा जेसिं पि य णं जीवाणं सरीरेहिंतो मूले निव्वत्तिए ते णं जीवा काइयाए जाव पंचहिं किरियाहिं पुट्ठा जे वि य से जीवा अहे वीससाए पच्चोवयमाणस्स उवग्गहे वट्ठंति ते वि य णं जीवा काइयाए जाव पंचहिं किरियाहिं पुट्ठा पुरिसे णं भंते रुक्खस्स कंदे पचालेमाणे वा पवाडेमाणे वा कतिकिरिए गोयमा जावं च णं से पुरिसे रुक्खस्स कंदं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे जेसिं पि य णं जीवाणं सरीरेहिंतो मूले निव्वत्तिए जाव बीए निव्वत्तिए ते वि य णं जीवा काइयाए जाव पंचहिं किरियाहिं पुट्ठा अहे णं भंते से कंदे अप्पणो गरुययाए जाव जीवियाओ ववरोवेति तए णं भंते से पुरिसे कतिकिरिए गोयमा जावं च णं से कंदे अप्पणो गरुययाए जाव जीवियाओ ववरोवेति तावं च णं से पुरिसे काइयाए जाव चउहिं किरियाहिं पुट्ठे जेसिं पि य णं जीवाणं सरीरेहिंतो मूले निव्वत्तिए खंधे निव्वत्तिए जाव बीए निव्वत्तिए ते वि णं जीवा काइयाए जाव चउहिं किरियाहिं पुट्ठा जेसिं पि य णं

जीवाणं सरीरेहितो कंदे निव्वत्तिए तं णं जीवा काइयाए जाव पंचहिं किरियाहिं पुट्टा जे वि य से जीवा अहे वीससाए पच्चोवयमाणस्स उवागहे वट्ठति ते वि य णं जीवा काइयाए जाव पंचहिं किरियाहिं पुट्टा जहा कंदे एवं जाव वीयं। ५९२।-५९१

(६९७) कति णं भंते सरीरगा पन्नत्ता गोयमा पंच सरीरगा पन्नत्ता तं जहा-ओरालिए जाव कम्मए कति णं भंते इंदिया पन्नत्ता गोयमा पंच इंदिया पन्नत्ता तं जहा-सोईदिए जाव फासिदिए कतिविहे णं भंते जोए पन्नत्ते गोयमा तिविहे जोए पन्नत्ते तं जहा-मणजोए वड्जोए कायजोए जीवे णं भंते ओरालियसरीरं निव्वत्तेमाणे कतिकिरिए गोयमा सिय तिकिरिए सिय चउकिरिए सिय पंचकिरिए एवं पुढविकाइए वि एवं जाव मणुस्से जीवा णं भंते ओरालियसरीरं निव्वत्तेमाणा कतिकिरिया गोयमा तिकिरिया वि चउकिरिया वि पंचकिरिया वि एवं पुढविकाइया वि एवं जाव मणुस्सा एवं वेउब्बियसरीरेण वि दो दंडगा नवरं-जस्स अत्थि वेउब्बियं एवं जाव कम्मगसरीरं एवं सोईदियं जावं फासिदियं एवं मणजोगं वड्जोगं कायजोगं जस्स जं अत्थि तं भाणियव्वं एए एगत्त पुहत्तेणं छवीसं दंडगा। ५९३।-५९२

(६९८) कतिविहे णं भंते भावे पन्नत्ते गोयमा छव्विहे भावे पन्नत्ते तं जहा-उदइए ओवसमिए खइए खओवसमिए पारिणामिए सन्निवाइए से किं तं ओदइए, ओदइए भावे दुविहे पन्नत्ते तं जहा-उदए य उदयनिष्फत्ते य एवं एएणं अभिलावेणं जहा अनुओगदारे छत्रामं तहेव निरावसेसं भाणियव्वं जाव सेत्तं सन्निवाइए भावे सेवं भंते सेवं भंते ति। ५९४।-५९३

● सत्तासमे सत्ते पढो उद्देशे सम्यत्तो ●

—: बी ओ—उ हे सो —:

(६९९) से नूणं भंते संजत-विरत-पडिहत-पच्चक्खातपावकम्मे धम्मे ठिते अस्संजत-अविरत-अपडिहत-अपच्चक्खातपावकम्मे अधम्मे ठिते संजतासंजते धम्माधम्मे ठिते इत्ता गोयमा संजत-विरत-जाव धम्माधम्मे ठिते एयंसि णं भंते धम्मंसि वा अधम्मंसि वा धम्माधम्मंसि वा चक्किया केइ आसइत्तए वा [सइत्तए वा चिड्डइत्तए वा निसीइत्तए] वा तुयइत्तए वा गोयमा ने इण्ठे समट्ठे से केणं खाइं अट्ठेणं भंते एवं बुद्धइ जाव संजतासंजते धम्माधम्मे ठिते गोयमा संजत-विरत-जाव-पावकम्मे धम्मे ठिते धम्मं चेव उवसंपज्जित्ताणं विहरति अस्संजत-जाव पावकम्मे धम्मे ठिते अधम्मं चेव उवसंपज्जित्ताणं विहरति संजतासंजते धम्माधम्मे ठिते धम्माधम्मं उवसंपज्जित्ताणं विहरति से तेणट्ठेणं जाव धम्माधम्मे ठिते जीवा णं भंते किं धम्मे ठिता अधम्मे ठिता धम्माधम्मे ठिता गोयमा जीवा धम्मे वि ठिता अधम्मे वि ठिता धम्माधम्मे वि ठिता नेरइयाणं-पुच्छा गोयमा नेरइया नो धम्मे ठिता अधम्मे ठिता नो धम्माधम्मे ठिता एवं जाव चउरिंदियाणं पंचिंदियतिरिक्खजोणियाणं-पुच्छा गोयमा पंचिंदियतिरिक्खजोणिया नो धम्मे ठिता अधम्मे ठिता धम्माधम्मे वि ठिता मणुस्सा जहा जीवा याणमंतर जोइसिय-वेमामिया जहा नेरइया। ५९५।-५९४

(७००) अन्नउत्थिया णं भंते एवमाइक्खंति जाव परूवेत्ति-एवं खलु समणा पंडिया समणोवासया बालपंडिया जस्स णं एगपाणाए वि दंडे अणिकिखत्ते से णं एगंतबाले ति दत्तव्वं सिया से कहमेयं भंते एवं गोयमा जण्णं ते अन्नउत्थिया एवमाइक्खंति जाव एगंतबाले ति दत्तव्वं सिया जे ते एवमाहंसु मिच्छं ते एवमाहंसु अहं पुण गोयमा एवमाइक्खामि जाव परूवेमि-एवं खलु समणा पंडिया समणोवासया बालपंडिया जस्स णं एगपाणाए वि दंडे निकिखत्ते से णं नो एगंतबाले

ति वत्तव्वं सिया जीवा णं भंते किं बाला पंडिया बालपंडिया गोयमा बाला वि पंडिया वि बालपंडिया वि, नेरइयाणं-पुच्छा गोयमा नेरइया बाला नो पंडिया नो बालपंडिया एवं जाव च-उरिंदिया पंडिंदियतिक्खजोणियाणं-पुच्छा गोयमा पंडिंदियतिरिक्खजोणिया बाला नो पंडिया बालपंडिया वि मणुस्सा जहा जीवा दाणमंतर-जोइसिय-वेमाणिया जहा नेरइया ।५९६।-५९५

(७०१) अण्णउत्थिणा णं भंते एवमाइक्खंति जाव परूवेति-एवं खलु पाणातिवाए मुसावाए जाव मिच्छादंसणसल्ले वट्टमाणस्स अण्णे जीवे अण्णे जीवाया पाणाइवायवेरमणे जाव परिगहवेमरणे कोहविदिगे जाव मिच्छादंसणसल्लविदेगे वट्टमाणस्स अण्णे जीवे अण्णे जीवाया उप्पत्तिवाए [वेणइयाए कम्मयाए] पारिणामियाए वट्टमाणस्स अण्णे जीवे अण्णे जीवाया ओग्गहे ईहा-अवाए धारणाए वट्टमाणस्स [अण्णे जीवे अण्णे जीवाया] उट्ठाणे [कम्मे बले वीरिए पुरिसक्कार]-परक्कमे वट्टमाणस्स जाव जीवाया नेरइयत्ते तिरिक्ख-मणुस्स-देवत्ते वट्टमाणस्स जाव जीवाया नाणावरणिञ्जे जाव अंतराइए वट्टमाणस्स अण्णे जीवे अण्णे जीवाया एवं कण्हलेस्साए जाव सुक्कलेस्साए सम्मदिट्ठीए मिच्छादिट्ठीए सम्मामिच्छदिट्ठीए एवं चक्खुदंसणे अचक्खुदंसमे ओहिंदंसणे केवलदंसणे आभिणिबोहियनाणे सुयनाणे ओहिनाणे मणपज्जयनाणे केवलतनाणे मतिअन्नाणे सुयअन्नाए विभंगनाणे आहारसण्णाए भयसण्णाए मेहुणसण्णाए परिगहसण्णाए एवं ओरालियसरीरे वेउच्चियसरीरे आहारगसरीरे तेयगसरीरे कम्मगसरीरे एवं मणजोगे बइजोगे कायजोगे सागारोवओगे अणागारोवओगे वट्टमाणस्स अण्णे जीवे अण्णे जीवाया से कहमेयं भंते एवं गोयमा अण्णं ते अण्णउत्थिया एवमाइक्खंति जाव जे ते एवमाहंसु मिच्छं ते एवमाहंसु अहं पुणं गोयमा एवमाइक्खामि जाव परूवेमि-एवं खलु पाणातिवाए जाव मिच्छादंसणसल्ले वट्टमाणस्स सच्चेव जीवे सच्चेव जीवाया जाव अणागारोवओगे वट्टमाणस्स सच्चेव जीवे सच्चेव जीवाया ।५९७।-५९६

(७०२) देवे णं भंते महिइिंदिए जाव महेसक्खे पुव्वामेव रूवी भविता पभू अरूविं विउच्चिता णं चिट्ठित्ते नो इण्ठे समट्ठे से केणट्ठेणं भंते एवं वुच्चइ-देवे णं [महिइिंदिए जाव महेसक्खे पुव्वामेव रूवी भविता] नो पभू अरूविं विउच्चिता णं चिट्ठित्ते गोयमा अहमेयं जाणामि अहमेयं पासामि अहमेयं बुज्झामि अहमेयं अभिसमण्णागच्छामि मए एयं नायं मए एयं दिट्ठं मम एयं बुद्धं मए एयं अभिसमण्णागयं-जण्णं तहागयस्स जीवस्स सल्लविसस्स सकम्मस्स सरागस्स सवेदस्स समोहस्स सलेसस्स ससरीरस्स ताओ सरीराओ अविप्पमुक्कस्स एवं पण्णायति तं जहा-कालत्ते वा जाव सुक्किलत्ते वा सुब्भिगंधत्ते वा दुब्भिगंधत्ते वा तित्तत्ते वा जाव महरुत्ते वा कक्खडत्ते वा जाव लुक्खत्ते वा से तेणट्ठेणं गोयमा जाव चिट्ठित्ते सच्चेय णं भंते से जीवे पुव्वामेव अरूवी भविता पभू रूवि विउच्चिता णं चिट्ठित्ते नो इण्ठे समट्ठे जाव चिट्ठित्ते गोयमा [अहमेयं जाणामि अहमेयं पासामि अहमेयं बुज्झामि अहमेयं अभिसमण्णागच्छामि मए एयं नायं मए एयं दिट्ठं मम एयं बुद्धं मए एयं अभिसमण्णागयं-जण्णं तहागयस्स जीवस्स अरूविसस्स अकम्मस्स अरागस्स अवैदस्स अमोहस्स अलेसस्स असरीरस्स ताओ सरीराओ विप्पमुक्कस्स नो एवं पत्रायंति तं जहा-कालत्ते वा [जाव सुक्किलत्ते वा सुब्भिगंधत्ते वा दुब्भिगंधत्ते वा तित्तत्ते वा जाव महरुत्ते वा कक्खडत्ते वा जाव] लुक्खत्ते वा से तेणट्ठेणं [गोयमा एवं वुच्चइ-सच्चेव णं से जीवे पुव्वामेव अरूवी भविता नो पभू रूविं विउच्चिता णं] चिट्ठित्ते सेवं भंते सेवं भंते ति ।५९८।-५९७

● सतरसमे सत्ते बीओ उहेतो सप्ततो ●

—: त इ ओ—उ हे सो :—

(७०३) सेलेसिं पडिवन्न एणं भंते अणगारे समियं एयति वेयति [चलति फंदइ घट्टइ खुब्मइ उदीरइ तं तं भावं परिणमंति नो इण्ठे समट्टे नन्नत्येणेणं परप्पयोगेणं कतिविहा णं भंते एयणा पन्नत्ता गोयमा पंचविहा पन्नत्ता तं जहा-दब्बेयणा खेत्तेयणा कालेयणा भवेयणा भावेयणा, दब्बेयणा णं भंते कतिविहा पन्नत्ता गोयमा चउब्बिहा पन्नत्ता तं जहा-नेरइयदब्बेयणा तिरिक्ख-जोणियदब्बेयणा मणुस्सदब्बेयणा देवदब्बेयणा से केणट्ठेणं भंते एवं वुच्चइ-नेरइयदब्बेयणा-नेरइयदब्बे-यणा गोयमा जण्णं नेरइया नेरइयदब्बे वट्ठिसु वा वट्ठंति वा वट्ठिस्संति वा ते णं तत्थ ने-रइया नेर-इयदब्बे वट्ठमाणा नेरइयदब्बेयणं एइंसु वा एयंति वा एइस्संति वा से तेणट्ठेणं जाव ने-रइयदब्बेयणा से केणट्ठेणं भंते एवं वुच्चइ-तिरिक्खजोणियदब्बेयणा-तिरिक्खजोणियदब्बेयणा [गोयमा जण्णं तिरिक्खजोणिया तिरिक्खजोणियदब्बे वट्ठिसु वा वट्ठंति वा वट्ठिस्संति वा ते णं तत्थ तिरिक्खजोणिया तिरिक्खजोणियदब्बे वट्ठमाणा तिरिक्खजोणियदब्बेयणं एइंसु वा एयंति वा एइस्संति वा से तेणट्ठेणं जाव तिरिक्खजोणियदब्बेयणा से केणट्ठेणं भंते एवं वुच्चइ-मणुस्स-दब्बेयणा-मणुस्सदब्बेयणा गोयमा जण्णं मणुस्सा मणुस्सदब्बे वट्ठिसु वा वट्ठंति वा वट्ठिस्संति वा ते णं तत्थ मणुस्सा मणुस्सदब्बे वट्ठमाणा मणुस्सदब्बेयणं एइंसु वा एयंति वा एइस्संति वा से तेणट्ठेणं जाव मणुस्सदब्बेयणा से केणट्ठेणं भंते एवं वुच्चइ-देवदब्बेयणा-देवदब्बेयणा गोयमा जण्णं देवा देवदब्बे वट्ठिसु वा वट्ठंति वा वट्ठिस्संति वा ते णं तत्थ देवा देवदब्बे वट्ठमाणा देवदब्बेयणं एइंसु वा एयंति वा एइस्संति वा से तेणट्ठेणं जाव देवदब्बेयणा खेत्तेयणा णं भंते कतिविहा पन्नत्ता गोयमा चउब्बिहा पन्नत्ता तं जहा-नेरइयखेत्तेयणा जाव देवखेत्तेयणा से केणट्ठेणं भंते एवं वुच्चइ-नेरइयखेत्तेयणा-नेरइयखेत्तेयणा एवं चेव नवरं-नेरइयखेत्तेयणा भाणियन्वा एवं जाव देवखेत्तेयणा एवं कालेयणा वि एवं भवेयणा वि एवं भावेयणा वि एवं जाव देवभावेयणा। ५९९।-५९८

(७०४) कतिविहा णं भंते चलणा पन्नत्ता गोयमा ति विहा चलणा पन्नत्ता तं जहा-सरीरचलणा इंदियचलणा जोगचलणा सरीरचलणा णं भंते कतिविहा पन्नत्ता गोयम पंचविहा पन्नत्ता तं जहा-ओरालियसरीरचलणा जाव कम्मगसरीरचलणा, इंदियचलणा णं भंते कतिविहा पन्नत्ता गोयमा पंचविहा पन्नत्ता तं जहा-सोइंदियचलणा जाव फासिंदियचलणा जोगचलणा णं भंते कतिविहा पन्नत्ता गोयमा ति विहा पन्नत्ता तं जहा-मणजोगचलणा वइजोगचलणा कायजोग चलणा से केणट्ठेणं भंते एवं वुच्चइ-ओरालियसरीरचलणा-ओरालियसरीरचलणा गोयमा जण्णं जीवा ओरालियसरीरे वट्ठमाणा ओरालियसरीरपायोगाईं दब्बाईं ओरालियसरीरत्ताए परिणामेमाणा ओरालियसरीरचलणं चलिंसु वा चलंति वा चलिस्संति वा से तेणट्ठेणं जाव ओरालियसरीरचलणा से केणट्ठेणं भंते एवं वुच्चइ-वेउब्बियसरीरचलणा-वेउब्बियसरीरचलणा एवं चेव नवरं वेउब्बियसरीरे वट्ठमाणा एवं जाव कम्मगसरीरचलणा से केणट्ठेणं भंते एवं वुच्चइ-सोइंदियचलणा-सोइंदियचलणा गोयमा जण्णं जीवा सोइंदिये वट्ठमाणा सोइंदियपायोगाईं दब्बाईं सोइंदियत्ताए परिणामेमाणा सोइंदियचलणं चलिंसु वा चलंति वा चलिस्संति वा से तेणट्ठेणं जाव सोइंदियचलणा एवं जाव फासिंदियचलणा से केणट्ठेणं भंते एवं वुच्चइ-मणजोगचलणा-मणजोगचलणा गोयमा जण्णं जीवा मणजोगे वट्ठमाणा मणजोगपाओगाईं दब्बाईं मणजोगत्ताए परिणामेमाणा मणजो-गचलणं चलिंसु वा चलंति वा चलिस्संति वा से तेणट्ठेणं जाव मणजोगचलणा एवं वइजोगचलणा

वि एवं कायजोगचलणा वि ।६००।-६७७

(७०५) अह भंते संवेगे निच्चेए गुरुसाहम्यिसुत्सुसणया आलोयणया निंदणया गरहणया खमावणया विउसमणया सुयसहायता भावे अपडिबद्धया विणियट्ठणया विवित्तसयणा-
सणसेवणया सोईदियसंवरे जाव फासिंदियसंवरे जोगपच्चकखाणे सरीरपच्चकखाणे कसायपच्च-
कखाणे संभोगपच्चकखाणे उवहिपच्चकखाणे भत्तपच्चकखाणे खना विरागया भावसच्चे जोगसच्चे
करणसच्चे मणसमन्नाहरणया वइसमन्नाहरणया कायसमन्नाहरणया कोहविवेगे जाव मिच्छादंसण-
सल्लविवेगे नाणसंपन्नया दंसणसंपन्नया चरित्तसंपन्नया वेदणअहियासणया मारणंतियअहिया-
सणया-ए णं किंपज्जवसाणफला पन्नत्ता समणाउसो गोयमा संवेगे निच्चेए जाव मारणंतिय-
अहियासणया एए णं सिद्धिपज्जवसाणफला पन्नत्ता समणाउसो सेवं भंते सेवं भंते ति जाव विहरइ

।६०१।-६००

● सतरसमे सत्तेतइओ उदेत्तो सपत्ते ●

—: च उ त्यो—उ हे सो :—

(७०६) तेणं कालेणं तेणं समएणं रायगिहे नगरे जाव एवं वयासी-अत्थि णं भंते जीवाणं
पाणाइवाएणं किरिया कज्जइ हंता अत्थि सा भंते किं पुट्ठा कज्जइ अपुट्ठा कज्जइ गोयमा पुट्ठा कज्जइ नो
अपुट्ठा कज्जइ जाव निव्याघाएणं छद्दिसिं वाघायं पडुच्च सिय तिदिसिं सिय चउदिसिं सिय पंचदिसिं
सा भंते किं कडा कज्जइ अकडा कज्जइ गोयमा कडा कज्जइ नो अकडा कज्जइ सा भंते किं अत्तकडा
कज्जइ परकडा कज्जइ तदुभयकडा कज्जइ गोयमा अत्तकडा कज्जइ नो परकडा कज्जइ नो
तदुभयकडा कज्जइ सा भंते किं आणुपुब्बिं कडा कज्जइ अणानुपुब्बिं कडा कज्जइ गोयमा आणुपुब्बिं
कडा कज्जइ नो अणानुपुब्बिं कडा कज्जइ जा य कडा कज्जइ जा य कज्जिस्सइ सव्वा सा आणुपुब्बिं
कडा नो अणानुपुब्बिं कडा ति वत्तव्वं सिया एवं जाव वेमाणियाणं नवरं-जीवाणं एणिंदियाणं य
निव्याघाएणं छद्दिसिं वाघायं पडुच्च सिय तिदिसिं सिय चउदिसिं सिय पंचदिसिं सेसाणं नियमं
छद्दिसिं अत्थि णं भंते जीवाणं मुसावाएणं किरिया कज्जइ हंता अत्थि सा भंते किं पुट्ठा कज्जइ अपुट्ठा
कज्जइ जहा पाणाइवाएणं दंडओ एवं मुसाघाएणं वि एवं अदिन्नादाणेण वि मेहुणेण वि पहिग्गहेणं
वि एवं एते पंच दंडगा जं समयं णं भंते जीवाणं पाणाइवाएणं किरिया कज्जइ सा भंते किं पुट्ठा कज्जइ
अपुट्ठा कज्जइ एवं तहेव जाव वत्तव्वं सिया जाव वेमाणियाणं एवं जाव परिग्गहेणं एवं एते वि पंच
दंडगा जं देसं णं भंते जीवाणं पाणाइवाणं किरिया कज्जइ एवं चेव जाव परिग्गहेणं एते वि पंच
दंडगा जं पएसं णं भंते जीवाणं पाणातिवाएणं किरिया कज्जइ सा भंते किं पुट्ठा कज्जइ एवं तहेव
दंडओ एवं जाव परिग्गहेणं एवं एते वीसं दंडगा ।६०२।-६०१

(७०७) जीवाणं भंते किं अत्तकडे दुक्खे परकडे दुक्खे तदुभयकडे दुक्खे गोयमा अत्तकडे
दुक्खे नो परकडे दुक्खे नो तदुभयकडे दुक्खे एवं जाव वेमाणियाणं जीवा णं भंते किं अत्तकडं
दुक्खं वेदेति परकडं दुक्खं वेदेति तदुभयकडं दुक्खं वेदेति गोयमा अत्तकडं वेदेति नो परकडं दुक्खं
वेदेति नो तदुभयकडं दुक्खं वेदेति एवं जाव वेमाणियाणं जीवाणं भंते किं अत्तकडा वेयणा परकडा
वेयणा [तदुभयकडा वेयणा] गोयमा अत्तकडा वेयणा नो परकडा नो तदुभयकडा वेयणा एवं जाव
वेमाणियाणं जीवा णं भंते किं अत्तकडं वेयणं वेदेति परकडं वेयणं वेदेति तदुभयकडं वेयणं वेदेति
गोयमा जीवा अत्तकडं वेयणं वेदेति नो परकडं वेयणं वेदेति नो तदुभयकडं वेयणं वेदेति एवं जाव

सतं-१७, उद्देशो-४

३५३

वेमाणिपाणं सेवं भंते सेवं भंते ति । ६०३१-६०४

● सत्तरसमे सते चउत्थो उद्देशो समतो ●

—: पं च मो—उ हे सो :—

(७०८) कहिं णं भंते ईसाणस्स देविंदस्स देवरण्णो समो सुहम्मा पन्नत्ता गोयमा जंबुदीवे दीवे मंदारस्स पव्वयस्स उत्तरो णं इमीसे रयणप्पभाए पुढवीए बहुसरमणिज्जाओ भूमिभागाओ उड्डं चंदिम-सूरिय-गहगण-नव्वत्त-तारारूढाणं जहा ठाणपदे जाव मज्जे ईसाणवडेंसए से णं ईसाणव-डेंसए नहावेमाणे अद्धतरसजोयणसयसहस्साई-एवं जहा दसमसए सक्कदिमाणवत्तव्वया सा इह वि ईसाणस्स निरवसेसा भाणियव्वा जाव आयरक्ख ति ठिती सतिरेगाई दो सागरोवमाई सेसं तं चेव जाव ईसाणे देविंदे देवराया ईसाणे देविंदे देवराया सेवं भंते सेवं भंते ति । ६०४१-६०३

● सत्तरसमे सते पंचमो उद्देशो समतो ●

—: छ डो—उ हे सो :—

(७०९) पुढविकाइए णं भंते इमीसे रयणप्पभाए पुढवीए समोहए समोहणित्ता जे भविए सोहम्मे कप्पे पुढविकाइयत्ताए उववज्जितए से णं भंते किं पुब्बि उववज्जित्ता पच्छा संपाउणेज्जा पुब्बि संपाउणित्ता पच्छा उववज्जेज्जा गोयमा पुब्बि वा उववज्जित्ता पच्छा संपाउणेज्जा पुब्बि वा संपाउणित्ता पच्छा उववज्जेज्जा से केणट्ठेणं जाव पच्छा उववज्जेज्जा गोयमा पुढविक्काइयाणं तओ तमुग्धाया पत्तत्ता तं जहा वेदणासमुग्धाए कसायसमुग्धाए मारणंतियसमुग्धाए, मारणंतियसमुग्धाएणं समोहणमाणे देसेणं वा समोहणणति सव्वेणं वा समोहणणति देसेणं वा समोहणमाणे पुब्बि संपाउणित्ता पच्छा उववज्जेज्जा सव्वेणं समोहणमाणे पुब्बि उववज्जेज्जा पच्छा संपाउणेज्जा से तेणट्ठेणं जाव पच्छा उववज्जेज्जा पुढविक्काइए णं भंते इमीसे रयणप्पभाए पुढवीए जाव एवं चेव ईसाणे वि एवं जाव अह्य-नेवेज्जविमाणे अनुत्तरविमाणे ईसिपब्भाराए य एवं चेव पुढ-विक्काइए णं भंते सक्करप्पभाए पुढवीए समोहए समोहणित्ता जे भविए सोहम्मेकप्पे पुढ-विक्काइयत्ताए एवं जहा रयणप्पभाए पुढविक्काइओ उववाइओ एवं सक्करप्पभाए वि पुढ-विक्काइओ उववाएयव्वो जाव ईसिप्पभाए ए एवं जहा रयणप्पभाए वत्तव्वया पणिया एवं जाव अहेसत्तमाए समोहए ईसिपब्भाराए उववाएयव्वो सेसं तं चेव सेवं भंते सेवं भंते ति । ६०५१-६०४

● सत्तरसमे सते छट्ठो उद्देशो समतो ●

—: स त्त मो—उ हे सो :—

(७१०) पुढविक्काइए णं भंते सोहम्मे कप्पे समोहए समोहणित्ता जे भविए इमीसे रयणप्पभाए पुढवीए पुढविक्काइयत्ताए उववज्जितए से णं भंते किं पुब्बि उववज्जित्ता पच्छा समाउणेज्जा सेसं तं चेव जहा रयणप्पभाए पुढविक्काइए सव्वकप्पेसु जाव ईसिपब्भाराए ताव उववाइओ एवं सोहम्मपुढविक्काइओ वि सतसु वि पुढवीसु उववाएयव्वो जाव अहेसत्तमाए एवं जहा सोहम्मपुढविक्काइओ सव्वपुढवीसु उववाइओ एवं जाव ईसिपब्भारापुढविक्काइओ सव्वपुढवीसु उववाएयव्वो जाव अहेसत्तमाए सेवं भंते सेवं भंते ति । ६०६१-६०५

● सत्तरसमे सते सत्तमो उद्देशो समतो ●

—: अ ड्ठ मो—उ हे सो :—

(७११) आउक्काइए णं भंते इमीसे रयणप्पभाए पुढवीए समोहए समोहणित्ता जे भविए सोहम्मे कप्पे आउक्काइयत्ताए उववज्जितए एवं जहा पुढविक्काइओ तथा आउक्काइओ वि

सव्यकण्ठेषु जाव ईसिंपब्भाराए तहेव उववाएयव्वो एवं जहा रयणप्पमआउक्काइओ उववाइओ
तहा जाव अहेसत्तमाआउक्काइओ उववाएयव्वो जाव ईसिंपब्भाराए सेवं भंते सेवं भंते ति
॥६०७॥-६०६

● सत्तरसमे सत्ते अइमो उहेसो सप्तो ●

—: न व मो—उ हे सो :—

(७१२) आउक्काइए णं भंते सोहम्मे कण्ठे समोहए समोहणित्ता जे भविए इमीसे
रयणप्पभाए पुढवीए घणोदहिवलएसु आउक्काइयत्ताए उववज्जित्ताए से णं भंते सेसं तं चेव एवं
जाव अहेसत्तमाए जहा सोहम्माउक्काइओ एवं जाव ईसिंपब्भाराआउक्काइओ जाव अहेसत्त-
माए उववाएयव्वो सेवं भंते सेवं भंते ति ॥६०८॥-६०७

● सत्तरसमे सत्ते नवमो उहेसो सप्तो ●

—: द स मो—उ हे सो :—

(७१३) वाउक्काइए णं भंते इमीसे रयणप्पभाए जाव जे भविए सोहम्मे कण्ठे
वाउक्काइयत्ताए उववज्जित्ताए से णं भंते जहा पुढविक्काइओ तथा वाउक्काइओ वि नवरं-
वाउक्काइयाणं चत्तारि समुग्धाया पत्रत्ता तं जहा-वेदणा-समुग्धाए जाव वेउब्बियसमुग्धाए
मारणंतियसमुग्धाए णं समोहणमाणे देसेण वा समोहणइ सेसं तं चेव जाव अहेसत्तमाए समो-
हओ ईसिंपब्भाराए उववाएयव्वो सेवं भंते सेवं भंते ति ॥६०९॥-६०८

● सत्तरसमे सत्ते दसमो उहेसो सप्तो ●

—: इ क्का १ स मो—उ हे सो :—

(७१४) वाउक्काइए णं भंते सोहम्मे कण्ठे समोहए समोहणित्ता जे भविए इमीसे
रयणप्पभापुढवीए घणवाए तणुवाए घणवायवलएसु तणुवायवलएसु वाउक्काइयत्ताए उववज्जि-
त्ताए से णं भंते सेसं तं चेव एवं जहा सोहम्मे वाउक्काइओ सत्तसु वि पुढवीसु उववाइओ एवं जाव
ईसिंपब्भारावाउक्काइओ अहेसत्तमाए जाव उववाइयव्वो सेवं भंते सेवं भंते ति ॥६१०॥-६०९

● सत्तरसमे सत्ते इक्कारसमो उहेसो सप्तो ●

—: बा १ स मो—उ हे सो :—

(७१५) एगिंदिया णं भंते सव्वे समाहारा एवं जहा पढमसए वितियउहेसए पुढविक्का-
इयाणं वत्तव्वया भणिया सा चेव एगिंदियाणं इह भाणियव्वया जाव समाउया समोववज्जगा
एगिंदियाणं भंते कति लेस्साओ पत्रत्ताओ गोयमा चत्तारि लेस्साओ पत्रत्ताओ तं जहा-कण्हलेस्सा
[नीललेस्सा काउलेस्सा] तेउलेस्सा एएसिं णं भंते एगिंदियाणं कण्हलेस्साणं जाव तेउलेस्साणं य
कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सव्वत्थोवा एगिंदिया
तेउलेस्सा काउलेस्सा अनंतगुणा नीललेस्सा विसेसाहिया कण्हलेस्सा विसेसाहिया एएसिं णं भंते
एगिंदियाणं कण्हलेसाणं इड्डी जहेव दीवकुमाराणं सेवं भंते सेवं भंते ति ॥६११॥-६१०

● सत्तरसमे सत्ते बारसमो उहेसो सप्तो ●

—: ते १ स मो—उ हे सो :—

(७१६) नागकुमाराणं णं भंते सव्वे समाहारा जहा सोलसमसए दीवकुमारुहेसे तहेव
निरवसेसं भाणियव्वं जाव इड्डी सेवं भंते सेवं भंते जाव विहरइ ॥६१२॥-६११

● सत्तरसमे सत्ते तेरसमो उहेसो सप्तो ●

—: चो द स मो—उ हे सो :—

(७१७) सुवण्णकुमारा णं भंते सव्वे समाहारा एवं चेव सेवं भंते सेवं भंते ति । ६१३।७।१२

● सतरसमे सते वोइसमो उद्देशो समत्तो ●

—: प त्र र स मा—उ हे सो :—

(७१८) विज्जुकुमारा णं भंते सव्वे समाहारा एवं चेव सेवं भंते सेवं भंते ति । ६१४।७।१३

● सतरसमे सते पवरसमो उद्देशो समत्तो ●

—: सो ल स मो—उ हे सो :—

(७१९) वायुकुमारा णं भंते सव्वे समाहारा एवं चेव सेवं भंते सेवं भंते ति । ६१५।७।१४

● सतरसमे सते सोलसमो उद्देशो समत्तो ●

—: स त्त र स मो—उ हे सो :—

(७२०) अणिकुमारा णं भंते सव्वे समाहारा एवं चेव सेवं भंते सेवं भंते ति । ६१६।७।१५

● सतरसमे सते सतरसमो उद्देशो समत्तो ● सतरसमं सतं समत्तं ●

अद्धारसमं — सत्तं

—: प ढ मो—उ हे सो :—

(७२१) पढमे विसाह मायंदिण्य पाणाइवाय असुरे य

गुल केवलि अणगारे भविण्य तए सोमिलद्धारसे

॥७८॥-१

(७२२) तेणं कालेणं तेणं समएणं परायगिहे जाव एवं वचासी-जीवे णं भंते जीव भावेणं किं पढमे अपढमे गोयमा नो पढमे अपढमे एवं नेरइए जाव वेमाणिए, सिद्धे णं भंते सिद्धभावेणं किं पढमे अपढमे गोयमा पढमे नो अपढमे जीवा णं भंते जीवभावेणं किं पढमा अपढमा गोयमा नो पढमा अपढमा एवं जाव वेमाणिया, सिद्धा णं-पुच्छा गोयमा पढमा नो अपढमा आहारए णं भंते जीवे आहारभावेणं किं पढमे अपढमे गोयमा नो पढमे अपढमे एवं जाव वेमाणिए पोहतिए एवं चेव अणाहारए णं भंते जीवे अणाहारभावेणं-पुच्छा गोयमा सिय पढमे सिय अपढमे नेरइए णं भंते जीवे अणाहारभावेणं-पुच्छा एवं नेरइए जाव वेमाणिए नो पढमे अपढमे सिद्धे पढमे नो अपढमे अणाहारगा णं भंते जीवा अणाहारभावेणं-पुच्छा गोयमा पढमा वि अपढमा वि नेरइया जाव वेमाणिया नो पढमा अपढमा सिद्धा पढमा नो अपढमा-एक्केक्के पुच्छा भाणियव्वा भविसिद्धीए एगत्तं-पुहत्तेणं जहा आहारए एवं अभविसिद्धीए वि नोभवसिद्धीय-नोअभवसिद्धीए णं भंते जीवे नोभवसिद्धीय-नोअभवसिद्धीयभावेणं-पुच्छा गोयमा पढमे नो अपढमे नोभवसिद्धीय-नोअभवसिद्धीए णं भंते सिद्धे नोभवसिद्धीय-नोअभवसिद्धीयभावेणं-पुच्छा एवं पुहत्तेणं वि दोण्ह वि सण्णी णं भंते जीवे सण्णीभावेणं किं पढमे-पुच्छा गोयमा नो पढमे अपढमे एवं विगल्लेदिववज्जं जाव वेमाणिए एवं पुहत्तेणं वि असण्णी एवं वेव एगत्तं-पुहत्तेण नवरं जाव वाणमंतरा नोसण्णीनोअसण्णी जीवे मणुस्से सिद्धे पढमे नो अपढमे एवं पुहत्तेणं, वि सलेसे णं भंते-पुच्छा गोयमा जहा आहारए एवं पुहत्तेणं वि कण्हलेस्सा जाव सुक्कलेस्सा एवं चेव नवरं-जस्स जा लेसा अत्थि अलेसे णं जीव-मणुस्स-सिद्धे जहा नोसण्णी-नो असण्णी

सम्मदिद्धीए णं भंते जीवे सम्मदिद्धीभावेणं किं पढमे-पुच्छा गोयमा सिय पढमे सिय अपढमे एवं एगिंदियवज्जं जाव वेमाणिए सिद्धे गोयमा सिय पढमे सिय अपढमे एवं एगिंदियवज्जं जाव

वेमाणिए सिद्धे पढमे नो अपढमे पुहत्तिया जीवा पढमा वि अपढयमा वि एवं जाव वेमाणिया सिद्धा पढमा नो अपढमा मिच्छादिद्धीए एगत्त-पुहत्तेणं जहा आहारगा सम्मामिच्छदिद्धी एगत्त-पुहत्तेणं जहा सम्मदिद्धी नवरं-जस्स अत्थि सम्मामिच्छत्तं, संजए जीवे मणुस्से य एगत्त-पुहत्तेणं जहा सम्मदिद्धी असंजए जहा आहारए संजयासंजए जीवे पंचिंदियतिरिक्खजोणिय-मणुस्सा एगत्त-पुहत्तेणं जहा सम्मदिद्धी नोसंजए नो असंजए नोसंजयासंजए जीवे सिद्धे य एगत्त-पुहत्तेणं पढमे नो अपढमे, सकसायी कोहकसायी जाव लोभकसायी-एए एगत्त-पुहत्तेणं जहा आहारए अकसायी जीवे सिय पढमे सिय अपढमे एवं मणुस्से वि सिद्धे पढमे नो अपढमे पुहत्तेणं जीवा मणुस्सा वि पढमा वि अपढमा वि सिद्धा पढमा नो अपढमा नाणी एगत्त-पुहत्तेणं एवं चेव नवरं-जस्स जं अत्थि केवलनाणी जीवे मणुस्से सिद्धे य एगत्त-पुहत्तेणं पढमा नो अपढमा अन्नाणी मइअन्नाणी सुयअन्नाणी विभंगनाणी य एगत्त-पुहत्तेणं जहा आहारए, सजोगी मणजोगी वइजोगी कायजोगी एगत्त-पुहत्तेणं जहा आहारए नवरं-जस्स जो जोगो अत्थि अजोगी जीव मणुस्स-सिद्धा एगत्त-पुहत्तेणं पढमा नो अपढमा, सागारोवउत्ता अणागारोवउत्ता एगत्त-पुहत्तेणं जहा अणाहारए सवेदगो जाव नपुंसगवेदगो एगत्त-पुहत्तेणं आहारए नवरं-जस्स जो वेदो अत्थि अवेदओ एगत्त-पुहत्तेणं तिसु वि पदेसु जहा अकसायी ससरीरी जहा आहारए एवं जाव कम्मगसरीरी जस्स जं अत्थि सरीरं नवरं-आहारगसरीरी एगत्त-पुहत्तेणं जहा सम्मदिद्धी असरीरी जीवो सिद्धो य एगत्त-पुहत्तेणं पढमो नो अपढमो पंचहिं पज्जतीहिं पंचहिं अपज्जतीहिं एगत्त-पुहत्तेणं जहा आहारए नवरं-जस्स जा अत्थि वेमाणिया नो पढमा अपढमा इमा लक्खणगाहा-१६१७-१८-१९-२०-२१-२२-२३

(७२३) जो जेणं पत्तपुब्बो भावो सो तेणं अपढमओ होइ

सेसेसु होइ पढमो अपत्तपुब्बेसु भावेसु

॥७२३॥-१

(७२४) जीवे णं भंते जीवभावेणं किं चरिमे अचरिमे गोयमा नो चरिमे अचरिमे नेरइए णं भंते नेरइयभावेणं-पुच्छ गोयमा सिय चरिमे सिय अचरिमे एवं जाव वेमाणिए सिद्धे जहा जीवे जीवा णं-पुच्छ गोयमा नो चरिमा अचरिमा नेरइया चरिमा वि अचरिमा वि एवं जाव वेमाणिया सिद्धा जहा जीवा आहारए सब्बत्थ एगत्तेणं सिय चरिमे सिय अचरिमे पुहत्तेणं चरिमा वि अचरिमा वि अणाहाराओ जीवो सिद्धो य एगत्तेणवि पुहत्तेणं वि नो चरिमो अचरिमो सेसद्वाणेषु एगत्त-पुहत्तेणं जहा आहारओ भवसिद्धीओ जीवपदे एगत्त-पुहत्तेणं चरिमे नो अचरिमे सेसद्वाणेषु जहा आहारओ अभवसिद्धीओ सब्बत्थ एगत्त-पुहत्तेणं नो चरिमे अचरिमे नोभवसिद्धीय-नोअभवसिद्धीयजीवा सिद्धा य एगत्त-पुहत्तेणं जहा अभवसिद्धीओ, सण्णी जहा आहारओ एवं असण्णी वि नोसण्णी-नोअसण्णी जीवपदे सिद्धपदे य अचरिमे मणुस्सपदे चरिमे एगत्त-पुहत्तेणं सलेस्सो जाव सुक्कलेस्सो जहा आहारओ नवरं-जस्स जा अत्थि अलेस्सो जहा नोसण्णी-नोअसण्णी सम्मदिद्धी जहा अणाहारओ मिच्छादिद्धी जहा आहारओ सम्मामिच्छदिद्धी एगिंदिय-विगिंदिय-वज्जं सिय चरिमे सिय अचरिमे पुहत्तेणं चरिमा वि अचरिमा वि संजओ जीवो मणुस्सो य जहा आहारओ अस्संजओ वि तहेव संजयासंजए वि तहेव नवरं-जस्स जं अत्थि नोसंजय-नोअसंजय-नोसंजयासंजओ जहा नोभवसिद्धीय-नोअभवसिद्धीओ सकसायी जाव लोभकसायी सब्बद्वाणेषु जहा आहारओ अकसायी जीवपदे सिद्धे य नो चरिमे अचरिमे मणुस्सपदे सिय चरिमे सिय अचरिमे नाणी जहा सम्मदिद्धी सब्बत्थ आभिषिबोहियनाणी जाव मणपज्जवनाणी जहा आहारओ नवरं-

जस्स जं अत्थि केवलनाणी जहा नोसण्णी-नोअसण्णी अण्णाणी जाव विभंगनाणी जहा आहारओ सजोगी जाव कायजोगी जहा आहारओ जस्स जो जोगो अत्थि अजोगी जहा नोसण्णी-नोअसण्णी सागारोवउत्तो अणागारोवउत्तो य जहा अणाहारओ सवेदओ जाव नपुंसगवेदओ जहा आहारओ अवेदओ जहा अकसायी ससरीरी जाव कम्मगसरीरी जहा आहारओ नवरं-जस्स जं अत्थि असरीरी जहा नोभवसिद्धीय-नोअभवसिद्धीओ पंचहिं पज्जतीहिं पंचहिं अपज्जतीहिं जहा आहारओ सव्वत्थ एगत्त-पुहत्तेणं दंडगा भाणियव्वा [इमा लक्खणगाहा]। ६१७-२। ६१७-२

(७२५) जो जं पाविहिंति पुणो भावं सो तेणं अचरिमो होइ

अद्यंतविओगो जस्स जेणे भावेणं सो चरिमो

॥८०॥-१

(७२६) सेवं भंते सेवं भंते ति जाव विहरइ। ६१७।-६१६

● अद्धारत्तमे तते पढमो उहेसो समत्तो ●

—: बी ओ—उ हे सो :—

(७२७) तेणं कालेणं तेणं समएणं विसाहा नामं नगरी होत्था-वण्णओ बहुपुत्तिए वेइए-वण्णओ सामी समोसदे जाव पञ्चवासइ तेणं कालेणं तेणं समएणं सक्के देविंदे देवराया वज्जपाणी पुरंदो-एवं जहा सोलसमसए वितियउहेसए तहेव दिव्वेणं जाणदिमाणेणं आमओ नवरं-एत्थं आभियोगा वि अत्थि जाव बत्तीसतिविहं नट्टविहिं उवदंसेत्ता जाव पडिगए भंतेति भगवं गोयमे समणं भगवं महावीरं [वंदइ नमंसइ वंदित्ता नमंसित्ता] एवं वयासी-जहा तइयसए ईसाणस्स तहेव कूडागारदिट्ठतो तहेव पुव्वभवपुच्छा जाव अभिसमत्रागए गोयमादि समणे भगवं महावीरे भगवं गोयमं एवं वयासी-एवं खलु गोयमा तेणं कालेणं तेणं समएणं इहेव जंबुदीवे दीवे भारहे वासे हत्थिणापुरे नामं नगरे होत्था-वण्णओ सहसंबवणे उज्जाणे-वण्णओ तत्थ णं हत्थिणापुरे नगरे कत्तिए नामं सेट्ठी परिवसति अइडे जाव बहुजणस्स अपरिभूए नेगमपढमासणिए नेगमट्ठसहस्सस्स बहसु कत्तेसु य कारणेसु य कोडुंवेसु य [मंतेसु य रहस्सेसु य गुज्जेसु य निच्छएसु य ववहारेसु य आपुच्छणिजे पडिपुच्छणिजे मेढी पमाणं आहारे आलंबणं चक्खू मेढिभूए पमाणभूए आहारभूए आलंबणभूए] चक्खुभूए नेगमट्ठसहस्सस्स सयस्स य कुडुंबस्स ओहेवच्चं [पोरेवच्चं सामित्तं भट्ठित्तं आणा-ईसर-सेणावच्चं] कारेमाणे पालेमाणे समणोवासए अहिगयजीवाजीवे जाव अहापरिगहि-एहिं तवोक्कमेहिं अप्पाणं भायेमाणे विहरइ तेणं कालेणं तेणं समएणं मुणिसुव्वए अरहा आदिगरे जहा सोलसमसए तहेव जाव समोसदे जाव परिसा पञ्चवासइ

तए णं से कत्ति सेट्ठी इमीसे कहाए लच्छट्ठे समणे हट्ठुट्ठे एवं जहा एक्कारसमसए सुदंसणे तहेव निग्गओ जाव पञ्चवासति तए णं मुणिसुव्वए अरहा कत्तियस्स सेट्ठियस्स [तीसे य महतिमहालियाए परिसाए धम्म परिकहेइ] जाव परिसा पडिगया तए णं से कत्तिए सेट्ठी मुणिसुव्वयस्स [अरहओ अंतियं धम्मं सोच्चा] निसम्म हट्ठुट्ठे उट्ठाए उट्ठेति उट्ठेत्ता मुणिसुव्वयं जाव एवं वयासी-एवमेयं मंते जाव-से जहेयं तुक्के वदइ जं नवरं देवाणुप्पिया नेगमट्ठसहस्सं आपुच्छामि जेडुप्पत्तं च कुडुंबेठावेमि तए णं अहं देवाणुप्पियाणं अंतियं पव्वायमि अहासुहं देवाणुप्पिया मा पडिबंघं ते णं से कत्तिए सेट्ठी जाव पडिनिक्खमइ पडिनिक्खमिन्ता जेणेव हत्थिणापुरे नगरे जेणेव सए गेहे तेणेव उवागच्छइ उवागच्छित्ता नेगमट्ठसहस्सं सदावेइ सदावेत्ता एवं वयासी एवं खलु देवाणुप्पिया मए मुणिसुव्वयस्स अरहओ अंतियं धम्मं निसंते से वि य मे धम्मं इच्छिए पडिच्छिए

अभिरुद्धए तए णं अहं देवाणुप्पिया संसारभयुव्विग्गे जाव पव्वयामि तं तुब्बे णं देवाणुप्पिया किं करेह किं ववसह किं भे हियइच्छिं किं भे सामत्ये तए णं तं नेगमद्वसहस्सं पि कत्तियं सेट्ठिं एवं वयासी-जइ णं तुब्बे देवाणुप्पिया संसारभयुव्विग्गा जाव पव्व यह अहं देवाणुप्पिया के अण्णे आलंबे वा आहारे वा पडिबंधे वा अन्हे वि णं देवाणुप्पिया संसारभयुव्विग्गा भीया जम्मणमरणानं देवाणुप्पिएहिं सद्धिं मुणिसुव्वयस्स अरहओ अंतियं मुंडा भवित्ता अगाराओ अणगारियं पव्वयाओ तए णं से कतिए सेट्ठी तं नेगमद्वसहस्सं एवं वयासी-जइ णं देवाणुप्पिया संसारभयुव्विग्गा भीया जम्मणमरणानं मए सद्धिं मुणिसुव्वयस्स जाव पव्वयहं तं गच्छह णं तुब्बे देवाणुप्पिया सएसु गिहेसु विपुलं असणं पाणं खाइमं साइमं उवक्खडावेह मित्त-नाइ-[नियग-सयण-संबंधि-परियणं आमंतेह तं मित्त-जाव विउल्लेणं असण-पाण-खाइम-साइमेणं वत्थ-गंध-मल्लालंकारेण य सक्कारेह सम्माणेह तस्सेय मित्त-जाव पुरओ] जेडुपुत्ते कुडुंबे ठावेह ठावेत्ता तं मित्त-जाव जेडुपुत्ते आपुच्छह आपुच्छित्ता पुरिससहस्सवाहिणीओ सीयाओ दुरुहति दुरुहिता मित्त [नाइ-नियग-संबंधि]-परिजणेण जेडुपुत्तेहि य समणुगम्ममाणमग्गा सव्विइदीए जाव दुंदुहि-निग्घोसनादियरवेणं अकालपरिहीणं चेव मम अंतियं पाउब्बवए तए णं तं नेगमद्वसहस्सं पि कत्तियस्स सेट्ठिस्स एयमइ विणएणं पडिसुणेति पडिसुणेत्ता जेणेव साइ-साइ गिहाइं तेणेव उवागच्छति उवागच्छित्ता विपुलं असणं [पाणं खाइमं साइमं उवक्खडावेति उवक्खडावेत्ता मित्त-नाइ-जाव तस्सेय मित्त-नाइ-[नियग-सयण-संबंधि-परियणस्स] पुरओ जेडुपुत्ते कुडुंबेठावेति ठावेत्ता तं मित्त-नाइ-जाव जेडुपुत्ते य आपुच्छइ आपुच्छित्ता पुरिससहस्सवाहिणीओ सीयाओ दुरुहति दुरुहिता मित्त-नाइ-[नियग-सयण-संबंधि] परिजणेणं जेडुपुत्तेहि य समणुगम्ममाणमग्गा सव्विइदीए जाव दुंदुहि-निग्घोसनादियरवेणं अकालपरिहीणं चेव कत्तियस्स सेट्ठिस्स अंतियं पाउब्बवति

तए णं से कतिए सेट्ठी विपुलं असणं पाणं खाइमं साइमं उवक्खडावेति जहा गंगदत्त जाव सीयं दुरुहति दुरुहिता मित्त-नाइ-[नियग-सयण-संबंधि]-परिजणेणं जेडुपुत्तेणं नेगमद्वसहस्सेणं य समणुगम्ममाणमग्गे सव्विइदीए जाव दुंदुहिनिग्घोसनादियरवेणं हत्थिणापुरं नगरं मज्झमज्जेणं निग्गच्छइ जहा गंगदत्तो जाव आलिते णं भंते लोए पलित्ते णं भंते लोए आलित-पलित्ते णं भंते लोए जाव आणुगामियत्ता भविस्सति तं इच्छामि णं भंते नेगमद्वसहस्सेण सद्धिं सयमेव पव्वावियं जाव धम्ममाइक्खियं तए णं मुणिसुव्वए अरहा कत्तियं सेट्ठिं नेगमद्वसहस्सेणं सद्धिं सयमेव पव्वावेति जाव धम्ममाक्खइ-एवंदेवाणुप्पिया गंतव्वं एवं चिद्धियव्वं जाव संजमियव्वं तए णं से कतिए सेट्ठी नेगमद्वसहस्सेणं सद्धिं मुणिसुव्वयस्स अरहओ इमं एयारूवं धम्मियं उवदेसं सम्मं पडिवज्जइ तमाणए तहा गच्छति जाव संजमेति तए णं से कतिए सेट्ठी नेगमद्वसहस्सेणं सद्धिं अणगारे जाए-ईरियासमिए जाव गुत्तबंभयारी तए णं से कतिए अणगारे मुणिसुव्वयस्स अरहओ तहारूवाणं थेराणं अंतियं सम्माइयमाइयाइं चोदस पुव्वाइं अहिज्जइ अहिज्जित्ता बहूहिं चउत्थ छट्ठम दसमदुवालसेहिं मासद्धमासखमणेहिं विचित्तेहिं तवोकम्मेहिं] अप्पाणं भावेमाणे बहुपडि-पुण्णाइं दुवालस वासाइं सामण्णपरियागं पाउणइ पाउणिता मासियाए संलेहणाए अत्ताणं झोसेइ झोसेत्ता सट्ठिं भत्ताइं अणसणाए छेदेति छेदेत्ता आत्तोइय-[पडिक्कंते समाहिपते कालमासे] कालं किच्चा सोहम्मे कप्पे सोहम्मवडेंसए विमाणे उववायसभाए देवसयणिज्जंसि [देवदूसंतरिए अंगुलस्स

असंखेज्जद्भागमेत्तीए ओगाहणाए। सक्के देविंदत्ताए उववन्ने तए णं से सक्के देविंदे देवराया
अहुणोववण्णमेत्तए सेसं जहा गंगदत्तस्स जाव सव्वदुक्खाणं अंतं काहिति नवरंठिती दो
सागरोवमाइं सेसं तं चेव सेवं भंते सेवं भंते ति । ६१८।-६१८

● अद्धारसमे सत्ते बीओ उद्देशो समत्तो ●

—: त इ ओ—उ दे सो —:

(७२८) तेणं कालेणं तेणं समएणं रायगिहे नगरे होत्था-वण्णओ गुणसिलए इएचेवण्णओ
जाव परिसा पडिगया तेणं कालेणं तेणं समएणं समणस्स भगवओ महावीरस्स अंतेवासी
मागंदियपुत्ते नामं अणगारे पगइभहए-जहा मंडियपुत्ते जाव पजुवासमाणे एवं वयासी-से नूणं भंते
काउलेस्से पुढविकाइए काउलेस्सेहिंतो पुढविकाइएहिंतो अनंतरं उव्वट्ठिता माणुसं विग्गहं लभति
लभित्ता केवलं वोहिं बुज्झति बुज्झित्ता तओ पच्छा सिज्झति जाव सव्वदुक्खाणं अंतं करोति हंता
मागंदियपुत्ता काउलेस्से पुढविकाइए जाव सव्वदुक्खाणं अंतं करोति से नूणं भंते काउलेस्से
आउकाइए काउलेस्सेहिंतो आउकाइएहिंतो अनंतरं उव्वट्ठिता माणुसं विग्गहं लभति लभित्ता
केवलं वोहिं बुज्झति जाव सव्वदुक्खाणं अंतं करोति हंता मागंदियपुत्ता जाव सव्वदुक्खाणं अंतं
करोति से नूणं भंते काउलेस्से वणस्सइक्काइए काउलेस्सेहिंतो वणस्सइक्काइएहिंतो जाव
सव्वदुक्खाणं अंतं करोति सेवं भंते सेवं भंते ति मागंदियपुत्ते अणगारे समणं भगवं महावीरं [वंदइ
नमंइ वंदित्ता नमंसित्ता] जेणेव समणा निग्गंथा तेणेव उवागच्छति उवागच्छित्ता समणे निग्गंथे एवं
वयासी-एवं खलु अज्जो काउलेस्से पुढविकाइए तहेव जाव सव्वदुक्खाणं अंतं करोति एवं खलु
अज्जो काउलेस्से आउक्काइए तहेव जाव सव्वदुक्खाणं अंतं करोति एवं खलु अज्जो काउलेस्से
वणस्सइक्काइए तहेव जाव सव्वदुक्खाणं अंतं करोति तए णं ते समणा निग्गंथा मागंदियपुत्तस्स
अणगारस्स एवमाइक्खमाणस्स जाव एवं परूवेत्ताएणस्स एवमइं नो सदहंति नो पत्तिवंति नो रोएणंति
एयमइं अरइहमाण्णा अपत्तियमाण्णा अरोएमाण्णा जेणेव समणे भगवं महावीरे तेणेव उवागच्छति
उवागच्छित्ता समणं भगवं महावीरं वंदंति नमंसंति वंदित्ता नमंसित्ता एवं वयासी-एवं खलु भंते
मागंदियपुत्ते अणगारे अहं एवमाइक्खति जाव परूवेत्ति-एवं खलु अज्जो काउलेस्से पुढविकाइए
जाव सव्वदुक्खाणं अंतं करोति एवं खलु अज्जो काउलेस्से आउक्काइए जाव सव्वदुक्खाणं अंतं
करोति एवं खलु अज्जो काउलेस्से वणस्सइक्काइए वि जाव सव्वदुक्खाणं अंतं करोति से कहमेयं भंते
एवं अज्जोति समणे भगवं महावीरे ते समणे निग्गंथे आमंत्तित्ता एवं वयासी-जण्ण अज्जो
मागंदियपुत्ते अणगारे तुब्भे एवमाइक्खति जाव परूवेत्ति-एवं खलु अज्जो काउलेस्से पुढविकाइए
जाव सव्वदुक्खाणं अंतं करोति एवं खलु अज्जो काउलेस्से आउकाइए जाव सव्वदुक्खाणं अंतं
करोति एवं खलु अज्जो काउलेस्से वणस्सइक्काइए वि जाव सव्वदुक्खाणं अंतं करोति सच्चे णं एसमइं
अहं पि णं अज्जो एवमाइक्खामि एवं भासेमि एवं पन्नवेमि एवं परूवेमि-एवं खलु अज्जो कण्हलेसे
पुढविकाइए कण्हलेसेहिंतो पुढविकाइएहिंतो जाव सव्वदुक्खाणं अंतं करोति एवं खलु अज्जो
नीललेस्से पुढविकाइए जाव सव्वदुक्खाणं अंतं करोति एवं काउलेस्से वि जहा पुढविकाइए एवं
आउकाइए वि एवं वणस्सइक्काइए वि सच्चे णं एसमइं सेवं भंते सेवं भंते ति समणा निग्गंथा समणं
भगवं महावीरे वंदंति नमंसंति वंदित्ता नमंसित्ता जेणेव मागंदियपुत्ते अणगारे तेणेव उवागच्छति
उवागच्छित्ता मागंदियपुत्तं अणगारं वंदंति नमंसंति वंदित्ता नमंसित्ता एयमइं सम्भविणएणं भुज्जो-

भुजो खामेति । ६११-८१८

(७२९) तए णं से मागंदियपुत्ते अणगारे उट्ठाए उट्ठेइ उट्ठेत्ता जेणेव समणे भगवं महावीरे तेणेव उवागच्छति उवागच्छिता समणं भगवं महावीरं वंदति नमंसति वंदिता नमंसिता एवं वयासी- अणगारस्स णं भंते भावियप्पणो सव्वं कम्मं वेदेमाणस्स सव्वं कम्मं निज्जरेमाणस्स सव्वं मारं मरमाणस्स सव्वं सरीरं विप्पजहमाणस्स चरिमं कम्मं वेदेमाणस्स चरिमं कम्मं निज्जरेमाणस्स चरिमं मारं मरमाणस्स चरिमं सरीरं विप्पजहमाणस्स मारणंतियं कम्मं वेदेमाणस्स मारणंतियं कम्मं निज्जरेमाणस्स मारणंतियं मारं मरमाणस्स मारणंतियं सरीरं विप्पजहमाणस्स जे चरिमा निज्जरापोगला सुहुमा णं ते पोगला पत्रत्ता समणाउसो सव्वं लोगं पि णं ते ओगाहिता णं चिट्ठंति हंता मागंदियपुत्ता अणगारस्स णं भावियप्पणो सव्वं कम्मं वेदेमाणस्स जाव जे चरिमा निज्जरापोगला सुहुमा णं ते पोगला पत्रत्ता समणाउसो सव्वं लोगं पि णं ते ओगाहिता णं चिट्ठंति छउमत्ये णं भंते मणुस्से तेसिं निज्जरापोगलाणं किंचि आणत्तं वा नाणत्तं वा ओमत्तं वा तुच्छत्तं वा गरुयत्तं वा लहुयत्तं वा जाणइ-पासइ मागंदियपुत्ता नो इण्ठे समट्ठे से केणट्ठेणं भंते एवं वुच्चइ-छउमत्ये णं मणुस्से तेसिं निज्जरापोगलाणं नो किंचि आणत्तं वा नाणत्तं वा ओमत्तं वा तुच्छत्तं वा गरुयत्तं वा लहुयत्तं वा जाणइ-पासइ मागंदियपुत्ता देवे वि य णं अत्येगइए जे णं तेसिं निज्जरापोगलाणं जाव जाणइ-पासइ से तेणट्ठेणं मागंदियपुत्ता एवं वुच्चइ-छउमत्ये णं मणुस्सेतेसिं निज्जरापोगलाणं जाव जाणी-पासइ सुहुमा णं ते पोगला पत्रत्ता समणाउसो सव्वलोगं पि य णं ते ओगाहिता चिट्ठंति नेरइया णं भंते ते निज्जरापोगले किं जाणंति-पासंति आहारेंति उदाहु न जाणंति न पासंति न आहारेंति मागंदियपुत्ता नेरइया णं ते निज्जरापोगले न जाणंति न पासंति आहारेंति एवं जाव पंचिंदियतिरिक्खजोणिया मणुस्सा णं भंते ते निज्जरापोगले किं जाणंति-पासंति आहारेंति उदाहु न जाणंति न पासंति न आहारेंति मागंदियपुत्ता अत्येगइया जाणंति-पासंति आहारेंति अत्येगइया न जाणंति न पासंति आहारेंति से केणट्ठेणं भंते एवं वुच्चइ-अत्येगइया जाणंति-पासंति आहारेंति अत्येगइया न जाणंति न पासंति आहारेंति मागंदियपुत्ता मणुस्सा दुविहा पत्रत्ता तं जहा-सण्णिभूया य असण्णिभूया य तत्थ णं जे ते असण्णिभूया ते णं न जाणंति न पासंति आहारेंति तत्थ णं जे ते सण्णिभूया ते दुविहा पत्रत्ता तं जहा-उवउत्ता य अनुवउत्ता य तत्थ णं जे ते अनुवउत्ता ते णं न जाणंति न पासंति आहारेंति तत्थ णं जे ते उवउत्ता ते णं जाणंति-पासंति आहारेंति से तेणट्ठेणं मागंदियपुत्ता एवं वुच्चइ-अत्येगइया न जाणंति पासंति आहारेंति अत्येगइया जाणंति-पासंति आहारेंति वाणमंतर-जोइसिया जहा नेरइया

वेमाणिया णं भंते ते निज्जरापोगले किं जाणंति-पासंति आहारेंति मागंदियपुत्ता जहा मणुस्सा नयर-वेमाणिया दुविहा पत्रत्ता तं जहा-मायिमिच्छदिट्ठीउववन्नगा य अमायिसम्मदिट्ठी-उववन्नगा य तत्थ णं जे ते मायिमिच्छदिट्ठीउववन्नगा ते णं न जाणंति न पासंति आहारेंति तत्थ णं जे ते अमायिमिच्छदिट्ठीउववन्नगा ते णं न जाणंति न पासंति आहारेंति तत्थ णं जे ते अमायि-सम्मदिट्ठीउववन्नगा ते दुविहा पत्रत्ता तं जहा-अनंतरोववन्नगा य परंपरोववन्नगाय, तत्थ णं जे ते अनंतरोववन्नगा ते णं न जाणंति न पासंति आहारेंति तत्थ णं जे ते परंपरोववन्नगा ते दुविहा पत्रत्ता तं जहा-पज्जत्तगा य अपज्जत्तगा य तत्थ णं जे ते अपज्जत्तगा ते णं न जाणंति न पासंति आहारेंति तत्थ णं जे ते पज्जत्तगा ते दुविहा पत्रत्ता तं जहा-उवउत्ता य अनुवउत्ता य तत्थ णं जे ते अनुवउत्ता

ते णं न जाणन्ति न पासन्ति आहारंति तस्य णं जे ते उवउत्ता ते णं जाणन्ति-पासन्ति आहारंति से तेण्डेणं मार्गदियपुत्ता एवं वुच्चइ-अत्येगइया न जाणन्ति न पासन्ति आहारंति अत्येगइया जाणन्ति-पासन्ति आहारंति।६२०।-619

(७३०) कतिविहे णं भंते बंधे पन्नते मार्गदियपुत्ता दुविहे बंधे पन्नते तं जहा-दव्वबंधे य भावबंधे य दव्वबंधे णं भंते कतिविहे पन्नते मार्गदियपुत्ता दुविहे पन्नते तं जहा-पयोगबंधे य वीससाबंधे य वीससाबंधे णं भंते कतिविहे पन्नते मार्गदियपुत्ता दुविहे पन्नते तं जहा-सादीयवीससाबंधे य अणादीयवीससाबंधे य पयोगबंधे णं भंते कतिविहे पन्नते मार्गदियपुत्ता दुविहे पन्नते तं जहा-सिद्धिलबंधणबंधे य घणिलबंधणबंधे य घणियबंधणबंधे य भावबंधे णं भंते कतिविहे पन्नते मार्गदियपुत्ता दुविहे पन्नते तं जहा-मूलपगडिबंधे य उत्तरपगडिबंधे य नेरइयाणं भंते कतिविहे भावबंधे पन्नते मार्गदियपुत्ता दुविहे भावबंधे पन्नते तं जहा-मूलपगडिबंधे य उत्तरपगडिबंधे य एवं जाव वेमाणियाणं नाणावरणिज्जस्स णं भंते कम्मस्स कतिविहे भावबंधे पन्नते मार्गदियपुत्ता दुविहे भावबंधे पन्नते मार्गदियपुत्ता दुविहे भावबंधे पन्नते तं जहा-मूलपगडिबंधे य उत्तरपगडिबंधे य नेरइयाणं भंते नाणावरणिज्जस्स कम्मस्स कतिविहे भावबंधे पन्नते मार्गदियपुत्ता दुविहे भावबंधे पन्नते तं जहा-मूलपगडिबंधे य उत्तरपगडिबंधे य एवं जाव वेमाणियाणं जहा नाणावरणिज्जेणं दंडओ भणियो एवं जाव अंतराएणं भाणियव्वो।६२१।-620

(७३१) जीवाणं भंते पावे कम्मे जेय कडे [जे य कज्जइ] जे य कज्जियस्सइ अत्थि याइ तस्स केइ नाणत्ते हंता अत्थि से केण्डेणं भंते एवं वुच्चइ-जीवाणं पावे कम्मे जेय कडे [जे य कज्जइ] जे य कज्जियस्सइ अत्थि याइ तस्स नाणत्ते मार्गदियपुत्ता से जहानामए-केइ पुरिसे घणुं परामुसइ परामुसित्ता उंसुं परामुसइ परामुसित्ता टाणं टाइता आययकण्णायत्तं उंसुं करेति करेत्ता उड्डं वेहासं उव्विहइ से नूणं मार्गदियपुत्ता तस्स उरुस्स उड्डं वेहासं उव्विहस्स समानस्स एयति वि नाणत्तं [वेयति वि नाणत्तं] चलति वि नाणत्तं फंदइ वि नाणत्तं पट्टइ वि नाणत्तं खुब्भइ वि नाणत्तं उदीरइ वि नाणत्तं] तं तं भावं परिणामति वि नाणत्तं हंता भावं एयति वि नाणत्तं जाव तं तं भावं परिणमति वि नाणत्तं से तेण्डेणं मार्गदियपुत्ता एवं वुच्चइ एयति वि नाणत्तं जाव तं तं भावं परिणमति वि नाणत्तं नेरइयाणं भंते पावे कम्मे जेय कडे एवं चेव एवं जाव वेमाणियाणं।६२२।-621

(७३२) नेरइया णं भंते जे पोग्गले आहारत्ताए गेण्हंति तेसि णं भंते पोग्गलाणं सेयकालंति कतिभागं आहारंति कतिभागं निज्जरेति मार्गदियपुत्ता असंखेज्जइभागं आहारंति अणंतभागं निज्जरेति चक्किया णं भंते केइ तेसु निज्जरापोग्गलेसु आसइत्तए वा जाव तुयट्ठितए वा नो इण्डे सम्भे अणाहारणमेयं वुड्ढं समणाउसो एवं जाव वेमाणियाणं सेवं भंते सेवं भंते ति।६२३।-622

● अन्नरसमे सते तद्दओ उद्देशो सप्तो ●

—: च उ त्थो—उ हे सो :—

(७३३) तेणं कालेणं तेणं समएणं रायगिहे जाव भगवं गोयमे एवं वयासी-अहं भंते पाणाइवाए मुसावाए जाव मिच्छादंसणसत्त्वे पाणाइवायवेरमणे जाव मिच्छादंसणसत्त्वेवेरमणे पुढविक्काइए जाव वणस्सइकाइए धम्मत्थिकाए अधम्मत्थिकाए आगासत्थिकाए जीवे असरीरपडिबद्धे परमाणुपोग्गले सेलेसिं पडियन्नए अणगारे सव्वे य बादरबोदिधरा कलेयरा-एए णं दुविहा जीवदव्वा य अजीवदव्वा य जीवाणं परिभोगत्ताए हव्वमागच्छंति गोयमा पाणाइवाए जाव

एए णं दुविहा जीवदच्चा य अजीवदच्चा य अत्येगइया जीवाणं परिभोगत्ताए हव्वमागच्छंति अत्येगइया जीवाणं परिभोगत्ताए नो हव्वमागच्छंति से केणट्ठेणं भंते एवं वुच्चइ-पाणाइवाए जाव नो हव्वमागच्छंति गोयमा पाणाइवाए जाव मिच्छादंसणसल्ले पुढविकाइए जाव वणस्सइकाइए सव्वे य बादरवोदिधरा कलेवरा-एए णं दुविहा जीवदच्चा य अजीवदच्चा य जीवाणं परिभोगत्ताए हव्वमागच्छंति पाणाइयायवेरमणे जाव मिच्छादंसणसल्लविवेगे धम्मत्थिकाए अधम्मत्थिकाए जाव परमाणुपोगले सेलेसिं पडिवत्रए अणगारे-एए णं दुविहा जीवदच्चा य अजीवदच्चा य जीवाणं परिभोगत्ताए नो हव्वमागच्छंति से तेणट्ठेणं गोयमा एवं वुच्चइ-पाणाइवाए जाव नो हव्वमागच्छंति

६२४१-६२४३

(७३४) कति णं भंते कसाया पन्नत्ता गोयमा चत्तारि कसाया पन्नत्ता तं जहा-कसायपदं निरदसेसं भाणियव्वं जाव निज्जरिस्संति लोमेणं कति णं भंते जुम्मा पन्नत्ता गोयमा चत्तारि जुम्मा पन्नत्ता तं जहा-कडजुम्मे तेयोगे दावरजुम्मे कलिओगे से केणट्ठेणं भंते एवं वुच्चइ-जाव कलिओगे गोयमा जे णं रासी चउक्कएणं अवहारेणं अवहीरमाणे चउपज्जवसिए सेत्तं कडजुम्मे जे णं रासी चउक्कएणं अवहारेणं अवहीरमाणे तिपज्जवसिए सेत्तं तेयोगे जे णं रासी चउक्कएणं अवहारेणं अवहीरमाणे दुपज्जवसिए सेत्तं दावरजुम्मे जे णं रासी चउक्कएणं अवहारेणं अवहीरमाणे एगपज्जवसिए सेत्तं कलिओगे से तेणट्ठेणं गोयमा एवं वुच्चइ जाव कलिओगे, नेरइया णं भंते किं कडजुम्मा तेयोगा दावरजुम्मा कलिओगा गोयमा जहण्णपदे कडजुम्मा उक्कोसपदे तेयोगा अजहण्णुक्कोसपदे सिय कडजुम्मा जाव सिय कलियोगा एवं जाव धणियकुमारा वणस्सइकाइया णं-पुच्छा गोयमा जहण्णपदे अपदा उक्कोसपदे य अपदा अजहण्णुक्कोसपदे सिय कडजुम्मा सिय कलिओगा बेइंदिया णं-पुच्छा गोयमा जहण्णपदे कडजुम्मा उक्कोसपदे दावरजुम्मा अजहण्णमणुक्कोसपदे सिय कडजुम्मा जाव सिय कलियोगा एवं जाव चउरिंदिया सेसा एगिंदिया जहा बेइंदिया पंथिंदियतिरिक्खजोगिया जाव वेमाणिया जहा नेरइया सिद्धा जहा वणस्सइकाइया इत्थीओ णं भंते किं कडजुम्मा-पुच्छा गोयमा जहण्णपदे कडजुम्माओ उक्कोसपदे कडजुम्माओ अजहण्णमणुक्कोसपदे सिय कडजुम्माओ जाव सिय कलिओगाओ एवं असुरकुमारित्थीओ वि जाव धणियकुमारित्थीओ एवं तिरिक्खजोगितीओ एवं मणुसितीओ एवं वाणमंतर-जोइसिय-वेमाणियपदेवितीओ । ६२५१-६२५४

(७३५) जावतिया णं भंते वरा अंधगवण्हिणो जीवा तावतिया परा अंधगवण्हिणो जीवा हंता गोयमा जावतिया वरा अंधगवण्हिणो जीवा तावतिया परा अंधगवण्हिणो जीवा सेवं भंते सेवं भंते ति । ६२६१-६२६५

● अद्धारसमे सत्ते चउत्थो उट्ठेसो समत्तो ●

—: पं च मो—उ हे सो —:

(७३६) दो भंते असुरकुमारा एगंसि असुरकुमारावासंसि असुरकुमारादेवत्ताए उववव्रा तत्थ णं एगे असुरकुमारे देवे पासादीए दरिसणिजे अभिरूवे पडिरूवे एगे असुरकुमारे देवे से णं नो पासादीए नो दरिसणिजे नो अभिरूवे नो पडिरूवे से कहमेयं भंते एवं गोयमा असुरकुमारा देवा दुविहा पन्नत्ता तं जहा-वेउब्बियसरीरा य अवेउब्बियसरीरा य तत्थ णं जे से वेउब्बियसरीरे असुरकुमारे देवे से णं पासादीए जाव पडिरूवे तत्थ णं जे से अवेउब्बियसरीरे असुरकुमारे देवे से णं

नो पासादीए जाव नो पडिरूवे से केण्डेणं भंते एवं वुच्चइ-तत्थ णं जे से वेउच्चियसरीरे तं चेव जाव नो पडिरूवे गोयमा से जहानामए-इह मणुयलोणंसि दुवे पुरिसा भवन्ति-एणे पुरिसे अलंकिय-विभूसिए एणे पुरिसे अणलंकियविभूसिए एणसि णं गोयमा दोण्हं पुरिसाणं कवरे पुरिसे पासादीए जाव पडिरूवे कवरे पुरिसे नो पासादीए जाव नो पडिरूवे जे वा से पुरिसे अलंकियविभूसिए जे वा से पुरिसे अणलंकिय विभूसिए भगवं तत्थ णं जे से पुरिसे अलंकियविभूसिए से णं पुरिसे पासादीए जाव पडिरूवे तत्थ णं जे से पुरिसे अणलंकियविभूसिए से णं पुरिसे नो पासादीए जाव नो पडिरूवे से तेण्डेणं जाव नो पडिरूवे दो भंते नागकुमारा देवा एणंसि नागकुमारावासंसि एवं चेव जाव थणियकुमारा वाणमंतरा-जोतिसिय-वेमाणिया एवं चेव ।६२७।-६२८

(७३७) दो भंते नेरइया एणंसि नेरइयावासंसि नेरइयत्ताए उववत्ता तत्थ णं एणे नेरइए महाकम्मतराए चेव [महाकिरियतराए चेव महासवतराए चेव] महावेयणतराए चेव एणे नेरइए अप्पकम्मतराए चेव [अप्पकिरियतराए चेव अप्पासवतराए चेव] अप्पवेयणतराए चेव से कहमेयं भंते एवं गोयमा नेरइया दुविहा पत्रत्ता तं जहा-मायिमिच्छदिट्ठिउववन्नगा य अमायिसम्मदिट्ठिउववन्नगा य तत्थ णं जे से मायिमिच्छदिट्ठिउववन्नए नेरइए से णं महाकम्मतराए चेव जाव महावेयणतराए चेव तत्थ णं जे से अमायिसम्मदिट्ठिउववन्नए नेरइए से णं अप्पकम्मतराए चेव जाव अप्पवेयणतराए चेव दो भंते असुरकुमारा एवं चेव एवं एगिंदिय-विगलिंदियवज्जं जाव वेमाणिया ।६२८।-६२९

(७३८) नेरइए णं भंते अनंतरं उच्चट्ठिता जे भविए पंचिंदियतिरिक्खजोणिएसु उववज्जितए से णं भंते कयरं आउयं पडिसंवेदेति गोयमा नेरइयाउयं पडिसंवेदेति पंचिंदियतिरिक्खजोणियाउए से पुरओ कडे चिट्ठति एवं मणुस्सेसु वि नवरं-मणुस्ताउए से पुरओ कडे चिट्ठति असुरकुमारे णं भंते अनंतरं उच्चट्ठिता जे भविए पुढविकाइएसु उववज्जितए [से णं भंते कयरं आउयं पडिसंवेदेति] गोयमा असुरकुमाराउयं पडिसंवेदेति पुढविकाइयाउए से पुरओ कडे चिट्ठति एवं जो जहिं भवियो उववज्जितए तत्थ तं पुरओ कडं चिट्ठति जत्थ ठिओ तं पडिसंवेदेति जाव वेमाणिए नवरं-पुढविकाइए पुढविकाइएसु उववज्जति पुढविकाइयाउयं पडिसंवेदेति अण्णे य से पुढविकाइयाउए पुरओ कडे चिट्ठति एवं जाव मणुस्सो सट्ठाणे उववाएतव्वो परट्ठाणे तहेव

।६२९।-६३०

(७३९) दो भंते असुरकुमारा एणंसि असुरकुमारावासंसि असुरकुमारेवत्ताए उववत्ता तत्थ णं एणे असुरकुमारे देवे उज्जुयं विउच्चिस्सामीति उज्जुयं विउच्चइ वंकं विउच्चिस्सामीति वंकं विउच्चइ जं जहा इच्छइ तं तथा विउच्चइ एणे असुरकुमारे देवे उज्जुयं विउच्चिस्सामीति वंकं विउच्चइ वंकं विउच्चिस्सामीति उज्जुयं विउच्चइ जं जहा इच्छति नो तथा विउच्चइ से कहमेयं भंते एवं गोयमा असुरकुमारा देवा दुविहा पत्रत्ता तं जहा-मायिमिच्छदिट्ठिउववन्नगा य अमायिसम्मादिट्ठिउववन्नगा य तत्थ णं जे से मायिमिच्छदिट्ठिउववन्नए असुरकुमारे देवे से णं उज्जुयं विउच्चिस्सामीति वंकं विउच्चइ जाव नो तं तथा विउच्चइ तत्थ णं जे से अमायिसम्मादिट्ठिउववन्नए असुरकुमारे देवे से णं उज्जुयं विउच्चिस्सामीति उज्जुयं विउच्चइ जाव तं तथा विउच्चइ दो भंते नागकुमारा एवं चेव एवं जाव थणियकुमारा वाणमंतरजोडिसिय-वेमाणिया एवं चेव सेवं भंते सेवं भंते ति ।६३०।-६३१

● अट्ठारसमे सूते पंचमो उद्देशो समतो ●

—: ਭ ਫ਼ੋ—ਭ ਵੇ ਸੋ :—

(७४०) फाणियगुले णं भंते कतिवण्णे कतिगंधे कतिरसे कतिफासे पत्रत्ते गोयमा एत्थ णं दो नया भवन्ति तं जहा-नेच्छइयनए य वावहारियनए य वावहारियनयस्स गोष्ठे फाणियगुले ने-
च्छइयनयस्स पंचवण्णे दुग्धे पंचरसे अट्ठफासे पत्रत्ते, भमरे णं भंते कतिवण्णे पत्रत्ते गोयमा एत्थ णं दो नया भवन्ति तं जहा-नेच्छइयनए य वावहारियनए य वावहारियनयस्स कालए भमरे नेच्छइयनयस्स
पंचवण्णे जाव अट्ठफासे पत्रत्ते सुयपिच्छे णं भंते कतिवण्णे जाव पत्रत्ते एवं येव नयरं वावहारि-
यनयस्स नीरए सुयपिच्छे नेच्छयनयस्स पंचवण्णे जाव अट्ठफासे पत्रत्ते एवं एएणं अभिलावेणं
लोहिया मंजिद्विया पीतिया हालिदा सुक्किलए संखे सुब्भिगंधे कोष्ठे दुब्भिगंधे मयगसरीरे तित्ते
निवे कडुया सुंदी कसाए कविट्ठे अंबा अंबिलिया मटुरे खंडे कक्खंडे बइरे मउए नवणीए गरुए अए
लहुए उलुयपत्ते सीए हिमे उसिणे अगणिकाए निद्धे तेज्जे, छारिया णं भंते-पुच्छा गोयमा एत्थ दो
नया भवन्ति तं जहा-नेच्छइयनए य वावहारियनए य वावहारियनयस्स लुक्खा छारिया ने-
च्छइयनयस्स पंचवण्णा जाव अट्ठफासा पत्रत्ता । ६३१-६३०

(७४१) परमाणुपीणगले णं भंते कतिवण्णे जाव कतिफासे पन्नत्ते गोयमा एगवण्णे एगगंधे एगरसे दुफासे पन्नत्ते दुपएसिए णं भंते खंधे कतिवण्णे [जाव कतिफासे पन्नत्ते] गोयमा सिय एगवण्णे सिय दुवण्णे सिय एगगंधे सिय दुगंधे सिय एगरसे सिय दुरसे सिय दुफासे सिय तिफासे सिय चउफासे पन्नत्ते [तिपएसिए णं भंते खंधे कतिवण्णे जाव कतिफासे पन्नत्ते] गोयमा सिय एगवण्णे सिय दुवण्णे सिय तिबण्णे सिय एगगंधे सिय दुगंधे सिय एगरसे सिय दुरसे सिय तिरसे सिय दुफासे सिय तिफासे सिय चउफासे पन्नत्ते चउपएसिए णं भंते खंधे कतिवण्णे जाव कतिफासे पन्नत्ते गोयमा सिय एगवण्णे सिय दुवण्णे सिय तिबण्णे सिय चउवण्णे सिय एगगंधे सिय दुगंधे सिय एगरसे सिय दुरसे सिय तिरसे सिय चउरसे सिय दुफासे सिय तिफासे सिय चउफासे पन्नत्ते पंचपएसिए णं भंते खंधे कतिवण्णे जाव कतिफासे पन्नत्ते गोयमा सिय एगवण्णे सिय दुवण्णे सिय तिबण्णे सिय चउवण्णे सिय पंचवण्णे सिय एगगंधे सिय दुगंधे सिय एगरसे सिय दुरसे सिय तिरसे सिय चउरसे सिय पंचरसे सिय दुफासे सिय तिफासे सिय चउफासे पन्नत्ते] जहा पंचपएसिओ एवं जाव असंखेज्जपएसिओ, सुहुभरिणए णं भंते अनंतपएसिए खंधे कतिवण्णे जाव कतिफासे पन्नत्ते जहा पंचपएसिए तहेव निरवसेसं बादरपरिणए णं भंते अनंतपएसिए खंधे कतिवण्णे जाव कतिफासे पन्नत्ते गोयमा सिय एगवण्णे जाव सिय पंचवण्णे सिय एगगंधे सिय दुगंधे सिय एगरसे जाव सिय पंचरसे सिय चउउफासे जाव सिय अड्डफासे पन्नत्ते सेवं भंते सेवं भंते ति। ६३२।-६३१

● **अक्षरसमे सते छद्मे उद्देशो समस्तो** ●

—: स त्त मो—उ द्वे सो :—

(૭૪૨) રાયગિહે જાવ એવં વધાસી-અળ્ણડત્થિવાળં ધંતે એવમાઙ્કલ્લંતિ જાવ પરુવોત્તિ-એવં
 ધલુ કેવલી જક્કાએસેળં આઙ્સડિ એવં ધલુ કેવલી જક્કાએસેળં આઙ્કે સમાળે આહલ્લ દો
 માસાઓ માસતિ તં જહા-મોસં વા સદ્ધામોસં વા સે કહમેયં ધંતે એવં ગોયમા જળ્ણં જે અળ્ણડત્થિયા
 જાવ જે તે એવમાહંસુ મિલ્લં તે એવમાહંસુ અહં પુણ ગોયમા એવમાઙ્કલ્લમિ માસેમિ પળ્ણવેમિ
 પરુવેમિ-નો ધલુ કેવલી જક્કાએસેળં આઙ્સડિ નો ધલુ કેવલી જક્કાએસેળં આઙ્કે સમાળે
 આહલ્લ દો માસાઓ માસતિ તં જહા-મોસં વા સદ્ધામોસં વા કેવલી ણં અસાવજ્ઞાઓ અપરોવચાઙ્ક-

याओ आहृद्य दो भासाओ भासति तं जहा सद्यं वा असद्यमोसं वा । ६३३ । ६३३

(७४३) कतिविहे णं भंते उवही पत्रत्ते गोयमा तिविहे उवही पत्रत्ते तं जहा-कम्पोवही सरीरोवही वाहिरभंडमत्तोवगरणोवही, नेरइया णं भंते-पुच्छा गोयमा दुविहे उवही पत्रत्ते तं जहा-कम्पोवही य सरीरोवही य सेसाणं तिविहे उवही एगिदियवज्जाणं जाव वेमाणियाणं एगिदियाणं दुविहे उवही पत्रत्ते तं जहा-कम्पोवही य सरीरोवही य, कतिविहे णं भंते उवही पत्रत्ते गोयमा तिविहे उवही पत्रत्ते तं जहा-सद्यित्ते अचित्ते मीसाए एवं नेरइयाणं वि एवं निरवसेसं जाव वेमाणियाणं, कतिविहे णं भंते परिग्गहे पत्रत्ते गोयमा तिविहे परिग्गहे पत्रत्ते तं जहा-कम्पपरिग्गहे सरीरपरिग्गहे वाहिरभंडमत्तोवगरणपरिग्गहे नेरइयाणं भंते कतिविहे परिग्गहे पत्रत्ते एवं जहा उवहिणा दो दंडगा भणिया तथा परिग्गहेण वि दो दंडगा भाणियव्वा, कतिविहे णं भंते पणिहाणे पत्रत्ते गोयमा तिविहे पणिहाणे पत्रत्ते तं जहा-मणपणिहाणे वइपणिहाणे कायपणिहाणे नेरइयाणं भंते कतिविहे पणिहाणे पत्रत्ते एवं देव एवं जाव धणियकुमाराणं, पुढविकाइयाणं-पुच्छा गोयमा एगे कायपणिहाणे पत्रत्ते एवं जाव धणस्सइकाइयाणं, वेइंदियाणं-पुच्छा गोयमा दुविहे पणिहाणे पत्रत्ते तं जहा-वइपणिहाणे य कायपणिहाणे य एवं जाव चउरिंदियाणं, सेसाणं तिविहे वि जाव वेमाणियाणं कतिविहे णं भंते दुप्पणिहाणे पत्रत्ते गोयमा तिविहे दुप्पणिहाणे पत्रत्ते तं जहा-मणदुप्पणिहाणे जहेव पणिहाणेणं दंडगो भणिओ तहेव दुप्पणिहाणेण वि भाणियव्वा कतिविहे णं भंते सुप्पणिहाणे पत्रत्ते गोयमा तिविहे सुप्पणिहाणे पत्रत्ते तं जहा-मणसुप्पणिहाणे वइसुप्पणिहाणे कायसुप्पणिहाणे मणुस्साणं भंते कतिविहे सुप्पणिहाणे पत्रत्ते एवं देव सेवं भंते सेवं भंते ति जाव विहरइ तए णं समणे भगवं महावीरे [अण्णया कयाइ रायगिहाओ नगराओ गुणसिलाओ चेइयाओ पडिनिक्खमति पडिनिक्खमिता बहिया जणवयविहारं विहरइ । ६३४ । ६३३

(७४४) तेणं कालेणं तेणं समएणं रायगिहे नामं नगरे गुणसिलए चेइए-वण्णओ जाव पुढविसिलापइओ तस्स णं गुणसिलस्स चेइयस्स अदूरसामंते बहवे अण्णउत्थिया परिवसंति तं जहा-कालोदाई सेलोदाई [सेवालोदाई उदए नामुदए नम्मदए अण्णवालए सेलवालए संखवालए सुहत्थी गहावई तए णं तेसि अण्णउत्थियाणं अण्णया कयाइ एगयओ सहियाणं समुवागयाणं सण्णिविद्वाणं सण्णिसण्णाणं अयमेयारूवे मिहोक्काहासमुल्लावे समुपज्जित्था-एवं खलु समणे नाय-पुत्ते पंच अत्थिकाए पत्रवेति तं जहा-धम्मत्थिकायं जाव पोग्गलत्थिकायं तत्थ णं समणे नायपुत्ते चत्तारि अत्थिकाए अजीवकाए पत्रवेति तं जहा-धम्मत्थिकायं अधम्मत्थिकायं आगासत्थिकायं पोग्गलत्थिकायं एगं च णं समणे नायपुत्ते जीवत्थिकायं अरूविकायं जीवकायं पत्रवेति तत्थ णं समणे नायपुत्ते चत्तारि अत्थिकाए अरूविकाए पत्रवेति तं. धम्मत्थिकायं अधम्मत्थिकायं आगासत्थिकायं जीवत्थिकायं एगं च णं समणे नायपुत्ते पोग्गलत्थिकायं रूविकायं अजीवकायं पन्नवेति] से कहमेयं मन्ने एवं तत्थ णं राहगिहे नगरे महुए नामं समणोवासए परिवसति-अइडे जाव बहुजणस्स अपरिभूए अभिगयजीवाजीवे जाव विहरइ तए णं समणे भगवं महावीरे अण्णया कदायि पुव्वाणुपुत्थि चरमाणे [गामाणुगामं दूइज्जमाणे सुहंयुहेणं विहरमाणे जेणेव रायगिहे नगरे जेणेव गुणसिलए चेइए तेणेव] समोसडे परिसा जाव पज्जुवासति तए णं महुए समणोवासए इमीसे कहाए लद्धे समणे हट्ठुडु जाव हियए ण्हाए जाव अप्पमहग्धाभरणालंक्रियसरीरे सयाओ गिहाओ पडिनिक्खमइ पडिनिक्खमिता पादविहारचारेणं रायगिह नगरं मज्झमज्झोणं निगच्छति

निगच्छिता तेसिं अण्णउत्थियाणं अदूरसामंतेणं वीईवयइ तए णं ते अण्णउत्थिया महुयं समणोवासयं अदूरसामंतेणं वीईवयमाणं पासंति पासिता अण्णमण्णं सद्दावंति सद्दावेत्ता एवं वयासी-एवं खलु देवाणुप्पिया अहं इमा कहा अविप्पकडा इमं च णं महुए समणोवासए अहं अदूरसामंतेणं वीईवयइ तं सेयं खलु देवाणुप्पिया अहं महुयं समणोवासयं एयमइ पुच्छितए ति कइ अण्णमण्णस्स अंतियं एयमइ पडिसुणेति पडिसुणेत्ता जेणेव महुए समणोवासए तेणेव उवागच्छंति उवागच्छिता महुयं समणोवासयं एवं वदासी-एवं खलु महुया तव धम्मायरिए धम्मावदेसए समणे नायपुते पंच अत्थिकाए पन्नवेइतं जहा-धम्मत्थिकायं जाव पोग्गलत्थिकायं [तं चेव जाव रूविकायं अजीयकायं पन्नवेइ] से कहमेयं महुया एवं

तए णं से महुए समणोवासए ते अण्णउत्थिए एवं वयासी-जति कज्जं कज्जति जाणामो-पासामो अहे कज्जं न कज्जति न जाणामो न पासामो तए णं ते अण्णउत्थिया महुयं समणोवासयं एवं वयासी-कसं णं तुमं महुया समणोवासगणं भवसि जे णं तुमं एयमइ न जाणसि न पाससि तए णं से महुए समणोवासए ते अण्णउत्थिए एवं वयासी-अत्थि णं आउसो वाउयाए वाति हंता अत्थि तुब्बे णं आउसो वाउयायस्स वायमाणस्स रूवं पासह नो इण्डे समट्ठे अत्थि णं आउसो धाणसहगया पोग्गला हंता अत्थि तुब्बे णं आउसो धाणसहगयाणं पोग्गलाणं रूवं पासह नो इण्डे समट्ठे अत्थि णं आउसो अरणिसहसगे अगणिकाए हंता अत्थि तुब्बे णं आउसो अरणिसहगए अगणिकायस्स रूवं पासह नो इण्डे समट्ठे अत्थि णं आउसो समुहस्स पारगवाइं रुवाइं हंता अत्थि तुब्बे णं आउसो समुहस्स पारगयाइं रुवाइं पासइ नो इण्डे समट्ठे अत्थि णं आउसो देवलोगयाइं रुवाइं हंता अत्थि तुब्बे णं आउसो देवलोगयाइं रुवाइं पासह नो इण्डे समट्ठे एवामेव आउसो अहं वा तुब्बे वा अण्णो वा छउमत्थो जइ जो जं न जाणइ न पासइ तं सव्वं न भवति एवं मे सुबहुए लोए न भविस्सती ति कइ ते अण्णउत्थिए एवं पडिभणइ पडिभणित्ता जेणेव गुणसिलए चेइए जेणेव समणे भगवं महावीरे तेणेव उवागच्छइ उवागच्छिता समणं भगवं महावीरं पंचविहेणं अभिगमेणं जाव पज्जुवासति महुयादी समणे भगवं महावीरे महुयं समणोवासगं एवं वयासी-सुडु णं महुया तुमं ते अण्णउत्थिए एवं वयासी साहु णं महुया तुमं ते अण्णउत्थिए एवं वयासी जे णं महुया अइ वा हेउं वा पसिणं वा वागरणं वा अण्णायं अदिट्ठं अस्सुतं अमुयं अविन्नायं बहुजणमज्जे आघवेति पन्नवेति [परुवेति दंसेति निदंसेति] उवदंसेति से णं अरहंताणं आसादणाए वट्ठति अरहंतपण्णत्तस्स धम्मस्स आसादणाए वट्ठति केवलीणं आसादणाए वट्ठति केवलपन्नत्तस्स धम्मस्स आसादणाए वट्ठति तं सुडु णं तुमं महुया ते अण्णउत्थिए एवं वयासी साहु णं तुमं महुया ते अण्णउत्थिए एवं वयासी तए णं महुए समणोवासए समणेणं भगवया महावीरेणं एवं पुते समाणे हइतुट्ठे समणं भगवं महावीरं वंदति नमंसति वंदित्ता नंसित्ता नच्चासण्णे जाव पज्जुवासइ तए णं समणे भगवं महावीरे महुयस्स समणोवासगस्स तीसे य महतिमहालियाए परिसाए धम्मं परिकहेइ जाव परिसा पडिगया तए णं महुए समणोवासए समणस्स भगवओ महावीरस्स जाव निसम्म हइतुट्ठे पसिणाइं पुच्छति पुच्छिता अट्ठाइं परियादियति परियादिइत्ता उट्ठाए उट्ठेइ उट्ठेत्ता समणं भगवं महावीरं वंदइ नमंसइ वंदित्ता जाव पडिगए भंतेति भगवं गोयमे समणे भगवं महावीरं वंदइ नमंसइ वंदित्ता नभंसित्ता एवं वयासि-पभू णं भंते महुए समणोवासए देवाणुप्पियाणं अंतियं [मुंडे भविता अगाराओ अणगारियं] पव्वइत्तए नो इण्डे समट्ठे एवं जहेव संखे तहेव अरुणामे जाव अंतं

काहिंति । ६३५१-६३५४

(७४५) देवे णं भंते महिड्ढिए जाव महेसकखे रुवसहस्सं विउव्विता पभू अण्णमण्णेणं सद्धिं संगामं संगामित्तए हंता पभू ताओ णं भंते वोदीओ किं एगजीवफुडाओ अणेगजीवफुडाओ गोयमा एगजीवफुडाओ नो अणेगजीवफुडाओ ते णं भंते तासिं वोदीणं अंतरा किं एगजीवफुडा अणेगजीवफुडा गोयमा एगजीवफुडा नो अणेगजीवफुडा पुरिसे णं भंते अंतरे हत्थेणं वा [पादेणं वा अंगुलियाए वा सलागाए वा कट्ठेणं वा किंलिचेणं वा आपुसमाणे वा संमुसमाणे वा आलिहमाणे वा विलिहमाणे वा अण्णयरेण वा तिकखेणं सत्थजाएणं आछिंदमाणे वा विछिंदमाणे वा अगणिक्काएण वा समोडहमाणे तेसिं जीवपएसाणं किंचि आवाहं वा विबाहं वा उप्पाएइ छविच्छेदं वा करेइ नो इण्ठे सम्भुं नो खलु तत्थ सत्थं कमति । ६३६१-६३६५

(७४६) अत्थि णं भंते देवासुराणं संगामे देवासुराणं संगामे हंता अत्थि देवासुरेसु णं भंते संगामेसु वट्टमाणेसु किण्णं तेसिं देवाणं पहरणरयणत्ताए परिणमति गोयमा जण्णं ते देवा तणं वा कट्ठं वा पत्तं वा सक्करं वा परामुसंति तण्णं तेसिं देवाणं पहरणरयणत्ताए परिणमति जहेव देवाणं तहेव असुरकुमाराणं नो इण्ठे सम्भुं असुरकुमाराणं निच्चं विउव्विया पहरणरवणा प. । ६३७१-६३७६

(७४७) देवे णं भंते महिड्ढीए जाव महेसकखे पभू लवणसमुदं अणुपरियट्ठिता णं हव्वमागच्छित्तए हंता पभू देवे णं भंते महिड्ढिए [जाव महेसकखे पभू धायइसंडं दीवं अनुपरि-यट्ठिता णं हव्वमागच्छित्तए] हंता पभू एवं जाव रुयगवरं दीवं अनुपरियट्ठिता णं हव्वमागच्छित्तए हंता पभू तेणं परं वीईवएज्जा नो चेव णं अनुपरियट्ठेज्जा । ६३८१-६३८७

(७४८) अत्थि णं भंते देवा जे अनंते कम्मसे जहण्णेणं एकूकेणं वा दोहिं वा तीहिं वा उक्कोसेणं पंचहिं वाससएहिं खवयंति हंता अत्थि अत्थि णं भंते देवा जे अनंते कम्मसे जहण्णेणं एकूकेणं वा दोहिं वा तीहिं वा उक्कोसेणं पंचहिं वाससहस्सेहिं खवयंति हंता अत्थि अत्थि णं भंते देवा जे अनंते कम्मसे जहण्णेणं एकूकेण वा दोहिं वा तीहिं वा उक्कोसेणं पंचहिं वाससएहिं खवयंति कयरे णं भंते ते देवा जे अनंते कम्मसे जहण्णेणं एकूकेण वा जाव पंचहिं वाससएहिं खवयंति कयरे णं भंते ते देवा जाव पंचहिं वाससहस्सेहिं खवयंति कयरे णं भंते ते देवा जाव पंचहिं वाससयसहस्सेहिं खवयंति गोयमा वाणमंतरा देवा अनंते कम्मसे एणेणं वाससएणं खवयंति असुरिंदवज्जिया भवणवासी देवा अनंते कम्मसे दोहिं वाससएहिं खवयंति असुरकुमारा देवा अनंते कम्मसे तीहिं वाससएहिं खवयंति गह-नक्खत्त-तारारूवा ओहिसिया देवा अनंते कम्मसे चउहिं वाससएहिं खवयंति वंदिम-सूरिया जोइसिंदा जोतिसरायाणो अनंते कम्मसे पंचहिं वाससएहिं खवयंति सोहम्मीसाणगा देवा अनंते कम्मसे एणेणं वाससहस्सेणं खवयंति सणकुमारमाहिंदगा देवा अनंते कम्मसे दोहिं वाससहस्सेहिं खवयंति एवं एएणं अभिलावेणं बंभलोग-लंतगा देवा अनंते कम्मसे तीहिं वाससहस्सेहिं खवयंति महासुक्क-सहस्सारागा देवा अनंते कम्मसे चउहिं वाससहस्सेहिं खवयंति आणय-पाणय-आरण-अच्चयगा देवा अनंते कम्मसे पंचहिं वाससयसहस्सेहिं खवयंति हिड्ढिमगेवेज्जगा देवा अणंते कम्मसे एणेणं वाससयसहस्सेणं खवयंति मज्झिमगेवेज्जगा देवा अणंते कम्मसे दोहिं वाससयसहस्सेहिं खवयंति उवरिमगेवेज्जगा देवा अणंते कम्मसे तिहिं वाससयसहस्सेहिं खवयंति विजय-वेज्जयंत-जयंत-अपराजियगा देवा अणंते कम्मसे पंचहिं वाससयसहस्सेहिं खवयंति एए णं गोयमा ते देवा जे अनंते कम्मसे जहण्णेणं

एककेणं वा दोहिं वा तीहिं वा उक्कोसेणं पंचहिं वाससएहिं खवयंति एए णं गोयमा ते देवा जाव पंचहिं वाससहस्सेहिं खवयंति एए णं गोयमा ते देवा जाव पंचहिं वाससयसहस्सेहिं खवयंति सेवं भंते सेवं भंते ति । ६३९-६३८

● અદ્વારસમે સત્તે સત્તમો ઉદ્દેસો સમત્તો ●

—: અ દ્વ મો—ઉ દે સો :—

(૭૪૯) રાયગિહે જાવ એવં વયાસી-અળગારસસ ણં ભંતે ભાવિયપ્પણો પુરુઓ દુહઓ જુગમાયાએ પેહાએ રીયં રીયમાણસસ પાયસસ અહે કુક્કુડપોતે વા વટ્ટપોતે વા કુલિંગચ્છાએ વા પરિયાવજ્ઞેજ્ઞા તસસ ણં ભંતે કિં ઈરિયાવહિયા કિરિયા કઝઙ્ગ સંપરાડ્યા કિરિયા કઝઙ્ગ ગોયમા અળગારસસ ણં ભાવિયપ્પણો [પુરુઓ દુહઓ જુગમાયાએ પેહાએ રીયં રીયમાણસસ પાયસસ અહે કુક્કુડપોતે વા વટ્ટપોતે વા કુલિંગચ્છાએ વા પરિયાવજ્ઞેજ્ઞા] તસસ ણં ઈરિયાવહિયા કિરિયા કઝઙ્ગ નો સંપરાડ્યા કિરિયા કઝઙ્ગ સે કેળદ્વેણં ભંતે એવં વુદ્ધઈ [ગોયમા જસસ ણં કોહ-માણ-માયા-લોભા-લોચ્છિણ્ણા ભવંતિ તસસ ણં રિયાવહિયા કિરિયા કઝઙ્ગ જસસ ણં કોહમાણ-માયા-લોભા-લોચ્છિણ્ણા ભવંતિ તસસ ણં સંપરાડ્યા કિરિયા કઝઙ્ગ અહાસુતં રીયમાણસસ રિયાવહિયા કિરિયા કઝઙ્ગ ઉસુતું રીયમાણસસ સંપરાડ્યા કિરિયા કઝઙ્ગ સે ણં અહાસુતં રીયતી સે તેળદ્વેણં સેવં ભંતે સેવં ભંતે જાવ વિહરઈ તએ ણં સમણે ભગવં મહાવીરે અણ્ણયા કયાઈ રાગિગિહાઓ નપરાઓ ગુણસિલાઓ વેડ્યાઓ પઙ્કિનિક્કમ્મતિ પઙ્કિનિક્કમિત્તા વહિયા જળવયવિહારં વિહરઈ । ૬૪૦-૬૩૯

(૭૫૦) તેણં કાલેણં તેણં સમણં રાયગિહે નામં નગરે ગુણસિલાએ વેડાએ-વણ્ણઓ જાવ પુદ્ધવિસિલાપદ્ધઓ તસસ ણં ગુણસિલસસ વેડ્યાસસ અદૂરસામંતે બહવે અણ્ણઉત્થિયા ધરિવસંતિ તએ ણં સમણે ભગવં મહાવીરે જાવ સમોસદ્દે જાવ પરિણા પઙ્કિગયા તેણં કાલેણં તેણં સમણં સમણસસ ભગવઓ મહાવીરસસ જેદ્દે અંતેવાસી ઇંદ્રભૂતી નામં અળગારે જાવ ઉદ્ધં જાણૂ [અહોસિરો જ્ઞાણકો-દ્વેવગાએ સંજમેણં વતવસા અપ્પાણં ભાવેમાણે] વિહરઈ તએ ણં તે અન્નઉત્થિયા જેણેવ ભગવં ગોયમે તેણેવ ઉવાગચ્છંતિ ઉવાગચ્છિત્તા ભગવં ગોયમં એવં વયાસી-તુલ્લે ણં અજ્ઞો તિવિહં તિવિહેણં અસંસંજય- [વિરય-પઙ્કિહય-પદ્ધક્કાયપાવક્કમા સકિરિયા અસંવુડા એગંતંદંડા] એગંતવાલા યાવિ ભવહ તએ ણં ભગવં ગોયમે તે અણ્ણઉત્થિએ એવં વયાસી-કેળં કારણેણં અજ્ઞો અન્હે તિવિહં તિવિહેણં અસંસંજય જાવ એગંતવાલા યાવિ ભવામો તએ ણં તે અણ્ણઉત્થિયા ભગવં ગોયમં એવં વયાસી-તુલ્લે ણં અજ્ઞો રીયં રીયમાણા પાણે પેદ્ધેહ અભિહણહ જાવ ઉદ્ધેવેહ તએ ણં તુલ્લે પાણે પેદ્ધેમાણા જાવ ઉદ્ધેવેમાણા તિવિહં તિવિહેણં જાવ એગંતવાલા યાવિ ભવહ તએ ણં ભગવં ગોયમે તે અણ્ણઉત્થિએ એવં વયાસી-નો લલુ અજ્ઞો અન્હે રીયં રીયમાણા પાણે પેદ્ધેમો જાવ ઉદ્ધેવેમો અન્હે ણં અજ્ઞો રીયં રીયમાણા કાયં ચ જોયં ચ રીયં ચ પડુદ્ધ દિસ્યા-દિસ્યા પદિસ્યા-પદિસ્યા વયામો તએ ણં અન્હે દિસ્યા-દિસ્યા વયમાણા પદિસ્યા-પદિસ્યા વયમાણા નો પાણે પેદ્ધેમો જાવ નો ઉદ્ધેવેમો તએ ણં અન્હે પાણે અપેદ્ધેમાણા જાવ અણ્ણોદ્ધેવેમાણા તિવિહં તિવિહેણં જાવ એગંતપઙ્કિયા યાવિ ભવામો તુલ્લે ણં અજ્ઞો અપ્પણા વેવ તિવિહં તિવિહેણં જાવ એગંતવાલા યાવિ ભવહ તએ ણં તે અણ્ણઉત્થિયા ભગવં ગોયમં એવં વયાસી-કેળં કારણેણં અજ્ઞો અન્હે તિવિહં તિવિહેણં જાવ એગંતવાલા યાવિ ભવામો તએ ણં ભગવં ગોયમે તે અન્નઉત્થિએ એવં વયાસિ તુલ્લે ણં અજ્ઞો રીયં રીયમાણા પાણે પેદ્ધેહ જાવ ઉદ્ધેવેહ તએ ણં તુલ્લે પાણે પેદ્ધેમાણા જાવ ઉદ્ધેવેમાણા તિવિહં તિવિહેણં જાવ એગંતવાલા યાવિ ભવહ તએ ણં ભગવં

गोयमे ते अण्णउत्थिए एवं पडिभणइ पडिभणित्ता जेणेव समणे भगवं महावीरे तेणेव उवागच्छइ उवागच्छित्ता समणं भगवं महावीरं वंदइ नमंसइ वंदित्ता नमंसित्ता नच्चासण्णे नातिदूरे जाव पञ्चुवासति गोयमादी समणे भगवं महावीरे भगवं गोयमं एवं वयासी-सुद्धं णं तुमं गोयमा ते अण्णउत्थिए एवं वयासी सा णं तुमं गोयमा ते अण्णउत्थिए एवं वयासी अत्थि णं गोयमा ममं वरुवे अंतियासी समणा निमंथा छउमत्था जे णं नो पभूएयं वागरणं वागरेत्तए जहा णं तुमं तं सुद्धं णं तुमं गोयमा ते अण्णउत्थिए एवं वयासी साहु णं तुमं गोयमा ते अण्णउत्थिए एवं वयासी तए णं भगवं गोयमे समणेणं भगवत्ता महावीरेणं एवं वुत्ते समाणे हइतुडे समणं भगवं महावीरं वंदइ नमंसइ वंदित्ता नमंसित्ता एवं वयासी-१६४१-६४०

(७५१) छउमत्थे णं भंते मणुस्से परमाणुपोगलं किं जाणति-पासति उदाहुं न जाणति न पासति गोयमा अत्येगतिए जाणति न पासति अत्येगतिए न जाणति न पासति छउमत्थे णं भंते मणुस्से दुपएसियं खंधं किं जाणति-पासति एवं वेव जाव अत्येजपएसियं छउमत्थे णं भंते मणुस्से अनंतपएसियं खंधं किं [जाणति-पासति उदाहुं न जाणति न पासति] गोयमा अत्येगतिए जाणति-पासति अत्येगतिए जाणति न पासति अत्येगतिए न जाणति पासति अत्येगतिए न जाणति न पासति आहोहिए णं भंते मणुस्से परमाणुपोगलं किं जाणति-पासति उदाहुं न जाणति न पासति जहा छउमत्थे एवं आहोहिए वि जाव अनंतपएसियं परमाहोहिए णं भंते मणुस्से परमाणुपोगलं जं समयं जाणति तं समयं पासति जं समयं पासति तं समयं जाणति नो इण्ठे समठे से केण्ठेणं भंते एवं वुद्धइ-परमाहोहिए णं मणुस्से परमाणुपोगलं जं समयं जाणति नो तं समयं पासति जं समयं पासति नो तं समयं जाणति गोयमा सागारे से नाणे भवइ अणगारे से दंसणे भवइ से तेण्ठेणं जाव नो तं समयं जाणति एवं जाव अनंतपएसियं केवली णं भंते मणुस्से परमाणुपोगलं [जं समयं जाणति तं समयं पासति जं समयं पासति तं समयं जाणति नो इण्ठे समठे से केण्ठेणं भंते एवं वुद्धइ-केवली णं मणुस्से परमाणुपोगलं जं समयं जाणति नो तं समयं पासति जं समयं पासति नो तं समयं जाणति गोयमा सागारे से नाणे भवइ अणगारे से दंसणे भवइ से तेण्ठेणं गोयमा एवं वुद्धइ-केवली णं मणुस्से परमाणुपोगलं जं समयं जाणति नो तं समयं पासति जं समयं पासति नो तं समयं जाणति एवं जाव अनंतपएसियं सेवं भंते सेवं भंते ति।६४२।६४१

● अद्धारत्तमे सत्ते अद्धारो उद्देशो समत्तो ●

—: न व भो—उद्देशो —:

(७५२) रायगिहे जाव एवं वयासी-अत्थि णं भंते भवियदव्वनेरइया-भवियदव्वनेरइया हंता अत्थि से केण्ठेणं भंते एवं वुद्धइ-भवियदव्वनेरइया-भवियदव्वनेरइया गोयमा जे भविए पंचिदिए तिरिक्खजोणिए वा मणुस्से वा नेरइएसु उववजित्तए से तेण्ठेणं एवं जाव धणिय-कुमारणं अत्थि णं भंते भवियदव्वपुदविकाइया-भवियदव्वपुदविकाइया हंता अत्थि से केण्ठेणं गोयमा जे भविए तिरिक्खजोणिए वा मणुस्से वा देवे वा पुदविकाइएसु उववजित्तए से तेण्ठेणं आउक्काइय-वणस्सइकाइयाणं एवं चेव तेउ-वाउ बेइदिय-तेइंदिय-चउरिंदियाणं य जे भविए तिरिक्खजोणिए वा मणुस्से वा तेउ-वाउ-बेइंदिय-तेइंदिय-चउरिंदिएसु उववजित्तए पंचिदियति-रिक्खजोणियाणं जे भविए नेरइए वा तिरिक्खजोणिए वा मणुस्से वा देवे वा पंचिदियति-रिक्खजोणिए वा पंचिदियतिरिक्खजोणिएसु उववजित्तए एवं मणुस्सा वि वाणमंतर-जोइसिय-

वेमाणिया णं जहा नेरइया भवियदव्वनेरइयस्स णं भंते केवतियं कालं ठिती पत्रत्ता गोयमा जहण्णेणं अंतोमुहुत्तं उक्कोसेणं पुव्वकोडी भवियदव्व असुरकुमारस्स णं भंते केवतियं कालं ठिती पत्रत्ता गोयमा जहण्णेणं अंतोमुहुत्तं उक्कोसेणं तिण्णि पलिओवमाइ एवं जाव थणियकुमारस्स भवियदव्वपुढविकाइयस्स णं -पुच्छ गोयमा जहण्णेणं अंतोमुहुत्तं उक्कोसेणं सातिरेगाइ दो सागरोवमाइ एवं आउक्काइयस्स वि तेउ-वाउकाइयस्स वि जहा नेरइयस्स वणस्सइकाइयस्स जहा पुढविकाइयस्स बेइदियस्स तेइदियस्स चउरिंदियस्स जहा नेरइयस्स पंधिंदियतिरिक्ख-जोणियस्स जहण्णेणं अंतोमुहुत्तं उक्कोसेणं तेत्तीसं सागरोवमाइ एवं मणुस्सस्स वि वाणमंतर-जोइसिय-वेमाणियस्स जहा असुरकुमारस्स सेवं भंते सेवं भंते ति । ६४३।६४२

● अद्धारसमे सते नवमो उद्देशो सप्तो ●

—: द स मो—उ हे सौ —:

(७५३) रायगिहे जाव एवं वयासि-अणगारे णं भंते भावियप्पा असिधारं वा खुरधारं वा ओगाहेज्जा हंता ओगाहेज्जा से णं तत्थ छिज्जेज्जा वा भिज्जेज्जा वा नो इण्ठे सम्भे नो खलु तत्थ सत्थं कमइ [अणगारे णं भंते भावियप्पा अणगिकायस्स मज्झमज्जेणं वीइवएज्जा हंता वीइवएज्जा से णं भंते तत्थ झियाएज्जा गोयमा नो इण्ठे सम्भे नो खलु तत्थ सत्थं कमइ अणगारे णं भंते भावियप्पा पुक्खलसंवट्ठगस्स महामेहस्स मज्झमज्जेणं वीइवएज्जा हंता वीइवएज्जा से णं भंते तत्थ उल्ले सिया गोयमा नो इण्ठे सम्भे नो खलु तत्थ सत्थं कमइ अणगारे णं भंते भावियप्पा गंगाए महानदीए पडिसोयं हव्वमागच्छेज्जा हंता हव्वमागच्छेज्जा से णं भंते तत्थ विणिहायमावज्जेज्जा गोयमा नो इण्ठे सम्भे नो खलु तत्थ सत्थं कमइ अणगारे णं भंते भावियप्पा उदगावत्तं वा उदगबिंदुं वा ओगाहेज्जा हंता ओगाहेज्जा से णं भंते तत्थ परियावज्जेज्जा गोयमा नो इण्ठे सम्भे] नो खलु तत्थ सत्थं कमइ

। ६४४।६४३

(७५४) परमाणुपोगले णं भंते वाउयाएणं फुडे वाउयाए वा परमाणुपोगलेणं फुडे गोयमा परमाणुपोगले वाउयाएणं फुडे नो वाउयाए परमाणुपोगलेणं फुडे दुप्पएसिए णं भंते खंधे वाउयाएणं फुडे वाउयाए वा दुप्पएसिएणं खंधेणं फुडे एवं चेव एवं जाव असंखेज्जपएसिए अनंतपएसिए णं भंते खंधे वाउयाएणं फुडे-पुच्छा गोयमा अनंतपएसिए खंधे वाउयाएणं फुडे वाउयाए अनंतपएसिएणं खंधेणं सिय फुडे सिय नो फुडे वत्थी भंते वाउयाएणं फुडे वाउयाए वा वत्थिणा फुडे गोयमा वत्थी वाउयाएणं फुडे नो वाउयाए वत्थिणा फुडे । ६४५।६४४

(७५५) अत्थि णं भंते इमीसे रयणप्पमाए पुढवीए अहे दव्वाइ वण्णओ काल-नील लोहिय-हालिइ-सुक्किळाइ गंधओ सुब्धिगंधाइ दुब्धिगंधाइ रसओ तित्त कडुय-कसाय-अंबिल-महुराइ फासओ कक्खड-मउय-गरुय-लहुय-सीय-उसिण निद्ध-लुक्खाइ अण्णमण्णवद्धाइ अण्ण-मण्णपुद्धाइ अण्णमण्णवद्धपुद्धाइ अण्णमण्णघडत्ताए चिट्ठति हंता अत्थि एवं जाव अहेसत्तमाए अत्थि णं भंते सोहम्मस्स कप्पस्स अहेदव्वाइ एवं चेव एवं जाव ईसिपम्भाराए पुढवीए सेवं भंते सेवं भंते जाव विहरइ तए णं समणे भगवं महावीरे अण्णया कयाइ रायगिहाओ नगराओ गुणसिलाओ चेइयाओ पडिनिक्खमइ पडिनिक्खिमित्ता बहिया जणवयविहारं विहरइ । ६४६।६४५

(७५६) तेणं कालेणं तेणं समएणं वाणियगामे नामं नगरे होत्था-वण्णओ दूतिपलासए चेइए-वण्णओ तत्थ णं वाणियगामे नगरे सोमिले नामं माहणे परिवसति अइडे जाव बहुजणस्स

अपरिभूए रिब्बेद जाव सुपरिनिष्ठिए पंचण्हं खंडियसयामं सयस्स य कुडुबस्स आहेवच्चं [पोरेवच्चं समित्तं भट्ठित्तं आणा-ईसर-सेणावच्चं कारेमाणे पालेमाणे] विहरइ तए णं समणे भगवं महावीरे जाव समोसठे जाव परिसा पञ्जुवासति तए णं तस्स सोमिलस्स माहणस्स इमीसे कहाए लद्धइस्स समाणस्स अयमेयारूवे [अञ्जत्थिए चिंतिए पत्थिए मणोगए संकपे] समुप्पज्जित्था-एवं खलु समणे नायपुत्ते पुब्बाणुपुब्बिं चरमाणे गामाणुगामं दूइज्जमाणे सुहंसुहेणं विहरमाणे [इहमागए इहसंपत्ते इहसमोसठे इहेव वाणियगामे नगरे] दूतिपालसए चेइए अहापडिरूवं [ओग्हं ओगिण्हिता संज-मेणं तवसा अप्पाणं भावेमाणे] विहरइ तं गच्छामि णं समणस्स नायपुत्तस्स अतिवं पाउत्थवामि इमाइं च णं एयारूवाइं अट्ठाइं [हेऊइं पसिणाइं कारणाइं] वागरणाइं पुच्छिस्सामि तं जइ मे से इमाइं एयारूवाइं अट्ठाइं जाव वागरणाइं वागरेहिंति ततो णं वंदीहामि नमंसीहामि जाव पञ्जुवासीहामि अह मे से इमाइं अट्ठाइं जाव वागरणाइं नो वागरेहिंती तो णं एएहिं चेव अट्ठेहि य जाव वागरणेहि य निष्पट्ठपसिणवागरणं करेस्सामी ति कट्ठु एवं संपेहेइ संपेहेता प्हाए जाव अप्पमहग्धाभरणा-लंकियसरीरे साओ गिहाओ पडिनिक्खमति पडिनिक्खमिता प्रायविहारचारेणं एगेणं खंडियसएणं सद्धिं संपरियुडे वाणियगामं नगरं मज्झमज्जेणं निग्गच्छइ निग्गच्छिता जेणेव दूतिपालसए चेइए जेणेव समणे भगवं महावीरे तेणेव उवागच्छइ उवागच्छिता समणस्स भगवओ महावीरस्स अदूरसामंते ठिछा समणं भगवं महावीरं एवं वयासी-

जत्ता ते भंते जवणिज्जं ते भंते अव्वावाहं ते भंते फासुयविहारं ते भंते सोमिला जत्ता वि मे, जवणिज्जं पि मे अव्वावाहं पि मे फासुयविहारं पि मे किं ते भंते जत्ता सोमिला जं मे तव-नियम-संजय-सज्जाय-झाणावस्समादीएसु जोगेसु जयणा सेत्तं जत्ता किं ते भंते जवणिज्जं सोमिला जवणिज्जे दुविहे पन्नत्ते तं जहा-इंदियजवणिज्जे य नोइंदियजवणिज्जे य से किं तं इंदियजवणिज्जे इंदियजवणिज्जे-जं मे सोइंदिय-चक्खिदिय-धाणेंदिय-जिब्भिदिय-फासिंदियाइं निरुवहयाइं वसे वट्ठंति सेत्तं इंदियजवणिज्जे से किं तं नोइंदियजवणिज्जे नोइंदियजवणिज्जे-जं मे कोह-माण-माया लोभा वोच्छिण्णा नो उदीरेंति सेत्तं नोइंदियजवणिज्जे सेत्तं जवणिज्जे किं ते भंते अव्वावाहं सोमिला जं मे वातिय-पित्तिय-संभिय-सन्निवाइया विविगा रोगायंका सरीरगया दोसा उवसंता नो उदीरेंति सेत्तं अव्वावाहं किं ते भंते फासुयविहारं सोमिला जण्णं आरामेसु उज्जाणेसु देवकुलेसु सभासु पवासु इत्थी-पशुपंडगविवज्जियासु वसहीसु फासु-एसणिज्जं पीढ-फलग-सेज्जा-संधारगं उवसंपज्जित्ताणं विहरा मि सेत्तं फासुयविहारं सरिसवा ते भंते किं भक्खेया अभक्खेया सोमिला सरिसवा मे भक्खेया वि अभक्खेया वि से केणट्ठेणं भंते एवं बुद्धइ-सरिसवा मे भक्खेया वि अभक्खेया वि से नूणं मे सोमिला वंभण्णएसु नएसु दुविहा सरिसवा पन्नत्ता तं जहा-मित्तसरिसवा य धन्नसरिसवा य तत्थ णं जेते मित्तसरिसवा ते तिविहा पन्नत्ता तं जहा-सहजायया सहवड्ढिया सहपंसुकीलियया ते णं समणाणं निग्गंधाणं अभक्खेया तत्थ णं जेते धन्नसरिसवा ते दुविहा पन्नत्ता तं जहा-सत्थ-परिणया य असत्थपरिणया य तत्थ णं जे ते असत्थपरिणया ते णं समणाणं निग्गंधाणं अभक्खेया तत्थ णं जेते सत्थपरिणया ते दुविहा पन्नत्ता तं जहा-एसणिज्जा य अणेसणिज्जा य तत्थ णं जे ते अणेसणिज्जा ते समणाणं निग्गंधाणं अभक्खेया तत्थ णं जे ते एसणिज्जा ते दुविहा पन्नत्ता तं जहा-जाइया य अजाइया य तत्थ णं जे ते अजाइया ते णं समणाणं निग्गंधाणं अभक्खेया तत्थ णं जेते जाइया ते दुविहा पन्नत्ता तं जहा-लद्धाय अलद्धा य तत्थ णं जेते अलद्धाते णं समणाणं निग्गंधाणं

अभक्खेया तत्थ णं जेते लद्धा ते णं समणाणं निग्गंथाणं भक्खेया से तेणट्ठेणं सोमिला एवं वुच्चइ-सरिसवा मे भक्खेया वि अभक्खेया वि

मासा ते भंते किं भक्खेया अभक्खेया सोमिला मासा मे भक्खेया वि अभक्खेया वि से केणट्ठेणं भंते एवं वुच्चइ-मासा मे भक्खेया वि अभक्खेया वि से नूणं मे सोमिला बंभण्णएसु नएसु दुविहा मासा पत्रत्ता तं जहा दव्वमासा य कालमासा य तत्थ णं जेते कालमासा ते णं सावणादीया आसाढपज्जवसाणा दुवालस पत्रत्ता तं जहा-सावणे भद्वए आसोए कत्तिए भग्गसिरे पोसे माहे फग्गुणे चेते वइसाहे जेड्डामूले आसाढे ते णं समणाणं निग्गंथाणं अभक्खेया तत्थ णं जेते दव्वमासा ते दुविहा पत्रत्ता तं जहा-अत्थमासा य घण्णमासा य तत्थ णं जेते अत्थमासा ते दुविहा पत्रत्ता तं जहा-सुवण्णमासा य रुप्पमासा य ते णं समणाणं निग्गंथाणं अभक्खेया तत्थ णं जेते घण्णमासा ते दुविहा पत्रत्ता तं जहा-सत्थपरिणया य असत्थपरिणया य एवं जहा घण्णसरिसवा जाव से तेणट्ठेणं जाव अभक्खेया वि कुलत्था ते भंते किं भक्खेया अभक्खेया सोमिला कुलत्थ मे भक्खेया वि अभक्खेया वि से केणट्ठेणं जाव अभक्खेया वि से नूणं मे सोमिला बंभण्णएसु नएसु दुविहा कुलत्था पत्रत्ता तं जहा-इत्थिकुलत्था य घण्णकुलत्था य तत्थ णं जेते इत्थिकुलत्था ते ति विहा पत्रत्ता तं जहा-कुलवधुया इ वा कुलमाउया इ वा कुलधुया इ वा ते णं समणाणं निग्गंथाणं अभक्खेया तत्थ णं जेते घण्णकुलत्था एवं जहा घण्णसरिसवा से तेणट्ठेणं जाव अभक्खेया वि । ६४७-६४८

(७५७) एगे भवं दुवे भवं अक्खए भवं अव्वए भवं अवट्ठिए भवं अणेगभूय भाव-भविए भवं सोमिला एगे वि अहं जाव अणेगभूय-भाव-भविए वि अहं से केणट्ठेणं भंते एवं वुच्चइ-जाव भविए वि अहं सोमिला दव्वट्ठयाए एगे अहं नाणदसंणट्ठयाए दुविहे अहं एएसट्ठयाए अक्खए वि अहं अव्वए वि अहं अवट्ठिए वि अहं उवयोगट्ठयाए अणेगभूय-भाव-भविए वि अहं से तेणट्ठेणं जाव अणेगभूय-भाव-भविए वि अहं एत्थ णं से सोमिले माहणे संबुद्धे समणं भगवं महावीरं वंदइ नमंसइ वंदित्ता नमंसित्ता एवं वयासी-जहा खंदओ जाव से जहेयं तुब्भे यदह जहा णं देवाणुप्पियाणं अंतिए बहवे राईसर-सलवर-माडंविद्य-कोडुंविद्य-इब्भसेट्ठि-सेणावइ-सत्थवाहप्पभितओ [मुंडा भविता णं अगाराओ अणगारियं पव्वयंति नो खलु अहं तहा संचाएमि अहं णं देवाणुप्पियाणं अंतिए दुवालसविहं सावगधम्मं पडिवज्जिस्सामि] जाव दुवालसविहे सावगधम्मं पडिवज्जति पडिवज्जित्ता समणं भगवं महावीरं वंदति जाव पडिगए तए णं सोमिले माहणे समणोवासए जाए-अभिगयजीवा-जीवे जाव अहापरिगहिएहिं तयोकम्भेहि अप्पाणं भावेमाणे विहरइ भंतेति भगवं गोयमे समणं भगवं महावीरं वंदति नमंसति वंदित्ता नमंसित्ता एवं वयासी-पमू णं भंते सोमिले माहणे देवाणुप्पियाणं अंतिए मुंडे भविता अगाराओ अणगारियं पव्वइत्ताए नो इणट्ठे समट्ठे जहेव संखे तहेव निरवसेसं जाव सव्वदुक्खाणं अंतं काहिति रोवं भंते सेवं भंते ति जाव विहरइ । ६४८-६४९

● अट्ठारसमे सते दसमो वहेतो सयत्तो ● अट्ठारसमं सतं समत्तं ●

एगूणवीसइमं - सतं

—: प ठ मो—उ हे सो :—

(७५८) लेस्सा य गब्भ पुढवी महासवा चरम दीव भवणा य

निव्वत्ति कारण वणचरसुरा य एगूणवीसइमे

॥८१॥-१

(७५९) रायगिहे जाव एवं वयासी-कति णं भंते लेस्साओ प. गोयमा छल्लेसाओ प. एवं

जहा पत्रवणाए चउत्थो लेसुहेसओ भणियव्वो निरवसेसो सेवं भंते सेवं भंते ति । ६४९।-६४८

● एगुणवीसइमे सते पढमो उद्देशो समत्तो ●

—: बी ओ—उ हे सो :—

(७६०) कति णं भंते लेस्साओ पत्रत्ताओ एवं जहा पत्रवणाए गम्बुहेसो सो चेव निरवसेसो भणियव्वो सेवं भंते सेवं भंते ति । ६५०।-६४९

● एगुणवीसइमे सते बीओ उद्देशो समत्तो ●

—: त इ ओ—उ हे सो :—

(७६१) रायगिहे जाव एवं वयासी-सिय भंते जाव चत्तारि पंच पुढविक्काइया एगयओ साधारणसरीरं बंधंति बंधित्ता तओ पच्छ आहारेंति वा परिणामेंति वा सरीरं वा बंधंति नो इण्हे समट्ठे पुढविक्काइयाणं पत्तेयाहारा पत्तेयपरिणामा पत्तेयं सरीरं बंधंति बंधित्ता तओ पच्छ आहारेंति वा परिणामेंति वा सरीरं वा बंधंति, तेसि णं भंते जीवाणं कति लेस्साओ पत्रत्ताओ गोयमा चत्तारि लेस्साओ पत्रत्ताओ तं जहा-कण्हलेस्सा नीललेस्सा काउलेस्सा तेउलेस्सा ते णं भंते जीवा किं सम्मदिट्ठी मिच्छदिट्ठी सम्मामिच्छदिट्ठी गोयमा नो सम्मदिट्ठी मिच्छदिट्ठी नो सम्मामिच्छदिट्ठी ते णं भंते जीवा किं नाणी अन्नाणी गोयमा नो नाणी अन्नाणी नियमा दुअन्नाणी तं जहा-मत्तिअण्णाणी य सुयअण्णाणी य ते णं भंते जीवा किं मणजोगी वड्जोगी कायजोगी गोयमा नो मणजोगी नो वड्जोगी कायजोगी ते णं भंते जीवा किं सागरोवउत्ता अणागारोवउत्ता गोयमा सागरोवउत्ता वि अणागारोवउत्ता वि ते णं भंते जीवा किमाहारमाहारेंति गोयमा दव्वओ णं अनंतपदेसियाइं दव्वाइं-एवं जहा पत्रवणाए पढमे आहारुहेसए जाव सव्वप्पयाए आहार-माहारेंति ते णं भंते जीवा जमाहारेंति तं चिज्जति जं नो आहारेंति तं नो चिज्जति चिण्णे वा से ओद्वाइ पलिसप्पांते वा हंता गोयमा ते णं जीवा जमाहारेंति तं चिज्जति जं नो आहारेंति जाव पलिसप्पति वा तेसि णं भंते जीवाणं एवं सण्णाति वा पत्रति वा भमोति वा वड्ढति वा अहे णं आहारमाहारेमो नो इण्हे समट्ठे आहारेंति पुण ते, तेसि णं भंते जीवाणं एवं सण्णाति वा जाव वड्ढति वा अहे णं इट्ठाणिट्ठे फासे पडिसंवेदमो नो इण्हे समट्ठे पडिसंवेदेंति पुण ते, ते णं भंते जीवा किं पाणाइवाए उवक्खाइज्जंति मुसावाए अदिन्नादाणे जाव मिच्छादंसणसल्ले उवक्खाइज्जंति गोयमा पाणाइवाए वि उवक्खाइज्जंति जाव मिच्छादंसणसल्ले वि उवक्खाइज्जंति जेसिं पि णं जीवाणं ते जीवा एवमाहिज्जंति तेसिं पि णं जीवाणं नो विण्णाए नाणत्ते ते णं भंते जीवा कओहिंतो उववज्जंति-किं नेरइएहिंतो उववज्जंति एवं जहा वक्कंतीए पुढविक्काइयाणं उववाओ तहा भणियव्वो

तेसि णं भंते जीवाणं केवतियं कालं ठिती पत्रत्ता गोयमा जहन्नेणं अंतोमुहुत्तं उक्कोसेणं वावीसं वाससहस्साइं तेसि णं भंते जीवाणं कति समुग्धाया पत्रत्ता गोयमा तओ समुग्धाया पत्रत्ता तं जहा-वेयणासमुग्धाए कसायसमुग्धाए मारणंतियसमुग्धाए ते णं भंते जीवा मारणंतियसमुग्धाएणं किं समोहया मरंति असमोहया मरंति गोयमा समोहया वि मरंति असमोहया वि मरंति ते णं भंते जीवा अनंतरं उववट्ठिता कहिं गच्छंति कहिं उववज्जंति एवं उव्वट्ठणा जहा वक्कंतीए सिय भंते जाव चत्तारि पंच आउक्काइया एगयओ साधारणसरीरं बंधंति बंधित्ता तओ पच्छ आहारेंति एवं जो पुढविक्काइयाणं गमो सो चेव भणियव्वो जाव उव्वट्ठंति नवरं-ठिती सत्त वाससहस्साइं उक्कोसेणं सेसं तं चेव सिय भंते जाव चत्तारि पंच तेउक्काइया एवं चेव नवरं-उववाओ ठिती

उब्बट्ठणा य जहा पन्नवणाए सेसं तं चेव वाउकाइयाणं एवं चेव नाणत्तं नवरं-चत्तारि समुध्या,
सिय मंते जाव चत्तारि पंच वणस्सइकाइया-पुच्छा गोयमा नो इण्ठे समट्ठे अनंता वणस्सइकाइया
एगयओ साहारणसरीरं बंधंति बंधिता तओ पच्छा आहारंति वा परिणाभंति वा सरीरं वा बंधंति
सेसं जहा तेउकाइयाणं जाव उब्बट्ठंति नवरं-आहारो नियमं छट्ठिसिं टिती जहण्णेणं अंतोमुहुत्तं
उक्कोसेणं वि अंतोमुहुत्तं सेसं तं चेव १६५१-१६५०

(७६२) एसिं णं मंते पुढविकाइयाणं आउ-तेउ-वाउ-वणस्सइकाइयाणं सुहुमाणं वादराणं
पज्जत्ताणं अपज्जत्ताणं जहण्णुक्कोसियाएओगाहणाए कयरे कयरेहिंता [अथा वा बहुया वा
तुला वा] विसेसाहिया वा गोयमा सब्बसुहोवा सुहुमनिओवस्स अपज्जत्ताणस्स जहण्णिया ओगाहणा
सुहुमवाउक्काइयस्स अपज्जत्ताणस्स जहण्णिया ओगाहणा असंखेज्जगुणा सुहुमतेउकाइयस्स अपज्ज-
त्ताणस्स जहण्णिया ओगाहणा असंखेज्जगुणा सुहुमआउकाइयस्स अपज्जत्ताणस्स जहण्णिया ओगा-
हणा असंखेज्जगुणा सुहुमपुढविकाइयस्स अपज्जत्ताणस्स जहण्णिया ओगाहणा असंखेज्जगुणा
बादरवाउकाइयस्स अपज्जत्ताणस्स जहण्णिया ओगाहणा असंखेज्जगुणा बादरतेउक्काइयस्स अप-
ज्जत्ताणस्स जहण्णिया ओगाहणा असंखेज्जगुणा बादरआउकाइयस्स अपज्जत्ताणस्स जहण्णिया
ओगाहणा असंखेज्जगुणा बादरपुढविकाइयस्स अपज्जत्ताणस्स जहण्णिया ओगाहणा असंखेज्जगुणा
बादरपुढविकाइयस्स अपज्जत्ताणस्स जहण्णिया ओगाहणा असंखेज्जगुणा पतेयसरीरबादरवणस्सइ-
काइयस्स बादरनिओवस्स एसिं णं पज्जत्ताणं एसिं णं अपज्जत्ताणं जहण्णिया ओगाहणा
दोण्ह वि तुला असंखेज्जगुणा तस्सेव अपज्जत्ताणस्स उक्कोसिया ओगाहणा विसेसाहिय तस्स चेव
पज्जत्ताणस्स उक्कोसिया ओगाहणा विसेसाहिया सुहुमयाउकाइयस्स पज्जत्ताणस्स जहण्णिया
ओगाहणा असंखेज्जगुणा तस्स चेव अपज्जत्ताणस्स उक्कोसिया ओगाहणा विसेसाहिया तस्स चेव
पज्जत्ताणस्स उक्कोसिया ओगाहणा विसेसाहिया एवं सुहुमतेउक्काउइयस्स वि एवं सुहुम-
आउक्काइयस्स वि एवं सुहुमपुढविकाइयस्स वि एवं बादरवाउकाइयस्स वि एवं बादरते-
उकाइयस्स वि एवं बादरआउकाइयस्स वि एवं बादरपुढविकाइयस्स वि सब्बेसिं तिविहेणं गमेणं
भाणियव्वं बादरनिगोयस्स पज्जत्ताणस्स जहण्णिया ओगाहणा असंखेज्जगुणा तस्स चेव अपज्जत्ता-
णस्स उक्कोसिया ओगाहणा विसेसाहिया तस्स चेव पज्जत्ताणस्स उक्कोसिया ओगाहणा विसेसा-
हिया पतेयसरीरबादरवणस्सइकाइयस्स पज्जत्ताणस्स जहण्णिया ओगाहणा असंखेज्जगुणा तस्स
चेव अपज्जत्ताणस्स उक्कोसिया ओगाहणा असंखेज्जगुणा तस्स चेव पज्जत्ताणस्स उक्कोसिया
ओगाहणा असंखेज्जगुणा १६५२-१६५१

(७६३) एयस्स णं मंते पुढविकाइयस्स आउक्काइयस्स तेउकाइयस्स वाउकाइयस्स
वणस्सइकाइयस्स य कयरे काए सब्बसुहुमे कयरे काए सब्बसुहुमताराए गोयमा वणस्सइकाए
सब्बसुहुमे वणस्सइकाए सब्बसुहुमताराए एयस्स णं मंते पुढविकाइयस्स आउक्काइयस्स तेउकाइ-
यस्स वाउकाइयस्स य कयरे काये सब्बसुहुमे कयरे काये सब्बसुहुमताराए गोयमा वाउक्काए
सब्बसुहुमे वाउक्काए सब्बसुहुमताराए एयस्स णं मंते पुढविकाइयस्स आउक्काइयस्स तेउक्काइ-
यस्स य कयरे काये सब्बसुहुमे कयरे काये सब्बसुहुमताराए गोयमा तेउक्काए सब्बसुहुमे तेउक्काए
सब्बसुहुमताराए एयस्स णं मंते पुढविकाइयस्स आउक्काइयस्स य कयरे काये सब्बसुहुमे कयरे
काये सब्बसुहुमताराए गोयमा आउक्काए सब्बसुहुमे आउक्काए सब्बसुहुमताराए एयस्स णं मंते

पुढविकाइयस्स आउक्काइयस्स तेउकाइयस्स वाउकाइयस्स वणस्सइकाइयस्स य कयरे काये सव्वाबादरे कयरे काये सव्वबादरतराए गोयमा वणस्सइकाए सव्वबादरे वणस्सइकाए सव्वबारत-
 दराए एयस्स णं भंते पुढविकाइयस्स आउकाइयस्स तेउकाइयस्स वाउकाइयस्स य कयरे काए सव्वबादरे कयरे काए सव्वबादरतराए गोयमा पुढविक्काए सव्वबादरे पुढविक्काए सव्वबादर-
 तराए एयस्स णं भंते आउक्काइयस्स तेउक्काइयस्स वाउकाइयस्स य कयरे काए सव्वबादरे कयरे काए सव्वबादरतराए गोयमा आउक्काए सव्वबादरे आउक्काए सव्वबादरत- राए एयस्स णं भंते
 तेउकाइयस्स वाउकाइयस्स य कयरे काए सव्वबादरे कयरे काए सव्वबादरतराए गोयमा तेउ-
 क्काए सव्वबादरे तेउक्काए सव्वबादरतराए केमहालए णं भंते पुढविसरीरे पन्नते गोयमा अनं-
 ताणं सुहुमवणस्सइकाइयाणं जावइया सरीरा से एगे सुहुमवाउ सरीरे असंखेज्जाणं सुहुमवाउ-
 सरीराणं जावइया सरीरा से एगे सुहुमतेउसरीरे असंखेज्जाणं सुहुमतेउकाइयसरीराणं जावइया
 सरीरा से एगे सुहुमे आउसरीरे असंखेज्जाणं सुहुमआउक्काइयसरीराणं जावइया सरीरा से एगे
 सुहुमे पुढविसरीरे असंखेज्जाणं सुहुमपुढविकाइयसरीराणं जावइया सरीरा से एगे बादरवाउसरीरे
 असंखेज्जाणं बादरवाउक्काइयाणं जावइया सरीरा से एगे बादरतेउसरीरे असंखेज्जाणं बादरतेउ-
 काइयाणं जावइया सरीरा से एगे बादरआउसरीरे असंखेज्जाणं बादरआउकाइयाइणं जावइया
 सरीरा से एगे बादरपुढविसरीरे एमहालए णं गोयमा पुढविसरीरे पन्नते । ६५३।-६५२

(७६४) पुढविकाइयस्स णं भंते केमहालिया सरीरोगाहणा पन्नता गोयमा से जहानामए
 रण्णो चाउरंतचक्कवट्टिस्स वण्णगपेसिया तरुणी वलवं जुगवं जुवाणी अप्पायंका [धिरग्गहत्थे
 दढपाणि-पाय-पास-पिड्ढंतरोरुपरिणता तलजमलजुयल-परिघनिभवाह उरस्सवलसमण्णागया
 लंघण-पवण-जइण-वायाम-समत्था छेया दिक्का पत्तद्वा कुसला मेहावी निउणा] निउणसिप्पोव-
 गया तिकखाए वइरामईए सण्हकरणीए तिकखेणं वइरामएणं वइरावरएणं एणं महं पुढविकाइयं
 जतुगोलासमाणं गहाय पडिसाहरिय-पडिसाहरिय पडिसंखिविय-पडिसंखिविय जाव इणामेवति
 कट्ठु तिसत्तक्खुत्तो ओप्पीसेज्जा तत्थ णं गोयमा अत्थेगतिया पुढविक्काइया आलिद्धा अत्थेगतिया
 पुढविक्काइया नो आलिद्धा अत्थेगतिया संघट्टिया अत्थेगतिया नो संघट्टिया अत्थेगतिया परिया-
 विया अत्थेगतिया नो परियाविया अत्थेगतिया उह्विया अत्थेगतिया नो उह्विया अत्थेगतिया पिड्ढा
 अत्थेगतिया नो पिड्ढा पुढविकाइयस्स णं गोयमा एहालिया सरीरोगाहणा पन्नता पुढविकाइए णं भंते
 अक्कंते समाणे केरिसियं वेदणं पच्चणुब्भवमाणे विहरइ गोयमा से जहानामए केइ पुरिसे तरुणे
 वलवं जुगवं [जुवाणे अप्पातंके धिरग्गहत्थे दढपाणि-पाय-पास-पिड्ढंतरोरुपरिणते तलज-
 मलजुयल-परिघनिभवाह चम्मेइय-दुहण-मुट्ठिय-समाहत-विचितगतकाए उरस्सवलसमण्णागए
 लंघण-जाव निउणे] निउणसिप्पोवगए एगे पुरिसं जुणं जरा-जज्जरिय-देहं [आउरं झूसियं
 पिवासियं] दुब्बलं किलंतं जमलपाणिणा मुट्ठाणंसि अभिहणेज्जा से णं गोयमा पुरिसे तेणं पुरिसेणं
 जमलपाणिणा मुट्ठाणंसि अभिहए समाणे केरिसियं वेदणं पच्चणुब्भवमाणे विहरति अणिट्ठं
 समणाउसो तस्स णं गोयमा पुरिस्स वेदणाहिंते पुढविकाइए अक्कंते समाणे एत्तो अणिट्ठतरियं चेव
 अक्कंतरियं अप्पियतरियं जाव अमणामतरियं चेव वेदणं पच्चणुब्भवमाणे विहरइ आउयाए णं भंते
 संघट्टिए समाणे केरिसियं वेदणं पच्चणुब्भवमाणे विहरइ गोयमा जहा पुढविक्काइए एवं चेव एवं
 तेउयाए वि एवं वाउयाए वि एवं वणस्सइकाए वि जाव विहरइ सेवं भंते सेवं भंते ति । ६५४।-६५३

● एगुणवीसइमे सते तइ ओ उद्देशो सप्तो ●

(७६५) सिय भंते नेरइया महासवा महाकिरिया महावेयणा महानिज्जरा गोयमा नो इण्ठे

● एगुणवीसद्वमे सते चउत्यो उद्देसो सपत्तो ●

(७६६) अत्यि णं भंते चरमा वि नेरइया परमा वि नेरइया हंता अत्यि से नूणं भंते चरमेहितो

(७६७) कतिविहा णं भंते वेदणा पन्नत्ता गोयमा दुविहा वेदणा पन्नत्ता तं जहा- निदा य

15491-656

● एगुणवीसइमे सते पंचमो उद्देसो सयत्तो ●

—: छ डो—उ दे सो :—

(७६८) कहि णं भंते दीवसमुद्दा केवतिया णं भंते दीवसमुद्दा किंसंठिया णं भंते दीवसमुद्दा एवं जहा जीवभिगमे दीवसमुद्दुद्देशो सो चेव इह वि जोइसमंडिउद्देशगवज्जो भाणियव्वो जाव परिणामो जीवउववाओ जाव अनंतखुत्तो सेवं भंते सेवं भंते ति । ६५८-657

● एगुणवीसइमे सते छट्ठो उद्देशो सप्तो ●

—: स त्त मो—उ दे सो :—

(७६९) केवतिया णं भंते असुरकुमारभवणावाससयसहस्सा पन्नत्ता गोयमा चोर्यहिं असुरकुमारभवणावाससयसहस्सा पन्नत्ता ते णं भंते किमया पन्नत्ता गोयमा सच्चरयणामया अच्छा सण्हा जाव पडिरूया तत्थ णं वडवे जीवा य पोगला य वक्कमंति विउक्कमंति चर्यंति उवयज्जंति सासया णं ते भवण दव्वड्डयाए यणपज्जवेहिं जाव फासपज्जवेहिं असासया एवं जाव थणिय-कुमारावासा केवतिया णं भंते वाणमंतरभोमेज्जनगरवाससयसहस्सा पन्नत्ता गोयमा असंखेज्जा वाणमंतरभोमेज्जनगरवाससयसहस्सा पन्नत्ता ते णं भंते किमया प. सेसं तं चेव क्रेतविया णं भंते जोइसियविभाणावाससयसहस्सा प. गोयमा असंखेज्ज जोइसियविभाणावा-ससयसहस्सा पन्नत्ता ते णं भंते किमया पन्नत्ता गोयमा सब्बफालिहामया अच्छा सेसं तं चेव सोहम्मे णं भंते कप्पे केवतिया विमाणावाससयसहस्सा पन्नत्ता गोयमा वत्तीसं विमाणावाससयसहस्सा प. ते णं भंते किमया पन्नत्ता गोयमा सच्चरयणापया अच्छा सेसं तं चेव जाव अनुत्तरविमाणा नवरं-जाणंयव्वा जत्थ जत्तिया भवणा विमाणा या सेवं भंते सेवं भंते ति । ६५९-658

● एगुणवीसइमे सते सत्तमो उद्देशो सप्तो ●

—: अ ङ्ग मो—उ दे सो :—

(७७०) कतिविहा णं भंते जावनिव्वती पन्नत्ता गोयमा पंचविहा जीवनिव्वती पन्नत्ता तं जहा-एग्गिदियजीवनिव्वती जाव पंचिदियजीवनिव्वती एग्गिदियजीवनिव्वती णं भंते कतिविहा पन्नत्ता गोयमा पंचविहा पन्नत्ता तं जहा-पुढविकाइयएग्गिदियजीवनिव्वती जाव वणस्सइकाइ-यएग्गिदियजीवनिव्वती पुढविकाइएग्गिदियजीवनिव्वती णं भंते कतिविहा पन्नत्ता गोयमा दुविहा पन्नत्ता तं जहा-मुहुमपुढविकाइयएग्गिदियजीवनिव्वती य बादरपुढविकाइ एग्गिदियजीवनिव्वती य एवं एणं अभिलावेणं मेदो जहा वड्डगबंधो तेयगसरीरस्स जाव-सव्वड्डसिद्धअनुत्तरोववाति-यकप्पातीतवेमाणियदेवपंचिदियजीवनिव्वती णं भंते कतिविहा पन्नत्ता गोयमा दुविहा पन्नत्ता तं जहा-पज्जत्तगसव्वड्डसिद्धअनुत्तरोववातियकप्पातीतवेमाणिय देवपंचिदियजीवनिव्वती य अपज्ज-त्तगसव्वड्डसिद्धअनुत्तरोववातियकप्पातीतवेमाणियदेवपंचिदियजीवनिव्वती य कतिविहा णं भंते कम्मनिव्वती पन्नत्ता गोयमा अड्डविहा कम्मनिव्वती पन्नत्ता तं जहा-नाणावरणिज्जकम्मनिव्वती जाव अंतराड्यकम्मनिव्वती नेरइयाणं भंते कतिविहा कम्मनिव्वती पन्नत्ता गोयमा अड्डविहा कम्मनिव्वती पन्नत्ता तं जहा-नाणावरणिज्जकम्मनिव्वती जाव अंतराड्यकम्मनिव्वती एवं जाव वेमाणियाणं कतिविहा णं भंते सरीरनिव्वती पन्नत्ता गोयमा पंचविहा सरीरनिव्वती पन्नत्ता तं जहा-ओरालियसरीरनिव्वती जाव कम्मासरीरनिव्वती नेरइयाणं भंते कतिविहा सरीरनिव्वती पन्नत्ता एवं चेव एवं जाव वेमाणियाणं नवरं-नायव्वं जस्स जइ सरीराणि

कतिविहा णं भंते सच्चिदियनिव्वती पन्नत्ता गोयमा पंचविहा सच्चिदियनिव्वती पन्नत्ता तं जहा-सोइंदियनिव्वती जाव फासिंदियनिव्वती एवं नेरइयाणं जाव थणियकुमाराणं पुढविकाइ-

याणं-पुच्छा गोयमा एणा फासिंदियनिव्वत्ती पन्नत्ता एवं जस्स जति इंदियाणि जाव वेमाणियाणं, कतिविहा णं भंते भासानिव्वत्ती पन्नत्ता गोयमा चउव्विहा भासानिव्वत्ती पन्नत्ता तं जहा-सच्चभासानिव्वत्ती मोसभासानिव्वत्ती सच्चामोसभासा निव्वत्ती असच्चामोसभासानिव्वत्ती एवं एगिंदियवज्जं जस्स जा भासा जाव वेमाणियाणं, कतिविहा णं भंते मणनिव्वत्ती पन्नत्ता गोयमा चउव्विहा मणनिव्वत्ती पन्नत्ता तं जहा-सच्चमणनिव्वत्ती जाव असच्चामोसमणनिव्वत्ती एवं एगिंदियविगलिंदियवज्जं जाव वेमाणियाणं, कतिविहा णं भंते कसायनिव्वत्ती पन्नत्ता गोयमा चउव्विहा कसायनिव्वत्ती पन्नत्ता तं जहा-कोहकसायनिव्वत्ती जाव लोभकसायनिव्वत्ती एवं जाव वेमाणियाणं, कतिविहा णं भंते वण्णनिव्वत्ती पन्नत्ता गोयमा पंचविहा वण्णनिव्वत्ती तं जहा-कालावण्णनिव्वत्ती जाव सुक्किल्लवण्णनिव्वत्ती एवं निरवसेसं जाव वेमाणियाणं एवं गंधनिव्वत्ती दुविहा जाव वेमाणियाणं, रसनिव्वत्ती पंचविहा जाव वेमाणियाणं फासनिव्वत्ती अडुविहा जाव वेमाणियाणं कतिविहा णं भंते संठाणनिव्वत्ती पन्नत्ता गोयमा छव्विहा संठाणनिव्वत्ती पन्नत्ता तं जहा-समचउरंससंठाणनिव्वत्ती जाव हुंडसंठाणनिव्वत्ती नेरइयाणं-पुच्छा गोयमा एणा हुंडसंठाणनिव्वत्ती पन्नत्ता असुरकुमाराणं-पुच्छा गोयमा एणा समचउरंससं-ठाणनिव्वत्ती पन्नत्ता एवं जाव थणियकुमाराणं, पुढविकाइयाणं-पुच्छा गोयमा एणहा मयूरवंद-संठाणनिव्वत्ती पन्नत्ता एवं जस्स जं संठाणं जाव वेमाणियाणं कतिविहा णं भंते सण्णानिव्वत्ती पन्नत्ता गोयमा चउव्विहा सण्णानिव्वत्ती पन्नत्ता तं जहा-आहारसण्णानिव्वत्ती जाव परिग्गहण्णानिव्वत्ती एवं जाव वेमाणियाणं कतिविहा णं भंते लेस्सानिव्वत्ती पन्नत्ता गोयमा छव्विहा लेस्सानिव्वत्ती पन्नत्ता तं जहा-कण्हलेस्सानिव्वत्ती जाव सुक्कलेस्सानिव्वत्ती एवं जाव वेमाणियाणं जस्स जति लेस्साओ कतिविहा णं भंते दिट्ठीनिव्वत्ती पन्नत्ता गोयमा तिविहा दिट्ठीनिव्वत्ती पन्नत्ता तं जहा-सम्मादिट्ठिनिव्वत्ती मिच्छादिट्ठिनिव्वत्ती सम्मामिच्छादिट्ठिनिव्वत्ती एवं जाव वेमाणियाणं जस्स जतिविहा दिट्ठी

कतिविहा णं भंते नाणनिव्वत्ति पन्नत्ता गोयमा पंचविहा नाणनिव्वत्ती पन्नत्ता तं जहा-आभिभिबोहियनाणनिव्वत्ती जाव केवलनाणनिव्वत्ती एवं एगिंदियवज्जं जाव वेमाणियाणं जस्स जति नाणा कतिविहा णं भंते अण्णाणनिव्वत्ती पन्नत्ता गोयमा तिविहा अन्नाणनिव्वत्ती पन्नत्ता तं जहा-मइअण्णाणनिव्वत्ती सुयअण्णाणनिव्वत्ती विभंगनाण- निव्वत्ती एवं जस्स जति अण्णाणा जाव वेमाणियाणं, कतिविहा णं भंते जोगनिव्वत्ती प. गोयमा तिविहा जोगनिव्वत्ती प. मणजोगनिव्वत्ती वइजोगनिव्वत्ती कायजोगनिव्वत्ती एवं जाव वेमाणि-याणं जस्स जतिविहो जोगो कतिविहा णं भंते उवओगनिव्वत्ती प. गोयमा दुविहा उवओगनिव्वत्ती प. जहा-सागारोवओगनिव्वत्ती अणागारोव-ओगनिव्वत्ती एवं जाव वेमाणियाणं ।६६०।-६६०-१

(७७१) जीवाणं निव्वत्ती कम्मप्पगडी सरीरनिव्वत्ती

सव्विंदियनिव्वत्ती भासा य मणे कसाया य ॥८२॥-१

(७७२) वण्ण रस गंध फासे संठाअविहीय होइ बोद्धव्वा

लेस दिट्ठी नाणे उवओगे चेव जोगे य ॥८३॥-२

(७७३) सेवं भंते सेवं भंते त्ति ।६६०।-६६०

● एण्णवीसमे सत्ते अट्ठमो उहेसो सप्पत्ते ●

—: न व मो—उ द्वे सो :—

(७७४) कतिविहे णं भंते करणे पन्नत्ते गोयमा पंचविहे करणे पन्नत्ते तं जहा-दव्वकरणे खेतकरणे कालकरणे भयकरणे भावकरणे नेरइयाणं भंते कतिविहे करणे पन्नत्ते गोयमा पंचविहे करणे पन्नत्ते तं जहा-दव्वकरणे जाव भावकरणे एवं जाव वेमाणियाणं कतिविहे णं भंते सरीरकरणे पन्नत्ते गोयमा पंचविहे सरीरकरणे पन्नत्ते तं जहा-ओरालियसरीरकरणे जाव कम्मासरीरकरणे एवं जाव वेमाणियाणं जस्स जति सरीराणि, कतिविहे णं भंते इंदियकरणे पन्नत्ते गोयमा पंचविहे इंदिय करणे पन्नत्ते तं जहा सोइंदिय करणे जाव फासिंदिय करणे एवं जाव वेमाणियाणं जस्स जति इंदियाइ एवं एणं कमेणं भासाकरणे चउव्विहे मणकरणे चउव्विहे कसायकरणे चउव्विहे समुग्घायकरणे सत्तविहे सण्णाकरणे चउव्विहे लेसाकरणे छव्विहे दिट्ठीकरणे तिविहे वेदकरणे तिविहे पन्नत्ते तं जहा-इत्थिवेदकरणे पुरिसवेदकरणे नपुंसगवेदकरणे एए सव्वे नेरइयादी दंडगा वेमाणियाणं जस्स जं अत्थि तं तस्स सव्वं भाणियव्वं कतिविहे णं भंते पाणाइवायकरणे पन्नत्ते गोयमा पंचविहे पाणाइवायकरणे पन्नत्ते तं जहा-एगिंदियपाणाइवायकरणे जाव पंचिदिय-पाणाइवायकरणे एवं निरवसेसं जाव वेमाणियाणं कतिविहे णं भंते पोण्णलकरणे पन्नत्ते गोयमा पंचविहे पोण्णलकरणे पन्नत्ते तं जहा-वण्णकरणे गंधकरणे रसकरणे फासकरणे संठाणकरणे वण्णकरणे णं भंते कतिविहे पन्नत्ते गोयमा पंचविहे पन्नत्ते तं जहा-कालावण्णकरणे जाव सुक्किलवण्णकरणे एवं भेदो-गंधकरणे दुविहे रसकरणे पंचविहे फासकरणे अट्ठविहे संठाणकरणे णं भंते कतिविहे पन्नत्ते गोयमा पंचविहे पन्नत्ते तं जहा-परिमंडलसंठाणकरणे जाव आयतसंठाणकरणे सेवं भंते सेवं भंते ति जाव विहरइ । ६६१।-६६०

(७७५) दव्वे खित्ते काले भवेय भावेय य सरीर करणे य

इंदिय करणं भासा मणे कासाए समुग्घाए

॥८४॥-

(७७६) सण्णा लेस्सा दिट्ठी वेए पाणाइवायकरणेय

पुण्णल करणे वण्णे गंधरसफास संठाणे

॥८५॥-

● एगुणवीसइमे सत्ते नवमो उद्देशो समत्तो ●

—: द स मो—उ द्वे सो :—

(७७८) वाणमंतरा णं सव्वे समाहारा एवं जहा सोलसमसए दीवकुमारुद्देशओ जाव अपिइंदिय ति । ६६२-१।-६६२-१

(७७९) सेवं भंते सेवं भंते ति । ६६३।-६६२

● एगुणवीसइमे सत्ते दसमो उद्देशो सपत्तो ●

वीसइमं — सर्तं

—: प ढ मो—उ द्वे सो :—

(७७९) वेइंदिय भागासे पाणवहे उवचए य परमाणू

अंतरं वंधे भूमी चारण सोवक्कमा जीवा

॥८६॥-१

(७८०) रायगिहे जाव एवं वयासी-सिय भंते जाव चत्तारि पंच वेइंदिया एगयओ

साहरणसरीरं बंधंति बंधित्ता तओ पच्छा आहारंति वा परिणामंति वा सरीरं वा बंधंति नो इण्ढे

समष्टे वेदंदिद्या णं पत्तेयाहारा पत्तेयपरिणामा पत्तेयसरीरं बंधंति बंधिता तओ पच्छा आहारेति वा परिणामेति वा सरीरं वा बंधंति तैसि णं भंते जीवाणं कति लेस्साओ पत्रत्ताओ गोयमा तओ लेस्साओ पत्रत्ताओ तं जहा-कण्हेलेस्सा नीललेस्सा काउलेस्सा एवं जहा एगूणवीसतिमे सए तेउक्कइयाणं जाव उव्वइति नवरं-सम्मदिट्ठी वि मिच्छदिट्ठी वि नो सम्मामिच्छदिट्ठी, दो नाणा दो अन्नाणा नियमं नो मणजोगी वडजोगी वि कायजोगी वि आहारो नियमं छइसिं तैसि णं भंते जीवाणं एवं सण्णाति वा पण्णाति वा मणेति वा वईति वा अन्हे णं इट्ठाणिट्ठे रसे इट्ठाणिट्ठे फासे पडिसंवेदेमो नो इण्टे सपट्ठे पडिसंवेदेति पुण ते ठिती जहण्णेणं अंतोमुहुत्तं उक्कोसेणं बारस संवच्छाईं सेसं तं चेव एवं तेइंदिया वि एवं चउरिंदिया वि नाणत्तं ईदिएसु ठितीए य सेसं तं चेव ठिती जहा पत्रवणाए सिय भंते जाव चत्तारि पंच पंविंदिया एगयओ साहरणसरीरं बंधंति एवं जहा वेइंदियाणं नवरं-छलेसा दिट्ठी तिदिहा वि चत्तारि नाणा तिणिण अन्नाणा भयणाए तिविहेः जोगो तैसि णं भंते जीवाणं एवं सण्णाति वा पत्रात्ति वा मणेति वा वईति वा-अन्हे आहारामाहारेमो गोयमा अत्येगतियाणं एवं सण्णाति वा पत्रात्ति वा मणेति वा वईति वा-अन्हे णं आहारामाहारेमो अत्येगतियाणं नो एवं सण्णाति वा जाव वईति वा-अन्हे णं आहारसमाहारेमो आहारेति पुण ते, तैसि णं भंते जीवाणं एवं सण्णाति वा जाव वईति वा-अन्हे इट्ठाणिट्ठे सदे इट्ठाणिट्ठे रूवे इट्ठाणिट्ठे गंधे इट्ठाणिट्ठे रसे इट्ठाणिट्ठे फासे पडिसंवेदेमो गोयमा अत्येगतियाणं एवं सण्णाति वा जाव वईति वा-अन्हे णं जाव इट्ठाणिट्ठे सदे जाव इट्ठाणिट्ठे फासे पडिसंवेदेमो पडिसंवेदेति पुण ते, ते णं भंते जीवा किं पाणाइवाए उवक्खाइज्जंति-पुच्छा गोयमा अत्येगतिया पाणातिवाए वि उवक्खाइज्जंति जाव मिच्छादंसणसत्थे वि उवक्खाइज्जंति अत्येगतिया नो पाणाइवाए उवक्खाइज्जंति नो मुसावाए जाव नो मिच्छदंसणसत्थे उवक्खाइज्जंति जेसिं पि णं जीवाणं ते जीवा एवमाहिज्जंति तेसिं पि णं जीवाणं अत्येगतियाणं विण्णाए नाणत्ते अत्येगतियाणं नो विण्णाए नाणत्ते उववाओ सव्वओ जाव सव्वडुसिद्धाओ ठिती जहण्णेणं अंतोमुहुत्तं उक्कोसेणं तेत्तीसं सागरोबमाइं छसमुग्घाया केवलिवज्जा उव्वट्ठणा सव्वत्थ गच्छंति जाव सव्वडुसिद्धिं ति सेसं जहा वेइंदियाणं एएसि णं भंते वेइंदियाणं जाव पंविंदियाणं य कयरे कयरोहिंते जाव विसेसाहिया वा गोयमा सव्वत्थोवा पंदिंदिया चउरिंदिया विसेसाहिया तेइंदिया विसेसाहिया वेइंदिया विसेसाहिया सेवं भंते सेवं भंते ति जाव विहरइ ।६६३।-६६२

● वीसइमे सत्ते पदमो उदेसो सपत्तो ●

—: बी ओ—उ हे सो —:

(७८१) कतिविहे णं भंते आगासे पत्रत्ते गोयमा दुविहे आगासे पत्रत्ते तं जहा-लोयागासे य अलोयागासे य लोयागासे णं भंते किं जीवा जीवदेसा एवं जहा वितियसए अथिउदेसे तहेव इह वि भाणियव्वं नवरं-अभिलावो जाव धम्मत्थिकाए णं भंते केमहालए पत्रत्ते गोयमा लोए लोयमेरो लोयप्पमाणे लोयफुडे लोयं चेव ओगाहिता णं चिड्ढति एवं जाव पोग्गलत्थिकाए, अहेलोए णं भंते धम्मत्थिकायरस केवत्थि ओगाढे गोयमा सातिरेगं अद्धं ओगाढे एवं एएणं अभिलावेणं जहा वितियसए जाव-ईसिप्पत्थारा णं भंते पुढवी लोयागासस्स किं संखेज्झभागं ओगाढा-पुच्छा गोयमा नो संखेज्झभागं ओगाढा असंखेज्झभागं ओगाढा नो संखेजे भागे ओगाढा नो असंखेजे भागे ओगाढा नो सव्वलोयं ओगाढा सेसं तं चेव ।६६४।-६६३

(७८२) धम्मत्थिकायस्स णं भंते केवतिया अभिवयणा पन्नत्ता गोयमा अणेगा अभिवयणा पन्नत्ता तं जहा-धम्मे इ वा धम्मत्थिकाये इ वा पाणाइवायवेरमणे इ वा मुत्तावायवेरमणे इ वा एवं जाव परिग्गहवेरमणे इ वा कोहविवेगे इ वा जाव मिच्छादंसणसल्लविवेगे इ वा इरियासमिती इ वा मासासमिती इ वा एसणासमिती इ वा आयाणभंडमत्तनिकूखेवसमिती इ वा उच्चारपासवणखेल-सिंधाणजल्लपारिद्धावणियासमिती इ वा मणगुत्ती इ वा वइगुत्ती इ वा कायगुत्ती इ वा जे यावण्णे तहप्पगारा सव्वे ते धम्मत्थिकायस्स अभिवयणा अधम्मत्थिकायस्स [णं भंते केवतिया अभिवयणा पन्नत्ता] गोयमा अणेगा अभिवयणा पन्नत्ता तं जहा-अधम्मे इ वा अधम्मत्थिकाए इ वा पाणाइवाए इ वा जाव मिच्छादंसणसल्ले इ वा रियाअसमिती इ वा जाव उच्चारपासवणखेलसिंधाणजल्ल पारिद्धावणियाअसमिती इ वाइ मणअगुत्ती इ वा वइअगुत्ती इ वा कायअगुत्ती इ वा जे यावण्णे तहप्पगारा सव्वे ते अधम्मत्थिकायस्स अभिवयणा आगासत्थिकायस्स [णं भंते केवतिया अभिवयणा पन्नत्ता] गोयमा अणेगा अभिवयणा पन्नत्ता तं जहा-आगासे इ वा आगासत्थिकाए इ वा गण्णे इ वा नभे इ वा समे इ वा विसमे इ वा खहे इ वा विहे इ वा वीवी इ वा विवरे इ वा अंबरे इ वा अंबरसे इ वा छिडे इ वा झुसिरे इ वा मग्गे इ वा विमुहे इ वा अट्ठे इ वा वियट्ठे इ वा आधारे इ वा वोमे इ वा भायणे वा अंतलिक्खे इ वा रग्गे इ वा ओवासंतरे इ वा अग्गे इ वा फल्लिहे इ वा अनंते इ वा जे यावण्णे तहप्पगारा सव्वे ते आगासत्थिकायस्स अभिवयणा जीवत्थिकायस्स णं भंते केवतिया अभिवयणा पन्नत्ता गोया अणेगा अभिवयणा पन्नत्ता तं जहा-जीवे इ वा जीवत्थिकाए इ वा पाणे इ वा भूए इ वा सत्ते इ वा विण्णू इ वा वेया इ वा चेया इ वा जेया इ वा आया इ वा रंण्णे इ वा हिंदुए इ वा पोग्गले इ वा माणवे इ वा कत्ता इ वा विकत्ता इ वा जए इ वा जंतू इ वा जोणी इ वा सयंभू इ वा ससरीरी इ वा नायए इ वा अंतरप्पाइ वा जे यावण्णे तहप्पगारा सव्वे ते जीवत्थिकायस्स अभिवयणा पोग्गलत्थिकायस्स णं [भंते केवतिया अभिवयणा पन्नत्ता] गोयमा अणेगा अभिवयणा पन्नत्ता तं जहा-पोग्गले इ वा पोग्गलत्थिकाए इ वा परमाणुपोग्गले इ वा दुपएसिए इ वा तिपएसिए इ वा जाव असंखेज्जपएसिए इ वा अनंतपएसिए इ वा खंधे जे यावण्णे तहप्पगारा सव्वे पोग्गलत्थिकायस्स अभिवयणा सेवं भंते सेवं भंते ति । ६६५।-६६४

● बीसइमे सते बीओ उदेसो सप्तो ●

—: त इ ओ—उ हे सो :—

(७८३) अहं भंते पाणाइवाए मुसावाए जाव मिच्छादंसणसल्ले पाणातिवायवेरमणे जाव मिच्छादंसणसल्लविवेगे उप्पत्तिया [वेणइया कम्मया] पारिणामिया ओग्गहे [ईहा अवाए] धारणा उट्ठाणे कम्मे बले वीरिए पुरिसक्कार-परक्कमे नेरइयत्ते असुरकुमारत्ते जाव वेमाणियत्ते नाणावरणिज्जे जाव अंतराइए कणहलेस्सा जाव सुक्कलेस्सा सम्मदिट्ठी मिच्छदिट्ठी सम्मामिच्छदिट्ठी चक्खुदंसणे अचक्खुदंसणे ओहिदंसणे केवलदंसणे आभिणिबोहियनाणे जाव विभंगनाणे आहारसण्णा भयसण्णा मेहुणसण्णा परिणहसण्णा ओरालियसरीरे वेउब्बियसरीरे आहारगसरीरे तेयगसरीरे कम्मगसरीरे मणजोगे वइजोगे कायजोगे सागारोवओगे अणागारोवओगे जे यावण्णे तहप्पगारा सव्वे नन्नत्थ आयाए परिणमंति हंता गोयमा पाणाइवाए जाव सव्वे ते नन्नत्थ आयाए परिणमंति । ६६६।-६६५

(७८४) जीवे णं भंते गळं वक्कममाणे कतिवण्णं कतिगंधं कतिरसं कतिफासंपरिणामं

परिणमइ गोयमा पंचवण्णं दुगंधं पंचरसं अट्टफासं परिणामं परिणमइ कम्मओ णं भंते जीवे नो अकम्मओ विभत्तिभावं परिणमइ कम्मओ णं जए नो अकम्मओ विभत्तिभावं परिणमइ हंता गोयमा कम्मओ णं जीवे नो अकम्मो विभत्तिभाव परिणमइ कम्मओ णं जए नो अकम्मओ विभत्तिभाव परिणमइ सेवं भंते सेवं भंते ति जाव विहरइ । ६६७।-६६८

● वीसइमे सते तइओ उहेसो सप्तो ●

—: च उ त्यो—उ हे सो :—

(७८५) कतिविहे णं भंते इंदियोवचए पत्रत्ते गोयमा पंचविहे इंदियोवचए पत्रत्ते तं जहा-सोइंदियोवचए एवं वित्तिओ इंदियउहेसओ निरवसेसो भाणियव्यो जहा पन्नवणाए सेवं भंते सेवं भंते ती भगवं गोयमे जाव विहरइ । ६६८।-६६९

● वीसइमे सते उउत्यो उहेसो सप्तो ●

—: पं च मो—उ हे सो :—

(७८६) परामाणुपोगले णं भंते कतिवण्णे कतिगंधे कतिरसे कतिफासे पत्रत्ते गोयमा एगवण्णे एगगंधे एगरसे दुफासे पत्रत्ते जइ एगवण्णे सिय कालए सिय नीलए सिय लोहियए सिय हालिहए सिय सुक्किलए जइ एगगंधे सियसुब्बिगंधे सिय दुब्बिगंधे जइ एगरसे सिय तित्ते सिय कडुए सिय कसाए सिय अंबिले सिय महुरे जइ दुफासे सिय सीए च निद्धे य सिय सिए य लुक्खे य सिय उसिणे य निद्धे य सिय उसिणे य लुक्खे य दुप्पएसिए णं भंते खंधे कतिवण्णे जाव कतिफासे पत्रत्ते गोयमा सिय एगवण्णे सिय दुवण्णे सिय एगगंधे सिय दुगंधे सिय एगरसे सिय दुरसे सिय दुफासे सिय तिफासे सिय चउफासे पत्रत्ते जइ एगवण्णे सिय कालए जाव सिय सुक्किलए जइ दुव्यणे सिय कालए य नीलए य सिय कालए य लोहितए य सिय कालए य हालिहए य सिय कालए य सुक्किलए य सिय नीलए य लोहियए य सिय नीलए हालिहए य सिय लोहियए य हालिहए य सिय लोहियए य सुक्किलए य सिय हालिहए य सुक्किलए य एवं एए दुयासंजोगे दस भंगा जइ एगगंधे सिय सुब्बिगंधे सिय दुब्बिगंधे जइ दुगंधे सुब्बिगंधे य दुब्बिगंधे य रसेसु जहा वण्णसु जइ दुफासे सिय सीए य निद्धे य एवं जहेव परमाणुपोगले जइ तिफासे सव्वे सीए देसे निद्धे देसे लुक्खे सव्वे उसिणे देसे निद्धे देसे लुक्खे सव्वे निद्धे देसे सीए देसे उसिणे सव्वे लुक्खे देसे सीए देसे उसिणे जइ चउफासे देसे सीए देसे उसिणे देसे निद्धे देसे लुक्खे एए नव भंगा फासेसु तिपएसिए णं भंते खंधे कतिवण्णे जहा अट्टारसमसए छट्ठदेसे जाव चउफास पत्रत्ते जइ एगवण्णे सिय कालए जाव सुक्किलए जइ दुवण्णे सिय कालए य नीलए य सिय कालए य नीलगा य सिय कालगा य नीलए य सिय कालए य लोहियए य सिय कालए य लोहियगा य सिय कालगा य लोहियए य एवं हालिहएण वि समं एवं सुक्किलेणं वि समं सिय नीलए य लोहियए य एत्थ वि भंगा एवं हालिहएण वि समं भंगा एवं सुक्किलेणं वि समं भंगा सिय लोहियए य हालिहए य भंगा एवं सुक्किलेणं वि समं सिय हालिहए य सुक्किलए य भंगा एवं सव्वे ते दस दुयासंजोगा भंगा तीसं भव्यंति जइ ति वण्णे सिय कालए य नीलए य लोहियए य सिय कालए य नीलए य हालिहए य सिय कालए य नीलए य सुक्किलए य सिय कालए य लोहियए य हालिहए य सिय कालए य लोहियए य सुक्किलए य सिय कालए य हालिहए य सुक्किलए य सिय नीलए य लोहियए य सुक्किलए य सिय लोहियए य हालिहए य

सुक्किलए य एवं एए दस तियासंजोगा जइ एगधे सिय सुब्धिगंधे सिय दुब्धिगंधे जइ दुगंधे सुब्धिगंधे य दुब्धिगंधे य भंगा रसा जहा वण्णा जइ दुफासे सिय सीए य निद्धे य एवं जहेव दुपएसियस्स तहेव चत्तारि भंगा जइ तिफासे सव्वे सी देसे निद्धे देसे लुक्खे सव्वे सीए देसे निद्धे देसा लुक्खा सव्वे सीए देसा निद्धा देसे लुक्खे सव्वे उसिणे देसे निद्धे देसे लुक्खे एत्थ वि भंगा तिण्णि सव्वे निद्धे देसे सीए देसे उसिणे भंगे तिण्णि सव्वे लुक्खे देसे सीए देसे उसिणे भंगा तिण्णि जइ चउफासे देसे सीए देसे उसिणे देसे निद्धे देसे लुक्खे देसे सीए देसे उसिणे देसे निद्धे देसा लुक्खा देसे सीए देसे उसिणे देसा निद्धा देसे लुक्खे देसे सीए देसा उसिणा देसे निद्धे देसे लुक्खे देसे सीए देसा उसिणा देसे निद्धे देसा लुक्खा देसे सीए देसा उसिणा देसा निद्धा देसा लुक्खे देसा सीया देसे उसिणे देसे निद्धे देसे लुक्खे देसा सीया देसे उसिणे देसे निद्धे देसा लुक्खा देसा सीया देसे उसिणे देसा निद्धे देसे लुक्खे एवं एए तिपएसिए फासेसु पणवीसं भंगा

चउप्पएसिए णं भंते खंधे कतिवण्णे जहा अट्टारसमसए जाव सिय चउफासे पन्नते जइ एगवण्णे सिय कालए य जाव सुक्किलए जइ दुवण्णे सिय कालए य नीलए य सिय कालए य नीलगा य सिय कालगा य नीलए य सिय कालगा य नीलगा य सिय कालए य लोहियए य एत्थ वि चत्तारि भंगा सिय कालए य हालिदए य सिय कालए य सुक्किलए य सिय नीलए य लोहियए य सिए नीलए य हालिदए य सिय नीलए य सुक्किलए य सिय लोहियए य हालिदए य सिय लोहियए य सुक्किलए य सिय हालिदए य सुक्किलए य एवं एए दस दुयसंजोगा भंगा पुण चत्तालीसं जइ तिवण्णे सिय कालए य नीलए य लोहियए य सिय कालए य नीलए य लोहियगा य सिय कालए य नीलगा य लोहियए य सिय कालगा य नीलए य लोहियए य एए भंगा एवं कालानीलाहालिदएहिं भंगा कालनीलसुक्किल काललोहियहालिद काललोहियसुक्किल कालहालिदसुक्किल नीललोहिसहालिदगाणं भंगा नीललोहियसुक्किल नालहा लिदसुक्किल लोहियहालिदसुक्किलगाणं भंगा एवं एएदसतियासंजोगा एक्केक्के संजोए चत्तारि भंगा सव्वे एते चत्तालीसं भंगा जइ चउव्वणे सिय कालए य नीलए य लोहियए य हालिदए य सिय कालए य नीलए य लोहियए य सुक्किलए य सिय कालए य नीलए य हालिदए य सुक्किलए य सिय कालए य लोहियए य हालिदए य सुक्किलए य एवं एए दस दुयसंजोगे पंच भंगा एए सव्वे नउइं भंगा जइ एगगंधे सिय सुब्धिगंधे सिय दुब्धिगंधे जइ दुगंधे सुब्धिगंधे य दुब्धिगंधे य रसा जहा वण्णा जइ दुफासे जहेव परमाणुपोगले जइ तिफासे सव्वे सीए देसे निद्धे देसे लुक्खे सव्वे सीए देसे निद्धे देसा लुक्खा सव्वे सीए देसा निद्धा देसे लुक्खे सव्वे सीए देसा निद्धा देसा लुक्खा सव्वे उसिणे देसे निद्धे देसे लुक्खे एवं भंगा सव्वे निद्धे देसे सीए देसे उसिणे सव्वे लुक्खे देसे सीए देसे उसिणे एए तिफासे सोलस भंगा जइ चउफासे देसे सीए देसे उसिणे देसे निद्धे देसे लुक्खे देसे सीए देसे उसिणे देसे लुक्खा देसे सीए देसे उसिणे देसा निद्धा देसे लुक्खे देसे सीए देसे उसिणे देसा निद्धा देसा लुक्खा देसे सीए देसा उसिणा देसे निद्धे देसे लुक्खे देसे सीए देसा उसिणा देसे निद्धे देसा लुक्खा देसे सीए देसा उसिणा देसा निद्धा देसे लुक्खे देसे सीए देसा उसिणा देसा निद्धा देसा लुक्खा देसा सीया देसे उसिणे देसे निद्धे देसे लुक्खे एवं एए चउफासे सोलस भंगा भाणिवव्वा जाव देसा सीया देसा उसिणा देसा निद्धा देसा लुक्खा सव्वे एते फासेसु छत्तीसं भंगा

पंचपएसिए णं भंते खंधे कतिवण्णे जहा अङ्गारसमसए जाव सिय चउफासे पत्रते जइ एगवण्णे एगवण्ण-दुवण्णा जहेव चउप्पएसिए जइ तिवण्णे सिय कालए य नीलए य लोहियए य सिय कालए य नीलए य लोहियगा य सिय कालए य नीलगा य लोहियए सिय कालए य नीलगा य लोहियगाय सिय कालगा य नीलए य लोहियए य सिय कालगा य नीलए य लोहियगा सिय कालगा य नीलगा य लोहियए य सिय कालए य नीलए य हालिद्दए य एत्थ वि सत्त भंगा एवं कालग-नीलग-सुक्किलएसु सत्त भंगा कालगलोहिय-हालिद्देसु कालग-लोहिय-सुक्किलेसु कालग-हालिद्द-संकुक्किलेसु नीलग-लोहिय-हालिद्देसु नीलग-लोहिय-सुक्किलेसु सत्त भंगा नीलग-हालिद्द-सुक्किलेसु लोहिय-हालिद्द-सुक्किलेसु वि सत्त भंगा एवमेते तियासंजोएणं सत्तारे भंगा जइ उचवण्णे सिय कालए य नीलए य लोहियय य हालिद्दए सिय कालए य नीलए य लोहियए य हालिद्दगा य सिय कालए य नीलए य लोहियगा य हालिद्दगे य सिय कालए य नीलगा य लोहियगे य हालिद्दगे य सिय कालगा य नीलए य लोहियए य हालिद्दए य एए पंच भंगा सिय कालए य नीलए य लोहियए य सुक्किलए य एत्थ वि पंच भंगा एवं कालग-नीलग-हालिद्द-सुक्किलेसु वि पंच भंगा कालगलोहिय-हालिद्द-सुक्किलएसु वि पंच भंगा नीलग-लोहिय-हालिद्द-सुक्किलेसु वि पंच भंगा एवमेते चउक्कगसंजोएणं पणुवीसं भंगा जइ पंचवण्णे कालए य नीलए य लोहियए य हालिद्दए य सुक्किलए य सब्बमेते एकक्क-दुयग-तियग-चउक्क-पंचगसंजोएणं ईयात्तं भंगसयं भवति गंधे जहा चउप्पएसिए

छप्पएसिए णं भंते खंधे कतिवण्णे एवं जहा पंचपएसिए जाव सिय चउफासे पत्रते जइ एगवण्णे एगवण्ण-दुवण्णा जहा पंचपएसियस्स जइ तिवण्णे सिय कालए य नीलए य लोहियए य एवं जहेव पंचपएसियस्स सत्त भंगा जाव सिय कालगा य नीलगा य लोहियए य सिय कालगा य नीलगा य लोहियगा य एए अङ्ग भंगा एवमेते दस तियासंजोगा एकक्केक्कए संजोगे अङ्ग भंगा एवं सब्बे वि तियगसंजोगे असीति भंगा जइ चउवण्णे सिय कालए य नीलए य लोहियए य हालिद्दए य सिय कालए य नीलए य लोहियए हालिद्दगा य सिय कालए य नीलए य लोहियगा य हालिद्दए य सिय कालए य नीलए य लोहियगा य हालिद्दगा य सिय कालए य नीलगा य लोहियए य हालिद्दए य सिय कालए य नीलगा य लोहियए य हालिद्दगा य सिय कालए य नीलगा य लोहियगा य हालिद्दए य सिय कालए य नीलए य लोहियए य हालिद्दए य सिय कालगा य नीलए य लोहियए य हालिद्दए य सिय कालगा य नीलए य लोहियए य हालिद्दगा य सुक्किलए य सिय कालए य नीलए य लोहियए य हालिद्दए य सुक्किलगा य सिय कालए य नीलए य लोहियए य हालिद्दगा य सुक्किलए य सिय कालए य नीलए य लोहियगा य हालिद्दए य सुक्किलए य एवं एए छब्बंगा भाणियव्वा एवमेते सब्बे वि एकक्क-दुयग-तियग-चउक्कग-पंचगसंजोगेसु छासीयं भंगसयं भवति गंधा जहा पंचपएसियस्स रसा जहा एयस्सेव वण्णा फासा जहा चउप्पएसियस्स सत्तपएसिए णं भंते खंधे कतिवण्णे जहा पंचपएसिए जाव सिय चउफासे पत्रते जइ एगवण्णे एवं एगवण्ण-दुवण्ण-तिवण्ण जहा

छप्पएसियस्स जइ चउवण्णे सिय कालए य नीलए य लोहियए य हालिदए य सिय कालए य नीलए य लोहिए य हालिदगा य सिय कालए य नीलए य लोहियगा य हालिदए य एवमेते चउक्कगसंजोगेणं पन्नरस भंगा भाणियव्वा जाव सिय कालगा य नीलगा य लोहियगा य हालिदए य एवमेते पंच चउक्कगसंजोगा नेयव्वा एक्केक्के संजोए पन्नरस भंगा सब्बमेते पंचसत्तरि भंगा भवन्ति जइ पंचवण्णे सिय कालए य नीलए य लोहियए य हालिदए य सुक्किलए य सिय कालए य नीलए य लोहियए य हालिदए य सुक्किलगा य सिय कालए य नीलए य लोहियए य हालिदगा य सुक्किलगा य सिय कालए य नीलए य लोहियगा य हालिदए य सुक्किलए य सिय कालए य नीलए य लोहियगा य हालिदए य सुक्किलए य सिय कालए य नीलए य लोहियगा य हालिदगे य सुक्किलगा य सिय कालए य नीलए य लोहियगा य हालिदगा य सुक्किलए य सिय कालए य नीलगा य लोहियए य हालिदए य सुक्किलगा य सिय कालए य नीलगा य लोहियगे य हालिदगा य सुक्किलए य सिय कालए य नीलगा य लोहियगा य हालिदए य सुक्किलए य सिय कालगा य नीलगे य लोहियए य हालिदए य सुक्किलए य सिय कालगा य नीलए य लोहियगे य हालिदए य सुक्किलगा य सिय कालगा य नीलए य लोहियए य हालिदगा य सुक्किलए य सिय कालगा य नीलए य लोहियगा य हालिदगा य सुक्किलए य सिय कालगा य नीलगा य लोहियए य हालिदए य सुक्किलए य एए सोलस भंगा एवं सब्बमेते एक्कग-दुयग-तियग-चउक्कग-पंचगसंजोगेणं दो सोला भंगसया भवन्ति गंधा जहा चउप्पएसियस्स रसा जहा एयस्स चैव वण्णा फासा जहा चउप्पएसियस्स

अट्ठपएसिए णं भन्ते खंधे-पुच्छा गोयमा सिय एगवण्णे जहा सत्तपएसियस्स जाव सिय चउफासे पन्नरसे जइ एगवण्णे एवं एगवण्ण-दुवण्ण-तिवण्णा जहेव सत्तपएसिए जइ चउवण्णे सिय कालए य नीलए य लोहियए य हालिदए य सिय कालए य नीलए य लोहियए य हालिदगा य एवं जहेव सत्तपएसिए जाव सिय कालगा य नीलगा य लोहियगा य हालिदगे य सिय कालगा य नीलगा य लोहियगा य हालिदगा य एए सोलस भंगा एवमेते पंच चउक्कगसंजोगा एवमेते असीति भंगा जइ पंचवण्णे सिय कालए य नीलए य लोहियए य हालिदए य सुक्किलए य सिय कालए य नीलए य लोहियगे य हालिदगे य सुक्किलगा य एवं एएणं कमेणं भंगा चारेयव्वा जाव सिय कालए य नीलगा य लोहियगा य हालिदगा य सुक्किलगे य एसो पन्नरसमो भंगो सिय कालगा य नीलगे य लोहियगे य हालिदए य सुक्किलए य सिय कालगा य नीलगे य लोहियगे य हालिदगे य सुक्किलगा य सिय कालगा य नीलगे य लोहियगे य हालिदगा य सुक्किलए य सिय कालगा य नीलगे य लोहियगे य हालिदगा य सुक्किलगा य नीलगे य लोहियगा य हालिदए य सुक्किलगा य सिय कालगा य नीलए य लोहियगा य हालिदगा य सुक्किलए य सिय कालगा य नीलगा य लोहियगे य हालिदए य सुक्किलए य सिय कालगा य नीलगा य लोहियगे य हालिदए य सुक्किलगा य सिय कालगा य नीलगा य लोहियगे य हालिदगा य सुक्किलए य एए पंचसंजोएणं छव्वीसं भंगा भवन्ति एवमेव सपुब्बावरेणं एक्कग-दुयग-तियग-चउक्कग-पंचगसंजोएहिं दो एक्कतीसं भंगसया भवन्ति गंधा जहा सत्तपएसियस्स रसा जहा एयस्स चैव वण्णा फासा जहा चउप्पएसियस्स

नवपएसिए णं भंते खंधे-पुच्छा गोचमा सिय एगवण्णे जहा अट्टपएसिए जाव सिय चउ-
फासे पत्रत्ते जइ एगवण्णे एगवण्ण-दुवण्ण-तिवण्ण-चउवण्णा जहेव अट्टपएसियस्स जइ पंचवण्णे
सिय कालए य लोहियए य हालिद्दए य सुक्किलगा य एवं परिवाडीए एकत्तीसं भंगा भाणियव्वा
जाव सिय कालगा य नीलगा य लोहियगा य हालिद्दगा य सुक्किलए य एए एकत्तीसं भंगा एवं
एक्कग-दुयग-तियग-चउक्कग-पंचगसंजोएहिं दो छत्तीसा भंगसया भवति गंधा जहा
अट्टपएसियस्स रसा जहा एयस्स चेव वण्णा फासा जहा चउपएसियस्स दसपएसिए णं भंते खंधे-
पुच्छा गोचमा सिय एगवण्णे जहा नवपएसिए जाव सिय चउफासे पत्रत्ते जइ एगवण्णे एगवण्ण-
दुवण्ण-तिवण्ण-चउवण्णा जहेव नवपएसियस्स पंचवण्णे वि तहेव नवरं-वत्तीसमतिभो भंगो
भण्णति एवमेते एक्कग-दुयग-तियग-चउक्कग-पंचगसंजोएसु दीण्णि सतत्तीसा भंगसया भवति
गंधा जहा नवपएसियस्स रसा जहा एयस्स चेव वण्णा फासा जहा चउपएसियस्स जहा दसपए-
सओ एवं संखेज्जपएसिओ वि एवं असंखेज्जपएसिओ वि सुहुमपरिणओ अनंतपएसिओ वि एवं
चेव । ६६९।-६६८

(७८७) वायरपरिणए णं भंते अनंतपएसिए खंधे कतिवण्णे एवं जहा अट्टारसमसए जाव
सिय अट्टफासे पत्रत्ते वण्ण-गंध-रसा जहा दसपएसियस्स जइ चउफासे सव्ये कक्खडे सव्ये गरुए
सव्ये सीए सव्ये निद्धे सव्ये कक्खडे सव्ये गरुए सव्ये सीए सव्ये लुक्खे सव्ये कक्खडे सव्ये गरुए
सव्ये उसिणे सव्ये निद्धे सव्ये कक्खडे सव्ये गरुए सव्यं उसिणे सव्ये लुक्खे सव्ये कक्खडे सव्ये
लहुए सव्ये सीए सव्ये निद्धे सव्ये कक्खडे सव्ये लहुए सव्ये सीए सव्ये लुक्खे सव्ये कक्खडे सव्ये
लहुए सव्ये उसिणे सव्ये निद्धे सव्ये कक्खडे सव्ये लहुए सव्ये उसिणे सव्ये लुक्खे सव्ये मउए सव्ये
गरुए सव्ये सीए सव्ये निद्धे सव्ये मउए सव्ये गरुए सव्ये सीए सव्ये लुक्खे सव्ये मउए सव्ये गरुए
सव्ये उसिणे सव्ये निद्धे सव्ये मउए सव्ये गरुए सव्ये उसिणे सव्ये लुक्खे सव्ये मउए सव्ये लहुए
सव्ये सीए सव्ये निद्धे सव्ये मउए सव्ये लहुए सव्ये सीए सव्ये लुक्खे सव्ये मउए सव्ये लहुए सव्ये
उसिणे सव्ये निद्धे सव्ये मउए सव्ये लहुए सव्ये उसिणे सव्ये लुक्खे एए सोलस भंगा जइ पंचफासे
सव्ये कक्खडे सव्ये गरुए सव्ये सीए देसे निद्धे देसे लुक्खे सव्ये कक्खडे सव्ये गरुए सव्ये सीए देसे
निद्धे देसा लुक्खा सव्ये कक्खडे सव्ये गरुए सव्ये सीए देसा निद्धा देसा लुक्खा सव्ये कक्खडे सव्ये
गरुए सव्ये उसिणे देसे निद्धे देसे लुक्खे सव्ये कक्खडे सव्ये लहुए सव्ये सीए देसे निद्धे लुक्खे सव्ये
कक्खडे सव्ये लहुए सव्ये उसिणे देसे निद्धे देसे लुक्खे एवं एए कक्खडेणं सोलस भंगा सव्ये मउए
सव्ये गरुए सव्ये सीए देसे निद्धे देसे लुक्खे एवं मउएण वि सोलस भंगा एवं बत्तीसं भंगा सव्ये
कक्खडे सव्ये गरुए सव्ये निद्धे देसे सीए देसे उसिणे सव्ये कक्खडे सव्ये गरुए सव्ये लुक्खे देसे
सीए देसे उसिणे एए बत्तीसं भंगा सव्ये कक्खडे सव्ये सीए सव्ये निद्धे देसे गरुए देसे लहुए एत्थ वि
बत्तीसं भंगा सव्ये गरुए सव्ये सीए सव्ये निद्धे देसे कक्खडे देसे मउए एत्थ वि बत्तीसं भंगा एवं
सव्ये एगे पंचफासे अट्ठावीसं भंगसयं भवति जइ छप्फासे सव्ये कक्खडे सव्ये गरुए देसे सीए देसे
उसिणे देसे निद्धे देसे लुक्खे सव्ये कक्खडे सव्ये गरुए देसे सीए देसे उसिणे देसे निद्धे देसा लुक्खा
एवं जाव सव्ये कक्खडे सव्ये गरुए देसा सीया देसा उसिणा देसा निद्धा देसा लुक्खा एए सोलस
भंगा सव्ये कक्खडे सव्ये लहुए देसे सीए देसे उसिणे देसे निद्धे देसे लुक्खे एत्थ वि सोलस भंगा सव्ये
कक्खडे सव्ये लहुए देसे सीए देसे उसिणे देसे निद्धे देसे लुक्खे एत्थ वि सोलस भंगा सव्ये मउए सव्ये

३८७

For Private And Personal Use Only

मउए देसा गरुया देसे लहुए देसे सीए देसे उसिणे देसं निद्धे देसे लुक्खे एए वि सोलस भंगा वायव्वा देसे कक्खडे देसे मउए देसा गरुया देसा लहुया देसे सीए देसे उसिणे उसिणे देसे निद्धे देसे लुक्खे एते वि सोलस भंगा कायव्वा सब्बेवेते चउसद्धिं भंगा कक्खड-मउएहिं एगत्ताएहिं ताहे कक्खडेणं एगत्ताएणं मउएणं पुहत्ताएणं एते चउसद्धिं भंगा कायव्वा ताहे कक्खडेणं पुहत्ताएणं मउएणं एतत्ताएणं चउसद्धिं भंगा कायव्वा ताहे एतेहिं चेव दोहिं वि पुहत्तेहिं चउसद्धिं भंगा कायव्वा जाव देसा कक्खडा देसा मउया देसा गरुया देसा लहुया देसा सीया देसा उसिणा देसा निद्धा देसा लुक्खा एसो अपच्छिमो भंगो सब्बे एते अट्ठफासे दो छप्पन्ना भंगसया भवन्ति एवं एते बादरपरिणए अनंतपएसिए खंधे सब्बेसु संजोएसु बारस छत्रउया भंगसया भवन्ति । ६७०१-६६७

(७८८) कतिविहे णं भंते परमाणू पत्रत्ते गोयम चउव्विहे परमाणू पत्रत्ते तं जहा-दव्वपरमाणू खेतपरमाणू कालपरमाणू भावपरमाणू दव्वपरमाणू णं भंते कतिविहे पत्रत्ते गोयमा चउव्विहे पत्रत्ते तं जहा-अच्छेज्जे अभेज्जे अडज्जे अगेज्जे खेतपरमाणू णं भंते कतिविहे पत्रत्ते गोयमा चउव्विहे पत्रत्ते तं जहा-अणद्धे अमज्जे अपदेसे अविभाइपे कालपरमाणू णं भंते कतिविहे पत्रत्ते गोयमा चउव्विहे पत्रत्ते तं जहा-अवण्णे अगंधे अरसे अफासे भावपरमाणू णं भंते कतिविहे पत्रत्ते गोयमा चउव्विहे पत्रत्ते तं जहा-वण्णमंते गंधमंते रसमंते फासमंते सेवं भंते सेवं भंते ति जाव विहरइ । ६७११-६७०

● बीसइमे सत्ते पंचमो उद्देशो सप्तो ●

—: छ द्वो—उ हे सो :—

(७८९) पुढविक्काइए णं भंते इमीसे रयणप्पभाए सक्करप्पभाए य पुढवीए अंतरा समो-हए समोहणित्ता जे भविए सोहम्मे कप्पे पुढविक्काइयत्ताए उववज्जित्ताए से णं भंते किं पुंवि उववज्जित्ता पच्छा आहारेज्जा पुंवि आहारेत्ता पच्छा उववज्जेज्जा गोयमा पुंवि वा उववज्जित्ता पच्छा आहारेज्जा एवं जहा सत्तरसमसए उट्ठुद्देसे जाव से तेणट्ठेणं गोयमा एवं बुद्धइ-पुंवि वा जाव उववज्जेज्जा नवरं-तेहिं संपाउण्णा इमेहिं आहारो भण्णति सेसं तं चेव पुढविक्काइए णं भंते इमीसे रयणप्पभाए सक्करप्पभाए य पुढवीए अंतरा समोहए समोहणित्ता जे भविए ईसाणे कप्पे पुढविक्काइयत्ताए उववज्जित्ताए एवं चेव एवं जाव ईसीपब्बाराए उववाएयव्वो पुढविक्काइए णं भंते सक्करप्पभाए बालुयप्पभाए य पुढवीए अंतरा समोहए समोहणित्ता जे भविए सोहम्मे जाव ईसीपब्बाराए एवं एतेणं कमेणं जाव तमाए अहेसत्तमाए य पुढवीए अंतरा समोहए माणे जे भविए सोहम्मे जाव ईसीपब्बाराए उववाएयव्वो पुढविक्काइए णं भंते सोहम्मीसाणाणं सणंकुमार-महिंदाणं य कप्पाणं अंतरा समोहए समोहणित्ता जे भविए इमीसे रयणप्पभाए पुढवीए पुढविक्काइयत्ताए उववज्जित्ताए से णं भंते किं पुंवि उववज्जित्ता पच्छा आहारेज्जा सेसं तं चेव जाव से तेणट्ठेणं जाव निक्खेवओ पुढविक्काइए णं भंते सोहम्मीसाणाणं सणंकुमार-महिंदाणं य कप्पाणं अंतरा समोहए समोहणित्ता जे भविए सक्करप्पभाए पुढवीए पुढविक्काइयत्ताए उववज्जित्ताए एवं चेव एवं जाव अहेसत्तमाए उववाएयव्वो एवं सणंकुमार-महिंदाणं बंभलोगस्स य कप्पस्स अंतरा समोहए समोहणित्ता पुणरवि जाव अहेसत्तमाए उववाएयव्वो एवं बंभलोगस्स संतगस्स य कप्पस्स अंतरा समोहए पुणरवि जाव अहेसत्तमाए एवं संतगस्स महासुक्कस्स कप्पस्स य अंतरा समोहए पुणरवि जाव अहेसत्तमाए एवं महासुक्कस्स सहस्सारस्स य कप्पस्स अंतरा पुणरवि जाव

अहेसत्तमाए एव सहस्सरस्स आणय-पाणय-कप्पाण य अंतरा पुणरवि जाव अहेसत्तमाए एवं आणय-पाणायाणं आरणच्चयाण य कप्पाणं अंतरा पुणरवि जाव अहेसत्तमाए एव आणय-पाणयाणं आरणच्चयाण य कप्पाणं अंतरा पुणरवि जाव अहेसत्तमाए एवं आरणच्चयाणं मेवेज्जविमाणाय य अंतरा जाव अहेसत्तमाए एवं मेवेज्जविमाणाय अनुत्तरविमाणाय य अंतरा पुणरवि जाव अहेसत्तमाए एवं अनुत्तरविमाणायं ईसीपट्थाराए च पुणरवि जाव अहेसत्तमाए उववाएयव्वो । ६७२-६७१

(७९०) आउक्काइए णं भंते इमीसे रयणप्पभाए सक्करप्पभाए य पुढवीए अंतरा समोहए समोहणित्ता जे भविए सोहम्मे कप्पे आउक्काइयत्ताए उववज्जित्तए सेसं जहा पुढविक्काइ-वस्स जाव से तेणट्ठेणं एवं पढम-दो छाणं अंतरा समोहए जाव ईसीपट्थाराए उववाएयव्वो एवं एएणं कप्पेणं जाव तमाए अहेसत्तमाए च पुढवीए अंतरा समोहए समोहणित्ता जाव ईसीपट्थाराए उववाएयव्वो आउक्काइयत्ताए आउयाए णं भंते सोहम्मीसाणाणं सणकुमार-मार्हिदाण य कप्पाणं अंतरा समोहए समोहणित्ता जे भविए इमीसे रयणप्पभाए पुढवीए घणोदहिधणोदहिलएसु आउक्काइयत्ताए उववज्जित्तए सेसं तं चेव एवं एएहिं चेव अंतरा समोहओ जाव अहेसत्तमाए पुढवीए घणोदहि-धणोदहिलएसु आउक्काइयत्ताए उववाएयव्वो एवं जाव अनुत्तरविमाणायं ईसीपट्थाराए च पुढवीए अंतरा समोहए जाव अहेसत्तमाए घणोदहि-धणोदहिलएसु उववाएयव्वो । ६७३-६७२

(७९१) वाउक्काइए णं भंते इमीसे रयणप्पभाए सक्करप्पभाए य पुढवीए अंतरा समोहए समोहणित्ता जे भविए सोहम्मे कप्पे वाउक्काइयत्ताए उववज्जित्तए एवं जहा सत्तरसमसए वाउक्काइयउद्दसए तहा इह वि नवरं-अंतरेसु समोहणा नेयव्वा सेसं तं चेव जाव अनुत्तर-विमाणायं ईसीपट्थाराए य पुढवीए अंतरा समोहए समोहणित्ता जे भविए घणवाय-तणवाए घणवाय-तणुवायवल एसु वाउक्काइयत्ताए उववज्जित्तए सेसं तं चेव जाव से तणट्ठेणं जाव उववज्जेज्जा सेवं भंते सेवं भंते ति । ६७४-६७३

● वीसइमे तत्ते छट्ठे उद्देशो सप्ततो ●

—: स त्त मो—उ हे सो :—

(७९२) कतिविहे णं भंते बंधे पन्नते गोयमा तिविहे बंधे पन्नते तं जहा-जीवप्पयोगबंधे अनंतरबंधे परंपरबंधे नेरइयाणं भंते कतिविहे बंधे पन्नते एवं चेव एवं जाव वेमाणियाणं नाणावरणिज्जस्स णं भंते कम्मस्स कतिविहे बंधे पन्नते गोयमा तिविहे बंधे पन्नते तं जहा-जीवप्पयोगबंधे अनंतरबंधे परंपरबंधे नेरइयाणं भंते नाणावरणिज्जस्स कम्मस्स कतिविहे बंधे पन्नते एवं चेव एवं जाव वेमाणियाणं एवं जाव अंतराइयस्स नाणावरणिज्जोदयस्स णं भंते कम्मस्स कतिविहे बंधे पन्नते गोयमा तिविहे बंधे पन्नते एवं चेव एवं नेरइयाणं वि एवं जाव वेमाणियाणं एवं जाव अंतराइओदयस्स, इत्थीवेदस्स णं भंते कम्मस्स कतिविहे बंधे पन्नते गोयमा तिविहे बंधे पन्नते एवं चेव असुरकुमाराणं भंते इत्थीवेदस्स कम्मस्स कतिविहे बंधे पन्नते एवं चेव एवं जाव वेमाणियाणं नवरं-जस्स इत्थीवेदो अत्थि एवं पुरिसवेदस्स वि एवं नपुंसगवेदस्स वि जाव वेमाणियाणं नवरं-जस्स जो अत्थि वेदो, दंसणमोहणिज्जस्स णं भंते कम्मस्स कतिविहे बंधे पन्नते एवं चेव निरंतरं जाव वेमाणियाणं एवं चरित्तमोहणिज्जस्स वि जाव वेमाणियाणं एवं एएणं कप्पेणं

ओरालियसरीस्स जाव कम्मसरीरस्स आहारसण्णाए जाव परिग्गहसण्णाए कण्हलेसाए जाव सुक्कलेसाए सम्मदिट्ठीए मिच्छादिट्ठीए सम्मामिच्छादिट्ठीए अभिणिबोहियनाणस्स जाव केवल-नाणस्स मइअन्नाणस्स सुयअन्नाणस्स विभंगनाणस्स एवं अभिणिबोहियनाणविसयस्स भंते कतिविहे बंधे पन्नत्ते जाव केवलनाणविसयस्स मइअन्नाणविसयस्स सुयअण्णाण विसयस्स विभंगनाणविसयस्स-एएसिं सव्वेसिं पदाणं तिविहे बंधे पन्नत्ते सव्वेवेत्ते चउव्वीसं दंडगा भाणियव्वा नवरं-जाणियव्वं जस्स जं अत्थि जाव-वेमाणियाणं भंते विभंगनाणविसयस्स कतिविहे बंधे पन्नत्ते गोयमा तिविहे बंधे पन्नत्ते तं जहा-जीवप्पयोगबंधे अनंतरबंधे परंपारबंधे सेवं भंते सेवं भंते जाव विहरइ । ६७५।

● यीतइमे सत्ते सत्तमो उहेसो सप्ततो ●

—: अ इ मो—उ हे सो —:

(७९३) कति णं भंते कम्मभूमीओ पन्नत्ताओ गोयमा पन्नरस कम्मभूमीओ पन्नत्ताओ तं जहा-पंच भरहाइं पंच एरवयाइं पंच महाविदेहाइं कति णं भंते अकम्मभूमीओ पन्नत्ताओ गोयमा तीसं अकम्मभूमीओ पन्नत्ताओ तं जहा-पंच हेमवयाइं पंच हेरणवयाइं पंच हरिवासाइं पंच रम्मगवासाइं पंच देवकुराओ पंच उत्तरकुराओ एयासु णं भंते तीसासु अकम्मभूमीसु अत्थि ओसप्पिणीति वा उस्सप्पिणीति वा नो इण्ठे समट्ठे एएसु णं भंते पंचसु भारहेसु पंचसु एरवएसु अत्थि ओसप्पिणीति वा उस्सप्पिणीति वा हंता अत्थि एएसु णं पंचसु महाविदेहेसु नेवत्थि ओसप्पिणी नेवत्थि उस्सप्पिणी अवट्ठिए णं तत्थ काले पन्नत्ते समणाउसो । ६७६।-६७५

(७९४) एएसु णं भंते पंचसु महाविदेहेसु अरहंता भगवंतो पंचमहव्वइयं सपडिक्कमणं धम्मं पन्नवयंति नो इण्ठे समट्ठे एएसु णं पंचसु भारहेसु पंचसु एरवएसु पुरिम-पच्छिमगा दुवे अरहंता भगवंतो पंचमहव्वइयं सपडिक्कमणं धम्मं पन्नवयंति अवसेसा णं अरहंता भगवंतो चाउज्झां धम्मं पन्नवयंति एएसु णं पंचसु महाविदेहेसु अरहंता भगवंतो चाउज्झां धम्मं पन्नवयंति जंबुदीवे णं भंते दीवे भारहे वासे इमीसे ओसाप्पिणीए कति तित्थगरा पन्नत्ता गोयमा चउवीसं तित्थगरा पन्नत्ता तं जहा-उसभ-अजिय-संभव-अभिन्दण-सुमित-सुप्पभ-सुपास-ससि-पुप्फदंत-सीयल-सेजंसवासु-पुज्ज-विमल-अनंत-धम्म-संति-कुंयु-अर-मल्लि-मणिसुव्वय-नमि-नेमि-पास-वद्धमाणा । ६७७।-६७६

(७९५) एएसि णं भंते चउवीसाए तित्थगराणं कति जिणंतारा पन्नत्ता गोयमा तेवीसं जिणंतारा पन्नत्ता एएसि णं भंते तेवीसाए जिणंतरेसु कस्स कहिं कालियसुयस्स वोच्छेदे पन्नत्ते गोयमा एएसु णं तेवीसाए जिणंतरेसु पुरिम-पच्छिमएसु अट्ठसु-अट्ठसु जिणंतरेसु एत्थ णं कालियसुयस्स अव्वोच्छेदे पन्नत्ते मज्झिमएसु सत्तसु जिणंतरेसु एत्थ णं कालियसुयस्स वोच्छेदे पन्नत्ता सव्वत्थयि णं वोच्छिण्णे दिट्ठिवाए । ६७८।-६७७

(७९६) जंबुदीवे णं भंते दीवे भारहे वासे इमीसे ओसप्पिणीए देवाणुप्पियाणं केवतियं कालं पुव्वगए अनुसज्जिस्सति गोयमा जंबुदीवे णं दीवे भारहे वासे इमीसे ओसप्पिणीए ममं एणं वाससहस्सं पुव्वगए अनुसज्जिस्सति जहा णं भंते जंबुदीवे दीवे भारहे वासे इमीसे ओसप्पिणीए देवाणुप्पियाणं एणं वाससहस्सं पुव्वगए अनुसज्जिस्सति तथा णं भंते जंबुदीवे दीवे भारहे वासे इमी-से ओसप्पिणीए अवसेसाणं तित्थगराणं केवतियं कालं पुव्वगए अनुसज्जित्था गोयमा अत्येगतियाणं संखेज्ज कालं अत्ये गतियाणं असंखेज्ज कालं । ६७९।-६७८

सत-२०, उद्देशो-८

३९९

(७९७) जंबुदीवे णं भंते दीवे भारहे वासे इमीसे ओसप्पिणीए देवाणुप्पियाणं केवतियं कालं तित्थे अनुसज्जिस्सति गोयमा जंबुदीवे दीवे भारहे वासे इमीसे ओसप्पिणीए मम एगवीसं वाससहस्साइं तित्थे अनुसज्जिस्सति । ६८०१-६७९

(७९८) जहा णं भंते जंबुदीवे दीवे भारहे वासे इमीसे वासे ओसप्पिणीए देवाणुप्पियाणं एकवीसं वाससहस्साइं तित्थे अनुसज्जिस्सति तथा णं भंते जंबुदीवे दीवे भारहे वासे आगमेस्साणं चरिमत्तिथगरस्स केवतियं कालं तित्थे अनुसज्जिस्सति गोयमा जावतिए णं उसभस्स अरहओ कोसलियस्स जिणपरियाए एवइयाइं संखेज्जाइं आगमेस्साणं चरिमत्तिथगरस्स तित्थे अनुसज्जिस्सति । ६८११-६८०

(७९९) तित्थं भंते तित्थं तित्थगरे तित्थं गोयमा अरहा ताव नियमं तित्थकरे तित्थं पुण चाउवण्णे समणसंघे तं जहा-समणा समणीओ सावया सावियाओ । ६८२१-६८१

(८००) पवयणं भंते पवयणं पावयणी पवयणं गोयमा अरहा ताव नियमं पावयणी पवयणं पुण दुवालसंगे गमिपिडगे तं जहा-आयारो [सूयगडो ठाणं समवाओ विवाहपन्नत्ती नाया-धम्मकहाओ उवासगदसाओ अंतगडदसाओ अनुत्तरोववाइयदसाओ पण्हावागरणं विवागसुयं] दिट्ठिवाओ जे इमे भंते उग्गा भोगा राइण्णा इक्खागा नाया कोरव्वा-एए णं अस्सि धम्मे ओगाहंति ओगाहिता अट्ठविहं कम्मरयमलं पवाहेति पवाहेत्ता तओ पच्छा सिज्जति जाव सव्वदुक्खाणं अंतं करेति हंता गोयमा जे इमे उग्गा भोग [राइण्णा इक्खागा नाया कोरव्वा-एए णं अस्सि धम्मे ओगाहंति ओगाहिता अट्ठविहं कम्मरयमलं पवाहेति पवाहेत्ता तओ पच्छा सिज्जति जाव सव्वदुक्खाणं] अंतं करेति अत्थेगतिया अण्णयरोसु देवलोएसु देवत्ताए उववत्तारो भवंति कतिविहा णं भंते देवलोया पन्नत्ता गोयमा चउच्चिहा देवलोया पन्नत्ता तं जहा-भवणवासी वाणमंतरा जोतिसिय वेमाणिवा सेवं भंते सेवं भंते ति । ६८३१-६८२

● वीसइमे सते अट्ठमो उद्देशो सप्तो ●

—: न व पो—उ द्वे सो :—

(८०१) कतिविहा णं भंते चारणा पन्नत्ता गोयमा दुविहा चारणा पन्नत्ता तं जहा-विज्जाचारणा य जंघाचारणा य से केणट्ठेणं भंते एवं वुच्चइ-विज्जाचारणे-विज्जाचारणे गोयमा तस्स णं छट्ठंछट्ठेणं अणिक्खित्तेणं तवोकम्मेणं विज्जाए उत्तरगुणलद्धिं उममाणस्स विज्जाचारणलद्धी नामं लद्धी समुप्पज्जइ से तेणट्ठेणं णं जाव-विज्जाचारणे-विज्जाचारणे विज्जाचारणस्स णं भंते कहं सीहा गती कहं सीहे गतिविसए पन्नत्ते गोयमा अयण्णं जंबुदीवे दीवे जाव किंचिविसेसाहिए परिकखेवेणं देवे णं महिइदीए जाव महेसक्खे जाव इणामेव-इणामेव स्ति कट्ठ केवलकप्पं जंबुदीवं दीवं तिहिं अच्छरानिदाएहिं तिक्खुत्तो अनुपरियट्ठिता णं हव्वमाणच्छेज्जा विज्जाचारणस्स णं गोयमा तथा सीहा गती तथा सीहे गतिविसए पन्नत्ते विज्जाचारणस्स णं भंते तिरियं केवतियं गतिविसए पन्नत्ते गोयमा से णं इओ एगेणं उप्पाएणं माणुसुत्तरे पव्वए समोसरणं करेति करेत्ता तहिं चेइयाइं वंदति वंदित्ता वितिएणं उप्पाएणं नंदीसरवरे दीवे समोसरणं करेति करेत्ता तहिं चेइयाइं वंदति वंदित्ता तओ पडिनियत्तति पडिनियत्तित्ता इहमागच्छइ आगच्छित्ता इह चेइयाइं वंदति विज्जाचारणस्स णं गोयमा तिरियं एवतिए गतिविसए पन्नत्ते विज्जाचारणस्स णं भंते उट्ठं केवतिए गतिविसए पन्नत्ते गोयमा से णं इओ एगेणं उप्पाएणं नंदणवणे समोसरणं करेति करेत्ता तहिं चेइयाइं वंदति वंदित्ता वितिएणं

उष्पाएणं पंडगवणे समोसरणं करेति करेत्ता तर्हि चेइयाइं वंदति वंदित्ता तओ पडिनियत्तति पडिनियत्तित्ता इहमागच्छइ आगच्छित्ता इहं चेइयाइं वंदति विज्जाचारणस्स णं गोयमा उइदं एवतिए गतविसए प. से णं तस्स ठाणस्स अणालोइय-पडिक्कंते कालं करेति नत्थि तस्स आराहणा से णं तस्स ठाणस्स आलोइय-पडिक्कंते कालं करेति अत्थि तस्स आराहणा । ६८४।-६८३

(८०२) से केणट्ठेणं भंते एवं वुछइ-जंघाचारणे-जंघाचारणे गोयमा तस्स णं अट्ठमंअट्ठमेणं अणिक्वित्तेणं तवोकम्मेणं अप्पाणं भावेमाणस्स जंघाचारणलद्धी नाम लद्धी समुप्पज्जति से तेणट्ठेणं [गोयमा एवं वुछइ]-जंघाचारणे जंघाचारणे जंघाचारणस्स णं भंते कहं सीहा गती कहं सीहे गतिविसए पन्नते गोयमा अयणं जंबुदीवे दीवे [जाव किंचिविसेसाहिए परिक्खेवेणं देवे णं महिइदीए जाव महेसुक्खे जाव इणामेव-इणामेव त्ति कट्ठ केवलकप्प जंबुदीवे दीवं तिहिं अच्छरानियाएहिं] तिसत्तत्तुतो अनुपरियट्ठित्ता णं हव्वमागच्छेज्जा जंघाचारणस्स णं गोयमा तहा सीहा गती तहा सी हेगतिविसए पन्नते जंघाचारणस्स णं भंते तिरियं केवतिए गतिविसए गोयमा से णं इओ एगेणं उष्पाएणं रुयगवरे दीवे समोसरणं करेति करेत्ता तर्हि चेइयाइं वंदति वंदित्ता तओ पडिनियत्तमाणे वित्तिएणं उष्पाएणं नंदीसरवरदीवे समोसरणं करेति करेत्ता तर्हि चेइयाइं वंदति वंदित्ता इहमागच्छइ आगच्छित्ता इहं चेइयाइं वंदति जंघाचारणस्स णं गोयमा तिरियं एवतिए गतिविसए जंघाचारणस्स णं भंते उइदं केवतिए गतिविसए गोयमा से णं इओ एगेणं उष्पाएणं पंडगवणे समोसरणं करेति करेत्ता तर्हि चेइयाइं वंदति वंदित्ता तओ पडिनियत्तमाणे वित्तिएणं उष्पाएणं नंदणवणे समोसरणं करेति करेत्ता तर्हि चेइयाइं वंदति वंदित्ता इहमागच्छइ आगच्छित्ता इह चेइयाइं वंदति जंघाचारणस्स णं गोयमा उइदं एवतिए गतिविसए से णं तस्स ठाणस्स अणालोइय-पडिक्कंते कालं करेइ नत्थि तस्स आराहणा से णं तस्स ठाणस्स आलोइय-पडिक्कंते कालं करेति अत्थि तस्स आराहणा सेवं भंते सेवं भंते जाव विहरइ । ६८५।-६८४

● वीसइमे सत्ते नवमो उहेसो सप्ततो ●

—: द स भो—उ हे सो :—

(८०३) जीवा णं भंते किं सोवक्कमाउया निरुवक्कमाउया गोयमा जीवा सोवक्क-माउया वि निरुवक्कमाउया वि नेरइयाणं-पुच्छा गोयमा नेरइया नो सोवक्कमाउया निरुवक्क-माउया एवं जाव थणियकुमारा पुढविक्काइया जहा जीवा एवं जाव मणुस्सा वाणमंतर-जोइसियवेमाणिया जहा नेरइया । ६८६।-६८५

(८०४) नेरइया णं भंते किं आतोवक्कमेणं उववज्जंति परोवक्कमेणं उववज्जंति निरुवक्कमेणं उववज्जंति गोयमा आतोवक्कमेणं वि उववज्जंति परोवक्कमेणं वि उववज्जंति निरुवक्कमेणं वि उववज्जंति एवं जाव वेमाणिया नेरइया णं भंते किं आतोवक्कमेणं उव्वट्ठंति परोवक्कमेणं उव्वट्ठंति निरुवक्कमेणं उव्वट्ठंति गोयमा नो आतोवक्कमेणं उव्वट्ठंति नो परोवक्कमेणं उव्वट्ठंति निरुवक्कमेणं उव्वट्ठंति एवं जाव थणियकुमारा पुढविकाइया जाव मणुस्सा तिसु उव्वट्ठंति सेसा जहा नेरइया नवरं-जोइसिय-वेमाणिया धयंति, नेरइया णं भंते किं आइइढाए उववज्जंति परिइदीए उववज्जंति गोयमा आइइदीए उववज्जंति नो परिइदीए उववज्जंति एवं जाव वेमाणिया नेरइया णं भंते किं आइइदीए उव्वट्ठंति परिइदीए उव्वट्ठंति गोयमा आइइदीए उव्वट्ठंति नो परिइदीए उव्वट्ठंति एवं जाव वेमाणिया नवरं-जोइसिया वेमाणिया य धयंतीति

अभिलाषो नेरइया णं भंते किं आयकम्पुणा उववज्जति परकम्पुणा उववज्जति गोयमा आवकम्पुणा उववज्जति नो परकम्पुणा उववज्जति एवं जाव वेमाणिया एवं उव्वट्टणादंडओ वि नेरइया णं भंते किं आयप्पओगेणं उववज्जति परप्पओगेणं उववज्जति गोयमा आयप्पओगेणं उववज्जति नो परप्पओगेणं उववज्जति एवं जाव वेमाणिया एवं उव्वट्टणादंडओ वि। ६८७।-६८८

(८०५) नेरइयाणं भंते किं कतिसंचिया अकतिसंचिया अवत्तव्वगसंचिया गोयमा नेरइया कतिसंचिया वि अकतिसंचिया वि अवत्तव्वगसंचिया वि से केणट्ठेणं जाव अवत्तव्वगसंचिया वि गोयमा जे णं नेरइया संखेज्जएणं पवेसणएणं पविसंति ते णं नेरइया कतिसंचिया जे णं नेरइया असंखेज्जएणं पवेसणएणं पविसंति ते णं नेरइया अकतिसंचिया जे णं नेरइया एक्कएणं पवेसणएणं पविसंति ते णं नेरइया अवत्तव्वगसंचिया से तेणट्ठेणं गोयमा जाव अवत्तव्वगसंचिया वि एवं जाव थणियकुमारा पुढविककाइयाणं-पुच्छा गोयमा पुढविकाइया नो कतिसंचिया अकतिसंचिया नो अवत्तव्वगसंचिया से केणट्ठेणं भंते एवं बुच्चइ-जाव नो अवत्तव्वगसंचिया गोयमा पुढविकाइया असंखेज्जएणं पवेसणएणं पविसंति ते तेणट्ठेणं जाव नो अवत्तव्वगसंचिया एवं जाव वणसाइकाइया वेइदिया जाव वेमाणिया जहा नेरइया सिद्धाणं-पुच्छा गोयमा सिद्धा कतिसंचिया नो अकतिसंचिया अवत्तव्वगसंचिया वि से केणट्ठेणं जाव अवत्तव्वगसंचिया वि गोयमा जे णं सिद्धा संखेज्जएणं पवेसणएणं पविसंति ते णं सिद्धा कतिसंचिया जे णं सिद्धा एक्कएणं पवेसणएणं पविसंति ते णं सिद्धा अवत्तव्वगसंचिया से तेणट्ठेणं जाव अवत्तव्वगसंचिया वि एसि णं भंते नेरइयाणं कतिसंचियाणं अकतिसंचियाणं अवत्तव्वगसंचियाणं य कयरे कयरेहिंतो [अप्पा वा बहुया वा तुल्ला वा] विसेसाहिया वा गोयमा सब्बत्योवा नेरइया अवत्तव्वगसंचिया कतिसंचिया संखेज्जगुणा अकतिसंचिया असंखेज्जगुणा एवं एगिंदियवज्जाणं जाव वेमाणियाणं अप्पाबहुगं एगिंदियाणं नत्थि अप्पाबहुगं एसिं णं भंते सिद्धाणं कतिसंचियाणं अवत्तव्वग संचियाणं य कयरे कयरेहिंतो अप्पा वा बहुया वा तुल्ला वा विसेसाहिया वा गोयमा सब्बत्योवा सिद्धा कतिसंचिया अवत्तव्वगसंचिया संखेज्जगुणा

नेरइयाणं भंते किं छक्कसमज्जिया नोछक्कसमज्जिया छक्केण य नोछक्केण य समज्जिया छक्केहिं समज्जिया छक्केहिं य नोछक्केण य समज्जिया गोयमा नेरइया छक्कसमज्जिया वि नोछक्कसमज्जिया वि छक्केण य नोछक्केणं य समज्जिया वि छक्केहिं समज्जिया वि छक्केहिं य नोछक्केण य समज्जिया वि से केणट्ठेणं भंते एवं बुच्चइ-नेरइया छक्कसमज्जिया वि जाव छक्केहिं य नोछक्केण य समज्जिया वि गोयमा जे णं नेरइया छक्कएणं पवेसणएणं पविसंति ते णं नेरइया छक्कसमज्जिया जे णं नेरइया जहण्णेणं एक्केणं वा दोहिं वा तीहिं वा उक्कोसेणं पंचएणं पवेसणएणं पविसंति ते णं नेरइया नोछक्कसमज्जिया जे णं नेरइया एगेणं छक्कएणं अण्णेणं य जहण्णेणं एक्केणं वा दोहिं वा तीहिं वा उक्कोसेणं पंचएणं पवेसणएणं पविसंति तेणं नेरइया छक्केणं य नोछक्केण य समज्जिया जे णं नेरइया नेगेहिं छक्केहिं पवेसणएहिं पविसंति ते णं नेरइया छक्केहिं समज्जिया जे णं नेरइया नेगेहिं छक्केहिं अण्णेणं य जहण्णेणं एक्केणं वा दोहिं वा तीहिं वा उक्कोसेणं पंचएणं पवेसणएणं पविसंति ते णं नेरइया छक्केहिं नोछक्केण य समज्जिया से तेणट्ठेणं तं चेव जाव समज्जिया वि एवं जाव थणियकुमारा पुढविककाइयाणं-पुच्छा गोयमा पुढविककाइया नो छक्कसमज्जिया नो नोछक्कसमज्जिया नो छक्केण य नोछक्केण य

समजिया छक्केहिं समजिया छक्केहिं य नोछक्केण य समजिया वि से केणट्टेणं जाव समजिया वि गोयमा जे णं पुढविक्काइया नेगेहिं छक्केहिं पवेसणएहिं पविसंति ते णं पुढविक्काइया छक्केहिं समजिया जे णं पुढविक्काइया नेगेहिं छक्केहिं य अण्णेण य जहण्णेणं एक्केणं वा दोहिं वा तीहिं वा उक्कोसेणं पंचएणं पवेसणएणं पविसंति ते णं पुढविक्काइया छक्केहिं य नोछक्केणं य समजिया से तेणट्टेणं जाव समजिया वि एवं जाव वणस्सइकाइया वेइंदिया जाव वेमणिया सिद्धा जहा नेरइया एसि णं भंते नेरइयाणं छक्कसमजियाणं नोछक्कसमजियाणं छक्केणं य नोछक्केणं य समजियाणं छक्केहिं समजियाणं छक्केहिं य नोछक्केणं य समजियाणं य कयरे कयरेहिंतो जाव विसेसाहिया वा गोयमा सव्वत्थोवा नेरइया छक्कसमजिया नोछक्कसमजिया संखेज्जुणा छक्केणं य नोछक्केणं य समजिया संखेज्जुणा छक्केहिं समजिया असंखेज्जुणा छक्केहिं य नोछक्केणं य समजिया संखेज्जुणा एवं जाव थणियकुमारा

एसि णं भंते पुढविकाइयाणं छक्केहिं समजियाणं छक्केहिं य नोछक्केणं य समजियाणं य कयरे कयरेहिंतो जाव विसेसाहिया वा गोयमा सव्वत्थोवा पुढविक्काइया छक्केहिं समजिया छक्केहिं य नोछक्केणं य समजिया संखेज्जुणा एवं जाव वणस्सइकाइयाणं वेइंदियाणं जाव वेमणियाणं जहा नेरइयाणं एसि णं भंते सिद्धाणं छक्कसमजियाणं नोछक्कसमजियाणं जाव छक्केहिं य नोछक्केणं य समजियाणं य कयरे कयरेहिंतो जाव विसेसाहिया वा गोयमा सव्वत्थोवा सिद्धा छक्केहिं य नोछक्केणं य समजिया छक्केहिं समजिया संखेज्जुणा छक्केणं य नोछक्केणं य समजिया संखेज्जुणा छक्कसमजिया संखेज्जुणा नोछक्कसमजिया संखेज्जुणा नेरइया णं भंते किं बारससमजिया नोबारससमजिया बारसएणं य नोबारसएणं य समजिया बारसएहिं समजिया बारसएहिं य नोबारसएणं य समजिया गोयमा नेरइया बारससमजिया वि जाव बारसएहिं य नोबारसएणं य समजिया वि से केणट्टेणं जाव समजिया वि गोयमा जे णं नेरइया बारसएणं पवेसणएणं पविसंति ते णं नेरइया बारससमजिया जे णं नेरइया जहण्णेणं एक्केणं वा दोहिं वा तीहिं वा उक्कोसेणं एक्कारसएणं पवेसणएणं पविसंति ते णं नेरइया नोबारससमजिया जे णं एक्कारसएणं पवेसणएणं पविसंति ते णं नेरइया नोबारससमजिया जे णं नेरइया बारसएणं अन्नेण य जहण्णेणं एक्केणं वा दोहिं वा तीहिं वा उक्कोसेणं एक्कारसएणं पवेसणएणं पविसंति ते णं नेरइया बारसएणं य नोबारसएणं य समजिया जे णं नेरइया नेगेहिं बारसएहिं पवेसणएहिं पविसंति ते णं नेरइया बारसएहिं समजिया जे णं नेरइया नेगेहिं बारसएहिं अण्णेण य जहण्णेणं एक्केणं वा दोहिं वा तीहिं वा उक्कोसेणं एक्कारसएणं पवेसणएणं पविसंति ते णं नेरइया बारसएहिं नोबारसएणं य समजिया से तेणट्टेणं जाव समजिया वि एवं जाव थणियकुमारा पुढविक्काइयाणं-पुच्छा गोयमा पुढविक्काइया नोबारससमजिया नो नोबारससमजिया नो बारसएणं य नोबारसएणं य समजिया बारसएहिं समजिया बारसेहिं य नोबारसेणं य समजिया वि से केणट्टेणं जाव समजिया वि गोयमा जे णं पुढविक्काइया नेगेहिं बारसएहिं पवेसणएहिं पविसंति ते णं पुढविक्काइया बारसएहिं समजिया जे णं पुढविक्काइया नेगेहिं बारसएहिं अण्णेण य जहण्णेणं सक्केणं वा दोहिं वा तीहिं वा उक्कोसेणं एक्कारसएणं पवेसणएणं पविसंति ते णं पुढविक्काइया बारसएहिं य नोबारसएणं य समजिया से तेणट्टेणं जाव समजिया वि एवं जाव वणस्सइकाइया वेइंदिया जाव सिद्धा जहा नेरइया

एएसि णं भंते नेरइयाणं वारससमजियाणं-सव्वेसिं अप्पादहुं जहा छक्कसमजियाणं नवरं-वारसाभिलाओ सेसं तं वेव, नेरइया णं भंते किं चुलसीतिसमजिया नोचुलसीतिसमजिया चुलसीतीए य नोचुलसीतीए य समजिया चुलसीतीहिं समजिया चुलसीतीहिं य नोचुलसीतीए य समजिया गोयमा नेरइया चुलसीतिसमजिया वि जाव चुलसीतीहिं य नोचुलसीतीए य समजिया वि से केण्डेणं जाव समजिया वि गोयमा जे णं नेरइया चुलसीतीएणं पवेसणएणं पविसंति ते णं नेरइया चुलसीतिसमजिया जे णं नेरइया जहण्णेणं एककेणं वा दोहिं वा तीहिं वा उक्कोसेणं तेसीतिपवेसणएणं पविसंति ते णं नेरइया नोचुलसीतिसमजिया जे णं नेरइया चुलसीतीए णं अण्णेण य जहण्णेणं एककेणं वा दोहिं वा तीहिं वा उक्कोसेणं तेसीतीएणं पवेसणएणं पविसंति ते णं नेरइया चुलसीतीए य नोचुलसीतीए य समजिया जे णं नेरइया नेगेहिं चुलसीतीएहिं पवेसणएहिं पविसंति ते णं नेरइया चुलसीतीएहिं समजिया जे णं नेरइया नेगेहिं चुलसीतीएहिं य अण्णेण य जहण्णेणं वा दोहिं वा तीहिं वा उक्कोसेणं तेसीतीएणं पवेसणएणं पविसंति ते णं नेरइया चुलसीतीहिं य नोचुलसीतीए य समजिया से तेण्डेणं जाव समजिया वि एवं जाव यणियकुमारा पुढविक्काइया तहेव पच्छिअएहिं दोहिं नवरं-अभिलाओ चुलसीतीओ एवं जाव यणस्सइकाइया वेइंदिया जाव वेमाणिया जहा नेरइया सिद्धाणं-पुच्छां गोयमा सिद्धा चुलसीतिसमजिया वि नोचुलसीतिसमजिया वि चुलसीतीए य नोचुलसीतीए य समजिया वि नो चुलसीतीहिं समजिया नो चुलसीतीहिं य नोचुलसीतीए य समजिया से केण्डेणं जाव समजिया गोयमा जे णं सिद्धा चुलसीतीएणं पवेसणएणं पविसंति ते णं सिद्धा चुलसीति समजिया जे णं सिद्धा जहण्णेणं एककेणं वा दोहिं वा तीहिं वा उक्कोसेणं तेसीतीएणं पवेसणएणं पविसंति ते णं सिद्धा नोचुलसीतिसमजिया जे णं सिद्धा चुलसीतीएणं अण्णेणं य जहण्णेणं एककेणं वा दोहिं वा तीहिं वा उक्कोसेणं तेसीतीएणं पवेसणएणं पविसंति ते णं सिद्धा चुलसीतीए य नोचुलसीतीए य समजिया तेण्डेणं जाव समजिया एएसि णं भंते नेरइयाणं चुलसीतिसमजियाणं नोचुलसीतिसमजियाणं-सव्वेसिं अप्पादहुं जहा छक्कसमजियाणं जाव वेमाणियाणं नवरं-अभिलाओ चुलसीतीओ एएसि णं भंते सिद्धाणं चुलसीतिसमजियाणं नोचुलसीतिसमजियाणं चुलसीतीए य नोचुलसीतीए य समजियाणं य कयरे कयरेहितो जाव विसेसाहिया वा गोयमा सब्बत्थोवा सिद्धा चुलसीतीए य नोचुलसीतीए य समजिया चुलसीतियसमजिया अनंतगुणा नोचुलसीतिसमजिया अनंतगुणा सेवं भंते सेवं भंते ति जाव विहरइ। ६८८१-६८७

● वीसइमे सते दसमो उद्देशो सप्तो ● वीसइमं सतं समत्तं ●

एगवीसइमं — सतं

५ प ढ मो—व गो ५

—: प ढ मो—उ दे सो :—

(८०६) सालि कल अयसि वंसे इक्खू दब्बे य अब्भ तुलसी य

अट्टेए दस वग्गा असीतिं पुण होति उद्देसे

॥८७॥-१

(८०७) रायगिहे जाव एवं वयासी-अह भंते साली-वीही-गोधूम-जव-जवजवाणं-एएसि णं

भंते जीवा मूलत्ताए वक्कमंति ते णं भंते जीवा कओहितो उववज्जंति-किं नेरइएहितो उववज्जंति

तिरिक्खजोणिएहिंतो उववज्जंति मणुस्सेहिंतो उववज्जंति देवेहिंतो उववज्जंति जहा वक्कंतीए तहेव उववाओ नवरं-देववज्जं ते णं भंते जीवा एगसमएणं केवतिया उववज्जंति गोयमा जहण्णेणं एक्को वा दो वा तिण्णि वा उक्कोसेणं संखेज्जा वा असंखेज्जा वा उववज्जंति अवहारो जहा उप्पलुद्देसु तेसि णं भंते जीवाणं केमहालिया सरिरोगाहणा पत्रत्ता गोयमा जहण्णेणं अंगुलस्स असंखेज्जइमाणं उक्कोसेणं णणुपुहत्तं ते णं भंते जीवा नाणावरणिजस्स कम्मस्स किं बंधगा अवंधगा जहा उप्पलुद्देसे एवं वेदे वि उदए वि उदीरणा वि ते णं भंते जीवा किं कण्हलेस्सा नीललेस्सा काउलेस्सा छव्वीसं भंगा दिट्ठी जाव इंदिया जहा उप्पलुद्देसे ते णं भंते साली-वीही-गोधूम-जव-जवजव-गमूलगजवे कालओ केवच्चिरं होति गोयमा जहण्णेणं अंतोमुहुत्तं उक्कोसेणं असंखेज्जं कालं से णं भंते साली-वीही-गोधूम-जव-जवजवगमूलगजीवे पुढवीजीवे पुणरवि साली-वीही-जव-जवजवगमूलगजीवे केवतियं कालं सेवेज्जा केवतियं कालं गतिरागतिं करेज्जा एवं जहा उप्पलुद्देसे एएणं अभिलावेणं जाव मणुस्सजीवे आहारो जहा उप्पलुद्देसे ठिठी जहण्णेणं अंतोमुहुत्तं उक्को-सेणं वासपुहत्तं समुग्धाया समोहया उव्वट्ठणा य जहा उप्पलुद्देसे अह भंते सब्वपाणा जाव सब्वसत्ता साली-वीहि-गोधूम-जव-जवजवगमूलग-जीवत्ताए उववण्णपुव्वा हंता गोयमा असत्ति अदुवा अनंतखुत्तो सेवं भंते सेवं भंते ति । ६८९१-६८८८

● एगवीसइमे सत्ते पढमेवणे पढभो उद्देसो सप्तो ●

—: बी ओ—उ दे सो :—

(८०८) अह भंते साली-वीही-जाव जवजवाणं एएसिं णं जे जीवा कंदताए वक्कमंति ते णं भंते जीवा कओहिंतो उववज्जंति एवं कंदाहिगारेण सद्येव मुलुद्देसो अपरि सेवो भाणियव्वो जाव असत्ति अदुवा अपाखुत्तो सेवं भंते सेवं भंते ति । ६९०-११-६९०-१

● एगवीसइमे सत्ते पढमेवणे बीओ उद्देसो सप्तो ●

—: त इ ओ—उ दे सो :—

(८०९) एवं खंधे वि उद्देसओ नेयव्वो । ६९०-२१-६९०-२

● एगवीसइमे सत्ते पढमेवणे तइओ उद्देसो सप्तो ●

—: च उ त्थो—उ दे सो :—

(८१०) एवं तयाए वि उद्देसो भाणियव्वो । ६९०-३१-६९०-३

● एगवीसइमे सत्ते पढमेवणे चउव्वो उद्देसो सप्तो ●

—: पं च मो—उ दे सो :—

(८११) साले वि उद्देसो भाणियव्वो । ६९०-४१-६९०-४

● एगवीसइमे सत्ते पढमेवणे पंचमो उद्देसो सप्तो ●

—: छ ङो—उ दे सो :—

(८१२) पवालेवि उद्देसो भाणियव्वो । ६९०-५१-६९०-५

● एगवीसइमे सत्ते पढमेवणे छङ्गो उद्देसो सप्तो ●

—: स त्त मो—उ दे सो :—

(८१३) पत्तेवि उद्देसो भाणियव्वो [एए सत्तवि उद्देसगा अपरिसेसं जहा मूले तथा नेयव्वो

। ६९०-६१-६९०-६

● एगवीसइमे सत्ते पढमेवणे सत्तमो उद्देसो सप्तो ●

सत-२१ - वणो-१, उद्देसो-८, ९, १०

३९७

—: उद्देसा-८-९-१० :-

(८१४) एवं पुष्पेवि उद्देसओ नवरं देवा उववज्जति जहा उप्पलुद्देसे चत्तारि लेस्साओ असीती भंगा ओगाहणा जहणेणं अंगुलस्स असंखेज्जइ भागो उक्कोसेणं अंगुलपुहुतं सेसं तं चेव सेवं भंते सेवं भंते ति जहा पुष्पे एवं फले वि उद्देसओ अपरिसेसो भाणियव्वो एवं बीए वि उद्देसओ एए दस उद्देसगा ।६९०-७।-६९०।-६९०-७ - - ६९०

● एगवीसइमे सते षडमे वणो ८-९-१० उद्देसा समत्ता ● षडमो वणो समत्तो ●

卐 बी ओ—व ग्यो 卐

(८१५) अह भंते कल-मगूर-तिल-मुग्ग-मास-निष्काव-कुलत्थ-आलिसंदग-सतीण-पलिमंथगाण-एएसि णं जे जीवा मूलत्ताए वक्कमंति ते णं भंते जीवा कओहिंतो उववज्जति एवं मूलादीया दस उद्देसगा भाणियव्व्या जहेव सालीणं निरवसेसं तहेव ।६९१-१।-६९१-१

● एगवीसइमे सते बीओ वणो समत्तो ●

卐 त इ ओ—व ग्यो 卐

(८१६) अह भंते अयसि-कुसुंभ-कोहव-कंगु-रालग-वरा-कोदूसा-सण-सरिसव-मूलग-बीयाणं एएसि णं जे जीवा मूलत्ताए वक्कमंति ते णं भंते जीवा कओहिंतो उववज्जति एवं एत्थ वि मूलादीया दस उद्देसगा जहेव सालीणं निरवसेसं तहेव भाणियव्व्या ।६९१-२।-६९१-२

● एगवीसइमे सते तइओ वणो समत्तो ●

卐 च उ त्यो—व ग्यो 卐

(८१७) अह भंते वंस-वेणु-कणक-कक्कावंस-चारुवंस-दंडा-कुडा-विमा-कंडा-वेलुया-कल्लाणाणं-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा जहेव सालीणं नवरं-देवो सव्वत्थ वि न उववज्जति तिण्णि लेसाओ सव्वत्थ वि छव्वीसं भंगा सेसं तं चेव ।६९१-३।-६९०-३

● एगवीसइमे सते चउत्यो वणो समत्तो ●

卐 पं च मो—व ग्यो 卐

(८१८) अह भंते उक्खु-उक्खुवाडिय-वीरण-इक्कड-भमास-सुंब-सर-वेत्त-तिमिर-सत-पोरग-नलाणं-एएसि णं जे जीवा मूलत्ताए वक्कमंति एवं जहेव वंसवग्गो तहेव एत्थ वि मूलादीया दस उद्देसगा नवरं-खंधुद्देसे देवो उववज्जति चत्तारि लेस्साओ सेसं तं चेव ।६९१-४।-६९१-४

● एगवीसइमे सते पंचमो वणो समत्तो ●

卐 छ डो—व ग्यो 卐

(८१९) अह भंते सेडिय-भंतिय-कोंतिय-दब्ब-कुस-पव्वग-पोगिल-अज्जुण-आसादग-रोहि-यंस-सुय-वखीर-भुस-एरंड-कुरुकुंद-करकर-सुंठ - विभंगु महरतणं थुरग सिप्पिय - संकुलितणाणं-एएसि णं जे जीवा मूलत्ताए वक्कमंति एवं एत्थ वि दस उद्देसगा निरवसेसं जहेव वंसवग्गो

।६९१-५।-६९१-५

● एगवीसइमे सते छडो वणो समत्तो ●

卐 स त्त मो—व ग्यो 卐

(८२०) अह भंते अब्भरुह-बोयण-हरितग-तंगुलेज्जग-तण-वत्थुल-पोरग-मज्जार-पाइविळि पालक्क - दगपिण्णिय - दव्वि - सोत्थक - सायपंडुक्कि - मूलग - सरिसव - अंबिलसाग - जियंतगाणं-

३९८

भगवई - २१/७/-८२०

एएसि णं जे जीवा मूलत्ताए वक्कमंति एवं एत्थ वि दस उद्देसगा निरवसेसं जहेव वंसवाणो

।६९१-६।-६९१-६

● एगवीसइमे सते सत्तमो वणो समतो ●

卐 अ इ यो—व ग्गो 卐

(८२१) अह भंते कुलसी-कण्ह-दराल-फणेज्जा-अज्जा-भूयणा-चोरा-जीरा-दमणा-मरुया-इंदीवर-सयपुप्फाणं-एएसि णं जे जीवा मूलत्ताए वक्कमंति एत्थ वि दस उद्देसगा निरवसेसं जहा वंसाणं एवं एएसु अइसु वणोसु असीति उद्देसगा भवति ।६९१-७।-६९१-६९१-७ - - ६९१

● एगवीसइमे सते अट्ठमो वणो समतो ● एगवीसइमं सत्तं समत्तं ●

बावीसइमं — सत्तं

—: ष ढ यो—व ग्गो :—

(८२२) तालोगद्धिय बहुवीयगा य गुच्छा य गुम्भ वल्ली य

छद्दस वग्गा एए सट्ठि पुण होति उद्देसा

॥८८॥१

(८२३) रायगिहे जाव एवं वयासी-अह भंते ताल-तमाल-तक्कलि-तेतलि-साल-सरला-सारकल्लाण - जाव - केयड्-कदलि-कंदलि-चम्मरुक्ख-भुयरुक्ख-हिं गुरुक्ख-त्तवंगरुक्ख-पूयफलि-खज्जूरिनालि-एरीणं-एएसि णं जे जीवा मूलत्ताए वक्कमंति ते णं भंते जीवा कओहिंतो उववज्जंति एवं एत्थ वि मूलादीया दस उद्देसगा कायव्वा जहेव सालीणं नवर-इमं नाणत्तं-मूले कंदे खंधे तथाए साले य एएसु पंचसु उद्देसगेसु देवो न उववज्जंति तिण्णि लेसाओ ठिती जहण्णेणं अंतोमुहुत्तं उक्कोसेणं दसवाससहस्साइ उवरिल्लेसु पंचसु उद्देसएसु देवो उववज्जंति चरारि लेसाओ ठिती जहण्णेणं अंतोमुहुत्तं उक्कोसेणं वासपुहत्तं ओगाहणा मूले कंदे धणुहपुहत्तं खंधे तथाए साले य गाउयपुहत्तं पवाले पते धणुहपुहत्तं पुप्फे हत्थपुहत्तं फले वीए य अंगुलपुहत्तं सव्वेसिं जहण्णेणं अंगुलस्स असंखेज्जभागं सेसं जहा सालीणं एवं एए दस उद्देसगा ।६९२-१।-६९२-१

● बावीसइमे सते षट्ठमो वणो समतो ●

—: बी ओ—व ग्गो :—

(८२४) अह भंते निबंब जंबु-कोसंब-साल-अंकोल्ल-पीलु-सेलु-सल्लइ-मोयइ-मालुय-बउल-पलास-करंज-पुत्तंजीवग-अरिद्ध-विहेलग-हरिगत-भल्लाय-उवंभरियखीरणि-घायइ-पियाल-पूइय-निबारग-सेण्हय-पासिय-सीसय-असण-पुण्णाग-नागरुक्ख-सीवणि-असोगाणं-एएसिणं जे जीवा मूलत्ताए वक्कमंति एवं मूलादीयादस उद्देसगा कायव्वानिरवसेसं जहा तालवग्गो ।६९२-२।-६९२-२

● बावीसइमे सते बीओ वणो समतो ●

—: त इ ओ—व ग्गो :—

(८२५) अह भंते अधिय-तिंदुय-बोर-कविद्ध-अंबाडग-माउलिंग-विद्ध-अमलग-फणस-दाडिम-आसोत्थ - उंबर - वड - नागोह - नंदिरुक्ख-पिप्पलि-सतरि-पिलक्खुरुक्ख-काउंवरिय-कुत्थुंभरिय-देवदालि-तिलग-लउय-छतोह-सिरीस सत्तिवण्ण-दहिवण्ण-लोद्ध-धव-चंदण-अज्जुण-नीम-कुडग-कलबाणं-एएसि णं जे जीवा मूलत्ताए वक्कमंति ते णं भंते जीवा कओहिंतो उववज्जंति एवं एत्थ वि मूलादीया दस उद्देसगा तालवग्गसरिसा नेयव्वा जाव वीयं ।६९२-३।-६९२-३

● बावीसइमे सते तइओ वणो समतो ●

—: च उ त्यो—व ग्गो :—

(८२६) अह भंते वाइंगणि-अल्लइ-पोंडइ एवं जहा पन्नवणाए गाहाणुसारेणं नेयव्वं जाव गंज-पाडला-दासि-अंकोल्लणं-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा नेयव्वा जाव वीयं ति निरवसेसं जहा वंसवग्गो । ६९२-४।-692-4

● बावीसइमे सत्ते चउत्यो वग्गो समत्तो ●

—: पंचमो वग्गो :—

(८२७) अह भंते सेरियक-नवमालय-कोरेंटग-बंधुजीवग-मणोज्ञा जहा पन्नवणाए पढम-पदे गाहाणुसारेणं जाव नवणीतिय-कुंद-महाजार्इण-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा निरवसेसं जहा सालीणं । ६९२-५।-692-5

● बावीसइमे सत्ते पंचमो वग्गो समत्तो ●

—: छ द्वो—व ग्गो :—

(८२८) अह भंते पूसफलि-कालिंगी-तुंबी-नुसी-एलावालुंकी एवं पदाणि छिंदियव्वाणि पन्नवणागाहाणुसारेणं जहा तालवग्गे जाव दधिफोइइ-काकलि-मोकलि-अक्कबोंदीणं-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा कायव्वा जहा तालवग्गो नवरं-फलुदेसे ओगाहणाए जहण्णेणं अंगुलस्स असंखेज्जभाणं उक्कोसेणं धणुपुहत्तं ठिठी सव्वत्थ जहण्णेणं अंतोमुहुत्तं उक्कोसेणं वासपुहत्तं सेसं तं चेव एवं छसु वि वग्गेसु सट्ठिं उद्देसगा भवन्ति

। ६९२-६।-६९२।-692-6 - -692

● बावीसइमे सत्ते छद्वो वग्गो समत्तो ● बावीसइमं सत्तं समत्तं ●

तेवीसइमं — सत्तं

५ प ढ मो—व ग्गो ५

[नमो सूयदेवयाए भगवइए]

(८२९) आलुय लोही अवए पाढा तह मासवणि-वल्ली य

पंचेते दसवग्गा पत्रासं होति उद्देसा

॥८९॥-१

(८३०) रायगिहे जाव एवं वयासी-अह भंते आलुय-मूलग-सिंगबेर-हलिद्वा-रुरुकंडरिय-जारु-छीरविरालि-किड्ढि-कुंद-कण्हाकडभु-मधु-पुलइ-महुसिंगि-निरुहा-सप्पसुगंधा-छिण्णुह-दीय-रुहाण-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा कायव्वा वंतसवग्गसरिसा नवरं-परिमाणं जहण्णेणं एकको वा दो वा तिण्णि वा उक्कोसेणं संखेज्जा वा असंखेज्जा वा अनंता वा उववज्जति अवहारो गोयमा ते णं अनंता समये-समये अवहीरमाणा-अवहीरमाणा अनंताहिं ओसप्पिणीहिं उस्सप्पिणीहिं एवतिकालेणं अवहीरन्ति नो चेव णं अवहिया सिया ठिठी जहण्णेण वि उक्कोसेण वि अंतोमुहुत्तं सेसं तं चेव । ६९३-१।-693-1

● तेवीसइमे सत्ते षडमो वग्गो समत्तो ●

५ बी ओ—व ग्गो ५

(८३१) अह भंते लोही-नीहू-थीहू-धिभगा-अस्सकणी-सीहकणी-सिउंढी-मुसुंढीणं-एएसि णं जे जीवा मूलत्ताए वक्कमंति एवं एत्थ वि दस उद्देसगा जहेव आलुवग्गो नवरं-ओगाहणा तालवग्गसरिसा सेसं तं चेव सेवं भंते सेवं भंते ति । ६९३-२।-693-2

● तेवीसइमे सत्ते बीओ वग्गो समत्तो ●

॥ त इ ओ-व ग्णो ॥

(८३२) अह भंते आय-काय-कुहुण-कुंदुरुकूक-उव्वेहलिया-सफा-सज्जा-छत्ता-वंसाणिय-कुराणं-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा निरवसेसं जहा आलुवग्गो नवरं-ओगाहणा तालवग्गसरिसा सेसं तं चेव सेवं भंते सेवं भंते त्ति । ६९३-३।-६९३-३

● तेवीसइमे सते तइओ वग्गो सप्ततो ●

॥ च उ त्यो-व ग्णो ॥

(८३३) अह भंते पाढा-मियवालंकि-मधुररसा-रायवड्ढि-पउमा-मोढरि-दंति-चंडीणं-एएसि णं जे जीवा मूलत्ताए वक्कमंति एवं एत्थ वि मूलादीया दस उद्देसगा आलुवग्गसरिसा नवरं-ओगाहणा जहा वल्लीणं सेसं तं चेव सेवं भंते सेवं भंते त्ति । ६९३-४।-६९३-४

● तेवीसइमे सते चउत्यो वग्गो सप्ततो ●

॥ पं च मो-व ग्णो ॥

(८३४) अह भंते मासपण्णी-मुग्गपण्णी-जीवग-सरिसव-करेणुय-काओलि-खीरकाकोलि-भंगि-णहि-किमिरासि-भद्दमुत्थ-नंगलइ-पयुय-किण्हा-पउल-हढ-हरेणुया-लोहीणं-एएसि णं जे जीवा मूलत्ताए वक्कमंति एवं एत्थ वि दस उद्देसगा निरवसेसं आलुवग्गसरिसा एवं एत्थ पंचसु वि वग्गो पन्नासं उद्देसगा भाणियव्वा सव्वत्य देवा न उववज्जंति तिण्णि लेसाओ सेवं भंते सेवं भंते त्ति । ६९३-४।-६९३।-६९३-४ - ६९३

● तेवीसइमे सते पंचमो वग्गो सप्ततो ● तेवीसइमं सतं सप्ततं ●

चउवीसइमं - सतं

~: प ढ मो-उ हे सो :-

- | | |
|--|--------|
| (८३५) उववाय परीमाणं संघवणुछत्तमेव संठाणं
लेस्सा दिट्ठी नाणे अन्नाणे जोग उवओगे | ॥९०॥-१ |
| (८३६) सण्णा कसाय इंदिय समुधाया वेदणा य वेदे य
आउं अज्झवसाणा अनुबंधो कायसंवेहो | ॥९१॥-२ |
| (८३७) जीवपदे जीवपदे जीवाणं दंडगम्मि उद्देसो
चउवीसत्तिमम्मि सए चउव्वीसं होति उद्देसा | ॥९२॥-३ |

(८३८) रायगिहे जाव एवं वयासी-नेरइया णं भंते कओहिंतो उववज्जंति-किं नेरइएहिंतो उववज्जंति तिरिक्खजोणिएहिंतो उववज्जंति मणुस्सेहिंतो उववज्जंति देवेहिंतो उववज्जंति गोयमा नो नेरइएहिंतो उववज्जंति तिरिक्खजोणिएहिंतो उववज्जंति मणुस्सेहिंतो वि उववज्जंति नो देवेहिंतो उववज्जंति जइ तिरिक्खजोणिएहिंतो उववज्जंति-किं एगिंदियतिरिक्खजोणिएहिंतो उववज्जंति जाव पंचिंदियतिरिक्खजोणिएहिंतो उववज्जंति गोयमा नो एगिंदियतिरिक्खजोणिएहिंतो उववज्जंति नो बेइंदिय नो तेइंदिय नो चउरिदिय पंचिंदियतिरिक्खजोणिएहिंतो उववज्जंति जइ पंचिंदिय- तिरिक्खजोणिएहिंतो उववज्जंति-किं सण्णिपंचिंदियतिरिक्खजोणिएहिंतो उववज्जंति असण्णिपंचिंदियतिरिक्खजोणिएहिंतो उववज्जंति गोयमा सण्णिपंचिंदियतिरिक्खजोणिएहिंतो उववज्जंति असण्णिपंचिंदियतिरिक्खजोणिएहिंतो वि उववज्जंति जइ असण्णिपंचिंदियतिरिक्खजोणिएहिंतो उववज्जंति-किं जलचरेहिंतो अववज्जंति थलचरेहिंतो उववज्जंति छहचरेहिंतो

उववज्जति गोयमा जलचरोहिंतो अववज्जति थलचरोहिंतो वि उववज्जति खहचरोहिंतो वि उववज्जति जइ जलचर-थलचर-खहचरोहिंतो उववज्जति-किं पज्जतएहिंतो उववज्जति अपज्जतएहिंतो उव-
वज्जति गोयमा पज्जतएहिंतो उववज्जति नो अपज्जतएहिंतो उववज्जति पज्जताअसण्णिपंचि-
दियतिरिक्खजोणिए णं भंते जे भविए नेरइएसु उववज्जित्तए से णं भंते कतिसु पुढवीसु उववज्जेज्जा
गोयमा एगाए रयणप्पभाए पुढवीए उववज्जेज्जा पज्जताअसण्णिपंचिदियतिरिक्खजोणिए णं भंते जे
भविए रयणप्पभाए पुढवीए नेरइएसु उववज्जित्तए से णं भंते केवतिकालद्धितीएसु उववज्जेज्जा
गोयमा जहण्णेणं दसवाससहस्सद्धितीएसु उक्कोसेणं पलिओवमस्स असंखेज्जइ-भागद्धितीएसु
उववज्जेज्जा ते णं भंते जीवा एगसमएणं केवतिया उववज्जति गोयमा जहण्णेणं एकको वा दो वा
तिण्णि वा उक्कोसेणं संखेज्जा वा असंखेज्जा वा उववज्जति तेसि णं भंते जीवाणं सरीरगा
किसंघयणी पत्रत्ता गोयमा छेवट्टसंघयणी पत्रत्ता तेसि णं भंते जीवाणं केमहालिया सरीरोगाहणा
पत्रत्ता गोयमा जहण्णेणं अंगुलस्स असंखेज्जइभागं उक्कोसेणं जोयणसहस्सं तेसि णं भंते जीवाणं
सरीरगा किसंठिया पत्रत्ता गोयमा हुंडसंठिया पत्रत्ता तेसि णं भंते जीवाणं कति लेस्साओ पत्रत्ताओ
गोयमा तिण्णि लेस्साओ पत्रत्ताओ तं जहा-कण्हलेस्सा नीललेस्सा काउलेस्सा ते णं भंते जीवा किं
सम्मदिट्ठी मिच्छादिट्ठी सम्माभिच्छादिट्ठी गोयमा नो सम्मदिट्ठी मिच्छादिट्ठी नो सम्माभिच्छादिट्ठी ते णं
भंते जीवा किं नाणी अन्नाणी गोयमा नो नाणी अण्णाणी नियमा दुअन्नाणी तं जहा-मइन्नाणी य
सुअन्नाणी य ते णं भंते जीवा किं मणजोगी वइजोगी कायजोगी गोयमा नो मणजोगी वइजोगी
वि कायजोगी वि ते णं भंते जीवा किं सागारोवउत्ता अणागारोवउत्ता गोयमा सागारोवउत्ता वि
अणागारोवउत्ता वि तेसि णं भंते जीवाणं कति सण्णाओ पत्रत्ताओ गोयमा चत्तारि सण्णाओ
पत्रत्ताओ तं जहा-आहारसण्णा भयसण्णा मेहुणसण्णा परिग्गहसण्णा

तेसि णं भंते जीवाणं कति कसाया पत्रत्ता गोयमा चत्तारि कसाया पत्रत्ता तं जहा-
कोहकसाए माणकसाए मायाकसाए लोभकसाए तेसि णं भंते जीवाणं कति इंदिया पत्रत्ता गोयमा
पंचेदिया पत्रत्ता तं जहा-सोइंदिए जाव फासिंदिए तेसि णं भंते जीवाणं कति समुग्धाया पत्रत्ता
गोयमा तओ समुग्धाया पत्रत्ता तं जहा-वेयणासमुग्धाए कसायसमुग्धाए मारणंतियसमुग्धाए ते णं
भंते जीवा किं सायावेयगा असायावेयगा गोयमा सायावेयगा वि असायावेयगा वि ते णं भंते जीवा
किं इत्थीवेदगा पुरिसवेदगा नपुंसगवेदगा गोयमा नो इत्थीवेदगा नो पुरिसवेदगा नपुंसगवेदगा तेसि
णं भंते जीवाणं केवतियं कालं ठिती पत्रत्ता गोयमा जहण्णेणं अंतोमुहुत्तं उक्कोसेणं पुव्वकोडी
तेसि णं भंते जीवाणं केवतिया अज्झवसाणा पत्रत्ता गोयमा असंखेज्जा अज्झवसाणा पत्रत्ता ते णं
भंते किं पसत्था अप्सत्था गोयमा पसत्था वि अप्सत्था वि से णं भंते पज्जताअसण्णिपंचिदिय-
तिरिक्खजोणिएत्ति कालओ केवचिरं होइ गोयमा जहण्णेणं अंतोमुहुत्तं उक्कोसेणं पुव्वकोडी से
णं भंते पज्जताअसण्णिपंचिदियतिरिक्खजोणिए रयणप्पभाए पुढवीए नेरइए पुणरवि पज्जता-
असण्णिपंचिदियतिरिक्खजोणिएत्ति केवतियं कालं सेवेज्जा केवतियं कालं गतिरागतिं करेज्जा
गोयमा भवादेसेणं दो भवग्गहणाइं कालादेसेणं जहण्णेणं दस वाससहस्साइं अंतोमुहुत्तमव्वहियाइं
उक्कोसेणं पलिओवमस्स असंखेज्जइभागं पुव्वकोडिमव्वहियं एवतियं कालं सेवेज्जा एवतियं
कालं गतिरागतिं करेज्जा पज्जताअसण्णिपंचिदियतिरिक्खजोणिए णं भंते जे भविए जहण्णकाल-
द्धितीएसु रयणप्पभापुढविनेरइएसु उववज्जित्तए से णं भंते केवइकालद्धितीएसु उववज्जेज्जा गोयमा

जहण्णेणं दसवाससहस्सड्ढितीएसु उक्कोसेणं वि दसवाससहस्सड्ढितीएसु उववज्जेजा ते णं भंते जीवा एगसमएणं केवतिया उववज्जंति एवं सद्येव वत्तव्या निरवसेसा भाणियव्वा जाव अनुबंधो त्ति से णं भंते पज्जत्ताअसण्णिपंचिंदियतिरिक्खजोणिए जहण्णकाल- ड्ढितीयरयणप्पभापुढविनेरइए पुणरवि पज्जत्ताअसण्णि जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहन्नेणं दसवाससहस्साइं अंतोमुहुत्तमब्भहियाइं उक्कोसेणं पुव्वकोडी दसहिं वाससहस्सेहिं अब्भहिया एवतियं कालं सेवेजा एवतियं कालं गतिरागतिं करेजा पज्जत्ताअसण्णिपंचिंदिय-तिरिक्खजोणिए णं जे भविए उक्कोसकालड्ढितीएसु रयणप्पभापुढविनेरइएसु उववज्जित्तए से णं भंते केवतियकालड्ढितीएसु उववज्जेजा गोयमा जहण्णेणं पलिओवमस्स असंखेज्जइभागड्ढितीएसु उक्कोसेणं वि पलिओवमस्स असंखेज्जइभागड्ढितीएसु उववज्जेजा

ते णं भंते जीवा एगसमएणं केवतिया उववज्जति अवसेसं तं चेव जाव अणुबंधो से णं भंते पज्जत्ताअसण्णिपंचिंदिय-तिरिक्खजोणिए उक्कोसकालड्ढितीयरयणप्पभापुढविनेरइए पुणरवि पज्जत्ता असण्णिपंचिंदिय-तिरिक्खजोणिएतिकेवतियं कालं सेवेजा केवतियं कालं गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं पलिओवमस्स असंखेज्जइभागं अंतोमुहुत्तमब्भहियं उक्कोसेणं पलिओवमस्स असंखेज्जइभागं पुव्वकोडिमब्भहियं एवतियं कालं सेवेजा एवतियं कालं गतिरागतिं करेजा जहण्णकालड्ढितीज्जत्ताअसण्णिपंचिंदियतिरिक्खजोणिए णं भंते जे भविए रयणप्पभापुविनेरइएसु उववज्जित्तए से णं भंते केवतियकालड्ढितीएसु उववज्जेजा गोयमा जहण्णेणं दसवाससहस्सड्ढितीएसु उक्कोसेणं पलिओवमस्स असंखेज्जइ भागड्ढितीएसु उववज्जेजा ते णं भंते जीवा एगसमएणं केवतिया उववज्जंति सेसं तं चेव नवरं-इमाइं तिण्णि नाणत्ताइं-आउं अज्झवसाणा अनुबंधो य जहण्णेणं ठिती अंतोमुहुत्तं उक्कोसेणं वि अंतोमुहुत्तं तेसिं णं भंते जीवाणं केवतिया अज्झवसाणा पत्तत्ता गोयमा असंखेजा अज्झवसाणा पत्तत्ता ते णं भंते किं पसत्था अप्सत्था गोयमा नो पसत्था अप्सत्था अनुबंधो अंतोमुहुत्तं सेसं तं चेव से णं भंते जहण्णकालड्ढितीयपज्जत्ताअसण्णिपंचिंदियतिरिक्खजोणिए रयणप्पभाए जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं दसवाससहस्साइं अंतोमुहुत्तमब्भहियाइं उक्कोसेणं पलिओवमस्स असंखेज्जइभागं अंतोमुहुत्तमब्भहियं एवतियं कालं सेवेजा एवतियं कालं गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं दसवाससहस्साइं अंतोमुहुत्तमब्भहियाइं उक्कोसेणं पलिओवमस्स असंखेज्जइभागं अंतोमुहुत्तमब्भहियं एवतियं कालं सेवेजा एवतियं कालं गतिरागतिं करेजा जहण्णकालड्ढितीयपज्जत्ताअसण्णिपंचिंदियतिरिक्खजोणिए णं भंते जे भविए जहण्णकालड्ढितीएसु रयणप्पभापुढविनेरइएसु उववज्जित्तए से णं भंते केवतियकालड्ढितीएसु उववज्जेजा गोयमा जहण्णेणं दसवाससहस्सड्ढितीएसु उक्कोसेणं वि दसवाससहस्सड्ढितीएसु उववज्जेजा ते णं भंते जीवा एगसमएणं केवतिया उववज्जंति सेसं तं चेव ताइं चेव तिण्णि नाणत्ताइं जाव- से णं भंते जहण्णकालड्ढितीयपज्जत्ता [असण्णिपंचिंदियतिरिक्ख] जोणिए जहण्णकालड्ढितीयरयणप्पभापुढविनेरइए पुणरवि जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं दसवासहस्साइं अंतोमुहुत्तमब्भहियाइं उक्को-सेणं वि दसवाससहस्साइं अंतोमुहुत्तमब्भहियाइं एवतियं कालं सेवेजा [एवतियं कालं गतिरागतिं] करेजा जहण्णकालड्ढितीयपज्जत्ताअसण्णिपंचिंदियतिरिक्खजोणिए णं भंते जे भविए उक्कोस-

कालद्वितीएसु रयणप्पभापुढविनेरइएसु उववज्जितए से णं भंते केवतियकालद्वितीएसु उववज्जेजा गोयमा जहण्णेणं पलिओवमस्स असंखेज्जइभागद्वितीएसु उक्कोसेण वि पलिओवमस्स असंखेज्जइभागद्वितीएसु उववज्जेजा

ते णं भंते जीवा एगसमएणं केवतिया उववज्जंति अवसेसं तं चेव ताइं चेव तिण्णि नाणत्ताइं जाव-से णं भंते जहण्णकालद्वितीयपज्जत्ताअसण्णिपंचिंदियतिरिक्खजोणिए उक्कोस-कालद्वितीय- रयणप्पभाए जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं पलिओवमस्स असंखेज्जइभागं अंतोमुहुत्तमब्बहियं उक्कोसेणं वि पलिओवमस्स असंखेज्जइभागं अंतोमुहुत्तमब्बहियं एवतियं कालं [सेवेजा एवतियं कालं गतिरागतिं] करेजा उक्कोसकालद्वितीयपज्जत्ताअसण्णिपंचिंदियतिरिक्खजोणिए णं भंते जे भविए रयणप्पभापुढवि-नेरइएसु उववज्जितए से णं भंते केवतियकालद्वितीएसु उववज्जेजा गोयमा जहण्णेणं दसवास-सहस्स- द्वितीएसु उक्कोसेणं पलिओवमस्स असंखेज्जइभागद्वितीएसु उववज्जेजा ते णं भंते जीवा एगस- मएणं केवतिया उववज्जंति अवसेसं जहेव ओहियगमएणं तहेव अनुगंतव्वं नवरं-इमाइं दोण्णि नाणत्ताइं-ठिती जहण्णेणं पुव्वकोडी उक्कोसेणं वि पुव्वकोडी एवं अनुबंधो वि अवसेसं तं चेव से णं भंते उक्कोसकालद्वितीयपज्जत्ताअसण्णिपंचिंदियतिरिक्खजोणिए रयणप्पभाए जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं पुव्वकोडी दसहिं वाससहस्सेहिं अब्बहिया उक्कोसेणं पलिओवमस्स असंखेज्जइभागं पुव्वकोडीए अब्बहियं एवतियं [कालं सेवेजा एवतियं कालं गतिरागतिं] करेजा उक्कोसकालद्वितीयपज्जत्ताअसण्णि-पंचिंदियतिरिक्खजोणिए णं भंते जे भविए जहण्णकालद्वितीएसु रयणप्पभापुढविनेरइएसु उववज्जितए से णं भंते केवतियकालद्वितीएसु उववज्जेजा गोयमा जहण्णेणं दसवाससहस्सद्वि-तीएसु उक्कोसेणं वि दसवाससहस्सद्वितीएसु उववज्जेजा ते णं भंते जीवा एगसमएणं केवतिया उववज्जंति सेसं तं चेव जहा सत्तमगमए जाव- से णं भंते उक्कोसकालद्वितीयपज्जत्ताअसण्णि-पंचिंदियतिरिक्खजोणिए जहण्णकालद्वितीयरयणप्पभाए जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं पुव्वकोडी दसहिं वाससहस्सेहिं अब्बहिया उक्कोसेणं वि पुव्वकोडी दसहिं वाससहस्सेहिं अब्बहिया एवतियं [कालं सेवेजा एवतियं कालं गतिरागतिं] करेजा उक्कोसकालद्वितीयपज्जत्ताअसण्णिपंचिंदियतिरिक्खजोणिए णं भंते जे भविए उक्कोसकालद्वितीएसु रयणप्पभापुढविनेरइएसु उववज्जितए से णं भंते केवतिय-कालद्वितीसु उववज्जेजा गोयमा जहण्णेणं पलिओवमस्स असंखेज्जइभागद्वितीएसु उक्कोसेणं वि पलिओवमस्स असंखेज्जइभागद्वितीएसु उववज्जेजा ते णं भंते जीवा एगसमएणं केवतिया उववज्जंति सेसं जहा सत्तमगमए जाव- से णं भंते उक्कोसकालद्वितीयपज्जत्ताअसण्णिपंचिंदियति-रिक्खजोणिए उक्कोसकालद्वितीयरयणप्पभाए जाव गतिरागतिं करेजा गोयमा भवादेसेणं दो भवग्गहणाइं कालादेसेणं जहण्णेणं पलिओवमस्स असंखेज्जइभागं पुव्वकोडीए अब्बहियं उक्को-सेणं वि पलिओवमस्स असंखेज्जइभागं पुव्वकोडीए अब्बहियं एवतियं कालं सेवेजा एवतियं कालं गतिरागतिं करेजा एवं एते ओहिया तिण्णि गमगा जहण्णकालद्वितीएसु तिण्णि गमगा उक्कोसकालद्वितीएसु तिण्णि गमगा सव्वेते नव गमगा भवन्ति । ६९४।-६९५

(८३९) जइ सण्णिपंचिंदियतिरिक्खजोणिएहिंतो उववज्जंति किं संखेज्जवासाउयसण्णि-

पंचिंदियतिरिक्खजोणिएहिंतो उववज्जंति असंखेज्जवासाउयसण्णिपंचिंदियतिरिक्खजोणिएहिंतो उववज्जंति गोयमा संखेज्जवासाउयसण्णिपंचिंदियतिरिक्खजोणिएहिंतो उववज्जंति-किं जल-चरे-हिंतो उववज्जंति-पुच्छा गोयमा जलचरेहिंतो उववज्जंति जहा असण्णी जाव पज्जतएहिंतो उव-वज्जंति नो अपज्जतएहिंतो उववज्जंति पज्जत्तसंखेज्जवासाउयसण्णिपंचिंदियतिरिक्खजोणिए णं भंते जे भविए नेरइएसु उववज्जितए से णं भंते कतिसु-पुढवीसु उववज्जेजा गोयमा सतसु पुढवीसु उववज्जेजा तं जहा-रयणप्पभाए जाव अहेसत्तमाए पज्जत्तसंखेज्जवासाउयसण्णिपंचिंदियति-रिक्खजोणिए णं भंते जे भविए रयणप्पभपुढविनेरइएसु उववज्जितए से णं भंते केवतियकाल-द्वितीएसु उववज्जेजा गोयमा जहण्णेणं दसवाससहस्सद्वितीएसु उक्कोसेणं सागरोवमद्वितीएसु उववज्जेजा ते णं भंते जीवा एगसमएणं केवतिया उववज्जंति जहेव असण्णी, तेसि णं भंते जीवाणं सरीरगा किसंघयणी पत्रत्ता गोयमा छव्विहसंघयणी पत्रत्ता तं जहा-वइरोसभनारायसंघयणी उसभनारायसंघयणी जाव छेवट्टसंघयणी सरीरोगाहणा जहेव असण्णीणं जहणेणं अंगुलस्स असंखेज्जइभागं उक्कोसेणं जोक्खणसहस्सं तेसि णं भंते जीवाणं सरीरगा किसंठिया पत्रत्ता गोयमा छव्विहसंठिया पत्रत्ता तं जहा-समचउरंसा निग्गोहा जाव हुंडा तेसि णं भंते जीवाणं कति लेस्साओ पत्रत्ताओ गोयमा छलेस्साओ पत्रत्ताओ तं जहा-कण्हलेस्सा जाव सुक्कलेस्सा दिट्ठी तिविहा वि तिण्णि नाणा अन्नाणा भयणाए जोगो तिविहो वि सेसं जहा असण्णीणं जाव अनुबंधो नवरं-पंच समुधाया आदिस्सगावेदो तिविहो वि अवसेत्तं तं चेव जाव-से णं भंते पज्जत्तसंखेज्जवा-साउयसण्णिपंचिंदियतिरिक्खजोणिए रयणप्पभाए जाव गतिरागतिं करेजा गोयमा भवादेसेणं जहण्णेणं दो भवग्गहणाइ उक्कोसेणं अट्ठ भवग्गहणाइ कालादेसेणं जहण्णेणं दसवाससहस्साइ अंतोमुहुत्तमब्भहियाइ उक्कोसेणं चत्तारि सागरोवमाइ चउहिं पुव्वकोडीहिं अट्ठमहियाइ एवतियं कालं सेवेजा एवतियं कालं गतिरागतिं करेजा

पज्जत्तसंखेज्ज [वासाउयसण्णिपंचिंदियतिरिक्खजोणिए णं भंते] जे भविए जहण्णकाल [द्वितीएसु रयणप्पभपुढविनेरइएसु उववज्जितए] से णं भंते केवतियकालद्वितीएसु उववज्जेजा गोयमा जहण्णेणं दसवाससहस्सद्वितीएसु उक्कोसेणं वि दसवाससहस्सद्वितीएसु उववज्जेजा ते णं भंते जीवा एगसमएणं केवतिया उववज्जंति एवं सो चेव पढपो गमओ निरवसेसो भाणियव्वो जाव कालादेसेणं जहण्णेणं दसवाससहस्साइ अंतो- मुहुत्तमब्भहियाइ उक्कोसेणं चत्तारि पुव्वकोडीओ चत्तालीसाए वाससहस्सेहिं अट्ठमहियाओ एवतियं कालं सेवेजा एवतियं कालं गतिरागतिं करेजा सो चेव उक्कोसकालद्वितीएसु उववण्णो जहण्णेणं सागरोवमद्वितीएसु उक्कोसेणं वि सागरो-वमद्वितीएसु उववज्जेजा अवसेसो परिमाणादीओ भवादेसपज्जवसाणो सो चेव पढमगमो नेयव्वो जाव कालादेसेणं जहण्णेणं सागरोवमं अंतोमुहुत्तमब्भहियं उक्कोसेणं चत्तारि सागरोवमाइ चउहिं पुव्वकोडीहिं जहण्णकालद्वितीयपज्जत्तसंखेज्जवासाउयसण्णिपंचिंदियतिरिक्खजोणिए णं भंते जे भविए रयणप्पभपुढविनेरइएसु उववज्जितए से णं भंते केवतिकालिद्वितीएसु उववज्जेजा गोयमा जहण्णेणं दसवाससहस्सद्वितीएसु उक्कोसेणं सागरोवमद्वितीएसु उववज्जेजा ते णं भंते जीवा एगसमएणं केवतिया उववज्जंति अवसेसो सो चेव गमओ नवरं-इमाइ अट्ठ नाणत्ताइ-सरीरोगाहणा जहण्णेणं अंगुलस्स असंखेज्जइभागं उक्कोसेणं धणुपुहत्तं लेस्साओ तिण्णि आदिस्साओ नो सम्पदिट्ठी मिच्छादिट्ठी नो सम्मानिच्छदिट्ठी नो नाणी दो अण्णाणा नियमं समुधाया आदिस्स तिण्णि

आउं अज्जवसाणा अनुबंधो य जहेव असण्णीणं अवसेसं जहा पढमए जाव कालादेसेणं जहनेणं दसवाससहस्साइं अंतोमुहुत्तमब्भहियाइं उक्कोसेणं चत्तारि सागरोवमाइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्ण-कालद्वितीएसु उववण्णो जहनेणं दसवाससहस्सद्वितीएसु उक्कोसेणं वि दसवाससहस्सद्वितीएसु उववज्जेज्जा ते णं भंते जीवा एगसमएणं केवतियाउववज्जंति एवं सो चेव चउत्थो गमओ निरवसेसो भाणियव्वो जाव कालादेसेणं जहण्णेणं दसवाससहस्साइं अंतोमुहुत्तमब्भहियाइं उक्कोसेणं चत्तालीसं वाससहस्साइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव उक्कोसकालद्वितीएसु उववण्णो सागरोवमद्वितीएसु उक्कोसेणं वि सागरोवमद्वितीएसु उववज्जेज्जा ते णं भंते जीवा एगसमएणं केवतिया उववज्जंति एवं सो चेव चउत्थो गमओ निरवसेसो भाणियव्वो जाव कालादेसेणं जहण्णेणं सागरोवमं अंतोमुहुत्तमब्भहियं उक्कोसेणं चत्तारि सागरोवमाइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव उक्कोसकालद्वितीएसु उववण्णो जहण्णेणं सागरोवमद्वितीएसु उक्कोसेणं वि सागरोवमद्वितीएसु उववज्जेज्जा

ते णं भंते जीवा एगसमएणं केवतिया उववज्जंति एवं सो चेव चउत्थो गमओ निरवसेसो भाणियव्वो जाव कालादेसेणं जहण्णेणं सागरोवमं अंतोमुहुत्तमब्भहियं उक्कोसेणं चत्तारि सागरोवमाइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा उक्कोसकालद्वितीयपज्जत्तसंखेज्जवासाउयसण्णिपंचिदियतिरिक्खजोणिए णं भंते जे भविए रयणप्पभापुढविनेरइएसु उववज्जित्तए से णं भंते केवतिकालद्वितीएसु उववज्जेज्जा गोयमा जहण्णेणं दसवाससहस्सद्वितीएसु उक्कोसेणं सागरोवमद्वितीएसु उववज्जेज्जा ते णं भंते जीवा एगसमएणं केवतियाउववज्जंति अवसेसो परिमाणादीओ भवादेसपज्जवसाणो सो चेव पढमगमओ नेवव्वो नवरंठिती जहण्णेणं पुव्वकोडी उक्कोसेणं वि पुव्वकोडी एवं अनुबंधो वि सेसं तं चेव कालादेसेणं जहण्णेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्वितीएसु उववण्णो जहण्णेणं दसवाससहस्सद्वितीएसु उक्कोसेणं वि दसवाससहस्सद्वितीएसु उववज्जेज्जा ते णं भंते जीवा एगसमएणं केवतिया उववज्जंति सो चेव सत्तमो गमओ निरवसेसो भाणियव्वो जाव भवादेसो ति कालादेसेणं जहण्णेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहियाओ एवतियं कालं सेवेज्जा एवतियं कालं गतिरागतिं करेज्जा उक्कोसकालद्वितीयपज्जत्तसंखेज्जवासाउयसण्णिपंचिदियतिरिक्खजोणिए णं भंते जे भविए उक्कोसकालद्वितीएसु रयणप्पभापुढविनेरइएसु उववज्जित्तए से णं भंते केवतिकालद्वितीएसु उववज्जेज्जा गोयमा जहण्णेणं सागरोवमद्वितीएसु उक्कोसेणं वि सागरोवमद्वितीएसु उववज्जेज्जा ते णं भंते जीवा एगसमएणं केवतिया उववज्जंति सो चेव सत्तमगमओ निरवसेसो भाणियव्वो जाव भवादेसो ति कालादेसेणं जहण्णेणं सागरोवमं पुव्वकोडीए अब्भहियं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं एते नव गमका उक्खेव-निक्खेवओ नवसु वि जहेव असण्णीणं । ६९५।-६९५।

(८४०) पञ्चतसंखेज्जवासाउयसण्णिपंचिंदियतिरिक्खजोणिए णं भंते जे भविए सक्क-
रप्पभाए पुढवीए नेरइएसु उववज्जितए से णं भंते केवतिकालड्ढितीएसु उववज्जेज्जा गोयमा
जहण्णेणं सागरोवमड्ढितीएसु उक्कोसेणं तिसागरोवमड्ढितीएसु उववज्जेज्जा ते णं भंते जीवा
एगसमएणं केवतिया उववज्जति एवं जहेव रयणप्पभाए उववज्जंतगस्स लद्धी सच्चेव नरवसेसा
भाणियव्वा जाव भवादेसो त्ति कालादेसेणं जहण्णेणं सागरोवमं अंतोमुहुत्तमब्भहियं उक्कोसेणं
बारस सागरोवमाइं चउहिं पुच्चकोडीहिं अब्भहियाइं एवतियं कालं सेवेज्जा एवतियं कालं
गतिरागतिं करेज्जा एवं रयणप्पभपुढविगमरिसा नव वि गमगा भाणियव्वा नवरं-सव्वगमएसु वि
नेरइयड्ढिती-संवेहेसु सागरोवभा भाणियव्वा एवं जाव छट्ठपुढवि त्ति नवरं-नेरइयड्ढिती जा जत्थ
पुढवीए जहण्णुक्कोसिया सा तेणं चेव कमेणं चउगुणा कायव्वा बालुयप्पभाए पुढवीए अट्ठावीसं
सागरोवमाइं चउगुणिया भवन्ति पंकप्पभाए चत्तालीसं धूमप्पभाए अट्ठसट्ठिं तमाए अट्ठासीइं
संघयणाइं-बालुयप्पभाए पंचविहसंघयणी तं जहा-वड्ढोसहनारायसंघयणी जाव खीलियासंघयणी
पंकप्पभाए चउव्विहसंघयणी धूमप्पभाए तिविहसंघयणी तमाए दुविहसंघयणी तं जहा-
वड्ढोसहनारायसंघयणी य उसभनारायसंघयणी य सेसं तं चेव पञ्चतसंखेज्जवासाउयसण्णि-
पंचिंदियतिरिक्खजोणिए णं भंते जे भविए अहेसत्तमाए पुढवीए नेरइएसु उववज्जितए से णं भंते
केवतिकालड्ढितीएसु उववज्जेज्जा गोयमा जहण्णेणं बावीससागरोवमड्ढितीएसु उक्कोसेणं
तेतीससागरोवमड्ढितीएसु उववज्जेज्जा ते णं भंते जीवा एगसमएणं केवतिया उववज्जति एवं जहेव
रयणप्पभाए नव गमका लद्धी वि सच्चेव नवरं-वड्ढोसहनारायसंघयणी इत्थिवेदगा न उववज्जति
सेसं तं चेव जाव अनुबंधो त्ति संवेहो भवादेसेणं जहण्णेणं तिण्णि भवग्गहणाइं उक्कोसेणं सत्त
भवग्गहणाइं कालादेसेणं जहण्णेणं बावीसं सागरोवमाइं दोहिं अंतोमुहुत्तेहिं अब्भहियाइं उक्को-
सेणं छावट्ठिं सागरोवमाइं चउहिं पुच्चकोडीहिं अब्भहियाइं एवतियं कालं सेवेज्जा एवतियं कालं
गतिरागतिं करेज्जा

सो चेव जहण्णकालड्ढितीएसु उववण्णो सच्चेव वत्तव्वया जाव भवादेसो त्ति कालादेसेणं
जहण्णेणं कालादेसो वि तहेव जाव चउहिं पुच्चकोडीहिं अब्भहियाइं एवतियं कालं सेवेज्जा एवतियं
कालं गतिरागतिं करेज्जा सो चेव उक्कोसकालड्ढितीएसु उववण्णो सच्चेव लद्धी जाव अणुबंधो त्ति
भवादेसेणं जहण्णेणं तिण्णि भवग्गहणाइं उक्कोसेणं पंच भवग्गहणाइं कालादेसेणं जहण्णेणं
तेतीसं सागरोवमाइं दोहिं अंतोमुहुत्तेहिं अब्भहियाइं उक्कोसेणं छावट्ठिं सागरोवमाइं तिहिं
पुच्चकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव अण्णा
जहण्णकालड्ढितीओ जाओ सच्चेव रयणप्पभपुढवीवेज्जहण्णकालड्ढितीयवत्तव्वया भाणियव्वा
जाव भवादेसो त्ति नवरं-पढमं संघयणं नो इत्थिवेदगा भवादेसेणं जहण्णेणं तिण्णि भवग्गहणाइं
उक्कोसेणं सत्त भवग्गहणाइं कालादेसेणं जहण्णेणं बावीसं सागरोवमाइं दोहिं अंतोमुहुत्तेहिं
अब्भहियाइं उक्कोसेणं छावट्ठिं सागरोवमाइं चउहिं अंतोमुहुत्तेहिं अब्भहियाइं एवतियं कालं
सेवेज्जा एवतियं कालं गतिरागतिं करेज्जा सो चेव जहण्णकालड्ढितीएसु उववण्णो एवं सो चेव
चउत्थो गमओ निरवसेसो भाणियव्वो जाव कालादेसो त्ति सो चेव उक्कोसकालड्ढितीएसु
उववण्णो सच्चेव लद्धी जाव अनुबंधो त्ति भवादेसेणं जहण्णेणं तिण्णि भवग्गहणाइं उक्कोसेणं
पंच भवग्गहणाइं कालादेसेणं जहण्णेणं तेतीसं सागरोवमाइं दोहिं अंतोमुहुत्तेहिं अब्भहियाइं

उक्कोसेणं छावट्ठि सागरोवमाइं तिहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव अप्पणा उक्कोसकालड्वितीओ जहण्णेणं बावीससागरोवमड्वितीएसु उक्कोसेणं तेत्तीससागरोवमड्वितीएसु उववज्जेज्जा ते णं भंते जीवा एगसमएणं केवतिया उववज्जंति अवसेसा सद्येव सत्तमपुढविपढमगमवत्तव्या भाणियव्वा जाव भवादेसो ति नवरं-ठिती अनुबंधो य जहण्णेणं पुव्वकोडी उक्कोसेणं वि पुव्वकोडी सेसं तं चेव कालादेसेणं जहण्णेणं बावीसं सागरोवमाइं दोहिं पुव्वकोडीहिं अब्भहियाइं उक्कोसेणं छावट्ठि सागरोवमाइं चउहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जह सद्येव लद्धी संवेहो वि तहेव सत्तमगमगरिसो सो चेव उक्कोसकालड्वितीएसु उववण्णो एस चेव लद्धी जाव अनुबंधो ति भवादेसेणं जहण्णेणं तिण्णि भवगहणाइं उक्कोसेणं पंच भवगहणाइं कालादेसेणं जहण्णेणं तेत्तीसं सागरोवमाइं दोहिं पुव्वकोडीहिं अब्भहियाइं उक्कोसेणं छावट्ठि सागरोवमाइं तिहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा । ६९६।-६९५

(८४१) जइ मणुस्सेहिंतो उववज्जंति-किं सण्णिमणुस्सेहिंतो उववज्जंति असण्णिमणुस्से-हिंतो उववज्जंति गोयमा सण्णिमुणस्सेहिंतो उववज्जंति नो असण्णिमणुस्सेहिंतो उववज्जंति जइ सण्णिमणुस्सेहिंतो उववज्जंति-किं संखेज्जवासाउयसण्णिमणुस्सेहिंतो उववज्जंति असंखेज्जवासाउ-यसण्णिमणुस्सेहिंतो उववज्जंति गोयमा संखेज्जवासाउयसण्णिमणुस्सेहिंतो उववज्जंति नो असंखेज्ज-वासा-उयसण्णिमणुस्सेहिंतो उववज्जंति जइ संखेज्जवासाउयसण्णिमणुस्सेहिंतो उववज्जंति-किं पज्जत्तसंखेज्जवासाउयसण्णिमणुस्सेहिंतो उववज्जंति अपज्जत्तसंखेज्जवासाउयसण्णिमणुस्सेहिंतो उववज्जंति गोयमा पज्जत्तसंखेज्जवासाउयसण्णिमणुस्सेहिंतो उववज्जंति नो अपज्जत्तसंखेज्जवासाउय-सण्णिमणुस्सेहिंतो उववज्जंति पज्जत्तसंखेज्जवासाउयसण्णिमणुस्से णं भंते जे भविए नेरइएसु उववज्जितए से णं भंते कतिसु पुढवीसु उववज्जेज्जा गोयमा सत्तासु पुढवीसु उववज्जेज्जा तं जहा-रचणप्पभाए जाव अहेसत्तमाए पज्जत्तसंखेज्जवासाउयसण्णिमणुस्से णं भंते जे भविए रचणप्पभाए पुढवीए नेरइएसु उववज्जितए से णं भंते केवतिकालड्वितीएसु उववज्जेज्जा गोयमा जहण्णेणं दसवाससहस्सड्वितीएसु उक्कोसेणं सागरोवमड्वितीएसु उववज्जेज्जा ते णं भंते जीवा एगसमएणं केवतिया उववज्जंति गोयमा जहण्णेणं एकको वा दो वा तिण्णि वा उक्कोसेणं संखेज्जा उववज्जंति संघयणा छ सरीरोगाहणा जहण्णेणं अंगुलपुहत्तं उक्कोसेणं पंचघणुसयाइं एवं सेसं जहा सण्णियंचिदियतिरिक्खजोणियाणं जाव भवादेसो ति नवरं-चत्तारि नाणा तिण्णि अण्णाणा भयणाए छ समुग्धाया केवलिवज्जा ठिती अनुबंधो य जहण्णेणं मासपुहत्तं उक्कोसेणं पुव्वकोडी सेसं तं चेव कालादेसेणं जहण्णेणं दसवाससहस्साइं मासपुहत्तमब्भहियाइं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालड्वितीएसु उववण्णो एस चेव वत्तव्वया नवरं-कालादेसेणं जहण्णेणं दसवाससहस्साइं मासपुहत्तमब्भहियाइं उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहियाओ एवतियं कालं सेवेज्जा एवं तियं कालं गतिरागतिं करेज्जा

सो चेव उक्कोसकालड्वितीएसु उववण्णो एस चेव वत्तव्वया नवरं-कालादेसेणं जहण्णेणं सागरोवम मासपुहत्तमब्भहियं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं

एवतियं कालं सेवेज्जा एवतियं कालं गतिरागतिं करेज्जा सो चेव अप्पणा जहण्णकालद्धितीओ जाओ एस चेव वत्तव्वया नवरं-इमाइ पंच नामत्ताइ-सरीरोगाहणा जहण्णेणं अंगुलपुहत्तं उक्कोसेणं वि अंगुलपुहत्तं तिण्णि नाणा तिण्णि अण्णाणाइ भयणाए पंच सम्पुग्धाया आदिद्धा ठिती अनुबंधो य जहण्णेणं मासपुहत्तं उक्कोसेणं वि मासपुहत्तं सेसं तं चेव जाव भवादेसोत्ति कालादेसेणं जहण्णेणं दसवाससहस्साइ मासपुहत्तमब्भहियाइ उक्कोसेणं चत्तारि सागरोवमाइ चउहिं मासपुहत्तेहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्धितीएसु उववण्णो एस चेव वत्तव्वया चउत्थगमगरिसा नवरं-कालादेसेणं जहण्णेणं दसवाससहस्साइ मासपुहत्तमब्भहियाइ उक्कोसेणं चत्तालीसं वाससहस्साइ चउहिं मासपुहत्तेहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव उक्कोसकालद्धितीएसु उववण्णो एस चेव गमगो नवरं-कालादेसेणं जहण्णेणं सागरोवमं मासपुहत्तमब्भहियं उक्कोसेणं चत्तारि सागरोवमाइ चउहिं मासपुहत्तेहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव अप्पणा उक्कोसकालद्धितीओ जाओ सो चेव पढमगमओ नेयव्वो नवरं-सरीरोगाहणा जहण्णेणं पंचधणुसयाइ उक्कोसेणं वि पंचधणुसयाइ ठिती जहण्णेणं पुव्वकोडी उक्कोसेणं वि पुव्वकोडी एवं अनुबंधो वि कालादेसेणं जहण्णेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि सागरोवमाइ चउहिं पुव्वकोडीहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्धितीएसु उववण्णो सच्चेव सत्तमगमगवत्तव्वया नवरं-कालादेसेणं जहण्णेणं पुव्वकोडी दसहिं वाससहस्सेहिं अब्भहिया उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहियाओ एवतियं कालं सेवेज्जा एवतियं कालं गतिरागतिं करेज्जा सो चेव उक्कोसकालद्धितीएसु उववण्णो सच्चेव सत्तमगमगलवत्तव्वया नवरं-कालादेसेणं जहण्णेणं सागरोवमं पुव्वकोडीए अब्भहियं उक्कोसेणं चत्तारि सागरोवमाइ चउहिं पुव्वकोडीहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा । ६९७।-६९८

(८४२) पज्जत्तसंखेज्जवासाउयसण्णिमणुस्से णं भंते जे भविए सक्काएप्पभाए पुढवीए ने-रइएसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं सागरोवमद्धितीएसु उक्कोसेणं तिसागरोवमद्धितीएसु उववज्जेज्जा ते णं भंते जीवा एगसमएणं केवतिया उववज्जति सो चेव रयणप्पभपुढविगमओ नेयव्वो नवरं-सरीरोगाहणा जहन्नेणं रयणिपुहत्तं उक्कोसेणं पंचधणुसयाइ ठिती जहण्णेणं वासपुहत्तं उक्कोसेणं पुव्वकोडी एवं अनुबंधो वि सेसं तं चेव जाव भवादेसोत्ति कालादेसेणं जहण्णेणं सागरोवमं वासपुहत्तमब्भहियं उक्कोसेणं बारस सागरोवमाइ चउहिं पुव्वकोडीहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा एवं एसा ओहिएसु तिसु गमएसु मणूस्स लद्धी नाणत्तं-नेरइयद्धिती कालादेसेणं संवेहं च जाणेज्जा सो चेव अप्पणा जहण्णकालद्धितीओ जाओ तस्स वि तिसु वि गमएसु एस चेव लद्धी नवरं-सरीरोगाहणा जहण्णेणं रयणिपुहत्तं उक्कोसेणं वि रयणिपुहत्तं ठिती जहण्णेणं वासपुहत्तं उक्कोसेणं वि वासपुहत्तं एवं अनुबंधो वि सेसं जहा ओहियाणं संवेहो उवजुंजिऊण भाणियव्वो सो चेव अप्पणा उक्कोसकालद्धितीओ जाओ तस्स वि तिसु वि गमएसु इमं नाणत्तं-सरीरोगाहणा जहण्णेणं पंचधणुसयाइ उक्कोसेणं वि पंचधणुसयाइ ठिती जहण्णेणं

पुव्वकोडी उक्कोसेण वि पुव्वकोडी एवं अनुबंधो वि सेसं जहा पढमगमए नवरं-नेरइयठिइं कायसंवेहं च जाणेज्जा एवं जाव छट्ठपुढवी नवरं-तच्चाए आढवेत्ता एक्केक्कं संघयणं परिहायति जहेव तिरिक्खजोणियणं कालादेसो वि तहेव नवरं-मणुस्सड्ढिती जाणियव्वा पज्जतसंखेज्जवा-साउयसण्णिमणुस्से णं भंते जे भविए अहेसत्तमाए पुढवीए नेरइएसु उववज्जितए से णं भंते केवति-कालड्ढितीएसु उववज्जेज्जा गोयमा जहण्णेणं बावीसागरोवमड्ढितीएसु उक्कोसेणं तेतीससागरो-वमड्ढितीएसु उववज्जेज्जा ते णं भंते जीवा एगसमएणं केवतिया उववज्जंति अवसेसो सो चेव सक्कएथभापुढविगमओ नेयव्वो नवरं-पढमं संघयणं इत्थिवेदगा न उववज्जंति सेसं तं चेव जाव अनुबंधो ति भवादेसेणं दोभवगहणाइं कालादेसेणं जहण्णेणं बावीसं सागरोवमाइं वासपुहत्त-मब्भहियाइं उक्कोसेणं तेतीसं सागरोवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालड्ढितीएसु उववण्णो एस चेव वत्तव्वया नवरं-नेरइयड्ढिती संवेहं च जाणेज्जा सो चेव उक्कोसकालड्ढितीएसु उववण्णो एस चेव वत्तव्वया नवरं-संवेहं च जाणेज्जा सो चेव अप्पणा जहण्णकालड्ढितीओ जाओ तस्स वि तिसु वि गमएसु एस चेव वत्तव्वया नवरं-सरीरोगाहणा जहण्णेणं रयणिपुहत्तं उक्कोसेणं वि रयणि पुहत्तं ठिती जहण्णेणं वासपुहत्तं उक्कोसेणं वि वासपुहत्तं एवं अनुबंधो वि संवेहो उवजुंजिऊण भाणियव्वो सो चेव अप्पणा उक्कोसकालड्ढितीओ जाओ तस्स वि तिसु वि गमएसु एस चेव वत्तव्वया नवरं-सरीरोगाहणा जहण्णेणं पंचघणुसयाइं उक्कोसेणं वि पंचघणुसयाइं ठिती जहण्णेणं पुव्वकोडी उक्कोसेणं वि पुव्वकोडी एवं अणुबंधो वि नवसु वि एतेसु गमएसु नेरइयड्ढिती संवेहं च जाणेज्जा सव्वत्थ भवगहणाइं दोण्णि जाव नवमगमए कालादेसेणं जहण्णेणं तेतीसं सागरोवमाइं पुव्वकोडीए अब्भहियाइं उक्कोसेणं वि तेतीसं सागरोवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा सेवं भंते सेवं भंते ति जाव विहरइ । ६९८।-६९७

● वउवीसइमे सत्ते पढो उद्देशो समत्तो ●

—: बी ओ—उ हे सो :—

(८४३) रायगिहे जाव एवं वयासी-असुरकुमारा णं भंते कओहिंतो उववज्जंति-किं ने-रएहिंतो उववज्जंति तिरिक्खजोणिय-मणुस्स-देवेहिंतो उववज्जंति गोयमा नो नेरइयएहिंतो उववज्जंति तिरिक्खजोणिएहिंतो उववज्जंति मणुस्सेहिंतो उववज्जंति नो देवेहिंतो उववज्जंति एवं जहेव नेरइयउद्देशए जाव-पज्जताअसण्णिपंचिदियतिरिक्खजोणिए णं भंते जे भविए असुर-कुमारेसु उववज्जितए से णं भंते केवतिकालड्ढितीएसु उववज्जेज्जा गोयमा जहण्णेणं दसवासस-हस्सड्ढितीएसु उक्कोसेणं पलिओवमस्स असंखेज्जइभागड्ढितीएसु उववज्जेज्जा ते णं भंते जीवा एगसमएणं केवतिया उववज्जंति एवं रयण्णभागमगसरिसा नव वि गमा भाणियव्वया नवरं-जाहे अप्पणा जहण्णकालड्ढितीओ भवति ताहे अज्झावसाणा पसत्था नो अप्पसत्था तिसु वि गमएसु अवसेसं तं चेव जइ सण्णिपंचिदियतिरिक्खजोणिएहिंतो उववज्जंति-किं संखेज्जवासाउयसण्णि-पंचिदियतिरिक्खजोणिएहिंतो उववज्जंति असंखेज्जवासाउयसण्णिपंचिदियतिरिक्खजोणिएहिंतो उववज्जंति गोयमा संखेज्जवासाउय जाव उववज्जंति असंखेज्जवासाउय जाव उववज्जंति असंखेज्ज-वासाउयसण्णिपंचिदियतिरिक्खजोणिए णं भंते जे भविए असुरकुमारेसु उववज्जितए से णं भंते केवतिकालड्ढितीएसु उववजे ते णं भंते जीवा एगसमएणंपुच्छ गोयमा जहण्णेणं एक्को वा दो

वा तिणि वा उक्कोसेणं संखेज्जा उववज्जंति वइरोसभनारयसंघयणी ओगाहणा जहण्णेणं धणुपुहत्तं उक्कोसेणं छ गाउयाइं समचउरंससंठिया पन्नत्ता चत्तारि लेस्साओ आदिद्धओ नो सम्पदिद्धी मिच्छादिद्धी नो सम्पामिच्छादिद्धी नो नाणी अण्णाणी नियमं दुअन्नाणी-मतिअन्नाणी सुयअन्नाणी य जोगो तिविहो वि उवओगो दुविहो वि चत्तारि सण्णाओ चत्तारि कसाया पंच इंदिया तिणि समुधाय आदिह्मा समोहया वि परंति असमोहया वि परंति वेदणा दुविहा वि-सायावेदगा असायावेदगा वेदो दुविहो वि-इत्थिवेदगा वि पुरिसवेदगा वि नो नपुंसगवेदगा ठिती जहण्णेणं सातिरेगा पुव्वकोडी उक्कोसेणं तिणि पलिओवमाइं अज्झवसाणा पसत्था वि अप्पसत्था वि अनुबंधो जहेव ठिती कायसवेहो भवादेसेणं दो भवग्गहणाइं कालादेसेणं जहन्नेणं सातिरेगा पुव्वकोडी दसहिं वाससहस्सेहिं अब्भहिया उक्कोसेणं छप्पलिओवमाइं एवतियं कालं सेवेज्जा एवतियं कालं गतिरागतिं करेज्जा

सो चेव जहण्णकालद्धितीएसु उववण्णो-एस चेव वत्तव्वया नवरं-असुरकुमारद्धिं संवेहं च जाणेज्जा सो चेव उक्कोसकालद्धितीएसु उववण्णो जहण्णेणं तिपलिओवमद्धितीएसु उक्कोसेणं वि तिपलिओवमद्धितीएसु उववज्जेज्जा-एस चेव वत्तव्वया नवरं ठिती से जहण्णेणं तिणि पलिओवमाइं उक्कोसेणं वि तिणि पलिओवमाइं एवं अनुबंधो वि कालादेसेणं जहण्णेणं छप्पलिओवमाइं उक्कोसेणं वि छप्पलिओवमाइं एवतियं कालं सेवेज्जा एवतियं कालं गतिरागतिं करेज्जा सेसं तं चेव सो चेव अप्पणा जहण्णकालद्धितीओ जाओ जहण्णेणं दसवासहस्सद्धितीएसु उक्कोसेणं सातिरेगपुव्वकोडीआउएसु उववज्जेज्जा ते णं भंते जीवा एगसमएणं केवतिया उववज्जंति अवसेसं तं चेव जाव भवादेसो ति नवरं-ओगाहणा जहण्णेणं धणुपुहत्तं उक्कोसेणं सातिरेगं धणुसहस्सं ठिती जहण्णेणं सातिरेगा पुव्वकोडी उक्कोसेणं वि सातिरेगा पुव्वकोडी एवं अनुबंधो वि कालादेसेणं जहण्णेणं सातिरेगा पुव्वकोडी दसहिं वाससहस्सेहिं अब्भहिया उक्कोसेणं सातिरेगाओ दो पुव्वकोडीओ एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्धितीएसु उववण्णो एस चेव वत्तव्वया नवरं-असुरकुमारद्धिं संवेहं च जाणेज्जा सो चेव उक्कोसकालद्धितीएसु उववण्णो जहण्णेणं सातिरेगपुव्वकोडिआउएसु उक्कोसेणं वि सातिरेग-पुव्वकोडीआउएसु उववज्जेज्जा सेसं तं चेव नवरं कालादेसेणं जहण्णेणं सातिरेगाओ दो पुव्वकोडीओ उक्कोसेणं वि सातिरेगाओ दो पुव्वकोडीओ एवतियं कालं सेवेज्जा एवतियं कालं गतिरागतिं करेज्जा सो चेव अप्पणा उक्कोसकालद्धितीओ जाओ सो चेव पढमग्गमो भाणियव्वो नवरं-ठिती जहण्णेणं तिणि पलिओवमाइं उक्कोसेणं वि तिणि पलिओवमाइं एवं अनुबंधो वि कालादेसेणं जहण्णेणं तिणि पलिओवमाइं दसहिं वाससहस्सेहिं अब्भहियाइं उक्कोसेणं छ पलिओवमाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्धितीएसु उववण्णो एस चेव वत्तव्वया नवरं-असुरकुमारद्धिं संवेहं च जाणेज्जा सो चेव उक्कोस-कालद्धितीएसु उववण्णो जहण्णेणं तिपलिओवमाइं उक्कोसेणं वि तिपलिओवमाइं एस चेव वत्तव्वया नवरं-कालादेसेणं जहण्णेणं छप्पलिओवमाइं उक्कोसेणं वि छप्पलिओवमाइं एवतियं कालं सेवेज्जा एवतियं कालं गतिरागतिं करेज्जा

जइ संखेज्जवासाउयसण्णिपंचिंदियतिरिक्खजोणिएहिंतो उववज्जंति-किं जलचरोहिंतो उववज्जंति एवं जाव- पज्जत्तसंखेज्जवासाउयसण्णिपंचिंदियतिरिक्खजोणिए णं भंते जे भविए

असुरकुमारेसु उववज्जित्तए से णं भंते केवतिकालद्धितीएसु उववज्जेज्जा गोयमा जहण्णेणं दसवाससहस्सद्धितीएसु उक्कोसेणं सातिरेगसागरोवमद्धितीएसु उववज्जेज्जा ते णं भंते जीवा एगसमएणं केवतिया उववज्जंति एवं एतेसिं रयणप्पमपुढवि मगसरिसा नव गमगा नेयव्वा नवरंजाहे अप्पणा जहण्णकालद्धितीओ भवइ ताहे तिसु वि गमएसु इमं नाणत्तं-चत्तारि लेस्साओ अज्झवसाणा पसत्था नो अप्पसत्था सेसं तं चेव संवेहो सातिरेगेणं सागरोवमेण कायव्वो जइ मणुस्सेहिंतो उववज्जंति-किं सण्णिमणुस्सेहिंतो उववज्जंति असण्णिमणुस्सेहिंतो उववज्जंति गोयमा सण्णिमणुस्सेहिंतो उववज्जंति नो असण्णिमणुस्सेहिंतो उववज्जंति जइ सण्णिमणुस्सेहिंतो उववज्जंति-किं संखेज्जवासाउयसण्णिमणुस्सेहिंतो उववज्जंति असंखेज्जवासाउयसण्णिमणुस्सेहिंतो उववज्जंति गोयमा संखेज्जवासाउयसण्णिमणुस्सेहिंतो उववज्जंति असंखेज्जवासाउयसण्णिमणुस्सेहिंतो वि उववज्जंति असंखेज्जवासाउयसण्णिमणुस्से णं भंते जे भविए असुरकुमारेसु उववज्जित्तए से णं भंते केवतिकालद्धितीएसु उववज्जेज्जा गोयमा जहणेणं दसवाससहस्सद्धितीएसु उक्कोसेणं तिपलिओव-मद्धितीएसु उववज्जेज्जा एवं असंखेज्जवासाउयतिरिक्खजोणियसरिसा आदिज्जा तिण्णि गमगा नेयव्वा नवरं-सरीरोगाहणा पढमवितिएसु गमएसु जहण्णेणं सातिरेगाइ पंचधणुसयाइ उक्कोसेणं तिण्णि गाउयाइ सेसं तं चेव तइयगमे ओगाहणा जहण्णेणं तिण्णि गाउयाइ उक्कोसेण वि तिण्णि गाउयाइ सेसं जहेव तिरिक्खजोणियाणं सो चेव अप्पणा जहण्णकालद्धितीओ जाओ तस्स वि जहण्णकालद्धितीयतिरिक्खजोणियसरिसा तिण्णि गमगा भाणियव्वा नवरं-सरीरोगाहणा तिसु वि गमएसु जहण्णेणं सातिरेगाइ पंचधणुसयाइ उक्कोसेण वि सातिरेगाइ पंचधणुसयाइ सेसं तं चेव सो चेव अप्पणा उक्कोसकालद्धितीओ जाओ तस्स वि ते चेव पच्छिज्जा तिण्णि गमगा भाणियव्वा नवरं-सरीरोगाहणा तिसु वि गमएसु जहण्णेणं तिण्णि गाउयाइ उक्कोसेण वि तिण्णि गाउयाइ अवसेसं तं चेव जइ संखेज्जवासाउयसण्णिमणुस्सेहिंतो उववज्जंति-किं पज्जत्तासंखेज्जवासाउय-सण्णिमणुस्सेहिंतो उववज्जंति अपज्जत्तासंखेज्जवासाउयसण्णिमणुस्सेहिंतो उववज्जंति गोयमा पज्ज-त्तासंखेज्जवासाउयसण्णिमणुस्सेहिंतो उववज्जंति नो अपज्जत्तासंखेज्जवासाउयसण्णिमणुस्सेहिंतो उववज्जंति पज्जत्तासंखेज्जवासाउयसण्णिमणुस्से णं भंते जे भविए असुरकुमारेसु उववज्जित्तए से णं भंते केवतिकालद्धितीएसु उववज्जेज्जा गोयमा जहण्णेणदसवाससहस्सद्धितीएसु उक्कोसेणं सातिरे-गसागरोवमद्धितीएसु उववज्जेज्जा ते णं भंते जीवा एगसमएणं केवतिया उववज्जंति एवं जहेव एतेसिं रयणप्पमाए उववज्जमाणं नव गमगा तहव इह वि नव गमगा भाणियव्वा नवरं संवेहो सातिरेगेण सागरोवमेण कायव्वो से संतं चेव-सेवं भंते सेवं भंते ति। ६९९।-६९९

● चउवीसइमे सर्ते बीओ उद्देशो समतो ●

—: त इ ओ—उ हे सो —:

(८४४) रायगिहे जाव एवं वयासी-नागकुमाराणं भंते कओहिंतो उववज्जंति-किं ने-रइएहिंतो उववज्जंति तिरिक्खजोणिय-मणुस्स-देवेहिंतो उववज्जंति गोयमा नो नेरइएहिंतो उववज्जंति तिरिक्खजोणिएहिंतो उववज्जंति मणुस्सेहिंतो उववज्जंति नो देवेहिंतो उववज्जंति जइ तिरिक्खजोणिएहिंतो एवं जहा असुरकुमाराणं वत्तव्वया तथा एतेसिं पि जाव असण्णिमि जइ सण्णिपंचिदियतिरिक्खजोणिएहिंतो उववज्जंति-किं संखेज्जवासाउय असंखेज्जवासाउय गोयमा संखेज्जवासाउय असंखेज्जवासाउय जाव उववज्जंति असंखेज्जवासाउयसण्णिपंचिदियतिरिक्ख-

जोणिए णं भंते जे भविए नागकुमारेसु उववज्जितए से णं भंते केवतिकालद्धितीएसु उववज्जेजा गोयमा जहण्णेणं दसवाससहस्सद्धितीएसु उक्कोसेणं देसूणदुपलिओवमद्धितीएसु उववज्जेजा ते णं भंते जीवा एगसमएणं केवतिया उववज्जंति अवसेसो सो चेव असुरकुमारेसु उववज्जमाणस्स गमगो भाणियव्वो जाव भवादेसो त्ति कालादेसेणं जहण्णेणं सातिरेगा पुव्वकोडी दसहिं वाससहस्सेहिं अब्बहिया उक्कोसेणं देसूणाइं पंच पलिओवमाइं एवतियं कालं सेवेजा एवतियं काल गतिरागतिं करेजा सो चेव जहण्णकालद्धितीएसु उववण्णो एस चेव वत्तव्वया नवरं-नागकुमारद्धितिं संवेहं च जाणेजा सो चेव उक्कोसकालद्धितीएसु उववण्णो तस्स वि एस चेव वत्तव्वया नवरं-ठिती जहण्णेणं देसूणाइं दो पलिओवमाइं उक्कोसेणं तिण्णि पलिओवमाइं सेसं तं चेव जाव भवादेसो त्ति कालादेसेणं जहण्णेणं देसूणाइं चत्तारि पलिओवमाइं उक्कोसेणं देसूणाइं पंच पलिओवमाइं एवतियं कालं सेवेजा एवतियं कालं गतिरागतिं करेजा सो चेव अप्पणा जहण्णकालद्धितीओ जाओ तस्स वि तिसु वि गमएसु जहेव असुरकुमारेसु उववज्जमाणस्स जहण्णकालद्धितियस्स तहेव निरवसेसं सो चेव अप्पणा उक्कोसकालद्धितीओ जाओ तस्स वि तहेव तिण्णि गमगा जहा असुरकुमारेसु उववज्जमाणस्स नवरं-नागकुमारद्धितिं संवेहं च जाणेजा सेसं तं चेव जइ संखेज्जवासाउयसण्णिपंचिंदियतिरिक्खजोणिएहिंतो उववज्जंति-किं पज्जतसंखेज्जवासाउय अपज्ज-त्तसंखेज्जवासाउयं गोयमा पज्जतसंखेज्जवासाउय नो अपज्जतसंखेज्जवासाउय पज्जतसंखेज्जवासाउय उयसण्णिपंचिंदियतिरिक्खजोणिए णं भंते जे भविए नागकुमारेसु उववज्जितए से णं भंते केवतिकालद्धितीएसु उववज्जेजा गोयमा जहण्णेणं दस वाससहस्साइं उक्कोसेणं देसूणाइं दो पलिओवमाइं एवं जहेव असुरकुमारेसु उववज्जमाणस्स वत्तव्वया तहेव इह वि नवसु वि गमएसु नवरं-नागकुमारद्धितिं संवेहं च जाणेजा सेसं तं चेव

जइ मणुस्सेहिंतो उववज्जंति-किं सण्णिमणुस्सेहिंतो असण्णिमणुस्सेहिंतो गोयमा सण्णिमणुस्सेहिंतो नो असण्णिमणुस्सेहिंतो जहा असुरकुमारेसु उववज्जमाणस्स जाव-असंखेज्जवासाउयसण्णिमणुस्से णं भंते जे भविए नागकुमारेसु उववज्जितए से णं भंते केवतिकालद्धितीएसु उववज्जेजा गोयमा जहण्णेणं दसवाससहस्साइं उक्कोसेणं देसूणाइं दो पलिओवमाइं एवं जहेव असंखेज्जवासाउयाणं तिरिक्खजोणियाणं नागकुमारेसु आदिजा तिण्णि गमगा तहेव इमस्स वि नवरं-पढमवितिएसु गमएसु सरीरोगाहणा जहण्णेणं सातिरेगाइं पंचधनुसयाइं उक्कोसेणं तिण्णि गाउयाइं तइयगमे ओगाहणा जहण्णेणं देसूणाइं दो गाउयाइं उक्कोसेणं तिण्णि गाउयाइं सेसं तं चेव सो चेव अप्पणा जहण्णकालद्धितीओ जाओ तस्स तिसु वि गमएसु जहा तस्स चेव असुरकुमारेसु उववज्जमाणस्स तहेव निरवसेसं सो चेव अप्पणा उक्कोसकालद्धितीओ जाओ तस्स तिसु वि गमएसु जहा तस्स चेव उक्कोसकालद्धितियस्स असुरकुमारेसु उववज्जमाणस्स नवरं-नागकुमारद्धितिं संवेहं च जाणेजा सेसं तं चेव जइ संखेज्जवासाउयसण्णिमणुस्सेहिंतो उववज्जंति-किं पज्जतसंखेज्ज अपज्जतसंखेज्ज गोयमा पज्जतसंखेज्ज नो अपज्जतसंखेज्ज पज्जतसंखेज्जवासाउयसण्णिमणुस्से णं भंते जे भविए नागकुमारेसु उववज्जितए से णं भंते केवतिकालद्धितीएसु उववज्जेजा गोयमा जहण्णेणं दसवाससहस्सद्धितीएसु उक्कोसेणं देसूणदोपलिओवमद्धितीएसु उववज्जेजा एवं जहेव असुरकुमारेसु उववज्जमाणस्स सद्येव लद्धी निरवसेसा नवसु गमएसु नवरं-नागकुमारद्धितिं संवेहं च जाणेजा सेवं भंते सेवं भंते ति ॥७००॥-६७७

● चउवीसइमे सत्ते तइओ उइसो समत्तो ●

—: उ हे सा-४-११ :-

(८४५) अवसेसा सुवण्णकुमारादी जाव धणियकुमारा एए अट्ट वि उद्देसगा जहेव नागकुमारा तहेव निरवसेसा भाणियव्वा सेवं भंते सेवं भंते ति । ७०१-७००

● चउवीसइमे सत्ते ४-११ उद्देशो समतो ●

—: दु वा ल स मो-उ हे सो :-

(८४६) पुढविक्काइया णं भंते कओहिंतो उववज्जंति-किं नेरइएहिंसो उववज्जंति तिरिक्ख-जोणिय-मणुस्स-देवेहिंतो उववज्जंति गोयमा नो नेरइएहिंतो उववज्जंति तिरिक्खजोणिय-मणुस्स-देवेहिंतो उववज्जंति जइ तिरिक्खजोणिएहिंतो उववज्जंति-किं एगिंदियतिरिक्खजोणिएहिंतो एवं जहा वक्कंतीए उववाओ जाव-जइ बायरपुढविक्काइएएगिंदियतिरिक्खजोणिएहिंतो उवव-ज्जंति-किं पज्जतावादर जाव उववज्जंति अपज्जतावादरपुढवि गोयमा पज्जतावादरपुढवि अपज्जता-वादरपुढवि जाव उववज्जंति पुढविक्काइए णं भंते जे भविए पुढविक्काइएसु उव्वज्जितए से णं भंते केयत्तिकालडितीएसु उववज्जेजा गोयमा जहण्णेणं अंतोमुहुत्तडितीएसु उक्कोसेणं बावीस-वाससहस्सडितीएसु उववज्जेजा ते णं भंते जीवा एगसमएणं-पुच्छा गोयमा अणुसमयं अविरहिया अंसखेजा उववज्जंति छेवट्टसंघयणीं सरीरोगाहणा जहण्णेणं अंगुलस्स अंसखेज्जभागं उक्कोसेणं वि अंगुलस्स अंसखेज्जभागं मसूराचंदा- संठिया चत्तारि लेस्साओए नो सम्मदिद्धी मिच्छादिद्धी नो सम्पामिच्छादिद्धी नो नाणी अण्णाणी दो अण्णाणा नियमं नो मणजोगी नो वइजोगी कायजोगी उवओगो दुविहो वि चत्तारि सन्नाओ चत्तारि कसाया एगे फासिंदिए पन्नत्ते तिण्णि समुधाय्या वेदणा दुविहा नो इत्थिवेदगा नो पुरिसवेदगा नपुंसगवेदगा ठिती जहणेणं अंतोमुहुत्तं उक्कोसेणं बावीसं वाससहस्साइं अज्झवसाणा पसत्था वि अपसत्था वि अनुबंधो जहा ठिती से णं भंते पुढविक्काइए पुणारवि पुढविक्काइएति केवतियं कालं सेवेजा केवतियं कालं गतिरागतिं करेजा गोयमा भवादेसेणं जहण्णेणं दो भवग्गहणाइं उक्कोसेणं अंसखेजाइं भवग्गहणाइं कालादेसेणं जहण्णेणं दो अंतोमुहुत्ता उक्कोसेणं अंसखेज्जं कालं एवतियं कालं सेवेजा एवतियं कालं गतिरागतिं करेजा

सो चेव जहण्णकालडितीएसु उवण्णो जहण्णेणं अंतोमुहुत्तडितीएसु उक्कोसेणं वि अंतोमुहुत्तडितीएसु एवं चेव वत्तव्वया निरवसेसा सो चेव उक्कोसकालडितीएसु सेसं तं चेव जाव अनुबंधो ति नवरं-जहण्णेणं एकको वा दो वा तिण्णि वा उक्कोसेणं संखेजा वा अंसखेजा वा उव-वज्जेजा भवादेसेणं जहण्णेणं दो भवग्गहणाइं उक्कोसेणं अट्ट भवग्गहणाइं कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं छावत्तरं वाससयसहस्सं एवतियं कालं सेवेजा एवतियं कालं गतिरागतिं करेजा सो चेव अण्णा जहण्णकालडितीओ जाओ सो चेव पढमिल्लओ गमओ भाणियव्वो नवरं-लेस्साओ तिण्णि ठिती जहण्णेणं अंतोमुहुत्तं उक्कोसेणं वि अंतोमुहुत्तं अपसत्था अज्झवसाणा अनुबंधो जहा ठिती सेसं तं चेव सो चेव जहण्णकालडितीएसु उववण्णो सत्थेव चउत्यगमगदत्तव्वया भाणियव्वया सो चेव उक्कोसकालडितीएसु उववण्णो एस चेव वत्तव्वया नवरं-जहण्णेणं एकको वा दो वा तिण्णि वा उक्कोसेणं संखेजा वा अंसखेजा वा जाव भवादेसेणं जहण्णेणं दो भवग्गहणाइं उक्कोसेणं अट्ट भवग्गहणाइं कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं अट्टासीइं वाससहस्साइं चउहिं अंतो-

मुहुत्तेहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव अप्पणा उक्कोसकालद्वितीओ जाओ एवं तइयगमगसरिमसो निरवसेसो भाणियव्वो नवरं-अप्पणा से ठिई जहण्णेणं बावीस वाससहस्साइ उक्कोसेणं वि बावीसं वाससहस्साइं सो चेव जहण्णकालद्वितीएसु उववण्णो जहण्णेणं अंतोमुहुत्तं उक्कोसेणं वि अंतोमुहुत्तं एवं जहा सत्तमगमगो जाव भवादेसो कालादेसेणं जहण्णेणं बावीसं वाससहस्साइं अंतोमुहुत्तमब्भहियाइ उक्कोसेणं अट्ठासीइं वाससहस्साइं चउहिं अंतोमुहुत्तेहिं अब्भहियाइ एवतियं कालं सेवेज्जा एवतियं कालं गतिरागतिं करेज्जा

सो चेव उक्कोसकालद्वितीएसु उववण्णो जहण्णेणं बावीसवाससहस्सद्वितीएसु उक्कोसेणं वि बावीसवाससहस्सद्वितीएसु एस चेव सत्तमगमगवत्तव्वया जाणियव्वया जाव भवादेसो ति कालादेसेणं जहण्णेणं चोयालीसं वाससहस्साइं उक्कोसेणं छावत्तरं वाससयसहस्सं एवतियं कालं सेवेज्जा एवतियं कालं गतिरागतिं करेज्जा जइ आउक्काइ एगिंदियतिरिक्खजोणिएहिंतो उववज्जति-किं सुहुमआउ वादरआउ एवं चउक्कओ भेदो भाणियव्वो जहा पुढविक्काइयाणं आउक्काइए णं भंते जे भविए पुढविक्काएसु उववज्जितए से णं भंते केवइकालद्वितीएसु उववज्जेज्जा गोयमा जहण्णेणं अंतोमुहुत्तद्वितीएसु उक्कोसेणं बावीसवाससहस्सद्वितीएसु उववज्जेज्जा एवं पुढविक्काइयमगमगसरिसा नव गमगा भाणियव्वया नवरं-थिवुगाबिंदुसंठिए ठिती जहण्णेणं अंतोमुहुत्तं उक्कोसेणं सत्त वाससहस्साइं एवं अनुबंधो वि एवं तिसु वि गमएसु ठिती संवेहो तइयछट्ठसत्तमड्ढमनयमेसु गमएसु-भवादेसेणं जहण्णेणं दो भवग्गहणाइ उक्कोसेणं अट्ठ भवग्गहणाइं सेसेसु चउसु गमएसु जहण्णेणं दो भवग्गहणाइं उक्कोसेणं असंखेज्जाइं भवग्गहणाइं ततियगमे कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं सोलसुत्तरं वाससयसहस्सं एवतियं कालं सेवेज्जा एवतियं कालं गतिरागतिं करेज्जा छट्ठे गमए कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं अट्ठासीतिं वाससहस्साइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा सत्तमे गमए कालादेसेणं जहण्णेणं सत्त वाससहस्साइं अंतोमुहुत्तमब्भहियाइं उक्कोसेणं सोलसुत्तरं वाससयसहस्सं एवतियं कालं सेवेज्जा एवतियं कालं गतिरागतिं करेज्जा अट्ठमे गमए कालादेसेणं जहण्णेणं सत्त वाससहस्साइं अंतोमुहुत्तमब्भहियाइं उक्कोसेणं अट्ठावीसं वाससहस्साइं चउहिं अंतोपुहत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा नवमे गमए भवादेसेणं जहण्णेणं दो भवग्गहणाइं उक्कोसेणं अट्ठ भवग्गहणाइं कालादेसेणं जहण्णेणं एकूणतीसं वाससहस्साइं उक्कोसेणं सोलसुत्तरं वाससयसहस्सं एवतियं कालं सेवेज्जा एवतियं कालं गतिरागतिं करेज्जा एवं नवसु वि गमएसु आउक्काइयइं जाणियव्वया

जइ तेउक्काइएहिंतो उववज्जति तेउक्काइयाणं वि एस चेव वत्तव्वया नवरं-नवसु वि गमएसु तिण्णि लेस्साओतेउक्काइया णं सुईकलावसंठिया ठिई जाणियव्वया तइयगमए कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं अठासीतिं वाससहस्साइं बारसहिं राईदिएहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं संवेहो उवजुजिऊणं भाणियव्वो जइ वाउक्काइएहिंतो वाउक्काइयाणं वि एवं चेव नव गमगा जहेव तेउक्काइयाणं नवरं-पडागासंठिया पन्नता संवेहो वाससहस्सेहिं कायव्वो तइयगमए कालादेसेणं जहण्णेणं बावीसं वाससहस्साइं अंतोमुहुत्तमब्भहियाइं उक्कोसेणं एणं वाससयसहस्सं एवं संवेहो

उवजुजिऊण भाणियव्वो जइ वणस्सइकाएहिंतो उववज्जंति वणस्सइकाइयाणं आउकाइयगप-
गसरिसा नव गमगा भाणियव्वा नवरं-नामसंठिया सरीरोगाहणा पढमएसु पच्छिअएसु य तिसु
गमएसु जहण्णेणं अंगुलस्स अंसेखेज्जइभागं उक्कोसेणं सातिरेगं जोयणसहस्सं मज्झिअएसु तिसु
तहेव जहा पुढविकाइयाणं संवेहो ठिती व जाणियव्वा तइयगमे कालादेसेणं जहण्णेणं बावीसं
वाससहस्साइ अंतोमुहुत्तमअभहियाइ उक्कोसेणं अट्ठावीसुत्तरं वाससयसहस्सं एवतियं कालं
सेवेज्जा एवतियं कालं गतिरागतिं करेज्जा एवं संवेहो उवजुजिऊण भाणियव्वो ॥७०२+७०१॥

(८४७) जइ वेइंदिएहिंतो उववज्जंति-किं पज्जत्तावेइंदिएहिंतो उववज्जंति अपज्जत्तावेइंदि-
एहिंतो उववज्जंति गोयमा पज्जत्तावेइंदिएहिंतो उववज्जंति अपज्जत्तावेइंदिएहिंतो वि उवज्जंति
वेइंदिए णं भंते जे भविए पुढविकाइएसु उववज्जितए से णं भंते केवतिकालद्धितीएसु उववज्जेज्जा
गोयम जहन्नेणं अंतोमुहुत्तद्धितीएसु उक्कोसेणं बावीसवाससहस्सद्धितीएसु ते णं भंते जीवा
एगसमएणं केवतिया उववज्जंति गोयमा जहण्णेणं एक्को वा दो वा तिण्णि वा उक्कोसेणं संखेज्जा वा
असंखेज्जा वा उववज्जंति छेवइसंघयणी ओगाहणा जहण्णेणं अंगुलस्स असंखेज्जइभागं उक्कोसेणं
बारस जोयणाइ हुंडसंठिया तिण्णि लेसाओ सम्मदिट्ठी वि मिच्छादिट्ठी वि नो सम्माभिच्छादिट्ठी दो
नाणा दो अण्णाणा नियमं नो मणजोगी वइजोगी कायजोगी वि उवओगो दुविहो वि चत्तारि सण्णाओ
चत्तारि कसाया दो इंदिया पज्जत्ता तं जहा-जिद्विंदिए य फासिंदिए य तिण्णि समुधाया सेसं जहा
पुढविकाइयाणं नवरं-ठिती जहण्णेणं अंतोमुहुत्तं उक्कोसेणं वारस संवच्छराइ एवं अनुबंधो वि सेसं
तं चेव भवादेसेणं जहण्णेणं दो भवगहणाइ उक्कोसेणं संखेज्जाइ भवगहणाइ कालादेसेणं जहण्णेणं
दो अंतोमुहुत्ता उक्कोसेणं संखेज्जं कालं एवतियं कालं सेवेज्जा एवतियं कालं गतिरागतिं करेज्जा सो
चेव जहण्णकालद्धितीएसु उववण्णो एस चेव वत्तव्वया सव्वा सो चेव उक्कोसकालद्धितीएसु
उववण्णो एस चेव वेइंदियस्स लद्धी नवरं-भवादेसेणं जहण्णेणं दो भवग- हणाइ उक्कोसेणं अट्ठ
भवगहणाइ कालादेसेणं जहण्णेणं बावीसं वाससहस्साइ अंतोमुहुत्त- मअभहियाइ उक्कोसेणं
अट्ठासीतिं वाससहस्साइ अड्यालीसाए संवच्छरेहिं अब्भहियाइ एवतियं कालं सेवेज्जा एवतियं कालं
गतिरागतिं करेज्जा सो चेव अण्णा जहण्णकालद्धितीओ जाओ तस्स वि एस चेव वत्तव्वया तिसु वि
गमएसु नवरं-इमाइ सत्त नाणत्ताइ-सरीरोगाहणा जहा पुढविकाइयाणं नो सम्मदिट्ठी मिच्छादिट्ठी नो
सम्माभिच्छादिट्ठी दो अण्णाणा नियमं नो मणजोगी नो वइजोगी कायजोगी ठिती जहण्णेणं
अंतोमुहुत्तं उक्कोसेणं वि अंतोमुहुत्तं अज्झवसाणा अपसत्था अनुबंधो जहा ठिती संवेहो तहेव
आदिअेसु दोसु गमएसु तइयगमए भवादेसो तहेव अट्ठ भवगहणाइ कालादेसेणं जहण्णेणं बावीसं
वाससहस्साइ अंतोमुहुत्तमअभहियाइ उक्कोसेणं अट्ठासीतिं वाससहस्साइ चउहिं अंतोमुहुत्तेहिं
अभहियाइ एवतियं कालं सेवेज्जा एवतियं कालं गतिरागतिं करेज्जा

सो चेव अण्णा उक्कोसकालद्धितीओ जाओ एयस्स वि ओहियगमगसरिसा तिण्णि
गमगा भाणियव्वा नवरं-तिसु वि गमएसु ठिती जहण्णेणं बारस संवच्छराइ उक्कोसेणं वि बारस
संवच्छराइ एवं अनुबंधो वि भवादेसेणं जहण्णेणं दो भवगहणाइ उक्कोसेणं अट्ठ भवगहणाइ
कालादेसेणं उवजुजिऊण भाणियव्वं जाव नवमे गमए जहण्णेणं बावीसं वाससहस्साइ बारसहिं
संवच्छरेहिं अब्भहियाइ उक्कोसेणं अट्ठासीतिं वाससहस्साइ अड्यालीसाए संवच्छरेहिं अब्भहि-
याइ एवतियं कालं सेवेज्जा एवतियं कालं गतिरागतिं करेज्जा जइ तेइंदिएहिंतो उववज्जंति एवं चेव

नव गमगा भाणियव्वा नवरं-आदिहेसु तिसु वि गमएसु सरीरोगाहणा जहण्णेणं अंगुलस्स असंखेज्जभागं उक्कोसेणं तिण्णि गाउयाइं तिण्णि इंदियाइं ठिती जहण्णेणं अंतोमुहुत्तं उक्कोसेणं एगूणपत्रं राइंदियाइं तइयगमए कालादेसेणं जहण्णेणं बावीसं वाससहस्साइं अंतो-मुहुत्तमब्बहियाइं उक्कोसेणं अट्ठासीतिं वाससहस्साइं छण्णउयराइंदियसयमब्बहियाइं एवतियं कालं सेवेज्जा एवतियं कालं गतिरागतिं करेज्जा मज्झिमा तिण्णि गमगा तहेव पच्छिमा वि तिण्णि गमगा तहेव नवरं-ठिती जहण्णेणं एगूणपत्रं राइंदियाइं उक्कोसेणं वि एगूणपत्रं राइंदियाइं संवेहो उवजुंजिऊण भाणियव्वो जइ चउरिंदिएहिंतो उववज्जति एवं चेव चउरिंदियाणं वि नव गमगा भाणियव्वा नवरं-एतेसु देव ठाणेसु नाणत्ता जाणियव्वा सरीरोगाहणा जहण्णेणं अंगुलस्स असंखेज्जभागं उक्कोसेणं चत्तारि गाउयाइं ठिती जहण्णेणं अंतोमुहुत्तं उक्कोसेणं य छम्पासा एवं अनुबंधो वि चत्तारि इंदियाइं सेसं तहेव जाव नवमगाए-कालादेसेणं जहण्णेणं बावीसं वाससह-स्साइं छहिं मासेहिं अब्बहियाइं उक्कोसेणं अट्ठासीतिं वाससहस्साइं चउवीसाए मासेहिं अब्बहि-याइं एवतियं कालं सेवेज्जा एवतियं कालं गतिरागतिं करेज्जा जइ पंचिंदियतिरिक्खजोणिएहिंतो उववज्जति-किं सण्णिपंचिंदियतिरिक्खजोणिएहिंतो उववज्जतिं असण्णिपंचिंदियतिरिक्खजोणिए-हिंतो उववज्जतिं गोयमा सण्णिपंचिंदिय असण्णिपंचिंदिय [जइ असण्णिपंचिंदियतिरिक्खजोणिए-हिंतो उववज्जति-किं जलचरेहिंतो उववज्जति जाव किं पज्जतएहिंतो उववज्जति अपज्जतएहिंतो उववज्जति गोयमा पज्जतएहिंतो वि उववज्जति अपज्जतएहिंतो वि उववज्जति

असण्णिपंचिंदियतिरिक्खजोणिए णं भंते जे भविए पुढविककाइएसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्तद्धितीएसु उक्कोसेणं बावीसवा-ससहस्सद्धितीएसु ते णं भंते जीवा एगसमएणं केवतिया उववज्जति एवं जहेव वेइंदियस्स ओहियगमए लद्धी तहेव नवरं-सरीरोगाहणा जहण्णेणं अंगुलस्स असंखेज्ज भागं उक्कोसेणं जोयणसहस्सं पंच इंदिया ठिती अनुबंधो य जहण्णेणं अंतोमुहुत्तं उक्कोसेणं पुव्वकोडी सेसं तं चेव भवादेसेणं जहण्णेणं दो भवग्गहणाइं उक्कोसेणं अट्ठ भवग्गहणाइं कालादेसेणं जहण्णेणं दो अंतो मुहुत्ता उक्कोसेणं चत्तारि पुव्वकोडीओ अट्ठासीतीए वाससहस्सेहिं अब्बहियाओ एवतियं कालं सेवेज्जा एवतियं कालं गतिरागतिं करेज्जा नवसु वि गमएसु कायसंवेहो-भवादेसेणं जहण्णेणं दो भवग्गहणाइं उक्कोसेणं अट्ठ भवग्गहणाइं कालादेसेणं उवजुंजिऊण भाणियव्वं नवरं-मज्झिमेसु तिसु गमएसु जहेव वेइंदियस्स पच्छिज्जएसु तिसु गमएसु जहा एतस्स चेव पढमगमएसु नवरं-ठिती अनुबंधो य जहण्णेणं पुव्वकोडी उक्कोसेणं वि पुव्वकोडी सेसं तं चेव जाव नवमगमएसु-जहण्णेणं पुव्वकोडी बावीसाए वाससहस्सेहिं अब्बहिया उक्कोसेणं चत्तारि पुव्वकोडीओ अट्ठासीतीए वाससहस्सेहिं अब्बहियाओ एवतियं कालं सेवेज्जा एवतियं कालं गतिरागतिं करेज्जा जइ सण्णिपंचिंदियतिरिक्खजोणिएहिंतो उववज्जति-किं संखेज्जवासाउय असंखेज्जवासाउय गोयमा संखेज्जवासाउय नो असंखेज्जवासाउय जइ संखेज्जवासाउय किं जलचरेहिंतो सेसं जहा असण्णीणं जाव- ते णं भंते जीवा एगसमएणं केवतिया उववज्जति एवं जहा रयणणभाए उववज्जमाणस्स सण्णिस्स तहेव इह वि नवरं-ओगाहणा जहण्णेणं अंगुलस्स असंखेज्जभागं उक्कोसेणं जोयणसहस्सं सेसं तहेव जाव कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ अट्ठासीतीए वाससहस्सेहिं अब्बहियाओ एवतियं कालं सेवेज्जा एवतियं कालं

गतिरागतिं करेज्जा एवं संवेहो नवसु वि गमएसु जहा असण्णीणं तहेव निरवसेसो लद्धी से आदिअएसु तिसु वि गमएसु एस चेव मज्झिअएसु तिसु वि गमएसु एस चेव नवरं-इमाइं नव नाणत्ताइं-ओगाहणा जहण्णेणं अंगुलस्स अंसखेज्जतिभागं उक्कोसेणं अंगुलस्स अंसखेज्जतिभागं तिण्णि लेसाओ भिच्छादिद्वी दो अन्नाणा कायजोगी तिण्णि समुधाया ठिती जहण्णेणं अंतोमुहुत्तं उक्कोसेणं वि अंतोमुहुत्तं अप्पसत्था अज्झवसाणा अनुबंधो जहा ठिती सेसं तं चेव पच्छिअएसु तिसु वि गमएसु जहेव पढमगमए नवरं-ठिती अनुबंधो य-जहण्णेणं पुव्वकोडी उक्कोसेणं वि पुव्वकोडी सेसं तं चेव ।७०३।-703

(८४८) जइ मणुस्सेहिंतो उववज्जति-किं सण्णिमणुस्सेहिंतो उववज्जति असण्णि मणुस्से-हिंतो उववज्जति गोयमा सण्णिमणुस्सेहिंतो उववज्जति असण्णिमणुस्सेहिंतो वि उववज्जति असण्णिमणुस्से णं भंते जे भविए पुढविकाइएसु उववज्जितए से णं भंते केवतिकालद्धितीएसु उववज्जेज्जा एवं जहा असण्णिपंचिदियतिरिक्खजोणियस्स जहण्णकालद्धितीयस्स तिण्णि गमगा तहा वि ओहिया तिण्णि गमगा भाणियव्वा तहेव निरवसेसं सेसा छ न भण्णाति जइ सण्णि-मणुस्सेहिंतो उववज्जति-किं संखेज्जवासाउय असंखेज्जवासाउय गोयमा संखेज्जवासाउय नो असंखेज्जवासाउय जइ संखेज्जवासाउय किं पज्जत्तासंखेज्जवासाउय अपज्जत्तासंखेज्जवासाउय गोयमा पज्जत्तासंखेज्जवासाउय अपज्जत्तासंखेज्जवासाउय जाव उववज्जति सण्णिमणुस्से णं भंते जे भविए पुढविकाइएसु उववज्जितए से णं भंते केवतिकालद्धितीएसु उववज्जति गोयमा जहण्णेणं अंतोमुहुत्तद्धितीएसु उक्कोसेणं वावीसयाससहस्सद्धितीएसु ते णं भंते जीवा एगसमएणं केवतिया उववज्जति एवं जहेव रयणप्पभाए उववज्जमाणस्स तहेव तिसु वि गमएसु लद्धी नवरं-ओगाहणा जहण्णेणं अंगुलस्स असंखेज्जइभागं उक्कोसेणं पंचधनुसयाइं ठिती जहण्णेणं अंतोमुहुत्तं उक्को-सेणं पुव्वकोडी एवं अनुबंधो संवेहो नवसु गमएसु जहेव सण्णिपंचिदियस्स मज्झिअएसु तिसु गमेसु लद्धी जहेव सण्णिपंचिदियस्स मज्झिअएसु तिसु सेसं तं चेव निरवसेसं पच्छिअ तिण्णि गमगा जहा एयस्स चेव ओहिया गमगा नवरं-ओगाहणा जहण्णेणं पंच घणुसयाइं उक्कोसेणं वि पंच घणुसयाइं ठिती अनुबंधो य जहण्णेणं पुव्वकोडी उक्कोसेणं वि पुव्वकोडी सेसं तहेव जइ देवेहिंतो उववज्जति-किं भवणवासिदेवेहिंतो उववज्जति वाणमंतरदेवेहिंतो जोइसियदेवेहिंतो वेमाणियदेवेहिंतो उववज्जति गोयमा भवणवासिदेवेहिंतो वि उववज्जति जाव वेमाणियदेवेहिंतो वि उववज्जति जइ भवणवासिदेवेहिंतो उववज्जति-किं असुरकुमारभवणवासिदेवेहिंतो उववज्जति जाव धणियकुमारभवणवासिदेवेहिंतो उववज्जति गोयमा असुरकुमारभवणवासिदेवेहिंतो उव-वज्जति जाव धणियकुमारभवणवासिदेवेहिंतो उववज्जति

असुरकुमारेणं भंते जे भविए पुढविकाइएसु उववज्जितए से णं भंते केवतिकालद्धितीएसु उववज्जेज्जा ते णं भंते जीवा [एगमगसमएणं केवतिया उववज्जति] गोयमा जहण्णेणं एकको वा दो वा तिण्णि वा उक्कोसेणं संखेज्जा वा असंखेज्जा वा उववज्जति तेसि णं भंते जीवाणं सरीरगा किंसंघयणी पत्रत्ता गोयमा छण्हं संघयणाणं असंघयणी जाव परिणमंति तेसि णं भंते जीवाणं केमहालिया सरीरगाहणा गोयमा दुविहा सरीरगाहणा पत्रत्ता तं जहा-भवधारणिज्जा य उत्तरवेउब्बिया य तत्थ णं जा सा भवधारणिज्जा सा जहण्णेणं अंगुलस्स असंखेज्जइभागं उक्कोसेणं सत्त रयणीओ तत्थ णं जा सा उत्तरवेउब्बिया सा जहण्णेणं अंगुलस्स संखेज्जइभागं उक्कोसेणं

जोयणसयसहस्सं तेसि णं भंते जीवाणं सरीरगा किसंठिया पन्नत्ता गोयमा दुविहा पन्नत्ता तं जहा-
भवधारणिज्जा य उत्तरवेउब्बिया य तत्थ णं जे ते भवधारणिज्जा ते समचरउससंठिया पन्नत्ता तत्थ
णं जे ते उत्तरवेउब्बिया ते नाणासंठिया पन्नत्ता लेस्साओ चत्तारि दिट्ठी तिविहा वि तिण्णि नाणा
नियमं तिण्णि अण्णाणा मयणाए जोगो तिविहो वि उवओगो दुविहो वि चत्तारि सण्णाओ चत्तारि
कसाया पंच इंदिया पंच समुग्धाया देयणा दुविहा वि इत्थिवेदगा वि पुरिसवेदगा वि नो
नपुंसगवेदगा ठिती जहण्णेणं दसवाससहस्साइ उक्कोसेणं सातिरेगं सागरोवमं अज्झवसाणा
असंखेज्जा पसत्था वि अप्सत्था वि अनुबंधो जहा ठिती भवादेसेणं दो भवग्गहणाइं कालादेसेणं
जहण्णेणं दसवाससहस्साइ अंतोमुहुत्तमब्भहियाइं उक्कोसेणं सातिरेगं सागरोवमं बावीसाए
वाससहस्सेहिं अब्भहियं एवतियं कालं सेवेज्जा एवतियं कालं गतिरागतिं करेज्जा एवं नव वि गमा
नेयव्वा नवरं-मज्झिज्जएसु पच्छिज्जएसु तिसु गमएसु असुरकुमाराणं ठिइविसेसो जाणियव्वो सेसा
ओहिया चेव लद्धी कायसंवेहं च जाणेज्जा सब्बत्थ दो भवग्गहणाइं जाव नवमगमाए कालादेसेणं
जहण्णेणं सातिरेगं सागरोवमं बावीसाए वाससहस्सेहिं अब्भहियं उक्कोसेणं वि सातिरेगं
सागरोवमं बावीसाए वाससहस्सेहिं अब्भहियं एवतियं कालं सेवेज्जा एवतियं कालं गतिरागतिं
करेज्जा नागकुमारेणं भंते जे भविए पुढविक्काइएसु एस चेव वत्तव्वया जाव भवादेसो ति नवरं-
ठिती जहण्णेणं दसवाससहस्साइ उक्कोसेणं देसूणाइं दो पलिओवमाइं एवं अनुबंधो वि
कालादेसेणं जहण्णेणं दसवाससहस्साइ अंतोमुहुत्तमब्भहियाइं उक्कोसेणं देसूणाइं दो पलि-
ओवमाइं बावीसाए वाससहस्सेहिं अब्भहियाइं एवं नव वि गमगा असुरकुमारागमगसरिसा नवरं
ठितिं कालादेसं च जाणेज्जा एवं जाव थणियकुमाराणं

जइ वाणमंतरेहिंतो उववज्जति-किं पिसायवाणमंतरदेवेहिंतो जाव गंधव्व वाणमंतरदेवे-
हिंतो गोयमा पिसायवाणमंतरदेवेहिंतो जाव गंधव्ववाणमंतरदेवेहिंतो वाणमंतरदेवे णं भंते जे
भविए पुढविक्काएसु उववज्जितए एतेसिं पि असुरकुमारागमगसरिसा नव गमगा भाणियव्व
नवरं-ठितिं कालादेसं च जाणेज्जाठिती जहण्णेणं दसवाससहस्साइ उक्कोसेणं पलिओवमं सेसं
तहेव जइजोइसियदेवेहिंतो उववज्जति-किं चंदविमाणजोइसियदेवेहिंतो उववज्जति जाव
ताराविमाणजोइसियदेवेहिंतो गोयमा चंदविमाण जाव ताराविमाण जोइसियदेवे णं भंते जे भविए
पुढविक्काइएसु उववज्जितए लद्धी जहा असुरकुमाराणं नवरं-एगा तेउलेस्सा पन्नत्ता तिण्णि
नाणा तिण्णि अण्णाणा नियमं ठिती जहण्णेणं अट्ठभागपलिओवमं उक्कोसेणं पलिओवमं
वाससय- सहस्समब्भहियं एवं अनुबंधो वि कालादेसेणं जहण्णेणं अट्ठभागपलिओवमं अंतोमुहुत्त-
मब्भहियं उक्कोसेणं पलिओवमं वाससयसहस्सेणं बावीसाए वाससहस्सेहिं अब्भहियं एवतियं
कालं सेवेज्जा एवतियं कालं गतिरागतिं करेज्जा एवं सेसा वि अट्ठ गमगा भाणियव्व नवरं-ठितिं
कालादेसं च जाणेज्जा जइ वेमाणियदेवेहिंतो उववज्जति-किं कप्पोवावेमाणियदेवेहिंतो कप्पतीता-
वेमाणियदेवेहिंतो गोयमा कप्पोवावेमाणियदेवेहिंतो नो कप्पतीतावेमाणियदेवेहिंतो जइ कप्पोवा-
वेमाणियदेवेहिंतो उववज्जति-किं सोहम्मकप्पोवावेमाणियदेवेहिंतो जाव अद्युयकप्पो वा वेमाणिय-
देवेहिंतो गोयमा सोहम्मकप्पोवावेमाणियदेवेहिंतो ईसाणकप्पोवावेमाणियदेवेहिंतो नो सणंकुमार
जाव नो अद्युयकप्पोवावेमाणियदेवेहिंतो सोहम्म देवे णं भंते जे भविए पुढविक्काइएसु उव-
वज्जितए से णं भंते केवतिकालड्ढितीएसु उववज्जेज्जा एवं जहा जोइसियस्स गमगो नवरं-ठिती

अनुबंधो य जहण्णेणं पलिओवमं उक्कोसेणं दो सागरोवमाइं कालादेसेणं जहण्णेणं पलिओवमं अंतोमुहुत्त- मव्यहिया उक्कोसेणं दो सागरोवमाइं बावीसाए वाससहस्सेहिं अब्बहियाइं एवतियं कालं सेवेज्जा एवतियं कालं गतिरागतिं करेज्जा एवं सेसा वि अट्ठ गमगा भाणियव्वा नवरं-ठिति कालादेसं च जाणेज्जा ईसाणदेवे णं भंते जे भविए एवं ईसाणदेवेण वि नव गमगाभाणियव्वा नवरं-ठिती अनुबंधो जहण्णेणं सातिरेगं पलिओवमं उक्कोसेणं सातिरेगाइं दो सागरोवमाइं सेसं तं चेव सेवं भंते सेवं भंते ति जाव विहरइ । ७०४१-७०३

● चउवीसइमे सते बारसमो उद्देशो सप्तो ●

—: ते र स मो—उ दे सो :—

(८४९) आउक्काइया णं भंते कओहिंतो उववज्जति एवं जहेव पुढविक्काइयउद्देसए जाव-पुढविक्काइए णं भंते जे भविए आउक्काइएसु उववज्जितए से णं भंते केवतिकालद्धितीएसु उववज्जेज्जा गोयम जहण्णेणं अंतोमुहुत्तद्धितीएसु उक्कोसेणं सत्तवाससहस्सद्धितीएसु उववज्जेज्जा एवं पुढविक्काइयउद्देसगसरिसो भाणियव्वो नवरं-ठितिं संवेहं च जाणेज्जा सेसं तहेव सेवं भंते सेवं भंते ति । ७०५१-७०४

● चउवीसइमे सते तेरसमो उद्देशो सप्तो ●

—: चो इ स मो—उ दे सो :—

(८५०) तेउक्काइया णं भंते कओहिंतो उववज्जति एवं पुढविक्काइयुद्देसगसरिसो उद्देशो भाणियव्वो नवरं-ठितिं संवेहं च जाणेज्जा देवेहिंतो न उववज्जति सेसं तं चेव सेवं भंते सेवं भंते ति जाव विहरइ । ७०६१-७०५

● चउवीसइमे सते बोदसमो उद्देशो सप्तो ●

—: प त्र र स मो—उ दे सो :—

(८५१) वाउक्काइया णं भंते कओहिंतो उववज्जति एवं जहेव तेउक्काइयउद्देसओ तहेव नवरं-ठितिं संवेहं च जाणेज्जा सेवं भंते सेवं भंते ति । ७०७१-७०६

● चउवीसइमे सते पन्नरसमो उद्देशो सप्तो ●

—: सो ल स मो—उ दे सो :—

(८५२) वणस्सइकाइया णं भंते कओहिंतो उववज्जति एवं पुढविक्काइयसरिसो उद्देशो नवरं-जाहे वणस्सइकाइओ वणस्सइकाइएसु उववज्जति तारे पढमवितिय-चउत्थ-पंचमेसु गमएसु परिमाणं अनुसमवं अविरहियं अनंता उववज्जति भवादेसेणं जहण्णेणं दो भवग्गहणाइं उक्कोसेणं अनंताइं भवग्गहणाइं कालादेसेणं जहण्णेणं दो अंतोमुहुत्ता उक्कोसेणं अनंतं कालं एवतियं कालं सेवेज्जा एवतियं कालं गतिरागतिं करेज्जा सेसा पंच गमा अट्ठभग्गहणिया तहेव नवरं-ठिति संवेहं च जाणेज्जा सेवं भंते सेवं भंते ति । ७०८१-७०७

● चउवीसइमे सते सोलसमो उद्देशो सप्तो ●

—: स त्त र स मो—उ दे सो :—

(८५३) बेइंदिया णं भंते कओहिंतो उववज्जति जाव-पुढविक्काइए णं भंते जे भविए बेइंदिएसु उववज्जितए से णं भंते केवतिकालद्धितीएसु उववज्जेज्जा सवेव पुढविक्काइयस्स लद्धी जाव कालादेसेणं जहण्णेणं दो अंतोमुहुत्तं उक्कोसेणं संखेज्जाइं भवग्गहणाइं-एवतियं कालं सेवेज्जा एवतियं कालं गतिरागतिं करेज्जा एवं तेसु चेव चउसु गमेसु संवेहो सेसेसु पंचसु तहेव अट्ठ भवा एवं

जाव चउरिदिणं समं चउसु संखेज्जा भवा पंचसु अद्वा भवा पंचिदियतिरिक्खजोणियमणुस्सेसु समं तहेव अद्वा भवा देवेसु न उव्वजंति ठितिं संवेहं च जाणेज्जा सेवं भंते सेवं भंते ति ॥७०९१-७०८

● चउवीसइमे सते सत्तरसमो उद्देसो सपत्तो ●

—: अ द्वा र स मो—उ दे सो :-

(८५४) तेइदिया णं भंते कओहिंतो उववजंति एवं तेइदियाणं जहेव वेइदियाणं उद्देसो नवरं-ठितिं संवेहं च जाणेज्जा तेउक्काइएसु समं ततियगमे उक्कोसेणं अडुत्तराई वे राईदियसयाई वेइदिएहिं समं ततियगमे उक्कोसेणं अडयालीसं संवच्छराई छन्नउराईदियसतमब्भियाई तेइदिएहिं समं ततियगमे उक्कोसेणं बाणउयाई तिण्णि राईदियसयाई एवं सच्चत्थ जाणेज्जा जाव सण्णिमणुस्स ति सेवं भंते ति ॥७१०१-७०९

● चउवीसइमे सते अद्दारसमो उद्देसो सपत्तो ●

—: ए गू ण बी स इ मो—उ दे सो :-

(८५५) चउरिदिया णं भंते कओहिंतो उववजंति जहा तेइदियाणं उद्देसओ तहेव चउरि-दियाणं वि नवरं-ठितिं संवेहं च जाणेज्जा सेवं भंते सेवं भंते ति ॥७१११-७१०

● चउवीसइमे सते एणवीसइमो उद्देसो सपत्तो ●

—: बी स इ मो—उ दे सो :-

(८५६) पंचिदियतिरिक्खजोणिया णं भंते कओहिंतो उववजंति-किं नेरइएहिंतो उववजंति तिरिक्खजोणिएहिंतो उववजंति मणुस्सेहिंतो देवेहिंतो उववजंति गोयमा नेरइएहिंतो उववजंति तिरिक्खजोणिएहिंतो मणुस्सेहिंतो वि देवेहिंतो वि उववजंति जइ नेरइएहिंतो उववजंति-किं रयणप्पमपुढविनेरइएहिंतो उववजंति जाव अहेसत्तमपुढविनेरइएहिंतो उववजंति गोयमा रयणप्पमपुढविनेरइएहिंतो उववजंति जाव अहेसत्तमपुढविनेरइएहिंतो उववजंति रयणप्प-पुढविनेरइए णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्तद्धितीएसु उक्को-सेणं पुव्वकोडिआउएसु उववज्जेज्जा ते णं भंते जीवा एणसमएणं केवइया उववजंति एवं जहा असुक्कुमारणं वत्तव्वया नवरं-संधयणे पोगला अणिद्वा अकंता जाव परिणमंति ओगाहणा दुविहा पत्रत्ता तं जहा-भवधारणिज्जा उत्तरवेउव्विया य तत्थ णं जा सा भवधारणिज्जा सा जहण्णेणं अंगुलस्स असंखेज्जइभागं उक्कोसेणं सत्त धणूई तिण्णि रयणीओ छंछंगुलाई तत्थ णं जा सा उत्तरवेउव्विया सा जहण्णेणं अंगुलस्स संखेज्जइभागं उक्कोसेणं पन्नरस धणूई अइडाइज्जाओ रयणीओ तेसि णं भंते जीवाणं सरीरगा किंसंठिया पत्रत्ता गोयमा दुविहा पत्रत्ता तं जहा-भवधारणिज्जा य उत्तरवेउव्विया य तत्थ णं जे ते भवधारणिज्जा ते हुंडसंठिया पत्रत्ता तत्थ णं जे ते उत्तरवेउव्विया णं जे ते भवधारणिज्जा ते हुंडभसंठिया पत्रत्ता तत्थ णं जे ते उत्तरवेउव्विया ते वि हुंडसंठिया पत्रत्ता एगा काउलेस्सा पत्रत्ता समुग्धाया चत्तारि नो इत्थिवेदगा नो पुरिसवेदगा नपुंसगवेदगा ठिती जहण्णेणं दसवाससहस्साई उक्कोसेणं सागरोवमं एवं अनुबंधो वि सेसं तहेव भवादेसेणं जहण्णेणं दो भवग्गहणाई उक्कोसेणं अद्वा भवग्गहणाई कालादेसेणं जहण्णेणं दसवाससहस्साई अंतोमुहुत्तमब्भियाई उक्कोसेणं चत्तारि सागरोवमाई चउहिं पुव्वकोडीहिं अब्भियाई एवतियं कालं सेवेज्जा एवतियं कालं गतिरागतिं करेज्जा सो येव जहण्णकालद्धितीएसु उववज्जो जहण्णेणं अंतोमुहुत्तद्धितीएसु उक्कोसेणं वि अंतोमुहुत्तद्धितीएसु अवसेसं तहेव नवरं-

कालादेसेणं जहण्णेणं तहेव उक्कोसेणं चत्तारि सागरोवमाइं चउहिं अंतोमुहुत्तेहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं सेसा वि सत्त गमगा भाणियव्वा जहेव नेरइयउद्देसए सण्णिएंविदिएहिं समं नेरइयाणं मज्झिमएसु तिसु गमएसु पच्छिमएसु य तिसु गमएसु ठितिनाणत्तं भवति सेसं तं चेव सव्वत्थ ठितिं संवेहं च जाणेज्जा [सक्करप्पभापुढविनेरइए णं भंते जे भविए पंचिंदियतिरिक्खजोणिएसु उववज्जितए एवं जहा रयणप्पभाए नव गमगा तहेव

सक्करप्पभाए वि नवरं-सरीरोगाहणा जहा ओगाहणसंठाणे तिण्णि नाणा तिण्णि अण्णाणा नियमं ठिती अनुबंधा पुव्वभणिया एवं नव वि गमगा उवजुजिऊण भाणियव्वा एवं जाव छट्ठपुढवी नवरं-ओगाहणा लेस्सा-ठिती-अनुबंधा संवेहो य जाणियव्वा अहेसत्तमपुढवीनेरइयए णं भंते जे भविए पंचिंदियतिरिक्खजोणिएसु उववज्जितए एवं चेव नव गमगा नवरं-ओगाहणा-लेस्सा-ठिति-अनुबंधा जाणियव्वा संवेहो भवादेसेणं जहण्णेणं दो भवग्गहणाइं उक्कोसेणं छव्व-वग्गहणाइं कालादेसेणं जहण्णेणं यावीसं सागरोवमाइं अंतोमुहुत्तमब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा आदिअएसु छसु वि गमएसु जहण्णेणं दो भवग्गहणाइं उक्कोसेणं छ भवग्गहणाइं पच्छिअएसु तिसु गमएसु जहण्णेणं दो भवग्गहणाइं उक्कोसेणं चत्तारि भवग्गहणाइं लद्धी नवसु वि गमएसु जहा पढमगमए नवरं-ठितीविसेसो कालादेसो य वितियगमएसु जहण्णेणं बावीसं सागरोवमाइं अंतोमुहुत्तमब्भहियाइं उक्कोसेणं छावट्ठिं सागरोवमाइं तिहिं अंतोमुहुत्तेहिं अब्भ-हियाइं एवतियं कालं सेवेज्जा एवतियं कालं गतिरागतिं करेज्जा तइयगमए जहण्णेणं बावीसं सागरोवमाइं पुव्वकोडीए अब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं अब्भ-हियाइं चउत्थगमए जहण्णेणं बावीसं सागरोवमाइं अंतोमुहुत्तमब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं अब्भहियाइं पंचमगमए जहण्णेणं बावीसं सागरोवमाइं अंतो-मुहुत्तमब्भहियाइं उक्कोसेणं छावट्ठिं सागरोवमाइं तिहिं अंतोमुहुत्तेहिं अब्भहियाइं छट्ठमगए जहण्णेणं बावीसं सागरोवमाइं पुव्वकोडीहिं अब्भहियाइं उक्कोसेणं छावट्ठिं सागरोवमाइं तिहिं पुव्वकोडीहिं अब्भहियाइं सत्तमगमए जहण्णेणं तेत्तीसं सागरोवमाइं अंतोमुहुत्तमब्भहियाइं उक्कोसेणं छावट्ठिं सागरोवमाइं दोहिं पुव्वकोडीहिं अब्भहियाइं अट्ठमगमए जहण्णेणं तेत्तीसं सागरोवमाइं अंतोमुहुत्तमब्भहियाइं उक्कोसेणं छावट्ठिं सागरोवमाइं दोहिं पुव्वकोडीहिं अब्भहियाइं अट्ठमगमए जहण्णेणं तेत्तीसं सागरोवमाइं पुव्वकोडीहिं अब्भहियाइं उक्कोसेणं छावट्ठिं साग-रोवमाइं दोहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा

जइ तिरिक्खजोणिएहिंतो उववज्जंति-किं एगिंदियतिरिक्खजोणिएहिंतो एवं उववाओ जहा पुढविकाइयउद्देसए जाव-पुढविकाइए णं भंते जे भविए पंचिंदियतिरिक्खजोणिएसु उववज्जितए से णं भंते केवतिकालद्धितीएसु उववज्जेज्जा गोयम जहण्णेणं अंतोमुहुत्तद्धितीएसु उक्कोसेणं पुव्वकोडीआउएसु उववज्जेज्जा ते णं भंते जीवा एगसमएणं केवतिया उववज्जंति एवं परिमाणादीया अनुबंधपञ्जवसाणा जच्चेव अप्पणो सट्ठाणे यत्तव्वया सट्ठेव पंचिंदियतिरिक्खजो-णिएसु वि उववज्जमाणस्स भाणियव्वा नवरं-नवसु वि गमएसु परिमाणे जहण्णेणं एकको वा दो वा तिण्णि वा उक्कोसेणं संखेज्जा वा असंखेज्जा वा उववज्जंति भवादेसेणं वि नवसु वि गमएसु जहण्णेणं दो भवग्गहणाइं उक्कोसेणं अट्ठ भवग्गहणाइं सेसं तं चेव कालादेसेणं उभओ ठितीए

करेजा जइ आउक्काएइएहिंतो उववज्जति एवं आउक्काइयाणं वि एवं जाव चउरिंदिया उववाएयव्वा नवरं-सव्वत्थ अप्पणो लद्धी भाणियव्वा नवसु वि गमएसु भवादेसेणं जहण्णेणं दो भवग्गहणाइं उक्कोसेणं अद्द भवग्गहणाइं कालादेसेणं उधओ ठितं करेजा सव्वेसिं सव्वग्गमएसु सव्वग्गमएसु जहेव पुढविक्काइएसु उववज्जमाणं लद्धी तहेव सव्वत्थ ठितं संवेहं च जाणेजा जइ पंचिंदियतिरिक्खजोणिएहिंतो उववज्जति-किं सण्णिपंचिंदियतिरिक्खजोणिएहिंतो उववज्जति असण्णिपंचिंदियतिरिक्खजोणिएहिंतो उववज्जति गोयमा सण्णिपंचिंदिय असण्णिपंचिंदिय भेओ जहेव पुढविक्काइएसु उववज्जमाणस्स जाव-असण्णिपंचिंदियतिरिक्खजोणिए णं भंते जे भविए पंचिंदियतिरिक्खजोणिएसु उववज्जित्तए से णं भंते केवतिकालड्ढितीएसु उववज्जेजा गोयमा जहण्णेणं अंतोमुहुत्तड्ढितीएसु उक्कोसेणं पलिओवमस्स असंखेज्जइ भागड्ढितीए उववज्जेजा ते णं भंते जीवा एगसमएणं केवतिया उववज्जति अवसेसं जहेव पुढविक्काइएसु उववज्जमाणस्स असण्णिस्स तहेव निरवसेसं जाव भवादेसो त्ति कालादेसेणं जहण्णेणं दो अंतोमुहुत्ता उक्कोसेणं पलिओवमस्स असंखेज्जइभागं पुव्वकोडिपुत्तमब्भहियं एवतियं कालं सेवेजा एवतियं कालं गतिरागतिं करेजा वितियगमए एस चेव लद्धी नवरं-कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ एवतियं कालं सेवेजा एवतियं कालं गतिरागतिं करेजा

सो चेव उक्कोसकालड्ढितीएसु उववण्णो जहण्णेणं पलिओवमस्स असंखेज्जइभागड्ढितीएसु उक्कोसेणं वि पलिओवमस्स असंखेज्जइभागड्ढितीएसु उववज्जेजा ते णं भंते जीवा एगसमएणं केवतिया उववज्जति एवं जहा रवणप्पभाए उववज्जमाणस्स असण्णिस्स तहेव निरवसेसं जाव कालादेसो त्ति नवरं-परिमाणे जहण्णेणं एक्को वा दो वा तिण्णि वा उक्कोसेणं संखेजा उववज्जति सेसं तं चेव सो चेव अप्पणा जहण्णकालड्ढितीओ जाओ जहण्णेणं अंतोमुहुत्तड्ढितीएसु उक्कोसेणं पुव्वकोडिआउएसु उववज्जेजा ते णं भंते जीवा एगसमएणं केवतिया उववज्जति अवसेसं जहा एयस्स पुढविक्काइएसु उववज्जमाणस्स मज्झिमेसु तिसु गमेसु तथा इह वि मज्झिमेसु तिसु गमएसु जाव अनुबंभो त्ति भवादेसेणं जहण्णेणं दो भवग्गहणाइं उक्कोसेणं अद्द भवग्गहणाइं कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ सो चेव जहण्णकालड्ढितीएसु उववण्णो एस चेव वत्तव्वया नवरं-कालादेसेणं जहण्णेणं दो अंतोमुहुत्ता एवतियं कालं सेवेजा एवतियं कालं गतिरागतिं करेजा सो चेव उक्कोसकालड्ढितीएसु उववण्णो जहण्णेणं पुव्वकोडिआउएसु उक्कोसेणं वि पुव्वकोडिआउएसु उववज्जेजा एस चेव वत्तव्वया नवरं-कालादेसेणं जाणेजा सो चेव अप्पणा उक्कोसकालड्ढितीओ जाओ सच्चेव पढमगमगवत्तव्वया नवरं-ठिती जहण्णेणं पुव्वकोडी उक्कोसेणं वि पुव्वकोडी सेसं तं चेव कालादेसेणं जहण्णेणं पुव्वकोडी अंतोमुहुत्तमब्भहिया उक्कोसेणं पलिओवमस्स असंखेज्जइभागं पुव्वकोडिपुहत्तमब्भहियं एवतियं कालं सेवेजा एवतियं कालं गतिरागतिं करेजा सो चेव जहण्णकालड्ढितीएसु उववण्णो एस चेव वत्तव्वया जहा सत्तमगमे नवरं-कालादेसेणं जहण्णेणं पुव्वकोडी अंतोमुहुत्त-मब्भहिया उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ एवतियं कालं सेवेजा एवतियं कालं गतिरागतिं करेजा सो चेव उक्कोसकालड्ढितीएसु उववण्णो पलिओवमस्स असंखेज्जइभागं उक्कोसेणं वि पलिओवमस्स

असंखेज्जइभागं एवं जहा रयणप्पभाए उववज्जमाणस्स असण्णिस्स नवमगमए तहेव निरवसेसं जाव कालादेसो त्ति नवरं-परिमाणं जहा एयस्सेव ततियगमे सेसं तं चेव जइ सण्णिपंचिदिय-तिरिक्खजोणिएहिंतो उववज्जंति-किं संखेज्जवासाउय असंखेज्जवासाउय गोयमा संखेज्जवासाउय नो असंखेज्जवासाउय जइ संखेज्ज-वासाउय जाव किं पज्जत्तसंखेज्जवासाउय अपज्जत्तसंखेज्जवासाउय दोसु वि संखेज्जवासाउयसण्णिपंचिदियतिरिक्खजोणिए णं भंते जे भविए पंचिदिय तिरिक्खजोणिएसु उववज्जितए से णं भंते केवतिकालड्वितीएसु उववज्जेज्जा गोयम जहण्णेणं अंतोमुहुत्तड्वितीएसु उक्कोसेणं तिपलिओवमड्वितीएसु उववज्जेज्जा ते णं भंते जीवा एगसमएणं केवतिया उववज्जंति अवसेसं जहा एयस्स चेव सण्णिस्स रयणप्पभाए उववज्जमाणस्स पढमगमए नवरं-ओगाहणा जहण्णेणं अंगुलस्स असंखेज्जइभागं उक्कोसेणं जोयणसहस्सं सेसं तं चेव जाव भवादेसो त्ति कालादेसेणं जहण्णेणं दो अंतोमुहुत्ता उक्कोसेणं तिण्णि पलिओवमाइं पुव्वकोडी पुहत्तमब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्ण-कालड्वितीएसु उववण्णो एस चेव वत्तव्वया नवरं-कालादेसेणं जहण्णेणं दो अंतोमुहुत्ता उक्कोसेणं घत्तारि पुव्वकोडीओ चउहिं अंतोमुहुत्तेहिं अब्भहियाओ सो चेव उक्कोसकालड्वितीएसु उववण्णो जहण्णेणं तिपलिओवमड्वितीएसु उक्कोसेणं वि तिपलिओवमड्वितीएसु उववज्जेज्जा एस चेव वत्तव्वया नवरं-परिमाणं जहण्णेणं एक्को वा दो वा तिण्णि वा उक्कोसेणं संखेज्जा उववज्जंति ओगाहणा जहण्णेणं अंगुलस्स असंखेज्जइभागं उक्कोसेणं जोयणसहस्सं सेसं तं चेव जाव-अनुबंधो त्ति भवादेसेणं दो भवगहणाइं कालादेसेणं जहण्णेणं तिण्णि पलिओवमाइं अंतो-मुहुत्तमब्भहियाइं उक्कोसेणं तिण्णि पलिओवमाइं पुव्वकोडीए अब्भहियाइं

सो चेव अण्णया जहण्णकालड्वितीओ जातो जहण्णेणं अंतोमुहुत्तड्वितीएसु उक्कोसेणं पुव्वकोडीआउएसु उववज्जेज्जा लद्धी से जहा एयस्स चेव सण्णिपंचिदियस्स पुढविक्काएसु उववज्जमाणस्स मज्झिइएसु तिसु गमएसु सत्तेव इह वि मज्झिमेसु तिसु गमएसु कायव्वा संवेहो जहेव एत्थ चेव असण्णिस्स मज्झिमेसु तिसु गमएसु सो चेव अण्णया उक्कोसकालड्वितीओ जाओ जहा पढमगमओ नवरं-ठिती अनुबंधो जहण्णेणं पुव्वकोडी उक्कोसेणं वि पुव्वकोडी कालादेसेणं जहण्णेणं पुव्वकोडी अंतोमुहुत्तमब्भहिया उक्कोसेणं तिण्णि पलिओवमाइं पुव्वकोडीपुहत्त-मब्भहियाइं सो चेव जहण्णकालड्वितीएसु उववण्णो एस चेव वत्तव्वया नवरं कालादेसेणं-जहण्णेणं पुव्वकोडी अंतोमुहुत्तमब्भहिया उक्कोसेणं घत्तारि पुव्वकोडीओ चउहिं अंतोमुहुत्तेहिं अब्भहियाओ सो चेव उक्कोसेकालड्वितीएसु उववण्णो जहण्णेणं तिपलिओवमड्वितीएसु उक्को-सेणं वि तिपलिओवमड्वितीएसु उवसेसं तं चेव नवरं-परिमाणं ओगाहणा य जहा एयस्सेव तइयगमए भवादेसेणं दो भवगहणाइं कालादेसेणं जहण्णेणं तिण्णि पलिओवमाइं पुव्वकोडीए अब्भहियाइं उक्कोसेणं तिण्णि पलिओवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा जइ मणुस्सेहिंतो उववज्जंति-किं सण्णिमणुस्सेहिंतो असण्णि-मणुस्सेहिंतो गोयमा सण्णिमणुस्सेहिंतो वि असण्णिमणुस्सेहिंतो वि उववज्जंति असण्णिमणुस्से णं भंते जे भविए पंचिदियतिरिक्खजोणिएसु उववज्जितए से णं भंते केवतिकालड्वितीएसु उववज्जेज्जा गोयमा जहण्णेणं अंतोमुहुत्तड्वितीएसु उक्कोसेणं पुव्वकोडीआउएसु उववज्जेज्जा लद्धी से तिसु वि गमएसु जहेव पुढविक्काइएसु उववज्जमाणस्स संवेहो जहा एत्थ चेव असण्णिपंचिदियस्स

मज्झिमेसु तिसु गमएसु तहेव निरवसेसो भाणियव्वो जइ सण्णिमणुस्सेहिंतो उववज्जति-किं संखेज्जवासाउयसण्णिमणुस्सेहिंतो असंखेज्जवासाउयसण्णिमणुस्सेहिंतो गोयमा संखेज्जवासाउय नो असंखेज्जवासाउय जइ संखेज्जवासाउय किं पज्जत अपज्जत गोयमा पज्जतसंखेज्जवासाउय अपज्जतसंखेज्जवासाउय सण्णिमणुस्से णं भंते जे भविए पंचिदियतिरिक्खजोणिएसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्तद्धितीएसु उक्कोसेणं तिपलिओवमद्धितीएसु उववज्जेज्जा ते णं भंते जीवा एगसमएणं केवतिया उववज्जति लद्धी से जहा एवस्सेव सण्णिमणुस्सस्स पुढविक्काइएसु उववज्जमाणस्स पढमगमए जाव-भवादेसो ति काला-देसेणं जहण्णेणं दो अंतोमुहुत्ता उक्कोसेणं तिण्णि पलिओवमाइं पुव्वकोडिपुहत्तमब्भहियाइं सो चेव जहण्णकालद्धितीएसु उववण्णो एस चेव वत्तव्वया नवरं-कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ सो चेव उक्कोसकाल-द्धितीएसु उववण्णो जहणेणं तिपलिओवमद्धितीएसु उक्कोसेणं वि तिपलिओवमद्धितीएसु सच्चेव वत्तव्वया नवरं-ओगाहणा जहण्णेणं अंगुलपुहत्तं उक्कोसेणं पंच घणुसयाइं ठिती जहण्णेणं मासपुहत्तं उक्कोसेणं पुव्वकोडी एवं अनुबंधो वि भवादेसेणं दो भवग्गहणाइं कालादेसेणं जहणेणं तिण्णि पलिओवमाइं मासपुहत्तमब्भहियाइं उक्कोसेणं तिण्णि पलिओवमाइं पुव्वको-डीए अब्भहियाइं-एवतियं कालं सेवेज्जा एवतियं कालं गतिरागतिं करेज्जा

सो चेव अप्पणा जहण्णकालद्धितीओ जाओ जहा सण्णिपंचिदियतिरिक्खजोणियस्स पंचिदियतिरिक्खजोणिएसु उववज्जमाणस्स मज्झिमेसु तिसु गमएसु वत्तव्वया भाणिया एस चेव एयस्स वि मज्झिमेसु तिसु गमएसु निरवसेसा भाणियव्वया नवरं-परिमाणं उक्कोसेणं संखेज्जा उववज्जति सेसं तं चेव सो चेव अप्पणा उक्कोसकालद्धितीओ जातो सच्चेव पढमगमगवत्तव्वया नवरं-ओगाहणा जहण्णेणं पंच घणुसयाइं उक्कोसेणं वि पंच घणुसयाइं ठिती अनुबंधो जहण्णेणं पुव्वकोडी उक्कोसेणं वि पुव्वकोडी सेसं तहेव जाव भवादेसो ति कालादेसेणं जहण्णेणं पुव्वकोडी अंतोमुहुत्तमब्भहिया उक्कोसेणं तिण्णि पलिओवमाइं पुव्वकोडिपुहत्तमब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्धितीएसु उववण्णो एस चेव वत्तव्वया नवरं-कालादेसेणं जहण्णेणं पुव्वकोडी अंतोमुहुत्तमब्भहिया उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ सो चेव उक्कोसकालद्धितीएसु उववण्णा जहण्णेणं तिण्णि पलिओवमाइं उक्कोसेणं वि तिण्णि पलिओवमाइं एस चेव लद्धी जहेव सत्तमगमे भवादेसेणं दो भवग्गहणाइं कालादेसेणं जहण्णेणं तिण्णि पलिओवमाइं पुव्वकोडीए अब्भहियाइं उक्कोसेणं वि तिण्णि पलिओवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा जइ देवेहिंतो उववज्जति-किं भवणवासिदेवेहिंतो उववज्जति द्वाणमंतरजोइसिय-वेभाणियदेवेहिंतो गोयमा भवणवासिदेवेहिंतो जाव वेभाणियदेवेहिंतो वि जइ भवणवासिदेवेहिंतो-किं असुरकुमार- भवणवासिदेवेहिंतो जाव धणियकुमारभवणवासिदेवेहिंतो गोयमा असुरकुमारा जाव धणियकुमार-भवणवासिदेवेहिंतो असुरकुमारे णं भंते जे भविए पंचिदियतिरिक्खजोणिएसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्तद्धितीएसु उक्कोसेणं पुव्वकोडि-आउएसु उववज्जेज्जा असुरकुमाराणं लद्धी नवसु वि गमएसु जहा पुढविक्काइएसु उववज्जमाणस्स एवं जाव ईसाणदेवस्स तहेव लद्धी

भवादेसेणं सव्यत्य अद्भु भवग्गहणाइं उक्कोसेणं जहण्णेणं दोण्णि भवग्गहणाइं ठित्तिं संवेहं च सव्यत्य जाणेज्जा नागकुमारे णं भंते जे भविए एस चेव वत्तव्वया नवरं-ठित्तिं संवेहं च जाणेज्जा एवं जाव धणियकुमारे जइ वाणमंतरेहिंतो किं पिसाप तहेव जाव-वाणमंतरे णं भंते जे भविए पंचिंदियतिरिक्खजोणिएसु उववज्जितए एवं चेव नवरं-ठित्तिं संवेहं च जाणेज्जा जइ जोतिसिय उववाओ तहेव जाव- जोतिसिए णं भंते जे भविए पंचिंदियतिरिक्खजोणिएसु उववज्जितए एस चेव वत्तव्वया जहा पुढविक्काइयउद्देसए भवग्गहणाइं नवसु वि गमेसु अद्भु जाव कालादेसेणं जहण्णेणं अद्भुभागपलिओवम अंतोमुहुत्तमव्वहियं उक्कोसेणं चत्तारि पलिओवमाइं चउहिं पुव्वकोडीहिं चउहिं य वाससयसहस्सेहिं अढ्महियाइं एयतियं कालं सेवेज्जा एयतियं कालं गतिरागतिं करेज्जा एवं नवसुं वि गमएसु नवरं-ठित्तिं संवेहं च जाणेज्जा जइ वेमाणियदेवेहिंतो किं कप्पोवावेमाणिय कप्पातीतावेमाणिय गोयमा कप्पोवावेमाणिय नो कप्पातीतावेमाणिय जइ कप्पोवा जाव सहस्सारकप्पोवगवेमाणियदेवेहिंतो वि उववज्जंति नो आपय जाव नो अद्युय-कप्पोवावेमाणिय सोहम्मदेवे णं भंते जे भविए पंचिंदियतिरिक्खजोणिएसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्तद्धितीएसु उक्कोसेणं पुव्वकोडीआउ-एसु सेसं जहेव पुढविक्काइयउद्देसए नवसु वि गमएसु नवरं-नवसु वि गमएसु जहण्णेणं दो भवग्गहणाइं उक्कोसेणं अद्भु भवग्गहणाइं ठित्तिं कालादेसं च जाणेज्जा एवं ईसाणदेवे वि एवं एएणं कमेणं अवसेसा वि जाव सहस्सारदेवेसु उववाएयव्वा नवरं-ओगाहणा जहा ओगाहणसंटाणे लेसास सणंकुमार-माहिंद-वंभलोएसु एगा पम्हलेस्सा सेसाणं एगा सुक्कलेस्सा वेदे नो इत्थिवेदगा पुरिसवेदगा नो नपुंसगवेदगा आउ-अनुबंधा जहा ठित्तिपदे सेसं जहेव ईसाणगाणं कायसंवेहं च जाणेज्जा सेवं भंते सेवं भंते ति । ७१२।-७११

● उववीसइने सते वीसइमो उद्देशो समत्तो ●

—: ए ग वी स इ मो—उ द्देशो :—

(८५७) मणुस्सा णं भंते कओहिंतो उववज्जंति-किं नेरइएहिंतो उववज्जंति जाव देवेहिंतो उववज्जंति गोयमा नेरइएहिंतो वि उववज्जंति जाव देवेहिंतो वि उववज्जंति एवं उववाओ जहा पंचिंदियतिरिक्खजोणिउद्देसए जाव तमापुढविनेरइएहिंतो वि उववज्जंति नो अहेसतमपुढ-विनेरइएहिंतो उववज्जंति रयणप्पमा पुढवि नेरइए णं भंते से भविए मणुस्सेसु उववज्जिते से णं भंते केवतिकालद्धितीएसु उववज्जेज्जा गोयमा जहण्णेणं मासपुहत्तद्धितीएसु उक्कोसेणं पुव्वकोडिआउ-एसु अवसेसा वत्तव्वया जहा पंचिंदियतिरिक्खजोणिएसु उववज्जेतस्स तहेव नवरं-परिमाणे जहण्णेणं एक्को वा दो वा तिण्णि वा उक्कोसेणं संखेज्जा उववज्जंति जहा तहिं अंतोमुहुत्तेहिं तथा इहं मासपुहत्तेहिं संवेहं करेज्जा सेसं तं चेव जहा रयणप्पभाए तथा सक्करप्पभाए वि वत्तव्वया नवरं-जहण्णेणं वासपुहत्तद्धितीएसु उक्कोसेणं पुव्वकोडी आउएसु ओगाहणा-लेस्सा-नाणद्धिती-अनुबंध-संवेह-नाणत्तं च जाणेज्जा जहेव तिरिक्खजोणियउद्देसए एवं जाव तमापुढविने-रइए जइ तिरिक्खजोणिएहिंतो उववज्जंति-किं एगिंदियतिरिक्खजोणिएहिंतो उववज्जंति जाव पंचिंदियति-रिक्खजोणिएहिंतो उववज्जंति गोयमा एगिंदियतिरिक्खजोणिएहिंतो भेदो जहा पंचिंदियतिरिक्ख-जोणियउद्देसए नवरं-तेउ-वाऊ-पडिसेहेयव्वा सेसे तं चेव जाव पुढविक्काइए णं भंते जे भविए मणुस्सेसु उववज्जितए से णं भंते केवतिकालद्धितीएसु उववज्जेज्जा गोयमा जहण्णेणं अंतोमुहुत्त-

द्वितीएसु उक्कोसेणं पुव्वकोडीआउएसु उववज्जेज्जा ते णं भंते जीवा एगसमएणं केवतिया उववज्जति एवं जहेव पंचिदियतिरिक्खजोणिएसु उववज्जमाणस्स पुढविक्काइयस्स वत्तव्वया सा चेव इह वि उववज्जमाणस्स भाणियव्वा नवसु वि गमएसु नवरं-ततिय-छट्ठ-नवमेसु गमएसु परिमाणं जहन्नेणं एकको वा दो वा तिण्णि वा उक्कोसेणं संखेज्जा उववज्जति जाहे अप्पणा जहण्णाकालद्वितीओ भवति ताहे पढमगमए अज्झवसाणा पसत्था वि अप्पसत्था वि बितियगमए अप्पसत्थ ततिपगमए पसत्था भवन्ति सेसं तं चेव निरवसेसं जइ आउक्काइए एवं आउक्काइ-याण वि एवं वणस्सइकाइयाण वि एवं जाव चउरिंदियाण वि असण्णिपंचिदियतिरिक्खजोणिय-सण्णिपंचिदियतिरिक्खजोणिय-असण्णिमणुस्स-सण्णिमणुस्सा य एते सव्वे वि जहा पंचिदियति-रिक्खजोणियउद्देसए तहेव भाणियव्वा नवरं-एयाणि चेव परिमाणं-अज्झवसाणा-नाणत्ताणि जाणिज्जा पुढविक्काइयस्स एत्थ चेव उद्देसए भणियाणि सेसं तहेव निरवसेसं

जइ देवेहिंतो उववज्जति-किं भवणवासिदेवेहिंतो उववज्जति वाणमंतरजोइसिय-वेमाणि-यदेवेहिंतो उववज्जति गोयमा भवणवासिदेवेहिंतो वि जाव वेमाणिय देवेहिंतो वि उववज्जति जइ भवणवासिदेवेहिंतो-किं असुरकुमार जाव यणियकुमार गोयमा असुरकुमार जाव यणियकुमार असुरकुमारे णं भंते जे भविए मणुस्सेसु उववज्जितए ते णं भंते केवतिकालद्वितीएसु उववज्जेज्जा गोयमा जहण्णेणं मासपुहत्तद्वितीएसु उक्कोसेणं पुव्वकोडीआउएसु उववज्जेज्जा एवं जद्येव पंचिदियतिरिक्खजोणियउद्देसए वत्तव्वया सद्येव एत्थ वि भाणियव्वा नवरं-जहा तहिं जहण्णेणं अंतोमुहुत्तद्वितीएसु तथा इहं मास पुहत्तद्वितीएसु परिमाणं जहण्णेणं एकको वा दो वा तिण्णि वा उक्कोसेणं संखेज्जा उववज्जति सेसं तं चेव एवं जाव ईसाणदेवो ति एयाणि चेव नाणत्ताणि सणंकुमारादीया जाव सहस्सारो ति जहेव पंचिदियतिरिक्खजोणियउद्देसए नवरं-परिमाणं जहण्णेणं एकको वा दो वा तिण्णि वा उक्कोसेणं संखेज्जा उववज्जति उववाओ जहण्णेणं वासपुहत्तद्वितीएसु उक्कोसेणं पुव्वकोडीआउएसु उववज्जेज्जा सेसं तं चेव संवेहं वासपुहत्तं पुव्वकोडीसु करेज्जा सणंकुमारे ठिती चउगुणिया अट्ठावीससागरवमा भवति माहिंदे ताणि चेव सातिरेगाणि बम्हलोए चत्तालीसं तंतए छप्पजं महामुक्के अट्ठसट्ठिं सहस्सारे यावत्तरिं सागरोवमाइं एसा उक्कोसा ठिती भणिया जहण्णद्विंति पि चउगुणेज्जा आपण्यदेवे णं भंते जे भविए मणुस्सेसु उववज्जितए ते णं भंते केवतिकालद्वितीएसु उववज्जेज्जा गोयमा जहण्णेणं वासपुहत्तद्वितीएसु उक्कोसेणं पुव्वकोडीठि-तीएसु उववज्जेज्जा ते णं भंते जीवा एगसमएणं केवतिया उववज्जति एवं जहेव सहस्सारदेवाणं वत्तव्वया नवरं-ओगाहणा-ठिति-अनुबंधे य जाणेज्जा सेसं तं चेव भवादेसेणं जहण्णेणं दो भवग्गहणाइं उक्कोसेणं छ भवग्गहणाइं कात्तादेसेणं जहण्णेणं अट्ठारस सागरोवमाइं वासपुहत्त-मट्ठमहियाइं उक्कोसेणं सत्तावजं सागरोवमाइं तिहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं नव वि गमा नवरं-ठिति अनुबंधं संवेहं च जाणेज्जा एवं जाव अद्युधदेवो नवरं-ठिति अनुबंधं संवेहं च जाणेज्जा पाण्यदेवस्स ठिती तिगुणिया सट्ठिं सागरोवमाइं आरणगस्स तेवट्ठिं सागरोवमाइं अद्युधदेवस्स छावट्ठिं सागरोवमाइं जइ कप्पातीतावेमाणिय-देवेहिंतो उववज्जति-किं गेवेज्जाकप्पातीता अनुत्तरोववातियकप्पातीता गोयमा गेवेज्जाकप्पातीता अनुत्तरोववातियकप्पातीता जइ गेवेज्जा-किं हेट्ठिम-हेट्ठिम गेवेज्जाकप्पातीता जाव उवरिम-उवरिम गेवेज्जा गोयमा हेट्ठिम-हेट्ठिम गेवेज्जा जाव उवरिम-उवरिम गेवेज्जा गेवेज्जगदेवे णं भंते जे भविए

मणुस्सेसु उववज्जित्तेए से णं भंते केवति कालङ्घितीएसु उववज्जेज्जा गोयमा जहण्णेणं वासपुहत्ताङ्घितीएसु उक्कोसेणं पुव्वकोडीङ्घितीएसु अवसेसं जहा आणयदेवस्स वत्तव्वया नवरं-ओगाहणा-एगे भवधारणिज्जे सरीरए से जहण्णेणं अंगुलस्स असंखेज्जभागं उक्कोसेणं दो रयणीओ संठाण-

एगे भवधारणिज्जे सरीरे से समचउरससंठिए पत्रते पंच समुग्धाया पत्रत्ता तं जहा-वेदणासमुग्धाए जाव तेयगसमुग्धाए नो चेव णं वेउव्वियतेयगसमुग्धाएहिं समोहणिसु वा समोहणंति वा समोहणिससंति वा ठिति अनुबंधे जहण्णेणं वावीसं सागरोवमाइं उक्कोसेणं एकक्कीसं सागरोवमाइं सेसं तं चेव कालादेसेणं जहण्णेणं वावीसं सागरोवमाइं वासपुहत्त-मब्भहियाइं उक्कोसेणं तेणउतिं सागरोवमाइं तिहि पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं सेसेसु वि अट्ठगमएसु नवरं-ठिति संवेहं च जाणेज्जा जइ अनुत्तरोववाइयकप्पातीतावेभाणिदेवेहिंतो उववज्जंति किं विजयअणुत्तरोववाइय वेजयंत-अनुत्तरोववाइय जाव सव्वट्ठसिद्ध गोयमा विजयअनुत्तरोववाइय जाव सव्वट्ठसिद्धअनुत्तरोव-वाइय विजय वेजयंत-जयंत-अपराजियदेवे णं भंते जे भविए मणुस्सेसु उववज्जित्तेए से णं भंते केवतिकालङ्घितीएसु उववज्जेज्जा एवं जहेव गेवेज्जगदेवाणं नवरं-ओगाहणा जहण्णेणं अंगुलस्स असंखेज्जभागं उक्कोसेणं एगा रयणी सम्मदिट्ठी नो मिच्छदिट्ठी नो सम्मामिच्छदिट्ठी नाणी नो अण्णाणी नियमं तिण्णाणी तं जहा-आभिणिबोहियनाणी सुयनाणी ओहिनाणी ठिती जहण्णेणं एकक्कीसं सागरोवमाइं उक्कोसेणं तेत्तीसं सागरोवमाइं सेसं तं चेव भवादेसेणं जहण्णेणं दो भवगहणाइं उक्कोसेणं चत्तारि भवगहणाइं कालादेसेणं जहण्णेणं एकक्कीसं सागरोवमाइं वासपुहत्तमब्भहियाइं उक्कोसेणं छावडि सागरोवमाइं दोहिं पुव्वकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं सेसा वि अट्ठ गमगा भाणियव्वा नवरं-ठिति अनुबंधं संवेधं च जाणेज्जा सेसं एवं चेव सव्वट्ठसिद्धगदेवे णं भंते जे भविए मणुस्सेसु उववज्जित्तेए सा चेव विजयदिदेववत्तव्वया भाणियव्वा नवरं-ठिती अजहण्णमणुक्कोसेणं तेत्तीसं सागरोवमाइं एवं अनुबंधो वि सेसं तं चेव भवादेसेणं दो भवगहणाइं कालादेसेणं जहण्णेणं तेत्तीसं सागरोवमाइं वासपुहत्तमब्भहियाइं उक्कोसेणं तेत्तीसं सागरोवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालङ्घितीएसु उववण्णो एस चेव वत्तव्वया नवरं-कालादेसेणं जहण्णेणं तेत्तीसं सागरोवमाइं वासपुहत्तमब्भहियाइं उक्कोसेणं वि तेत्तीसं सागरोवमाइं वासपुहत्तमब्भहियाइं एवतियं कालं सेवेज्जा एवतियं कालं गतिरागतिं करेज्जा सो चेव उक्कोसेणं कालङ्घितीएसु उववण्णो एस चेव वत्तव्वया नवरं-कालादेसेणं जहण्णेणं तेत्तीसं सागरोवमाइं पुव्वकोडीए अब्भहियाइं उक्कोसेणं वि तेत्तीसं सागरोवमाइं पुव्वकोडीए अब्भहियाइं एवतियं कालं सेवेज्जा एवतियं कालं गतिरागतिं करेज्जा एते चेव तिण्णि गमगा सेसा न मण्णंति सेवं भंते सेवं भंते ति ॥७१३॥-७१२

● चउवीसइमे सते एगवीसइमो उद्देशो समत्तो ●

—: बा वी रा इ मो—उ हे सो :—

(८५८) वाणमंतरा णं भंते कओहिंतो उववज्जंति किं नेरइएहिंतो उववज्जंति तिरिक्ख एवं जहेव नागकुमारउद्देसए अरुण्णी तहेव निरवसेसं जइ सण्णिपंचिंदिय जेव असंखेज्जवासाउय

गोयमा संखेज्जवासाउय असंखेज्जवासाउय जाव उववज्जंति सण्णिपंचिदियतिरिक्खजोणिणं णं भंते जे भविए वाणमंतरेसु उववज्जितए से णं भंते केवतिकालड्वितीएसु उववज्जेज्जा गोयमा जहण्णेणं दसवाससहस्सड्वितीएसु उक्कोसेणं पलिओवमड्वितीएसु सेसं तं चेव जहा नागकुमारउद्देसए जाव कालादेसेणं जहण्णेणं सातिरेगा पुव्वकोडी दसहिं वाससहस्सेहिं अब्भहिया उक्कोसेणं चत्तारि पलिओवमाइ एवतियं कालं सेवेज्जा एवतियं कालं गतिरागतिं करेज्जा पज्जिममगगा तिण्णि वि जहेव नागकुमारेसु पच्छिमेसु तिसु गमएसु तं चेव जहा नागकुमारउद्देसए नवरं-ठिती संवेहं च जाणेज्जा संखेज्जवासाउय तहेव नवरं-ठिती अनुबंधो संवेहं च उमओ ठितीए जाणेज्जा जइ मणुस्सेहिंतो उववज्जंति असंखेज्जवासाउयाणं जहेव नागकुमाराणं उद्देसे तहेव दत्तव्वया नवरं-तइयगमए ठिती जहण्णेणं पलिओवमं उक्कोसेणं तिण्णि पलिओवमाइ ओगाहणा जहण्णेणं गाउयं उक्कोसेणं तिण्णि गाउयाइं सेसं तहेव संवेहो से जहा एत्थ चेव उद्देसए असंखेज्ज-वासाउयसण्णिपंचिदियाणं संखेज्जवासाउयसण्णिमणुस्से जहेव नागकुमारुद्देसए नवरं-वाणमंतरे ठिती संवेहं च जाणेज्जा सेवं भंते सेवं भंते ति 10981-713

● वउवीसइमे सत्ते बावीसइमो उद्देसो सप्ततो ●

—: तेवीसइमो उद्देसो —:

(८५९) जोइसिया णं भंते कओहिंतो उववज्जंति-किं नेरइएहिंतो भेदो जाव सण्णिपंचि-दियतिरिक्खजोणिणं उववज्जंति नो असण्णिपंचिदियतिरिक्ख जइ सण्णि किं संखेज्ज असंखेज्ज गोयमा संखेज्जवासाउय असंखेज्जवासाउय असंखेज्जवासाउयसण्णिपंचिदियतिरिक्खजोणिणं णं भंते जे भविए जोतिसिएसु उववज्जितए से णं भंते केवतिकालड्वितीएसु उववज्जेज्जा गोयमा जहण्णेणं अट्ठभागपलिओवमड्वितीएसु उक्कोसेणं पलिओवमवाससयसहस्सड्वितीएसु उववज्जेज्जा अवसेसं जहा असुरकुमारुद्देसए नवरं-ठिती जहण्णेणं अट्ठभागपलिओवमड्वितीएसु उक्कोसेणं पलि-ओपववाससयसहस्सड्वितीएसु उववज्जेज्जा अवसेसं जहा असुरकुमारुद्देसए नवरं-ठिती जहण्णेणं अट्ठभागपलिओवमं उक्कोसेणं तिण्णि पलिओवमाइ एवं अनुबंधो वि सेसं तहेव नवरं-कालादेसेणं जहण्णेणं दो अट्ठभागपलिओवमाइ उक्कोसेणं चत्तारि पलिओवमाइ वाससयसहस्स-मब्भहियाइ एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालड्वितीएसु उववज्जो जहण्णेणं अट्ठभागपलिओवमड्वितीएसु उक्कोसेणं वि अट्ठभागपलिओवमड्वितीएसु एस चेव दत्तव्वया नवरं-कालादेसेणं जाणेज्जा सो चेव उक्कोसकालड्वितीएसु उववज्जो एस चेव दत्तव्वया नवरं-ठिती जहण्णेणं पलिओवमं वाससयसहस्समब्भहियं उक्कोसेणं तिण्णि पलि-ओवमाइ एवं अनुबंधो वि कालादेसेणं जहण्णेणं दो पलिओवमाइ दोहिं वाससयसस्सेहिं अब्भ-हियाइ उक्कोसेणं चत्तारि पलिओवमाइ वाससयसहस्समब्भहियाइं सो चेव अप्पणा जहण्णकाल-ड्वितीओ जाओ जहण्णेणं अट्ठभागपालि ओवमड्वितीएस उक्कोसेण वि अट्ठभागपलिओवमड्विती-एसु उववज्जेज्जा ते णं भंते जीवा एगसमएणं केवतियाउववज्जंति एस चेव दत्तव्वया नवरं-ओगाहणा जहण्णेणं धणुपुहत्तं उक्कोसेणं सातिरेगाइं अट्ठारसधणुसयाइं ठिती जहण्णेणं अट्ठभा-गपलिओवमं उक्कोसेणं वि अट्ठभागपलिओवमं एवं अनुबंधो वि सेसं तहेव कालादेसेणं जहण्णेणं दो अट्ठभागपलिओवमाइ उक्कोसेणं वि दो अट्ठभागपलिओवमाइ एवतियं कालं सेवेज्जा एवतियं कालं गतिरागतिं करेज्जा जहण्णकालड्वितियस्स एस चेव एक्को गमो

सो चेव अप्पणा उक्कोसकालद्वितीओ जाओ सा चेव ओहिया वत्तव्वया नवरं-ठिती जहण्णेणं तिणिण पलिओवमाइ उक्कोसेणं वि तिणिण पलिओवमाइ एवं अनुबंधो वि सेसं तं चेव एवं पच्छिमा तिणिण गमगा नेयव्वा नवरं-ठितिं संवेहं च जाणेज्जा एते सत्त गमगा जइ संखेज्ज-वासाउयसणिणपंचिदिय संखेज्जवासाउयाणं जहेव असुरकुमारेसु उववज्जमाणं तहेव नव वि गमा भाणियव्वा नवरं-जोतिसियठितिं संवेहं च जाणेज्जा सेसं तहेव निरवसेसं जइ मणुस्सेहिं तो उववज्जंति भेदो तहेव जाव-असंखेज्जवासाउयसणिमणुस्से णं भंते जे भविए जोइसिएसु उवव-ज्जित्तए से णं भंते केवतिकालद्वितीएसु उववज्जेज्जा एवं जहा असंखेज्जवासाउय सणिणपंचिदियस्स जोइसिएसु चेव उववज्जमाणस्स सत्त गमगा तहेव मणुस्साणं वि नवरं-ओगाहणाविसेसो पढमेसु तिसु गमएसु ओगाहणा जहण्णेणं सातिरेगाइ नव धणुसयाइ उक्कोसेणं तिणिण गाउयाइ मज्झिमगमए जहण्णेणं सातिरेगाइ नव धणुसयाइ उक्कोसेणं वि सातिरेगाइ नव धणुसयाइ पच्छिमेसु तिसु गमएसु जहण्णेणं तिणिण गाउयाइ उक्कोसेणं वि तिणिण गाउयाइ सेसं तहेव निरवसेसं जाव संवेहो ति जइ संखेज्जवासाउयसणिमणुस्सेहिं तो संखेज्जवासाउयाणं जहेव असुरकुमारेसु उववज्जमाणं तहेव नव गमगा भाणियव्वा नवरं-जोतिसियठितिं संवेहं च जाणेज्जा सेसं तं चेव निरवसेसं सेवं भंते सेवं भंते ति ॥७१५॥-७१५॥

● चउवीसइमे सते तेवीसइमो उद्देशो सम्पत्तो ●

● च उ वी स इ मो—उ हे सो ●

(८६०) सोहम्मदेवा णं भंते कओहिं तो उववज्जंति-किं नेरइएहिं तो उववज्जंति भेदो जहा जोइसियउद्देसए असंखेज्जवासाउयसणिणपंचिदियतिरिक्खजोणिए णं भंते जे भविए साहम्म-गदेवेसु उववज्जित्तए से णं भंते केवतिकालद्वितीएसु उववज्जेज्जा गोयमा जहण्णेणं पलिओव-मद्वितीएसु उक्कोसेणं तिपलिओवमद्वितीएसु उववज्जेज्जा ते णं भंते जीवा एगसमएणं केवतिया उववज्जंति अवसेसं जहा जोइसिएसु उववज्जमाणस्स नवरं-सम्मदिट्ठी वि मिच्छादिट्ठी वि नो सम्मामिच्छादिट्ठी नाणी वि अण्णाणी वि दो नाणी दो अण्णाणा नियमं ठिती जहण्णेणं पलिओवमं उक्कोसेणं तिणिण पलिओवमाइ एवं अनुबंधो वि सेसं तहेव कालादेसेणं जहन्नेणं दो पलिओव-माइ उक्कोसेणं छप्पलिओवमाइ एवतियं कालं सेवेज्जा एवतियं कालं गतिरागतिं करेज्जा सो चेव जहण्णकालद्वितीएसु उववण्णो एस चेव वत्तव्वया नवरं-कालादेसेणं जहण्णेणं दो पलिओवमाइ उक्कोसेणं चत्तारि पलिओवमाइ एवतियं कालं सेवेज्जा एवतियं कालं गतिरागतिं करेज्जा सो चेव उक्कोसकालद्वितीएसु उववण्णो जहण्णेणं तिपलिओवमद्वितीएसु उक्कोसेणं वि तिपलिओव-मद्वितीएसु एस चेव वत्तव्वया नवरं-ठिती जहन्नेणं तिणिण पलिओवमाइ उक्कोसेणं वि तिणिण पलिओवमाइ सेसं तहेव कालादेसेणं जहण्णेणं छप्पलिओवमाइ उक्कोसेणं वि छप्पलिओवमाइ एवतियं कालं सेवेज्जा एवतियं कालं गतिरागतिं करेज्जा सो चेव अप्पणा जहण्णकालद्वितीओ जाओ जहण्णेणं पलिओवमद्वितीएसु उक्कोसेणं वि पलिओवमद्वितीएसु एस चेव वत्तव्वया नवरं-ओगाहणा जहण्णेणं धणुपुहत्तं उक्कोसेणं दो गाउयाइ ठिती जहण्णेणं पलिओवमं उक्कोसेणं वि पलिओवमं सेसं तहेव कालादेसेणं जहन्नेणं दो पलिओवमाइ उक्कोसेणं वि दो पलिओवमाइ एवतियं कालं सेवेज्जा एवतियं कालं गतिरागतिं करेज्जा सो चेव अप्पणा उक्कोसकालद्वितीओ जाओ आदिक्खगमसरिसा तिणिण गमगा नेयव्वानवरं ठिति कालादेसं च जाणेज्जा जइ संखेज्जवा-

साउयसण्णिपंचिदिय संखेज्जवासाउयस्स जहेव असुरकुमारेसु उववज्जमाणस्स तहेव नव वि गमा नवरं-ठितिं संवेहं च जाणेज्जा जाहे य अप्पणा जहण्णकालद्धितिओ भवति ताहे तिसु वि गमएसु सम्मदिद्धि वि मिच्छादिद्धि वि नो सम्माभिच्छादिद्धि दो नाणा दो अण्णाणा नियमं सेलसं तं चेव जइ मणुस्सेहिंतो उववज्जंति भेदो जहेव जोतिसिएसु उववज्जमाणस्स जाव-असंखेज्जवासाउय-सण्णिमणुस्से णं भंते जे भविए सोहम्मे कप्पे देवत्ताए उववज्जितए एवं जहेव असंखेज्जवासाउयस्स सण्णिपंचिदियतिरिक्खजोणियस्स सोहम्मे कप्पे उववज्जमाणस्स तहेव सत्त गमगा नवरं-आदिल्ल-एसु दोसु गमएसु ओगाहणा जहण्णेणं गाउयं उक्कोसेणं तिण्णि गाउयाइं ततियगमे जहन्नेणं तिण्णि गाउयाइं उक्कोसेणं वि तिण्णि गाउयाइं चउत्थगमे जहण्णेणं गाउयं उक्कोसेणं वि गाउयं पच्छिमएसु तिसु गमएसु जहण्णेणं तिण्णि गाउयाइं उक्कोसेणं वि तिण्णि गाउयाइं सेसं तहेव निरवसेसं

जइ संखेज्जवासाउयसण्णिमणुस्सेहिंतो एवं संखेज्जवासाउयसण्णिमणुस्साणं जहेव असुर-कुमारेसु उववज्जमाणानं तहेव नव गमगा भाणियव्वा नवरं सोहम्मदेवद्धितिं संवेहं च जाणेज्जा सेसं तं चेव ईसाणदेवा णं भंते कओहिंतो उववज्जंति ईसाणदेवाणं एस चेव सोहम्मगदेवसरिस्स वत्तव्वया नवरं-असंखेज्जवासाउय-सण्णिपंचिदियतिरिक्खजोणियस्स जेसु ठाणेसु सोहम्मे उववज्जमाणस्स पलिओवमठिती तेसु ठाणेसु इह सातिरेगं पलिओवमं कापव्वं चउत्थगमे ओगा-हणा जहण्णेणं घणुपुहत्तं उक्कोसेणं सातिरेगाइं दो गाउयाइं सेसं तहेव असंखेज्जवासाउयसण्णि-मणुस्सस्स वि तहेव ठिती जहा पंचिदियतिरिक्खजोणियस्स असंखेज्जवासाउयस्स ओगाहणा वि जेसु ठाणेसु गाउयं तेसु ठाणेसु इह सातिरेगं गाउयं सेसं तहेव संखेज्जवासाउयाणं तिरिक्ख-जोणियाणं मणुस्साण य जहेव सोहम्मेसु उववज्जमाणानं तहेव निरवसेसं नव विगमगा नवरं-ईसाणठितिं संवेहं च जाणेज्जा सणकुमारदेवा णं भंते कओहिंतो उववज्जंति उववाओ जहा सक्करप्पभापुढविनेरइयाणं जाव-पज्जत्तसंखेज्जवासाउयसण्णिपंचिदियतिरिक्खजोणि ए णं भंते जे भविए सणकुमारदेवेसु उववज्जितए अवसेसा परिमाणादीय भवादेसपज्जवसाणा सच्चेव वत्तव्वया भाणियव्वा जहा सोहम्मे उववज्जमाणस्स नवरं-सणकुमारद्धितिं संवेहं च जाणेज्जा जाहे य अप्पणा जहण्णकालद्धितीओ भवति ताहे तिसु वि गमएसु पंच लेस्साओ आदिल्लाओ कायव्वाओ सेसं तं चेव जइ मणुस्सेहिंतो उववज्जंति मणुस्साणं जहेव सक्करप्पभाए उववज्जमाणानं तहेव नव वि गमा भाणियव्वा नवरं-सणकुमारद्धितिं संवेहं च जाणेज्जा माहिंदगदेवा णं भंते कओहिंतो उववज्जंति जहा सणकुमारगदेवाणं वत्तव्वया तहा माहिंदगदेवाणं वि भाणियव्वा नवरं-माहिंद-गदेवाणं ठिती सातिरेगा भाणियव्वा सच्चेव एवं बंभलोगदेवाणं वि वत्तव्वया नवरं-बंभलोगद्धितिं संवेहं च जाणेज्जा एवं जाव सहस्सारो नवरं-ठितिं संवेहं च जाणेज्जा लंतगादीणं जहण्णकाल-द्धितियस्स तिरिक्खजोणियस्स तिसु वि गमएसु छप्पि लेस्साओ कायव्वाओ संघयणाइं बंभलोग-लंतएसु पंच आदिल्लाणि महासुकक-सहस्सारेसु चत्तारि तिरिक्खजोणियाणं वि मणुस्साणं वि सेसं तं चेव आणयदेवा णं भंते कओहिंतो उववज्जंति उववाओ जहा सहस्सारदेवाणं नवरं-तिरिक्ख-जोणिया खोडेयव्वा जाव-पज्जत्तासंखेज्जवासाउयसण्णिमणुस्से णं भंते जे भविए आणयदेवेसु उववज्जितए मणुस्साण य वत्तव्वया जहेव सहस्सारेसु उववज्जमाणानं नवरं-तिण्णि संघयणाणि सेसं तहेव जाव अनुबंधो भवादेसेणं जहण्णेणं तिण्णि भवग्गहणाइं उक्कोसेणं सत्त भवग्गहणाइं

उक्कोसेणं सत्तावन्नं सागरोवमाइं चउहिं पुच्चकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं सेसा वि अद्दु गमगा भाणियव्वा नवरं ठितिं संवेहं च जाणेज्जा सेसं तं चेव एवं जाव अद्दुपदेवा नवरं ठितिं संवेहं च जाणेज्जा चउसु वि संघयणा तिण्णि आणयादीसु गेवेज्जगदेवा णं भंते कओहिंतो उववज्जंति एस चेव वत्तव्वया नवरं दो संघयणा ठितिं संवेहं च जाणेज्जा विजय वेजयंत जयंत अपराजितदेवा णं भंते कओहिंतो उववज्जंति एस चेव वत्तव्वया निरवसेसा जाव अनुबंधो ति नवरं-पढमं संघयणं सेसं तहेव भवादेसेणं जहण्णेणं तिण्णि भवगहणाइं उक्कोसेणं पंच भवगहणाइं कालादेसेणं जहण्णेणं एककीस सागरोवमाइं दोहिं वासपुहत्तेहिं अब्भहियाइं उक्कोसेणं छावड्ढि सागरोवमाइं तिहिं पुच्चकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एवं सेसा वि अद्दु गमगा भाणियव्वा नवरं ठितिं संवेहं च जाणेज्जा मणूसलद्धी नवसु वि गमेएसु जहा गेवेज्जेसु उववज्जमाणस्स नवरं-पढमसंघयणं सब्बड्ढुगसिद्धगदेवा णं भंते कओहिंतो उववज्जंति उववाओ जहेव विजयादीणं जाव-से णं भंते केवतिकालद्धितीएसु उववज्जेज्जा गोयमा जहण्णेणं तेत्तीससागरोवमद्धितीएसु उक्कोसेणं वि तेत्तीससागरोवमद्धितीएसु उववज्जेज्जा अवसेसा जहा विजयाइसु उववज्जंताणं नवरं-भवादेसेणं तिण्णि भवगहणाइं कालादेसेणं जहण्णेणं तेत्तीसं सागरोवमाइं दोहिं वासपुहत्तेहिं अब्भहियाइं उक्कोसेणं वि तेत्तीसं सागरोवमाइं दोहिं पुच्चकोडीहिं अब्भहिया एवतियं कालं सेवेज्जा एवतियं कालं गतिरागतिं करेज्जा सो चेव अप्पणा जहण्णकालद्धितीओ जाओ एस चेव वत्तव्वया नवरं-ओगाहणा-ठितीओ रयणिपुहत्त-वासपुहत्ताणि सेसं तहेव संवेहं च जाणेज्जा सो चेव अप्पणा उक्कोसकालद्धितीओ जाओ एस चेव वत्तव्वया नवरं-ओगाहणा जहण्णेणं पंच घणुसयाइं उक्कोसेणं वि पंच घणुसयाइं ठिती जहण्णेणं पुच्चकोडीउक्कोसेणं वि पुच्चकोडी सेसं तहेव जाव भवादेसो ति कालादेसेणं जहण्णेणं तेत्तीसं सागरोवमाइं दोहिं पुच्चकोडीहिं अब्भहियाइं उक्को-सेणं वि तेत्तीसं सागरोवमाइं दोहिं पुच्चकोडीहिं अब्भहियाइं एवतियं कालं सेवेज्जा एवतियं कालं गतिरागतिं करेज्जा एते तिण्णि गमगा सब्बड्ढुसिद्धगदेवाणं सेवं भंते सेवं भंते ति भगवं गोथमे जाव विहरइ ॥७१६॥-७१६

● चउवीसइमे सते चउवीसइमो उद्देशो समतो ● चउवीसइमं सतं समत्तं ●

पंचवीसइमं - सतं

—: प ढ मो—उ दे सो :—

(८६१) लेसाय दव्व संठाण जुम्म पज्जव नियंठ समणा य

ओहे भवियाभविए सम्भा मिच्छे य उद्देशा

॥१३॥-१

(८६२) तेणं कालेणं तेणं समएणं रायगिहे जाव एवं वयासी-कति णं भंते लेस्साओ प.

गोयमा छल्लेसाओ प. तं जहा-कण्हलेसा जहा पढमसए वितिए उद्देसए तहेव लेस्साविभागे अप्पावहुगं च जाव चउव्विहाणं देवाणं चउव्विहाणं देवीणं मीसणं अप्पावहुगंति ॥७१७॥-७१६

(८६३) कतविहा णं भंते संसारसमावन्नगा जीवा पन्नत्ता गोयमा चोद्दसविहा संसारसमा-

वन्नगा जीवा पन्नत्ता तं जहा-सुहुमा अप्पज्जत्ता सुहुमा पज्जत्ता बादरा अप्पज्जत्ता बादरा पज्जत्ता वेइंदिया अप्पज्जत्ता वेइंदिया पज्जत्ता एवं तेइंदिया एवं चउरिंदिया असण्णिपंचिदिय अप्पज्जत्ता असण्णिपंचिदिय पज्जत्ता सण्णिपंचिदिय अप्पज्जत्ता सण्णिपंचि- दिया पज्जत्ता एतेसि णं भंते

चोदसविहाणं संसारसमावण्णगाणं जीवाणं जहण्णुक्कोसगस्स जोगस्स कयरे कयरेहिंतो जाव विसेसाहिया वा गोयमा सब्बत्योवे सुहुमस्स अपज्जत्तगस्स जहण्णए जोए बादरस्स अपज्जत्तगस्स जहण्णए जोए असंखेज्जगुणे, बेइंदियस्स अपज्जत्तगस्स जहण्णए जोए असंखेज्जगुणे एवं तेइंदियस्स एवं चउरिंदियस्स असण्णिस्स पंचिंदियस्स अपज्जत्तगस्स जहण्णए जोए असंखेज्जगुणे सण्णिस्स पंचिंदियस्स अपज्जत्तगस्स जहण्णए जोए असंखेज्जगुणे सुहुमस्स पज्जत्तगस्स जहण्णए जोए असंखेज्जगुणे बादरस्स पज्जत्तगस्स जहण्णए जोए असंखेज्जगुणे सुहुमस्स अपज्जत्तगस्स उक्कोसए जोए असंखेज्जगुणे बादरस्स अपज्जत्तगस्स उक्कोसए जोए असंखेज्जगुणे सुहुमस्स पज्जत्तगस्स उक्कोसए जोए असंखेज्जगुणे बादरस्स पज्जत्तगस्स उक्कोसए जोए असंखेज्जगुणे बेइंदियस्स पज्जत्तगस्स जहण्णए जोए असंखेज्जगुणे एवं तेइंदियस्स एवं जाव सण्णिपंचिंदियस्स पज्जत्तगस्स जहण्णए जोए असंखेज्जगुणे बेइंदियस्स अपज्जत्तगस्स उक्कोसए जोए असंखेज्जगुणे एवं तेइंदियस्स वि एवं जाव सण्णिपंचिंदियस्स अपज्जत्तगस्स उक्कोसए जोए असंखेज्जगुणे बेइंदियस्स पज्जत्तगस्स उक्कोसए जोए असंखेज्जगुणे एवं तेइंदियस्स वि एवं जाव सण्णिपंचिंदियस्स पज्जत्तगस्स उक्कोसए जोए असंखेज्जगुणे ७१८१-७१८१७

(८६४) दो भंते नेरइया पढमसयोववन्नगा किं समजोगी विसमजोगी गोयमा सिय समजोगी सिय विसमजोगी से केणट्ठेणं भंते एवं बुच्चइ सिय समजोगी सिय विसमजोगी गोयमा आहारयाओ वा से अणाहारए अणाहारयाओ वा से आहारए सिय हीणे सिय तुल्ले सिय अब्भहिए जइ हीणे असंखेज्जइभागहीणे वा संखेज्जइभागहीणे वा संखेज्जगुणहीणे वा असंखेज्जगुणहीणे वा अह अब्भहिए असंखेज्जइभागमब्भहिए वा संखेज्जइभागमब्भहिए वा संखेज्जगुणमब्भहिए वा असंखेज्जगुणमब्भहिए वा से तेणट्ठेणं जाव सिय विसमयजोगी एवं जाव वेमाणियाणं ७१९१-७१९८

(८६५) कतिविहे णं भंते जोए पत्रत्ते गोयमा पत्ररसविहे जोए पत्रत्ते तं जहा-सच्चमणजोए मोसमणजोए सच्चामोसमणजोए असच्चामोसमणजोए सच्चवइजोए मोसवइजोए सच्चामोसवइजोए असच्चामोसवइजोए ओरालियसरीरकायजोए ओरालियमीसासरीरकायजोए वेउब्बियसरीरकायजोए वेउब्बियमीसासरीरकायजोए आहारसरीरकायजोए आहारगमीसासरीरकायजोए कम्मासरीरकायजोए एयस्स णं भंते पत्ररसविहरस्स जहण्णुक्कोसगस्स जोगस्स कयरे कयरेहिंतो जाव विसेसाहिया वा गोयमा सब्बत्योवे कम्मासरीरस्स जहण्णए जोए ओरालियमीसगस्स जहण्णए जोए असंखेज्जगुणे वेउब्बियमीसगस्स जहण्णए जोए असंखेज्जगुणे ओरालियसरीरस्स जहण्णए जोए असंखेज्जगुणे वेउब्बियसरीरस्स जहण्णए जोए असंखेज्जगुणे कम्मासरीरस्स उक्कोसए जोए असंखेज्जगुणे ओरालियमीसगस्स वेउब्बियमीसगस्स य-एएसि णं उक्कोसए जोए दोण्हवि तुल्ले असंखेज्जगुणे असच्चामोसमणजोगसस जहण्णए जोए असंखेज्जगुणे आहारसरीरस्स जहण्णए जोए असंखेज्जगुणे तिविहस्स मणजोगस्स चउब्बिहस्स वइजोगस्स-एएसि णं सत्तण्ह वि तुल्ले जहण्णए जोए असंखेज्जगुणे आहारसरीरस्स उक्कोसए जोए असंखेज्जगुणे ओरालियसरीरस्स वेउब्बियरीरस्स चउब्बिहस्स य मणजोगस्स चउब्बिहस्स य वइजोगस्स-एएसि णं सत्तण्ह वि तुल्ले उक्कोसए जोए असंखेज्जगुणे सेवं भंते सेवं भंते ति ७२०१-७२१०

● पंचवीसइमे सत्ते पढमो उहेत्ते समत्तो ●

—: बी ओ—उ हे सो —:

(८६६) कतिविहा णं भंते दव्वा पत्रत्ता गोयमा दुविहा दव्वा पत्रत्ता तं जहा-जीवदव्वा य

अजीवदव्या य, अजीवदव्या णं भंते कतिविहा पत्रता गोयमा दुविहा पत्रता तं जहा-
रुविअजीवदव्या य अरुविअजीवदव्या य, [अरुविअजीवदव्या णं भंते कतिविहा पत्रता गोयमा
दसविहा पत्रता तं जहा-धम्मत्थिकाए धम्मत्थिकायस्स देसे धम्मत्थिकायस्स पदेसा अधम्मत्थिकाए
अधम्मत्थिकायस्स देसे अधम्मत्थिकायस्स पदेसा आगासत्थिकाए आगासत्थिकायस्स देसे
आगासत्थिकायस्स पदेसा अद्धासमए, रुविजीवदव्या णं भंते कतिविहा पत्रता गोयमा चउविहा
पत्रता तं जहा-खंधा खंधदेसा खंधपदेसा परमाणुपोग्गले ते णं भंते किं संखेज्जा असंखेज्जा अनंता
गोयमा नो संखेज्जा नो असंखेज्जा अनंता से केणट्ठेणं भंते एवं वुच्चइ-नो संखेज्जा नो असंखेज्जा
अनंता गोयमा अनंता परमाणुपोग्गला अनंता दुपदेसिया खंधा जाव अनंता दसपदेसिया खंधा
अनंता संखेज्जपदेसिया खंधा अनंता असंखेज्जपदेसिया खंधा अनंता अनंतपदेसिया खंधा] से
तेणट्ठेणं गोयमा एवं वुच्चइ-ते णं नो संखेज्जा नो असंखेज्जा अनंता ७२१-७२०

(८६७) जीवदव्या णं भंते किं संखेज्जा असंखेज्जा अनंता गोयमा नो संखेज्जा नो असंखेज्जा
अनंता से केणट्ठेणं भंते एवं वुच्चइ-जीवदव्या णं नो संखेज्जा नो असंखेज्जा अनंता गोयमा असंखेज्जा
नेरइया जाव असंखेज्जा वाउक्काइया अनंता वणस्सइकाइया असंखेज्जा बेइंदिया एवं जाव
वेमाणिया अनंता सिद्धा से तेणट्ठेणं जाव अनंता जीवदव्याणं भंते अजीवदव्या परिभोगत्ताए
हव्वमागच्छंति अजीवदव्याणं जीवदव्या परिभोगत्ताए हव्वमागच्छंति गोयमा जीवदव्याणं
अजीवदव्या परिभोगत्ताए हव्वमागच्छंति नो अजीवदव्याणं जीवदव्या परिभोगत्ताए हव्वमा-
गच्छंति से केणट्ठेणं भंते एवं वुच्चइ-जाव हव्वमागच्छंति गोयमा जीवदव्या णं अजीवदव्ये
परियादियंति परियादिइता ओरालियं वेउब्बियं आहारंगं तेयंगं कम्मंगं सोइंदियं जाव फासिंदियं
मणजोगं वइजोगं कायजोगं आणापाणुत्तं च निव्वत्तयंति से तेणट्ठेणं गोयमा जाव हव्वमागच्छंति
नेरइयाणं भंते अजीवदव्या परिभोगत्ताए हव्वमागच्छंति अजीवदव्याणं नेरइया परिभोगत्ताए
हव्वमागच्छंति गोयमा नेरइयाणं अजीवदव्या परिभोगत्ताए हव्वमागच्छंति नो अजीव दव्याणं ने-
रइया परिभोगत्ताए हव्वमागच्छंति से केणट्ठेणं गोयमा नेरइया अजीवदव्ये परियादियंति
परियादिइता वेउब्बिय-तेयंग-कम्मंगं सोइंदियं जाव फासिंदियं आणापाणुत्तं च निव्वत्तयंति से
तेणट्ठेणं गोयमा एवं वुच्चइ-नेरइयाणं अजीवदव्या परिभोगत्ताए हव्वमागच्छंति नो अजीवदव्याणं
नेरइया परिभोगत्ताए हव्वमागच्छंति एवं जाव वेमाणिया नवरं-सरीरइंदियजोगा भाणियव्वा जस्स
जे अत्थि ७२२-७२१

(८६८) से नूणं भंते असंखेज्जे लोए अनंताइं दव्वाइं आगासे भइयव्वाइं हंता गोयमा
असंखेज्जे लोए जाव भइयव्वाइं लोगस्स णं भंते एगम्मि आगासपदेसे कतिदिसिं पोग्गला चिज्जंति
गोयमा निव्वाघाएणं छट्ठिसिं वाघायं पडुच्च सिय तिदिसिं सिय चउदिसिं सिय पंचदिसिं लोगस्स णं
भंते एगम्मि आगासपदेसे कतिदिसिं पोग्गला छिज्जंति एवं चेव एवं उवचिज्जंति एवं अथचिज्जंति

७२३-७२२

(८६९) जीवे णं भंते जाइं दव्वाइं ओरालियमरीरत्ताए गेण्हइ ताइं किं ठियाइं गेण्हइ
अट्ठियाइं गेण्हइ गोयमा ठियाइं पि गेण्हइ अट्ठियाइं पि गेण्हइ ताइं भंते किं दव्वओ गेण्हइ खेराओ
गेण्हइ कालओ गेण्हइ भावओ गेण्हइ गोयमा दव्वओ वि गेण्हइ जाव भावओ वि गेण्हइ ताइं
दव्वओ अनंतपदेसियाइं दव्वाइं खेत्तओ असंखेज्जपदेसोगाढाइं-एवं जहा पन्नवणाए पढमे

आहारुदेसए जाव निव्वाघाएणं छदिसिं वाघायं पडुच्च सिय तिदिसिं सिय चउदिसिं सिय पंचदिसिं जीये णं भंते जाइं दव्वाइं वेउव्वियसरीरत्ताए गेण्हइ ताइं किं ठियाइं गेण्हइ अड्डियाइं गेण्हइ एवं चेव नवरं-नियमं छदिसिं एवं आहारगसरीरत्ताए वि जीये णं भंते जाइं दव्वाइं तेवगसरीरत्ताए गेण्हइ-पुच्छा गोयमा ठियाइं गेण्हइ नो अड्डियाइं गेण्हइ सेसं जहा ओरालियसरीरस्स कम्मगसरीरे एवं चेव एवं जाव भावओ वि गेण्हइ जाइं दव्वाइं दव्वओ गेण्हइ ताइं किं एगपदेसियाइं गेण्हइ दुपदेसियाइं गेण्हइ एवं जहा भासापदे जाव आणुपुत्विं गेण्हइ नो अणाणुपुत्विं गेण्हइ ताइं भंते कतदिसिं गेण्हइ गोयमा निव्वाघाएणं जहा ओरालियस्स जीये णं भंते जाइं दव्वाइं सोईदियत्ताए गेण्हइ जहा वेउव्वियसरीरं एवं जाव जिब्बिंदियत्ताए फासिंदियत्ताए जहा ओरालियसरीरं मणजोगत्ताए जहा कम्मगसरीरं नवरं-नियमं छदिसिं एवं वड्जोभत्ताए वि कायजोगत्ताए जहा ओरालियसरीरस्स जीये णं भंते जाइं दव्वाइं आणापाणुत्ताए गेण्हइ जहेव ओरालियसरीरत्ताए जाव सिय पंचदिसिं सेवं भंते सेवं भंते ति । ७२४।-७२३

● पंचवीसइमे सत्ते बीओ उदेसो समत्तो ●

—: त इ ओ—उ दे सो —:

(८७०) कति णं भंते संठाणा पत्रत्ता गोयमा छ संठाणा पत्रत्ता तं जहा-परिमंडले वट्टे तंसे चउरंसे आयते अणित्थंये परिमंडला णं भंते संठाणा दव्वट्टयाए किं संखेज्जा असंखेज्जा अनंता गोयमा नो संखेज्जा नो असंखेज्जा अनंता वट्ठा णं भंते संठाणा एवं चेव एवं जाव अणित्थंया एवं पएसड्डयाए वि एससि णं भंते परिमंडल-वट्ट-तंस-चउरंस-आयत-अणित्थंयाणं संठाणाणं दव्वट्ट-याए पएसड्डयाए दव्वट्ट-पएसड्डयाए कयरे कयरेहिंतो विसेसाहिया वा गोयमा सव्वत्थोवा परिमंडलसंठाणा दव्वट्टयाए वट्ठासंठाणा दव्वट्टयाए संखेज्जगुणा चउरंसा संठाणा दव्वट्टयाए संखेज्जगुणा तंसा संठाणा दव्वट्टयाए संखेज्जगुणा आयाता संठाणा दव्वट्टयाए संखेज्जगुणा अणित्थंया संठाणा दव्वट्टयाए असंखेज्जगुणा पएसड्डयाए-सव्वत्थोवा परिमंडला संठाणा पएसड्ड-याए वट्ठा संठाणा पएसड्डयाए संखेज्जगुणा जहा दव्वट्टयाए तथा पएसड्डयाए वि जाव अणित्थंया संठाणा पएसड्डयाए असंखेज्जगुणा दव्वट्टपएसड्डयाए-सव्वत्थोवा परिमंडला संठाणा दव्वट्टयाए सो चेव दव्वट्टयाए गमओ भाणियव्वो जाव अणित्थंया संठाणा दव्वट्टयाए असंखेज्जगुणा अणित्थं-येहिंतो संठाणेहिंतो दव्वट्टयाए संखेज्जगुणा सो चेव पएसड्डयाए गमओ भाणियव्वो जाव अणित्थंया संठाणा पएसड्डयाए असंखेज्जगुणा । ७२५।-७२४

(८७१) कति णं भंते संठाणा पत्रत्ता गोयमा पंच संठाणा पत्रत्ता तं जहा-परिमंडले जाव आयते, परिमंडला णं भंते संठाणा किं संखेज्जा असंखेज्जा अनंता गोयमा नो संखेज्जा नो असंखेज्जा अनंता, वट्ठा णं भंते संठाणा किं संखेज्जा एवं चेव एवं जाव आयता इमीसे णं भंते रयणप्पभाए पुढवीए परिमंडला संठाणा किं संखेज्जा असंखेज्जा अनंता गोयमा नो संखेज्जा नो असंखेज्जा अनंता वट्ठाणं भंते संठाणा किं संखेज्जा एवं चेव एवं जाव आयता सक्करप्पभाए णं भंते पुढवीए परिमंडला संठाणा एवं चेव एवं जाव आयता एवं जाव अहेसत्तामाए सोहम्मे णं भंते कप्पे परिमंडला संठाणा एवं जाव अच्चए गेवेज्जविमाणे णं भंते परिमंडला संठाणा एवं चेव एवं अनुत्तरविमाणेसु वि एवं ईसिपक्काराए वि जत्थ णं भंते एगे परिमंडले संठाणे जयमज्जे तत्थ परिमंडला संठाणा किं संखेज्जा असंखेज्जा अनंता गोयमा नो संखेज्जा नो असंखेज्जा अनंता वट्ठा णं

भंते संठाणा किं संखेज्जा एवं चेव एवं जाव आयता जत्थ णं भंते एगे वट्टे संठाणे जवमज्जे तत्थ परिमंडला संठाणा एवं चेव वट्ठ संठाणा एवं चेव एवं जाव आयता एवं एककेक्केणं संठाणेणं पंच वि चारेयव्वा जाव आयतेणं जत्थ णं भंते इमीसे रयणम्भाए पुढवीए एगे परिमंडले संठाणे जवमज्जे तत्थ णं परिमंडला संठाणा किं संखेज्जा-पुच्छा गोयमा नो संखेज्जा नो असंखेज्जा अनंता वट्ठा णं भंते संठाणा किं संखेज्जा एवं चेव एवं जाव आयता जत्थ णं भंते इमीसे रयणम्भाए अनंता वट्ठा संठाणा एवं चेव एवं जाव आयता एवं पुणरवि एककेक्केणं संठाणेणं पंच वि चारेयव्वा जहेव हेड्डिज्जा जाव आयतेणं एवं जाव अहेसत्तामाए एवं कप्पेसु वि जाव ईसीपव्वराए पुढवीए । ७२६।-725

(८७२) वट्टे णं भंते संठाणे कतिपदेसिए कतिपदेसोगाढे पत्रत्ते गोयमा वट्टे संठाणे दिविहे पत्रत्ते तं जहा-घणवट्टे य पतरवट्टे य तत्थ णं जे से पतरवट्टे से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं पंचपदेसिए पंचपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं बारसपदेसिए बारसपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से घणवट्टे से दुविहे पत्रत्ते तं जहा ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं सत्तपदेसिए सत्तपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे पत्रत्ते तत्थ णं जे से जुम्पपदेसिए से जहण्णेणं बत्तीसपदेसिए बत्तीसपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे पत्रत्ते तंसे णं उक्कोसेणं अनंतपदेसिए असंखेज्जपदेसोगाढे पत्रत्ते तंसे णं भंते संठाणे कतिपदेसिए कतिपदेसोगाढे पत्रत्ते गोयमा तंसे णं संठाणे दुविहे पत्रत्ते तं जहा-घणतंसे य पतरतंसे य तत्थ णं जे से पतरतंसे से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं तिपदेसिए तिपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे पत्रत्ते तत्थ णं जे से जुम्पपदेसिए से जहण्णेणं छप्पदेसिए छप्पदेसोगाढे पन्नत्ते उक्कोसेणं अनंतपदेसिए असंखेज्जपदेसोगाढे पन्नत्ते तत्थ णं जे से घणतंसे से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं पणतीसपदेसिए पणतीसपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं चउप्पदेसिए चउप्पदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे चउरंसे णं भंते संठाणे कतिपदेसिए-पुच्छा गोयमा चउरंसे संठाणे दुविहे पत्रत्ते भेदा जहेव वट्ठस्स जाव तत्थ णं जेसे ओयपदेसिए से जहण्णेणं नवपदेसिए नवपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे पत्रत्ते तत्थ णं जे से जुम्पपदेसिए से जहण्णेणं चउपदेसिए चउपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे तत्थ णं जे से घणचउरंसे से दुविहे पत्रत्ते तं जहा-ओयपदेसिए य जुम्पपदेसिए से जहण्णेणं सत्तावीसइपदेसिए सत्तावीसइपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं अट्ठपदेसिए अट्ठपदेसोगाढे पत्रत्ते उक्कोसेणं अनंतपदेसिए असंखेज्जपदेसोगाढे आयते णं भंते संठाणे कतिपदेसिए कतिपदेसोगाढे पत्रत्ते गोयमा आयते णं संठाणे तिविहे पत्रत्ते तं जहा-सेडिआयते पतरायते घणायते तत्थ णं जे से सेडिआयते से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं तिपदेसिए तिपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं दुपदेसिए दुपदेसोगाढे उक्कोसेणं

अनंतपदेसिए असंखेज्जपदेसोगाढे तत्थ णं जे से पतरायते से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं पत्ररसपदेसिए पत्ररसपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं छप्पदेसिए छप्पदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से घणायते से दुविहे पत्रत्ते तं जहा-ओयपदेसिए य जुम्पपदेसिए य तत्थ णं जे से ओयपदेसिए से जहण्णेणं पणयालीसपदेसिए पणया-लीसपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से जुम्पपदेसिए से जहण्णेणं बारसपदेसिए बारसपदेसोगाढे उक्कोसेणं अनंतपदेसिए असंखेज्जपदेसोगाढे ॥७२७॥-728

(८७३) परिमंडले णं भंते संठाणे कतिपदेसिए-पुच्छ गोयमा परिमंडले णं संठाणे दुविहे पत्रत्ते तं जहा-घणपरिमंडले व पतरपरिमंडले य तत्थ णं जे से पतरपरिमंडले से जहण्णेणं वी-सइपदेसिए वीसइपदेसोगाढे उक्कोसेणं अनंतपदेसिए असंखेज्जपदेसोगाढे तत्थ णं जे से घणपरिमंडले से जहण्णेणं चत्तालीसइपदेसिए चत्तालीसइपदेसोगाढे पत्रत्ते उक्कोसेणं अनंत-पदेसिए असंखेज्जपदेसोगाढे पत्रत्ते परिमंडले णं भंते संठाणे दब्बइयाए किं कडजुम्मे तेओए दावरजुम्मे कलियोए गोयमा नो कडजुम्मे नो तेओ नो दावरजुम्मे कलियोए वट्टे णं भंते संठाणे दब्बइयाए एवं चैव एवं जाव आयते परिमंडला णं भंते संठाणा दब्बइयाए किं कडजुम्मा तेयोवा-पुच्छा गोयमा ओघादेसेणं सिय कडजुम्मा सिय तेओगा सिय दावरजुम्मा सिय कलियोगा विहाणादेसेणं नो कडजुम्मा नो तेओगा नो दावरजुम्मा कलियोगा एवं जाव आयता परिमंडले णं भंते संठाणे पएसइयाए किं कडजुम्मे-पुच्छा गोयमा सिय कडजुम्मे सिय तेयोगे सिय दावरजुम्मे सिय कलियोगे एवं जाव आयते परिमंडला णं भंते संठाणा पदेसइयाए किं कडजुम्मा-पुच्छा गोयमा ओघादेसेणं सिय कडजुम्मा जाव सिय कलियोगा विहाणादेसेणं कडजुम्मा वि तेओगा वि दावरजुम्मा वि कलियोगा वि एवं जाव आयता परिमंडले णं भंते संठाणे किं कडजुम्पदेसोगाढे जाव कलियोगपदेसोगाढे गोयमा कडजुम्पदेसोगाढे नो तेयोगपदेसोगाढे नो दावरजुम्प-पदेसोगाढे नो कलियोगपदेसोगाढे वट्टे णं भंते संठाणे किं कडजुम्पदेसोगाढे-पुच्छा गोयमा सिय कडजुम्पदेसोगाढे सिय तेओगपदेसोगाढे नो दावरजुम्पदेसोगाढे सिय कलियोगपदेसोगाढे तंसे णं भंते संठाणे पुच्छा गोयमा सिय कडजुम्पदेसोगाढे सिय तेयोगपदेसोगाढे सिय दावर-जुम्पदेसोगाढे नो कलियोगपदेसाढे चउरंसे णं भंते संठाणे जहा वट्टे तहा चउरंसे वि आयते णं भंते पुच्छा गोयमा सिय कडजुम्पदेसोगाढे जाव सिय कलियोगपदेसोगाढे परिमंडला णं भंते संठाणा किं कडजुम्पदेसोगाढा-पुच्छा गोयमा ओघादेसेण वि विहाणादेसेण वि कडजुम्प-पदेसोगाढा नो तेयोगपदेसोगाढा नो दावरजुम्पदेसोगाढा नो कलियोगपदेसोगाढा, वट्टा णं भंते संठाणा किं कडजुम्पदेसोगाढा-पुच्छा गोयमा ओघादेसेणं कडजुम्पदेसोगाढा नो तेयोगपदेसोगाढा नो दाव-रजुम्पदेसोगाढा नो कलियोगपदेसोगाढा विहाणादेसेणं कडजुम्पदेसोगाढा वि तेयोगपदेसोगाढा वि नो दावरजुम्पदेसोगाढा कलियोगपदेसोगाढा वि तंसा णं भंते संठाणा किं कडजुम्पदे-सोगाढा-पुच्छा गोयमा ओघादेसेणं कडजुम्पदेसोगाढा नो तेयगपदेसोगाढा नो दावरजुम्पदे-सोगाढा नो कलियोगपदेसोगाढा विहाणादेसेणं कडजुम्पदेसोगाढा वि तेयोगपदेसोगाढा वि नो दावरजुम्पदेसोगाढा कलियोगपदेसोगाढा वि चउरंसा जहा वट्टा आयता णं भंते संठाणा-पुच्छा गोयमा ओघादेसेणं कडजुम्पदेसोगाढा नो तेयोगपदेसोगाढा नो दावरजुम्पदेसोगाढा नो

कलियोगपदेसोगाढा विहाणादेसेणं कडजुम्मपदेसोगाढा वि जाव कलियोगपदेसोगाढा वि, परि-
मंडले णं भंते संठाणे किं कडजुम्मसमयठितीए तेयोगसमयठितीए दावरजुम्मसमयठितीए
कलियोगसमयठितीए गोयमा सिय कडजुम्मसमयठितीए जाव सिय कलियोगसमयठितीए एवं
जाव आयते परिमंडला णं भंते संठाणा किं कडजुम्मसमयठितीया-पुच्छा गोयमा ओघादेसेणं सिय
कडजुम्मसमयठितीया जाव सिय कलियोगसमयठितीया विहाणादेसेणं कडजुम्मसमयठितीया वि
जाव कलियोगसमयठितीया वि एवं जाव आयता परिमंडले णं भंते संठाणे कालवण्णपज्जवेहिं किं
कडजुम्मे जाव कलियोगे गोयमा सिय कडजुम्मे एवं एएणं अभिलावेणं जहेव ठितीए एवं
नीलवण्णपज्जवेहिं एवं पंचहिं वण्णेहिं दोहिं गंधेहिं पंचहिं रसेहिं अट्ठहिं फासेहिं जाव लुक्ख-
फासपज्जवेहिं । ७२८। 727

(८७४) सेढीओ णं भंते दब्बट्टयाए किं संखेज्जाओ असंखेज्जाओ अनंताओ गोयमा नो
संखेज्जाओ नो असंखेज्जाओ अनंताओ पाईणपडीणायताओ णं भंते सेढीओ दब्बट्टयाए किं
संखेज्जाओ एवं चेव एवं दाहिणुत्तरायताओ वि एवं उड्ढमहायताओ वि लोगागाससेढीओ णं भंते
दब्बट्टयाए किं संखेज्जाओ असंखेज्जाओ अनंताओ गोयमा नो संखेज्जाओ असंखेज्जाओ नो
अनंताओ पाईणपडीणायताओ णं भंते लोगागाससेढीओ दब्बट्टयाए किं संखेज्जाओ एवं चेव एवं
दाहिणुत्तरायताओ वि एवं उड्ढमहायताओ वि अलोगागाससेढीओ णं भंते दब्बट्टयाए किं
संखेज्जाओ अनंताओ गोयमा नो संखेज्जाओ नो असंखेज्जाओ अनंताओ एवं पाईणपडीणायताओ
वि एवं दाहिणुत्तरायताओ वि एवं उड्ढमहायताओ वि सेढीओ णं भंते पएसड्डया किं संखेज्जाओ जहा
दब्बट्टयाए तहा पएसड्डयाए वि जाव उड्ढमहायताओ वि सव्वाओ अनंताओ लोगागाससेढीओ णं
भंते पएसड्डयाए किं संखेज्जाओ-पुच्छा गोयमा सिय संखेज्जाओ सिय असंखेज्जाओ नो अनंताओ
एवं पाईणपडीणायताओ वि दाहिणुत्तरायताओ वि एवं चेव उड्ढमहायताओ नो संखेज्जाओ
असंखेज्जाओ नो अनंताओ अलोगागाससेढीओ णं भंते पदेसट्टयाए-पुच्छा गोयमा सिय
संखेज्जाओ सिय असंखेज्जाओ सिय अनंताओ पाईणपडीणाव-ताओ णं भंते अलोगागाससेढीओ-
पुच्छा गोयमा नो संखेज्जाओ नो असंखेज्जाओ अनंताओ एवं दाहिणुत्तरायताओ वि उड्ढमहाय-
ताओ-पुच्छा गोयमा सिय संखेज्जाओ सिय असंखेज्जाओ सिय अनंताओ । ७२९। 728

(८७५) सेढीओ णं भंते किं सादीयाओ सपज्जवसियाओ सादीयाओ अपज्जवसियाओ
अणादीयाओ सपज्जवसियाओ अणादीयाओ अपज्जवसियाओ गोयमा नो सादीयाओ सपज्जवसि-
याओ नो सादीयाओ अपज्जवसियाओ नो अणादीयाओ सपज्जवसियाओ अणादीयाओ अपज्जव-
सियाओ एवं जाव उड्ढमहायताओ लोगागाससेढीओ णं भंते किं सादीयाओ सपज्जवसियाओ-
पुच्छा गोयमा सादीयाओ सपज्जवसियाओ नो सादीयाओ अपज्जवसियाओ नो अणादीयाओ
सपज्जवसियाओ नो अणादीयाओ अपज्जवसियाओ एवं जाव उड्ढ महायताओ, अलोगागास
सेढीओ णं भंते किं सादीयाओ सपज्जवसियाओ पुच्छा गोयमा सिय सादीयाओ सपज्जवसियाओ
सिय सादीयाओ अपज्जवसियाओ सिय अणादीयाओ सपज्जवसियाओ सिय अणादीयाओ
अपज्जवसि-याओ पाईणपडीणायताओ दाहिणुत्तरायताओ य एवं चेव नवरं-नो सादीयाओ
सपज्जवसियाओ सिय सादीयाओ अपज्जवसियाओ सेसं तं चेव उड्ढमहायताओ जहा ओहियाओ
तहेव चउभंगो सेढीओ णं भंते दब्बट्टयाए किं कडजुम्माओ तेओयाओ-पुच्छा गोयमा कडजुम्माओ

नो तेओयाओ नो दावरजुम्माओ नो कलियोगाओ एवं जाव उड्डमहायताओ लोगागाससेदीओ एवं चेव एवं अलोगागास सेदीओ वि सेदीओ णं भंते पदेसट्ठए किं कडजुम्माओ एवं चेव एवं जाव उड्डमहायताओ लोगागाससेदीओ णं भंते पदेसट्ठयाए-पुच्छा गोयमा सिय कडजुम्माओ नो तेओयाओ सिय दावरजुम्माओ नो कलियोगाओ एवं पाईणपडीणायताओ वि दाहिणुत्तरायताओ वि उड्डमहायताओ णं भंते पवेसट्ठयाए-पुच्छा गोयमा कडजुम्माओ नो तेओयाओ नो दावरजुम्माओ नो कलियोगाओ अलोगागाससेदीओ णं भंते पदेसट्ठयाए-पुच्छा गोयमा सिय कडजुम्माओ जाव सिय कलियोगाओ एवं पाईणपडीणायताओ वि एवं दाहिणुत्तरायताओ वि उड्डमहायताओ वि एवं चेव नवरं-नो कलियोगाओ सेसं तं चेव ॥७३०॥-७३१

(८७६) कति णं भंते सेदीओ पत्रत्ताओ गोयमा सत्त सेदीओ पत्रत्ताओ तं जहा-उज्जुआयता एगओवंका दुहओवंका एगओखहा दुहओखहा चक्कवाला अद्धचक्कवाला, परमाणुपोग्लाणं भंते किं अणुसेढिं गती पवत्तति विसेढिं गती पवत्तति गोयमा अणुसेढिं गती पवत्तति नो विसेढि गती पवत्तति दुपएसियाणं भंते खंधाणं अनुसेढिं गती पवत्तति विसेढिं गती पवत्तति एवं चेव एवं जाव अनंतपदेसियाणं खंधाणं नेरइयाणं भंते किं अनुसेढिं गती पवत्तति विसेढिं गती पवत्तति एवं चेव एवं जाव वेमाणियाणं ॥७३१॥-७३०

(८७७) इमीसे णं भंते रयणम्भाए पुढवीए केवतिया निरयागाससवसहस्सा पत्रत्ता गोयमा तीसं पत्रत्ता एवं जहा पढमसते पंचमुद्देसए जाव अनुत्तरविमाणं ति ॥७३२॥-७३१

(८७८) कतिविहे णं भंते गणिपिडए पत्रत्ते गोयमा दुवालसंगे गणिपिडए पत्रत्ते तं जहा-आचारो जाव दिट्ठीवओ से किं तं आचारो आचारो णं सपणाणं निनगंधाणं आचार-गोयर-विणयवेणइच-सिक्खा-भासा-अभासा-चरण-करण-आया-माया-वित्तीओ आवविज्जंति एवं अंग-परूवणा भाणियव्वा जहा नंदीए [जाव-] ॥७३३॥-७३२

(८७९) सुतत्थो खलु पढमो बीओ निज्जुत्तिमीसओ भणिओ

तइओ य निरवसेसो एस विही होइ अणुओगे

॥४४॥-१

(८८०) एसि णं भंते नेरइयाणं जाव देवाणं सिद्धाणं व पंचगतिसमासेणं कयरे कयरेहिंतो पुच्छा गोयमा अप्पाबहुयं जहा बहुवत्तव्वयाए अट्ठगतिसमासप्पाबहुयं व एसि णं भंते संइदियाणं एणिदियाणं जाव अणिदियाणं य कयरे कयरेहिंतो अप्पा वा जाव विसेसाहिया वा एवं पि जहा बहुवत्तव्वयाए तहेव ओहियं पवं भाणियव्वं सकाइयअप्पाबहुयं तहेव ओहियं भाणियव्वं एसि णं भंते जीवाणं पोग्लाणं जाव सब्वपज्जवाणं व कयरे कयरेहिंतो अप्पा वा जाव विसेसाहिया वा जहा बहुवत्तव्वयाए एसि णं भंते जीवाणं आउयस्स कम्मस्स बंधगाणं अबंधगाणं जहा बहुवत्तव्वयाए जाव आउयस्स कम्मस्स अबंधगा विसेसाहिया सेवं भंते सेवं भंते ति ॥७३४॥-७३३

● पंचवीसइमे सते तइओ उद्देसो सत्तो ●

—: व उ त्थो—उ दे सो —:

(८८१) कति णं भंते जुम्मा पत्रत्ता गोयमा चत्तारि जुम्मा पत्रत्ता तं जहा-कडजुम्मे जाव कलियोगे से केणइणं भंते एवं वुच्चइ-चत्तारि जुम्मा पत्रत्ता-कडजुम्मे जाव कलियोगे एवं जहा अट्ठारसमसते चउत्थे उद्देसए तहेव जाव से तेणइणं गोयमा एवं वुच्चइ नेरइयाणं भंते कति जुम्मा पत्रत्ता गोयमा चत्तारि जुम्मा पत्रत्ता तं जहा-कडजुम्मे जाव कलियोगे से केणइणं भंते एवं वुच्चइ-नेरइयाणं चत्तारि जुम्मा पत्रत्ता तं जहा-कडजुम्मे अट्ठो तहेव एवं जाव वाउकाइयाणं

वणस्सइकाइयाणं भंते-पुच्छा गोयमा वणस्सइकाइया सिय कडजुम्मा सिय तेयोगा सिय दावरजुम्मा सिय कलियोगा से केणट्ठेणं भंते एवं वुद्धइ-वणस्सइकाइया जाव कलियोगा गोयमा उववायं पडुच्च से तेणट्ठेणं तं चेव वेइंदियाणं जहा नेरइयाणं एवं जाव वेमाणियाणं सिद्धाणं जहा वणस्सइकाइयाणं कतिविहा णं भंते सब्बदब्बा पन्नत्ता गोयमा छब्बिहा सब्बदब्बा पन्नत्ता तं जहा-धम्मत्थिकाए अधम्मत्थिकाए जाव अट्ठासमए धम्मत्थिकाए णं भंते दब्बट्ठयाए किं कडजुम्मे जाव कलियोगे गोयमा नो कडजुम्मे नो तेयोगे नो दावरजुम्मे कलियोगे एवं अधम्मत्थिकाए वि एवं आगासत्थिकाए वि जीवात्थिकाए णं भंते-पुच्छा गोयमा कडजुम्मे नो तेयोगे नो दावरजुम्मे नो कलियोगे पोगलत्थिकाए णं भंते-पुच्छा गोयमा सिय कडजुम्मे जाव सिय कलियोगे अट्ठासमए जहा जीवत्थिकाए धम्मत्थिकाए णं भंते पदेसट्ठयाए किं कडजुम्मे-पुच्छा गोयमा कडजुम्मे नो तेयोगे नो दावरजुम्मे नो कलियोगे एवं जाव अट्ठासमए एएसिं णं भंते धम्मत्थिकाय-अधम्मत्थिकाय जाव अट्ठासमयाणं दब्बट्ठयाए एएसिं णं अप्पादहुगं जहा बहुवत्तब्बयाए तहेव निरयसेसं धम्मत्थिकाए णं भंते किं ओगाढे अणोगाढे गोयमा ओगाढे नो अणोगाढे जइ ओगाढे किं संखेज्जपदेसोगाढे असंखेज्जपदेसोगाढे अनंतपदेसोगाढे गोयमा नो संखेज्जपदेसोगाढे असंखेज्जपदेसोगाढे नो अनंत-पदेसोगाढे जइ असंखेज्जपदेसोगाढे किं कडजुम्पदेसोगाढे-पुच्छा गोयमा कडजुम्पदेसोगाढा नो दावरजुम्पदेसोगाढे नो कलियोगपदेसोगाढे एवं अधम्मत्थिकाए वि एवं आगासत्थिकाए वि जीवत्थिकाए पोगलत्थिकाए अट्ठासमए एवं चेव इमा णं भंते रयणप्पभा पुट्ठी किं ओगाढा अणोगाढा जहेव धम्मत्थिकाए एवं जाव अहेसत्तमा सोहम्मे एवं चेव एवं जाव ईसिपप्परा पुट्ठी

193५1-734

(८८२) जीवे णं भंते दब्बट्ठयाए किं कडजुम्मे-पुच्छा गोयमा नो कडजुम्मे नो तेयोगे नो दावरजुम्मे कलियोगे एवं नेरइए वि एवं जाव सिद्धे जीवा णं भंते दब्बट्ठयाए किं कडजुम्मा-पुच्छा गोयमा ओघादेसेणं कडजुम्मा नो तेयोगा नो दावरजुम्मा कलियोगा नेरइया णं भंते दब्बट्ठयाए-पुच्छा गोयमा ओघादेसेणं सिय कडजुम्मा जाव सिय कलियोगा विहाणादेसेणं नो कडजुम्मा नो तेयोगा नो दावरजुम्मा कलियोगा एवं जाव सिद्धा जीवे णं भंते पदेसट्ठयाए किं कडजुम्मे-पुच्छा गोयमा जीवपदेसे पडुच्च कडजुम्मे नो तेयोगे नो दावरजुम्मे नो कलियोगे सरीरपदेसे पडुच्च सिय कडजुम्मे जाव सिय कलियोगे एवं जाव वेमाणिए सिद्धे णं भंते पदेसट्ठयाए किं कडजुम्मे-पुच्छा गोयमा कडजुम्मे नो तेयोगे नो दावरजुम्मे नो कलियोगे जीवा णं भंते पदेसट्ठयाए किं कडजुम्मा-पुच्छा गोयमा जीवपदेसे पडुच्च ओघादेसेणं वि विहाणादेसेणं वि कडजुम्मा नो तेयोगा नो दावरजुम्मा नो कलियोगा सरीरपदेसे पडुच्च ओघादेसेणं सिय कडजुम्मा जाव सिय कलियोगा विहाणादेसेणं कडजुम्मा वि जाव कलियोगा वि एवं नेरइया वि एवं जाव वेमाणिया सिद्धा णं भंते-पुच्छा गोयमा ओघादेसेणं वि विहाणादेसेणं वि कडजुम्मा नो तेयोगा नो दावरजुम्मा नो कलियोगा 193६1-735

(८८३) जीवे णं भंते किं कडजुम्पदेसोगाढे-पुच्छा गोयमा सिय कडजुम्पदेसोगाढे जाव सिय कलियोगपदेसोगाढे एवं जाव सिद्धे जीवा णं भंते किं कडजुम्पदेसोगाढा नो तेयोग-पदेसोगाढा नो दावरजुम्पदेसोगाढा नो कलियोगपदेसोगाढा विहाणादेसेणं कडजुम्पदेसोगाढा वि जाव कलियोगपदेसोगाढा वि नेरइयाणं-पुच्छा गोयमा ओघादेसेणं सिय कडजुम्पदेसोगाढा जाव सिय कलियोगपदेसोगाढा विहाणादेसेणं कडजुम्पदेसोगाढा वि जाव कलियोगपदेसोगाढा

वि एवं एगिंदिय-सिद्धवज्रा सच्चे वि सिद्धा एगिंदिया य जहा जीवा जीवे णं भंते किं कडजुम्मसम-
यद्धितिए-पुच्छा गोयमा कडजुम्मसमयद्धितिए नो तेयोगसमयद्धितिए नो दावरजुम्मसमयद्धितिए नो
कलियोगसमयद्धितिए नेरइयए णं भंते - पुच्छा गोयमा सिय कडजुम्मसमयद्धितिए जाव सिय
कलियोगसमयद्धितिए एवं जाव वेमाणिए सिद्धे जहा जीवे जीवा णं भंते-पुच्छा गोयमा ओघादेसेण
वि विहाणादेसेण वि कडजुम्मसमयद्धितिया नो तेयोगसमयद्धितिया नो दावरजुम्म- सयद्धितिया नो
कलियोगसमयद्धितिया नेरइयाणं-पुच्छा गोयमा ओघादेसेणं सिय कडजुम्मसमयद्धितिया जाव सिय
कलियोगसमयद्धितिया वि एवं जाव वेमाणिया सिद्धा जहा जीवा जीवे णं भंते कालावण्णपज्जवेहिं
किं कडजुम्मे-पुच्छा गोयमा जीवपदेसे पडुच्च नो कडजुम्मे जाव नो कलियोगे सरीरपदेसे पडुच्च सिय
कडजुम्मे जाव सिय कलियोगे एवं जाव वेमाणिए सिद्धो ण चेव पुच्छिञ्जति [सिद्धा जहा जीवा]
।७३७।-736

(८८४) जीवा णं भंते कालवन्नपज्जवेहिं-पुच्छा गोयमा जीवपदेसे पडुच्च ओघादेसेणं वि
विहाणादेसेण वि नो कडजुम्मा जाव नो कलियोगा सरीरपदेसे पडुच्च ओघादेसेणं सिय कडजुम्मा
जाव सिय कलियोगा विहाणादेसेणं कडजुम्मावि जाव कलियोगा वि एवं जाव वेमाणिया एवं
नीलावण्णपज्जवेहिं दंडओ भाणियच्चो एगत्तपुहत्तेणं एवं जाव लुक्खफासपज्जवेहिं जीवे णं भंते
आभिणिबोहियनाणपज्जवेहिं किं कडजुम्मे-पुच्छा गोयमा सिय कडजुम्मे जाव सिय कलियोगे एवं
एगिंदियवज्रं जाव वेमाणिए जीवा णं भंते आभिणिबोहियनाणपज्जवेहिं-पुच्छा गोयमा ओघादेसेणं
सिय कडजुम्मा जाव सिय कलियोगा विहाणादेसेणं कडजुम्मा वि जाव कलियोगा वि एवं
एगिंदियवज्र जाव वेमाणिया एवं सुयनाणपज्जवेहिं वि ओहिनाणपज्जवेहिं वि एवं चेव नवरं-
विगल्लिंदियाणं नत्थि ओहिनाणं णणपज्जवनानं पि एवं चेव नवरं-जीवाणं णणुस्ताणं य सेसाणं
नत्थि जीवे णं भंते केवलनाणपज्जवेहिं किं कडजुम्मे-पुच्छा गोयमा कडजुम्मे नो तेयोगे नो
दावरजुम्मे नो कलियोगे एवं णणुस्ता वि एवं सिद्धा वि जीवे णं भंते मइअनाणपज्जवेहिं किं
कडजुम्मे जहा आभिणिबोहियनाणपज्जवेहिं तहेव दो दंडा एवं सुयनअण्णाणपज्जवेहिं वि एवं
विभंगनाणपज्जवेहिं वि चक्खुदंसण-अचक्खुदंसण-ओहिदंसणपज्जवेहिं वि एवं चेव नवरं-जस्स जं
अत्थि तं भाणियच्चं केवलदंसणपज्जवेहिं जहा केवलनाण पज्जवेहिं ।७३८।-737

(८८५) कति णं भंते सरीरगा पत्रत्ता गोयमा पंच सरीरगा पत्रत्ता तं जहा-ओरालिए जाव
कम्मए एत्थ सरीरगपदं निरयसेसं भाणियच्चं जहा पत्रवणाए ।७३९।-738

(८८६) जीवा णं भंते किं सेया निरेया गोयमा जीवा सेया वि निरेया वि से केणट्ठेणं भंते एवं
बुद्धि-जीवा सेया वि निरेया वि गोयमा जीवा दुविहा पत्रत्ता तं जहा-संसारसमावण्णगा य
असंसारसमावण्णगा य तत्थ णं जे ते असंसारसमावण्णगा ते णं सिद्धा सिद्धा णं दुविहा पत्रत्ता तं
जहा-अनंतरसिद्धा य परंपरसिद्धा य तत्थ णं जे ते परंपरसिद्धा ते णं निरेया तत्थ णं जे ते
अनंतरसिद्धा ते णं सेया ते णं भंते किं देसेया सच्चेया गोयमा नो देसाय सच्चेया तत्थ णं जे ते
संसारसमावण्णगा ते दुविहा पत्रत्ता तं जहा-सेलेसिपडिवण्णगा य असेलेसिपडिवण्णगा य तत्थ णं
जे ते सेलेसिपडिवण्णगा ते णं निरेया तत्थ णं जे ते असेलेसीपडिवण्णगा ते णं सेया ते णं भंते किं
देसेया सच्चेया गोयमा देसेया वि सच्चेया वि से तेणट्ठेणं जाव निरेया वि नेरइयाणं भंते किं देसेया
सच्चेया गोयमा देसेया वि सच्चेया वि से केणट्ठेणं जाव सच्चेया वि गोयमा नेरइया दुविहा पत्रत्ता तं

जहा-विग्गहगतिसमावण्णगा य अविग्गहगतिसमावण्णगा य तत्थ णं जे ते विग्गहगतिसमावण्णगा ते णं सव्वेया तत्थ णं जे ते अविग्गहगतिसमावण्णगा ते णं देसेया से तेण्डुमं जाव सव्वेया वि एवं जाव वेमाणिआ ॥७४०१-७३९

(८८७) परमाणुपोगला णं भंते किं संखेज्जा असंखेज्जा अनन्ता गोयमा नो संखेज्जा नो असंखेज्जा अनन्ता एवं जाव अनन्तपदेसिया खंधा एगपदेसोगाढा णं भंते पोगला किं संखेज्जा असंखेज्जा अनन्ता एवं चेव एवं जाव असंखेज्जपदेसोगाढा एगसमयद्वितीया णं भंते पोगला किं संखेज्जा एवं चेव एवं जाव असंखेज्जसमयद्वितीया एगगुणकालगा णं भंते पोगला किं संखेज्जा एवं चेव एवं जाव अनन्तगुणकालगा एवं अवसेसा वि वण्णगंधरसफासा नेयव्वा जाव अनन्तगुणलुक्ख ति एसिं णं भंते परमाणुपोगलाणं दुपदेसियाणं य खंधाणं दव्वड्डयाए कयरे कयरेहिंतो बहुया गोयमा दुपदेसिएहिंतो खंधे हिंतो परमाणुपोगला दव्वड्डयाए बहुया एसिं णं भंते दुपदेसियाणं तिपदेसियाणं य खंधाणं दव्वड्डयाए कयरे कयरेहिंतो बहुया गोयमा तिपदेसिएहिंतो खंधेहिंतो दुपदेसिया खंधा दव्वड्डयाए बहुया एवं एणं गमएणं जाव दसपदेसिएहिंतो खंधेहिंतो नवपदेसिया खंधे दव्वड्डयाए बहुया एसिं णं भंते दसपदेसियाणं-पुच्छा गोयमा दसपदेसिएहिंतो खंधेहिंतो संखेज्जपदेसिया खंधा दव्वड्डयाए बहुया एसिं भंते संखेज्जपदेसियाणं-पुच्छा गोयमा संखेज्जपदेसिएहिंतो खंधेहिंतो असंखेज्जपदेसिया खंधा दव्वड्डयाए बहुया एसिं णं भंते असंखेज्जपदेसियाणं-पुच्छा गोयमा अनन्तपदेसिएहिंतो खंधेहिंतो असंखेज्जपदेसिया खंधा दव्वड्डयाए बहुया एसिं णं भंते परमाणुपोगलाणं दुपदेसियाणं य खंधाणं पदेसड्डयाए कयरे कयरेहिंतो बहुया गोयमा परमाणु-पोगलेहिंतो दुपदेसिया खंधा पदेसड्डयाए बहुया एवं एणं गमएणं जाव नवपदेसिएहिंतो खंधेहिंतो दसपदेसिया खंधा पदेसड्डयाए बहुया एवं सव्वत्थ पुच्छियव्वं दसपदेसिएहिंतो खंधेहिंतो संखेज्ज-पदेसिया खंधा पदेसड्डयाए बहुया संखेज्जपदेसिएहिंतो खंधेहिंतो असंखेज्जपदेसिया खंधा पदेसड्डयाए बहुया एसिं णं भंते असंखेज्जपदेसियाणं-पुच्छा गोयमा अनन्तपदेसिएहिंतो खंधेहिंतो असंखेज्जपदेसिया खंधा पदेसड्डयाए बहुया एसिं णं भंते एगपदेसोगाढाणं दुपदेसोगाढाणं य पोगलाणं दव्वड्डयाए कयरे कयरेहिंतो विसेसाहिया गोयमा दुपदेसोगाढेहिंतो पोगलेहिंतो एगपदेसोगाढा पोगला दव्वड्डयाए विसेसाहिया एवं एणं गमएणं तिपदेसोगाढेहिंतो पोगलेहिंतो दुपदेसोगाढा पोगला दव्वड्डयाए विसेसाहिया जाव दसपदेसोगाढेहिंतो पोगलेहिंतो नवपदेसोगाढा पोगला दव्वड्डयाए विसेसाहिया दसपदेसोगाढेहिंतो पोगलेहिंतो संखेज्जपदेसोगाढा पोगला दव्वड्डयाए बहुया पुच्छा सव्वत्थ भाणियव्वा

एसिं णं भंते एगपदेसोगाढाणं दुपदेसोगाढाणं य पोगलाणं पदेसड्डयाए कयरे कयरेहिंतो विसेसाहिया गोयमा एगपदेसोगाढेहिंतो पोगलेहिंतो दुपदेसोगाढा पोगला पदेसड्डयाए विसेसाहिया एवं जाव नवपदेसोगाढेहिंतो पोगलेहिंतो दसपदेसोगाढा पोगला पदेसड्डयाए विसेसाहिया दसपदेसोगाढेहिंतो पोगलेहिंतो संखेज्जपदेसोगाढा पोगला पदेसड्डयाए बहुया संखेज्जपदेसोगाढेहिंतो पोगलेहिंतो असंखेज्जपदेसोगाढा पोगला पदेसड्डयाए बहुया एसिं णं भंते एगसमयद्वितीयाणं दुसमयद्वितीयाणं य पोगलाणं दव्वड्डयाए जहा ओगाहणाए वत्तव्वया एवं ठितीए वि एसिं णं भंते एगगुणकालगाणं दुगुणकालगाणं य पोगलाणं दव्वड्डयाए एसिं णं जहा परमाणुपोगलादीणं तहेव वत्तव्वया निरवसेसा एवं सव्वेसिं वण्ण-गंध-रसाणं एसिं णं भंते

एगुणककखडाणं दुगुणककखडाणं य पोग्गलाणं दव्वड्डयाए कयरे कयरेहिंतो विसेसाहिया गोयमा एगुणककखडेहिंतो पोग्गलेहिंतो दुगुणककखडा पोग्गला दव्वड्डयाए विसेसाहिया एवं जाव नवगुणककखडेहिंतो पोग्गलेहिंतो दसगुणककखडा पोग्गला दव्वड्डयाए विसेसाहिया दसगुण-ककखडेहिंतो पोग्गलेहिंतो संखेज्जगुणककखडा पोग्गला दव्वड्डयाए बहुया संखेज्जगुणककखडेहिंतो पोग्गलेहिंतो असंखेज्जगुणककखडा पोग्गला दव्वड्डयाए बहुया असंखेज्जगुणककखडेहिंतो पोग्गलेहिंतो अनंतगुणककखडा पोग्गला दव्वड्डयाए बहुया एवं पदेसड्डयाए वि सव्वत्थ पुच्छा भाणियव्वा जहा ककखडा एवं मउय-गरुय-सहुया वि सीय-उसिण-निद्ध-लुक्खा जहा वज्जा ७४१-७४०

(८८८) एसि णं भंते परमाणुपोग्गलाणं संखेज्जपदेसियाणं असंखेज्जपदेसियाणं अनंतप-देसियाणं य खंधाणं दव्वड्डयाए पदेसड्डयाए दव्वड्ड-पदेसड्डया कयरे कयरेहिंतो जाव विसेसाहिया वा गोयमा सव्वत्थोवा अनंतपदेसिया खंधा दव्वड्डयाए परमाणुपोग्गला दव्वड्डयाए अनंतगुणा संखेज्जपदेसिया खंधा दव्वड्डयाए संखेज्जगुणा असंखेज्जपदेसिया खंधा दव्वड्डयाए असंखेज्जगुणा पदेसड्डयाए-सव्वत्थोवा अनंतपदेसिया खंधा पदेसड्डयाए परमाणुपोग्गला अपदेसड्डयाए अनंत-गुणा संखेज्जपदेसिया खंधा पदेसड्डयाए संखेज्जगुणा असंखेज्जपदेसिया खंधा पदेसड्डयाए असंखेज्ज-गुणा दव्वड्ड-पदेसड्डयाए-सव्वत्थोवा अनंतपदेसिया खंधा दव्वड्डयाए ते चेव पदेसड्डयाए अनंतगुणा परमाणुपोग्गला दव्वड्ड-पदेसड्डयाए अनंतगुणा संखेज्जपदेसिया खंधा दव्वड्डयाए संखेज्जगुणा ते चेव पदेसड्डयाए अनंतगुणा संखेज्जपदेसिया खंधा दव्वड्डयाए संखेज्जगुणा ते चेव पदेसड्डयाए संखेज्जगुणा असंखेज्जपदेसिया खंधा दव्वड्डयाए असंखेज्जगुणा ते चेव पदेसड्डयाए असंखेज्जगुणा एसि णं भंते एगपदेसोगाढाणं संखेज्जपदेसोगाढाण असंखेज्जपदेसोगाढाण य पोग्गलाणं दव्वड्डयाए पदेसड्डयाए दव्वड्ड-पदेसड्डयाए कयरे कयरेहिंतो जाव विसेसाहिया वा गोयमा सव्वत्थोवा एगपदेसोगाढा पोग्गला दव्वड्डयाए संखेज्जपदेसोगाढा पोग्गला दव्वड्डयाए संखेज्जगुणा असंखेज्जपदेसोगाढा पोग्गला दव्वड्डयाए असंखेज्जगुणा पदेसड्डयाए-सव्वत्थोवा एगपदेसोगाढा पोग्गला अपदेसड्डयाए संखेज्जपदेसोगाढा पोग्गला पदेसड्डयाए संखेज्जगुणा असंखेज्जपदेसोगाढा पोग्गला पदेसड्डयाए असंखेज्जगुणा दव्वड्ड-पदेसड्डयाए-सव्वत्थोवा एगपदेसोगाढा पोग्गला दव्वड्ड-अपदेसड्डयाए संखेज्जपदेसोगाढा पोग्गला दव्वड्डयाए संखेज्जगुणा ते चेव पदेसड्डयाए संखेज्जगुणा असंखेज्ज-पदेसोगाढा पोग्गला दव्वड्डयाए असंखेज्जगुणा ते चेव पदेसड्डयाए असंखेज्जगुणा एसि णं भंते एगसमयद्धितीयाणं संखेज्जसमयद्धितीयाणं असंखेज्जसमयद्धितीयाणं य पोग्गलाणं जहा ओगाह-णाएतहा ठितीए वि भाणियव्वं अप्पाबहुगं

एसि णं भंते एगगुणकालगणं असंखेज्जगुणकालगणं संखेज्जगुणकालगणं अनंतगुण-कालगणं य पोग्गलाणं दव्वड्डयाए पदेसड्डयाए दव्वड्ड-पदेसड्डयाए कयरे कयरेहिंतो अप्पा वा जाव विसेसाहिया वा एसि जहा परमाणुपोग्गलाणं अप्पाबहुगं तथा एसि पि अप्पाबहुगं एवं सेसाण वि वण्ण-गंध-रसाणं एसि णं भंते एगगुणकखडाणं संखेज्जगुणकखडाणं असंखेज्जगुणककखडाणं अनंतगुणकखडाणं य पोग्गलाणं दव्वड्डयाए पदेसड्डयाए दव्वड्ड-पदेसड्डयाए कयरे कयरेहिंतो जाव विसेसाहिया वा गोयमा सव्वत्थोवा एगगुणकखडा पोग्गला दव्वड्डयाए संखेज्जगुणककखडा पोग्गला दव्वड्डयाए संखेज्जगुणा असंखेज्जगुणककखडा पोग्गला दव्वड्डयाए असंखेज्जगुणा अनंतगुणक-कखडा पोग्गला दव्वड्डयाए अनंतगुणा पदेसड्डयाए एवं चेव नवरं-संखेज्जगुणककखडा पोग्गला

पदेसद्वयाए असंखेज्जगुणा सेसं तं चेव दब्बद्व-पदेसद्वयाए-सब्बोत्थोवा एगगुणकक्खडा पोग्गला दब्बद्व-पदेसद्वयाए संखेज्जगुणकक्खडा पोग्गला दब्बद्वयाए संखेज्जगुणा ते चेव पदेसद्वयाए संखेज्जगुणा असंखेज्जगुणकक्खडा पोग्गलादब्बद्वयाए असंखेज्जगुणा ते चेव पदेसद्वयाए असंखेज्जगुणा अनंतगुणकक्खडा पोग्गला दब्बद्वयाए अनंतगुणा ते चेव पदेसद्वयाए अनंतगुणा एवं मउयं-गरुय-लहुवाण वि अप्पवहुयं सीयउसिण-निद्ध-त्तुक्खाणं तहा वण्णाणं तहेव ।७४२।-७४१

(८८९) परमाणुपोग्गले णं भंते दब्बद्वयाए किं कडजुम्मे तेयोए दावरजुम्मे कलियोगे गोयमा नो कडजुम्मे नो तेयोगे नो दावरजुम्मे कलियोगे एवं जाव अनंतपदेसिए खंधे परमाणुपोग्गला णं भंते दब्बद्वयाए किं कडजुम्मा-पुच्छा गोयमा ओघादेसेणं सिय कडजुम्मा जाव सिय कलियोगा विहाणादेसेणं नो कडजुम्मा नो तेयोगा नो दावरजुम्मा कलियोगा एवं जाव अनंतपदेसिया खंधा परमाणुपोग्गले णं भंते पदेसद्वयाए किं कडजुम्मे-पुच्छा गोयमा नो कडजुम्मे नो तेयोगे नो दावरजुम्मे कलियोगे दुपदेसिय-पुच्छा गोयमा नो कडजुम्मे नो तेयोगे दावरजुम्मे नो कलियोगे पदेसिए-पुच्छा गोयमा नो कडजुम्मे तेयोगे नो दावरजुम्मे नो कलियोगे चउप्पदेसिए-पुच्छा गोयमा कडजुम्मे नो तेयोगे नो दावरजुम्मे नो कलियोगे पंचपदेसिए जहा परमाणुपोग्गले छप्पदेसिए जहा दुप्पदेसिए सत्तपदेसिए जहा तिपदेसिए अट्ठपदेसिए जहा चउप्पदेसिए नवपदेसिए जहा परमाणुपोग्गले दसपदेसिए जहा दुप्पदेसिए संखेज्जपदेसिए णं भंते पोग्गले-पुच्छा गोयमा सिय कडजुम्मे जाव सिय कलियोगे एवं असंखेज्जपदेसिए वि अनंतपदेसिए वि परमाणुपोग्गला णं भंते पदेसद्वयाए किं कडजुम्मा-पुच्छा गोयमा ओघादेसेणं सिय कडजुम्मा जाव सिया कलियोगा विहाणादेसेणं नो कडजुम्मा नो तेयोगा नो दावरजुम्मा कलियोगा दुप्पदेसिया णं-पुच्छा गोयमा ओघादेसेणं सिया कडजुम्मा नो तेयोगा सिय दावरजुम्मा नो कलियोगा विहाणादेसेणं नो कडजुम्मा नो तेयोगा दावरजुम्मा नो कलियोगा तिपदेसिया णं-पुच्छा गोयमा ओघादेसेणं सिय कडजुम्मा जाव सिय कलियोगा विहाणादेसेणं नो कडजुम्मा तेयोगा नो दावरजुम्मा नो कलियोगा चउप्पदेसिया णं-पुच्छा गोयमा ओघादेसेणं वि विहाणादेसेणं वि कडजुम्मा नो तेयोगा नो दावरजुम्मा नो कलियोगा पंचपदेसिया जहा परमाणुपोग्गला छप्पदेसिया जहा दुप्पदेसिया सत्तपदेसिया जहा तिपदेसिया अट्ठपदेसिया जहा चउपदेसिया नवपदेसिया जहा परमाणुपोग्गला दसपदेसिया जहा दुपदेसिया संखेज्जपदेसिया णं-पुच्छा गोयमा ओघादेसेणं सिय कडजुम्मा जाव सिय कलियोगा विहाणादेसेणं कडजुम्मावि जाव कलियोगा वि एवं असंखेज्जपदेसिया वि अनंतपदेसिया वि

परमाणुपोग्गले णं भंते किं कडजुम्पदेसोगाढे-पुच्छा गोयमा नो कडजुम्पदेसोगाढे नो तेयोग पदेसोगाढे नो दावर जुम्पदेसोगाढे कलियोगपदेसोगाढे दुपदेसिए णं-पुच्छा गोयमा नो कडजुम्पदेसोगाढे नो तेयोगपदेसोगाढे सिय दावरजुम्पदेसोगाढे सिय कलियोगपदेसोगाढे तिपदेसिए णं-पुच्छा गोयमा नो कडजुम्पदेसोगाढे सिय तेयोगपदेसोगाढे सिय दावरजुम्पदेसोगाढे सिय कलियोगपदेसोगाढे चउप्पदेसिए णं-पुच्छा गोयमा सिय कडजुम्पदेसोगाढे जाव सिय कलियोगपदेसोगाढे एवं जाव अनंतपदेसिए परमाणुपोग्गला णं भंते किं कडजुम्पदेसोगाढा-पुच्छा गोयमा ओघादेसेणं कडजुम्पदेसोगाढा नो तेयोगपदेसोगाढा नो दावरजुम्पदेसोगाढे नो कलियोगपदेसोगाढा विहाणादेसेणं नो कडजुम्पदेसोगाढा नो तेयोगपदेसोगाढा नो दावरजुम्प-

पदेसोगाढा कलियोगपदेसोगाढा दुपदेसिया णं-पुच्छा गोयमा ओघादेसेणं कडजुम्पपदेसोगाढा नो तेयोगपदेसोगाढा नो दावरजुम्पपदेसोगाढा नो कलियोगपदेसोगाढा विहाणादेसेणं नो कडजुम्प-देसोगाढा नो तेयोगपदेसोगाढा दावरजुम्पपदेसोगाढा वि कलियोगपदेसोगाढा वि तिप्पदेसिया णं-पुच्छा गोयमा ओघादेसाणं कडजुम्पपदेसोगाढा नो तेयोगपदेसोगाढा नो दावरजुम्पपदेसोगाढा नो कलियोगपदेसोगाढा विहाणादेसेणं कडजुम्पपदेसोगाढा वि दावरजुम्पपदेसोगाढा वि चउप्पदेसिया णं-पुच्छा गोयमा ओघादेसणं कडजुम्पपदेसोगाढा नो तेयोगपदेसोगाढा नो दावरजुम्पपदेसोगाढा नो कलियोगपदेसोगाढा विहाणादेसेणं कडजुम्प-पदेसोगाढा वि जाव कलियोगपदेसोगाढा वि एवं जाव अनंतपदेसिया परमाणुपोगले णं भंते किं कडजुम्पसयद्धितीए-पुच्छा गोयमा सिय कडजुम्पसयद्धितीए जाव सिय कलियोगसमयद्धितीए एवं जाव अनंतपदेसिए परमाणुपोगला णं भंते किं कडजुम्प-पुच्छा गोयमा ओघादेसेणं सिय कडजुम्पसमयद्धितीया जाव सिय कलियोगसमयद्धितीया विहाणादेसेणं कडजुम्पसमयद्धितीया वि जाव कलियोगसमयद्धितीया वि एवं जाव अनंतपदेसिया परमाणुपोगले णं भंते कालावण्ण-पज्जेहिं किं कडजुम्पे तेयोगे जहा ठितीए वत्तव्वया एवं वण्णेसु वि सब्बेसु गंधेसु वि एवं चेव रसेसु वि जाव महुरो रसो ति अनंतपदेसिए णं भंते खंधे कक्खडफासपज्जेहिं किं कडजुम्पे-पुच्छा गोयमा सिय कडजुम्पे जाव सिया कलियोगे अनंतपदेसिया णं भंते खंधा कक्खडफासपज्जेहिं किं कडजुम्पा-पुच्छा गोयमा ओघादेसेणं सिय कडजुम्पा जाव सिय कलियोगा विहाणादेसेणं कडजुम्पा वि जाव कलियोगा वि एवं मउय-गरुव-लहुया वि भाणियव्वा सीय-उसिण-निद्ध-लुक्खा जहा वण्णा ।७४३।-742

(८१०) परमाणुपोगले णं भंते किं सइडे अणइडे गोयमा नो सइडे अणइडे दुपदेसिए णं-पुच्छा गोयमा सइडे नो अणइडे तिपदेसिए जहा परमाणुपोगले चउपदेसिए जहा दुपदेसिए पंचपदेसिए जहा तिपदेसिए छप्पदेसिए जहा दुपदेसिए सत्तपदेसिए जहा तिपदेसिए अट्ठपदेसिए जहा दुपदेसिए नवपदेसिए जहा तिपदेसिए दसपदेसिए जहा दुपदेसिए संखेज्जपदेसिए णं भंते खंधे-पुच्छा गोयमा सिय सइडे सिय अणइडे एवं असंखेज्जपदेसिए वि एवं अनंतपदेसिए वि, परमाणुपोगला णं भंते किं सइडा अणइडा सइडा वा अणइडा वा एवं जाव अनंतपदेसिया ।७४४।-743

(८११) परमाणुपोगले णं भंते किं सेए निरेए गोयमा सिय सेए सिय निरेए एवं जाव अनंतपदेसिए परमाणुपोगला णं भंते किं सेया निरेया गोयमा सेया वि निरेया वि एवं जाव अनंतपदेसिया परमाणुपोगले णं भंते सेए कालओ केवच्चिरं होइ गोयमा जहण्णेणं एककं समयं उक्कोसेणं आवलियाए असंखेज्जभागं परमाणुपोगले णं भंते निरेए कालओ केवच्चिरं होइ गोयमा जहण्णेणं एककं समयं उक्कोसेणं असंखेज्जं कालं एवं जाव अनंतपदेसिए परमाणुपोगला णं भंते सेया कालओ केवच्चिरं होति गोयमा सब्बद्धं परमाणुपोगला णं भंते निरेया कालओ केवच्चिरं होति गोयमा सब्बद्ध एवं जाव अनंतपदेसिया परमाणुपोगलस्स णं भंते सेवस्स केवचित्थं कालं अंतरं होइ गोयमा सट्ठाणंतरं पडुच्च जहण्णेणं एककं समयं उक्कोसेणं असंखेज्जं कालं परट्ठाणंतरं पडुच्च जहण्णेणं एककं समयं उक्कोसेणं असंखेज्जं कालं निरेयस्स केवचित्थं कालं अंतरं होइ गोयमा सट्ठाणंतरं पडुच्च जहण्णेणं एककं समयं उक्कोसेणं आवलियाए असंखेज्जभागं परट्ठाणंतरं पडुच्च जहण्णेणं एककं समयं उक्कोसेणं असंखेज्जं कालं दुपदेसियस्स णं भंते खंधस्स

सेयस्स-पुच्छा गोयमा सट्ठाणंतरं पडुच्च जहण्णेणं एक्कं समयं उक्कोसेणं असंखेज्जं कालं परट्ठाणंतरं पडुच्च जहण्णेणं एक्कं समयं उक्कोसेणं अनंतं कालं निरेयस्स केवतियं कालं अंतरं होइ गोयमा सट्ठाणंतरं पडुच्च जहण्णेणं एक्कं समयं उक्कोसेणं आवलियाए असंखेज्जइभागं परट्ठाणंतरं पडुच्च जहण्णेणं एक्कं समयं उक्कोसेणं अनंतं कालं एवं जाव अनंतपदेसियस्स परमाणु-पोगलाणं भंते सेयाणं केवतियं कालं अंतरं होइ गोयमा नत्थि अंतरं निरेयाणं केवतियं कालं अंतरं होइ गोयमा नत्थि अंतरं एवं जाव अनंतपदेसियाणं खंधाणं एएसि णं भंते परमाणुपोगलाणं सेयाणं निरेयाणं य कयरे कयरेहितो जाव विसेसाहिया वा गोयमा सब्बत्थोवा परमाणुपोगला सेया निरेया असंखेज्जगुणा एवं जाव असंखेज्जपदेसियाणं खंधाणं एएसि णं भंते अनंतपदेसियाणं खंधाणं सेयाणं निरेयाणं य कयरे कयरेहितो जाव विसेसाहिया वा गोयमा सब्बत्थोवा अनंतपदेसिया खंधा निरेया सेया अनंतगुणा एएसि णं भंते परमाणुपोगलाणं संखेज्जपदेसियाणं असंखेज्जपदेसियाणं अनंतपदेसियाणं य खंधाणं सेयाणं निरेयाणं य दब्बट्ठयाए पदेसट्ठयाए दब्बट्ठपदेसट्ठयाए कयरे कयरेहितो जाव विसेसाहिया वा गोयमा सब्बत्थोवा अनंतपदेसिया खंधा निरेया दब्बट्ठयाए अनंतपदेसिया खंधे सेया दब्बट्ठयाए अनंतगुणा परमाणुपोगला सेया दब्बट्ठयाए अनंतगुणा संखेज्जपदेसिया खंधा सेया दब्बट्ठयाए असंखेज्जगुणा असंखेज्जपदेसिया खंधा सेया दब्बट्ठअठयाए असंखेज्जगुणा परमाणुपोगला निरेया दब्बट्ठयाए असंखेज्जगुणा संखेज्जपदेसिया खंधा निरेया दब्बट्ठयाए संखेज्जगुणा असंखेज्जपदेसिया खंधा निरेया दब्बट्ठयाए असंखेज्जगुणा पदेसट्ठयाए एवं चेव नवरं-परमाणुपोगला अपदेसट्ठयाए भाणियव्वा संखेज्जपदेसिया खंधा निरेया पदेसट्ठयाए असंखेज्जगुणा सेसं तं चेव दब्बट्ठपदेसट्ठयाए-सब्बत्थोवा अनंतपदेसिया खंधा निरेया दब्बट्ठयाए ते चेव पदेसट्ठयाए अनंतगुणा अनंतपदेसिया खंधा सेया दब्बट्ठयाए अनंतगुणा ते चेव पदेसट्ठयाए अनंतगुणा परमाणुपोगला सेया दब्बट्ठ-अपदेसट्ठयाए अनंतगुणा संखेज्जपदेसिया खंधा सेया दब्बट्ठयाए असंखेज्जगुणा ते चेव पदेसट्ठयाए असंखेज्जगुणा असंखेज्जपदेसिया खंधा सेया दब्बट्ठयाए असंखेज्जगुणा ते चेव पदेसट्ठयाए असंखेज्जगुणा परमाणुपोगला निरेया दब्बट्ठअपदेसट्ठयाए असंखेज्जगुणा संखेज्जपदेसिया खंधा निरेया दब्बट्ठयाए असंखेज्जगुणा ते चेव पदेसट्ठयाए असंखेज्जगुणा असंखेज्जपदेसिया खंधा निरेया दब्बट्ठयाए असंखेज्जगुणा ते चेव पदेसट्ठयाए असंखेज्जगुणा

परमाणुपोगले णं भंते किं देसेए सब्बेए निरेए गोयमा नो देसेए सिय सब्बेए सिय निरेए दुपदेसिए णं भंते खंधे-पुच्छा गोयमा सिय देसेए सिय सब्बेए सिए निरेए एवं जाव अनंतपदेसिए परमाणुपोगला णं भंते किं देसेया सब्बेया निरेया गोयमा नो देसेया सब्बेया वि निरेया वि दुपदेसिया णं भंते खंधा-पुच्छा गोयमा देसेया वि सब्बेया वि निरेया वि एवं जाव अनंतपदेसिया परमाणुपोगले णं भंते सब्बेए कालओ केवच्चिरं होइ गोयमा जहण्णेणं एक्कं समयं उक्कोसेणं आवलियाए असंखेज्जइभागं निरेए कालओ केवच्चिरं होइ गोयमा जहण्णेणं एक्कं समयं उक्कोसेणं असंखेज्जं कालं दुपदेसिए णं भंते खंधे देसेए कालओ केवच्चिरं होइ गोयमा जहण्णेणं एक्कं समयं उक्कोसेणं आवलियाए असंखेज्जइभागं निरेए कालओ केवच्चिरं होइ गोयमा जहण्णेणं एक्कं समयं उक्कोसेणं आवलियाए असंखेज्जइभागं निरेए कालओ केवच्चिरं होइ गोयमा जहण्णेणं एक्कं समयं उक्कोसेणं असंखेज्जं कालं एवं जाव अनंतपदेसिए परमाणुपोगला णं भंते

सव्येया कालओ केवच्चिरं होति गोयमा सव्यद्धं निरेया कालओ केवच्चिरं होति सव्यद्धं दुपदेसिया णं भंते खंधा देसेया कालओ केवच्चिरं होति सव्यद्धं सव्येया कालो केवच्चिरं होति सव्यद्धं निरेया कालओ केवच्चिरं होति सव्यद्धं एवं जाव अनंतपदेसिया परमाणुपोग्गलस्स णं भंते सव्येयस्स केवचित्थं कालं अंतरं होइ गोयमा सद्धान्तं पडुच्च जहण्णेणं एककं समयं उक्कोसेणं असंखेज्जं कालं परद्धान्तं पडुच्च जहण्णेणं एककं समयं उक्कोसेणं एवं चैव निरयस्स केवचित्थं कालं अंतरं होइ सद्धान्तं पडुच्च जहण्णेणं एककं समयं उक्कोसेणं आवलियाए असंखेज्जभाणं परद्धान्तं पडुच्च जहण्णेणं एककं समयं उक्कोसेणं असंखेज्जं कालं दुपदेसियस्स णं भंते खंधस्स देसेयस्स केवचित्थं कालं अंतरं होइ सद्धान्तं पडुच्च जहण्णेणं एककं समयं उक्कोसेणं असंखेज्जं कालं परद्धान्तं पडुच्च जहण्णेणं एककं समयं उक्कोसेणं अनंतं कालं सव्येयस्स केवचित्थं कालं अंतरं होइ एवं चैव जहा देसेयस्स निरेयस्स केवचित्थं कालं अंतरं होइ सद्धान्तं पडुच्च जहण्णेणं एककं समयं उक्कोसेणं आवलियाए असंखेज्जभाणं परद्धान्तं पडुच्च जहण्णेणं एककं समयं उक्कोसेणं अनंतं कालं एवं जाव अनंतपदेसियस्स परमाणुपोग्गलाणं भंते सव्येयाणं केवचित्थं कालं अंतरं होइ नत्थि अंतरं निरेयाणं केवचित्थं कालं अंतरं होइ नत्थि अंतरं दुपदेसियाणं भंते खंधाणं देसेयाणं केवचित्थं कालं अंतरं होइ नत्थि अंतरं सव्येयाणं केवचित्थं कालं अंतरं होइ नत्थि अंतरं निरेयाणं केवचित्थं कालं अंतरं होइ नत्थि अंतरं एवं जाव अनंतपदेसियाणं

एसि णं भंते परमाणुपोग्गलाणं सव्येयाणं निरेयाणं य कयरे कयरेहिंतो जाव विसेसाहिया वा गोयमा सव्वत्थोवा परमाणुपोग्गला सव्येया निरेया असंखेज्जगुणा एसि णं भंते दुपदेसियाणं खंधाणं देसेयाणं सव्येयाणं निरेयाणं य कयरे कयरेहिंतो जाव विसेसाहिया वा गोयमा सव्वत्थोवा दुपदेसिया खंधा सव्येया देसेया असंखेज्जगुणा निरेया असंखेज्जगुणा एवं जाव असंखेज्जपदेसियाणं खंधाणं एसि णं भंते अनंतपदेसियाणं खंधाणं देसेयाणं सव्येयाणं निरेयाणं य कयरे कयरेहिंतो जाव विसेसाहिया वा गोयमा सव्वत्थोवा अनंतपदेसिया खंधा सव्येया निरेया अनंतगुणा देसेया अनंतगुणा एसि णं भंते परमाणुपोग्गलाणं संखेज्जपदेसियाणं असंखेज्जपदेसियाणं अनंतपदेसियाणं य खंधाणं देसेयाणं सव्येयाणं निरेयाणं दव्वड्डयाए पदेसड्डयाए दव्वड्ड-पदेसड्डयाए कयरे कयरेहिंतो जाव विसेसाहिया वा गोयमा सव्वत्थोवा अनंतपदेसिया खंधा सव्येया दव्वड्डयाए अनंतपदेसिया खंधा निरेया दव्वड्डयाए अनंतगुणा अनंतपदेसिया खंधा देसेया दव्वड्डयाए अनंतगुणा असंखेज्जपदेसिया खंधा सव्येया दव्वड्डयाए अनंतगुणा संखेज्जपदेसिया खंधा सव्येया दव्वड्डयाए असंखेज्जगुणा परमाणुपोग्गला सव्येया दव्वड्डयाए असंखेज्जगुणा संखेज्जपदेसिया खंधा देसेया दव्वड्डयाए असंखेज्जगुणा असंखेज्जपदेसिया खंधा देसेया दव्वड्डयाए असंखेज्जगुणा परमाणुपोग्गला निरेया दव्वड्डयाए असंखेज्जगुणा संखेज्जपदेसिया खंधा निरेया दव्वड्डयाए संखेज्जगुणा असंखेज्जपदेसिया खंधे निरेया दव्वड्डयाए असंखेज्जगुणा पदेसड्डयाए-सव्वत्थोवा अनंतपदेसिया एवं पदेसड्डयाए वि नवरं-परमाणुपोग्गला अपदेसड्डयाए भाणियच्च संखेज्ज-पदेसिया खंधे निरेया पदेसड्डयाए असंखेज्जगुणा सेसं तं चैव दव्वड्ड-पदेसड्डयाए सव्वत्थोवा अनंतपदेसिया खंधा सव्येया दव्वड्डयाए ते चैव पदेसड्डया अनंतगुणा अनंतपदेसिया खंधा देसेया दव्वड्डयाए अनंतगुणा ते चैव पदेसड्डयाए अनंतगुणा असंखेज्जपदेसिया खंधा सव्येया दव्वड्डयाए अनंतगुणा ते चैव पदेसड्डयाए असंखेज्जगुणा संखेज्जपदेसिया खंधा सव्येया दव्वड्डयाए असंखेज्जगुणा ते चैव पदेसड्डयाए

असंखेज्जगुणा परमाणुपोगला सव्वेया दव्वट्ठ-अपदेसट्ठयाए असंखेज्जगुणा संखेज्जपदेसिया खंधा देसेया दव्वट्ठयाए असंखेज्जगुणा ते चेव पदेसट्ठयाए असंखेज्जगुणा असंखेज्ज-पदेसिया खंधा देसेया दव्वट्ठयाए असंखेज्जगुणा ते चेव पदेसट्ठयाए असंखेज्जगुणा परमाणुपोगला निरेया दव्वट्ठ-अपदेसट्ठयाए असंखेज्जगुणा संखेज्जपदेसिया खंधा निरेया दव्वट्ठयाए संखेज्जगुणा ते चेव पदेसट्ठयाए संखेज्जगुणा असंखेज्जपदेसिया निरेया दव्वट्ठयाए असंखेज्जगुणा ते चेव पदेसट्ठयाए असंखेज्जगुणा ॥७४५॥-७४६

(८९२) कति णं भंते धम्मत्थिकायस्स मज्झापदेसा पत्रत्ता गोयमा अट्ठ धम्मत्थिकायस्स मज्झपदेसा पत्रत्ता कति णं भंते अधम्मत्थिकायस्स मज्झपदेसा पत्रत्ता एवं चेव कति णं भंते आगासत्थिकायस्स मज्झपदेसा पत्रत्ता एवं चेव कति णं भंते जीवात्थिकायस्स मज्झपदेसा पत्रत्ता गोयमा अट्ठ जीवात्थिकायस्स मज्झपदेसा पत्रत्ता एए णं भंते अट्ठ जीवात्थिकायस्स मज्झपदेसा कतिसु आगासपदेसेसु ओगाहंति गोयमा जहण्णेणंएककंति वा दोहिं वा तीहिं वा चउहिं वा पंचहिं वा छहिं वा उक्कोसेणं अट्ठसु नो चेव णं सत्तसु सेवं भंते सेवं भंते ति ॥७४६॥-७४७

● पंचवीसहमे सते चउत्थो उद्देशो समतो ●

—: पं च मो—उ हे सो —:

(८९३) कतिविहा णं भंते पज्जया पत्रत्ता गोयमा दुविहा पज्जया पत्रत्ता तं जहा-जीवपज्जया य अजीवपज्जया य पज्जवपदं निरवसेसं भाणियव्वं जहा पन्नवणाए ॥७४७॥-७४८

(८९४) आवलिया णं भंते किं संखेज्जा समया असंखेज्जा समया अनन्ता समया गोयमा नो संखेज्जा समया असंखेज्जा समया नो अनन्ता समया आणापाणू णं भंते किं संखेज्जा एवं चेव धोवे णं भंते किं संखेज्जा एवं चेव एवं लवे वि मुहुत्ते वि एवं अहोरेत्ते एवं पक्खे मासे उऊ अवणे संवच्छरे जुगे वाससाए वाससहस्से वाससयसहस्से पुव्वंगे पुव्वे तुडियंगे तुडिए अडडंगे अड्डे अववंगे अववे हूहयंगे हूहए उप्पलंगे उप्पले पउमंगे पउमे नल्लिणंगे नल्लिणे अत्थनिपूरंगे अत्थनिपूरे अउयंगे अउए नउयंगे नउए पउयंगे पउए चूलियंगे चूलिए सीसपहेलियंगे सीसपहेलिया पलिओवमे सागरोवमे ओसप्पिणी एवं उस्सप्पिणी वि पोग्गलपरियट्ठे णं भंते किं संखेज्जा समया-पुच्छा गोयमा नो संखेज्जा समया नो असंखेज्जा समया अनन्ता समया एवं तीयद्धा अणागयद्धा सव्वद्धा आवलियाओ णं भंते किं संखेज्जा समया-पुच्छा गोयमा नो संखेज्जा समया सिय असंखेज्जा समया सिय अनन्ता समया आणापाणू णं भंते किं संखेज्जा समया एवं चेव धोवा णं भंते किं संखेज्जा समया एवं चेव एवं जाव ओसप्पिणीओ ति पोग्गलपरियट्ठा णं भंते किं संखेज्जा समया-पुच्छा गोयमा नो संखेज्जा समया नो असंखेज्जा समया अनन्ता समया आणापाणू णं भंते किं संखेज्जाओ आवलियाओ-पुच्छा गोयमा संखेज्जाओ आवलियाओ नो असंखेज्जाओ आवलियाओ नो अनन्ता-ओ आवलियाओ एवं धोवे वि एवं जाव सीसपहेलिय ति पलिओवमे णं भंते किं संखेज्जाओ आवलियाओ-पुच्छा गोयमा नो संखेज्जाओ आवलियाओ असंखेज्जाओ आवलियाओ नो अनन्ताओ आवलियाओ एवं सागरोवमे वि एवं ओसप्पिणी वि उस्सप्पिणी वि पोग्गलपरियट्ठे-पुच्छा गोयमा नो संखेज्जाओ आवलियाओ नो असंखेज्जाओ आवलियाओ अनन्ताओ आवलियाओ एवं जाव सव्वद्धा आणापाणू णं भंते किं संखेज्जाओ आवलियाओ-पुच्छा गोयमा सिय संखेज्जाओ आवलियाओ सिय असंखेज्जाओ सिय अनन्ताओ एवं जाव सीसपहेलियाओ पलि-

ओवमा णं-पुच्छा गोयमा नो संखेज्जाओ आवलियाओ सिय असंखेज्जाओ आवलियाओ सिय अनंताओ आवलिया-ओ एवं जाव उस्सप्पिणीओ पोग्गलपरियट्ठा णं-पुच्छा गोयमा नो संखेज्जाओ आवलियाओ नो असंखेज्जाओ आवलियाओ अनंताओ आवलियाओ

थोवे णं भंते किं संखेज्जाओ आणापाणूओ असंखेज्जाओ जहा आवलियए वत्तव्वया एवं आणापाणूओ वि निरवसेसा एवं तेणं गमएणं जाव सीसपहेलिया भाणियव्वा सागरोवमे णं भंते किं संखेज्जा पलिओवमा - पुच्छा गोयमा संखेज्जा पलिओवमा नो असंखेज्जा पलिओवमा नो अनंता पलिओवमा एवं ओसप्पिणी वि उस्सप्पिणी वि पोग्गलपरियट्ठा णं-पुच्छा गोयमा नो संखेज्जा पलिओवमा नो असंखेज्जा पलिओवमा अनंता पलि-ओवमा एवं जाव सब्बद्धा सागरोवमा णं भंते किं संखेज्जा पलिओवमा-पुच्छा गोयमा सिय संखेज्जा पलिओवमा सिय असंखेज्जा पलिओवमा सिय अनंता पलिओवमा एवं जाव ओसप्पिणी वि उस्सप्पिणी वि पोग्गलपरियट्ठा णं-पुच्छा गोयमा नो संखेज्जा पलिओवमा नो असंखेज्जा पलिओवमा ओसप्पिणी णं भंते किं संखेज्जा सागरोवमा जहा पलिओवमस्स वत्तव्वया तहा सागरोवमस्स वि पोग्गलपरियट्ठा णं भंते किं संखेज्जाओ ओसप्पिणी-उस्सप्पिणीओ-पुच्छा गोयमा नो संखेज्जाओ ओसप्पिणि-उस्सप्पिणीओ नो संखेज्जाओ ओसप्पिणि-उस्सप्पिणीओ अनंताओ ओसप्पिणि-उस्सप्पिणीओ एवं जाव सब्बद्धा, पोग्गलपरियट्ठा णं भंते किं संखेज्जाओ ओसप्पिणि-उस्सप्पिणीओ-पुच्छा गोयमा नो संखेज्जाओ ओसप्पिणि-उस्सप्पिणीओ नो असंखेज्जाओ ओस-प्पिणि-उस्सप्पिणीओ अनंताओ ओसप्पिणि-उस्सप्पिणीओ तीतद्धा णं भंते किं संखेज्जाओ ओसप्पिणि-उस्सप्पिणीओ-पुच्छा गोयमा नो संखेज्जाओ ओसप्पिणि-उस्सप्पिणीओ नो असंखेज्जा-ओ ओसप्पिणि-उस्सप्पिणीओ अनंताओ ओसप्पिणि-उस्सप्पिणीओ, तीतद्धा णं भंते किं संखेज्जा पोग्गलपरियट्ठा-पुच्छा नो संखेज्जा पोग्गलपरियट्ठा नो असंखेज्जा पोग्गलपरियट्ठा अनंता पोग्गलपरियट्ठा एवं अणागयद्धा वि एवं सब्बद्धा वि ।७४८१-७४७

(८९५) अणागयद्धा णं भंते किं संखेज्जाओ तीतद्धाओ असंखेज्जाओ अनंताओ गोयमा नो संखेज्जाओ तीतद्धाओ नो असंखेज्जाओ तीतद्धाओ नो अनंताओ तीतद्धाओ अणागयद्धा णं तीतद्धाओ समयाहिया तीतद्धा णं अणागयद्धाओ समयूणा सब्बद्धा णं भंते किं संखेज्जाओ तीतद्धाओ-पुच्छा गोयमा नो संखेज्जाओ तीतद्धाओ नो असंखेज्जाओ तीतद्धाओ नो अनंताओ तीतद्धाओ सब्बद्धा णं तीतद्धाओ सतिरेगदुगुणा तीतद्धा णं सब्बद्धाओ धोवूणए अद्धे सब्बद्धा णं भंते किं संखेज्जाओ अणागयद्धाओ नो असंखेज्जाओ अणागयद्धाओ नो अनंताओ अणागयद्धाओ सब्बद्धा णं अणागयद्धाओ धोवूणगदुगुणा अणागयद्धा णं सब्बद्धाओ सतिरेगे अद्धे ।७४९१-७४९

(८९६) कतिविहा णं भंते निओदा पत्तत्ता गोयमा दुविहा निओदा प. निओयगा य निओ-यगजीवा य निओदा णं भंते कतिविहा पत्तत्ता गोयमा दुविहा प. सुहुमनिगोदा य वायरनिओदा य एवं निओदा भाणियव्वा जहा जीवाभिगमे तहेव निरवसेसं ।७५०१-७४९

(८९७) कतिविहे णं भंते नामे पत्तत्ते गोयमा छव्विहे नामे पत्तत्ते तं जहा-ओदइए जाव सण्णिवाइए से किं तं ओदइए नामे ओदइए नामे दुविहे पत्तत्ते तं जहा-उदए य उदयनिफण्णे य-एवं जहासत्तरसमसए पढमे उद्देसएभावो तहेव इह वि नवरं-इमं नामनाणत्तं सेसं तहेव जाव सण्णिवाइए सेवं भंते सेवं भंते ति ।७५११-७५०

● पंचवीसइमे सते पंचमो उद्देसो समत्तो ●

—: छ डो—उ दे सो :—

- (८९८) पण्णवण वेद रागे कण चरित्त पडिसेवणा नाणे
तिथे लिंग सरिरे खेत्ते काल गइ संजम नीकासे ॥९५॥-१
- (८९९) जोगुवओग कसाए लेसा परिणाम बंध वेदे य
कम्पोदीरण उवसंपजहण्ण सण्णा य आहारे ॥९६॥-२
- (९००) भव आगरिसे कालंतरे समुधाया खेतफुसणा य
भावे परिमाणे खलु अप्पाबहुयं नियंठाणे ॥९७॥-३

(९०१) रायगिहे जाव एवं वयासी-कति णं भंते नियंठा पन्नत्ता गोयमा पंच नियंठा पन्नत्ता तं जहा-पुलाए वउसे कुसीले नियंठे सिणाए, पुलाए णं भंते कतिविहे पन्नत्ते गोयमा पंचविहे पन्नत्ते तं जहा-नाणपुलाए दंसणपुलाए चरित्तपुलाए लिंगपुलाए अहासुहुमपुलाए नामं पंचमे, वउसे णं भंते कतिविहे पन्नत्ते गोयमा पंचविहे पन्नत्ते तं जहा-आभोगवउसे अणाभोगवउसे संवुडवउसे असंवुडवउसे अहासुहुमवउसे नामं पंचमे, कुसीले णं भंते कतिविहे पन्नत्ते गोयमा दुविहे पन्नत्ते तं जहा-पडिसेवणाकुसीले य कसायकुसीले य पडिसेवणाकुसीले णं भंते कतिविहे पन्नत्ते गोयमा पंचविहे पन्नत्ते तं जहा-नाणपडिसेवणाकुसीले दंसणपडिसेवणाकुसीले चरित्तपडिसेवणाकुसीले लिंग- पडिसेवणाकुसीले अहासुहुमपडिसेवणाकुसीले नामं पंचमे, कसायकुसीले णं भंते कतिविहे पन्नत्ते गोयमा पंचविहे पन्नत्ते तं जहानाणकसायकुसीले दंसणकसायकुसीले चरित्तकसायकुसीले लिंग- कसायकुसीले अहासुहुमकसायकुसीले नामं पंचमे, नियंठे णं भंते कतिविहे पन्नत्ते गोयमा पंचविहे पन्नत्ते तं जहा-पढमसमयनियंठे अपढमसमयनियंठे चरिमसमयनियंठे अचरिमसमय-नियंठे अहासुहुमनियंठे नामं पंचमे, सिणाए णं भंते कतिविहे पन्नत्ते गोयमा पंचविहे पन्नत्ते तं जहा-अच्छवी असवले अकम्मंसे संसुद्धनाणदंसणधरे अरहा जिणे केवली अपरिस्तावी, पुलाए णं भंते किं सवेदए होज्जा अवेदए होज्जा गोयमा सवेदए होज्जा नो अवेदए होज्जा जइ सवेदए होज्जा किं इत्थिवेदए होज्जा पुरिसवेदए होज्जा पुरिसनपुंसगवेदए होज्जा गोयमा नो इत्थिवेदए होज्जा पुरिसवेदए होज्जा पुरिसनपुंसगवेदए वा होज्जा वउस्से णं भंते किं सवेदए होज्जा अवेदए होज्जा गोयमा सवेदए होज्जा नो अवेदए होज्जा जइ सवेदए होज्जा किं इत्थिवेदए होज्जा पुरिसवेदए होज्जा पुरिसनपुंसगवेदए होज्जा गोयम इत्थिवेदए वा होज्जा पुरिसवेदए वा होज्जा पुरिसनपुंसगवेदए वा होज्जा एवं पडिसेवणाकुसीले वि, कसायकुसीले भंते किं सवेदए-पुच्छ गोयमा सवेदए वा होज्जा अवेदए वा होज्जा जइ अवेदए किं उवसंतवेदए खीणवेदए होज्जा गोयमा उवसंतवेदए वा होज्जा खीणवेदए वा होज्जा जइ सवेदए होज्जा किं इत्थिवेदए-पुच्छ गोयमा तिसु वि जहा वउसो नियंठे णं भंते किं सवेदए-पुच्छ गोयमा नो सवेदए होज्जा अवेदए होज्जा जइ अवेदए होज्जा किं उवसंतवेदए-पुच्छ गोयमा उवसंतवेदए वा होज्जा खीणवेदए वा होज्जा सिणाए णं भंते किं सवेदए होज्जा जहा नियंठे तहा सिणाए वि नवरं-नो उवसंतवेदए होज्जा खीणवेदए होज्जा ॥९५२॥-७५१

(९०२) पुलाए णं भंते किं सरागे होज्जा वीतरागे होज्जा गोयमा सरागे होज्जा न वीतरागे होज्जा एवं जाव कसायकुसीले नियंठे णं भंते किं सरागे होज्जा-पुच्छ गोयमा नो सरागे होज्जा वीतरागे होज्जा जइ वीतरागे होज्जा किं उवसंतकसायवीतरागे होज्जा खीणकसायवीतरागे होज्जा गोयमा उवसंतकसायवीतरागे वा होज्जा खीणकसायवीतरागे वा होज्जा सिणाए एवं चेव नवरं-नो

उवसंतकसायवीतरागे होजा खीणकसायवीतरागे होजा ७५३१-७५३२

(१०३) पुलाए णं भंते किं ठियकपे होजा अठियकपे होजा गोयमा ठियकपे वा होजा अठियकपे वा होजा एवं जाव सिणाए पुलाए णं भंते किं जिणकपे होजा थेरकपे होजा कप्पातीते होजा गोयमा नो जिणकपे होजा थेरकपे होजा नो कप्पातीते होजा बउसे णं-पुच्छा गोयमा जिणकपे वा होजा थेरकपे वा होजा नो कप्पातीते होजा एवं पडिसेवणाकुसीले वि कसायकुसीले णं-पुच्छा गोयमा जिणकपे वा होजा थेरकपे वा होजा कप्पातीते वा होजा नियंठे णं-पुच्छा गोयमा नो जिणकपे होजा नो थेरकपे होजा कप्पातीते होजा एवं सिणाए वि ७५४१-७५४२

(१०४) पुलाए णं भंते किं सामाइयसंजमे होजा छेओवद्वावणियसंजमे होजा परिहार-विसुद्धयसंजमे होजा सुहुमसंपरागसंजमे होजा अहक्खायसंजमे होजा गोयमा सामाइयसंजमे वा होजा छेओवद्वावणियसंजमे वा होजा नो परिहारविसुद्धिसंजमे होजा नो सुहुमसंपरागसंजमे होजा नो अहक्खाय संजमे होजा एवं बउसे वि एवं पडिसेवणाकुसीले वि कसायकुसीले णं-पुच्छा, सामाइयसंजमे वा होजा जाव सुहुमसंपरागसंजमे वा होजा नो अहक्खायसंजमे होजा नियंठे णं-गोयमा नो सामाइयसंजमे होजा जाव नो सुहुमसंपरागसंजमे होजा अहक्खायसंजमे होजा एवं सिणाए वि ७५५१-७५५२

(१०५) पुलाए णं भंते किं पडिसेव होजा अपडिसेव होजा गोयमा पडिसेव होजा नो अपडिसेव होजा जइ पडिसेव होजा किं मूलगुणपडिसेव होजा उत्तरगुणपडिसेव होजा गोयमा मूलगुणपडिसेव वा होजा उत्तरगुणपडिसेव वा होजा मूलगुणे पडिसेवमाणे पंचण्हं आसवाणं अण्णयरं पडिसेवेज्जा उत्तरगुणे पडिसेवमाणे दसविहस्स पच्चक्खाणस्स अण्णयरं पडिसेवेज्जा बउसे णं-पुच्छा. पडिसेव होजा नो अपडिसेव होजा जइ पडिसेव होजा किं मूलगुण-पडिसेव होजा उत्तरगुणपडिसेव होजा. नो मूलगुणपडिसेव होजा उत्तरगुणपडिसेव होजा उत्तरगुणे पडिसेवमाणे दसविहस्स पच्चक्खाणरस अवयरं पडिसेवेज्जा पडिसेवणा कुसीले जहा पुलाए कसायकुसीले णं-पुच्छा. नो पडिसेव होजा अपडिसेव होजा एवं नियंठे वि एवं सिणाए वि ७५६१-७५६२

(१०६) पुलाए णं भंते कतिसु नाणेसु होजा गोयमा दोसु वा तिसु वा होजा दोसु होमाणे दोसु आभिणिबोहियनाण सुयनाणेसु होजा तिसु होमाणे तिसु आभिणिबोहियनाण-सुयनाण-ओहिनाणेसु होजा एवं बउसे वि एवं पडिसेवणाकुसीले वि कसायकुसीले णं-पुच्छा गोयमा दोसु वा तिसु वा चउसु वा होजा दोसु होमाणे दोसु आभिणिबोहियनाण-सुयनाणेसु होजा तिसु होमाणे तिसु आभिणिबोहियनाण-सुयनाण-ओहिनाणेसु होजा अहवा तिसु होमाणे आभिणिबोहियनाण-सुयनाण मणपज्जवनाणेसु होजा चउसु होमाणे चउसु आभिणिबोहियनाण-सुयनाण-ओहिनाण-मणप-ज्जवनाणेसु होजा एवं नियंठे वि सिणाए णं-पुच्छा गोयमा एगम्मि केवलनाणे होजा ७५७१-७५७२

(१०७) पुलाए णं भंते केवतित्वं सुयं अहिजेज्जा गोयमा जहण्णेणं नवमस्स पुवस्स ततित्वं आयावरत्थु उक्कोसेणं नवपुच्चाइं अहिजेज्जा बउसे-पुच्छा गोयमा जहण्णेणं अद्द पवयण-माया-ओ उक्कोसेणं दस पुच्चाइं अहिजेज्जा एवं पडिसेवणाकुसीले वि कसायकुसीले-पुच्छा गोयमा जहण्णेणं अद्द पवयणमायाओ उक्कोसेणं चोदस पुच्चाइं अहिजेज्जा एवं नियंठे वि, सिणाए-पुच्छा गोयमा सुयवतिरिते होजा ७५८१-७५८२

(१०८) पुलाए णं भंते किं तित्थे होज्जा अत्थित्थे होज्जा गोयमा तित्थे होज्जा नो अत्थित्थे होज्जा एवं वउसे वि एवं पडिसेवणाकुसीले वि कसायकुसीले-पुच्छा गोयमा तित्थे वा होज्जा नो अत्थित्थे होज्जा एवं वउसे वि एवं पडिसेवणाकुसीले वि कसायकुसीले पुच्छा गोयमा तित्थे वा होज्जा अत्थित्थे वा होज्जा जइ अत्थित्थे होज्जा किं तित्थकरे होज्जा पत्तेयवुद्धे होज्जा गोयमा तित्थकरे वा होज्जा पत्तेयवुद्धे वा होज्जा एवं निचंठे वि एवं सिणाए वि । ७५९।-७५८

(१०९) पुलाए णं भंते किं सल्लिगे होज्जा अण्णल्लिगे होज्जा गिहिल्लिगे होज्जा गोयमा द्वल्लिगं पडुच्च सल्लिगे वा होज्जा अण्णल्लिगे वा होज्जा गिहिल्लिगे वा होज्जा भावल्लिगं पडुच्च नियमं सल्लिगे होज्जा एवं जाव सिणाए । ७६०।-७५९

(११०) पुलाए णं भंते कत्तिस्सु सरिरेस्सु होज्जा गोयमा तिसु ओरालिय-तेया-कम्मएसु होज्जा वउसे णं भंते-पुच्छा गोयमा तिसु वा चउसु वा होज्जा तिसु होमाणे तिसु ओरालिय-तेया-कम्मएसु होज्जा चउसु होमाणे चउसु ओरालिय-वेउच्चिय-तेया-कम्मएसु होज्जा एवं पडिसेवणाकुसीले वि कलायकुसीले-पुच्छा गोयमा तिसु वा चउसु वा पंचसु वा होज्जा तिसु होमाणे तिसु ओरालिय तेया-कम्मएसु होज्जा चउसु होमाणे चउसु ओरालिय-वेउच्चिय-तेया-कम्मएसु होज्जा पंचसु होमाणे पंचसु ओरालिय-वेउच्चिय-आहारग-तेया-कम्मएसु होज्जा निचंठे सिणाओ य जहा पुलाओ । ७६१।-७६०

(१११) पुलाए णं भंते किं कम्मभूमीए होज्जा अकम्मभूमीए होज्जा गोयमा जम्भण-संतिभावं पडुच्च कम्मभूमीए होज्जा नो अकम्मभूमीए होज्जा वउसे णं-पुच्छा गोयमा जम्भण-संतिभावं पडुच्च कम्मभूमीए होज्जा नो अकम्मभूमीए होज्जा साहरणं पडुच्च कम्मभूमीए वा होज्जा अकम्मभूमीए वा होज्जा एवं जाव सिणाए । ७६२।-७६१

(११२) पुलाए णं भंते किं ओसप्पिणिकाले होज्जा उस्सप्पिणिकाले होज्जा नोओसप्पिणि-नोउस्सप्पिणिकाले वा होज्जा गोयमा ओसप्पिणिकाले वा होज्जा उस्सप्पिणिकाले वा होज्जा नोओ-सप्पिणि-नोउस्सप्पिणिकाले वा होज्जा जइ ओसप्पिणिकाले होज्जा किं सुसमसुसमाकाले होज्जा सुसमाकाले होज्जा सुसमदुस्समाकाले होज्जा दुस्समसुसमाकाले होज्जा दुस्समाकाले होज्जा दुस्सम-दुस्समाकाले होज्जा गोयमा जम्भणं पडुच्च नो सुसमसुसमाकाले होज्जा नो सुसमाकाले होज्जा सुसम-दुस्समाकाले वा होज्जा दुस्समसुसमाकाले वा होज्जा नो दुस्समाकाले होज्जा नो दुस्समदुस्समाकाले होज्जा संतिभावं पडुच्च नो सुसमसुसमाकाले होज्जा नो सुसमाकाले होज्जा सुसमदुस्समाकाले वा होज्जा दुस्समसुसमाकाले वा होज्जा दुस्समाकाले वा होज्जा नो दुस्समदुस्समाकाले होज्जा जइ उस्स-प्पिणिकाले होज्जा किं दुस्समदुस्समाकाले होज्जा दुस्समाकाले होज्जा दुस्समसुसमाकाले होज्जा सुसमदुस्समाकाले होज्जा सुसमाकाले होज्जा सुसमसुसमाकाले होज्जा गोयमा जम्भणं पडुच्च नो दुस्समदुस्समाकाले होज्जा दुस्समाकाले वा होज्जा दुस्समसुसमाकाले वा होज्जा सुसमदुस्समाकाले वा होज्जा नो सुसमाकाले होज्जा नो सुसमसुसमाकाले होज्जा संतिभावं पडुच्च नो दुस्समदुस्समाकाले होज्जा नो दुस्समाकाले होज्जा दुस्समसुसमाकाले वा होज्जा सुसमदुस्समाकाले वा होज्जा नो सुसमाकाले होज्जा नो सुसमसुसमाकाले होज्जा जइ नोओसप्पिणि-नोउस्सप्पिणिकाले होज्जा किं सुसमसुसमापलिभागे होज्जा सुसमापलिभागे होज्जा सुसमदुस्समापलिभागे होज्जा दुस्समसुसमा-पलिभागे होज्जा गोयमा जम्भण-संतिभावं पडुच्च नो सुसमसुसमापलिभागे होज्जा नो सुसमापलिभागे होज्जा नो सुसमदुस्समापलिभागे होज्जा दुस्समसुसमापलिभागे होज्जा वउसे णं-पुच्छा गोयमा

ओसप्पिणिकाले वा होज्जा उस्सप्पिणिकाले वा होज्जा नोओसप्पिणि-नोउस्सप्पिणिकाले वा होज्जा जइ ओसप्पिणिकाले होज्जा किं सुसमसुसमाकाले होज्जा-पुच्छा गोयमा जम्मण-संतिभावं पडुच्च नो सुसमसुसमाकाले होज्जा नो सुसमाकाले होज्जा सुसमदुस्समाकाले वा होज्जा दुस्समसुसमाकाले वा होज्जा दुस्समाकाले वा होज्जा नो दुस्समदुस्समाकाले होज्जा साहरणं पडुच्च अन्नयरे समाकाले होज्जा जइ उस्सप्पिणिकाले होज्जा किं दुस्समदुस्समाकाले होज्जा-पुच्छा गोयमा जम्मणं पडुच्च नो दुस्सम-दुस्समाकाले होज्जा जहेव पुलाए संतिभावं पडुच्च नो दुस्समदुस्समाकाले होज्जा नो दुस्समाकाले होज्जा एवं संतिभावेण वि जहा पुलाए जाव नो सुसमसुसमाकाले होज्जा साहरणं पडुच्च अण्णयरे समाकाले होज्जा जइ नोओसप्पिणि-नोउस्सप्पिणिकाले होज्जा-पुच्छा. जम्मण-संतिभावं पडुच्च नो सुसमसुसमापलिभागे होज्जा जहेव पुलाए जाव दुस्समसुसमापलिभागे होज्जा साहरणं पडुच्च अण्णयरे पलिभागे होज्जा जहा बउसे एवं पडिसेवणाकुसीले वि एवं कसायकुसीले वि नियंठो सिणाओ य जहा पुलाओ नवरं-एतेसिं अब्बहियं साहरणं भाणियव्वं सेसं तं चेव ।७६३-७६४

(११३) पुलाए णं भंते कालगए समाणे कं गतिं गच्छति गोयमा देवगतिं गच्छति देवगतिं गच्छमाणे किं भवणवासीसु उववज्जेज्जा वाणमंतरेसु उववज्जेज्जा जोइसएसु उववज्जेज्जा वेमाणिएसु उववज्जेज्जा गोयमा नो भवणवासीसु नो वाणमंतरेसु नो जोइसिएसु वेमाणिएसु सहससारे कप्पे उववज्जेज्जा, वउसे णं एवं चेव नवरं-उक्कोसेणं अट्ठए कप्पे पडिसेवणाकुसीले जहा वउसे कयासकुसीले जहा पुलाए नवरं-उक्कोसेणं अनुत्तरविमाणेसु उववज्जेज्जा नियंठे णं एवं चेव जाव वेमाणिएसु उववज्जमाणे अजहण्णमणुक्कोसेणं अनुत्तरविमाणेसु उववज्जेज्जा सिणाए णं भंते कालगए समाणे कं गतिं गच्छइ गोयमा सद्धिगतिं गच्छइ पुलाए णं भंते देवेसु उववज्जमाणे किं इंदत्ताए उववज्जेज्जा सामाणियन्ताए उववज्जेज्जा तावसीसाए उववज्जेज्जा लोगपालत्ताए उववज्जेज्जा अहमिंदत्ताए उववज्जेज्जा गोयमा अविराहणं पडुच्च इंदत्ताए उववज्जेज्जा सामाणियत्ताए उववज्जेज्जा तावसीसाए उववज्जेज्जा लोगपालत्ताए उववज्जेज्जा नो अहमिंदत्ताए उववज्जेज्जा विहारणं पडुच्च अण्णयरेसु उववज्जेज्जा एवं बउसे वि एवं पडिसेवणाकुसीले वि कसायकुसीले-पुच्छा गोयमा अविराहणं पडुच्च इंदत्ताए वा उववज्जेज्जा जाव अहमिंदत्ताए वा उववज्जेज्जा विहारणं पडुच्च अण्णयरेसु उववज्जेज्जा नियंठे-पुच्छा गोयमा अविराहणं पडुच्च नो इंदत्ताए उववज्जेज्जा जाव नो लोगपालत्ताए उववज्जेज्जा अहमिंदत्ताए उववज्जेज्जा विहारणं पडुच्च अण्णयरेसु उववज्जेज्जा पुलायस्स णं भंते देवलोगेसु उववज्जमाणस्स केवतियं कालं ठिती पत्रत्ता गोयमा जहण्णेणं पलिओवमपुहत्तं उक्कोसेणं अट्ठारस सागरोवमाइं बउसस्स-पुच्छा गोयमा जहण्णेणं पलिओवमपुहत्तं उक्कोसेणं बावीसं सागरोवमाइं एवं पडिसेवणाकुसीलस्स वि कसायकुसीलस्स-पुच्छा गोयमा जहण्णेणं पलि-ओवमपुहत्तं उक्कोसेणं तेत्तीसं सागरोवमाइं नियंठस्स-पुच्छा गोयमा अजहण्णमणुक्कोसेणं तेत्तीसं सागरोवमाइं ।७६४-७६५

(११४) पुलागस्स णं भंते केवतिया संजमट्ठाणा पत्रत्ता गोयमा असंखेज्जा संजमट्ठाणा पत्रत्ता एवं जाव कसायकुसीलस्स नियंठस्स णं भंते केवतिया संजमट्ठाणा पत्रत्ता गोयमा एगे अजहण्णमणुक्कोसए संजमट्ठाणे एवं सिणायस्स वि एतेसि णं भंते पुलाग-बउस-पडिसेवणा-कसायकुसील-नियंठ-सिणायाणं संजमट्ठाणाणं कयरे कयरेहिंते [अप्पा वा बहुया वा तुत्था वा विसेसाहिंया वा गोयमा सव्वत्थोवे नियंठस्स सिणायस्स य एगे अजहण्णमणुक्कोसए संजमट्ठाणे

पुलागस्स णं संजमद्वाणा असंखेज्जगुणा बउसस्स संजमद्वाणा असंखेज्जगुणा पडिसेवणाकुसीलस्स संजमद्वाणा असंखेज्जगुणा कसायकुसीलस्स संजमद्वाणा असंखेज्जगुणा ७६५-764

(११५) पुलागस्स णं भंते केवतिया चरित्तपज्जवा पत्रत्ता गोयमा अनन्ता चरित्तपज्जवा पत्रत्ता एवं जाव सिणायस्स पुलाए णं भंते पुलागस्स सद्वाणसण्णिगासेणं चरित्तपज्जवेहिं किं हीणे तुल्ले अट्ठमहिए गोयमा सिय हीणे सिये तुल्ले सिय अट्ठमहिए जइ हीणे अनन्तभागहीणे वा असंखेज्जभागहीणे वा संखेज्जभागहीणे वा संखेज्जगुणहीणे वा असंखेज्जगुणहीणे वा अनन्तगुण-हीणे वा अह अट्ठमहिए अनन्तभागमट्ठमहिए वा असंखेज्जभागमट्ठमहिए वा संखेज्जभागमट्ठमहिए वा संखेज्जगुणमट्ठमहिए वा असंखेज्जगुणमट्ठमहिए वा अनन्तगुणमट्ठमहिए वा पुलाए णं भंते बउसस्स परद्वाणसण्णिगासेणं चरित्तपज्जवेहिं किं हीणे तुल्ले अट्ठमहिए गोयमा हीणे नो तुल्ले नो अट्ठमहिए अनन्तगुणहीणे एवं पडिसेवणाकुसीलस्स वि कसायकुसीलेणं समं छद्वाणवडिए जहेव सद्वाणे नियंठस्स जहा बउसस्स एवं सिणायस्स वि बउसे णं भंते पुलागस्स परद्वाणसण्णिगासेणं चरित्तपज्जवेहिं किं हीणे तुल्ले अट्ठमहिए गोयमा नो हीणे नो तुल्ले अट्ठमहिए-अनन्तगुणमट्ठमहिए बउसे णं भंते बउसस्स सद्वाणसण्णिगासेणं चरित्तपज्जवेहिं-पुच्छा गोयमा सिय हीणे सिय तुल्ले सिय अट्ठमहिए जइ हीणे छद्वाणवडिए बउसे णं भंते पडिसेवणाकुसीलस्स परद्वाणसण्णिगासेणं चरित्तपज्जवेहिं किं हीणे छद्वाणवडिए एवं कसायकुसीलस्स वि बउसे णं भंते नियंठस्स परद्वाणसण्णिगासेणं चरित्तपज्जवेहिं-पुच्छा गोयमा हीणे नो तुल्ले नो अट्ठमहिए अनन्तगुणहीणे एवं सिणायस्स वि पडिसेवणाकुसीलस्स एवं चेव बउसवत्तव्वया भाणियव्वा कसायकुसीलस्स एस चेव बउसवत्तव्वया नवरं-पुलाएण वि समं छद्वाणवडिए नियंठे णं भंते पुलागस्स परद्वाण-सण्णिगासेणं चरित्तपज्जवेहिं-पुच्छा गोयमा नो हीणे नो तुल्ले अट्ठमहिए-अनन्तगुणमट्ठमहिए एवं जाव कसायकुसीलस्स नियंठे णं भंते नियंठस्स सद्वाणसण्णिगासेणं-पुच्छा गोयमा नो हीणे तुल्ले नो अट्ठमहिए एवं सिणायस्स वि सिणाए णं भंते पुलागस्स परद्वाणसण्णिगासेणं एवं जहा नियंठस्स वत्तव्वया तहा सिवाणस्स वि भाणियव्वा सिणाए णं भंते सिणायस्स सद्वाणसण्णिगासेणं-पुच्छा गोयमा नो हीणे तुल्ले नो अट्ठमहिए एएसि णं भंते पुलाग-बउस-पडिसेवणाकुसील-कसायकुसील-नियंठ-सिणायाणं जहण्णुक्कोसगाणं चरित्तपज्जवाणं कयरे कयरेहिंती जाव विसेसाहिया वा गोयमा पुलागस्स कसायकुसीलस्स य एएसि णं जहण्णत्ता चरित्तपज्जवा दोण्ह वि तुल्ला सव्वत्थोवा पुलागस्स उक्कोसगा चरित्तपज्जवा अनन्तगुणा बउसस्स पडिसेवणाकुसीलस्स य एएसि णं जहण्णगा चरित्तपज्जवा दोण्ह वि तुल्ला अनन्तगुणा बउसस्स उक्कोसगा चरित्तपज्जवा अनन्तगुणा पडिसेवणाकुसीलस्स उक्कोसगा चरित्तपज्जवा अनन्तगुणा कयासकुसीलस्स उक्कोसगा चरित्त-पज्जवा अनन्तगुणा नियंठस्स सिणावस्स य एतिसि णं अजहण्णमणुक्कोसगा चरित्तपज्जवा दोण्ह वि तुल्ला अनन्तगुणा ७६६-765

(११६) पुलाए णं भंते किं सजोगी होज्जा अजोगी होज्जा गोयमा सजोगी होज्जा नो अजोगी होज्जा जइ सजोगी होज्जा किं मणजोगी होज्जा वइजोगी होज्जा कायजोगी होज्जा गोयमा मणजोगी वा होज्जा वइजोगी वा होज्जा कायजोगी वा होज्जा एवं जाव नियंठे सिणाए णं-पुच्छा गोयमा सजोगी वा होज्जा अजोगी वा होज्जा जइ सजोगी होज्जा किं मणजोगी होज्जा-सेसं जहा पुलागस्स ७६७-766

(११७) पुलाए णं भंते किं सागारोवउत्ते होज्जा अणागारोवउत्ते होज्जा गोयमा सागारोवउत्ते

वा होजा अणागारोवउत्ते वा होजा एवं जाव सिणाए ।७६८१-७६८

(१९८) पुलाए णं भंते सकसायी होजा अकसायी होजा गोयमा सकसायी होजा नो अकसायी होजा जइ सकसायी होजा से णं भंते कतिसु कसाएसु होजा गोयमा चउसु कोह-माणमाया-लोभेसु होजा एवं वउसे वि एवं पडिसेवणाकुसीले वि कसायकुसीले णं-पुच्छा गोयमा सकसायी होजा नो अकसायी होजा जइ सकसायी होजा से णं भंते कतिसु कसाएसु होजा गोयमा चउसु वा तिसु वा दोसु वा एंगमि वा होजा चउसु होमाणे चउसु संजलणकोह-माण-माया-लोभेसु होजा तिसु होमाणे संजलणमाण-माया-लोभेसु होजा दोसु होमाणे संजलणमाया-लोभेसु होजा एंगमि होमाणे संजलणलोभे होजा नियंटे णं-पुच्छा गोयमा नो सकसायी होजा अकसायी होजा जइ अकसायी होजा किं उववसंनकसायी होजा खीणकसायी होजा गोयमा उवसंतकसायी वा होजा खीणकसायी वा होजा सिणाए एवं चेव नवरं-नो उवसंतकसायी होजा खीणकसायी होजा

।७६९१-७६८

(१९९) पुलाए णं भंते किं सलेस्से होजा अलेस्से होजा गोयमा सलेस्से होजा नो अलेस्से होजा जइ सलेस्से होजा से णं भंते कतिसु लेस्सासु होजा गोयमा तिसु विसुद्धलेस्सासु होजा तं जहा-तेउलेस्साए पन्हलेस्साए सुक्कलेस्साए एवं वउसस्त वि एवं पडिसेवणाकुसीले वि कसायकुसीले-पुच्छा गोयमा सलेस्से होजा नो अलेस्से होजा जइ सलेस्से होजा से णं भंते कतिसु लेस्सासु होजा गोयमा छसु लेस्सासु होजा तं जहा-कन्हलेस्साए जाव सुक्कलेस्साए नियंटे णं भंते-पुच्छा गोयमा सलेस्से होजा नो अलेस्से होजा जइ सलेस्से होजा से णं भंते कतिसु लेस्सासु होजा गोयमा एक्काए सुक्कलेस्साए होजा सिणाए-पुच्छा गोयमा सलेस्से वा होजा अलेस्से वा होजा जइ सलेस्से होजा से णं भंते कतिसु लेस्सासु होजा गोयमा एगाए परमसुक्कलेस्साए होजा ।७७०१-७६८

(२००) पुलाए णं भंते किं वड्ढमाणपरिणामे होजा हीयमाणपरिणामे होजा अवट्टिय-परिणामे होजा गोयमा वड्ढमाणपरिणामे वा होजा हीयमाणपरिणामे वा होजा अवट्टियपरिणामे वा होजा एवं जाव कसायकुसीले नियंटे णं-पुच्छा गोयमा वड्ढमाणपरिणामे होजा नो हीयमाणपरिणामे होजा अवट्टियपरिणामे वा होजा एवं सिणाए वि पुलाए णं भंते केवतियं कालं वड्ढमाणपरिणामे होजा गोयमा जहण्णेणं एक्कं समयं उक्कोसेणं अंतोमुहुत्तं केवतियं कालं हीयमाणपरिणामे होजा गोयमा जहण्णेणं एक्कं समयं उक्कोसेणं अंतोमुहुत्तं केवतियं कालं अवट्टियपरिणामे होजा गोयमा जहण्णेणं एक्कं समयं उक्कोसेणं सत्तं समया एवं जाव कसायकुसीले नियंटे णं भंते केवतियं कालं वड्ढमाणपरिणामे होजा गोयमा जहण्णेणं अंतोमुहुत्तं उक्कोसेणं वि अंतोमुहुत्तं केवतियं कालं अवट्टियपरिणामे होजा गोयमा जहण्णेणं एक्कं समयं उक्कोसेणं अंतोमुहुत्तं सिणाए णं भंते केवतियं कालं वड्ढमाणपरिणामे होजा गोयमा जहण्णेणं वि अंतोमुहुत्तं उक्कोसेणं वि अंतोमुहुत्तं केवतियं कालं अवट्टियपरिणामे होजा गोयमा जहण्णेणं अंतोमुहुत्तं देसूणा पुव्वकोडी ।७७११-७७०

(२२१) पुलाए णं भंते कति कम्मपगडीओ बंधति गोयमा आउयवज्जाओ सत्तं कम्मपगडीओ बंधति वउसे-पुच्छा गोयमा सत्तविहबंधए वा अट्ठविहबंधए वा सत्तं बंधमाणे आउयवज्जाओ सत्तं कम्मपगडीओ बंधति अट्ठ बंधमाणे पडिपुण्णाओ अट्ठ कम्मपगडीओ बंधति एवं पडिसेवणाकुसीले वि कसायकुसीले पुच्छा गोयमा सत्तविहबंधए वा अट्ठविहबंधए वा

छव्विहबंधए वा सत्त बंधमाणे आउयवज्जाओ सत्त कम्मप्पगडीओ बंधति अट्ठ बंधमाणे पडिपुण्णाओ अट्ठ कम्मप्पगडीओ बंधति छ बंधमाणे आउय-मोहणिज्जवज्जाओ छक्कम्मप्पगडीओ बंधति नियंठे णं-पुच्छा गोयमा एणं वेयणिज्जं कम्मं बंधइ सिणाए-पुच्छा गोयमा एणविहबंधए वा अबंधए वा एणं बंधमाणे एणं वेयणिज्जं कम्मं बंधइ । ७७२।-७७१

(१२२) पुलाए णं भंते कति कम्मप्पगडीओ वेदेइ गोयमा नियमं अट्ठ कम्मप्पगडीओ वेदेइ एवं जाव कसायकुसीले नियंठे णं-पुच्छा गोयमा मोहणिज्जवज्जाओ सत्त कम्मप्पगडीओ वेदेइ सिणाए णं-पुच्छा गोयमा वेयणिज्ज-आउय-नाम-गोयाओ चत्तारि कम्मप्पगडीओ वेदेइ । ७७३।-७७२

(१२३) पुलाए णं भंते कति कम्मप्पगडीओ उदीरेति गोयमा आउय-वेयणिज्जवज्जाओ छ कम्मप्पगडीओ उदीरेति वउसे पुच्छा सत्तविहउदीरेण वा अट्ठविहउदीरेण वा छव्विहउदीरेण वा सत्त-दीरेमाणे आउयवज्जाओ सत्त कम्मप्पगडीओ उदीरेति अट्ठ उदीरेमाणे पडिपुण्णाओ अट्ठ कम्मप्प-गडीओ उदीरेति छ उदीरेमाणे आउय-वेयणिज्जवज्जाओ छ कम्मप्पगडीओ उदीरेति पडिसेवणाकुसीले एवं चेव, कसायकुसीले-पुच्छा सत्तविहउदीरेण वा अट्ठविहउदीरेण वा छव्विहउदीरेण वा पंचविहउदीरेण वा सत्त उदीरेमाणे आउयवज्जाओ सत्त कम्मप्पगडीओ उदीरेति अट्ठ उदीरेमाणे पडिपुण्णाओ अट्ठ कम्मप्पगडीओ उदीरेति छ उदीरेमाणे आउयवेयणिज्जवज्जाओ छ कम्मप्पगडीओ उदीरेति पंच उदीरेमाणे आउयवेयणिज्ज-मोहणिज्जवज्जाओ पंच कम्मप्पगडीओ उदीरेति नियंठे-पुच्छा पंचविहउदीरेण वा दुविहउदीरेण वा पंच उदीरेमाणे आउयवेयणिज्ज-मोहणिज्जवज्जाओ पंच कम्मप्पगडीओ उदीरेति दो उदीरेमाणे नामं च गोयं च उदीरेति सिणाए-पुच्छा गोयमा दुविहउदीरेण वा अणुदीरेण वा दो उदीरेमाणे नामं च गोयं च उदीरेति । ७७४।-७७३

(१२४) पुलाए णं भंते पुलावत्तं जहमाणे किं जहति किं उवसंपज्जति गोयमा पुलावत्तं जहति कसायकुसीलं वा अस्संजमं वा उवसंपज्जति वउसे णं भंते वउसत्तं जहमाणे किं जहति किं उवसंपज्जति गोयमा वउसत्तं जहति पडिसेवणाकुसीलं वा कसायकुसीलं वा अस्संजमं वा संजमासंजमं वा उवसंपज्जति पडिसेवणाकुसीले णं-पुच्छा गोयमा पडिसेवणाकुसीलत्तं जहती वउसं वा कसायकुसीलं वा अस्संजमं वा संजमासंजमं वा उवसंपज्जति कसायकुलीले णं-पुच्छा गोयमा कसायकुसीलत्तं जहति पुलायं वा वउसं वा पडिसेवणाकुसीलं वा नियंठं वा अस्संजमं वा संजमासंजमं वा उवसंपज्जति नियंठे-पुच्छा गोयमा नियंठत्तं जहति कसायकुसीलं वा सिणायं वा अस्संजमं वा उवसंपज्जति सिणाए-पुच्छा. सिणायत्तं जहति सिद्धिगति उवसंपज्जति । ७७५।-७७४

(१२५) पुलाए णं भंते किं सण्णोवउत्ते होज्जा नोसण्णोवउत्ते होज्जा गोयमा नोसण्णोवउत्ते होज्जा वउसे णं भंते-पुच्छा गोयमा सण्णोवउत्ते वा होज्जा नो सण्णोवउत्ते वा होज्जा एवं पडिसेवणाकुसीले वि एवं कसायकुसीले वि नियंठे सिणाए य जहा पुलाए । ७७६।-७७५

(१२६) पुलाए णं भंते किं आहारए होज्जा अणाहारए होज्जा गोयमा आहारए होज्जा नो अणाहारए होज्जा एवं जाव नियंठे सिणाए-पुच्छा गोयमा आहारए वा होज्जा अणाहारए वा होज्जा

। ७७७।-७७६

(१२७) पुलाए णं भंते कति भवग्गहणाइं होज्जा गोयमा जहण्णेणं एक्कं उक्कोसेणं तिण्णि वउसे-पुच्छा गोयमा जहण्णेणं एक्कं उक्कोसेणं अट्ठ एवं पडिसेवणाकुसीले वि एवं कसायकुसीले वि नियंठे जहा पुलाए सिणाए-पुच्छा गोयमा एक्कं । ७७८।-७७७

(१२८) पुलागस्स णं भंते एग्गभवग्गइणीया केवतिथा आगरिसा पन्नत्ता गोयमा जहण्णेणं

एक्को उक्कोसेणं तिण्णि वउसस्स णं-पुच्छा गोयमा जहण्णेणं एक्को उक्कोसेणं सतागसो एवं पडिसेवणाकुसीले वि कसायकुसीले वि नियंठस्स णं-पुच्छा गोयमा जहण्णेणं एक्को उक्कोसेणं दोण्णि सिणायस्स णं-पुच्छा गोयमा एक्को पुलागस्स णं भंते नाणाभवग्गहणीया केवतिया आगरिसा पत्रत्ता गोयमा जहण्णेणं दोण्णि उक्कोसेणं सत्त वउसस्स-पुच्छा गोयमा जहण्णेणं दोण्णि उक्कोसेणं सहस्सग्गसो एवं जाव कसायकुसीलस्स नियंठस्स णं-पुच्छा गोयमा जहण्णेणं दोण्णि उक्कोसेणं पंच सिणायस्स-पुच्छा गोयमा नत्थि एक्को वि ।७७९।-७७८

(१२९) पुलाए णं भंते कालओ केवच्चिरं होइ गोयमा जहण्णेणं अंतोमुहुत्तं उक्कोसेणं वि अंतोमुहुत्तं वउसे-पुच्छा गोयमा जहण्णेणं एक्कं समयं उक्कोसेणं देसूणा पुव्वकोडी एवं पडिसेवणाकुसीले वि कसायकुसीले वि नियंठे-पुच्छा गोयमा जहण्णेणं एक्कं समयं उक्कोसेणं अंतोमुहुत्तं सिणाए-पुच्छा गोयमा जहण्णेणं अंतोमुहुत्तं उक्कोसेणं देसूणा पुव्वकोडी पुलाया णं भंते कालओ केवच्चिरं होति गोयमा जहण्णेणं एक्कं समयं उक्कोसेणं अंतोमुहुत्तं वउसा णं-पुच्छा गोयमा सव्वद्धं एवं जाव कसायकुसीला नियंठा जहा पुलागा सिणाया जहा वउसा ।७८०।-७७९

(३०) पुलागस्स णं भंते केवतियं कालं अंतरं होइ गोयमा जहण्णेणं अंतोमुहुत्तं उक्कोसेणं अनंतं कालं-अनंताओ ओसप्पिणिउससप्पिणीओ कालओ खेतओ अवइदं पोगलपरियट्ठं देसूणं एवं जाव नियंठस्स सिणायस्स-पुच्छा गोयमा नत्थि अंतरं पुलायाणं भंते केवतियं कालं अंतरं होइ गोयमा जहण्णेणं एक्कं समयं उक्कोसेणं संखेज्जइं वासाइं वउसाणं भंते-पुच्छा गोयमा नत्थि अंतरं एवं जाव कसायकुसीलाणं नियंठाण-पुच्छा गोयमा जहण्णेणं एक्कं सयं उक्कोसेणं छप्पासा सिणायाणं जहा वउसाणं ।७८१।-७८०

(१३१) पुलागस्स णं भंते कति समुग्धाया पत्रत्ता गोयमा तिण्णि समुग्धाया पन्नत्ता तं जहा-वेयणासमुग्धाए कसायसमुग्धाए मारणंतिवसमुग्धाए वउसस्स णं भंते-पुच्छा गोयमा पंच समुग्धाया पत्रत्ता तं जहा-वेयणासमुग्धाए जाव तेयासमुग्धाए एवं पडिसेवणाकुसीले वि कसायकुसीलस्स-पुच्छा गोयमा छ समुग्धाया पत्रत्ता तं जहा-वेयणासमुग्धाए जाव आहार-समुग्धाए नियंठस्स णं-पुच्छा गोयमा नत्थि एक्को वि सिणायस्स-पुच्छा गोयमा एगे केवल-समुग्धाए पत्रत्ते ।७८२।-७८१

(१३२) पुलाए णं भंते लोगस्स किं संखेज्जइभागे होज्जा असंखेज्जइभागे होज्जा संखेज्जेसु भागेसु होज्जा असंखेज्जेसु भागेसु होज्जा सव्वलोए होज्जा गोयमा नो संखेज्जइभागे होज्जा असंखेज्जइभागे होज्जा नो संखेज्जेसु भागेसु होज्जा नो असंखेज्जेसु भागेसु होज्जा नो सव्वलोए होज्जा एवं जाव नियंठे सिणाए णं-पुच्छा गोयमा नो संखेज्जइभागे होज्जा असंखेज्जइभागे होज्जा नो संखेज्जेसु भागेसु होज्जा असंखेज्जेसु भागेसु होज्जा सव्वलोए वा होज्जा- ।७८३।-७८२

(१३३) पुलाए णं भंते लोगस्स किं संखेज्जइभागं फुसइ असंखेज्जइभागं फुसइ एवं जहा ओगाहणा भणिया तहा फुसणा वि भाणियव्वा जाव सिणाए ।७८४।-७८३

(१३४) पुलाए णं भंते कतरम्मि भावे होज्जा गोयमा खओवसमिए भावे होज्जा एवं जाव कसायकुसीले नियंठे-पुच्छा गोयमा ओवसमिए वा खइए वा भावे होज्जा सिणाए-पुच्छा गोयमा खइए भावे होज्जा ।७८५।-७८४

(१३५) पुलाया णं भंते एगसमएणं केवतिया होज्जा गोयमा पडिवज्जमाणए पडुच्च सिंय अत्थि सिंय नत्थि जइ जत्थि जहण्णेणं एक्को वा दो वा तिण्णि वा उक्कोसेणं सयपुहत्तं

पुव्वपडिवण्णए पडुच्च सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं सहस्सपुहत्तं बउसा णं भंते एगसमाणं-पुच्छा गोयमा पडिवज्जमाणए पडुच्च सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं सयपुहत्तं पुव्वपडिवण्णए पडुच्च जहण्णेणं कोडिसयपुहत्तं उक्कोसेणं वि कोडिसयपुहत्तं एवं पडिसेवणाकुसीले वि कसायकुसीलाणं-पुच्छा गोयमा पडिवज्जमाणइ पडुच्च सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं सहस्सपुहत्तं पुव्वपडिवण्णए पडुच्च जहण्णेणं कोडिसहस्सपुहत्तं उक्कोसेण वि कोडिसहस्सपुहत्तं गोयमा पडिवज्जमाणए पडुच्च सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं बावट्ठं सतं-अइसयं खवगाणं चउप्पत्रं उवसामगाणं पुव्वपडिवण्णए पडुच्च सिय अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं सयपुहत्तं सिणायाणं-पुच्छा गोयमा पडिवज्जमाणए पडुच्च सिया अत्थि सिय नत्थि जइ अत्थि जहण्णेणं एक्को वा दो वा तिण्णि वा उक्कोसेणं अट्ठसत्तं पुव्वपडिवण्णए पडुच्च जहण्णेणं कोडिपुहत्तं उक्कोसेणं वि कोडिपुहत्तं एएसि णं भंते पुलाग-बउस-पडिसेवणाकुसील-कयासकुसील-नियंठ-सिणायाण कयरे कयरेहिंतो जाव विसेसाहिवा वा सव्वत्थोवा नियंठा पुलागा संखेज्जगुणा सिणाया संखेज्जगुणा बउसा संखेज्जगुणा पडिसेवणाकुसीला संखेज्जगुणा कसायकुसीला संखेज्जगुणा सेवं भंते सेवं भंते ति जाव विहरइ ।७८६।-७८५

● पंचवीसइमे सते छट्ठो उद्देशो समत्तो ●

—: स त्त मो—उ हे सो —:

(९३६) कति णं भंते संजया पत्रत्ता गोयमा पंच संजया पत्रत्ता तं जहा-सामाइयसंजए छेदोवद्वावणियसंजए परिहारविसुद्धिसंजए सुहुमसंपरायसंजए अहक्खायसंजए सामाइयसंजए णं भंते कतिविहे पत्रत्ते गोयमा दुविहे. इत्तरिए य आवकहिए य छेदोवद्वावणियसंजए णं पुच्छा गोयमा दुविहे. सात्तिyारे य निरत्तिyारे य परिहारविसुद्धिसंजए-पुच्छा गोयमा दुविहे. निव्वि-समाणए य निव्विड्डिकाइए य सुहुमसंपरायसंजए-पुच्छा गोयमा दुविहे. संकिलिस्समाणए य विसुज्जमाणए य अहक्खायसंजए-पुच्छा गोयमा दुविहे. छउमत्थे य केवली य ।७८७।-७८६

- (९३७) सामाइयमि उ कए चाउज्जायं अनुत्तरं धम्मं
तिविहेणं फासयंतो सामाइयसंजओ स खलु ॥९८॥-१
- (९३८) छेतूण उ परियागं पोराणं जो ठवेइ अप्पाणं
धम्ममि पंचजामे छेदोवद्वावणो स खलु ॥९९॥-२
- (९३९) परिहरइ जो विसुद्धं तु पंचयामं अनुत्तरं धम्मं
तिविहेणं फासयंतो परिहारियसंजओ स खलु ॥१००॥-३
- (९४०) लोभाणू वेदंतो जो खलु उवसामओ व खवओ वा
सो सुहुमसंपराओ अहक्खाया ऊणओ किंचि ॥१०१॥-४
- (९४१) उवसंतं खीणमि य जो खलु कम्ममि मोहणिज्जमि
छउमत्थो व जिणो वा अहक्खाओ संजमो स खलु ॥१०२॥-५

(९४२) सामाइयसंजए णं भंते किं सवेदए होज्जा अवेदए होज्जा गोयमा सवेदए वा होज्जा अवेदए वा होज्जा जइ सवेदए-एवं जहा कसायकुसीले तहेव निरवसेसं एवं छेदोवद्वावणियसंजए

वि परिहारविसुद्धियसंजओ जहा पुलाओ सुहुमसंपरायसंजओ अहक्खायसंजओ य जहा नियंठो सामाइयसंजए णं भंते किं सरागे होज्जा वीयरगे होज्जा गोयमा सरागे होज्जा नो वीयरगे होज्जा एवं जाव सुहुमसंपरायसंजए अहक्खायसंजए जहा नियंठे सामाइयसंजए णं भंते किं ठियकपे होज्जा अट्टियकपे होज्जा गोयमा ठियकपे वा होज्जा अट्टियकपे वा होज्जा छेदोवट्ठावणियसंजए-पुच्छा गोयमा ठियकपे होज्जा नो अट्टियकपे होज्जा एवं परिहारविसुद्धियसंजए वि सेसा जहा सामाइयसंजए, सामाइयसंजए णं भंते किं जिणकपे होज्जा थेरकपे होज्जा कप्पातीते होज्जा गोयमा जिणकपे वा होज्जा जहा कसायकुसीले तहेव निरवसेसं छेदोवट्ठावणिओ परिहारविसुद्धिओ य जहा वउसो सेसा जहा नियंठे । ७८८१-७८८२

(१४३) सामाइयसंजए णं भंते किं पुलाए होज्जा वउसे जाव सिणाए होज्जा गोयमा पुलाए वा होज्जा वउसे जाव कसायकुसीले वा होज्जा नो नियंठे होज्जा नो सिणाए होज्जा एवं छेदोवट्ठावणिए वि परिहारविसुद्धियसंजए णं-पुच्छा गोयमा नो पुलाए नो वउसे नो पडिसेवणाकुसीले होज्जा कसायकुसीले होज्जा नो नियंठे होज्जा नो सिणाए होज्जा एवं सुहुमसंपराए वि अहक्खायसंजए पुच्छा गोयमा नो पुलाए होज्जा जाव नो कसायकुसीले होज्जा नियंठे वा होज्जा सिणाए वा होज्जा सामाइयसंजए णं भंते किं पडिसेवए होज्जा अपडिसेवए होज्जा गोयमा पडिसेवए वा होज्जा अपडिसेवए वा होज्जा जइ पडिसेवए होज्जा किं मूलगुणपडिसेवए होज्जा सेसं जहा पुलागस जहा सामाइयसंजए एवं छेदोवट्ठावणिए वि, परिहारविसुद्धियसंजए-पुच्छा गोयमा नो पडिसेवए होज्जा अपडिसेवए होज्जा एवं जाव अहक्खायसंजए, सामाइयसंजए णं भंते कतिमु नाणेसु होज्जा गोयमा दोमु वा तिसु वा चउसु वा नाणेसु होज्जा एवं जहा कसायकुसीलरस तहेव चत्तारि नाणाई भयणाए एवं जाव सुहुमसंपराए अहक्खायसंजयस्स पंच नाणाई भयणाए जहा नाणुदेसए सामाइयसंजए णं भंते केवतियं सुयं अहिजेज्जा गोयमा जहण्णेणं अट्ठ पवयणमायाओ जहा कसायकुसीले एवं छेदोवट्ठावणिए वि परिहारविसुद्धियसंजए-पुच्छा गोयमा जहण्णेणं नवभरस पुव्वरस ततियं आचारवत्थु उक्कोसेणं असंपुण्णाई दस पुव्वाइ अहिजेज्जा सुहुमसंपरायसंजए जहा सामाइयसंजए अहक्खायसंजए-पुच्छा गोयमा जहण्णेणं अट्ठ पवयणमायाओ उक्कोसेणं चोदस पुव्वाइ अहिजेज्जा सुयवतिरिते वा होज्जा सामाइयसंजए णं भंते किं तित्ये होज्जा अतित्ये होज्जा गोयमा तित्ये वा होज्जा अतित्ये वा होज्जा जहा कसायकुसीले छेदोवट्ठावणिए परिहारविसुद्धिए य जहा पुलाए सेसा जहा सामाइयसंजए, सामाइयसंजए णं भंते किं सलिंगे होज्जा अण्णलिंगे होज्जा गिहिलिंगे होज्जा जहा पुलाए एवं छेदोवट्ठावणिए वि परिहारविसुद्धियसंजए णं भंते किं-पुच्छा गोयमा दव्वलिंगं पि भावलिंगं पि पडुच्च सलिंगे होज्जा नो अण्णलिंगे होज्जा नो गिहिलिंगे होज्जा सेसा जहा सामाइयसंजए, सामाइयसंजए णं भंते कतिमु सरिरेसु होज्जा गोयमा तिसु वा चउसु वा पंचसु वा जहा कसायकुसीले एवं छेदोवट्ठावणिए वि सेसा जहा पुलाए, सामाइयसंजए णं भंते किं कम्मभूमीए होज्जा अकम्मभूमीए होज्जा गोयमा जम्मण-संतिभावं पडुच्च जहा वउसे एवं छेदोवट्ठावणिए वि परिहारविसुद्धिए य जहा पुलाए सेसा जहा सामाइयसंजए । ७८९१-७८९२

(१४४) सामाइयसंजए णं भंते किं ओसप्पिणिकाले होज्जा उस्सप्पिणिकाले होज्जा नो-ओसप्पिणि-नोउस्सप्पिणिकाले होज्जा गोयमा ओसप्पिणिकाले जहा वउसे एवं छेदोवट्ठावणिए वि नवरं-जम्मण-संतिभावं पडुच्च चउसु वि पत्तिभागेसु नत्थि साहरणं पडुच्च अण्णदरे पडिभागे होज्जा

સેસં તં વેવ, પરિહારવિસુદ્ધિ-પુચ્છા ગોયમા ઓસપ્પિણિકાલે વા હોજા ઉસસપ્પિણિકાલે વા હોજા નોઓસપ્પિણિ-નોઉસસપ્પિણિકાલે નો હોજા જઈ ઓસપ્પિણિકાલે હોજા-જહા પુલાઓ ઉસસપ્પિણિ-કાલે વિ જહા પુલાઓ સુહમસંપરાદઓ જહા નિયંટો એવં અહક્ષાઓ વિ ૭૯૦-789

(૧૪૫) સામાઈયસંજણે ણં મંતે કાલગણે સમાણે કં ગતિં ગચ્છતિ ગોયમા દેવગતિં ગચ્છતિ દેવગતિં ગચ્છમાણે કિં ભવણવાસીસુ ઉવવજ્ઞેજા વાળમંતરેસુ ઉવવજ્ઞેજા જોડિસિણેસુ ઉવવજ્ઞેજા વેમાણિણેસુ ઉવવજ્ઞેજા ગોયમા નો ભવણવાસીસુ ઉવવજ્ઞેજા-જહા કસાયકુસીલે એવં છેદોવદ્ધા-વણિણે વિ પરિહારવિસુદ્ધિ જહા પુલાણે સુહમસંપરાણે જહા નિયંટે અહક્ષાણે-પુચ્છા ગોયમા એવં અહક્ષાયસંજણે વિ જાવ અજહણ્ણમણુકકોસેણં અનુત્તરવિમાણેસુ ઉવવજ્ઞેજા અત્થેગતિણે સિજ્ઞતિ જાવ સચ્ચદુક્ષાણં અંતં કરેતિ, સામાઈયસંજણે ણં મંતે દેવલોગેસુ ઉવવજ્ઞમાણે કિં ઇંદતાણે ઉવવજ્ઞતિ-પુચ્છા ગોયમા અવિરાહણં પહુચ્છ એવં કસાયકુસીલે એવં છેદોવદ્ધાણિણે વિ પરિહાર-વિસુદ્ધિ જહા પુલાણે સેસા જહા નિયંટે સામાઈયસંજણે ણં મંતે દેવલોગેસુ ઉવવજ્ઞમાણેસ કૈવતિયં કાલં ઠિતી પત્રતા ગોયમા જહણ્ણેણં દો પલિઓવમાઈં ઉક્કોસેણં તેતીસં સાગરોવમાઈં એવં છેદોવદ્ધાવણિણે વિ પરિહારવિસુદ્ધિયસ-પુચ્છા ગોયમા જહણ્ણેણં દો પલિઓવમાઈં ઉક્કોસેણં અદ્ધારસ સાગરોવમાઈં સેસાણં જહા નિવંટસ ૭૯૧-790

(૧૪૬) સામાઈયસંજયસસ ણં મંતે કૈવતિયા સંજમદ્ધાણા પત્રતા ગોયમા અસંખેજા સંજમદ્ધાણા પત્રતા એવં જાવ પરિહારવિસુદ્ધિયસસ સુહમસંપરાયસંજયસસ-પુચ્છા ગોયમા અસંખેજા અંતોપુહુતિયા સંજમદ્ધાણા પત્રતા અહક્ષાયસંજયસસ-પુચ્છા ગોયમા ણે અજહણ્ણમણુકકોસણે સંજમદ્ધાણે પત્રતે ણેસિ ણં મંતે સામાઈય-છેદોવદ્ધાવણિય-પરિહારવિસુદ્ધિય-સુહમસંપરાગ-અહક્ષાયસંજયાણં સંજમદ્ધાણાણં કયરે કયરેહિંતો જાવ વિસેસાહિયા વા ગોયમા સચ્ચત્થોવે અહક્ષાયસંજમસસ ણે અજહણ્ણમણુકકોસણે સંજમદ્ધાણે સુહમસંપરાગસંજયસસ અંતોપુહુતિયા સંજમદ્ધાણા અસંખેજગુણા પરિહારવિસુદ્ધિયસંજયસસ સંજમદ્ધાણં અસંખેજગુણા સામાઈયસંજયસસ છેદોવદ્ધાવણિયસંજયસસ ય ણેસિ ણં સંજમદ્ધાણા દોણ્ણ વિ તુલ્લે અસંખેજગુણા ૭૯૨-791

(૧૪૭) સામાઈયસંજયસસ ણં મંતે કૈવદ્યા ચરિત્તપજ્ઞવા પત્રતા ગોયમા અનંતા ચરિત્તપજ્ઞવા પત્રતા એવં જાવ અહક્ષાયસંજયસસ સામાઈયસંજણે ણં મંતે સામાઈયસંજયસસ સદ્ધાણસણ્ણિગાસેણં ચરિત્તપજ્ઞવેહિં કિં હીણે તુલ્લે અબ્બહિણે ગોયમા સિય હીણે-છદ્ધાણવડિણે સામાઈયસંજણે ણં મંતે છેદોવદ્ધાવણિયસંજયસસ પરદ્ધાણસણ્ણિગાસેણં ચરિત્તપજ્ઞવેહિં-પુચ્છા ગોયમા સિય હીણે-છદ્ધાણવડિણે એવં પરિહારવિસુદ્ધિયસસ વિ સામાઈયસંજણે ણં મંતે સુહમસંપરાગસંજયસસ પરદ્ધાણસણ્ણિગાસેણં ચરિત્તપજ્ઞવેહિં-પુચ્છા ગોયમા હીણે નો તુલ્લે નો અબ્બહિણે અનંતગુણહીણે એવં અક્ષાયા સંજયસસ વિ એવં છેદોવદ્ધાવણિણે વિ હેદ્ધિલેસુ તિસુ વિ સમં છદ્ધાણવડિણે ઉવરિલ્લેસુ દોસુ તહેવ હીણે જહા છેદોવદ્ધાવણિણે તહા પરિહારવિસુદ્ધિણે વિ સુહમસંપરાગસંજણે ણં મંતે સામાઈ-યસંજયસસ પરદ્ધાણ-પુચ્છા ગોયમા નો હીણે નો તુલ્લે અબ્બહિણે-અનંતગુણમદ્બહિણે એવં છેદોવદ્ધા-વણિય પરિહારવિસુદ્ધિણેસુ વિ સમં સદ્ધાણે સિય હીણે નો તુલ્લે સિય અબ્બહિણે જઈ હીણે અનંતગુણહીણે અહ-અબ્બહિણે અનંતગુણમદ્બહિણે સુહમસંપરાયસંજયસસ અહક્ષાયસંજયસસ પરદ્ધાણ-પુચ્છા ગોયમા હીણે નો તુલ્લે નો અબ્બહિણે અનંતગુણહીણે અહક્ષાણે હેદ્ધિલિણં ઘડણ્ણ વિ નો હીણે નો તુલ્લે અબ્બહિણે-અનંતગુણમદ્બહિણે સદ્ધાણે નો હીણે તુલ્લે નો અબ્બહિણે ણેસિ ણં મંતે

सामाइय-छेदोवद्वावणिय-परिहारविसुद्धिय-सुहुमसंपराय अहक्खायसंजयाणं जहण्णुक्कोसगाणं चरितपज्जवाणं कयरे कयरेहिंलो जाव विसेसाहिया वा गोयमा सामाइयसंजयस्स छेओवद्वावणिय-संजयस्स य एएसिं णं जहण्णा चरितपज्जवा दोण्ह वि तुल्ला सव्वत्थोबा परिहारविसुद्धियसंजयस्स जहण्णा चरितपज्जवा अनंतगुणा तस्स चेव उक्कोसगा चरितपज्जवा अनंतगुणा सामाइयसंज-यस्स छेओवद्वावणियसंजयस्स य एएसिं णं उक्कोसगा चरितपज्जवा दोण्ह वि तुल्ला अनंतगुणा सुहुमसंपरायसंजयस्स जहण्णा चरितपज्जवा अनंतगुणा तस्स चेव उक्कोसगा चरितपज्जवा अनंतगुणा अहक्खायसंजयस्स अजहण्णमुक्कोसगा चरितपज्जवा अनंतगुणा, सामाइयसंजए णं भंते पुच्छा. गोयमा सजोगी जहा पुलाए एवं जाव सुहुमसंपरायसंजए अहक्खाए जहा सिणाए सामाइयसंजए णं भंते किं सागारोवउत्ते होज्जा अणागारोवउत्ते होज्जा गोयमा सागरोवउत्ते जहा पुलाए एवं जाव अहक्खाए नवर-सुहुमसंपराए सागारोवउत्ते होज्जा नो अणागारोवउत्ते होज्जा सामाइयसंजए णं भंते किं सकसायी होज्जा अकसायी होज्जा गोयमा सकसायी होज्जा नो अकसायी होज्जा जहा कसायकुसीले एवं छेदोवद्वावणिए वि परिहारविसुद्धिए जहा पुलाए सुहुमसंपरायसंजए-पुच्छा गोयमा सकसायी होज्जा नो अकसायी होज्जा जइ सकसायी होज्जा से णं भंते कति सु कसाये सु होज्जा गोयमा एगम्मि संजल्लणलोमे होज्जा अहक्खायसंजए जहा नियंटे सामाइयसंजए णं भंते किं सलेस्से होज्जा अलेस्से होज्जा गोयमा सलेस्से होज्जा जहा कसायकुसीले एवं छेदोवद्वावणिए वि परिहारविसुद्धिए जहा पुलाए सुहुमसंपराए जहा नियंटे अहक्खाए जहा सिणाए नवर-जइ सलेस्से होज्जा एगाए सुक्कलेस्साए होज्जा ७९३-७९२

(१४८) सामाइयसंजए णं भंते किं वड्ढमाणपरिणामे होज्जा हीयमाणपरिणामे अवड्ढिये-परिणामे गोयमा वड्ढमाणपरिणामे जहा पुलाए एवं जाव परिहारविसुद्धिए सुहुमसंपराए-पुच्छा गोयमा वड्ढमाणपरिणामे वा होज्जा हीयमाणपरिणामे वा होज्जा नो अवड्ढियपरिणामे होज्जा अहक्खाए जहा नियंटे सामाइयसंजए णं भंते केवड्ढियं कालं वड्ढमाणपरिणामे होज्जा गोयमा जहण्णेणं एक्कं समयं जहा पुलाए एवं जाव परिहारविसुद्धिए सुहुमसंपरायसंजए णं भंते केवड्ढियं कालं वड्ढमाणपरिणामे होज्जा गोयमा जहण्णेणं एक्कं समयं उक्कोसेणं अंतोमुहुतं केवड्ढियं कालं हीयमाणपरिणामे होज्जा एवं चेव अहक्खायसंजए णं भंते केवड्ढियं कालं वड्ढमाण-परिणामे होज्जा गोयमा जहण्णेणं अंतोमुहुतं उक्कोसेणं वि अंतोमुहुतं केवड्ढियं कालं अवड्ढिय-परिणामे होज्जा जहण्णेणं एक्कं समयं उक्कोसेणं देसूणा पुव्वकोडी ७९४-७९३

(१४९) सामाइयसंजए णं भंते कइ कम्मप्पगडीओ बंधइ गोयमा सत्तविहबंधए वा अट्ठविहबंधए वा एवं जहा बउसे एवं जाव परिहारविसुद्धिए सुहुमसंपरायसंजए-पुच्छा गोयमा आउय-मोहणिज्जवज्जाओ छ कम्मप्पगडीओ बंधति अहक्खायसंजए जहा सिणाए सामाइयसंजए णं भंते कति कम्मप्पगडीओ वेदेति गोयमा नियमं अट्ठ कम्मप्पगडीओ वेदेति एवं जाव सुहुमसंपराए अहक्खाए-पुच्छा गोयमा सत्तविहवेदए वा चउव्विहवेदए वा सत्त वेदेमाणे मोहणिज्ज वज्जाओ सत्त कम्मप्पगडीओ वेदेति चत्तारि वेदेमाणे वेयणिज्जाउय-नापंगोयाओ चत्तारि कम्मप्पगडीओ वेदेति सामाइयसंजए णं भंते कति कम्मप्पगडीओ उदीरेति गोयमा सत्तविह उदीरेए वा जहा बउसो एवं जाव परिहारविसुद्धिए, सुहुमसंपराए-पुच्छा गोयमा छव्विहउदीरेए वा पंचविहउदीरेए वा छ उदीरेमाणे आउयवेयणिज्जवज्जाओ छ कम्मप्पगडीओ उदीरेइ पंच उदीरेमाणे

आउयवेयणिज्ज-मोहणिज्जवज्जाओ पंच कम्मण्णगडीओ उदीरेइ अहक्खायसंजए-पुच्छा गोयमा पंचविहउदीरेए वा दुविहउदीरेए वा अनुदीरेए वा पंच उदीरेमाणे आउय-वेयणिज्ज-मोहणिज्ज-वज्जाओ सेसं जहा नियंठस्स । ७९५।-794

(१५०) सामाइयसंजए णं भंते सामाइयसंजयत्तं जहमाणे किं जहति किं उवसंपज्जति गोयमा सामाइयसंजयत्तं जहति छेदोवद्वावणियसंजयं वा सुहुमसंपरागसंजयं वा असंजमं वा संजमासंजमं वा उवसंपज्जति छेओवद्वावणिए-पुच्छा गोयमा छेओवद्वावणियसंजयत्तं जहति सामाइयसंजयं वा परिहारविसुद्धियसंजयं वा सुहुमसंपरागसंजयं वा असंजमं वा संजमासंजमं वा उवसंपज्जति परिहारविसुद्धिए-पुच्छा गोयमा परिहारविसुद्धियसंजयत्तं जहति छेदोवद्वावणिय-संजयं वा असंजमं वा उवसंपज्जति सुहुमसंपराए-पुच्छा गोयमा सुहुमसंपरायसंजयत्तं जहति सामाइयसंजयं वा छेओवद्वावणियसंजयं वा अहक्खायसंजयं वा असंजमं वा उवसंपज्जइ अहक्खायसंजए-पुच्छा गोयमा अहक्खायसंजयत्तं जहति सुहुमसंपरागसंजयं वा असंजमं वा सिद्धिगतिं वा उवसंपज्जइ । ७९६।-796

(१५१) सामाइयसंजए णं भंते किं सण्णोवउत्ते होज्जा नो सण्णोवउत्ते होज्जा गोयमा सण्णोवउत्ते जहा वउसो एवं जाव परिहारविसुद्धिए सुहुमसंपराए अहक्खाए य जहा पुलाए सामाइयसंजए णं भंते किं आहारए होज्जा अणाहारए होज्जा जहा पुलाए एवं जाव सुहुमसंपराए अहक्खायसंजए जहा सिणाए सामाइयसंजए णं भंते कति भवग्गहणाइं होज्जा गोयमा जहण्णेणं एकक्कं उक्कोसेणं अट्ट एवं छेदोवद्वावणिए वि परिहारविसुद्धिए-पुच्छा गोयमा जहण्णेणं एकक्कं उक्कोसेणं तिण्णि एवं जाव अहक्खाए । ७९७।-796

(१५२) सामाइयसंजयस्स णं भंते एगभवग्गहणिया केवतिया आगरिसा पत्रत्ता गोयमा जहण्णेणं जहा वउसस्स छेदोवद्वावणियस्स-पुच्छा गोयमा जहण्णेणं एकको उक्कोसेणं वीसपुहत्तं परिहारविसुद्धियस्स-पुच्छा गोयमा जहण्णेणं एकको उक्कोसेणं तिण्णि सुहुमसंपरायस्स-पुच्छा गोयमा जहण्णेणं एकको उक्कोसेणं चत्तारि अहक्खायस्स-पुच्छा गोयमा जहण्णेणं एकको उक्कोसेणं दोण्णि सामाइयसंजयस्स णं भंते नाणाभवग्गहणिया केवतिया आगरिसा पत्रत्ता गोयमा जहा वउसे छेदोवद्वावणियस्स-पुच्छा गोयमा जहन्नेणं दोण्णि उक्कोसेणं उवरिं नवण्हं सयाणं अंतो सहस्सस्स परिहारविसुद्धियस्स जहण्णेणं दोण्णि उक्कोसेणं सत्त सुहुमसंपरागस्स जहण्णेणं दोण्णि उक्कोसेणं नव अहक्खायस्स जहण्णेणं दोण्णि उक्कोसेणं पंच । ७९८।-797

(१५३) सामाइयसंजए णं भंते कालओ केवच्चिरं होइ गोयमा जहण्णेणं एकक्कं समयं उक्कोसेणं देसूणएहिं नवहिं वासेहिं ऊणिया पुव्वकोडी एवं छेदोवद्वावणिए वि परिहारविसुद्धिए जहण्णेणं एकक्कं समयं उक्कोसेणं देसूणएहिं एकूणतीसाए वासेहिं ऊणिया पुव्वकोडी सुहुमसंपराए जहा नियंठे अहक्खाए जहा सामाइयसंजए, सामाइयसंजया णं भंते कालओ केवच्चिरं होति गोयमा सब्बद्धं छेदोवद्वावणियसंजया-पुच्छा गोयमा जहण्णेणं अइडाइजाइं वाससयाइं उक्कोसेणं पत्रासं सागरोवमकोडिसयसहस्साइं परिहारविसुद्धियसंजया-पुच्छा गोयमा जहण्णेणं देसूणाइं दो वाससयाइं उक्कोसेणं देसूणाओ दो पुव्वकोडीओ सुहुमसंपरागसंजया-पुच्छा गोयमा जहण्णेणं एकक्कं समयं उक्कोसेणं अंतोमुहुत्तं अहक्खायसंजया जहा सामाइयसंजया णं भंते केवच्चिरं कालं अंतरं होइ गोयमा जहण्णेणं जहा पुलागस्स एवं जाव अहक्खायसंजयस्स सामाइयसंजयाणं भंते-

पुच्छ गोयमा नत्थि अंतरं छेदोवद्वावणियाणं-पुच्छ गोयमा जहण्णेणं तेवद्धि वाससहस्साइ उक्को-
सेणं अट्टारस सागरोवमकोडाकोडीओ परिहारविसुद्धियाणं-पुच्छ गोयमा जहण्णेणं चउरासीइं
वाससहस्साइ उक्कोसेणं अट्टारस सागरोवमकोडाकोडीओ सुहुमसंपरायाणं जहा नियंठाणं
अहक्खायणं जहा सामाइयसजयाणं सामाइयसंजयस्स णं भंते कति समुग्धाया पन्नत्ता गोयमा छ
समुग्धाया पन्नत्ता जहा कसायकुसीलस्स एवं छेदोवद्वावणियस्स वि परिहारविसुद्धियस्स जहा
पुलागस्स सुहुमसंपरागस्स जहा नियंठस्स अहक्खायस्स जहा सिणायस्स सामाइयसंजए णं भंते
लोगस्स किं संखेज्जइभागे होज्जा असंखेज्जइभागे-पुच्छ गोयमा नो संखेज्जइभागे जहा पुत्ताए एवं
जाव सुहुमसंपराए अहक्खायसंजए जहा सिणाए सामाइयसंजए णं भंते लोगस्स किं संखेज्जइभागे
फुसइ जहेव होज्जा तहेव फुसइ सामाइयसंजए णं भंते कयरम्भे भावे होज्जा गोयमा खओवसमिए
भावे होज्जा एवं जाव सुहुमसंपराए अहक्खायसंजए-पुच्छ गोयमा उवसमिए वा खइए वा भावे
होज्जा सामाइयसंजया णं भंते एगसमएणं केवत्तिवा होज्जा गोयमा पडिवज्जमाणए पडुच्च जहा
कसायकुसीला तहेव निरवसेसं छेदोवद्वावणिया-पुच्छ गोयमा पडिवज्जमाणए पडुच्च सिय अत्थि
सिय नत्थि जइ अत्थि जहण्णेणं एकको वा दो वा तिण्णि वा उक्कोसेणं सयपुहत्तं पुव्वपडिवण्णए
पडुच्च सिय अत्थि सिय नत्थि जइ अत्थि जहण्णेणं कोडिसयपुहत्तं उक्कोसेणं वि कोडिसय-पुहत्तं
परिहारविसुद्धिया जहा पुलागा सुहुमसंपराया जहा नियंठा अहक्खायसंजया णं-पुच्छ गोयमा
पडिवज्जमाणए पडुच्च सिय अत्थि सिय नत्थि जइ अत्थि जहण्णेणं एकको वा दो वा तिण्णि वा
उक्कोसेणं बावद्धं सयं-अट्टरसयं खवगाणं चउप्पणं उवदासामगाणं पुव्वपडिवण्णए पडुच्च
जहण्णेणं कोडिपुहत्तं उक्कोसेणं वि कोडिपुहत्तं एएसि णं भंते सामाइय-छेओवद्वावणिय-
परिहारविसुद्धिया-सुहुमसंपराय-अहक्खायसंजयाणं कयरे कयरोहिंतो जाव विसेसाहिया वा
गोयमा सव्वत्थोवा सुहुमसंपरायसंजया परिहारविसुद्धियसंजया संखेज्जगुणा अहक्खायसंजया
संखेज्जगुणा छेओवद्वावणियसंजया संखेज्जगुणा सामाइयसंजया संखेज्जगुणा ॥७९९॥ - 798

(१५४) पडिसेवण दोसालोयणा य आलोयणारिहे चेव

ततो सामायारी पायच्छित्ते तवे चेव

॥७०३॥-१

(१५५) कइविहाणं भंते पडिसेवणा पन्नत्ता गोयमा दसविहा पडिसेवणा प. ॥८००-१॥-८००-१

(१५६) दप्पयमादणा भोगे आउरे आवतीति य

संकिण्णे सहसक्कारे भयणओसा य वीमंसा

॥७०४॥-१

(१५७) दस आलोयणा दोसा पन्नत्ता (तं जहा)- ॥८००-२॥-८००-२

(१५८) आकंपइत्ता अनुमानइत्ता जं दिट्ठं बादरं व सुहुमं वा

छन्नं सद्दाउलयं बहुजण अव्यत्त तस्सेवी

॥७०५॥-२

(१५९) दसहिं ठाणेहिं संपण्णे अणगारे अरिहति अत्तदोसं आलोइयाए तं जहा-
जातिसंपण्णे कुलसंपण्णे विणयसंपण्णे नाणसंपण्णे दंसणसंपण्णे चरित्तसंपण्णे खंते दंते अमायी
अपच्छाणुतावी अट्ठहिं ठाणेहिं संपण्णे अणगारे अरिहति आलोयणं पडिच्छित्ताए तं जहा-आयारवं
आहारवं वयहारवं उव्वीलए पकुव्वए अपरिस्सावी निज्जवए अवायदंसी ॥८००-३॥-८००॥-७९९

(१६०) दसविहा सामायारी पन्नत्ता [तं जहा]- ॥८०१॥

(१६१) इच्छा मिच्छा तहक्कारो आवलस्सिया य निसीहिया

आपुच्छणा य पडिपुच्छ छंदणा य निमंतणा

उवसंपया य काले सामायारी भवे दसहा

॥१०६॥-१

(१६२) दसविहे पायच्छित्ते पत्रत्ते तं जहा-आलोयणारिहे पडिक्कमणारिहे तदुभयारिहे विवेगारिहे विसम्मगारिहे तवारिए छेदारिहे मूलारिहे अणवट्ठप्पारिहे पारंघियारिहे ॥८०२॥-८०३

(१६३) दुविहे तवे पत्रत्ते तं जहा-बाहिरए य अक्खितरए य से किं तं बाहिरए तवे, बाहिरए तवे छविहे पत्रत्ते [तं जहा] ॥८०३-१॥-८०३-१

(१६४) अणसणं ओमोदरिया भिक्खायरिया रसपरिच्चाओ

कायकिलेसो पडिसंलीणया य वज्झो तवो होइ

॥१०७॥-१

(१६५) से किं तं अणसणे अणसणे दुविहे पत्रत्ते तं जहा-इतरिए य आवकहिए य, से किं तं इतरिए इतरिए अणेगविहे पत्रत्ते तं जहा-चउत्थेभत्ते छट्ठेभत्ते अट्ठमेभत्ते दसमेभत्ते दुवालसमेभत्ते चोदसमेभत्ते अद्धमासिएभत्ते मासिएभत्ते दोमासिएभत्ते तेमासिएभत्ते जाव छप्पासिएभत्ते सेतं इतरिए, से किं तं आवकहिए आवकहिए दुविहे पत्रत्ते तं जहा पाओवगमणे य भत्त-पच्चक्खाणे य, से किं तं पाओवगमणे पाओवगमणे दुविहे पत्रत्ते तं जहा-नीहारिमे य अनीहारिमे व नियमं अपडिक्कमे सेतं पाओवगमणे से किं त भत्तपच्चक्खाणे भत्तपच्चक्खाणे दुविहे पत्रत्ते तं जहा-नीहारिमे य अनीहारिसे य निवमं सप्पडिक्कमे सेतं भत्तपच्चक्खाणे सेतं आवकहिए सेतं अणसणे,

से किं तं ओमोदरिया ओमोदरिया दुविहा पत्रत्ता तं जहा-दब्बोमोदरिया य भावोमोदरिया य से किं तं दब्बोमोदरिया दब्बोमोदरिया दुविहा पत्रत्ता तं जहा उवगरणदब्बोमोदरिया य भत्तपाणदब्बो-मोदरिया य से किं तं उवगरणदब्बोमोदरिया उवगरणदब्बोमोदरिया तिविहा पत्रत्ता तं जहा-एगे वत्थे एगे पाए चियत्तोवगरणसातिज्जणया सेतं उवगरणदब्बोमोदरिया से किं तं भत्तपाणदब्बोमोदरिया भत्तपाणदब्बोमोदरिया अट्ठककुडिअंडगण्णमाणमेत्ते कवले आहारमाहारे-माणे अप्पहारे दुवालस जहा सत्तम सए पढमोद्देसए जाव नो पकामरसभोजीति वत्तव्वं सिया सेतं भत्तपाण-दब्बोमोदरिया सेतं दब्बोमोदरिया से किं तं भावोमोदरिया भावोमोदरिया अणेगविहा पत्रत्ता तं जहा-अप्पकोहे जाव अप्पलोभे अप्पसद्दे अप्पझंझे अप्पतुमंतुमे सेतं भावोमोदरिया सेतं ओ-मोदरिया, से किं तं भिक्खायरिया भिक्खायरिया अणेगविहा पत्रत्ता तं जहा-दब्बाभिग्गह-वरए जहा ओववाइए जाव सुद्धेसणिए संखादत्तिए सेतं भिक्खायरिया, से किं तं रसपरिच्चाए रसपरिच्चाए अणेगविहे पत्रत्ते तं जहा निव्विगितिए पणीयरसविक्कजए जहा ओववाइए जाव लूहाहारे सेतं रसपरिच्चाए, से किं तं कायकिलेसे कायकिलेसे अणेगविहे पत्रत्ते तं जहा-ठाणादीए उक्कुडुयासणिए जहा ओववाइए जाव सव्वगायपरिकम्प-विभूसविष्णुमुक्के सेतं कायकिलेसे,

से किं तं पडिसंलीणया पडिसंलीणया चउव्विहा पत्रत्ता तं जहा-इंदियपडिसंलीणया कसायपडि-संलीणया जोगपडिसंलीणया विवित्तसवणासणसेवणया से किं तं इंदियपडिसंलीणया इंदियपडिसंलीणया पंचविहा पत्रत्ता तं जहा-सोइंदियविसयप्पयारिणरोहो वा सोइंदियविसयप्प-त्तेसु अत्येसु रागदोसविणिग्गहो चक्खिंदियविसयप्पयारिणरोहो वा एवं जाव फासिंदियविसयप्प-यारिणरोहो वा फासिंदियविसयप्पत्तेसु वा अत्येसु रागदोसविणिग्गहो सेतं इंदियपडिसंलीणया, से किं तं कसायपडिसंलीणया कसायपडिसंलीणया चउव्विहा पन्नत्ता तं जहा-कोहोदयनिरोहो वा उदयप्पत्तस्स वा कोहस्स विफलीकरणं एवं जाव लोभोदयनिरोहो वा उदयपत्तस्स वा लोभस्स

विफलीकरणं सेतं कसायपडिसंलीणया से किं तं जोगपडिसंलीणया जोगपडिसंलोणया तिविहा पत्रता तं जहा-मणजोगपडिसंलीणया वडजोगपडिसंलीणया कायजोगपडिसंलीणया से किं तं मणजोगपडिसंलीणया मणजोगपडिसंलीणया अकुसलमणनिरोहो वा कुसलमणउदीरणं वा मणस्स वा एगत्तीभावकरणं सेतं मणजोगपडिसंलीणया से किं तं वडजोगपडिसंलीणया वडजोगपडिसंलीणया अकुसलवडनिरोहो वा कुसलवडउदीरणं वा वईए वा एगत्तीभावकरणं सेतं वडजोग-पडिसंलीणया से किं तं कायजोगपडिसंलीणया कायजोगपडिसंलीणया जण्णं सुसमाहियपसंत-साहरियफणिपाए कुम्भो इव गुत्तिंदिए अल्लीण-पल्लीणे विट्ठित्ति सेतं कायपडिसंलीणया सेतं जोगपडिसंलीणया से किं तं विवित्तसयणासणसेवणया विवित्तसयणासणसेवणया जण्णं आरा-मेसु वा उज्जाणेसु वा जहा सोमिलुद्देसए जाव-सेज्जा-संधारणं उवसंपज्जित्तानं विहरइ सेतं विवित्तसयणासणसेवणया सेतं पडिसंलीणया सेतं बाहिए तवे

से किं तं अट्ठितरए तवे अट्ठितरए तवे छव्विहे पत्रते तं जहा-पायच्छित्तं विणओ वेयावच्चं सज्झाओ ज्ञाणं विउसग्गो, से किं तं पायच्छित्ते पायच्छित्ते दसविहे पत्रते तं जहा-आलोयणारिहे जाव पारंघिवारिहे सेतं पायच्छित्ते से किं तं विणए विणए सत्तविहे पत्रते तं जहा-नाणविणए दंसणविणए चरित्तविणए मणविणए वडविणए कायविणए लोभोवयारविणए

से किं तं नाणविणए नाणविणए पंचविहे पत्रते तं जहा-अभिणिबोहिय नाणविणए जाव केवलनाणविणए सेतं नाणविणए से किं तं दंसणविणए दंसणविणए दुविहे पत्रते तं जहा-सुस्सुसणाविणए अणच्चासादणाविणए य से किं तं सुस्सुसणाविणए सुस्सुसणाविणए अणेगविहे पन्नते तं जहा-सक्कारे इ वा सम्भाणे इ वा जहा चोदसमसए ततिए उद्देसए जाव पडिसंसाहणया सेतं सुस्सुसणाविणए से किं तं अणच्चासादणाविणए अणच्चासादणाविणए पणयालीसइविहे पत्रते तं जहा-अरहंताणं अणच्चासादणया अरहंतपन्नतस्स धम्मस्स अणच्चासादणया आयरियाणं अण-च्चासादणया उवज्झायाणं अणच्चासादणया धेराइणं अणच्चासादणया कुलस्स अणच्चासादणया गणस्स अणच्चासादणया संघस्स अणच्चासादणया किरियाए अणच्चासादणया संभोगस्स अणच्चा-सादणया आभिणिबोहियनाणस्स जाव केवलनाणस्स अणच्चासादणया एएसिं चेव भत्ति-बहुमा-णेणं एएसिं चेव वण्णसंजलणया सेतं अणच्चासादणयाविणए सेतं दंसणविणए, से किं तं चरित्तविणए चरित्तविणए पंचविहे पत्रते तं जहा-सामाइयचरित्तविणए जाव अहक्खायचरित्त-विणए सेतं चरित्तविणए

से किं तं मणविणए मणविणए दुविहे पन्नते तं जहा-पसत्थमणविणए य अप्सत्थ-मणविणए य से किं तं पसत्थमणविणए पसत्थमणविणए सत्तविहे पत्रते तं जहा अपावए असा-वज्जे अकिरिए निरुवक्केसे अणपहवकरे अच्छविकरे अभूयाभिसंकणे सेतं पसत्थमणविणए से किं तं अप्सत्थमणविणए अप्सत्थमणविणए सत्तविहे पत्रते तं जहा-पावए सावज्जे सकिरिए सउवक्केसे अणहयकरे छविकरे भूयाभिसंकणे सेतं अप्सत्थमणविणए सेतं मणविणए, से किं तं वडविणए वडविणए दुविहे पत्रते तं जहा-पसत्थवडविणए य अप्सत्थवडविणए य से किं तं पसत्थवडविणए पसत्थवडविणए सत्तविहे पत्रते तं जहा-अपावए असावज्जे जाव अभूयाभिसंकणे सेतं पसत्थवडविणए से किं तं अप्सत्थवडविणए अप्सत्थवडविणए सत्तविहे पत्रते तं जहा-पावए सावज्जे जाव भूयाभिसंकणे सेतं अप्सत्थवडविणए सेतं वडविणए, से किं तं कायविणए

सर्त-२५, उद्देशो-७

४६५

कायविणए दुविहे पन्नते तं जहा-पसत्थकायविणए य अप्सत्थकायविणए य से किं तं पसत्थ-
कायविणए पसत्थकायविणए सत्तविहे पन्नते तं जहा-आउत्तं गमणं आउत्तं ठाणं आउत्तं
निसीयणं आउत्तं तुयइणं आउत्तं उल्लंघणं आउत्तं पल्लंघणं आउत्तं सत्विदियजोगजुंजणया सेत्तं
पसत्थकायविणए से किं तं अप्सत्थकायविणए अप्सत्थकायविणे सत्तविहे पन्नते तं जहा-अणा-
उत्तं गमणं जाव अणाउत्तं सत्विदियजोगजुंजणया सेत्तं अप्सत्थकायविणए सेत्तं कायविणए से
किं तं लोगोवयारविणए लोगोवयारिणए सत्तविहे पन्नते तं जहा-अभासवत्तियं परच्छंदाणुवत्तियं
कज्जेहेउं कयपडिकइया अत्तगवेसणया देसकालणया सब्बत्थेणु अप्पडिलोमया सेत्तं लोग-
ोवयारविणय सेत्तं विणए १८०३-२१-८०२-२

(१६६) से किं तं वेयावच्चे वेयावच्चे दसविहे पन्नते तं जहा-आयरियवेयावच्चे
उवज्जायवेयावच्चे यरवेयावच्चे तवस्सिवेयावच्चे गिलाणवेयावच्चे सेहवेयावच्चे कुलवेयावच्चे
गणवेयावच्चे संघवेयावच्चे साहम्भियवेयावच्चे सेत्तं वेयावच्चे १८०३-३१-८०२-३

(१६७) से किं तं सज्जाए सज्जाए पंचविहे पन्नते तं जहा-वायणा पडिपुच्छणा परियट्टणा
अनुपेहा धम्मकहा से तं सज्जाए १८०३-४१-१८०३१-८०२-४ - ८०२

(१६८) से किं तं ज्ञाणे ज्ञाणे चउच्चिहे पन्नते तं जहा-अट्टे जाणे रोहे जाणे धम्मे ज्ञाणे सुक्के
ज्ञाणे अट्टे ज्ञाणे चउच्चिहे पन्नते तं जहा अमणुणसंपयोगसंपउत्ते तस्स विषययोगसतिसमन्नागए
यावि भवइ मणुणसंपयोगसंपउत्ते तस्स अविषययोगसतिसमन्नागए यावि भवइ आयंकसंपयोग-
संपउत्ते तस्स विषययोगसतिसमन्नागए यावि भवइ परिझुसियकामभोगसंपयोगसंपउत्ते तस्स
अविषययोगसतिसमन्नागए यावि भवइ अट्टस्स णं ज्ञाणस्स चत्तारि लक्खणा पन्नत्ता तं जहा-
कंदणया सोयणया तिप्पणया परिदेवणया, रोहे ज्ञाणे चउच्चिहे पन्नते तं जहा-हिंसाणुबंधी
मोसाणुबंधी तेयाणुबंधी सारक्खणाणुबंधी रोहस्स णं ज्ञाणस्स चत्तारि लक्खणा पन्नत्ता तं जहा-
ओस्सन्नदोसे बहुलदोसे अन्नाणदोसे आमरणंतदोसे धम्मे ज्ञाणे चउच्चिहे चउप्पडोयारे पन्नते तं
जहा-आणाविजए अवायविजए विवागविजए संठाणविजए धम्मस्स णं ज्ञाणस्स चत्तारि लक्खणा
पन्नत्ता तं जहा-आणारुयी निसग्गरुयी सुत्तरुयी ओगाढरुयी धम्मस्स णं ज्ञाणस्स चत्तारि आलंबणा
पन्नत्ता तं जहा-वायणा पडिपुच्छणा परियट्टणा धम्मकहा धम्मस्स णं ज्ञाणस्स चत्तारि अनुपेहाओ
पन्नत्ताओ तं जहा-एगत्ताणुपेहा अणिच्चाणुपेहा असरणाणुपेहा संसाराणुपेहा, सुक्के ज्ञाणे
चउच्चिहे चउप्पडोयारे पन्नते तं जहा-पुहत्तवितक्केसविद्यारी एगत्तवितक्केअविद्यारी
सुहमकिरिएअणियट्टी समोछिण्णकिरिएअप्पडिवायी, सुक्कस्स णं ज्ञाणस्स चत्तारि लक्खणा
पन्नत्ता तं जहा-खंती मुत्ती अज्जेवे मद्देवे सुक्कस्स णं ज्ञाणस्स चत्तारि आलंबणा पन्नत्ता तं जहा-
अव्वहे असंनोहे विदेगे विउसग्गे सुक्कस्स णं ज्ञाणस्स चत्तारि अनुपेहाओ पन्नत्ताओ तं जहा-
अनंतवत्तियाणुपेहा विप्परिणामाणुपेहा असुभाणुपेहा अवायाणुपेहा सेत्तं ज्ञाणे १८०४-८०३

(१६९) से किं तं विउसग्गे विउसग्गे दुविहे पन्नते तं जहा-दव्वविउसग्गे य भावविउसग्गे
य से किं तं दव्वविउसग्गे दव्वविउसग्गे चउच्चिहे पन्नते तं जहा-गणविउसग्गे सरीरविउसग्गे
उवहिविउसग्गे भत्ताणविउसग्गे सेत्तं दव्वविउसग्गे से किं तं भावविउसग्गे भावविउसग्गे तिविहे
पन्नते तं जहा-कसायविउसग्गे संसारविउसग्गे कम्मविउसग्गे से किं तं कसायविउसग्गे
कसायविउसग्गे चउच्चिहे पन्नते तं जहा-कोहविउसग्गे माणविउसग्गे मायाविउसग्गे लोमविउ-

सग्रे सेतं कसायविउसग्रे से किं तं संसारविउसग्रे संसारविउसग्रे चउव्विहे पन्नत्ते तं जहा ने-
रइयसंसारविउसग्रे जाव देवसंसारविउसग्रे सेतं संसारविउसग्रे से किं तं कम्मविउसग्रे
कम्मविउसग्रे अइविहे पन्नत्ते तं जहा-नाणावरणिअकम्मविउसग्रे जाव अंतराइयकम्मविउसग्रे-सग्रे
सेतं कम्मविउसग्रे सेतं भावविउसग्रे सेतं अड्ढिभतरए तवे सेवं भंते सेवं भंते ति । ८०५।-८०४

● पंचवीसइमे सत्ते सत्तमो उद्देसो सप्तो ●

—: अ इ मो—उ हे सो :-

(१७०) रायगिहे जाव एवं वयासी-नेरइया णं भंते कहं उववज्जंति गोयमा से जहानामए पवए पवमाणे अज्झवसाणनिव्वत्तिएणं करणोवाएणं सेयकाले तं ठाणं विष्पजहिता पुरिमं ठाणं उवसंपज्जिताणं विहरइ एवामेव एए वि जीवा पवओ विव पवमाणा अज्झवसाणनिव्वत्तिएणं करणोवाएणं सेयकाले तं भवं विष्पजहिता पुरिमं भवं उवसंपज्जिताणं विहरंति तेसि णं भंते जीवाणं कहं सीहा गती कहं सीहे गतिविसए पन्नत्ते गोयमा से जहानामए केइ पुरिसे तरुणे बलवं एवं जहा चोइसमसए पढमुदेसए जाव निसमएणं वा विग्गहेणं उववज्जंति तेसि णं जीवाणं तथा सीहामई तथा सीहे गतिविसए पन्नत्ते ते णं भंते जीवा कहं परमवियाउयं पकरेंति गोयमा अज्झवसाणजोगनिव्वत्तिएणं करणोवाएणं एवं खलु ते जीवा परमवियाउयं पकरेंति तेसि णं भंते जीवाणं कहं गती पवत्तइ गोयमा आउक्खएणं भवक्खएणं ठिइक्खएणं एवं खलु तेसि जीवाणं गती पवत्तति तेणं भंते जीवा किं आइइडीए उववज्जंति परिइडीए उववज्जंति गोयमा आइइडीए उववज्जंति नो परिइडीए उववज्जंति ते णं भंते जीवा किं आयकम्मुणा उववज्जंति परकम्मुणा उववज्जंति गोयमा आयकम्मुणा उववज्जंति नो परकम्मुणा उववज्जंति ते णं भंते जीवा किं आयप्पयोगेणं उववज्जंति परप्पयोगेणं उववज्जंति गोयमा आयप्पयोगेणं उववज्जंति नो परप्पयोगेणं उववज्जंति असुरकुमारा णं भंते कहं उववज्जंति जहा नेरइया तहेव निरवसेसं जाव नो परप्पयोगेणं उववज्जंति एवं एगिंदियवज्जा जाव वेमाणिआ एगिंदिया एवं चेव नवरं-चउसमइओ विग्गहो सेसं तं चेव सेवं भंते सेवं भंते ति जाव विहरइ । ८०६।-८०५

● पंचवीसइमे सत्ते अइमो उद्देसो सप्तो ●

—: न व मो—उ हे सो :-

(१७१) भवसिद्धियनेरइया णं भंते कहं उववज्जंति गोयमा से जहानामए पवए पवमाणे अवसेसं तं चेव जाव वेमाणिए सेवं भंते सेवं भंते ति । ८०७।-८०६

● पंचवीसइमे सत्ते नवमो उद्देसो सप्तो ●

—: द स मो—उ हे सो :-

(१७२) अभवसिद्धियनेरइया णं भंते कहं उववज्जंति गोयमा से जहानामए पवए पवमाणे अवसेसं तं चेव एवं जाव वेमाणिए सेवं भंते सेवं भंते ति । ८०८।-८०७

● पंचवीसइमे सत्ते दसमो उद्देसो सप्तो ●

—: ए क्का र स मो—उ हे सो :-

(१७३) सम्मदिट्ठिनेरइया णं भंते कहं उववज्जंति गोयमा से जहानामए पवए पवमाणे अवसेसं तं चेव एवं एगिंदियवज्जं जाव वेमाणिए सेवं भंते सेवं भंते ति । ८०९।-८०८

● पंचवीसइमे सत्ते एककारत्तमो उद्देसो सप्तो ●

—: बा र स मो—उ हे सो :-

(१७४) मिच्छदिट्ठिनेरइया णं भंते कहं उववज्जंति गोयमा से जहानामए पवए पवमाणे

अवसेसं तं चेव एवं जाव वेमाणिए सेवं भंते सेवं भंते ति । ८१०१-८०११

● पंचवीसइमे सते बारसमो उद्देशो समत्तो ● पंचवीसइमं सर्तं समत्तं ●

छवीसइमं सर्तं

—: प ढ मो—उ हे तो :—

[नमो सुयदेवयाए भगवईए]

(१७५) जीवा य लेस्स पक्खियदिट्ठिअण्णाण नाण सण्णाओ

वेय कसाए उदओग जोग एक्कारस वि ठाणा

॥१०८॥-१

(१७६) तेणं कालेणं तेणं समएणं रायगिहे जाव एवं वयासी-जीवा णं भंते पावं कम्मं किं बंधी बंधइ बंधिस्सइ बंधी बंधइ न बंधिस्सइ बंधी न बंधइ बंधिस्सइ बंधी न बंधइ न बंधिस्सइ गोयमा अत्येगतिए बंधी बंधइ बंधिस्सइ अत्येगतिए बंधी बंधइ न बंधिस्सइ अत्येगतिए बंधी न बंधइ बंधिस्सइ अत्येगतिए बंधी न बंधइ न बंधिस्सइ सलेस्से णं भंते जीवे पावं कम्मं किं बंधी बंधइ बंधिस्सइ बंधी बंधइ न बंधिस्सइ-पुच्छा गोयमा अत्येगतिए बंधी बंधइ बंधिस्सइ अत्येगतिए एवं चउभंगो, कण्हलेस्से णं भंते जीवे पावं कम्मं किं बंधी-पुच्छा गोयमा अत्येगतिए बंधी बंधइ बंधिस्सइ अत्येगतिए बंधी बंधइ न बंधिस्सइ एवं जाव पण्हलेस्से सब्बत्थ पढम-बितियाभंगा सुक्कलेस्से जहा सलेस्से तहेव चउभंगो अलेस्से णं भंते जीवे पावं कम्मं किं बंधी-पुच्छा गोयमा बंधी न बंधइ न बंधिस्सइ कण्हपक्खिए णं भंते जीवे पावं कम्मं-पुच्छा गोयमा अत्येगतिए बंधी पढम-बितिया भंगा सुक्कपक्खिए णं भंते जीवे-पुच्छा गोयमा चउभंगो भाणियव्वो । ८१११-८११०

(१७७) सम्मदिट्ठीणं चत्तारि भंगा मिच्छादिट्ठीणं पढम-वितिया सम्मामिच्छादिट्ठीणं एवं चेव नाणीणं चत्तारि भंगा आभिणीबोहियनाणीणं जाव मणपज्जननाणीणं चत्तारि भंगा केवलनाणीणं चरिमो भंगो जहा अलेस्साणं अण्णाणीणं पढम-वितिया एवं मइअण्णाणीणं सुयअण्णाणीणं विभंगनाणीणं वि आहारसण्णोवउत्ताणं जाव परिग्गहसण्णोवउत्ताणं पढम-वितिया नोसण्णोव-उत्ताणं चत्तारि सवेदगाणं पढम-वितिया एवं इत्थिवेदगा पुरिसवेदगा नपुंसकवेदगा वि अवेदगाणं चत्तारि, सकसाईणं चत्तारि कोहकसाईणं पढम-वितिया भंगा एवं माणकसायिस्स वि मायाकसायिस्स वि लोभकसायिस्सं चत्तारि भंगा, अकसायी णं भंते जीवे पावं कम्मं किं बंधी-पुच्छा गोयमा अत्येगतिए बंधी न बंधइ बंधिस्सइ अत्येगतिए बंधी न बंधइ न बंधिस्सइ, सजोगिस्स चउभंगो एवं मणजोगिस्स वि वइजोगिस्स वि कायजोगिस्स वि अजोगिस्स चरिमो सागारोवउत्ते चत्तारि अणागारोवउत्ते वि चत्तारि भंगा । ८१२१-८१११

(१७८) नेरइए णं भंते पावं कम्मं किं बंधी बंधइ बंधिस्सइ गोयमा अत्येगतिए बंधी पढम-वितिया सलेस्से णं भंते नेरइए पावं कम्मं एवं चेव एवं कण्हलेस्से वि नीललेस्से वि काउलेस्से वि एवं कण्हपक्खिए सुक्कपक्खिए सम्मदिट्ठी मिच्छादिट्ठी सम्मामिच्छादिट्ठी नाणी आभिणि-बोहियनाणी सुयनाणी ओहिनाणी अण्णाणी मइअण्णाणी सुयअण्णाणी विभंगनाणी आहार-सण्णोवउत्ते जाव परिग्गहसण्णोवउत्ते सवेदए नपुंसकवेदए सकसायी जाव लोभकसायी सजोगी मणजोगी वइजोगी कायजोगी सागारोवउत्ते अणागारोवउत्ते-एएसु सब्बेसु पदेसु पढम-वितिया भंगा भाणियव्व्वा एवं असुरकुमारस्स वि वत्तव्वया भाणियव्व्वा नवरंतेउलेसा इत्थिवेदगा-पुरिसवेदगा य अब्बहिया नपुंसंगवेदगा न मण्णंति सेसं तं चेव सब्बत्थ पढम-वितिया भंगा एवं

जाव थणियकुमारस्स एवं पुढविकाइयस्स वि आउकाइयस्स वि जाव पंचिंदियतिरिक्खजोगियस्स वि सव्वत्थ वि पढम-वितिया भंगा नवरं-जस्स जा लेस्सा दिट्ठी नाणं अण्णाणं वेदो जोगो य अत्थि तं तस्स भाणियव्वं सेसं तहेव मणुस्स जहेव जीवपदे वत्तव्वया सहेव निरवसेसा भाणियव्वा वाणमंतरस्स जहा असुरकुमारस्स जोइसियस्स वेमाणियस्स एवं चेव नवरं-लेस्साओ भाणियव्वाओ सेसं तहेव भाणियव्वं १८१३-८१२

(१७९) जीवे णं भंते नाणावरणिज्जं कम्मं किं बंधी बंधइ बंधिस्सइ एवं जहेव पावकम्मस्स वत्तव्वया तहेव नाणावरणिज्जस्स वि भाणियव्वा नवरं-जीवपदेस मणुस्सपदे य सकसाइम्भि जाव लोमकसाइम्भि य पढम-वितिया भंगा अवसेसं तं चेव जाव वेमाणिया एवं दरिसणावरणिज्जेण वि दंडगो भाणियव्वो निरवसेसो जीवे णं भंते वेयणिज्जं कम्मं किं बंधी-पुच्छा गोयमा अत्येगतिए बंधी बंधइ बंधिस्सइ अत्येगतिए बंधी बंधइ न बंधिस्सइ अत्येगतिए बंधी न बंधइ न बंधिस्सइ सलेस्से वि एवं चेव ततियविहूणा भंगा कण्हलेस्से जाव पण्हलेस्से पढम-वितिया भंगा सुक्कलेस्से तति-यविहूणा भंगा अलेस्से चरिमो भंगो कण्हपक्खिए पढम-वितिया सुक्कपक्खिया ततिय विहूणा एवं सम्मदिट्ठिस्स वि मिच्छादिट्ठीस्स सम्मामिच्छादिट्ठिस्स य पढमवितिया नाणिस्स ततियविहूणा आभिणिबोहियनाणी जाव मणपज्जवनाणी पढम-वितिया केवलनाणी ततियविहूणा एवं नोसण्णो-वउत्ते अवेदए अकसायी सागारोवउत्ते अणागारोवउत्ते-एएसु ततियविहूणा अजोगिम्भि य चरिमो सेसेसु पढम-वितिया नेरइए णं भंते वेयणिज्जं कम्मं किं बंधी बंधइ एवं नेरइया जाव वेमाणिय ति जस्स जं अत्थि सव्वत्थ वि पढम-वितिया नवरं-मणुस्से जहा जीवे, जीवे णं भंते मोहणिज्जं कम्मं किं बंधी बंधइ जहेव पावं कम्मं तहेव मोहणिज्जं पि निरवसेसं जाव वेमाणिए १८१४+८१३

(१८०) जीवे णं भंते आउयं कम्मं किं बंधी बंधइ-पुच्छा गोयमा अत्येगतिए बंधी चउभंगो सलेस्से जाव सुक्कलेस्से चत्तारि भंगा अलेस्सेचरिमो भंगो कण्हपक्खिओ णं-पुच्छा गोयमा अत्येगतिए बंधी बंधइ बंधिस्सइ अत्येगतिए बंधी न बंधइ बंधिस्सइ सुक्कपक्खिए सम्मदिट्ठी मिच्छादिट्ठी चत्तारि भंगा सम्मामिच्छादिट्ठी-पुच्छा गोयमा अत्येगतिए बंधी न बंधइ बंधिस्सइ अत्येगतिए बंधी न बंधइ न बंधिस्सइ नाणी जाव ओहिनाणी चत्तारि भंगा मणपज्जवनाणी-पुच्छा गोयमा अत्येगतिए बंधी बंधइ बंधिस्सइ अत्येगतिए बंधी न बंधइ बंधिस्सइ अत्येगतिए बंधी न बंधइ न बंधिस्सइ केवलनाणे चरिमो भंगो एवं एएणं कमेणं नोसण्णोवउत्ते वितियविहूणा जहेव मणपज्जवनाणे अवेदए अकसाई य ततिय-चउत्था जहेव सम्मामिच्छते अजोगिम्भि चरिमो सेसेसु पदेसु चत्तारि भंगा जाव अणागारोवउत्ते नेरइए णं भंते आउयं कम्मं किं बंधी-पुच्छा गोयमा अत्येगतिए चत्तारि भंगा एवं सव्वत्थ वि नेरइयाणं चत्तारि भंगा नवरं-कण्हलेस्से कण्हपक्खिए य पढम-ततिया भंगा सम्मामिच्छते ततियचउत्था असुरकुमारे एवं चेव नवरं-कण्हलेस्से वि चत्तारि भंगा भाणियव्वा सेसं जहा नेरइयाणं एवं जाव थणियकुमाराणं पुढविकाइयाणं सव्वत्थ वि चत्तारि भंगा नवरं-कण्हपक्खिए पढम-ततिया भंगा तेउलेस्से-पुच्छा गोयमा बंधी न बंधइ बंधिस्सइ सेसेसु सव्वत्थ चत्तारि भंगा एवं आउक्काइय-वणस्सइकाइयाण वि निरवसेसं तेउकाइय-वाउक्काइयाण सव्वत्थ वि पढम-ततिया भंगा बेइदिय-चउरिंदियाणं पि सव्वत्थ वि पढम-ततिया भंगा नवरं-सम्भते नाणे आभिणिबोहियनाणे सुयनाणे ततिओ भंगो पंचिंदियति-रिक्खजोगियाणं कण्हपक्खिए पढम-ततिया भंगो पंचिंदियतिरिक्खजोगियाणं कण्हपक्खिए

सत्तं-२६, उद्देसो-१

४६९

पढम-वितिया भंगा सम्मामिच्छते ततियचउत्थो भंगो सम्पत्ते नाणे आभिणिबोहियनाणे सुयनाणे ओहि नाणे-एएसु वितियविहूणां भंगा सेसं तं चेव वाणमंतर-जोइसियवेमाणिया जहा असुरकुमारानामं गोयं अंतरायं च एयाणि जहा नाणावरणिज्जं सेवं भंते सेवं भंते ति जाव विहरइ ।८१५।-८१४

● छवीसइमे सत्ते पढमो उद्देसो सम्पत्तो ●

—: बी ओ—उ दे सो :—

(१८१) अनंतरोववन्नए णं भंते नेरइए पावं कम्मं किं बंधी-पुच्छा तहेव गोयमा अत्येगतिए वंधी पढम-वितिया भंगा सलेस्से णं भंते अनंतरोववन्नए नेरइए पावं कम्मं किं बंधी-पुच्छा गोयमा पढम-वितिया भंगा एवं खलु सव्वत्थ पढम-वितिया भंगा नवरं-सम्मामिच्छत्तं मणजोगे वइजोगो य न पुच्छिज्जइ एवं जाव थणियकुमारणां वेइदिय-तेइदिय-चउरिंदियाणं वइ-जोगो न भण्णइ पंधिदियतिरिक्खजोणियाणं पि सम्मामिच्छत्तं ओहिनाणं विभंगनाणं मणजोगो वइजगो-एयाण पंच न भण्णंति मणुस्साणं अलेस्स-सम्मामिच्छत्त-मणपज्जवनान-केवलनाण-विभंगनाण-नोसण्णो-वउत्तं-अवेदग-अकसाय-मणजोग-वइजोग-अजोगि-एयाणि एककारस पदाणि न भण्णंति वाण-मंतर-जोइसिय-वेमाणियाणं जहा नेरइयाणं तहेव ते तिण्णि न भण्णंति सव्वेसि जाणि सेसाणि ठाणाणि सव्वत्थ पढम-वितिया भंगा एणिंदियाणं सव्वत्थ पढम-वितिया भंगा जहा पावे एवं नाणावरणिज्जेणं वि दंडओ एवं आउयवज्जेसु जाव अंतराइए दंडओ अनंतरोववन्नए णं भंते नेरइए आउयं कम्मं किं बंधी-पुच्छा गोयमा बंधी न बंधइ बंधिस्सइ सलेस्से णं भंते अनंतरोववन्नए नेरइए आउयं कम्मं किं बंधी एवं चेव ततिओ भंगो एवं जाव अणागारोवउत्ते सव्वत्थ वि ततिओ भंगो एवं मणुस्सवज्जं जाव वेमाणियाणं मणुस्साणं सव्वत्थ ततिय-चउत्था भंगा नवरं-कण्हपक्खिएसु ततिओ भंगो सव्वेसि नाणत्ताइं ताइं चेवं सेवं भंते सेवं भंते ति ।८१६।-८१५

● छवीसइमे सत्ते बीओ उद्देसो सम्पत्तो ●

—: त इ ओ—उ दे सो :—

(१८२) परंपरोववन्नए णं भंते नेरइए पावं कम्मं किं बंधी-पुच्छा गोयमा अत्येगतिए पढम-वितिया एवं जहेव पढमो उद्देसओ तहेव परंपरोववन्नएहिं वि उद्देसओ भाणियव्वो नेरइयाईओ तहेव नवदंडासंगहिओ अट्टण्ह वि कम्मप्पगडीणं जा जस्स कम्मस्स वत्तव्वया सा तस्स अहीणमतिरित्ता नेयव्वा जाव वेमाणिया अणागारोवउत्ता सेवं भंते सेवं भंते ति ।८१७।-८१६

● छवीसइमे सत्ते तइओ उद्देसो सम्पत्तो ●

—: च उ त्थो—उ दे सो :—

(१८३) अनंतरोगादए णं भंते नेरइए पावं कम्मं किं बंधी-पुच्छा गोयमा अत्येगतिए एवं जहेव अनंतरोववन्नएहिं नवदंडासंगहिओ उद्देसो भाणिओ तहेव अनंतरोगादएहिं वि अहीणमति-रित्तो भाणियव्वो नेरइयादीए जाव वेमाणिए सेवं भंते सेवं भंते ति ।८१८-१।-८१७-१

● छवीसइमे सत्ते चउत्थो उद्देसो ●

—: पं च मो—उ दे सो :—

(१८४) परंपरोगादए णं भंते नेरइया पावं कम्मं किं बंधी जहेव परंपरोववन्नएहिं उद्देसो सो चेव निरवसेसो भाणियव्वो सेवं भंते सेवं भंते ति ।८१८-२।-८१७-२

● छवीसइमे सत्ते पंचमो उद्देसो सम्पत्तो ●

—: छ डो—उ दे सो :—

(९८५) अनंतराहारण णं भंते नेरइए पावं कम्मं किं बंधी-पुच्छा एवं जहेव अनंतरोव-
वन्नएहिं उहेसो तहेव निरवसेसं सेवं भंते सेवं भंते ति १८१८-३१-८१७-३

● छवीसइमे सते छडो उहेसो सप्ततो ●

—: स त्त मो—उ दे सो :—

(९८६) परंपराहारण णं भंते नेरइए पावं कम्मं किं बंधी-पुच्छा गोयमा एवं जहेव
परंपरोववन्नएहिं उहेसो तहेव निरवसेसो भाणियव्वो सेवं भंते सेवं भंते ति १८१८-४१-८१७-४

● छवीसइमे सते सत्तमो उहेसो सप्ततो ●

—: अ द्द मो—उ दे सो :—

(९८७) अनंतरपज्जत्तण णं भंते नेरइए पावं कम्मं किं बंधी-पुच्छा गोयमा जहेव
अनंतरोववन्नएहिं उहेसो तहेव निरवसेसं सेवं भंते सेवं भंते तति १८१८-५१-८१७-५

● छवीसइमे सते अद्दमो उहेसो सप्ततो ●

—: न व मो—उ दे सो :—

(९८८) परंपरपज्जत्तण णं भंते नेरइए पावं कम्मं किं बंधी-पुच्छा गोयमा एवं जहेव
परंपरोववन्नएहिं उहेसो तहेव निरवसेसो भाणियव्वो सेवं भंते सेवं भंते ति जाव विहारइ

१८१८-६१-८१७-६

● छवीसइमे सते नवमो उहेसो सप्ततो ●

—: द स मो—उ दे सो :—

(९८९) चरिमे णं भंते नेरइए पावं कम्मं किं बंधी-पुच्छा वं जहेव परंपरोववन्नएहिं उहेसो
तहेव चरिमेहिं निरवसेसं सेवं भंते सेवं भंते ति जाव विहारइ १८१८-६१-८१७-६

● छवीसइमे सते दसमो उहेसो सप्ततो ●

—: ए क्का १ स मो—उ दे सो :—

(९९०) अचरिमे णं भंते नेरइए पावं कम्मं किं बंधी-पुच्छा गोयमा अत्येगइए एवं जहेव
पढमोदेसए पढम-वितिया भंगा भाणियव्व्या सव्वत्थ जाव पंचिंदियतिरिक्खजोणिचाणं अचरिमे णं
भंते मणुस्से पावं कम्मं किं बंधी-पुच्छा गोयमा अत्येगतिए बंधी बंधइ बंधिस्सइ अत्येगतिए बंधी
बंधइ न बंधिस्सइ अत्येगतिए बंधी न बंधइ बंधिस्सइ सलेस्से णं भंते अचरिमे मणुस्से पावं कम्मं किं
बंधी एवं चेव तिणिण भंगा चरमविहूणा भाणियव्व्या एवं जहेव पढमुदेसो नवरं-जेसु तत्थ वीससु
चत्तारि भंगा तेसु इह आदिल्ला तिणिण भंगा भाणियव्व्या चरिमभंगवज्जा अलेस्से केवलनाणी य
अजोगी य-एए तिणिण वि न पुच्छिज्जति सेसं तहेव वाणमंतर जोइसिय-वेमाणिए जहा नेरइए
अचरिमे णं भंते नेरइए नाणावरणिज्जं कम्मं किं बंधी-पुच्छा गोयमा एवं जहेव पावं नवरं-मणुस्सेसु
सकसाईसु लोभकसाईसु य पढम-वितिया भंगा सेसा अद्धारस चरमविहूणा सेसं तहेव जाव
वेमाणियाणं दरितणावरणिज्जं पि एवं चेव निरवसेसं वेयणिज्जे सव्वत्थ वि पढम-वितिया भंगा जाव
वेमाणियाणं नवरं-मणुस्सेसु अलेस्से केवली अजोगी य नत्थि अचरिमे णं भंते नेरइए मोहणिज्जं
कम्मं किं बंधी-पुच्छा गोयमा जहेव पावं तहेव निरवसेसं जाव वेमाणिए अचरिमे णं भंते नेरइए
आउयं कम्मं किं बंधी-पुच्छा गोयमा पढम-वितिया भंगा एवं सव्वपदेसु वि नेरइयाणं पढम-ततिया
भंगा नवरं-सम्पामिच्छते ततिओ भंगो एवं जाव दणियकुमाराणं पुढविक्काइय-आउक्काइय-
वणस्सइकाइयाणं तेउलेस्साए ततिओ भंगो सेसेसु पदेसु सव्वत्थ पढम-ततिया भंगा तेउकाइय-

459

● छवीसइमे सते एककारसमो उद्देसो समत्तो ● छवीसइमं सतं समत्तं ●

—: उ हे सा-१-११ :-

● सत्तवीसद्वयं सतं सपत्तं ●

—: प ढ मो—उ ढे सो :—

● अद्रावीसङ्गमे सते पढमो उद्देसो सम्पत्तो ●

—: बी ओ-उ हे सो :—

(१९३) अनंतरोववन्नगा णं भंते नेरइया पावं कम्मं कर्हिं समज्झिणिसु कर्हिं समायरिंसु गोयमा सच्च्ये वि ताव तिरिक्खजोणिएसु होज्जा एवं एत्थ वि अट्ठ मंगा एवं अनंतरोववन्नगाणं नेरइयाईणं जस्स जं अत्थि लेसादीयं अणागारोवओगपज्जवसाणं तं सच्चं एयाए भयणाए भाणियच्चं जाव वेमाणियाणं नवरं-अनंतरेसु जे परिहरियच्च्वा ते जहा बंधिसए तहा इहं पि एवं

नाणावरणिजेण वि दंडओ एवं जाव अंतराइएणं निरवसेसं एसो वि नवदंडगसंगहिओ उदेसओ भाणियव्वो सेवं भंते सेवं भंते ति । ८२११-८२०

● अद्वावीसइमे सत्ते बीओ उदेसो सप्ततो ●

—: उ हे सा—३-११: —

(१९४) एवं एएणं कमेणं जहेव बंधिसए उदेसगाणं परिवाडी तहेव इहं पि अद्दसु भंगेसु नेयव्वा नवरं-जाणियव्वं जं जस्स अत्थि तं तस्स भाणियव्वं जाव अचरिमुद्देसो सव्वे वि एए एक्कारस उदेसगा सेवं भंते सेवं भंते ति जाव विहरइ । ८२२१-८२१

● अद्वावीसइमे सत्ते ३-११ उदेसा सप्ततो ● अद्वावीसइयं सतं सप्ततं ●

एगूणतीसइयं — सतं

—: प ठ मो—उ हे सो :—

(१९५) जीवा णं भंते पावं कम्मं किं समाणं पडुविंसु समायं निडुविंसु समायं पडुविंसु विसमायं निडुविंसु विसमायं पडुविंसु समायं निडुविंसु विसमायं पडुविंसु विसमायं निडुविंसु गोयमा अत्येगतिया समायं पडुविंसु समायं निडुविंसु जाव अत्येगतिया विसमायं पडुविंसु विसमायं निडुविंसु से केणट्ठेणं भंते एवं वुच्चइ-अत्येगतिया समायं पडुविंसु समायं निडुविंसु तं चेव गोयमा जीवा चउव्विहा पत्तता तं जहा-अत्येगतिया समाउया समोववन्नगा अत्येगतिया समाउया विसमोववन्नगा अत्येगतिया समाउया समोववन्नगा अत्येगतिया समाउया विसमोववन्नगा अत्येगतिया विसमाउया समोववन्नगा अत्येगतिया विसमाउया विसमोववन्नगा तत्थ णं जे ते समाउया समोववन्नगा ते णं पावं कम्मं समायं पडुविंसु समायं निडुविंसु तत्थ णं जे ते समाउया विसमोववन्नगा ते णं पावं कम्मं समायं पडुविंसु विसमायं निडुविंसु तत्थ णं जे ते विसमाउया समोववन्नगा ते णं पावं कम्मं विसमायं पडुविंसु समायं निडुविंसु तत्थ णं जे ते विसमाउया विसमोववन्नगा ते णं पायं कम्मं विसमायं पडुविंसु विसमायं निडुविंसु से तेणट्ठेणं गोयमा तं चेव सलेस्ता णं भंते जीवा पावं कम्मं एवं चेव एवं सव्वट्ठाणेषु वि जाव अणागारोवउत्ता एए सव्वे वि पया एयाए वत्तव्वयाए भाणियव्वा नेरइया णं भंते पावं कम्मं किं समायं पडुविंसु समायं निडुविंसु-पुच्छा गोयमा अत्येगतिया समायं पडुविंसु एवं जहेव जीवाणं तहेव भाणियव्वं जाव अणागारो-वउत्ता एवं जाव येमाणियाणं जस्स जं अत्थि तं एएणं चेव कमेणं भाणियव्वं जहा पावेणं दंडओ एएणं कमेणं अद्दसु वि कम्मप्पगडीसु अद्द दंडगा भाणियव्वा जीवादीया वेमाणियपञ्चवसाणा एसो नवदंडगसंगहिओ पढमो उदेसो भाणियव्वो सेवं भंते सेवं भंते ति । ८२३१-८२२

● एगूणतीसइमे सत्ते पढमो उदेसो सप्ततो ●

—: बी ओ—उ हे सो :—

(१९६) अनंतरोववन्नगा णं भंते नेरइया पावं कम्मं किं समायं पडुविंसु समायं निडुविंसु-पुच्छा गोयमा अत्येगतिया समायं पडुविंसु समायं निडुविंसु अत्येगतिया समायं पडुविंसु विसमायं निडुविंसु से केणट्ठेणं भंते एवं वुच्चइ-अत्येगतिया समायं पडुविंसु तं चेव गोयमा अनंतरोववन्नगा ने-रइया दुविहा पत्तता तं जहा-अत्येगतिया समाउया समोववन्नगा अत्येगतिया समाउया विसमोववन्नगा तत्थ णं जे ते समाउया समोववन्नगा ते णं पावं कम्मं समायं पडुविंसु समायं निडुविंसु तत्थ णं जे ते समाउया विसमोववन्नगा ते णं पायं कम्मं समायं पडुविंसु विसमायं निडुविंसु

सतं-२१, उद्देशो-२

४७३

से तेण्ड्रेणं तं चेव, सलेस्सा णं भंते अनंतरोववन्नगा नेरइया पावं एवं चेव एवं जाव अणागा-
रोवउत्ता एवं असुरकुमारा वि एवं जाव वेमाणिया नवरं जं जस्स अत्थि तं तस्स भाणियव्वं एवं
नाणावरणिज्जेण वि दंडओ एवं निरवसेसं जाव अंतराइएणं सेवं भंते सेवं भंते ति जाव विहरइ

1८२४-१1-824-1

● एगुण्तीसइमे सते बीओ उद्देशो सप्तो ●

—: उ हे सो-३-११ :-

(१९७) एवं एएणं गमएणं जछेवं बंधिसए उद्देसगपरिवाडी सच्चेव इह वि भाणियव्वा जाव
चरिमो ति अनंतरउद्देसगाणं चउण्ह वि एक्का वत्तव्वया सेसाणं सत्तण्हं एक्का 1८२४1-823

● एगुण्तीसइमे सते ३-११ उद्देस सप्त ● एगुण्तीसइमं सतं सप्तं ●

तीसइमं - सतं

—: प ढ मो-उ हे सो :-

(१९८) कइ णं भंते समोसरणा पत्रत्ता गोयमा चत्तारि समोसरणा पत्रत्ता तं जहाकि-
रियावादी अकिरियावादी अण्णाणियवादी वेणइयवादी, जीवा णं भंते किं किरियावादी
अकिरियावादी अण्णाणियवादी वेणइयवादी गोयमा जीवा किरियावादी वि अकिरियावादी वि
अण्णाणियवादी वि वेणइयवादी वि, सलेस्सा णं भंते जीवा किं किरियावादी-पुच्छा गोयमा
किरियावादी वि अकिरियावादी वि अण्णाणियवादी वि वेणइयवादी वि एवं जाव सुक्कलेस्सा
अलेस्सा णं भंते जीवा-पुच्छा गोयमा किरियावादी नो अकिरियावादी नो अण्णाणियवादी नो वेण-
इयवादी, कण्हपक्खिया णं भंते जीवा किं किरियावादी-पुच्छा गोयमा नो किरियावादी
अकिरियावादी अण्णाणियावादी वि वेणइयवादी वि सुक्कपक्खिया जहा सलेस्सा सम्मदिट्ठी जहा
अलेस्सा मिच्छादिट्ठी जहा कण्हपक्खिया, सम्मामिच्छादिट्ठी णं-पुच्छा गोयमा नो किरियावादी नो
अकिरियावादी अण्णाणियावादी वि वेणइयवादी वि नाणी जाव केवलनाणी जहा अलेस्से
अण्णाणी जाव विपंगनाणी जहा कण्हपक्खिया आहारसण्णोवउत्ता जाव परिग्गहसण्णोवउत्ता
जहा सलेस्सा नोसण्णोवउत्ता जहा अलेस्सा सवेदगा जाव नपुंसगवेदगा जहा सलेस्सा अवेदगा
जहा अलेस्सा सकसायी जाव लोभकसायी जहा सलेस्सा अकसायी जहा अलेस्सा सजोगी जाव
कायजोगी जहा सलेस्सा अजोगी जहा अलेस्सा सागरोवउत्ता अणागारोवउत्ता जहा सलेस्सा ने-
रइया णं भंते किं किरियावादी-पुच्छा गोयमा किरियावादी वि जाव वेणइयवादी वि सलेस्सा णं भंते
नेरइया किं किरियावादी एवं चेव एवं जाव काउलेस्सा कण्हपक्खिया किरियाविवज्झिया एवं एएणं
कमेणं जछेव जीवाणं वत्तव्वया सच्चेव नेरइयाणं वि जाव अणागारोवउत्ता नवरं-जं अत्थि तं
भाणियव्वं सेसं न भण्णति जहा नेरइया एवं जाव यणियकुमारा पुढविकाइया णं भंते किं
किरियावादी-पुच्छा गोयमा नो किरियावादी अकिरियावादी वि अण्णाणियवादी वि नो वेणइ-
यवादी एवं पुढविकाइयाणं जं अत्थि तत्थण सव्वत्थ वि एयाइं दो मज्झिल्लाईं समोसरणाइं जाव
अणागारोवउत्ता वि एवं जाव चउरिंदियाणं सव्वड्डाणेषु एयाइं चेव मज्झिल्लागाइं दो समोसरणाइं
सम्पत्त-नाणेहि वि एयाणि केय मज्झिल्लागाइं दो समोसरणाइं पंचिदियतिरिक्खजोणिया जहा जीवा
नवरं-जं अत्थि तं भाणियव्वं मणुस्सा जहा जीवा तहेव निरवसेसं वाणमंतरजोइसिय-वेमाणिया
जहा असुरकुमारा

किरियावादी णं भंते जीवा किं नेरइयाउयं पकरेंति तिरिक्खजोणियाउयं पकरेंति मणुस्साउयं पकरेंति देवाउयं पकरेंति गोयमा नो नेरइयाउयं पकरेंति नो तिरिक्खजोणियाउयं पकरेंति मणुस्साउयं पि पकरेंति देवाउयं पि पकरेंति जइ देवाउयं पकरेंति किं भवणवासिदेवाउयं पकरेंति जाव वेमाणिय देवाउयं पकरेंति गोयमा नो भवणवासिदेवाउयं पकरेंति नो वाणमंतर-देवाउयं पकरेंति नो जोइसियदेवाउयं पकरेंति वेमाणियदेवाउयं पकरेंति अकिरियावादी णं भंते जीवा किं नेरइयाउयं पकरेंति तिरिक्खजोणियाउयं-पुच्छा गोयमा नेरइयाउयं पि पकरेंति जाव देवाउयं पि पकरेंति एवं अण्णाणियवादी वि वेणइयवादी वि, सलेस्सा णं भंते जीवा किरियावादी किं नेरइयाउयं पकरेंति-पुच्छा गोयमा नो नेरइयाउयं एवं जहेव जीवा तहेव सलेस्सा वि चउहि वि समोसरणेहिं भाणियव्वा, कण्हलेस्सा णं भंते जीवा किरियावादी किं नेरइयाउयं पकरेंति-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति मणुस्साउयं पकरेंति नो देवाउयं पकरेंति अकिरियवादी अण्णाणियवादी वेणइयवादी य चत्तारि वि आउयाइं पकरेंति एवं नील-लेस्सा वि काउलेस्सा वि, तेउलेस्सा णं भंते जीवा किरियावादी किं नेरइयाउयं पकरेंति-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति मणुस्साउयं पि पकरेंति देवाउयं पि पकरेंति तहेव तेउलेस्सा णं भंते जीवा अकिरियावादी किं नेरइयाउयं-पुच्छा गोयमा नो नेरइयाउयं पकरेंति मणुस्साउयं पि पकरेंति तिरिक्खजोणियाउयं पि पकरेंति देवाउयं पि पकरेंति एवं अण्णाणियवादी वि वेणइयवादी वि जहा तेउलेस्सा एवं पण्हलेस्सा वि सुक्कलेस्सा वि नायव्वा अलेस्सा णं भंते जीवा किरियावादी किं नेरइयाउयं-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति नो मणुस्साउयं पकरेंति नो देवाउयं पकरेंति, कण्हपक्खिया णं भंते जीवा अकिरियावादी किं नेरइयाउयं-पुच्छा गोयमा नेरइयाउयं पि पकरेंति एवं चउविहं पि एवं अण्णाणियवादी वि वेणइयवादी वि सुक्कपक्खिया जहा सलेस्सा सम्मदिट्ठी णं भंते जीवा किरियावादी किं नेरइयाउयं-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति मणुस्साउयं पि पकरेंति देवाउयं पि पकरेंति मिच्छादिट्ठी जहा कण्हपक्खिया सम्मामिच्छादिट्ठी णं भंते जीवा अण्णाणियवादी किं नेरइयाउयं जहा अलेस्सा एवं वेणइयवादी वि नाणी आभिणिबोहियनाणी य सुयनाणी य ओहिनाणी य जहा सम्मदिट्ठी मणपज्जवनाणी णं भंते-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति नो मणुस्साउयं पकरेंति देवाउयं पकरेंति, जइ देवाउयं पकरेंति किं भवणवासी-पुच्छा गोयमा नो भवणवासिदेवाउयं पकरेंति नो वाणमंतरदेवाउयं पकरेंति नो जोइसियदेवाउयं पकरेंति वेमाणियदेवाउयं पकरेंति केवलनाणी जहा अलेस्सा अण्णाणी जीवा विभंगनाणी जहा कण्हपक्खिया सण्णासु चउसु वि जहा सलेस्सा नोसण्णोवउत्ता जहा मणपज्जवनाणी सवेदगा जाव नपुंसगवेदगा जहा सलेस्सा अवेदगा जहा अलेस्सा सकसायी जाव लोभकसायी जहा सलेस्सा अकसायी जहा अलेस्सा सजोगी जाव काय-जोगी जहा सलेस्सा अजोगी जहा अलेस्सा सागारोवउत्ता य अणागारोवउत्ता य जहा सलेस्सा। ८२५१-८२५२

(१९९) किरियावादी णं भंते नेरइया किं नेरइयाउयं-पुच्छा गोयमा नो नेरइयाउयं पकरेंति नो तिरिक्खजोणियाउयं पकरेंति मणुस्साउयं पकरेंति नो देवाउयं पकरेंति अकिरियावादी णं भंते नेरइया-पुच्छा गोयमा नो नेरइयाउयं तिरिक्खजोणियाउयं पि पकरेंति मणुस्साउयं पि

पकरेंति नो देवाउयं तिरिक्खजोणियाउयं पि पकरेंति मणुस्साउयं पि पकरेंति नो देवाउयं पकरेंति एवं अण्णाणियवादी वि वेणइयवादी वि, सलेस्सा णं भंते नेरइया किरियावादी किं नेरइयाउयं एवं सव्वे वि नेरइया जे किरियावादी ते मणुस्साउयं एणं पकरेंति जे अकिरियावादी अण्णाणियवादी वेणइयवादी ते सव्वट्ठाणेसु वि नो नेरइयाउयं पकरेंति तिरिक्खजोणियाउयं पि पकरेंति मणुस्साउयं पि पकरेंति नो देवाउयं पकरेंति नवरं-सम्माभिच्छते उवरिल्लेहिं दोहि वि समोसरणेहिं न किंचि वि पकरेंति जहेव जीवपदे एवं जाव थणियकुमारा जहेव नेरइया अकिरियावादी णं भंते पुढविक्काइया-पुच्छा गोयमा नो नेरइयाउयं पकरेंति तिरिक्खजोणियाउयं पकरेंति मणुस्साउयं पकरेंति नो देवाउयं पकरेंति एवं अण्णाणियावादी वि सलेस्सा णं भंते एवं जं जं पदं अत्थि पुढविक्काइयाणं तहिं तहिं मज्झिमेसु दोसु समोसरणेसु एवं चेव दुविहं आउयं पकरेंति नवरं-तेउलेस्साए न किं पि पकरेंति एवं आउक्काइयाण वि वणस्सइक्काइयाण वि तेउक्काइआ वाउक्काइया सव्वट्ठाणेसु मज्झिमेसु दोसु समोसरणेसु नो नेरइयाउयं पकरेंति तिरिक्खजोणियाउयं पकरेंति नो मणुस्साउयं पकरेंति नो देवाउयं पकरेंति बेइंदिय-तेइंदिय-चउरिंदियाणं जहा पुढविक्काइयाणं नवरं-सम्मत-नाणेसु न एककं पि आउयं पकरेंति, किरियावादी णं भंते पंचिंदियतिरिक्खजोणिया किं नेरइयाउयं पकरेंति-पुच्छा गोयमा जहा मणपज्जवनाणी अकिरियावादी अण्णाणियवादी वेणइयवादी य चउव्विहं पि पकरेंति जहा ओहिया तथा सलेस्सा वि कण्हलेस्सा णं भंते किरियावादी पंचिंदियतिरिक्खजोणिया किं नेरइयाउयं-पुच्छा गोयमा नो नेरइयाउयं पकरेंति नो तिरिक्खजोणियाउयं नो मणुस्साउयं नो देवाउयं पकरेंति अकिरियावादी अण्णाणियावादी वेणइयवादी चउव्विहं पि पकरेंति जहा कण्हलेस्सा एवं नीललेस्सा वि काउलेस्सा वि तेउलेस्सा जहा सलेस्सा नवरं-अकिरियावादी अण्णाणियावादी वेणइयवादी य नो नेरइयाउयं पकरेंति तिरिक्खजोणियाउं पि पकरेंति मणुस्साउयं पि पकरेंति देवाउयं पि पकरेंति एवं पण्हलेस्सा वि एवं सुक्कलेस्सा वि भाणियव्वा कण्हपक्खिया तिहिं समोसरणेहिं चउव्विहं पि आउयं पकरेंति सुक्कपक्खिया जहा सलेस्सा सम्मदिट्ठी जहा मणपज्जवनाणी तहेव वेमाणियाउयं पकरेंति मिच्छादिट्ठी जहा कण्हपक्खिया सम्माभिच्छादिट्ठी ण य एककं पि पकरेंति जहेव नेरइया नाणी जाव ओहिनाणी जहा सम्मदिट्ठी अण्णाणी जाव विभंगनाणी जहा कण्हपक्खिया सेसा जाव अणागारोवउत्ता सव्वे जहा सलेस्सा तथा चेव भाणियव्वा जहा पंचचंदियतिरिक्खजोणियाणं वत्तव्वया भणिया एवं मणुस्साण वि भाणियव्वा नवरं-मणपज्जवनाणी नोसण्णोवउत्ता य जहा सम्मदिट्ठी तिरिक्खजोणिया तहेव भाणियव्वा अलेस्सा केवलनाणी अवेदगा अकसायी अजोगी य एए न एणं पि आउयं पकरेंति जहा ओहिया जीवा सेसं तहेव वाणमंतरं-जोइसिय-वेमाणिया जहा असुरकुमारा

किरियावादी णं भंते जीवा किं भवसिद्धीया अभवसिद्धीया गोयमा भवसिद्धीया नो अभवसिद्धीया अकिरियावादी णं भंते जीवा किं भवसिद्धीया-पुच्छा गोयमा भवसिद्धीया वि अभवसिद्धीया वि एवं अण्णाणियवादी वि वेणइयवादी वि, सलेस्सा णं भंते जीवा किरियावादी किं भवसिद्धीया-पुच्छा गोयमा भवसिद्धीया नो अभवसिद्धीया सलेस्सा णं भंते जीवा अकिरियावादी किं भवसिद्धीया-पुच्छा गोयमा भवसिद्धीया वि अभवसिद्धीया वि एवं अण्णाणियवादी वि वेणइयवादी वि जहा सलेस्सा एवं जाव सुक्कलेस्सा अलेस्सा णं भंते जीवा

किरियावादी किं भवसिद्धीया-पुच्छा गोयमा भवसिद्धीया नो अभवसिद्धीया एवं एएणं अभिलावेणं कण्हपक्खिया तिसु वि समोसरणेसु मयणाए सुक्कपक्खिया चउसु वि समोसरणेसु भवसिद्धीया नो अभवसिद्धीया सम्मदिट्ठी जहा अलेस्सा मिच्छादिट्ठी जहा कण्हपरिक्खया सम्मा-मिच्छादिट्ठी दोसु वि समोसरणेसु जहा अलेस्सा नाणी जाव केवलनाणी भवसिद्धीया नो अभवसिद्धीया अन्नाणी जाव विमंगनाणी जहा कण्हपक्खिया सण्णासु चउसु वि जहा सलेस्सा नोसण्णोवउत्ता जहा सम्मदिट्ठी सवेदगा जाव नपुंसगवेदगा जह सलेस्सा अवेदगा जहा सम्मदिट्ठी सकसायी जाव लोभकसायी जहा सलेस्सा अकसायी जहा सम्मदिट्ठी सजोगी जाव कायजोगी जहा सलेस्सा अजोगी जहा सम्मदिट्ठी सागारोवउत्ता अणागारोवउत्ता जहा सलेस्सा एवं नेरइया वि भाणियव्वा नवरं-नायव्वं जं अत्थि एवं असुरकुमारा वि जाव थणियकुमारा पुढविक्काइया सव्वद्वाणेसु वि मज्झिमेसु दोसु समोसरणेसु भवसिद्धीया वि अभवसिद्धीया वि एवं जाव वणस्सइकाइया वेइदिय-तेइदिय-चउरिदिया एवं चेव नवरं-सम्भते ओहिनाणे आभिणिबोहियना-णे सुयनाणे-एएसु चेव दोसु मज्झिमेसु समोसरणेसु भवसिद्धीया नो अभवसिद्धीया सेसं तं चेव पंचिदियतिरिक्खजोगिया जहा नेरइया नवरं-नायव्वं जं अत्थि मणुस्सा जहा ओहिया जीवा वाणमंतर-जोइसिय-वेमाणिया जहा असुरकुमारा सेवं भंते सेवं भंते ति । ८२६।-८२५

● तीसइमे सते पदमो उदेसो समतो ●

—: बी ओ—उ हे सो —:

(१०००) अनंतरोववन्नगा णं भंते नेरइया किं किरियावादी-पुच्छा गोयमा किरियावादी वि जाव वेणइयवादी वि सलेस्सा णं भंते अनंतरोववन्नगा नेरइया किं किरियावादी एवं चेव एवं जहेव पदमुदेसे नेरइयाणं वत्तव्वया तहेव इह वि भाणियव्वा नवरं-जं जं अत्थि अनंतरोववन्नगाणं नेरइयाणं तं तं भाणियव्वं एवं सव्वजीवाणं जाव वेमाणियाणं नवरं-अनंतरोववन्नगाणं जं जहिं अत्थि तं तहिं भाणियव्वं किरियावादी णं भंते अनंतरोववन्नगा नेरइया किं नेरइयाउयं पकरेति-पुच्छा गोयमा नो नेरइयाउयं पकरेति नो तिरिक्खजोगियाउयं नो मणुस्साउयं नो देवाउयं पकरेति एवं अकिरियावादी वि अण्णाणियवादी वि वेणइयवादी वि, सलेस्सा णं भंते किरियावादी अनंतरोववन्नगा नेरइया किं नेरइयाउयं पकरेति-पुच्छा गोयमा नो नेरइयाउयं पकरेति जाव नो देवाउयं पकरेति एवं जाव वेमाणिया एवं सव्वद्वाणेसु वि अनंतरोववन्नगा नेरइया न किंचि वि आउयं पकरेति जाव अणागारोवउत्तति एवं जाव वेमाणिया नवरं-जं जस्स अत्थि तं तस्स भाणियव्वं किरियावादी णं भंते अनंतरोववन्नगा नेरइया किं भवसिद्धीया अभवसिद्धीया गोयमा भवसिद्धीया नो अभवसिद्धीया अकिरियावादी णं-पुच्छा गोयमा भवसिद्धीया वि अभवसिद्धीया वि एवं अण्णाणियवादी वि वेणइयवादी वि, सलेस्सा णं भंते किरियावादी अनंतरोववन्नगा नेरइया किं भवसिद्धीया अभवसिद्धीया गोयमा भवसिद्धीया नो अभवसिद्धीया एवं एएणं अभिलावेणं जहेव ओहि ए उदेस ए नेरइयाणं वत्तव्वया मणिया तहेव इह वि भाणियव्वा जाव अणागारोवउत्तति एवं जाव वेमाणियाणं नवरं-जं जस्स अत्थि तं तस्स भाणियव्वं इमं से लक्खणं-जे किरियावादी सुक्कपक्खिया सम्मामिच्छदिट्ठीया एए सव्वे भवसिद्धीया नो अभवसिद्धीया सेसा सव्वे भवसिद्धीया वि अभवसिद्धीया वि सेवं भंते सेवं भंते ति । ८२७।-८२६

● तीसइमे सते बीओ उदेसो समतो ●

—: त इ ओ—उ हे सो :—

(१००१) परंपरोववत्रगा णं भंते नेरइया किरियावादी एवं जहेव ओहिओ उद्देसओ तहेव परंपरोववत्रएमु वि नेरइयादीओ तहेव निरवसेसं भाणियच्चं तहेव तियदंगसंगहिओ सेवं भंते सेवं भंते ति जाव विहरइ।८२८।-६२७

● तीसइमे सते तइओ उद्देशो समत्तो ●

—: उ हे सा—८-११ :—

(१००२) एवं एएणं कमेणं जच्चेव बंधिसए उद्देसगाणं परिवाडो सच्चेव इहं पि जाव अचरिमो उद्देशो नवरं-अनंतरा चत्तारि वि एक्कगमगा परंपरा चत्तारि वि एक्कगमएणं एवं घरिमा वि अचरिमा वि एवं चेव नवरं-अलेस्सो केवली अजोगी न मण्णति सेसं तहेव सेवं भंते सेवं भंते ति एए एक्कारस वि उद्देसगा।८२९।-६२८

● तीसइमे सते ४-११ उद्देसा समत्ता ● तीसइमं सत्त समत्तं ●

इक्कतीसइमं — सत्तं

—: प ढ मो—उ हे सो :—

(१००३) रायगिहे जाव एवं वयासी-कति णं भंते खुड्डा जुम्मा पत्रत्ता गोयमा चत्तारि खुड्डा जुम्मा पत्रत्ता तं जहा-कडजुम्मे तेयोए दावरजुम्मे कलियोगे से केणट्ठेणं भंते एवं बुद्धइ-चत्तारि खुड्डा जुम्मा पत्रत्ता तं जहा-कडजुम्मे जाव कलियोगे गोयमा जे णं रासी चउक्कएणं अवहारेणं अवहीरमाणे चउपज्वसिए सेतं खुड्डागकडजुम्मे जे णं रासी चउक्कएणं अवहारेणं अवहीरमाणे तिपज्वसिए सेतं खुड्डागतेयोगे जे णं रासी चउक्कएणं अवहारेणं अवहीरमाणे दुपज्वसिए सेतं खुड्डागदावरजुम्मे जे णं रासी चउक्कएणं अवहारेणं अवहीरमाणे एगपज्वसिए सेतं खुड्डागकलि-योगे से तेणट्ठेणं जाव कलियोगे खुड्डागकडजुम्मेनेरइया णं भंते कओ उववज्जंति-किं नेरइएहिंतो उववज्जंति तिरिक्खजोणिहिंतो-पुच्छा गोयमा नो नेरइएहिंतो उववज्जंति एवं नेरइयाणं उववाओ जहा वक्कंतीए तथा भाणियच्चो ते णं भंते जीवा एगसमएणं केवइया उववज्जंति गोयमा चत्तारि वा अट्ठ वा बारस वा सोलस वा संखेज्जा वा असंखेज्जा वा उववज्जंति ते णं भंते जीवा कहं उववज्जंति गोयमा से जहानामए पवए पवमाणे अज्झवसाणनिच्चत्तिएणं करणोवाएणं एवं जहा पंचविंसतिमे सए अट्ठमुद्देसए नेरइयाणं वत्तच्चया इह वि भाणियच्चया जाव आयपओगेणं उववज्जंति नो परप्पयोगेणं उववज्जंति रयणप्पभापुढविखुड्डागकडजुम्मेनेरइया णं भंते कओ उववज्जंति एवं जहा ओहियनेरइयाणं वत्तच्चया सच्चेव रयणप्पभाए वि भाणियच्चया जाव नो परप्पयोगेणं उववज्जंति एवं सक्करप्पभाए वि एवं जाव अहेसत्तमाए एवं उववाओ जहा वक्कंतीए अस्सणी खलु पढमं दोच्चं व सरीसवा तइय पक्खी सीहा जंति धउत्थि उएगा पुण पंचमि पुढविं छडिं च इत्थीयाओ मच्छा मणुमा य सत्तमिं पुढविं एसो परमुववाओ बोधच्चो नरयपुढवीणं सेसं तहेव खुड्डागतेयोगनेरइया णं भंते कओ उववज्जंति-किं नेरइएहिंतो उववाओ जहा वक्कंतीए ते णं भंते जीवा एगसमएणं केवइया उववज्जंति गोयमा तिण्णि वा सत्त वा एक्कारस वा पत्ररस वा संखेज्जा वा असंखेज्जा वा उववज्जंति सेसं जहा कडजुम्मेस एवं जाव अहेसत्तमाए खुड्डागदावरजुम्मेनेरइया णं भंते कओ उववज्जंति एवं जहेव खुड्डागकडजुम्मे नवरं-परिमाणं दो वा छ वा दस वा चौहस वा संखेज्जा वा असंखेज्जा वा सेसं तं चेव जाव अहेसत्तमाए खुड्डागकलिओगनेरइया णं भंते कओ

उववज्जति एवं जहेव खुड्ढागकडजुम्मे नवरं-परिमाणं एक्को वा पंच वा नव वा तेरस वा संखेज्जा वा असंखेज्जा वा उववज्जति सेसं तं चेव एवं जाव अहेसत्तमाए सेवं भंते सेवं भंते ति जाव विहरइ

१८३०-८२९

● इक्कतीसइमे सते पढ्यो उहेसो समत्तो ●

—: बी ओ—उ हे सो :—

(१००४) कण्हलेस्सखुड्ढागकडजुम्मेनेरइया णं भंते कओ उववज्जति एवं चेव जहा ओहियगमो जाव नो परप्पयोगेण उववज्जति नवरं-उववाओ जहा वक्कंतीए धूमप्पभापुढविनेर-इयाणं सेसं तं चेव धूमप्पभापुढविकण्हलेस्सखुड्ढागकडजुम्मेनेरइया णं भंते कओ उववज्जति एवं चेव निरवसेसं एवं तमाए वि अहेसत्तमाए वि नवरं-उववाओ सव्वत्थ जहा वक्कंतीए कण्हलेस्सखुड्ढागतेओगनेरइया णं भंते कओ उववज्जति एवं चेव नवरं-तिणि वा सत्तं वा एक्कारस वा पन्नरस वा संखेज्जा वा असंखेज्जा वा सेसं तं चेव एवं जाव अहेसत्तमाए वि कण्हलेस्सखुड्ढागदावरजुम्मेनेरइया णं भंते कओ उववज्जति एवं चेव नवरं-दो वा छ वा दस वा चोदस वा सेसं तं चेव एवं धूमप्पभाए वि जाव अहेसत्तमाए कण्हलेस्सखुड्ढागकलियोगनेरइया णं भंते कओ उववज्जति एवं चेव नवरं-एक्को वा पंच वा नव वा तेरस वा संखेज्जा वा असंखेज्जा वा सेसं तं चेव एवं धूमप्पभाए वि तमाए वि अहेसत्तमाए वि सेवं भंते सेवं भंते ति १८३१-८३०

● इक्कतीसइमे सते बीओ उहेसो समत्तो ●

—: त इ ओ—उ हे सो :—

(१००५) नीललेस्सखुड्ढागकडजुम्मेनेरइया णं भंते कओ उववज्जति एवं जहेव कण्हलेस्सा-खुड्ढागकडजुम्मा नवरं-उववाओ जो वालुयप्पभाए सेसं तं चेव वालुयप्पभापुढविनीललेस्सा-खुड्ढागकडजुम्मेनेरइया एवं चेव एवं पंकप्पभाए वि एवं धूमप्पभाए वि एवं चउसु वि जुम्मेसु नवरं-परिमाणं जाणियव्वं परिमाणं जहा कण्हलेस्सउहेसए सेसं तहेव सेवं भंते सेवं भंते ति १८३२-८३१

● इक्कतीसइमे सते तइओ उहेसो समत्तो ●

—: च उ त्यो—उ हे सो :—

(१००६) काउलेस्सखुड्ढागकडजुम्मेनेरइया णं भंते कओ उववज्जति एवं जहेव कण्हलेस्स-खुड्ढागकडजुम्मेनेरइया नवरं-उववाओ जो रयणप्पभाए सेसं तं चेव, रयणप्पभापुढविकाउलेस्स-खुड्ढागकडजुम्मेनेरइया णं भंते कओ उववज्जति एवं चेव एवं सक्करप्पभाए वि एवं वालुयप्पभाए वि एवं चउसु वि जुम्मेसु नवरं-परिमाणं जाणियव्वं जहा कण्हलेस्साउहेसए सेसं तं चेव सेवं भंते सेवं भंते ति १८३३-८३२

● इक्कतीसइमे सते वउत्थो उहेसो समत्तो ●

—: पं च मो—उ हे सो :—

(१००७) भवसिद्धीयखुड्ढागकडजुम्मेनेरइया णं भंते कओ उववज्जति-किं नेरइएहिंतो एवं जहेव ओहिओ गमओ तहेव निरवसेसं जाव नो परप्पयोगेण उववज्जति रयणप्पम-पुढविभवसिद्धीयखुड्ढागकडजुम्मेनेरइया णं भंते एवं चेव निरवसेसं एवं जाव अहेसत्तमाए एवं भवसिद्धीयखुड्ढागतेयोगनेरइया वि एवं जाव कलियोगति नवरं-परिमाणं जाणियव्वं परिमाणं पुच्चमणियं जहा पढमुहेसए सेवं भंते सेवं भंते ति १८३४-८३३

● इक्कतीसइमे सते पंचमो उहेसो समत्तो ●

—: छ डो—उ हे सो :—

(१००८) कणहलेस्सभवसिद्धीयखुडुगकडजुम्भनेरइया णं भंते कओ उववज्जंति एवं जहेव ओहिओ कणहलेस्सउद्देसओ तहेव निरवसेसं चउसु वि जुम्भेसु भाणियव्वो जाव- अहेसत्तमपुढवि कणहलेस्सखुडुगकलियोगनेरइया णं भंते कओ उववज्जंति तहेव सेवं भंते सेवं भंते ति । ८३५।-८३४

● इक्कतीसइमे सते छडो उद्देशो सप्ततो ●

—: स त्त मो—उ हे सो :—

(१००९) नीललेस्सभवसिद्धीया चउसु वि जुम्भेसु तहेव भाणियव्वो जहा ओहिए नील-लेस्सउद्देसए सेवं भंते सेवं भंते ति जाव विहरइ । ८३६।-८३५

● इक्कतीसइमे सते सत्तमो उद्देशो सप्ततो ●

—: अ ट्ट मो—उ हे सो :—

(१०१०) काउलेस्सभवसिद्धीया चउसु वि जुम्भेसु उववाएयव्वो जहेव ओहिए काउलेस्सउद्देसए सेवं भंते सेवं भंते ति जाव विहरइ । ८३७।-८३६

● इक्कतीसइमे सते अट्टमो उद्देशो सप्ततो ●

—: उ हे सा—९-१२ :-

(१०११) जहा भवसिद्धीएहिं चत्तारि उद्देसगा भणिया एवं अभवसिद्धीएहिं वि चत्तारि उद्देसगा भाणियव्वो जाव काउलेस्सउद्देसओ ति सेवं भंते सेवं भंते ति । ८३८।-८३७

● इक्कतीसइमे सते ९-१२ उद्देसा सप्तता ●

—: उ हे सा—१३-१६ :-

(१०१२) एवं सम्पदिट्ठीहि वि लेस्सासंजुतेहिं चत्तारि उद्देसगा कायव्वो नवरं-सम्पदिट्ठी पढमवित्तिएसु दोसु वि उद्देसगेसु अहेसत्तसपुढवीए न उववाएयव्वो सेसं तं चेव सेवं भंते सेवं भंते ति । ८३९।-८३८

● इक्कतीसइमे सते १३-१६ उद्देसा सप्तता ●

—: उ हे सा—१७-२० :-

(१०१३) मिच्छादिट्ठीहि वि चत्तारि उद्देसगा कायव्वो जहा भवसिद्धीयाणं सेवं भंते सेवं भंते ति । ८४०।-८३९

● इक्कतीसइमे सते १९-२० उद्देसा सप्तता ●

—: उ हे सा—२१-२४ :-

(१०१४) एवं कणहपक्खिएहिं वि लेस्सासंजुतेहिं चत्तारि उद्देसगा कायव्वो जहेव भवसिद्धीएहिं सेवं भंते सेवं भंते ति । ८४१।-८४०

● इक्कतीसइमे सते २१-२४ उद्देसा सप्तता ●

—: उ हे सा—२५-२८ :-

(१०१५) सुक्कपक्खिएहिं एवं चेव चत्तारि उद्देसगा भाणियव्वो जाव वालुयप्पभपुढवि-काउलेस्ससुक्कपक्खिएहिं ओगनेरइया णं भंते कओ उववज्जंति तहेव जाव नो परप्पयोगेणं उववज्जंति सेवं भंते सेवं भंते ति सब्बे वि एए अट्ठवीसं उद्देसगा । ८४२।-८४१

● इक्कतीसइमे सते २५-२८ उद्देसा सप्तता ● इक्कतीसइमं सतं सप्ततं ●

बत्तीसइमं - सतं

—: प ढ मो—उ हे सो :-

(१०१६) खुड्ढागकडजुम्मेनेरइया णं भंते अनंतरं उव्वट्ठिता कहिं गच्छंति कहिं उव्वज्जंति- किं नेरइएसु उव्वज्जंति तिरिक्खजोगिएसु उव्वज्जंति उव्वट्ठणा जहा वक्कंतीए ते णं भंते जीवा एगसमाएणं केवइया उव्वट्ठंति गोयमा चत्तारि वा अट्ठ वा बारस वा सोलस वा संखेज्जा वा असंखेज्जा वा उव्वट्ठंति ते णं भंते जीवा कहं उव्वट्ठंति गोयमा से जहानामए पवए एवं तहेव एवं सो चेव गमओ जाव आयप्पवोगेणं उव्वट्ठंति नो परप्पयोगेणं उव्वट्ठंति रयणप्पभापुढविखुड्ढाग- कडजुम्मे एवं रयणप्पमाए वि एवं जाव अहेसत्तमाए एवं खुड्ढागतेयोग-खुड्ढादावरजुम्मे खुड्ढागकलियोगा नवरं-परिमाणं जाणियव्वं सेसं तं चेव सेवं भंते सेवं भंते ति । ८४३।८४४

● बत्तीसइमे सते पढ्मो उहेसो सपत्तो ●

—: उ हे सा—२-२८ :-

(१०१७) कण्हलेस्सकडजुम्मेनेरइया एवं एएणं कमेणं जहेव उववायसए अट्ठावीसं उहेसगा भणिया तहेव उव्वट्ठणासए वि अट्ठावीसं उहेसगा माणियव्वा निरयसेसा नवरं-उव्वट्ठंति ति अभिलाओ माणियव्वो सेसं तं चेव सेवं भंते सेवं भंते ति जाव विहरइ । ८४४।८४५

● बत्तीसइमे सते २-२८ उहेसो सपत्ता ● बत्तीसइमं सतं समतं ●

ते ती स इ मं - स तं

卐 पढ्मं एगिदियं सतं 卐

—: प ढ मो—उ हे सो :-

(१०१८) कतिविहा णं भंते एगिदिय पत्रत्ता गोयमा पंचविहा एगिदिया पत्रत्ता तं जहा- पुढविकाइया जाव वणस्सइकाइया पुढविकाइया णं भंते कतिविहा पत्रत्ता गोयमा दुविहा पत्रत्ता तं जहा-सुहुमपुढविकाइया य बादरपुढविकाइया य सुहुमपुढविकाइया णं भंते कतिविहा पत्रत्ता गोयमा दुविहा पत्रत्ता तं जहा-पज्जत्तासुहुमपुढविकाइया य अपज्जत्तासुहुमपुढ- विकाइया य बादरपुढविकाइया णं भंते कतिविहा पत्रत्ता एवं चेव एवं आउक्काइया वि चउक्काएणं भेदेणं भाणियव्वा एवं जाव वणस्सइकाइया अपज्जत्तासुहुमपुढविकाइयाणं भंते कति कम्मप्पगडीओ पत्रत्ताओ गोयमा अट्ठ कम्मप्पगडीओ पत्रत्ताओ तं जहा-नाणावरणिज्जं जाव अंतराइयं पज्जत्तासुहुमपुढविकाइयाणं भंते कति कम्मप्पगडीओ पत्रत्ताओ गोयमा अट्ठ कम्मप्पगडीओ पत्रत्ताओ तं जहा-नाणावरणिज्जं जाव अंतराइयं अपज्जत्ताबादरपुढविकाइयाणं भंते कति कम्मप्पगडीओ पत्रत्ताओ एवं चेव पज्जत्ताबादरपुढविकाइयाणं भंते कति कम्मप्पगडीओ पत्रत्ताओ एवं चेव एवं एएणं कमेणं जाव बादरवणस्सइकाइयाणं पज्जत्ताणं ति, अपज्जत्तासुहुमपुढविकाइयाणं भंते कति कम्मप्पगडीओ बंधंति गोयमा सत्तविहबंधगा वि अट्ठविहबंधगा वि सत्त बंधमाणा आउयवज्जाओ सत्तं कम्मप्पगडीओ बंधंति अट्ठ बंधमाणा पडिपुण्णाओ अट्ठ कम्मप्पगडीओ बंधंति पज्जत्तासुहुमपुढविकाइया णं भंते कति कम्मप्पगडीओ बंधंति एवं चेव एवं सव्वे जाव- पज्जत्ताबादरवणस्सइकाइया णं भंते कति कम्मप्पगडीओ बंधंति एवं चेव अपज्जत्तासुहुमपुढविकाइया णं भंते कति कम्मप्पगडीओ वेदेति गोयमा चोइस कम्मप्पगडीओ वेदेति तं जहा-नाणावरणिज्जं जाव अंतराइयं सोइदियवज्जं चक्खिदियवज्जं

सतं-३३, पढमे सते, उहेसो-१

४८१

घाणिदियवज्जं जिब्भिदियवज्जं इत्थिवेदवज्जं पुरिसवेदवज्जं एवं चउक्कएणं भेदेणं जाव-
पज्जताबादरवणस्सइकाइया णं भंते कति कम्मप्पगडीओ वेदेति गोयमा एवं चेव चोहस्स
कम्मप्पगडीओ वेदेति सेवं भंते सेवं भंते ति । ८४५।-८४४

● तेत्तीसइमे सते पढमे सते पढमो उहेसो सक्को ●

—: बी ओ—उ हे सो :-

(१०१९) कतिविहा णं भंते अनंतरोववज्जगा एगिंदिया पन्नत्ता गोयमा पंचविहा
अनंतरोववज्जगा एगिंदिया पन्नत्ता तं जहा-पुढविक्काइया जाव वणस्सइकाइया, अनंतरोववज्जगा
णं भंते पुढविक्काइया कतिविहा पन्नत्ता गोयमा दुविहा पन्नत्ता तं जहा-सुहुमपुढविक्काइया य
बादरपुढविक्काइया च एवं दुपएणं भेदेणं जाव वणस्सइकाइया अनंतरोववज्जगसुहुम-
पुढविकाइयाणं भंते कति कम्मप्पगडीओ पन्नत्ताओ गोयमा अहु कम्मप्पगडीओ पन्नत्ताओ तं जहा-
नाणावरणिज्जं जाव अंतरायइं अनंतरोववज्जगाबादरपुढविक्काइयाणं भंते कति कम्मप्पगडीओ
पन्नत्ताओ गोयमा अहु कम्मप्पगडीओ पन्नत्ताओ तं जहा-नाणावरणिज्जं जाव अंतरायइं एवं जाव
अनंतरोववज्जगाबादरवणस्सइकाइयाणं ति अनंतरोववज्जगसुहुमपुढविक्काइया णं भंते कति
कम्मप्पगडीओ बंधंति गोयमा आउयवज्जाओ सत्त कम्मप्पगडीओ बंधंति एवं जाव अनंतरोव-
वज्जगाबादरवणस्सइकाइय ति अनंतरोववज्जगसुहुमपुढविक्काइया णं भंते कति कम्मप्पगडीओ
वेदेति गोयमा चोहस्स कम्मप्पगडीओ वेदेति तं जहा-नाणावरणिज्जं तहेव जाव पुरिसवेदवज्जं एवं
जाव अनंतरोववज्जगाबादरवणस्सइकाइयति सेवं भंते सेवं भंते ति । ८४६।-८४५

● तेत्तीसइमे सते पढमे सते बीओ उहेसो सक्को ●

—: त इ ओ—उ हे सो :-

(१०२०) कतिविहा णं भंते परंपरोववज्जगा एगिंदिया पन्नत्ता गोयमा पंचविहा परंपरो-
ववज्जगा एगिंदिया प. पुढविक्काइया एवं चउक्कओ भेदो जहा ओहिउहेसए परंपरोववज्ज-
अपज्जतासुहुमपुढविक्काइयाणं भंते कति कम्मप्पगडीओ पन्नत्ताओ एवं एएणं अभिलावेणं जहा
ओहिउहेसए तहेव निरवसेसं भाणियव्वं जाव चोहस्स वेदेति सेवं भंते सेवं भंते ति । ८४७।-८४६

● तेत्तीसइमे सते पढमे सते तइओ उहेसो सक्को ●

—: उ हे सा—४-११ :-

(१०२१) अनंतरोगाढा जहा अनंतरोववज्जगा परंपरोगाढा जहा परंपरोववज्जगा
अनंतराहारागा जहा अनंतरोववज्जगा परंपराहारागा जहा परंपरोववज्जगा अनंतरपज्जतागा जहा
अनंतरोववज्जगा परंपरपज्जतागा जहा परंपरोववज्जगा चरिमा वि जहा परंपरोववज्जगा तहेव एवं
अचरिमा वि एवं एए एककारस उहेसगा सेवं भंते सेवं भंते ति जाव विहरइ । ८४८।-८४७

● तेत्तीसइमे सते पढमे सते ४-११ उहेसा सक्ता ● तेत्तीसइमे सते पढमं सतं सक्तां ●

卐 ते ती स इ मे स ते — बी अं स तं 卐

(१०२२) कतिविहा णं भंते कण्हलेस्सा एगिंदिया पन्नत्ता गोयमा पंचविहा कण्हलेस्सा
एगिंदिया पन्नत्ता तं जहा-पुढविक्काइया जाव वणस्सइकाइया कण्हलेस्सा णं भंते पुढविक्काइया
कतिविहा पन्नत्ता गोयमा दुविहा पन्नत्ता तं जहा-सुहुमपुढविक्काइया य बादरपुढविक्काइया य
कण्हलेस्सा णं भंते सुहुमपुढविक्काइया कतिविहा पन्नत्ता एवं एएणं अभिलावेणं चउक्कओ भेदो

जहेव ओहिउद्देसए कण्हलेस्सअपञ्जत्तासुहुमपुढविक्काइयाणं भंते कइ कम्मप्पगडीओ पत्रत्ताओ एवं एएणं अभिलावेणं जहेव ओहिउद्देसए तहेव पत्रत्ताओ तहेव बंधति तहेव वेदेति सेवं भंते सेवं भंते ति, कतिविहा णं भंते अनंतरोववन्नगकण्हलेस्सएगिंदिया पत्रत्ता गोयमा पंचविहा अनंतरोववन्नग कण्हलेस्सा एगिंदिया एवं एएणं अभिलावेणं तहेव दुयओ भेदो जाव वणस्सइकाइयत्ति अनंतरोववन्नगकण्हलेस्ससुहुमपुढविक्काइयाणं भंते कइ कम्मप्पगडीओ पत्रत्ताओ एवं एएणं अभिलावेणं जहा ओहिओ अनंतरोववन्नगणं उद्देसओ तहेव जाव वेदेति सेवं भंते सेवं भंते ति, कतिविहा णं भंते परंपरोववन्नग कण्हलेस्सा एगिंदिया पत्रत्ता गोयमा पंचविहा परंपरोववन्नग कण्हलेस्सा एगिंदिया पत्रत्ता तं जहा-पुढविक्काइया एवं एएणं अभिलावेणं तहेव चउक्कओ भेदो जाव वणस्सइकाइयत्ति परंपरोववन्नगकण्हलेस्सअपञ्जत्तासुहुमपुढविक्काइयाणं भंते कइ कम्मप्पगडीओ पत्रत्ताओ एवं एएणं अभिलावेणं जहेव ओहिओ परंपरोववन्नगउद्देसओ तहेव जाव वेदेति एवं एएणं अभिलावेणं जहेव ओहिएगिंदियसए एक्कारस उद्देसगा भणिया तहेव कण्हलेस्सते वि भाणियव्वा जाव अचरिमचरिम कण्हलेस्सा एगिंदिया ।८४९।-८४८

● तेत्तीसइमे सते बीअं एगिंदिय सतं समत्तं ●

卐 ते ती स इ मे स ते—त इ अं—स तं 卐

(१०२३) जहा कण्हलेस्सेहिं भणियं एवं नीललेस्सेहिं वि सयं भाणियव्वं सेवं भंते सेवं भंते ति ।८५०-१।-८४९-१

● तेत्तीसइमे सते तइअं सतं समत्तं ●

卐 च उ त्थं—स तं 卐

(१०२४) एवं काउलेस्सेहि वि सयं भाणियव्वं नवरं-काउलेस्से ति अभिलाओ भाणियव्वो ।८५०-२।-८५०-२

● तेत्तीसइमे सते चउत्थं सतं समत्तं ●

—: पं च मं—स तं :—

(१०२५) कतिविहा णं भंते भवसिद्धीया एगिंदिया पत्रत्ता गोयमा पंचविहा भवसिद्धीया एगिंदिया पत्रत्ता तं जहा-पुढविक्काइया जाव वणस्सइकाइया भेदो चउक्कओ जाव वणस्सइकाइयत्ति भवसिद्धीयअपञ्जत्तासुहुमपुढविक्काइयाणं भंते कति कम्मप्पगडीओ पत्रत्ताओ एवं एएणं अभिलावेणं जहेव पढमिल्लगं एगिंदियसयं तहेव भवसिद्धीयसयं पि भाणियव्वं उद्देसग-परिवाडी तहेव जाव अचरिमो ति सेवं भंते सेवं भंते ति ।८५०-३।-८५०-३

● तेत्तीसइमे सते पंचयं सतं समत्तं ●

—: छ हं—स तं :—

(१०२६) कतिविहा णं भंते कण्हलेस्सा भवसिद्धीया एगिंदिया पत्रत्ता गोयमा पंचविहा कण्हलेस्सा भवसिद्धीया एगिंदिया पत्रत्ता तं जहा-पुढविक्काइया जाव वणस्सइकाइया कण्हलेस्सभवसिद्धीयपुढविक्काइया णं भंते कतिविहा पत्रत्ता गोयमा दुविहा पत्रत्ता तं जहा-सुहुमपुढविक्काइया य बादरपुढविक्काइया य कण्हलेस्सभवसिद्धीयसुहुमपुढविक्काइया णं भंते कतिविहा पत्रत्ता गोयमा दुविहा पत्रत्ता तं जहा-पञ्जत्ता य अपञ्जत्ता य एवं बादरा वि एएणं अभिलावेणं तहेव चउक्कओ भेदो भाणियव्वो कण्हलेस्सभवसिद्धीयअपञ्जत्तासुहुमपुढविक्काइयाणं भंते कइ कम्मप्पगडीओ पत्रत्ताओ एवं एएणं अभिलावेणं जहेव ओहिउद्देसए तहेव जाव

٤٧٤

(१०३३) कइविहा णं भंते एगिंदिया पत्रत्ता गोयमा पंचविहा एगिंदिया पत्रत्ता तं जहा-
पुढविककाइया जाव वणस्सइकाइया एवमेते चउक्कएणं भेदेणं भाणियव्वा जाव वणस्सइकाइया
अपज्जत्तासुहमपुढविकाइए णं भंते इमीसे रयणप्पभाए पुढवीए पुरत्थिमिह्ले चरिभंते समोहए
समोहणिता जे भविए इमीसे रयणप्पभाए पुढवीए पच्चत्थिमिह्ले चरिभंते अपज्जत्तासुहम-

पुढविकाइयत्ताए उववज्जितए से णं भंते कइ समएणं विग्गहेणं उववज्जेज्जा गोयमा एगसमइएण वा दुसमइएण वा तिसमइएण वा विग्गहेणं उववज्जेज्जा से केणट्ठेणं भंते एवं वुच्चइ-एगसमइएण वा दुसमइएण वा जाव उववज्जेज्जा एवं खलु गोयमा मए सत्त सेढीओ पन्नताओ तं जहा-उज्जुयाता सेढी एगओवंका दुएओवंका एगओखहा दुहओखहा चक्कवाला अद्धचक्कवाला उज्जुआयताए से-ढीए उववज्जमाणे एगसमइएणं विग्गहेणं उववज्जेज्जा एगओवंकाए सेढीए उववज्जमाणे दुसमइएणं विग्गहेणं उववज्जेज्जा दुहओवंकाए सेढीए उववज्जमाणे तिसमइएणं विग्गहेणं उववज्जेज्जा से तेणट्ठेणं गोयमा जाव उववज्जेज्जा अपज्जत्तासुहुमपुढविकाइए णं भंते इमीसे रयणप्पभाए पुढवीए पुरत्थिमिल्ले चरिमंते समोहए समोहणित्ता जे भविए इमीसे रयणप्पभाए पुढवीए पच्चत्थिमिल्ले चरिमंते पज्जत्तासुहुमपुढविकाइयत्ताए उववज्जितए से णं भंते कइसमइएणं विग्गहेणं उववज्जेज्जा गोयमा एगसमइएण वा सेसं तं चेव जाव से तेणट्ठेणं गोयमा एवं वुच्चइ-एगसमइएणं वा दुसमइएण वा तिसमइएणं वा विग्गहेणं उववज्जेज्जा एवं अपज्जत्तासुहुमपुढविकाइओ पुरत्थिमिल्ले चरिमंते समोहणावेत्ता पच्चत्थिमिल्ले चरिमंते बादरपुढविकाइएसु अपज्जत्तएसु उववाएयव्वो ताहे तेसु चेव पज्जत्तएसु एवं आउक्काइएसु घत्तारि आलावगा सुहुमेहिं अपज्जत्तएहिं ताहे पज्जत्तएहिं बादरेहिं अपज्जत्तेहिं ताहे पज्जत्तएहिं उववाएयव्वो एवं चेव सुहुमतेउकाइएहिं वि अपज्जत्तएहिं ताहे पज्जत्तएहिं उववाएयव्वो

अपज्जत्तासुहुमपुढविकाइए णं भंते इमीसे रयणप्पभा पुढवीए पुरत्थिमिल्ले चरिमंते समो-हए समोहणित्ता जे भविए मणुस्सखेत्ते अपज्जत्ताबादरतेउकाइयत्ताए उववज्जितए से णं भंते कइस-मइएणं विग्गहेणं उववज्जेज्जा सेसं तं चेव एवं पज्जत्ताबादरतेउक्काइ- यत्ताए उववाएयव्वो वाउक्काइएसु सुहुमबादरेसु जहा आउक्काइएसु उववाइओ तहा उववाएयव्वो एवं वणस्सइकाइएसु वि पज्जत्तासुहुमपुढविकाइए णं भंते इमीसे रयणप्पभाए पुढवीए एव पज्जत्तासुहुमपुढविकाइओ वि पुरत्थिमिल्ले चरिमंते समोहणावेत्ता एएणं चेव कमेणं एएसु चेव वीससु ठाणेसु उववाएयव्वो जाव बादरवणस्सइकाइएसु पज्जत्तएसु वि एवं अपज्जत्ताबादरपुढ-विकाइओ वि एवं पज्जत्ताबादरपुढविकाइओ वि एवं आउकाइओ वि चउसु वि गमएसु पुरत्थिमिल्ले चरिमंते समोहए एयाए चेव वत्तव्वयाए एएसु चेव वीसइठाणेसु उववाएयव्वो सुहुमतेउकाइओ वि अपज्जत्तओ पज्जत्तओ य एएसु चेव वीसए ठाणेसु उववाएयव्वो अपज्जत्ताबादरतेउक्काइए णं भंते मणुस्सखेत्ते समोहए समोहणित्ता जे भविए इमीसे रयणप्पभाए पुढवीए पच्चत्थिमिल्ले चरिमंते अपज्जत्तासुहुमपुढविकाइयत्ताए उववज्जितए से णं भंते कइसमइएणं विग्गहेणं उववज्जेज्जा सेसं तहेव जाव से तेणट्ठेणं एवं पुढविकाइएसु चउविहेसु वि उववाएयव्वो एवं आउकाइएसु चउवि-हेसु वि तेउकाइएसु सुहुमेसु अपज्जत्तएसु पज्जत्तएसु य एवं चेव उववाएयव्वो अपज्जत्ताबादर-तेउक्काइए णं भंते मणुस्सखेत्ते समोहए समोहणित्ता जे भविए मणुस्सखेत्ते अपज्जत्ताबादरतेउ-क्काइयत्ताए उववज्जितए से णं भंते कतिसमइएणं सेसं तं चेव एवं पज्जत्ताबादरतेउक्काइयत्ताए वि उववाएयव्वो वाउकाइयत्ताए य वणस्सइकाइयत्ताए य जहा पुढविकाइएसु तहेव चउक्कएणं भेदेणं उववाएयव्वो एवं पज्जत्ताबादरतेउकाइयो वि समयखेत्ते समोहणावेत्ता एएसु चेव वीसाए ठाणेसु उववाएयव्वो जहेव अपज्जत्तओ उववाइओ एवं सव्वत्थ वि बादरतेउकाइया अपज्जत्ता य पज्जत्ता य समयखेत्ते उववाएयव्वो समोहणावेयव्वो वि वाउक्काइया वणस्सइकाइया य जहा

पुढविकाइया तहेव चउक्काएणं भेदेणं उववाएयव्या जाव- पज्जत्ताबादरवणस्सइकाइए णं भंते इमीसे रयणप्पभाए पुढवीए पुरत्थिमिल्ले चरिमंते समोहए समोहणित्ता जे भविए इमीसे रयणप्पभाए पुढवीए पच्चत्थिमिल्ले चरिमंते पज्जत्ताबादरवणस्सइकाइयत्ताए उववज्जित्तए से णं भंते कतिस- मइएणं सेसं तहेव जाव से तेणट्ठेणं अपज्जत्तासुहुमपुढविकाइए णं भंते इमीसे रयणप्पभाए पुढवीए पच्चत्थिमिल्ले चरिमंते समोहए समोहणित्ता जे भविए इमीसे रयणप्पभाए पुढवीए पुरत्थिमिल्ले चरिमंते अपज्जत्तासुहुमपुढविकाइयत्ताए उववज्जित्तए से णं भंते कइसमइएणं सेसं तहेव निरवसेसं एवं जहेव पुरत्थिमिल्ले चरिमंते सब्बपदेसु वि समोहया पच्चत्थिमिल्ले चरिमंते समयखेत्ते य उववाइया जे य समयखेत्त समोहया पच्चत्थिमिल्ले चरिमंते समयखेत्ते य उववाइया एवं एएणं चेव कमेणं पच्चत्थिमिल्ले चरिमंते समयखेत्ते य समोहया पुरत्थिमिल्ले चरिमंते समयखेत्ते य उववाएयव्या तेणेव गमएणं एवं एएणं गमएणं दाहिणिल्ले चरिमंते समोहवाणं उत्तरिल्ले चरिमंते समयखेत्ते य उववाओ एवं चेव उत्तरिल्ले चरिमंते समयखेत्ते य समोहया दाहिणिल्ले चरिमंते समयखेत्ते य उववाएयव्या तेणेव गमएणं अपज्जत्तासुहुमपुढविकाइए णं भंते सक्करप्पभाए पुढवीए पुरत्थिमिल्ले चरिमंते समोहए समोहणित्ता जे भविए सक्करप्पभाए पुढवीए पुरत्थिमिल्ले चरिमंते अपज्जत्तासुहुमपुढविकाइयत्ताए उववज्जित्तए एवं जहेव रयणप्पभाए जाव से तेणट्ठेणं एवं एएणं कमेणं जाव पज्जत्ताएसु सुहुमतेउकाइएसु

अपज्जत्तासुहुमपुढविकाइए णं भंते सक्करप्पभाए पुढवीए पुरत्थिमिल्ले चरि- मंते समो- हए समोहणित्ता जे भविए समयखेत्ते अपज्जत्ताबादरतेउक्काइयत्ताए उववज्जित्तए से णं भंते कतिसमइएणं-पुच्छा गोयमा दुसमइएणं वा तिसमइएणं वा विग्गहेणं उववज्जेज्जा से केणट्ठेणं एवं खलु गोयमा मए सत्ता सेदीओ पज्जत्ताओ तं जहा-उज्जुजायता जाव अद्धचक्कवाला एण-ओवंकाए सेदीए उववज्जमाणे दुसमइएणं विग्गहेणं उववज्जेज्जा दुहओवंकाए सेदीए उववज्जमाणे तिसमइएणं विग्गहेणं उववज्जेज्जा से तेणट्ठेणं एवं पज्जत्ताएसु वि बादरतेउक्काइएसु सेसं जहा रयणप्पभाए जे वि बादरतेउकाइया अपज्जत्तगा य पज्जत्तगा य समयखेत्ते समोहणित्ता दोघाए पुढवीए पच्चत्थिमिल्ले चरिमंते पुढविकाइएसु चउव्विहेसु आउक्काइएसु चउव्विहेसु तेउकाइएसु दुविहेसु वाउकाइएसु चउव्विहेसु वणस्सकाइएसु चउव्विहेसु उववज्जंति ते वि एवं चेव दुसमइएणं वा तिसमइएणं वा विग्गहेणं उववाएयव्या बादरतेउक्काइया अपज्जत्तगा य पज्जत्तगा य जाहे तेसु चेव उववज्जंति ताहे जहेव रयणप्पभाए तहेव एगसमइय-दुसमइय-तिसमइयविग्गहा भाणियव्या सेसं जहेव रवणप्पभाए तहेव निरवसेसं जहा सक्करप्पभाए वत्तव्वया भणिया एवं जाव अहेसत्तामाए भाणियव्या ॥८५१॥८५०

(१०३४) अपज्जत्तासुहुमपुढविकाइए णं भंते अहेलोयखेत्तनालीए बाहिरिल्ले खेत्ते समोहए समोहणित्ता जे भविए उड्ढलोयखेत्तनालीए बाहिरिल्ले खेत्ते अपज्जत्तासुहुमपुढविकाइयत्ताए उववज्जित्तए से णं भंते कइसमइएणं विग्गहेणं उववज्जेज्जा गोयमा तिसमइएणं वा चउसमइएणं वा विग्गहेणं उववज्जेज्जा से केणट्ठेणं भंते एवं वुच्चइ-तिसमइएणं वा चउसमइएणं वा विग्गहेणं उववज्जेज्जा गोयमा अपज्जत्तासुहुमपुढविकाइए णं अहेलोयखेत्तनालीए बाहिरिल्ले खेत्ते समोहए समोहणित्ता जे भविए उड्ढलोयखेत्तनालीए बाहिरिल्ले खेत्ते अपज्जत्तासुहुमपुढविकाइयत्ताए एणपवरंसि अनुसेदिं उववज्जित्तए से णं तिसमइएणं विग्गहेणं उववज्जेज्जा जे भविए विसेदिं

ઉવવજિત્તે સે ણં ચડસમઇણં વિગ્ગહેણં ઉવવજ્ઞેજ્ઞા સે તેણદ્દેણં જાવ ઉવવજ્ઞેજ્ઞા એવં પજ્ઞતાસુહુમ-
પુઢવિકાઇયત્તા એ વિ એવં જાવ પજ્ઞતાસુહુમતેઉકાઇયત્તા એ અપજ્ઞતાસુહુમપુઢવિ- ક્કાઇ એ ણં મંતે
અહેલોગ છેત્તનાલી એ બાહિરિલ્લે છેત્તે સમોહ એ સમોહણિત્તા જે મવિ એ સમયછેત્તે અપજ્ઞતા-
બાદરતેઉકાઇયત્તા એ ઉવવજિત્તે સે ણં મંતે કઇસમઇણં વિગ્ગહેણં ઉવવજ્ઞેજ્ઞા ગોયમા દુસમઇણ
વા તિસમઇણ વા વિગ્ગહેણં ઉવવજ્ઞેજ્ઞા સે કેળદ્દેણં એવં હતુ ગોયમા મ એ સત્ત સેઢીઓ પત્રતાઓ તં
જહા-ઉજુયાયતા જાવ અદ્ધચક્કવાલા એગઓવંકા એ સેઢી એ ઉવવજ્ઞમાણે દુસમઇણં વિગ્ગહેણં
ઉવવજ્ઞેજ્ઞા દુહઓવંકા એ સેઢી એ ઉવવજ્ઞમાણં તિસમઇણં વિગ્ગહેણં ઉવવજ્ઞેજ્ઞા સે તેણદ્દેણં એવં
પજ્ઞત્તેસુ વિ બાદરતેઉકાઇેસુ વિ ઉવવાએયવ્વો વાડક્કાઇય-વણસ્સિકાઇત્તા એ ચડક્કાણં
મ્હેદેણં જહા આડક્કાઇયત્તા એ તહેવ ઉવવાએયવ્વો એવં જહા અપજ્ઞતાસુહુમપુઢવિક્કાચરસ ગમઓ
મ્મણિઓ એવં પજ્ઞતાસુહુમપુઢવિકાઇયસ્સ વિ મ્મણિયવ્વો તહેવ વીસા એ ઠાણેસુ ઉવવાએવ્વો
અપજ્ઞતાબાદરપુઢવિક્કાઇ એ ણં મંતે અહેલોયછેત્તનાલી એ બાહિરિલ્લે છેત્તે સમોહ એ એવં બાદરપુઢ-
વિકાઇયસ્સ વિ અપજ્ઞત્તગસ્સ પજ્ઞત્તગસ્સ ય મ્મણિયવ્વં એવં આડક્કાઇયસ્સ ચડવ્વિહસ્સ વિ
મ્મણિયવ્વં સુહુમતેઉકાઇયસ્સ દુવિહસ્સ વિ એવં ચેવ અપજ્ઞતાબાદરતેઉકાઇ એ ણં મંતે
સમયછેત્તે સમોહ એ સમોહણિત્તા જે મવિ એ ઉદ્દલોગછેત્તનાલી એ બાહિરિલ્લે છેત્તે અપજ્ઞતાસુહુમ-
પુઢવિકાઇયત્તા એ ઉવવજિત્તે સે ણં મંતે કઇસમઇણં વિગ્ગહેણં ઉવવજ્ઞેજ્ઞા ગોયમા દુસમઇણ વા
તિસમઇણ વા ચડસમઇણ વા વિગ્ગહેણં ઉવવજ્ઞેજ્ઞા

સે કેળદ્દેણં અદ્ધો જહેવ રયણપ્પમા એ તહેવ સત્ત સેઢીઓ એવં જાવ-અપજ્ઞતાબાદરતેઉકાઇ એ
ણં મંતે સમયછેત્તે સમોહ એ સમોહણિત્તા જે મવિ એ ઉદ્દલોગછેત્તનાલી એ બાહિરિલ્લે છેત્તે પજ્ઞતા-
સુહુમતેઉકાઇયત્તા એ ઉવવજિત્તે સે ણં મંતે સેસં તં ચેવ અપજ્ઞતાબાદરતેઉકાઇ એ ણં મંતે સમયછેત્તે
સમોહ એ સમોહણિત્તા જે મવિ એ ઉદ્દલોગછેત્તનાલી એ બાહિરિલ્લે છેત્તે પજ્ઞતાસુહુમતેઉકાઇયત્તા એ
ઉવવજિત્તે સે ણં મંતે સેસં તં ચેવ અપજ્ઞતાબાદરતેઉકાઇ એ ણં મંતે સમયછેત્તે સમોહ એ
સમોહણિત્તા જે મવિ એ સમયછેત્તે અપજ્ઞતાબાદરતેઉકાઇયત્તા એ ઉવવજિત્તે સે ણં મંતે કઇસ-
મઇણ વિગ્ગહેણં ઉવવજ્ઞેજ્ઞા ગોયમા એગસમઇણ વા દુસમઇણ વા તિસમઇણ વા વિગ્ગહેણં
ઉવવજ્ઞેજ્ઞા સે કેળદ્દેણં અદ્ધો જહેવ રયણપ્પમા એ તહેવ સત્ત સેઢીઓ એવં પજ્ઞતાબાદરતેઉકાઇયત્તા એ
વિ વાડકાઇેસુ વણસ્સિકાઇેસુ ય જહા પુઢવિક્કાઇેસુ ઉવવાઇઓ તહેવ ચડક્કાણં મ્હેદેણં
ઉવવાએયવ્વો એવં પજ્ઞતાબાદરતેઉકાઇઓ વિ એસુ ચેવ ઠાણેસુ ઉવવાએયવ્વો વાડક્કાઇય-
વણસ્સિકાઇયાણં જહેવ પુઢવિકાઇયત્તે ઉવવાઓ તહેવ મ્મણિયવ્વો અપજ્ઞતાસુહુમપુઢવિકાઇ એ ણં
મંતે ઉદ્દલોગછેત્તનાલી એ બાહિરિલ્લે છેત્તે સમોહ એ સમોહણિત્તા જે મવિ એ અહેલોગછેત્તનાલી એ
બાહિરિલ્લે છેત્તે અપજ્ઞતાસુહુમપુઢવિકાઇયત્તા એ ઉવવજિત્તે સે ણં મંતે કઇસમઇણં એવં ઉદ્દ-
લોગછેત્તનાલી એ બાહિરિલ્લે છેત્તે સમોહયાણં અહેલોગછેત્તનાલી એ બાહિરિલ્લે છેત્તે ઉવવજ્ઞતાણં સો
ચેવ ગમઓ નિરવસેસો મ્મણિયવ્વો જાવ બાદરવણસ્સિકાઇઓ પજ્ઞતાઓબાદરવણસ્સિકાઇેસુ
પજ્ઞત્તેસુ ઉવવાઇઓ અપજ્ઞતાસુહુમપુઢવિક્કાઇ એ ણં મંતે લોગસ્સ પુરત્થિમિલ્લે ચરિમંતે સમોહ એ
સમોહણિત્તા જે મવિ એ લોગસ્સ પુરત્થિમિલ્લે ચેવ ચરિમંતે અપજ્ઞતાસુહુમપુઢવિકાઇયત્તા એ
ઉવવજિત્તે સે ણં મંતે કઇસમઇણં વિગ્ગહેણં ઉવવજ્ઞેજ્ઞા ગોયમા એગસમઇણ વા દુસમઇણ વા
તિસમઇણ વા ચડસમઇણ વા વિગ્ગહેણં ઉવવજ્ઞેજ્ઞા સે કેળદ્દેણં મંતે એવં વુદ્ધ-એગસમઇણ વા

जाव उववज्जेआ एवं खलु गोयमा मए सत्त सेदीओ पत्रत्ताओ तं जहा-उज्जुआयता जाव अद्धवक्कवाला उज्जुआयताए सेदीए उववज्जमाणे एगसमएणं विग्गहेणं उववज्जेआ एगओवंकाए सेदीए उववज्जमाणे दुसमइएणं विग्गहेणं अनुसेदि उववज्जितए से णं तिसमइएणं विग्गहेणं उववज्जेआ से तेणहेणं जाव उववज्जेआ एवं अपज्जत्तासुहुमपुढविकाइओ लोगस्स पुरत्थिमिल्ले चरिमंते समोहए समोहणित्ता लोगस्स पुरत्थिमिल्ले चेव चरिमंते अपज्जत्ताएसु पज्जत्ताएसु सुहुमपुढविकाइएसु अपज्जत्ताएसु पज्जत्ताएसु सुहुमआउकाइएसु अपज्जत्ताएसु सुहुमपुढविकाइएसु अपज्जत्ताएसु पज्जत्ताएसु सुहुमवाउकाइएसु अपज्जत्ताएसु पज्जत्ताएसु वादरवाउकाइएसु अपज्जत्ताएसु पज्जत्ताएसु सुहुमवणस्सइकाइएसु अपज्जत्ताएसु पज्जत्ताएसु य बारससु वि ठाणेसु एएणं चेव कमेणं भाणियव्वो सुहुमपुढविकाइओ पज्जत्ताओ एवं चेव निरवसेसो बारससु वि ठाणेसु उववाएयव्वो एवं एएणं गमएणं जाव सुहुमवणस्सइकाइओ पज्जत्ताओ सुहुमवणस्सइकाइएसु पज्जत्ताएसु चेव भाणियव्वो अपज्जत्तासुहुमपुढविकाइए णं भंते लोगस्स पुरत्थिमिल्ले चरिमंते समोहए समोहणित्ता जे भविए लोगस्स दाहिणिल्ले चरिमंते अपज्जत्तासुहुमपुढविकाइएसु उववज्जितए से णं भंते किसमइएणं विग्गहेणं उववज्जेआ गोयमा दुसमइएण वा तिसमइएण वा चउसमइएण वा विग्गहेणं उववज्जेआ

से केणहेणं भंते एवं वुद्धइ एवं खलु गोयमा मए सत्त सेदीओ पत्रत्ताओ तं जहा-उज्जुआयता जाव अद्धवक्कवाला एगओवंकाए सेदीए उववज्जमाणे दुसमइएणं विग्गहेणं उववज्जेआ दुह-ओवंकाए सेदीए उववज्जमाणे जे भविए एगपरयंसि अनुसेदि उववज्जितए से णं तिसमइएणं विग्गहेणं उववज्जेआ जे भविए विसेदि उववज्जितए से णं चउसमइएणं विग्गहेणं उववज्जेआ से तेणहेणं गोयमा एवं एएणं गमेणं पुरत्थिमिल्ले चरिमंते समोहए दाहिणिल्ले चरिमंते उववाएयव्वो जाव सुहुमवणस्सइकाइओ पज्जत्ताओ सुहुमवणस्सइकाइएसु पज्जत्ताएसु चेव सव्वेसि दुसमइओ किसमइओ चउसमइओ विग्गहो भाणियव्वो अपज्जत्तासुहुमपुढविकाइए णं भंते लोगस्स पुरत्थिमिल्ले चरिमंते समोहए समोहणित्ता जे भविए लोगस्स पच्चत्थिमिल्ले चरिमंते अपज्जत्ता-सुहुमपुढविकाइयत्ताए उववज्जितए से णं भंते कइसमइएणं विग्गहेणं उववज्जेआ गोयमा एगस-मइएण वा दुसमइएण वा तिसमइएण वा चउसमइएण वा विग्गहेणं उववज्जेआ, से केणहेणं एवं जहेव पुरत्थिमिल्ले चरिमंते समोहया पुरत्थिमिल्ले चेव चरिमंते उववाइया तहेव पुरत्थिमिल्ले चरिमंते समोहया पच्चत्थिमिल्ले चरिमंते उववाएयव्वो सव्वे अपज्जत्तासुहुमपुढविककाइए णं भंते लोगस्स पुरत्थिमिल्ले चरिमंते समोहए समोहणित्ता जे भविए लोगस्स उत्तरिल्ले चरिमंते अपज्जत्तासुहुम-पुढविकाइयत्ताए उववज्जितए से णं भंते एवं जहा पुरत्थिमिल्ले चरिमंते समोहयओ दाहिणिल्ले चरिमंते उववाइओ तहा पुरत्थिमिल्ले समोहयओ उत्तरिल्ले चरिमंते उववाएयव्वो अपज्जत्तासुहुम-पुढविककाइए णं भंते लोगस्स दाहिणिल्ले चरिमंते समोहए समोहणित्ता जे भविए लोगस्स दाहिणिल्ले चेव चरिमंते अपज्जत्तासुहुमपुढविकाइयत्ताए उववज्जितए एवं जहा पुरत्थिमिल्ले समोह-यओ पुरत्थिमिल्ले चेव उववाइओ तहेव दाहिणिल्ले समोहए दाहिणिल्ले चेव उववाएयव्वो तहेव निरवसेसं जाव सुहुमवणस्सइकाइओ पज्जत्ताओ सुहुमवणस्सइकाइएसु चेव पज्जत्ताएसु दाहिणिल्ले चरिमंते उववाइओ एवं दाहिणिल्ले समोहयओ पच्चत्थिमिल्ले चरिमंते उववाएयव्वो नवर-दुसमइय-तिसमइय-चउसमइयविग्गहो सेसं तहेव एवं दाहिणिल्ले समोहयओ उत्तरिल्ले चरिमंते उववाएयव्वो

जहेव सद्वाणे तरेव एगसमइय-दुसमइय-तिसमइय-चउसमइयविग्गहो पच्चत्थिमिल्ले चरिभंते समोहयाणं पच्चत्थिमिल्ले चेव उववज्जमाणाणं जहा सद्वाणे उत्तरिल्ले उववज्जमाणाणं एगसमइओ विग्गहो नत्थि सेसं तहेव पुरत्थिमिल्ले जहा सद्वाणे दाहिणिल्ले एगसमइओ विग्गहो नत्थि सेसं तं चेव उत्तरिल्ले समोहयाणं उत्तरिल्ले चेव उववज्जमाणाणं जहा सद्वाणे उत्तरिल्ले समोहयाणं पुरत्थिमिल्ले उववज्जमाणाणं एवं चेव नवरं-एगसमइओ विग्गहो नत्थि उत्तरिल्ले समोहणिल्ले उववज्जमाणाणं जहा सद्वाणे उत्तरिल्ले समोहयाणं पच्चत्थिमिल्ले उववज्जमाणाणं एगसमइओ विग्गहो नत्थि सेसं तहेव जाव सुहुमवणस्सइकाइओ पज्जताओ सुहुमवणस्सइकाइएसु पज्जताएसु चेव

कहि णं भंते बादरपुढविक्काइयाणं पज्जतागाणं ठाणा पत्रत्ता गोयमा सद्वाणेणं अट्ठसु पुढवीसु जहा ठाणपदे जाव सुहुमवणस्सइकाइया जे य पज्जतागा जे य अपज्जतागा ते सव्वे एगविहा अविसेसमाणाणत्ता सव्वलोगपरिधावन्ना पन्नत्ता समणाउसो अपज्जतासुहुमपुढविक्काइयाणं भंते कति कम्मप्पगडीओ पत्रत्ताओ तं जहा-नाणावरणिज्जं जाव अंतराइयं एवं चउवक्कएणं भेदेणं जहेव एगिंदियसएसु जाव बादरवणस्सइकाइयाणं पज्जताणं अपज्जतासुहुमपुढविक्काइया णं भंते कति कम्मप्पगडीओ वंधंति गोयमा सत्तविहबंधगा वि अट्ठविहबंधगा वि जहा एगिंदियसएसु जाव पज्जताबादरवणस्सइकाइया अपज्जतासुहुमपुढविक्काइया णं भंते कति कम्मप्पगडीओ वेदेति गोयमा चोहस कम्मप्पगडीओ वेदेति तं जहा-नाणावरणिज्जं जहा एगिंदियसएसु जाव पुरिस-वेदवज्जं एवं जाव बादरवणस्सइकाइयाणं पज्जतागाणं एगिंदिय णं भंते कओ उववज्जंति-किं ने-रइएहिंतो उववज्जंति जहा यक्कंतीए पुढविक्काइयाणं उववाओ, एगिंदियाणं भंते कई समुग्धाया पत्रत्ता गोयमा चत्तारि समुग्धाया पत्रत्ता तं जहा-वेदणासमुग्धाए जाव वेउब्बियसमुग्धाए एगिंदिय णं भंते किं तुल्लट्ठितीया तुल्लविसेसाहियं कम्मं पकरेति तुल्लट्ठितीया वेमायविसेसाहियं कम्मं पकरेति वेमायट्ठितीया तुल्लविसेसाहियं कम्मं पकरेति वेमायट्ठितीया वेमायविसेसाहियं कम्मं पकरेति गोयमा अत्येगइया तुल्लट्ठितीया तुल्लविसेसाहियं कम्मं पकरेति अत्येगइया तुल्लट्ठितीया वेमायविसेसाहियं कम्मं पकरेति अत्येगइया वेमायट्ठितीया तुल्लविसेसाहियं कम्मं पकरेति अत्येगइया वेमायट्ठितीया वेमायविसेसाहियं कम्मं पकरेति से केणट्ठेणं भंते एवं बुद्धइ-अत्येगइया तुल्लट्ठितीया जाव वेमायविसेसाहियं कम्मं पकरेति गोयमा एगिंदिय चउब्बिहा पत्रत्ता तं जहा-अत्येगइया समाउया समोववन्नगा अत्येगइया समाउया विसमोववन्नगा अत्येगइया विसमाउया समोववन्नगा अतअत्येगइया विसमाउया विसमोववन्नगा तत्थ णं जे ते समाउया समोववन्नगा ते णं तुल्लट्ठितीया तुल्लविसेसाहियं कम्मं पकरेति तत्थ णं जे ते समाउया विसमोववन्नगा ते णं तुल्लट्ठितीया वेमायविसेसाहियं कम्मं पकरेति तत्थ णं जे ते विसमाउया समोववन्नगा ते णं वेमायट्ठितीया तुल्लविसेसाहियं कम्मं पकरेति तत्थ णं जे ते विसमाउया विसमोववन्नगा ते णं वेमायविसेसाहियं कम्मं पकरेति से तेणट्ठेणं गोयमा जाव वेमायविसेसाहियं कम्मं पकरेति सेवं भंते सेवं भंते त्ति जाव विहरति

१८५२१-८५१

● चोत्तीसइमे सते पइमे सते पइमो उइसो सभतो ●

—: बी ओ—उ हे सो —:

(१०३५) कइविहा णं भंते अनंतरोववन्नगा एगिंदिया पत्रत्ता गोयमा पंचविहा अनंतरोववन्नगा एगिंदिया पत्रत्ता तं जहा-पुढविक्काइया दुयाभेदो जहा एगिंदियसएसु जाव

सर्त-३४, पढमे सते, उद्देसो-२

४८९

बादरवणस्सइकाइया य कहि णं भंते अनंतरोववन्नगाणं बादरपुढविक्काइयाणं ठाणा पत्रत्ता गोयमा सद्धानेणं अट्ठसु पुढवीसु तं जहा-रयणप्पभाए जहा ठाणपदे जाव दीवेसु समुद्देसु एत्थ णं अनंतरोववन्नगाणं बादरपुढविक्काइयाणं ठाणा पत्रत्ता उववाएणं सव्वलोए समुधाएणं सव्वलोए सद्धानेणं लोगस्स असंखेज्झभागे अनंतरोववन्नगसुहुमपुढविक्काइया एणविहा अविसेसम-
णाणत्ता सव्वलोए परियावन्ना पत्रत्ता समणाउसो एवं एएणं कमेणं सव्वे एणिंदिया भाणियव्वा सद्धानाई सव्वेसिं जहा ठाणपदे तेसिं पज्जत्तागाणं बादराणं उववाय-समुधायसद्धानाणि जहा तेसिं चेव अपज्जत्तागाणं बादराणं सुहुमाणं सव्वेसिं जहा पुढविक्काइयाणं भणिया तहेव भाणियव्वा जाव वणस्सइयति अनंतरोववन्नगाणं सुहुमपुढविक्काइयाणं भंते कइ कम्मप्पगडीओ पत्रत्ताओ गोयमा अट्ठ कम्मप्पगडीओ पत्रत्ताओ एवं जहा एणिंदियएसु अनंतरोववन्नगउद्देसए तहेव पत्रत्ताओ तहेव बंधति तहेव वेदेति जाव अनंतरोववन्नगा बादरवणस्सइकाइया, अनंतरो-
ववन्नगएणिंदिया णं भंते कओ उववज्जति जहेव ओहिए उद्देसओ भणिओ तहेव अनंतरोववन्न-
गएणिंदियाणं भंते कति समुधाया पत्रत्ता गोयमा दोत्रि समुधाया पत्रत्ता तं जहा-वेदणासमुधाए य कसायसमुधाए य अनंतरोववन्नगएणिंदिया णं भंते किं तुल्लड्ढितीया तुल्लविसेसाहियं कम्मं पकरेति-पुच्छा तहेव गोयमा अत्येगइया तुल्लड्ढितीया तुल्लविसेसाहियं कम्मं पकरेति अत्येगइया तुल्लड्ढितीया वेमायविसेसाहियं कम्मं पकरेति से केणट्ठेणं जाव वेमायविसेसाहियं कम्मं पकरेति गोयमा अनंतरोववन्नगा अत्येगइया समाउया विसमोववन्नगा तत्थ णं जे ते समाउया समोववन्नगा ते णं तुल्लड्ढितीया तुल्लविसेसाहियं कम्मं पकरेति तत्थ णं जे ते समाउया विसमोववन्नगा ते णं तुल्लड्ढितीया वेमायविसेसाहियं कम्मं पकरेति से तेणट्ठेणं जाव वेमायविसेसाहियं कम्मं पकरेति सेवं भंते सेवं भंते ति । ८५३।-८५३

● चोत्तीसइमे सते पढमे सते बीओ उद्देसो समत्तो ●

—: त इ ओ—उ हे सो —:

(१०३६) कइविहा णं भंते परंपरोववन्नगा एणिंदिया पत्रत्ता गोयमा पंचविहा परंपरोववन्नगा एणिंदिया पत्रत्ता तं जहा-पुढविक्काइया भेदो चउक्कओ जाव वणस्सइकाइयति परंपरोववन्न-
गअपज्जत्तासुहुमपुढविक्काइए णं भंते इमीसे रयणप्पभाए पुढवीए पुरत्थिमिल्ले चरिंमंते समोहए समोहणित्ता जे भविए इमीसे रयणप्पभाए पुढवीए पच्चत्थिमिल्ले चरिंमंते अपज्जत्तासुहुमपुढ-
विकाइयत्ताए उववज्जित्तए एवं एएणं अभिलावेणं जहेव पढमो उद्देसओ जाव लोगचरिंमतो ति कहि णं भंते परंपरोववन्नगाबादरपुढविक्काइयाणं ठाणा पत्रत्ता गोयमा सद्धानेणं अट्ठसु पुढवीसु एवं एएणं अभिलावेणं जहा पढमे उद्देसए जाव तुल्लड्ढितीयत्ति सेवं भंते सेवं भंते ति । ८५४-९१-८५३-१

● चोत्तीसइमे सते-पढमे सते तइओ उद्देसो समत्तो ●

—: उ हे सा—४-११

(१०३७) एवं सेसा वि अट्ठ उद्देसगा जाव अचरिमो ति नवरं-अनंतरा अनंतरसरिसा परंपरा परंपरसरिसा चरिमा य अचरिमा य एवं चेव एवं एते एक्कारस उद्देसगा । ८५४।-८५३

● चोत्तीसइमे सते-पढमे सते-४-११ उद्देसो समत्ता ●

卐 चोत्तीसइमे सते-बिइयं सतं 卐

—: उ हे सा—१-११ —:

(१०३८) कइविहा णं भंते कण्हलेस्सा एणिंदिया पत्रत्ता गोयमा पंचविहा कण्हलेस्सा

४९०

भगवई - ३४/२/१-११/१०३८

एगिंदिया पत्रता भेदो चउक्कओ जहा कण्हलेस्सएगिंदियसए जाव वणस्सइकाइयत्ति कण्हलेस्सअपज्जत्तासुहुमपुढविकाइए णं भंते इमीसे रयणप्पभाए पुढवीए पुरत्थिमिल्ले एवं एएणं अभिलावेणं जहेव ओहिउद्देसओ जाव लोगचरिमंते त्ति सव्वत्थ कण्हलेस्सु चेव उववाएयव्वो कहि णं भंते कण्हलेस्सअपज्जत्ताबादरपुढविकाइयाणं ठाणा पत्रता एवं एएणं अभिलावेणं जहा ओहिउद्देसओ जाव तुल्लड्डियइ त्ति सेवं भंते सेवं भंते त्ति एवं एएणं अभिलावेणं जहेव पढमं सेढिसयं तहेव एक्कारस उद्देसगा भाणियव्वा । ८५५-११-८५४-३

● चोत्तीसइमे सते बिए सते १-११ उद्देसा सप्तत्ता ●

卐 तइयं सतं 卐

(१०३९) एवं नीललेस्सेहि वि सतं । ८५५-२१-८५४-२

● चोत्तीसइमे सते तइयं सतं सप्तत्ता ●

卐 चउत्थं सतं 卐

(१०४०) काउलेस्सेहि वि सतं एवं चेव । ८५५-३१-८५४-३

● चोत्तीसइमे सते चउत्थं सतं सप्तत्ता ●

卐 पंचमं सतं 卐

(१०४१) भवसिद्धियएगिंदिएहिं सतं । ८५५-४१-८५४-४

● चोत्तीसइमे सते पंचमं सतं सप्तत्ता ●

卐 छट्ठं सतं 卐

(१०४२) कइविहा णं भंते कण्हलेस्सा भवसिद्धिया एगिंदिया पत्रता जहेव ओहिउद्देसओ कइविहा णं भंते अनंतरोववन्नगा कण्हलेस्सा भवसिद्धिया एगिंदिया पत्रता जहेव अनंतरोववन्नउद्देसओ ओहियो तहेव कइविहा णं भंते परंपरोववन्ना कण्हलेस्सा भवसिद्धिया एगिंदिया पत्रता गोयमा पंचविहा परंपरोववन्ना कण्हलेस्सा भवसिद्धिया एगिंदिया पत्रता भेदो चउक्कओ जाव वणस्सइकाइयत्ति परंपरोववन्नकण्हलेस्सभवसिद्धियअपज्जत्तासुहुमपुढविकाइए णं भंते इमीसे रयणप्पभाए पुढवीए एवं एएणं अभिलावेणं जहेव ओहिओ उद्देसओ जाव लोयव-रिमंते त्ति सव्वत्थ कण्हलेस्सेसु भवसिद्धिएसु उववाएयव्वो कहि णं भंते परंपरोववन्नाकण्हलेस्स-भवसिद्धियपज्जत्ताबादरपुढविकाइयाणं ठाणा पत्रता एवं एएणं अभिलावेणं जहेव ओहिओ उद्देसओ जाव तुल्लड्डियत्ति एवं एएणं अभिलावेणं कण्हलेस्सभवसिद्धियएगिंदिएहि वि तहेव एक्कारसउद्देसगसंजुत्तं छट्ठं सतं । ८५५-४१-८५४-५

● चोत्तीसइमे सते छट्ठं सतं सप्तत्ता ●

—: चोत्तीसइमे सते सत्ताई—७-१२ :-

(१०४३) नीललेस्सभवसिद्धियएगिंदिएसु सतं एवं काउलेस्सभवसिद्धियएगिंदिएहि वि सतं जहा भवसिद्धिएहिं चत्तारि एवं अभवसिद्धिएहि वि चत्तारि सयाणि भाणियव्वाणि नवरं-चरिमअचरिमवन्ना नव उद्देसगा भाणियव्वा सेसं तं चेव एवं एयाई वारस एगिंदियसेढीसत्ताई सेवं भंते सेवं भंते त्ति जाव विहरइ । ८५५-६१-८५५१-८५४-६ - ८५४

● चोत्तीसइमे सते ७-१२ सत्ताई सप्तत्ताई ●

पणतीसइमं सतं

卐 प ढ मं ए र्गि दि य म हा जु म्म स तं 卐

—: प ढ मो—उ हे स्रो :—

(१०४४) कइ णं भंते महाजुम्मा पत्रत्ता गोयमा सोलस महाजुम्मा पत्रत्ता तं जहा-
कडजुम्मकडजुम्मे कडजुम्मेतेओगे कडजुम्मदावरजुम्मे कडजुम्मकलियोगे तेओगकडजुम्मे तेओग-
तेओगे तेओगदावरजुम्मे तेओगकलिओगे दावरजुम्मकडजुम्मे दावरजुम्मेतेओगे दावरजुम्मदावर-
जुम्मे दावरजुम्मकलियोगे कलिओगकडजुम्मे कलियोगकलिओगे से कण्ठेणं भंते एवं बुद्ध-
सोलस महाजुम्मा पत्रत्ता तं जहा-कडजुम्मकडजुम्मे जाव कलियोगकलियोगे गोयमा जे णं रासी
चउक्कएणं अवहारेणं अवहीरमाणे चउपज्जविए जे णं तस्स रासिस्स अवहारसमया ते वि
कडजुम्मा सेतं कडजुम्मकडजुम्मे जे णं रासी चउक्कएणं अवहारेणं अवहीरमाणे तिपज्जवसिए जे
णं तस्स रासिस्स अवहारसमया कडजुम्मा सेतं कडजुम्मेतेओगे जे णं रासी चउक्कएणं अवहारेणं
अवहीरमाणे दुपज्जवसिए जे णं तस्स रासिस्स अवहारसमया कडजुम्मा सेतं कडजुम्मदावरजुम्मे जे
णं रासी चउक्कएणं अवहारेणं अवहीरमाणे एगपज्जवसिए जे णं तस्स रासिस्स अवहारसमया
कडजुम्मा सेतं कडजुम्मकलियोगे जे णं रासी चउक्कएणं अवहारेणं अवहीरमाणे चउपज्जवसिए
जे णं तस्स रासिस्स अवहारसमया तेयोगा सेतं तेओगकडजुम्मे जे णं रासी चउक्कएणं अवहारेणं
अवहीरमाणे तिपज्जवसिए जे णं तस्स रासिस्स अवहारसमया तेओगा सेतं तेओगतेओगे जे णं
रासी चउक्कएणं अवहारेणं अवहीरमाणे दोपज्जवसिए जे णं तस्स रासिस्स अवहारसमया तेयोगा
सेतं तेओगदावरजुम्मे जे णं रासी चउक्कएणं अवहारेणं अवहीरमाणे एगपज्जवसिए जे णं तस्स
रासिस्स अवहारसमया तेओगा सेतं तेओगकलियोगे जे णं रासी चउक्कएणं अवहारेणं
अवहीरमाणे चउपज्जवसिए जे णं तस्स रासिस्स अवहारसमया दावरजुम्मा सेतं दावरजुम्म-
कडजुम्मे जे णं रासी चउक्कएणं अवहारेणं अवहीरमाणे तिपज्जवसिए जे णं तस्स रासिस्स
अवहारसमया दावरजुम्मा सेतं दावरजुम्मेतेओगे जे णं रासी चउक्कएणं अवहारेणं अवहीरमाणे
दुपज्जवसिए जे णं तस्स रासिस्स अवहारसमया दावरजुम्मा सेतं दावरजुम्मदावरजुम्मे जे णं रासी
चउक्कएणं अवहारेणं अवहीरमाणे एगपज्जवसिए जे णं तस्स रासिस्स अवहारसमया दावरजुम्मा
सेतं दावरजुम्मकलियोगे जे णं रासी चउक्कएणं अवहारेणं अवहीरमाणे चउपज्जवसिए जे णं तस्स
रासिस्स अवहारसमया कलियोगा सेतं कलिओगकडजुम्मे जे णं रासी चउक्कएणं अवहारेणं
अवहीरमाणे तिपज्जवसिए जे णं तस्स रासिस्स अवहारसमया कलियोगा से तं कलियोग तेओगे
जेणं रासि चउक्कएणं अवहारेणं अवहीरमाणे दुपज्जवसिए जे णं तस्स रासिस्स अवहारसमया
कलियोगा सेतं कलियोगदावरजुम्मे जे णं रासी चउक्कएणं अवहारेणं अवहीरमाणे एगपज्जवसिए
जे णं तस्स रासिस्स अवहारसमया कलियोगा सेतं कलियोगकलिओगे से तेण्ठेणं जाव कलि-
ओगकलिओगे ।८५६।-४५५

(१०४५) कडजुम्मकडजुम्मेएग्गिदिया णं भंते कओ उववज्जंति-किं नेरइएहिंतो जहा
उप्पलुद्देसए तहा उववाओ ते णं भंते जीवा एगसमएणं केवइया उववज्जंति गोयमा सोलस वा
संखेज्जा वा असंखेज्जा वा अनंता वा उववज्जंति ते णं भंते जीवा समए समए-पुच्छा गोयमा ते णं
अनंता समए समए अवहीरमाणा-अवहीरमाणा अनंताहिं ओसप्पिणि-उस्सप्पिणीहिं अवहीरंति

नो चेव नो चेव णं अवहिंया सिया उच्चतं जहा उप्पलुद्देसए ते णं भंते जीवा नाणावरणिज्जस्स कम्मस्स किं बंधगा अबंधगा गोयमा बंधगा नो अबंधगा एवं सव्वेसि आउयवज्जाणं आउयस्स बंधगा वा अबंधगा वा ते णं भंते जीवा नाणावरणिज्जस्स-पुच्छा गोयमा वेदगा नो अवेदगा एवं सव्वेसि ते णं भंते जीवा किं सातावेदगा असातावेदगा गोयमा सातावेदगा वा असातावेदगा वा एवं उप्पलुद्देसगपरिवाडी सव्वेसि कम्माणं उदई नो अनुदई छण्हं कम्माणं उदीरगा नो अनुदीरगा वेदणिज्जाउयाणं उदीरगा वा अनुदीरगा वा ते णं भंते जीवा किं कण्हलेस्सा-पुच्छा गोयमा कण्हलेस्सा वा नीललेस्सा वा काउलेस्सा वा तेउलेस्सा वा नो सम्मदिट्ठी नो सम्मामिच्छादिट्ठी मिच्छादिट्ठी नो नाणी अण्णाणी नियमं दुअण्णाणी तं जहा-मइअण्णाणी य सुयअण्णाणी य नो मणजोगी नो वइजोगी कायजोगी सागारोवउत्ता वा अणागारोवउत्ता वा तेसि णं भंते जीवाणं सरीरगा कतिवण्णा जहा उप्पलुद्देसए सव्वत्थ-पुच्छा गोयमा जहा उप्पलुद्देसए ऊसासगा वा नीसासगा वा नो उस्सासनीसासगा वा आहारगा वा अणाहारगा वा नो विरया अविरया नो विरयाविरया सकिरिया नो अकिरिया सत्तविहबंधगा वा अइविहबंधगा वा आहारसण्णोवउत्ता वा जाव परिग्गहसण्णोवउत्ता वा कोहकसायी वा जाव लोभकसायी वउत्ता वा जाव परिग्गह-सण्णोवउत्ता वा कोहकसायी वा जाव लोभकसायी वा नो इत्थिवेदगा नो पुरिसवेदगा नपुंसगवेदगा इत्थिवेदबंधगा वा पुरिसवेदबंधगा वा नपुंसगवेदबंधगा वा नो सण्णी असण्णी सइंदिया नो अण्णिंदिया ते णं भंते कडजुम्मकडजुम्मेण्णिंदिया कालओ केवच्चिरं होति गोचमा जहण्णेणं एकं समयं उक्कोसेणं अनंतं कालं-अनंता ओसप्पिणिउस्सप्पिणीओ यणस्सइकाइयकालो संवेहो न भण्णइ आहारो जहा उप्पलुद्देसए नवरं-निव्वाधाएणं छइिसिं वाघायं पडुच्च सिय तिदिंसिं सिय चउदिसिं सिय पंचदिसिं सेसं तहेव ठिठी जहण्णेणं अंतोमुहुत्तं उक्कोसेणं बावीसं वाससहस्साइं समुग्घाया आदिह्मा चत्तारि मारणंतिथसमुग्घातेणं समोहया वि मरंति असमोहया वि मरंति उववट्ठणा जहा उप्पलुद्देसए

अह भंते सव्वपाणा जाव सव्वसत्ता कडजुम्मकडजुम्मेण्णिंदियत्ताए उववत्तपुव्वा हंता गोयमा असइं अदुया अनंतखुत्तो कडजुम्मेतेओयएण्णिंदिया णं भंते कओ उववज्जंति उववाओ तहेव ते णं भंते जीवा एगसमाए-पुच्छा गोयमा एकूणवीसा वा संखेज्जा वा असंखेज्जा वा अनंता वा उववज्जंति सेसं जहा कडजुम्मकडजुम्माणं जाव अनंतखुत्तो कडजुम्मादावरजुम्मेण्णिंदिया णं भंते कओहिंतो उववज्जंति उववाओ तहेव ते णं भंते जीवा एगसमएणं-पुच्छा गोयमा अट्ठारस वा संखेज्जा वा असंखेज्जा वा अनंता वा उववज्जंति सेसं तहेव जाव अनंतखुत्तो कडजुम्मकलियो-गएण्णिंदिया णं भंते कओहिंतो उववज्जंति उववाओ तहेव परिमाणं सत्तरस वा संखेज्जा वा असंखेज्जा वा अनंता वा सेसं तहेव जाव अनंतखुत्तो तेयोगकडजुम्मेण्णिंदिया णं भंते कओहिंतो उववज्जंति उववाओ तहेव परिमाणं बारस वा संखेज्जा वा असंखेज्जा वा अनंता वा उववज्जंति सेसं तहेव जाव अनंतखुत्तो, तेयोगतेयोगएण्णिंदिया णं भंते कओहिंतो उववज्जंति उववाओ तहेव परिमाणं पत्तरस वा संखेज्जा वा असंखेज्जा वा अनंता वा सेसं तहेव जाव अनंतखुत्तो एवं एएसु सोलससु महाजुम्मेसु एकको गमओ नवरं-परिमाणे नाणत्तं-तेयोगदावरजुम्मेसु परिमाणं चौइस वा संखेज्जा वा असंखेज्जा वा अनंता वा उवज्जंति तेयोगकलियोगेसु तेरस वा संखेज्जा वा असंखेज्जा वा अनंता वा उववज्जंति दावरजुम्मकडजुम्मेसु अट्ठ वा संखेज्जा वा असंखेज्जा वा अनंता वा उववज्जंति दावरजुम्मेतेयोगेसु

सत्तं-३५, पढमे सत्ते, उद्देसो-१

४९३

एक्कारस वा संखेज्जा वा असंखेज्जा वा अनंता वा उववज्जंति दावरजुम्मदावरजुम्मेसु दस वा संखेज्जा वा असंखेज्जा वा अनंता वा उववज्जंति दावरजुम्मकलियोगेसु नव वा संखेज्जा वा असंखेज्जा वा अनंता वा उववज्जंति कलियोगकडजुम्मे चत्तारि वा संखेज्जा वा असंखेज्जा वा अनंता वा उववज्जंति कलियोगतेयोगेसु सत्त वा संखेज्जा वा असंखेज्जा वा अनंता वा उववज्जंति कलियोगदावरजुम्मेसु ७ वा संखेज्जा वा असंखेज्जा वा अनंता वा उववज्जंति कलियोगकलियोगएगिंदिया णं भंते कओ उववज्जंति उववाओ तहेव परिमाणं पंच वा संखेज्जा वा असंखेज्जा वा अनंता वा उववज्जंति सेसं तहेव जाव अनंतखुत्तो सेवं भंते सेवं भंते त्ति ।८५७-८५८

● पणतीसइमे सत्ते-पढमे सत्ते पढमो उद्देसो सप्ततो ●

—: (३५-१) बी ओ—उ हे सो :—

(१०४६) पढमसमयकडजुम्मकडजुम्मएगिंदिया णं भंते कओ उववज्जंति गोयमा तहेव एवं जहेव पढमो उद्देसओ तहेव सोलसखुत्तो बिंतिओ भाणियव्वो तहेव सव्वं नवरं-इमाणि दस नाणत्ताणि ओगाहणा जहण्णेणं अंगुलस्स असंखेज्जइभागं उक्कोसेणं वि अंगुलस्स असंखेज्जइभागं आउयकम्मस्स नो बंधगा अबंधगा आउयस्स नो उदीरगा अनुदीरगा नो उस्सासगा नो निस्सासगा नो उस्सासनिस्सासगा सत्तविहबंधगा नो अड्ढबिहबंधगा ते णं भंते पढमसमयकडजुम्मकडजुम्मएगिंदियत्ति कालओ केवच्चिरं होइ गोयमा एक्कं समयं एवं ठिती वि समुधाया आदिज्जा दोत्रि समोहया न पुच्छिज्जंति उव्वट्टणा न पुच्छिज्जइ सेसं तहेव सव्वं निरवसेसं सोलससु वि गएसु जाव अनंतखुत्तो सेवं भंते सेवं भंते त्ति ।८५८-८५९

● पणतीसइमे सत्ते-पढमे सत्ते बीओ उद्देसो सप्ततो ●

—: (३५-१) त इ ओ—उ हे सो :—

(१०४७) अपढमसमयकडजुम्मएगिंदिया णं भंते कओ उववज्जंति एसो जहा पढमुद्देसो सोलसहिं वि जुम्मेसु तहेव नेपव्वो जाव कलियोगकलियोगत्ताए जाव अनंतखुत्तो सेवं भंते सेवं भंते त्ति ।८५९-१-८५९-१

● पणतीसइमे सत्ते पढमे सत्ते तइओ उद्देसो सप्ततो ●

—: (३५-१) च उ त्थो—उ हे सो :—

(१०४८) चरिमसमयकडजुम्मकडजुम्मएगिंदिया णं भंते कओ उववज्जंति एवं जहेव पढमसमयउद्देसओ नवरं-देवा न उववज्जंति तेउलेस्सा न पुच्छिज्जंति सेसं तहेव सेवं भंते सेवं भंते त्ति ।८५९-२-८५९-२

● पणतीसइमे सत्ते पढमे सत्ते चउत्थो उद्देसो सप्ततो ●

—: (३५-१) पं च थो—उ हे सो :—

(१०४९) अचरिमसमयकडजुम्मकडजुम्मएगिंदिया णं भंते कओ उववज्जंति जहा अपढमसमयउद्देसो तहेव निरवसेसो भाणितव्वो सेवं भंते सेवं भंते त्ति ।८५९-३-८५९-३

● पणतीसइमे सत्ते पढमे सत्ते पंचमो उद्देसो सप्ततो ●

—: (३५-१) छ द्वो—उ हे सो :—

(१०५०) पढमपढमसमयकडजुम्मकडजुम्मएगिंदिया णं भंते कओ उववज्जंति जह पढमसमयउद्देसओ तहेव निरवसेसं सेवं भंते सेवं भंते त्ति जाव विहरइ ।८५९-४-८५९-४

● पणतीसइमे सत्ते पढमे सत्ते छट्ठो उद्देसो सप्ततो ●

—: (३५-१) स त्त मो—उ द्वे सो :—

(१०५१) पढमअपढमसमयकडजुम्मकडजुम्मएगिंदिया णं भंते कओ उववज्जंति जहा पढमसमयउद्देसो तहेव भाणियव्वो सेवं भंते सेवं भंते ति । ८५९-५१-८५८-५

● पणतीसइमे सते पढमे सते सत्तमो उद्देसो सप्ततो ●

—: (३५-१) अ द्द मो—उ द्वे सो :—

(१०५२) पढमचरिमसमयकडजुम्मकडजुम्मएगिंदिया णं भंते कओ उववज्जंति जहा चरिमुद्देसओ तहेव निरवसेसं सेवं भंते सेवं भंते ति । ८५९-६१-८५८-६

● पणतीसइमे सते पढमे सते अद्दमो उद्देसो सप्ततो ●

—: न व मो—उ द्वे सो :—

(१०५३) पढमचरिमसमयकडजुम्मएगिंदिया णं भंते कओ उववज्जंति जहा वीओ उद्देसओ तहेव निरवसेसं सेवं भंते सेवं भंते ति जाव विहरइ । ८५९-७१-८५८-७

● पणतीसइमे सते पढमे सते नवमो उद्देसो सप्ततो ●

—: (३५-१) द स मो—उ द्वे सो :—

(१०५४) चरिमचरिमसमयकडजुम्मएगिंदिया णं भंते कओ उववज्जंति जहा द्दउत्थो उद्देसओ तहेव निरवसेसं सेवं भंते सेवं भंते ति । ८५९-८१-८५८-८

● पणतीसइमे सते पढमे सते दसमो उद्देसो सप्ततो ●

—: (३५-१) ए क्का र स मो—उ द्वे सो :—

(१०५५) चरमअचरिमसमयकडजुम्मकडजुम्मएगिंदिया णं भंते कओ उववज्जंति जहा पढमसयउद्देसओ तहेव निरवसेसं सेवं भंते सेवं भंते ति जाव विहरति । ८५९-९१-८५८-९

(१०५६) एवं एए एक्कारस उद्देसगा पढमो तत्तिओ पंचमो य सरिसगमा सेसा अद्दसरिसगमा नवरं-चउत्थे अद्दमे दसमे य देवा न उववज्जंति तेउलेस्सा नत्थि । ८५९१-८५८

● पणतीसइमे सते पढमे सते एक्कारसमो उद्देसो सप्ततो ●

● पणतीसइमे सते पढमं एगिंदिय महाजुम्मं सतं सप्ततं ●

卐 ए गिं दि य म हा जु म्म—स ता ई—२-१२ 卐

(१०५७) कण्हलेस्सकडजुम्मकडजुम्मएगिंदिया णं भंते कओ उववज्जंति गोयमा उववाओ तहेव एवं जहा ओहिउद्देसए नवरं इमं नाणसं ते णं भंते जीवा कण्हलेस्सा हंता कण्हलेस्सा ते णं भंते कण्हलेस्सकडजुम्मकडजुम्मएगिंदियति कालओ केवच्चिरं होइ गोयमा जहण्णेणं एक्कं समयं उक्कोसेणं अंतोमुहुत्तं एवं ठिती वि सेसं तहेव जाव अनंतखुत्तो एवं सोलस वि जुम्मा भाणियव्वा सेवं भंते सेवं भंते ति पढमसमयकण्हलेस्सकडजुम्मकडजुम्मएगिंदिया णं भंते कओ उववज्जंति जहा पढमसमयउद्देसओ नवरं-ते भंते जीवा कण्हलेस्सा हंता कण्हलेस्सा सेसं तहेव सेवं भंते सेवं भंते ति एवं जहा ओहियसए एक्कारस उद्देसगा भणिया तहा कण्हलेस्सए वि एक्कारस उद्देसगा भाणियव्वा पढमो तद्दओ पंचमो य सरिसगमा सेसा अद्द वि सरिसगमा नवरं-चउत्थे-अद्दम-दसमेसु उववाओ नत्थि देवस्स सेवं भंते सेवं भंते ति एवं नीललेस्सेहिं वि सतं कण्हलेस्ससतसरिसं एक्कारस उद्देसगा तहेव सेवं भंते सेवं भंते ति एवं काउल्लेसेहिं वि सतं कण्हलेस्ससतसरिसं सेवं भंते सेवं भंते ति भवसिद्धियकडजुम्मकडजुम्मएगिंदिया णं भंते कओ उववज्जंति जहा ओहियसतं तहेव नवरं-एक्कारससु वि उद्देसएसु अहं भंते सव्वे पाणा जाव सव्वे सत्ता भवसिद्धियकडजुम्म-

सतं-३५, सताई २-१२

४९५

कडजुम्मएगिंदियत्ताए उववन्नपुव्वा गोयमा नो इण्ठे समट्टे सेसं तहेव सेवं भंते सेवं भंते ति कण्ह-
लेस्सभवसिद्धियकडजुम्मकडजुम्मएगिंदिया णं भंते कओ उववज्जंति एवं कण्हलेस्सभवसिद्धिय-
एगिंदिएहिं वि सतं बितियसतकण्हलेस्ससरिसं भाणियव्वं सेवं भंते सेवं भंते ति एवं नील-लेस्स-
भवसिद्धियएगिंदियएहिं वि सतं सेवं भंते सेवं भंते ति एवं काउलेस्सभवसिद्धियएगिंदिएहिं वि
तहेव एक्कारसउद्देसगसंजुतं सतं एवं एयाणि चत्तारि भवसिद्धिएसु सताणि चउसु वि सएसु सव्वे
पाणा जाय उववन्नपुव्वा नो इण्ठे समट्टे सेवं भंते सेवं भंते ति जहा भवसिद्धिएहिं चत्तारि सताइं
भाणियाइं एवं अभवसिद्धिएहिं वि चत्तारि सताणि लेस्सासंजुताणि भाणियव्वाणि सव्वे पाणा तहेव
नो इण्ठे समट्टे एव एयाइं वारस एगिंदियमहाजुम्मसताइं भवंति सेवं भंते सेवं भंते ति ।८६०-८५७

● पण्तीसइमं सतं - (२-१२ सताइं) समताइं ●

छत्तीसइमं सतं

卐 प ढ पं-बे इं दि य म हा जु म्म स तं 卐

—: प ढ मो—उ हे सो —:

(१०५८) कडजुम्मकडजुम्बेइंदिया णं भंते कओ उववज्जंति उववाओ जहा वक्कंतीए
परिमाणं सोलस वा संखेज्जा वा असंखेज्जा वा उववज्जंति अवहारो जहा उप्पलुद्देसए ओगाहणा
जहण्णेणं अंगुलस असंखेज्जइ भागं उक्कोसेणं वारस जोयाणाइं एवं जहा एगिंदियमहाजुम्माणं
पढमुद्देसएतहेव नवरंतिणिण्णे लेस्साओ देवा न उववज्जंति सम्मदिट्ठी वा मिच्छदिट्ठी वा नो सम्माभिच्छ-
दिट्ठी नाणी वा अण्णाणी वा नो मणजोगी वइजोगी वा कायजोगी वा ते णं भंते कडजुम्मकडजुम्-
बेइंदिया कालओ केवच्चिरं हांति गोयमा जहण्णेणं एक्कं समयं उक्कोसेणं संखेज्जं कालं ठिती
जहण्णेणं एक्कं समयं उक्कोसेणं वारस संवच्छराइं आहारो नियमं छदिसि तिणिण्णे समुधाया सेसं
तहेव जाय अनंतखुतो एवं सोलससु वि जुम्मेसु सेवं भंते सेवं भंते ति ।८६१-११-८६०-१

● छत्तीसइमे पढमे हते पढमो उद्देतो सप्ततो ●

—: उ हे सा—२-११ —:

(१०५९) पढमसमयकडजुम्मकडजुम्बेइंदिया णं भंते कओ उववज्जंति एवं जहा
एगिंदियमहाजुम्माणं पढमसमयउद्देसए दस नाणत्ताइं ताइं चेव दस इह वि एक्कारसमं इमं
नाणत्तं नो मणजोगी नो वइजोगी कायजोगी सेसं जहा वेइंदियाणं चेव पढमुद्देसए सेवं भंते सेवं
भंते ति एवं एएवि जहा एगिंदियमहाजुम्मेसु एक्कारस उद्देसगा तहेव भाणियव्वा नवरं चउत्थ-
अट्ठम-दसमेसु समत्त-नाणाणि न भण्णंति जहेव एगिंदिएसु पढमो तइओ पंचमो य एक्कगमा
सेसा अट्ठ एक्कगमा ।८६१-२१-८६०-२

● छत्तीसइमे सते पढमे सते २-११ उद्देता सप्तता ●

卐 २-१२ बेइंदियमहाजुम्मसताइं 卐

(१०६०) कण्हलेस्सकडजुम्मकडजुम्बेइंदिया णं भंते कओ उववज्जंति एवं चेव
कण्हलेस्सेसु वि एक्कारस उद्देसगसंजुतं सतं नवरं-लेस्सा संचिद्धाणा जहा एगिंदियकण्हलेस्साणं
एवं नीललेस्सेहिं वि सतं एवं काउलेस्सेहिं वि भवसिद्धियकडजुम्मकडजुम्बेइंदिया णं भंते एवं
भवसिद्धियसता वि चत्तारि तेणेव पुव्वगमणं नेयव्वा नवरं सव्वे पाणा नो तिण्ठे समट्टे सेसं तहेव
ओहिसताणि चत्तारि जहा भवसिद्धियसताणि चत्तारि एवं अभवसिद्धियसताणि चत्तारि

४९६

भगवई - ३६/२-१२-/१०६०

भाणियव्वाणि नवरं-सम्मत्त-णामाणि सव्वेहिं नत्थि सेसं तं चेव एवं एयाणि बारस बेइंदियमहाजुम्मसत्ताणि भवन्ति सेवं भन्ते सेवं भन्ते ति । ८६१-३।-८६१।-८६०-३, ८६०

● छत्तीसइमे सते २-१२ सताई समत्ताइं ● छत्तीसइमं सतं समत्तं ●

सत्ततीसइमं सतं

(१०६१) कडजुम्मकडजुम्मतेइंदिया णं भन्ते कओ उववज्जन्ति एवं तेइंदिएसु वि बारस सता कायव्वा बेइंदियसत्तसस्सि-नवरं-ओगाहणा-जहण्णेणं अंगुलस्स असंखेज्जइभागं उक्कोसेणं तिणिण गाउयाइं ठिती जहण्णेणं एक्कं समयं उक्कोसेणं एकूणवण्णं राइंदियाइं सेसं तहेव सेवं भन्ते सेवं भन्ते ति । ८६२।-८६१

● सत्ततीसइमं सतं समत्तं ●

अट्टतीसइमं सतं

(१०६२) चउरिंदिएहिं वि एवं चेव बारस सता कायव्वा नवरं-ओगाहणा जहण्णेणं अंगुलस्स असंखेज्जइभागं उक्कोसेणं चत्तारि गाउयाइं ठिति जहण्णेणं एक्कं समयं उक्कोसेणं छम्मासा सेसं जहा बेइंदियाणं सेवं भन्ते सेवं भन्ते ति । ८६३।-८६२

● अट्टतीसइं सतं समत्तं ●

एगूणयालीसइमं सतं

(१०६३) कडजुम्मकडजुम्मअसण्णिपंचिंदिया णं भन्ते कओ उववज्जन्ति जहा बेइंदियाणं तहेव असण्णिसु वि बारस सता कातव्वा नवरं-ओगाहणा जहण्णेणं अंगुलस्स असंखेज्जइभागं उक्कोसेणं जोचणसहस्सं संचिद्वाणा जहन्नेणं एक्कं समयं उक्कोसेणं पुव्वकोडीपुहत्तं ठिती जहण्णेणं एक्कं समयं उक्कोसेणं पुव्वकोडी सेसं जहा बेइंदियाणं सेवं भन्ते सेवं भन्ते ति । ८६४।-८६३

● एगूणयालीसइमं सतं समत्तं ●

चत्तालीसतिमं सतं

卐 प ढ पं-स णि पं चि दि य प हा जु म्प स तं 卐

:- प ढ मो-उ हे सो :-

(१०६४) कडजुम्मकडजुम्मअसण्णिपंचिंदिया णं भन्ते कओ उववज्जन्ति उववाओ चउसु वि गईसु संखेज्जवासाउय-असंखेज्जवासाउय-पज्जत्तएसु य न कओ वि पडिसे जाव अनुतरविमाण्णि परिमाणं अवहारो ओगाहणा य जहा असण्णिपंचिंदियाणं वेयणिज्जवज्जाणं सत्तण्हं पगडीणं बंधगा वा अबंधगा वा वेयणिज्जस्स बंधगा नो अबंधगा मोहणिज्जस्स वेदगा वा अवेदगा वा सेसाणं सत्तण्ह वि वेदगा नो अवेदगा सायवेदगा वा असायवेदगा वा मोहणिज्जस्स उदई वा अनुदई वा सेसाणं सत्तण्ह वि उदई नो अनुदई नामस्स गोयमस्स य उदीरगा नो अनुदीरगा सेसाणं छण्ह वि उदीरगा वा अनुदीरगा वा कण्हलेस्सा वा जाव सुक्कलेस्सा वा सम्मदिट्ठी वा मिच्छदिट्ठी वा सम्मामिच्छदिट्ठी वा नाणी वा अण्णाणी वा मणजोगी वइजोगी कायजोगी उवओगो वण्णमादी उस्सासगा वा नीसासगा वा आहारगा य जहा एण्दिदियाणं विरया य अविरया य विरयाविरया य सकिरिया नो अकिरिया ते णं भन्ते जीवा किं सत्तविहबंधगा अट्ठविहबंधगा छव्विहबंधगा

सतं-४०, पदमे सते, उद्देशो-१

४९७

एगविहबंधगा वा गोयमा सत्तविहबंधगा वा जाव एगविहबंधगा वा ते णं भंते जीवा किं आहारसण्णोवउत्ता जाव परिगहसण्णोवउत्ता नोसण्णोवउत्ता गोयमा आहारसण्णोवउत्ता जाव नोसण्णोवउत्ता वा सव्वत्थ पुच्छा भाणियव्वा-कोहकसायी वा जाव लोभकसायी वा अकसायी वा इत्थीवेदगा वा पुरिसवेदगा वा नपुंसगवेदगा वा अवेदगा वा इत्थिवेदबंधगा वा पुरिसवेदबंधगा वा नपुंसगवेदबंधगा वा अबंधगा वा सण्णी नो असण्णी सइंदिया नो अणिंदिया संचिद्धाण एककं समयं उक्कोसेणं सागरोवमसयपुहत्तसातिरेणं आहारो तहेव जाव नियमं छट्ठिसि ठिती जहण्णेणं एककं समयं उक्कोसेणं तेत्तीसं सागरोवमाइं छ समुग्धाया आदिल्ला मारणंतियसमुग्धाएणं समोहया वि मरंति असमोहया वि मरंति उववट्ठणा जहेव उववाओ न कत्थइ पडिसेहो जाव अनुतरविमाणति अह भंते सव्वेपाणा जाव अनंतखुत्तो एवं सोलससु वि जुम्मेसु भाणियव्वं जाव अनंतखुत्तो नवरं-परिमाणं जहा वेइंदियाणं सेसं तहेव सेवं भंते सेवं भंते ति । ८६५-१-८६५-१

● चत्तालीसतिमे सते पदमे सते पदमो उद्देशो समत्तो ●

—: (४०-१)—२-११ उद्देशो सा :—

(१०६५) पदमसमयकडजुम्मकडजुम्मसण्णिपंचिंदिया णं भंते कओ उववज्जंति उववाओ परिमाणं आहारो जहा एएसिं चेव पदमोद्देशेण ओगाहणा बंधो वेदो वेदणा उदयी उदीरगा य जहा वेइंदियाणं पदमसमय्याणं तहेव कण्हलेस्सा वा जाव सुक्कलेस्सा वा सेसं जहा वेइंदियाणं पदमसमय्याणं जाव अनंतखुत्तो नवरं-इत्थिवेदगा वा पुरिसवेदगा वा नपुंसगवेदगा वा सण्णिणो नो असण्णिणो सेसं तहेव एवं सोलससु वि जुम्मेसु परिमाणं तहेव सव्वं सेवं भंते सेवं भंते ति एवं एत्थ वि एक्कारस उद्देशगा तहेव पदमो तइओ पंचमो य सरिसगमा सेसा अट्ठ वि सरिसगमा चउत्थ-अट्ठ-दसमेसु नत्थि विसेसो कायव्यो सेवं भंते सेवं भंते ति । ८६५-२-१-८६५-१-८६५-१-८६५-१

● चत्तालीसतिमे हते पदमं सते २-११ उद्देशो समत्ता ●

● चत्तालीसतिमे सते पदमं सतं समत्तं ●

卐 वि ति ये—स ण्णि पं चिं दि य म हा जु म्म स तं 卐

(१०६६) कण्हलेस्सकडजुम्मकडजुम्मसण्णिपंचिंदिया णं भंते कओ उववज्जंति तहेव पदमुद्देशो सण्णीणं नवरं-बंध-वेद-उदइ-उदीरण-लेस्स-बंधगा-सण्ण-कसायवेदबंधगा य एयाणि जहा वेइंदियाणं कण्हलेस्साणं वेदो तिचिहो अवेदगा नत्थि संचिद्धाणा जहण्णेण एककं समयं उक्को-सेणं तेत्तीसं सागरोवमाइं अंतो मुहुत्तमब्भहियाइं एवं ठिती वि नवरं-ठितीए अंतो मुहुत्तमब्भहियाइं न भण्णंति सेसं जहा एएसिं चेव पदमं उद्देशेण जाव अनंतखुत्तो एवं सोलससु वि जुम्मेसु सेवं भंते सेवं भंते ति पदमसमयकण्हलेस्सकडजुम्मकडजुम्मसण्णिपंचिंदिया णं भंते कओ उववज्जंति जहा सण्णिपंचिंदियपदमसमयउद्देशेण तहेव निरवसेसं नवरं- ते णं भंते जीवा कण्हलेस्सा हंता कण्हलेस्सा सेसं तं चेव एवं सोलससु वि जुम्मेसु सेवं भंते सेवं भंते ति एवं एए वि एक्कारस उद्देशगा कण्हलेस्सए पदम-ततिय-पंचमा सरिसगमा सेसा अट्ठ वि सरिसगमा सेवं भंते सेवं भंते ति । ८६६-१-१-८६६-१-८६६-१

● चत्तालीस तितमे सते बीतिय सतं समत्तं ●

卐 ३-२१ सण्णिमहाजुम्मसत्ताइं 卐

(१०६७) एवं नीललेस्सेसु वि सतं नवरं-संचिद्धाणा जहण्णेण एककं समयं उक्कोसेणं दस सागरोवमाइं पलिओवमस्स असंखेज्जइभागमब्भहियाइं एवं ठिती वि एवं तिसु उद्देशेसु सेसं तं

चेव सेवं भंते सेवं भंते ति एवं काउलेस्सतं वि नवरं-संचिद्वणा जहण्णेणं एककं समयं उक्कोसेणं तिणिणं सागरोवमाइं पलिओवमस्स असंखेज्जइभागमब्भहियाइं एवं ठितीवि एवं तिसु वि उद्देसएसु सेसं तं चेव सेवं भंते सेवं भंते ति एवं तेउलेस्सेसु वि सतं नवरं-संचिद्वणा जहण्णेणं एककं समयं उक्कोसेणं दो सागरोवमाइं पलिओवमस्स असंखेज्जइभागइमब्भहियाइं एवं ठितीवि नवरं-नोसण्णोवउत्ता वा एवं तिसु वि उद्देसएसु सेसं तं चेवे सेवं भंते सेवं भंते ति जहा तेउलेस्ससतं तथा पण्हलेस्ससतं पि नवरं-संचिद्वणा जहण्णेणं एककं समयं उक्कोसेणं दस सागरोवमाइं अंतोमुहुत्त-मब्भहियाइं एवं ठितीवि नवरं-अंतोमुहुत्तं न भण्णति सेसं तं चेव एवं एसु पंचसु सत्तेसु जहा कण्हलेस्ससते गमओ तथा नेयव्वो जाव अनंतखुत्तो सेवं भंते सेवं भंते ति सुक्कलेस्ससतं जहा ओहियसतं नवरं-संचिद्वणा ठिती य जहा कण्हलेस्ससते सेसं तहेव जाव अनंतखुत्तो सेवं भंते सेवं भंते ति भवसिद्धीयकडजुम्मकडजुम्मसण्णिपंचिदिया णं भंते कओ उववज्जति जहा पढमं सण्णिसतं तथा नेयव्वं भवसिद्धीयाभिलावेणं नवरं-सव्वे पाणा नो तिण्णट्ठे समट्ठे सेसं तं चेव सेवं भंते सेवं भंते ति कण्हलेस्सभवसिद्धीयकडजुम्मकडजुम्मसण्णिपंचिदिया णं भंते कओ उववज्जति एवं एएणं अभिलावेणं जहा ओहियकण्हलेस्सतं सेवं भंते सेवं भंते ति एवं नीललेस्सभवसिद्धीए वि सतं सेवं भंते सेवं भंते ति एवं जहा ओहियाणि सण्णिपंचिदियाणं सत्त सत्ताणि भण्णिवाणि एवं भवसिद्धीएहि वि सत्त सत्ताणि कायव्याणि नवरं-सत्तसु वि सत्तेसु सव्वे पाणा जाव नो तिण्णट्ठे समट्ठे सेसं तं चेव सेवं भंते सेवं भंते ति

अभवसिद्धीयकडजुम्मकडजुम्मसण्णिपंचिदिया णं भंते कओ उववज्जति उववाओ तहेव अनुत्तरविमाणवज्जो परिमाणं अवहारो उच्चतं बंधो वेदो वेदणं उदओ उदीरणा य जहा कण्ह-लेस्ससते कण्हलेस्सा वा जाव सुक्कलेस्सा वा नो सम्मदिट्ठी मिच्छादिट्ठी नो सम्मामिच्छादिट्ठी नो नाणी अण्णाणी एवं जहा कण्हलेस्ससते नवरं-नो विरया अविरया नो विरयाविरया संचिद्वणा ठिती य जहा ओहिउद्देसए समुधाया आदिल्ला पंच उव्वइणा तहेव अनुत्तरविमाणवज्जं सव्वे पाणा नो तिण्णट्ठे समट्ठे सेसं जहा कण्हलेस्ससते जाव अनंतखुत्तो एवं सोलससु वि जुम्मेसु सेवं भंते सेवं भंते ति पढमसमयअभवसिद्धीयकडजुम्मकडजुम्मसण्णिपंचिदिया णं भंते कओ उववज्जति जहा सण्णीणं पढमसमयउद्देसए तहेव नवरं-सम्मतं सम्मामिच्छतं नाणं च सव्वत्थ नत्थि सेसं तहेव सेवं भंते सेवं भंते ति एवं एत्थ वि एककारस उद्देसगा कायव्या पढम-तइय-पंचमा एककगमा सेसा अट्ठ वि एककगमा सेवं भंते सेवं भंते ति कण्हलेस्सअभवसिद्धीयकडजुम्मकडजुम्मसण्णिपंचिदिय णं भंते कओ उववज्जति जहा एएसिं चेव ओहियसतं तथा कण्हलेस्ससयं पि नवरं- ते णं भंते जीवा कण्हलेस्सा हंता कण्हलेस्सा ठिती संचिद्वणा य जहा कण्हलेस्ससते सेसं तं चेव सेवं भंते सेवं भंते ति एवं छहि वि लेस्साहिं छ सता कायव्या जहा कण्हलेस्सासतं नवरं-संचिद्वणा ठिती य जहेव ओहियसते तहेव भाणियव्या नवरं-सुक्कलेस्साए उक्कोसेणं इक्कतीसं सागरोवमाइं अंतोमुहुत्त-मब्भहियाइं ठिती एवं चेव नवरं-अंतोमुहुत्तं नत्थि जहण्णं तहेव सव्वत्थ सम्मत-नाणाणि नत्थि विरई विरयाविरई अनुत्तरविमाणोववत्ति-एयाणि नत्थि सव्वे पाणा नो तिण्णट्ठे समट्ठे सेवं भंते सेवं भंते ति एवं एयाणि सत्त अभवसिद्धीयमहाजुम्मसत्ताइं भवन्ति सेवं भंते सेवं भंते ति एवं एयाणि एककवीसं सण्णिमहाजुम्मसत्ताणि सव्वाणि वि एकासीतिमहाजुम्मसत्ताइं १८६६-१८६७

● चत्तालीसतिमे सत्ते ३-२१ सत्ताइं सत्ताइं ●

● चत्तालीसतिमं सतं सभत्तं ●

एगवत्तालीसतिमं - सतं

—: प ढ मो—उ हे सो :—

(१०६८) कति णं भंते रासीजुम्मा पत्रत्ता गोयमा चत्तारि रासीजुम्मा पत्रत्ता तं जहा-कडजुम्मे जाव कलियोगे से केणट्टेणं भंते एवं वुच्चइ-चत्तारि रासीजुम्मा पत्रत्ता तं जहा-कडजुम्मे जाव कलियोगे गोयमा जे णं रासी चउक्कएणं अवहारेणं अवहीरमाणे चउपज्जवसिए सेतं रासीजुम्माकडजुम्मे एवं जाव जे णं रासी चउक्कएणं अवहारेणं एगपज्जवसिए सेतं रासीजुम्मा-कलियोगे से तेणट्टेणं जाव कलियोगे रासीजुम्माकडजुम्मेनेरइया णं भंते कओ उववज्जंति उववाओ जहा वक्कंतीए ते णं भंते जीवा एगसमएणं केवइया उववज्जंति गोयमा चत्तारि वा अट्ठ वा बारस वा सोलस वा संखेज्जा वा असंखेज्जा वा उववज्जंति ते णं भंते जीवा किं संतरं उववज्जंति निरंतरं उववज्जंति गोयमा संतरं पि उववज्जंति निरंतरं पि उववज्जंति संतरं उववज्जमाणा जहण्णेणं एककं समयं उक्कोसेणं असंखेज्जे समए अंतरं कट्ठ उववज्जंति निरंतरं उववज्जमाणा जहण्णेणं दो समया उक्कोसेणं असंखेज्जा समया अनुसमयं अविरहिवं निरंतरं उववज्जंति ते णं भंते जीवा जं समयं कडजुम्मा तं समयं तेयोगा जं समयं तेयोगा तं समयं कडजुम्मा नो तिणट्टे समट्ठे जं समयं कडजुम्मा तं समयं दावरजुम्मा जं समयं दावरजुम्मा तं समयं कडजुम्मा नो तिणट्टे समट्ठे जं समयं कडजुम्मा तं समयं कलियोगा जं समयं कलियोगा तं समयं कडजुम्मा नो तिणट्टे समट्ठे, ते णं भंते जीवा कहिं उववज्जंति गोयमा से जहानामए पवए पवमाणे एवं जहा उववायसते जाव नो परप्पयोगेणं उववज्जंति ते णं भंते जीवा किं आयजसेणं उववज्जंति आयजसेणं उववज्जंति गोयमा नो आयजसेणं उववज्जंति आयजसेणं उववज्जंति जइ आयजसेणं उववज्जंति-किं आयजसं उवजीवंति आयजसं उवजीवंति गोयमा नो आयजसं उवजीवंति आयजसं उवजीवंति जइ आयजसं उवजीवंति-किं सलेस्सा अलेस्सा गोयमा सलेस्सा नो अलेस्सा जइ सलेस्सा किं सकिरिया अकिरिया गोयमा सकिरिया नो अकिरिया जइ सकिरिया तेणेव भवग्गहणेणं सिज्जंति जाव सव्वदुक्खाणं अंतं करेति नो तिणट्टे समट्ठे रासीजुम्माकडजुम्माअसुरकुमारा णं भंते कओ उववज्जंति जहेव नेरतिवा तहेव निरवसेसं एवं जाव पंचिंदियतिरिक्खजोणिया नवरं-वणस्सइ-काइया जाव असंखेज्जा वा अनत्ता वा उववज्जंति सेसं एवं चेव मणुस्सा वि एवं चेव जाव नो आयजसेणं उववज्जंति आयजसेणं उववज्जंति जइ आयजसेणं उववज्जंति-किं आयजसं उवजीवंति आयजसं उवजीवंति गोयमा आयजसं पि उवजीवंति आयजसं पि उवजीवंति जइ आयजसं उवजीवंति किं सलेस्सा अलेस्सा गोयमा सलेस्सा वि अलेस्सा वि जइ अलेस्सा किं सकिरिया अकिरिया गोयमा नो सकिरिया अकिरिया जइ अकिरिया तेणेव भवग्गहणेणं सिज्जंति जाव सव्वदुक्खाणं अंतं करेति हंता सिज्जंति जाव सव्वदुक्खाणं अंतं करेति जइ सलेस्सा किं सकिरिया अकिरिया गोयमा सकिरिया नो अकिरिया जइ सकिरिया तेणेव भवग्गहणेणं सिज्जंति जाव सव्वदुक्खाणं अंतं करेति गोयमा अत्येगइया तेणेव भवग्गहणेणं सिज्जंति जाव सव्वदुक्खाणं अंतं करेति अत्येगइय नो तेणेव भवग्गहणेणं सिज्जंति जाव सव्वदुक्खाणं अंतं करेति जइ आयजसं उवजीवंति किं सलेस्सा अलेस्सा गोयमा सलेस्सा नो अलेस्सा जइ सलेस्सा किं सकिरिया अकिरिया गोयमा सकिरिया नो अकिरिया जइ सकिरिया तेणेव भवग्गहणेणं सिज्जंति जाव सव्वदुक्खाणं अंतं करेति नो इणट्टे समट्ठे वाणमंतरजोइसियवेमाणिया जहा नेरइया

५००

भागई - ४१/-१/१०६८

सेवं भंते सेवं भंते ति । ८६७-१।-८६६-१

● एगचतालीसतिमे सत्ते पढमो उद्देसो समत्तो ●

—: बी ओ—उ दे सो :—

(१०६१) रासीजुम्मतेओयनेरइया णं भंते कओ उववज्जंति एवं चेव उद्देसओ भाणियव्वो नवरं-परिमाणं तिण्णि वा सत्त वा एक्कारस वा पन्नरस वा संखेज्जा वा असंखेज्जा वा उववज्जंति संतरं तहेव ते णं भंते जीवा जं समयं तेयोगा तं समयं कडजुम्मा जं समयं कडजुम्मा तं समयं तेयोगा नो इण्ठे समट्ठे जं समयं तेयोगा तं समयं दावरजुम्मा जं समयं दावरजुम्मा तं समयं तेयोगा नो इण्ठे समट्ठे एवं कलियोगेण वि समं सेसं तं चेव जाव वेमाणिया नवरं उववाओ सब्वेसिं जहा वक्कंतीए सेवं भंते सेवं भंते ति । ८६७-२।-८६६-२

● एगचतालीसतिमे सत्ते बीओ उद्देसो समत्तो ●

—: त इ ओ—उ दे सो :—

(१०७०) रासीजुम्मदावरजुम्मेनेरइया णं भंते उववज्जंति एवं चेव उद्देसओ नवरं-परिमाणं दो वा छ वा दस वा संखेज्जा वा असंखेज्जा वा उववज्जंति संवेहो ते णं भंते जीवा जं समयं दावरजुम्मा वि स एवं कलियोगेण वि समं सेसं जहा पढमुद्देसए जाव वेमाणिया सेवं भंते सेवं भंते ति । ८६७-३।-८६६-३

● एगचतालीसतिमे सत्ते तइओ उद्देसो समत्तो ●

—: च उ त्यो—उ दे सो :—

(१०७१) रासीजुम्मकलियोगेनेरइया णं भंते कओ उववज्जंति एवं चेव नवरं-परिमाणं एक्को वा पंच वा नव वा तेरस वा संखेज्जा वा असंखेज्जा उववज्जंति संवेहो ते णं भंते जीवा जं समयं कलियोगा तं समयं कडजुम्मा जं समयं कडजुम्मा तं समयं कलियोगा नो इण्ठे समट्ठे एवं तेयोगेण वि समं एवं दावरजुम्मेण वि समं सेसं जहा पढमुद्देसए जाव वेमाणिया सेवं भंते सेवं भंते ति । ८६७-४।-८६६-४

● एगचतालीसतिमे सत्ते चउत्थो उद्देसो समत्तो ●

—: ५-२८—उ दे सा :—

(१०७२) कण्हलेस्सरासीजुम्मकडजुम्मेनेरइया णं भंते कओ उववज्जंति उववाओ जहा धूमप्पमाए सेसं जहा पढमुद्देसए असुरकुमारणं तहेव एवं जाव वाणमंतरा मणुस्साण वि जहेव ने-रइयाणं आयअजसं उवजीरंति अलेस्सा अकिरिया तेणेव भवग्गहणेणं सिज्जंति एवं न भाणियव्वं सेसं जहा पढमुद्देसए सेव भंते सेवं भंते ति कण्हलेस्सतेयोएहिं वि एवं चेव उद्देसओ सेवं भंते सेवं भंते ति कण्हलेस्सदावरजुम्मेहिं एवं चेव उद्देसओ सेवं भंते सेवं भंते ति कण्हलेस्सकलियोएहिं वि एवं चेव उद्देसओ परिमाणं संवेहो य जहा ओहिएसु उद्देसएसु सेवं भंते सेवं भंते ति जहा कण्हलेस्सेहिं एवं नीललेस्सेहिं वि चत्तारि उद्देसगा भाणियव्वानिरवसेसा नवरं-नेरइयाणं उववाओ जहा वालुप्पमाए सेसं तं चेव सेवं भंते सेवं भंते ति काउलेस्सेहिं वि एवं चेव चत्तारि उद्देसगा कायव्वानवरं-नेरइयाणं उववाओ जहा रयणप्पमाए सेसं तं चेव सेवं भंते सेवं भंते ति तेउलेस्सरासीजुम्मकडजुम्मेअसुरकुमारा णं भंते कओ उववज्जंति एवं चेव नवरं-जेसु तेउलेस्सा

स्तं-४१, उद्देश-५-२८

५०१

अथि तेसु भाणियव्वा एवं एए वि कण्हलेस्सा सरिसा चत्तारि उद्देशगा कायव्वा सेवं भंते सेवं भंते ति एवं पण्हलेस्साए वि चत्तारि उद्देशगा कायव्वा पंचिंदियतिरिक्खजोणियाणं मणुस्साणं वेमाणियाणं य एएसि पण्हलेस्सा सेसाणं नथि सेवं भंते सेवं भंते ति जहा पण्हलेस्साए एवं सुक्कलेस्साए वि चत्तारि उद्देशगा कायव्वा नवरं-मणुस्साणं गमओ जहा ओहिउद्देशएसु सेसं तं चेव एवं एए छसु लेस्सासु चउवीसं उद्देशगा ओहिया चत्तारि सब्बे ते अट्ठावीसं उद्देशगा भवन्ति सेवं भंते सेवं भंते ति । ८६७-५१-८६६-५

● एगचत्तालीसतिमे सते ५-२८ उद्देशा सप्तता ●

—: २९-५६—उ दे सा :—

(१०७३) भवसिद्धिरासीजुम्मकडजुम्मेनेरइया णं भंते कओ उववज्जंति जहा ओहिया पढमगा चत्तारि उद्देशगा तहेव निरवसेसं एए चत्तारि उद्देशगा सेवं भंते सेवं भंते ति कण्हलेस्स-भवसिद्धिरासीजुम्मकडजुम्मेनेरइया भंते कओ उववज्जंति जहा कण्हलेस्साए चत्तारि उद्देशगा भवन्ति तथा इमे वि भविसिद्धियकण्हलेस्सेहि वि चत्तारि उद्देशगा कायव्वा एवं नील-लेस्सभवसिद्धि-एहि वि चत्तारि उद्देशगा कायव्वा एवं काउलेस्सेहि वि चत्तारि उद्देशगा तेउलेस्सेहि वि चत्तारि उद्देशगा ओहियसरिसा पण्हलेस्सेहि वि चत्तारि उद्देशगा सुक्कलेस्सेहि वि चत्तारि उद्देशगा ओहियसरिसा एवं एए वि भवसिद्धि ए वि अट्ठावीसं उद्देशगा भवन्ति सेवं भंते सेवं भंते ति । ८६७-६१-८६६-६

● एगचत्तालीसतिमे सते २९-५६ उद्देशा सप्तता ●

—: ५७-८४—उ दे सा :—

(१०७४) अभवसिद्धिरासीजुम्मकडजुम्मेनेरइया णं भंते कओ उववज्जंति जं पढमो उद्देशगो नवरं-मणुस्सा नेरइया य सरिसा भाणियव्वा सेसं तहेव सेवं भंते सेवं भंते ति एवं चउसु वि जुम्मेसु चत्तारि उद्देशगा कण्हलेस्सअभवसिद्धिरासीजुम्मकडजुम्मेनेरइया णं भंते कओ उववज्जंति एवं चेव चत्तारि उद्देशगा एवं नीललेस्साअभवसिद्धिरासीजुम्मकडजुम्मेनेरइयाणं चत्तारि उद्देशगा काउलेस्सेहि वि चत्तारि उद्देशगा तेउलेस्सेहि वि चत्तारि उद्देशगा पण्हलेस्सेहि वि चत्तारि उद्देशगा सुक्कलेस्सअभवसिद्धि एहि वि चत्तारि उद्देशगा एवं एएसु अट्ठावीसाए वि अभवसिद्धि उद्देशएसु मणुस्सानेरइयागमेणं नेयव्वा सेवं भंते सेवं भंते ति । ८६७-७१-८६६-७

● एगचत्तालीसतीमे सते ५७-८४ उद्देशा सप्तता ●

—: ८५-११२—उ दे सा :—

(१०७५) सम्मदिट्ठीरासीजुम्मकडजुम्मेनेरइया णं भंते कओ उववज्जंति एवं जहा पढमो उद्देशओ एवं चउसु वि जुम्मेसु चत्तारि उद्देशगा भवसिद्धियसरिसाकायव्वा सेवं भंते सेवं भंते ति कण्हलेस्ससम्मदिट्ठीरासीजुम्मकडजुम्मेनेरइया णं भंते कओ उववज्जंति एए वि कण्हलेस्ससरिसा चत्तारि वि उद्देशगा कायव्वा एवं सम्मदिट्ठीए वि भवसिद्धियसरिसा अट्ठावीसं उद्देशगा कायव्वा सेवं भंते सेवं भंते ति जाव विहरइ । ८६७-८१-८६६-८

● एगचत्तालीसतीमे सते ८५-११२ उद्देशा सप्तता ●

—: ११३-१४०—उ दे सा :—

(१०७६) मिच्छादिट्ठीरासीजुम्मकडजुम्मेनेरइया णं भंते कओ उववज्जंति एवं एत्य वि

मिच्छादिद्वियाभिलाषेणं अभवसिद्धियसरिसा अद्वावीसं उद्देसगा कायव्वा सेवं भंते सेवं भंते
ति।८६७-९१-८६६-९

● एगवतालीसतीमे सते ११३-१४० उद्देसा सपत्ता ●

—: १४१-१६८—उद्दे सा :—

(१०७७) कण्हपक्खियरासीजुम्मकडजुम्मनेरइयाणं भंते कओ उववज्जंति एवं एत्थ वि
अभवसिद्धियसरिसा अद्वावीसं उद्देसगा कायव्वा सेवं भंते सेवं भंते ति।८६७-९०१-८६६-१०

● एगवतालीसतीमे सते १४१-१६८ उद्देसा सपत्ता ●

—: १६९-१९६—उद्दे सा :—

(१०७८) सुक्कपक्खियरासीजुम्मकडजुम्मनेरइया णं भंते कओ उववज्जंति एवं एत्थ वि
भवसिद्धियसरिसा अद्वावीसं उद्देसगा भवन्ति एवं एए सव्वे वि छन्नउयं उद्देसगसयं भवति
रासीजुम्मसयं जाव सुक्कलेस्ससुक्कपक्खियरासीजुम्मकलियोगेवेमाणिया जाव- जइ सकिरिया
तेणेव भवगहणेणं सिज्झंति जाव सव्वदुक्खाणं अंतं करेति नो इण्ठे समट्ठे सेवं भंते सेवं भंते ति
।८६७-१११-।८६७-८६६-११- ८६६

(१०७९) भगवं गोयमे समणं भगवं महावीरं तिकवुतो आयाहिणं-पयाहिणं करेइ करेत्ता
वंदति नमंसति वंदित्ता नमंसित्ता एवं वयासी-एवमेयं भंते तहमेयं भंते अवितहमेयं भंते
असंदिद्धमेयं भंते इच्छियमेयं भंते पडिच्छियमेयं भंते इच्छिय-पडिच्छियमेयं भंते सच्चे णं एसमट्ठे जे
णं तुब्धे वदह ति कड्डु अपुव्ववयणा खलु अरहंता भगवंतो समणं भगवं महावीरं वंदति नमंसति
वंदित्ता नमंसित्ता संजमेणं तवसा अप्पाणं भावेमाणे विहरइ।८६८-१२१।८६८-८६७-१२ - ८६७

● एगवतालीसतिमं सतं सपत्तं ●

सव्वाए भगवईए अद्दतीसं सतं सयाणं (१३८) उद्देसगाणं एगूणविसत्तिसताणी पंचविं-
सइअहियाणी (१९२५)

(१०८०) चुलसीइ सयसहस्सा पदाण पवरवरणाणदंसीहिं

भावाभावमणंता पन्नत्ता एत्थमंगमि

॥१०९॥-१

(१०८१) तवनियमविणयवेलो जयति सदा नाणविमलविपुलजलो

हेतुसतविपुलवेगो संघसमुदो गुणविसालो

॥११०॥-२

(१०८२) नमो गोयमाईणं गणहराणं नमो भगवईए विवाहपन्नतीए नमो दुवालसंगस्स

गणिपिडगस्स।८६९-११-८६८-१

(१०८३) कुम्मसुसंठियचलणा अमलियकोरेंटबेंटसंकासा

सुयदेवया भगवई मम मत्तितिमिरं पणासेउ

॥१११॥

(१०८४) वियसियअरविंदकरा नासियतिमिरा सुयाहिया देवी

मज्झं पि देउ मेहं बुहविबुहणमंसिया निच्चं

॥११२॥-१

(१०८५) सुयदेवयाए पणमिमो जीए पसाएण सिक्खियं नाणं

अण्णं पवयणदेविं संतिकरिं तं नमंसमि

॥११३॥-१

(१०८६) सुयदेवया य जक्खो कुंभघरो बंभसंतिवेरोद्धा

विज्जा य अंतहुंडी देउ अविग्गं लिहंतस्स

॥११४॥-१

(१०८७) पत्रत्तीए आइमाणं अट्ठण्हं सयाणं दो दो उद्देसगा उद्दिसिज्जंति नवरं-चउत्थे सए पढमदिवसे अट्ठ वित्तियदिवसे दो उद्देसगा उद्दिसिज्जंति नवपाओ सताओ आरद्धं जावइयं-जावइयं ठवेति तावतियं-तावतियं उद्दिसिज्जंति उक्कोसेणं सत पि एगदिवसेणं मज्झिमेणं दोहिं दिवसेहिं सतं जहण्णेणं तिहिं दिवसेहिं सतं एवं जाव वीसतिमं सतं नवरं-गोसालो एगदिवसेणं उद्दिसिज्जंति जदि ठियो एगेणं चेव आयंविसेणं अनुण्णवति अहण्णं ठितो आयंविसेणं छट्ठेणं अनुण्णवति एकक्कीस-बावीस-त्तेयीसतिमाइं सताइं एकक्केक्कदिवसेणं उद्दिसिज्जंति चउवीसतिमं सतं दोहिं दिवसेहिं छ-छ उद्देसगा पंचवीसतिमं दोहिं दिवसेहिं छ-छ उद्देसगा वंघिसयाइं अट्ठसयाइं एगेणं दिवसेणं सेट्ठियसाइं बारस एगेणं एगिंदियमहाजुम्मसयाइं बारस एगेणं एवं वेइंदियाणं बारस तेंदियाणं बारस चउरिंदियाणं बारस एगेणं असण्णिपंचिंदियाणं बारस सण्णिपंचिंदियमहाजुम्म-सयाइं एकक्कीसं एगदिवसेणं उद्दिसिज्जंति रासीजुम्मसतं एगदिवसेणं उद्दिसिज्जति । ८६९।-४६४

पंचमं अंगसुत्तं

भगवई समत्तं

अवरनाम - विवाह पन्नत्ति-समत्तं

સુચના પત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્ળગ ક્રમાંક સૂચવે છે. [અણુક્રમ]
૨. છેડે જમણી બાજુએ દર્શાવેલ સિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મૂકેલો છે. [સુત્તંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષાનો ગાથાંક મૂકેલો છે. [ગાથંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

૪૫-આગમના પ્રધાન આર્થિક અનુદાતા

સમ્યક્ શ્રુતાનુરાગી શ્ર.મ.જો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

પ સાધ્વીશ્રી રત્નત્રયાશ્રીજીના પ્રશિષ્યા સા. સમશાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર. , [હાલ - મુંબઈ]